

soluendæ vsuræ accommodare solet, administrator. que horum substituitur, qui omnia ornamenta unicuique secundum ordinem, quotiens opus fuerit, distribuit, rursumque ea ab eisdem recipit & referuat ex legatione tandem reuersi certam pecuniam pro vsurpatione vestium & ceterorum ornamentorum secundum pactum magno Duci numerant, vestesque restitunt: quod si aliquis ornamentum accommodatum commaculauerit, tunc verberibus emendatus, illud soluere cogitur.

Hic mos apud omnes Ruthenos & Moschouitas, quotannis certis diebus obseruatur, adolecētes, pueri, plurimique viri vxorati, extra ciuitatem pagumve in locum amplum & eminentiorem confluunt, unde ab hominum congregatione videantur, ibique quibusdam sibilis & vociferationibus (secundum gentis morem) signo dato, concurrunt, manusque absque ullo armorum genere conferunt certamen, pugnis, pedibus, magno cum impetu faciem, pectus, ventrem, & genitalia vtrinque quatientes, ineunt, sæpeque inde semiuui plerunq; etiam mortui exportantur. Hoc autem certaminis genus ideo institutum dicunt, ut adolecētes assuecant verbera pati, & quoscunque impetus perferre.

#### DE MAGNI MOSCHOVIÆ DV-

cis, Ioannis Basiliadis tyrannide.

##### Caput V.

**A**bsoluto breuiter situ regionum Russiæ, magno Moschouiæ principi subiectarū, religione, moribus denique, & consuetudine gentis, de moderno principe Moschouiæ Ioanne Basiliade, eiusque tyrannide

ade quædam dicenda nobis restant. Sed antequam rem ipsam aggrediemur, pauca de titulo illius quotitur, lectori haud aspernanda præponemus.

A tempore Ruriczki primi Nouogrodix magnæ Ducis, de quo superius dictum est, omnes ferè principes Russiæ non alio titulo quàm magnorum ducatum, Wolodimirix vel Nouogrodix magnæ, vel Moschouiæ utebantur, usque ad Basilium Ioannis Magni, patrem moderni principis Ioannis Basiliadis, de quo hoc nostrum propositum est. Hic enim Basilius rebus suis feliciter procedentibus, & filius eius post eum modernus princeps titulum & nomen regium plurimorumque magnorum ducatum sibi vendicare ceperunt, in hunc modum: Nos magnus Dominus, Rex, & magnus Dux totius Russiæ, Ioannes Basiliades, magnus Dux Wolodimirix, Nouogrodix magnæ, Moschouiæ, Pskouiæ, Smolenskix, Thweriæ, Iugariæ, Permiæ, Viatkiæ, Bulgariæ, Rex Casaniæ, Astrabaniæ, dominus & magnus Dux Nouogrodix inferioris, Czernihouiæ, Rezaniæ, Wolochdiæ, Rso- uia, Bielloiæ, Rostouiæ, Iaroslauix, Poloczkiæ, Biellozieriæ, Vdoriæ, Obdoriæ, Condimiæ, dominus Scueriæ, Liuoniæque, & magnarum regionum, Orientem, Meridiem, Septentrionem, & Occidentem versus, dominus legitimus, hæres & successor.

Nunc autem multi eum imperatoris titulo, præcipuè verò Germani venerantur, qui deductionem verbi *Czar* Slauonicæ linguæ ignorantes, pro rege imperatorem ponunt. Quid igitur hoc nomen (*Czar* *Czardistio* in Slauonico sonaret, breuiter exponemus. *Czar*, nis regē significans hoc verbum in Ruthenico idiomate, regem, *Czar* *gnificans* suo verò, regnum significat, & hoc nomine Mo- *expositio*.

*Titulus Moschouiæ ducis.*



1946

1383











76



lib. rar. vid. B. II, 64.

E. XVII, 483.



B. H. 64.

14 =

QVORVM PRI-  
MVS OMNIVM POLO-  
NIÆ REGVM, A LECHO PRI-  
MO GENTIS DVCE, AD STEPHANVM BA-

ADIECTA RECENS HISTORIARVM IN NO-  
stram aetatem incidentium continua narratione.

II. PROVINCIA RVM, QVÆ VNO SARMA-  
tiæ Europææ nomine vulgò veniunt, choro-  
graphicam descriptionem continet.

III. RES SINGVLARITER A POLONIS IN  
Valachia gestas, Orationes item & Epistolas sceptri  
Polonici negocia concernentes habet.

ALEXANDRO GVAGNINO, EQVITE AV-  
rato peditumque praefecto autore.



*Bibliotheca  
Ch. Johannis Engelberti  
Jussula-Mariae Praëbi  
no 1665.*

FRANCOFVRTI

Excudebat Ioann. Wechelus, impensis Sigis. Feyerabendij

2. Krigsborien. J. G. Krigsborien. 1840

20. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845.





1383.1946

XVI, 8°-32



EPISTOLA NVNCVPATORIA,

AD

ILLVSTREM,  
AC GENEROSVM DO-  
MINVM, DN. MARCV M FVG-  
GERVM, DOMINVM IN KIRCH-  
berg, & Weiffenhorn, &c. atque vrbi Impe-  
riali Auguftę Vindelic. Præfectum in Re-  
pub. fpectatiffimum : Dominum,  
& Meccœnatem fuum  
clementem.



*IRTVT*EM omnes  
admirari, illuftris, &  
generofe vir : etiam  
homines ab ea planè a-  
lienos, conftat: tum mi-  
rabiles fui amores excitantem, tum verò  
maleuolos ftupore percellētē. Quæ qui-

★ ij



## EPISTOLA

dem, si non priuatis modò parietibus delitescat: verùm publicã utilitatem potiùs tueatur, quàm in proprio còmodo acquiescat: vera demum, & genuina virtus dici meretur. Còmunẽ enim generis humani, ac potissimùm patriæ salutẽ còsiderans, in constituendo quarumlibet Rerum publicarum statu singularem sapientiam: in administrando moderatam prudentiam: in conseruando grauem còstantiam: nec non interdum erga ciues intra officiũ sui limites retinendos iustã sèueritatem: denique eam animi, morumq; compositionem amplectitur, quæ publicè, priuatimq; prodesse omnibus velit, obesse nulli. O rarã virtutem! ideoq; beatã felicitate florentissimas Respublicas, quibus ea potiri datum est. Neq; verò quisquam existimet, vario, & ineuitabili (si dijs placet) philosophorum fato eam quoque subijci: itaq; modò huic, modò illi magistratui vel casu obuenire, vel eripi. Impia hæc, & à  
Chri-

## NUNCUPATORIA.

Christianis hominibus reiecta est opinio: diuinitus eam & concedi, & negari pie asserentibus. Testis est Daniel, propheta luculentissimus, qui rerū principatus providenti DEI OPT. MAX. nutu stabiliri, & trāsferri edocet: imperantium effrenem quidvis audendi tyrannidem: & huic sese assimilantem populi proteruiam politiarum periodum statuens. Quemadmodum enim, inquit Demosthenes, exerratis, quæ inter nauigandum cōtingunt, si quis nauta peccet, leue & paruum adfertur damnum: verū si gubernator aberret, omnibus simul nauigantibus cōmune infortunium, ac periculū creatur: sic priuatorum hominum delicta non in plebis, sed in ipsorum capita recidunt: magistratum autem, & Remp. administrantium peccata in omnes ciues deriuātur. Nōne summa Monarcharum potestas, una extirpata familia ad alterā prosapiam: imò de natione in nationem: mutatis subinde



## EPISTOLA

personis, & regnis: hac ratione deuoluta  
est: donec Romani (quorum virtus ma-  
ximè emicuit) inuersa Reipub. forma, ad  
Monarchiæ tādē fastigium euecti fue-  
rint: penes quos hodie quoq;, quamuis suis  
debilitata viribus, consistit? Nōne con-  
tinua historiarum tam sacrarum, quàm  
prophanarum series ostēdit, quàm miran-  
da semper, & exitiosa plerunq; tyranni-  
dem, impietatem, seditiones, libidines, &  
alia eiusdem generis nefaria scelera ubiq;  
locorum, & in quibusuis imperijs sequa-  
tur conuersio? Memorabile, proh dolor,  
exemplum sese offert, calamitosus regni  
Constantinopolitani, atq; cæterarum gen-  
tium immani Turcarū furori cedētium,  
status. Luget Grecia, luget Asia, & Afri-  
ca: nec non plures Europæ prouinciæ: sub  
Christi Iesu seruatoris nostri protectione  
olim potentissimæ regiones. Nōne etiam  
nostra hæc secula eiusmodi Rerump. vices  
nobis exhibent, dum quædā in pristinam  
se li-

## NVNCVPATORIA.

se libertatem vendicarunt: quædam præterius, & æquum seruitutis iugo premuntur: quædam verò inter spem, & metum anxia, quò se inclinent, dubitant? Concedis ergò, ni fallor, principes suo exemplo vel commodare vel nocere ciuibus: eaq; re vitæ probitatem, res, & fortunas tuas suas, tuum ciuium: adeoq; administrationem, ius, & iurisdictionem omnem vel penitus euertere: vel, ne quid detrimenti capiat Resp. in primis curare posse. Concedis etiã, solam virtutem efficere, ut princeps non solum sui amore dicto audientes ciues habeat: sed etiam diuino DEI omnia moderatis fauore, & auxilio nixus, incolumem imperij sedem conseruet. Quenam autem illa virtus sit, quidve operetur, haud difficile est cõijcere: si quoddam benè cõstitutæ Reip. regimen cum exquisita historiarum lectione cõtulerimus: prudetia nanq; fortitudine, iustitia, & clementia opus est: quæ nimirum fulcra sunt stabiliendi regni, & colu-



## EPISTOLA

*mna. Hac siquidē suis viribus unita vir-  
 tute parcitur ciuibus: iure, & legibus vi-  
 uitur: virtus priuata premium consequi-  
 tur: vitium pœnis coërcetur: in aduersis  
 rebus fortuna nō facile ceditur, nec in se-  
 cūdis superbitur: sed insidijs, seditionibus,  
 atq; periculis patriæ undiquaq; imminē-  
 tibus imperterritè obuiam itur: ac deniq;  
 ratione, & iudicio cōstituitur, & guber-  
 natur Respublica. Atqui nō cuius eò aspi-  
 rare licet, heroicæ indolis, atq; excelsi ani-  
 mi munus est: cui præterea longus rerū v-  
 sus, & multarū literarum, præsertim hi-  
 storiarū, cognitio pulcrè respōdeat. Nam  
 eruditio, & plurimarū rerum scientia in-  
 sitā à natura: seu, ut melius dicam, à Ma-  
 ioribus iure quasi hæreditario acceptā in-  
 genij vim magis accendit: &, quod ma-  
 ximū est, vehementem animi generosi im-  
 petū absq; ullius iniuria temperat: qua si  
 destituatur, persæpe in perniciosam Reip.  
 tyrannidem, & exitium desinit. Exemplum  
 huius*

## NUNCUPATORIA.

huius rei apud fide dignos rerū gestarum  
 autores passim obuia sunt, tū eorum, qui  
 ob literarum imperitiam Respublicas per  
 ferocientis spiritus vehementiam tyran-  
 norum more pessundederūt, scædēq; perie-  
 runt: tum verò illorum, quibus de patria  
 sua optimè meritis per gloriam virtutis,  
 & eruditionis in perpetuum viuere cōti-  
 git, innumera: unum saltem è millibus po-  
 nā, Carolum V. diuæ memoriæ: Impera-  
 torē non minus literatum, & prudentem,  
 quàm iustum, & magnanimū. Qui me-  
 mor illius Iustiniani, Imperatoriā Maie-  
 statem nō solum armis decoratam, sed et-  
 iam legibus oportere esse armatam: ut u-  
 trunq; tēpus & bellorū, & pacis rectè pos-  
 sit gubernari: & princeps Romanus non  
 solum in hostilibus prælijs victor existat:  
 sed etiam per legitimos tramites calumni-  
 antium iniquitates expellat: & fiat tam  
 iuris religiosissimus, quàm victis hostibus  
 triumphator magnificus: heroicā, & verè



## EPISTOLA

Imperatoriam mentem frequenti literarum lectione in tantum oblectabat, & informabat, ut iuris, & historiarum maximè scriptores, nec in medio quidem armorum strepitu è manibus deposuisse perhibeatur: Imperij Romani acris defensor, & pacis restaurator: nec nõ multis regnis ob excellentem cum felicitate iunctam virtutem terror ingens, & formidabilis. Eiusmodi Heroas hoc rerum Polonicarum quoq; chronicon plures repræsentat, fortibus ausis, & magnis victorijs insignes: atque sua virtute eò progressos, ut Imperij sui fines longè, lateq; extenderent: Boleslaum quoque huius nominis primum Ottho tertius Romanorum Imperator axiomaticè regio dignissimum arbitraretur. Reliquum est, ut (quod more observatur) quæram, cuius patrocinio chronicon hoc, ex recensione tot, tantarumq; heroicarum virtutum per se amabile: viris doctis, & bonis cognitu dignius etiam & incun-

## NVNCVPATORIA.

iucundius fiat: te videlicet, illustris, & generose vir, præcipuum Fuggerana familiae decus, & ornamentum, operi huic multis modis conueniens. Quis enim negarit, quin Fuggerorum familia generoso virtutis stimulo eousque peruenerit, ut iam prorsus ad Reipubl. administrationem nata: prudentia, & omnis generis disciplina instructa: atque usu diuturno assuefacta esse videatur. Illud certum est, eo primum tempore cognitam & perspectam eiusdem virtutem fuisse, quo non ullo clariore, & oportuniore unquam potuisset: patria scilicet sub D. Carolo V. in extremo discrimine constituta. Cum enim Tribunitijs, ut tum tempus & res ferebat publica, aliquandiu furoribus exagitaretur: atque plebs inquieta Tribunorum manu contra Magistratum armaretur: eamq; ob causam graue Imperatoris, alioquin clementissimi, odium, et indignationē iustam pateretur: mirū est,



# EPISTOLA

quantus in iuuanda patria, & reconciliandis ciuibus Antonij parentis: nec nō Ioannis Iacobi, & Georgij patruorum tuorum ardor, & indefessa animi constantia apparuerit: ut à DEO OPT. MAX. horū trium fratrum, Antonij præsertim virtute, ex faucibus Hispanorum prædā spirantium, & quæuis atrociaminantium, Augustam ereptam esse, haud obscurè pateat. Hinc proculdubio nemine repugnāte, de Antonio Fuggero verè dixerim, quod Xenophon Agesilao suo tribuit: inquiens, eundem, ubi existimasset patriæ profuturum, neq; labores fugisse: neq; à periculis abductū esse: neq; pecunijs pepercisse: neq; corporis, neq; senectutis imbecillitatē obtendisse: patriæ deberi ratum, ut ciues saluis aris, & focus tutò viuerent. Designati me hercule magistratuum honores à D. Carolo V. in Rep. Augustana septem virales Antonio: consulares Ioanni Iacobo: atq; senatorij Georgio publicæ amoris in

patriam

## NVNCVPATORIA.

*patriam approbationis instar sunt: eò cer-  
 tè laudabilioris, secundum Imp. Theodo-  
 sum: quòd nec prece, nec precio illos am-  
 buerint: sed ob merita, & vitæ integri-  
 tatem ultrò oblatos, absq; ulla tergiversa-  
 tione, subierint: atq; summa cum laude iu-  
 stitiæ, & fidei ita gesserint, ut amarentur  
 à plurimis, timerentur à paucis: nō priua-  
 tim modò admirabiles, sed & publicè a-  
 pud omnes. Encomium eruditionis, pi-  
 dentia, māsuetudinis, gravitatis, & in o-  
 mnes, præsertim pauperes, beneficentia:  
 quæ peculiaris huic familiæ esse solet: quis  
 nō videt tam Imperatorum, regum, prin-  
 cipum, & magnatum gratiam, & amici-  
 tias haud pænitendas: quàm virorū tum  
 doctorum, tum bonorum animos: imò ex-  
 terarum quoq; nationum: quibus eadem  
 virtus innotuit: fauorē singularem Fug-  
 geris conciliasse. Equidem ut, quanti fa-  
 miliam hanc faciam, quàm ve te Maiori-  
 bus tuis omninò similem mirer, & admi-*



## EPISTOLA

rer: licet forsitan non pro rei dignitate, at-  
 tamen ex animi mei affectione, declarem:  
 idcirco præsens hoc opusculum, ducum, &  
 regum Polonorum, atq; rerum ab his ge-  
 starum conspicuum ordinem continens,  
 illustri, & generoso tuo nomini offero, de-  
 dico, consecro: ea lege, & conditione, ut  
 non solum ipse sereno, & clementi vultu  
 dicatum suscipias: sed lectum etiam, &  
 comprobatum tua cōmendatione gratum  
 magis, & acceptum reddas: quæ quātum  
 ponderis apud quosuis habitura sit, mini-  
 mē me fallit. Quò enim doctior quisque,  
 & apertior fuerit, eò æquius & honorifi-  
 centius de tuo iudicio senserit: non igna-  
 rus, te Maiorum tuorum vestigijs inhæ-  
 rentem, nullum simulationi, nullum affe-  
 ctibus locum relinquere: sed candidè o-  
 mnia, & solerter agere: utpote historia-  
 rum quotquot sunt omnium peritissi-  
 mum, & multa multarum rerum expe-  
 rientia edoctum. Accedit Reipublicæ  
 admi-

## NVNCVPATORIA.

administratio: cui præfectus, tantus es,  
quantum te tua in capeffenda illa virtus  
ostendit, magnus merito, & clarus: eo  
maximè statu, quo nisi animus præsens &  
fortis prudentia, & vigilantia opitule-  
tur: verendum sit, ne paruo momento res  
magnæ subuertantur: & cum ciuibus  
Respublica simul ipsa concidat: id, quod  
DEI OPTIMI MAXIMI cle-  
mentia in Christiani sanguinis hostes  
redundet, votis supplicibus precor.  
Gratuletur igitur sibi Augusta de  
te, collegisque tuis rerum iam potiun-  
tibus: viris sapientia, & fide specta-  
tissimis: quibus nihil religiosius, nihil  
antiquius esse ducitur patriæ, ciuium-  
que suorum salute: atque vestrum se-  
quuta consilium, & ductum: fugata  
Ate, quæ nullibi non suo nomini un-  
quam magis respondit, atque hoc de-  
ploratissimo seculo: tranquilla pa-  
ce, & concordia animorum perpetua



EPIST. NVNCVPATORIA.

*fruatur. Quæ quidem, tanquã Rerump.  
incrementum, lucro cuiilibet longè præfe-  
renda: vera tamen pietate, & assidua ad  
DEVM OPT. MAX. oratione expeten-  
da est: qui solus, & vnus politias consti-  
tuit, & florentes tuetur: Nanque,*

*Te penes, alme DEVS, rerum est dis-  
ponere summam:*

*Te duce, ciuilis iussa capeffit ho-  
mo.*

*Vale, illustris vir, cum tota Fuggerana  
familia, cõiuge ac sobole generosa: qui per-  
pensis animi dotibus, excellens: corporis  
bonis, omnibus amabilis: fortuna successi-  
bus dignus esse videris: meq; tibi, meosq;  
commendatos habere digneris. Data  
Francofurti ad Mœnum, Calend.  
Aprilis, anno reparata salutis humanæ  
M. D. LXXXIIII.*

*Tux Illustri generositati  
deuotissimus*

*Sigismundus Feyerabenus  
typographus.*



# PANEGYRICVS, AD

STEPHANVM I. POLONORVM

regem potentissimum,

CHRISTOPHORI WARSEVICII

Equitis Poloni.



INCREDIBLEM lætitiā, STEPHANEREX, quam ex tot, tantisque rebus præclare abs te gestis omnes concipimus, vix aliquis non dicam verbis ornare, sed ne enarrare potest. Neque enim solum calamitatem nobis detraxisti, verum etiam dignitatem auxisti, & noua insignia honoris, & adiumenta felicitatis comparasti. Quo nomine quantum debetur virtuti & fortunæ tuæ, vtinam mihi esset tantundem eloquentiæ? Quis enim dubitaret, & admiratione audientium, & voluptate legentium, & eorum qui commemorantur gratia, nullum mihi dari posse maius argumentum, præstantiusque dicendi? Sed ego quod tibi deberi plura video, & quod minus præstare possim, meum ipse recognosco; eò fugit & reformidat id magis animus, & in angustum mea redigitur oratio. Dicendum enim est de summi & amplissimi REGIS laudibus, dicendum de tot tantisque rebus gestis & victorijs ipsius, quas, sicuti difficile est explicare omnes, sic



## 1 PANEGYRICVS C. WARSEVICII

nefas vel aliquas præterire : quo magis summo ingenio & eloquentia opus est, & nihil nisi eximium solertia, excultum diligentia, debet afferri. Verùm dum temeritatis notam cuncti vitamus, ne ingrati animi reprehensionem potius incurramus, audendum aliquid esse puto, & præstare vt si minus disertī & sapientes, at saltem non ingrati videamur. Ac primum verba facienda sunt de causis belli; demum de progressu & cursu ipsius, & cū hostis in inferendis iniurijs libido animiq; impotentia, in omni turpitudinis genere incredibilis luxuria; tum verò summa æquitas in decernendo; considerata tarditas in suscipiendo; admirabilis celeritas & felicitas tua in gerendo bello; & in victoria præclara moderatio, & mansuetudo summam est exponenda. Quia in re ita me, Rex, geram, ne aut veram detraxisse, aut falsam affixisse laudem tibi videar; & ad accusandum eum hostem descendisse, studio aliquo maledicendi vel calumniandi. Quamquam quod facere alicui videtur non turpe, id mihi factum ab eo referre, cur sit turpissimum, & si in mortuorum laudationibus, nisi simul cum virtutibus notentur & vitia, suspecta est omnis oratio : in commemorandis viuis id fieri (vt mea fert opinio) quanto magis debet: partim vt à turpitudine ad honestatem; ab inhonorata & ingloria vita, ad decus & gloriam auocentur; partim ne cum larvis tantum certare & viuorum vitia dissimulare potius videamur; nisi fortè metus nos impediatur aliquis, qui tamen ingenuis & in libertate hominibus natis, nec mentem opprimere, neq; linguam obstringere debet, quò minus velint rebus sua nomina dare, & vt ille inquit, Scapham scapham appellare.

pellare. Nemini ergo est dubium hoc bellum contra Moschum tuum, voluntate seruum, necessitate iustum, beneficio erga rempub. gratum, fama gloriosum, exitu maximè utile & salutare exituisse. Erenim cum omnia bella, quæ pro aris & focis, pro patria, pro tuendis finibus, pro conseruandis libertatibus suscipiuntur & geruntur, iusta sunt, tum contra Moschum iustissima; qui non princeps sed tyrannus, non homo sed bellua ex fœdissimorum flagitiorum colluione conflata, potius diceretur. Legimus olim veteres, inter deos locum Herculi non aliunde tribuisse, nisi quod contra Diomedem regem Thracum, qui carnibus hospitum equos pascebat, arma sumserat, & in frustra dissectum patibulo affixerat. Legimus Phylantum non alia de caussa celebrari, nisi quod Dryopum regem Apollinis Delphici fanum violare ausum, regno exuerat, illudq; incolendum Melitenſibus præbuerat. Legimus deniq; quos honores, quos hymnos, quos cantus, quas & quales statuas, ijs, qui tyrannos occiderant, homines Græci tribuere consueuerāt; vt exstaret ad memoriam posteritatis ara virtutis. At enim Ioanne Basiliade magno Moschorum duce, quis vnquam immanior fuit aut esse potuit? plures ille homines sua manu interfecit quàm alij iusserunt, plura genera mortis alijs attulit, quàm omnes tyranni excogitauerunt. Non Dionysius, non Claudianus, non Nero, non Caligula, non omnes ij quorum aliquandò nobilitata est crudelitas, non dicam superiores, sed pares isti fuerunt. Nam quid ego immanitatē, quid ferociam, quid libidines, quid stupra, quid scelera & flagitia ipsius omnia commemorem? Quis ita se & fortunas abdi-



#### 4 PANEGYRICVS C. WARSEVICII

dit, quis domum clausit, quis vitam obsepiuit, quis pudicitiam permuniuit, vt ab istius portenti vi & rabie tuta maneret? Quę vnquam fuit, est, aut erit barbaria quam non istius deterrima crudelitas superaret? Erit qui dubitet ad hunc tantum & tam inauditum tyrannum, suę parricidę patrię, hostem ipsius naturę, expertem omnis humanitatis, prædonem alieni iuris, vindicandum datum & destinatum diuinitus te fuisse. A quo tot & tantis iniurijs & contumelijs prouocatus, quanta moderatione & patientia fueris vsus, quāquam omnibus cognitum & perspectum est, tamen & ego id tacitus præterire nullo modo possum. Summum enim studium, summa fuit cura & sollicitudo tua, vt omnia prius quàm armis cum eo experire, & vt intentatum nihil relinquere viderere, quod ad Christiani sanguinis profusionem vitandam, & ad pacem concordiamq; ex æquo cum eo constituendam, pertineret. Huc tui toties ad eum missi internūcij, huc literę, huc legationes, huc mandata legatis data, huc postulata semper tendebant. Quibus rebus omnibus profectum est apud eum nihil, & tantum abfuit vt superbus & crudelis hostis, ea moderatione animi, & postulatorum tuorum æquitate, à libidine ad pudorem, ab audacia ad timorem, ab amentia ad rationem auocaretur: quod etiam illa ipsa inflammari libidine, ardere amentia, efferri superbia tantò magis cœpit, & ea quę ad pacem & mutuam subiectorum tranquillitatem vergere iam cœperant, turpiter nefarieq; violauit. Nam vt illa quę Sigismundi Augusti temporibus fecit silentio præteream, vt insidiosę pacis iniecta spe Polociam occupatam, vt legatos regis & reip. nomine ad eum missos,

## AD STEPH. I. POL. REGEM.

fos, viros graues & præstantes indignissimè tracta-  
 tos; vt Pernauiam sub Henrico rege, ab eo captā non  
 commemorem; enimuero ignoratur quàm crude-  
 lis & perfidus hostis Moschus erga te fuerit. Cùm e-  
 nim legatis tuis, ad se veniendi potestatem fecisset,  
 securitatemq; promississet, repēte vt Prussicis tumul-  
 tibus sedandis occupari & longius abesse te intello-  
 xit, an Liuoniam prouinciam, sepimentum Lituanix,  
 sociam reipub. antiquæ pieratis vestigium, Balthici  
 maris præsidium non inuasit, & crudelissimè diri-  
 puit? Est autem Liuonia non (vt ipse ait) ipsius hare-  
 ditaria, sed Marianorum militum, Teutonici ordi-  
 nis vetus domicilium, quam ante annos quatuor &  
 viginti inter Guilhelmm Furstenbergium ordinis  
 illius principem, & inter Guilhelmm Marchionem  
 Brandenburgicum, & Rigensem archiepiscopum,  
 bello & dissensione orta, cum religione & liberta-  
 tem simul amisit. Siquidem perfidiam & leuitatem  
 semper manet pœna, & mutatio religionis statum  
 cōmutat libertatis. Quod quomodo euenerit paulo  
 altius repetere me, & auram clementiæ ac benigni-  
 tatis tuę ad hunc demissum orationis meę cursum in  
 altum prouehendum, implorare oportebit. ERAT  
 Liuonia in duas diuisa partes, quarum altera magi-  
 stratui ecclesiastico, hoc autem est archiepiscopo Ri-  
 genfi, & quatuor alijs episcopis, magistro Teutonici  
 ordinis altera subiacebat. Itaque cùm antea semper  
 Cruciferorum magistri, archiepiscoporum Rigen-  
 sium, quibus cùm Rigam primariam Liuoniæ ciui-  
 tatem imperio tenebant, & omnium adeò ecclesia-  
 rum patrimonio inhiarent; tum verò Furstenber-  
 gius Guilhelmm archiepiscopum in arce Cocen-



hausen aperta viinualit, & captiuum fecit: qui, quoniam Sigismundi Augusti regis Poloniae & magni Ducis Lituaniae cōsobrinus fuerat, & Rigenſium archiepiscoporum patrocinium ad magnos Lituaniae duces, more maiorum pertinebat, missus est Gasparus Lancius à rege internuncius eo nomine in Liuoniam: quem cū Liuones occidissent, bellū est contra eos motum, & florentissimus exercitus ab ipso Sigismundo Augusto ductus in expeditionem. Cui cū se impares viribus & potētia Liuones animaduertissent, pacem repente petere, supplicesque fieri omnes ei non dubitauerunt, quam facili interponente se pro ijs Ferdinādo Caesare ad Pozuolum obtinuerunt. Huius verò expeditionis contra Liuones exitum, magnus Moschouiae dux apud se admiratus, & eadem se praeſtare poſſe cōtra Liuones ratus; Derpatenſibus, tanquam vicinioribus, maiorū ſuorum ius in hac parte cauſatus, pecuniam imperat, & niſi ea vel quamprimum ab ijs ſolueretur, cunctae Liuoniae bellum & exitium denunciat. Fit ea dere inter Liuones conſultatio; communicantur conſilia; dimittuntur in Moschouiam legati: qui cū initio (vt ferunt) pecuniam ſe attuliſſe affirmatiſſent, demū verò ad rem cū eſſet ventum, eam non repoſuiſſent, barbarus & immanis hoſtis, tantò magis irritatus, legatis redire iuſſis, cum centum & triginta hominum millibus eos inſecutus eſt, ac ſubitam in Liuoniam irruptionem fecit; vſq; adeò, vt mox Wiſſemburgam & Naruam, deinde verò Derpatum, à cuius ciuitatis epiſcopo in ſpem futurae gratiae adiutus fuiſſe dicitur: tandem & Mariemburgam occuparet, & incredibilem captiuorum numerum in Moschouiam ſecum

cum abduceret. Sic Liuones magnam cladem & vastitatem à Moscho passi, & in rerum suarum desperationem pene abducti, ad Ferdinandum Casarem & ante, & tum cum post inaugurationē suam Francoforti Augustæ comitia celebraret, legatos mittunt; & tam ab eo quàm à cunctis Romani imperij ordinibus auxilium efflagitāt, & nisi celerrimē auxilium eis feratur, sub iugum barbari & crudelis hostis se necessariō ituros esse, nec aliter facere posse testantur. Neq; verò Imperatorem tantum, sed & Danię & Suetiæ reges & multos alios principes eo nomine adeunt & implorant. Sed rarō fit, vt ij, qui sua cōmoda & rationes spectant, alienis difficultatibus & periculis subueniant. Quapropter desperatis omnium auxilijs, ad Sigismundum Augustum Polonię regem, postremō Liuones confugiunt; apud quem cum semel & iterū corām, per legatos quàm sapissimē auxilium postulassent, cumq; & propter Lituaniæ vicinum malum atq; incēdium, & propter regis ipsius gloriam & amplitudinem eam Liuoniæ prouinciæ tutelam vtilem & necessariam ei esse, semperq; fore docuissent; tandem in fidem & clientelam recipiuntur, certis pactis & condicionibus, Liuonibus quidem ipsis quam rei aut reipub. commodioribus; quę durarunt certo temporis spatio, & Liuones variam & instabilem fortunam experti sunt, mutationemq; rerum suarum grauissimam pertulerunt. At verò Sigismundus Augustus rex, cum per annos aliquot maximis sumptibus Liuoniam defendisset, & Ericum eius nominis quartum decimū Sueciæ regem, præter omnem expectationem arma cōtra Liuones cepisse, & hostes deniq; alios eius prouinciæ auctōs es-



## § PANEGYRICVS C. WARSEVICII

se cognouisset, pactis prioribus stare nec posse, neq;  
debere se dixit. Sed Nicolaum Radiuilum in Olica &  
Niesuies ducem ac Palatinum Vilnensem, summæ  
auctoritatis & amplitudinis virum, ad Liouones ea de  
causa ablegauit; qui in re tanti momēti præstare cūm  
nihil posset, illud quidem impetrauit, vt Guilielmus  
archiepiscopus & Gotthardus Kethlerus magister,  
quem ætate ingrauescente Furstembergus non ita  
multo post à Moscho captus, ibidemque mortuus, in  
locum suum suffecerat, ad regem se venturos esse,  
Vilnam reciperent, & cum Palatini Vilnensis aucto-  
ritate, tum verò arce Terues munitissima & Liuoni-  
bus infestissima à Nicolao Radiuilo, tum Trocensi,  
nunc Vilnensi Palatino, sub Moscho expugnata, ad  
eam rem magis adducerentur. His ergo Vilnam ad-  
uenientibus, cūm post lōgas & multiplices discepta-  
tiones, euidentissimis rationibus declaratum fuisset,  
nisi communibus tam Polonorum quàm Lituanor-  
um viribus Liuonię defensio susciperetur, à tot tan-  
torumq; hostium rabie & interitu non posse eam  
prohiberi. Polonorum verò auxilia, nisi deditione,  
non Lituaniæ tantūm, verū etiam Polonia facta  
adduci non posse. Tandem ad extremum, cūm per-  
ditis Liuonum rebus nemo succurreret, & vt fortu-  
næ suæ præsidia aliunde quærent, cūm tam Cæsar  
ipse, quàm imperium non obscurè annueret, Polo-  
niæ Lituaniæq; pariter deditionē fecerunt, & ea pa-  
cta cōuenta Grodnæ primū, deinde verò & Lubli-  
ni, in maximis totius regni comitijs, quibus Lituania  
cum Polonia est vnita, per legatos suos iureiurando  
sanxerunt & confirmauerunt. Ad eum modum ma-  
gistri Liuoniæ statu, in ducis Curlandiæ permutato,  
huic

huic regno adhæsit, & est associata Liuania, quæ Deo opt. max. sic permittente, non secus ac sedes quædam belli & dissidiorum facta, graues subinde & varios motus, multiplicesq; dominatus experta est, & pecunias quàm maximas exorbuit, & immensis laboribus ac periculis regi & defendi necesse habuit, quoadtu, STEPHANE rex, in regem eligerê. Quem, vt suprâ dixi, Prussicis tumultibus sedandis occupatum, cùm Moschus animaduertisset, Liuiam quâ spe & cupiditate iam pridem deuorauerat, aperta vi & crudelitate inuadere non dubitauit. Atque id quidem eò fecit libetius, quò certis auctoribus Germanici magistratus spe & expectatione iniecta, multos ad defectionem, & res nouas spectare in Liuania intellexit. Fit enim vt homines spe fallaci & opinione ducti, sæpe melioribus noua imperia anteponant. Verùm posteaquâ Moschus grassari in Liuania cœpit, & nihil minus quàm de Germanico magistratu cõstituendo cogitare, imò etiam odio Germani nominis flagrare, & in sanguine totiusq; Liuiæ cinere exultare. Liuiæ sanè facti mox pœnituit. At verò hostis nihil prius habuit quàm vt sine vlla sexus, ætatis & conditionis differentia, tot hominum milia immanissimè trucidaret, & inauditam crudelitatem atq; tyrannidem suam in Liuania passim & vbiq; exerceret. Iam verò legatis tuis ad eum venientibus, quàm superbus, quàm contumax fuerit, quàm multa arroganter de se, quàm leuiter de alijs coram eis dixerit, longum esset commemorare. Principiò genus suum explicare est orsus, & à Prussio quodam nunquam aliàs lecto vel audito, quem Octauij Cæsaris fratrem, & se ab eo progeniem quartamdecim-



mam dixit esse, originē suam deriuauit. Quem cū  
 in Prussia & Liuania ciuitates multas exædificasse af-  
 firmasset, in aliquot huius reip. prouincias ius se ha-  
 bere asseruit. Neq; verò hac & tanta verborū vani-  
 tate cōtentus fuit, verumetiam apertam vim & cru-  
 delitatem statim adhibuit. Nam cū legati tui in ijs  
 pacificationis literis, quas Moscho dederant, nullam  
 mentionē Liuania facerent, totā Liuoniam & Cur-  
 landiam vsq; ad fines Prussię sibi reddi confestim ille  
 postulauit; & nō ad similitudinē literarū legatorum  
 tuorum, sed ad arbitrium suum perscriptas literas su-  
 perbè & minaciter eis obstruxit: tandem verò lega-  
 tionem, qua illas pactas, ne dicam coactas formulas,  
 infirmare, quàm cōfirmare potius voluerat, in Polo-  
 niam amandauit. At enim nihil incōsideratius com-  
 mittitur, nihil periculosius suscipitur, nihil difficilius  
 peragitur, quàm legatio. Cū enim legati Moschi  
 legationē exponere suam secus nollent, nisi detecto  
 capite, & in pedes erectus, de tyranni valetudine tu  
 prius interrogares. Postquā id negatum, & legatio-  
 nem vt exponerent suam imperatum eis fuisset, ira  
 perciti & indignati, nō modò nō perfectā, sed ne qui-  
 dem affectā legatione Cracouia exire, & ad Moschū  
 sese referre maluerūt. Qui immisso in Liuoniā exer-  
 citu, Vendenā principū Teutonici ordinis olim do-  
 micilium, præter tuam & omnium opinionē oppu-  
 gnabat. Quod cū per insignē faceret iniuriam, ef-  
 fectū est præpotentis Dei ope & benignitate, & tua,  
 tuorumq; ducū felicitate, Rex, vt ille exercitus ipse  
 tam magnus, paruis à tuis copijs, Sueticis cum auxilijs  
 cōiunctis, Andrea Sapiha, nobili & egregio duce pro-  
 fligaret, & amplius viginti tormēta bellica prægran-  
 dia,

dia, & admirabilis artificij, tuam in potestatem perue-  
 nirent. Ita tu demum, cum bello vniuersa arderet Li-  
 uonia, & de quiete sua sollicita esset Lituania, cōsum-  
 tis tot studiis & laboribus tuis, quæ cum magno Mo-  
 schouia duce in cōstituenda pace frustra susceperas:  
 habito Grodne cōuentu, & amplissimis Lituanorum  
 auxiliis imperatis, non tua tuorumque tecta contra  
 eum amplius defendere, sed armis hostem aggredi a-  
 pud te constituisti, cum iam illud bellum omnibus  
 omnium ordinum sententiis, Warsauiensibus comi-  
 tiis antè decretum, & grandi tributo imperato, ad  
 exteras etiam gētes & nationes perlatū fuisset: quod  
 antequā gereres, Wenceslaum Lopatinscium cum li-  
 teris, quibus causas & rationes suscepti contra Mo-  
 schum belli explicabas, in Moschouiam ad eū dimi-  
 sisti, demū verò grauem & maturā consultationem  
 cum Senatu alijsq; militarib. viris inire placuit, quo-  
 nam armorū tuorū vim conuertere potissimū debe-  
 res. Quo loco, multa te in vtramq; partē versare ani-  
 mo, & mentis oculis collustrare oportuit, vt ea quæ  
 cōtra eum hostem eras gesturus, non tam impetu &  
 fortuna, quàm consilio & prudētia gessisse magis vi-  
 derere. Est enim patefacto aditu & vestibulo, felicior  
 res dimidio, & bella gerunt armis & cōsilio. Erat fa-  
 teor nō nemo, qui, relictis arcium & munitionū op-  
 pugnacionib. in ipsa veluti penetralia hostilis ditiōis  
 pficisci opere pretiū iudicabat: ppter ea quòd exerci-  
 tui tuo à prelij & dimicatiōis fortuna, quā ille vitaret,  
 periculū esset nullū, & cum oīs bellorū gerendorū ra-  
 tio, pgressum habeat arduū, tū verò arces & munitio-  
 nes capere esset, fuissetq; semp difficillimum; adeoq;  
 Polonis & Lituanis maximè, quorum nō perequē in



expugnandis munitionibus, quàm in vincendis prælio hostibus, aliàs viguisset industria: & deniq; quod ijs, qui nouis imperijs studerent, eumq; tyrannum è medio tolli inprimis cuperent, aduētantis exercitus fama, animum & quasi ansam præbitum iri videretur. Polocia verò, quæ oppugnanda ante alias arces sese offerret, manu & natura munitissima, & omni apparatu belli instructissima, vel diuturnā obsidionem ferre posset. Atq; hæc quidem cum essent per se magna, tum illud longè maius atq; grauius, quòd Polocia magno Ducatui Lituaniæ, atq; adeò ipsi Vilnæ, nulla alia firmiore munitione interiecta, periculosissimè impenderet; ex qua dum in alijs remotioribus regni partibus versaris, non modò affligendæ Lituaniæ; verùm etiam diripiendæ Vilnæ, potestatem esset hostis habiturus. Et cum non modò rerum recuperandarū communis reipub. caussa, sed quo ad eius fieri longissimè posset, remouendi hostis gratia bellum illud susciperetur; haud abs re videbatur fore expeditionibus bellicis, propinquiorem sedem aliquam & quasi officinam comparare, ex qua integri & recètes milites, in hostile solum penitus ducerentur, & instrumenta impedimentaq; belli ad res cum maiori celeritate & felicitate gerendas, transportarentur. Postremò, Polocia (qua munitiorem arcem hostis non haberet) expugnata, Moschos, de alijs retinendis diffidere; tuos verò spem concipere oportere: tantumq; abesse, vt id, quod locus ille permunitus diceretur, tibi, tuisq; deberet adeò terrori esse, vt etiam in primis in tanto militum ardore, oppugnandus videretur; & vel hæc reliqua gloria capiendarum expugnandarumq; arcium, Polono & Litvano nomini,

mini, duce & auspice te, adiungenda: præsertim cum munitiones à tergo relinquere nullis vnquam bellis gestis, fuerit obseruatum; & commeatu, milite, auxilijs, receptu deniq; ipso vltro se excludere, admodum sit inconsumtum. Hæc cum vicisset sententia, extrema Iulij die, Vilna Suirum est itum ad lustrandas percensendasque copias. Deinde per Hlubokie & Postai, Dzisnam, ac demū & Polociam. Quo in itinere quantam & quàm incredibilem difficultatem, quantam viarum asperitatem expertus sis, quantum incommodorum molestiarumq; pertuleris, non facile dicendo explicari potest; & properat mea ad ipsam oppugnationem oratio, quæ, qualis, & quàm ardua fuerit, vix alicui qui rem oculis non subiecit esset credibile. Fuit certè talis vt & propter defensorum fortitudinem, & propter loci naturam, & propter artem apparatusq; belli, & propter iniurias ac tempestates ipsius cæli, cum difficillimis arcum oppugnationibus possit non immerito comparari. Et enim cum aliàs semper, tum eo maximè tempore, palam omnibus fieri Deus opt. max. voluit, & ab eo cunctas peti & ad eum solùm referri debere victorias. Ac per multos continuos dies tantū pluuiarum cælitus demisit, vt & militum operæ impediri, & ducum industria languescere & vis ipsa parum aut nihil proficere videretur: Eo accedebat summa præsidiorum cum incredibili mortis contemptu, in defendenda arce obstinatio; vsq; eo, vt non manifesti interitus metus, ad aliquam vel minimā animi consternationem; non sublata auxiliorum spes ad desperationem, non deniq; regiæ clementiæ & mansuetudinis fiducia, ad deditionem eos adduceret. Con-




## 14 PANEGYRICVS C. WARSEVICII.

stabat exercitus tuus, ex tribus quatuorve nationibus, eratque & viris, & armis, & equis, & omni apparatu ornatuque belli instructissimus. Est autem opinio, quo inter se plures nationes coeunt, eò virtutis æmulationem, in eis magis excitari. Sed & Polonorum virtus, & Lituanorum celeritas, & Vngarorum audacia, & Germanorum constantia sui dissimiles fieri iam quodammodo cœperant; & cum hostium peruicacia, tum tempestatum iniuria, expugnandæ arcis rationes omnes maximè retardabat. Quibus in angustijs angoribusque animi, cum diu multumque esses versatus, tandem Augusti dies nona & vigesima, simul cum serenitate initia etiam attulit victoriæ, non magna adeò Christiani sanguinis profusione, & exiguo tuorum interitu parte, summa verò moderationis tuæ laude & admiratione, quæ talis atque tanta fuerat, quòd hostis ipsius præfecti, & perquam plurimi milites, tua vexilla sequi, & tuæ dextræ non modò in prælijs, verumetiam in seruandis promissis firmissimè se committere non dubitauerunt. Erat porrò eiusdem hostis vicina Polociæ arx, Socolum nuncupata, cui præter vetus præsidium ei arci impositum, inerant sex millia militum, ex ipsis Prætorianis magni Ducis, selectissimorum. Hanc tu, si non expugnatam relinqueres, nec ex belli suscepri consilio, neque ex dignitate tua, neque ex rei abs te gestæ fortuna, futurum iudicauisti. Itaque misso ad eam Nicolao Mielecio Podoliæ Palatino, & summo copiarum Polonicarum præfecto, viro præstanti virtute, ingenio & felicitate prædito, tam citò, tamque facile in potestatem tuam eam redegisti, vt arx incendio subito orto conflagrasse; hostium ultra  
quatuor

# AD STEPH. I. POL. REGEM. 11

quatuor millia caesa fuisse vna die memorentur. Iam interea Sythno, Crasno, & Touroulia, hostiles munitiones tres, tuis à militibus occupatae erant. Iam Philo Cmite capitaneus Orschanensis in magni Ducis Moschouiae ditiones, longius excurrerat, & duobus millibus hostilium pagorum incensis, Smolensci quae suburbij ambustis, totam illam regionem quoque versus depopulatus fuerat. Iam Constantinus Ostrogia dux, cum Michaeli Viskiuecio, Braczlauensi Castellano, & Ianusio filio, Borysthenem transgressus, & in hostilem ditionem turmis Tartarorum aliquot missis, longè late quae omnia peruastarat, & usque ad Starodubum Radohostiam, & Podczepouiam, populationibus prolatis, ingenti cum praeda domum redierat. Iam denique armorum tuorum, non dicam fama, sed terror vniuersam Moschouiam sic peruaserat, vt non ex rumore bellum, sed ex clade nuntium Moschus expectaret. Restabat Sussia, quae quoniam in medio captarum erat posita, eam quoque breui esse futuram tuam, haud vana coniectura praedixisti, eiusque ditione Possesse, nuntium, Vilnam antequam attigisses, accepisti. Ad eum modum hostilibus arcibus sex occupatis, nec multo post duabus etiam alijs Nieszerda, & Coziani captis, & multis hostium millibus occisis, neque adeò multis ex tuis desideratis, cum anni tempus alienum à gerendo bello te excluderet, Vilnam es reuersus, & bello quod media hieme apparatus, ineunte aestate susceptum, exacta confectum, dici potest; tuis te amabilem, hostibus formidabilem, exteris gentibus nationibusque admirabilem reddidisti.





Erat tum cū hęc gereres magnus Dux ad Pleſco-  
uiam, quæ olim libera, ſub imperium nunc eius ceſ-  
ſit, & arcium oppugnationem, militumque ſuorum  
cædem à longe audiebat: & vt tyranni natura ſuper-  
bi & timidi ſunt, vtque in proſpera fortuna ſuperbos  
& cōtumaces, in aduerſa humiles & abiectos ſe adeò  
præſtant, cū Lopatinſcium internuncium tuum  
iniitiò arctius detinuiſſet, capta demū Polocia, ad ſe  
eum accerſiuit, & humanius multò habuit. Tandem  
verò conſiliarios ſuos (ſi conſiliarij & non mancipia  
ipſius dici potius debent) ad ſenatores tuos, per Lo-  
patinſcium mittere literas voluit, quibus illi vt ad pa-  
cem & concordiam hortarentur te impenſiſſime  
flagitabant. Quorum tu poſtulatis intellectis, ad com-  
mitia quæ iam pridem indixeras, Warſauiam profe-  
ctus es; & interim dum iter facis, Grodneq; ſubiſtis,  
Gaſparum Bekeſchium ex maximo & diuturno la-  
bore, quem in expugnanda Polocia ſuſceperat, re-  
pentino morbo correptum, virum admirabili inge-  
nio, & rerum uſu præſtantiſſimam amiſiſti. At verò War-  
ſchauiam poſtquam eſſet ventum, & res in delibe-  
rationem poſita, vtrum bellum proſequi, an ſecus  
præſtaret: mirum eſt quàm varię & multiplices ſen-  
tentia, non modò ordinum, ſed hominum fuerint.  
Docebat nomine tuo Ioānes Zamoſcius, regni can-  
cellarius, quid ea victoria fructus, quid gloria, quid  
emolumenti reipub. attuliſſet, & quo eſt ingenio,  
facultateq; dicendi, ad proſequendum eum felicita-  
tis & laudis communis curſum vniuerſos hortaba-  
tur. Moſchum eum eſſe, qui Cazonios & Altracanos  
Tartaros ſub imperium ſuum ſubiugaſſet: qui Se-  
lymi Turcarum imperatoris per magnum exerci-  
tum

rum decennio ante, aut paulo amplius dissipasset: qui Sueuos, qui Liuones, qui Tartaros sæpius fugasset atque profligasset. Hac omnia ornamenta illi esse adempta, & nobis haud dubiè restituta: simulque & expugnandarum arcium, qua antea carebamus, gloriam, vel hac sola expeditione cõparatam. Polociam totius propugnaculum Lituaniæ, matrem negotiatorum, receptaculum fortissimorum militum, patriam fidelissimorũ ciuium, perfido hosti ereptam, & in pristinam positam libertatem. Sed est huius sæculi labes quædam & veluti macula, vt præsentibus nequaquam faciari, & semper requirere aliquid, sitireq; nouitates homines magis videantur. Sic enim præclare abs te gestis & confectis rebus, aderat nihilominus inuidia comes fortunæ, & virtutis perpetua; multiq; vt à bello desisteretur, & pax atq; tranquillitas reipub. potius restitueretur, non tam ipsius causa reipub. quàm priuata nescio qua cupiditate ducti videri volebant auctores. Rem cum eo hoste aiebant esse, qui in vastis & remotissimis regionibus habitaret, & prælij ac dimicationis fortunã nunquã esset experturus, & bellum trahendo, aduentitium exercitum facilè victurus, & in angustias redactus. Fortunam vagam esse volubilemque deam, quam, ne sedes mutet reuerenter habere, & pressis manibus tenere oportere. Multorum principum casum ad misericordiam, & ferendam illis opem excitasse quàmplurimos, & vnã esse victis ad salutem viam, omnem spem salutis & incolumitatis amittere, & in armis atque dextris eam collocare, neque temere à prudentissimis bellatoribus, fugienti hosti aureum pontem sternendum esse sermonibus vsurpari. Po-



streinò in tanta caritate annonæ, sterilitateque agro-  
 rum, bellum sustineri amplius non posse, & in aliud  
 tempus magis opportunum differri potius debere;  
 nedum aliena querimus, nostra exinanire & pessun-  
 dare videamur. Lituania & Russia nihil esse miserius,  
 quæ à viginti amplius continuis annis, tot bellorum  
 calamitates pertulisset. Sufficere hostem esse lon-  
 gius reiectum, & ut timeat nihilq; in posterum eius-  
 modi audeat coercitum: belli immensum esse pa-  
 bulum, & eius neruo pecunia, hostem magis abund-  
 dare. Summam subditorum illius obediendi prom-  
 titudinem esse, eos denique arces & munitiones, præ  
 omnibus alijs gentibus & nationibus fortiter tueri  
 & defendere cōsueuisse; nec aliquid esse sperandum  
 minus, quàm ut proditorum & trāsugarum opera,  
 in hoc bello adiuuemur: propterea quod ut non diu-  
 turnus esset magister officij metus: ita coniugum  
 & liberorum carissima pignora, quæ omnium sub-  
 iectorum ipsius, cum vel minima belli suspicio in-  
 crebruit, in Tyranni manu restricta & inclusa tene-  
 rentur. Atque hæc quidem eorum, quibus aut non  
 geri, aut differre bellum placebat, sententia opinio-  
 que fuerat. Verum enimvero maior & potior homi-  
 num pars ijs argumentis & rationibus ad suadendum  
 bellum, & persequendam victoriam ducebatur.  
 Primum, quod veteri maiorum suorum exemplo &  
 instituto, magnus Moschouia Dux cum Poloniæ re-  
 gibus, per magna verborum & fidei vanitate perpe-  
 tuò laboraret, nec aliquid nisi coactus faceret: &  
 promissis suis credi facilè non debere, plurimis & e-  
 uidentissimis rationibus iam pridem demonstras-  
 set. Hic inducias eas quas postularet non aliò perti-  
 nere,

nere, nisi vt arcibus & munitionibus suis ad omnem  
 obsidionis vim erectis & cōfirmatis demum in lon-  
 gioribus regni partibus, occupato rege, Liunioniam  
 diripiat, & arcibus ciuitatibusque, quas in ea habet  
 securè potiatur: Linonibus verò socijs & clientibus  
 reipub. deesse, qui fidem & auxilium nostrum per-  
 petuò implorarent, videri indignissimum, simul &  
 periculosissimum. Siquidem vna alteram inuitaret  
 iniuria, & cū incommodis ijs quæ facta sunt, tum  
 verò illis, quæ inferri ei possunt, prudens quisque &  
 cordatus homo maximè moueatur. Iamque eos qui  
 vincunt, & cur, aut quomodo vicerint non intelli-  
 gunt, vinci que rursus ab hoste se turpiter pateren-  
 tur, indignos haberi, quibus Deus opt. max. aliquid  
 opis & benignitatis suæ largiatur, & quorum cala-  
 mitate ac exitio, ad misericordiam aliquis mouea-  
 tur. Moschum ferum & crudelem hostem, satis su-  
 perque esse, etiam si verbis quàm reipsa Christiani-  
 num magis se profiteatur. Hunc si non Christiano,  
 at certè Romano nomini infestissimum, & eum qui  
 loco & occasione nacta inimico pepercisset, esse,  
 fuisseque semper imprudentissimum. Dandam ergo  
 operam, vt non tã de continuando & prosequendo  
 contra eum bello, quàm de continuandi & prose-  
 quendi rationibus, haberentur consilia. Etenim non  
 modò bello, sed vel belli metu ac suspicione affligi  
 rempublicam, nemo sanus in dubium vocat. Tibu-  
 tum & priuatarum rerum iacturam, grauem futu-  
 ram nunquam, cuius esset merces, spes gloriæ & im-  
 mortalitatis sempiterna, & quam vt pluuias & tem-  
 pestates splendor & serenitas; sic tranquillitas & o-  
 cium & voluptas peracto bello, sequeretur. Pecuni-



niam denique neruum belli dici quàm esse potius existimandum, & ex Alexandro Magno contra Darium, aut ex Romanis contra Gracos, exemplum documentumque capiendum. His in vtramque partem sententijs cùm diu multumque disputatum, & bellum tandem esset decretum, tu, quæ tua prudentia, & in gerendis rebus cura & sollicitudo est, protinus illud apparare, tu militem conscribere, tu arma, tu commeatus disquirere cœpisti. Erat autem superioris belli, non admodum grata & iucunda omnibus memoria. Sic enim fit vt admirari quàm tractare arma sit longè facilius, & cùm domi, tum militia multa experiri & perferre miseros mortales oporteat. Itaque præteritarum rerum recordatione vix parem, ne dicam superiorem anni proximi exercitum collecturum esse te aliquis iudicabat: quas tu difficultates & hominum opiniones omnes, addo etiam fraudes & prodiones in te, & in rempub. factas, ita omnino peruicisti, vt diuina ope & benignitate fretus, ad expeditionem eam quam susceperas, expeditus ires, & nulla cuiusquam fraude aut machinatione retardatus viderêre. Iam Moschus cùm aperta viminus posset, arte & cuniculis fortunam tuam subuertere volebat, & suis ad te non tam oratoribus quàm exploratoribus subinde dimissis, quorundam animos ad prodicionem spe & precio sollicitabat. Et cùm multo antè id fecisset, tum verò per Nasczekinum quendam suum internuncium longè diligentius fecit. Qui vt erat mente non obtusa præditus, Gregorium Oscikum, furem audacia, scelus anhelantem, pestem patriæ nefariè molientem; quo cum clandestina haberet consilia, reperit,

& cùm

& cū legatos pacificationis gratia ad Moschum ut mitteres frustra postulasset, literis & respōsione statim accepta, denuo audientiam abs te petijt, ac insequenti die Vilna ne discederes, utq; legatos sui principis præstolārēre, postulauit. Fuit id admirationi omnibus, ut meritò esse potuit, venia discedendi accepta internūcium hostis ad te redire, & noua mandata exponere, omniaque hæc technarum & fallaciarum plena, & extrahendi temporis causa comparata videbantur. Quæ tu nihil magis quàm ferēda dissimulantissimè, & Naszekinum speculatoris quàm oratoris partibus potius fungentem, sine vlla acerbitate dimittendum, & vel hosti ipsi tempus aliquod certum assignandum, quo legatos ad te pacis gratia, si vellet mitteret, & interim metueret abs te nihil iudicauisti. At Oseikum tanquam putidum aliquod & sanguine, hoc est, dilectione patriæ carens membrum, cū nec inficiandi ratio, neque defendendi facultas amplius ei esset, instante senatu, iubentibus legibus, clamante patria, iustitia socia, vindice pœna è medio sustulisti. Atque ita demum rebus omnibus quæ ad hanc tantam expeditionem pertinebant maturè & diligenter prouisis, teque & tuis Deo opt. max. suppliciter commendatis, & à Gregorio XII. pont. max. per Paulum Vchanium eximia industria & animo virum, sacrato ense & galea accepta, quintadecima Iulij die Vilna egressus es, & Wczasnikos versus, milliaribus quinquaginta inde distantes, ubi copix omnes tuæ debuerant confluxisse, per Minsk, & Borissouo, respectans identidem, & operiens alios lentis itineribus contendisti. Quo ut peruentum erat, habita est deliberatio, quonam belligeran-



di institutum tuum, vim suam & potestatem exere-  
 re ante omnia deberet; & vt improuisum nisse<sup>se</sup> esset,  
 antequam magni Ducis fines & ditiones attingeres.  
 Neque id iniuria. Cùm enim in omnibus alijs rebus,  
 tum maximè in ijs, quæ ferro peraguntur, nefas est  
 dicere, non putaram. Volabat iam pridem fama, te  
 ad oppugnandum Smolenscùm, sicuti superiori an-  
 no ad Polociam profecturum; quòd ea via tormen-  
 ta bellica secundo flumine Caspla, ad aliquot saltem  
 à Smolensko milliaria vehi possent: & quod æquum  
 magis esset, recuperare Smolenskum, quod antea  
 erat Lituanorum, quàm appetere alienum, si quid  
 aliud esset quod dici deberet tuũ, tenebris antiqui-  
 tatis admodum esse inuolutum, & quod ibi hostem  
 quarere, multò esset melius, vbi & munitionem ex-  
 truxisse (qua expugnata omnia essent peruia) & exer-  
 citum collegisse quàm maximum diceretur. Neque  
 verò Smolensko Moscho adempta, Seueriensẽ di-  
 tionem vniuersam, potestatis tuæ esse futuram ali-  
 quis dubitaret; & hostem ea capta animum vel ma-  
 ximè desponsurum omnes crederent, cùm eius ti-  
 tulo inter alios se insignire, & illam arcem, tanquam  
 propugnaculi loco suarum ditionum habere videretur.  
 Sed enim in consilijs bellicis prima & maxima  
 virtus est silentium. Iam enim augurantibus sic de te  
 cunctis, & ipso Moscho, Smolenscùm oppugnatum  
 ne ites, vehementius suspicante, tu Magnam Lukam  
 versus ingressus es iter, quod & senatorum penè o-  
 mnium magna esset eam ad rem consensus, & pro-  
 uinciæ Liuoniæ atque adeò Lituaniæ, si diuertere  
 bellum hostis vellet defendendæ ratio, & vel mini-  
 ma in eam partem Moschi suspicio, ita suaderet, &  
 quod

quod credibile maximè esset, hostem eò, quò exercitum iturum coniecturam faceret, deiectis roboribus, alijsque artibus omnem aditum præclusisse, aut impediturum certè esse: & quod parum interesset, tuum ne quod hostis possedisset, an hostile aggredere; & quod denique Magnæ Lucæ agris & regione esset ferax, & opimum magis in tota Moschouia nihil, ad quam defendendam hostis venturus, & quod in votis maximè omnium fuerat, prælij fortunam tecum experturus, ab ipso Seremeto captiuo tuo, qui apud eum exercitus ductasset, omnibusque alijs diceretur. Neque verò vlla in re est lubricum & fallax magis, quàm de futuris euentibus iudicium. Attamen non tam consilia felici exitu comprobata delectare, quàm veritas in disputatione limata erudire nos conlueuit. Stante ergo sententia, vt Magnæ Lucæ oppugnatio potissimum institueretur, illustratis veteranorum militum ad Lukomlam copijs & Georgio Farensbeko, egregio & militari viro, regis Daniæ Marschalco, cum certa equitum Germanorum manu eò loci veniente: itum est primū Vitepscum, vbi Lituanorum copiarum ornatissimæ obuiam tibi sunt progressæ: demum Surasum, apud quam arcem tanquam in confinio hostilis ditionis positam, rapidissimum & maximum flumen, Dhūna, stratis pontibus superandum erat. Tu interea Ioannem Zamoscium regni cancellarium, summi animi & consilij virū, ad expugnandū Vielisum Vitepsko dimisisti. Distabat illud 16. à Vitepsko mill. & vniuersæ eius regionis ceruicibus, impositum, ac natura & arte permunitum, à forti etiam præsidio hostili tenebatur. Quā ille arcem vt hosti carissimā ita Russiæ infestissimam, tor-



mentis admotis, diebus quàm paucissimis per dediti-  
 onem cepit, & quasi à dextro latere, tibi, & tuis co-  
 pijs excubiarum loco factus, Magnam Lukam con-  
 tendit. Tu ipse Vsuiatum profectus es, & eam magni  
 Ducis munitionem, Lituaniæ adentram, ac Olgerdi  
 magni Ducis Lituanoꝝ olim sedem, Nicolao Radi-  
 uilo, amplitudine familiæ, & rebus gestis clarissimo  
 imperatore, cum alijs senatoribus & nobilitate Li-  
 tuanica, eorumque voluntarijs & præstantibus copijs  
 præmissis, potestatis tuæ effecisti. Mittere tum hostis  
 ad te literas, & internuncios, & dimissæ iam pridem  
 legationis spe distinere te, & ab itinere cæpto, te  
 trahere instituit; & suis adeò literis illis iussit <sup>o. inseruit</sup>  
 versus Davidis, quibus à profusione Christiani san-  
 guinis homo videlicet patiens & moderatus te de-  
 hortatur. Tu nihil his mouebare, eius artibus & fal-  
 lacijs, sed quasi ex composito, & veluti quadam lite  
 damni & iniuriæ cōtestata, cum ad VI. Augusti diem,  
 sicuti per Nasczekinum assignaras oratores, Moschi  
 non venissent, insequenti die Vielisum possedisti, &  
 breui post Vsuiatum, die eiusdem mensis sextadeci-  
 ma, cum neq; tunc ut literis suis denuo missis pollice-  
 batur, legati ipsius aduenissent per deditiōem acce-  
 pisti: dimissis omnibus cum fortunis & facultatibus  
 qui in præsidio fuerant, saluis, quòd hac clementiæ &  
 mansuetudinis tuæ fama alios quoq; ad deditiōem,  
 faciliores esse futuros iudicares. Sed in barbaris & in  
 seruitute hominibus natis, seueritas quàm placabili-  
 tas, multò magis potest. Iam verò dū Surazo, Vsui-  
 atum, & inde Magnam Lukam proficiscebâre, quot  
 & quanta incommoda ferre, & quantas viarum ac  
 siluarū difficultates superare fuerit te necesse (quam-  
 quam

quam secunda molestiarum recordatio habet aliquando voluptatem) longum esset percernere. Summa quod ego quidem sciam fuerunt incōmoda omnia, immensa itineris longitudo, silvarum densitas tanta, per quam via aperiri ferro vix poterat, paludes & torrentes transitu difficiles, regiones ob vastitatem superatu incredibiles, ita, ut hac expeditio tua, cum longissimis & difficillimis omnium regum & atatum expeditionibus iure ac merito conferatur. Nō Turcæ in Persidem, non Hispanorum ex ultimis Hispaniæ oris, in Germaniæ inferioris prouincias, non illa in Syriam quingentos ante annos Christianorum expeditio, longior & difficilior fuerat, non denique Christianorum regum & principum alius post Vitoudum, sua contra Moschum arma longius protulerat. Interea rerum Moschouitica illa tandiu expectata superuenit legatio, verbis & barbaro fastu quàm rebus magis instructa, cuius ego ineptias si percernere vellem, dies ipsa me deficeret. Principiò negabant legati se mādāta sui principis exposituros, nisi tu etiam ab oppugnanda arce prius recederes, teque in Lituaniā referres; id cum nec licere, neque decere ut postulabant, responsum eis fuisset, in tentoria sua se receperunt, tanquam in viam planè se daturi. Demum verò, cum dies aliquot silentio transgissent, & ardere arcem ex rumore acceperant, audientiam repente postulant, & legationem exposituros se esse pollicentur. Iam dubitabat nemo, Moschos illos non tam oratores quàm licitatores censeari potius debere, & sui dissimiles non esse futuros, quò minus plaustra verborum tantum afferant, & ad extrahendum tempus disquirant tendiculas. Sed



tamen, ne vel in hac parte desiderasse aliquid iure viderentur, denuo ad te honorificè (vt semper aliàs) deducuntur. Fit summum silentium, adest maxima frequentia virorum præstantissimorum, simul verò & illius (si dijs placet) orationis eorum, & tormentorum ad arcem tuorum exauditur sonus. Tum illi nō tam ea quæ ad pacem spectarent, sed quæ animum tuum magis irritarent proferunt: longa serie Principis sui ad te legationes, & rursus ad illum tuas commemorant: damna & iniurias abs te ei factas exaggerant: & nequid tale in posterum fiat, postulant: & omnem iracundiam siue indignationem principem suum, deposuisse erga te testantur, quod etiam si secus fuisset, & ipse legatorum loco venisset, tu ferre non inuitus poteras. Est porrò in more positum & consuetudine Moschorum, vt cū primā quasi partem legationis suæ absoluerint, reliquum exponant senatui, & de fœderibus conditionibusq; pacis cum ijs tractent. Disceditur ergo ex tuo, in aliud tentorium; assident legatis consiliarij; fit de conditionibus disceptatio, quæ erant perquam ridiculæ, nempe Polociam & alias captas per te arces, vt Moscho restitueres, fœdus perpetuum cum eo (si placeret) iceres, & id genus alia. Quæ cū eis non successisset, mox aliam ingrediuntur viam: neque renunt vt Polociam habeas, & in Liuonia arces eas, quæ ab ipsius perfidia tibi erant relictæ retineas, vtque arce Iezierzyscze & Vsuata iam possessa pro captiuis illius, potiari. Mouere ista stomachum poterant, & oratores vel licitatores illos potius, tot tantisq; cum ineptijs in conspectum tuum admitti amplius videbatur indignissimum: tu tamen nec publicè neque priua-

priuatum, ne verbo quidem vlllo violari eos permiffi:  
 fti: fed cùm dicerent fe habere in mandatis, vt fi quæ  
 eflent, de quibus conuenire tecum minus poffet, per  
 literas vel internuncium, ad magnum Ducem refer-  
 rent: cum illorum tuum etiam internuncium in Mo-  
 fchouiam dimiffi, ad magnum Ducem literis datis,  
 quibus perpetuam voluntatem tuam erga Chriftia-  
 nam rempub. declarare, & te pacis atque tranquilli-  
 tatis custodem eflè fignificare voluiffi. Interim die  
 ac noctu arcis durabat oppugnatio, & vix vnus diei  
 itinere aberant internuncij, cùm magnitudinem  
 ignis confpicati, captam iam arcem eflè facilè iudica-  
 uerunt. Erat ea in aperto campo, & poft tantam fil-  
 uarum magnitudinem in amœna quadam planicie  
 pofita, in quam exufta per ipfosmet hoftes, prægran-  
 di & pulchrè extructa ciuitate magnus fele ciuium &  
 agrefcium numerus intulerat. Fit ergo ea qua capi-  
 tur die cedes quàm maxima, vix cum aliquo ſexus vel  
 ætatis vel etiam conditionis alicuius discrimine, &  
 quàmquam pueris & fœminis, & viris adultis aliqui-  
 bus vita fuerit ſeruata, tamen maxima hoftium pars  
 furore militari & impetu cadit. Præfecti arcis quos  
 Palatinos vulgò dicunt, in munitiones cancellarij  
 captiui deducuntur. Vieiko, qui tanquam præſes &  
 custos omnium, nuper miſſus à Moſcho fuerat, ho-  
 mo nequiſſimus & adminiſter voluptatum, tyran-  
 nidifque ipſius trucidatur; omnia denique fletu, e-  
 iulatu & cadibus complentur. Admonueras eos tu,  
 vt regiæ clementiæ fidere, quæ nulli vnquam  
 defuiſſet, quàm ſupremum diei exitum expectare  
 potius vellent: fed nihil eſt ſpe vitæ maius, & ni-  
 hil fallacius, quæ ſi vix deſtituit morientes, quid



destituat armis pro victoria contendentes? Quo  
 loco venit mihi in mentem diei illius quo tu electo  
 castrorum loco cum vniuersis copijs tuis sub arcem  
 descendisti. Præibant tot equitum hastatorum mil-  
 lia instructis ordinibus, sequebantur selectissimi pe-  
 dites suis agminibus, ingens erat equorum fremitus,  
 splendorque armorum, & tubarum sonus, tot ar-  
 cium & pugarum victrices bombardæ, & infinita  
 curruum, quadrigarum, & impedimentorum mil-  
 lia, terga claudebant: omnes denique copiae, viris, e-  
 quis, armis, gemmis, auro & argento ornatae, & ter-  
 ris quodammodo graues, suis inauratis & pictis ve-  
 xillis distinctae spectabantur: sic vt terra mugire, tor-  
 rentes sisti, montes & arbores gestire præ admiratio-  
 ne earum viderentur. Quas summum arcis excipit  
 silentium, quale aut deditionis spem facere, aut vero  
 hostium in extremis difficultatibus & periculis per-  
 ferendis obfirmatum animum prænunciare cōsue-  
 uit. Qui certè talis ac tantus exstitit, vt haud scio an  
 obstinatio hostium admiratione, an verò peditum  
 tuorum, maximeque, Vngarorum veteranorum vir-  
 tus prædicatione digna magis fuerit: quorum forti-  
 tudo in periculis, labor in operibus, patientia in la-  
 boribus, industria in aggrediendo, constantia in per-  
 sequendo hoste, maxima enituit. Quos utiq; crudeli-  
 tatis & immanitatis damnari ab aliquibus audio: nec  
 verò & ipse illius diei victoriam secus terminari po-  
 tuisse & debuisse existimo, & illud certè contendo  
 omnes eos qui interfecti sunt, furore Martis occidis-  
 se, non ira tuæ victoriæ: & Vngaros dignos esse lau-  
 de magis quàm conuitio. Qui cum à ducentis penè  
 annis, cōtra Turcas Christiani nominis hostes bella  
 gesse-

serint, tamen non modò supersint aliqui, sed in his tam longinquis regionibus militent, & pro principis sui, atque huius reipub. gloria à Danubio, à Tibisco, à Saava, à Draua, à Marosfa procul, vix non ad Mæotidem lacum, & in vltimas Aquilonis latebras, armorum suorum vim, terroremque extendant. Nō Ungari crudeles sed perfidi Moschi, non illi feroces, sed isti ingrati & immemores beneficiorum sunt censendi. Quod enim est maius beneficium quàm huius lucis vsuram alicui dare? vita & facultatib. cùm iure & meritò possis non eum priuare? At Moschos ista expertos esse omnia nemo est qui negare possit. Vita est ijs data, non latronum more, sed victoriæ lege: non sicuti quidā structis insidijs gloriantur, vitam se dedisse ijs quibus nō ademerint, sed iustè ac legitimè bello denūciato & suscepto, & eo iurè habito, quod diuina Nemesis armis & victori datur. Facultates postremò eorum sunt ijs restitutæ, si eorum & non tyranni debent potius appellari. Testis est eius rei Pollocia, testis Sussa, testis Vielizium, testis Vsuaiatum, ex quibus arcibus ij qui in præsidio erant cuncti dimissi sunt, & quò volebant cum liberis, coniugibus fortunisque suis rurò sese receperunt. Agè porrò, quid est minus hominis quàm ingratū esse beneficiorum, etiam minimorum? Aliter enim exsoluitur gratia, & aliter pecunia. Pecuniam qui retinet non dissoluit, qui reddidit, non habet: gratiam & qui retulit habet, & qui habet dissoluit. At verò in Moschis tam ingrati significatio animi, tam immemor mens beneficij, tam nulla ratio humanitatis & officij deprehensa est quam vix credi potest. Siquidem ij quos dimittere placuit non solùm Lucam ingressi sunt, sed



hortatores etiam auctoresque ad obstinationem alij fuerunt. Qui tamen omnes sic dederunt manus, ut cum alijs, tum verò id temporis maximè verum fuerit illud quod dicitur, satis volentes duci, nolentes trahi ad interitum. His ita gestis, tu arcem reparare quam ferè vniuersam flamma absumferat aggressus es, quod in eius restauratione totius illius expeditionis fructus positus esse videretur. Quod dum facis, duo etiam alia, mea quidem sententia es assecutus. Primum, quod tantum tamque maximum exercitum, qui centum hominum & centum equorum millibus amplius constabat, mirum in modum refecisti: res omnes non modò ad necessitatem, verum etiam ad voluptatem loco illo subministrante. Alterum quòd non modò arces & munitiones hosti eripere, sed & ipsum si egredi & prælio experiri fortunam tecum voluisset, vno in loco diu multumque expectare es visus. Sed profugerat iam pridem ille Slobodam ultra Moschouiam, & ut homines cupiditate aliqua perditì, siue fanatici, ægritudini animi sui, vino & somno medicinam quærunt: sic & Moschus, ut quasi exultare suis in illa calamitate videretur, uxorem tunc (ut ferunt) & ipse duxerat, & filij maioris natu sponsalicia celebrabat: copias tamen suas varijs in locis habebat distributas, quas, ut ex literis eius apud captiuos inuentis patet, ut nò tam aperto Marte quàm furtim & à lōge exercitum tuum carperent & infestarent, ille tam strenuus & gloriosus imperator identidem admonebat. Has cum ante etiam milites tui fudissent, ita ut nunquam ex nostris, quos pabulatum profectos aliquando ceperant, impune Moschi triumpharent: tum verò ad Turopczum  
 vt con-

vt confluisse aliquot eorum turmas audiisti, vt non armorum tuorum vim & formidinem, eò quoque proferres, facere non potuisti. Primum ergo Georgius Barbi Vngarus, veteranus & industrius praefectus, mox & Stephanus Zbarscius, Braczlauensis Palatinus, vigilantissimus & animosissimus dux, cum aliquot equitum millibus est abs te missus. Et distat quidem Turpoczum sedecim à Magna Luka miliaribus, ob summamque viarum asperitatem, & siluarum densitatem aditum habet perdifficilem; ita vt non minus in faciendo itinere laboris quam in configendo cum hoste periculi inesse videatur. Eò post infinitas molestias & difficultates cum miles tuus peruenisset, ab ipsis hostibus ciuitas exusta est. Moschorum verò & Tartarorum copiae, tuos, quos longè pauciores fuisse suspicabantur, sub ipsis quasi arcis propugnaculis in planicie expectabant. At verò vsque eò est terribilis victor exercitus, vt vel sine armis geminet sapius victoriam. Iam enim stante aduersa acie, & militum tuorum ordinibus instructis, armisque praelucentibus, persequente adhuc nemine, hostes terga vertunt, & nullo virtutis argumento edito, repente omnes fugere incipiunt; quos miles tuus insecutus trucidat, & capit quamplurimos: sic, vt inter illustriores captiuos alios Demeczin quidam, cognomine Czeremissa, fauore & gratia sui principis, apud suos clarus, & Naszcze-kin alter, qui postremò Vilnè hostis ipsius internuncius apud te fuerat, tuam in potestate peruenerint. Nusquā autē tam dicaces homines reperiuntur quam sunt Moschi, & nunquā tam fit eis malè quin re-  
mittant animum, & liberius loquantur, pro vt in hac re.



Viderat Nicolaum Olesnicium, familiarem tuum, cum esset internuncius Nasczekin Vilnæ, quem cum illo in loco, sed dispari fortuna rursus vidisset, quam varia diuersaq; inquit, sunt Olesznici tempora. Nuper cui obuiam progredi cuncti non dubitabatis eum nunc demum victum & captiuium ducitis. Idem abs te Vilna, cum in Moschouiam proficisceretur quendam, qui pro ductore datus ei fuerat ad magnū Ducem viscum rapuerat, & miris tormentis ut subijceretur causa & auctor extiterat, ut consilia tua si quæ sciret, omnino explicaret. At enim faciendum non est ut decoro & honestati remittamus nuncium impunitatis spe & fiducia. Homines quamlibet locis & regionibus disiuncti, præter voluntatem & opinionem suam aliquando conueniunt, & sui quæque sceleris sua manet pœna. His ita præclare gestis & confectis rebus, nondum quiescebat regalis mens & animus tuus. Oppugnabatur Neuelia à Ioanne Drohostaiscio, Polocenſi Palatino, vix non ex eo tempore quo Magnæ Lucæ oppugnationem tu etiam fueras aggressus, quod eam arcem inter Polociam & Lukam relinquere hosti esset inconsultissimum; & quod arx siue munitio altera, Iezerzisce nuncupata, perinde atq; anno superiore Susſa sese deditura, capta Neuelia crederetur, ut mox opinionem euentus comprobauit. Verum ea Neuelij oppugnatio paulo erat languidior & propter præsidium quod ei arci inerat fortissimum, & propter tormentorum, & deniq; propter militum tuorum à quibus oppugnari cœpta fuerat paucitatem. Non Palatinorum hortatu qui in Luca capti, & ad Neuelienses ut se dederent missi fuerant, non minis non terroribus, non vitæ & gratiæ

gratię pollicitationibus profectū fuit aliquid: summa erat hostium obstinatio, mira quidē in conquirendis & iaciendis telis in tuos inuentio, incredibiliter insultare tuis, suis verò qui sese dedidissent, perfidiam exprobrare, & præsidiere sibi videbantur. Itaque Iohannem Bornemissam, Bornemissæ illius clarissimi viri filium, qui contra immensum Solymanni Turcę exercitum sub Fetdinando Casare Agriam defendit cum certo Vngarorū peditum numero & tormentis ad eam arcem expugnandam denuo misisti. Sed omnino est mirabile, quantos tyrannidis metus in animis hominum relinquat aculeos. Iam enim siue fide in principem, siue verò crudelitatis & sæuitiæ ipsius metu in defendendis strenuè arcibus sic peruiaces Moschi fuerant, vt periculi nullius vi, nullo metu mortis, nulla gratiæ spe ab instituto dimoueri possent. Erupit simul atq; Bornemissa venit, nō parua eorum manus, & cū in munitionibus liberius vagantes, & nihil tale suspicantes, tuos esset aggressa, non paucos vulnerauit, aliquos etiam interfecit. Bornemissā quidē ipse, & strenui militis, & vigilantis ducis tulit eo die nomen. Nec multo pōst, suis inultam ab hoste maculam, subdita arcis flamma, eademque per deditionem occupata, egregiè absterfit. Ex qua arce, vt & alibi fecisti, omnes eos qui in præsidio fuerāt, vita & facultatibus eorum saluis dimisisti. Supererat Zauolocia, & Siebiezum, & Opozka, tria hostilia propugnacula, quibus hosti ademptis, per immensa terrarum spacia, imperium tuum prolatum iri, & Russia Lituaniaque tuta futura esse videbatur. Et quantum à Luka, Neuelia, tantum ab vtraq; Zauolocia, veluti in triangulo posita pene di-



stabat. Hanc ad Zauolociam cancellarium mittere,  
 & te ipsum Neuclium proficisci quasi in reditu placet. Philo interim Cmita, post captam Polociam, Palatinatu Smolenscensi auctus, qui certis militum auxilijs coadunatis, primùm quidem stāte, mox reflante fortuna contra Moschos ad Smolenscum dimicauerat, & à te demum accersitus eò venerat, arci præficitur. Curantur omnia quæ tum ad impetum hostis propulsandum, tum ad obsidionis difficultatem perferendam spectant: miles, tormenta, & id genus alia relinquuntur, & quod antè posuisse debueram, tua cura, tuo studio, tuo diurno nocturnoq; labore, arx ipsa perficitur. At tandem Neuclium iter suscipitur, inquadum de locorum & temporum rationibus in quibus miles hiemaret habetur consilium, Iezierziscum sese deditit. Palatini Vlnensis cuius est summa apud hostes fidei & auctoritatis opinio, & aliorum senatorum Lituaniæ interuentu. Quæ arx siue munitio vt loco & natura munita est, ita arte & structura omnino admiranda. Eò etiam ij, qui ad magnum Ducem ierant reuertuntur internuncij. Iam paulo loqui cœpit Moschus ciuilius, & Dhunam flamen, cuius argenteas ripas, aureum fundum, apud se esse olim dicebat, cum arcibus cunctis quæ ei adiacent restitutum se esse tibi promisit. Quam deliberationem omnem, tu ad comitia reiecisti. Et quia iam sauire hiems cœperat, & tam viris quàm equis alimenta defecerant, domum quisque reuerti, & ex horrida regione referre vel quàm primùm pedem, nemo non habebat constitutum. Tua vnus in tot tantisq; incommodis ad omnia perferenda incredibilis percalluerat patientia: sed dandum nihilominus

nus fuerat precibus aliquid, necessitatiq; communi. Quocirca missis ad cācellarium equitum & peditum nouis auxilijs, per maximam, & non solū transitu difficilem, verū etiam aspectu ipso horribilem siluam, Polociam es profectus, eamq; vnus aut alterius diei itinere mira celeritate superasti: cū reliqui omnes plures dies in ea hāssent, & aliqui cū nec regredi, neque progredi possent, currus, equos, arma & supellectilem abieciissent, suspensos iam tenere cōperat multos Zauolocia oppugnatio, quæ arx vndiquaq; circūfusa aquis, & in colle posita, erat perquam difficilis expugnata, apud quam militum tuorum casum, de quo incerto auctore allatus rumor Polociam fuerat, dolere videbare. Sed tamen quæ tua prudentia & in gerendis rebus experientia est, sine cæde & sanguine illa non fieri posse affirmabas. Imperatoris esse quā paucissimorum, solius Dei opt. max. interitu nullius constituere victoriam. Ac sic demum Polocia Dzisnam profectus, Zauolociam captam esse audiisti. Quæ perdidit sanè aliquos, sed tamen & ipsa hosti tuo perijt. At verò hæc nimirum laudanda quæ claudit opus est victoria: & cū apud arces alias non frustra tentasse fortunam fuerit pulcrum, tū apud Zauolociam pulcerrimum. Quamuis non tantum equorum & fortunarum, sed etiam multorum virorum bonorum iactura, hæc tot expugnationes arcium constiterint. Quorum mors naturæ debita, patriæ est potissimum reddita, & quorum vitæ virtus socia, interitus comes gloria fuit. Amisimus quippe superiori anno ad Polociam Michaelem Vadas, peditum Vngarorum præfectum, & Ioannem Curossium equitem Polonum, omni po-



steritatis memoria dignos, & præstantes viros. Amisimus ad Sokolum Kamienscium, Vissocium, & Iacobum Suiecinium, & Iacobum Borukouium & Nicolaum Cloczeuium, vt paucos in multis cōmemorem. Hoc verò anno, Procouitium ad Vsuatum, ad Lukam Petrum Cloczeuium Castellatum Zauichostensem, & capitaneum Malogostensem, studio in remp. & obeundis legationibus, ad externos commēdatum: Ruffinium, Drohobuzium, Petrum Gergel Leski amisimus: ad Neuelliam Bernhardum Golubicium, & Stanislaum Rucium, nobiles centuriones desiderauimus. Tandem verò & ad Zauolociam Christophorum comitem Rozrazeuium, genere, virtute, industria & rerum vsu præditum, & Martinum Veierum, Ernesti illius Veieri, nepotem (qui omnibus ferè bellis, quæ quadraginta annis sunt in Europa gesta, interfuit, & aliquibus præfuit, & qui nunc etiam comitem se tibi præbuerat) eripuit nobis fortuna. Verùm ita se res habet, vt magnæ & memorabiles res nō fiant sine magno & memorabili plurium interitu. Non potest non acerbissimus esse casus illorū, qui sua morte victoriā nobis pepererunt: sed enim pericula vitari queunt, mortem effugit nemo. Maxima incommoda & detrimenta passi & experti sumus: at vel summarum voluptatum capit nos obliuio, nisi amaritudo dulcedini misceatur. Denique danda est opera vt non tam mortē eorum qui eam timuerunt nunquam, lugere & deplorare, quàm virtutē imitari videamur. Tu saluus & incolumis redijsti, in quo nostra omnium spes est reposita; quem conseruatorem patriæ, firmamentum salutis & libertatis, vindicē libertatis suæ cuncti agnoscunt,  
& bello

& bello fatentur eximium, & præstantem ducem. Cuius ego in rebus gestis enarrandis nõ abutor conscientia, cui nullas mea aut veras adimit, aut falsas annectit laudes oratio: & ad quem prædicandum summa industra aliquem, non secus ac olim Appellem ad pigendum, aut Lysippum ad fingendum Alexandrum Magnum accedere oporteret: & de cuius excellenti virtute, magnitudine animi, consilio, gravitate, moderatione, clementia, non Græcæ, nõ Latinæ, non barbaræ literæ conticescent. Quæ cum ita sint STEPHANE REX, frui re gaudio & lætitia ea, quam tibi præstas regiaq; virtus & felicitas tua comparavit: retine nomen quod habes, bellatoris optimi, moderatissimiq; victoris, & te maiora indies manentem summa cum alacritate diuinitus præstolare. Dei opt. max. idem qui fuit semper mos & natura est, vt in dandis beneficijs non sit cõtentus vno, sed cui largiri sua munera cœpit, si gratus fuerit, potiri vel pluribus atq; maioribus eum patiatur. Quo per omnes honorum gradus ascenderis nosti, quæ verò in hoc solio fortuna te maneat, quam tum, cum ad illud nondum ascenderas, faciliorem (vt mea fert opinio) coniecturam capis. Atq; ita velim statuas antithesin illam esse, semperq; fuisse verissimam: Maiestatem regum à summis ad media difficilius detrahi, quàm à medijs ad ima præcipitari: & rursus à medijs ad summa, quàm ab imis ad media deduci esse facilius, virtutisq; quàm ætatis cursum multò celerior. Si modò & illa ima, & hæc media dici in te poterūt & debebūt. Et si in rebus tuis fortuna aliquando multum, non minus certè prudentia potuit. Si quidem res abs te gestæ vt à constituto ducuntur ini-



tio; sic etiam certo terminantur fine, semperq; tu habes vt incipiendi rationem, sic & desinendi modum: & imperium tuum Oceano, & gloriam nō terminas astris (vt ingeniosus cecinit Poëta) sed pace, cōcordia atq; ocio regni tui, neq; ad immortalitatē & laudem tui nominis sanguine hominū, & corporibus occisorū sternis tibi viam: sed cōseruata Dei opt. max. religione, ciuiumq; tuorū ac reip. libertate, pro qua cū bellum geras, & in eo victor & triumphator semper euadas: tamē nemo est qui te alio vultu in bellū euntē, quā ex bello redeuntē cernat. Sic in te nec prudētia cedit fortunę, neq; ipsa fortuna tumet & effertur secūdo rerū & prospero flatu. Quē in rebus modum tenere nō posses, nisi hic sensus, hęc mens, hęc ratio armorum tuorū semper fuisset, vt nō tuum sed Christi imperium, nō tuam, sed Dei immortalis gloriam astris terminares. At verò si C. Iulius Cæsar, qui nō minus moderati animi laudes, quā triumphos, & imperia quæsiit, vt eas gentes quas Cn. Pompeius paulo antē domuerat, paruo negotio se subiugasse demonstraret, dicere de se veritus nō est, veni, vidi, vici, quid ni tu etiā simile aliquid dicere de tā superbo & crudeli hoste parta victoria possis? Et quisquā dubitabit, eo, qui Cazanos & Astracanos Scythas sibi subiecit, qui Austrū versus ad mare vsq; Caspium, ad Aquilonē, ad fluuiū Obbi, & ad extremos Lappones imperiū suum ptulit, qui Danorū, qui Suecorū regibus, qui Liuonibus, qui Tartaris, qui Turcis denique ipsis formidabilis, & toto terrarum orbi admirabilis fuit, coercito, plusculum aliquanto laudis posse te iure ac merito sibi vindicare? Perfectis profectō id quod ante te nemo, vt maius hoc & grauius cū Mo-  
scho

scho bellum, quàm ferè illæ cunctæ, quæ Constanti-  
 no Ostrogio ad Orscham, Ioanne Tarnouio ad Sta-  
 rodubum, Nicolào Radiuilo ad Iuanskum, Stani-  
 slao Lesniouolio ad Neuelim, Romano Siengus-  
 ko ad Sulfam Ducibus, initæ sunt cum eodem pu-  
 gnæ videatur. Pacem abs te Moschus petit quam  
 semper contemserat; conditiones eius accipit, quas  
 dare aliàs didicerat; legatos ad te suos mittit quos ex-  
 pectare consueuerat. Hic cùm ad Cazanos & Astra-  
 canios Scythas subigendos iturus, semel Polociam  
 oppugnaturus, iterum Sigismundi Augusti ad Ra-  
 doszkouicze contra eum exercitum educentis bel-  
 lum à se propulsaturus tertio iurasset, & subditis suis  
 omnia libertatis iura, facta tecta semper fore falso  
 promississet. idem & nunc fecit (vt aiunt) aduentantis  
 exercitus tui terrore, & malefactorum suorum per-  
 motus conscientia: neque factu aliquid prius habuit,  
 quàm vt & subiectorum suorum beneuolentiæ præ-  
 sidia, & ruorum, si qua fraude posset auxilia contra te  
 sibi compararet. Videt siquidem nobilium & præfe-  
 ctorum suorum numerum in potestatem tuam quàm  
 maximum esse redactum. Videt Cyprianum Magnæ  
 Luke archiepiscopum, à quo & Polocia archiepisco-  
 patum administrari cōiunctim voluit. Videt Basilium  
 Iuanouicz Mikulinski, Telatowski, Demetrium Mi-  
 chaylouicz, Szczerbary Obolinski, Matthæum Iua-  
 nouiz Rzowski, Ioannem Hrehorouicz Suffin, Pe-  
 trum Iuanouicz Volinski, Lukianum Trzeciakow, oc-  
 cupata Polocia, in potestatem tuam peruenisse. Videt  
 Seremerum ad Sokolum captum, qui tot & tantis rebus  
 contra Scythas gerendis, exercitibus in expeditionem  
 ducendis apud eum præfuerat. Videt in Vieliza Paro-



lin BruczoW, & Basilium BasmakoW, in Vsiata Michaellem VieldzeminoW, Ioannem AscaroW, in Magna Luka Theodorum LikoW, Michaellem Kassin, Georgium AtissakoW, Basilium Ismaelis filium: in Neuelia Ioānem Cramissa, Mindzanum KoliczoW, Ioannem BibikoW, Stephanum Bobron: in Zauollocia Basilium SoboroW, qui Astracanianorum & Kazanianorum Tartarorum subigendorum dux auctorq; fuerat; Ioannem Slobin & Basilium Nazimor qui peditatui præerat, captos & detentos esse. Vider Demeczin Ceremissam, omnium libidinū & consiliorū suorum cōscium, & Naszczekinum, non pacificationis, sed molitionis nunciū, prodromū perfidię, tyrannidis satellitem suā, in militum tuorum manus ad Turopczum incidisse, vt Borisseium Seinum, Andream Palecium, Michaellem Licium, Basilium Kriuoborfcium, Ignatium BludoW, & Voieico magni nominis duces & præfectos ipsius, multosq; alios occisos, & penē infinitos captos, ac in potestatē tuam, tuorumque redactos; tormenta bellica amplius ducenta illi erepta, magnam commeatus, maximā apparatus bellici vim & copiam ablatam, non commemorem. Horum ergo morte, illorum captiuitate, & cū tot arcium, tum virorum interitu, cū opum & facultatum, tum nominis & existimationis suæ iactura, vehementer commouetur: harum rerum lacerat, harum cruciat eum recordatio: hunc denique eundemq; exitum, qualis & alios tyrannos semper mansit, cum metu & horrore circumspicit. Liuiam quomodo restituat atq; reddat tibi, nunc reuoluit secum, nunc haret animo, & acerba eius rei cognitione penē totus contabescit; nunc cū spe, nūc cum

cum metu configit; nunc imperij augēdi cupiditate nunc amittendi formidine cruciatur. Turpe esse ducit ea quæ tantis latebris & tenebris obscuritatis suæ lucem attulit, quæ nauigationem in varias orbis terrarum partes, quæ cum exteris gentibus nationibusque cōmerciis illi aperuit prouincia sese priuare: sed rursus quibus dolis & fraudibus eam quæsierit, quàm perfide tecū, quàm insidiosè cum tuis ciuibus, quàm immaniter & tyrannicè cum omnibus egerit recordatur. Hæc ita abire nō posse diuturnitatis custodem merum infidum esse, semperq; fuisse, genium tuum fortiorem illius videri, fortunam superiorem indies euadere cogitat, atq; considerat: tot deniq; fraudes & periuria, tot mortes & supplicia, non iam adultis, sed pueris & infantibus omnium consiliorum expertibus, per se illata tacitus secum recognoscit, & conscientię angoribus, scelerumq; cruciatibus, tanquam furiarum tædis ardentib. dies noctesq; terretur. Postremò præterlapsa illa tempora cernit in quibus nō bello, sed belli metu calamitatem reipub. afferebat, & quib. maximas clades & spoliationes oppidorum, vastitates agrorum, interitum legum, cædē ciuium apparabat: reuixisse Vitoudum intuetur, qui non in suorum tectis, ruinis & incendijs, sed in alienis agris, fortunis, domicilijs, cum eo non dicam hoste quod leuius nomen est, sed cum violatore fidei, cum contemptore pacis, cum auctore inauditæ crudelitatis, cum patrono nequitie, cum labe & dedecore pudicitie bella gerit. Quem quidem Vitoudū adesse iam, & tecum sic loqui videre mihi videor, Salue heroum præstantissimè, decus & præsidium istius reipub. Bathorei generis & nominis gloria, cuius eximiam vir-



## 42 PANEGYRICVS C. WARSEVICH

tutem & ingerendis bellis felicitatem, quam antè laudari audiebamus, nunc re ipsa experimur. Tibi ergo non statuas auro vel argento nitentes, nō triumphos arescentibus laureis, sed longè his maiora & augustiora insignia, honoris & ornamenta dignitatis decerno, atque tribuo. Te non inter minorum gentium populi, rectores aliquos, sed inter summos reges & monarchas, qui respub. gubernarunt, ornarunt, propagarunt, iure ac meritò collocandum puto. Tibi fert acceptam suam Transyluania libertatem, Lituania pacem, Polonia dignitatem: re tui ciues amant, hostes timent, socij venerantur, exteræ gentes & nationes admirantur. Suscepisti bellum, fama & opinione magnum, necessitate iustum, beneficio erga rempub. gratum, progressu & consecutione gloriosum: perfregisti hostem natura barbarum, voluntate perditum, fide & religione vanum, superiorum temporum iniuria clarum, tuis regnis & prouincijs infestum, inaudita crudelitate memorandum: cuius impotentia animi in supplicijs, libido in stupris, cupiditas in rapinis, superbia in contumelijs tanta est, semperque fuit, vt nemo non modò augere vel exaggerare eam oratione, sed ne enumerare aut consequi possit. Quo cum eum qui tibi restat actus, solito animi viriumque robore prosequaris. Temeritatem eius consilio, malitiam candore regio, fallendi & simulandi artificia perspicaci prudentia, furorem potentia tua superato. Nihil tibi eorum deest, quibus imperia & regum opes continentur. Est felicitas, quæ diuina quadam sorte datur, est prudentia quæ bono, nescio quo naturæ comparatur. Quæ quantò maiora & augustiora sunt,

sunt, tantò sibi sedem eodē in loco rarius quærunt, & vix aliquando sociantur. At vtrumque illud quod diuinus Plato ad summam perfectionem pertinere ait, in te est vno, summa videlicet potentia & sapientia. Quid enim te solertius? quid felicius? quid admirabilius dici aut fingi potest? Sit mirum C. Iulium Casarem, oppressa republica ab imis ad suprema adscendisse, te non oppressa, sed expressa ipsius libertate regno esse potitum, quanto est magis admirandum? Sit gloriosum Matthiæ Coruino Hunniadis filio, à Georgio Podebracio Bohemiæ rege, ex carcere & vinculis extracto, vna die & regnum & libertatem, obuénisse: tibi non vnus Regis studio, sed multorum hominum iudicio, post tot pericula, discriminaque vitæ, delatum etiam regnum esse quanto est, eritque semper gloriosius? præsertim cùm non te locus, quàm tu locum magis exornes, neque tibi splendoris plus regnum, quàm & tu regno afferas & concilies: & cùm in administratione gubernationeque reipub. nihil tam arduum & difficile inueniatur, quod tu & labore vincere, & fortitudine animi tueri, & felicitate superare, & celeritate tua non possis conficere. Nam vt ea quæ in Transyluania gessisti tacitus præteream, vt quâta omnium cōsensione electus, quanta constantia defensus sis, quot, quantasq; difficultates, æmulos, pericula superaris, quàm fortiter & feliciter res contra eos gesseris non cōmemorem, vt de ijs quæ ad Lubiescheuium lacum, contra Gedanen: Ioâne Zborouio Castellano Cnesnē: aut ad Vendennā cōtra Moschos, Andrea Sapiha, strenuissimis fortunatissimisq; ducib. victorias retuleris non loquar:



yt ista, inquam, omnia quæ fuerunt, sunt, & erunt  
 semper maxima, silentio trāseam: quid hoc Moscho-  
 uitico bello, cui nō modò interfuisti, verū etiā præ-  
 fuisti maius & admirabilius fuit, aut esse potuit? Quæ  
 post hominū memoriā, oppugnatio ancipiti con-  
 tentione, duces, & milites distractos, arctius Polocia  
 tenuit? Quæ arx siue munitio maius præsidium So-  
 colo habuit? quid Toroŭlia, quid Crasno, quid Sy-  
 thno, quid Nieszerda, quid Caziani, ditionibus tuis  
 magis infestum, & quasi ceruicibus eorū impositum  
 fuit? quæ superiori anno cuncta, armis tuis cesserunt,  
 & sub tuum ac huius regni imperium potestatemq;  
 peruenerunt, quid verò de huius anni rebus abs te  
 gestis & victorijs tuis loquar? quid Vielizium, quid  
 Vsiatum deditione captū, quid Lukam, totius Mo-  
 schouia horreum, belli armamētarium, exercituum  
 hostilium diuerticulum, occupatam proferam? aut  
 quid deniq; Neueliā, quid lezierzisce, quid Zauo-  
 latiam possessam? quid hostis copias ad Turopczum  
 fusas, quid tot tantosq; duces & præfectos eius ca-  
 ptos, quid tot tormēta bellica, quid tantū commea-  
 tum & apparatus belli ei ereptum commemorem?  
 Et erit cuiusquam tanta dicendi vis, tantaq; copia, aut  
 tantū flumē lectissimorū verborū & sententiarum,  
 quibus aliquis nō modò complecti orando, sed per-  
 censere numerando hæc omnia queat? Memorētur  
 omnium ætatum, regum, gentium, & nationum ex-  
 peditiones, prædicentur tot, tantiq; alij bellatores,  
 terra mariq; res gestæ eorum celebrentur, erit inter  
 horū laudes aliquid loci tuo etiam nomini, & maxi-  
 mas copias, longissimas & difficillimas expeditiones,  
 & admirabiles victorias, audientes & legentes tuas,  
 posterī

posteri obstupescunt. Quæ cum in omnium opinio-  
 ne magna, tū illa certè maxima, ac omni laude & præ-  
 dicatione dignissima, magnitudo consilij, dicendi gra-  
 uitas & copia tua, literæ, cura, cogitatio, magnarū re-  
 rum vsus & cognitio, omnes denique artes, tam belli  
 quàm pacis. Gessi & ego res varietate sua magnas, lo-  
 cis diuersas, regionibus infinitas, rara celeritate ad-  
 mirandas, Moschi huius maiores perdomui, Cruci-  
 feros in Prussia & in Liuania vici, cū Scythis sapius,  
 cum Temeriano eorum duce semel (quo habuit ma-  
 iores copias mortalium nemo) ad flumen Vorkla, li-  
 cèt non feliciter, fortiter tamen signa cōtuli; exhor-  
 ruit ad tubarum mearum sonum, sæpenumero Scy-  
 thia, sensit me virum esse Moschouia, vidit Polonia,  
 audiuit Germania. Verū vt, quod res est, fatear, ea,  
 quæ in te admirror & suspicio, ad perennem immor-  
 talitatis, & gloriæ viam mihi defuerunt: nec tam or-  
 namenta pacis, quàm adiumenta belli curæ mihi fue-  
 runt. Tibi verò non modò castrense munus sordet  
 nullum, non solū operibus militum adesse, specu-  
 latum egredi, castra & stationes obire, in sole, in pul-  
 uere quotidie versari, primus inire prælium, postre-  
 mus ex prælio excedere didicisti, verū etiam multas  
 alias habes huius bellicę socias, & beneuolentiæ sub-  
 iectorum tuorum effectrices, regales eximiasq; vir-  
 tutes. Iam humanitas tua ea est, vt quantò te altius ef-  
 fert fortuna, tātò te geras summissius: & qui omnib.  
 dignitate es superior, facilitate rursus & comitate  
 anteire te, vel ab infimis non permittis: mansuetudi-  
 ne & placabilitate est tanta, vt non fortuna inflāma-  
 re indignationem victoris, sed bonitas lenire videat-  
 ur: & nō minus hostes victi, summa cū animi sui vo-



luptate te victorem intuentur, quàm interim dum vincuntur, fortunam fortitudinemque tuam extimescunt. Opes & facultates regni non ad tuum compendium, sed ad reipubl. commodum & ornamentum, non vt avaritiæ prædam, sed vt instrumenta bonitatis conuertis. Ius ita dicis, vt æquitate non precio illud definias; & nec odio, neque gratia in aliquem moueare, neque tenuioribus potenti-  
am, neque potentioribus inuidiam apud te sinis obesse. Quòd si duabus maximè rebus fortitudine & iustitia regale folium firmatur, & ipsa respublica continetur. Quid Polonia felicius? quid Lituania beatius te regnante & imperante dici vel haberi potest? cùm vtra virtutum earum magis præstes non faciliè dixerim, & an fortitudine, quæ stabile iudicium conseruare, quæ labores suscipere, quæ adire pericula, quæ despiciere mortem docet: an iustitia regina virtutum omnium, fidei & æquabilitatis patrona, nominis & laudis auctrice, verecundiæ socia, magistra officij potius antecellat. Quæ, quoniam non modò in castigandis malis, verùm etiam remunerandis bonis consistit iustitia, videndum est, ne in illam quam in hanc partem magis prolabare. Quòd si in alterutrum vitiorum eorum quæ cum hac virtute pugnant incurrere deberes, neque illam mediam virtutis viam retinere posses (nolle enim te nunquam dixero) non tam seuerus quàm benignus, neque tam in congerendis quàm in bene collocandis facultatibus reipubl. diligens & attentus videri; & vt facis, diligi quàm metui malis. Quòd si ipsum talem non fuisse me aliquis di-

eat vel sentiat, nam haud ille posteriores quàm priores cogitationes prudentiores esse intelligit, & artem gubernanda reipubl. esse vnā, cuius perfectam expletamque cognitionem nemo fuerit assecutus. Tu certè debes esse is, qui & sapientibus ratione, & rudioribus exemplo, de barbaris documento, virtutem tuam probes, & in summa potestate, summa moderatione animi, prudentiaque vtare. Propterea quòd, vt apum, sic & hominum reges debent carere aculeo, & quòd non tam est regiū malè meritis quàm optimè de se meritis referre quòd debeas: & quòd à parsimonia, à frugalitate, & ab aliquibus virtutibus generis eiusdem æconomi & patrès familias commendantur. Reges certè & principes, à liberalitate, à splendore & magnificentia in primis laudantur, linguis & literis omnium celebrantur, æternitati consecrantur, & quòd denique nihil habet vis animi tui sapientius, nihil amplitudo maius, nihil fortuna præclarius, quàm scire & velle beneficia collocare. Sed quid verbis hoc loco opus est multis? quid currentem incitare necesse est? aut cur hac tenuis & impolita oratio, laudibus tuis celebrandis non potius finitur & terminatur mea? O felicem Lituaniam patriam, Samogitiam altricem, Russiam adiutricem meam, quæ abste non dicam rege, sed patre, non domino sed patrono gubernatur. Per te est ciuib. meis pax data, per te calamitas detracta, per te dignitas restituta: Tu dum es in negotio, illi fruuntur ocio: tu dum teneris difficultate, illi latantur tran-



quillitate & pace: tuis postremò occupationibus, laboribus & periculis, illorum rationibus, commodis & ornamentis prouidetur. Tu quemadmodum istas disunctissimas terras, non tam passibus, quàm cursibus, nò tam hostium sternendis cadaueribus, quàm occupandis arcibus superasti, ita utinam ad hunc plenum siderum & quietis locum, posteaquam & naturæ, & gloriæ, & reipub. satis diu vixeris citius peruoles; & sicuti imperij & instituti nostri fors similis fuit, ita sempiterno æuo vna fruamur. Atque hæc quidem rex Vitoudus tecum. Iam verò ego eiusdem insists vestigijs, te Deus opt. max. quem omnium regnorum conditorem, regiæ auctorem amplitudinis, victoriarum & triumphorum datorem, summa fide & constantia REX STEPHANVS colit, semperque coluit; oro & obtestor, vt quemadmodum hæc resp. tuis auspicijs creuit, sicuti ipse ad gubernacula eius nutu & voluntate tua peruenit, ita illam integram religione vera, stabilitam libertate, opibus firmam, copijs auctam, ocio & tranquillitate florentem efficias. Reijverò nostro vitam quã maximè diuturnam, constantem, æquabilemque fortunam & victoriam, & denique pro hac caduca & mortali conditione regnandi, in illo animorum concilio & cœtu perpetuum & immortale imperium largiare.

FINIS.



COMPENDIVM  
CHRONICORVM PO-  
LONIÆ SECVNDVM SERIEM  
& successiones omnium principum regumq;  
gentis, à Lecho primo duce authoreq; Polo-  
norum, vsq; ad modernum regem  
Henricum Valesium ordi-  
ne seruato.

LECHVS PRIMVS DVX ET AVTOR  
Polonorum.

**Q**ua modo Sarmatia est, quondā deserta fuerunt  
Inuia, post magnas Dencalionis aquas.  
Primus in hac Lechus populum deduxit agrestem,  
De patria pulsus seditione domo:  
Dalmata vir, Pharijs claro patre natus in agris,  
Quos rapidus curuis Crupa pererrat aquis.  
Colle super pulcro properata mœnia Gnezna  
Struxit, & à nidis nomen habere dedit.  
Omne per motus: multas ibi namq; videbat  
Per vicinum aquilas nidificasse nemus.  
Exule patre sumus, sed plurima regna per orbem  
Principia exulibus dani sua, Romano tho.

D





*Lechus &  
Cechus frā-  
tres germa-  
ni.*

*Lechus cum  
Cecho fratre  
in Germa-  
nia ditioni-  
bus Bremen  
adificant.*

*Cechus in  
Boemia cō-  
sedit.*

*Lechus pri-  
mus Polono-  
rum dux &  
auctor.*

X hac gente bellicosa Slauonica, siue Sarmatica, cuius deductionem copiosè descripsimus, duo illustres magnanimique principes ortum duxerunt, quorū vnus Cechus, alter Lechus appellatur, fratres germani, hi ex antlatis superatisque multis & difficillimis laboribus, miserisq; bellicis temporibus illis turbulentis, in Illyrico & Dalmatia, domesticæ seditionis (quæ ex pace cōpositis bellis oriebatur) pertæsi, vegetiora nobilioraq; nacti ingenia, viuendi aliam rationē elegerunt, cum exercitibusque suis à castris suæ tribus Slauonicæ, ciuili bello dissidente, ex Croatia Illyrici regione sese subduxerunt. Occidentem versūs in Germania ditiones contendentes, regiones sitas inter fluuios celeberrimos Albim & Veseram occupauerunt, ciuitatemq; cum arce munitam in ripa Vesperæ condiderunt, cui nomen Bremiæ indiderunt, vt significarent se in ea onus miseriæ depoluisse. *Bremia* enim Slauis, onus sonat, & hucusque hæc ciuitas Bremen à Germanis appellatur, illiq; multa & præclara bella cum Germanis de sedibus decertantes gesserunt, multeq; ciuitates & arces terrore eorum perculsæ, libenter se illis dediderunt. Atq; ita Cechus ad Danubiū & Albim fluuios in Boëmia antiqua Germanorū colonia, quæ nunc Boëmia dicitur, primum domicilium habuit, incolis regionis priorib. partim expulsis, partim inter suos connumeratis. Deinde Austriam, Lussatiam, Morauiam, Misniā ditioni suæ subegit. Lechus verò frater suus magnanimus heros vltèrius cum suo exercitu, anno quo diuina potestas humana in specie ad salutem nostram cælitus sese

fese demisit 550. processit, inuestigandi eligēdiq; pro  
sui arbitrio caussa sedes cultiores, primoq; ab Occi-  
dente in septentrionalē plagam se conferens, hos in  
campos, vbi nunc Polonia, peruenit, ad Vistulamq;  
fluum, vnde Vandali Sarmatica gens surrexerat,  
confedit: ibique cum suis requieuit. Deinde à Vistula  
ad Oderam vsque fluum Orientem & Septētrio-  
nem versus, omnes has prouincias, vbi nunc est Sile-  
sia, Marchinoatus Brandēburgensis, Prussia, Mekel-  
burga, Pomerania, Holsatia, Saxoniaq; armis impe-  
rio suo subegit, quibusdam incolis earum partim cæ-  
sis, partim expulsi, cæteris verò in gratiam susceptis.  
Cum igitur imperiū suum strenuo Marte sic dilataret,  
Regulus quidam Germanorum Lechū ad duellum  
euocauit, vt secū de imperio ferro decertaret, cui id  
fortuna obtulerit. In primoque congressu Lechus  
Germanum trucidauit, regnumq; illius cum omni-  
bus maritimis regionibus, quę nunc Pomeranię no-  
men retinent, Marte concedente, occupauit. Paca-  
to itaq; imperio suo, deserta Polonia peragrans, loca  
munitiora ciuitatibus, arcibusque erigendis idonea  
circumlustrabat, forteq; reperit locū inter lacus pa-  
ludesq; lutosas natura & opportunitate loci muni-  
tum, vbi primam omnium Polonię ciuitatem & ar-  
cem fundauit, quam Gneznam à nidificantium mul-  
titudine aquilarum appellauit: Nidus enim auium  
Slauis *Gniazdo* dicitur. Ariolorumque & aruspicum  
consilio aquilam albam cum expansis ad volandum  
alis pro insigni stemmateq; patrio sibi elegit, quā in  
vexillis cæterisque signis bellicis vtebatur, & ab hoc  
tempore hoc celebre stemma à regibus Polonię ge-  
statum. Itaque à Lecho primo duce autoreq; Polono-

*Quidam de  
tempore ad-  
uēus, coris  
dubitant.*

*Imperiū Le-  
chij promo-  
tū.*

*Lechus Re-  
gulum Ger-  
mania duel-  
lo vicit.*

*Gnezna  
prima Polo-  
nia ciuitas.*

*Insigne Po-  
lonorum re-  
gum aquila  
alba.*



*Poloni Unde  
dicti.*

rum Poloni, à Ruthenis cæterisq; Slavis Lechite, Bohemi verò à Czecho, Czechi appellantur. Hoc verò nomen quo Poloni vocantur, à regionis planicie campisq; quos incolunt apertis retinent. Campus enim, vt diximus, *Pole* significat. Multis itaq; præclaris gestis exactis, rebusq; in Polonia omnibus rectè constitutis; extremum diem feliciter clausit.

Post mortem Lechij nihil cèrti de legitimis hæredibus successoribusq; eius reperitur, magnaq; hac de re historiographorum Polonorum lis est, sed hic testamento moriens legauerat, vt aliquem dignum virũ ex sua gente de patria & rebus bellicis bene meritum, summæ rerum præficerent, cui in omnibus obtemperarent.

*Poloni Danos  
nauali prælio  
superant, insu-  
lasq; eorum  
occupant.*

*Ciuitates  
à Polonis  
fundate.*

**V**ISIMIRVS ex nepotibus Lechij, princeps Polonorum, cùm ad Danorum fines vsque imperium suum extenderat, & ob vicinitatem à rege eorum Syuardo varijs excursionibus infestaretur, vnde cunq; potuit auxilia cõegit, nauesq; adornauit, & armato milite compleuit, ex quibus vnã ingentem fabricasse dicitur, cuius solo aspectu Dani perterriti fuere. Nauali itaque prælio fortuna auspicante, Syuardum regem cum ingenti classe Danorum occurrentem strenuè fudit, fugauitq; & ad interiora terræ hostes persequens, has insulas in Dania, Rugiam, Hemeriam, Feondiam, Salendiamq; occupauit, plurimasq; ciuitates & castra in eis Polonorum præsidijs munita, extruxit, vbi ad hæc vsque tempora hæ omnes ciuitates nomina à Polonis Slauonico idiomate indita retinent, vt potè Wisimer, à Wisimiro, Lubeca vrbs opulentissima & populosa, Danczik  
siue

siue Gedanum ciuitas celeberrima, ad mare Germanicum à Polonis contra Danorum excursions ar-  
 cendas in primis condita. Prædictum itaq; Danorum  
 regem filio eius in obsidem sumpto, Wisimirus ve-  
 tigalem sibi efficiens, & rebus in Dania rectè dispo-  
 sitis, multimodis spolijs onustus classem in Poloni-  
 am reduxit. Hocque primo nauali prælio Poloni  
 quasi quodam tyrocinio instructi cum inimicis na-  
 uali præliō bella gerere animosiores effecti sunt.  
 Tandē aliquot annis exactis, Syuardus Polonorum  
 iugū ægrè ferens, conspiratione cum Holsatis, Sue-  
 tiji, Danisque aduersus Polonos facta, exercitum nu-  
 merosum contra eos eduxit, sed secundò maiori cla-  
 de cum tota suorum manu in Scania à Polonis pro-  
 stratus est, ipse verò pernici fuga elapsus mœrore &  
 dolore ob amissum exercitū deploratumque rerum  
 suarum casum consumptus, spiritum exhalauit. Wi-  
 simirus verò magnam Daniæ partem imperio suo  
 subegit. Postea multis præclaris gestis editis, finibus  
 que imperij Polonici prolatis abque posteritate de-  
 cessit.

*Dani iterū  
 à Polonis  
 prosternuntur.*

*Syuardus  
 moritur.*

### DVODECIM PALATINI.

CVM itaq; tota domus Lechij decessisset, Poloni  
 libertatem strenuè asserentes, neminemq; ex-  
 traneorum principum sibi imperare patientes, duo-  
 decim Palatinos (vt dicitur) viros præcipuos ex sua  
 gente solenni conuentu Gneznæ celebrato, ad rem-  
 publicam gubernandam subornant, quam viginti  
 annis administrabant. Sed multis & diuersis impe-  
 rantibus discordiæ & ambitionis impulsu, bellis ci-  
 uilibus cladibusque mutuis & intestinis sese afficie-  
 bant. Finitimæ verò gētes præcipuè Germani discor-

*Multorum  
 imperium  
 dānosum.*



dia Polonorum considerata rebellare coeperunt, iugoq; excusso suas prouincias ab eis occupatas recuperauerunt. Hoc detrimentum & diminutionē imperij sui Poloni ex pluralitate gubernatorū animaduertētes, comitijs generalibus celebratis, ad Cracum, quendā siue Crocum, virū tunc temporis insignē de genere Cechij oriundum, scepra deferunt.

### CRACVS PRINCEPS POLONORVM.

**E** *Luctata in go multorum patria, CRACVM  
Praefecit rebus leta labensq; suis.*

*Finibus hic pepulit Gallos, qui nostra ruebant*

*In rura, exusta post mala Pannonia.*

*Innuus regni tenuit quoque scepra Bohēmi,*

*Et rexit geminum, carus utriq; solum.*

*Tunc habitasse draco fertur sub rupe Vaneli,*

*Dirus vicini depopulator agri.*

*Sulphure farcit ouem CRACVS, monstro obijcit: illo*

*Interijt ingens bellua victa cibo.*

*Conditur à CRAGO CRACOVIA: fabula Grachi*

*Frivola Romani iam mihi, quæso, tace.*

**C**Racus nepos Cechij Boemorum principis, ad imperij Polonici fasces communibus omnium suffragijs euectus, finitimas gentes iam Polonis rebellantes, iugumq; excutientes coërcuit, finesque regni ab omni insultu hostium tutauit. Gallorū copias prostrauit, quæ Hūgaria deuastata in Poloniam excurrabant. Tandem pacato armis imperio, desertaloca solitudinesq; agricolis adornauit, ciuitatem celebrem cum arce in scopulo Vanel dicto ad Vistulam fluuium condidit, quam à suo nomine Cracouiam appellauit. In hoc autem scopulo draco ingens

tunc

*Cracouia  
Poloniae me-  
tropolis à  
Craco fun-  
datur.*

tunc temporis delireſcebat, qui ſordido ſuo anhelitu  
cū eſuriret, de antro prorepēs multos velut peſte  
quadā inficiebat, per ciuitatemq; & loca circūiacētia  
graffando, omnia obuia deuorabat. Quā ob cauſſam  
incolę ciuitatis ordine tria iumēta per diem ei ad an-  
trū offerre cogeātur. Cracus igit Princeps ſuorū de-  
ploratū ſtatū videns, cū iam omnibus iumētis expi-  
larent, pellē vituli excoꝛiati, ſulphūre, nitro, pice in-  
farcire iuſſit. Quod vbi hora cōſueta ad antrum dra-  
conis opponeretur, beſtia prorepens, famelica, iu-  
mentū putans, venaculum illud deglutijt. Cumq; in  
eo illa materia igne ſulphureo accedente accenſa eſ-  
ſet, de antro ſeſe proripiens in Viſtula aquam tam diu  
ſorbebat; quouſq; medio creparetur. Cracus tandē  
princeps rebus imperij rectē diſpoſitis, Cracoque &  
Lecho filijs, filiaq; Vanda relictis ē vita ſublatus eſt.

*Draco in  
Cracouia.*

*Draco arti-  
ficiose per-  
emptus.*

**I**uſtis Craco gentili ritu perſolutis, Poloni cōuentu  
celebrato, Cracū ſecundum, natu maiorē Craci fi-  
lium, in ſolium paternū ſubſtituūt, ſed Lechus fra-  
ter iunior ambitione tumens, inuidensq; illi impe-  
rium, inter venandū eum occidit, dixitq; falſò lacry-  
mas addens, eum equi lapſu, dum temere perſequi-  
tur ferā, dilaniarū, ſtrangulatumq; eſſe, atq; hac arte  
callidus imperium aſſecutus eſt: ſed paulò poſt dolo  
in lucem prodeunte regno pulſus, fugatusq; eſt.

*Lechus fra-  
trē Cracum  
occidat.*

### V A N D A V I R A G O.

**C**onnubij obcrebram virgo formoſa repulſam.

*Teutonicis bello VANDA petita ducis.*

*Hoſti congregitur: vincit. Magno ille pudore.*

*Incumbit gladio, ſe peremitq; ſuo.*

*At victrix: mea virginitas ſit victima vobis*

*O ſuperi, per quos eſt mihi ſoſpes, ait.*

**D** *iiij*



*Rotogari effugi thalamos : sic fata, sub alti  
 Se flumini rapidas præcipitanit aquas :  
 Bactra Semiramidē, Tomyrin Scythag<sup>3</sup> ornet, utriq<sup>3</sup>,  
 Quam meus anteferat laude POLONVS habet.  
 Aquentur regnis, aquentur Marte, licebit,  
 Equari VANDÆ quæ, rogo, morte potest?*

**A** NNO à nato Christo 730. Vanda filia Craci in ordine ducum Polonia quarta, vnica legitima- que hæres regni, omnium acclamatione ad imperij fasces euehitur. Hæc summa prudentia, & rara fortitudine rempublicam (virginalem cœlibemque vitam ducens) strenuè gubernabat, non aliter atq; illa Penthesilea, Orithiaque. Erat autem formosa & pulcherrima nimis, vt pulcritudine sua plurimos principes ad se alliceret, & veluti hamo pisces caperet, vnde *Vanda* vel *Venda* quæ dictio Slauis hamum quo pisces capiuntur sonat, appellata est. Ritagoras igitur princeps Germanorum virtute illius, prudētia, atq; pulcritudine commotus, procos ad illam destinauit, sollicitans vt sibi nuberet, illa verò obstinatè connubium repugnando procos vacuos sapius dimisit. Quapropter Ritagoras putans se ab ea contēptum, Polonia bellum indixit, terroreque; & vi ad cōiugium eam cogi sperabat. Illa è contra impauida celeriter vndecunq; auxilijs coactis, eum in conflictu bis capitali & cruenta clade fudit: ipse autem pernici fuga elapsus, præ pudore quòd virginis manu iusus fugatusque fuerit, nolens testē sui dedecoris Solem amplius esse, gladio proprio sese interemit. Vanda verò memorabili victoria Polonis relicta, prout dijs virginitatem deuouerat, volens voti compos esse de ponte

*Vanda Ritagorā Germanorum Principem fudit.*

*Vanda in Vistulam de pōtētriumphās desilijt.*

ponte in Vistulam sese præcipitauit, sicq; aquis obruta interijt. Cadauer illius repertū est in ostijs Dlubne vbi Vistulam influit, atque in scopulo vno milliari à Cracouia in Mogila gentili ritu sepulta est.

Demum post Vandam nullo successore legitimo existente, iterum duodecim Palatinos, vt vnusquisq; prouinciæ suæ præesset, Poloni elegerunt, vnde magnum detrimentum diminutioque regni, velut & prius subsecuta sunt. Quæ enim in inimicos arma essent conuertenda, in se conuertebant: ambitioneq; flagrantes, mutuis cladibus inter se dissidebant, quæ de caussa Marcomanni, Hunni, & Germani, Poloniam vndiq; angustabant.

*Duodecim  
Palatini  
iterum.*

### PREMISLAUS SIVE LESKO primus.

**R**estituit patriæ magna virtute ruinam  
 LESKO suæ, miris vsus in hoste dolis.  
 Sub nemore hostis erat: Lesko sub nocte silenti  
 Appendi galeas per nemus omne iubet.  
 Sed oritur, galeas accendit: id obuius hostis  
 In nemus, instructi militis arma putans.  
 Nil reperit: species quia Lesco remouerat illas,  
 Sic nostros Morauis terga dedisse putat.  
 Castra mero celebrat, belli securus: in antris  
 Lesco venit tenebris: castra sopita capit.  
 Aeternumq; hosti dat somnum: longa Polonis  
 Otia: finitimis fœdera, iura, metum.

**A**NNO Virginei partus 750. ex his bisseis Palatinis intestina bella mutuò mouētibz, vnus Premislaus Lesko, non sua, sed patriæ commoda querebat. Cumq; Morauī Poloniam vastarent, ille p tem-



pore coacto instructoq; exercitu, hostes iam spolijs & exuijs onustos ad sua reuertentes, insecutus est: in quos ad montem, vt dicitur Caluū, vbi nunc templum sanctæ Crucis conditū est, sub altis nemoribus castrametatos impetū fecit: statimq; se in abdita sylvarum cum suis subduxit. Hostes verò armis arreptis, in ea loca vbi Lesco eis se apparuerat venientes, neminem inuenerunt, perterritumq; exercitū Polonorum fugere credentes ad sua castra reuersi sunt. Cumq; iam tutissimè omnia agerent Baccho indulgentes, Premislaus nacta occasione ex abditis sylvarum cum suo exercitu, intempestiua nocte inopinatos, somnoq; oppressos Morauios, magna vi, à fronte, & à tergo inuasit: omnesq; ad vnū cruento prælio funditus trucidauit, & spolia captiuosq; recuperauit. Qua insigni victoria clarus, omniū suffragijs, spreta pluralitate gubernatorum, regni habenis præficiatur, multisq; egregiè gestis editis, ruinisq; patriæ magna virtute restauratis, absq; posteris è viuis decessit.

#### LESCO SECVNDVS.

**A**Tulit huic regnum variorum cursus equorum,  
 Et præter morem, Sors oculata suum.  
 Dignus erat regno, quamuis patre natus agresti  
 Rusticus, & modici iustus arator agri.  
 Non bello quam pace minor: mireris in illo  
 Hoc, qui nulla vnquam nouerat arma, viro.  
 Ante oculos voluit monumentum vile prioris  
 Fortune, sagulum semper habere suos,  
 Et tamen illius non legerat ille poeta,  
 Sarmatico dignum carmen in orbe legi.  
 Fortunam reuerenter habe, quicunq; repente  
 Dines ab exili progrediêre loco.

Anno

**A**NNO à Christo nobis calitus misso 780. Premislao Lescione absq; posteris decedente, de electione monarchæ voces communes, & sententiæ senatorum discrepabant: communiq; omnium consensu, post multas litigationes, hunc modum eligendi principis constituerunt: columnam ante Cracoviam statuerunt, de superq; diadema & sceptrum regale posuerunt, ac palam omnibus & singulis præconis proclamatione notum fecerunt, vt quicumque à flumine Pradnik dicto, equi sui celeriori cursu ad columnam subordinatam ceteros anteverteret, monarcha designaretur. Quidam igitur iuuenis infimæ familiæ, sed astutus & callidus, re diligenter considerata, clauos ferreos in via qua currendum erat occultè infixit, terraq; occultuit, præsignita sibi ad currendum via. Inter currendum autem equi omnium ferro subordinato faucij substituerunt, nemoq; ad columnam ex illa multitudine, solummodo ille peruenit: & sic principatu dolo acquisito, potitus est. Sed occulta fraus illico innotuit. Paulò enim post duo iuuenes ex plebe ludentes simbolo iacto, per illa loca cursu pedestri à fluuio Pradnik ad columnam prædictam decertabant, ambobusque faucijs effectis vnus leuius claudicans primus columnam attigit, socius verò suus clauos in terra considerans brauium ei denegabat: causamque ad senatum detulit: vbi patrefacta est peruersa astutia Lescij: qui dolo supradicto, ad regni falces euectus erat. Omnes igitur nobiles & magnates de iniuria coram senatu expostulantes, Lescionem solio deiectum tractu equorum membratim dilaniari, dilacerariq; fecerunt. Ille verò qui ludendo pedester ad columnam venerat,

*Modus electionis certare equis.*

*Equorum cursu de imperio decertatur.*

*Dolus Lescij.*

*Dolus aperitur.*

*Premium fraudis.*



*Lesco plebeius ad regnis  
euehitur.*

*Mos Lescij.*

Lesco secundus appellatus, communi omnium acclamatione regno præponitur. Hic quamuis plebeius esset, attamen talem se præbuit, ac si regali ortus esset prosapia: idque totis diebus vitæ suæ diligenter obseruabat, quod ornamentis regijs solenniter induturus, vestes quas olim ex vili lana gerebat, desuper indueret; pro monumento prioris vitæ id habens: vtque fortunam instabilem, quæ sursum eleuatos ad ima deijcit, eluderet. Quam cōsuetudinem multi principes Polonorum solenniter obseruabāt. Tandem Lesco plurimis heroicis gestis exactis, filioque huius nominis tertio relicto, vitam cum morte commutauit.

### LESCO TERTIVS.

*Quam fuerit bellicupidus, quam Martis amicus  
Iste, vel hoc signo discere quisq<sup>3</sup> potest:*

*Cum sub eo patria pax arma quieta teneret,  
Bellandi fieret nullaq<sup>3</sup> caussa domi:*

*Impatiens otij, Græcos contra, atq<sup>3</sup> Latinos,  
Pannonibus toties auxiliaris erat.*

*Viginti genitor varia de matre nothorum:  
Infamat quantum tanta libido virum?*

*Sæpe licet magna, post multa trophæa legantur  
Et Cypria studijs incubuisse diuos.*

*Quod si defendi exemplo non possit Achillis*

*Lesco, & Alexandri, Mars quoque mæchus erat.*

**F**Vnebribus exequijs Lesconi gentiliter persolutis, Lesco filius eius, huius nominis tertius in ordine Principum Poloniae septimus, monarcha salutatur. Hic à moribus paternis minimè degenerauit, omnes finitimos hostes sedauit. Imperiique sui fines  
in

in pace & securitate cicurauit. Postea otij impatiens, Hungaris, Saxonibusq;, aduersus Carolum Magnum Romanorum imperatorem auxilia suppeditabat. Tandem anno Domini 801. cum Boëmis, Pomeranis, Prutenisque à Carolo in Silesia cruento prælio ad Oderam fluuium prostratus est. Cui filius Popilius ex legitimo thoro natus (viginti enim illegitimos natos ex concubinis, Pomeraniæ duces generarat) successit.

## POPELVS PRIMVS.

**A** *Netibi lectum tantum, lascine, reliquit,  
Non etiam clypeos, armaq;, dura pater?  
Et Veneri tantum iussu seruire? Gradino  
Non etiam, o noster Sardanapale, suo?  
Quandoquidem in fratrum tam multa gente tuorum,  
Legitima solus coniuge natus eras.  
Successisse etiam patrijs te laudibus æquum  
Non tantum vitijs, imperioq;, fuit.  
At genitore tuo felicior, ipse fuisti,  
Hac in tam rariparte, POPELE, boni:  
Quod tibi tu similem genuisti; quiq;, putaret  
A cuculo cuculum degenerare, nefas.*

**P**Opelus huius nominis primus Lescij tertij filius, qui à Germanis Oßerich dicebatur: patre decedente, regni habenas regendas suscepit, anno Domini 815. Hic à virtute paterna degenerauit: in vrbe Cracouiensi sede spreta, eam in Gneznam, demum in Crusphiciam transtulit: ibiq; arcem in lacu Goplo condidit. Nil amplius de eo scribendum restat: cum nulla egregia gesta memoriæ digna ediderit; semper enim libidinibus delicijsque indulgebat.

*Sedis translatio.*

*Arx Goplo.*



*Mos execrandi  
di sese Popeli.*

Hac verò execrandi particula sepiissime utebatur, dicens: O utinam à muribus corroderer, quod quamvis non ipsi sed filio eius prout inferius diceretur contigit.

### POPELVS SECVNDVS.

*D*um timet hic regno pelli, vir inutilis, & cum  
Coniuge consultat, quid malè intis agat.

*Vim morbi simulat: patruos accersit, & illis  
(Viginti fuerant) toxica mista dedit.*

*Orta cadaueribus vis murum erupit: & illum,  
Uxorem, natos, undiq; dente petit:*

*Dilaniat, frustra medios fugiebat in ignes,  
Frustra in Goplaas perfidus hospes aquas.*

*Discite iustitiam, qui propter lucra paratas  
Fertis & exertas ad scelus omne manus.*

*Est Deus, est scelerum vindicta, est pœna malorum,  
Vnde putes minimè posse venire, venit.*

*A*Nno salutiferi Virginis partus 830. Popelus secundus, patri in regno succedens, à moribus eius libidinosis minimè degenerauit: postpositisque negotijs reipub. vanis otijs, choreisque, & delitijs domesticis indulgit. Insuper nō ille sed vxor eius, quam infano amore prosequabatur, pro sui peruerso arbitrio imperabat. Quapropter magnates & equites regni, eum vt hominem nihili, Sardanapalum Poloniae appellantes, spreuerunt. Popelus verò re considerata, veritus ne Poloni aliquem ex patruis suis in locum suum substituerent: vxoris astuto consilio infirmitatem simulauit; patruosque omnes qui viginti numero erant, principes Pomeraniae accersuit, & decumbens in lecto, obnixè ab eis rogauit,

*Astuta si-  
mulatio in-  
firmitatis.*

vt

vt vnum filium suum ex duobus, regno se decedente praefererent, quod libenter patrui se facturos sponderunt, si magnates regni consenserint. Regina verò interea poculum cum veneno mixto adornauit, & ynicuique bibendum pro sanitate regis obtulit. Egredi illi à rege, maxima corrosione ex veneno hausto excruciat, omnes pariter expirauerunt. Regina autem cum lætitia dixit: deos in eos quod malum regi, domino suo machinati fuerint, iuste animaduertisse. Ideo cadauera eorum inhumata quasi perfidorum, in lacum Goplo reginæ iussu, proiecta sunt. Statimque Deus iustus vindex & ultor nefandi homicidij, murium vim numerosam, dictuque horrendam, ex illis cadaueribus mira quadam metamorphosi, excitauit, quæ regem in arce lautè conuiuantem, vxoremque & filios eius cum terribili strepitu vndique inuasit: & neque armis, neque igne se arceri passæ sunt. Rex metu inauditi inusitatiq; periculi perturbatus, in arcem quæ est hucusque in lacu Goplo, iuxta Crusphiciam oppidum, cum vxore & filijs profugit: mures verò adhuc plures terram & aquas cooperientes, cum horridis sibilis eum persequerantur: Nautæ præsens præ oculis exitium videntes, timentes ne in medio lacus nauem corroderent, ad ripam otius appropinquant, aufugerunt. Popilius quoque in turrim natura loci munitam, & aquis opportunè circumfluam cum suis se recepit: ubi cum vxore & liberis à muribus corrosus, consumtusque est, vt ne monumentum quidem eorum relictum fuerit.

*Grande turpeque facinus.*

*Mira iustaque vendicta diuina.*

*Ex cadaueribus mures.*

*Populus à muribus cum vxore & liberis corroditur.*



**O** *Priscos hominum mores, ò nescia fastus  
 Simplicitas, ingens ò probitas, & amor!  
 Non puduit procures homini dare sceptrâ Polonos  
 Qui modo cultor agri Crusphiciensis erat.  
 Ob solas virtutis opes, virtutis honorem,  
 Qua vir in exigua floruit ille casa.  
 Hoc orti de fonte duces, regesq; Poloni  
 Duranère dies, ad Ludouice tuos.  
 Compita Crusphicia veterum, nostro estis in orbe  
 Euentu gemini nobilitata ducis.  
 Regnum ruricola deferri: à mure vorari  
 Regem: res aequè prodigiosa fuit.*

**A** Nno incarnationis diuinæ 842. Popilio secundo à muribus portetose absumpso, multæ controuersix in Chrusphiciensî conuentu de electione principis exortæ sunt. Erat autem tunc temporis in Crusphicia Pyastus quidam vir simplex, virtute tamen & pietate præstans. Huic eodem conuentus tempore filius natus est, cui ad nomen solenniter gentili ritu imponendum, mellis mulsati duo vasa præparauit, propter conuiuias tractandos, porcumq; mactauit. Interdum aiunt ad eum duos viros ignotos venisse peregrino habitu (quos Paulum & Ioannem martyres Romanos ferunt esse:) Hi in palatium vbi electio celebrabatur non sunt admissi, à Pyasto verò humaniter hospitio excepti fuère, infantemque natum gentili more subraferunt, nomenque ei Semo-uiti imposuerunt, & tandem discesserunt. Tunc temporis autem in Crusphicia ob magnum confluxum populi ad comitia electionis plurimi commea-  
 tus,

nis, pabulique penuria laborantes, ad Pyastum ut si-  
bi aliquid pro victu venderet, veniebant, qui singu-  
lis gratis necessaria suppeditabat, quantum cuique  
opus fuerat, carnis autem suillæ & mellis, panisq; co-  
pia, apud eum non deficiebat: nam incrementa o-  
mnium rerum à Deo copiosissimo largitore & re-  
muneratore illi procedebāt. Omnes igitur manum  
diuinam cum Pyasto esse videntes, cōmunibus suf-  
fragijs & vocibus, monarcham eum salutant, re-  
gnumque oblatum, quamuis agresti familia natus,  
strenuè cum summa fortitudine, & dexteritate vi-  
ginti annis gubernauit, Postea 120. annis ætatis suæ  
exactis, relicto filio Semouito extremum diem clau-  
sit. Ex huius sanguine duces regesque Polonorum ad  
Ludouicum Hungarum usq; genus duxerunt.

*Hospitalitas  
largaremu-  
neratur.*

*Pyastus ru-  
ricula regni  
fasces obti-  
ner.*

*pag. 102.*

## S E M O V I T V S.

**S**ic & Alexander iuuenis vix illa suarum  
Ingressus rerum limina magna perijt:  
Ut SEMOVITE peris patriaq; relinquis acerbos  
Mœrores, iustam mortuus ante diem.  
Ense tuo eiekti de nostro turpiter agro  
Vltra Carpathium, Pannonos usq; iugum.  
Tota tibi soluit Pomerania victa tributum:  
Fluctibus & nostris accola quisquis erat.  
Quattuor annorum sunt, hæc omnia, quid si  
Non abrupta tibi tam citò vita foret?  
Quamuis, quantumuis modica sub tempore vita  
Maxima qui gessit, vixit abunde diu.

**A**Nno humanæ redemptionis 895. Semouitus  
patri gentili ritu iulitis persolutis, ad regni fasces  
euehitur. Hic insigni prudentia, fortitudineque, &

*Virtus Se-  
mouiti.*



providentia, populum sibi commissum regebat, omnesque hostes à finibus imperij sui sapissime fugabat, Hungaros, Boëmos, Cassubios, Pomeranosque ad tributum sibi pendendum compulit, multisque præclaris gestis editis, quatuor in regno duntaxat annis exactis. Patria in pace relicta, immatura morte peremptus est, relicto filio Lescone quarto.

## LESCO QVARTVS.

*Q*uam pater inuictis Semouitus fecerat armis  
Pacem, Sauromatis attuleratq<sup>3</sup> suis:

*Filius est illam miro complexus amore,  
Et vita summam fouit ad usq<sup>3</sup> diem:*

*Vir cuius mores nemo reprehendere possit,*

*Aut nisi quem pugna classica bella iuuant.*

*Sed cur bella geras, frueris qui pace? quid optes,*

*Contentus proprio qui potes esse, meum?*

*Gloria ad arma vocat multos, laudumq<sup>3</sup> cupido,*

*Spes præda multos diues ad arma vocat.*

*Viraq<sup>3</sup> bellandi causa iniustissima solam*

*Qua pacem querunt, prælia, iusta voca.*

*A* Nno Virginei partus 902. Lesco quartus patri Semouito iuuenili ætate, in principatu successit, sub tutoribusque ad annos competentes erat. Postea imperium à patre pacificatum relictum, in pace à nemine laceffitus regebat, patrijs & auitis virtutibus correspondens, relictoque filio Semomislao immatura ætate è viuis decessit.

## SEMOMISLAUS,

*V*ltimus iste fuit nostrorum ex ordine regum,  
Ignari falsos qui coluere deos.

*Huic*

*Huic peperit coniunx oculorum luce carentem*

*Heredem: sterilis cum foret antè diu.*

*Morerat infanti, vita ut compleuerat annum,*

*Ludere, quod vellet nomen habere pater.*

*Ergo dies venit simul illa, recepit ocellos,*

*Ostentum dubia plebe stupente, puer.*

*Res ea signabat, discussa nocte POLONOS*

*Visuros lucis lumina vera noua:*

*Visuros illo CHRISTVM sub regem egemus,*

*Quòd bona praestituatur quaeque futura DEVS.*

**A**Nno à Christo nato 921. Semomislaus patrè è viuis decedente regni habenis praeficitur. Hic etiam ex auitis moribus minimè degenerauit, filium vix in senectute & ipsum cecum obtinuit, cumque in Gneznam primates & equites regni ad subradendum nomenq; imponendum filio gentili ritu conuocaret, Miesconem eum appellarunt. Postea conuiuium indulgentibus in primo mense accubitu, nunciatum est patri, filium cecum visum recepisse, omnibusque conuiuiis attonitis, cum clavis apertisq; oculis infans affertur. Cumque rex ab ariolis sciscitaretur quid hoc sibi vellet? responderunt, sicut hic infans gratia deorum est illuminatus, sic per eum Polonia in breui illuminabitur, quod & factum est. Tandem Semomislaus finibus imperij in pace relictis vitam cum morte transmutauit.

*Semomislaus  
filius cecus  
nascitur qui  
postea illumina-  
tur si-  
guram illumina-  
minanda  
Polonia per  
Euangelium  
praesagiens.*

## MIESCO PRIMVS

**C**hriste, sub hoc ad nos venisti principe, ab hoste

*Possessas Stygio commiseratus ones.*

*Cesserunt idolatibi: Mars, Lada, Gemelli,*

*Cynthia, Pluto, Ceres, Iupiter, Aura, Venus.*



*Fœminate nobis ostendit prima, Bohemo  
 Sanguine; prima crucem nos docuitq; tuam.  
 Sic tu prima quidem nobis es caussa salutis,  
 Ipse DEVS, mulier, caussa secunda fuit.  
 Illa tuo tingi Miesconem fonte maritum  
 Fecit: terra suum est tota secuta ducem.  
 Plurima tunc data sunt tibi templa, nouemq; cathedra,  
 Et, quas sacrifici dilapidamus, opes.*

**A**nno domini 962. Miesco qui erat cæcus natus,  
 patri ex more funebribus exequijs peractis;  
 communi omnium acclamatione in monar-  
 cham Poloniæ eligitur. Hic concubinas septem ha-  
 buit, nullam tamen ex illis fœcundauit, quam ob rem  
 maximo mœrore discruciabatur. Quapropter fre-  
 quenter à quibusdam Christianis sollicitabatur, vt  
 Christo cum sua gente nomina daret, si velit caram  
 sobolem à Deo obtinere. Christianorum itaq; per-  
 suasionibus adductus, procos ad regem Bohemiæ Bo-  
 leslaum, qui fratrem germanū diuum Venceslaum  
 nefarie occiderat, destinauit, matrimonium filiæ eius  
 expetens: cui rei Boleslaus libenter annuit, hac con-  
 ditione si sacrum baptisma cum suis susciperet. Mie-  
 sco itaque cum vniuersa gente sua alacriter baptis-  
 tus est anno Domini 965. Miesconisq; priori nomi-  
 ne immutato, *Mieczslaus* appellatus est, quasi gla-  
 dio nomen acquirens clarum. Mandauitq; confe-  
 stim omnibus & singulis suo imperio subiacentibus,  
 die septima Martij, idola omnia vanorum deorum  
 comminuere, demolire, igneq; cōsumere. Nam an-  
 tea quaslibet vanas creaturas Solem, Lunā, Auram,  
 quam *Pog Wisł* appellabant, cultu diuino prosequen-  
 bantur.

*Poloni fide  
 Christi am-  
 plexantur.*

*Idola demo-  
 liuntur.*

bantur. Præterea Iouem quem illi *Jessam*, Plutonem *Ritus reli-*  
quem *Lacton*, siue Lactonem, Cererem quā *Niam*, *gronis genti-*  
cuius templum Gneznæ celeberrimum erat, Vene- *lis Polono-*  
rem quam *Marzanam*, & Dianā quam *Zieuoniam* *rum.*  
gentili lingua appellabant, *Lælum* quoque & *Pole-*  
*tum* Romanis Castorem & Pollucē appellatos, pro  
dijs colebant. Et adhuc in computationibus illa gens  
nomine eorum vtitur, *Lælum* *Poletum* vociferan-  
tes. Solebant autem viri, mulieres, iuuenes, & senes  
horum deorū suorum, diebus festis ad lusus & cho-  
reas pariter conuenire, maximè verò 25. die Maij, &  
25. Iunij. Quam congregationem populi *Stado*, id est,  
agmen appellabant, quod adhuc apud Ruthenos &  
Lituanos passim in villis obseruari videtur. Post do-  
minicam enim conductus Paschæ ad diui vsq; Ioan-  
nis Baptistæ festum, mulieres & virgines diebus fe-  
stis ad choreas turmatim conuenire solent; Lado-  
nemq; canentes, & *Lado Lado* frequentius ingemi-  
natis manibus, complaudētes in gyrum choreas du-  
cunt. In Silesia quoque confini Polonia 17. die Mar-  
tij, quo videlicet tempore hæc idola demolita sunt,  
pueri in villis & oppidis ex more recepto simulacrū  
quoddam, ad similitudinem mulieris conficiunt, o-  
pidoque turmatim egressi quandam cantionem in-  
geminantes simulacrum illud de Ponte in flumen  
præcipitant. Expurgata itaque ab idolis Polonia  
Mieczslaus princeps, ad euidentius signum Christia-  
nitatis instituit, vt infra officium Missæ, dum Euan-  
gelium prælegeretur, singuli virorū ad medium gla-  
dijè vaginis depromerent, quo se testarētur propter  
Euangelium Christi ad mortem vsque decertare pa-  
ratos esse. Multas ecclesias, parœcias & episcopatus

*Mos Polono-  
rū antiquus  
infra lectio-  
nem Euan-  
gelij.*



fundauit, copiosisque prouentibus ditauit. Ex vxore Bohema *Dambrowka* dicta, filium Boleslaum Chabri suscepit, quæ post partum paulò post decessit, Gneznæ sepulta est, alteram verò Mieczslaus in matrimonium accepit, Iuditham filiam Iessæ principis Hungarorum, quæ ei filium Mieczslaum genuit. Tandem multis Christianitatis monumentis in Polonia relictis, è viuis feliciter migravit. Destinauerat quoque legatos ad summum pontificè Benedictum, diadema regium ab eo postulans, quod illi denegatum est, suspicabantur enim nondū eum perfectum Christianum esse.

BOESLAVS CHABRI, PRIMVS  
rex Poloniæ.

*V*ici, deuictos cepi cum rege Bohemos,  
Subieci Morauos, Saxoniosq; mihi.  
Cassubios, populosq; freti cis littora nostri,  
Et Prussos, dubia teq; Ruthene, fide.  
Imperij fines positis ex are columnis  
Signavi, Herculeum sic imitatus opus.  
Nec mihi templa minus cura, quam castra fuerunt:  
Hac quoque laude patri cedere nolo meo.  
Regia ab egregio sortitus stemmata Othone  
Sum Gneznæ (Gneznæ, tunc meus hospes erat)  
Quæ quicumq; fac sis hoc dignus honore,  
Quot tunc, magno iudice, dignus eram.

**A**NNO à Christo nato 999. Boleslaus huius nominis primus ab heroicis gestis Chabri appellatus, Mieczslai filius natus primus, communium acclamatione in fasces regni euehitur. Corpus diui Alberti episcopi Pragensis, ex Prussia in Gne-

*Diui Alber-  
ti corpus è*

Gneznam magno cum labore honorificè transtulit, quem gētiles Pruteni, iuxta Sauum fluvium prope oppidum maritimum Feschaus, salutifera pabula animæ ferentem, crudeliter occiderunt, ad cuius busta Gneznæ plurima miracula, virtute diuina edita sunt. Eodem tempore Otto tertius, Romanorum imperator, acerba infirmitate pressus, iamque animam agens, audiens tanta miracula ad sepulcrum diui Alberti in Polonia fieri, voto vouit se busta illius, si de infirmitate leuaretur, accessurum, atq; statim post votum promissum, sanitatem integram diuinâ benignitate recepit. Cumq; vota persoluturus religiosus imperator ad Posnaniam urbem maioris Poloniæ appropinquaret, Boleslaus splendido equitatu nobilium & magnatum Poloniæ cinctus, obuiam ei processit, honoremq; vt Casari hospiti exhibens, varij coloris pānos preciosos, sericeos quoq; & id genus alios in via per 7. milliaria Polonica, à Posnania in Gneznam vsque sternere fecit, & vltro citroque data salute, illa insigniter strata via vterque manibus iunctis, multa inter se cōferentes, pedestri itinere ad Gneznam vsq; peruenerunt. Ingressus itaque deuotus imperator limina templi, pronus prouoluit ad sepulcrum diui Alberti, ardēti corde Deo omnipotenti, quod mirabilis sit in sanctis suis, gratias agit, votoque persoluit. Tandem honorificentissimè sumptuosissimeque per aliquot dies, à Boleslao tractatus, multisque & splendidis muneribus ab eo donatus est, quibus hospitalitatis officijs Otto in se exhibitis consideratis, Boleslaum eodem in templo Gneznæ imperiali diademate solenniter coronauit, eumque regem Poloniæ declarauit, & in

*Prussia in Gneznam transfertur.*

*Otto imperator ex voto diuo Alberto facto, sanatur.*

*Otto imperator in Poloniam venit.*

*Boleslaus Casari splendide Gloriam honorem exhibet.*

*Otto Boleslaum Poloniæ regē creat, suoq; diademate coronat.*



*Poloni Romanis  
Impij Tributa  
vq*

aternali auctoritate imperiali confirmavit, ab omni-  
busque tributis & obsequijs Romanis imperatori-  
bus pendēdis, posteros eius omnes in regno sibi suc-  
cedētes immunes fecit. Deinde in digressu quo eui-  
dētius vinculum societatis inter se cōciperent. Ot-  
to imperator Boleslao nouo regi lanceā sancti Mau-  
ricij, clauumque de cruce Christi donauit. Boleslaus  
verò vicissim illi brachium sancti Adalberti pro mu-  
nere hospitalitatis dedit, quod Roma in templo di-  
ui Bartholomæi imperator posuit. Insuper vinculo  
consanguinitatis sibi iuncti sunt. Otto enim neptam  
suam, filiam Palatini Rheni, nomine Rischā, in ma-  
trimonium locauit. Tandem imperatorem ad sua  
reuertentem Boleslaus cum insigni pompa, splendi-  
doq; equitum & magnatum Poloniæ agmine, ad ter-  
minos vsq; regni sui, honorificè deduxit.

*an exccesan?*

*Boleslaus  
Bohemos,  
Russos, Pru-  
tenos & Po-  
meranos  
sternit.*

Hic primus rex Poloniæ omnia, summa cum pro-  
uidētia & fortitudine administravit, supra modum-  
que bellicosus extitit. Marte enim felici omnes fini-  
timos hostes frequenter strauit, regnaq; eorum sæ-  
pius, nullo repugnāte, peruastrauit; Bohemiæ regem  
Boleslaum cum innumeroso exercitu fudit, regnūq;  
eius, nullo repugnāte infestis armis vastrauit; & ipsum  
captum execare fecit. Iaroslauum quoq; ducem præ-  
cipuum Russiæ validissimo exercitu fretum insidio-  
sè contra se procedentem, memorabili, cruentaque  
clade, prostrauit; Kiouiam urbem Russiæ metropo-  
lim cepit, indeque thesauros ingentes asportauit, &  
omnes principes Russiæ tributarios sibi effecit. Pru-  
tenos, Saxones, Cassubiosque, & Pomeranos debel-  
lauit; cum Ruthenis ad fluuium vsque Tyram, & Bo-  
rysthenē fines suos posuit; cum Prutenis, Cassubijs-  
que,

que, & Saxonibus ad fluuium Albim, vsque ad mare Germanicum siue Balticū imperij sui terminos constituit, Herculemq; imitatus, ad perpetuam rei memoriam columnas æreas illic collocauit. Sicque imperio suo amplissimè dilatato, relicto Miescone filio è viuis decessit.

*Boleslaus fines imperij  
sui prolatas.*

## MIESCO SECVNDVS.

**D**Egener, imbellis, gula, crapula, sordibus vxor  
Vxoristotus fœmina, larco nihil.

*Hic erat: vxor erat, rex, princeps, omnia, nostrum  
Asperius quouis angue perosa genus,*

*Tentonibus tantum aqua suis: quam credis ab illa  
Tractata est miseris terra Polona modis?*

*Tunc Boleslai nobis periêre labores,*

*Ruperunt nostrum regna subacta iugum.*

*Vtrapiuit tantum mors fausta phrenitide regem,*

*Pellitur è regno, rixa fugiç, suo.*

*Dant pœnas scelerum: furor hunc, dolor abstulit illam,*

*At longo fato dignus uterq; fuit.*

**A**Nno Virginei partus 1025. Miesco II. patre defuncto, ad regni habenas moderandas cuehitur. Hic ex moribus patrijs degenerat: postpositisq; negotijs reipublice cōiugis consilio utebatur, & imperium à patre amplissimum relictum, suis libidinibus diminuit, debilitauit, laboresque patrios perdidit. Tandem ab omnibus spretus, infirmitate correptus, relicto Casimiro filio, è viuis decessit.

Mortuo igitur Miescone, multæ controuersia circa electionem principis exortæ sunt. Quidā enim ad Casimirū filium eius sceptrā deferenda volebant: ceteri verò timentes ne mores paternos peruersos

*Miesco degeneratur.*



*Regina cum  
filio Casimi-  
ro exulat.*

sequeretur, huic sententiæ acerrimè repugnabant. Tandè regina Mielconis regis relicta, vidēs se à Polonis spretam, ad fratrem Cæsarem in Saxoniam, accepto Casimiro filio, coronaque regni & ingentibus thesauris regalibus sublatis profecta est. Interim filium Casimirum studendi gratia Parisios misit: vbi tandem in monasterium Cluniacense ingressus, sacris initiatus est. Poloni verò multis annis hærede legitimo orbat, cum sui & reipublicæ ingenti detrimento, in Gallia eum quærere coacti sunt, qui eis multis de causis denegabatur ab Abbate Monasterij. Tandem vix magno cum labore impensisque Polonorum, per Benedictum nonum pontificem à professione absolutus est, pœnitentia Polonis indicta, pro eo quod dominum suum heredemq; legitimum expulerint, vt ab vna quaque persona quotannis obulum vnum Romano pontifici penderent, quod vocatur debitum sancti Petri. Item vt singuli viri crines supra aures tonderent. Deinde vt præcipuis festis diebus linteo albo pro cingulo vterentur.

*Debitum  
S. Petri.*

### CAZIMIRVS PRIMVS.

**I***Nnocentius cum matre puer CASIMIRVS eodem  
Exilio, matris crimine, pulsus erat.*

*Cluniaci placuit sibi vita monastica: seruus*

*Quam cuiusquam hominis, maluit esse Dei:*

*Nos sumus interea sine principe subditi cunctis*

*Terra, dolor fuerit, qua numerare malis.*

*Reddimus eiecto regnum, multa ille reuersus*

*Restituit melior vix patre, dignus ano.*

*Maslauum domuit civili Marte furentem,*

*In reliquos mansit pax sibi grata dies.*

*Quod*

*Quòd Deus innocuis adsit, quòd corruiat insons,  
Maiores ut surgat laude: videre potes.*

**A**Nno Domini 1041. CAZIMIRVS huius nominis primus, è monasterio acceptus, Miesconis secundi filius, tertius rex Poloniae, Gneznæ cōmuni omnium applausu sacro diademate coronatur. Hic primum in latrones depredatoresque qui tunc temporis in regno passim latrocinabantur animaduertit. Demum regiones tributarias à regno deficientes ad iugum pristinum redegit. Maslaum ducem Massouiae bello furem inestino, cum Prutenis & Piecingis conspirantem, ad Vistulam fluium cruento praelio prostravit, iuxta Plocsko ciuitatem. Tandem Maslaus exercitum coegit: sed iterum à Casimiro funditus fusus, desperatis suis rebus ad Prutenos profugit, vbi varijs tormentis examinatus laqueo vitam finiuit. Ab hoc Maslao Massouia appellata est. Postea Casimirus pacato vndique regno, relictisq; tribus filijs, Boleslao, Vladislao, Mielcone, & filia Suuatochna, extremum diem feliciter clausit. Monasterium in Tyniec eius Regulæ quam ipse olim profitebatur, regalibus, sumptuosissimisque immunitatibus & bonis opimis fundatum dotauit.

*Casimirus  
Maslaum  
cum Prutenis bello  
vicit.*

*Massouia  
denominata  
est.*

## BOLESLAUS AVDAX.

**Q**uam bello magnus, quam magnis strenuus ausis  
Boleslaus erat, tam truculentus erat.

*Vastauit Morauos, Hunnos, te Russe, Bohemos,  
Vastauit patria nec minus arua sua.*



*Cuncta libidinibus complebat, cuncta rapinis,  
 Cuncta ignominie, sanguine, cuncta metu.  
 Pontificem secuit frustratim recta monentem:  
 Urbis pontificem, maxime Crace, tua.  
 O scelus, o portentum, o nostri infamia regni,  
 Non tibi sacrilega tunc cecidere manus?  
 Unde, & ubi perijt, ne iam dubitate Poloni,  
 Raptum sub Stygijs obruit orcus aquis.*

**A**Nno salutiferi Virginei partus 1068. Casimiro Boleſlaus filius ab heroico animo Audax appellatus, communibus omnium ſuffragijs, rex declaratur. Huic ſtatim Vraſiſlaus Bohemię rex bellum indixit: infeſtisque armis in Sileſiam vaſtaturus excurrit. Boleſlaus re comperta, armato milite cinctus, celeriter contra eum contendit: cuius aduentu Vraſiſlaus perterritus, relictis caſtris terga pudenda dedit. Boleſlaus verò eum in meditullium Bohemię perſequens, eam vndique peruaſtauit: ſpolijsque multimodis onuſtus, ad ſua nullo repugnante reuerſus eſt.

*Boleſlaus  
 Bohemiam  
 vaſtat.*

*Iterum Bo-  
 hemiam in-  
 feſtat.*

*Pruteni cum  
 Pomeranis  
 victi & ſecti-  
 gales Bole-  
 ſlaus ſiunt.*

Poſtea anno ſequenti, Boleſlaus validioribus copijs coactis, Morauiam, Bohemiãque iterum infeſtis armis peruaſtauit: donec eum Vraſiſlaus Bohemię rex, maius periculum timens reconciliauit. Perdomitis igitur ab vna parte Bohemis, & Morauis, à Prutenis tandem & Pomeranis infeſtatur: quos Boleſlaus ad fluuium Oſſa vndique circumuentos, ad interneccionem proſtrauit, & deleuit: Pomeraniãque & plurimas munitiones Pruſſiæ, ditioni ſuæ ſubegit: & ipſos Prutenos ſub iugum compulit, anno domini 1059. Interea Bela hæres regni Hungarię, ad Boleſlaum

Ieslaum exulans profugit: auxilium contra fratrem  
 Andream (à quo regno pulsus erat) implorans. Bo-  
 lesslaus itaque infestis armis in Hungariam cum Be-  
 la cōtendit: Henriciq; imperatoris copias, Bohemos  
 & Teutones, partes Andreæ defendentes pro-  
 fligauit: vbi & ipse Andreas rex interemptus est. Sic-  
 que Bela auxilio Bolesslai ad regnum peruenit. Bo-  
 lesslaus verò rex in Poloniam reuersus, vnicam here-  
 dem ducum Russiæ, Visesslauam nomine, in matri-  
 monium accepit, iureq; doris Ducatus quosdā Rus-  
sici acquisiuit. Kiouiam quoque metropolim Russiæ  
 vicepit, vbi hybernū tempus transegit, vniuer-  
 samq; Russiam terrore suo compleuit, & cōcussit, adeò  
 vt complures duces (parum se tutos in Russia putan-  
 tes) fugā in Grāciam adornauerint. ciuitates omnes  
 oppidaq; & munitiones plurimæ, vltro se ei dedide-  
 runt. Postea Pramissiam ciuitatem celebrem, vnam  
 ex Ducatibus Russiæ expugnauit, & exussit, sed ar-  
 cem propter exundationem fluuiorum, capere non  
 potuit: quæ ei postea certis sub conditionibus dedita  
 est. Tandem in Hungariam cum exercitu profectus,  
 inimicitias inter Belæ hæredes, & Salomonem Hun-  
 gariæ regem composuit: exinde rectā in Russiam re-  
 uersus, Volodimiriam & Chelmiā ciuitates cum  
 suis prouincijs occupauit: postea totum Ducatum  
Volhinię cepit. Inde rectā in Kiouiam exercitum du-  
 xit, vbi Suuatoslaum principem Russiæ cum ingen-  
 tibus copijs sibi insidiantem cruento prælio profliga-  
 uit, fugauitq; ac omnes vires Russorum prorsus de-  
 bilitauit, multumq; temporis in Kiouia transegit, vbi  
 in delicias libidinesq; venereos, & cætera vitia pro-  
 lapsus est. Postea septennio in castris exacto in Polo-

*Bolesslaus in  
Hungaria  
triumphat.*

*Russiā & ad-  
stat Kiouia-  
que capit.*

*Ap. pag. 101.  
Pramissia  
dedita.*

*Hungariam  
petit.*

*Volhiniā  
expugnat.  
Suuatoslaum  
fugat, & de-  
struit.*



*Episcopum  
Craconiae di-  
uum Stani-  
slau occidit.*

*Boleslaus  
exulat vo-  
luntarie.*

niam reuersus, diuum Stanislauum episcopum Cra-  
couiensem occidit, membratimque dissecare fecit:  
cuius postea corpus diuina prouidècia insimul com-  
pactum coactumque, & honorificè sepultum, mul-  
tis miraculis claret, prout latius in Polonorù Chro-  
nicis patet. Consciens itaque Boleslaus perpetrati fa-  
cinoris pœnitentia adactus, cum filio Mieczslao re-  
gno relicto in ignotas regiones profectus est: ubi in  
habitu peregrino vitam clausit. Filius verò Miecz-  
slaus postea in patriam reuersus est.

### VLADISLAUS HERMANNVS.

**P**urimarescivit fratris decreta tyranni  
Hermannus, Latio par pietate Numa.

Hunc spurius vetitis vexauit filius armis,  
Sed pius arma tulit pro pietate Deus.

Vincitur impietas Gopleæ ad stagna paludis,  
Induit inq; feras debita vincla manus.

Dic, qui multa legis, quot dignos laude, piusq;  
Legeris, historia per genus omne nothos?

Telogonus, qui pisce patrem obtruncavit Ulysses,  
Deturpi Circes natus amore fuit.

Proditor Aeneas patriæ est, ne crede Maroni:  
Romulus occisor fratris: uterq; nothus.

**A**Nno à Christo nato 1082. Vladislaus Herman-  
nus fratri Boleslao in regno successit. Hic ex Lu-  
ditha Vratislai regis Bohemorum filia, filium Bole-  
slauum tertium suscepit, Krziuuousti ab ore recuruo  
appellatum. Ex secunda verò vxore, Henrici 4. Ro-  
manorum imperatoris filia, tres filias produxit: mul-  
tas ecclesias monasteriaque construxit & ditauit.  
Prussos, Pomeranosq; rebelles cruento prælio penes  
flauium

Animum Druuācza profligauit, ad deditiōemq; coē-  
 git. Interea Bratislaus, Bohemorū princeps vidēs re-  
 gē bello in Prussia occupatū, magna damna Poloniae  
 intulit. Rex itaq; Sieciechum Palatinū Cracouiē-  
 sem cum filio suo Boleslao nouē annos habēte, con-  
 tra hostes destinauit, quos vnā cū principe Bratislao  
 strenuē fuderunt: & Morauiam vndiq; ferro & igne  
 vastātes peragrarunt: spolijsq; multis onusti, in pace  
 ad regē reuersi sunt. Tandem nunciatū est Herman-  
 no regi, Pomeranos cōdifragos Miedzirzeczē arcē  
 munitissimā in finibus Saxonie interceptisse. Bolesla-  
 us igitur 12. annorū innēnis patre obnixē cum lacry-  
 mis sollicitat, vt sibi copias propter recuperandam ar-  
 cem cōmitteret, cuius audaciē, prouidētiē, animosi-  
 tatiq; rex admirās, legionem vnā cum certis rectori-  
 bus illi cōmisit. cetero exercitui Sieciechū Palatinū  
 Cracouiensem praefecit. Arcem itaq; obsessā fortiter  
 oppugnarūt: sed quia in loco natura munitissimo  
 sita erat, ideo incassum laborabāt. Qua de causā dux  
 exercitus obsidionē soluere suadebat: sed Boleslaus  
 regius filius à proposito eū retraxit, & militibus con-  
 firmatis domos & tuguriola circa arcem, hyemis  
 tempore imminente, erigere iussit, vt videretur ar-  
 cem se per hyemem oppugnare velle. Qua re con-  
 specta, Pomerani obsessi ad Boleslaum cum mune-  
 ribus supplices veniunt, se & sua ei offerentes: Quos  
 ille liberos dimittens, arcem recuperat: prudentia-  
 que sua omnia damna à Pomeranis illata refarciit;  
 ad patremque ingenti cum prada ouans, reuertitur.  
 Postea Hermannus senio confectus, multis fortibus,  
 pręclarisq; gestis exactis, vitam cum morte fe-  
 liciter commutauit.

*Prussos Her-  
 mannus &  
 Pomeranos  
 domat.  
 Bohemia à  
 Polonis va-  
 statur.*

*Miedzirze-  
 cze interce-  
 pta.*

*Astutia op-  
 pugnatio-  
 nis.*

*Miedzirze-  
 cze à Polo-  
 nis recupe-  
 ratur pru-  
 dentia Bo-  
 leslai.*



## BOLESŁAVS KRZIVOSTL.

**H**ic quinquaginta pugnavit praelia, signis  
Collatis, casu non variante fidem.

Pugnavit quoties, toties & vicit: eorum

Nomina quos vicit, quod breve claudat opus?

Casaris Henrici magnas fuisse cohortes,

Sat sibi, si deessent cetera, laudis erat.

Mœrore interijt: quod prorsus inermis ab hoste

Fœdifrago victus fraude, doloq; semel.

7, modo Pompeij numeram mihi Roma, triumphos,

Nos Boleslai praelia: maior uter?

Pompeium Casar bello prostravit aperto:

Fraus potuit nostrum vincere sola ducem.

**A**Nno domini 1103. Boleslaus Krziuousti ab ore  
recurso siue retorto (quod ex morbo contra-  
xerat) appellatus, patre è viuis sublato, communi o-  
mnium applausu, regni habenis præficitur. Hunc  
Zbigneuius monachus, frater illegitimus sceptrum sibi  
inuidens, in primis laceravit: Boriuoiumque Bohe-  
miæ regem, & Suatopolkum ducem Moraviæ, con-  
tra eum commouit: quos Boleslaus egregiè per Ze-  
lislaum ducem exercitus sui profligauit. Anno dein-  
de sequenti validioribus copijs coactis, in Morauiam  
excurrit, quam nullo repugnante, ferro, & igne, per-  
uastauit. Tertiò Boleslaus exercitum in Bohemiam  
& Morauiam duxit: dumque agrum hostilem vndi-  
que armis & flamma peragraret, Bohemi ex insidijs  
in loco arctissimo in eum impressionem fecerunt.  
Rex verò strenui militis & imperatoris officium a-  
gens, vnum ex hostibus primus gladio interemit.  
Dersniak quoque eques Polonus, secundum hasta  
trans-

*Zbigneuius  
monachus.*

*Zelislauus  
Bohemus  
Moranosq;  
profligauit.*

*Boleslaus  
Morauiam  
Bohemiãq;  
vastat.*

transfixit. cæteri Poloni animosiores effecti, Bohemos fugientes insigni clade profligârunt. Tandem Boleſlaus Pomeraniâ armato milite aggreſſus, eam vndiq; peruaſtauit: plurimisq; oppidis & munitio- nibus occupatis, ſpolijs onuſtus, ad ſuos reuerſus eſt. Accidit autem dum, poſt hâc inſignem victoriam, in feſto dedicationis templi apud quendam nobilem conuiuium celebraret, recreationis gratia, centum duntaxat equitibus cinctus, venatum proceſſit: vbi tria millia Pomeranorum inſidantium incidit, in quos ipſe rex veluti leo rugiēs, primâ impreſſionem fecit: tribusq; interfectis, ſuos animosiores reddidit. Quidam verò Pomeranus in ipſum regem colli- mans, equū ſub eo tranſfixit: attamen à perſequen- diſ hoſtibus equo altero naſto, haud deſtitit: donec multo cum labore à tanta obſtinata audacia vix re- tractus fuerit: victorq; ad ſuos conuiuentes, pro- fligatiſ hoſtibus redijt. Interea Boriuogius rex Bohe- miæ exulans ad eum venit, auxilium contra Siuato- polgum nepotem ſuum implorans, quem Boleſlaus in regnum reduxit, Boemiamq; peruaſtauit. Tan- dem in Pomeraniam expeditionem adornauit, qua vndiq; peruaſtata, Bielgradū arcem munitiſſimam cum ciuitate, & multitudine Pomeranorum, expu- gnauit: cæteræ autem ciuitates & munitiones, vtpo- te Camenecia, Golimberg, Vielim, Czarnkouia, li- benter ſeſe ei deditērunt. Poſtea Boleſlaus irritatus Bohemiam deuastaui: Zbigneuiumq; & Gueuo- nium Pomeraniæ Duces rebelles, & fœdifragos, fudit cepitq;.

Henricus 4. Romanorum imperator, Boleſlao ob dârna Bohemis ſæpiſſime illata inſenſus, cõiun-

F

*Bohemi præ-  
ſtigantur.  
Pomerania  
vaſtatur à  
Boleſlao.*

*Boleſlaus  
ſtrenuè di-  
micat.*

*Bohemus  
auxilium  
impetrat.*

*Expedicio  
Boleſlai in  
Pomera-  
niam.*

*Henricus 4.  
Caſar in Bo-  
leſlaum ar-  
ma extollit.*



*Boleslaus  
repugnat.*

*Conditiones  
dantur à Bo-  
leslao, si quis  
Bohemiam re-  
gē occiderit.  
Bohemie  
rex occidi-  
tur.*

*actum nescio  
an lueat.*  
*Arma Oxa.*

*Acce & me-  
morabile  
certamē Bo-  
leslai cum  
Henrico Cæ-  
sare.  
Henricus  
Cæsar fudi-  
tur & fuga-  
tur.*

His viribus cum Suuatopolgo rege Boemix, validis-  
simas copias contra eum in Silesiam duxit, Lubusa-  
que ciuitate expugnata, Glogouiam urbem Glogo-  
uiensis Ducatus sedem, acerrimè, frustra tamen op-  
pugnauit: magna & crudeli strage in militibus acce-  
pta. Boleslaus quoque valida Polonorum manu sti-  
patus, contra imperatorem & Bohemos processit:  
& in exercitu suo proclamari fecit, vt quicumque se  
talem virum præbuerit, qui Suuatopolgum Bohe-  
mix regem occiderit, ille dono insigni in sempiter-  
num cum posteris suis remuneraretur. Vnus igitur  
Bohemus in castris Polonicis militans conditionem  
datam accepit, explorataq; habens castra Bohemo-  
rum ad tentorium vsq; regium peruenit, & horribi-  
liter in vocē prorupit dicens, Fuge, fuge ô rex. Mul-  
titude enim Polonorum nos vndique inuasit: re-  
gem itaque ex tentorio profilientem lancea transfi-  
xit, & ad Polonos frustra insecutus aufugit, ac mu-  
nera promissa stemmaque Oxa dictum securim vi-  
delicet accepit, & in magnam familiam Poloniae ex-  
creuit. Henricus tamen imperator magna damna  
Polonis in Silesia exercuit, quem cum Boleslaus ad  
amicitiam iustis conditionibus perducere non pos-  
set, armato Polonorum milite accinctus, in aurora  
impetum in Cæsarianos fecit, distantia vnus millia-  
ris à Vratislauia vrbe Silesiæ, sicque ad vespèram vs-  
que acriter decertabant. Boleslaus autem cum for-  
tiori agmine Polonorum & Silesianorum in acies  
Cæsarianas à latere irruit, totumq; exercitum disper-  
sit, fugauit & ad internitionem prostrauit, vt ipse im-  
perator fuga sibi consulens vno duntaxat seruo co-  
mitatus vix euaserit. Poloni verò spolijs exuijsque  
occi-

occisorum ditati victoriæ palmam obtinuerunt, adhuc locus in quo conflictus erat Polonicè, *Psie pole*, *Psie pole.*  
 id est, caninus campus appellatur: nam illic multitudine canum ad cadauera humana confluxerat, vt multo tempore vix praterentes tuti transire possint. *Poloni triumphant.*  
 Tandem anno sequenti Hentricus imperator expeditionem Romam versus obuiam summo pontifici adornabat, timensque ne Boleslaus se absente prouincias suas vastaret, legatos ad eum destinauit, rogans eum sub certis conditionibus habita dignitate imperatoria, vt ad se Bambergum veniret, promittens illum huius conditionis nequaquam pœnituisse. Vbi Boleslaus veniens imperatori omnia obsequia ad quæ præstanda attrahebatur, in perpetuum renunciauit, abdixitque & consanguinitatis vinculo (vt sit inter pacificantes principes) sibi iuncti sunt. *Henricus enim Boleslao amicitiam inire optat.*  
 Boleslaus enim sororem imperatoris Adchleydam nomine, Vladislaus verò filius eius Christinā filiam eiusdem imperatoris in matrimonium accepit, sicque pace composita captiuos vtrinq; restituerunt.

Anno deinde Christi 1113. Pomerani & Pruteni *Pruteni & Pomerani*  
 postposito iuramento inopinate in Massouix Ducatum excurrerunt, regionemque totam infestis armis peruastauerunt, sed eius oræ præfectus hostes *sedisfragi trucidantur.*  
 cum spolijs reuertentes inopinate aggressus, omnes trucidauit & spolia abegit. Hac perfidia Pomeranorum Boleslaus exacerbat, instructis copijs contra eos processit, Nakloque arcem in qua erant 10000. *Naklo obsideretur.*  
 Pomeranorum graui obsidione cinxit, sed obsessi ad quindecim dies inducias impetrauerunt, hac conditione, vt si intra concessum tempus nullum auxilium à suis haberent. Interea verò nunciatur Boles-



flao, Pomeranorum & Prutenorum quinquaginta millia in subsidium obsessis clanculum per sylvas aduentare. Quorum castra Boleslaus explorata habēs, à fronte & à tergo in eos impetum fecit, omnesque inopinatos funditus prostravit, quorum 4000. caesa sunt, cæteri capti & fugati. Naklocenses verò se & arcem cum cæteris ciuitatibus regni ultro dederunt. Postea Pomerani cū Prutenis vires magnas insimul coniunxerunt, omnes tamen à Boleslao velut à leone fortissimo iugulati, princepsq; eorum perpetuis carceribus mancipatus est. Rex itaque rebus in Pomerania & Prussia rectè constitutis, expeditionem in Daniam regionem trās marinam navali classe adornavit, anno Domini 1124. vnde thesauros ingentes abstulit, regnum verò ultro oblatum respuit, & thesaurarium regni Danici cum tota familia in Poloniam transtulit, cuius posterii hucusque in Polonia & Prussia celebres restant. *Duninici* à Dania vocantur. Boleslaum itaque è Dania in Poloniam reuertentem principes Russiē seditiosi bello appetierunt, & quo magis eum irritarent, principem Haliciensem consanguineum regis expulerunt. Quos Boleslaus egregiè ultus est, Præmissiensemque ducem cum ingenti exercitu prostravit, vbi tres duces Russiæ in conflictu occubuerunt. Postea Iaropolhi ducis Kioviæ consilio astuto omnes principes Russiæ aduersus Boleslaum regem conspirauerunt, utq; eum facilius sub prætextu amicitiae obruere possent, legatos ad eum destinauerunt, obstringentes se omnes tributarios, ac subditos Poloniæ regno fore, utque ducem Haliciensem in locum pristinum reduceret optabant. Rex igitur nihil mali suspicans expeditionem

*Pomerani  
vincuntur.*

*Iterum Po-  
merani ster-  
nuntur.*

*Boleslaus in  
Daniam na-  
uigat.*

*Rutheni in  
Boleslaum  
conciantur.*

*Insidia Bo-  
leslao pa-  
rantur.*

nein

nem in Russiã paruis copijs cinctus adornauit, cum-  
 que ad Halaciam ciuitatem appropinquaret, ecce  
 principes Russiæ cum auxiliarijs copijs Hungarorum  
 quasi congratulantes ei ex insidijs eruperunt, regem-  
 que vndiquaque circumdederunt. Rex autem astu-  
 tiam Ruthenorum cõsiderans, milites suos qui pau-  
 cierant, ad resistendum hosti fœdifrago fœcunda o-  
 ratione confirmauit. Sed Palatinus Cracouiensis ad-  
 monitione regia minimè morus cum præcipua ala  
 equitum, cui præfectus erat, inter primũ tumultum  
 aufugit. Rex verò rem aliter non posse fieri videns,  
 strenui militis & imperatoris officium agens, primo  
 cum suæ aulæ equitatu Hungaros aggressus est, quos  
 strenuè repressit & prostrauit. Viribusque resumptis  
 cum validis Ruthenorum copijs manus acriter conse-  
 ruit, iamque Ruthenorum acies inclinabantur, dum  
 recentes legiones auxiliares validiores, Polonos vñ-  
 dique circumdederunt, viresque eorum perfregerunt,  
 equus sub rege ipso confusus vt intestina ex eo pro-  
 fluxerint, alium tamen eques ei suppeditauit, sicque  
 vix à suis ad fugiendum cõpulsus illesus euasit. Qua-  
 propter mœstus animo angebatur, non tam Ruthe-  
 norum fœdifragorum insidias, sed Palatini Craco-  
 uienensis perfidiam turpissimã execrans, cui pelliceum  
 leporinum, & colum instrumentum quo mulieres  
 fuso fila ducunt, linique fasciculum, & cordam misit,  
 indicans eum lepori in fugiendo similẽ esse, & quod  
 indignus sit vir, sed mulier haberi: resque muliebres  
 & non viriles potius tractare, suspendique dignum.  
 Palatinus itaq; ille, in desperatione adactus, in cam-  
 panili oratorij sui fune campanæ sese suspendit, cuius  
 nomẽ propter posterorum dedecorem in Chroni-

*Boleslaus  
circumue-  
nitur.*

*Palatinus  
fugit consti-  
tum.*

*Boleslaus  
strenuè sese  
defendit.*

*Donum Pa-  
latino pro-  
fugo à Bole-  
slao dignum  
mittitur.*



*Castellanus  
Palatino  
Cracouiensi  
dignior ti-  
tulo.*

*47. cōflictus  
Boleslaus &  
Hector abijt.*

cis reticeretur, ab hocq; tempore Castellanus Cracouiensis, Palatinum auctoritate dignitateq; antecellit. Boleslaus autem quotidie aduersam fortunam ex-  
crando tristitia consumptus, sumptis sacrosanctis Sa-  
cramentis extremum diem clausit, annos ætatis suæ  
54. regno 36. annos præfuit, in ecclesia cathedrali Plo-  
censilepultus. Porro nullus rex Poloniæ ad hæc vsq;  
tempora illo felicior bellicosiorque extitit. Omnes  
enim reges & monarchæ finitimi vndiq; in eum ir-  
ruebant: ille verò eos strenuè casu non variante, fi-  
dem propugnabat, & regna eorum secundum arbi-  
trium suum militis strenui & imperatoris mœnia  
obiens peragrabat. Conflictus cum hostibus princi-  
pales & memorabiles ac publicos 47. commisit, ex-  
ceptis congressibus excursionibusq; paruis, qui sæ-  
pissime eueniebant, excepto quoq; hoc vltimo cer-  
tamine, quod cum eo Rutheni astutè commiserant,  
ex quo ille nō secus atq; ille Hector Troianus, Han-  
nibalque Carthaginensis suo Marte sese strenuè de-  
fendens, aciesq; hostiū instructas fortitudine, disper-  
gens euasit. Adhuc vitæ superstes filijs suis imperium  
disposuit, Vladislao natu maiori Cracouiensem, Si-  
radiensem, Silesiæq; & Pomeraniæ Ducatus legauit.  
Boleslao Crispo Massouiam, Dobriniam Cuiuiam-  
que. Mieslao Gnesnensem, Posnaniensem, Calisien-  
semq; Henrico verò Lublinensem, Casimiriensemq;  
tractum testamento ordinauit. Casimiro autem o-  
mnium iuniori quicquam reliquit. Admonentibus  
que se de eius sorte senatoribus, respondit: An igno-  
ratis, inquit, quod in curru quatuor rotæ currentes  
necesse habent, vt aliquis eis insideret, quod & fa-  
ctum est, vt inferius dicetur.

VLA-

## VLADISLAUS SECVNDVS.

*Quattuor in natos regnum diuiserat aquis  
 Partibus, egregia cum ratione, pater.  
 Ladislai, tibi cessit Cracouia natu  
 Maxime: auaritia maxime, Marte nihil.  
 Fratribus eiectis, solus dum queris habere  
 Omnia, possessis pelleris ipse bonis,  
 Coniuge cumq; tua, qua rem tibi suavit iniquam,  
 Victus in externam profugis exul humum.  
 Ignorata tibi fuit alea? discere in illa,  
 Contentus proprio viuere quisq; potest.  
 Namq; aliena petens perdit sua lusor, & aurum  
 Dum cupit, amisso flens abit ere domum.*

**A** Nno Domini 1140. Vladislaus secundus, Boleslao patri in regno successit. Hic ex moribus patris degenerauit, vxorisq; impulsu sorte sua non contentus, fratres suos Ducatibus exuendos proposuit, eosque bello appetijt, auxiliariis copijs à principe Russiæ acceptis. Henricus itaque, Boleslaus & Crispus, cum Miecslao in arcem Polnaniensem fratris metu sese receperunt: quos Vladislaus oblitus fraternæ caritatis, grauiter obsedit. Iamq; obsessi penuria victus coacti deditiōem moliebantur: sed veteranorum militum persuasione confirmati, aleam belli tentare proposuerunt: nactaque occasione, cum hostes choreis temulenti indulgerent, intempesta nocte ex arce cum ingenti vociferatione vnusquisque facem accensam manibus gestando, eruperunt, castraque hostium incenderunt, & ipsos hostes ferro protriuērunt. Vladislaus vix turpi fuga elapsus est: quem fratres victores Cracouiam vsque insequuti sunt.

*Vladislaus  
 degener.*

*Vladislaus  
 fratres oppugnans ipse  
 fugatur re-  
 gnusq; exur-  
 git.*



Sed postea in Germaniam ad cognatos vxoris suæ aufugit: quem postea vxor cum filijs secuta est. sic-  
que proprio viuere non contentus, alienis inhians,  
sua amisit.

## BOLES LA V S Q V A R T V S

Crispus.

**D** Vm cogit Prussos ad Christi dogma Polonos,  
Amisso euertit milie Crispus, opes.  
Transfuga ducebat nostros malefidus, iniquum  
Transgressos Ossam pertrahit inq̃ locum,  
Inconuestitum viridanti cespue cœnum,  
(Atergo in siluis abditus hostis erat)  
Insiluit: inclusos cœno suffocat in illo,  
Vix pauci incolumes se eripuerunt fuga.  
Mens generosa dolo, quia nil agit, ipsa malignis  
Opportuna dolis, insidiisq̃ capi est.  
Et quia metitur proprijs virtutibus omnes  
Est in perniciem credula sepe suam.

**A** Nno domini 1146. Boleslaus Crispus, à capillis contortis dictus, fratre Vladislao seditioso expulso, habenas regni suscepit. A Conrado imperatore frequenter sollicitabatur, vt aliquam regionem exulanti fratri concederet, quod ille strenuè repugnabat. qua de causâ imperator in Silesiam exercitum duxit: sed pluribus damnis à Polonis affectus, re infecta discessit. Eadem de causâ cum Friderico Barbarossâ imperatore, Boleslaus bellageffit. Inimicitijsque vtrinque compositis, Vladislaum fratrem ex Germania reuocatum, in gratiam accepit: qui postquam aduenit, in Ploczko ciuitate non sine veneni suspitione, spiritum exhalauit. Tandem anno Domini

Cum Con-  
rado impe-  
ratore &  
Friderico  
Barbarossâ  
belligera-  
tur.  
Vladislaus  
in Poloniã  
reuerstitur.

mini 1164. rex cum fratribus triplici exercitu instructus, in Prussiam descendit, quam ferro & igne late peruastrauit, ad Christianismum Prutenos sollicitans, donec se baptisari spoponderent: sed demum baptismo spreto, contra Polonos in Massouiam excurrerunt: contra quos denuo Boleslaus cum fratribus exercitum duxit. Interea verò, ad Polonos duo Pruteni, sub prætextu exulū astutē defecerūt, qui se totius Prusię sitū exploratissimē nosse affirmabant: ideo eos Poloni, duces belli sibi delegerūt: qui exercitum perfidē inter densissimas palustrosasq; syluas induxerunt, vbi in palude quadam cespite viridanti contexta, tanquam muscæ in pice hæserunt: vt nec vltius progredi, nec retrogredi potuerint. Pruteni autem ex insidijs prorepentes, Polonos ingenti clade affecerunt, vbi Henricus Lublinensis, & Sendomiriensis dux, frater Boleslai, strenuē dimicando occubuit. Princeps verò Boleslaus in Poloniam reuersus est, qui postea multis gestis extrenuē peractis, extremum diem clausit. Anno Domini 1171. ætatis suæ 29. in arcis ecclesiæ templo, Cracouiæ sepultus.

*Pruteni à  
Boleslao op-  
pugnantur.  
Profugi è  
Prussia frau-  
dulenti.*

*Profugis nō  
credendum.*

*Poloni fan-  
duntur.*

### MIECZLAUS SIVE MIESCO tertius.

*Sæpe dies oritur nitida face, nec tamen illi  
Credideris: subito nubilus esse potest:  
Grandine messorum lapidare: tot tribus orbem  
Concutere: & rapidis frangere fulminibus.  
Ecce senex noster, regni cum cepit habenas,  
Vir bonus, & placidi fratris imago fuit.  
Mox sobole ingenti generis, affinibus, auro  
Inflatus: cœptam destitit ire viam.*



*Nil illo peius, nil & crudelius illo,  
 (Audace excepto) patria nostra tulit.  
 Sed tamen est pulsus: Nunquam impunita tyrannis  
 Sarmaticis feritas scilicet ulla fuit.*

*Mieczslaw  
 tyrannus  
 regno exhi-  
 ent.*

**A** Nno Domini 1174. Mieczslaus senex, fratri Boleslao Crispo in monarchia successit. Hic rapax, crudelis, seuerusq; in subditos extitit, & tyrannidem ingentem exercuit: qua propter ab omnibus diris execrationibus maledicebatur. Episcopus itaq; Cracouiensis Gedeon nomine, cum ceteris senatoribus consilium occultè iniit, de Casimiro in locum eius substituendo: & naeta occasione temporis, cum Mieczslaus rex in maiorem Poloniam discessisset, ad Casimirum fratrem eius iuniorem, quamuis inuitum, scepra detulerunt.

CASIMIRVS SECVNDVS IVSTVS  
 cognominatus.

**T** Ractus ad imperiũ precibus, lacrymisq; suorum,  
*Imperij fractas surgere fecit opes.*  
*Percussit scelerum fratris in sto ense ministros,*  
*Sacrificis pacem, ruricolisq; dedit.*  
*Qui modo calcati sub direptore iacebant,*  
*Inq; suis rebus nil habuere sui.*  
*Intulit in patriam corpus, Roma usq; petiit,*  
*Diui qui floris nobile nomen habet.*  
*Mista dedit domino scelerati aconita ministri,*  
*Inter solennes perfida dextra dapes.*  
*Truxit & in subitum, patria plangente, sepulcrum,*  
*Delicias hominum, deliciasq; deũ.*

Anno

**A**Nno salutiferi Virginei partus 1184. Casimirus facinus fratris aboleuit, in comitijsq; generalibus Lancitiæ celebratis, omnes qui erant causa intestinae dissensionis dignis supplicijs affecit. Fratrem postea Mieczslauum in gratiam accepit, Gnesnensemq; tractum & Polnaniensem ei concessit. Tandem Pruteni & Pomerani Casimiri regis clementia considerata, ultro se ei obtulerunt. Interea verò Lituaniæ ciuitas Brestia, à Polonis defecit. Eò itaq; rex cum exercitu profectus, ciuitatem cum arce cepit: eosq; qui erant causa defectionis, dignis supplicijs affecit. Inde rectà in Russiam profectus, Seuoldū & Volodimirū duces rebelles, cruento prælio fudit. Rege autem in Russia militante, Mieczslaus senex priorem dignitatem affectans, Cracouia potitus est, arcem tamen capere non potuit, ciuitate verò suis præsidijs firmata, ad comparandum maiore exercitum, profectus est. Casimirus autem ex Russia exercitum reducens Cracouiam libenter intromissus, de seditionis seminatoribus, dignas accepit pœnas. Postea non oblitus cædis Henrici fratris cladisque Polonorum, in Prussiam exercitum duxit: quam vndique armis peragrauit, Prutenosq; & Pomeranos tributarios sibi effecit: Cracouiamq; reuersus, anno Domini 1194. extremū diem clausit: non sine veneni suspitione. Eius cura & impensis corpus sancti Floriani Roma Cracouiam allatum est, anno Domini 1184.

### LESCO QVARTVS.

**C***Vm sene beuani patruo, sed an impius isto  
Sit factio, iusti discutito viri.*



*Esset vter rerum dominus, certauimus: at me  
Id velle in patriam, nudus adegit amor.*

*Nepaterer regnare lupum, maiore petentem,  
A quo pulsus erat, cum feritate gregem.*

*Dum labor: innadit Pomeranus balnea, inermem,  
Dat non sperate, meq; meosq; neci.*

*Quanto igitur rerum dominis securius auum  
(Quod quidam scripsit) cernite pauper agit?*

*Tempora sunt, loca sunt quauis metuenda potenti,  
Quod uiuit, totum est cura, pericla, metus.*

**I** Vstis Casimiro per solutis, Lesco filius eius à crinibus Albus cognominatus, ab omnibus rex salutatur; anno Domini 1194. Mieczslaus tamen senex,

*Lesco cum  
Mieslao pa-  
truo demo-  
narchiacer-  
tat.*

patruus eius monarchiam regebat: pro qua postea, vario Marte cum eo Lesco bella gessit. Tandem comitia generalia in Zueyman ciuitate celebrauit, ad quæ plurimi magnates, & principes Poloniae conueniunt, vbi citatus est mandato regio Suantopolus, capitaneus Pomeraniae, qui tributum 10000. marcarum argenti per aliquot annos iuxta pacta regi non pendebat, qui, occasione per exploratores nacta, armata manu ad ciuitatem prædictam inopinatè accelerauit, diuersoriaque obruens, qui se defendere volebant, interfecit. Regi statim tumultus caussa qui in balneo tunc temporis erat, significatur. Ex balneo itaq; exiliens, cum paucis famulis equis conscensis, aufugit. Suantopolus verò eum insequutus, vt fœdistragus, & nequissimus, sine vlla dignitatis ratione, trucidauit. Henricum quoq; Vratislauie principem, letali vulnere affecit, & plures alios trucidauit: anno Domini 1227. Cadauer Lesconis per suos relatum

*Lesco nefa-  
rie occidi-  
tur à Pome-  
rano fœdis-  
fago.*

relatum, in Basilica Cracouiensi cum maximo luctu  
terræ mandatum est.

## BOLESLAVS QVINTVS

Pudicus.

**T** Artaricus furor, in cineres regnante Pudico,  
Sarmatia totas penè redegit opes:

Inflammas abiit Craconia: quicquid & agris,

Porrigitur ripas, Odera, ad vsq; tuas.

Eugerat ad Ingros princeps, quia viribus impar

Ad confligendum cum subito hoste fuit:

Stanislæ, tuos cineres tellure leuant:

Et sacrum in fastis fecit habere locum.

Coniuge consenuit cum virgine, virgo maritus:

Addictus studijs, casta Diana tuis.

Bochnenses reperit thesauros primus: & inde

Sarcijs à diris damna recepta Getis.

**A** Nno Domini 1243. Boleslaus Pudicus, patri cru-  
deliter occiso, in regimine succedit. Eo regnan-  
te multa mala Poloniam premebant: id verò  
ob principū pluralitatem, qui tunc temporis 24. erāt.

Quod malum tādē peius redintegratum est. Tar-  
ratorum enim 100000. Poloniam Russiamq; popu-  
labundi venientes, vtramque regionem crudeliter  
vastabant: ciuitatibus, villisq; succensis, captiuos  
educebant. Rex igitur Boleslaus cum Henrico duce  
maioris Poloniæ, cæterisque principibus cōtra Tar-  
taros vnanimiter progressi, prælium cū eis acre com-  
miserunt. Iamq; Tartari inclinabantur: sed quidam  
vexillifer Tartarorum, cum vexillo, in quo erat scri-  
pta litera Græca tali modo, X, processit, superius ve-  
rò in cuspide hastæ, erat caput quoddam terribile in-

*Tartari in  
Polonia cru-  
deliter gras-  
santur.*

*Poloni cum  
Tartaris de-  
micant.*



*Incantatio-  
nis vis.  
Poloni à  
Tartaris  
funduntur.  
Auricula-  
rum nouem  
sacculi imple-  
tur.*

fixum, arte magica confectum, ore fumū vaporemq;  
sordidum in Polonos euomēs: quo velut peste qua-  
dam infecti, & incantationum vi fascinati, vires ami-  
serunt. Sicq; funditus à Tartaris nō secus, atq; à gran-  
dinibus frumenta, prostrati sunt. Cupientesq; Bar-  
bari numerum occisorum peruestigare, auriculam  
vnique dextram amputantes, nouem saccos ma-  
gnos eis impleuerunt, vbi diminuta est multitudo  
principum Poloniae, Silesiae, atq; Russiae. Tunc tem-  
poris Tartari totā ferē Russiam, & Poloniam, Hun-  
gariae; & Germaniae partem, flamma ferroque per-  
uastauerūt, terrore; inaudito omnia cōpleuerunt.

Anno Domini 1269. visus est in caelo exercitus  
equestris, inter se acerrimē confligens.

*Miracula,  
monstraq;  
in Polonia.*

Eodem anno mulier quaedā nobilis, in terra Cra-  
couiensi triginta sex pueros vno partu edidit.

Eodem anno in Calissia ciuitate vitulus duo  
capita, septemque pedes habens enixus est, cuius ca-  
daver nec à canibus, nec auibus commestum, per-  
manfit.

Boleslaus postea rex exactis in regno 37. annis, è  
viviis decessit absq; prole: calibem enim vitam (vnde  
Pudicus appellatus est) duxisse fertur.

## LESCO SEXTVS NIGER.

**Q**uanta locustarum, quo nos hac scripsimus anno,  
Appulsi in nostros agmina, ventus, agros:  
Agmina tanta ferunt in nos venisse Getarum  
Sub Nigro, & primum congeminasse malum.  
Fis cessit solis, alioqui semper in hoste  
Cum quocunq; iniit praelia, victor erat.

*Arma*

*Arma Ruthenorum, ductore superba Leone*

*Et magna, exigua contudit ille manu.*

*Obtrivit quoties Lituani & Iazygas (hoc iam*

*Interijt nostro funditus ense genus.)*

*Multa in Christicolae nullandum habitura fuerant*

*Bella: laceffius sed quia vici, habent.*

**A**Nno Domini 1279. Lesco Niger dux Siradiensis, mortuo fratre Boleslao Pudico, habenis regni praeficitur. Quem statim pericula insecuta sunt. Tartari enim validis copijs Russiam, & Poloniã iterum crudeliter peruastrauerunt.

*Tartari Po-*  
*loniam va-*  
*strant.*

Tandem anno Domini 1280. Lesco rex meliori fortuna usus, Leonem principem Russiæ superbum, cum ingenti exercitu Tartarorum & Russorũ cruenta clade prostravit, Russiæque provincias fugato hoste, infestis armis peruastravit, ex quibus multis trucidatis, sex millia captiuorum abduxit.

*Lesco Niger*  
*Leonẽ Rus-*  
*sia ducem*  
*prostravit.*

Postea anno à Christo nato 1282. Litvani in terram Lublinensem valida manu excurrerunt, ingentemq; captiuitatem hominum eduxerunt quos Lesco collectis vndecunque pro tempore copijs persequutus, ad Nemen & Narew fluuios insecutos, clade cruenta prostravit, captiuosq; liberavit. Cafa sunt tunc temporis 14000. Lituanorum infidelium.

*Lituanorũ*  
*14000. ca-*  
*duntur.*  
*Iterum Li-*  
*tuani fu-*  
*duntur.*

Demum anno Domini 1285. Litvani collectis maioribus copijs, per abdita sylvarum in Lucouiensem tractum excurrerunt: quos Lesco simili modo affecutos fudit, & fugauit, spoliaque & captiuos ademit. Tandem multis gestis strenuè editis è viuis decessit: Cracouiæ terræ mandatus est.



**T** Eutonibus solis clauēs permiserat urbis,  
 Quæ regni titulum possidet vna, Niger:  
 Illi Silesium furum sub nocte silenti  
 Mœnibus accipiunt, cui studuere, dactem:  
 Nobilium contra, contra decreta senatus,  
 Nam cui legitime sceptrā darentur, erat.  
 Perfida pars vicit: regnat Probus, exulat heres,  
 Sed res parta dolo non diuturna fuit.  
 Silesij Henricum dubio rapuere veneno:  
 Quod factis alter, nomine & alter erat.  
 Qui fraudem in vita coluit, rem fraude parauit,  
 Qua periit: dignus fraude perire fuit.

*Discordia  
 principum  
 Poloniae de  
 monarchia.*

*Cracouia  
 bis capitur.*

**A** Nno à Christo nato 1290. Henricus Probus  
 dux Vratislauie, Lesconi Nigro in regimine suc-  
 cessit. Episcopus quoq; Cracouiensis cum cæ-  
 teris proceribus, Boleslaum, Massouiæ ducem ad re-  
 gnum vocauerant: sed ab Henrico eiectus est. Tan-  
 dem Vladislaus Cubitalis (ad quem etiam monarchia  
 iure naturali competebar) dux Siradiensis, adiunctis  
 sibi in auxilium maioris Poloniae equitibus, cū Hen-  
 rico de regno acriter contendebat, exercitumque  
 eius cruenta clade in Silesia ad Sienuerā ciuitatem,  
 prostrauit: vbi ducis Glogouiensis filium, & Sprotā-  
 uiæ principem occidit. Vnusquisque eodem tempo-  
 re ex Silesijs insignem victoriam reportauit: & vi-  
 ctor Cracouiam ultro deditam occupauit. Sed Hen-  
 ricus denuo ad expugnandam Cracouiam, exerci-  
 tum duxit: quem Teutones ciues clandestino noctu  
 in ciuitatem immiserunt: adeo vt Vladislaus vix cu-  
 culla monastica indutus, effugerit. Et sic Hēricus re-  
 gno

gno potitus est. Sed paulo pòst, anno in regimine nō exacto, è viuis decessit: non sine veneni suspitione: Vratislauia terræ mandatus.

### PREMISLAUS SECVNDVS.

**O** Bscelus Audacis, raptum diadema Polonis,  
Rettulit istius gloria, luxq; viri.

Magnus erat, tantum peperit qui primus honorem

Nobis: munus & hic qui renocauit, erat.

Splendidus, antiquis certans heroibus omni

Virtute, in summo quam decet esse viro.

Ceditur insidijs, celebrans solenne Lijci,

Inuidiam virtus dat sibi, & illa necem.

Et cantè, & timide, genio seruite potentes:

Exitio multis lux genialis erat.

Hac Cyrus interijt, Macedo interijtq; Philippus,

Hac est Argolicis, Troia cremata, rogis.

**A**Nno Domini 1295. Premislaus princeps maioris Poloniae & Pomeraniae, regni habenis praeficitur. Hic omnibus principibus finitimis terrorem incusserat: ideo Marchiones Brandenburgenses, impulsu regis Bohemiae Venceslai, naeta occasione, cum rex ipse die S. Dorotheae cum suis conuiuaret, ex improviso in eum irruerunt: multisq; vulneribus affectum (quamuis sese strenue cum suis aulicis defenderet) occiderunt. Septem tantum menses regno praefuit.

*Premislaus  
rex occiditur.*

### VENCESLAUS BOHEMIAE REX.

**A**D Venceslai usq; dies, Auguste, Bohemi,  
Scortea Sauromatis tota moneta fuit.

Nummus erat pellis, detracta animantibus illis,

Quas aspergillos patria nostra vocat.



*Hoc ego dum cui dam narro, qui strangulat amplo  
Arcas argento, semper egenus ait:*

*Ergo putrescebant tunc nummi? O dura priorum  
Tempora: tunc nasci res miseranda fuit.*

*Gratia magna Deo, quod homo sum natus in isto  
Seclo: cum pelles non nisi sutor habet.*

*Quod si quando Deus mala vult seclâ illa reuerti,  
Tunc ego, tunc superi, miluius esse precor.*

*Peregrina-  
tio Vladislai  
exulis.*

*Vladislau  
regno poti-  
tur.*

*Argentea  
moneta in  
Polonia.*

**A**Nno Virginei partus 1300. <sup>Vence</sup>Vladislau rex Bo-  
hemix ad regnum Polonia vocatur. Cum Vla-  
dislao Cubitali de regno acriter contendebat,  
omnesque possessiones & arces ei ademit, quibus  
non Polonos sed Bohemos præfecit. Vladislau ve-  
rò omnibus spoliatus (ad quem monarchia iustè  
competebat) in Hungariam exulans perrexit, inde  
Romam petijt. Demum Roma in Hungariam re-  
uersus, sumptis ab Hungaris auxiliariis copijs, va-  
rijs excursionibus Bohemos in Polonia infestabat.  
Postea Pelcen, Visliciam, & Lelouiam arces occupa-  
uit. Tandem post nebulam (vt dicitur) Phæbo illu-  
cescente, Venceslao Bohemo è viuis sublato, Vladi-  
slau Cubitalis regno multis ab annis expectato po-  
titur. Hic Venceslau Bohemus, primus monetam  
argenteam, grossos videlicet Bohemicos, in Polo-  
niam intulit: qui adhuc in vsu Cracouiæ passim ha-  
bentur. Primò verò frustulis quibusdam argenti, pel-  
libusque aspreolorum, & cæterarum rerum trans-  
mutatione, necessaria comparabant. Eo quoque re-  
gnante, Cracouia muro cincta est.

## VLADISLAUS CUBITALIS VVLGO

Lokietek.

**C**orpore paruus eram, cubito vix altior uno:  
Sed tamen in paruo corpore magnus eram.

Non ego Prussorumq;, Bohemorumq; cruorem  
factabo, cladem nec Gedimine tuam:

Fortunam vici, cum qua mihi bella fuerunt,  
Ut niger è terris triste volârat iter.

Ter cecidi regno: per te Rhamnusia semper  
Post lapsum erexi maius ad arma caput.

Corde viris opus est magno, non corpore: ~~magnus~~

Qui strauit Goliath, nonne pusillus erat?

Ingentem paruus Polyphemum vicit Vlysses.

Sed tamen ille hominem: tam graue numen ego?

**A**Nno Domini 1306. Vladislaus Cubitalis, post  
multa pericula perpeſſa, frequētibusq; repulſis  
exantlatis, monarcham Polonię ſe gerere cœpit. Hic  
eodem anno, collecto exercitu, contra Henricum  
ducem Glogouię, in Sileſiam proceſſit: quã flammas  
ferroq; nullo repugnanſe peruaſtauit. Poſtea anno  
Domini 1320. Vladislaus præfatus dux, in verum re-  
gem & monarchã Polonię coronatur cum Heduigi  
conſorte ſua: ab eoq; tempore eccleſia Cracouiienſis  
iure coronandi Polonię reges primũ dotata, & pri-  
uilegiata eſt. Primò enim in loco minimè tuto Gne-  
zna coronabantur. Demum anno Domini 1326.  
validioribus copijs ex Lituanis, Ruthenis, & Polo-  
nis conſcriptis, rex Vladislaus, cædem fratris Præ-  
miſlai ulturus, in prouincias Marchionum Brande-  
burgenſium infeſtis armis excurrit: omniaq; ab O-  
dera fluuio & à Brandeburga, Francofordiam uſque

*Vladislaus  
Sileſiam  
vaſtat.*

*Cracouia  
pro corona-  
tione regum  
delecta.*

*In Marchiã  
vaſtabundus  
contendit.*



in latitudinem & longitudinem igne, & gladio per-  
uastauit: multiq̃ue spolijs onustus, cum sex millibus  
captiuorum, ad sua in pace reuersus est. Cum Cruci-  
geris Prussiensibus plurima bella gessit. Postea cū  
præfati Crucigeri iniustè in Polonia grassarentur,  
eorum iniuria rex prouocatus, exercitum in Prus-  
siam duxit, cum validissimisq̃; Teutonicis copijs, an-  
no Domini 1331. mense Septembri, ingenti armo-  
rum fragore acerrimè confligit, ac primas acies Po-  
lono milite protriuit, fugauit & disperfit. Postea viri-  
bus recentes phalanges Teutonicorum (quibus præ-  
erant Commendatores Russæ de l'launo Comes,  
& Otto magnus de Brunsdorff) contra Polonos  
processerunt, bellumq̃ue redintegrauerunt: omnes  
tamen à Polonis prostrati sunt. Cæsa sunt in eo cōfli-  
ctu 4000. Crucigerorum Prussiensium, cum pluri-  
mis Commendatoribus. Postea Vladislaus Cubita-  
lis infirmitate correptus, extremum diem vitæ Cra-  
couiæ clausit, anno Domini 1333.

*Cum Cruci-  
geris acre  
certamen.*

*Crucigeri  
prostrātur.*

### CASIMIRVS MAGNVS.

**N**ihoc splendidius, nil magnificentiùs vno est,  
*Quodcunq̃ illius respiciatur opus.*

*Legibus armauisti patriam placidumq̃ sub illo  
Libertas ad nos protulit alma caput.*

*Oppida tot cinxit muris, quot pene per omne  
Hoc regnum muris oppida cincta vides.*

*Tres simul hospitio excepi cum Cesare reges,  
Cum tibi dat nepiem, Carole quartæ suam.*

*Rex ingens opibus, bello pietate: quid illum,  
Quid premis infamæ Cypria soia noia?*

*Hunc*

*Hunc dici Magnum, est iniuria magna Poloni,  
Iure suum nomen, Maximus, esse potest.*

**A**nno Domini 1333. Casimirus Magnus, patri  
iustis persolutis, rex cōmuni omnium acclama-  
tione salutatur. Regnum oblatum ex omni par-  
te in primis pacificatur: in seditiososque, & passim la-  
trocinantes animaduertit. Postea anno Domini 1339.  
Ludouicum nepotem ex sorore, Caroli regis Hun-  
gariæ filium, successorem post se in regno Poloniæ  
assignauit, & declarauit, constituitq;. Tandem 1340.  
Casimirus armata manu in Russiam progressus Leo-  
polim regionis metropolim cepit: vnde thesauros  
ingentes asportauit. Deinde ad Volodimiriam con-  
tendit: qua expugnata, Cracouiam triumphās exer-  
citum reduxit. Denuo in Russiam validioribus copijs  
cinctus descendit: hasq; prouincias, cum ciuitatibus  
ad ditionē compulit, Premisliam, Haliciam, Leo-  
polim, Sanociam, Lucouiam, Volodimiriam, Luba-  
czouiam, Treblouiam, Tustaniam, & complures a-  
lias, quæ hucusque à regno Poloniæ non separantur.  
Tertiò Casimirus anno Domini 1349. exercitum in  
Russiam duxit, arcesque quas nondum possederat,  
suæ ditioni subegit.

Postea anno Domini 1363. Casimirus rex Caro-  
lo 4. Romanorum imperatori, neptim suam Elisabe-  
tham, ducis Stolpenfis filiam in matrimonium de-  
dit: ad nuptiarumque solennia ipse Carolus impera-  
tor, Ludouicus quoque Hungariæ, Petrus Cypriæ,  
Sigismundus Daniæ reges, Otto Bauariæ, Semoui-  
rus Massouiæ, Boleslaus Suidniciæ, Vladislaus Opo-  
liæ duces, satis splendido apparatu Cracouiam con-

*Casimirus  
Leopolim  
cepit.*

*2. pag. 77.*

*Volodimi-  
riam expu-  
gnauit.*

*Casimirus  
Russia pro-  
uincias tri-  
butarias red-  
didit subi-  
gavitq;.*

*Ad nuptia-  
rum solēnia  
tres reges im-  
perator, &  
multi prin-  
cipes a Car-  
mro iussu  
tantur*



uenerunt, absolutoq; nuptiarum conuiuio, quidam  
ciuis Cracouiensis, Vierinok nomine, à Rheno ori-  
undus, thesaurarius regius, hos omnes reges & prin-  
cipes cum imperatore, lautissimo conuiuio aliquot  
diebus excepit, muneraq; insignia singulis obrulit.

*Casimirus à  
pedis fractu-  
ra mortuus.*

Anno tandem Domini 1170. Calimirus rex, iu-  
xta Przedboriam ciuitatem, inter venandum, cer-  
uum insequens, equo succumbente pedem fregit: à  
quo vulnere spiritum exhalauit Cracouia: ibidem-  
que sepultus. Hic omnes ferè ciuitates & arces, in Po-  
lonia muro cinxit: plurimasq; arces & Basilicas con-  
didit. Legibus quoque tam equestribus, quàm ciuili-  
bz patriam locupletauit, quæ hucusq; vigent; & o-  
mnes reges antecessores suos, summa dexteritate in  
promouendis thesauris & prouentibus regni supe-  
rauit: ideo Magnus iure appellatus est.

*Casimirus  
bonus pater  
familias.*

### LVDOVICVS HVNGARVS.

**N**on quia vir fuerit, nequaquã Ludouicus, & ultor  
(rudelis nostras non bene rexit opes.

Sed quia Pannonia, dum plus amat arma paterna,  
Linquebat senis istud ouile lupis.

Qui nouit quid agant famuli, si longius absit  
(Præsertim fuerit qui minus asper) herus.

Hic videt ærumnas, quas multa absentia vèri  
Pastoris nostrum tum cumulabat auis.

Illo rege quidem leges crenère: sed illo  
Rege tamen, robur non habuère suum.

Lex nisi tutores habeat, contra arma potentum:  
Est quod araneolus sub trabe necesse opus.

**D**Ecedente Casimiro Magno absq; hærede ma-  
sculino legitimo Ludouicus rex Hungariæ ne-  
pos

pos eius, anno Domini 1370. sacrum diadema Polonicum suscepit. Eo in Polonia regnante nihil memoria dignum gerebatur: sed homicidia, latrociniaque passim exercebantur, propter absentiam illius. Qui verò de iniuria sibi illata in Hungariam ad regē proficiscebantur, hi à rege ad reginā; à regina verò ad factores regios, & à factoribus ad gubernatores in Poloniā cum literis relegabantur, plurimisq; iniurijs, & angustijs Polonia tunc temporis, premebatur.

Postea anno Domini 1381. Ludouicus filiā suam Mariam, Sigismundo Marchioni Caroli quarti Romanorum imperatoris regis Bohemiæ filio, desponsauit, regemque Poloniæ post se futurum declarauit. Qui in Poloniam armata manu veniens, quasdam rebelles puniuit: rectaque contra Massouie ducem exercitum duxit, qui etiam sceptrum iure propinquitatis affectabat. Massouia itaque flamma & ferro peruastata Posnaniam maioris Poloniæ metropolim profectus, ab omnibus honorificè promonarcha agnoscitur. Interea verò Ludouicus Hungariæ & Poloniæ rex è viuis decedens, Albæ regiæ sepelitur, anno à Christo nato 1382. Regno Poloniæ 12. annis præfuit. Poloni itaque Ludouici regis morte audita, consilium clandestinum inierunt, vt Sigismundo relicto pro hærede regni, Ludouici regis filiam ad se reciperent: eamque in matrimonium tali principi, qui rempub. rectè gubernaret, ab hostibusque vindicaret, locarent. Regina itaque Hungariæ Ludouici coniunx, filiam Hedwigim in Poloniam misit, quæ honorificentissimè à Polonis proceribus accepta, sacro diademate solenniter Cracouiæ ex more coronata est.

*Sigismundus  
Caroli filius  
regnum Po-  
loniæ ex ob-  
tinere tem-  
erat.*

*Poloni Si-  
gismundo  
sperato pro  
hærede re-  
gni filiam  
Ludouici  
accipiunt.*



*Iagielo Li-  
tuanus.*

*Heduigim  
Polonia hæ-  
r de n cum  
regno sub  
conditione-  
bus petit.*

*Oratores in  
Lituaniam  
pro Iagielo-  
ne.*

*Wilhelmus  
Austriacus  
Cracouiam  
venit.*

Anno igitur Domini 1385. Iagielo magnus Dux Lituanie certior factus de Heduigis regine ex Hungaria in Poloniam aduentu, pulcritudine, moribusque eius honestis commotus, oratores ad eam fratres suos, Skiergielonem, & Borissum, cum peramplis muneribus destinauit: coniugium regnumq; dotale expetens, promittens se cum vniuersa gente sua baptisatum, omnesque ciuitates & arces cum suis prouincijs, quas Lituanie a regno abstraxerunt, & etiam captiuos liberaturum: insuper etiam Magnum ducatum Lituanie cum regno Polonie vniturum, & incorporaturum; Silesiam, Prussiam, Pomeraniam armis recuperaturum, thesaurosque omnes in usum regni Polonie conuersurum; omnia denique quae ad amplitudinem reipub. Polonie, & ad incrementum totius Christianitatis spectarent, acturum curaturumque. Hac legatio Lituanorum, grata periu-cundaque Polonis erat: sed regina eam detractabat: a barbari enim matrimonio abhorrebat. Nam adhuc patre viuente, Wilhelmo Austriae duci desponsata erat: ideo illum priorem sponsum ardenti animo complectebatur. Quae de causa oratores Polonorum legationem Iagielonis Lituanie, ad reginam Elisabetham in Hungariam detulerunt, quae in omnibus se contentam esse respondit, quidcunque boni procures regni constituerint. Legati igitur Polonorum in Lituaniam profecti, ut Iagielonem in Poloniam cum promissis muneribus, Heduigi reginae maritum, adduxerunt. Interea vero Wilhelmus Austriae dux, certior rerum Polonicarum factus, Cracouiam splendido aulicorum equitatu stipatus cum ingentibus muneribus, ad precipiendum matrimo-  
nium

nium venit, à reginaq; alacriter acceptus, multa con-  
uiuia quotidie alterutrum celebrabant, choreisq;ue  
honèstè tamè & modèstè indulgebant: qua de causa  
proceres Poloni Wilhelmum Austriacum apud re-  
ginam videntes acceptum, gratumq;ue hospitem, &  
propensam vtriusq; erga se voluntatem animaduer-  
tentes, in arcem eum deducunt: cum regina deside-  
rato matrimonio copulant. Sed Iagielonem adue-  
nisse audientes Wilhelmum ex arce propellunt, por-  
tasq;ue post eum obserant. Cuius expulsionem regi-  
na animo egrè ferens, suis manibus feras portè fran-  
gere, & contundere cœpit: optatis cum eo nuptijs in  
ciuitate fruitura. Sed per cōsiliarios longa dissuasio-  
ne à proposito retracta est. Wilhelmus verò videns  
sibi proceres Poloniae apertè & obstinatè aduersari,  
de aduentuq;ue Iagielonis audiens, è Cracouia cum  
suis (relictis thesauris) clandestinè discessit.

*Wilhelmus  
Austriae  
dux, Craco-  
uia eijcitur.*

## IAGIELO SIVE VLADISLAUS

Lituanus.

**H**ic gentilis erat Lituanus de stirpe Jagello,  
Vir bonus, & tantas inter honestus opes.  
Mox est caelesti princeps baptismate tinctus,  
Quem subito est dominum gens imitata suum.  
Hinc dotale capit pulcra cum coniuge regnum,  
Et tribuit Litauis signa Polona suis.  
Rege sub hoc memorem suscepit Prussia cladem,  
Sapius & rigidus concidit ense Getes.  
Quàm multa in regno struxit delubra Polono,  
Monstrat Gymnasium sat puto Crocatuum.  
Et linquens gratos ex iusta coniuge natos,  
Lucida fulgentis scandit ad astra poli.



*Lituanus in  
regnum Po-  
lonia acce-  
pit.*

*Lituania  
Polonia ad-  
iuncta.*

*Expediitio  
in Lituaniam  
Iagielonis.*

*Lituania  
& Samogi-  
cia ad fidem  
Christi con-  
vertitur.*

**A**Nno à Christo nato 1386. Iagiello magnus Dux Lituaniae (cuius genealogia in Lituaniae descriptione latius patet) cum fratribus suis Borisso, Suidrigielone, & Vitoldo, Cracoviam satis splendide 12. Februarij venit: ubi ab omnibus ingenti cum laticia acceptus & in arcem honorifice deductus est. Itaq; 14. die Februarij, cum fratribus in fide Christiana instructus, sacro baptismi fonte abluitur, & Vladislaus appellatur. Eadem die baptismi absoluto matrimonio cum regina Heduigi contraxit, magnumque Ducatum Lituaniae, Samogitiae, Russiae, sicut promiserat regno Poloniae incorporavit, univit, diplomatisque, & iureiurando confirmavit. Tandem hebdomada elapsa in regem Poloniae solenniter constituitur, & sacro diademate coronatur. Postea nuptiarum solennibus peractis, Iagiello cum regina in maiorem Poloniam sub Quadragesimae tempore profectus est, propter pacificandas seditiones, quae per Domaratum capitaneum generalem maioris Poloniae, & Vincentium Palatinum, excitabantur. Rebus itaque in Polonia maiori compositis, in Lituaniam expeditionem adornavit, nolens eam amplius cultui idolorum & daemonum vacari: in Comitatu suo magnam procerum, & equitum Poloniae cateruam habens. Archiepiscopus quoque Gnesnensis, plurimisque ecclesiasticorum, & Semovitus Massouiae, Conradusque Olensniciae duces eum secuti sunt. Vilnaeque solenniter conventu indicto, sub initium Quadragesimae, de vano idolorum cultu abolendo tractare coeperunt, sicque illa gens barbara Lituaniae, & Samogitiae sacro baptismi fonte lauata est. Porro turmatim stantes aqua lustrali (nomine uniuscuique

cuiq; turmæ, Stanislai vel Petri, &c. imposito) aspergebatur, prout latius in descriptione Lituaniæ patet.

Rebus in Lituania pius rex rectè dispositis, Vitoldum patruelem summæ rerum præfecit, in Poloniâq; reuersus rectâ in Silesiam exercitum duxit, arcesque & ciuitates sub Vladislao duce Opoliensi rebellis cepit: Krzenice, Bobolicze, Olstin, Brzeznicæ, Ostresuo, & Grabouo dictas, Boleslanicz arx septem annis obsidebatur, quam postea Ofka ducissa vidua, penuria cômæatus coacta regi subdidit. Dux igitur Opoliensis reliquas arces quadraginta millibus florænoꝝ, videns se eas non posse defendere, Crucigeris Prussiensibus vendidit, quas illi suis præfidijs munierunt: sed rex destinato exercitu cæteras arces ditioni suæ subegit.

*Iagielo arces in Silesia recuperat.*

*Opoliensis dux arces vendit.*

Moritur anno Domini 1399. Hedwigis regina, de cuius vitæ sanctimonia testatur annales Polonorum. Postea anno 1400. regi Ciliciensis Comitis de Hungaria filia Anna Cracouiam allata est.

*Hedwigis moritur.*

Tandem anno Domini 1410. rex armatis copijs cinctus contra Prussiensis Crucigeros profectus, superato Vistula fluuio ad Cierniensko oppidum castra metatus est, vbi etiam Vitoldus patruelem regius cum suis Lituaniis & Tartaris venit. Semouitus quoque & Ianusius Massouia ducis, suas cohortes adduxerunt, viribus itaque coniunctis castra ad Tanebrigum & Grimoaldum oppida mouerunt. Interea verò rege officium missæ manè in tentorio audiente, duo nuncij alterutrum sese anteuertentes venerunt, nūciantes iam iam imminere sibi Prutenos. Attamen rex pius à diuino officio quin prius absolueretur discedere noluit: quo absoluto mili-

*Expeditio contra Prussiensis Crucigeros.*

*Iagielonis denotio.*



tem in acies celeriter instruxit, quinquagintaque vexilla Polonorum ordine suo distribuit. Vitoldus similiter copias suas contra hostem rectè direxit, quadragintaque vexilla Lituanorum iusto ordine disposuit: quibus Tartarorum manum ingentem adiunxit. Interea verò magister Crucigerorum Prussiensium, Vlricus Iungingen illudens regi, duos gladios euaginos, totidemque clypeos ei dono misit, dicens: Quid remoraris prælium ô rex, si tibi desunt gladij, en tibi vnum, fratrique tuo Vitoldo alterum mitto: si verò campum ad ordinandum exercitum arctum habes, ego tibi suo cedam. Rex igitur pius gladios oblatos humiliter accipiens ingemuit dicēs: Quamuis armis omni generis abundo, attamē hoc munus per quod mihi signum victoriæ (Deo fauente) datur, libentia animo accipiam. his dictis, signa vtrinque canuntur, inde maximo clamore infestis signis concurritur: Tartari & Lituani arcubus & sagittis assueti, creberrimo telorum iactu æthera obumbrant, à Teutonibus tamen in primo conflictu fugati sunt, in quorū locū Poloni armis & viribus recentes, cum ingenti sonitu, armorumque fragore successerunt, Prutenasque acies perfregerunt; & vndique circumdatas, ad internecionem funditus prostrauerunt. In hoc cōflictu magister Crucigerorum Prussiensium, Vlricus cum suis Comēdatoribus (quos Siluius 300. recenset) occubuit: Duces quoque Stetiniensis & Olesniciensis capti, cum multis alijs præcipuis Germanis equitibus. Cæsa sunt tunc temporis 50000. Prutenorum, Teutonicorum. Siluius verò 40000 testatur. Ingentes exuias ex castris Prutenorum Poloni tulerunt: victoriamque insignem obtinuerunt, & vexilla

*Superbia  
Crucigero-  
rum.*

*Humilitas  
Iagelonis.*

*Certamen  
acre initur.*

*Magister  
Crucigero-  
rum casus o-  
mnisq; exer-  
citus suus  
profligatus.*

*Ordinis cō-  
mendatores  
erant quasi  
Palatini  
provincijs  
cōmendatis  
præsidentes.*

& vexilla hostium præcipua 50. ad perpetuam rei memoriam Cracouiæ in Basilica arcis posuerunt. *Poloni triūphant.*

Denuo crucigeri auxiliares copias ex Saxonia, & à Sigismundo Romanorū rege corraferunt, quibus Poloni pro temporis necessitate exercitu conscripto occurrerunt: manusque cum eis conseruerunt. *Alius cōstitutus Polonorum cum Crucigeris.*

Interea quidam eques Polonus Ioannes Missai exercitum Crucigerorum strenuè dimicando, ad vexillum vsque principale pertransiuit. Vexilliferoque trucidato vexillum arripuit, & post tergum sibi infixit, ad suosque acies disuerberans incolumis redijt. *Poloni palmam victoriæ è Crucigeris obtinent.*

Crucigeri itaq; vexillo orbat, ordinibus solutis, terga verterunt, quos Poloni insequentes per agros & sylvas pallantes passim trucidabant, in quo conflictu 10000. Teutonicorum caesa sunt.

Eodem anno Hungarorum copias duodecim vexilla habentes, in Poloniam excurrentes, Poloni fuderunt. Postea anno Domini 1414. rex cum Vitoldo ingentem in Prussiam exercitum Polonorum & Lituanorum: (quod Crucigeri promissis non starent) duxit, plurimasque ciuitates & munitiones expugnauit. Militibus autem & equitibus Lituanorum in bello bene meritis insignia stemmataque nobilitatis Poloniae pro donarijs distribuit. *Poloni Hungaros trucidant. Poloni cum Lituanis Prussiam diripiunt.*

Tandem anno Domini 1432. rex Iagielo senio confectus multis gestis strenuè editis, Vladislao & Casimiro hæredibus relictis, vitam cum morte feliciter cōmutauit. Cracouiæ in Basilica arcis sub marmoreo sacrophago vbi sua imago expressa est, terræ mandatur. *Litواني insignia nobilitatis Polonorum accipiunt. Iagielo moritur.*



## VLADISLAUS QVINTVS.

**L** Adislae tibi regale Polonia sceptrum  
 Contulit, ob proprijs splendida facta patris.  
 Hinc quoq; & Vngaricus desert diadema senatus,  
 Et quae sunt lati iugera multa soli.  
 Egregia verò tu praeclitus indole regnas,  
 Ac regis imperio subdita regna tuo.  
 Nec piguit Macedum fines vastare remotos,  
 Nominis vi foret gloria nota tui.  
 Donec inire petit tecum trux foedera Turca,  
 Quod facis: at latius frangere Papa iubet.  
 Cui tu dum pares, te ad Varnam Martepaludem  
 Fudit Amurates, & in a castra capit.

*Polonus  
 Hungaria  
 rex coro-  
 natur.*

**I** Agielone Vladislao è viuis decedente, Vladislaus filius eius, anno Domini 1434. habenas regni moderandas suscepit. Tandem anno 1437. Sigisfinundo imperatore Romanorum, rege Hungariae & Bohemiae fatis concedente, Vladislaus, Hungariae procerum assiduis precibus, ad regnum Hungariae suscipiendum vocatus est. Itaq; anno 1440. in eo profectus, Budæ coronatur.

*Vladislaus  
 arces Rascia  
 recuperat à  
 Turcis.  
 Vladislaus  
 Turcas pro-  
 fligat.*

Anno Domini 1443. Vladislaus expeditionem bellicam contra Turcas suscepit, arcesque in Rascia ab eis occupatis recuperauit. Audiens tandem Turcas cōtra se processisse, Ioānem Hunniadem Palatinum Transilvaniae, cum armatis copijs Polonorum & Hungarorum aduersus eos destinauit, qui absque rumore in Turcas irruens omnes funditus prostrauit & dispersit. 4000. captiuorum & nouem vexilla abduxit, omnesque Slauonicas prouincias Macedoniam vsq;, Hungari cum Polonis peragrarunt. Turcarum

earum verò imperator exercitum propter Romaniam & Macedoniam defendendam in montibus collocavit. Bassa itaque Turcicus numerofo exercitu fretus, victoriam sperans cum Polonis & Hungaris confligit, sed spe frustratus cum Turcarum viribus ingenti clade à Christianis prostratus est: adedò vt Turcarum imperator Amurates ad regem Vladislaum legatos pro pace impetranda mittere cogeretur, omnes possessiones, arces & ciuitates in Ralicia occupatas restituendo, quibus restitutis, ad decem annos fœdus vtrinq; iecerunt, & iureiurando confirmârunt. Interea verò Iulianus cardinalis, legatus Apostolicus ad regem venit: multisq; & varijs persuasionibus hoc fœdus irritum fecit, regemq; summi pontificis potestate à iuramento, quo se Turcis obstrinxerat, absoluit: vtque expeditionem aduersus Turcam Christiani nominis hostem cum vniuersitate Christianorum susciperet, persuasit.

*Turca profligantur.*

*Turca pacem petit. Papa fœdus frangere suadet.*

Anno igitur 1444. armatis copijs Rex contra Turcarum imperatorem Amuraté processit. Amurates verò re comperta inconstantia, leuitatq; Christianorum admirabatur, quod Dei sui nomen flocci penderent. exercitu itaq; validissimo ex Asia conscripto, ad Varnam paludem iuxta littus ponti Euxini, prælium acre cum Christianis cômisit, quos vndiq; circumdatos cruenta clade prostrauit, vbi & rex inclitus strenui militis, & imperatoris officium adimplens occubuit cum multitudine Polonorum, quæ clades ingentis mœroris planctusq; toto orbi Christiano caussa extitit.

*Vladislaus contra Turcas.*

*Hungari & Poloni cum rege suo à Turcis ob fœdus fractum profligati.*

Præfuit Vladislaus Poloniae regno decem, Hun-



garia verò quatuor annis. Anno verò ætatis suæ vigesimo primo, ad Varnam à Turcis occisus est, consilio summi pontificis parens, qui eum ad frangendum fœdus barbaro hosti impulerat.

## CASIMIRVS QVARTVS.

**P**OST fratrem Casimirus adest, quem Turca peremit.  
*Sarmaticas instus qui regit ultior opes.*  
*Eripit & captas Marianis fratribus urbes,*  
*Æthera terribili discutiente modo.*  
*Hoc duce sacrificij magnas sensere repulsas,*  
*Hic ubi Castaliam Vistula voluit aquam.*  
*Hinc repetit Maria non vi, sed munere castrum,*  
*Prussiæ quod tunc incolnere duces.*  
*Hunc quoq; Choynitium multis licet inde peremptis*  
*Sensit, & illius quæditionis erant.*  
*Ducentem reliqua felicia tempora vite,*  
*Fata grauem nobis eripuerunt ducem.*

**A**NNO humanæ redemptionis 1447. Casimirus <sup>quartus</sup> magnus dux Lituaniæ, fratri Vladislao Poloniæ & Hungariæ regi, à Turcis perempto in regimine succedit.

*Homagium  
 Palatini  
 Valachiæ.  
 Valachi  
 funduntur.*

Anno Domini 1448. Petrus Valachiæ Palatinus in verba regis iuravit tributumque debitum & obedientiam se præstiturum obstrinxit, quem Bochdamus frater ex illegitimo toro natus dominatu propulsare nitebatur: sed ipse à Polonis cum exercitu pulsus, fugatusque & trucidatus est. Tandem anno Domini 1454. legati à nobilibus, ciuibusque Prutenorum venientes, regi sese in clientelam & patrociniū subijcientes venerant. Crucigeri enim intolerabili

lerabili onere adiuuentitijsq; eos exactionibus premebant, vxores à viris, virginesq; & teneras vi tollebant, possessiones, iumenta colonis abstrahabant, vulgum in seruitutem redigentes, eorum opera velut iumentorum in arcibus, mœnibusq; erigendis vtebantur, quos rex certo tributo indicto in clientellam suscepit, & sicut pro temporis breuitate potuit, exercitu conscripto, in Prussiam contra Ludouicum Crucigerorum magistrum infestis armis contendit. Ludouicus quoque ingentem exercitum Teutonicum opposuit, prælium itaque ad ciuitatem Choyniczæ atrox oboritur. Primam alam Crucigerorum Poloni perfregerunt, funditusq; profligauerunt; & Baltazarem ducem Zeganensem occiderunt, Bernardumq; Stumbarg ducem exercitus ceperunt: vbi verò ad vnā cohortem Polonorum malè ordinatam peruentum est, Poloni Prutenorum vim sustinere non valentes, solutis ordinibus terga vterunt, quos rex frustra tamen vt conuerterentur admonebat: parumq; abfuit quin ipse hostium manus effugerit, multi Poloni cæsi, 300. verò captiuorum abducti sunt.

*Prussi à Crucigeris ad regem Polonia deficiunt.*

*Tyrānis Crucigerorum. Expeditio in Prussiam.*

*Dux Zeganensis occisus.*

*Clades Polonorum à Crucigeris.*

Rex tandem nouis copijs cōscriptis Prussiam infestis armis aggreditur, plurimasq; munitiones & ciuitates expugnauit, & occupauit. Prussiam autē magister non habens vnde stipendium suis militibus persolueret, Marienburgam arcem præstantissimam eis in potestatem dedit, quousq; illis stipendium persolueretur. Qui arcem Casimiro regi pro summa 476000. florenorum, anno Domini 1457. vendiderunt, eamq; cum omnibus tormentis, instrumentisque bellicis dediderunt, Postea magister Prussiam

*Rex Prussiam vastat.*

*Marienburga Polonis venditur.*



*Crucigeri  
funditus  
profligati.*

iniuriam à rege sibi illatam ulturus, quasdam munitiones regis in Prussia expugnauit: qua de causa rex armata manu egressus, Crucigeros cum validis copijs cruenta clade ad internitionem prostrauit: ipse verò Ludouicus magister vix elapsus est: sicque Poloni (quamuis magna cum difficultate) omnibus armibus Crucigeros exuerunt.

*Pax cum  
Crucigeris.*

Tandem anno Domini 1466. Casimirus rex ciuitate arceque Choynici vi expugnata, concordiam fœdusque perpetuum, suffragijs multorum principum adductus, cum magistro Prusię & ordine Teutonico iniit. Ab hocque tempore Pomerania Ducatus, Michlouienfis quoque & Culmensis terra, regno Polonia adiuncta est, pro quibus Poloni 180. annis, armis cum Crucigeris decertabant.

*Casimirus  
moritur.*

Tandem anno Domini 1490. Casimirus rex multis egregijs gestis exactis, vitam cum morte feliciter Grodnæ in Lituania commutauit, filios sex Vladislaum, Casimirum, Albertum, Sigismundum, Fridericum, Alexandrum: filias verò septem, Hedwigim, Zophiam, Annam, Barbaram, Helisabetham, &c. genuit. Vladislaus post mortem Matthiæ communibus Hungarorum suffragijs, in regnum Hungarię euehitur, qui etiam postea regnum Bohemię in tutelam suscepit. Albertus verò patri in solio successit, Alexander magnum Ducatum Lituanię, Sigismundus Glogouię, sorte acceperunt. Fridericus episcopatum Cracouiensem & Posnaniensem accepit, postea inter Romanos patres cardinales scilicet connumeratus.

*Casimiri  
proles.*

## IOANNES ALBERTVS.

*D*Vcis Ioannes Alberte binominis agmen  
*Sarmaticum matre id perhibentetua.*  
*festaurasq; nouo, sed frustra Marte tumultum,*  
*Vlturus patruifunera mœsta sui.*  
*Nam Dacus variat primo quod dixerat ore,*  
*Te contra Turcam velle iuuare ferum.*  
*Istruit horrendos te contra perfidus hostes,*  
*Et fudit populos Marte iuuante tuos.*  
*Unde nemus nostris patuli memorabile fagi,*  
*Dum sol syderico tramite currit, erit.*  
*Sic igitur multis non faustis obrutus actis,*  
*Terapuit inuenem Parca seuera ducem.*

**A**Nno à Christo nato 1492. Casimiro rege è vi- *Legatio Ve-*  
 uis ad superos commigrante, Ioannes Albertus *netorum.*  
 filius in locum eius substituitur: sacroque diadema-  
 te solenniter insignitur. Ad quem oratores Veneto- *Oratores*  
 rum venerunt: cuncta prospera, fortunamque con- *Turcarum*  
 tra hostem Christianum propitiam illi exoptantes. *inducias pe-*  
 Postea Turcarum legati inducias petētes venerunt: *tunt.*  
 cum quibus rex fœdus ad certum tempus pepigit.

Tandem anno 1494. Albertus rex cum fratre *Conuentus*  
 Vladislao Bohemiæ & Hungariæ rege, in Liucza *Alberti re-*  
 conuentum habuit: consultantes quomodo cōiun- *gis cum Vla-*  
 ctis viribus; cædem crudelissimam Vladislai patru- *dislao rege*  
 sui, vlscisci possint, propositumque constitutum ne- *Hungariæ*  
 mini reuelabant. Sed Turcarum imperator omni- *fratre cōtra*  
 um exploratissimus erat: qua de causâ legatum ma- *Turcam.*  
 gnum ad regem Albertum propter confirmandum *Turca indu-*  
 fœdus destinauit. Interea verò Stephanus Palatinus *tias petis.*



*Expeditio  
Alberti con-  
tra Turca-  
rum impe-  
ratorem in-  
felix.  
Signa ad-  
uersa.*

*Perfidia  
Palatini  
Valachia.*

*Arma in  
Turcas pa-  
rata in Va-  
lachos con-  
uertuntur.*

Valachia, vt feudalis, à rege auxilium contra Turcas implorauit: qua de caussa rex apertam occasionē vl-  
ciscendi barbari hostis nactus, ingentē validissimum-  
que exercitum ex Polonis, Lituanis, Massouitis, Ru-  
thenis, Prutenisque & Silesijs conscripsit: expeditio-  
nemque in Moldauiam contra Turcas celeriter ad-  
ornauit. Vbi statim signa aduersæ fortunæ appa-  
runt, equus enim generosus in quodam paruo tor-  
rente, iuxta Leopolim Russiæ sub rege succubuit,  
pauculoque aque obrutus est. Leopoliæ etiā eques  
quidam Polonus Sropski dictus, insanæ mentis cla-  
mabat dicens: Nostri in suum malum proficiscuntur.  
Fulmen quoq; quendam equitem in tentorio cum  
duodecim equis interemit. Palatinus autem Molda-  
uiæ regi comineatum pabuliq; necessaria & vniuer-  
so exercitui, se suppeditaturum promisit. Rex itaque  
falsis eius promissis fidem adhibēs, vbi in Valachiam  
exercitum induxit, ad Palatinum, vt promissis staret,  
contra Turcasque expeditionem secum adornaret,  
misit. Ille verò perfidus respondit: Caueat sibi rex à  
Turcis vel ab alijs, quod ausus sit in ditiones meas,  
me inscio venire. Rex verò secūdò & tertio eum ad-  
monuit, vt promissa persolueret: sed Palatinus hæc  
flocci pendebat: qua de caussa Poloni iniustè exacer-  
bati arma quæ in Turcas parauerant in suos conuer-  
terunt. Soczauamque Valachia metropolim obse-  
derunt: quam grandioribus machinis bellicis admo-  
tis oppugnarunt. Sed Vladislaus rex Hungariæ inter  
regem fratrem suum, & Palatinum inimicitias per  
legatos composuit. Fœdere itaq; alterutrum firma-  
to: rex infirmitate, partim ex aduersa fortuna, par-  
tim ex nimijs curis correptus, in Poloniam cum vni-  
uerso

uerso exercitu reuertitur. Cumque in meditullium sylvæ amplissimæ (quæ *Bukonia*, à faginis arboribus dicitur) penetrarent: vbi arbores succisæ erant, Stephanus Palatinus Valachiæ scedifragus, contra ius diuinum & humanum, à fronte & à tergo armata manu in regis copias irruit, ingentiq; & cruēta clade Polonos inopinatos oppressit, captiuorumq; multitudinem abduxit. Inter quos insigniores erant, Nicolaus Palatinus Russiæ, Gabriel Comes à Tenczin, Ioānes Zpigneuius Capitanei Marienburgensis filius, & alij complures qui sanguine suo vitam regis redimerunt. Vbi adhuc signa huius cladis infelicis ossa videlicet albertia in hac sylua ipsemet vidi, cū magnificus dominus à Lasko, Palatinus Siradiæ, Despotam Heraclidem in occupanda Valachia iuuaret, in cuius castris ego peditum præfectus fui: anno Domini 1562. Sed ad rem redeo.

*Valachus  
Polonos fac-  
dere fracto  
sternit.*

Anno Domini 1493. mense Ianuario, & Februario tantus calor, quod in illis regionibus mirum est, in Polonia extiterat, vt pomeria florerent, aues nidificarent, graminæq; pulcerrimè virescerent. Postea mense Martio tanta frigora subsequuta sunt, vt hæc omnia gelu arefacta marcescerint.

*Calor in-  
suetus.*

Anno sequenti iuxta Cracouiam in villa Czarna dicta, mulier quædam puerum cum leporino collo, & auribus peperit: qui ore aperto hiabat. Non multum post altera mulier serpentem cum puero edidit: qui serpens puerum ad intestina vsq; corrosit.

*Monstran-  
ta in Polo-  
nia.  
Aliud mon-  
strum.*

Anno Domini 1499. Cracouiæ Iudæa mulier vitulum bicipitem peperit, qui vnum caput in cauda, aliud verò in principio habebat: cauda verò in tergo sita erat, pedes septē in dextro latere, in sinistro ve-

*Tertiū mon-  
strum inter  
Iudaos na-  
tum.*



rò nullum habebat: multo tempore extra Cracouiam hoc monstrum, vt ab hominibus videretur expositum erat.

*Ioannis Alberti regis mors.*

Anno Domini 1501. Albertus rex Cracouia in Prussiam profectus, Torunia apoplexia correptus extremum diem clausit. Aetatis suae 41. anno. regnavit octo annis totidemq; mensibus.

### ALEXANDER.

**M**ulta laborati hoc recinunt de regel libelli,  
*Quam duripromptus Martis ad arma fuit.*  
 Nil illum morbi, nil frigora seu amovebant,  
*Vt non inceptum perficeretur opus.*  
 Sapius insano compressit Iazygas arcu,  
*Et dedit horrenda millia multa neci.*  
 Indigna ulciscens sui periuria Moschi,  
*Illius constans abstulit ultor opes.*  
 Nectantùm bello studuit, sed legibus aequis,  
*Subiectam patiens est moderatus humum.*  
 Illa ducis laus est certò verissima magni,  
*Qui sacra, qui iustum cum pietate colit.*

*Perfidia  
 Valachorū  
 Gliscitur.*

*Tartarorū  
 à Lituanis  
 fusæ 20000*

**A**Nno à Christo nato 1501. Alexander Magnus dux Lituaniae, fratri Alberto in regimine successit. Postea anno Domini 1506. expeditionem in Valachiam adornavit, multasq; arces ad Tyram fluvium sitas sub Valachis expugnauit. Eodem anno in Lituaniam profectus, Vilnae infirmitate correptus est. Interea verò Tartarorum 20000. populabundi in Lituaniam excurrerunt, contra quos rex Stanislaus Kiskam Lituanum cum armata manu destinavit: ipseq; sua persona semiuivus ferè exercitum sequutus est, recensitisq; copijs in Lida arce remansit.

Lituani

Lituani igitur inopinatè in Tartaros securos, ad Kle-  
 ezo oppidum ingenti impetu irruerunt, quos ad v-  
 num cruenta clade fuderunt, & spolia, captiuosque  
 abegerunt. Quæ victoria cum regi iam iam animam  
 agenti nunciaretur, ille, quamuis beneficio linguæ  
 priuatus, manus tamen in altum extollens, suspiras-  
 que cum lacrymis Deo gratias egit, omnibusque cir- *Alexander*  
 cumstantibus manum porrigens, ad superos com- *moritur.*  
 migravit: anno ætatis suæ 45. Vilnæ vbi & sepultus  
 quiescit: quatuor annis, & mensibus octo Poloniæ  
 regni scepra tenebat. Magno verò Ducatui Litua-  
 niæ 14. annis præfuit.

## SIGISMUNDVS PRIMVS.

*C*um iurârat atrox deuicto Glinsciis hoste  
*Suspectam, pulsa suspitione, fidem.*  
*Qui caperet regni post mortem fratris habenas,*  
*Tota Sigismundum terra Polona cupit.*  
*Hoc, qui magnatum tunc nemo tenacior equi,*  
*Maior consilijs, & pietate foret.*  
*Dos regum decorabat cum clementia, solus*  
*Deq; Iagelona stirpe superstes erat.*  
*Prostravit fretum numerofo milite Moschum,*  
*Millia quo bello bis cecidere decem.*  
*Quantus amor populoq; suo, externisq; monarchis,*  
*Tantus erat Turcis, & tibi Theuto, tremor.*

**A**Nno Domini 1507. curato sumptuosè funere  
 Alexandri regis, Sigismundus frater eius dux  
 Glogouiæ, & Opaniæ Capitaneus generalis,  
 magnus dux Lituaniæ regni gubernacula suscepit.  
 Hic lapsam ferè rempub. Polonam humeris suis e-



*Moschouia  
depredatur.*

rexit, qua rectè constituta, & vndique pacata aduersus Moschouia principem Basilium armatas copias duxit Tartaris Præcopensibus in auxilium sibi acceptis: arcesque plurimas expugnauit, & suorum præsidijs muniuit.

*Tartari  
profligati.  
Valachus  
Poloniam  
infectat.*

Eodem anno Tartari in prouincias Russiæ excurserunt, contra quos Castellanus Leopoliensis, cum quingentis equitibus Polonorum profectus, gentem barbaram auspice Deo inopinatè oppressit, & profligauit, spoliaq; abegit.

*Poloni & ci-  
scuntur, Va-  
lachosegre-  
giè.*

Anno 1509. Palatinus Valachiaæ fœdifragus in Russiam armata manu excurrit: Leopolimque spoliatur, vnde thesauros plurimos abstulit, Rohatini amarcem deditione cepit, de Polonorumque contra se expeditione audiens, in Valachiam aufugit, quem Poloni insequuti, damna in Valachia ferro & igne nullo obstante (ipse enim Palatinus in abditis sylvarum latitabat) maxima intulerunt. Hasque munitiones, Dorochiniam, Sczepanouice, Czarnouicze, Botufaniam, Chociniam ceperunt, Soczauam metropolim regionis grauitè oppugnarunt: sed re infecta multimodis spolijs onusti, vniuersa regione peruastrata, ad sua reuertuntur. Cumque Tyram siue Nestrum fluiuium trajicerent, Valachij nacta occasione è syluis ad pugnandum instructi erumpunt, cum quibus equitatus aulae regiæ qui adhuc in hostili ripa remanserant, manus acriter commiserunt, à tergoque hostium aliquot cohortibus Polonorum clandestino trāsmissis, omnem exercitum Valachiorum fuderunt.

*Valachi ca-  
duntur à  
Polonis.*

Postea anno Domini 1512. Tartari Præcopenses stipendiarij regis, in 24000. equitum in Russiam ex-  
curre-

currerunt, ad Visniouiciūq; in Podolia castrametati sunt, ad quorum vim reprimendam Poloni & Lituani expeditionem susceperunt: certamenque acre cum eis commiserunt, & dum vna ala Polonorum ad castra hostium vbi captiui Polonorum Lituānorumque erant, penetrarunt: captiuos soluentes, ad arma excitarunt. Statim igitur captiui soluti à tergo, illi à fronte in Tartarorum ordines solutos irruerunt: quos paruo negotio fuderunt, & celebrem victoriam impari Marte obtinuerunt.

Anno 1514. Sigismundus rex audiens Smolensk arcem munitissimam in ditione Lituānorum à Moschouia duce Basilio captam, exercitum ad vlciscendum hostem duxit. Moschus verò 80000 equitum contra regem destinauit: Polonorum autem, & Lituānorum copiarum 35000, non excedebant. Cōstātinus itaq; Ostrouuski dux exercitus, strato ponte pedites vltra Borysthenē iuxta Orsham oppidum transfert. Equitatus verò augustum vallum sub ipso castro Orshæ superat. Mox vbi dimidia pars exercitus Borysthenem transiret, nunciatur Ioanni Andrea Celadin, cui summa rerum à Moscho commissa erat, vt hanc exercitus partem inuaderet. At ille respondit: si partem hanc exercitus oppresserimus, quid postea faciemus: cum cæteri metu perculsi terga vertent, expectemus tantisper dum totus exercitus transferatur: tantę enim sunt vires nostrę, vt circumuentos hostes Moschouiam vsque velut iumenta agere possimus: tandem quod vnicum restat totam occupemus Lituāniā. signa itaque vtrinque canuntur, Moschouitę primi in Lituānos impetum faciunt: illi haud timidi strenuē resistunt. Postremò

*Tartari in  
Rusſiagrassantur.  
Poloni triū-  
phant de  
Tartaris.*

*Expeditio  
regis contra  
Moschorum  
ducem.*

*Cōstātinus  
Ostrouuski.*

*Andrea  
Celadin.*

*Certamen  
acre cum  
Moschons-  
tis.*



maxima vi certatur; Lituani studio cedentes ad collem ubi tormenta collocata erant, ea in Moschos insequentes exonerant: extremamq; aciem eorum in subsidij collocatā feriunt, turbāt, dirimūtq;: hoc nouo belli genere Moschi perterriti terga verrūt, quos Lituani cum Polonis conuersi omnibus copijs effusis insequuntur, fugant, confodiunt, cæduntq;, bellum sola nox diremit. Est inter Orsham & Dubrounam, fluuius Cropsiuna dictus: in cuius dubijs & altis ripis Moschi fugientes, tot submersi, vt cursus fluminis impediretur. Capti sunt in eo conflictu omnes militiæ præfecti, & consiliarij, qui ad regē missi sunt. Ioannes verò Celadin supremus dux exercitus, cum duobus præcipuis viris, Vilnæ in compedibus ferreis detinebatur. Cæsa sunt tunc temporis Moschorum 42000. capti 2000. exceptis ijs qui in fuga aquis obruti sunt. Ex Polonis & Lituanis 300. duntaxat occubuere, ab hoc tempore Moschoviæ dux campestre prælium nō audet regi Poloniæ opponere. Moschoviæ principes accepta suorum clade, Smolensko continuo relinquens in Moschouiam fugit: Lituanicus verò exercitus Smolensko obsedit: sed eam capere non potuit, bene enim firmatā Moschus reliquerat: tribusq; alijs castris citra Smolensko occupatis, quibusdam peruastatis præda onusti ad sua reuersi sunt.

Anno Domini 1515. mense Iulio, Sigismundus Poloniæ, & Vladislaus Hungariæ Bohemiæq; reges, fratres germani, cum Maximiliano imperatore Viennæ Austriæ conuentum insigni splendidoq; apparatu habuerunt.

Tandem anno Domini 1518. Bona Ioānis Sfortiæ ducis Mediolanensis filia, Sigismundo regi Cracouiā

*Moscho uita  
crudeliter  
prosligatur.*

*Numerus  
Moschorum  
occisorum.*

*Moschus  
fugit.*

*Smolensko  
obsidetur.*

*Conuentus  
regum Po-  
loniæ & Hu-  
gariæ cum  
imperatore.  
Bona ducis  
Mediolani  
filia Sigi-  
smundo nu-  
pta.*

uiam allata est: cui episcopi, magnates, equitesq; Polonorum, insigni ac splēdido apparatu obuiam processerunt. Hæc anno Domini 1520. filium Sigismundum Augustum Cracouiæ in absentia regis peperit.

Anno 1525. Albertus Marchio Brandenburgensis, magister in Prussia ordinis Teutonici, post plurima bella & similitates cum Polonis susceptas, videns frustra contra stimulum calcitrare, regni Polonię Sigismundo iuramentum Cracouiæ solenniter præstitit, habituq; ordinis abiecto in ducem sæcularem Prussiæ creatus est.

*Magister  
Prussia ordi-  
nis Teuto-  
nicæ regis tu-  
gum subit.*

Postea anno Domini 1526. decedentibus immatura ætate Stanislao & Ioanne ducibus Massouiæ: Ducatus Massouiæ regi Poloniæ cessit.

*Massonia  
Polono regi  
cessit.*

Anno Domini 1530. Sigismundus secundus Augustus, patre viuentē sacro diademate solenniter Cracouiæ coronatur, decem duntaxat ætatis sue annos habens.

*Sigismundus  
Augustus  
coronatur.*

Anno 1531. Petrilo Palatinus Valachiæ infestis armis in Pokuciam irruit, Snijatinq; & coloniā cum adiacentibus pagis exussit. Rex itaq; sex millibus militum pro stipendio conscriptis, Ioannem de Tarnouia Comitem eis præfecit, contra Valachiosq; destinavit. Poloni igitur ad Obertinā castra metati sunt, in loco munitissimo. Petrilo verò Palatinus Valachię cum quinquaginta millibus Valachiorum, & Turcarum atque Hungarorum in colle editiori sese apparuit: tormentaq; bellica aliquot in Polonos direxit: nihil tamen effecit. Postea vtrinque tormenta exonerantur, plurimosque Valachiorum Poloni globis glandibusque ferreis trucidant. Inde infestis armis maximo clamore vtrinque concurrunt, gladijs, lan-

*Valachus  
Poloniam  
infestat.*



ceis, omniq; telorum genere res geritur. Poloni fortitudine, Valachij multitudine superabant. Postea Poloni tormenta, bombardasque in Valachos exonerant, exercitumque eorū fudunt, dissipant, & vndiq; affligunt. Sicque Valachij ordinibus solutisterga vertunt, quos Poloni omnibus copijs effusis insequuntur, fugant, cādunt, turbant, trucidantque. Itaque omnis generis rerum copia ex castris eorum onusti, quinquaginta maioribus tormentis ablatis, milleq; captiuis insignioribus abductis, ad regem reuerſi sunt cum insigni victoria.

Anno Domini 1532. in Moravia supra Olomunciam tres soles apparuerunt.

Anno 1535. Ouczinā tutor, gubernatorque moderni ducis Moschouix, valida manu in Lituaniā excurrit, quam igne & ferro peruaſtauit, quindecim milliaribus à Vilna reuerſus est. Rex itaque Poloniae milites stipendiarios, voluntariosque, quibus Ioannem de Tarnou præfecit, in Moschouiam destinavit, cum quibus Lituani vires suas coniunxerunt, finesq; hostiles ingressi arcem Homel expugnarunt, suisque præſidijs munierunt. Inde recta ad Starodub arcem munitissimam, in qua Owczina, Suyski, & Koluczoꝝ ceterique procures Moschorum erant, contendunt: eamque grauitè tormentis bellicis adactis oppugnant. Moschouix quoque quorum numerosa multitudo in arce fuit strenuè sese defendūt. Arx ex roboribus ædificata terraq; & lapidibus propugnacula, & parietes impleta erant: ideo tormenta incassum exonerabantur. Postea pulueribus, bombardarijs suppositis, arcem incenderunt: thesaurosq; ingentes quibusdam flamma absumptis asportauerunt.

*Acer confusus.*

*Poloni Valachos profligant.*

*Tres soles.*

*Moschouita Lituaniam vastant.*

*Poloni in Moschouia contendunt.*

runt. OWczina gubernator totius Moschouix, Sui- *Starodub*  
jski, Koluczo W, cateriq; magnates & procures Mo- *capta.*  
schouix capti sunt. Vulgi verò multitudo exercitum  
regium numero 60000. superabat: qua de causa Io-  
annes Comes de Tarno W, supremus dux exercitus,  
omnes senes, plebeios, & parum idoneos decollari  
iussit, iuuenibus, nobilibusque & virginibus reli-  
ctis.

Anno Domini 1548. Sigismundus rex multis ge- *Sigismundus*  
stis præclaris summa cum laude strenuè editis, impe- *moritur.*  
rioq; in pace relicto, & reipub. rebus rectè dispositis,  
vitam cum morte feliciter commutauit, ipso die so-  
lenni Pasche, ætatis sue 81. annos, menses duos, & dies  
septem peregit, Cracouix in Basilica arcis honorificè  
26. die Iulij sepultus:

Martinus Bielski Polonus, qui annales Polono-  
rum vulgari lingua conscripsit, facit mentionem, in  
principio imperij huius Sigismundi primi: nobilem  
quendam Iacobum Melstinski, prætorem de Brezi- *Melstinski*  
nij ciuitate, ex leuitate quadam animi, seu potius de- *se Christum*  
speratione, nomen autoritatemque Christi sibi ascii- *fore finxit.*  
uisse, Petrumq; Zatorski ciuem Cracouiensem, ce-  
terosque sibi similes latrones duodecim, secundum  
numerum apostolorum elegisse: singulisque nomi-  
na apostolorum imposuisse: se verò Iesum Christum  
appellasse. Qui per villas vbique ambulantes, prodi-  
gia morionum, & prestigiatorum more exercebant:  
sicophantasq; alios, & latrones velut mortuos sub-  
ornantes suscitabant: pisces in paludes lutosas primò  
impositos, vbi nunquam eos nasci possibile erat, in  
nomine Christi sui manibus capiebant: panes in for-  
naces imponebant: in nomine Christi cum illic an-



*Latraciū  
insigne.*

tē non essent, depromebant, cum ingenti simplicis vulgi admiratione. Quodam tempore ad Cestochouiam monasterium diuæ Virginis imagine celebre, prædictus Christus cū suis apostolis vbi adhuc ignotus erat, venit, cumque illic aliquot diebus morarentur, vnum ex suis quasi obsessum à dæmone subornauerunt, cuius opera victum acquirebant, cum sua coquina carerent: ille enim quasi dæmophoretus per hospitia, diuersoriaque ambulans, carnes decoquens rapiebat, in suosque proieciebat, qui cruce illas muniētes carnes comedebant. Illic autem ingens erat confluxus populi tūc temporis ad diuæ Virginis imaginem, quæ ibi perinde, vt apud nos in Loreto miraculis celebris est. Prædicti itaque, sicophante, illum obsessum suum, ad altare diuæ Virginis ducunt: duplici veste ad id studiū præparata indutum, in cuius intercapedinem necessaria imponere possit: lapillos verò intra indusium à corpore ei imposuerunt, cumque ad altare deduceretur, ille è manibus ducentium furibundus, sese proripiens, in altare oblationibus pecuniarijs onustum irruit, pecuniasque de altare rapiens in vestis duplicatæ intercapedinem eas imponebat. Monachus verò ab altari diuino officio intermisso aufugit: ceteri monachi stupidi accurrentes cingulū illius resoluunt, putantes eum pecuniam intra indusium posuisse: sed lapilli duntaxat quos antè studiū imposuerat, in terram exciderunt: pecuniā verò in veste duplicata remansit. Monachi igitur mæsti pecuniam arte dæmonis in lapillo transformatam putantes, exorcismos, orationesque supra lapillos sine intermissione fundunt: vt deinde in pristinam formam transformarentur: sed cum lapilli immutati in  
sua

*Exorcismi  
supra lapil-  
los.*

sua forma perseuerarent, monachus librum Agendam (vt dicitur) indignabundus in terram proiecit dicens: adhuc talem dæmonem nunquam experti sumus: abite cum eo ad omnes dæmones. Hoc latrocinio prædicti sicophantę perpetrato, cum illa pecunia rectā in Silesiam vicinam Poloniae perrexerunt, simplicem vulgum suis præstigationibus seducen-  
 tes, vbi ad quandam matronam nobilem, in quodam pago diuertentes, dicunt ad illam: Christus tecum suis apostolis visitat ô mulier, ideo te offer illi, & saluabitur anima tua. Illa verò virum domi non adesse, in cuius absentia id sibi non licere, respondit. Cui Apostoli dixerunt: Habesne mappas vel telam ad sacrificandum: mulier verò ligaturam telæ illis obtulit. Qui dixerunt, hanc nobiscum accipiemus, Christusque tibi benedicet, vt tibi linum abundantius crescat, ostende aliam si habes telam: quam cum similiter accipere volebant, mulier dixit: non dabo vobis hanc: maritum enim timeo. Illi autem frustulum fomitis cum in igne telam inuoluentes mulieri reddiderunt: quam illa nihil suspicans in cistam reposuit. Itaque cista à tela, à cista verò domus accensa in flammam abiit. Vir igitur illius vxoris reuersus, domum conflagrantem inueniens: causam sciscitatur, cui vxor se malè Christum cum suis Apostolis tractasse respondit: ideo hanc plagam iniuste in se permisisse. Vir autem ira excandescens, latro hic inquit nequissimus, & non Christus fuit. Ideo cum vicinis malefactores persequitur, quos in quadā villa insequuti sunt. Ille itaq; pseudochristus re animaduersa ad illum qui vocabatur Petrus dixit: Petre, iam mea passio, calixq; quē bibiturus sum appropinquat.

*Aliud latrocinium pseudochristi.*



*Fuga pseu-  
dochristi.*

Cui Petrus: Et mihi ut video Domine imminet. Christus verò dixit: Petre, ego aliter non possum, nisi per fenestram hinc euadere. Ad quem Petrus: Et ego te quoad vitam non derelinquam Domine, sed quocunque tu fugeris, sequar te. Sicque ille Christus per fenestram, Petro sequente, aufugit: ceteri quoque Apostoli quàm potuerunt euaserunt. Quòs villani vnà cum suo Christo insecutos, & vndique circumuentos baculis, fustibusque præustis cædunt, dicentes: Prophetisa nobis Christe cum tuis Apostolis, qua in sylua hi baculi creuerint. Sicque plagis emendati vitam suam pœnitentiam agentes, postea emendarunt, dicentes: Difficile est nobis Christi passionem, Apostolorumq; tormenta subire.

*Pseudochri-  
stus cum A-  
postolis ba-  
cularur.*

### SIGISMUNDVS AVGVSTVS.

*Sigismun-  
dus 2. Au-  
gustus.*

**A**Nno salutiferi Virginis partus 1548. iustis Sigismundo primo honorificè sumptuoseq; perfolutis, Sigismundus Augustus, filius eius magnus Dux Lituaniæ, regni habenas moderandas suscepit, quas summa cum prudentia & fortitudine in pace gubernauit.

*Prima &xor  
Augusti.*

Hic anno Domini 1543. Ferdinandi Romanorum Hungariæque & Bohemiæ regis filiam Helisabetham, matrimonio sibi copulauit, quæ Cracouiam honorificè allata est. Postea immatura ætate & sine prole anno Domini 1545. decimaquinta lunijè viuis decessit.

*Secunda  
uxor.*

Deinde Barbaram Lituanam ex domo Radiuilorum, quæ antè Gastoldo Lituano nupta fuerat, duxit. Inuita matre regina Bona, proceribusq; Poloniæ repugnantibus, hocque matrimonium indignè feren-  
tibus,

ribus, & parum abfuit quin rebellio eorum cœpta, in perniciosam seditionem abiisset. Hæc quoq; non multo post è viuis sublata est sterilis: non sine veneni suspitione, quam rex Cracouia, Vilnam vsq; metropolim Lituaniæ deduxit, ibidemq; in Basilica arcis diuo Stanislao sacrata, honorificè tumulauit.

Hæc mortua ad redintegrãdam cum Ferdinando amicitiam, & affinitatem conuersus, alteram filiam *3. Exor.* eius Catharinam, quam Franciscus dux Mantuæ viduam reliquerat, germanam sororem Helisabethæ duxit. Nuptiarum solennia celebrata sunt Cracouiæ 31. Iulij, anno Domini 1553. quam postea sterilitate causata repudiavit: Maximilianoq; fratri, Romanorum imperatori, in Germaniam honorificè remisit.

Tandem anno Domini 1557. iustissimũ bellum *Augustus* aduersus Guilhelmu Furstemberk, magistrum Li- *contra Lino* uoniæ ordinis Teutonici suscepit: centenisq; mil- *nes cōcedit.* libus equitum & peditum electorum, tam Polonorum quàm Lituanorum Ruthenorumq; accinctus, in Liunioniam sua persona contendit, Sed Liunioniæ magister difficilè contra stimulum calcitrare videns, supplex pacem efflagitat, præliumq; deprecatur, & se cum vniuerso ordine, & tota ditione in fidẽ & clientelam regis submittit, prout latius in Liunioniæ descriptione patet.

Tandem princeps Moschouiæ anno Domini *Bellũ cum* 1558. hæreditarij cuiusdam iuris & denegati tri- *Moschorum* buti prætextu numerofo cum exercitu in Derpren- *duce.* sem Liunioniæ prouinciam excurrit, Derptamq; ciuitatem episcopalem cum arce cepit, ac plures mitiones temporis successu expugnauit. Itaque Sigi-



simundus Augustus rex, Liuones feudales & clientes suos strenuè propugnando bellū (pio dolore stimulante) cum Moschouia magno Duce suscepit, quod vario Marte tam in Liuonia quàm in Russia alba, diu durauit, & in hunc diem fœdē intercedente perseverat.

*Dux Moschouia Poloczka caput.*

Anno Domini 1562. sub tēpore Carnispruij Februarij 23. die, Ioannes Basiliades, magnus Dux Moschouie, trecentenis millibus armatorū coadunatis in sua persona Poloczka dura oppugnatione cepit, vnde thesauros dictu incredibiles, captiuorumq; octuaginta millia quibusdam cæsis, in Moschouiam abduxit. Iudeos verò omnes baptismū abhorrentes, aquis Dvini fluij submergere fecit. Solummodò Polonos stipēdiarios remuneratos, liberos dimisit.

Postea anno Domini 1564. magnus Dux Moschouia, detētis oratoribus Lituanorum, diutius in Moschouia, exercitum celeriter conscripsit, quem absolutis oratoribus in Lituaniā populabūdū destinauit. Hic exercitus in duas partes diuisus vnus à Smolensko duce Srebrnij, alter à Poloczka duce Soiski cōtendebat, qui in campis Czaſniciensibus ad Vlam fluiū castrametatus est, Nicolaus verò Radiuil Palatinus Vilnensis, dux exercitus Lituanię supremus, & Gregorius Chodkie Wicz, campiductor, rem certam ab exploratoribus de illis tenētes, parua manu hostes aggrediuntur, securosq; & inopinatos cēdūt, trucidāt, cōfodiunt, fugātq; : qui per syluas & agros, paludes, partim à colonis cēsi, partim aquis submersi sunt, quorū 30. mil. occisa esse cōpertū est. Ibidē Petrus Soiski suprem⁹ dux exercitus Moschouitici vulneratus fuga euadens, à rustico securi (cū magno dolore

*Moschouita funduntur.*

*Soiske occisus.*

lore Lituanorum, quòd viuis nō caperetur) occiditur, Vilnā delatus honorificè in Ruthenorū Basilica sepelitur. Alius verò exercitus, qui à Smolensko ad Orshā cum duce Srebrnij cōtendebat, audita suorū *Srebrnij fugatur.* cruēta, infeliciq; clade, metu perterriti, omni bellica ipsaq; copiosissima supellectili abiecta, in pedes sese coniecerunt; turpiq; fuga salutis suæ consuluerunt.

Anno Domini 1564. ipso festo diuæ Margarete, magnificus dominus Stanislaus Pacz Archidapifer sacræ regię maiestatis magni Ducatus Lituaniæ, ac locum tenens tunc temporis Palatinus Vitebliensis, collecto ex Vitebliensī Palatinatu exercitu, adiuncta curia sua, & duobus centurionibus, alijsq; cohortibus, quibus præfecerat duces, Isidorum signiferum Vitebliensem, & Ioannem Snieporod tenutarium Vitebliensem, hi in armatura leui duorum millium, cōtra hostem Moschum, qui tūc temporis arcē Iezeiriscza tredecim millibus armatorum grauius oppugnabat, processerunt, manusq; acriter cōseruerunt, & hostium perrupta acie tormenta obtinuerunt: vltioremq; exercitum qui fugam cœperat, insequuntur, trucidant, verberant, confodiunt, nonnullos captiuant: octoq; millia Moschorum cæsa, ceteri armis abiectis quoquo potuerunt fuga salutis suæ consuluerunt. Nostri verò omnem supellectilem bellicam, & vniuersa hostium arma, tormētumq; magnum, tela ignea, vexilla, bombardas, & id genus alia abstulerunt, & ipsi Dei benignitate sani & incolumes spolijs onusti paucis in cōflictu desideratis, ad Witepskam redierunt. Georgium autem Towmak dux exercitus hostilis vix euasit, qui postea viribus resumptis, eandē arcē Iezeiriscza

*Moschouita  
sternuntur.*



acerrima oppugnatione, & igneistelis expugnauit.

*Dux Roma  
nus.*

Postea aliquot annis vario Marte vtrinq; certatum est, magnis & paruis congressibus, arces quoq; alterutrum tentatæ & dux Romanus Sangusko campiductor exercitus Lituanici vires Moschorum debilitauit; paruaque manu magnas copias hostiles sapius fudit. Sussam & Vlam arces Moschouiticas sapius tentauit.

*Sitno lacus.*

*Moschoni-  
ta castr.*

Anno Domini 1567. 16. Septembris, nostrates ex Witebska in Sitno lacu Moschorum trecentos occiderunt, bombardas 120. pulueris, globorumque multitudinem, & spolia abstulerunt. Eodem anno pedites nostri ex Witebska 12. Decembris, sub arce Wielis multos Moschos prostrauerunt, ceteri exijs fugientes in Duna fluuio submersi sunt. Duo nobiles Alexius Simiczow, & Bachdanus Hreori cum multis alijs captiui abducti.

*Expeditio  
in Raskoni-  
ce regia.*

Tandem anno Domini 1568. Sigismundus Augustus rex, conscripto validissimo exercitu, ipsoque electissimo plusquam centum millium cum tormentis, & omni supellectili bellica sufficienti sumptuosaque, in Moschouiam sua persona tendere proposuerat, ad Rodoskowiczeque à Vilna 24. milliariibus progressus, ibidem castrametatus, aliquot hebdomadis transactis, re infecta exercitus parte dimissa, ipse Gronam reuersus est. Stipendiariorum militum, equitum, & peditum copias, cum tormentis

*Vla obfessa.*

magnis muralibus, ad Vlam arcem Moschorum expugnandam, destinauit, quibus illustrem dominum Ioannem Chotkiewicz, capitaneum generalem Samogitiæ, virum militiae peritum, & in bellis de Carolo quinto optimè meritum, prafecit: sed quam-

uis

uis arcem grauitè strenueque oppugnarent, auxilio obfessis adueniente, re infecta obsidionem soluere coacti sunt, quam postea dux Romanus Sanguisko inopinata irruptione cepit & exussit, anno Domini 1568. 28. die Septembris. Hostium maior pars cæsa, cæteri combusti, quidam in Duna & Vla fluuijs, qui eam præterfluunt, fugientes naufragio perierunt: pauci captiui abducti, ex nostris aliqui vulnerati, spolia magna, exuias, pecuniæ argenteæ multitudinem, & tormenta aliquot abstulerunt, & cætera multa instrumenta bellica. Victus maior pars combusta, arcem ipsam nostri occupauerunt, quam & nunc suis præsidijs tenent, attamen longè à priori structura, (vt eam Moschouitæ firmauerant) differentem. Hanc nos anno Domini 1564. cum eam in primis Moschouitæ ædificare cœperunt obsideramus, nihil tamen nescio cuius causâ (alter iudicet) effecimus, quamuis in strenua peditum oppugnatione quidquam defuerit. Ibi Nicolaus Venetianus Rotmagister peditum in Leplo, glânde bombardæ ictus strenuè officium suum adimplens, hebdomada elapsâ in Vitebsca occubuit. Ego quoque cum peditibus Rotæ meæ tormenta defendens, vndique hostili manu ex arce erumpente circumdatus, vim impetuosam sustinere non valens, vix de manibus ferè hostium, armata manu euasi.

*Vla capta.*

*Venetianus occisus.*

Eodem anno 1568. nostri pedites Viteblienses nocturna irruptione inopinata iuxta Vielisam arcem Moschouiticam ciuitatem exusserunt, hostiumque 300. occiderunt, & spolia magna abegerunt, Ianuarij 5. die.

*Vielisam ar-  
stio.*

Postea 17. Ianuarij, ijdem pedites nostri sub arce

*Vitebskæ di-  
repta.*



Moschouitica VsWiat, ciuitatem septis penetratis, perfractisq; exusserunt, multis occisis bombardas & spolia exuiasq; multas abstulerunt, parum abfuit, quin arcem ipsam caperent.

*Kozacy.*

*Corfari.*

*Freibuteri.*

Eodem tempore Ianuarij 18. Birula cum suis pedibus (qui vulgò *Kozacy* dicuntur,) id est, qui hostem furtiuè & inopinatè adoriri solent, Italicè *Corfari*, Germanicè *Freibuteri* dicuntur, qui in mari latrocinantur: sed Ruthenis huiusmodi *Kozacy* dicuntur, qui vias hostium circūfident, & furtiuè inopinateq; interdum decem *Kozacy* prædicti, ad centum Moschos ex insidijs irruunt, inopinosq; trucidant, ex Moschouie terra à Ducatu Biela magnis spolijs onustus, cum captiuorū multitudine Vitebskam redijt.

*Vielis ex-  
sta.*

Tandem 28. Ianuarij nostrates pedites ex Vitebska & Surasa arcibus, cum equitibus domini Palatini Vitebliensis Paczi, Vielisam circumusserunt, erumpentes hostes ex arce cum Rotmagistro eorum Poluiato occiderunt. Aulicos quoque magni Ducis præcipuos triginta, cum trecentis equitibus ad præsidium arcis ferendū eadem nocte venientes, inopinos in ciuitate fuderunt, cæteris fuga dilapsis, nondum enim in arcem quod intempestiuè venerint, intromissi erant, Ioānem Michaelis Holouinū insignem virum, magni ducis pincernam, captiuum multis spolijs onusti Vitebskam adduxerunt.

*Captini in-  
signes.*

Eodem anno 27. Maij die, in festo Ascensionis Domini, nostrates ex Moschouia cum magnis spolijs & exuijs venerunt. Rotmagistrum cum vxore & septem nobiles, cum multis alijs captiuos adduxerūt.

*VsWiat ex-  
sta.*

Eodem tempore 29. Augusti Viteblienses nostri, ciuitatem sub arce VsWiat exusserunt, captiuisq; & exuijs

extuuijs onusti, Vitebskām redierunt. Huiusmodi autem excursions innumeras nostri pedites Viteblienses cum maximo damno hostili quotidie, dies noctesq; exercebant, propter suam vtilitatem, videlicet: spolia enim magna referebant. Arcium reliquarum finitimarum excursions taceo, nisi huius mentionem facio, cuius ipse praesidia egi.

Anno supradicto 1568. Septembris 29. die, in festo diui Michaelis archangeli noctu diem Veneris praecedente, Moschouitarum cum Tartaris Nahai-

*Tartari Nahai-  
censes  
cum Sere-  
mies Viteb-  
skam oppu-  
gnant.*

nerunt, quibus praerant tres Palatini praecipui, Seremiet, Basilus Buturlin, & Hreori Szoborow, duobus diebus sub arce exactis, ciuitate in duobus

locis succensa nocte tertia sequente discesserunt. Postea per legatos, oratoresq; generales, magnus Dux Moschouie & rex Poloniae, foedus ad tres annos vtrinq; percusserunt. Legati nostri anno Domini 1571. Varsouiam ad regem ex Moschouia foedere confirmato redierunt, ex Polonia Palatinus Inowladislauiensis, ex Lituania Castellanus Samogitiae.

In hoc foedere anno Domini 1572. serenissimus, inuictissimusq; rex Poloniae Sigismundus Augustus, magnus Dux Lituaniae, Russiae, Prussiae, Massouiae, Samogitiae, Liuaniae, &c. dominus & haeres, pacis in tota vita sua amantissimus, vereq; Christianissimus appellandus obdormiuit in Christo, Iulij 18. die Knyssinie, in confinibus Lituaniae, & Podlassiae, Massouiaeq;. Interregnum per integrum annum pacificum, & diuina ferè protectione comunitum, contra spem omnium, nullo finitimorum hostium nequidem mussitante durauit.

*Sigismundus  
Augustus  
rex mor-  
tur.*



Interregna regni Poloniæ fuere nouem à Lecho primo authore & propagatore gentis, ab anno Domini, vt quibusdam placet 550. vsq; ad hunc annum currentem 1572. in quo naturæ debitum persoluit prædictus inuictissimus princeps Sigismundus Augustus.

Primum interregnum post Lechij deficientem progeniē in Polonia extitit, cui postea incerto tempore Visimirus, secundum quosdam, Visimiro autem Cracus successit.

Secundum interregnum post Vandam Craci filiam, quæ de dijs virginitatem deuouens, victo tribus cruentis prælijs, Ritagora duce Germanorum, in Vistulam sese præcipitauit, postquam duodecim Palatini prouincias distributas rexerunt.

Tertium interregnum cum equorū cursu Præmislaō sterili decedente, de principatu decertarent, dum Lesconi infimæ familiæ iuueni sceptrum obueniret.

Quartum interregnum post Popelum secundum, Crusphiciæ à muribus deuoratum, quando Piafius ille Crusphiciensis ciuis, & agricola simplex, sed probitate pollens, communi omnium cōsensu monarcha designatus est.

Quintum interregnum post Mieczslauum siue Miesconem 2. quando Rixa vxor sua senatus consensu, imperium aliquot annis, cum detrimento regni administravit, quæ postea ob suam peruersitatem à Polonis iuste in Saxoniam ad fratrem imperatorem Romanorum, cum Casimiro hærede innocuo exclusæ est.

Sextum interregnum post Præmislaum occisum ab Otho-

ab Othone Lango, & Marchionibus Brandemburgensibus, quando Venceslaum Bohemorū regem, ad scepra regenda vocauerunt.

Septimum interregnum post Casimirum Magnum Vladislai Lokietkonis filium, quando Ludouico Hungariæ regi habenas regni obtulerunt.

Octauum interregnum post Ludouicum Hungariæ & Poloniæ regem quando Iagielonem Lituanum, ad reginæ Hedwigis filiæ Ludouici cōnubium vocauerunt, cui & regnum obtulerūt. Huius posteritas ad hoc vsq; nonum modernum interregnum durauit. Sed ad rem vnde digressus sum redeo.

Anno eodem 1572. statim post mortem regis multi conuentus particulares, nobilium & procerū regni, magniq; Ducatus Lituaniæ celebrati sunt, de pacificadis finibus tam Podoliæ à Tartaris, quàm Lituaniæ, Russiæque à Moschouitis, & de electione regis tractantes. Subinde multi legati & oratores, tam à summo pontifice imperatoreq; Romanorū Maximiliano, quàm à rege Franciæ & fratre suo Henrico Andegauenfium, & Borboniorum duce, à rege Suetiæ, alijsq; monarchis, ducibus, & principibus circūiacentibus, adueniebant. Omnia tamen in pace diuina protegente clementia, contra spem omnium agebantur.

Tandem anno Domini 1573. in Sabbato magno Paschæ præcedente Tartarorum mille octingenti, cum ducibus Baca & Sieoza, in Podoliam sub Baram arcem excurrerunt, vicisque aliquot & prædijs circumiacentibus succensis, cum spolijs reuerentes ab aulicis & seruatoribus Buczacij capitanei Camienecensis, inopinata irruptione trucidantur,

*Conuentus  
de electione  
regis.*

*Tartari  
prostrati.*



confodiuntur, & spolijs abiectis ceteri in fugā conuertuntur.

*Electio regis.*

Electio incœpta est celebrari extra Vistulam Orientem versus apud Varsouiam in tentorio magno 7. Aprilis die, vbi omnis senatus regni, & magni Ducatus Lituaniz de eligendo nouo rege cōsultabant. Interea Machmet Bassa supremus Constantinopoli, litteras intercessorias per oratorem suum ad senatum destinauit, intercedendo nomine imperatoris sui pro Henrico Andegauenſium, Borboniorum duce, regis Galliz fratre, in regem eligendo, multis conditionibus vtilibus regno proposuit. Hic legatus retentus erat à Buczacio Capitaneo Camienensi, tandiu donec innotesceretur senatui. Venit itaque Varsouiam 12. Maij, auditus 17. absolutus, 21.

*Orator à Bassa Turcarum.*

*Orator imperatoris Turcarum.*

Postea ab ipso imperatore Sultano Zelim orator Achmet Czaus venit, imperatoris sui gratiam, amicitiam & beneuolentiam omnem senatui denuncians, rogando sinceriterq; optando, quatenus aliquem ex suis dignum virum, in regem eligere dignarentur, ex hijs præcipuos proposuit, Iacobum Vchanski archipræsulem Gnesnensem, primatem regni, Ioannem Fierlei de Dambrouicza Palatinum Cracouiensem, regni Marschalcum, Georgium Iazlo Wieczy Palatinum Russiz, Nicolaum Mieleczki Palatinum Podoliz, quod si id facere tenuerint, obnixè rogauit, vt huiusmodi regē ab extraneis quærerent, qui fœdus & amicitiam cum imperatoribus Turcarum & Tartarorū auxiliares copias, ad quemuis hostem eorum si oporteret reprimendum. Pro quo beneuolenti auxilio senatores ei gratias egerunt: dicentes, sibi benignitate diuina ad quemlibet hostem

*Legatio Turcica.*

hostem propullandum vires proprias sufficere, huiusmodiq; auxilijs minimè egere.

Itaq; post multas consultationes, Henricum Andegauensium, Borboniorumq; ducem, eligendum censuerunt, aliquot Palatinatibus Cracouiæ videlicet, Sendomiriæ, & Podoliæ non consentientibus, priusquam sententiæ de religione in suo statu concluderentur, & iura, ac leges cum immunitatibus nobilium rectè constituerentur: sed in eundem regem in quem ceteri consentiebant.

Archiepiscopus itaque Gnesnensis, primas regni, Henricum prædictum Andegauensium ducem, regem electum esse denunciauit. Quamobrem commoti sunt domini Marschalci, & ceteri ordines ad quos hoc officium pertinebat, multiq; re incontinua, domos suas repetere proposuerant. Postea diuina affulgentegratia, dissidijs vtrinque compositis, insimul conuenerunt: Maij q; 13. & 14. diebus, pacta & conditiones ad libertatem, immunitates, leges & iura regni, magniq; Ducatus Lituaniæ, cum legatis Francis Henrici ducis statuerunt. quæ omnia iuramento solenniter (cuius formam episcopus Cracouiensis tradebat) prædicti legati confirmauerunt, & firmiter tenenda, administranda, augendaq; semper à duce suo, rege futuro promiserunt. His solenniter peractis, omnes & singuli, tam Poloni quàm Litvani vnanimiter cōcordibus vocibus, & suffragijs electum & confirmatum regem Poloniæ, magnumq; Ducem Lituaniæ, &c. supranominatum ducem Andegauensium Henricum Caroli regis Galliæ fratrem, denunciauerunt, solenniterq; confirmauerunt. Quem Ioannes Fierlei de



Dambrouicza Palatinus Cracouiensis, Marschalcus regni Poloniae, & Ioānes Chodkie Wicz, capitaneus Samogitiae, Marschalcus generalis magni Ducatus Lituaniae, Lituanis proclamauerunt. Sicq; rebus omnibus conclusis, Varschouiae in ecclesiam diui Ioannis: tam catholici quàm euangelici conuenerunt: concordibusq; vocibus vnanimiter, Te Deum laudamus, & alia secundum ritum ecclesiae Romanae decantauerunt: bombardas & tormenta grandia, ad lætitiā exprime<sup>re</sup>dam explodentes.

Concilio nondum dimisso tabulæ electionis confectæ sunt. Ad eas in Galliam perferendas, & saluandum regem electum, delecti tam à senatu Poloniae, & Lituaniae, quàm ab equestri ordine, tredecim oratores magno nati loco, & singularis prudentiae viri. Legationis principem locum obtinebat Adamus Conarski episcopus Posnaniae, eius collegæ Albertus à Lasko Palatinus Syradiensis: Ioānes Comes à Tenczin Castellanus Voiniciensis: Ioannes Tomiczki cum Nicolao filio, Gneznensis Castellanus, Andreas Comes à Gorka: Ioannes Herbortus Castellanus Sanocensis, Stanislaus Criski Castellanus Raciaznensis: Nicolaus Christophorus dux in Olika & Nies Wiez, Ioānes Zboroſki Odalanouiēsis: Nicolaus Fierlei Casimiriēsis: Alexāder Prunski Palatinides Kiouiensis: qui petita quidē facultate, nondū tamen impetrata per Germaniam transeundi, accelerantes in Galliam salui peruenerunt. Parisijs 14. Calendas Septembris feliciter appulerunt, nullo suorum in itinere relicto, quorum præter legationis principes & complures nobilissimos adolescentes, in comita-  
tu erant

*Legati in  
Galliam.*

tu erant amplius ducenti quinquaginta: omnesque à rege Carolo & suis procuratoribus comiter quacum decebat reuerentia suscepti, omnibus officijs blandè hospitalitatis tractabantur.

Conclusionibus autem & conditionibus ultrocitroq; alterutrū absolutis & compositis, frequentibus conuiuijs lautissimè apparatis interuenientibus, rex electus Henricus omnibus rebus ad tantum iter cōparatis, Parisijs valedixit. 4. Calen. Octobris. Abeuntem vniuersa Gallica nobilitas, ciuium omnium turmæ faustis omnibus sunt prosecuti.

*Henrici regis Parisijs discessus.*

Rex Carolus proposuerat cum vniuerso comitatu ad vltimos regni fines cum fratre amantissimo progredi, nec prius diuelli, quàm ad Germania limites ventum esset: verum in ipso itinere morbo correptus propositum mutare coactus est: animo & corpore fratris discessum agrè ferens. Rex electus, fratre Carolo amantissimo infirmo relicto, à Catalonorū finibus Nansium peruenit: vbi à duce Lotharingiæ sororio, cum omni comitatu, lautissimo hospitalitatis apparatu exceptus est. Tunc temporis verò duplex gaudium accidit: nā Claudia cōiunx ducis filiā recēs enixa erat: cui in sacrosancto baptismo, Posnaniensem episcopum, & collegas, Christiano ritu sponsores esse voluit.

*Itinera Henrici regis.*

Postea valedictione sororio data, Henricus ad imperium citato cursu pergens Blamontum peruenit, vbi cum Catharina carissima matre, & Francisco duce Alenconiorum fratre dilectissimo, cum Margaritâq; sorore amantissima, & alijs proceribus Gallia vltimò amplexus est. Eum in Poloniam vsque sedis Romanæ nuncius episcopus Montisregalis, &



*Henrici re-  
gis in Ger-  
maniam  
ingressus.*

magna nobilitatis Gallicæ caterua, duces & comites magnoq; in illis regionibus natali loco viri sexcenti ferè, cum suo comitatu Gallico, præter Polonos secuti sunt. Germaniæ principes Blamontum vsque regi obuiam venerunt, vtpote Christophorus Friderici Comitæ Palatini filius, princeps Paruæ petraæ cum Ludouico fratre, per quos velut itineris duces rex Tabernas oppidum deducitur, vbi ab episcopo Argentorati susceptus est incredibili hospitalitatis officio, cum vniuerso comitatu. A Tabernis per Nemetes & Vangiones ad Rhenum fluuium celeberrimum venit, quo superato, ad Fridericum Comitem Heidelbergæ agentem diuertit, qui etiam regem & insperatum hospitem, summa hospitalitate profecutus est. Trāsito postea Rheno, ad Vangiones reuertitur, & Moguntiam peruenit, à cuius vrbs antistite cum sexcentis equitibus Germanis, honorificè exceptus est: Rhenoq; fluuiio tertio superato Francofordiam ad Mœnum sitam contendit, vbi etiam à ciuibus summa cum obseruantia tractatus fuit. Francofordia mouens Fuldam oppidum in vigilia natalis Domini peruenit, vbi festis transactis, Vahicum appulit, vbi etiam à Wilhelmo Lādgrauio cum tribus equitum Teutonicorum millibus occurrente, maximo hospitalitatis honore susceptus est. Postea superatis Visurgi & Albi fluuijs in Saxoniā intrauit, ibiq; à Casimiro Saxonie principis genero, cum duobus millibus equitum, nobilitatis Saxonice armatorum salutatus est, & ad fines ipsos regionis honorificè perductus. Locris postea à legato Maximiliani imperatoris mille quingentis equitibus cincto susceptus, & salutatus ad Marchiæ Brandebur-

*In Saxoniā  
ingressus.*

*Ingressus  
Marchiam.*

deburgensis principis Poloniæ Vassalli, fines perdu-  
ctus, à cuius quoq; aulicis nullo officio hospitalita-  
tis prætermisso honorificentissimè exceptus, Franc-  
fordiam Oderæ fluuiio qui Poloniæ fines cum Ger-  
manis dirimit contiguam perducitur. Poloni itaque  
fines suos vltra Oderam iam lati considerantes,  
Deo omnipotenti vota persoluebant. Rex etiam  
Henricus imperatori omnibusque Germaniæ prin-  
cipibus, per quorum regiones iter habebat, pro fide  
publicè data, & sincerè conseruata, gratias immen-  
sas per facundum oratorem, suoq; ore proprio con-  
firmatas egit. Tandem feliciter Miedzirzece oppi-  
dum Polonicum peruenerunt, vbi maximo cum  
gaudio à nobilitate gentis Poloniæ, proceribusq; &  
magnatibus summo apparatu, pompis, copijsq; in-  
structissimis susceptus est. Post hoc in maioris Polo-  
niæ metropolim Polniam honorificèssimè de-  
ductus, magnificentissimeque acceptus plures dies  
in ea transegit, & Cracouiam contendens, ad sepul-  
turam Sigismundi Augusti prædecessoris sui solen-  
niter honestandam, Albertum Marschalcū Franciæ,  
Comitem Radefiarum præmisit. Quæ tunc tempo-  
ris ante aduentum suum solito more peragebatur,  
ea nunc nobis breuiter describenda videntur: nam  
cùm de serenissimi & potentissimi regis diui Sigi-  
smundi Augusti vitæ curriculo, rebusq; feliciter ge-  
stis, tum placida & beata ex hac mūdi colluuiæ emi-  
gratione, interregniq; felicissima tràquillitate mul-  
ta superius cōmemorata sint, id vnum re humanissi-  
me Lector, desiderare amplius velle existimaui, qua  
is funeris pompa, & honore ad sepulturam latus,  
quoque splendore, & qua magnificentia, iusta ei fa-

*Ingressus in  
Poloniam.*



Et essent, de qua re, quoniam ea quoque ut reliqua, honorificentissima ipsi meritò contigerunt, quàm potero paucis dicam.

Cùm enim iam annos 50. exegisset, & arduis curis ijsq; frequētib; regni debilitatus, & lenta morbi diuturni tabe confectus esset, integris planè vniuersis, & immotis animi sensibus, de arummosa hac vira, obitu sanè per quàm tranquillo, & pio discessisset, Knyfiniæ quo se Varsouia Lituaniam inuisurus contulerat. De Knyfinia postea Tikocinam arcem quam ipse edificauerat munitissimam, duobus miliaribus distantem, funus deductum, tandem Varsouiâ vno quasi anno exacto, Varsouia Cracouiam cum magna senatorum pompa, regina sorore sequente, deducitur ad sepulturam, cùm iam felix aduentus regis electi Miedzirzeciam nunciaretur, ante Cracouiam aduectû, Pradnik Curia depositum, triduoque exacto, omnibus pro iustis persoluendis tanto principe dignis preparatis, 15. Februarij die omnes senatores, & episcopi, ac equites qui ad id funus cohonestandum & expectationem futuri regis vndiquaque confluerant, lugubri vestiti habitu, ad serenissimâ reginulam Annam infantem, prudentissimam, pijsimamque & honoratissimam virginem; in arcem omnes sese conferunt. Similiter matronæ illustres tetrīs velamentis capita obuoluta confluunt, quæ principem mœstam, atque adeò exanimatam ferè largifluisq; confectam lachrimis, amanter & diligenter consolabantur. Hæc dum fierent, interim æræ campanæ, in ædibus sacris vrbs omnibus, & circumquaque in pagis vicinis paracialibus, nuspiam cessabant, quibus & vrbs ipsa, & omnis

mnis circumuicinia latè personuit: sic omnes senatores reginulam Pradnik vsque prosequuntur. Inde funus plumbeo loculo depositum serico viloso nigro obductum, stemmatibus & insignijs regni ornatum, octo equis absolutæ nigredinis deducitur, aulicis circumquaque serici vilosi tegumenta longè per terram errantia tenentibus. Sequebatur verò longè honestissimus illustrium & ornatissimorum virorum comitatus, quibus omnibus vnus habitus atratus & lugubris erat. In his nobilissimi, grauissimiq; viri legati externorū principum, archiepiscopusq; & episcopi cum abbatibus conspiciebantur. Infans mœstissima à legato summi pontificis & Venerorum oratore pedetentim deducebatur.

Hinc 32. pheretra serico viloso, & pannis aureis, holosericoq; preciosè tecta præferuntur cum insignijs regijs. Equi 33. similiter omnis generis sericei coloris tecti velamine, vtrunq; latus armis regni ornati deducuntur. Demum singularū prouinciarum vexilliferi, vexilla terrestria, armati equites insidentes generosi præferunt.

Primò vexillum nigrum aulæ regiæ, aquila alba coronata cū expansis ad volandum alis in campo rubeo præferebatur: aquilam verò omnia insignia prouinciarum regni cingebant.

Postea magni Ducatus Lituaniæ vexillū rubeum equo currēti cum equite armato gladium supra caput tenēti, ex alia parte quatuor columnis insigniebatur, in campo rubeo. Postea vexillum Goncza dictum cruce duplici in campo lasurino insignitum.

Cracouiensis terræ vexillum rubeum, aquila alba similiter insignitum.



Sendomiriensis terræ vexillum rubeum insignitur, clypeo siue scuto diuiso, in vna medietate lineas tres rubeas, & tres albas, in altera campum lasurini coloris cum tribus ordinibus stellarum portante.

Kalissiensis terræ vexillum capite bisontis inter cornua coronam auream gestante, per naresq; circulum aureum habente, in campo more schachorum distincto albo & rubro insignitur.

Posnaniensis terra aquilam albam simplicem in campo rubeo gestat.

Siradiensis terra leonis rubei & aquilę nigre medietate, corona insigniti.

Cuiaviensis leonis nigri, & aquilę rubeę coronatorum medietate.

Lanciciensis aquilę albę & leonis nigri coronatorum medietate.

Rauensis terræ vexillum aquila nigra R, in pectore aureum gestante insignitur. Similiter Plocensis littera P, in pectore ad differentiam ornata.

Belzensis Grifone albo in campo rubeo insignitur.

Lublinensis terra ceruum in collo coronatum gestat in campo rubeo.

Podoliensis terrę vexillum, Sole radianti in campo albo.

Leopoliensis, leone petram ascendente in campo lasurino.

Premisliensis aquila aurea bicipiti coronata in campo lasurino.

Chelmenensis vrsio inter tres arbores gradienti in campo glauco.

Dobri-

Dobrinensis capite humano coronato ex corona cornibus eminentibus.

Vielunensis agno Dei cum vexillo cruce insignito, & calice, in campo rubeo.

Sadecensis scuto diuiso, in cuius medietate, tres lineæ rubeæ & glaucæ, in altera nouē stellas in campo rubeo gestat.

Liuenfis aquilæ rubeæ & vrsi albi medietate coronati.

Drohicinensis stemmate magni Ducatus Lituanie, ex alia parte aquila alba insignitur in campo rubeo.

Kiouiensis sancto Georgio draconem lancea feriente in campo lasurino, ex alia parte vrsus albo in campo viridi ornatur.

Ducatus Prussie aquila nigra, ex alis manu armata cum gladio prominente, vexillum rubeum ornabatur.

Ducatus Silesie Grifone albo in campo rubeo vexillum insignitur.

Palatinatus Valachie vexillum capite bisontis inter cornua stella & latere dextro luna defectuosa ornatum, cum circulo per nares transducto, in campo cælestino.

Zatoriensis Ducatus vexillum cælestini coloris, aquila alba literam Z, in pectore ornata insignitur.

Ofwiecimensis aquila nigra O, literam in pectore ornata in campo lazurino.

Massouie Ducatus aquila alba cum Ducali pileo in campo rubeo.

Slupcensis Ducatus Grifone rubeo in campo al-



bo, vexillum insignitur. Similiter Pomerania Ducatus ijsdem armis vtitur.

Ante funus regium magnificus dominus N. Maczieio Wski integra armatura cum equo tam affabrè facta subtilissimeque, tum argento, tum coloribus distincta, vt omnium oculos in admirationem conuerteret armatus, in manu gladium auratū punctura ad latus conuersum gestabat. Hunc sequebatur armiger atra veste circumdatus hasta cuspidē in terram conuerso cum vexillo, scutoque à leua cum insignijs regijs armatus. Ensisfer quoque regni gladium punctura cōuersum ad latus præferbat. Tum pomum typum mundi repræsentans, sceptrum, corona aurea à senatoribus, quibus id cōpetebat, portabantur. Legati autem singularū prouinciarum antecedeabant. Post nobilitatem succedebat vrbs senatus & populus longo ordine. Omnes quoque processiones omnium ecclesiarum præibant, longo honoratissimoque & præcedentium & comitantium agmine. Ex ludis deinde literarijs pueri de more antecedeabant cum cantoribus, lugubres cantiones decantantes, hos almæ vniuersitatis doctores, & magistri, omnisq; studiosorum ordo in sequebatur. Hinc plusquam 4. millia obscuro, & tristi habitu vestiti vulgus, cum funalibus & candelis vndique collucentibus ibat. Vbi iam in arcem ventum est, in ædem cathedralem, quæ vndiquaque defixis cereis collucentibus ardebat, funus honorificèssimè deponitur, regalibus supra impositis. Exinde finitis cantionibus vltatis & solennibus, orationē funebrem habuit abbas Magilenfis, pietate & doctrina venerabilis; postea conuenientissimis decentissimisque cere-

ceremonijs exequiarum absolutis, in tumultū maiorum suorum deponitur. Postera die in omnibus ecclesijs episcopi omnes sacra celebrabāt, ad omnes sanctos, ad sanctum Franciscum, apud sanctam Annam, Stephanum, Marcum, apud sanctam & indiuiduam Trinitatem, & in arce apud diuū Stanislaum. Vexilliferi quoque singuli cum suis vexillis, & turba vulgus cum ceteris eadem vt prius processione cum equis totidem, & pheretris prædictis urbem lustrabant, eques quoque ad funeris pheretrum catafractus vndique cassidem pro plumis cereis ardentibus circumuolutus, equo delabitur, hasta confracta, & gladio proiecto, cumque cantaretur Agnus Dei, cancellarius, & vicecancellarius sigilla regis mortui confregerunt: ceteri autem senatores sua sceptrā posuerunt in altari. Ciues quoq; urbis suas exequias funebres in ecclesia parochiali apud sanctam Mariam celebrabant.

### DE CELEBERRIMO INGRESSU

*Craconiam, & coronatione præclarissimæ Henrici Valesij, potentissimi & inuictissimi  
Póloniæ regis.*

**A**Nno quo diuina potestas humana in specie salutis nostræ restaurandæ gratia cælitus sese demisit 1574. curato solenniter sumptuoso funere diui Sigismundi Augusti, & depositis atris lugubribusque vestimentis, & pullis integumentis, omnes ordines regni, & magni ducatus Lituanix, Russiæ, Massouix, ac cæterarum regionum Sarmatiæ, in noui regis desideratissimum aspectum anhelantes, tædioque visendi illius expectatissimi vultus, nō secus



ac patres in lyngo ardentes, animos affectionatissimos ad honores illius adiecerunt, nullisque sumptibus quamvis profusissimis ad cohonestandum tantum principem pepercerunt. Longum esset hic referre incredibilem, inestimabilemque vestitum, apparatus, quibus inter se cum pomposi Poloni, tum magnifici & profusi Lituani, & vincti impatientes cum Massouitis Rutheni, magnificentissimis sumptibus concertabant, & quisque quibus potuit quam maximo sumptu comparatis, suum præ cæteris in regem affectum ostentare nitebatur. Hi aureis, isti argenteis, illi holosericeis, alij polymitis, alij planis, alij villosis, tum infectis purpura, & tinctis murice & cocco, tum Attalica Semiramidaque textura, & Phrygio opere elaboratis, insertisque cum unionibus variorum gemmarum lapillis, resplendebant. Equi omnibustales, quales Vergilius Turno fuisse describit, & Homerus ad Troiam narrat venisse Menonis, Euripidesque Rhesi Thracum principis. Ea erat pompæ sollemnitas, cui nihil adijci ad gloriæ magnitudinem potuisset. Cracouia quoque vrbs regni caput & metropolis nihil ad tanti principis aduentum expectatissimum omisit, non sumptibus, non continuis laboribus quicquam pepercit. quid referam publicos, priuatosque apparatus, quacunque ingressurus erat rex, expurgata plateæ, frondibusque abiectum, ac pinearum semper virentium exornatæ, parietes peripetasmatis auro purpuraque distinctis, & hinc longè pendentibus, in arce vbique radiabant, affixa longistractibus in palatijs aurea balthea: tum aurea & argentea vasa instar scalarum per gradus exposita, crebris percussis Solis radijs fulgurabant, illa quoque

que olim pulueribus squalentia ob diuturnam regis mortui absentiam inaurata pauimenta, aurea lacunaria optimè extensa, excussa, & expolita resplendebant. Plebs quoq; passim portas, ac fenestras virentibus sertis coronabat, alij ad nocturna lumina funabula parabant, alij lignorū strues congerebant, tormenta bellica in vallo & propugnaculis arcis, & vrbis disponebātur, nullus aut atate, aut valetudine tam imbecillis, qui otio detineretur, qui nō aliquid ad publicum gaudium pari lætitia, diligentiaque, aut excogitaret, aut operaretur. Cumq; iam omnia apprime & plusquam perfectè apparata optatam diem expectarent, rex electus ad Balicias sesquimiliari à Cracouia distantē villam Palatini Cracouiensis hæreditariam aduenit, innumerata Gallorum, & Polonorum multitudine stipatus: ibi noctem ineffabili sua & omnium cum lætitia feliciter trāsēgit. Die verò illa optatissima, & niueo calculo signanda illucescente, quæ erat 18. Februarij. Cum discursu triūphali nobilium turmæ plateas vrbis complent, tantaque hilaritate cuncta gaudebant, & serena facie gestiebant, vt præter peculiarē morem, etiam equi & canes, & quæq; domestica hominibus animalia, iucundis gestibus, vocibusque exultare sentirentut, canoraque auiculæ suauissimos concentus, vltra consuetum adsonarent, exultantiumq; vocibus ipsum cælum reboaret. Phœbus pater, qui caput suum atris olim (ob regem mortuum mœrorē exprimens) nubibus occuluerat, obscura caligine pariter cum hominibus disiecta, igniuomis radijs corruscās, propriæque lucis candore resplendens gratissimus apparuit. Interque & post coronationem aliquot hebdomadis



assiduè lætus permāsit, vt non bruma, sed ver ipsū appareret. Antequam se autem è balicijs rex mouisset, de repēte vndarum violenter altis de montibus cadentium in speciem effusa senatorum, equitum, populi, & totius vulgi, vtriusque sexus inæstimabilis multitudo, in occursum eius, magnifico ornatu, spectabiles, Xerisq̃ue exercitum referentes, omnes campos extra urbem, omnes montes, colles, aggeres, omnes vias, ac villarū tecta, & summa arborum oppleuerunt, densissimisq; turbarum globis, principi suo quā longissimè obuiam procedere gestiebant. Primus autem senatorū archiepiscopus Gnesnensis Hungarico habitu ducentos hastatos equites fulgentes, holoserico auro intertexto, produxit, quos ipse insequitur rubea rheda, quam sex equi serico rubeo ornati trahebant, vectus in qua cum eo episcopi Posnaniensis, Adamus Conarski, & Plocensis, Petrus Miscobski sedebant. Crux autem præferebatur. Hos Leopoliēsis archiepiscopus Stanislaus Slomowski, cū Camenecēsi episcopo, subsequuntur, qui etiam splendenti equitatu roboreq̃ue militum magnum triumpho supplementū addiderunt. Cracouiensis episcopus Frāciscus Crassinski, proximus fuit, quem Italico ornatu ducenti equites, holoserico vestiti, marturibus subducto & argento affabrè depicto, aureis torquibus insigniti, præcedebant. Eius vestigijs Cuiauiensis Stanislaus Carncouuski cum Chelmenſi episcopo, & Lanciciensī Palatino viris & equis illustres insitebant. Castellanus Cracouiensis Hūgarico ornatu, primus post episcopos, ducentos hastatos equites auro & argento conspicuos, clypeisq̃ue & vexillis fulgentes produxit.

Hinc

Hinc Palatini summa grauitate insignes procedunt, quorum primus Cracouiensis, cum fratre Sandomiriensi Capitaneo generali, trecentos viros, auro argento iuxta, ac equos Hungarico more, & Scythico supra modum exornatos producunt. Sandomiriensis quoque Palatinus, cum fratre Ensisfero regni, ducentis quinquaginta equitibus tam ad pompam, quàm ad pugnam perfectè instructis holoserico auro & argèto fulgenti Hungarico more pariter cum equis vestitis commitati prodeunt. Hos Ofwiecimensis, Bresinensisq; Castellani subsequuntur, qui numero & apparatu hoc triumphale cumulabant agmen. Tandem Calissiensis Palatinus Hunnorum habitu instructam turmam clenodijs, monilibusq; corruscantem, & equis auro ornatis superbam ducebat. Hunc lumen patriæ, & firmum virtutum omnium propugnaculum Albertus à Lasko Palatinus Siradiensis visendo apparatu, cum quadringentis equitibus Hungarico, & centum Scythico more instructis procedit, qui omnium consensu facilè tulit in hoc triumpho partes priores, tanta enim cura suas apparauerat turmas, vt neque virum alio equo, neq; equum alio viro indigere diceres. Postea Podolia Palatinus huic triumpho agmini 150. equitibus armatis decora quasi addidit corollaria. Deniq; Lituaniæ & Russiæ procures promiscui, sumptuosè & profusè pomposi, acies tam ad bellum quàm ad triumphum instructas producunt, Quorum primus Nicolaus Georgius Radiuilus dux, Palatinus Vilnensis, decoris patriæ, & senatoris eruditi, ac solertis planeq; diuini ingenij equitatus, Polonorum adæquat laudem. Hunc Castellanus Trocensis decenter tam



viris quàm equis instructus committatur. Hinc Ioannes Chodkieuicius Samogitiæ generalis capitaneus, &c. bello ac pace clarissimus, & ad res magnas gerendas natus procedit. Deinde eiusdem Ducatus thesaurarius supremus, & Minscensis Castellanus equis & viris auro corruscantibus superbi sequuntur. Postea Nicolaus Christophorus Radiuilus dux, curiæ Marschalcus, Italico eoque sumptuosissimo equitatu cinctus. Tandem exercitum campiductor, incisor, dapifer, pocillator, hij Hungarico, illi Italico, isti Scythico, Moschouiticoque habitu & ornatu superbè instructi insequuntur, & alij innumeri quos recensere longum esset. Dies me deficeret, si ordine persequar singulos, qui viri, qui heroes, qui duces, ad illam celebritatem cohonestandam vndiq; confluxerunt. Apparebat Lituanorum equitatum tria millia superare, holoserico, gemmis, vnionibus, corruscantē. Post Lituanos proceres dux Cōstantinus, Kiouic Palatinus cum duobus filijs, vno Italico, altero Moschouitico habitu ornato, præcedentibus trecentis equitibus superbè auro & argento rigentibus stipatus occurrebat. Braßlauiensis quoque Palatinus Wolinios suos Scythico more pulcerrimè & sumptuosissimè vestitos ducētos produxit, pharetris, & arcubus auro corruscantibus. Tandem Culmensis, Mariemburgensis, & Pomeraniæ Palatini Germanico ritu superbas producunt acies. Dulscius quoq; Prutenus 36. equites loricis indutos & auro fulgentes adiunxit, eisdem. Hinc Comites à Tekin, Ioannes Woinicensis, & Andreas Belzensis Castellani, familia antiqua, & reb. insigniter gestis illustres 250. Hungarico more hastatos equites, clypeis, vexillisq;

ac vestibus & equis auro micantibus, educunt. Eos Herbortones, ingenio & prudentia, librisq; à se editis clari, cum ducentis. Camenecensis, Sauich Wostenisq; Castellani cum cētum quinquaginta equitibus cincti. Andreas Wapowski cū centum, & Biccēsis ac Radomienſis cum octuaginta bene armatis egrediuntur. Post hos Stanislaus Comes Tarnow Castellanus Cechouienſis 200. equitibus, clypeis hastisq; & vexillis auro redimitis, murice tincta cocco & marturibus subducta vestitis, cum tormentis duorum curruum affabrè instructis progreditur.

Castellani quoque cæteri quos sigillatim numerare infiniti laboris esset, bene in acies instructi, & ad triumphum cohonestādum tanti principis conuenientes, subsequuntur. Cancellarius quoq; cum thesaurario regni Hieronymo Buzinski omni virtute & patriæ amore senatores venerandi, suas copias insigniter adornatas præsentant. Post hos Marschalcus curiæ, Andreas Opalinski vnde quaq; virtutibus absolutus vir, cum 75. equitibus Italico more egregiè exornatis. Deinde vltimum agmē claudebāt capitanei ciuitatumq; & officiorum regionum præfecti, qui etiam suas in acies pomposè instructi ingentem exercitum exprimebant, aliorumque aut adæquabant, aut superabant laudem: & vereor ne tantorum illustrium virorum splendore captus obuias imprudēs alios præteream, alios verò absq; discrimine ponam. Lublinensis verò Palatinus Macieowski cū filio, & nepotib. insigni virtute præstantibus 200. equitibus cum vulturinis alis & clypeis ac vexillis Hungaricè terribilibus. Hos Dzialini, Secignieuiorum, Camieneciorū, Ociescij, Coscielecij,



Tomicij Castellani Gnesnensis cum filio, Padnieuij, Barfi, Bonaronum, Miscouij, Droieuij, Lefnio Wolij, Staskouij, Nemstæ, Reiorum cum oloribus in tergis coronatis & lilijis in pectore super clypeos ad similitudinem cādidarum aquilarum insignitis, Nofcouij, Belzēsis præfecti Zamoiſcij, alijq; innumera- biles & inestimabiles equitū exercitus, vt ita dicā, omnib. portis, & suburbiorū latebris sese effundebāt. Aulici quoq; regis mortui officia sua minimè neglexerūt, equi quoq; singulorū senatorum, & equitum ducticij, magnā triūpho præbebant amplitudinem, Cubicularij etiā regis mortui, hi Italica, illi Hungarica specie auro & argento, vesteq; prætexta fulgidi, cæteros claudebant, quibus nihil neque dici, neque fingi speciosius potest. Post senatorum & equitum turmas, ciues cum plebe, subsequebantur, quorum equites Germanico habitu erant 120. pedites 4000. adæquabant, omnes fulgidis armaturis splendidi, ac discolori vestitu & vexillis secundū opificum cōtubernia, corruscantes, similiter Cleparianæ, Casimirianæ, & Stradomianæ gentes. Exercitu omni per hunc modum disposito, iuxta Lobzowium & Bronouice vicos ciuitatis. Rex suis Gallis, Guasconibus, & magna nostrorū turba stipatus aduenit, tormenta autem vbique horribiliter interdum exploduntur, & taratantara, taratantara acriter resonant, ibi episcopus Plocensis Miscouius facunda & Ciceroniana oratione, regem omnium ordinum nomine salutauit. Bibracus postea regio nomine affabiliter ad omnia respondit. Dehinc ciues Casimirienses, Cracouienses, & Clepardienses, eum salute humiliter impertiunt, qui etiam placida, & optimè spei plena

plena respōsa retulerunt. Absolutis salutationibus, rex singulos exercitus, agmina cōstricta, oculis perlustrat auidē, quę tanta erant hominum bene armata congeries, vt plerique vsu rerum bellicarum periti, eandem etiam valido hosti opponi potuisse affirmarent, tormentorum magistri & scloppetarij tonitrua crebra iterant, resonant, & concutitur sonitu æther. Tandem rex circiter primam noctis horam urbem ardentibus facibus resplendentem diui Floriani portam ingreditur, albo equo & sublimi altitudine illustri magnificentissimē epiphiato, phaleratoq; auro vndiq; refulgente vectus, cui insidens altior omnibus eminebat, vt à cunctis cōspiceretur. Consules autem urbis vmbellam auream vsque in arcem super illum portauerunt, veste nigra pelli- bus pãtherinis suffulta indutus erat, Vascones scloppetarij 40. & Heluetij cū alabardis 60. duobus cum tympano & fistulo præeuntibus latera eius muni- bāt, quibus holoserica virides vestes, croceo colore distinctæ erant, in primo loco circa regem Niuer- nensis, & Dumeneius duces, Marchio Elbensis, Du- ca de Gwisa, alij primores Galli, & aulici regij, sin- guli honoris causa inter binos Palatinos deducebā- tur, sequebantur & anteibant tympanistarum, tibi- cinum, cornicum, multitudo, singuli suum taratan- tara resonantes. Succedebant quoque diuerforum principum, & populorum, oratores & legati, popu- lus promiscuus per varias turmas & cuneos egre- diens regem suum videre gestiens, quo ille proce- debat ferebatur, omnes sui ordinis & decoris obliti quem sors cuique locū obrulisset, occupabat. Con- scendunt alij recta, & summis pendunt regulis, alij



trabibus insident, alij columnis implexi, alij muris  
 hærent, omnes fenestræ, omnes rimulæ suis specta-  
 toribus refertæ, perforati parietes, diruptæ mace-  
 ries, quo oculos suos tam expectati regis spectaculo  
 populus expleret, nullus locus non occupatus, ne  
 ijs quidem qui non nisi ruinosum & periculosum  
 caperet vestigium. Cùm ad forum fuisset peruen-  
 tum, tandem omnium aures tubarum clangore, &  
 scloppetariorum bombardariorumque tonitribus  
 obsurduerant: in ipso autem Castrensis portæ ve-  
 stibulo, arcus affabrè extructus erat triumphalis, ta-  
 petis exornatus aureis, in quo tibicines officium  
 suum strenuè adimplebant, in summitate verò tur-  
 ris aquila alba subtiliter & artificiosè facta lilijs in  
 pectore insignita, in omnes partes quo rex ibat cir-  
 cumuoluebatur, stridentibus alis, & capitis inflexio-  
 ne, ac quodam strepitu lætitiæ quasi præferens.  
 Cùmque rex arcem ingrederetur, scloppetæ omnes,  
 tum & maiores machinæ tanto strepitu, fulgoreq;  
 exonerabantur, ac si Iupiter ipse quidquid vspiam,  
 in thesauris suis fulminum, tonitruumque conclu-  
 sum habuerit, id totum pariter, simulque nunc cæ-  
 lo demississet, tum verò genere, tympanorum, ty-  
 biarum, tubarumque sonis nubes perstrepebant.  
 Arcem ingressus vbi etiam supra, aquila affabrè fa-  
 cta alis applaudebat, in ecclesia diui Stanislai cathe-  
 drali, à canonicis salutatur, & postquam Te Deum  
 laudamus, suavi melodia decantaretur, ad reginalem  
 maiestatem rectà deducitur, vbi vltro citroque data  
 salute in palatium auro splendidum cœnaturus, &  
 acquieturus pergit. Postridie verò rex in senatus-  
 cōsultum veniens per Bibracum cancellarium pri-  
 uatum,

narum, omnibus ordinibus regni gratias egit: quod sibi integrum atque floridum tantum regnum diuinitus administrandum præstiterint, Deumque omnipotentem precatur, ut is ipsis, atque adeò toti Reipub. Christianæ sit salutaris, polliceturque daturum se sedulè operam, ut conceptæ de se apud illos opinioni cumulatè satisfaciat, & ut coronatio properaretur obsecrabat. Ad hæc sequenti die Sandiuoius Carnconius Refferendarius regni maiestatem regiam à nobilitate affabili oratione salutauit, in qua & Reipub. incolumitatem, & regiam dignitatem sufficienter deduxit, explanauitque, ut omnibus satisfactum videretur. Regio quoque nomine similiter responsum est, omnibus eum satisfacere, & salua omnia sibi cōcredita conseruare velle, & non tantummodo literis approbare, verum etiam sanguine obsignare paratum esse. Eadem die sole occidente cum magna episcoporum caterua, & legato summi pontificis in rupeculam Casimiræ, diui Stanislai (vbi occisus fuit,) ædem Polonorum patrōni, deducitur, vbi Deo deuotissimè supplicauit, & sacris de more exosculatis, in arcem redijt. Quam visitationem sancti Stanislai in Rupella omnes reges ante coronationem obire debiti sunt, ex more recepto.



EXEMPLAR QVARVN-  
DAM LITERARVM SVPER  
DISCESSV CHRISTIANISSIMI  
AC SERENISSIMI HENRICI III. GALLIA-  
*rum ac Poloniae regis: itemq; illustrissimi se-  
natus Poloniae ad eundem  
regem.*

INCERTO AVTHORE.

ORATIO

DANZÆ AD SENATVM REGNI

*Poloniae Cracovia congregatum habita.*



HENRICVS Christianissimus & Se-  
renissimus Francia & Poloniae rex,  
dominus meus clementissimus, me  
die 18. huiusce mensis Iunij, hora  
nona pomeridiana, aut circiter ad  
se vocavit, qui primùm agnouit me  
fideliter, & diligenter Christianissimis regibus, aui,  
patri, & duobus ipsius fratribus inseruissse, eademq;  
se à me obsequia certè expectare significauit. Et cum  
ille de suo discessu mentionem fecisset, ingenuè fa-  
teor, me magnitudine periculi vehementer percul-  
sum, perturbatumq; esse. Postea honorificè multa  
de regno Poloniae loquutus, tandè testatus est, cum  
ordines regni Poloniae eum regem agnouissent, sa-  
tis scire, illos se, vxores, liberos, fortunasque omnes  
vnà cum regno fidei ipsius commisisse, eam ob caus-  
sam, se probi, digniq; regis officio nunquam defutu-  
rum, affirmabatq;, se nec eos nunc deserere, nec vn-  
quam

quam deserturum. Adhæc, referebat, se amplissimum regni Poloniae senatum, qui tunc hic aderat, de obitu Christianissimi regis ipsius fratris certior reddidisse, & quanto desiderio regni Franciæ ordines eius in patriam reditum expeterent, declarasse. Præterea, reginam ipsius Serenitatis dominam matrem iam sæpius & scripsisse, quod si maturè in regnum non rediret, eam tot hostium viribus, quibus vrgebatur, diutius resistere non posse, ab eoque summis viribus contendere, ut patriæ in tanto periculo consuleret sua præsentia, cum ipso absente id effici posse non speraret, dictum regni Poloniae senatum illam quidem protectionem probasse. Verum reliquos regni senatores prius conueniendos esse respondisse. Cum verò regni Franciæ negotia eam moram non paterentur, sibi vel vitæ periculo patriæ necessitati esse subueniendum, statum regni Franciæ perturbatissimum, afflictissimumque esse narrabat, cum provinciæ omnes in armis essent, bellumque nunc illis maioribus viribus, maioriq; animorum exacerbatione, quam antea vnquam, gereretur. Adhæc, aduersarios ingenti classe littus Gallicum infestare, & principem Condæum cum sex millibus Germanorum equitum in Franciam proficisci, maioresque copias per Germaniam, vicinaque loca cogi, quæ illum esse subsequituræ, eam ob rem senon posse, nec etiam velle patriam in tanto periculo deferere, pro qua sanguinem fundere illi esset iucundissimum: scire eum, sibi moriendum esse, honestam verò mortem nunquam fugiendam, sed potius optandam. Hæc cum fortissimi principis, magnique animi officia sint, non dubium est, quin is ve-

L



rus, sincerusq; amor, quo reuerendissimæ, illustrissimæq; dominationes vestra sint amplexæ, & confirmabitur, & augebitur, cùm illæ eum in pace moderatissimum, æquissimumq; in bello verò constantissimum, acerrimumq; defensorem essent habituræ: Interim verò nobis Francis tristissimū & quauis morte grauius. Et cùm reges Christianissimi hætenus, quacunq; ire voluerint armis, & vera virtute sibi iter aperuerunt. Nunc videre hunc regem nostrum ea qua est ætate, vagum & in peregrina terra errantem omnibus supplicem esse: nec iam sua culpa, sed nostra causa, & vero in patriâ amore. Et quoniam ipsius Serenitas faciliè prouidebat, dominationes vestras reuerendissimas & illustrissimas inopinatū istum suum discessum molestissimè laturas, ille mihi sapius iniunxit, vt graues, æquissimasq; causas, quæ illum tot, tantisque periculis se exponere cogunt, dominationibus vestris reuerendissimis & illustrissimis declararem. Quibus intellectis sperabat, ea sibi nihil de ipsarum in illum beneuolentia remissuras esse: sed constanter in data fide perseveraturas. Hæc autem vt ille consequeretur facilius, significauit mihi, se ad quosdam regni istius senatores literas dedisse, & à me petebat, vt ipsis redderem, eosque suis verbis diligenter rogarem, ne illi hoc suo discessu offenderentur, sed iustissima, necessariaque causa perspecta, illum haberent excusatum etiam apud ceteros regni senatores & proceres excusarent, illum omnia ipsis clemētissi. Principis officia polliceri, & cum ipsius Serenitas literas illas in suo cubiculo esse putaret, vni soli cubiculario qui tunc adfuit, iniunxit, vt mihi illas daret: qui respon-

respondit, nullas ibi literas esse, tunc ille promisit, se curaturum, vt mihi altera die traderentur, & quoniam heri amplissimus senatus à me seriò petijt, vt si ipsius Serenitas mihi alia mandata, vel priuatim, vel publicè quibuldam deferenda demandasset, illa ego apertè declararem. Ego sanctè iuro & affirmo, ipsius Serenitatem nihil mihi iniunxisse, cuiquam dicendum, proponendum, & promittendum, quàm ea, quæ exposui, videlicet, vt eius discessum apud omnes declarata vera causâ excusarem: eos, quibus scribebat, hortari, vt in veteri in eum fide & beneuolentia perseuerarent, ab ijsque obnixè peterem, vt eum quoque apud cæteros regni senatores, procures excusarent, & omnibus clementis. & optimiregis officia promitterent: vt autem ipsius Serenitas propensissimum suum in hoc regnum studium, sollicitudinemque testaretur, mihi quoque demandabat, vt dominationibus vestris reuerendis. & illustris. significarem, sibi consultum videri, vt in primis idonei legati ad ipsius Serenitatem eligerentur, qui magnis itineribus in Franciam contenderent: hac enim ratione fore, vt omnes facilius in officio vestris prudentissimis consilijs & autoritate continerentur. Nam vbi illi intellexerint, ipsius Serenitatem mortuo rege fratre pro motibus regni Franciæ sedandis, paceque sua præsentia conficienda à regni illius ordinibus supplicibus precibus, magna contentione euocari, & eam ob causâ militum regni Poloniæ senatum legatos misisse, vt eorum consilijs & intercessione pax æquissimis conditionibus facilius constituatur, sperandum est, quòd interim omnes regni Poloniæ legatis decerneretur,



sunt expectaturi, & certè legatorum præsentia ad Francorum animos flectendos, & negotia publica ad optatum finem perducenda, profutura. Ego Carolus Danzaus, à Danzij, Christianis. & serenis. Franciæ & Poloniæ regis consiliarius hæc quæ hoc scripto nomine ipsius Serenitatis declaravi, & confessus sum, vera esse testor & affirmo. Cracoviæ 22. Iunij, anno 1574.

*Carolus Danzaus manu propria subscripsi.*

*LITERÆ SENATVS REGNI POLONIAE ad imperatorem Romanum.*

SACRA Cæsarea maiestas domine, D. clementis. faciendum putauimus, vt sacram Cæs. maiest. vestram pro ratione vicinitatis & officij nostri certiorum faceremus de ijs, quæ proximè præteritis diebus apud nos acciderunt. Quanquam ea minimè ignota sunt S. C. maiest. vestræ, quin imò certò scimus, serenis. regem nostrum ditiones S. maiest. vestræ intrasse non satis pro regia dignitate, paucis duntaxat comitum. Qua ex re S. C. M. vestra facillè intelligere potest, serenis. regem nostrum præter scitum & opinionem nostram è regno discessisse: nam C. M. V. non ignorat, qua fide & obseruantia nos principes nostros prosequi soleamus, neque hunc serenis. regem nostrum debito honore priuaremus, si cum scitu & consilio nostro eam protectionem instituisset. Subsecuti sunt & officiales regni, & insequendo Plezinam vltra oppidum domini Premniz ditionis Maiest. vestræ processerunt: sed ab instituto suo nulla ratio-

la ratione se reuocari passus est. Reliquit quidem sua maiest. literas ad nos, quibus hoc regnum nobis commendat, & causas explicat, quam ob rem nos celauerit de professione sua: nimirū, vt sereniss. matrem, patriam, & regnum illud florentiss. ab interitu vidicaret. Sanè vt primū de morte Christianissimi regis Galliarum, fama apud nos increbuit, & successionem ad sereniss. regem nostrum deuolutam esse, ne in eo quidem, quod illi naturaliter & hæreditatiue obtigit, sereniss. regi nostro obesse uoluimus: nam & de periculis omnibus, de salute & commodis regni illius non minus quàm de nobis ipsis cogitationem suscepimus, communicatiue consilijs de rebus omnibus statueramus prouidendum, adeò vt nullum sereniss. rex noster fidelium subditorum officium in nobis desideraret. Sed eius rei culpa hæret non tam penes excelsum, & uerè regalem ipsius animum, sed penes eos, qui eum priuato consilio ad hoc factum impulerunt. Ex quibus omnibus Sacra C. M. V. pro sua prudentia iudicare poterit, discessum hunc sereniss. regis nostri his temporibus accidisse, quibus maximè ab hostibus Christiani nominis ex minima occasione metuenda sit omnis periculi suspicio in hoc regno potissimum, quod est quasi pro aliquo præsidio Christianis prouincijs collocatum, quæ quidem pluribus uerbis S. C. M. vestræ scribimus, primū ad remouendam prætermissi officij erga sereniss. regem nostrum culpam, ne quis in eo nos deliquisse arbitraretur: deinde uerò vt S. C. M. V. ad eam fœderum & pactorum communionem, quæ M. V. cum regno Poloniae intercedit, inuitaremus, rogātes, vt quem-



admodum sanctè, & inuiolatè hæctenus ea coluit, ita & nunc ea obseruare non desinat. Porro negocium hoc omne S. C. Maiestati V. ita commendamus, vt nulli magis vnquam commédare possimus. Nam vt nollemus inuitum quenquam nobis impetare, ita non libenter videremus, nos tales existimari, qui nesciamus officio nostro vri, & voluntates principum moderari. Non deest nobis animus pro dignitate, & libertate nostra queuis consilia habere: sed Polonorum semper fuit reges, & principes suos colere, reuereri & honestis potiùs, quàm externis studijs & officijs eos prosequi. Quod reliquum est, nos, studiaq; nostra S. C. Maiestati vestræ commendamus. Data Cracouiæ, 21. Iunij, 1574.

*Eiusdem S. C. Maiestati vestræ addictiss. seruitores, senatus regni Polonia, Craconia congregatus.*

**REVERENDISSIMIS, ILLVSTRIBUS** & magnificis dominis, senatoribus, nobilibus, & generosis equitibus regni nostri Polonia, & magni Ducatus Lituania, Henricus Dei gratia Polonia rex, magnus Dux Lituania, &c.

**R**euerendissimi, illustres, & magnifici domini, senatores syncerè nobis dilecti, vosq; generosi, & nobilissimi Equites, dici non potest, quanto cum doloris sensu in animum nostrum induxerimus, vt non expectatis incliti huius regni comitijs, in Franciæ regnum, quod nobis nuper legibus, iureq; hæreditario obuenit, properandum statuerimus. Siquidè in merita vestra erga nos, in caritatem, & bene-

& beneuolentiam, qua nos complectamini, intuentes, non potuimus sanè sine lacrymis ac firmo dolore de hac nostra in Franciam profectiōe cogitare. Multa ante oculos obuersabantur, quæ commemorare longum esset, idque planè vinceret recordatio beneficiorum vestrorum, ita vt omnino nobis certum & constitutum esset, Francia regnum administratione sanctæ reginæ matronæ concessa, & demandata, hîc non modò comitia expectare, verum etiam si ita nobis videretur, integram ferè aratē degere. Testis mihi Deus est, testes quoq; non pauci ex senatoribus, cum quibus simul atq; de morte Christianissimi regis fratris mei indicatum vobis est, copiosè de hac re egimus, atq; ex illorum sententia sub huius regni nostri sigillo ad serenissimam matrem meam mandatum amplissimum, quod *Regentiam* Galli vocant, misimus, priuatis etiam nostris literis illustrem principem Alanconium, Henricū Nauarræ regem, & omnes Galliæ principes ac proceres sedulò monuimus, vt nostri desiderium equo animo ferrent, nec aduentū nostrum frustra expectarent. Ita profectò res se habent, mutadi verò huius cōsiliij, aut potiùs sententiæ nostræ, quæ penitus infederat animo, hæc fuit causa, quæ vobis, hoc est, prudētibus ac sapiētibus viris spero probabitur. Hesternæ die sub noctē ferè allata sunt nobis literæ à serenissimæ regina matre, & multis Galliæ proceribus, & primarijs viris, in quibus scriptum erat, necessarium omnino esse, vt quàm primū dispositis equis ad celeritatē istuc aduolare in summo esse discrimine res Gallicas, actū prorsus aliter videri de vetustissimo, nobilissimoque totius Europæ regno, nec vllam aliam



rationem esse tuendi, & cōseruandi nobis illius imperij, quàm si intra dies viginti ad summum Lutetiæ Parisiorum, vel saltē in finibus regni nos sisteremus. Multa erant alia diligenter perscripta in illis literis, ex quibus non modò periti rerum Gallicarum, sed etiam exteri non ignari rerum humanarum facillè possent intelligere, ilico & sine cunctatione nobis discedendum esse. Quamobrem lectis illis literis, apud me necessariò constitui, quanta possem maxima celeritate in Galliam proficisci. Cùm autem si de profectione mea cognitū esset, multa imminere videbantur, quæ celeritatem, in qua omnia posita essent, retardarent, faciendum nobis putauimus, vt tacitè proficisceremur. Itineris Gallici ratio nobis non est ignota, nec ignorantur studia, & mores illarum gentium, per quas nobis transeundum est. Itaq; nihil opportunius, nihil securius visum, quàm vt omnes de profectione nostra celaremus, & subita ac festina abitione discessus nostri famam anteuertiremus. Habetis paucis rationem consilij nostri. Reliquum est, sic vobis persuadeatis, nihil quicquā hoc facto de pristino nostro erga vos, totumq; hoc nostræ Poloniæ regnum amore decessisse. Vos quoq; nobis illam summam, qua hætenus nos prosecuti estis, beneuolentiam, & obseruantiam integrā conseruabitis. Nullam certè nos vestri tuendi, ornandi, & augendi huius regni nostri occasionem labi, aut diffluere permittemus. Dignitatem nostram, & Poloniæ regni tantisper dū absumus (aberimus autem, quàm minimū poterimus) fidei, integritati, prudentiæ, & sapientiæ vestræ commendamus. Cupimus insuper & hortamur vos, vt primo quoq; tempore egregios

egregios viros ex omnibus ordinibus lectos, ad nos in Galliam mittatis, cum quibus seriò, & diligenter de omnibus, quæ ad vtilitatem, & ornamentum huius nostri regni pertinent, tractabimus. Iterum atq; iterum salutem, concordiam, incolumitatem regni nostri, & existimationem nostram vobis quàm obnixè fieri potest commendamus. Benè valete. Cra-  
couiæ, 18. Iunij, 1574.

*Henricus rex manu propria subscrip.*

REVERENDISSIMO IN CHRISTO

patri, domino episcopo Cuianiensi, sincerè nobis  
dilecto Henricus Galliarum, &  
Poloniæ rex.

**R**everendissime domine sincere nobis dilecte, pro mutatione rerum, & temporum mutanda quoq; esse consilia, paternitas vestra non ignorat. Quod ipsum viri prudentes fecêre semper, & nobis nunc quoque necessariò faciendum est. Constitue-  
ram quidem superioribus diebus quemadmodum vestra paternitas de me bis intellexit, apud vos manere, saltem donec comitia indicta, coacta, & peracta fuissent. Nunc verò, cum ex literis serenissimæ reginæ matris meæ, quas hodie sub tēpus cœnæ accepi, intelligam regnum Galliæ in eo esse statu, vt de toto illo amplissimo & nobilissimo regno nostro planè actum sit, nisi quàm primùm incredibili celeritate illuc peruenero, celare discessum meum æquum est propter multas causas, quas paternitas vestra cognoscet à nobili & generoso viro D. Danzæo



consiliario nostro, cui ut fidem adhibeat in omnibus rogo. Ego nihil magis cupio, quàm utrumque regnum retinere: neque enim id nouum est, neque legibus vestris aduersatur, & erit Polonicae genti perhonorificum & tutissimum, eum habere regem, qui Galliae simul imperet. Verùm, de toto isto negotio, quod grauissimum esse puto, mihi magnopere curae est, ut debet esse, cum paternitate vestra copiosè ex animi mei sententia dictus Do. Danzaus communicabit. Puto me à vobis amari plurimùm, quemadmodum quoque vicissim nihil est certè, quod non vestra causa velim. Noui ingenium tuum, noui fidem, & integritatem. Hoc tandem peto, & à prudentia tua, ingenio & dexteritate illud expecto, quò contendat, & efficiat paternitas vestra, ut incliti senatus Poloniae, & alterius quoque ordinis studia erga nos eadem maneant, quae hactenus fuere. Incumbe quae totis viribus in eam curam, & sollicitudinem, nihil nobis gratius quicquam posset accidere. Faciam autem, ut tu nec immemorem amasse, nec ingratum principem dilexisse videare. Bene valeat paternitas tua, sincerè nobis dilecta. Regnum nostrum vobis commendamus. Datae Cracouiae, 18. die Iunij, anno 1574. sub nocte.

*Henricus manu propria subscrip.*

ILLF

*ILLVSTRIBVS AC MAGNIFICIS  
dominis, domino Palatino Craconiensi, & domino  
Zberowio Marefc. curiæ, sincerè nobis dilectis, &  
reuerendo D. Wolki Vicecancellario nostro,  
Henricus Dei gratia Galliarum, & Po-  
loniæ rex, magnus Dux Li-  
tuania, &c.*

**M**agnifici domini sincerè nobis dilecti, cogi-  
mur in Galliam nunc proficisci cōtinuato die-  
rum, noctiumq; itinere. Nam ex literis sereniss. re-  
ginæ matris nostræ, quas hodie sub tempus cœnæ  
accepimus, intelleximus, regnum Galliarum in eo  
statu esse, vt nisi incredibili celeritate illuc peruene-  
rimus, regnum nostrum omnino pereat. Quo qui-  
dem nuncio valde commoti sumus: nec enim quic-  
quam minus expectabamus, & motus Gallicos, aut  
leues esse arbitrabamur, aut eiusmodi, qui me ab-  
sente, authoritate serenissimæ reginæ matris meæ  
sedari possent. Sed postquam aliter esse video, nolo  
nūc ipse deesse. Itaq; nūc maxima celeritate in Fran-  
ciam proficiscor: necessariò me id facturū homines  
prudentes, qui Gallica norunt, statuent. Discessum  
meum celare operæ precium fuit propter eas caus-  
sas, quas Magnificentiæ vestræ à nobili, & generoso vi-  
ro D. Danzæo consiliario nostro intelligēt. Ego vos,  
totamq; familiam vestram amaui semper, & quan-  
tū animo licuit, libēter ornaui, à vobis nūc omnia  
beneuolentiæ ac sinceræ amicitie officia expectans.  
Illud oro in primis, vt authoritate vestra, quantū  
fieri poterit, omnia cōtendatis, vt incliti senatus stu-  
dia eadem erga me absentē maneant, quæ hactenus



fuère. Verùm de hac tota re, alijsq; grauissimis multis rebus dictus dominus Danzæus meo nomine vobiscum aget copiosè, cui vt fidem habeatis, vehementer rogo. Data Crocaviæ, die 18. Iunij, 1574.

*Henricus rex manu propria.*

*ILLVSTRI ET MAGNIFICO DOMINO à Tienſzin Castellano Weinicensi ſubcamerario noſtro, Henricus Dei gratia Galliarum, & Polonia rex, &c.*

**I**lluſtris, & magnifice domine, ſincerè nobis dilecte. Non ſpontè quidem, ſed coactè, & cogente rerum omnium neceſſitate in Franciam nunc maxima celeritate proficiſcimus. Ex literis enim ſereniſſimæ reginæ matris noſtræ, quas hodie ſub tempus cœnæ accepimus, intelleximus, eo ſtatu eſſe res Gallicas, vt niſi expeditis equis illuc aduolauero, omnino de illo regno actum ſit. Id quoque ſcriptum eſt ad me ab omnibus Galliarum proceribus ac primarijs viris. Quamobrem cunctandum mihi minimè putauim, ne mihi ipſi in tanto momento deeſſe videar. Diſceſſum verò noſtrum tacitum eſſe, operæ precium fuit propter incommoda itineris. Nouit enim ſinceritas veſtra, ingenia Germanorū, & quanto odio proſequantur catholicos homines. Quid autem nunc à ſinceritate veſtra expetam, & expectem, nobilis & generoſus vir Danzæus conſiliarius meus exponet vobis: cui vt fidem habeatis, vehementer rogo. Hoc vnum tantum addam, hac poſtérieure epiſtolę parte, te cum eſſe, quem ego ſummo pere

pere amaui, quem plurimi feci, & cuius vicissim amicitiam, & beneuolentiam erga me sempiternam esse cupio. Bene valeat illustris sinceritas vestra. Data Cracouiæ, die 18. Iunij, anno 1574.

*Rex manu propria.*

*ILLVSTRI ET MAGNIFICO DOMINO Radt Wielduci in Olira, Marechalci curiæ Lituanie, sincerè nobis dilecto, Henricus Dei gratia Galliarum, & Polonia rex.*

**I**llustris & magnifice domine, sincerè nobis dilecte. Hæc ad te scribens, necessario itinere in Galliam ingredi cogor. Intellexi. n. ex literis serenissimæ matris meæ, scriptis in eo statu esse res Gallicas, ut nisi intra 15. dies ad fines Franciæ appulero, actum esse videatur de toto illo regno. Id quoq; scripserunt ad nos omnes procures, & primarij viri, fidē meam implorantes. Quamobrem cunctandum, & procrastinandum minimè putaui. Sed discessum meum dissimulandum existimaui, ut securius transeam per Germaniam. Noui enim ingenia Germanorum, & quanto odio catholicos homines prosequantur. Quid verò nūcā sinceritate vestra expectem, & expectam, nobilis & generosus vir dominus Danzaus cōsiliarius noster exponet meo nomine copiosè, qui has literas sinceritati vestræ reddet: cui ut fidem adhibeat, omnino cupio. Bene valeat sinceritas V. & me, ut hætenus fecit, diligat. Data Crocuiæ, die 18. Iunij, 1575.

*Henricus rex manu propria.*



*LITERÆ AD SACRAM MAIESTATEM**regiam à senatoribus regni Polonia scriptæ, cum quibus cubicularius maiestatis suæ, Viennam**xx. Junij, Craconia in expeditis equis delectatus est.*

**S**erenissime rex, & domine, domine clementissime. Obsequia nostra cum testificatione fidelissima subiectionis nostræ S. maiestati vestrę cōmendamus. Itane meriti sumus de sacra maiestate vestra, vt præter spem omnem, & expectationem nostram, hinc discedere nobis inscijs, sacra maiestati vestræ placuerit? Graues impulerunt causæ, S. M. V. & induxerunt ad hoc tam graue, & periculosum iter. Sed grauius illud existimamus esse, quod sacra maiestas vestra inconsultis nobis, hoc fecerit, quasi fidem fidelium subditorum suorum dubium faciens, neque res suas concedens illis, qui se, salutem, facultatesq; suas omnes, fidei sacra maiestati vestræ concrediderunt. Non deerat animus, non defuit facultas, nulla nobis ad aras vsq; (quod dicitur) S. M. V. sequētibz. Sed neque S. M. V. bene apud se examinauit, quam est aggressa, neq; committere debuit, vt vltro se tot periculis objiceret. Precamur S. M. V. omnia feliciter ex animi sententia euenire: sed ita tamen, vt prius illi Deus mentem inspirer, ad nos, regnumque suum reuertendi. Vbi salua & incolumis Viennam S. M. V. peruenerit: rogamus sacram maiestatem vestram, ne vltius procedat, ne se maioribus discriminibus exponat, ne cum periculo suo maiores, & excellentiores hominum gradus appetat. Hic enim honos, in quo maiestatem vestram Deus max. collocauit, eo est excellentior, quò processit non à fortuna

Fortuna, sed à diuina voluntate, & proborum, & de  
maiestate vestra bene meritorum iudicio. Conside-  
ret maiestas vestra, regnum se reliquisse planè peric-  
ulis omnibus expositum, nullis fœderū, & pactio-  
num renouationibus confirmatum. Nisi dominus  
custodierit, actum est de nobis, nulla nobis diligen-  
tia, nulla prudentia proderit. Nihil enim sine sacrae  
maiestatis vestre praesentia stabile & firmum statue-  
re possumus. Petimus igitur à S. M. V. vt maiestas ve-  
stra memor sit fidei suae ac iuramenti regno huic pre-  
stiti, memor expectationis suae, quam semel de ma-  
iestate vestra conceptam eò usq; retineremus: me-  
mor ad extremum salutis, & incolumitatis nostrae,  
quam Deus max. maiestatis vestre fidei commisit, &  
potestati. Nos si deseret maiestas vestra, vindicabit  
Dominus iniuriam populi sui, neq; formidabit ma-  
iestatis vestrae actiones, nostris malis, & periculis  
fortè grauatas. Hoc si impetrabimus è maiestate ve-  
stra, dabimus operam, vt in reducenda maiestate ve-  
stra omne studium, officium, & operam nostram  
sacrae maiestati vestrae comprobemus. Deum roga-  
mus, vt sacram maiestatem vestram sacram & inco-  
lumen aspiciamus. Datum Cracouiae, die 20, men-  
sis Iunij, Anno 1574.

*Sacra maiestatis vestre subditi  
& consularij.*

*Senatores regni Poloniae  
Cracouia congregati.*



## EXEMPLVM LITERARVM A SA-

*cra Caesarea maiestate ad senatores regni  
Poloniae datarum.*

**M**Aximilianus reuerendissimis, &c. Accepimus dominum, & vestras literas die 21. mensis Iulij iam elapsi datas, quæque iisdem, pro solita vestra erga nos beneuolentia de serenissimi principis domini Henrici regis Franciæ, & Poloniæ, magni Ducis Lituaniæ, consanguinei, & fratris nostri carissimi istinc discessu nobis significanda duxistis. Cognouimus dominationes itaq; vestras, & vos celare non possumus, eundem serenissimum regem vestrum hisce diebus instituti itineris sui ratione ita ducente, huc venisse, tanta quidem celeritate, vt non modò planè nobis inscijs, ditiones nostras intrârit, sed parum etiam abfuerit, quin aduentus sui nuncium anteverteret. Nos verò serenitatē suam eo pacto huc delatam, ita excepimus, vt ex mutua vicinitate, quæ cum Poloniæ regno nobis intercedit, dignū & fraternæ, arctissimæq; necessitudini, qua serenissimis & Christianissimis Franciæ regibus iuncti fuimus, conuenire existimauius. Sicque serenitas sua iter suum quàm citissimè peragendi desiderio hinc festinans, nudiustertius in Galliam perrexit. Porro velim dominationes vestras, & vos vobis in mentem renocetis, antiqua fœdera, & pacta, quæ ab antecessoribus nostris accepta cum inclito Poloniæ regno nobis intercedunt. Dominationibus V. & vobis sic persuasum cupimus, nos, qui hætenus nihil magis curæ, vel etiam in nobis habuimus, quàm vt huiusmodi fœdera, atq; pacta firma, inuiolataque conseruaren-

uarentur: adeoque omnibus, quæ huc pertinere visa sunt, nunquam defuimus, nec in posterum hac in parte fore dissimiles. Quod ut de vobis pollicemur, ita nihil diffidimus, quin, qua estis erga nos, regna, dominiaque nostra præclara, integerrimaq; voluntate, vestrum vicissim in iisdem fœderibus sanctè obseruandis, officium haud vsquam desiderari passuritis. De cætero, D. V. & vos, quibus mutua beneuolentiæ, & bonæ vicinitatis studia deferimus, rectè valere cupimus. Datum Viennæ, 1. Mensis Iulij, anno 1574.

EXEMPLAR LITERARVM AD  
HENRICVM ANDEGAVENSEM A  
Senatu, & Ordinibus regni  
Póloniæ.

*SACRA CHRISTIANISSIMA, ET  
serenissima maiestas regia, domine nobis  
clementissime.*

**S**Tudia obseruantiam nostram S. regię maiestati vestræ commendamus, à Deoque max. S. maiestati vestrę precamur optimam salutem, felicissimos rerum successus, ut S. maiestas vestra diu sana & incolumis sit, & longissimè ac felicissimè populis à Deo suæ fidei & gubernationi concredit, imperet cum summa laude sua, & eorum, quibus præest, felicitate. Quæ fuerit vniuersi regni Póloniæ erga maiestatem vestram propensio, cum rex à nobis electus, & ex remotissimis orbis partibus in Póloniam excitus esses, non est opus longioribus verbis maiestati



vestra cōmemorare. Siquidem in memoria tua esse existimamus inter clarissimos principes, & orbis monarchas, te omnibus à nobis cōpetitoribus prælatus, in Poloniam ex Gallijs honorificè exceptum, sacro deinceps diademate coronatū, & ita apud nos habitum, vt tibi libentissimè vitam, salutem, iura, libertates, & carissima quæq; in patria nostra pignora concedere, & in potestatem tuam tradere non dubitauerimus. Et sperabamus quidem, nos imperij tui moderatione post interregni tempus illud luctuosum & difficile, quasi sole post obscurissimas tenebras lucente, regnū Poloniæ splendorē suum recuperare posse, fecissetq; vtinā Deus max. vt expectationi de te nostræ exitus respōdisset, nec eā felicitas, quā ex imperio tuo cōceperamus, interfecta fuisset tristi reip. nostræ casu & perturbatione. Discessisti à nobis, sereniss. rex, patriæ nostræ, imò quoque verò tuæ, corpus integrū tuo hinc discessu reliquisti mancum, ita vt quasi per te capite diminuto, patria nostra sine rege suam vitam ducat ægram, & nō mediocri dolore sese conficiat. Augeret etiam dolorē nostrum, quòd consilium discessus tui, & te ipsum, vitam, dignitatem, maiestatemq; tuam his concedidisti, qui priuata magis apud nos obseruantia, quàm vlla fide publica se tibi esse obstrictos, agnoscere debuerunt. Nos tibi fidem nostram, nos obseruantiam, nos cultum, nos in prosperis & aduersis constantiam, sacramento oblato, obstrinximus. Nobis propterea, te, tuæq; cōsilia, tuas res cōcredere debuisti. Nos enim pro tua dignitate, pro gloria, pro salute, pro acquirēdo non modò paterno regno, quod à Deo, naturaq; datum, amittere nullo modo potuisti, sed etiam pro  
aliq

alio quouis imperio cōsequendo, fidem, studium, operam, vitā deniq; deuouissemus, te, tuamq; fortunam comitando. Legis annales nostros, fidem Poloni erga reges suos deferuere nunquā. Polonorum nomen contra principes suos sinistra machinatione contaminatū non esse. Reuocādum est illud in animum tibi, quā primū de obitu Christianissimi regis Caroli I X. fratris tui desideratissimi, fama in Polonia peruulgata fuit, tuaq; fraterna viscera morte ipsius non mediocriter cōmota uidissemus, tute scis, non magis te, quā senatū, & vniuersam Poloniam acerbissimo calū mortis illius perturbatam extitisse, quasi rex noster mortuus esset, ita mortem illius indoluit Polonia. Quid actū est? quod erat officij tui, rem ad senatū tibi tūc assistentem retulisti, deliberatum est, dictæ sunt sententiæ, dies luctus publici per vniuersum Poloniæ regnum constitutus & indictus est. Summa totius deliberationis erat, quid tibi faciendum, quomodo Gallie tumultuantī succurrendū: qua ratione regnū ad te naturali successione deuolutū, retinendum. Hęc omnia, quæ erāt grauissima, nec ab vna parte reip. sed ab omnibus ordinib. constitui & finiri poterāt, in maiora regni comitia, te consulente, te annuente, te applaudente, reiecta sunt. In hac expectatione cōmitiorum quid actum sit, proh dolor, cōmemorare quid amplius opus est? Rege caremus in Polonia, at quomodo? neque hoc sine dolore reticere potest: ita à nobis discessisti, ut vix impressum abitum discessus tui videre potuerimus. Sed dolorem & orbitatē nostram amplificare nolumus. Deus maximus, qui corda regum gestat in manibus suis, ille iudicet hoc factum tuum, ac be-



ne vertat hoc non modò Gallia, quę te à nobis euocauit: sed patrię quoq; quę tuam fidem secuta, nunc de statu & felicitate sua laborare cogitur. Cuius quidem saluti prospectum esse volētes, quò nos patrię amor, quò necessitas ipsa, quò periculorum metus, & consueta cōsiliorum ratio vocabat, Warschaniam conuenimns omnes, vt orbitati patrię, paci, & securitati publicę consuleremus. Et caput quidem deliberationis nostrę hoc fuit vnum, vt regem haberemus in Polonia, cuius authoritate pax interna, & externa tranquillitas retineretur. Omnes te hęc regem optabamus, requirebamus: sed quē intueri, quem alloqui, quo cum agere potuissimus, habuimus neminem. Est certè verum, quod scribimus, sereniss. rex, non defuisse nobis animos, non occasiones, nō commoditates, nō etiam causas, vt patriam seruaremus, liberas voces ad eligendum nobis regem alium cōuertere, & spretę patrię ignominiam, periculaq; imminētia noua regis electione detergere: sed natura, constantiaq; nostra vincit necessitatem eam, nec id quidem sine periculo, ne sequamur prius, donec à te sciremus, an ad nos redire, nobis semper imperare, sceptraq; Poloniae gestare velis. Voluntatem tibi esse quidem quis dubitet? regia virtus & natura tua non Septentrionis fortasse modo: sed regnorum aliorum quoq; imperium animis cogitat: sed voluntatem istam multis fortasse cogitationibus occupatam, aut temporum necessitate distractam, non vult Polonia magno cum suo malo experiri, te longum tempus expectando. Vis igitur rex noster esse? Venias quamprimum in regnum hoc, cape sceptrum semel tibi data, accipe gladiū regalem,

lem, quo nos defendas à vicinis hostibus, quorū arma iam personant in auribus, micāt in oculis ex Wallachia, Scythia, & Moschouia. Veniendum est autem maturè, ne consilia & machinationes hostium, longa tua expectatione maturescant, & nos, regnumq; illud pessundent. Rege diu carere nō possumus propter grauissima pericula, in quibus, tanquam in lubrico, versamur, quæ talia sunt etiam, vt à nobis nequeant, nisi præsentē rege, tolli. Propter discessum enim tuum multis domi incōmodis affectū est: bona regalia à militibus occupata, stipendia per se promissa, & non soluta, priuatorum in publica bona inuasionēs, direptiones, occupationes. Non commemoramus licetiam, iniuriam, cædes, audaciam, quorundam perditorum, quidlibet faciendi. Nec vindicari absente rege, silente lege, cōuersis omnium ad extrema pericula oculis, vix facilè possunt. Ne igitur longa, irrita ve tui aduētus expectatione nos suspensos reddas, & cunctatione tua regnū maioribus periculis inuoluas, non ægrè feres, quod pro salute patriæ nostræ facimus, & tibi tempus in Poloniam veniendi assignamus. Hoc autem est, sereniss. rex, quatenus adhuc humeris nostris, pondus periculi huius sustinere posse, nos arbitramur, & te ad nos cōmodè ex Gallia in Poloniam peruenire, nobiscumque esse posse iudicamus: diem duodecimā mensis Maij proximè venturam, pro quo etiam tempore comitia magna, decreta & instituta esse scito, ad quod quidem tempus assignatum, ad ea quoq; comitia te vniuersa quoq; Polonia expectat, vt venias in regnum hoc, in comitia illa, quæ sunt instituta, vt de liberationes cum senatu, & ordinibus regni iuxta



morem & consuetudinem præscriptarum legū absolvas, & pericula imminentiā vnā nobiscum amoueas: tum etiam conditiones ab oratoribus tuis in conuentu electionis receptas, & iuramento firmatas, atq; cōditiones & articulos per legatos tibi oblatos, ac hos per te ipsum Parisijs, illas verò per sereniss. Carolum olim Gallię regē fratrē tuum desideratissimum, sacramento roboratas, confirmes, expleas, & re ipsa præstes, ac in posterum Rempub. nostram præsens semper gubernes. Hoc ad officium tuum regale, & sponsonē factam, fidemq; datā, pertinere, maximè intelligimus, vt nō dubitemus, te nō magis curaturum esse, vt huc venias, quàm vt promissa expleas. Si verò, quòd à nobis utiq; longè abesse cuperemus, ad nos venire nō potueris, tardauerisq; cum nostro summo dolore tibi dictum, nunciatumq; volumus esse, omnes nō posse ampliùs, quod cū gratia tua dicere licebit, sine rege, sine lege viuere in Rempub. nostra, conuersisq; nostris animis ad Deum, id faciemus, quod ad incolumitatem & salutem patriæ nostræ pertinere videmus, eamq; ab illo tempore, si nō veneris, salua tua gratia, honoreq; nostro, obedientiam, & fidem datā tibi renūciamus, & noui regis, electionisq; cōuentū indiximus, statuimus, promulgauimus, atq; id quidem ita certè, ita firmè, summa necessitate constricti, apud nos statuimus, vt nullis excusationibus, nullis modis, nullis ad extremū rationibus, ab instituto nostro nos abduci patiamur. Non debes autē a stimare, serenissime rex, id nos animo erga te sinistro, aut consilio præproprio facere. Absit longè à nobis ea cogitatio: sed iudicare debes in primis, Poloniam ita esse constitutā, vt barbaris ho-

ris hostibus ad eam solam pateat aditus, ipsa que sola ad omnia Christiani orbis regna, sit quasi porta, que nisi firmissimis claudatur presidijis, non ipsa modò, sed multæ Christiani orbis provinciæ, certum est, de salute sua periclitabuntur. Nos igitur hîc pro omnibus quasi excubias agimus, & vt securè dormiât alij, nos insomnes oportet peragere noctes. Tale igitur regnum, quomodo sine rege, sine duce, sine capite esse posse existimas? Nosti potentiam Moschouiticam. Non est incognita tibi Scythica ferocitas, quæ cum Turcica potentia mixta, his diebus vicinam nobis Walachiam solo æquauit. Est regnum hoc cinctum & circumuallatum hostibus Christianorum Catholico nomini infensis, nostro verò infensissimis, quod veteres ex se ductos triûphos, tunc maximè vindicare cupiant, cum remp. hanc capite & rege suo videant orbatam, & tanti casus nouitate tumultuantur. Occasionem igitur oppugnandi nos & Rempublicam nostram habent illi per commodam. At dices fortasse, vires nobis esse tantas, modò velimus, posse nos etiam defendere patriam nostram, eamq; tibi seruare saluam & incolumem, hostium insultibus ab ea pellendis. Est ita serenissime rex, pro patria nos nullis etiam extraneorû adiutos auxilijs fortiter pugnauisse, præclarisq; triûphis latè & lógè fines illius protendisse, paratos etiã esse, pro his tuendis & conseruandis, sanguinem nostrum effundere: sed istius optimæ voluntatis impedimenta tuo discessu tâta sunt effecta, quâta vix vllò vnquam tempore in Polonia fuerunt. Inimicitias cum barbaris gentibus, non vnas sed multas, & graues, pro gloria, & libertate Christiana habemus, amicitias



quoque cum Christianis, vicinisque principibus, nullis per te foederum & pactorum vinculis colligatas, ita retinemus, ut dubia potius, quam certa sit eorum possessio existimanda. Quid horum quisque moliatur, quò adspiret, quid nectat, non videmus: tu verò considerare potes. Simus etiam superiores hostibus nostris, at eorum conatibus hinc inde irrumpentibus, quomodo sine capite, sine rege resistemus? Quomodò vires cōiunctas cōtra diuersos hostes habebimus? maximè, cū regni huius pax, cum vicinis nulla per te pactorum renouatione firmata consistat. Bellum in Polonia, publico etiam edicto sancitum, sine rege, tanquam summo belli duce, ex præscripta lege fieri non consuevit, neque potest. Erit ne amplius sine rege Polonia salua? Minimè gētium, serenissime rex, regem oportet habeamus, aut te, aut alium, quem nobis Deus & fata prospexerunt. Durum est telum necessitas, qua abducimur, ut si rex præsens nobis noster semper nolis esse, alium, qui nobis imperet, eligamus oportet, te id minimè agrè ferente, imò collaudante studia nostra seruandæ patriæ cupiditate tantopere incensa. Non dubitamus autem, serenissime rex, si ita tibi, & Deo videtur, ut rex noster amplius futurus esse non possis, quin nos & regnum hoc in tua gratia, & fauore, & beneuolentia perpetuò retineas, & in primis gratum, & memorem te studij, & obseruantiae nostræ erga te præsstes, quam tibi etiam omni studio, opera & diligentia comprobare studebimus, ut intelligas, erga te apud nos etiam nō regnantem, non destitisse studia, beneuolentiam, obseruantiam nostram, quinimo duratura hæc esse omnia, quandiu in ani-

in animis residebit tuæ erga nos gratiæ, & beneuolentiæ memoria. Quod superest, commendamus nos in gratiam maiestatis vestræ, Deumque maximum precamur, vt S. M. V. clementissimè seruet sanam & incolumem ad perpetuam Christiani nominis gloriam, & salutem obseruandam. Data Warschauiæ ex congregatione ordinum Poloniae regni generali, die 18. Septembris, 1574.

*Sacræ Christianiss. & serenissimæ  
Maiestatis V.*

*Servitores addictissimi*

*Senatus, equestris ordo regni Polonia,  
& magni Ducatus Lituaniæ.*





*Clades*

DANTISCA NORVM,  
ANNO M. D. LXXVII.

*17. Aprilis.*

A

IOANNE LASICIO POLONO  
DESCRIPTA: IN QVA CAVSSÆ BEL-  
lià serenissimo rege Polonia Stephano con-  
tra Gedanenses suscepti, refe-  
runtur.

MAGNIFICO VIRO, DN. IOANNI  
Zborowski, Castellano Cnesnensi, duci copiarum au-  
lico serenissimi regis Polonia Stephani, Odolano-  
niensi, Kieskenfi, Volpiensi<sup>q</sup> praefecto, sena-  
tori integerrimo, salutem &  
felicitatem.



ITTO ad te, strenue imperator,  
hanc belli abs te, angelis Dei iuvan-  
tibus, confecti, descriptionem: ut  
gesta tua, tuorumq; fortium mi-  
litum, quæ iam literis mandari in-  
cipiunt, nunquam esse moritura, nisi cū hac uni-  
uersitate rerum, cognoscas: & eò maiore inde vo-  
luptatem percipias, ad maiora tātò magis inflam-  
meris. Quæ in descriptione, tute nosti, quale meū  
fuerit studium, ne quid falsi esset. Si quæ præterij,  
ea supplere licet alijs. Dolenda est sanè isthæc Chri-  
stianorum

*stianorum calamitas: at quid aliud magistratus  
ageret, imperata facere nolentibus? etsi nondum  
hic magistratus noster, suo usus esse gladio, quem à  
Deo ad coercendos malos accepit, videtur: id tan-  
tùm apparuit, quemadmodum pro eo regum illi  
rex ac defensor pugnauerit: quum hostes non con-  
tenti eo, se ut intra mœnia continerent, defende-  
rentq; foras etiam, regē suum oppugnaturi prodic-  
runt. Quorum consilia quem finem sortita sint, tu  
ipse vidisti, ego descripsi. Faxit igitur Deus, quan-  
doquidem perduelles ne nunc quidem resipiscunt,  
ut de te, milite eodem tuo, & rege nostro fortissi-  
mo, similia scribere liceat. Attamen magis illud à  
Deo precor, ut, qua Gedanenses ob peccata affecit  
cæcitate, eam post hanc cladem, animis illorum  
adimat: ne fortè accensa magis uncti Dei ira, fun-  
ditus euertantur: quod ut Ioannes Dantiscus, ci-  
uis illorum, supra annos XL. prædixit: ita & ego  
mihi videre iam videor. Vale, & pugna feliciter,  
decus amplissimæ Zborouiorum familiæ: hanc au-  
tem meam lucubratiunculā eodem animo, quo me  
miles, annis abhinc 19. in Gallia cōplexus es, qua-  
so te, accipe. Barcini, anno M. D. LXXVII.  
30. Maij.*

Tux dignitatis obseruantissimus  
Ioannes Lasiczki.



188 R E R V M P O L O N.  
CLADES DANTISCA-  
NORVM, ANNO CHRISTI  
M. D. LXXVII. 17. die Aprilis.

*A Ioanne Lasicio descripta.*



Ntequam adfunesti Gedanensium  
suo cum rege belli descriptionem  
accedam, illud mihi præfandum ef-  
se videtur, ipsosmet Gedanenses tan-  
ti sui mali causam fuisse: quod qui-  
dem præter hunc miserabilis pugne  
euentum, ab irato proculdubio Deo profectum: ex  
conditionibus quoque à clementi rege ipsis non se-  
mel oblatis apparet. Nam quum rex Stephanus,  
quinto vt regnare cœpit, mense, (qui erat anni supe-  
rioris September) firmandi regni sui causâ, Craco-  
uia Marieburgum venisset, opinatus tantò facilius,  
quantò Gedanum propius omne negotium trans-  
actum iri: factum necessariò est, senatu, qui cum rege  
fuit consulto, vt Gedanenses, rebelles pronuncia-  
rètur: quòd à Cossobucio secretario, Andrea Sboro-  
uio curiæ Marschalco, & ab alijs duobus senatoribus  
ad ipsos missis officij admoniti, nihil de sua obstina-  
tione remitterent: quodq; ad causæ suæ dictionem,  
fide bona vocati: quamuis commodè potuerint, ta-  
men non venerint: quæ nota in fontibus grauis, ni-  
hil quidquam illorum animos permouit: nullum in  
illis seriò placandi regis, contumacia offensi, studi-  
um apparuit: quinimo regi legem imponentes, vt  
antea, ita post, liberari ab eo fide Cæsari Maximilia-  
no, à

no, à paucis appellato Poloniae regi, præcipitanter data, volebant: triginta alijs conditionibus (quarum primæ, ut à quibusdam oneribus ab Augusto rege ipsis impositis liberi essent, & portorio ipsimet fruerentur) cum illo paciscebantur: militem in Germania, inconsulto rege, & regni senatu, conscribebant: portas interdium, nullum habentes hostem, cladebant: non contenti generali regis iureiurando, legibus publicis, priuatisq; suis singulari quoque (regem hac ratione infidii animi arguentes) cauere postulabant: cõtumeliosus, & ab omni veritate alienis de rege laudatissimo, & regno, officinæ Jacobi Rothi scriptis Germaniam implebant: Grebino, territorij sui capiti, in ipso regis conspectu, præsidia imponebant: urbem suam tam milite mercenario, quàm validis propugnaculis, magis ac magis muniēbant. Quibus eorum facinoribus benignus rex irritatus, arcem Grebinensem, 26. die Septembris occupat, præsidia cædit, & fugat, multos pagos, quos Zula Waillorum habuit, euastat. Perciti inopinatis cladibus, damnisq; impetrant quattidni commeatum, ut vrbe tuto exire liceret. Egressi suburbium, pagumq; ditio- nis episcopi Vladislauensis, senatoris regni Polonię, igni comburunt: ac paulò post cœnobium, iuris eiusdem antistitis, intra sua mœnia, ac ite aliud extra, quod Oliuense vocatur, antiquis principum Pomeranię sepulcris clarum, euertunt: imbelles monachos, alios contrucidant, alios ludibrio habent: misere tamen ad regem cum certis postulatis octo viros: ad quæ eiusmodi responsum, primis Octobris diebus, accipiunt. Rege copias suas ex agris illorum abducturo, ipsi quoq; suos milites dimitterent, ius-



iurandum darent, exterosiurare nolentes vrbe morerent, supplices veniam peterent, cōfirmationem iurium habituri, ad comitia regni venirent: tum decretū ob contumaciam contra ipsos latum, & quæ vocarēt grauamina iniustè sibi imposita, suo modo tollerentur. Acceptis his conditionib. nō omnes illis probatæ: oblatas deinde alias, eodē modo aspernati sunt. Rursus impetrata 17. Nouembris, suis internuncijs, Constantino Ferbero, & Georgio Rosenbergio, vltro citroq; commeandi hisce legibus securitate, Calendis quoque Decembribus vlteriùs propagata, vt pacata ciuitate, dimissoq; milite, ad regem venirent, delicti veniam petituri: rescribunt quædam à regis voluntate aliena: & quoniam conditionibus non satisfecerunt, retenti sunt à rege legati. Aliud semper, quàm par erat, & rex iustus volebat, respondentibus, humilibusq; verbis superba scribentibus: extracta res est ad comitia Toronensia mensibus Octobri atque Nouembri, anni 1576. Gedanensium potissimè caussa celebrata. In quibus régia de ipsis sententia, ab omnibus prouincijs, ordinibusq; comprobata est: deliquisse Gedanenses, & crimen contra maiestatem commisisse, inuenti. Quò, hoc cum responso, illi ijdē reuenterunt, quamuis rex exercitum abducatur Sula Wasum, ipsos tamen non esse id facturos: nec ad commune concilium, quum ad illud non pertineant, venturos. Mirabantur nostri hæc ab illis scribi, quum anno 1569. rex Augustus Lublini, aui sui Casimiri quarti, de cōcilijs, conuentibusq; Prutenicis illam legem, *Omnes causas notabiles, ad terras Prussia pertinentes, cum communi consiliariorum earundem terrarum consilio*

*lio tractabimus: ita commodè interpretatus sit, vt ostenderit, non esse certum locum hisce caussis tractandis definitum: nec hinc lenatum regni, sine quo nihil magni rex cõstituat, excludi: sed ex indiuiduo Poloniae cum Prussia vinculo, anno 1454. opera eiusdem regis facto, omnia communia sequi: non tamen leges harũ gentium confundi: ideoq; tali iurifurandi formula, fidem suam regibus, & regno Poloniae, consules ciuitatum Prussiae atq; nobiles obstringere: Ego Niuro, quod serenissimo D. Sigismundo regi Poloniae, & suis successoribus regibus Poloniae, eiusq; regno fidelis ero: eiusq; maiestatis honorem, statum regium, & commodum Reipubl. regni, & terrarum Prussiae, pro virili procurabo: suamq; maiestatem de omnibus damnis, quæ sciũero, certiore faciam: & ea manifestabo fideliter: sic me Deus adiuuet. Non destitẽre porrò tempus terere varijs effugijs, clàm in Germania auxilia, conuerentes, rege prudenti futura prouidente, ac quæ iam acciderunt, prædicente. Ad quem vbi Rosenbergius cum Henrico Lempka Iurifconsulto, vltimum ipsorum, ad ea quæ 25. Ianuarij acceperũt respõsum, multò aliud, quàm sperabatur, Bidgostiam attulissent: statutũ est, post diu tentatam, tandem etiam contemptam mitis regis patientiam, debellare superbos, & vi cogere ad officium ciuitatem, quæ potestati à Deo institutæ noller subijci. Nam quid aliud, bonum regem facere oportuit? Adducam huc, quæ tum etiam illis gratificabatur. Responsum sacre maiestatis regia, internantijs ciuitatis regia. Gedanensis à maiestate regia ad eorũ supplicatione datum. Sacra regia maiestas satis abundè omnia intellexit, quæ ciuitatis Gedanensis*



nomine ab ipsius maiestate petebantur. Existimat autem, ad frequentes ciuitatis suæ Gedanensis supplicationes, satis, superq; sensum esse clemētia, con-  
niuentia sua regali: ita vt amplius vtendum sibi esse nō putet tam diuturna procrastinatione, rerumq; & negotorum propositorum dilatiōe. Verti ea in re iudicat dignitatem suam, expedireque rebus & consilijs suis censet, vt ista tractatio iam pridem instituta, nunc tandem finem suum sortiatur, modo & ratione infrā scriptis. In primis concedit maiestas regia, vt pro concludendis, vltimoq; sine terminandis conditionibus, à regia maiestate ciuitati oblatis, isto modo, quo regia maiestas cōclufit ac determinauit, in spacio sex dierum maiestati regię satisfiat, plene-  
que de his omnibus ciuitas regię maiestati respon-  
deat. Hi verò dies per reliquos mensis Ianuarij dies anni præsentis, ciuitati concessi esse censeantur. Pri-  
mò quidem ducenta millia florenorum, numeri, & monetæ Polonicalis, regię maiestati ciuitas persol-  
uere debet. Prima quidem, in spacio vnus mensis: alia verò cētum millia, prima die Martij, anni futuri 1578. regię maiestati reponet. Et nunc etiam obla-  
tioni statuum Prusię innitendo, duplicem accisam ciuitas iustè & integrè contribuet, eamq; in thesau-  
rum regię maiestatis inferet, prout id melius & vti-  
lius ipsius maiestati fore videbitur: de quibus omni-  
bus obligationem forma concepta, quæ mittitur, faciat. Illa quæ merè regalia sunt, quæ ex priuilegijs ciuitas Gedanensis regię maiestati pendere debet: ea quotannis exoluantur: ista enim obligationibus aut exemptionibus vllis subijci non vult. De 4. tor-  
mentis bellicis, vnà cum puluere, globisq; bene præ-  
paratis,

paratis, ad vsum belli præstandis, ciuitas regiæ maiestatis voluntati satisfaciat: in eoque regiæ maiestati morem gerat. De prorogatione temporis ad Palatium, aliaque ædificia regalia in ciuitate Gedanensi extruenda, permittit regia maiestas ex gratia, clementiaque sua, tempus comperens ciuitati se cōcessurā esse. De portorio maris, negocium ad futurum regni cōuentū reijcit: ita tamen, vt regiæ maiestatis scriba peculiaris ibi adsit, iuxta priorem declarationem. Grauaamina, quæ autoritate sua citra consensum ordinum regni tollere potest, ea tollit: reliqua ad conuentum regni generalem differt, vt de illis ex sententia ordinum decernatur. Quæ tamen regiæ maiestatis de grauaminibus istis sententia sit, eam peculiari priuilegio super his conscripto declarauit. Si verò vult, aut magis cupit ciuitas, non abnuat regia maiestas, vt omnes articuli, & omnia grauaamina, ac omnes actus commissariales, inter quos & portorij negotium est, ita vt etiam scriba ad id non adhibeatur, ad futurum regni conuentum reijciantur. Reliqua tamen placationis capita, ac declaratio religionis conseruanda, stare debent loco, & tempore suo. Confirmationem iurium, & libertatum, iuxta formam præscriptam, quæ mittitur, regia maiestas ciuitati dabit: omniaq; priuilegia, iuxta illius contenta, conseruabit, eamque authenticè nunc extradet. Si fortè ciuitati placeat grauaamina omnia, articulosque (placationis conditionibus & capitibus, tum etiam religionis conseruatione, de quo specialibus literis cauebitur, exceptis) ad futurum regni conuentum reijcere: literas reuersales, prioribus nō absimiles, ciuitati dabit: quibus promittet, authoritatem



suam apud ordines regni interposituram esse, vt ciuitatis ratio habeatur, grauaminaque ipsius illegitimè interrogata discernantur, & abrogentur. Ante omnia ciuitas militem dimittat, regiam maiestatem forma concepta deprecetur, cōuentis se stare obliget: fidelitatis iuramentum præstet: omniaq; faciat, quæ ad subiectionis, fidelitatisq; officium spectant, & pertinent. In quorum omnium fidē sigillum nostrum apprimi iussimus. Datum Bidgostie 25. Ianuarij, anno Christi 1577. regni verò nostri primo. His subscriptio manus regie accessit. Dedit iisdem die eodem priuilegium de grauaminibus, eodem quo dictum est modo, abrogandis, vsu Augustanæ religionis cōseruādo, omnibus priuilegijs legitimè impetratis cōfirmandis, deq; cæteris rebus, quadraginta capitibus cōprehensis. Quæ omnia quo animo acceperint, mœnibus confisi suis, id ex ijs liquet verbis, quæ de Gedanensibus regia maiestas senatorib. absentib. vndecima Februarij Bidgostie perscripsit. In primis, inquit, declarationem conditionum à nobis oblaturum illis dedimus: grauamina, quæ ipsi soli poteramus abrogare, dato priuilegio abrogauimus. Commissionis negotium, ad futurum regni cōuentum reiecimus: vt de eo ex omnium regni ordinum consensu decernatur, exemplum cōfirmationis iurium, amplissima forma, citra omniū exceptionem, illis dedimus: vt nihil superesset, quod eorū animos obstinatos à præstanda fidelitate, ac relinquenda temeritate, retrahere posse videretur. His ita constitutis, sex dierum spatium datū est, vt senatui & communitati ea omnia videnda mitterentur. Expectati sunt ad 12. dies: quibus cunctationem hanc, certam pacem

pacem parituram esse credebamus. Ecce autem Rosenbergius cum syndico aduenit: responsum nobis attulit, in quo nō modò ea, quæ pacta & respōso nostro cōclusa fuerant, inuersa sunt: verū etiam multa alia adiecta, quæ non modo dignitatem nostram, verū etiam iura publica perstringere videbantur. Erenim ducenta millia florenorum, quæ nos non placationis, sed debitorum retentorum nomine, ab illis pacti eramus, quæ ipsi etiam tempore constituto soluere promiserant, in tempus postea longissimum & incertum transtulerunt. Contributionem accisæ abiecerunt: regalia nostra, quæ nobis à ciuitate singulis annis pendi solent, in dubium vocarunt. Commissionem abrogare autoritate solummodo nostra, extra conuentum, voluerunt: cum regno nihil se habere commune. Item alia, quæ non commemoramus, scripserunt. Quid saluo conductu durante fecerint, omnibus notum est: internuncijsq; pacis prætextu ablegatis, nihil minùs, quàm pacem in ciuitate tractarunt: hanc propugnaculis, & antemuralibus extructis munierūt: militem, qui dimitti debuit, auxerunt: eruptiones multas fecerunt: ex villis, & domibus nobilium prædas egerunt: villas incenderūt: euētus vt demonstrauerit, illos nō pacificationis, sed ludificationis causam nobiscū egisse. Tacemus eorū innumera in nos & remp. cōmissa delicta. Iam videmus eorū animos obcæcatos, in perniciem suam ruere. Sed nobis Deus testis est, quod lenis & clemētis principis officio hactenus vsi sumus, atq; curauimus, vt illos ad sanā, rationiq; obsequētē mētem reduceremus. Nihil profecerunt hortationes, legationes, persuasiōes, cūctatiōes nostrę. Expectatū diu



est, cum summa nostra, & Reipub. indignitate: nihil est intermissum, quod ad quietem publicā retinendam pertineret. Quid igitur aliud restat faciendum, quàm ne nobis & Reipub. desinus: atque ut sequamur, & suscipiamus ea cōsilia, quę ratio suadet, & iustus dolor exprimit? Hęc rex Stephanus animi erga suos paterni. Porro quod respōsum ad illorū postrema verba, eodem tempore à tribunali regiæ maiestatis profectum sit, operæ precium est his addere: ut cuius notū sit, nihil regē temerē, nihil iniquē, nihil præcipitater egisse, quo cū missis in custodiam Lenciciensē Ferbero, & Rosenbergio cōsulibus, post decretū contra omnes latum, remissus Lempka est. Prospiciebat animo sacra regia maiestas, dominus noster clementissimus, hæc omnia quæ agerentur à Gedanensibus impetrandis toties salui conductus prorogationibus, non aliò spectasse, quàm ut rem extraherēt ad hoc ipsū tempus, quod ad detegenda apertē nefaria sua cōsilia magis idoneum arbitrabantur. Cuius illorum instituti cū antè nō parua indicia hæc essent, quod in tractationibus, à leuioribus postulatis orsi, grauiora, quoties legatos ad sacram regiam maiestatem remitterent, indies adderent: quibus tantum abest, ut pro patrato crimine omnium grauiissimo, regiæ maiestati satisfacerent: ut etiam iam propè gloriādo de crimine hoc admisso, magis, magisque offenderent, quod tamen sacra regia maiestas patienti ac paterno animo ferebat, ac ea, quæ ad iura illorum, & libertates augendas spectarent, illis concedebat, quę non rebellibus, verum bene meritis de principe suo subditis deberentur: ut hac sua clementia eos ad officium reuocare posset:

nihil

nihil tamen, vt videt, eos hæc benignitas mouit: cùm ad superiora postulata iniqua, hæc posteriora impia ac nefaria prorsus adiecerint, ita cõcepta, vt iam meditatum scelus prorsus detegant, & tam regiæ maiestati, quàm Reipub. communi regni Polonia, contra iulurandum maiorum suorum, diuo Casimiro regi, eiusque successoribus ac regno datum, valedicant: nec publicis regni consilijs ac ipso regno, in cuius titulum ac ius, vt maiores ipsorum iurarunt, concessissent, quidquam commune habere, impudenter, & nefariè scribant. Iam verò sacra maiestas regia non solum iniquitate, & insolentia postulatorum in dies lædebatur: verum etiam alio genere iniuriarum, non modò ciuitate non exonerata (iuxta formulam salui cõductus, mittendorum ad regiam maiestatem oratorum dati) externo milite, verum etiam maioribus conductis copijs, & nobilium ac aliorum subditorum sacra regiæ maiestatis vrbi vicinorum pagis ac ædibus spoliatis, direptis, ac etiam exultis. Quamobrem, cùm iam aperte constet, obfirmatas in scelere perduellium Gedanensium mentes, humanitate sacra regiæ maiestatis ac alijs lenioribus rationibus ad officium reduci non posse: alijs grauioribus sacra regia maiestas vti, pœnasq; meritas de illis sumere necesse habet. Itaq; decretum suum, quo illos perduellionis damnauit, iam iamq; publicat, & promulgat: omnem securitatem terra, marique illis adimit: & tanquam impijs in principem & patriam hominibus, aqua, & igni interdicat.

Bello sic indicto, & cura illius Ioanni Zborouio, vni ex ordine senatorio, demandata: posteaquam Gedanenses cognouissent, quàm paucos milites rex



Stephanus, Grebino capto, & Sulaua depopulata, in agro ipsorum reliquisset: quasi nōdum satis tot malis, damnisq; quæ illis rebellio attulit, afflicti: accersenda plura esse potius, quàm aliquid regi cōcedendum, qui illis nihil, nisi Batori offeret: & si fortuna faueret, opprimendos esse paucos antè quàm plures confluerent, animis obfirmatis statuerunt. Iam verò ab illis, qui ad regem ventitabant, voces illæ audiebantur, posse ipsos, si modò vellent, nullo negotio nostros obruere milites: rati idem esse, velle quid & facere posse. Rei igitur huius auspicato aggrediundæ diu expectabant occasionem. Visum est Pascha per commodum, (septimā Aprilis fuit) quū omnes vbiuis Christiani cultui diuino maximè incumbere solent. Confisi ergo viribus suis, & Ioannis Coloniensis, ducis sui magno præmio ex Germania euocati, experientiæ: ad hæc omnibus necessarijs ad evertenda, diruendaque oppida bene instructi: hoc consilio urbem egrediuntur crepusculo vespertino, vt oppresso milite nostro, & Derflauia, (Czceuum nos vocamus) in quam se tempore hyberno ex agro receperat, expugnata: ad Gnieum, Nouum, Stargardum, cæteraque regia oppida procederent vastanda. Verūn nondum vrbe omnibus egressis, ea tempestas exorta est, (Deo profanata augustæ diei, & regis contemptus vindice) ijque cælitonantis sonitus, & fulminis ictus auditi, vt vnus propugnaculi pars anulsa, in fossam corruerit: equus ductoris, fulgore atque fragore attonitus, succubuerit: ipse sessor à satellitibus, quibus stipatus erat, suffultus: duo equites è ponte fossæ imposito, in aquam profundam delapsi sint, nec sine labore alter extractus, al-

teraquis obrutus. Reducto itaque in urbem exercitu, idem postera die, alijsque deinceps ab illis tentatum. Sed hæc ipsorum aduersus summum Prussiæ magistratum suscepta consilia, semper pluuiæ impediabantur. Ea tamen cæcitas hominum fuit, vt adeò aperta futuræ stragis omina, non Deo, à cæptis eos, quæ oderit dehortanti, sed sagarum beneficijs tribuerint: duasque eam ob causam in carcerem compegerint: suspicati, à nostris conductas procellam incantamentis excitasse. Armant interim duas naues vectorias, totidemque minores, duplici via regios milites inuasuri. Tandem 16. die mensis eiusdem, sole ad occasum vergente, aduerso flumine Vistula sed ventis iuuantibus, Czeuum primùm oppugnatum contendunt: parte ab altera, tam equestres, quàm pedestres cohortes emittunt: de quorum lento progressu Zborouius, insignis virtutis imperator, à velitibus Strussij, qui tum in excubijs erant, certior factus, & quos sæpe ad pugnam prouocasset, mœniaq; illorum penè attigisset, nunc primùm prodire miratus: procedit illis cum suis obuiam: locum pugnæ commodum ad pagum Rokitki prope aquas deligit, & donec propius accederet, locaque aquosa præterirent, ordinatis aciebus expectat. Substitere Dantiscani ad villam LangnaW, quæ paulò plus vno milliari distat Derszauiæ, præmissa ad excubias ea exercitus sui manu, quæ maior fuit omnibus Zborouij copijs. Hic Zborouius memor circumspecta celeritate nihil in bello melius esse inuadendi securos, latosq; consilium capit. Sed timens oppido, ne interea ab hoste nauibus egresso occuparetur, néve bono mutato loco, incōmodie-



re agenda res foret: prudenter illud mutat: nectamē in oppidum redit, veritus ciuium prodicionem: nam cum Gedanensibus facere videbantur. Dispositis igitur quaqua uersum vigilibus, & misso cum 60. Tartaris, qui nauibus imminerent, forti viro Andree Carcho Wicio: noctem in equis cum suis transigit. Oriente sole, septima decima Aprilis die, hostis appropinquare visus, nostris nonnihil multitudine illius percussis. Conspexit & Coloniensis nostros, non absque stupore: quod pauci, quos ad sui cōspectum fugituros putabat, tātis cum copijs venientem expectarēt. Illis ergo vltra flumiolum, & lacum editiore loco constitutis, nostris ex aduerso stantibus, néve ab illa vi hominum magna circumdarentur cauentibus: incipit velitatio, duabus ferme horis ab ortu Solis, grauis nostris Cosakis (quos ferentarios, licet, seu velites vocemus) Germanus eques fuit, vndique armis tectus. Quibus confestim misit imperator in auxilium 20. Vngaros generosissimos, & Stanislaum Iordanum manu promptum iuuenem, cum 50. equitibus. Descēdebat in arenam ipse quoque Coloniēsis, veluti quidam suorum moderator. Ciebatur ergo prēlium magna animorum alacritate, sed Germani ita cursitare, vt impetus hastatorum vitarent, idque vnum facerent, quo nostros illo pertraherent, vbi tormēta ænea collocata erant. Quod vbi animaduertit Zborouius, datis de vitando periculo præceptis, miscuit hastatis equites è peditatu sumptos, cum tormentis longioribus. Defatigatis pugna, & cursu vtrisque, successere integri. E nostris Zolkieuius cum turma Ioānis Zamoiski, regni Poloniae Vicecancellarij, nō min⁹, quā priores ala-  
cer pro-

cer prodit. Vulnerati aliquot Germani: vnus equo detrusus, equus alterius transfixus corruit: iam etiam duo à ferētarijs anteuinentes currentibus occisi fuerant, nostris saluis. Felix praelij principium incendit spectatores ad audenda facinora maiora: equis nostrum, ad clangorem tubarum, tympanorumque sonum, adeò gestientibus, vt ab sessoribus ægrè tenerentur. Quum tali pugnae præludio detinentur nostri, Colonienſis miſſio illo pergendì vterius ad oppidum obſidendum conſilio, poſtquam vidit Zborouium pugnandi copiam haud impigrè facturum: ſuis vt conſuleret, ſepimentum è fiſſis trabibus, quas ſecum, vt alia omnia, vehebat, facit: nihilominus tamen ferme ducentos, ad noſtros in acie deſtinendos mittit, aſtutè omnia: vt cuius rei bellicæ ſcientia, celebris in Germania ſit ob deſenſam Magdeburgū. Igitur collocata intra illud munimentum ſuorum bona parte, ipſe interim cum tormentis, & lectiſſimis quibuſq; viris, ab altero montium latere, noſtros à tergo aggreſſurus, ad lacum Libiſſeuienſem ſuis fatalem, iter intendit: ratus vndique comprehenſos, niſi fugerent, ſua in poteſtate facile futuros: vbi iuſſus properare centurio Rauſauius, reſpōdiſſe fertur, lentè feſtinādum eſſe: videri enim ſibi Polonos ad certamē magis, quàm ad fugam eſſe paratiores. Erat autem ibi in excubijs Temrukus, expertæ virtutis miles, cum 50. velitibus. Qui hoſtilem vim imparem eſſe ſuis viribus ſentiens, maturè ſibi ſubueniri petijt: laborantibus miſſum euetiſſigio ſubſidium. Zborouius, aſtu hoſtis deprehenſo, quid facto opus foret (fugere enim ignominioſum eſſe ducebat) protinus in it cum ſuis conſilium. Vrgente



vndiq; periculo, non longa consultationi mora data, placet illuc omnem equitum, peditumq; globum conuertere, vbi ipsum caput hostium foret. Quum verò nostri vidissent, mutatum esse ab hostibus aptum ad pugnam locum, (nam & alij, qui munitione continebantur, iisdem tramitibus ducem sequebantur) adducti sunt in spẽ victorię. Proinde extemplo disijciunt ponticulum fluuiolo impositum, ne ab velitationi deditis, & intra sepimenta latentibus, à tergo inuaderentur. Itaq; quum in illa potissimum parte, quò properè tendebat Colonienſis, omnis belli visita esse videretur: nec periculum ab nauib. vi brachiorũ vento aduerso tardè tractis, oppido incūberet: Zboronius suis præcipit, vt velitationi finẽ imponerẽt: præterea ciuium magistrum dubiẽ fidei confirmat, vt, si quæ vis hostilis ingrueret, saltem aliquot horas bona fide obsidionem sustineret: cuius rei causa quinquaginta pedites Polonos cum tormentis manuarijs ei reliquisset, ipse breui, hoste, Deo adiuuante, superato, cum pluribus affuturus. Tum admonitus ab Haidonum ductoribus, quorum tres in acie cecidẽre, vt prælium antè iniret, quàm hostis suos ordines planè explicaret, tormenta iam disposita, terra congesta muniret: ficta oratione addit suis animos, spe iam iam Vistulam trajiciẽtis mille equitum, peditumq; auxiliij: orat præterea omnes, vt alij alijs offensas condonent, pœnitentia placato Deo, suppliciter opem illius implorent, morti gloriam anteferant, hostes non numerent sed inuadant: nè ve eorum conspectu terreantur, qui breui tempore futuri sint in ipsorum potestate: quòd superbi, maledici, rebelles, cõtumacesq; sint: paucis antè mensibus

*Oratio Zboronij ad milites.*

bus ad Grebinum, Glowam, & alibi ab illis profligati: olim verò ab ipsorū auis atq; proavis ad quinquaginta millia caesi, capti, fugati: omnino absq; bōbardis & munitionibus imbelles ac timidi: quod illico ipsimet experturi sint, modò pristinę virtutis, nominisq; sui, à cāpestri praelio accepti, memores pugnēt viriliter pro Christiano magistratu: Deo freti, ultore rebellionis, quem ducem habeant propitium, quiq; paruis copijs, tam iusto quàm hoc sit bello, ingentes superare soleat. His alijsq; istiusmodi dictis, mirum in modum recreati sunt omnes, & ad impar praelium accensi. Dehinc Haidones, velut in rabiem versi, (erat à meridie hora ferme prima) ab dextro latere, equites à sinistro, in hostem, vbi tormenta fuēre, irruunt: suos contra ipsum sclopos quinquageni exonerant: hastati sarissas, ferētarij venabula in oppositos vibrant: alij arcus manu certa tendunt. Centuria verò Strussij, sublato clamore terrorem Germanis à tergo incutit. Nascitur pro formidine gaudium, multis ex aduersa parte cadentibus. At ab hoste emissa è tormentis iacula, per paucis nocuerunt, hastas nō paucas cōfregerunt: quippe quòd equites incōmodo loco cederent, pedites autem, conspecto ardente puluere tormentario, supini caderent, pro mortuis ab hostib. habiti: rursusq; sclopis instructis, resurgerent. Damnosa hæc Germanis fuit carnis resurrectio. Quibus aliquātisper resistentibus, monet Haidones moribundus ductor ipsorū, vt si vincere vellent, abiectis sclopis victoriā retardantibus, acinacibus, tecti capita securibus, rem cominus agerēt. Obsequuti monitori, manus cū hoste acriter cōserūt, & adiuuātibus equitib. ordines cōturbāt ferro-



rum hominum poplites succidunt. Cæteri hastis & gladijs nunc pectora transfuerberant, nūc capita petunt. Par gentis vtriusq; virtus & gloria: par hostium diuersarum gentium debilitas & formido. Aduolāt & turmæ aliquot equitum, quæ ad succurrendum lassis, à prouido imperatore in proximo collocatæ erāt, nequaquam alijs segniores. Paulò plus vna hora incerto euentu dimicatum. Vrgētibus nostris ferro, equis, clamore, cadunt primores Germani, denique & alij, viri proceri ac lacertosi, tormentis, in quibus illis omnis spes victoriæ fuit, & priuati, & frustrati. Dein magis ac magis instantibus nostris, terga vertunt reliqui, tanta festinatione, ac ita confertim, vt alius alium ponte detruderet. Magna pars festinè arma exuentes (miseram spem salutis) ad proximum lacum tranandum conuersi. Nimirum ea vis metus est, vt homo à quouis potiùs alio, quàm ab homine irato absumi malit. Quare magnus numerus in lacu demersorum visus. Pars suo cum glorioso duce, in lacum etiam impulsio, vertit se in fugam: nostris eos ad tertiū à prælio miliare (Prusiecz ruri nomen) summa contentione persequentibus, & magnas illorum strages edentibus. Non pauci montes, alij syluas Cassubicas & Pomeranicas, effuso cursu petierunt. Tunc illud euenisse visum, quod Moses malis prædixit: Efficiet (inquit) Iehoua vt corruas ante hostes tuos, & in quos vna via exieris, eosdem septem vijs fugias: quibus in rerum omnium penuria seruietis: illi verò imponent ceruicibus vestris iugum ferreum, vsque ad vestrū exitium. Intacti illi, equis currustrahentibus conscensis, profugerunt, qui extremum agmen claudebant. Per multi è montibus  
& syl-

& syluis à regio milite extracti, ad imperatorem trepidi adducebantur. Post victoriam aiunt Haidones Zborouio, ab inclementia illos auocanti, hisce verbis respondisse: Si nos hosti parceremus, ille victor eodem modo quo nos nunc (quæ dicentes, hos è captiuis detruncabant, illos mutilabant) in te sæuijsser. Fugientes persequentium tantus erat ardor, vt ad signum inclinata die receptui datum, non nisi ducenti equites, bene cruentati, ad ducem oppido opem laturi redierint: alij post, cum præda sequuti. Vbi Haidonum ductores orauit Zborouius, vt suos ad alterum hostem adoriendum conuocarent. Qui licet non minùs quàm equites cadendo defessi, noctisque præteritæ vigilia atque diei inedia fracti forent, tamen simul omnes præeunte Zborouio, illos qui è nauibus iam ad alteram ripam stantes, & nuncios de victoria suorum opperientes, globos machinarum muralium aduersus oppidum incassum eiacularantur, inuadere, aggrediq; cupiebant. At hic casu suorum, ex aduëtu nostrorum, & globis tormentarijs contra se eiacularis, cognito: domo, vbi traiectus est, incensa, & omni quæ in ea fuit cereuisia epota, supellectile direpta, fugere incipiunt: paululumque prouecti, (nam ventus aduersabatur) se post insulâ abdunt Interim Mariæburgo, ad preces Zborouij, nostris subsidio venit Stanislaus, filius Ioannis Kostkæ, præfecti Mariæburgensis, cum suorum globo, & quatuor tormentis telorum: cui persequendi hostem ab illa eadem ripa, datum negotium: quod bene cœptum, non minori fortuna peregisset, ni & nox obscura, & ventus secundus, fugientibus opem tulisset. Quàm autem salui hi quoq; domum reuer-



terint, parum liquet: illud certū, multoties à nostris  
 fuisse globis tormētarijs petitos. Qui cladi superfue-  
 rūt, capti mille, præter illos quos vicina nobilitas fu-  
 gientes cōprehendit: aliquot ita opulenti, vt vitam  
 multis nūmū aureū millibus redimere cupiant:  
 Vidisses decē, plus minus, Germanos ab vno vinci-  
 ri, vel Polono, vel Hungaro: vinxit & quædā mulier  
 duos: (tantus pavor pectora illorum occuparat) ac  
 quodā è nostris vincula querēte, protulit sua spōte è  
 sinu captiuus: En (inquit) habes: colliga manus, vitæ  
 parce. Occubuēre in acie 44 27. viri: id ex illis qui  
 iussu imperatoris occisos humabant, cognitum. In  
 fuga caëtorum, & aquis obrutorum, quum hæc scri-  
 berem, nondū erat collectus omnis numerus: non  
 paruus, opinor, si modò victus verū fateri vellet. Tē-  
 debat iam tot cadauera, quorū lacus atq; viæ plenæ  
 erant, terra obruere: à feris & alitibus multa depasta.  
 Inuēti à vespillonib. seu duo seu tres, qui ad tertiam  
 vsq; à pugna diem, denudati vti omnes alij, morte si-  
 mulata, inter occisos latuerūt: rogati verò cur nō in-  
 terea temporis fuga vitæ consulissent, responde-  
 runt, metu Haiducorū inclementium, qui sibi instā-  
 re visi semper essent, assurgere ausos nō fuisse. Signa  
 pedestria quinq; adempta, vnum equestre: idq; erat  
 maximū, & AVREA LIBERTAS, aureis literis scri-  
 ptum habebat. Scilicet rex eam illis eripere voluit:  
 qui se omnium iura, publica & priuata, & quam quis  
 profiteretur religionem, incorruptè seruaturum,  
 semel ad aram sanctè promisit, idq; adhuc præstitit.  
 Tormenta aenea magna septem: parua triginta, tri-  
 bus vecta curribus, ablata: currus 150. relictī: arma-  
 turæ ter mille quingentæ, è spoliatis ad ducem com-  
 portatæ,

portatæ, & tormenta manuaria permulta: quibus iacturæ militum compensatæ sunt. Largitus est alia quoq; dona Zborouius cuiq; fortissimo: adeò munificè, vt ipse nihil planè è præda sibi reliquerit, contentus sua gloria, quæ illi ex re bene gesta nata est: tametsi hanc etiam ab sese amouens, soli Deo, à quo profectam manifestè videbat victoriam, & felicitati regis sui, triplici iam triumpho insigni, libenter tribuat. Quis enim, nisi impius, hoc solius Dei beneficio factum esse nō fateretur, vt bis mille viri, 12000. siue 14000. hostium, profligarint, maioriq; ex parte cæciderint? Falsus est hoc & agnouit pius rex cū illo loci veniens vbi pugna peracta est, hæc proferret: *Non nobis, Domine, non nobis, sed nomini tuo da gloriam.* Regij verò milites (quod mirèrè) solum duo sexaginta occisi, centum triginta vulnerati: hos inter nōnulli, dum tormentis potirentur, fœdè ambusti, quod magister tormētorum, viso extremo discrimine, dolio pulueris nitrati ignem iniecerit: quo ipse vnà interijt. Horū nomina, ni pigeret possem referre: sed breuitatis habenda est ratio. Equi 38. cæsi, 65. saucij ac læsi. Reperta apud plerosque omnes Germanos, varij generis vincula, nostris ligadis parata, quæ ipsorum met brachia senserūt. Ita illud verè dictū à Solomone: Parari equum ad pugnēdiem, sed Dei esse victoriam. Illud immanius, cōfectas ab illis fuisse glandes venenatas, quæ sursum è tormentis breuioribus (quæ duo fuère) eiectæ, mortem illis adferrent, quoscunq; earum scintillæ attingerent. Fastū porrò illorum, & ante victoriam triumphū, illud arguebat, quū sui generis vicinos præmonerēt, maturè migrarent aliò cū preciosa, quaq; supellectile,



ne quid hostile à milite experirentur: quorum dictis quidam oppidani territi, sua Grudzadzum, alij aliò auehebant. Quinetiam in ipso procinctu, alter præbibens alteri, hic tres, quinque ille, alius decem Polonos vinctos, vir vxori, miles amicæ, adducturum se promittebat, & pro vno capone pingui tres se captiuos daturum spondebat. Præter hæc, vrbe exituri, spectatores alloquebantur, eos ipsi quoque committerentur ad pugnam breuem quidem, sed longæ, opimæque prædæ: (perrecturos se vltra Derszauiam opinati) vel saltem extra urbem opperirentur reduces cum spolijs Polonicis atque Vngaricis. (ita paucitas nostrorum despecta ab illis fuit) Stabat ergo populus in montibus belli euentum expectans. Primum, cumq; certum, irati numinis ciuitati nuntium carnifex attulisse dicitur. Non creditares diu, mutilis cursim carnificem sequentibus, fidem meruit: & posse abs rege vinci superbos subiectos, vt antè Laniscorona, Grebinum: ita Derszauia declarauit. Constās fama est, paulo minùs sexcentis mulieribus Dantiscanis hoc prælium viduitatem, nō paucioribus reor orbitatem attulisse. Cumque Coloniensis in urbem anhelus refugisset, hisce illas cum eo verbis exposulasse: Redde nobis, scelestè, viros: redde filios, redde cognatos, quos tu non eduxisti, sed seduxisti: victuros, si intra portas se cōtinuissent. Is Zborouio denuntiasse fertur, se de integro fortunam belli experturum, sumptis secum vrbis clauibus, si superetur, victori tradendis. Quod an credam ambigo, quum tanta sit ciuium consternatio, tantus mulierum & natis orborum parentum dolor atque plangor. Addere animos possunt Danica,

ciuita-

ciuitatumque maritimarum auxilia. Et Gedanenses quidem ita attriti sunt, die, menseque eodem, sed anni alterius, quo Stephanus Batorius, primum ex Hungaria Cracouiam (quæ regum sedes est) ingressus, regnum iniit. Afflicti autem, non ob solam diu meditatam rebellionem, (non enim temerè urbem suam magno sumptu & studio, muris, propugnaculisque aliquot annos firmabant) sed etiam propter tetra de bono rege, regnoque ipsius, à quo Gedanum alitur, scriptis prodita mendacia, & in ipsa vrbe iactata in regem conuitia: quum regi, qualis qualis est, nefas sit maledicere: crimen, de altero falsum dicere. Adeò infelix prælium, tantum terrorem permultis incussit, vt clam cum ijs que facile auferri possunt, emigrèt ex vrbe, (metum illis aduentu in Prussiam fortunati, animosi que regis, quotidie augente) nec ulturi ignominiam, ad tympani, aucto stipendio, trium dierum pulsum, dare nomen militiæ alia lege quisquam voluerit, quàm ne pugnatum foras educatur. Ij missum ad se à Zborouio cum literis tubicinem, quibus eos ad deponendam rebellionem, cuius pœnas luissent, inuitabat, interemerunt. Quibus Zborouius iratus per obscurum quendam libertate donatum captiuum, denuntiari iussit, se 50. ex illustrioribus captiuis, in ipsorum cōspectu palis infixurum, ni sibi paricidas traderent. Ad hæc illi, ab irato suis peccatis Deo se punitos esse cōfessi, tradituros se homicidas rescripserunt, & ad colloquium cum imperatore & Ioanne Kostka, Voiuoda Sendomiriensi, se admitti petierunt.

Habuit Zborouius, Gnesnensis Castellanus, non plures milites 2027. Prima equestris centuria, ipsius-



met erat: altera, Andree Fierlei, Castellani Lublinensis: tertia, Ossolinij Krzeszouienſis Præſecti: quarta, Kaſanoui: quinta, Nicolai Goſtõski: ſexta, Adami Balinij: ſeptima, Zebrzydoui: octaua, Leſniouolſcij: nona, Gniewoſij. Stanislai Iordani 50. ſolũna eqtes fuerunt. Ex voluntarijs, Ioannes Zamoyſcius, Procâcellarius, 37. Hieronymus Goſtonſkius, 10. Stanislauſ Przyienſkius, 16. ex aulicis autẽ regijs Ioannes Tencinius comes, Caſtellanus Voynicenſis, 50. equites habuit. (ſunt Caſtellani ſecundi à rege ordinis ſenatores: Voiuodæ, quos Palatinos vocamus, primi) Zloſtoui 7. Iacobus Pilchoui totidem, Malicius, 5. BielaWſkius, 4. Procopius Pieniazek, eques Maltenſis, 6. Hungari 40. quorũ cognomina ignora mihi ſunt: nota virtus & fortitudo. Hi omnes, nu. 1132. haſtas prælongas, ſcuta, breues ſclõpos, & gladios duplices gerebant. Huſſarorum nomen habent. Velites 215. fuerũt: quibus, præter acinaces, venabula, arcus, lorica, arma ſunt: 100. Struſſij, Præſecti Bratiſlauienſis: 50. Tenruki: 30. Scythæ regi: totidem Andree Comitſ Gorkani, Caſtellani Miedzyrzecenſis: 5. Andree KarchoWſkij. Hos appellat Koſakos: equites celerrimi. Regius Stanislauſ Gizitzki etiam tum (opinor) ducebat, miles celeberrimus. Pedites verò regi, generis Hungarici & Slauieni, ſtupendæ audaciæ atq; agilitatis, 600. Haiduci patrio ſermone vocati. imperatoris, 30. Fierlei, 100. equibus 50. oppidi deſenſio iniuncta erat. Tormẽta cåpeſtria duo tantum: his multò minora, Haken Germanis dicta, 27. Contra, Gedanenſium cohortes pedestreſ ſex fuerunt. Quæ erat imperatoris, viri cetera egregij, ni operam ſuam rebellibus nauaſſet, 600. viros cõpletebatur:

Æbatur:centurionis Kleuneri, 500. Lemkæ, 600.  
Esterreicheri, 600. Raufa Wi, 500. Vetsteinij, 300. E-  
quites mercenarij, 400. ciuiles totidem. At ciuium  
numerus, omnibus quasi ad certam victoriam cupi-  
dè ruentibus, cōfessione captiuorū, vel 8. vel 10000.  
superabat. Vt enim diues opum, ita populosa est ci-  
uitas Gedanensis: cuius portu nullus alius in Ocea-  
no Germanico nobilior: aqua profunda, muris &  
aggere præalto, ita munita, vt inexpugnabilis esse  
videatur. Si igitur 8. tantū millia oppidanorum, ad  
excutiendum iugum regium egressorum posueri-  
mus, numerus omnium militū 12000. minus 100.  
efficit: si duobus plus, (nam captiui variant) 14. sunt  
millia. 12. igitur viri vnum militem regium fugie-  
bant. Hæ fuerunt Gedanensium copie, sanè magnæ:  
quibus freti, Magistratui, toti Prussix diuinitus da-  
tō, resistere voluerunt; nolle se vnctum Dei oscula-  
ri, quem ille præ cæteris septem competitoribus de-  
legit, ostenderunt. Regem prudentem, pium, cle-  
mentem, quem alij omnes reuerentur & amant: so-  
li infelicitè oppugnaverunt: & (quod illi molestis-  
simum est) à ferendo Russis contra Tartaros auxi-  
lio, qui eodem tempore in Russiam irruerant,  
auocauerunt: cuius causā, vt a quior  
est, ita fortuna superior  
futura.



SUPPLEMENTVM DE REBVS  
GESTIS INTER REGEM POLONIÆ,  
Stephanum, & magnum Ducem Moschouiæ:  
anno Domini 1579. in Augusto.



Onstat ex lectione historiarum, inter Polonos & Moschos, diuturna bella extitisse. Dum vel maximè Moschus Lituaniæ aliquot præcipatus & provincias sibi usurpare voluit. Poloni verò ubi Iagellonem magnum ducem Lituaniæ, qui ~~Wenceslaus~~ dictus, in regē assumpserunt, regnum cum Lituanico principatu cōiunctum, & armis Polonorum defensum. Hoc videre est locupletissimè apud Cromerum historiographum Polonum. Et licet multis præclaris victorijs Sigismundus primus, Poloniæ rex de hoste Moscho potitus est: tamē sub Augusto Sigismundi filio cæpit dux Moschorū, valde esse infestus Polonis, & toti Lituaniæ. Atq; prætere dēre cæpit sibi nescio quous in Liuoniā, quæ ante aliquot annos dedit se in fidē & clientelam regis regniq; Poloniæ. Quare occupato rege Polono: & etiā oscitāte, impetū fecit in Liuoniā, eam est depopulatus: arces & oppida multa occupauit: Et deinde in Februario ante annos viginti, arcē Polosko in Lituania, minus diligenter munitā obsedit, & per deditiōnē capit. Paulo post alias arces & ditionē Polokensem, quæ satis ampla est, in Lituania accepit. Sic res illi succedere Moscho

Vladislaus.

*feliciter: quamuis Poloni collectis copijs sæpius unà cū Lituaniis, voluerint recuperare amissa: sed hæc nō potuere sūc̃ fortiri effectū, ob varios Reip. Poloniæ casus aduersos. Nimirum ppter interregna, cū Sigismūdu Augustus obiit, & Henricus Valesius electus: Deinde cū Hēricus Valesius inde discederet, & Poloni de noua electione solliciti, Stephanū Battori principē Trāsſyluaniæ elegerūt. Quocirca postquam in locū Henrici Valesij, Stephanus Battori est successus, dedit operam, ut ea quæ ad dignitatē regni pertinerent, persequeretur. Et cū iam induciæ cū Moscho propter Lituaniæ principatum æstate superiori finiedæ essent: haberetq; rex Polonus apud se legatos principis Moschorū: qui satis superbe pro more gentis legationē suam obire voluerāt: existimauit è re totius regni esse, si armis aperiret nomē famamq; Polonicam, & repeteret possessiones à Moscho iniuste acceptas. Indicitur itaq; bellum aduersus Moschū: conscribitur vndiq; à rege Polono miles, siue Polonus, siue Germanus, siue Hungarus fuerit. Vnde factū est, ut à vere vsq; ad ipsam æstatē rex tantū laboris impēderit: q̃ expeditione publica facta, exercitū mouerit in ipso Aug. mēsis principio aduersus Moschū: Quod quā illi fortunatum fuerit, ex edicto regis q̃ iussit fieri, p̃ feliciter gesta aduersus Moschū videre est: illud edictū, ut est Craconiæ typis expressū, hic subiiciemus.*



EDICTVM REGIVM DE  
SVPPPLICATIONIBVS OB*rem bene aduersus Moschum  
gestam.*

**S**TEPHANVS Dei gratia rex Poloniae, magnus  
Dux Lituaniae, Russiae, Prussiae, Massouiae, Samo-  
gitiae, Liuaniae, Kijouiae, Volhyniae, Podlachiaeque,  
&c. princeps Transyluaniae.

Vniuersis & singulis, reuerendissimis, reueren-  
dis, magnificis, generosis regni nostri consiliarijs, di-  
gnitarijs, officialibus, nobilibus, atque alijs ordi-  
nibus omnibus syncerè & fideles nobis dilecti. Quod  
superioribus proximis omnium reipubl. ordinum  
comitijs decretum fuit, vt bellum hoc anno contra  
magnum Moschorum Ducē administraremus, cu-  
rae nobis pro regio nostro munere, nostroque in  
repub. studio esse siuimus: & contractis exerciti-  
bus nostris, comparatoque aliquo partim contribu-  
tionum pecunijs, partim (quod cōtributionum pe-  
cunię minimè satisfacerent) alijs rationibus belli ap-  
paratu, extrema Iunij die Vilna ad copias nostras re-  
censendas lustrandasque Suirum discessimus. Quo  
quidem in loco, multa nos diligensque deliberatio  
tenuit, quorsum nos potissimum cum exercitibus  
nostris in hostem conferremus, quidque rectissime  
& quàm maxima cum vtilitate reipubl. nobis ante  
omnia, bello aggrediendum esset. Rebus verò o-  
mnibus in accuratam considerationem vocatis, ex  
iudicio & senatorum nostrorum & aliorum milita-  
rium virorum, qui nobis aderant, eam tandem in  
senten-

sententiam descendimus, vt primam nostrorum armorum vim ad Polociam oppugnandam conferri oportere concluderemus: quod quidem ea arx ceruicibus magni Ducatus nostri Lituaniæ, atque adeò ipsi ciuitati nostræ Vilnensi, nulla alia firmiore munitione interiecta immineret, ex qua nobis in alijs remotioribus regni locis occupatis, oblata occasione summam non modò Lituaniæ diripiendæ, sed Vilnæ etiam adoriendæ facultatem hostis habiturus videretur. Faciendum præterea necessariò nobis visum est, vt cùm bellum hoc non modò rerum communis reipub. recuperandarum causa, sed hostem quàm longissimè remouendi, grauiusquè coercendi gratia susceptrum habeamus, expeditionibus nostris in his potissimum regionibus maxima anni parte, aut frigoribus grauissimis, aut imbribus assiduis militiæ infestis, tum quoq; ob vastitatem difficillimis: propinquiorem aliquā sedem & quasi officinam, quam ipsa Vilna esset compararemus, ex qua quidem officina, quam maximè integrū recentemq; penitus in solum hostile ducere militem, & belli instrumenta impedimentaq; minore cum negotio ad res cū celeritate felicitateq; gerendas transferre possemus. Quāta enim cū difficultate ac detrimento Vilnæ illud facturi essemus, breui hoc itinere, quò cū exercitu nostro pgressi sumus, magna nostra cū molestia cognouimus. Accessit & illud, quod hac arce qua firmiorē maioremq; hostis nullā habet, expugnata de alijs retinēdis hostem eò magis diffidere, & occupādis militē nostrū sperare doceremus. Tantum verò abfuit, vt nos eò deterreri oportere iudicarem, q̃ locus ille ab omni opere belli quæ appa-



tu firmissimus esse, perhiberetur: vt hoc potius de principio nobis recentibus militum nostrorum viribus animisque, quàm ijs militiæ diuturnitate afflictis tentandum existimauerimus. Cùm igitur nihil factu potius vtiliusque iudicatum esset, nos factis ab inuocatione opis diuinæ auspicijs, Suiro primum illustrem Nicolaum Radziuil Palatinū Vilnensem, cum aliquibus equitum peditumque Lituanorum copijs, & certo Vngarorum numero, cum generoso Gasparo Bekkiefz Polociam præmisimus itinerum claudendorū causa, ne quid à magno Moschorum duce præsidij accederet, quo & si maioribus in magna etiam viæ difficultate itineribus peruenisset, tamen cùm iam antè nostras ad hostem literas misissemus, quibus bellum ei diligenti cum explicatione causarum denunciauimus, biduo antequam nostræ illæ copię ad Polociam accessissent, equitum & peditum aliquid ab hoste in arcem immissum est: adhibita verò à Palatino Vilnensi, posteaquam propinquo ad arcē loco consedisset, ea diligentia est, vt post nullius subsidij hostilis accessio facta sit. Nos cum exercitu nostro & tormētis impedimentisq; bellicis, in summa viarū iniquitate quā pluuiarū assidua magnitudo, & horū agrorū natura effecit, minorib. itinerib. subsequuti fuimus, interea à copijs nostris quę præcesserant, arces tres, Kosiana, Krasne, & Sithno per excursionē celeriter occupatæ, & incēdio deletæ sunt. Vndecima Augusti die proximè Polociam cum copijs omnibus nostris mouimus, & propinquo ad mœnia loco castra metati sumus, arcem ciuitatemq; tribus locis obsidione cinximus, eademque die locis omnibus munitiones, fossasq; propius hostem

hostem agere iussimus. Postridie ciuitatem nō mediocriter fossis & aggere, & propugnaculis & parietibus densissimis, tum quoq; præsidio firmā ea maximè de causā, quòd illo loco nos à propinquiore ad arcem accessu prohiberet, incēdimus, ac totam paucis horis deleuimus. Tum longius munitionibus nostris ad ipsas arcis portas promotis, omni conatu in arcem expugnandam incubuimus. Ostenderat vi sua præpotens Deus, in manu sua rerum gerendarum potestatem esse, & assiduas pluias pluribus diebus ita im miserat, vt & operæ militum maiorem in modum impedirentur, & oppugnandi ratio etiam atque etiam retardaretur. constitit tamen militi nostro maximis etiam in incommodis singularis animorum ad omnia obeunda tolerandaque ardor, sic vt in summa pluuiarium iniquitate, altissimoque luto nihil prætermitterent, quæ ad oppugnandum pertinere possent, hostibus contra omnes nostros conatus acerrimis animis, & incredibili tormentorum vi, ita dies noctesque propugnantibus tanta peruiacia, & flammæ à nostris illatas extinguentibus, & vim omnem depellentibus, vt se tormentorum telorumque nostrorum iniurijs certatim offerrent, & succumbentibus alijs alij cōfertim succederent, ostenderentq; Moschos arcium defendendarum vi atq; ardore cæteris omnibus gentibus antecellere. Respexit verò tandem nos sua benignitate clementissi. Deus, concessitque, vt quæ prima nobis paulò serenior dies vicesima nona Augusti illuxit, ea incendium à milite nostro arci illatum sit, summa cum contentione atque discrimine, cum se miles noster in fossas dimittere, & Polortam flumen su-



perare, deniq; arduum clium cui impositum propugnaculū erat subire, & manibus materiā ignemq; inter infestissima creberrimaq; hostium tela inferre necesse haberent, quod incendiū cū vehemētius exarsisset, & munitionis anterioris, in quo sclopetariorum domicilium fuit, aditum aliquem patefecisset, teneri militū nostrorum ardor non potuit, quia per ipsam flammā irrumperet, atq; hostem feriret, a quo tamen cœpto cū propugnatione hostili, tum maximè flammæ vi reiectus est, paruo cum nostrorum neque amplius viginti septem pluribus tamen vulneratis, hostium tamen ad ducentorum interitu. Dederat aliquam hostis eadem die deditio- nis significationem, quam nō seriam fuisse animad- uersum fuit, cum nouis se munitionibus flammæ al- titudine nostris conspectum eripiente circumdare deinceps cognitum esset. Nulla igitur cum inter- missione oppugnationis vim omnem adhibendam, nullumq; hosti quiescendi, aut se firmitus muniendi spacium concedendum iudicauimus, posteroq; die ignem in alias munitionis partes miles in quo equi- tes etiam erant, qui misso equo in pedes descende- rant, intulit, quo cum iterum aliqua muri pars dele- ta esset, & cliuū in quo propugnaculum antea igne absumptum erat tenuisset, ac inde ad latus hostili- um fossarum ac munitionū illa parte deleta tumultu- ario opere factarum fossas ac munitiones ducen- do præsidiarios circuire ferè cœpisset, atq; sic in po- testate hostis esset, nos & sanguini Christiano par- cendū & operam dandā rati, vt arce quā maximè integra cū tormētorum aliorumq; belli instrumen- torū apparatu potiremur, quæ hostis ipse ad extre-  
mum

muniniecto igne delere posset, facta omnibus vite gratia permissimus, ut qui nobis militare vellent (quorum, qui velint magnus sanè est numerus) fortunas omnes suas incolumes conseruarent, atq; stipendia nostra mererent, quibus redeundi in Moschouiam animus esset id nobis permittentibus atq; omnem securitatem præstātibus facerent. Palatini, Basilius Iuanouicz, Mikolinski Telakowski, Demmerius Michalouicz Sczerbatī Obolinski, Matthaus Iwanouicz Rzowski, Iwan Hrehorouicz Susin, Petrus Iuanouicz Volinski, Lukian Tretiakow Rakou filius scriba, qui partim præfuere, partim in arce fuere cum se spōte dedere, ac gratiæ nostræ permittere nollēt, captos in custodijs habemus, & arcē ipsam præsidio nostro immisso iā obtinemus. In qua quidē arce, q̄ eam defendissent, & arma tulissent vltra sex millia fuisse cōpertū est. Nostri qū ingressi essent, passim magnā cadauerū insepultorū numerū reppererūt, tum tormentorū ac pulueris tormētarij globorumq; tantā vim deprehenderūt, quāta in arce aliqua Christiani orbis his rebus instructissima posset reperiri. Quos quidem rei gestæ successus ut in primis ad Deum præpotentem referimus, ita illi summa animi pietate agimus gratias, ac sync: & fid: vestras hortamur, ut easdē pro bene gesta re publica agant simul etiam cōprecentur, ut quæ gerenda supersunt, quæq; in hostē hunc deinceps etiā suscipiemus itidē clementissimè fortunare dignetur. Quod illū pro sua benignitate, & causę quę hæc nobis arma induit bonitate facturum confidimus. Nos quidem ad res pro communi republ. gerendas, omne animi studium curam, laborem, operam, sanguinem,



adeoq; vitam nostram cupidè semper promptèque  
 afferemus. Datum ex arce nostra Polocensi die vl-  
 tima mēsis Augusti. Anno Domini M. D. LXXIX.  
 regni vero nostri anno IIII.

*Stephanus rex sszt.*

Ex hoc edicto videre est, quàm fausta & fortuna-  
 ta fuerit hæc prima regis Poloni expeditio, quæ  
 hanc inclementissimè anni tempore suscepta fue-  
 rat: Nam intemperies tanta aëris & pluuię continuę  
 videbantur prænunciare infelicem & irritam fore  
 illam expeditionem: At regis strenua virtus, hæc co-  
 ram impedimenta superauit, præterque spem & o-  
 pinionem hostis castra metatus est ante arcem Po-  
 losko: qua, vt suprà dictum, capta non substitit, do-  
 nectotam illam prouinciam recuperaret. Magna  
 vis, iumentorum & equorum ob pabuli defectum,  
 & corruptam annonam propterea pluuias perijt:  
 nihilominus rex non conquieuit, donec quod vole-  
 bat, perficeret. Nam hac arce Polosko sic feliciter  
 capta, progreditur vlterius, & diuiso exercitu, Polo-  
 norum, Hungarorum, Lituatorum, alias arces obsi-  
 det, capitque partim vi, partim deditioe. Lituani  
 miro stratagemate arcem Turo Wla ceperunt, dum  
 scilicet vnam partem arcis versus planitiem sitam  
 defendit hostis: milites aliquot Lituani collem no-  
 ctu conscendunt, & ingressi aliquot per foramen,  
 qua tormenta eiulantur, clamant, impetum fa-  
 ciunt in Moschos, per scalas alij ascendunt: & sic illa  
 arce potiti. Sokol arx tertia, quę accipiter Latinè dici  
 potest, fortissima & bene munita, obfessa fuit à Po-  
 lonis,

lonis, quibus præest imperator Milecius, vir sum-  
mus, animosus, & gloria maiorum clarus, Podoliæ  
Palatinus: hæc defendebatur à bellicosus viris Mo-  
schouitis, qui tam viriliter repugnant, vt non sine  
vtriusque gentis & Polonorum & Moschorum cla-  
de capta sit: ferunt enim ad tria millia Moschorum  
ibi interfecta: Atque istud est feritatis & immanita-  
tis barbaræ indicium, quod Moschouitæ quoties-  
cunque Germanum militem capere poterant, tum  
illum dilaniatum & dissectum, ac puluere bombar-  
dico infartum, ita extra arcis mœnia ei aculabantur;  
vt odium suum in gentem Germanicam re ipsa te-  
starentur. Inter dedititios captus est præfectus mili-  
tum Fedor Wasselouicius Sereiniczius, qui erat ipsi  
magno duci Moschorum ob suam fortitudinē per-  
gratus & amabilis: cuius viri iacturam grauiter tulit  
magnus dux. Milecius cum Polonorum exercitu, ne  
quid deesset, ad perfectum victoriæ triumphum, ca-  
stra mouet, & grauiter iudicat arcem vnā residuam  
esse, quæ nisi capiatur: futurum sit, vt perpetuis in-  
cursionibus Plocensis ager recuperatus infestetur.  
Est autem arx illa Susa, in summa planitie & palustri  
loco posita: cuius accessus est perdifficilis ob pro-  
fundas paludes. Tamē cum obfessi viderunt Polonū  
imperatorem nihil remittere de sua diligentia, lapsi  
animis: tandem se dedunt & veniunt in potestatem  
Polonorum, certis legibus & conditionibus præ-  
scriptis. Vbi arx illa Susa tradita fuit, ibique magna  
vis tormentorum & commeatus bellici inuentus  
fuisse: de consilio regis arx illa deturbata & euersa,  
ne & hosti amplius esset utilis: neue in ea seruanda à  
Polono multum cōsumeretur. Sunt postea ab exer-



citu regio aliquot arces capte & euerſæ: veluti Kraſno, Sithno, & Koſiani: id quod prudēter à Polono factum, ne tot arcibus muniendis, vires exercitus diminuiere cogeretur. Itaque rebus ſic perbene & laudabiliter, Dei auſpicio, peractis, Rex diſpoſuit in hybernis militem cū equites tum pedites: Et deinde indicit comitia regni, vt incēptum bellum cum hoſte potenti, ad ſalutem totius regni perficiat. Celebrata ſunt comitia Calendis Decembris, vbi ab omnibus Ordinibus aſſenſum eſt, vt rex fortunā belli ſequatur, & occaſionem datam rēciendi omnia amiſſa à maioribus arripiat, ratioque nerui bellici, tam tributis que alio pacto regi eſt conceſſa. Sic ſperatur quod in Februario anni iſtius, & toto hoc anno perget rex Polonus aduerſus Moſchum: Quod vtinam felix fauſtumque ſit, ad ſalutem & incolumitatem illius potentiffimi regni, quod eſt Germaniæ maceria & propugnaculum aduerſus fe-  
ros hoſtes & barbaros.

Amen.

EDI-

# EDICTVM REGIVM SVIRENSE AD MI- LITES.

## EX QVO CAVSSÆ SVSCEPTI

*in magnum Moschouia Ducem bel-  
licognoscentur.*

STEPHANVS Dei gratia rex Poloniae, magnus  
Dux Lituaniae, Russiae, Prussiae, Massouiae, Samo-  
gitiae, Liuaniae, & princeps Transyluaniae, exercitus  
sui cuiuscunque nationis, atque ordinis militibus.  
Etsi tanta & tam nota omnibus iniuriarum magni-  
tudo est, quas magnus Moschouiae Dux, regno no-  
stro Poloniae, magnoque Lituaniae Ducatui adhuc  
attulit, vt arma haec, in quibus hoc tempore versa-  
mur, sera potius cunctis, quam vel praepropera, vel  
non satis iusta cuiquam visum iri arbitremur: tamen  
cum studium nostrum satis expleri non possit, quo  
desideramus, vt quae suscipimus gerimusque, cum  
aequitate iustitiaque nos suscepisse, ij penitus intel-  
ligant, ad quos causa quaeque attinere videatur: faci-  
endum nobis hoc in bello existimauimus, vt exer-  
citus nostri, cum eos non tantum ex regni nostri Po-  
loniae, magnique Ducatus Lituaniae, verum etiam  
Hungariae atque Germaniae, alijsque nationibus exteris  
compositos habeamus: certius vel recetiora cogno-  
scant, quae inter nos, posteaquam regni huius nostri  
principatum gerendum suscepissemus, & magnu Mo-  
schoru Ducem intercessissent: quae quidem istiusmodi  
sunt, vt facile pateat, nihil a nobis praetermissum esse, q



ad principis Christiani officium, ad vitandum Christiani sanguinis discrimen, ad constituendū ex equitate cum eo hoste concordiam, pertinere posset: ab illo autem, quæ suscepta actaq; sunt, omnia cum hostilibus iniuriis coniuncta, & ad arcium, ciuitatum, ditionumque nostrarum circumuentionem & detrimentum, nostrique nominis dedecus comparata fuisse. Nos quidem simul ac in regnū hoc nostrum peruenissemus, vt ceteros principes Christianos, partim ordinum regni nomine, ita etiam magnum Moschouitæ Ducem de accessione dignitatis potentiaque nostræ, deque optima nostra cum eo etiam pacis constituendæ colendæque voluntate, fecimus per internuntios nostros certiores. Et dederat verbis, non nullam tum significationem mutue voluntatis atq; studij sui erga nomen sanguinemq; Christianum, & literas addidit, quibus ampliori alicui legationi nostræ securitatem accommodabat, & peculiari epistola, quæ etiamnum nostra in potestate est, confirmabat, se imperasse suis, vt dum mutuo inter nos per legatos res agerentur, ab omni iniuria maleficioque in nostros se abstinerent, exposcens vt eadem ad nostros mandata daremus. Et si verò tam callidè hæc simulare non enim posset, quin se etiam tum proderet, verbis in nomen nostrum valde iniuriosis, infestus illius erga nos animus, tamen cum eo se vsque tantum iactaturam eius esse superbiam, in posterum verò illum ad mentē meliorem, & publicæ pacis, & suorum salutis curam aliquam reuocatum iri existimarem: habita à nobis eius literarum confirmationi fides est: pro qua quidem fiducia, & mandata nostris dedimus, vt cum Moschis indu-

inducias diligēter cōseruarent, & ad ipsum Moschouia ducem, legatos quā amplissimos, magnificum Stanislaum Kryski Massouia Palatinum, Nicolaum Sapiha, Palatinum Minscensem, ac Theodorū Skumin curiaē nostrae Lituaniae thesaurarium misimus. Quae dū à nobis fiunt, ille violata promissi fide (qua nos inducti, tantū abest, vt ab eo, dum nostri ad illum legati proficiscerentur, hostile aliquid pertimescendum putaremus, vt tuta nobis atq; amica omnia pollicemur) subitò nulla, aut renuntiatione induciarum, aut belli denuntiatione adhibita, cum exercitu ipse, adeoq; vnà filius natu maior Liouoniam inuasit, ac fraude potissimum. & conspiratione adductis in potestatem subditis nostris, in libertatem, liberos, coniuges, vitam, ac sanguinem Christianorum hominum crudelissimè flamma ferroq; grassatus est: arcibus nonnullis ditionis nostrae, dum extremis in finibus regni nostri necessariò versamur, insidiosè occupatis: quo tempore, quae illius in trucidandis per acerbissimos cruciatus captiuis truculentia, quae flagitiosa in vexandis honestissimis nobilissimisq; feminis turpitude, quā inexplibilis in hauriendo sanguine Christiano sitis, & in omni genere iniuriarum immanitas fuerit, cōmemorari satis non potest: & qui supersunt crudelitati, & modis aliquibus se ex illa acerbitate liberarunt, satis ista testatur. Accesserant iam tum oratores nostri ad ipsos Moschouiae fines, cum inexpectatum de his Moschi ceptis accipiunt nuncium, quo quidem permoti, ad fines Moschouiae subsistunt: nosq; faciunt de violata pace, de qua literis suis magnus Moschouiae Dux nobis confirmauerat, diligenter certiores. Et si verò ab



illo hæc fieri indignissimè perspiceremus, tamen adducti, studio consulendi Christiano sanguini, atque hæc sine maiori Christianarum vtrinq; prouinciarum vastitate, atque incendio ad tranquillitatem & pacem reuocâdi: mandata nostris oratoribus dedimus, vt se nihilominus ad ipsum magnū Moscho-  
uiæ Ducem conferre pergerent, & penitius, quis illi pacis nobiscum colendæ sensus esset, explorarent: ablatas verò à Moscho eo tempore res, contra literarum fidem, vt repeterent, & quæ subditis nostris ab illo calamitas proximè illata esset: eam modis omnibus sarciri postulatêt. Quid tum verò? cūm peruenissent oratores nostri, ac Moschus agere cum illis per homines certos suos cœpisset, subitò ad omnē superbiam, atq; animi impotentiam descēdit. Lituoniam non modò ab omni pacificatione, verū etiam mentione faciendâ exclusit: nos dignitatemq; nostram regiam, ijs verbis atq; scriptis, à quibus non modò principem virum, eumq; Christianū, verū quemuis etiam cuiusuis ordinis abhorrere quàm maximè decet, acerbè violauit, in regnum nostrum Poloniæ, magnumq; Lituaniæ Ducatū ius sibi arrogauit, idq; vanissimis modis asseruit, dum à Prusso nūquam inter mortales cognito aut nato (quem Octauij Cæsaris fratrem, generis verò sui auctorem fuisse contendit) orsus, ab eo se esse propaginē quartam decimam significauit: quibus quidem generis sui vanissimis deliramētis, sibi ius per quam absurdè in vniuersum Poloniæ regnum, magnumq; Lituaniæ Ducatum, aliasq; prouincias vendicare instituit. Ac hæc omnia, cūm post multas variasq; actiones, nostrorum oratorum, cūm consiliarijs magni Moscho-

Moschouia Ducis, quos eam ad rem designarat, de certa induciarum ratione cōuenisset, nostriq̃ue pro eo ac vtrinq̃ue conuenerat, suas de eo literas perscripsissent, & magno Moschouia Duci tradidissent: ille suas, quas è conuerso daret, non (vt facere par erat) ad similitudinem literarum earum, quas oratores nostri obtulissent, veritatemq̃ue mutuae inter legatos nostros eiusq̃ue consiliarios conventionis: sed ad arbitrium libidinemq̃ue suam ita perscripsit, vt inducias ad Liuoniam pertinere noller, quinimo non modò eam sibi cum Curlandia Ducatu, verùm etiam quicquid nobis vsque ad Prussia fines ditionum est: (interest autem ipsius Lituania pars) credi à nobis oportere significaret: quas suas literas ita perscriptas, cùm in eas iusiurandum dedisset, nostris oratoribus per vim superbè obtrusit. Quade re cùm nos oratores nostri ante suum è Moschouia discessum, facerēt certiores, ad magnū Moschouia Ducem, ex aulicis nostris, internuntium misimus, nobilem Petrum Haraburdam, iterata cum testificatione propensionis nostrae, colendę cum eo pacis atq; concordiae, idq; rei Christianae consulendae causa, qua quidem in testificatione luculenter ostendimus, si cōmune idemq; vtriusq; nostrum iuramentum esse deberet, cōmunem eo iuramento inter nos atque omnes prouincias nostras pacem comprehendi oportere. Neq; enim honestati atq; rationi cōgruere, si iusiurandum, de pace inter duos susceptum, bellum quacunque de prouincia inter eos ipsos consequatur, quodq; sanctissimum cōcordiae vinculum sit, in eo locus hostilitati relinquatur. Conuenire præterea nobis, tanquam principibus



Christianis, nos vt dictis factisq; omnibus, ita maxime religiosa isti iurisiurandi affirmationi, constantiam adhibere. Curandū igitur esse, vt ne qua inter nos fidei, recteq; factorum nostrorum conscientie, vis afferatur. Quæ nostra æquitatis optimiq; studij plena cohortatio, tantum abest vt ponderis aliquid apud Moschū habuerit, vt internūtiū nostrum, posteaquam admisisset audissetq; à se longè remouerit, & in modū captiui diu inuitum retinuerit: cumq; suos ad nos legatos misisset, in Liuonia missis iam ad nos legatis suis, arces nostras, ac sigillatim Vendam bis oppugnauerit. quod cum per insignem faceret iniuriam, effectum Dei præpotentis beneficio est, vt & exercitus ille à nostris copijs, cum ad eas Suetica auxilia accessissent, deletus sit, & in potestaté nostram tormenta, aliaq; quibus nostra oppugnabat, cuncta peruenerint. Sub id ipsum tempus legatos Moschicos ad nos Cracouiam, in ipsum regni nostri quasi domicilium atque sedem admisimus, cum eo tum loco, permagna propè vndiq; gentium Christianarum, frequentia hominum versaretur, legati externorum regum, principum, atq; nationum adessent: eorum in oculis, cum eos audiendi causā ad nos in senatum nostrum perhonorificè, vt fieri inter principes par est, introduci curassemus, à fastu suo, nostræque dignitatis contemptione orsi, ad explicanda, quæ haberent mandata, nulla cohortatione se passi sunt adduci: quod à magno suo Duce præscriptum sibi esse significarent, ne quæ apud nos verba facerent, nisi nos antè, quæ à nobis superbè atq; ad derogandum dignitati nostræ, in quodam genere habēdi sibi honoris flagitarēt, præstitissemus. Quod  
cum

cùm nobis minimè committendum iudicassetimus, neq; illi à fastuosa pertinacia se deduci sinerent, et si iterum atq; iterum ab illis, vt dicerent, contendere-  
tur, indictis rebus è senatu nostro, atq; adeò Craco-  
uia discesserunt, atq; ita re vlla non modò non con-  
fecta, sed ne affecta quidem dicive ab ijs cœpta, per-  
misimus vt se in Moschouiam referret. Quæ omnia,  
vt perspicuè testatur, quale nostrum extiterit susci-  
piendæ cum hoste illo concordie pacisq; studium,  
quod consulendi sanguini ac trāquillitati Christia-  
næ desiderium, ita ostendunt planissimè, magnum  
Moschouie Ducem eò potissimum incumbere, hoc  
agere, huc omnes sensus conatusq; suos conferre, vt  
nobiscum hostilibus iniurijs perpetuò dissideat: &  
cùm ditionibus nostris, tum nomini amplitudiniq;  
nostræ modis omnibus derogatum velit. Misit ad  
nos postea per nuncium suum literas, quibus à no-  
bis postulat, vt in ea induciarū verba, quæ citra ora-  
torum nostrorū assensionē perscripta ostendimus,  
iurādum daremus, legatis suis redeundi ad se po-  
testas fieret, & si visum nobis esset, oratores ad se ite-  
rum mitteremus, qui de Liunia secum agerent.  
Quàm autem & ab æquitate, & ab officio dignitate-  
que nostra alienum sit, ad ea nos iureiurādo descen-  
dere, quibus non modò assensum nullum vnquam  
accōmodauimus, sed de quibus nos cogitationem  
aliquam suscipere non oportere intelligimus, quis  
non perspiciat? Quī enim nos eius crudelitati Li-  
uoniam, Curlandie Ducatum, ditionesque alias  
nostras, quæ Lituanici iuris intermedia inter Liuo-  
niam & Prussie fines sunt, permittere possimus, quæ  
nobis pro regio nostro sacramento, quod in nostra



regni inauguratione verbis solennibus dedimus, omni fide, cura, conatu tuenda, & ab aliena potestate, vitæ etiam nostræ discrimine defendenda intelligimus? quod quidem officium nostrum, ut nobis antiquissimum commendatissimumq; semper fuit, ita alienæ ab eo voluntatis significationem nullam vnquam dedimus, neq; de ea oratores nostri quicquam polliceri potuerunt, atque ad eò constat, minimè pollicitos esse. Nam quæ illi in verba cautionis suæ de inducijs perscripte iurarunt ea ab omni istiusmodi concessione longè remota sunt. Quæ verò non modò pacis inter principes feriendæ, sed inter priuatos etiam cōventionis alicuius ineundæ ratio, quæ vis, quæ necessitudo esse possit, vbi res alterius non modò nulla consensio voluntasq; , sed ne quidem suscepta aliqua cogitatio accedat? non vtrinque voluntatibus ad consensionem adductis, & literis non tantùm sententiarum, sed propè verborum omnium similitudine perscriptis, negotium administretur? Quod quidem ita administrari & solere & oportere, hunc ipsum hostem nostrum fugere haudquaquam potest, ut non iuris æquitatisq; memorem, at ea tantùm recordantem, quæ in sanciendo inducijs, & pace ferienda, inter serenissimos prædecessores nostros, atque eius maiores, adeoque cum illo ipso, ante hac suscepta atque vsurpata fuerunt. Neque verò minus, quàm superiora illa & hoc iniquum est, quod magnus Moschouix Dux, nos in literarum suarum verba iurare voluit. Quæ quidem literæ, etsi ex voluntate atq; consensione vtriusque nostrum, ac literis oratorum nostrorum congruenter scriptæ fuissent, tamè ut ille in cautionis suæ formulam

iam iurasset, ita nos in nostram iurare conueniret: tantum abest, vt à nobis in eas literas iusiurandum rectè possit exigere, quæ ab ipso pro arbitrato suo perscriptæ, ab animi nostri sententia, mandatisque nostris, & legatorum nostrorum assensu, plurimum dissidēt. Quæ omnia quàm plena iniuriæ doliq; fuerint, quis nō facillimè perspiciat? cuius quidem doli studia, ex eo se etiam ostendere, quod quæ communicata, gesta, actaque inter oratores nostros, & eos, quibus agendi cū nostris Moschouie Dux negocium dederat, quæque ab ipso Duce constituta fuerant. Legati eius, cū ad nos Cracouiam venissent, profiteri atque explicare minimè voluerunt. Ad has verò omnes fraudum technas, mox armata vis, aperta que iniuriæ accesserunt, cū non modò Liouoniam assiduè direptionibus ac bello infestam habere Moschouie Dux non desineret, verū etiam in finibus Vitepscēsis, in ipsa magni Ducatus Lituanie ditione, propugnaculum nuper collocaret, ac per suos rei militaris præfectos, illis etiam locis subditos nostros trucidaret, alios crudelissimè diriperet, se deniq; maximis delectibus habitis, magis magisque contra nos armaret: qua quidē de re, cū non modò ad nos illustris Curlandie ducis, & Rigēsium, simul etiā nostrorū in Liouonia præsidiariorū quotidiani nuncij ac litteræ peruenirēt: sed summa etiam imploratio opis defensionisque nostræ accederet, nullo modo debuit potuitque belli administratio diutius à nobis differri. Proinde iustissimis istis grauissimisq; causis adducti, repudiandas minimeque iuramento nostro confirmandas Moschi literas, de inducijs ab ipso arbitrato suo præscriptas nobis esse



iudicauimus:quinimo ipsas in Moschouiam ad magnū Ducem, expositis quibus id faceremus de causis, per internuncium nostrum remisimus, ac hosti illi bellum iustum legitimūque indiximus, cū iam tum ille maximas contra nōs copias ad Pleseuam coactas haberet. Quod ad oratores attinet, quos remitti postulauit: etsi qui neq; literas, quibus fidē legationis suæ facerent, nobis reddiderint, neq; vllam legationis partem explicarint, exploratorum potius quā oratorum loco haberi à nobis meritò potuissent, tamen quod oratoribus nostris in Moschouia significatum intellexissemus, legatos eos ad nos missum iri, nihil illis in omni genere & honoris habēdi, & laucia conferendi vllō loco ditionum nostrarum deesse siuimus, permisimusq; vt quod facere obstinauerant, nullis rebus apud nos expositis, se in Moschouiam referrent. Quod verò postulabat, vt nostros oratores, qui de Liuania agerent, iureiurando prius in eius literas de inducijs dato, iterum ad se mitteremus, non perspicimus, quid agi de Liuania per oratores possit, si antè iurati in eius conditiones (quod exposcit) non tantū de Liuania atque Curlandia, verū etiam parte nostrarum Lituanix ditionum, quæ mediæ Curlandiam ac Prussiam dirimunt, decederemus. Minimè igitur nobis committendum esse intelligimus, vt noua legatione, nihil aliud, quā prouinciarum nostrarum iacturam, ac nominis nostri indignitatem aliquam incurramus. Intelligi atq; adèd cerni arbitramur, quale nostrum fuerit studium, vitādi omnem Christiani sanguinis profusionem, quod nostrū pacis tranquillitatisq; desiderium, pro quo quidem nos, ijs rationibus,

tionibus, quæ suprà expositæ sunt: experiri pacis cō-  
ciliationem cum hoste illo cōtendimus, atq; omnia  
indignitatum genera, quæ maiestati nostræ regiæ  
ab magno Moschorum Duce allatæ essent, libenter  
tranquillitati publicæ atq; salutis, sanguini, fortunif-  
quæ hominum Christianorum condonauimus: ve-  
rùm his nostris omnibus studijs ad concordiam pa-  
cemq; propensis, tantum abest, vt quidquam ab eo  
æqui bonique consecuti simus, vt ille hoc magis ef-  
frenatę superbię atque impotentię animi sui indul-  
serit, & quæ ad contumeliam nostram, nostriq; re-  
gni & magni Ducatus Lituaniæ detrimentum per-  
tinere possent, suscepit. Cui quidē rei, vt modum  
aliquando finemque sponte sua facturum illum de-  
speremus, facit inueterata iam perpetuaq; eius cum  
serenissimis prædecessoribus nostris simili genere  
agendi ratio, quam quidem ex ea iniuria æstimare  
licebit, qua diuum Sigismundum Augustum serene-  
rissimum prædecessorem nostrum affecit, cū mis-  
sos ad se ex ordine senatorio splendidos oratores Pa-  
latinum Inouladislauiesem, & Castellatum Samo-  
gitiensem cōtumeliosè tractauit, & modis indignis-  
simis contra gentium iura violauit, hominem nobi-  
lẽ ex serenissimi prædecessoris nostri aulicis spolia-  
uit, & cū res quasdam preciosiores inspiciēdi caus-  
sa accepisset, superbe retinuit: mercatoribus qui vnā  
venissent, magnam mercium vim eripuit, equos in  
oratorum illorum conspectu productos ferro dis-  
secari cutauit: à qua indignitate vindicanda, cum di-  
uum illum antecessorem nostrum mors (quę breui  
subsecuta est) exclusisset, nos per oratores nostros  
postulauimus, vt iniurias eas id temporis illatas, far-



cire studeret, cui quidem postulationi nostræ nullum animus eius, iniurię pertinacissimus, reliquit omnino locum. Quid illa, quæ serenissimo antecessori nostro Henrico regi per litteras de pace vtrinq; retinenda promiserat? & contempta promissi fide, non ita multò post capta Pernauia, alijsque Liouoniæ arcibus in potestatem suam redactis violauit? Quæ quidem fidei vanitate, maiores etiam eius erga serenissimos prædecessores nostros propè omnes vsos esse perspicimus. Neque enim obscura est plurimum qui ista verè memoriæ prodidere consensio, & maiorum istius Ducis Moschouiæ literis, quę in tabulario magni Ducatus nostri Lituaniæ seruantur, comprobari potest, quàm sæpe magni Moschorum duces serenissimis Poloniæ regibus, pace suscepta, ac iurisiurandi religione sancita, ad tranquillitatis fiduciam adductis, & contra barbaros nominiq; Christiano infestos populos bella regentibus fidem impiè fregerint, pacta omnia violauerint, & redintegrato bello, vel à necessaria prædecessores nostros cōtra Ethnicos defensione, vel pulcerrimis pro Repub. Christiana cœptis reuocarint, & obistere suis iniurijs coegerint. Quorum maiorum in dictis factisq; inconstantiam, fraudem & insidias, hic Ioannes Basilij filius, hostis noster, non modò omnem in se admisit, verum etiam auxit, idq; tum maximè egit, cū litteris missis ad diuū Sigismundum Augustum serenissimum antecessorem nostrum, de securitate oratoribus præstanda, qui ad se de pace concilianda mitterentur scriptis, subitò Polotiam inuasit occupauitq; , consimili fraude erga nos vsus, cū postea quàm nobis fiduciam pacis attulisset, repente Liouoniam

niam armis oppugnauit, & tamen nos, regnum nostrum Poloniae, magnum Lituaniae Ducatum à defensione eius prouinciae excludere instituit. Quandoquidē igitur spes nulla nos tenere amplius potest, ad mentem fidemq; meliorem magnum Moschorum Ducem se vnquam recepturum esse, quinimo iniurias veteres recentioresq; nonis quotidie magis magisque accumulet, certae pacis fiduciam nullam afferat, omnia ad nos circumueniendū derogandumque cū nomini, tum ditionibus nostris suscipiat, nos adhibitis atq; adeo consumptis omnibus studiis nostris, quibus fida atq; æqua inter nos pax conciliari, & rei sanguiniq; Christiano consuli posset, expleto iam omni officio regis Christiani, hanc rē & Deo prapotentī, oculis hac suis iustissimis aspicienti, & legitime vindicationi permittendā iudicamus. Quo nomine remissis illis insidiosis induciarum, literis, bellum iustum legitimūque, Ioanni Basilij filio, magno Moschorum Duci denunciamus: quo bello multiplicem nobis, cū ab ipso magno Moschorum Duce verbis literisque, tum ab eius legatis factam contumeliam, allatasque subditis nostris acerbissimas multis iam annis iniurias, & detrimenta omnia, quæ regnum nostrum magnusque Lituaniae Ducatus accepit, armis propulsare & vindicare in animo habemus. Vt verò perspicuum sit omnibus, nos ad eorum, qui magno Moschorum Duci parent, hominum Christianorum calamitatem aut sanguinis profusionem minimè ferri, declaramus nos ita armis nostris moderaturos esse, vt ne ijs (quanta maxima cura ac studio caueri poterit) quisquam violetur, qui non aut in praesidijs, aut acie suo periculo



propugnandas hostis nostri partes susceperit. Nam ut ab vno magno Duce causas omnes, quibus in arma hæc impellimur, profectas esse intelligimus, ab vno nos honorem dignitatemq; nostrā oppugnari, ac prouincias nostras illius vnus libidine appeti ac sitiri perspicimus: ita in vno illo vindicare omnia, vnus refrenata audacia grassandi que atrocitate, in posterum tranquillitati publicæ paci que Christianæ (si fieri vlla ratione posset) consulere desideramus. Quæ cum ita sint, spe vel potius fiducia magna sumus, & DEVM OPTIMUM MAXIMUM quod bellum grauissimis iustissimis que atque adeo pernecessarijs de causis iniuimus, nobis, exercitibus nostris, ac Reipub. vniuersæ, quam obtinemus, bene & feliciter fortunaturum esse, & principes Christianos, adeo que omnes homines, qui ista accipient, facile arbitratos nos ad bellum hoc permagnum nō temere neq; vlla profundendi sanguinem Christianum (cui prodesse, consulere, cauere semper studuimus) cupiditate ferri, sed ad ea hostilib. tot temporum per summam atrocitatem crudelitatem que exercitis iniurijs impelli, nostra dignitate, & regni nostri magni que Lituaniæ Ducatus cæterarum que prouinciarum nostrarum statu, & subditorum nostrorum salute, fortunis, vita, sanguine, quem hostis ille truculentissimus iam nimium diu immaniter hausit, necessariò commoueri, consilio iudicio que omnium regni nostri magni que Lituaniæ Ducatus ordinum duci, digni que nos fidam stabilem que tranquillitatem, & publicam inter populos Christiani nominis pacē concordiam que spectare. Quæ quidem belli nostri causæ, quæq; animi consilij que nostri ratio,

tio, etsi de militum nostrorū studijs, alacritate, fortitudine, fide, nobis dubitationē nullam relinquit: hortamur tamen vt animum ad res nostro ductu in hostem hunc nostrum gerendas magnum fortemque adferant, existimentque & gloriæ & felicitatis summam in eo potissimum versari, si pro tam iusta honestaque causâ dimicetur: subditi nostri diurnas grauesque iniurias hostiles, vel à se vel ciuibus suis adhuc perpeffas, hoc tempore pro more, virtute, rebusque gestis maiorum suorum & vindicandas & in omne tempus sibi depellendas statuunt: extranei pro vicinorum salute, suam in discrimen vocare, fortissimeq; armis cõtendere pulcerrimum, necessitudini que vicino ad vicinum est conuenientissimum, & delere proximi parietis incendium, sue suorumque securitati vtile existiment: omnes sibi tam iusto in bello summa fortium factorum studia esse adhibenda iudicent: quorum hoc maior laus atque gloria quemque consequetur, quò in grauiore hoc maioreque bello cõtrea crudelem vniuersi propè generis humani hostem nobiscum versabitur. Nos profectò cuiusque militum nostrorum virtutem, fidem, operam, conatum in omni genere præclarè factorum, ea beneuolentia, gratia, munificentia prosequemur, vt neminem gesta abs se fortiter rei pœniteat, omnes intelligant, nos cuiusque industria, fidei, fortitudini sua præmia ornamentaq; libenter tribuisse. Sui ri, die duodecima Iulij, ANNO DOMINI, M. D. LXXIX. REGNI VERÒ nostrian-  
NO QVARTO.

RERVM



## R E R V M P O S T C A P T A M P O L O -

*tiam contra Moschum gestarum  
narratio.*

Capta Polotia, & iam antè in vicino arcibus tribus, Cosiana, Crasna & Sithna deletis, tres omnino arces, Turoulia, Socolum & Sussa in Polocensi ditione hostiles supererant, quas hosti relinquere, neque ex belli suscepti consilio, neque dignitate sua, neque rei abs se gestæ fortuna rex esse iudicauit. Turoulia quatuor supra Polotiam arcem miliaribus, ad Dhunā flumen, quo loco illud Turoulia amnis illabitur, sita est, sic ut duorum amnium confluxu maxima parte cōprehendatur, quāq; in continentem patet, inter vtriusque præterlabentis fluij ripas, lacum transversum, tanquam obicem, obiectum habeat. Quod inter Polocensem arcem, atque inter Vlam, Vitepscium, aliasq; arces & ciuitates, altius in Dhunæ ripis sitas, quæ semper in potestate regum Poloniae retentæ sunt, media Turoulia interesset, facile à regijs castris ad Polotiam positis, commeatum exclusit, qui commodè ex locis superioribus poterat importari: quæ res non mediocriter in exercitu annonæ caritatem atq; adeò inopiam auxerat. Qua de causâ, circūfessâ primùm Polocia, Franciscus Zucus à Nicolao Radiuilo Palatino Vilnensi, tentadæ certis cum copijs per celeritatem rei causâ ad arcem Turoulam missus est. Verùm quod & præsidio firmo, & defensionì diligenter intente locus teneretur, & pauca minoraq; belli tormenta Zucus secū traxerat, effici ex sententia nihil potuit. Socolam ab arce Polocensi quinque miliaribus ea via distātem, quæ Septentrionem versus rectissima

Plesco-

Plescouiam ducit, duorum itidem concurrentium fluminum, Dryssę & Nisicę, cōplexus continet: ea in arce præter verus præsidium, quod tuendi Polotiam aditus causâ firmū semper inerat, Theodorus Basilij F. Seremetus, & Borissus Basilij F. Seinus, Andreas Pelecius, Michael Georgij F. Lycus, Basilius Criuoborsus Palatini, clari cū propinquitate Moschouię Ducis, alij tum rebus antea gestis omnes copiarum præfecti, cū magno Moschouitice nobilitatis ac sclopetariorū numero cōfederant, posteaquā se ab aditu Polocensis arcis, primū à Palatino Vilnensi obsessis itineribus, mox ipsa obsidione regia exclusos esse intelligerēt. Accesserat huc etiam Georgius Bullahacus cum duobus millib. sclopetariorum, partim Duenensium, partim Voliensium, qui ad Dhunę & Volhię fontium paludes ob perpetuas cum Tartaris dimicationes, cæteris belli vsu ac iaculandi peritia faciliè præstāt. Quod hi omnes magno discrimine nostrorum ex propinquo castris imminerēt, dū oppugnatur Polotia, Lituanicę quedā copię primū Ioāne Voliminscio, deinde Christophoro Radiuilo, qui in Lituania regi à poculis est, diuicandi studio Socolam excurrunt: sed q̃ hostis arce & munitionibus prope arcem extructis, aut propinquo tormentis suis spacio in tuto se teneret, velitationibus tantūm, nonnullis vtrinq; desideratis, res gesta est. Vtramq; arcem rex occupata Polotia iustis copijs oppugnandā ratus, Nicolaum Mielecium Podolię Palatinum, summum copiarum Polonicarum præfectum, cum equitatu Polonico stipendia merente, cumq; pediatu Polonorum, ac Germanorum cohortibus Socolam mouere; Vngarorū copias Turouilā accede-



re iubet: ipse vt medio loco omnem in partem casumq; intētus esse posset, motis trans Polotiā castris, ijsque secundum flumen Dhunam metatis (quod pristinum castrorum locum, obsidioni quidem opportunum, cū ad cingendum maxima ex parte arcem, tum ad prompta munitionibus omnibus, ex quibus miles oppugnabat, auxilia afferendum, assidui imbres iam antè iniquissimum, & valde quàm cœnosum effecerant) ad Polotiam permanet, curatq; quod ad arcem Polocensem, qua munitiones aut flamma conflagrant, aut tormentis verberatæ vitium fecerant, instaurandum pertineret: simul etiam arci Palatinum præfecit Nicolaum Derohostaiscium, in quem iam antè, regno primū inito, non inani omine ius nomenq; eius magistratus contulerat: hunc ipse in possessionem mittit, præsidium iustum imponit, & quibus circum locis miles finibus tuendis rectè collocetur constituit: templi etiam, quod monumentum diuinæ ad victoriam opis esset, ædificationem decernit. Interea dum quæ opus erant ad Socolæ & Turoulia oppugnationem expediuntur, & miles vasa colligit, visum est Palatino Vilnēsi, de Turoulia leuioribus copijs experiri, & quid hostibus in recenti consternatione fiduciæ esset tentare. Mittitur cū aliquo numero equitū expeditorum armaturæ leuioris quos Cosacos nominant, Constantinus Lucomscius Vlensis præfectus, quem Turoulienses præsidarij conspicati, cū paucior maiorem quàm pro numero militum speciem copiarum obiecisset, exercitum vniuersum adesse rati, per auersam portam se properè omnes eijciunt, ac fuga euadūt, Palatinis suis desertis: qui cū

arcem

arcem sibi non deferendā putarent, ac soli in ea permanerent, ad quartam Septembris diem cum arce & belli apparatu ac commeatu omni regiam in potestatem peruenerunt. Arci ita occupata miles ille, qui ceperat, præsidio relinquitur. Is dū inter ligneas munitiones ac domos tæda ædificatas indiligenter ignem habet, tormentisque maioribus gratulationis & laticia causa iaculatur, temere incendio causam præbuit: quod sublatū paucis post diebus, quā capta esset, arcem deleuit, ut non minore celeritate, quā occupauerat, Turouliam miles amiserit. Quod quidem hoc iniquiore animo à rege acceptum est, quò præsidio hostili Sussam etiam tum obtinenti, Turoulia nostræ potestatis facta, omnem subsidij aditum & commeatus accipiendi spem, certius eripere potuisset. Interea rerum Palatinus Podoliae Socolam (à qua Dunenses cohortes fama aduentantis exercitus permoti contra imperium præfectorum, ut est genus illud militū leue, & insolens disciplinae, iam antè in Moschouiam redierant) cum copijs progreditur, & Drissam flumen imbribus proximis admodum redundans ponte subitario opere effecto, transmittit, hoste quod facere in procliui erat, nihil repugnante, qui in aduersa ripa ociosè tantum inequitans, inani metus faciendi studio, clarè ut exaudiri à nostris facillè possent, subinde inter se sciscitabantur, adessent apud se Astracanorum, adessent Casanorum copiae, quas alter adesse magna itidem voce respondebat. Flumine superato Palatinus nulla cum mora propius hostem mouet. Qua accesserat inter vtrumq; flumen non ita magno ab arce intervallo sylua est, in qua maximam equitatus partem

Q



rendere iubet, peditatui imperat, vt munitiones, in quibus versarentur, & tormenta dirigerent, fossa atq; aggere subitò efficiant: quas Poloni secundum Nissam, Germani iuxta Drissam ita ad arcem perducunt, vt cùm iusto iam ab ea spacio abessent, trāsuer-  
sæ ab Nissia Dryssam, itidemque ab Dryssia Nissam versus promouerentur, atq; opera vtriusque nationis committerentur: vltra Nissiam amnem minorem, qua promptum hosti effugium patebat, Ioānes Zabarasius Palatinus Braslauiensis cōsistere & curare iubetur. Munitionibus perfectis, ac tormentis, vt visum erat, collocatis, cùm iam tum in vesperū dies vergeret, qui tormēta administrant, periclitari rem globis candentibus instituunt, tribus tantum in hostiles ditiones perlatis, cùm alij alijs locis periculum incendij afferrent, & ijs restinguendis hostis detineretur, tertius eo loco, quo nascens primū fumus, mox flamma ab hoste nō facili potuit deprehendi, vires cepit. Ab hoc incēdium ortum, cùm magnam hostilium munitionum partem subitò complexum esset, hosti summam defensionis desperationem attulit. Quocirca vt perditis trepidisque rebus, & flamma se iam longius latiusque fundente, pars magna hostium globo temere facto, porta, quæ meridie versus ad Nissam vnà patebat, cōfertim erumpunt: quibus ex proximis munitionibus Poloni impigrè occurrunt, & obsistunt. Perducitur eodem properè signo sublato Germanorū sclopetariorum cohors: sic hostis in arcem flammamque reijcitur; quem dum nostri magna vi premunt, se, atq; signa porte arcisq; inferunt. Dabat mox hostis intra arcem desperatis rebus magnas cū armis tum verbis de-  
dendi

dendi significationes, quas cū miles Germanicus  
 Russicę linguę nesciens, præterea Polocensis præsidij  
 crudelitate, qua immanissima in captiuos omnes ac  
 potissimū Germanos fuerant, irritati, minimè acci-  
 peret, cædemq; acerrimè misceret, ille desperata sa-  
 lute totis viribus cōtrā dimicat, quæq; supra portam  
 custodiē erant, cataractā è turri portę imminentem  
 in irrupentes deiiciunt, sic nostros receptu alios,  
 alios aditu subsidioq; excludunt. Atrox inde vtrinq;  
 pugna fuit, æquata vtrorūq; desperatione ob incen-  
 dij vim, q̃ vndiq; se circūfuderat ac pluribus locis di-  
 micātes inter se pari interitu victi ac vincētis extin-  
 guebat. Ad dexterā arcis partē per munitiones ostiū  
 fuit, ad quod qui nostrorū errādo perlati sunt, inte-  
 gri euasere. Interea foris milites, quanta vi maxima  
 possunt cataractā moliuntur, atq; opere magno per-  
 stringūt: patefacta via, qui nostrorū supererāt, saucij  
 propè omnes atq; ambusti, pariter cū hoste erum-  
 punt, inferūt se integri alij prædæ ex ipsa flamma ra-  
 piendæ causa. Pars magna hostium aut in munitio-  
 nes aut stationes Germanorum incidit, qui omnes  
 per irā militarem & linguæ ignorantiam interfecti  
 sunt, in his Borissus Seinus, Andreas Palecius, Michaël  
 Lycus, Basilius Criuoborscius Palatini cæcidēre.  
 Quib. in Polonorū potestātē peruenire cōtigit, ple-  
 riq; omnes, cūm qui aliquo aut munere aut nume-  
 ro fuissent, pro se quisq; nomē ederet suum, facilè a-  
 pud linguæ intelligentes seruati sunt, ac captiui ha-  
 bentur: quorū in numero Seremetus est, vt rerū ge-  
 starum fama, ita & corporis specie vultuq; & animi  
 sermonisq; cultu cæteris præstantior, & Mesoias  
 Dunensium aliquot cohortium præfectus, qui post



militum etiam suorum discessum, cum cæteris præ-  
 sidiarijs in arce permanerat. Arx ipsa cùm iam in-  
 cendio occurri non posset, conflagrauit. Hostium  
 ad quatuor millia cæsa, quos ex lectissimo, & quidẽ  
 prætoriano milite magni Ducis fuisse, & si ex capti-  
 uis cognitum est, tamen etiam ex ipsa corporũ stra-  
 torum forma & proceritate, animisq; perditis in re-  
 bus adhibitis, tum prædæ ratione potuit intelligi. In  
 qua quidem præda maior & pecuniæ, & vestis præ-  
 ciosæ, & aliorum ornamentorũ numerus fuit, quàm  
 vt gregarij militis fuisse videri posset. Captiuorũ ea  
 multitudo est, vt & penes præfectos copiarum per-  
 multi sint, & Polonorum militum propè sint nulli,  
 qui in potestate non singulos, alij plures habeant.  
 Sussæ oppugnatione, quàm suscipere difficilem &  
 spaciosi lacus, & palustria circum loca, & autumnii  
 ipsius tempestas redditura erant, temereque mili-  
 tem iam antè maximis incommodis affectum nouis  
 periculis obijcere, regi visum non est: cùm potissi-  
 mùm arcem eam, penitus Lituaniam versus sitam,  
 & ab omni suorum subsidio, & commeatus conse-  
 quendi potestate exclusam, (vt vis nulla adhiberetur)  
 sponte dedituram sese non dubitanter existimaret.  
 Itaq; præsidia tantũ militum stipendiariorũ cir-  
 cũquaq; in statuiis disponit, quæ Moschos ab aditu  
 ad Sussanos arcerent. Neq; fefellit ea regem existi-  
 matio: nam & ipse Moschouix Dux, diffidens Sus-  
 sam amissa Polotia retineri posse, sexta primũ, tum  
 iterum decima septima Septembris die, mandata ad  
 Petrum Theodori F. Coliceum, Palatinum Sussen-  
 sem ac præsidiarios omnes dederat, vt templi imagi-  
 nibus & libris, omniq; apparatu sacro in terra de-  
 fossis,

fossis, aut quacunq; alia cura adhibita, ne in hostium potestatem peruenirent, arcem incenderent: bellicamenta, ac puluerem tormentorum omnem igne delerent: tum operam, qua euadere possent, diligenter darent, ac salutis suę cōsulerent. Hęc mandata cum (quò certius perferrentur) per plures nuncios Sussiam misisset, nonnulli eorum in arcem perueniunt: vnus à regio milite interceptus, ad Palatinum Podolię cum literis perducitur. Sub idipsum tempus, Palatinus Polocensis dat Susa literas, quibus significat, se Polotię cū parte exercitus, à rege ijs cum mandatis relictum, vt quicquid ea in prouincia hostile superesset, modis omnibus tollere contenderet: Regē summa placabilitate & clementia principem, quam suę voluntatis significationem dedisset, cum primum magno Moschouię Duci bellum indiceret, ea in voluntate etiamnum permanere: eorum, qui magno Duci parerent, hominum Christianorum cædem & sanguinis profusionem haudquaquam expetere. quinimo illi parcitum ac consultum velle: acceptas iniurias in autore ipso magno ipsorum Duce vindicandas statuere, nisi verò essent, qui istas iniurias suo discrimine, ppugnare vellet. quod vt illi ne suscipiāt, illorum maximè referre, hortari se, arce sponte sua potius abscederent, impetrabili venia & salute, quàm vim atque oppugnationem experirentur. Palatinus Podolię Moschi literas ad Palatinum Sussensem, ac præsidiarios, qui dedi arcem postularent: illi salutem, & rerum quæ cuiusque essent auferendarum potestatem, atque in Moschouiam tutò se referendi concessionem pacti, arcem cum omni bellico apparatu commeatuq;



Palatino Polocensi militibusq; à Palatino Podoliæ missis, sexta die Octobris dedunt. Iam antè Philo Kmita capitaneus Orsanensis, cui aliquot turmae equitum, & peditum stipendiariorū cohortes, erant in eam rem assignatae, coacta non mediocri finitimis in locis ex nobilitate alijsque incolis militum manu, in Moschi ditiones excurrit, magnamque omnia populando vastitatem affert: ad duo millia pagorum incendit, & Smolensciæ suburbij ambustis, magnum ex eo agro hominum, magnū pecudum numerum agit: suosq; nullo detrimento accepto, intra fines reducit. Idem non multò post Constantinus Ostrogia dux, cum Michaelē Visniouecio Castellano Braslauiense, & filio Ianusio Borysthenem transgressus, facit, expeditissimas quasque Tartarorum aliorumq; turmas præmittit, has longè lateque populari, & terrorem vastitatemque in hostico circumferre iubet: ipse cum reliquis copijs Czeniho- uiam progreditur, castrisq; ad arcem metatis, oppugnationem suscipit, ipsaq; ciuitate incendio deleta, vim omnem arci expugnandæ adhibet, sed quod ea præsidio firmo, cui nihil ad omnē propugnandi apparatus deesset, teneretur: acerrimeq; locum Moschi defenderēt, in castris paucae peditum cohortes essent, afflictæ maximis tempestatum iniurijs, missa obsidione, vicina circum loca omnia diripit, totaq; Siueriensis ditione vastata, ac populationibus ad Starodubam, Radohostiam, ac Podczpouiam vsq;, per leuiores equitum turmas factis, præda ingenti acta, discessit. Simili successu Mecislauiensis præfectus laroslauam oppidū, pagosq; quàm plurimos euertit. Rex posteaquam dierum quinquaginta spacio, sex  
arcibus

arcibus captis, ad quas Sullā non ita multo pōst septima accessit, prouinciam omnem Polocēsem mira agrorum fertilitate, magna fluminum opportunitate præditam, octauo decimo pōst anno, quā esset ab hoste occupata, bello Reipub. recuperasset, Polotiam præsidij, fines copijs firmasset, decima septima Septēbris die, illo de loco discedit. Vehementi quidem studio ferebatur, vt cceptū felicitatis cursum vrgeret, & cū magna hostes locis omnibus consternatio ingensq; pauor teneret, longius arma sua in hostiles ditiones proferrer. Sed cū & præteriti temporis iniurię, (quibus miles admodum afflictus, equorum ingens numerus enectus fuerat) & grauiores autumnī tēpestates, indies ingrauescentes, isti voluntati & studio planè repugnarent, omni cura in comitia omnium Reip. ordinum habēda incumbit, cumq; iam antè ex castris de ea deliberatione literas ad regni senatores dedisset, rediens in Lituaniam, ea ad diem vigesimā secundā Nouembris Varfauix habita iri edicit, in quibus consilia de bello diutius administrando suscipiantur. Dum Vilna rex ad comitia proficiscitur, è Moschouia per nūcium Moschicum literæ afferuntur, à duobus legatis Nonogrodix duce Ioanne Theodori, F. Mscislauienfi, & Mikita Georgij F. Romanouicio Sacharino, ad Nicolaum Radiuillum Palatinum Vilnēsem, & Eustathium Volouiciū Castellānum Trocensem, Pleseouix die trigesima octaua Septēbris scriptæ, hoc omnino argumēto. Cū offensæ duorum summorum principum eò progressæ sint, vt arma vterq; sumperit, quib. Polonia rex Polotiam expugnarit, magnus Moschouia Dux vindicare vicissim.



id factum in animo habuerit: se cum reliqua nobilitate Moschouitica ad principis sui pedes se abiecisse, obsecrasseq; vt sanguini Christiano consultum atq; parcitum veller. Istis precibus principem suum reliquisse locum, & belli expeditionem repressisse, nūc mutuo studio ipsis atque alijs regis Poloniae consiliariis, apud regem suum elaborandum esse, vt ad similem voluntatem & sistendi cursus sui bellici, & pacis cum magno Moschouiae Duce locis omnibus, tam regni Poloniae, quàm magni Ducatus Lituaniae, atque etiam Liuaniae causa suscipiendae adducant; in primis verò ab eo impetrent, vt in regiam suam se referat, ac copijs suis omnibus tam in Lituaniae quàm Liuaniae finibus imperet, se ab omni in Moschos maleficio atque iniurijs abstineant. Hæc eadem magnum suum Ducem diligenter facturum, redditurum ad sedes suas, suosq; à vi atq; iniuria, cohibiturum. Interea temporis dandam vtrinque operam, vt principes missis inter se oratoribus rem vtilem & pernecessariam pacem ac concordiam suscipiant. In extremo literarum excusant, cur Basilius Lopatinscius, quem rex ad magnum Moschouiae Ducem ante expeditionem suam cum literis miserat, quibus se bellum illi facturum iustū legitimūque denunciabat, adhuc in Moschouia detineatur: promittuntq;, simul vt principum se vterque ad sedes suas retulerit, se operam daturus, vt cum mandatis sui principis de pace consilianda ad regem ocyus remittatur. Sub idem tempus Philo Kmitha, Orfacensis præfectus ad regem literas mittit, quas à Palatino Smolensciano acceperat. Ijs Philonem Palatinus certiore facit, se à magno suo Duce man-

data

data accepisse, ne quam regijs finibus atque ditionibus vim aut iniuriam adferat. Monere igitur, vt mutua etiam Philo præstet: neque permittat, vt sui fines transgressi, hostile aliquid in magni Ducis Moschouia ditionibus committant. Allatis lectisque vtrisque literis rex omnem eius deliberationem ad comitia referendam esse iudicauit.

# EDICTVM DE SVPPPLICATIONIBVS, A SERENISSIMO POLONIAE REGE STEPHANO,

*Wielicoluco ex Moschonia missum, die 5.  
mensis Septembris, anno Domini,  
M. D. LXXX.*

STEPHANVS Dei gratia rex Poloniae, magnus Dux Lituaniae, Russiae, Prussiae, Massoniae, Samogitiae, Liuaniaeque, &c. princeps Transyluaniae, &c. reuerendissimis, reuerendis, magnificis, generosis, nobilibus, famatis, archiepiscopis, episcopis, Palatinis, Castellanis, regni nostri senatoribus, præterea cuiusuis ordinis subditis nostris, syncerè fidelibus nobis dilectis, gratiam nostram regiam, reuerendissimi, reuerendi, magnifici, generosi, nobiles, famati, syncerè fideles nobis dilecti. Vtrumque facimus quàm libenter, vt & ea quæ decernuntur, communibus Reipub. comitijs geramus, & de rebus à nobis gestis, synce: & fidelita: vestras faciamus certiores. Cùm superioribus proximis Reipub. comitijs placuisset, bellum cōtra magnum Moschouia Ducem susceptum continuari, nihil prætermisimus, quod



posset ad illud rectè atq; ordine administrandum, & in primis ad exercitus cùm veteres retinendum, tum novos conscribendum pertinere: quib. omnibus, postquã vt ad Czaſniciam (quo loco nos & Russia contra iniurias Moschi præsidio esse posse: & ad primarias alias atque alias arces hostiles per opportunos aditus habituros intelligebamus) certo die conuenirent, edixissemus, nos Vilna profecti, eodem ad octauam Iulij mensis diem peruenimus: ac in primis frequentiore, & senatorum nostrorum & hominum militarium conuentu, de belli administratione, & quò potissimum arma in hostem inferremus, ad concilium nostrum retulimus: in quo & si variae initio dictę sententię fuissent, eò tamẽ descensum postea est, vt Vielicolucum nobis cum exercitu ante omnia mouendum, eamq; arcem omni conatu oppugnandum concluderimus: secuti quàm maxime, cùm ipsam seriem & quasi tenorem gerendarum rerũ, qui nos ex locis, anno superiore proximo expugnatis & receptis Vielicolucum vocare & ducere visus est: tum Russiae defensione, quàm vniuersam eo loci cum exercitu progressi, nos ab hostili vi tueri posse intelligebamus: præterea Lucensis arcis situ, fama, ditionis amplitudine, vbertate, qua exercitus nostri sine ditionum nostrarũ detrimento ali ac sustineri possent, opportunitate deniq; ad signa nostra penitus in hostilia loca inferendum, eoque hostem ad aliquam prælij dimicationẽ eliciendum: cæteraque deinceps ex Vielicoluco facilius promptiusq; administrandum adducti. Habito igitur exercitus nostri delectu, ex agro Czaſniciensi Vitepscũ profecti sumus: quo in itinere, cùm arces duas  
hostiles,

hostiles, Vielisium vnam, in Dhunæ ripa, Vitepscio ex superiore fluminis loco oppositam, atq; alteram Vſſwiatum, quæ ad amnem cognominem in Dhunam fluuium illabentem, & propius Lucum versus ferentem, sita est: exclusuras nos tormentorum & cōmeatus ad exercitus nostros supportandi commoditate accepissemus, & cætero quum studium nobis esset Dhunam flumen magis magisq; ab hoste in potestatem nostram vindicadi, quò res maiore celeritate conficeretur, magnificum Ioannem de Zamoscie regni nostri cancellarium, & cum ijs copijs, quas hoc in bellum nobis adduxit, & alijs additis Vielisium oppugnandi caussa præmisimus, qua ex arce, cū vnus diei oppugnatione præsidium hostile feliciter deiecisset, nos ea potiti, præmissis primo agmine copijs Lituanicis Vſſwiatum cum exercitu accessimus: locumq; munitioibus oppugnandi caussa iam actis, metu potius ad modo tantū quàm ipsa adhibita deditioe cepimus. Inde contractis in itinere copijs omnibus, quas duarū istarum arcium oppugnatio diuiserat, mouimus, ac superata locorum inde ab Czaſnicia incredibili vastitudine, itinere summo cum labore militum ac ingenti difficultate, quā Vſſwiatum, qua Vielisium exercitus iuēre, per assiduas densissimasq; syluas factō, Vielicolum progressi, ad arcem xxvi. mensis Augusti die castra metati sumus, quæ in castra cū id temporis oratores ab magno Moschouæ Duce ad nos venissent, eos nulla interposita mora audiuius. Verū cū à nobis contra omnes nostras rerum gerendarum rationes, contraq; dignitatem nostram postulerent, vt nos in Lituaniam cū exercitu referremus,



negarētq; nisi id ante omnia fecissemus, se per principis sui mandata quicquam de ipsa legationis causa dicere posse: nos, repudiata & postulationis indignitate, & insidiosa tergiuersatione non cessandum rati, eundem Ioannem de Zamoscie cancellarium, cum copijs suis attractis, cæterisq; quas ad Vielisium habuerat, & maxima parte omnis peditatus trans flumen propius arcem castra alia facere, ibique curare iussimus, illaque ex parte nulla mora munitionibus, quibus visum est locis actis, & quo oportebat perductis, ipsis Kalend. Septemb. oppugnationem maiore apparatu ac conatu suscepimus: nihilque aut lenitatis, aut terroris prætermisimus, aut oppugnationis non adhibuimus, quo integra arce potiremur. Verum cum & præsidiorum summa loci retinendi pertinacia esset, & vltima sibi expectanda coniurassent: & arx non modo loci natura, in edito planissimis circū locis, partim intra fluminis Louati, partim intra lacuum cōplexus sita, nec tantūmodo consuetis ante hac Moschis parietum dēssimorum cōtignationibus firma, sed aggere etiam densissimo ac latissimo excespite extrinsecus obducto, tū qua flumen aut lacus non ambiunt: fossa maiore munitissima esset, ac omnino Polotiam omni genere firmitatis superaret. ad hæc præsidium validum & Polotiæ aliarumque arcium propugnatione è quibus à nobis anno superiore imperrata salute discesserant, exercitatus inesset, vt omnino sine maiore militum nostrorū interitu, ac diuturniore obsidione, si in instituto permaneremus, necessario res nobis incendio experienda fuit, quod cum magna militum nostrorum virtute & discrimine, primum ex Vngarorum

garorum peditum munitionibus allatum, & hoste incredibilem in modum restingente, sapius tri-  
duum repetitum atque diutius altum esset; ac dein-  
de ex altera etiam parte per militem Polonicum, &  
attractas illas cohortes aggere ad propugnaculum  
maius, ad ligneas usque; substructiones suffosso, in no-  
cte ante quintam Septembris diem maius con-  
flaretur, præsidium verò, quoad digni iam temperari  
nullo modo posset, ab obstinatione hostili non disce-  
deret, factum est, ut & arcem flamma, & ferrum quid-  
quid propè hominum in arce fuit, per militarem  
iracundiam hostili illa pertinacia, & acceptis in op-  
pugnatione incommodis, & eorum qui Polotia ac  
ceteris ex arcibus iam antè occupatis impune dimis-  
si fuerant: hunc in locum ad hostilia reditu irrita-  
tam, quinta istius mensis die prima luce deleuerit.  
Dum hac in oppugnatione versati sumus, oratores  
magni Moschouiae Ducis iterum apud nos dicendi  
potestatem sibi fieri petiuerunt: qua impetrata cum  
ea exponerent, quæ honestæ nobis & Reipub. paci  
& sarcendis incommodis, quæ ab eo hoste accepta  
sunt, minimè satisfacerent, leuioraque omnia quàm  
nostra dignitas & iura Reipub. paterentur propo-  
nerent: ostendimus nos ad istiusmodi descendere  
non posse: cumque illi alia mandata se hoc tempo-  
re non habere dixissent, & à nobis peterent, dare ad  
magnum suum Moschouiae Ducem literas liceret,  
quibus cum de nostra voluntate atque conditioni-  
bus redderent certiore, ne quid prætermisisse vi-  
deremur, quod facere ad spem iustæ honestæque  
pacificationis posset, & nostras dedimus ad Mo-  
schum literas, & oratores dare suas permisimus: ad



quas cum responderit, qua voluntate sit, certius fortasse cognoscemus.

Nos hæc Sinc. & fide. vestras scire volumus: cumque ea quæ adhuc bene feliciterque gesta sunt, vni Deo grata, cum animi pietate acceptum referamus, parq; sit, vt illi volenti, & propitio, & nos & omnes in Repub. nostra, ad cuius hæc vtilitatem, amplitudinem, laudem in primis redundant, gratias agamus: hortamur sinc. & fid. vestras, ad ea omnia gratiarum mentium studia, quæ supplicationibus alijsq; rebus, quoties bene gesta est res publica, suscipi consueuerunt. Quemadmodum hic res porro administranda, & hic locus nobis tuendus sit, de eo hoc tempore consilia cepimus: quæ deinceps è Repub. geri à nobis hoc bello posse, videbuntur, in ijs studium, consilium, curam, operam omnem nostram libenter consumemus. Bene valeant sinceritates & fidelitates vestræ.

Datum ex castris nostris ad arcem nostram Vielicolucum die 6. Septembris, anno Domini, M. D. LXXX. regni verò nostri anno quinto.

*Stephanus rex sst.*

ORATIO

## Oratio

CHRISTOPHORI WAR-  
SEVICII, AD SERENISSIMVM  
STEPHANVM, REGEM  
POLONIÆ:

*QVA, EXPOSITO TOTO BELL*

*negotio, cum Ioanne, magno Moschorum*

*Duce, XV. Ianuarij ad Zapolsciam*

*confectam pacem gra-  
tulatur.*

**P**Acis nuncium, Stephanè rex, habes, quam Chri-  
sto opt. M. de Virgine nato cælitus Angeli vene-  
rant olim nunciatum. Perfectum est tandem sum-  
mi Dei benignitate erga nos, & tua quadam veluti  
vigilia regali, eximiaque virtute vt contra magnum  
Moschouix Ducem, iustè & legitimè bello abste-  
suscepto, & prosperè fortiterque gesto, in tot annis  
& bellatoribus, quibus cum bella gessit, penè omni-  
um solus, ad pacis conditiones quas volebas acce-  
ptandas adegisse eum videre. Quo equidem no-  
mine & tibi & Reipubl. in primis gratulor, & præ-  
stanti virtuti felicitatiue tuæ, omnia præmia &  
insignia honoris, & ornamenta laudis ac gloriæ,  
iure optimo deberi, agnosco & profiteor. Quid  
enim aut beneficio carius, aut fama & opinione  
maius accidere potuit, quàm quod vt diuturnam  
quietem, prænunciam tempestatis, maximum &  
grauissimum bellum, sic demum instar solis, post



densissimas tenebras, optatissima pax, terrorem  
 belli est subsecuta? Et verò iucundū est semper no-  
 men pacis, & res ipsa salutaris, qua & desiderio expe-  
 ctantium, & voluptate exultantium, & eorum, qui  
 sunt eius seruatores gloria, vix admirabilius aliquid  
 dixeris. Sed nimirum fert hoc humanarum & diui-  
 narum ius legum, consuetudo gentium, ratio ipsa  
 muneris & dignitatis regum, vt suā subiectos pote-  
 stati, omni iniuria & calamitate, prohibeant & de-  
 fendant. Res porrò bello gestas, plus quàm pacem  
 admiremur. verū si casu non consilio, temeritate,  
 non necessitate, bella suscipiantur & gerantur, vel  
 maxima quæq; vis expers rationis & consilij, mole  
 sua ruit, nec sine vicissitudine aliquid potest esse diu-  
 turnum. Quo magis venerari & suspicere te cuncti  
 debemus qui vt ocium metiris dignitate, ita bellage-  
 ris & administras necessitate: & vt armorū capien-  
 dorum certam tenes rationem, sic deponendorum  
 modum. Quippe cū non ea mens institutumque  
 tuum sit vel fuerit, vt in luctu & sanguine eorum,  
 quos ex præscriptione diuinæ legis non minus ac te  
 ipsum diligere debes, nominis & imperij tui titulos  
 proferas, & per omnia diuina, & humana iura im-  
 potenter grafsere, sed armorum tuorum vis & ratio  
 tota eò spectauit, vt imbelli multitudini sacerdoti-  
 busque & religiosiis viris, alijsque id genus subiectis  
 tuis, digna professione pax nō desit, & vt ea quæ per  
 manu tradita accepisti, non tantū facta tectaque  
 conseruare, verū etiam quoad eius fieri maximè  
 possit, ornare, & augere videāre. Hoc animo & con-  
 silio ductus, Polotiam primū, deinde Velicolucū  
 atque ita & Plescouiam, dein oppugnare aggressus es.

fuses. posteaquam, tot literis, legationibus & admonitionibus tuis cū grauissima testificatione desiderij pacis, apud magnum Moschouix Ducem nihil esset profectum. Quæ omnia & quale initium ac progressum habuerint, & quo exitu terminata sint, nullus est, vt opinor, in orientis & obeuntis solis & Aquilonis, Austrivæ partibus locus, ad quem fama, & læticia earum rerum non peruenerit. Nam & Polociam, quam sub Sigismundo Augusto rege, certa spe induciarum per literas facta, magnus Dux à Lituania auulserat, in pristinum statum libertatemq; posuisti: & aliquot millibus hostium ad Socolum cæsis, orbi terrarū testatus es, illud esse bellū iustum, quod esset necessarium: illa arma gloriosa, quæ non ad innocētis sanguinis profusionem, sed ad sui suorumq; defensionem: non ad inuidiosas opes minimeq; ferendā potentiā, sed ad Dei opt. max. cultum, gloriāq; propagandam, reges & principes caperent atq; conuerterent. Quod tum vel maximè patuit, cū ad eius victoriæ monumentum, non statuas vel trophæa, non mutum aut tacitum aliquid, sed domum orationis, sacrarium pacis, templum Deo opt. max. Societatis lesu extruxisses: vt cuius esset victoria, eidē daretur & honos, & à quo profectū, eīdem ferri acceptum beneficium videatur. Etenim multa multis, soli Deo opt. max. cūcta debetur. Tandem verò in sequenti anno, contra hunc eundem Moschum, subsecuta est expeditio tua altera Velicolucensis, & multarum aliarum arcium expugnatione clarissima, in qua quā longum & difficile iter emensus fueris, quomodo te erga captiuos gesseris, & quid potissimum in eo spectaueris longum esset

*In expeditione prima anno 1579.*

*Seren. regis Polonia contra Moschū. Literæ pacis & legationes M. sua regis à Moscho non suscipiuntur. Polonia capitur.*

*Moschus circa Socolum caditur.*

*Arcus triumphalis Deo extruitur Polonia.*

*In expeditione secunda anno 1580. Velicolucensi & cetera arces expugnantur.*



*Oratores  
Vel potius ex  
speculatores  
Moschi in  
castra regia  
admittun-  
tur.  
Rex Varso-  
viam ad co-  
mitia reuer-  
titur: & bi-  
nanimi con-  
sensu omniū  
ordinū rex  
iterum in  
Moschoniā  
proficiscen-  
tur.*

*In expedi-  
tione tertia  
anni, 1581.*

commemorare. Illud quidē non præteribo, etiam in medio cursu, & quasi ardore belli, à fide pacis cōditionibus alienum te non fuisse: & magni Ducis oratores (si oratores & non speculatores potius appellandifuerant) in ipsa castra ad te admisisse. Sed diem illos de die ducere, & nihil nō simulatē agere cognitum est. Itaq; capta & expugnata Velicoluco hostilibus copijs eis Turopecia fusis & fugatis, Velisia, Neuelia, Zauolotia, lezeriscia in potestaté tuam redacta, Vilnam reuersus, & mox Varsouiam ad comitia pfectus es. Quo vel legatos quoq; illos ducere placuit, vt quid & illi postularent, & tu velles, & Reip. expediret ab ordinib. regni cognosceretur & decerneretur. Sed vix in illa rāta, non dicā ordinū, sed hominum multitudine aliquis reperiebatur, qui ijs, quas illi offerebant conditionibus acquiescendum, & à bello desistendum arbitraretur. Non obscurē præseferiebant omnes Liuoniam prouinciam, pro qua bellum susceptum & gestum esset, sub Moscho recuperari oportere: & vel grauiissimas quasq; difficultates, iacturas atq; detrimenta potius subeunda: quàm vt nomine insidiosē pacis, pactio seruitutis Liuoniæ afferretur. Nec nō tot præstantium virorum militumq; casus in bello, cum gemitu & lacrymis notabatur: siquidem omnium iacturarum iactura maximā hominum est, & videri debet. Quocirca in eam curā potissimum incubuisti, vt tertiam belli expeditionem contra Moschum, vel quàm primū apparare potuisses, neq; aut tenuitas ararij, aut angustia tēporis, aut tadium & facietas belli, aut itineris longitudo, à persequēdi hostis celeritate te retardauit. Duxisti exercitū, haud scio, an etiā quàm antē  
flore-

florentiorem, copiarum numero, varietate gentium  
 & nationum, usu & exercitatione bellandi plane mi-  
 randum: ita ut Plescouia, ad quam vis & ratio armo-  
 rum tuorum conuertere in primis debuerat, postquam  
 Ostrouia paucis horis oppugnata, per deditionem  
 esset capta, breui etiam in potestatem tuam redigi  
 posse videretur, & hac demum occupata, non modo  
 Liuania hosti eripi, verum etiam ad maiora audenda  
 & molienda occasio & materia præberi posset. Su-  
 stine sustine rex, si Deus opt. max. ab imminente in-  
 teritu multitudinem conseruauit eam, quam nec con-  
 suetudo benignitatis, neque iudicium clementie tue,  
 contra furorem Martis, superbiamque victoriae serua-  
 re fortasse potuisset. Hoc quidem tibi ademptum est  
 nihil, quin etiam id, quod quaesieras, habes, & Liuo-  
 nia pro qua bellum susceptum gestumque abste fuerat,  
 potire. Nemoque sapiens culpe potius, quam fortune,  
 id iudicabit telum. Moschis vero, quæ vnquam letior  
 illuxisset, dies quam ea, qua præter suam omniumque  
 opinionem sunt diuinitus ab interitu conseruati: si-  
 quidem vite lætitia, quem nascendi conditio certior  
 sit, semperque fuerit. Oppugnauit olim terror ille gen-  
 tium, tot inolitor cladum, Aquileiam per triennium  
 Solymanus Turca cum innumerabilibus copijs Vi-  
 ennâ: Carolus Quintus Cæsar Mettim frustra ten-  
 tauit. Quid? num quod conatibus eorum euentus non  
 responderint in eo quo temporis necessitati; parue-  
 rant, & fortitudinis laudem secuti fuerant protinus  
 honorem & existimationem concoxerunt suam? Mi-  
 nimè gentium. Magnorum enim hominum gestas res,  
 exitu metiri par non est, sed iustitia & æquitate. Et  
 quanquam prosper & equabilis sine vlla offensione

*Ostrouia  
capitur.*

*Plescouia  
oppugnatur.*



bellorum cursus in primis delectat, tamen nescio quo modo aduersis interdum casibus in bello etiam illustramur: & nō semper cū volumus oblata, aliquādo etiā desiderata res magis nos recreat atq; reficit. Quo magis hoc tuum Plescouiense bellum gloriosum est, & videri potest, in quo nec tentatæ irruptionis infestus casus, neque alienum anni tempus, neque multa alia incommoda de statu mentis solitaque constantia animi te deturbauerunt. Quin etiam virtute & fortitudine tua talem exitum sortitū est, qualibus iustitiæ & æquitatis radicibus, vel inde ab initio innixum fuerat. Petijt tandem is abste pacem, qui intra quadraginta annos nullas ad te literas daturum se, missurū me internuntium, paulo antè minabatur. Cessit Liuania is, quine Liuania infere-retur literis pacis, mētiōe vlla de ea fieret, à legatis tuis ante omnia postulauit. Denique, is qui tam gloriose & magnifice & loqui, & sentire de se multa ausus fuerat: quiq; diffidens suæ, alienæ virtuti & amplitudini frustra inuiderat, supplex tibi est factus: & eas conditiones pacis postremo accepit, quas tot latebris fallaciarum, & missione legationum subterfugere videbatur. At quomodo id non faceret? tua rex, & celeritate apparandi, & scientia administrandi, & fortitudine continuandi belli, tuiq; exercitus famis, frigoris, difficultatumq; omnium, incredibili tolerantia adactus & compulsus? Quid enim per Deum immortalem exercitu illo laboriosum? Quid ad omnes difficultates & discrimina vitæ ferenda, obfirmatum magis fuit aut esse potuit. Equidē quoad per atate grauissimasq; occupationes licuit legi, & vidi aliquid, nec nō meminisse possum ducum & exer-

*Moschi elatus & tumidus animus ad petendam pacem impellitur.*

exercituum multorum, quorum in omni genere belligerendi, nobilitata est patientia, ita tamen statuo, nec pabuli vel comineatus quærendi difficultate, nec longitudine viarum, nec intensissimi frigoris magnitudine, nec ferocia & crudelitate hostium erga captiuos, vllius exercitus labores & pericula, cum tuo posse cōferri. Memorabilis illa est eritq; semper, Alexandri Magni militum perseuerantia, quorū opulentos Persas inopia Græcos, luxuriosos continentia, Indos desides, vigilantia, Caucasum postremò ipsum, siti, labore, inedia superauit. Ac ne vetera memoria repetere videamur: quàm graue & difficile bellum Caroli V. Cæsaris ad Alligerium, quàm molesta & exitialis Metensis obsidio fuerit, quis ignorat, vt tot tantorumq; aliorū bellatorum, eorumq; exercituum incommoda silentio trāseam. Sed inter horum gestas res, erit etiam, vt opinor, aliquid loci tuo, tuorūq; nomini: & haud scio, an exercitus fortitudinem & constantiam legens & audiens tui, non aliquis obstupescat. Quis enim media hyeme in media Moschouia in castris vnquam permansit? Mansit miles tuus. Quis in præduro & immensis frigoribus cōcreto solo vallum tulit, corbes vimineos contexuit, munitiones exstruxit? cuncta hæc miles fecit & perfecit tuus. Quis adeò totis & tam lōgis, tamq; intempestis noctibus hybernis excubias egit? egit miles tuus. Quis nō modò cū hostibus, sed etiam cum elementis ipsis pugnam sibi desumpsit? sumpsit miles tuus. Ac breuiter, nullum difficultatū, nullū laboris, nullum tædij & patientiæ est genus, in quo non exercuerit exercitū tuum. hæc bellorum ab te gestorum ratio aut conditio, si



ue quærendi victus & pabuli gratia longissimas profectiones susceptas: siue tot manifesta mortis & fortunarum pericula adita à tuis, quis consideret: siue cum ferocissima gente, varia eorum certamina, leuioraq; prælia, & excursions hostium infinitas intrueatur, in quibus milites tui duce & authore te, ferè semper victoriam reportarunt. Cessit malitia iustitiæ, fraus & dolus veritati, temeritas rationi, furor virtuti: vis deniq; ipsa vi victa est, nec quo se contra re Moschus iactet vel excuset, habet. Fac Plescouiam irruptione tentatam, in potestatem tuam non venisse. Quid tum postea? Enimvero ignoramus optabilius esse, semperq; fuisse, in hostili ditione armorum suorum vim, & terrorè longè lateq; proferre, quàm vnus vel alterius expugnata ciuitatis mœnibus includi & mancipari: ita, vt si optio eligendi detur, capiendæ vrbs spe, nonnunquam excidere, quàm capta & possessa aduentui hostium opponere se non posse, malle videres non neminem, & quidè omnis belligerendi & administrandi ratio difficilis est, capiendarum arcium & ciuitatum difficillima. Quid? & erit qui nesciat, in quanta trepidatione Moschus fuerat, cum tu hac eadè in bellum expeditione Plescouiam ipse profectus, aliquā exercitus tui partem in penitiora Moschouia Polotia dimisisses. Quæ sane pars cū Christophoro Radiuilo Castellano Trocen. duce, imitatore auitæ & patriæ virtutis singularis, maximis & difficilimis itineribus Stariciam propè venisset, incredibile dictu est, in quantâ desperationem Moschus adductus fuèrit, si quidè in fugam versum biduo triduo ve latuisse, sunt qui asseuerent, suam certè filiorumq; suorum coniuges, & ancillarum

*Dux ipse  
Moschouia  
præ nimio  
terrore in  
abditâ spe-  
luncarum  
loca detru-  
ditur.*

rum greges, eum amandauisse Staricia cōstat: quandoquidem nō solū de vastitate agrorum, tantisq; suorū cādibus, ad ipsius aures constans & perpetua fama quōtidie peruolaret: sed adeò flāmas & incendia à tuis excitata è fenestra ipse intueretur, & singulis momentis ijs adhuc deteriora cum metu & horrore expectaret. Hęc similiaq; vulnera, ac (quod horum nō postremū est) perpetua illa cōscientię carnificina magno Duci de pace cogitationē iniecerunt, cū videret, ne ei quidē exercitus tui parti resistere se potuisset: & in quo spem ponebat maximam, menses aliquot effluxisse, quibus vel maximis illis frigoribus durantibus, vtiq; obsidio Pleseouię non soluebatur. Quid de se futurum esset, si aut Pleseouia caperetur, aut ea relicta in penitiora Moschouię ingrederetur hostis, prospiciebat animo: & tū externum, tum & internum malum magnopere verebatur: nempe morbi ij, qui in venis & visceribus inclusi latent, quā qui apparent, agrius curātur. Dimisit ergo ad te internuntium, & vt pacificationis cum eo gratia, legatos Zapolsciam mitteres, quo propediē essent venturi sui, magnopere contendebat. Cuius tu postulatis, ne tui ipsius dissimilis viderere, qui semper honestam pacem, vel exploratæ victoriæ, anteferre te velle testatus es, refragari nec potuisti, neq; debuisti: præsertim cū adeò Pont. Max. autoritas eo quoque accessisset, qui à Moscho literis & legato habitis, Antonium Posseuinū Societatis Iesu sacerdotem, maximis quibusq; & grauissimis rebus rectē & scienter tractandis, in primis probatum, ad te, & Moschus suo nomine ablegauerat, & ad Christianā pacem paternē vtrumq; hortabatur. Proinde biduo

*Interdun-  
cium ad regē  
de pace tra-  
tanda resti-  
tuitur.*

*Ad quā ac-  
cessit autho-  
ritas summi  
pōtificis, per  
legatū suū  
sanctitatis.*



*Rex legatos  
Zapolciam  
mittit.*

ante, quàm ipse ex castris discessisset, misisti Zapolciam legationem amplissimam cum mandatis, non obscure prefeferēs, si causa belli, quę esset Liuania à magno Duce è medio non tolleretur, bellum etiam ipsum cessare non posse nec debere. Distat verò Zapolzia viginti propè à Plescouia miliaribus: via, qua magni Ducis instituto, equi ad celeritatem Nouogardia, Zauolociam & Velicolucum, aliàs disponebantur. Cuius circumuicinam regionem omnem, magno & incredibili metu, hostibus incusso, miles tuus ita occupauerat, vt nescio quo modo in media Polonia seu Lituania quàm in Moschouia ipsa versari securius potuisset. Quo quidem ipso magni Ducis legati, non nihil de se solliciti, ad locum tractandę paci destinatum aliquāto posterius, quàm tui aduenierant, & Posseuinus, qua spe & cupiditate constituendę pacis exarserat, ad eos profectus fuerat, vt nulla interposita mora, pacis tractatio sequeretur. Id adeò cùm esset factum & varijs sermonibus, atq; disceputationibus, dies quamplurimi dati, tandem de Liuania tibi restituenda, quę ante omnia ab ijs postulabatur, mandata habere Moschi legati confessi sunt, & vt vicissim arces aliquot, eo bello ab to occupatę magno Duci concederentur, efflagitauerunt. Est Moschis fides Gręca, siue ritum & doctrinam, siue mores eorum spectes. Itaque quicquid in quæstionē disceputationemq; ab eis veniebat, id diligenter versare animo & circumspicere cogitatione oportuit. Turpe namq; labi & decipi in ijs, quę mutare nunquam possis. Erat præterea memorię proditū, Ioannē magni istius Ducis auum, sub Casimiro Poloniae rege, & magno Lituaniae Duce præter fœ-

dus

*Tractatur  
de pace.*

ductum, Magnam Novogardiam possedisse. Quæ aliàs libera & immunis per se ex pactione fœderis, à neutro eorum infestari, & subigi debuerat. Huius verò filium, & istius patrem Basilium, sub Alexandro, Starodubum, sub Sigismundo I. Regibus Smolenscum, iurisiurandi religione violata occupauisse memorabant, nec non & ipsum hunc sub Sigismundo Augusto Polotiam, sub Henrico Peruauiam, iisdem artibus possedisse. Quibus vestigijs & quasi impressis signis improbitatis atque fraudis territus, vel legationis illius fidem suspectam habere aliquis potuisset, sed timidi & suspitiosi cogitatio impedit ipsam, cum maximè dispicit & prouidet cuncta. Dandum erat temporibus aliquid, dandum rationi mori; communi, cum verū sit illud, quod dicitur, milles licet homo fraudetur ab homine, utiq; hominē cum homine viuere debere: dandus Pont. Max. suus authoritati & postulatis locus, qui diuino nutu & potestate, in altissima specula pastoralis vigilię positus, per longissimam ætatem qua vixisset, maximarum rerum momentis, ad certam rationis normam toties ponderatis, amplissimis legationibus pro ecclesia obitis, & tot deniq; regnorum cladibus & mutationibus cognitis & perspectis, nunc in hanc, nunc in illam partē Christianę Reipub. inferet oculos: & tanquam solers quidā prouidusq; nauarchus, Christianos reges & principes in his procellis & tempestate, ad concordiam hortaretur. Neq; verò & fletu ipso lacrymisq; legatorum magni Ducis vel ferreus aliquis commoueri nō potuisset. Qui de cæde & interitu suorum, cum aliquid inaudissent, (inaudiebant autem quotidie) aut cum suos captiuos duci &



longè à patria auehi cernerent (quod cernebant sæpissime) supplices manus in cælum tēdere, & ad nomē pacis suspiria geminare videbantur. Et horū quidē (vt opinio mea fert) fictè aut simulatè nihil. Quin etiā si quis risus fuerat, fuerat à cordolio. Quis enim non ingemisceret, tātā vastitate agrorum, exitio facultatum, direptionibus arcium, cæde & interitu ciuium, euerfione patrię, cōmotus & excitatus. Graue erat Moschis Polocensē bellū: nemo eorū nō indoluit clade suorū ad Socolam. Velicolucensi excidio quid miserabilius fuit aut esse potuit? ad Turopeciū suorū copias fusas & fugatas, præcipuos viros captos, tot arcium præfectos, tantā com meatus & apparatus bellici, omnis generis vim interceptā meminerant. Harum rerū excruciat & torquebat eos recordatio. Hoc aut casu grauius, aut cōditione peius, aut iactura famæ & hominum, maius nihil eis videbatur. Quid verò de bello isto Plescouiēsi loquebar? dies me deficeret, si quot Moschi in excursionibus ab vrbe cæsi: quot dum suis opem ferre conātur, per agros interfecti: quot capti, quot in seruitutē abducti sint, vel fuerint, cōmemorare velim. Nā & tum, cū in castris manebas, ferè singuli dies hostib. aut captis aut interfectis nouis gratulationibus celebrātur. Post discessum tuum Ioānes Zamoscus regni cancellarius, & exercituum tuorū imperator, vir perpetuæ laudi & maximis muneribus obeundis in Rep. natus, tot hostibus captis, tot interfectis, tot cōtinuis vigilijs fameq; fatigatis, suam & exercitus tui perseuerantiam ita probauerat, vt non modò legatis Moschouiticis ad conficiendam pacem stimulo fuisset, verū etiam vniuersæ Moschouię maximum

terro-

terrorem inieciſſe, & dici & videri queat: præſertim cum Spitkone Iordano præfecto, vetuſtate generis, ſpectata virtute, cōmendato certo militū numero, in penitiora Moſchouix immiſſo, agrisq; vaſtatis, & hoſtium occiſis plurimis, armorum ſuorum vim & terrorem in ipſam Nouogardiam intuliſſet. Nō igitur mirum eſt, aut videri debet, ſi vel legati magni Ducis tanto deſiderio pacis & quietis, vt diximus tenebantur: & ipſe magnus Dux, cōditiones eas, quas ſubterfugere aliàs viſus eſt, tandem aliquando acceptauit. Non mirum ſi in Liuonia triginta quatuor arces, quas poſſidebat, tibi conceſſit. Non mirum ſi Derpatū ſibi & ditionibus ſuis adeò adiunctū, quæ prima belli Liuonici eius materia & quoddam veluti integumentum fraudis fuerat, poſt tot ſuas ſuorumq; legatorum inficiationes, tergiuerſationesq; interpoſitas, reddidit. Non mirum ſi in Derpato ſeptuaginta & octo maiora tormenta bellica, & in omnibus arcibus, penè trecenta, & deniq; infinitum minorum bombardarum, apparatusque bellici vim & numerum, volens nolens, reliquit. Non mirum ſi tot & tam magni momenti captiuorum ſuorū liberationem conditionibus pacis non inferuit, ſed quoad eius fieri melius citiusq; poſſet, vt quiſq; eorū redimeretur nō recuſauit. Non mirū ſi Velicoluca, Zauolotia, Neueliaq; ab te redditis, & Pleſcouien. caſtellis quibuſdā relictis, decennalem ferire pacem tecū non dubitauit. Non mirū ſi primi belli trophæa & monimēta tuæ victoriæ, Polotiam Nieſczerdam, Cozianam, Socolum, Turouliam, Sithno, Suſſam Craſnum: ſi ſecundi Vſuiatam, Velifiam, & Iezieriſcum, quas antea tenebat, cūctas in poteſtate tua re-

*Moſchia co-  
dit Liuonia,  
relictis 34.  
arcibus cum  
tormentis  
maiorib. &  
minoribus,  
alijsque in-  
ſtrumentis  
bellicis, &  
apparatu.*

*Captiui re-  
dimuntur.*

*Pax decem-  
nalis certa-  
rum arcium  
cauſſa feri-  
tur.*

*Arces præ-  
cipue per  
noſtros ca-  
pta circare-  
gem relin-  
quuntur.*



liquit. Non mirum si solitas illas licitationes & postulationes suas, de Liuonica hæreditatis, de Cazanij & Astracani imperiorum titulis, tandem posthabuit & neglexit. Non mirum si legatos suos (vt ex verbis eorum, cum quid intemperantiùs loqui cœpissent, multò sese admonetium, elici potuit) in dictis & factis ad moderationem est præter morem adhortatus. Non deniq; mirum, Græci ritus cum sit, atque adeò, cum rex sacrorum quidam, simulq; Imperator videri velit: & cum plusquã regiam, & pontificiam maiestatem, in vestitu, confessu, & reliquis præseferens, admirabilis nescio cuius potestatis & intelligentiæ rerum, diuinitus sibi datæ & conceditæ, apud suos existimationem certa quadam arte & diligentia tueatur: si à Pont. Max. cuius nominis & gloriæ æmuli, leues & temerarij Græci semper sunt & fuerunt, ad consequendam à te pacem, fauorem & auctoritatem, implorauit: & Antonium Possuinum Pont. Max. nomine missum, tanquam quẽdam arbitrum, istius pacificationis fieri permisit. Quid enim illo stimulis conscientiæ compunctum? Quid infelicitate miserum? Quid voluntate perditum? Quid metu abiectum magis dici aut cogitari potest? vetus est prouerbium: Nullam esse calamitatem solam. At hæ non vna aut altera: sed conspirarunt in Moschum infinitæ. Vidit ille domi suæ proditorem: in castris desertorem: sociam thori repudiavit, liberos in omni turpitudine & ocio educauit. Sentit se esse suspectum & odiosum suis, cum & ipse fuerit semper hostis suorum. Grauiissimas habet insidias eas, quæ latent in simulatione officij, & aliquo vinculo sanguinis vel propinquitatis. Præceps in fu-

rorem

rorem agitur, & nuper mortis filij est caussa sui. Re-  
stituit tandem vel inuitus Liuoniam: & cum Prusso  
nescio quo, gentis suæ authore excogitato & confi-  
cto, Prussiæ ipsi adedè inhiasset, de qua ne verbum  
quidem apud se vllum fieri voluit: amisit & Liuoni-  
am Dei opt. max. iusto iudicio, omninoq; admirādo:  
quippe qui appetit aliena, perdit sæpe ea quæ æsti-  
mat sua: sicuti tu etiam hanc tam nobilem prouin-  
ciam, quam ille semper dixit & duxit suam, sepimen-  
tum Lituaniæ, decus & ornamentum regni tui, tot  
distinctâ castellis, refertam portubus, exaggeratam  
bonis omnibus, ex faucibus ipsius eripuisti. Quæ si  
loqui posset, ita haud dubiè ad te verba faceret. Gra-  
tes tibi ago rex optime, quòd post tertium & vigesi-  
mum annum, ex quo Moschus libidine dominandi  
incitatus, me meaq; aggressus est, dextera tua forti,  
& non magis in bellis ac prælijs, quàm in pactis &  
promissis seruādis firma & laudata, sublato metu &  
formidine belli, in pristinā quandā dignitatis spem  
me reuocare dignatus es. Multa ego multis debeo.  
Sed vni tibi post Deum opt. max. acceptam fero li-  
bertatem. Præclarè olim Meinardus, & post eum  
Albertus episcopus, Christianæ religionis & pieta-  
tis nostræ authores, non deterius Bremem: hoc eo-  
dem nomine de me meriti sunt & fuerunt. Grata  
Guilhelmi Cardinalis Mutinen. ex cōcilio apud Lu-  
gdunū habito, in has oras missi, apud me viget me-  
moria. Sed enim decora & ornamenta omnium, si-  
tu iam pridem obsita, squalore sordida, tenebris ve-  
rustatis inuoluta, tu in pristinam lucē & dignitatem  
posuisti: vt cum multa illis plurima Cruciferis, tibi  
demum cuncta iure optimo debeamus. & sicuti est

*Moschus pra-  
nimio furo-  
refilium ne-  
cat, facitq;  
suum sine  
belli.*



iucundior valetudo ijs, qui graui aliqua infirmitatē impediti & lecto affixi diu admodum iacuerunt, sic & nos tāt opere desiderata, per te verò libertate par-  
ta vehementiùs recreamur. Sit clara & commemo-  
rabilis Platembergij apud nos: sit Hasencāpij virtus  
qui ordinis Teutonici magistri hīc aliquando fue-  
runt, & maxima grauiſſimaque bella pro comuni  
salute & dignitate confecerunt. Enimvero ea, quæ  
tu pro nobis ſuſcipere & gerere voluiſti, & initijs læ-  
ta, & progreſſu glorioſa, & exitu ſalutaria magis cen-  
ſentur, literis monimentisquē noſtris inferentur, ad  
memoriam poſteritatis tranſmittentur: quādoqui-  
dem vt & pater benigniſſimus, & bellator ſapientiſ-  
ſimus à me iſtectis & domicilijs, in hoſtiles agros ar-  
mis cōuerſis & prolatis, quod iam pridem ſequutus,  
id aſſequutus es: vt ego à tot continuis bellis & cala-  
mitatibus reſpirare, & tandem nullam non grariam  
à me tibi debitam, ſi nō referre, atteſtari erga te poſ-  
ſim. Sic olim vt virtus Moſis illuſtris & peruagata  
magis videretur, populum Iſraeliticum ſeruire ſer-  
uitutem in Ægypto Deus opt. max. voluit. ſic vt ma-  
gnitudo animi Cyri eſſet clarior, Perſas à Medis gra-  
ui dominatu opprimī contigit: ſic ad oſtendendam  
virtutis præſtantiam Theſei diſpergi aliquando A-  
thenien. oportuit: ſic deniq; (vt ad me ipſe veniam)  
maximis & grauiſſimis malis affligi Liuoniam neceſ-  
ſe fuerat: vt de tua præſtabili virtute, fortitudine,  
moderatione, iuſtitia, nulla vnquam vetuſtas ob-  
muteſcat. Vicit nempe is, qui non inſolenter efferri  
victoria ſua, ſed cuncta æquitate metiri videatur: ne-  
que cum Moſcho immanitate ſibi certandum, ſed  
omni genere benignitatis, ſeipſum ſuperandum po-  
tius

tuis arbitraretur. En verò tibi bone vir superbia & tyrannis tua: quatumens & inflatus, nescio quē non despiciere, præ te nuper videbâre. Quin nec vides ipse, tãquam alicui Polyphemo oculo vno, Liuonia, quo in diuersas orbis terrarum partes prospectabas, tibi adempto & euulso: nimirum intelligis, quantas vires virtus habeat, & quàm longè melius fuerit, Hyeroni Syracusano, cùm priuatus esset, quàm Perseo Macedoni, cùm rex diceretur, esse similiorem. Hic enim præter regnum, regale in se habuit nihil: ille non tam regno, quàm regnum eo, indigere videbatur. Cogita quātum intersit, inter veram & fucatā gloriam, & quomodo diligi, quàm metui præster: neq; suorum tantum, verum etiam & externorum beneuolētia ad incertos temporū casus, & bellorum exitus expediat obsepiri. terrēt apud te vestigia multos (vt aliquando dixit poëta ille: intro spectantia nulla retro) & ferro gerirem, non semper aurū & argentū neruum belli esse, malo tuo experire. Deniq; si sapis, cur non potiùs Agesilaum, Tymoleonem, Dionem, quàm Nabidim, quàm Phalarim, quàm Dionysium imitandum putes: satiusq; esse viuere vitam Scipionis, quàm desiderare principatum Cæsaris. Quorum enim aliquis imitatur mores, eorum & exitum expectare debet. Vide quomodo Titus, Nerua, Traianus, Adrianus, Antonius, & Marcus apparitoribus, & doryphoris non egebant Romæ. & rursus, quomodo Caligulæ, Neroni, Vitellio, neq; Orientis, neque Occidentis exercitus, opē ferre potuerint. Animaduerte tyrannorum vim & potentiam corporibus nostris esse per similem, quæ quoad bona vtuntur valetudine, latent in ijs incommoda



singula: nec facillè morbum ægritudinemq; deprehendas: statim verò vt grauior morbus aliquis incurrerit, & corpus aduerſa valetudine vexari incipit, omnia etiam minima cum doloris ſenſu maximo, repente commouentur & excitantur. Ad eum modum tyrannorum iniuriæ & contumeliæ, proſperitate veluti velo obductæ, deliteſcunt: ſimul atq; increpuit bellū, aut ſeditio tyrānus corruit: neq; quicquam violentū poteſt eſſe diuturnum. Sed quid ego te admoneam? & num humanitatē ab hominū hoſte, ab immoderato modū, ab effreniſſa diſciplinā, à barbaro expectē doctrinā? cur non potius ad te mea vnde initium cœpit ſe conuertit oratio? Ego te Stephane rex, pro eo ac debeo, veneror & colo, neque vllum præmium virtutis, vllum inſigne honoris, vllum monumentum laudis eſſe fieriq; poſſe exiſtimo, quod tibi à nobis iure & meritò non debeat. Tu ex ſeruitute in libertatem, ex profundiffimis tenebris in lucem, à morte (vt ita dicam) in vitam me reduxiſti; tu calamitatē omnem & ſqualorem mihi ademiſti; tu & ſubſidia belli & ornamenta pacis attuliſti. Paruit olim orbis terrarum Romanis, ſeruiuit Aſſyrijs, ſubiectus fuit Perſis: at enim & Perſarum diſciplina dignitate Aſſyriorum, & humanitate Romanorum videbatur tolerabilior conditio ſeruitutis. Huic verò tam ſcædo & impotenti domino ſubiecta ſi fuiſſem, quam lucem ſolatij, quod perſugium pacis, quem portum quietis ſperare poteram vel debebam, in cuius regno, nihil aliud quàm flagitiōſiſſima luxuria, quàm deterrima crudelitas, quàm contumelioſiſſima ſuperbia, nihil aliud, quàm dolor & gemitus perpetuus audiuntur.

Ergo

Ergo quàm maximas possum gratias tibi ago, rex, maiores etiam habeo, eiusque beneficij tui, memoriam erga me, nulla vnquam inobscurabit obliuio. Tu fac, vt sicuti speramus & optamus fore, pace concordia, tranquillitate, & ocio per te & in te perfruemur. Hac Liuonia, si posset, apud te hodie diceret. Quæ quoniam non potest, id à nobis tacita requirit, vt præstanti virtute, rebusq; abste gestis optimorum olim regum & principum memoriam in Polonia in animum nobis renocemus & Lechos fortes, tolertes Gracchos, Lescones strenuos, sapientes Cazimiros, audaces Boleslaos, moderatos Jagellones in te vno contemplemur: Deumq; opt. max. cuncti precemur, vt eum, quem per omnes omnium honorum gradus, ad regiam dignitatem exulit, quem potestatis suæ participem in terris, administrum iustitiæ, authorem pacis exteris admirabilem, suis venerabilem, hostibus fecit formidabilem, bonis omnibus auctum, & florentem, & quàm maximè diuturnum, & in omnes partes victorem esse, perpetuoq; fieri, patiatur.

F I N I S.

S



# ORDO QV ALITER SE- RENISSIMVS REX POLONIE

IVXTA VETEREM CONSVETV-

DINEM CORONATVR, ET QVÆ SO-

lennitas & cerimonia circa

id seruari sint so-

litæ.

**I**N primis congregantur episcopi & consiliarij re-  
gni, aliqꝫ officiales, item abbates infulati, ad rei-  
nus ex Diœcesi Cracouiensi, qui omnes conuenire te-  
nentur, pro die statuto coronationis.

Rex itaqꝫ electus parabit se vt dignè accedat men-  
sam diuinam corpus Christi sumpturus in die corona-  
tionis, unde ieiunio, elemosyna, & confessione expia-  
bit peccata sua. Sequenti autem die quæ erit Domini-  
ca, quæ rex est benedicendus. Archiepiscopus & suf-  
fraganei, Abbates infulati, aliqꝫ Prelati omnes con-  
ueniunt mane in Cathedralem ecclesiam, omnes ami-  
cti stolis, priualibus mitris, infulis, superpilicijs, & id  
genere sacerdotalium. senatores quoque omnes, & e-  
questris ordo congregatur, quibus sic peractis, proces-  
sione ordinata per magistrum ceremoniarum, cum  
iuribulo & aqua benedicta alijsqꝫ episcopalibus de  
ecclesia in palatium eunt, schola cum sacerdotibus &  
abbatibus ad scalas palatii remanentibus, soli episcopi  
cum archiepiscopo palatium ascendunt, ad deducen-  
dum principem in ecclesiam Cathedralem, qui antea  
induitur per supremum regni Marschalcum, vel per  
magistrum ceremoniarum sandalijs, tunica chirote-  
sis, alba dalmetica & pallio siue cappa, quem sic orna-

tum

tum & inter barones primoresq; regni stantem, archiepiscopus aqua benedicta aspergit, post hoc collectam dicit:

Deus humilium institutor, qui nos Sancti Spiritus illustratione consolaris, præstende super hunc famulum tuum Henricum gratiam tuam, vt per eum tuum in nobis adesse sentiamus aduentum.

Hinc rex in ecclesiam per Craconiensem, & Cuiuiensem episcopos deducitur, à dextra leuag; apprehensa, præferentibus Castellano Craconiensi coronam, Palatino sceptrum, Vilnensi item Palatino pomum aureum, & Andrea à Zborow gladium euaginatū, episcopi cum archiepiscopo cruce præcedente, abbates infulati, & ceteri principes suo ordine quilibet succedebant. similiter duces Francia, & externorum principum legati. Regalia supradicta à senatoribus qui ea portabant accepta in altare deposita sunt, rex in solio sistitur, ante quem archiepiscopus certas orationes pronunciat.

Antequam autem rex coronaretur, orta est magna controuersia, ratione confœderationis, inter quosdam Catholicorum, & Euangelicos sub interregno facta, episcopis eandem, vti diuinis pariter, ac Ecclesiasticis contrariam legibus, ipsisq; inuitis, & reclamantibus factam, improbantibus, Euangelicis contra, propter rerum suarum securitatem, omnino firmam haberi contendentibus, sed postea omnis illa contentio, inuento medio Deo volente sedata fuit, & pace facta vnus episcoporum dicit subsequentem Orationem.



**O**Mnipotens sempiterne Deus, cælestium ac terrestrium moderator, qui famulum tuum ad regni fastigium, dignitatemque dignatus es prouehere, concede quæsumus vt à cunctis aduersitatibus liberatus, & ecclesiasticæ pacis dono muniatur, & ad æternæ pacis gaudium, te donante peruenire mereatur, per Christum Dominū nostrum, Amen.

*Finita oratione admonet diligenter regem, de fide, de pietate in Deum, & de alijs virtutibus regis dicens:*

Cū hodie per manus nostras optimè princeps, qui Christi saluatoris nostri vices in hac re fungimur, quamuis indigni sacram vnctionem, & regni insignia sis suscepturus, bene est, vt te prius de onere, ad quod destinaris aliquantulum moneamus. Regiam hodie suscipis dignitatem, & regendi fideles populos tibi commissos curam sumis: præclarum sanè inter mortales locum, sed discriminis, laboris, atque anxietatis plenum: verū si consideraueris, quod omnis potestas à Domino Deo est, per quem regnant reges, & legum cōditores iusta decernunt, quodq; de grege tibi commissio, ipsi Deo rationem redditurus, primū pietatem seruabis, Dominum Deum tuum tota mente ac puro corde coles, Christianam religionem ac fidem Catholicam, quam ab incunabulis professus es, ad finem vsque inuiolatam retinebis, eamque contra omnes aduersantes, pro viribus defendes. Ecclesiarum prælatis ac reliquis sacerdotibus, condignam reuerentiam exhibebis, ecclesiasticam libertatem non conculcabis, iustitiam sine qua nulla societas diu cōsistere potest, erga omnes inconcussè administrabis, bonis præ-

mia

nia, noxijs debitas pœnas imponendo, viduas, pupillos, pauperes, ac debiles, ab omni oppressione defendens, omnibuste adeuntibus benignum, mansuetum, atq; affabilem pro regia tua dignitate præbebis, & ita te geres, vt non ad tuam, sed ad totius populi vtilitatem regnare, præmiūq; benefactorum tuorum, non in terris, sed in cælo expectare videaris, quod ipse tibi præstare dignetur, qui viuit & regnat Deus, in sæcula sæculorum.

Absoluta oratione interrogat illum episcopus hijs verbis:

*Vis fidem sanctam, à Catholicis viris traditam tenere, & operibus iustis seruire?* R. Volo.

*Vis ecclesijs ecclesiarumq; ministris tutor & defensor esse?* R. Volo.

*Vis regnum à Deo tibi commissum, secundum iustitiam patrum tenere, regere, & defendere?* R. Volo.

*Et in quantum diuino fultus suffragio, ac solatio omnium fidelium suorum valueris, ita me fideliter per omnia acturum esse promitto.*

Finite interrogatione, rex coram archiepiscopo genu flexus capite ad apertum, dicit in hac verba: Ego Henricus, Deo annuente futurus rex Polonorum, profiteor & promitto coram Deo, & Angelis eius, deinceps legem & iustitiam, & pacem ecclesie Dei, populoq; mihi subiecto, proposse & nosse, facere atq; seruare, saluo condigno misericordie Dei respectu, sicut in consilio fidelium meorum, melius potero inuenire. Pontificibus quoque ecclesiarum Dei, condignum & canonicum honorem exhibere, atque ea quæ ab imperatoribus & regibus ecclesie collata, & reddita sunt, inuiolabiliter obseruare: abbatibus, comitibus, & vasallis meis con-



*gruum honorem, secundum consilium fidelium meorum prestare.*

*Post hoc, utramque manum ponit supra Evangelia dicens: Sic me Deus adiuvet, & hæc sancta Evangelia.*

**POSTEA DICIT ARCHIEPISCOPUS Collectam.**

**O**Mnipotens sempiterne Deus, creator omnium, imperator angelorum, Rex regum, & Dominus dominatum, qui Abraham fidelem servum tuum de hostibus triumphare fecisti, Moyfi & Iosue populo tuo praelatis, victoriam multiplicem tribuisti, humilemque David servum tuum regni fastigio sublimasti, & Salomonem sapientiae pacisque ineffabili munere ditasti, respice quæsumus Domine, ad preces humilitatis nostræ, & super hunc famulum tuum Henricum, quem supplici devotione veneramur, & in regem eligimus, benedictionum tuarum dona multiplica, eumque dextera potentiae tuæ, semper hinc & ubique circunda: quatenus prædicti Abrahamæ fidelitate, Moyfi mansuetudine fretus, Iosue fortitudine fultus, David humilitate exaltatus, Salomonis sapientia decoratus, tibi in omnibus complaceat, & per tramitem iusticiæ inoffenso gressu semper incedat. Tuæ quoque protectionis galea munitus, & scuto insuperabili iugiter protectus, armisque caelestibus circumdatus, optabilem de hostibus crucis Christi victoriam fideliter obtineat, & triumphum feliciter capiat, terroremque suæ potentiae illis inferat, & pacem sibi militantibus lætanter reportet, per Christum Dominum nostrum, qui virtute

tute crucis tartara destruxit, regnoq; Diaboli superato, ad cælos victor ascendit: in quo potestas omnis regniq; consistit victoria: qui est gloria humilium, & vita salusq; populorum: qui tecum viuit & regnat Deus, per omnia sæcula sæculorum, Amen.

*ALIA ORATIO.*

**T**Einuocamus Domine, sancte Pater, omnipotens sempiternus Deus, vt hunc famulum tuum Henricum, quem tuæ diuinæ dispensationis prouidentia in primordio plasmatum, vsq; ad hunc præsentem diem iuuenili flore lætantes crescere concessisti: eum tuæ pietatis dono ditatum, plenumque gratia & veritate, de die in diem coram Deo & hominibus ad meliora semper proficere facias: vt summi regiminis solium gratia supernæ largitatis gaudens suscipiat, & misericordiæ tuæ muro, ab hostium aduersitate vndiq; munitus plebem sibi cõmissam cum pace propiciationis, & virtute victoriæ feliciter regere mereatur, per Christum Dominum nostrum, Amen.

*Post hæc archiepiscopus genua flectit, & rex in faciem prouoluitur: Cantores autem canunt, choro correspondente, & cum cantant hunc versum: Et obsequium seruitutis nostræ tibi rationabile facias. R. Terogamus audi nos. Archiepiscopus stans ad regem prouolutum, cum cruce dicit: Et hunc electum in regem: Coronandum, benedicere digneris. R. Terogamus audi nos.*

*Iterum canit: Et hunc electum in regem coronandum benedicere & consecrare digneris. R. Terogamus audi nos.*



*Post hoc episcopi omnes cum abbatibus genua flectentes, lataniam prosequuntur supra regem prouolutum, quam cum finierint, archiepiscopus orationem Dominicam exorditur: Paier noster, &c. Et ne nos inducas in tentationē. R. Sed libera nos à malo. V. Saluum fac seruum tuum Domine. R. Deus meus sperantem in te. V. Esto ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

## O R E M V S.

**D**EVS qui populis tuis virtute consulis, & amore dominaris, da famulo tuo Henrico sapientiæ spiritum, cum regimine disciplinæ, vt tibi toto corde deuotus, in regni regimine maneat semper idoneus, tuoque munere ipsius temporibus, securitas ecclesiæ dirigatur, & in tranquillitate deuotio Christiana permaneat, vt in operibus suis bonis perseuerans, ad æternum regnum te ducē peruenire valeat, per Dominum nostrum Iesum Christum, &c.

Benedic Domine hunc regem Henricum, qui regna omnia moderaris à sæculo, & tali eum benedictione glorifica, vt Dauidicæ teneat benedictionis & sublimitatis sceptrum; & glorificatus in eius protinus rapiatur merita: da ei tuo spiramine cum māsuetudine, ita regere populum tuum, sicut fecisti Salomonem tuum continere regnum pacificum, sit tibi semper cum timore subditus, tibi que militet cum quiete, sit tuo clypeo protectus, cum proceribus, & vbique tua gratia victor existat: honorifica  
cum

eum præ cunctis regibus gentium, vt feliciter populis tuis dominetur, & feliciter eum nationes adoret, viuat inter gentium cateruas magnificus, sit in iudicijs æquitatis singularis, locupletet eum tua perdiues dextera, frugiferam obtineat patriam, & eius liberis tribuas profuturam. Protella ei prolixitatem vitæ, & in diebus eius oriatur iustitia, à te robustum teneat regiminis folium, & cum iucunditate & iustitia, æterno glorietur in regno, per Christum Dominum nostrum, Amen.

*Postea archiepiscopus sedet, rex verò genua ante eum pronoluitus, Dalmatica & piuiali exuiitur. Archiepiscopus autē intincto pollice dextro in oleo sacro ungit illi dextram à palma, ad cubitum, & inter scutulas, & in brachio dextro, dicens:*

Vngo te in regem ex oleo sanctificato in nomine Patris & Filij & Spiritus sancti, Amen.

*Pax tecum. R. Et cum spiritu tuo.*

### ORATIO.

**V**Ngo te in regem ex oleo sanctificato Spiritus sancti gratia humilitatis nostræ officio in te copiosa descendat, vt sicut manibus nostris indignis, oleo materiali pinguescis exterius ablutus, ita eius inuisibili vnctione delibutus, impinguari merearis interius, eius quoq; perfectissima spiritali vnctione semper imbutus, & illicita declinare tota mente discas seu valeas, & vtilia animæ tuæ, iugiter cogitare, optare, atque operari queas, auxiliante Domino Iesu Christo, qui tecum viuut & regnat, Deus Dei fi-



lius Iesus Christus Dominus noster, qui à Patre oleo exultationis vnctus est, præ participibus suis, ipse per præsentem sanctæ vnctionis infusionem Spiritus Paraclyti, super te benedictionem infundat, eundemque vsque ad interiora cordis tui penetrare faciat. Quatenus hoc visibili & tractabili oleo dona inuisibilia percipere, & temporali regno, iustis moderationibus executo, æternaliter corregnare ei merearis, qui solus sine peccato rex regum, viuit & gloriatur, cum Deo Patre in vnitæte Spiritus sancti Deus, pro omnia sæcula sæculorum, Amen.

## O R E M V S.

**O**Mnipotens sempiterne Deus, qui Azachiel super Syriam & Iehu super Israel per Heliam, Dauidem quoque & Saulem per Samuelem prophetam in reges inungi fecisti, tribue quæsumus, manibus nostris opem tuam benedictionis, & huic famulo tuo Henrico, quem hodie licet indignis in sacro vngimine delingimus, dignam delibutionis huius efficaciam, & virtutem concede. Constitue Domine, principatum super humerum eius, ut sit fortis, iustus, prouidus, & indefessus regni huius, & populi tui gubernator, infidelium expugnator, iustitiæ cultor, meritorum remunerator, ecclesiæ tuæ sanctæ, & fidei Christianæ defensor ad decus, & laudem tui nominis gloriosi, per Dominum nostrum Iesum Christum filium tuum, qui tecum viuit & regnat in vnitæte Spiritus sancti Deus, per omnia sæcula sæculorum, Amen.

Christe perunge hunc regem in regimen, qui vn-  
xisti

xisti sacerdotes, & prophetas, reges, & martyres, qui per fidem vicerunt regna, operati sunt iustitiam, atque adepti sunt repromissiones, tua sanctissima vinctio super caput eius defluat, atq; ad interiora descendat, & cordis illius intima penetret, & promissionibus, quas adepti sunt victoriosissimi reges, gratia tua, dignus efficiatur, quatenus in presenti sæculo feliciter regnet, & ad eorum consortium in celesti regno perueniat, per Dominum nostrum Iesum Christum, qui tecum viuit & regnat, &c. Vinctus est oleo lætitiæ præ consortibus suis, & virtute sanctæ crucis potestates æreas debellauit, tartara destruxit, regnum Diaboli superauit, & ad cælos victor ascendit, in cuius manu victoria, virtus & potestas consistunt, & tecum viuit & regnat per omnia sæcula sæculorum, Amen.

Deus qui es iustorum gloria, & misericordia peccatorum, qui misisti filium tuum vt pretiosissimo sanguine suo genus humanum redimeret, qui conteris bella, & es propugnator in te sperantium, & sub cuius arbitrio, omnium regnorum continetur potestas, te humiliter deprecamur, vt præsentem famulum tuum Henricum in tua misericordia confidentem, in præsentī regali sede benedicas, ei que protinus adesse digneris. & qui tua expetit protectione defendi, omnibus sit hostib. fortior, fac eum Domine beatum, & victorē de inimicis suis, corona eū corona iustitiæ & pietatis, vt ex toto corde, & tota mente in te credens, tibi deferuiat, sanctam tuam Ecclesiam defendat & sublimet, populumque à te commissum iustè regat, nullum ius insidiantibus malis iniustitiam vertat. Accende Domine cor eius,



ad amorem gratiæ tuæ, per hoc vnctionis oleum, unde vnxisti reges & prophetas, quatenus iustitiam diligens, per tramitem iustitiæ familiariter populum ducens, post peracta & disposita in regalia excellentia annorū curricula, ad te peruenire mereatur, per Dominum nostrum Iesum Christum, &c.

Prospice omnipotens Deus serenis optatibus hūc gloriosum regem Henricum, & sicut benedixisti Abraham, Isaac, & Iacob, sic illum larga benedictionis spiritualis gratia, cum omni plenitudine potentiae irrigare, atque perfundere dignare, tribue ei de rore cæli, & de pinguedine terræ abundantiam frumenti, vini, & olei, & omnium frugum opulentiam, ex largitate diuini muneris, longa per tempora, vt illo regnante sit sanitas corporum in patria, & pax inuiolata in regno, & dignitas gloriosa regalis palatii, maximo splendore regiæ potestatis omnium oculis fulgeat, luce clarissima clarescat, atque splendore, quasi splendidissimo, fulgore maximo perfusus lumine videatur. Tribue ei omnipotens Deus, vt sit fortissimus protector patriæ, & consolator ecclesiarum, atque cœnobiorū sanctorum, maxima cum pietate munificentiae, atque sit fortissimus regum, triumphator hostium, ad opprimendos rebelles & paganas nationes, sitq; suis inimicis, satis terribilis, præ maxima fortitudine regalis potestatis. Optimatibus quoque & præcellis proceribus, ac fidelibus sui regni sit magnificus, & amabilis ac pius, vt ab omnibus timeatur & diligatur. Reges quoque de lumbis eius per successiones temporum, futurorum egrediantur, qui regnum hoc valeant regere totum, & post gloriosa tempora, atque felicia præsentis vitæ  
gaudia

gaudia æterna in perpetua benedictione habere mereantur. Quod ipse præstare dignetur qui viuit & regnat in sæcula sæculorum, Amen.

*Postea episcopus aliquis, cotum manu gestans, inuncta loca detergit, dicens:*

Deus, Rex regum, & Dominus dominantium, per quem reges regnant, & legum conditores iura decernunt, dignare propitius benedicere hoc regale ornamentum, & præsta vt famulus tuus rex noster Henricus, qui illud portaturus est, ornamento bonorum morum, & sanctarum actionum, in conspectu tuo fulgeat & post temporalem vitam, eternam gloriam quæ temporis non habeat finem, sine fine possideat, per Dominum, &c.

*Demum induit regem piniali, & Dalmarica, dicens:*

Accipe pallium, quatuor initijs formatum, per quod intelligas, quatuor mundi partes, diuinæ potestati esse subiectas, nec quenquam posse feliciter regere in terris, nisi sibi potestas fuerit collata de cælis.

*His absolutis archiepiscopus manus abluit, & deposita infula dicit confessionem. Rex verò deductus in solium orat, & post alleluia in Missa, orationes pro rege aliquis episcoporum dicit. Postea regigena flexo, archiepiscopus gladium porrigit, dicens:*

Accipe gladium desuper altari sumptum per nostras manus licet indignas, vice tamen, & auctoritate sanctorum apostolorum consecratum, regaliter tibi concessum, nostroque benedictionis officio, in defensionem sanctæ Dei ecclesiæ, diuinitus ordinatum, ad vindictam malefactorum, laudem verò bo-



norum, & memor esto eius, de quo Psalmista prophetavit dicens: Accingere gladio tuo, super femur tuum potentissime, vt in hoc per eandem vim equitatis exerceas, molemq; iniquitatis, potenter destruas. Et sanctam Dei ecclesiam, eiusq; fideles propugnes, atq; protegas, neq; minus sub fide falsos, quàm Christiani nominis hostes execrès, ac disperdas, vi-  
duas atq; pupillos, clementer adiuues, & defendas, desolata restaures, restaurata conserues, vlciscaris iniusta, cõfirmes bene disposita. Quatenus in hoc agendo virtutum triumpho, gloriosus iustitiæq; cultor egregius, cum mundi Saluatore, cuius typum geris, in nomine eius, sine fine regnare merearis, qui cum Deo Patre, & Filio, & Spiritu sancto, viuut & regnat Deus per omnia sæcula sæculorum, Amen.

*Ibidem vterius in Missa proceditur, & accingens illi gladium archiepiscopus, dicit:*

Accingere gladio tuo super femur tuum potentissime, & attende, quod sancti, nō in gladio, sed per fidem vicerunt regna.

*Postea ei diadema imponens dicit:*

Accipe coronam regni, quæ licet ab indignis, episcoporum tamen manibus capiti tuo imponitur, in nomine Patris, & Filij, & Spiritus sancti, quā sanctitatis gloriam & honorem, & opus fortitudinis intelligas significare, & per hanc te participem ministerij nostri, non ignores ita vt sicut nos in interioribus, pastores rectoresq; animarum intelligimur, ita & tu contra omnes aduersitates ecclesiæ Christi defensor assistas, regniq; tibi à Deo dati, & per officiū nostræ benedictionis in vice apostolorū, omniumq; sanctorū regimini tuo cõmissi, vtilis executor, perspicuusq;

spiciusq; regnator semper appareas, vt inter gloriosos atletas virtutū gēmis ornatus, & præmiō sempiternę felicitatis coronatus, cū redēptore & saluatore nostro Iesu Christo, cuius nomē vicēq; gestare crederis, sine fine glorieris: Qui viuuit & imperat Deus cum Patre & Spiritu sancto in sæcula sæculorum.

*Demum pomum typū mundi referens in sinistram  
& sceptrum in dextram ei dedit, dicens:*

Accipe virgam virtutis atq; veritatis, qua intelligas te opnoxium mulcere pios, terrere reprobos, errātes viam docere, lapsis manū porrigere, disperdere superbos, & releuare humiles, & apperiat tibi ostiū Iesus Christus Dominus noster, qui de semetipso ait: Ego sum ostiū, per me si quis introierit saluabitur, qui est clauis Dauid, & sceptrū domus Israël, qui apperit, & nemo claudit: claudit & nemo aperit, sitq; tibi auctor qui eduxit vincitū de domo carceris, sedentē in tenebris, & vmbra mortis, vt in omnibus sequi eum merearis, de quo Dauid propheta cecinit: Sedes tua Deus in sæculum sæculi, virga æquitatis, virga regni tui, & imitando ipsum diligas iustitiam, & odio habeas iniquitatem, qui propterea vnxit te Deus: Deus tuus ad exemplum illius, quē ante sæcula vnixerat, oleo exultationis, præ participibus suis, Iesum Christum Dominum nostrum, qui cum eo viuuit, & regnat Deus in sæcula sæculorum.

*Inter offertorium, rex panem & vinum in altare offert, pacemq; (vt dicitur) exosculat, & sacrosanctum corpus diuinum accipit. Post hoc gladius ei discinditur. Absoluto sacro in thronū medio templo ordinatū deducitur, vbi ab archiepiscopo intronifatur & gubernaculis regni præsicitur, dicente:*



Sede & retine a modo locum tibi à Deo delegatum, per auctoritatē omnipotentis Dei, & per præsentem traditionem nostram omnium, scilicet episcoporum, cæterorumq; Dei seruatorum, & quanto clerum sacris altaribus propinquiorem aspicias, tanto ei potentior in locis congruis honorem, impendere memineris, quatenus Mediator Dei & hominum, te mediatorem cleri & plebis, in hoc regni folio confirmet, & in regno æterno, secum regnare faciat, Iesus Christus Dominus noster, Rex regum & Dominus dominantium, qui cum Patre & Spiritu sancto, viuit & regnat Deus, per omnia sæcula sæculorum.

*Tandem archiepiscopus exorditur, Te Deum laudamus, quo absoluto, stans à dextris regis dicit: Firmetur manus tua, & exaltetur dexteratua. R. Iusticia & iudicium preparatio sedis tue. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.*

### O R E M V S.

**D**EVS qui victrices Moyfi manus, in oratione firmasti, qui quamuis ætate læguesceret infatigabili, sanctitate pugnabat, vt dū Amalech iniquus vincitur, dum prophanus nationum populus subiugatur, exterminatis alienigenis, hæreditati tuæ possessio copiosa seruiret, opus manuum tuarum à nostræ orationis exauditione confirma: habemus & nos apud te sancte Pater Dominum Saluatorem, qui pro nobis manus suas extēdit in cruce, per quem etiam precamur altissime, vt tua potentia suffragante,

gante, vniuerforum hostium, frangatur impietas, populusq; tuus cessanti formidine, te solum timere condiscat, per eundem Christum Dominum nostrum. R. Amen.

## O R E M V S.

**D**E v s inenarrabilis auctor mundi, conditor generis humani, cōfirmator regni, qui ex lumbis fidelis amici tui, patriarchæ nostri, Abrahæ præelegisti regem sæculis profuturum, tu præsentem insignem regem hunc, cum exercitu suo, per intercessionem omnium sanctorum vberi benedictione locuplerā, & in solum regni firma, stabilitate cōnecte, visita eum per interuētum omnium sanctorum, sicut visitasti Moysen in rubo, Iosue in castris, Gedeonem in agro, Samuelem crinitum in templo, & illa cum promissione, & sydereā benedictione, ac sapientiæ tuæ rore perfundere digneris, quam Dauid in Psalterio, Salomon filius eiuste remunerante percepit de cælo. Sis ei contra acies inimicorum, lorica in aduersis, galea in prosperis, sapiētia in protectione, clypeus sempiternus, & præsta vt gentes illiteneant fidem. Procures atq; optimates sui habeant pacem, diligant charitatem, abstineant à cupiditate, loquantur iustitiam, custodiant veritatem, & ita populus iste pullulet, coalitus benedictione Trinitatis, vt semper maneant tripudiantes, armis gaudentes & in pace victores, per Christum Dominum nostrum, Amen.

*Tunc rex accepto in manus sacro gladio, aliquos tum nobiles, tum consiliares viros, habita cæ-*



rimoniae dignitate, ad equestris ordinis dignitatem praecinctos prouexit. His peractis rex in palatium deducitur cibum capeffurus, ubi instructis mensis, accumbebat summum thronum ipse ac deinde per ordinem ceteri principes suas mensas accumbunt, tunc primores barones & senatores loca sua occupant. Marschalcis ceterisq; officiarijs munia regalia obeuntibus, Dapiferis Architricliniisq; praecuntibus cum suis scipionibus, argenteis canistris panem, & auratis patinis varia tuceta, leucophaga, frictellas, tortas, & quicquid praeclarum ars appetitia exquisitissimas sumptuosissimasq; per ordinem epulas copiose apponunt, assa, elixa, insculenta, frixa, pastillia, promulsidaria, pultaria, crustulenta, aliag; lautissimorum eduliorum genera sapidissimis succorum, multiingis condimentis suffusa, quae L. Luculli Romani mensas superabant. Tandem die Luna sequenti iisdem quibus antea insignia praeferebantibus, in forum summa cum celeritate deducta, à ciuibus in edito folio ad id pulcerrimè iuxta praeatorium facto, iusiurandum & argenti ingentia peramplag; munera accepit. Ibi etiam assumens in manum aureum pomum, tum euaginatam gladium aliquot strenuos & benemeritos viros equestri ordini asciuit, ac aurata militia condonauit. His peractis ad Andrea Zboronij nuptias pedes, omnibus plateis

plateis & tectorum summitatibus, multitudine  
oppletis, iuit. Peracto prandio hastiludia rege in-  
spiciente exercebantur extra muros, ibidem &  
postera die sacra regia maiestas liberalissimè tra-  
ctabatur. Samuel autem Zborowski qui ad coro-  
nationē neglexerat venire, centū viginti equites  
sumptuosissimo ornatu Hungarico ei ostenderat.  
Plurimi postea dies in audiendis gratulantium  
principum externorū legationibus & in quibusdā  
caussis decidendis transacti sunt. Atque hanc ve-  
ram coronationis augustissimi Poloniae principis  
descriptionem, Lector candide, boni consule. Va-  
le, & nos redama.

T 4







# COMPENDIVM CHRONICORVM LITVANIÆ, SECVNDVM SERIEM ET SVCCES- SIONES DVCVM GENTIS A PRIMO HO-

*rum conditore ad nouissimum ordine seruat.*



PTOLEMÆVS ille vniuersi orbis geographus curiosissimus, his in regionibus quæ hodie à Lituanis coluntur, & quæ eorum ditioni utpote Russia, Podolia, Volhinia, Podlascia, Samogitiaq; subsunt, hos populos colonias suas, (quorum hodie ne vestigium quidem apparet) antiquitus habuere recenset, Galindos, Bodinos, Geninos, Sudinos, Cariones, Amaxobios, Stabanos, Sturnos, Nascios, Asubios, Wibiones, Ombrones, inter Lublinam & Brestiam, Sargatiosque, Quos omnes ex Cimbris, Gothisq;, & Sarimatis ortum sumpsisse idem Ptolemæus asserit. Sarmatarum autem deductio cum latius à nobis descripta pateat, Cimbriorum nomen, & successiones mihi explanandæ videntur. Cimbrós itaq; à Gomero nepote Nohe ex

*Lituania  
populi.*

*Cimbri Gen-  
deprognati.*

maximo natu filio Iapheto ortos esse, nomenq; ab eo per tot sæcula paululum immutatū trahere consentiens

sentiens omnium historicorum opinio est. Hæc  
 posteritas Iapheti, cum maiorem orbis terrarum  
 partem, in Europa, Asiaq; minori occupauerit, quod  
 ipsi cum etymon nominis dilationem significantis,  
 tum fausta Nohe parentis imprecatio portende-  
 bant, pars eorum à Gomero orti, ad Bosporum Ci-  
 merum Maotidis paludibus proximum, (qui de illis  
 Cimmericus est appellatus) vltra fontes Tanais flu-  
 uij, vbi in Ducatu Rhesanensi Moschouia principi  
 subiecto oritur, sedes suas habuerunt. Postea suc-  
 cessu temporis, quod haud difficile illis fuit, per  
 regiones propinquas, Russiam, Lituaniam, Liuoni-  
 am, & Borussia, nunc Prussiam appellatam, & Cim-  
 bricam chersonesum vbi Sueci, Dani, Holandi pro-  
 gressi, toto eo littore se passim diffundentes latè do-  
 minati sunt, & castrato paululum nomine, litteraq;  
 interiecta Cimbri nuncupati. Quando verò & qua  
 occasione hæc migratio contigerit, quoniam nulla  
 gentis ab eo tempore monumenta extant, ex quib.  
 id constare possit, ignotum est. Caterum fuerunt  
 semper Cimbri gens bellicosa, strenua, manu prom-  
 pta, id enim res ab ipsis fortissimè audacissimeq; ge-  
 stæ testantur. Hijs namq; colonijs septentrionalibus  
 relictis in numero trecentorum millium, per Ger-  
 manorum regiones in Heluetiam, Galliamq; in pri-  
 mis penetrarunt. Deinde Hispanias populabūdi va-  
 stauerunt. Inde annū circiter centesimū decimum,  
 ante natum Christum in Italiam excurrerūt, quam  
 vastabundi passim deprædarunt, Romanorumque  
 consulem Papyrium Carbonem, cū vniuerso exer-  
 citu fuderunt. Postea ab eisdem M. Iunius Siluanus,  
 & ipse Consul contracta infeliciter pugna, supera-

*Tanais flu-  
uius.*

*Cimbriorum  
patria.*

*Cimbri Gal-  
liam & Hi-  
spaniam in-  
gressi.*

*Cimbriorum  
in Italia bel-  
la.*



*Infelix cum  
Cimbriis Ro-  
manorum  
conflictus.  
earū strages.*

tur. Aurelius deinde Scaurus Consulis legatus amissis copijs Romanis, in manus eorum viuis perueniens, à Bolo rege Cimbrotum occiditur. Id Tacito affirmante actum est, anno sexcentesimo quadragésimo post urbem conditam. Tandem Romani maioribus copijs collectis in aditu Alpium contra Cimbros exercitum opponunt, fusi tamen & ad internitionem prostrati, vbi C. Manlius in pugna interfectus, occubuit. Octuaginta verò millia Romanorum militum cesa. Q. Seruilius Cæpio imperator exercitus, ex conflictu funesto vix cum denis elapsus, Romam tantæ cladis nuncius perueniens, bonis omnibus publicatis, ex decreto senatus, quod temeritate sua exercitum perdiderit, iugulatur. Aiunt Romanos vno in prælio maiori clade & detrimento vnquam affectos esse, quam obrem suspensis mentu animis, de exitu imperij sui magnopere solliciti, præsentique rerum suarum periculo vehementer conturbati, cum hostes exitium, vbi minitantes propediem aduentare nūciarentur. Caium Marium ex Lybia vbi Iugurtham deuicerat, ducem bellicosissimum, & fortunatum vocauerunt, duobusque annis ab illa clade Romanorum elapsis, Marius, Cimbrotum & Teutonum, ad aquas Sextias cruēto prælio ducenta millia fudit, tantaq; fertur casorū multitudo, vt Massilienses congestis defunctorum ossibus, vineas eisdem obsepserint, sanguineque humano agri quasi stercore multo pinguescentes vberiri, feracissimi que redditi sint. Itaque Cimbri attenuati & numero virib. sed animo minimè fracti, in vnum conglobati, Q. Catuli proconsulis exercitum in fugam verterunt, ad fluuiumq; Athesin castrame-

strametati sunt. Quò Marius summa celeritate aduolans, coniunctis copijs suis, cum exercitu Catuli, inito prælio 29. die Iulij centum quadraginta milia Cimbrorum occidit. Quà clade ad extrema redacti Italia egressi, patrias oras, vtpote Daniam, Prussiam, Suetiam, Liunioniam, Lituaniamq; petierunt, ex quibus illi qui Lituaniam occupauerant Gepidæ nūcupati fuere. Hac verò in regione vbi Samogitia, Æneas Syluius Massagetæ, gentem Plinio celebrem consedisse testatur. Lituorum verò gentem, qui antiquitus Gepidi vocabantur ex Gothis oriundam. Erasmus Stella pulcris rationibus affirmat cum duce Litalano, siue LitWone, Vedenuti Prussie regis filio, anno Domini 573. in has regiones vicinas patris imperio quas olim Alani incolebant, venisse. Lituaniæque nomen à sui denominatione eiusdem imperii Saimone principe appellatam, idem Erasmus Stella in Prussia historia testatur, quæ tunc temporis longè in Prussiam, & Liunioniam vsque extendebatur. Similiter Lotialos, siue LotWonos, qui nunc Liouones post Germanorum ingressum Latinis dicuntur, ab eodem LitWone cum LitWania pariter nomen traxisse. Hæ autem gentes, vtpote Pruteni, PoloWci, Samogitæ, Gepidæ, Lituani, Liouones, Curlandi, latWingi siue Iazyges & IaczWingi appellati, vt vnum idioma, ita eosdem mores, consuetudines, legesq; & bellorū expeditiones in Christianos concordi Marte, semper habebant, nisi singulæ singulis principibus finibusq; certis dirimebātur. IaczWingi autem fuerunt populi crudelissimi, in finibus Lituaniæ iuxta Massouiam, vbi hodie Podlassia colonias

*Marius Cim-  
bros fudit.*

*Cimbri in  
Italia.*

*Lituani à  
Cimbris or-  
ti.  
Lituania,  
Samogitia  
& Liunia  
denomina-  
tio.*

*IaczWingi,  
siue Iazyges  
gens crude-  
lis.*



*Lituania à  
Lituo.*

*Itali Litua-  
nia gentis  
propagato-  
res.*

*Vulgus Li-  
tuanorum  
ex Gothis  
nobiles ex I-  
talis orti.*

*Polamon  
Italus pri-  
mus dux Li-  
tuanorum.*

suas habebant, qui in bello non referebant pedem, quin vincerent, aut vincerentur: ideo bellis assiduis interierunt; reliqui eorū in Lituanos Russos, & Masouitas ob vicinitatem abierunt. Opinantur alij Lituanos, à *Liuno* quod cornu venatorium significat, dictos esse, quorum opinio, ut anilis & stulta iure ab omnibus irridetur. Matthias autem Miechouiensis, & Dlugosus Polonicae historiae indagatores, ac annales Ruthenorum testantur, Italos duce Palamone, vel ob tyrannidem Neronis, vel pro meritum exilium, aut ab Attila Hunnorum reges crudelissimas patriae vastationes fugientes, has regiones, longa nauigatione superata, ex sinu maris Baltici, quod Prussiam, Samogitiam, Liunioniāq; alluit, per Nēnam fluuium *Crononem* Ptolemæo dictū, classe ingresses fuisse, quod & ipsa gens Lituanica strenuè asserit. Quamplures enim dictiones Latine, & Italicae idiomati eorum intermixtae habentur. Aiuntq; hūc Palamonem (quem ipsum nomen Latinum, Italumq; esse prodit) cum certa comitiua ex nobilibus propinquitate iunctis collecta, quorum praecipuos, Vrsinos, Columnas, Iulianos, Caesarianos, Gastaldos recensent, Lituanie nobilibus familijs & stemmatis principia dedisse; vulgum verò Lituanorum utpote colonos, & agrestes ex Gothis natos asserunt; in hancq; sententiam plurimi Polonicae & Germanicae, ac Russorum historiae scriptores astipulantur, quorum iudicio & auctoritati, nos quoq; acquiescentes cum eisdem sentire volumus.

Hic itaque Polamon ob innatam industriam, à gente barbara princeps salutatus, eam coram nomine patriae suae Italiae (praeposito articulo Italis in fa-  
mini-

minini generis nominibus efferendis consueto) *La Italia* appellasse creditur, quæ postea longo temporis successu Italicis moribus, idiomateque in barbariem populi cōmutatis, Lituania dicta est. Quidam etiam eosdē Italos à littore maris Baltici, quod Prussiam, Liuoniam, ac Lituaniæ, Samogitiæ extrema aluit, eò quòd ibi prius confederint, Lituaniam cognominasse putant. Succedente postea Palæmoni quodam ex eadem gente principe, Itali recens Lati-  
norū nomen non modo deposuerunt, sed ignatam quoque & peregrinam eorum incolarum linguarum, apud quos principatum arripuerant addiscentes, in suam cooptarunt, viuendiq; normam & modum cum eiusdem barbaribus susceperunt. Cæterum hæc gens Litwana longo tempore à sui imperij primordiis obscura fuit, Ruthenorumq; iugo subiecta, vt princeps Kiouiensis Russiæ quondam monarcha, ab eis periomata, suberāq; ob egestatem & soli sterilitatem, in signum tantummodo subiectionis exigeret: donec Mendolphus siue Mendog, & Witenen, Gediminusq; duces illustres heroica magnanimitate illa innata, dudumq; segnitia rei militaris oppressa excitata, rebellionem contra Ruthenos, ab antecessoribus suis inceptam continuantes, vnus post alium in Lituaniæ imperio succedentes, Russiæ principibus partim strenuo Marte, partim astu frequentius aggressis, & quasi debellatis, sensim ad eò viribus creuerunt, vt iugo Ruthenis omnibus iniecto, etiam ad tributa sibi pendenda eos compellerent, quæ pluribus ab annis Ruthenis ipsi pendebant, ac pro periomatibus & subere aurum, argentumq; exigunt. Nunc Lituanorū successus & seriem

*Lituania ab Italia cognominata.  
Lituania à Litore.*

*Lituani olim obscuri, Russis tributarij.*

*Lituani singulis Ruthenorum excubant.*



à primis principatus, incremētis, secundum Ruthenorum opiniones aggrediar, à tribus fratribus Palæmonis nepotibus, initio sumpto.

O R D O, G E N E A L O G I A Q V E  
*Ducum Lituania.*

*Palæmonis  
nepotes.*

**P**alæmoni ex Romanis patritijs genus suum ducenti, fatisq; in Lituania multis periculis exantlati commigranti, tres nepotes (quos Rutheni filios eiusdem contra veritatem historiæ legitimos scribunt) in imperio Lituanico successerunt, Borcus, Cunossus, & Spera nominati.

*Borcus.*

*Kunos.*

*Spera.*

Borcusq; arce ad Iuriam fluvium vbi in Crononē siue Nemnam exoneratur, in Samogitia erecta, à sui nominis & fluij cōposita denominatione, eam *Jurborg* quæ hucusq; durat, appellavit, imperiumq; in Samogitas exercuit.

*Kunossow  
arx.*

Cunos, verò ulterius procedens eadē in regione castrum Kunossow fundavit à suo nomine appellatum, ad quod regio subiacens pertineret.

*Kiernus.*

*Gybus.*

*Kiernow*

*arx, & se-*

*des magni*

*Ducatus Li-*

*tuania.*

Spera quoque Vilkomir arce ad fluenta Swentæ ædificata, ibidem dominari cœpit. Tandem Borco & Spera fatis concedentibus, Cunos in utriusque partes successit, duosque filios Kiernum & Gybutum procreavit. Mortuo Kunosso, Kiernus filius in Lituania principatu ex utraque ripa Wilia fluij arrepto, Kiernow arcem Ducatus sedem erexit. Hunc Lituaniā à littore & tuba siue lituo cornu venatorio, appellasse Rutheni & ipsa gens Lituanica nulla certa, probabiliq; ratione fulti autumant. Gybutus etiam Kiernowij Germanus Samogitiæ habenis præfuit, manuq; coniuncta cum Kierno

*Lituania à*

*Litus tuba.*

Ruf-

Russiam apud BrassaW & Poloczko longè lateque vastauerunt. Cumque exuijs onusti reuerterentur, Samogitiam à Liuonibus vicinis spoliata inuenerunt, quam vlciscētes Liuoniam vicissim igne, & armis, vastatam diripuerunt.

Kierno è viuis decedente Ziuibundus filius in Lituania succedit, Gybuto verò in Samogitia MūtWil, hi quoque fraterna synceritate sese prosequentes, pacificè gentium suarum habenis præfuerunt. Russiæ principibus tributa persoluentes, periomata videlicet ad balnea & conturnos de subere more gentis contextos. MuntWilo deinde Parcisi vocantibus, non diu regnanti, Vikint filius in Samogitiæ principatum, euectus est.

*Ziuibundus  
dux Lituanie.*

*MuntWil  
Samogitiæ  
dux.*

*Vikint.*

Interea verò cum Batti Tartarorum imperator, Russiam magna ex parte deuastasset, potentiamque ducum eius diminuisset, & debilitasset, Ziuibundus Lituaniæ dux nacta occasione ad iugum Ruthenorum excutiendum, & libertatem vindicandam, fratris Wikinti ErdziWilum filium in Russiam instandam armata manu destinauit. Itaque ErdziWil tranato Vilia fluuiio, NoWogrodek arcem & ciuitatem Ruthenorum occupauit, ibidemque sedē Ducatus sui posuit. Vltoriusque castra mouendo ad Nemnam fluuium, scopulo, natura loci munitissimo reperto, castrum quod *Grodno* appellatur ibidem crexit. Tandem in Podlassiā cum exercitu penetrans Brzestiam, Mielnicum, Drohicinum per Batti Tartarorum desolatas arces Ruthenorum occupauit, muniuitque, & omnē eam oram suam in ditionē paruo negotio redegit. In Lituania verò bene meritis exercitus ductoribus prouincias, unicuique pro sua di-

*Batti Rus-  
siam Gastauit.*

*Grodno a-  
dificata.  
Podlassia  
ab Erdinilo  
occupata.*



*Eixis.**Gransis.**Campania.**Lituaniam  
procceres.**Erdziuilus**Tartaros**sternit.*

gnitate, distribuit, Eixio ex quo Douoinorum familia creuit, regionem hanc ubi ab eo nunc Eixiski oppidum nuncupatur. Granso ubi Gransiskii: Campanæ verò ex quo Gastaldorum nomen in Lituania Osmianam dedit.

Erdziuil igitur viribus in Russia & Lituania actis, Tartarorum ZaWolhensium regem Kurdasum nomine cum suis copijs Ruthenorum regiones ex consuetudine depredantem apud Mozeram oppidum, in fluvio OkunioWka dicto prostravit, fugauitq; Multis gestis heroicis exactis, fatis concessit. Mingailum verò & Algimuntum filios imperij successores reliquit. Algimuntus Samogitię præfuit: Mingailo verò Polocensibus Ruthenis liberè absq; iugo cuiusquam viuentibus bellum intulit, quibus apud Grodziec arcem eorūdem quam exussit debellatis, Poloczcam cepit, imperiumq; in Polocenses, ac Nouogrodenſes latissimè exercuit, Ginuilo, & Skirmunto filijs, patriæ dominis relictis, è viuis decessit.

*Skirmunt.*

Skirmunt itaq; persolutis patri funebribus exequijs, Nouogrodecensium & Lituanoꝝ habenas moderauit. Ginuil verò Poloczcam iure naturali deuolutā administravit, qui ducta in matrimonium Maria Twerensium ducis filia baptizatus est, atque Georgius cognominatus, cum Pskouiensibus, & Smolenscijs acerrimum bellum pro patriā gessit, Borisso filio in Polocensi Ducatu relicto, spiritum exhalauit.

*Ginuil.**Boris.*

Boris ex more patri iustis persolutis, Poloczcam summa cum dexteritate moderauit, Basilicam sub titulo sanctæ Sophiæ in arce de lateribus coctis pulcerri-

cerimè sumptuoseq; erexit. Item aliam Saluatoris Iesu Christi, qui *Spes Ruthenis* dicitur, & monasterium virginum medium milliari à Poloczka, (vbi modernus dux Moschouia in oppugnatione Poloscæ, domicilium suum habuit) Borissiq; & Hlebi duorum Ruthenici ritus ecclesias instaurauit ac dotauit. Borisso Wo arcem & oppidum ad Beresinam fluuium, à sui nomine appellatam fundauit, ad quã vsque magnus Dux Moschouia fines suos pertinere contendit. Borisso decedenti Basilus RechWold filius in Polocenſi principatu successit, qui ætatis plenus ad superos migravit, relicta filia Poroskauia & Hlebo filio. Hlebus paucis annis in Poloczka exactis, fatis concessit. Poroskauia verò soror sua cælibem virginalemq; vitam ducens, in monasterio Ruthenici ritus vixit, postea deuotionis causa cum quibusdam monachis Græcis, Romam petijt, ibidemq; mortua, ob vitæ sanctimoniam canonisata & catalogo sanctorum scripta Paraxidisq; Latinis secundum Ruthenorum opinionem appellata. Nunc à Polocenſibus Ducibus, ad Lituaniæ principes redeo.

*Borissow  
fundata.  
Basilus  
RechWold.*

*Poroskauia  
Poloczka  
Ducissa.*

Skiermunt filius Mingaili & frater Ginuili, Lituaniæ habenas viriliter moderans, Mscislaum ducem Lucensium cum copijs Russorum sibi occurrentem prostrauit, arcesq; Pinskam, & TuroWiam eisdem eripuit. Postea Balaklaum Tartarorum Zawolhensium regem apud KeidanoW Russiam vastantem cum vniuerso exercitu fudit, fugauitq;.

*Skiermunt  
Ruthenos  
prostrauit.*

Tandem Russiæ principibus bellum intulit, eò quòd illum Lituania pellereniterentur. Mortisque successu copijs Russorū debellatis, Mozeram, Cer-



nihouiam, Karasouiam arces cum suis prouincijs expugnauit, imperioq; suo subiugauit, ac tribus filijs, Stroinaro, Lauborto, & Pissimonto in hereditatem concessit.

Kukouoitus patruus Skiermonti in Lituaniæ & Samogitiæ principatu multis annis exactis, naturæ *Giedrus.* debitum soluit. Giedruffo verò genero, qui filiam suam Poiatam matrimonio copulauerat, principatum commisit, qui Lituaniæ & Samogitiæ habenis summa cum dexteritate administrans moritur, Ringolto filio relicto.

Ringolt patri funebribus exequijs more gentili persolutis, Lituaniæ & Samogitiæ præficitur. In hunc principes Russiæ inuidia ducti, ob tributa non persoluta exacerbati conspirauerunt, quatenus Ducatu paterno exueretur. Itaque exercitibus conscriptis, in Lituaniam valida manu cum Tartarorum auxiliariis copijs excurrunt, quibus Ringolt viribus Lituanicis & Samogitiæ accinctus occurrit, acriq; commisso prælio ad Nemnam fluuium iuxta Mohilnam, Tartarorum sex millia Ruthenorumq; ingentes copias prostrauit. In quo conflictu ex ducebus Russiæ, Demetrius Drucensis, Swetoslaus Kiouiensis, Leoq; Wolodimerensis occubuerunt. Ringoltus hac victoria & alijs multis clarus, rebus humanis excessit, cui Mindog filius in principatu successit, anno Domini 1340.

*Ringolt princeps Russiae perit.*

**M**Endog siue Mindog dux Lituaniæ, Samogitiæque, cōmunibus suorū acclamationibus creatus, cum Prussienfibus Crucigeris & Liunionensibus multa præclara bella gessit, Smolenskam & Wolhinia ducem imperio suo post varios conflictus subiecit.

subiecit. Boleslaum Pudicum regem Poloniae 1243. anno à Christo nato, Daniele m<sup>q</sup>; Russie monarcha & regē coronatum 1246. saepius excursorijs pugnis, cruenta cum clade Christianorū molestauit. Massouiam, Dobriniam, Kuiauiā, igne ferroq; multis spolijs onustus frequēter peragrauit. Postea anno Domini 1252. à Cruciferis Prussiae, Liuaniaq; inductus, fidem Christianā cum nōnullis Lituaniis & Prutenis suscepit, deditq; literas Cruciferis Prussiae (Magistro Henrico de Zalcza in ordine tunc temporis quarto praesidente) quibus astituit, & recognoscit, se ab illis multipliciter honoratū & adiutū, & ideo terras suae ditionis, videlicet Samogitarum, Iacz Wingorum, Curo Wiensium, Weizeshium, & totā terrā Lituaniae perpetua & irreuocabili donatione ipsis donasse & inscripsisse. Consilioq; fratrum Cruciferorum Prussiae nuncios suos, nūcijs Magistri & Cruciferorū adiunctos, ad Innocentium papam quartū misit, profitēs se puritatem Christianam suscepisse, & coronā super Lituanos regnandi petens. In cuius fauorem Innocētius papa fratrem Heindericum olim prouincialem Poloniae, & episcopū Armacanum, cum alijs episcopis de Riga Liuaniae misit, qui Mendogneim in regem Lituaniae inunxerunt, sub eodē tamen anno, cum omnibus baptisatis ad pristinos idololatriae feces, prioribus peiores redijt, siue dolore & poenitentia amissarum terrarum, quas Cruciferis inscripserat, siue alia causa commotus. Postea anno Domini 1260. Mendog, siue Mendolphus princeps Lituaniae ordinatione Crucigerorū regē se gerens ex Lituaniis, Prutenis, Iacz Wingis, Samogitijsq; triginta millium exercitu coadunato, Massouie oram cru-

*Mendog coronatur, baptisatur.*

*Mendog Christianā fidē spernit.*

*Massouia vastata.*



*Prussia à  
Mendog va-  
statur.*

delissimè depopulatus est, castrum Poloczko cum ciuitate exussit, deinde Prussiam inuadens, Cruciferis tantummodo castra tuentibus, ciuitates quas Cruciferi extruxerant flamma, & excisione deleuit, omnesq; Christianos illic repertos trucidauit, optimisq; spolijs onustus in Lituaniam redijt. Item eodem anno Magistro & Cruciferis Prussiae, erigentibus castrum Carso Win, in monte sancti Georgij, à Lituanis, & Prutenis barbaris prostrati sunt, vbi Henricus de Horshusen Magister Liouoniae, & Henricus Marschalcus Prussiae cum multis alijs occubuerunt. Lituani autem castrum Carso Win & Heizburg, maceratis fame defensoribus conquisiuerunt. Ad castrum deinde Konigsberg obsidione promota à Crucigeris repulsi sunt.

*Massouia  
elades, & bi  
Semouitum  
obstruatur.*

Tandem Mendog valido collecto exercitu cum Swarnone Prussiae principe, anno 1262. in Massouiam irrupit, vbi in vigilia sancti Ioannis Baptistae Semouitum ducem Massouiae incautum in curia Iasdo W cum filio Conrado, & alijs militibus, occupauerunt. Swarno dux Russiae Semouitum ipsum crudeliter decollauit. Conradum verò filium ipsius, Mendog, & Lituani cōseruauerunt, & eodem anno ab eis redemptus est. Lituani itaque & Rutheni, vniuersa Massouiae ora & Cuiaviae parte peruastrata, cum immensa praeda hominum & pecorum, succensis opidis & villis in suas terras redierunt. Sequenti deinde anno Lituani & Rutheni non contenti prima deuastatione in Massouiam iterum remearunt, & in ea propter desolationem nihil reperientes, Castellaniam Louiciensē ad archiepiscopum Gnesnensem pertinētem, igne & multiplicibus pradis consum-

*Louicz  
exusta.*

sumpserunt: nemineq; defensionem opponente, in terras suas superbiendo discesserunt.

Tandem Deus misericors Polonis, Massouitisq; Christianis propiciaturus, dissensiones ciuiles, inter Ruthenos & Lituanos immisit. Nam Mēdolphum, aliās Mendog regem Lituanorum, nepos eius Stroinat cum DoWmanto genero eiusdem, principatum Lituanicum ambiens, quiescentē obtruncat, & duos filios eius, Ruklam, & Rzepicassam, sicq; principatum arripuit, anno 1263. in quo & fratrem ToWciuilum Polocensium ducem ambitione commotus trucidauit. *Mēdog, cum filijs occisus à Stroinate.*

Woifalk autem monachus tonsus Ruthenicum ritum primò professus, filius Mendolphi, patri occiso parentando Stroinatum exprobrando illi nephariam cædem, anno Domini 1264. occidit. Itaq; Woifalk monachus ducem Lituanorum se gere cœpit, Poloniamq;, & Massouiam, ac Cruciferos crebris irruptionibus infestauit. *Touicini luv trucidatur.*

Anno autem Domini 1267. prædictus Woifalk propter simultates & odia pro terris Russiæ, quas sibi appropriare nitebatur, in WroWsko monasterio Ruthenorum sancti Michaëlis circumuētus à Leone duce Russiæ, qui & Leopolim fundauit, filio Danielis olim regis Russiæ, occisus est. *Voieselk ingulatur.*

Sublatis per huiusmodi seditiones ducibus Lituaniæ, Vtenus siue Vcienus ex principum Lituaniæ prosapia familia Kitaurorum communi omnium acclamatione in magnum Lituaniæ Samogitiæque ducem substituitur, qui pluribus bellis cum Ruthenis, Cruciferisq; Prussiæ exantlatis SWintoroho filio relicto è uiuis decessit. *Vienus.*

SWintorohus paucis annis in imperio exactis, *SWintorohus.*



*Giermōtus.*

Reipublicæ tamen negotijs optimè communitis, constitutisque, ex hac luce commigravit, cui Germontus filius succedens, & ipse non multo tempore imperans, relictis Trabuso & Aligino filijs, in fata cōcessit. Trahus magni Ducatus Lituaniæ, Samogitiæ, & quibusdam regionibus Russiæ iure hæreditario ad se deuolutis imperans, bello & pace clarus oppidum à suo nomine cum castro hucusq; Trahy appellatum condidit, & quinq; filios legitimos Narimundum, Dowmantum, Holsanum, Giedrutum, Troidenum, procreauit, pluribusque egregijs gestis exactis, fatis interceptus est.

*Sedes de Nouogrodek in KERNouam translata.*

Per solutis gentiliter patri funebribus exequijs, eiusdem in magno Ducatu Narimuntus natu maior filius successit, sedemq; suam de Nouogrodek KERNouam transtulit. Dowmant verò Vcianam castrum cum suo districtu tenuit. Giedrotus siue Giedrus, arcem ad lacum quendam à suo nomine Giedrote appellatam, condidit, in qua sedem sui principatus habuit, ex eo ad hæc vsq; tempora innumera bilis progenies extat propagata, ducum Giedrocensium titulo gaudentes, ac pro ducibus sese gerentes, & à Vilna Lituaniæ metropoli, quatuor milliaribus incipiendo, in Lituaniam vsque ditiones eorum extenduntur per 26. milliaria Polonica, plurimiq; eorum pauperrimi vix colonorum conditionem adæquantes, cæteris dominis inseruientes nihilo minus tamen titulo ducum sese priuari permittunt, atque aliter appellati agrè ferunt: verè enim ex ducum Lituaniæ prosapia, genus suum ducunt, & armis Ducatus Lituaniæ antiquis, quas à Romanis importatas, ferunt Kijtauro videlicet secundum

*Duces Giedrotenses.*

dum illorum opinionem vtuntur. Sed ad rem redeo. Holsam quartus Trabussi filius vltra fluuium Viliam versus Orientem procedendo, & Korablam amnem arcem sui Ducatus sedem, à sui denominatione Holsani appellatam condidit. Horum ducum Holsanensum Paulus episcopus Vilnensis moderni, verè reuerendissimi, domini Valeriani episcopi antecessor familiam terminauit. Ducatus verò ipse in ditionem regis cessit. Quintus Troidenus lat Wingorum, vbi nunc Podlassia, & Doino Wiorum principatum vltro sibi oblatum accepit, vbi Rayrodam arcem hucusque manentem condidit, ad Biebram fluuium.

His quatuor fratribus, Narimuntus secundum prærogatiuam natiuitatis, in magno Ducatu præpositus, coniunctis eorum viribus Poloniam, Russiam, Massouiamq; & Prussiam infestabant, Crucigeros quoq; sæpius, tam Liuonienses, quàm Prussienfes oppugnabant. Postea Narimuntus cū Dowmantto fratre bellum ciuile, quòd sibi vxorem rapuerat mouit: Vczianaq; quo se Dowmantus receperat obsessa, vxorem recuperauit, & arcem conquisit. Dowmantum verò Ducatu exiit, fugauitq; qui Pskouiam fugiens in principatum à Pskouiensibus promotus est, quorum armis Polocenses Ruthenos Poloczka conquisita, suam in ditionem subiugauit.

Porro Ruthenorum annales Narimuntum magnū Ducem Lituaniæ primū autorem stēmatis siue insignij Lituanici, viri videlicet armati quo insidentis albo, gladium extensum super caput tenentis, in modum persequentis fugientes, vnde vulgariter *Pogonia* dicitur. Fatis tandem obtemperatis, Nari-

*Insignia Lituanica.*



*Troidenus  
Lituanie  
princeps.*

munto, Troidenus frater in magno Ducatu Lituanie & Samogitie successit, qui rebus omnibus imperij bene compositis, finibusq; ab incurſu Ruthenorum & Crucigerorum vndique tutatis, summo cum terrore finitimis gentibus principatum gubernauit, filius verò suus Rimuntus, quem ex Massouie ducis filia susceperat baptisatus, monasticam vitam ex præscripto Ruthenorum professus est.

*Prussiam  
Troidenus  
vastat.*

Postea anno Domini 1278. Troidenus coadunatis Lituanorum, & Prutenorum, barbarorum copijs, quæ 30. millia pugnatorum excedebant, eas trifariam diuisit, vnâ partem in Massouiam, duas verò in terram Culmensensem contra Crucigeros destinauit, maximâq; parte Prussie ditionis Crucigerorum peruaſtata, castris BurgelaW, LubaW, Chelm, expugnatis, maximam captiuitatem hominum & iumentorum in Lituaniam abduxit. Eodem anno terra Cuiauiensis circa oppidum KoWale, & Lanciensis ciuitas à Lituanis, subita incurſione spoliata est. Postea DoWmantus Pskouiensium, & Polocenſium princeps, Troidenum natu minorem fratrem, magno Ducatui Lituanico dominari agrè ferens, tres rusticos subordinauit, pretio corruptos, qui eum de balneo euntem incautum obtruncarunt. DoWmantus itaq; copijs cōscriptis validissimo cum exercitu, ad Lituaniam occupandam progressus, à Rimunto filio Troideni, ex monacho principe facto, viribus Lituanicis profligatur, trucidaturq; , qui eius sanguine parenti, victoriosè parentauit. Facta in KiernoWa conuentione omne ius hæreditarium in magno Ducatu abdicauit, sæculariq; principatu spreto, vitam monasticam cōtinuare delegit. Vithenen verò

*Troidenus  
trucidatur.*

verò Samogitam de familia Kitaurorum ex Romanis principibus oriundum, virum strenuum & magnanimum, in magnum Ducem Lituaniæ constituit: quamvis enim superessent patrueles sui duo, Giedrocensis, & Hollanensis duces, ad quos magnus Ducatus iure hæreditario pertineret, sed quòd erant puerili ætate ad imperium minus habili, ideo principatum ad eos deferri dissuasit, dicēs: patrum suum Narimuntum felicitis memoriæ, arma siue insigne magni Ducatus sibi fabricasse, virū armatum cum gladio equo insidētem, ideo oportere, vt princeps, armis bellicosis, strenuè corresponderet.

### VITHENES PRINCEPS

*Lituania.*

**A**Nno quo verbum Diuinum salutiferum, humana in carne, mundo cælitus apparuit 1279. Vithenes communi omnium suffragio, princeps salutatus in Lituania, & magnę parti Russiæ, latè imperauit, frequenterq; bella cum Polonis finitimis, Russiæq; ducibus gessit.

Annoq; Domini 1282. cū Lituanis & Iacz Wingis 24. die Septembris in terram Lublinensem deuenit, & 15. diebus eam vastando, magnam prædam in Lituaniam referebat, Lesko autem niger rex Poloniæ, Lublini ex visione angelica cōsolatus, ad persequendosq; barbaros animatus est, quos cum parua manu Polonorū militum inter Narew, & Nemen cōsequutos, securè agentes, facillè prostrauit, ad decemq; millia barbarorum trucidauit, & spolia abegit, ac in signum victoriæ Lublini ecclesiam parro-

*Lituanipro-*  
*fligantur.*



chiale sub titulo sancti Michaelis Archangeli fundavit.

*Litua-  
ni in  
nuptiis tru-  
cidantur.*

Anno Domini 1286. Pelusa vnus ex ducibus Lituaniæ suas iniurias in Lituanos ulturus, ad Albertū de Missen, commendatorem in Königsberg, secretò confugiens, viginti viros militares Teutonicos armatos sibi dari petijt, quorum principales erāt Martinus de Golin, & Conradus Twil Crucigeri, cum his ad locum vbi principes Lituaniæ conuiuabant perueniens, nocte incautos oppressit, 70. principales Lituanos dormientes, plurimamque multitudinem vtriusq; sexus trucidauit, sponsum & sponsam, cum matronis & virginibus, spolijs, clenodijs, vniönibusq; onustus in Königsberg deduxit.

*Dobrzensis  
terræ vastatur.*

Anno Domini 1287. Lituaui, Pruteni, & Samogitæ, furtiuo & silenti agmine, in terrā Dobrzinensem venientes, principalem ciuitatem Dobrzin, die Dominico, ciuib; sacris occupatis comprehendunt, & trucidatis senibus atque lactantibus ceteros, spoliatis villis & oppidis, in miseram seruitutem abduxerunt.

*Prussici  
vastatur.*

Anno Domini 1289. exercitus Lituanorum, in numero octo millium armatorum, in terram Sambiensem Prussię, descendens, flammis, cædibus, & spolijs eam vastauit, & exuijs onustus in propria redijt, Cruciferi decernere cum hostibus non audentes, 50. duntaxat Lituanos interceperunt.

*Lituania  
vastatur.*

Anno Domini 1291. Lituaniā Cruciferi Prussienfes, vastauerunt, multisq; occisis septingentos captiuos abduxerunt. Postea & Mederabe castrum Lituanicum, commendator de Königsberg cōquisiuit. Magister quoq; Prussię Memer, cum forti exercitu

citu Lituaniā aggressus, duos districtus, Pastonow, & Gerslow, in cinerem redegit, & cum multa præda captiuorum reuersus est. Paucis post diebus Witenes Lituanorum dux terram Cuiaviae hostiliter ingressus, cædibus & spolijs, circa ciuitatem Brzescie patratis, hominum & rerum prædam ingentem secum abduxit, & licet Vladislaus Loktek & Casimirus, Cuiaviae, & Lanciciae duces, cum militibus suis, Magister quoq; Prussiae Meinhardus tempestiuè eos fuissent insequuti, re tamè nulla memorabili edita, omnes abiire retrorsum.

*Cuiavia  
vastatur.*

Anno Domini 1293. Conradus Stange cōmendator de Ragneta circa festum S. Iacobi castrū Mindege in Lituania expugnauit, & magnam multitudinem Lituanorum, pluribus cæsis in Prussiam abduxit. Witenes autem cum multitudine Lituanorum, & Ruthenorum, Prussiam 80. diebus vastauit.

*Lituania  
vastatur.*

*Prussia va-  
statur.*

Postea anno Domini 1294. cum mille octingentis equitibus, per syluas & nemora, silenti agmine Witenen, in terram Lanciciensem post festum Pentecostes ingressus, primū in ecclesiam collegiatam Lanciciensem impetum fecit, & frequentiam populi, quæ illuc confluxerat trucidauit; alios verò captiuauit; prælatos, canonicos, & sacerdotes in seruitutem accepit; vestes sacras, & vasa diripuit, & qui supra ecclesiam cōfugerant, domibus ecclesiam circumstantibus accensis, suffocauit. At rura, deinde & vicos discurrendo, magnam prædam abigebat, redeuntemq; Casimirus dux Lanciciensis, cum militibus suis prope Sohaczou, ciuitatem, in villa Troianouu consequutum, impari marte prælium cum eo commisit, vbi à multitudine Lituanorum con-

*Casimirus à  
Lituanis  
occisus.*



fossus strenuè dimicando, occubuit. Peraçto prælio cuilibet Lituano 20. Christiani Poloni in sortem cesserunt.

*Lituania  
vastatur.*

Anno Domini 1294. Meinhardus Prussiæ magister, binos districtus Lituorum Pastow & Gierschow vastauit. Eodem quoq; tempore cōmendator de Rugneta Lituorum castrum Kijmel conquisiuit, & succendit.

*Prussia vastatur.*

Anno Domini 1296. Witené, ingressus terram Culmensē, & districtum Colubiensē spolijs, & cædibus eas afflixit, deinde in Liuoniam vastatrices suas copias duxit, eamq; igne & ferro protriuit.

Anno Domini 1298. Lituani oppidum Straburg in Culinensi terra vastauerunt, quos Cruciferi assequentes, partem prædæ abegerunt.

Postea anno Domini 1299. sexcenti Lituani Prusiam igne & ferro protriuerunt. Natangiamq; districtum deprædati 300. captiuauerunt Teutones, plurimos verò occiderunt.

*Vithenes à  
Gedimino  
obtruncatur.*

Hic Vithenes habuit magistrum stabuli, Gediminum nomine, virum ambitiosum & excelsi animi, qui imperium ambigens prædictum Vithenem dominum suum nacta occasione temporis obtruncauit, statimq; magno Ducatu, & vxore domini occisi (quæ etiam in necem mariti consenserat) potitus est, atque hunc exitum Vithenes habuit. Chronica verò Ruthenorum hunc Gediminum legitimum filium Vithenis testantur, & legitimè eundem patri successisse, sed cæteri historici probabiliore ab eorum sententiâ discrepant.

GEDI-

## GEDIMINVS MAGNVS DVX

*Lituanie.*

**A**Nno à Christo nato 1300. Gediminus imperio industriose inter suos arrepto, latè illud propagauit, nonnulla parte Russiæ partim vi & armis, partim pactis occupata. Dum autem Lituanie habenas strenuè Gediminus gubernaret, à Ruthenisque & Polonis fines suos felici marte pacaret, Crucigeri, Prussienfes, & Liunionfes armata manu, & conscriptis ex Germania validis copijs, Samogitiam hostiliter ingressi, quæq; obuia vastauerunt, Kunostow arcem obsederunt, machinis eam quatientes, quam violenti irruptione ceperunt, & Gastaldum campiductorem Lituanie in ea captiuauerunt, vniuersamque terram Samogitie occupauerunt. Sequenti anno Gediminus ad vlciscendas iniurias sibi illatas, in inuasa & violenter occupata Samogitia, Lituanorum copiis conscriptis, & Russie principum auxilijs, ac Tartarorum accinctus, contra Prussienfes, Crucigeros & Lituanienfes expeditionem egit, & ordinatis vtrunque aciebus à mane vsq; ad meridiem durissimo Marte, ad Okmienam fluuium pugnauerunt, donec Samogitarum exercitus, in ipso furore belli à Crucigeris ad Lituanos deficiens, Gedimini vires atgerent, qui fortiter ordinè Teutonicorum dirupit, copiasq; eorum in fugam vertit, pleriq; ergo Almanorum, cum suis commendatoribus interfecti, alij in fuga capti, Gedimino præsentati sunt, quam victoriam prosperè, noctam persequens, in Prussiam contendit, duobusque castris Ragneta & Cilza acquisitis, ciuitatibus & villis circumquaque

*Samogitia à  
Crucigeris  
occupatur.*

*Crucigerorum strages.*



*Victoria  
Gedimini.*

*Gediminus  
principes  
Rusſiæ pro  
ſtigat.*

*Kiouia prin  
cipatū cum  
ſuis adha  
rentijs occu  
pat.*

ferro & igne deuastatis, magna spolia in Litu-  
niam triumphator abduxit, & Samogitiam totam  
recuperauit, praesidijs & incastellationibus Cruci-  
gerorum eradicatis. Hoc bello feliciter continua-  
to, anno Domini 1304. in Russiæ principes exp-  
ditionem parabat, Volodimirum Ducem Volhinie,  
cum exercitu Russorum trucidauit, Volodimiriam-  
que cepit. Postea contra Leonem Lucensem ducem  
armata manu contendit, quo fugato Luczkum oc-  
cupauit, & totam Volhiniam in suam ditionem re-  
degit, Brestiam exercitum reducens ibidem hiber-  
nauit. Tandem otij pertaesus maioribus copijs con-  
scriptis, contra Kiouia principem Stanislaum pro-  
cessit, Wruczaiumque, & Zitomiram, castra expu-  
gnauit, ipsum Stanislaum Kiouia, & ceteros princi-  
pes Russiæ, Leonem Lucensem, Romanum Bran-  
scensem, Olham Praßlauiensem, coniunctis viribus  
sibi occurrentes, felici Marte profligauit, vbi Leo  
Lucensis, & Olha Praßlauiensis occubuerunt, Stani-  
slaus verò Kiouienſis cum Romano Branscensi, fu-  
ga salutem consulentes Branskam fugerunt. Gedimi-  
nus autem victoria hac elatus, Bialygrodek, postea  
Kiouiam ipsam tunc temporis Russiæ metropolim,  
Cercassos, Kanio Wiam, Put Wilam sexaginta mil-  
liaria ultra Kiouiam, Slepouurotum, Branskum, Pe-  
reßlauiam, fauente Marte, partim vi partim deditio-  
ne expugnauit, & totius ferè Russiæ, Seueriæ, & Vol-  
hinia princeps facili negotio factus, in Lituaniam  
triumphantia castra reduxit.

Postea Gediminus de Kiernouua ad venandas  
feras causa solatii, quinque miliaribus ultra Viliam  
fluum emensis, nacto loco natura & opportunitate  
appri-

apprime munito, arcem ibidem erexit in lacu, ciuitatemq; eidem adiecit, quam vocauit Troki, in eam sedē magni Ducatus de Kiernoua transtulit. Postea anno Domini 1305. Orientem versus caussa venationis exercendę progressus, in quatuor milliaribus, vbi Vilna Vilię fluuiio cōmiscetur, plurimas feras nactus est, ibidēq; in monte Krzyuuagora tūc temporis dicto, qui modò Turzagoria, vel Lissa, id est, Calua vocatur, Vrū feram grandē, sua manu trucidauit, venationeq; lassatus vesp̄era imminēte in eo mōte pernoctauit, dormiensq; per somnium vidit, lupum ferreū rugientē, in cuius vētre alij centū lupi rugiebāt, experrefactus somniū aulicis & stipatorib. exposnit, quod varijs variē exponētib. Ledzieiko, sacerdos suus gentilis (quē dicunt in nido Aquilę repertū) qui etiā auguria, & futura p̄lagire solebat, huius somnij arcana exposuit, Lupū ferreum rugientē, vrbē fortem, in signē, & celebrē significare, lupos verò in eo rugiētes, multitudinē populorū portēdere. Qua de caussa Gedimino principi suasit ciuitatē & arcē ibidem erigendam, & ideo Lezdzieiko sacerdos plurimis beneficijs, ob singularē virtutū excellentiā auctus Radi Wil, quasi cōsiliarius Vilnę edificandę, vocatus est, de cuius familia p̄stantissimi heroes semper fluūt, q. belli pacisq; munia, maxima animi ingenijq; vi præclarē in Reipublicæ Christianæ emolumentum obeunt. Itaque Gediminus persuatione Lezdzieikonis ductus, illico arces duas, vnam in monte excelso, alteram in planicie inferiorem erigere munireq; fecit, ciuitatē etiā populosam ædificare iuxta mandauit, quam Vilnam à Vilna fluuiio præerlabente appellauit, & sedem suam de Troki in eam

*Stare Troki  
creta in se-  
dē ducis Li-  
tuania.  
Caluus  
mons.*

*Somnium  
Gedimini  
de Lupo fer-  
reo.  
Vilna con-  
dita.  
Lezdziei-  
ko ex quo  
Radiuila-  
nes.*

*Vilna con-  
dita.*



transtulit, ac feliciter principatus finibus prolatatis imperauit.

Anno à Christo nato 1306. audientes Litua-  
ni, dissidia in regno Poloniae, per nemora, & inuia,  
in terras maioris Poloniae, irruerunt, & oppida Kalis  
& Stauissino, villasq; in vicinijs eorū exusserunt, de-  
prædarunt, senes, & impuberes trucidarunt, pluraq;  
millia promiscui sexus, in Lituaniam abduxerunt.

*Polonia ma-  
ior à Litua-  
nis vastata.*

Eodem anno Henricus de Pleczko Saxo, magister  
Prussiae, castrum Gartin in Samogitia præsidio Li-  
tuanorum munitam, sub tempore nebulæ apertum,  
cum Teutonicis inopinatè cepit, & omnes Lituanos  
trucidauit. Multis demum peregrinis, ex Germania  
in Prussiam aduenientibus aliud bellum Lituanis  
illatum est, & districtu Karssow in spoliato, in Prus-  
siam cum captiuis redierunt.

*Syradia à Li-  
tuanis vastata.*

Anno Domini 1307. Lituanij in die S. Galli, ter-  
ras Syradia & Kalissiensem subitò irrumpentes, plu-  
rimam rapientes prædam, eadēque & igne plurima  
loca vastantes, concito gressu in Lituaniā redierunt.

Anno Domini 1308. Olgerdus filius Gedimini  
cum Lituanis Prussiam ingressus eam ferro, & igne  
protriuuit, prædamque ingentem abduxit. Hanc au-  
tem sibi Lituanij, & Pruteni, Crucigeri vicissitudi-  
nem sapissime alterutrum reddebant.

*Lituanij  
Prussiam,  
Crucigeri  
Lituaniā  
vastant.*

Anno quoque 1311. idem Olgerdus cum omni-  
bus suis copijs, terras Prussiae sub carnis priuio in-  
gressus, per cædes & flammam magnam partem ter-  
rae in fauillam, & desolationem redegit, in Lituani-  
am cum quingentis captiuis reuersus, dijs suis liba-  
mina obtulit, quam cladem Cruciferi vlciscentes,  
vicissim terrā Samogitiae vastauerunt. Lituanij quo-  
que

que similiter eorum regiones deprædauerunt. *Prussia va-*

Anno Domini 1315. Samagita numeroſo exer-*ſatur.*

citu, Ragnetam cinxerant, & cum longum tempus in obſidendo caſtro non expugnato conſumpſerāt, conculcatis ſegetibus & omnibus in circuitu vaſtatis, in Samagitiā redierunt. Olgerduſ autem Samagitarū cœptum continuans cum frequenti exercitu, caſtrum Triſmemel obſidione vallauit, proiectioneſq; machinarum 17. diebus, expugnabat. Ducentos milites ab Henrico magiſtro Prusiæ miſſos, ad obſeſſos ingredi contendentes, ad vnum omnes proſtigauit. Anno Domini 1320. Henricuſ Marſchalcuſ Prusiæ, cum bene inſtructo exercitu Li-

*Lituania  
vaſtatur.*

tuaniā vaſtauit, circa Vornianij, interim verò Litua-  
ni, & Samogita, nihil ea vaſtatione deterriti; anguſtias vniuſ ſaltuſ, quem Crucigeri in redeundo tranſituri erant, occupant, & arboribus magnis ſuc-  
ciſis vias obſtruunt, inſidias parandas, dumq; Marſchalcuſ cum exercitu ignaruſ inſidiarum, ſyluam ingrederetur, à Lituanis & ipſe, & exercituſ vniuerſuſ omneſ ad vnum trucidantur.

*Crucigeri  
proſtigantur.*

Eodem anno Litua-  
ni terram Dobrzinēſem inopinatè excuſſione vaſtauerunt, & Dobrzin ciuitate exuſta cum præda, ad ſua reuerſi ſunt.

*Dobrzin  
vaſtata.*

Anno Domini 1322. Litua-  
ni Derptenſem epiſcopatuſ in Liunia vaſtauerunt, & quinque milia captiuorum abduxerunt. Eodem anno hyemis tempore David Capitaneuſ de Gartin Lituanuſ, frigore non torpens, ad Raualiam vſque Liunioniā vaſtauit. Eccleſiaſ incendiit, & ſacra vaſa recepit, & ſex millia captiuorum cum ingentibuſ ſpoliis de Germaniſ, in Lituaniam abduxit.

*Liunia va-  
ſtata Pruſ-  
ſia caſtra  
expugnan-  
tur.*



*Henricus de  
Capiou pro-  
fligatur  
Massouia  
vastatur.*

Deinde sub eadem hyeme Lituani & Samagitzæ ciuitatem Memel, & tria castra in eius vicino expugnauerunt, post hæc, districtum Vilouu in Prussia adeuntes, strage magna edita, commendatorem de Capiouu, cū exercitu Teutonicorum occurrētem, occiderūt. Massouiam quoq; Dauid de Gartin, multis villis & oppidis succensis, vastauit.

Anno Domini 1323. Lituani clandestinis itineribus, in Dobrzinensem terrā Poloniæ, subitò irrum-pentes, ipsam ciuitatem exusserunt, & captiuorum nouem millia eduxerunt.

*Polousko  
exusta.*

Dauid Capitaneus de Gartin, anno Domini 1324. Massouiam circa Polouusko, iussu Gedimini, deuastauit, & centum triginta villis exustis, trigintaque ecclesijs parochialibus deuastatis, quatuor millia captiuorum in Lituaniam deduxit. Alius quoque exercitus Lituatorum in Liuoniam descēdens, eam pluribus in locis deuastauit. Sequenti autem anno

*Liuania va-  
statur.*

1325. Anna filia Gedimini principis Lituatorum, in coniugem duci Casimiro, filio Vladislai regis Poloniæ, cum omnium captiuorum ex regionibus Polonorum, per Lituanos receptorum redditio-ne, pro dotalibus data, & pax Polonis carissima & desiderabilis, per hanc affinitatem à Lituanis data est.

*Filia Gedi-  
mini Casi-  
miro filio  
regis Polo-  
nia nupta.  
Pax Polo-  
norum cum  
Lituanis.*

*Gediminus  
occiditur.  
Gedimini  
proles.*

Gediminus postea in oppugnatione castri Fridburg, quod Crucigeri in Samogitia erexerāt, à quodam Crucifero sagittandi perito, sagitta ignea per dorsum transfixus est, à quo vulnere spiritum exhalauit.

Hic princeps septem filios ex vxore Virhenenis, domini sui occisi, suscepit, Montiuuidum, siue Moniuuidum,

uidum, Narimūdum, Olgerdum, Iauunutum, Keijstutum, Koriatum, & Lubarum, filias ite in aliquot, ex quibus vnam Casimiro regi Poloniae datam diximus. Imperium viuens inter filios diuisit, vt Muniuido natus maiori Kiernouia & Slonimum, ciuitates cum suis prouincijs. Narimundo Pinskum cum suo tractu de Russis, vel bello partum, vel pactis quibusdā acquisitum. Olgerdo Krewo, Keijstuto Troki, Koriato Nouogrodek ciuitas cum suo territorio. Iauunuto verò (quem pater impēsius diligebat) Vilna metropolis Lituaniae, & summa rerū obuenit. Lubartus Wolodimirensem Ducatum Russiae obtinuit. Nam cum Russam vxorem Wolodimirien- suum Ducis filiam duxisset, ac focero hāres factus esset, nullam inter fratres sortem accepit. Ex his Olgerdus & Keijstutus coniunctissimē inter se vi- xere, & vegetiora nacti ingenia molestē tulerunt pe- nes Iauunutum nihili hominē principatum esse. Ita- que hi duo decedente ē viuis patre Gedimino, Iauunuti de Vilna eijciendī, & principatu exuendi, con- silium inierunt, diemque certam conatus perficien- di inter se constituerunt. Habebat etiam Olgerdus in Russia Vitepsensem Ducatum cū vnicam eius orae principis filiam vxorem duxisset. Itaque cū eo profectus esset, non venit ad constitutam cum Keijstuto diem. Keijstutus verò vt voti compos fo- ret, cum armatis copijs inopinatē Vilnā adueniens, arcem vtramque occupauit, Iauunutus autem inter primum tumultum elapsus in sylua à Keijstutanis perquisitus, captus & Vilnam adductus, in vinculaq; à fratre cōiectus est, paulo post Olgerdus ex Russia aduenit. Ibi praclarum inter coniunctissimos fra-

*Sortes ex di-  
uina ducum  
Lituania.*

*Iauunutus  
Gedimino  
patri in ma-  
gno Duca-  
tu successit.*

*Vilna capi-  
tur à Keij-  
stuto.*



tres de magno Ducatu suscipiendo, certamē extitit, Keijstutus enim Olgerdo velut natu maiori illud concedebat, Olgerdus vicissim Keijstutum sibi eum habere iubebat, quem ei fortuna, virtusq; obtulisset. Tandem sic inter eos euenit, vt Iauunutij portionem æqua lance diuiderent. Vilna tamen cum principatu penes Olgerdum maneret, neuter alterius ditionem inuaderet, sed vterq; alterius bona perinde ac sua curaret, si quid vel bello, vel quauis alia ratione deinceps vteruis acquisiuisset, ex æquo vt inter se partirentur. Atq; his conditionibus fœdus inter se iecerunt, & iureiurando vtrinq; confirmarunt. Iauunuto verò Zaslauiensē Ducatum in Russia, fraterna misericordia concesserunt.

### OLGERDVS PRINCEPS

*Lituania.*

**O**Lgerdus principatu sub Iauunuto, per Keijstutum potitus, plurima bella cum Liouonienſibus & Prusſienſibus Cruciferis finitimis, vario Marte gessit.

Anno à Christo nato 1327. Olgerdus Lituanorum, Ruthenorumque copijs conscriptis Prusſiam hostiliter ingressus eam crudeliter vastauit, Crucigeris decernere cum eo, non audentibus, pluribusque munitionibus expugnatis, exercitum præda onustum in Lituaniā reduxit, de Teutonibus captiuis trucidatis, Gedimino patri nuper occiso à Crucigeris parentauit. Marchiam quoque nouam, eodem anno silenti agmine, ad ortus Francofordiam vsque & omnem oram circa Oderam fluiuium, depulatus est.

Tarta-

*Olgerdus  
patrem in  
Crucigeros  
viciſſitur.*

*Marchia  
vastatur.*

Tartarorum Regulos fratres Germanos Kutlubachum, Kaczbeium, & Dincitrum profligauit, Podoliaq; eiecit. *Tartari ex Podolia acti.*

Postea Dux Moschouię Demetrius Iwanowicz potentia sua elatus, promisit se armata manu, vno mense elapso ditiones illius vastaturum, & Olgerdum in Vilna, cum gladio & igne sub Paschalit tempore visitaturum. Olgerdus autem tunc temporis Vitebskæ agens vomitem accensum, illi milit. Moschouiæ antequam extingatur adfuturus, arciq; eius hastam illifurus. Confestim ergo collecto exercitu in Moschouiam breui itinere contendit, qua obsessa inopinatè tyrannum compulit, ad se exire, ibi pacis conditionibus ex voto firmatis, hastam ipsēmet quemadmodum promiserat, ad arcem fregit, finibusque Lituaniæ ultra Mozaiskum sex miliaribus ex vna parte, promotis à Moschouia vrbe duodecim miliaribus, ex alia ad Vhram fluuium, in Lituaniā triūphator redijt. Vniuersam ferè Ruffiam ditioni suæ subiugauit, cuius principibus olim Lituani tributa soluere cogebantur. *Olgerdus in Moschouia triumphat.*

Suscepit autem ex Maria vxore ThWerensium *Filij Olgerdi.* ducis filia, duodecim filios, Iagielonem, (qui postea ad regnum Poloniæ vocatus erat) Skiergelonem, Borium, Coribatum, Vigundum, Korigelonem, Narimundum, Languinū, Lubartum, Andreā, & Butauum. Ex his omnibus Iagielonem natū maiorem dilexit pater, quod is & effigie, & virtutibus, vigoreq; animi expressius, patrem referebat, huncq; successorem sibi in magno Ducatu annuente fratre Keijstuto designauit. Keijstutus quoque sex filios *Keijstuti filij.* habuit, Vitoldum, Patricium, Totiuilum, Sigismun-



dum, Voijdatum, atq; Dowgotum, Vitoldum verò præ cæteris impensius diligebat, ingenio enim animoq; excelso pollebat, eumq; successorem sibi designauit. Inter hos duos Iagielonem scilicet & Vitoldum patrueles summa erat animorum, & voluntatum coniunctio.

## IAGIELO PRINCEPS LI-

*thuanorum.*

**A**Nno Domini 1381. Olgerdo è uiuis decedente, Iagiello paterno principatu fauente Keijstuto patruo potitus est. Multa bella vario euentu cum Ruthenis, Polonisq; & Crucigeris Liunionisibus, ac Prussiensibus gessit. Erat apud eum Voijdilo quidam rusticanæ & obscuræ familiæ homo, callidus & uafricia pollens, qui cum primum pistrinam apud Olgerdum exercuisset, & industriam suam principi probasset, cubicularius, ac deinde pocillator fauente fortuna ei factus est, fuitque postea intimus secretarius Olgerdi quoaduixit, neque Iagiello quicquam de paterna beneuolentia in eum diminuit, quin sororem ei suam in matrimonium collocauit, quæ res non leuiter Keijstutum patrum Iagielonis offendit. Id ubi animaduertit Voijdilo veritus ne ei auctoritate honoris & gratiæ periculum adiret, apud Iagielonem, Keijstutum, per contumeliam criminari cœpit, eoq; cōsilijs suis iuuenem principem adduxit, ut is clam fœdus cum Crucigeris Prussiensibus, aduersus patrum iniret. De eo fœdere Keijstutus Hosterodensis Commendatoris Crucigeri (qui filiam eius Ioanni Massouię duci nuptam baptisarat) proditione certior factus est, tamen Vitoldo filio Iagielonis

*Vojdilo ex  
rustico prin-  
cipis gener.*

*Perversum  
Vojdilonis  
consilium.*

gielonis patruelis causam diluente quieuit, donec Iagielo bellum cōtra Polocenses Ruthenos, quibus Keijstuti filius Andreas Harbati pręfuit, suscepit, quo ei etiā magister Liunionensium auxilia ferebat. Inter ea verò Keijstutus sublata omni dubitatione, armata manu Vilnam inuasit, eamq; in potestaté suam redegit, filioq; Vitoldo accersito: (nam ille arma cōtra patruelem carum nō sumpserat) deprehensa fœderum cum Prussiensibus Iagielonis munimenta ei ostendit, sed ab eo tamen exoratus Vilnam solummodo ademit Iagieloni. Kreuam verò paternam & Vitepskam maternam sortem retinere eum passus est. Woidilonem autem perfidiosè inter se inimicitias seminantem, laqueo vitam finire fecit. Paulo pòst, dum Keijstutus Nouogrodiam Seueriensē in Russia oppugnat, Coributū rebellem perdomādo, Iagielo non modò Vilna per proditionem potitus est, verū etiam Troki arcem oppugnatam deditione occupauit; deinde contra se vterq; cōparauerunt exercitus, Keijstutus è Samogitis & Ruthenis, Iagielo verò è Prussis & Liunionibus Crucigeris, ille vt recuperaret Trokos, hic vt defenderet. Sed cū in conspectum venissent antequam infestis signis concurrerent, Iagielo per fratrē Skergelonem, Keistutum, & Vitoldum filium eius sub specie colloquij ad se vocatos, cepit, Keijstutumq; catenis victum, Kreuam missum in carcere suffocare ordinauit. Vitoldum verò patruelem Vilnæ in custodia diutius detinuit, neque Lituānorum procerum, neque magistri Prussiensium, Crucigerorum, neque fratrum & patrum deprecationibus, liberari potuit. Postea Creuam missus & morti destinatus, nocte

*Keijstutus magnus dux Lituaniae. Vilna capitur à Keijstuto. Vitoldo suspectus dicitur. Vilna recuperatur à Iagielone. Troki capta. Bellum Iagielonis cū Keijstuto.*

*Keijstutus in Vinculis cruciatur. Vitoldus in carceribus.*



*Vitoldus* è quadam vxoris misericordia, doloque liberatus est:  
*Syneculis au* nam ea cum liberam habuerit adeundi ad eum po-  
*fugit.* testatem, commutato cum vna de duabus pedisse-

*Vitoldus cū* quis habitu, veste muliebri indutum eduxit: imber-  
*Crucigeris* bis enim erat, emissus ille in Massouiam ad Ioānem  
*Lituaniam* ducem affinem suum, atq; inde in Prussiam ad Cru-  
*Vastar.* cigeros cōfugit, à quibus obiurgatus, primùm quod

aduerso demum tempore suo societatem ipforum  
 ex peteret: deinde benigne recreatus & bene spera-  
 re iussus est. Statimq; Crucigeri cum Samogitis, qui  
 Vitoldo immensè fauebant, impetum in Lituaniam  
 fecerunt, Trokiq; arcem expugnauerunt, & præ-  
 fidijs impositis munierunt, sed eos postea illinc, re-

*Vitoldus ex* uersus ex Russia eiecit. Tandem Iagiello Vitoldum  
*Prussia re-* ex Prussia per internūcios reuocauit, Grodnensem-  
*uocatur.* que tractum, Brestiam, Drohicinum, Mielnikum,

Bielsko, Surasum. Cameneciam & Wolkouisko  
 oppida, cum suis territorijs concessit, fidemque &  
 obsequium eius sibi conciliauit, ita vt is ne legatos  
 quidem quoquam se inscio mitteret. Lituanorum  
 annales, etiam Voliniam, & Podoliam ducatus Rus-  
 siæ, Vitoldo tunc datam à Iagielone esse testantur.  
 Paulo post hærede legitimo Polonorum regnum

*Iagiello ad* post Ludouicum Hungarorum, deficiente, Iagiello  
*regnum Po-* ex magno Ducatu Lituaniz, à Polonis ad regnū cer-  
*lonia voca-* tis sub cōditionibus (prout latius in descriptione re-  
*tur.* gum Poloniæ patet) vocatus est: cum fratribus-  
 que & patruelibus Cracouiæ (quæ est Poloniæ Me-  
 tropolis.)

Anno Domini 1386. decimaquarta Februarij  
 sacro fonte ablutus, & fidei Christianę præceptis in-  
 itiat, eademq; die solenni ritu cum Heduigi vnica  
 regni

regni hærede Hungariæ regis Ludouici, & Poloniæ Iagielo ba-  
 filia, matrimonium cōtraxit. Indultumque est con-  
 iuijs choreis & lusibus Cracouiæ complures dies, *præfatus & coronatus.*  
 per quos dies Magister Crucigerorū, Prussiensium,  
 Conradus Zelner, Lituanorum ducibus vacuum vi- *Zelner Ma-*  
 dens, ( omnes enim in Poloniam cum Iagielone *gister Prus-*  
 discesserant, ) hostiliter eam duplici agmine, con- *sia Lituaniam & castas.*  
 iunctis viribus cum Magistro Liutoniæ aggressus est:  
 quam longè, lateque ferro, & igne depopulauit, Lu-  
 comliam arcem in Russia vi cepit, & Andream Ia-  
 gielonis fratrem apud Russos religionem Christiana-  
 nam professum, ( quo auctore expeditio illa susce-  
 pta erat ) cum præsidio in ea reliquit, cui se quoque  
 Polocenses, Rutheni dederunt. Subidem tem-  
 pus Swetoslaus, Smolensciorum dux in Russia cir- *Swetoslaus*  
 cum Vitepscum, & Orsha, arces depopulauit, & *Russiam & ca-*  
 Mscislauiam vi cepit. Iagielo in Polonia re audita, *stat.*  
 confestim Skiergelonem, & Violdū cum Polonis *Iagielo ar-*  
 voluntarijs, & Lituanis, in Lituaniā misit, qui se- *ces recupera-*  
 stinantes cum Crucigerorum exercitum Lituania  
 discessisse comperissent, Lucomliam arcem recepe-  
 runt, inde Mscislauiam profecti, paruo negotio om-  
 nem eam oram, in potestatem suam redegerunt,  
 Swatoslaumq; qui eam occuparat, occiderunt. Po- *Swatoslaus*  
 loczkam etiam recuperauerunt, de authoribusque *occiditur.*  
 defectionis, pœnas sumptæ. Andreas autem dux *Andreas*  
 regis frater, cuius autoritate hæc agebantur ca- *incarceratur.*  
 ptus, integro triennio in arce Theczinensi Poloniæ  
 squalido carcere detentus, postea suffragijs Vitoldi  
 patruelis, & cæterorum fratrum, liberatus est. Nunc  
 quomodo fidei Christianæ præceptis gens Lituani-  
 ca cum suis Ducibus iniciata & sacro baptismo fon-



te lauata fuerit, pauca quæ ad rem pertinent nobis dicenda restant.

## DE PRISCA RELIGIONE

*Lituanorum.*

*Ignis Lituanorum idolum.*

*Fulmen idolum.*

*Arbores venerabantur.*

*Sol colebatur.*

**A**D Iagielonis Vladislai regis Poloniae ex duabus Lituaniae tempora, de quo in Polonorum regum descriptione copiosius diximus, tota gens Lituanica, & Samagitica priscae multorum deorum, seu potius Daemonum superstitioni dedita erat, imprimisq; ignem, (quem sua lingua *Znicz*, vt rem sacram appellabant:) cultu diuino prosequabantur, eumq; in celebrioribus locis, atque oppidis perpetuum obseruabant, & sacerdotes cum ministris ad hoc munus obeundum adhibebant, quod si incuria ministrorum ignis extingueretur capite plectebantur. Huiusque modi ignis Vilnae metropoli Lituaniae in arcis medio (vbi nunc Basilica diuo Stanislao dicata, erecta est,) perpetuo asseruabatur. Fulmen quoq; quod *Perrunum* Slauonica lingua appellabant, pro deo colebatur. Lucos praeterea & eximias procerasque arbores, in syluis singuli sacrosanctas habebant, easq; cultu latriae venerabantur, ita vt violare eas ferro iniuriave aliqua nefas esset. quod si Lituanus eiusdem fidei perperraret, vt videlicet aliquam arborem, vel ignem quolibet modo dehonestaret, statim vel daemonum violentia interibatur, vel membro aliquo arrepti priuabatur. Solem forte nubibus obscuratum credebant sibi succenseri, ideo sese illi quo placaretur, deuoueant. Viperas item atque serpentes deos esse credebant, eisque cultum praecipuum exhibebant, & singuli patrefamilias,

familias, ciues, coloni, & nobiles singulos, serpentes *Serpentum cultus.*  
domi asseruare solebant, quos pro penatibus, & la-  
ribus familiaribus adorabant, lacq; & gallos galli-  
naceos, eis immolabant, eratque inauspicatum &  
exitiabile toti familiæ, quempiam ex eis violasse de-  
honorasseve, aut domi non fouisse: tales enim, vel  
bonis omnibus priuabantur, vel crudeliter lacera-  
ti interibant. Erat autem apud eos quotannis solen-  
ne sacrificium, sub initiũ mensis Octobris post col-  
lectas fruges, ad quod frequentes, cum vxoribus &  
liberis seruisque, conueniebant: actoto triduo opi-  
pare epulabantur, de hijs quæ dijs ad offerendum  
mactarant. Quod & nunc in Samogitia, Lituania &  
quibusdam locis Russiæ, ab agrestibus obseruatur, *Solennes epulae.*  
prout inferius suo loco dicitur. Ex bellis reuertentes  
manubias & vnum aliquem de captiuis præci-  
puum, & insignem virum victima loco igni conse-  
crabant. Corpora mortuorum cum pretiosissima  
supellectili, qua viui maximè utebantur, cum equis, *Victima.*  
armis, & daobus venatorijs canibus, falconeq; cre-  
mabant, seruum etiam fideliores viuum cum do-  
mino mortuo, præcipuè verò magno viro, cremare *Sepultura.*  
solebant, amicosq; serui, & consanguineos, pro hac  
te maximè donabant. Ad busta propinquorũ lacte  
melle mulsato, & ceruisia parentabant, choreasque  
ibidem ducere solebant, tubas inflantes, & tympa-  
nas percutientes. Hic mos adhuc hodie in partibus  
Samogitiæ cõfinibus Curlandiæ ab agrestibus qui-  
busdã obseruatur. Quos omnes errores & vanas su-  
perstitiones, Iagielo postquã cum Hedwigi haredede  
regni Poloniæ vnica, vt suprà in serie regũ Poloniæ  
patet, matrimonium contraxit, abstulit, sedauit, &



Christianũ nomen Lituanis baptisimi lauacro ablutis, indidit. Rebus enim in Polonia rectè constitutis, volens ne Lituania patria sua vltcrius Dæmonum cultui vacaret, comitia generalia Vilnæ Lituaniæ metropoli, anno Domini 1387. ad initium quadragenarij ieiunij indixit, ad quas ingenti procerum & equitum Polonorum caterva stipatus, vnà cum regina in Lituaniam se contulit, archiepiscopum Geminensem, & multos sacerdotes, ac pios homines, secum duxit. Semouitus quoq; & Ioannes Massouie, Conradusque Olesniciæ, duces, eum comitati sunt. Conuenerunt quoque Vilnam, Skergelo Trocensium, Vitoldus Grodnensium, Volodimirus Kiouiensium, & Koributus Nouogrodensium duces, fratres principis, & infinita equitum plebisque multitudo. Ibi de religione Christiana populariter suscipienda, ac de exterminando cultu falsorũ deorum, & omni superstitione diligenter actum, ipso rege, maximam ei rei operam nauante, non solum hortando, & præmijs alliciendo, sed etiam docendo, cum Polonici sacerdotes lingue gætilis ignari essent. Porro gens barbara maiorum suorum, religiones ægrè relinquebat, sed cum mandato regis ignis sacer extinctus, templum araque eius vnde oracula à sacerdote edebantur, euersum esset Vilnæ, vbi nunc diui Stanislai templum, necatiq; serpentes, & succis luci, arboresque sacre, absque cuiusquam læsione, Litواني admirantes stupidiq; dicebant, quomodo dii nostri istis peruersis Polonis Christianis, hanc iniuriam dissimulant, seque lædi scelestis manibus sinunt, quod si hoc aliquis nostrum perpetraret, cõfestim ira deorum interiret. Sed cum Poloni præter opinio-

*Iagielonis  
in Lituaniã  
ad baptis-  
mũ gentem  
expeditio.*

*Idola Litua-  
norum de-  
molita.*

opinionem barbarorum, idola euerterent, tum verò Lituani vanitate sua agnita, alacriores, ad principum suorum religionem facti sunt, plurimam ex his multitudinem rex aduectis ex Polonia pannis laneis albis, ad baptismum perduxit. Porro cùm immensi laboris esset, singulos sacro fonte tingere, nobilioribus tantùm hic honor tributus est: reliquum verò vulgus turmatim distributum, aqua sacra à sacerdotibus aspergebatur, vnumque nomen singulis turmis, tam virorum quàm mulierum, in nomine Patris & Filij & Spiritus sancti, inditum erat, atque vna die triginta millia barbarorũ baptisati sunt, exceptis nobilioribus, & illis qui antè sacro fonte, in Polonia lauati erant, atq; ab eo tempore Lituani in fide Christi permanent.

*Lituani baptisantur.*

### SKERGELO PRINCEPS

*Lituania.*

**I**Agielo rex Poloniæ post baptisatam gentem patriam, in Poloniam reuersus, Skergelonẽ fratrem pro se, magno Ducatu Lituaniæ inuestiuit. Vitoldus verò excelsi animi vir, indignum ducebat deteriori, & nihili viro subesse, ideo Grodna, & Brzeste arcibus suis, valido præsidio firmatis, in Massouiam ad Ioannem ducem generum suum, cum vxore Anna, profugit, indeque in Prussiam ad Crucigeros contendit, à quibus humaniter acceptus est, quod ij per eũ faciliẽ se Lituania, & Samogitia potituros esse sperarent. Itaque Vitoldus Prussiensium, & Liunionensium Crucigerorum armis Lituaniam vexauit, sed cùm sibi fidem suspectam Crucigerorum videret, fratrem Iagielonem regem Poloniæ, per internun-

*Vitoldus in Massouiam fugit, postea ad Crucigeros.*



*Vitoldus à  
Crucigeris  
fugit.*

*Vitoldus a-  
sua Vilnam  
capere ven-  
tat.*

*Vitoldus ad  
Prussiam  
fugit.*

*Iagielo Vi-  
toldo obstat.*

tios reconciliauit, & accepta ab eo spe adipiscen-  
di magni Ducatus Lituaniici, inscientibus Cruci-  
geris in Lituaniam, vestitus habitu Crucigerorum  
profugit, & vt aliquo cum munere ab hostibus re-  
uerteretur, tres arces Crucigerorū Samogitis con-  
fines, Iurgēburgum, Mergenburgum, & Neginha-  
sun, fortē cum velut socius & amicus intrmittere-  
tur, cepit, & exussit, prefectosq; cum presidarijs mi-  
litibus Crucigerorum partim trucidauit, partim in  
seruitutem abduxit. Cum autem spem sibi à rege  
datam de magnō Ducatu diutius differri videret,  
consilium cepit Vilnæ, per prodicionem capiendæ,  
hoc modo: rumores sparsit quasi sorori nuptiarum  
solennia Vilnæ facturū esset, currusq; centum in-  
gentes præparauit, quos armato & delecto milite  
compleuit, & desuper straminetexit, eosque quasi  
carnes, & conuiuij necessaria, in arcem Vilnensem  
duxit, verū fraude intempestiuè detecta, ad arcem  
non est admissus. Sicque spe frustratus, in Prussiam  
reconciliatis sibi deinde per internuncios Crucige-  
ris profugit, indeq; biennio cum auxilijs eorum Li-  
tuaniā infestauit. Postea anno Domini 1390. Ia-  
gielo rex è Polonia ad reprimendas incursiones Vi-  
toldi in Lituaniā, armata manu venit, Camene-  
ciā cepit: Grodnoq; arcem ad Nemmem fluuium  
sitā Vitoldi præsidij munitā, post quinquagesi-  
mum diem obsidionis cepit, Vitoldo suis varijs te-  
chnis, frustra tamen, cum Crucigeris auxilia feren-  
te. Eodem anno maturescentibus segetibus, triplici  
agmine Crucigeri in Lituaniā descenderunt, Vi-  
toldi vindicandi restituendiq; prætextu: re vera au-  
tem vt Lituaniā sibi subiugarent, vnum agmē Vi-  
toldus

toldus ducebat, alterū magister Liouienſium Crucigerorū, tertiu ipſe dux belli magiſter Pruſſieſum Conradus Valerodus, hoſtiliterq; regionē vaſtabāt, Troki oppidum igni cremarunt, hinc Vilnā, caſtra mota, arx verò Vilnenſis inferior, vix obſeſſa, à pro-ditoribus Ruſſis & Lituanis ſuccenſa eſt, è quo incendio cū ſeſe Corigelo frater regis & patruelis Vitoldi ſubduceret, ab hoſtibus captus & capite ple-xus eſt, cetera multitudo in ea arce, partim igne, par-tim ferro hoſtili caſa eſt, quatuordecimq; millia ho-minum ibi periſſe aiunt. Superiorē arcem Poloni cum Nicolao Moſtorouio præfecto tenebant, nec aut clade ſuorum, & conflagratione arcis inferioris, aut minis hoſtiū, & oſtētatione capitis Corigelonis, ac ne acerrima quidē oppugnatione, quamuis pars muri maior deiecta erat, ad deditiōē compelli po-terant, loca deiecti muri ad extremū corrigijs pecu-dum, (ſimo terraq; deficiente) laxè prætendebant, & ſic tormentorū iectus illudebant: deniq; corporibus ſuis aditū hoſtibus irrumperè conantibus obſtrue-bant. Skergelo quoq; regius frater cū ſuis Lituanis, & Ruſſis erumpens magnis cladibus hoſtes debilita-bat. Demū Octobris diebus, Pruſſienſes Crucigeri cum Vitoldo ingēti ſtrage in Lituania edita ab obſi-dione diſceſſerunt. Aſtate ſequenti ruſſus Vitoldus cum Crucigeris exercitū ad Vilnā duxit, quā fruſtra reſiſtentib. ſtrennè Polonis aliquot diebus obſidēs, re infecta reliquit. Et ne quicq; agere viderētur Cru-cigeri, reuertētes Vilcomeriā & Nouogrodū caſtravi-ceperūt, interfectisq; pſidijs Skergelonis exuſſerūt. Deinde alij duab. excuſſionib. Crucigeri eadē eſtate Lituaniā depopulati ſunt, apud Co Wnamq; tres mu-

*Crucigeri  
in Litu-  
niam ten-  
dunt.*

*Lituania  
vaſtatur.*

*Vilna obſi-  
detur capi-  
tūq;  
Polonorum  
ſtrenua re-  
pugnatio.*

*Crucigeri  
iterum Li-  
tuaniā in-  
vadunt.*

*Lituania  
iterum va-  
ſtatur.*



nitiones extruxerunt Menuerderum, Metenbur-  
gum, & Riteuerderum, vnamque Vitoldo conces-  
serunt, reliquas verò duas suis præfidijs munierunt,  
ex quibus circumiacentem regionem infestabant.  
Tandem Iagielo rex Poloniae Lituanorum calami-  
tatis pertæsus, Henricum Semouiti Massouiae ducis  
filium, ad Vitoldum in Prussiam, vt cum eo clande-  
stino de pace ageret, & in Lituaniae magnum Ducat-  
um reuocaret, destinauit. Hocque modo inter re-  
gem & Vitoldum de pace conuenit, cum rex ei ma-  
gnum Ducatū Lituaniae, posthabitis fratribus ger-  
manis superstitis, pollicitus esset. Vitoldus itaq;  
rebus suis cum Iagielone patruale, ex animi senten-  
tia compositis, Crucigeros atque Germanos mer-  
catores Riteuerdero castro secum commorantes  
inopinatos comprehendit, incensaque arce, vin-  
ctos in Lituaniā abduxit, abeuntem, Crucigeri re-  
lictis duobus castris, persequuti, sed paruo negotio  
fusi prostratiq; sunt, & castella à Vitoldo vi capta &  
exusta. Veniens autem Vilnam Vitoldus cum capti-  
uis & ingenti præda parta de Crucigeris, honorifi-  
cè à Iagielone rege clementerq; susceptus est.

*Vitoldus à  
Crucigeris  
fugit, da-  
mno illato.*

*VITOLDVS MAGNVS DVX  
Lituania.*

**V**itoldus reuocatus ex Prussia, anno Domini  
1392 à Iagielone patruale rege Poloniae, apud  
Lituanos atque Ruthenos, summæ rerum præfe-  
ctus & magno Ducatu solenniter inuestitus est, iu-  
reiurandoque, & litteris consignatis, se in fide regi  
Poloniae semper futurum spondit.

Postea

Postea SWidrigelo & Skergelo indignè tulerūt, quod Germani fratres Vitoldo patrueli à rege post-  
 habiti essent, bellaq; intestina aduersus Vitoldum  
 commouerunt. Sed SWidrigelo cū minus animi  
 & virium haberet, ad Crucigeros in Prussiam pro-  
 fugit, & Lituaniam cum eis ultro in Vitoldum inci-  
 tatis, crebris populationibus diuexauit, Surasumq;  
 Gartenam, & Stramelam arces Crucigeri in Litua-  
 nia ceperunt. Skiergelo verò maiore animo & opi-  
 bus præditus, armatis copijs ex suis corrasis, colle-  
 ctisque cum Vitoldo ad inimicitias deuenit. Quo-  
 rum malorum sedandorum causa, rex Iagiello rur-  
 sus in Lituaniam venit, Skergelonemq; adiecto ei  
 Cremenési, Starodubési, & Trocensi tractu placauit.  
 Postea Coributus Vitoldo fratri rebellans ab eo  
 dē in conflictu victus est. Tandem Vitoldus Orshan  
 arcem Russiæ, iussu regis expugnauit, Vitebscumq;  
 per deditionem sub SWidrigelone recepit, deinde  
 duces Odrucenses, & princeps Smolenscensis Rus-  
 si ad Vitoldum in Vitebscum supplices venerunt,  
 & omnes se in potestate eius semper fore spopode-  
 rūt. Postea Vitoldus Zithomiriam, & Kiouiam me-  
 tropolim Russiæ in potestatem suam redegit, ex-  
 pulsoq; Volodimiro duce Russo Skiergeloni fratri  
 eam sicuti promisit, tradidit. Skiergelo tandem vl-  
 tra Kiouiam Circassos, & SWinigroдум arces ad  
 Borysthenē sitas cepit, nec multo post ipse Skierge-  
 lo ad venationem profectus à monacho quodam  
 Russo, Humeno Metropolitæ vicario ad villam in-  
 uitatus, venenato poculo intoxicatus de medio sub-  
 latus est. Kiouiaque in cauernis subterraneis quæ  
 Petzari dicuntur sepultus. Sunt autem Petzari specus

*SWidrigelo  
fugit ad  
Crucigeros.*

*Lituaniam  
vastatur.*

*Skiergelo  
contra Vi-  
toldū bellū  
monit.*

*Vitoldus Co-  
ributū vicit*

*Vitoldus  
Vitebskam,  
Orshan, &  
Kiouiam  
cepit.*

*Skiergelo  
veneno mo-  
ritur.*



*Resanensis  
Ducatu Vi-  
toldus expu-  
gat.*

*Vitoldus  
Tartaros  
fudit.*

*Vitol Podol-  
ia ducem  
sternit.*

*Crucigeri  
Lituaniam  
vastant.*

*Vitoldus  
Tartaros  
profligat, &  
in Lituaniam  
eos collocat.*

vastissimus, apud Kiouiam, illustrium ducum Russiæ sepultura clarus. Deinde Vitoldus Kiouiensibus præfecit ducem quendam Olgemundi filium. Rhesanensem autem ducatum Russiæ per Simonem ducem quendam, magna ex parte vastauit. Smolenskum deinde ipse contendit, & Glebum ducem eius oræ iugum excutientem expulit, & alium Smolenscijs præfecit, eoq; ad Vitoldum Basilius dux Moschouiæ, inuitatus venit, postea honorificè, & liberaliter dimissus. Tandem Vitoldus per legatum suum Algerdum, ducem exercitus, Tartaros profligauit, tresq; eorum duces trucidauit.

Deinde Coriati filium Podoliæ ducem rebellantem, Theodorum nomine Vitoldus fudit, ipsumq; cepit, & Bratislauiam, Cameneciam, Smotriciam, Scalam, Ceruonigrodum, & omnem Podoliam in potestatem suam redegit, quam postea regi Poloniæ Iagieloni concessit. Interea verò Crucigeri Prussiensis, incitante Swidrigelone, qui ad eos profugerat, Lituaniam crebris incursionibus longè lateq; vexarunt. Castella quædam expugnarunt, Vilnamque caput gentis tentauerunt, à qua re infecta discesserunt. Lituani verò cum Polonis similiter in Prussiam excurrerunt, damnaque Crucigeris, tanta quanta illi in Lituania intulerunt.

Postea Vitoldus, anno Domini 1326. expeditionem in Tartaros adornauit, ac tribum vnâ, quam illi Hordam vocant, cum liberis abegit, exercitu eorum profligato, partemque captiuorum regi, & proceribus Polonis dono misit, reliquos in medio Lituaniæ supra Vaccam amnem, duobus milliaribus à Vilna, agris attributis, collocauit, qui illie manet vsque

usque in hodiernum diem, boni ac diligētes patres-  
familias & virtutis priscae, armorumque non in-  
memores, ritus patrios Machometicæ superstition-  
es seruant, & liberi legibus suis viuentes & ex equo  
cum Lituanis, regis Poloniae, magni Ducis Lituaniæ,  
imperium cognoscunt, vexillumque proprium,  
Arabice litteris inscriptum, quo in bello vtuntur,  
habent.

In sequenti deinde anno Vitoldus frustra dissua-  
dentibus Iagielone rege, & regina, alteram expedi-  
tionem maioribus copijs, in Tartaros fecit, ad quam  
permulti illustres de Polonica, & Germanica nobi-  
litate viri gloriæ cupidi profecti sunt. Fuerūt autem  
in ea expeditione de Polonis maximè insignes &  
principes viri. Recensitis itaq; apud Kiouiam Vitol-  
dus copijs, bonæ spei plenus longo itinere, Tartaro-  
rum campestria inuasit, tunc temporis apud Tarta-  
ros, Tamerlane in Scythia magna regnante, humi-  
li quidē loco nato, verū scientia rei militaris, for-  
tunæ beneficio, eo potentie prouectus erat, vt duo-  
decies centena millia hominum haberet in exerci-  
tu, ac Turcis profligatis imperatorem eorum Baia-  
zethem, (qui tunc temporis Constantinopolim ob-  
sidebat) captum in ferrea cauea, aureis catenis vin-  
ctum per totam Asiam circumuehebant: cæsa sunt  
tunc temporis Turcarum 200. millia. Anno Domi-  
ni 1397. Hiberiā deniq; hic Tamerlanes, Albaniam,  
Armeniam, Persiam, Mesopotamiam, Asiam, & Æ-  
gyptū, incredibili celeritate vastauit, & occupauit,  
orbemq; terrarum sui nominis terrore implenerat.  
Iamq; transmissis Sula, & Psola fluminibus ad Cam-  
pestria Tartariæ, Vitoldus cum suis, nullo repu-

*Vitoldi ex-  
peditio in  
Tartaros.*



*Vitoldiani  
profligan-  
tur.*

gnante, peruenerat, cum Ædigam vnum ex ducibus Tartarorum potentissimum, Tamerlanis legatum cum innumerabilibus copijs, obuiam habuit. Vbi ad conflictum venit, Tartari vicerunt, non incruenta tamen victoria, quod nisi multitudine abundassent, virtute Vitoldianorum superati fuissent. cecidere ibi insignes viri, ex his fuere Iagielonis regis fratres, Andreas, & Demetrius, Coributus, & alij nouem duces Lituani, & Russi pauci vini capti. Vitoldus cum SWidrigelone patruale, Ostrorogoq; & Samotulio Polonis, pernici fuga euaserunt, Melstinus Polonus, cum fuga saluus esse posset, inter confertissimos hostes sese coniecit, strenueque dimicando honestissime occumbere maluit.

*Vitoldus  
Smolenscam  
capit.*

Tandem anno Domini 1403. Vitoldus magnus dux Lituaniæ, cum Smolenscijs rursus rebellibus, bellum gessit, fretusq; Polonorum auxilijs arcem Smolenskam, in quam ciues, & nobiliores vxores, liberos opesq; suas contulerant, post diutinam oppugnationem, vi cepit: magnasq; opes in ea reperi-  
tas partim Iagieloni regi in Poloniam transmisit, partim militibus, vt quisque meritis erat distribuit, cæteras arces deditione accepit, & principatum in prouinciæ formam redegit.

*Vitoldus Li-  
uones vici-  
scitur.*

Deinde Crucigeri Liuonienses, in Lituaniam excurrerunt, quos Vitoldus cum præda reuertentes, vestigijs clàm insecutus, cum ij domos diuersè abijssent, regionem illorum vicissim longè lateque vastauit, pagos & vicos incendit, oppidum cum arce munitum à Germanis Dunemburgum appellatum, ad DWinam fluiuium conditum, vi cepit, quibus in, censu in Lituaniam, se cum ingenti præda recepit

Nec

Nec multo pòst rursus Lituania hinc à Prussien-  
sibus, illinc à Liunionensibus Crucigeris, S<sup>W</sup>idri-  
gelonis profugi, opera peruaſtata eſt. Tandem Ia-  
gielo rex, & Vitoldus, patriæ afflictæ vicem miſera-  
ti, S<sup>W</sup>idrigelonem fratrem exulem è Prussia euo-  
cauerunt, Podoliaꝝq; Ducatum in poſſeſſionem ei  
conceſſerunt. Poſtea S<sup>W</sup>idrigelo hac liberalitate  
regia minimè ſanatus, homo ambitioſus & peruer-  
ſus, nō habens receptaculum apud Prusienses Cru-  
cigeros: (nam certis ſub conditionibus, propin-  
quos regis exules, ex Lituania ſuſcipere, nequaquā Pruf-  
ſienſes ſeſe obſtrinxerant,) ad Moſchouiaꝝ ducem  
Baſilium profugit, arcibus quas in Ruſſia tenebat  
ſuccenſis. Eodem anno 1406. Vitoldus pace naſta  
cum Crucigeris, tranſmiſſo Huga flumine, primam  
expeditionē in Moſchos adornauit, à genero duce  
gentis iniuria prouocatus, peruaſtataque longè la-  
teque Moſchouitica regione, præda onuſtus, in Li-  
tuaniam redijt. Poſtea maiori vi in id bellum, anno  
vno intermiſſo ſeſe expediuit, fretus maioribus au-  
xilijs Polonorum, & Crucigerorum, & vſq; ad Oc-  
cam fluuium permagnum, Moſchouia deuſtata,  
populabundus peruenit, quo minus autem fluuium  
tranſmitteret, S<sup>W</sup>idrigelonis patruelis nuper pro-  
fugi (qui Moſchouitis operā ſuā nauabat) armis pro-  
hibitus eſt: Impetrauit tandem à Vitoldo, Baſilius  
Moſchouiaꝝ dux pacem, æquis ſub conditionibus.

*S<sup>W</sup>idrigelo  
ad Moſcho-  
uiam fugit.*

*Vitoldus  
Moſchouiaꝝ  
caſtat.*

Dum hæc aguntur Sigismundus Coributus Vi-  
toldi frater, nihil de inducijs cum Crucigeris Pruf-  
ſienſibus compertum habens, abſente Vitoldo cum  
Lituanis in Prusſiam excuſſionem fecit, & tribus  
oppidis, plurimisq; pagis direptis, & ſuccenſis in-

*Vitoldus  
Prusſiam  
caſtat.*



*Crucigeri  
Lituaniam  
vastant.  
Vitoldus la-  
ret.*

gentem, prædam asportauit. Quos vt Crucigeri vl-  
ciscerentur, nullam excusationē ignorantia admit-  
tentes, simili modo in Lituaniam per auias solitudi-  
nes excurrerunt, in Wolkouisko oppidū improuise  
impetum fecerunt, quo succenso multitudinē ho-  
minum, qui ad rem diuinam, festo die cōuenerant,  
captiuam abduxerunt. Vitoldus verò cū septem  
milliaribus ab eo loco abesset, raptim in interiores  
syluas cum vxore sese abdidit, donec hostes discessis-  
se cognouit, nunquam enim hostibus regiones suas  
vastantibus, occurrere ausus erat, sed illis disceden-  
tibus vicissim regiones eorum vastabat.

Deinde Vitoldus, anno Domini 1415. cōducto in-  
genti exercitu de Polonia, contra Pskouienses Rus-  
sos expeditionem fecit, qui pacem magna vi auri, &  
argenti redemerunt.

*Vitoldus No-  
uogroden-  
ses capit.*

Postea Nouogroden sibus Russis liberè viuenti-  
bus, Pskouiensium vicinis bellum intulit, quibus et-  
iam supplicibus, & ingentia dona afferentibus pa-  
cem dedit.

*Sigismundus  
imper. cum  
Vitoldo gra-  
tiam inijt,  
& diadema  
ei pollicetur*

Tandem Sigismundus Romanorū rex, inimici-  
tias inter Iagielonem regē Poloniæ, & Vitoldū dis-  
seminaturus, societatem cum Vitoldo secretò inijt.  
Diademaq; regium, in iniuriam Polonorum ei dare  
pollicitus est, cupiebat id Vitoldus homo ambitio-  
sus, & ingētis animi, sed ei obnixè Iagiello frater cum  
Polonis ne voti cōpos foret obluçtabatur, denega-  
batq;, vnde variæ controuersia vtrinq; intercesse-  
runt. Postea à Sigismundo rege Romanorum draco  
aureus affabrè factus, pignus societatis, per legatos  
ei allatus est, expetitumq; ab eo iusiurandum de so-  
cietate vtrinq; seruanda. Sed Vitoldus dracone pro  
hospi-

hospitali munere accepto, iusiurandum nullum dedit, ne tamē à cœpto de ambitione diadematis regij destitit, legatiq; regis Romanorum de eo afferendo, certū tempus præscripserunt, ad decimū sextum Calendas Septembris. Hoc vbi rex Poloniae Iagiello rescijt, Ioanni Czarnkouio Subcamerario Polnaniensi, viro impigro, negotium dedit, vt ad confinia Poloniae, & Saxoniae, legatos Romanorum regis, & Vitoldi, vltro citroq; comeantes obseruaret, interciperetq;. Statimq; Baptistam Cigalam Italum iuriconsultum Genuensem, & Sigismundum Rotum Germanum à Cæsare ad Vitoldum proficiscentes intercept, excussosq; incōsultè dimisit. Litteras verò ab eis ablatas ad regem attulit. Missi autem hije- *Legati Cæsaris intercepti.*  
rant, vt Vitoldo dubitationem omnem eximerent, diademaque ad tempus allatum iri, ab alijs legatis promitterent. Præterea vt confœderationes & societatem Prussiensium, atq; Liouoniensium Crucigerorum, Hungarorumq;, & Germanorum, cum Lituanis aduersus Polonos confirmarent.

His cognitis Poloni nemine iubente, quasi sublati signis, armata manu apud Turagoram insederunt, pro patriæ tranquillitate & honore ad extremum Oceanū Germanicum, decernere parati. Iam legati cum diademate Prussiae appropinquabāt, per quam profecturi erant, cum didicerunt à Polonis vias obsideri, & non ausi periculo sese committere; cum duos menses frustra expectassent, ad Cæsarem in Hungariā reuersi sunt. Nec multo pōst Vitoldus voto frustratus ex angore animi, anno Domini *Vitoldus moritur.*  
1430. mense Septembri in Troki ciuitate spiritum exhalauit, cum octuagesimum annum excessisset.



*Vitoldi mo-  
res.*

Princeps impiger & vegeto ingenio, abstemius in omni vita nihil præter aquam bibere solitus, in victu temperans, temporis perparcus, ita ut supra mensam iudicaret, & responsa legatis daret. Cæterum in Venerem proclivior, confecto enim felicissime bello semper solebat relictis copijs in hostico, domum transmutatis equis, ad uxorem otius præcurrere. In externos liberalis erat, suos verò metu magis quàm beneficio, in officio continebat. Statura fuit mediocri, gracili corpore, radere barbam & genas solitus.

### SWIDRIGELO PRINCEPS

*Lituania.*

*Poloni magnam Podoliae partem occupant.*

Uisit Vitoldo, Vilnæ in arce persolutis, Iagielo rex Poloniae, SWidrigelonem fratrem germanum, patruelem Vitoldi, hominem nihili, & ebriosum, summæ rerum apud Lituanos præfecit. Poloni verò primores, patriæ utilitati consulentes, re animadversa Daugertum Palatinum Vilnensem, qui Podoliam Vitoldi nomine administrabat, rerum omnium adhuc ignarum, euocatum ad colloquium ceperunt, arcemq; Kameneciam, Smotriciam, Skalam, & Ceruonigrodum occuparunt, & magnam partem Podoliae facillè in potestatem suam redegerunt; ne in ditione Lituatorum deinceps esset. Vbi factum hoc rescivit SWidrigelo, homo violentus & in iracundiam præceps, beneficiorum regis fratris oblitus, in eum (tunc temporis exequias funebres Vitoldi celebrantem Vilnæ) fremere, maledictisq; lacessere, palamq; vincula & necem regi, Polonisq; qui cum eo aderat minitare, cœpit: ita ut Poloni, die nocteq;

*Iagielo rex cum Polonis in periculis.*

Etq; circa regē excubare cogerentur. Rex verò siue quod sibi metuebat, siue quod SWidrigelonis incrementis impēsius fauebat, Podoliam ei restituere assensus est, eaq; de re Tarlonē in Podoliam cū literis & mādatis misit, qui eam Michaëli Babe Russo, SWidrigelonis nomine recipiendam & obtinendā traderet. Andreas verò Tencinius, & Nicolaus Dreui-  
 cius, iuuenes ex nobilitate Polonica, qui annulū signatorium habebant, amore patriæ ducti, litteras ad Michaëlem Buczadium, qui Cameneciam Podoliae obtinebat, scripserunt, regem extrema necessitate adactum, Podolia SWidrigeloni cedere, nū-  
 ciantes, sed vt non modò, non parceret mandatis regijs, verū Tarlonem & Babam pariter comprehenderet. Eas litteras quoniam palàm ferri nequibant (SWidrigelo enim omnes iter in Poloniam capescentes excutiebat) cera obuoluerunt, & cōtexerunt, vt speciem & similitudinem cerei præ se ferrent. Tarloniq; legato dederunt, vt is cū primū Cameneciam venisset, cereum illum Buczacio redderet, atq; hæc verba adderet, vt si errare ille nollet, ex eo cereo vnà cum magistratu urbano, lumē quereret. Quæ omnia Tarlo iuuenis omnium rerū ignarus, bona fide perfecit. Buczacias præfectus cereum  
 acceptum refringit, litterasq; inuenit. Tarlonem legatum & Babam comprehendit, in arcesq; Podoliae intromissionem non admisit. Poloni quoq; casum regis sui animaduertentes, exercitum sine mora conscripserunt. SWidrigelo autem Polonos, arma parare ad vindicandum regem audiens, confestim eum sibi reconciliatum, auroq; & argento liberaliter donatum liberum dimisit. Tandem SWidrigelo

*Lumen ex  
 cereo qua-  
 ritur.*



*Valachi  
funduntur.*

exercitū in Podoliam duxit, cui Iagiello rex cum armatis copiis Polonorum, anno Domini 1431. ad diem S. Margaretae apud Luczkum ciuitatem occurrit, excursorijs pugnis vtrinque collatis, foedus ad purificationis diuæ Mariæ festum inierunt. Interea verò Palatinus Valachie tributarius Polonorum, infestis armis in Poloniam descendit, cuius exercitum Poloni & Podoliani dissipatum, & per agros, syluasque pallantem, cruenta clade prostrauerunt. Postea rex Iagiello in S W idrigelonem fratrem seditiosum, & ad sanam mentē redire nolentem, Lituanos concitauit, Sigismundumque patruelem, Vitoldi fratrem germanum, Starodubensem ducem, ad inuadendum principatum Lituaniæ animauit. Statimque proceres Lituaniæ cognita voluntate regis, cum Sigismundo aduersus S W idrigelonem ducem suum, ob nimiam crudelitatem conspirauerunt, in eumque apud Osmanam, tunc temporis agentem, impetum fecerunt, qui de insidijs à Ioanne Muniuido præmonitus, pernici fugam in Russiam euasit, ideoque postea adiunctis sibi Liunioniensibus Crucigeris, Lituaniam vexauit.

### SIGISMUNDVS PRINCEPS

*Lituania.*

**A**Nno Domini 1432. Sigismundus Keystuti principis Lituaniæ filius, dux Starodubensis, in Russia, regis Iagielonis patruelem, beneficentia & fauore Lituaniæ procerum, expulso iusta de causa S W idrigelone seditioso, rerum in Lituania potitur, & magno Ducatu solēniter in verba regis Iagielonis & procerum Poloniæ, Lituaniæque iurans inuestitur.

Idco

Ideò tertio magni Ducatus Lituanię cum regno Polonia vnio, incorporatioq; celebrata est.

Eodem anno rex Polonia Iagielo, vltima mensis Maij vitam cum morte feliciter commutauit, cui Vladislaus filius in regno, anno Domini 1434. successit, qui postea rex Hungarię creatus est, quo ex Polonia in Hungariam, anno Domini 1440. ad suscipiendum regnum discedente, Czartorienſis dux Russus, Sigismondum magnum Ducem Lituanię, dolosè, perfidioseque necauit Troki. Atq; post hũc magnus Ducatus Lituanię ad secundo genitos regnum Polonia translatus est. Quapropter proceres Polonia cum ducibus Massouię Casimirum haredem regni Polonia, cum ducibus Massouię Casimirum haredem regni Polonia, Iagielonis regis filium, in magnum Ducatum Lituanię duxerunt, quem Lituani cum ingenti lætitiā, susceptum, communibus suffragijs, summæ rerum apud se præfecerũt. Qui postea Vladislao fratri, anno Domini 1447. in regno successit. Magno verò Ducatu Lituanię Alexander filius eius ardentibus suffragijs Lituano- rum, præpositus est.

*Iagielo rex  
mortuus.*

*Sigismondus dux occiditur.*

*Casimirus magnus  
Dux Lituania.*

## ALEXANDER PRINCEPS

*Lituania.*

Alexander Iagielonis nepos, Casimiri regis Polonia filius, magno Ducatu Lituanię potitus, apud Ioannem magnũ Ducẽ Moschouię, filiam Helenam, in matrimonium accepit, in sponsalibusque conclusum erat, vt templum Ruthenico ritu, in castro Vilnensi destinato loco, exædificaretur, ei que certæ matronæ, ac virgines eiusdem ritus iungeren-



*Moschus in  
Alexandri  
Lituaniam  
Ducem in-  
surgit.*

tur. Quæ cum aliquanto tempore negligerentur, sumit socer causam belli contra Alexandrum, & triplici exercitu instructo, contra eum progreditur, primum, versus prouinciam Seueram, in Meridiem, secundum verò, in Occidentem contra Toropiec & Biela instituit, tertium in medio, versus Drohobus & Smolensko collocat, ab ijs exercitum in subditis retinet, quo ei maximè, contra quem Lituanos pugnatos animaduerneret, succurrere posset. Postquam autem ad fluuium quendam Wedrasch, vterque exercitus conuenisset, Litواني duce Constantino Ostroski, maxima procerum, & nobilium frequentia septo, ex quibusdam captiuis, numerum hostium ac ducum quoque cum cognouissent, magnam spem profligandi hostem concipiunt, porro cum fluuiolus cõflictum impeditet, ab vtrisque transitus seu vadum quæritur. Primi autem Moschi aliquot superata ripa, Lituanos ad pugnam laceßunt, atque illi haud timidi resistunt, eosq; insequuntur, fugant, vltraque fluuiolum pellunt, mox vtrinque acies committuntur, præliumq; atrox oritur. Interea dum vtrinque eodem ardore animorum, acriter certarent, exercitus Moschorum in insidijs collocatus, eo latere in medios hostes inducitur, Litواني metu perculsi dilabuntur. Imperator exercitus, vnà cum plerisque capitur, reliqui perterriti, castra hosti concedunt, se & arces Drohobus, Toropiec, & Biela pariter sese dediderunt: exercitus verò, qui Meridiem versus processerat, cui præerat Machmetin Tartarus rex Cazanensis, fortè Bransko, ciuitatis præfectum comprehendit, Branskoque ciuitate potitur. Paulo post duo Germani fratres, Se-

ueriæ

*Litواني  
funduntur.*

*Arces à Moschis captur-  
tur.*

ueriæ principes, Semetici dicti, alioqui ducibus Li- *Duces Sene-*  
 tuaniæ obediētes, imperio Moschorum principis *ria Moscho*  
 se tradunt. sic vnico conflictu, & eodem anno ade- *se dedunt.*  
 ptus erat Moschus, quæ Vitoldus magnus Dux Li-  
 tuaniæ multis annis, maximisque laboribus, obti-  
 nuerat. Porro Moschorum dux cum hisce captiuis  
 Lituanis crudelius egit, Constantinumque ducem  
 exercitus præfectum, crudelissimis vinculis, pollici-  
 tationibusque sollicitabat, vt relicto domino natu-  
 rali, sibi seruiret, qui cum aliam spem elabendi non  
 haberet, conditionem oblatam accepit, in verbaque  
 Moschorum principis iurauit. Et quamuis prædia,  
 possessionesque amplissimas, pro status sui cōditione  
 habebat attributas, à principeque summo amore pro-  
 sequeretur, tamen aliquot ibi annis exactis, nacta  
 occasione, per inuias syluas, in Lituaniam cum in-  
 gentibus thesauris profugit. Qui postea, anno Do-  
 mini 1514. cum exercitu Polonorum & Lituanorum  
 strenui militis, & imperatoris officium adimplens,  
 sub Sigismūdo rege Poloniæ, octuaginta millia Mo- *Octuaginta*  
 schorū strauit, prout superius, in gestis Sigismundi *millia Mo-*  
 regis Poloniæ patet. Sed ad rem redeo. *schorū cesa.*

Alexander magnus dux Lituaniæ, postea decedēte *Alexander*  
 Ioāne Alberto fratre, Poloniæ rex creatus, liberatio- *mortuus.*  
 ne captiuorum, cōtentus cū socero Moschorū prin-  
 cipe Ioanne, ad sex annos fœdus iniit, anno Domini  
 1503. Postea anno Domini 1506. Vilnæ mortuus est,  
 ibidemque sepultus, ætatis suæ 45. annos habens. Præ-  
 fuit magno Ducatui Lituaniæ 14. annis, regnum Po-  
 loniæ 4. annis & 8. mētib. administrabat, huic in ma-  
 gno Ducatu Lituaniæ, & regno Poloniæ Sigismūds  
 frater Germanus, huius nominis primus successit.



*Novæ Gubernationis*LIVONIÆ FORMA, RE-  
CENS A STEPHANO REGE  
POLONIÆ INSTITVTA, ANNO

M. D. LXXXIII.

STEPHANVS DEI GRATIA  
 REX POLONIÆ, MAGNVS DVX Li-  
*tuania, Russia, Prussia, Massouia, Samogitia, Li-*  
*nonia, Kijouia, Volhinia, Podlachiaq<sup>3</sup>, nec*  
*non princeps Transyluania, &c.*

**S**ignificamus tenore præsentium, quibus expedit  
 vniuersis, præsentibus & futuris harum notitiam  
 habituris. Quia nos per Dei gratiam recuperata de  
 potestate Moschi prouincia Liuania, eius statui ac  
 bono ordini prospicientes, ac defensionis & iustitię  
 rationem habentes, atq; exemplum in primis terra-  
 rum Prussiæ nos accommodantes, infra scriptas le-  
 ges & constitutiones ei prouinciæ, de consilio con-  
 siliariorum nostrorum dandas, & promulgandas esse  
 duximus, damusq; & promulgamus præsentibus.  
 Iura tamen nostra regalia integra nobis in omnibus  
 reseruando.

*Episcopus Vendenfis.*

In primis Deo optimo gratias pro victoria con-  
 cessa agentes, ad eiusq; cultum actiones nostras re-  
 ferentes, fundauimus episcopatum in eadem pro-  
 uincia in locum archiepiscopatus, & episcopatum,  
 qui fuerunt superioribus temporib. primùm discor-  
 dia in-

dia interna, deinde verò hostili gladio exterminati: cuius sedes Vendæ futura est. Vbi etiam canonicorum collegium instituimus, ac item per ciuitates, oppida, & villas nostras regales, parochias, & scholas ritus Catholici ereximus.

*De dissidentibus in Religione.*

Annuimus petitionibus prouincialium prouinciæ Liuoniæ, Rigæ & hîc ad nos factis, vt Augustanæ cõfessionis, quæ vnica post religionem Catholicam illam in prouinciam introducta erat, liberum vsum illis permittamus.

*Tres præsيداتus in Liuonia.*

Prouinciam Liuoniam, quæ adhuc à nobis parta est, in tres diuidimus partes, tum iurisdicundi, tũ defensionis causa: quarũ prima erit Vendensis, atq; id quicquid inter flumen Dunam, & Gouiam, & inde ad fines Moschouiæ versus Opoczka, supra Marienhausen situm est, ad præsidatũ Vendensem spectabit, inclusis etiam arcibus Marienhausen, Ludzen, & Rozythen: Derpatensis, quæ à flumine Gouia ad fines vsq; Moschouiæ extendetur, & versus Felinum Vilscher lacu terminabitur: Tertia Pernauîensis, quæ Felinum, Pernauiam, & cæteras arces, inter Gouiam flumen, & mare, & lacum Vilscher continebit.

*Præsides Liuoniæ.*

Quibus quidem in partibus singuli præsides Vendensis scilicet, Derpatensis & Pernauîensis præerunt eo iure & autoritate in illa prouincia, qua Palatini in Prussia sunt, cũ quibus etiam, necessitate exposcente, ad bellum mouere debebunt, postquam prædicti præsides à nobis, vel gubernatore Liuoniæ, vel locũ tenente, vel commissario nostro admoniti fuerint.



*Succamerarij.*

Statuimus, vt in eadem prouincia tres itidem Succamerarij sint: Vendenſis, Derpatenſis, Pernauienſis, eadem authoritate & functione, qua Succamerarij ſunt in terris Pruffiæ. Iſdem finibus inter nobilitatem regundis præerunt.

*Vexilliferi.*

Tres itidem prædictæ Liuoniæ prouinciæ regiones, tres ſuos vexilliferos habebunt, ſubque ſignis à nobis illis attributis, neceſſitate expoſcente vt ſuprà ſcriptum eſt, dictæ prouinciæ nobiles & incolæ, ad bellum & deſenſionem progredientur.

*Iudicia terreſtria.*

Iudicia terreſtria in ſingulis præſidatibus, quotannis bis celebrentur, ita vt in præſidatu Vendenſi, prima iudicia feria tertia poſt Dominicam Quaſimodo geniti: ſecunda, feria tertia poſt Lamperti in Pernauienſi, duabus poſt hebdomadibus. In Derpatenſi duabus poſt alijs obſeruentur. Ex quibus quidem iudicijs terreſtribus appellationes ordinariæ fient ad conuentum Liuoniæ.

*Iudices, Scabini, & Notarij terreſtres, ac**Tabelliones.*

Iudicia terreſtria iudicabuntur ab iudice. Iudex autē cuius præſidatui, ex quatuor à nobilitate propoſitis, vnus per nos aſſignari debet, cui aſſidebunt ſex ſcabini, ex duodecim à nobilitate propoſitis à nobis designati. Notarium verò terreſtrem ex quatuor à nobilitate electis, vnum itidem designabimus qui acta ac decreta iudicij terreſtris conſcribet & edet. Pro incidentibus verò paſſim neceſſitatibus publici tabelliones in conuentibus Liuoniæ modo inſcri-

frascripto habendis, qui fuerint testatæ probitatis ac fidei, ex conuentus illius sententia, creati poterunt.

*De appellatione.*

Vt autem friuolæ & temerariæ appellationes non nihil cohibeantur, quisquis in iudicio terrestri ad conuentum appellauerit, octodecim marcas Rigēses in iudicium reponat. Et si appellans succubuerit, in vsum publicum iudicij in quo erant repositæ, cedant, alioquin parti restituantur.

*Iudicia Præsidentum, & sanguinis, ac facti recentis.*

Nec præsides causas ad ius terrestre spectantes, nisi de consensu partium iudicent, & prouocantes ad iudicium terrestre remittant, exceptis causis leuioribus, quæ videlicet valorem triginta marcarum Rigensium, non excedant. hæ quidem sine strepitu iudicij, de simplici & plano ab eis componi possunt. In causis autem sanguinis, & facti recētis indilatam iustitiam ministrent, nec partes contendentes ad componendam amicè inter se controuersiam cogant, nec villas pœnas exigant, nisi per iudicium decretas. Quarum pœnarum tertia pars iudicio terrestri, reliquæ duæ partes præsidi loci cedant.

*Præsides & Capitanei ceteriq; omnes iudicio terrestri subsint.*

Præsides & capitanei, ac quicquid incolæ Liuoniæ, siue Poloni, siue Lituani, aliq; omnes citati: tam in iudicio terrestri, quàm cōuentuum publicorum, respōdere sint obligati, exceptis obligationibus super bonis nostris regalibus emergentibus. Ciuitatibus etiam iudicia iuxta priuilegia ipsorum relinquimus.

*De Commissionibus.*

Vt autem temerariæ lites amputentur, commis-



farios siue iudices delegatos non deputabimus in causis ad iudicium terrestre spectantibus, & minus in eo iam pendentibus, nisi per rationē ordinariam, de qua infra dicetur, à sentētia definitiua, seu interlocutoria iam lata, ad nos remissa fuerint, exceptis causis limitum bonorum nostrorum regaliū & diuisionis fratrum, & proximorum. Nec iudices delegatos seu cōmissarios, à quibus semel appellatum est, in eadem causa denuo deputabimus, aut causam ad ipsos remitemus. Non enim verisimile aut honestum videtur, quòd iudex suam pristinam sententiam retractet aut aliter postea iudicet quàm antea iudicauerat.

*De Conuentibus publicis iudicialibus.*

Conuentus autem publici iudiciorum causa in Liuania Vendæ quotannis bis celebrentur, verno videlicet tempore, ad diem S. Stanislai: tempore autem autumnii ad diem S. Michaelis. ad prædictos conuentus publicos omnes causæ, tam ex ciuitatibus, quàm ex iudicijs terrestribus, per appellationem deuoluantur, ac etiam ex Feudis ducalibus. eæ verò appellationes cognoscentur, in dicto conuentu, ab episcopo, tribus præsidibus, capitaneo Vendenſi, quæstore prouinciali, tribusque Succamerarijs, ciuitatumque, Rigenſis duobus, Derpatenſis vno, Pernauienſis vno, Vendenſis vno, deputatis. Præsidebit verò gubernator Liuania, vel locum tenens, aut commissarius noster, à nobis pro tempore designandus, atque ibi omnes causæ finientur, sine vltiori prouocatione, exceptis causis amissionis

sionis hæreditatis bonorum, in quibus si quæ pars à conuentu se grauata putauerit, vtriusque partis allegationes diligenter conscribi, & ad nos obsignatæ sigillis omnium suprascriptorum per gubernatorem, aut locum tenentem, vel commissarium nostrum remitti debent, de quibus nos sententiam nostram itidem scripto nostro declarabimus: ac item exceptis causis famæ, in quibus hoc idem, nisi sint sanguinis & facti recentis, obseruari volumus. Decreta verò prædicta conventionalia, à notario terrestri Vendenfi conscribentur, sub sigilloque eiusdem terræ edentur.

*De iure municipalì Liouonico.*

Tam in iudicijs terrestribus, quàm conventionalibus, iustitia administrabitur ex præscripto iuris prouincialis in Liuania recepti, cuius quidem iuris municipalis exemplum prouinciales ad nos mittere debent intra quadrimestre, vt à nobis recognoscatur, & autoritate nostra publicetur. Præteritas omnes iniurias facti inter priuatos perpetua obliuione delendas censemus. De causis autem pecuniarum creditarum, & bonorum ademptorum, inter se iure experiri poterunt. Neq; tamen ab ijs qui tempore belli vsuras in bonis suis inscripserunt exigere debent. In posterum autem non nisi mediocres inscribi & accipi poterunt.

*Conuentus necessitatis publicæ causæ.*

Quando opus fuerit cōuentu pro necessitate publica, quæ nos & successores nostri, arbitrio nostro, loco & die, quo nobis videbitur, indicemus, prius in singulis præsidatibus, Venden. Derpaten. Pernauien.



fiat nobilitatis cōuentio particularis, quam præfides in suis præfidatibus ad aliquē locum conuenientem literis suis de mandato nostro conuocent, vt nuncij ad huiusmodi conuentum eligantur. qui autem vocatus non comparuerit, pœnam sex marcarum Rigensium pendet, cuius medietas præsidij, altera verò fisco Liuonico proueniat. Mittent etiam ad eundem conuentum nuncios duos ciuitas Rigensis, vnum Derpatensis, vnum Pernauien. vnum Venden. ac item Curlandiæ dux, cuius nuncio locus dignus ac conueniens in confessu, attribui debet.

*De executione rei iudicata.*

At quum frustra sententiæ ferantur, nisi legitime executioni demandentur, volumus, & irrefragabili constitutione sancimus, vt deinceps vnusquisq; cuiusvis conditionis aut eminentiæ fuerit, rei iudicatæ sine omni contradictione cum effectu pareat, & obsequatur, alioqui locorum præfides nullo alio à nobis mādato expectato, legitimam executionem faciant, adiuncto sibi, vbi causæ conditio id postulauerit capitaneo, & nobilibus illius districtus, aut etiam, si necessitas exegerit, omnibus & singulis vassallis nostris seu nobilibus illius præfidatus, quos ad assistendum illi sub iurisiurandi debito & amissione bonorum obligatos esse decernimus. Si verò maiori potentia sit opus, negotium ad nos referri volumus, vt opportunis rationibus rebus prouideamus. Præfides similiter ad huiusmodi executiones faciendas, iustitiamque oppressis ministrandam iurandum nobis præstitum adigat, quos etiam, si remissiores fuerint, quinquaginta florenorū Vngaricalium pœna plecti volumus, cuius mulctæ medietas parti, cui

cui iustitia denegata est, altera verò medietas fisco cedat. Vbi autem quis exequutioni voluerit resistere, aut iam factam violare conuictus fuerit, pœna banni siue proscriptionis, ac bonorum confiscatione, irremissibiliter puniatur. Ex quibus bonis parti læsæ primum satisfiat, quod reliquum fuerit, prædicto fisco applicetur.

*De violentijs ac vijs publicis.*

Statuimus præterea, vt nullus capitaneus, nobilis, ciuis, aut quiuvis alius, cuiuscunq; conditionis existat, qui personis, castris, domibus, aut possessionibus alicuius vllam violentiam inferre, incursiones facere, in publicis stratis insidias ponere præsumat. super his conuictus, capitali pœna puniatur.

*De captinatione, criminibus ac contractibus.*

Et cùm aliquis nobilis decreto publici conuentus, iudicio præsidum aut terrestri capitur, quod sub certis pœnis in potestatem aut carcerem ciuilem non tradatur, sed in manus præsidum. Si quis autem in ciuitate, vbi nulla arx est capitur, & autoritate conuentus præsidis, aut iudicij in carcerem ciuilem conijcitur, in potestate eorundem & non ciuitatis permaneat. Fideiussoria autem cautione à carcere huiusmodi liberetur, nisi caussa fuerit criminalis, & vt sub pœna viginti florenorum Vngaricalium, quorum medietas præsidi, altera parti læsæ cedat, absque vlla remissione persoluenda, nobiles & eorum subditi, autoritate seu potestate ciuili non capiantur, detineantur, aut arestentur, nec nobiles autoritate propria capient, aut detineant ciues vel eorum subditos, sed vnusquisque coram iudice suo



ordinario conueniatur, & iustitiam requirat, nisi in casibus recentibus, & actionibus criminalibus. nam delinquens in loco delicti deprehensus, & contrahens de contractu recenti, in loco contractus poterit conueniri.

*De fluminibus.*

Præterea ne in fluminibus terrarum nostrarum Liuonię quibuscunq; ab antiquo nauigabilibus obstacula fiant, vt tam piscibus, quàm nauibus, & lignis liber transitus permittatur, bonis ac iuribus nostris regalibus, & quorumcunque priuilegijs antiquis, & præscripta consuetudine saluis.

*De bonis terrestribus ciuium, & nobilium ciuilibus.*

Ciuiibus bona terrestria, & nobilibus ciuilia bona liberum sit deinceps emere: ita tamen, quod ad paria onera vtrinque ferenda sint obligati. Quod scilicet ciues ratione bonorum terrestrium omnia nobilitatis onera, & nobiles ratione ciuiliū bonorum omnia ciuilia onera, æquis passibus ferant, & eidem iuri sub sint.

*De Prædonibus.*

Statuimus, vt præsidēs & capitanei, quisq; in suo præsidatu, & capitaneatu diligenter fines terrarum obseruent, ne prædones & grassatores ingrediendo impunè grassentur.

*Rustici arma non ferant.*

Et præterea ne rustici cum bombardis, cuspidibus, lanceis, gladijs aut similibus armis, publicè aut priuatim incedant atq; ea deferant, nisi ad venatio-

nationem, aut publicam pacem tuendam, à dominis & potestatibus suis euocati fuerint. Sculteris etiam exceptis, quibus ob publicam functionem, armatos esse liceat.

*De mercimonijs, & rusticis.*

Ne etiam mercatores & praesertim peregrini siue exotici homines, in nobilitatis ac ciuitatum iniuriam, merces in villis ac pagis clàm & publicè coëmere, & negotiationes exercere audeant, auctoritate nostra regia firmiter prohibemus. Statuentes vt deinceps subditi dominorum merces & res suas vendibiles in ciuitatem ducant, & in foro publico venales exhibeant. Cum verò suprà actis temporibus, plebem rusticam miris modis pressam in Liuania fuisse audiamus eam ad tolerabilem statum reducendam, eiusque rei rationes aliquas in conuentu prouinciali ineundas censemus, ad quã nos quoque auctoritatem nostram, & ordinationem, communicato cum prouincialibus in eodem conuentu consilio, abhibebimus.

*De mercimonijs Moschouiticis.*

Mandamus locum tenenti nostro, praesidibus, capitaneis ac alijs prouinciæ ac ciuitatum magistratibus, vt merces omnes Moschouiticas, Plefcouia, & aliunde perditiones nostras, Rigam, aut Pernauiam, quo ad diuersum aliquid pro ratione temporis statuerimus, dirigant. Riga verò & Pernauia trans mare, tum in Lituaniam Poloniamque: nec ijs mercimonijs vti, nisi subiectos nobis patiantur sub graui animaduersione.



*De constitutionibus in posterum faciendis  
aut emendandis.*

Si quid postea de statu Liuoniæ, eiusq; bono ordine statuendum sit, aut in superscriptis constitutionibus emendandum, mutandum, addendum, id prout res ac necessitas tempusq; exigit, matura ac bona deliberatione faciemus. Quæ omnia & singula vt suprâ scripta sunt sancimus ac decernimus robur debitæ firmitatis habere debere, ac ab omnibus in eadem prouincia obseruari, ab ijs verò quorum interest manuteneri, & exequi. Harum quibus sigillum nostrum appressum est, testimonio litterarum. Actum & datum Varsauia, die quarta Decembris correctionis. Anno M.D.LXXXII. Regni nostri, anno septimo.

Per manus illustris, & magnifici Ioannis de Zamosczie, regni nostri supremi Cancellarij, & exercituum regni generalis. Cracouien sisque ac Marieburgen. Miedzyrzecen. Knyschynen. Krzeszouien sis, &c. Capitanei. Sincerè  
nobis dilecti.



STEPHA-



STEPHANI POLONIÆ  
REGIS LITERÆ AD ORDINE  
NES REGNI POLONICI, DE  
*rebus à se in bello aduersus Mo-  
schos superiori æstate  
gestis.*

Anno 1580. Die 6. Septembr. ad  
Vielikolukum scriptæ.



TEPHANVS Dei gratia rex  
Poloniæ, magnus Dux Lituaniæ,  
Rusiæ, Prussiæ, Samogitiæ, Lino-  
niæq, Transyluaniæ princeps. Re-  
uerendiſs. Reuerendis, Magnificis,

Nobilibus, Famatis, Archiepiscopis, Episcopis,  
Palatinis, Castellanis, Regni nostri Senatoribus:  
præterea cuiusuis ordinis subditis nostris sincerè  
fidelibus nobis dilectis Gratiam nostram Regiam.  
Reuerendiſſimi, Reuerendi, Magnifici, Genero-  
si, Nobiles, Famati, sincerè fideles nobis dilecti.

Z ij



Notum facimus, quàm libenter & decreta communibus Reipublicæ comitijs geramus, & de rebus à nobis gestis, Sinc. & Fidel. vestras faciamus certiores.

Cùm superioribus proximis Reipublicæ comitijs placuisset bellum contra Moschouia ducem susceptum continuari: nihil prætermisimus, quod posset ad illud rectè atque ordine administrandum, & in primis ad exercitus cùm veteres retinendos, tum nouos conscribendos pertinere, quibus omnibus postquam, ut ad Ciusniciam (quo loco nos, & Russiæ, contra iniurias Moschi, præsidio esse posse, & ad primarias alias atque alias arces hostiles, per opportunos aditus habituros intelligebamus) certo die conuenirent, edixissemus: Nos Vilna profecti, eòdem ad octauum Iulij mensis diem peruenimus, ac in primis frequentiore & Senatorum nostrorum & hominum militarium conuentu, de belli administratione & quò potissimum arma in hostem inferremus, ad concilium nostrum retulimus. in quo, etsi variæ initio dictæ sententiæ fuissent: eò tamen descensum postea est, ut Vielikolukum nobis cum exercitu ante omnia mouendum, eamque arcem omni conatu oppugnandam conclusermus:

mus: secuti quàm maximè cùm ipsam seriem & quasi tenorem gerendarum rerum, qui nos ex locis anno superiore proximo expugnatis, re recentibus, Vielikolum vocare & ducere visus est, tum Russiae defensionem, quam uniuersam, eo loci cum exercitu progressi, nos ab hostili vitueri posse intelligebamus.

Præterea Lucensis arcis situ, fama, ditionis amplitudine, ubertate (qua exercitus nostri sine ditionum nostrarum detrimento aliac sustineri possent) opportunitate denique ad signa nostra penitus in hostilia loca inferenda, hostemque ad aliquam prælii dimicationem eliciendum, cæteraque deinceps ex Vielikoluko facilius promptiusque administranda adducti.

Habito igitur exercitus nostri delectu, ex agro Ciusniciensi, Vitepscium profecti sumus: quo in itinere cùm arces duas hostiles (Vielepscium vnā, in Duna ripa Vitepscio ex superiore fluminis loco oppositam: atque alteram Vsiatum, quæ ad amnem cognominem in Dunam fluium illabentem, & propius Lukum versus ferentem, sita est) exclusuras nos tormentorum & commeatus ad exercitus nostros supportandi commoditate accepissemus, & cætero cùm studium nobis esset Du-



nam flumen magis magisque ab hoste in potestatem nostram vindicare: quò res maiore celeritate conficeretur, magnificum Ioannem de Samaysczie Regni nostri Cancellarium, & cum ijs copijs, quas hoc in bellum nobis adduxit, & alijs additis, Vielescium oppugnandi causa præmissimus. quæ ex arce cum unius diei oppugnatione præsidium hostile feliciter deiecisset, nos ea potiti (præmissa primo agmine Lituanicarum copiarum parte) Vsuiatum cum exercitu accessimus, locumque munitionibus oppugnandi causa iam actis, metu potius admoto quàm vi adhibita, deditione cepimus.

Inde contractis in itinere copijs omnibus, quas duarum istarum arcium oppugnatio diuiserat, mouimus, & superata locorum inde ab Ciusnicia incredibili vastitudine itinere (summo cum labore militum ac ingenti difficultate, quæ Vsuiatum, quæ Vielescium exercitus inère, & per assiduas densissimásque sylvas) factò, Vielikolum progressi, ad arcem vigesima sexta mensis Augusti die castra metati sumus. quæ in castra cum id temporis ab magno Moschonia duce legati ad nos venissent, nulla interposita mora eos audiui-

Verùm cum à nobis, contra omnes nostras re-  
rum

rum gerendarum rationes, contráque dignitatem nostram, postularent, ut nos in Lituaniam cum exercitu referremus, negaréntque, nisi id ante omnia fecissemus, se per Principis sui mandata quidquam de ista legationis causa dicere posse: nos repudiata & postulationis indignitate & insidiosa tergiversatione, non cessandum rati, eundem Ioannem de Samoysczie Cancellarium cum copiis suis atratis, ceterisque, quas ad Viescium habuerat, tum omni nostro peditatu Polonico atque Vngarico, trans flumen propius arcem castra alia facere, atque ibi curare iussimus: illaque ex parte nulla mora munitionibus, quibus visum est locis, actis, & quo oportebat perductis: ipsis Kalendis Septembris oppugnationem maiore apparatu ac conatu suscepimus, nihilque aut lenitatis aut terroris pratermisimus, aut oppugnationis non adhibuimus, quò integra arce potiremur.

Verum cum & presidiariorum summa esset loci retinendi pertinacia, & ultima sibi expectanda coniurassent, & arx (non modo loci natura in edito, planissimis circum locis, partim intra fluminis Louatij, partim intra lacuum complexus sita: nec tantummodo consuetis antehac Moschis parietum densissimorum contignationibus firma: sed aggere etiam densissimo ac latissimo &



cesspitem extrinsecus obducto: tum, quàm flumen aut  
 lacus non ambiunt, fossa maiore munitissima) om-  
 nino Polociam omni genere firmitatis supera-  
 ret: adhuc praesidium validum, & Polociae alia-  
 rumque arcium propugnatione (è quibus à nobis  
 anno superiore impetrata salute discesserant) exer-  
 citatum inesset, ut omnino sine maiore militum  
 nostrorum interitu ac diuturniore obsidione, si in  
 instituto permaneremus, expugnari non posse vi-  
 deretur: necessario res nobis incendio experiun-  
 da fuit, quod cum magna militum nostrorum  
 virtute & discrimine, primum ex Ungarorum  
 peditum munitionibus illatum & hoste incredi-  
 bilem in modum restringente, saepius per tridu-  
 um repetitum atque diutius altum esset, ut dein-  
 de ex altera etiam parte per militem Polonicum  
 & atratas illas cohortes (aggere ad propugnacu-  
 lum maius ad ligneas usque substructiones suffos-  
 so) nocte ante quintam Septembris diem maius  
 conflaretur: praesidium verò, quoad igni iam tem-  
 perari nullo modo posset, ab obstinatione hostili  
 non discederet: factum est, ut & arcem flamma,  
 & quicquid propè hominum in arce fuit, (per mi-  
 litarem iracundiam hostili illa pertinacia, & ac-  
 ceptis in oppugnatione incommodis, & eorum,  
 qui Polocia ac cæteris ex arcibus iam antea occu-  
 patis

*patis impunè dimissi fuerant, hoc in loco ad hostilia reditu irritatam) quinta istius mensis die prima luce deleuerit.*

*Dum hac in oppugnatione versati sumus, Oratores magni Moschonia Ducis iterum apud nos dicendi potestatem sibi fieri petiuerunt: qua impetrata, cum ea exponerēt, quæ honestè nobis & Reip. paci, & sarciniendis incommotis, quæ ab eo hoste accepta sunt, minimè satisfacerent, leuioræque omnia, quàm nostra dignitas & iura Reipub. paterentur, proponerent: ostendimus nos ad istiusmodi descendere nō posse, cūmq; illi alia mandata se hoc tempore non habere dixissent, & à nobis peterent, ut dare ad magnum suum Ducem Moschoniae literas liceret, quibus eum de nostra voluntate atq; conditionibus redderent certiores: ne quid prætermisissē videremur, quod ad spem iustæ honestæq; pacificationis facere posset, & nostras dedimus ad Moschum literas & oratores dare suas permisimus: ad quas cum responderit, qua voluntate sit, certius fortasse cognoscemus. Nos hæc Sinc. & Fidel. vestras scire volumus.*

*Cumq; ea, quæ adhuc bene & feliciter gesta sunt, vni Deo, grata cum animi pietate, accepta referamus, parq; sit, ut illi beneuolenti & propitio & nos & omnes in Reipub. nostra (ad cuius hæc uti-*



litatem & laudem in primis redundant) gratias agamus: hortamur Sinc. & fidel. vestras, ad ea omnia gratarum mentium studia, quæ supplicationibus, alijsq; rebus, quoties benè gesta est Resp. suscipi consueverunt.

Quemadmodum hæc res porro administranda, & hic locus nobis tuendus & retinendus sit, de hoc pro tempore consilium capimus.

Quæ deinceps è Republ. geri à nobis hoc bello poterunt, in ijs studium, consilium, curam, operam omnem nostram libenter consumemus. Bene valeant Sincer. & Fidel. vestra. Datum ex castris nostris, ad arcem nostram Vielkolukum, die sexta mensis Septembris.

Anno Domini M. D. LXXX.

Regni nostri Quinto.

EX

EX LITERIS DECIMO  
OCTAVO OCTOBRIS, RE-  
GIOMONIE BORVSSIÆ  
DATIS.

**R**egem Poloni nacti sunt vir-  
tute, sapientia, eruditione,  
magnitudine animi, & artibus  
belli præstantem: iustitiæ aman-  
tem: cædibus, libidinibus & alijs  
flagitijs insensissimum. Jscum ho-  
stem petiturus Vilnam veniret,  
proditorem ex Lituanicis ma-  
gnatibus quendam deprehensum,  
iudicio Lituanicorum & Polo-  
nicorum Senatorum damnatum,  
capitis pœna affecit. Vilna egres-  
sus in hostem, mirabilem DEI  
præsentiam & tutelam expertus  
est.



*Nam cum in Lituanici cuiusdam principis villa pernoctaturus esset, & is Regi exitium pulvere bombardico struxisset, eumque unà cum edibus perdere cogitasset: fraudem nidor pulveris detexit: & Regem presenti periculo liberavit, & proditori meritas pœnas attulit. Cetera quæ consequuta sunt, malo te ex Regijs, quàm meis, cognoscere.*


*Unum addo de clade quorundam Polonorum. Cum victoriam Regis, prefectus Orsensis audisset, collecta suorum manu ad 2500. Schmolenciam usque excurrit. Hostes arbitantes integrum regium esse exercitum, non ausi sunt*


*con-*

*contra prodire. Interim Poloni,  
missa à Moschorum Principe au-  
xilia adoriuntur, fundūt, & præ-  
da magna potiti Orsam repetunt.  
Verùm Moschi ex captiuo, co-  
gnita nostrorum paucitate, inse-  
quuntur, & nihil tale timentes  
opprimunt, ita vt de toto exer-  
citu vix 500. cum Duci-  
bus fuga Orsam ela-  
psi sint.*









RERV M POLON. TOM. II.

POLONIAE, LI-  
TVANIAE, SAMOGI-  
TIAE, RVSSIAE, MASSOVIAE,

PRVSSIAE, LIVONIAE, MOSCHO-  
uia, Tartaria, quæ generali vulgò Sarmatiae Eu-  
ropæ nomine veniunt, Chorographicam descri-  
ptionem; tum verò Palatinatum, districtum,  
ciuitatum, arciumq; singulis subiectarum,  
accuratam recensionem com-  
plectens.

*Sauromatie Europæ situs.*



SAVROMATIAE Europæ agentes,  
regionumq; quas complectitur si-  
tum descripturus, opere pretium me  
facturum, & rem non iniucundam  
Lectori existimaui: Si in primis Eu-  
ropæ, ipsius fines, quibus ab Asia &  
Africa determinatur, præponerem. Europa itaque  
pars mundi tertia, ab Europa Agenoris regis Libyæ  
& Syriæ filia denominationem traxit, cuius insigni



*Europa de-  
nominatio  
ab Europa  
Agenoris re-  
gis filia.*

*Europa ter-  
mini.*

*Quot mil-  
liaribus pa-  
teat Euro-  
pa.  
Intellige hic  
milliaria  
Polonica si-  
ue Germa-  
nica, quæ I-  
talica 5. &  
Moschenica  
eodem cō-  
plectuntur.*

pulcritudine Iupiter (vt poëta fabulatur) captus, nul-  
lam aliam occasionem ad effectum insani amoris  
habens, in bouem niueum sese transfigurauit, in li-  
toreque maris viridifero, ubi virgines ceteræ cum  
Europa reginula ludebant, armentis bouum se inter-  
iunxit. Europa vitulum præ omnibus pulcerrimum  
videns tergo eius insedit, qui confestim in mare  
cum ea insiliens, in Crētā insulam, siue Candiam,  
dicitur eam transtulisse. Porro Europam ab Orien-  
te Tanais fluuius celeberrimus determinat, à Meri-  
die mare Mediterraneum, à Septentrione Angli-  
cus siue Britannicus Oceanus, ab Occidente verò  
Oceano Atlantico finitur. Hæc pars mundi cate-  
ris duabus, vtpote Asiæ & Africæ, minima est, sed ad  
habitandum habilior, conuenientiorque & mode-  
rator. nam neque calida torridave, nec etiam frigi-  
da nimis, ideo habitatoribus copiosior, frequen-  
tior, pleniorque est, exceptis regionibus septen-  
trionalibus Oceano glaciali contiguas: quæ aliqua-  
ex parte ob intensā frigora inhabitabiles sunt. Reli-  
gione quoque Christiana, moribus, & viuendi con-  
suetudine, incolarum, vrbiūque frequentia, & re-  
rum comestibilibium fertilitate, cæliq; & aëris tem-  
perie, Asiæ & Africæ, quamuis longè amplioribus fa-  
cilè antepositur. Ducentis quadraginta quinque mil-  
liaribus Germanicis in latitudinem patet, à mari Æ-  
gæo siue Ionio ad Oceanum vsque Hybernicum. In  
longitudinem verò septingentis sexaginta milliari-  
bus extenditur, à Portugalia videlicet regno Hispa-  
niæ, ad Tanaim vsq; fluuium, qui Sarmatiam ab Asia  
determinat. Inchoatur autem Europa ab Oriente à  
fluuio Tanai, à Meridie verò ab Ægæo mari Græciæ.

In

In hac parte orbis tertia, Sauromatia regio amplissima, multas nationes regnaque, eiusdem generis complectens (de qua nobis res agitur) sita est. Est *Sauromatia duplex.* autem duplex Sauromatia, vna Scythica siue Asiatica, in vltiori orientaliue ripa Tanais & Volgaë fluminum, quàm incolunt Tartari siue Scythæ & Wolhenses, & plures alij in Hordas, id est tribus certas diuisi. Altera Europæa Sauromatia dicitur: cuius coloni sunt Poloni, Russi siue Rutheni, Lituani, Massouitæ, Pruteni, Pomerani, Liouones, Moschouitæ, Gothi, Alani, Walachi, & Tartari qui in hac ripa Tanais fluij occidentali, iuxta Pontum Euxinum degunt. Hanc ab Oriente Tanais fluius, palusque Mæotis *Sauromatia Europæa.* ab Asia dislimitat, ab Occidente verò Vistula, vel secundum quosdam Odera fluius, à Meridie montibus Vngaricis *Beskid* gentiliter dictis terminatur, ab æquinoctio mari Germanico siue Sarmatico fines suos à Germania dirimit.

Ptolemæus verò libro 3. cap. 5. Sarmatiam Europæam, à Septentrione Oceano Sarmatico terminari scribit, iuxta sinum Venedicum, ad fines vsque Engoneland terræ incognitæ ultra Nortuegiæ regnū longè patentis. Ab Occasu Vistula fluius & parte Germaniæ, quæ est inter caput ipsius & montes Sarmatarum. A Meridie Iazygis Metanastis quæ est gens Hungarica, ab Oriente Isthmo eam ambiri refert, à Carcinito fluius per Bicen paludē, & latere paludis Mæotidis, vsq; ad Tanais fluium in prouincia Resanensi Moschouæ fontes habenti, hic autem fluius Asiam Scythicam ab Europa dislimitat. Ab australi deinde plaga Sarmaticorum montium iugis ad Carpatum vsque montem, Tatri siue *Beskid* vulgò



appellatum, Sarmatia Europæa finitur, denique per Walachiam Moldauiamq; ad Borysthenis vsq; ostia, vbi in pontum ingenti aquarum colluie influit, & per littora ponti ad Carcinum vsque fluuium ex montibus Circassorum Quinquemontarum defluentem extenditur Sarmatia Europæa, secundū Ptolemæi cosmographorum principis opinionem. Qui etiam hos fluuios ætate sua celebriores Sarmatiam

*Flumina Vistulam influentia, et quæ in hoc oppido decurrunt, hic ex montibus Sarmaticis emergit, Silesiaq; & Polonia, Massouia, Prussia præterlapsis multis fluuijs exhaustis apud Gedanum Prussiæ emporium celeberrimum, in mare Sarmaticum siue Balticum exoneratur. Cronon quoque fluuius insignis in Russia non longè à Turov oppido ortus, Russiae regiones & Lituaniæ ac Prussiæ percurrens, post Vistulæ ostia ad Septentrionem reflectendo, in Germanicū quoque mare (quod Cronium inde fortè dicitur) influit, vulgò Niemen appellatur. Rubon quoq; fluuius, qui nunc Dzwina vulgò, Latinis & Germanis Duna dicitur, in Russia Moschouia fontes suos habet, & magna parte Russiae, Lituaniæ, & Liuoniæ præterlapsis in prædictum mare, à Riga Liuoniæ metropoli duobus milliaribus, amplissimis ostijs postquam centum triginta milliaria Polonici à fontibus suis emensus fuerit, ingreditur. Ternutis quoq; & Chersinus fluuij secundum Ptolemæum ex Ripheis montibus nascentes, in prædictum mare exonerari dicuntur, qui mihi Narew & Bug vulgò dici videntur. Præterea Sarmatia Europæa multos alios fluuios celeberrimos habet, vtpote Borysthenem Neper vulgò dictum,*

*Celebriores fluuij Sarmatiæ Europææ.*

Etum, in Pontum Euxinum influentem, Hypanin, qui hodie *Bog* (non Bug, qui Vistulæ commiscetur) dicitur, Tyran qui Dnester propriè à *tirando* Italico verbo, quasi sagittando dictus. Horrida enim violentia aquas impellit. Insuper Viliam, Disnam, Peripetum, Sluczam, Naruam in Liuania, & alios complures nauigabiles fluuios, quos recensere longum esset. Hoc itaq; in imperio Sarmatico, cuius modò limites ex Ptolemæo & nostra propria experiëntia descripsimus, rex Poloniae à maioribus suis belli vel pacis iure acquisito rerum potitur, & modernis temporibus Sarmatia Poloniae regis potentissimi & inuictissimi Monarchæ his finibus includitur.

A montibus Sarmaticis, & Transsylvaniæ palatinatū, ad Vistulæ fontes, vbi incipit ducatus Tessinensis, inde per Silesiam ad Oderam fluuium, & vsq; ad Marchiam Brandeburgensem, ac Francfordiam, per Pomeraniam quoque longo tractu ad littus Oceani Germanici, sinumq; Codanum siue Balticum, per latus demum septentrionale per Samogitiam, Curlandiam, Liuaniamq; amplissimum dominium, ad Phinladiam vsq; vltimam ferè orbis regionem Suecorum regi subiectam, Orientem versus per multas regiones Russiæ ad Moschorum principis imperium vsque extenditur. A Germanico verbo Oceano ad Alexandri Macedonis aras per campestria deserta ad paludes Mæotidis longissimo tractu vltra Borysthenem procedendo, deinde à Ponto Euxino per campos Podolienses, & per Moldauos ac Walachos redeundo Iazygis Metanastis vel Transsylvanis & Hungaris, montibusq; qui hodie Scepusienses dicuntur, à Meridie imperium monarchæ Poloniæ disiungitur.



*Sauroma-  
via Striusq;  
denomina-  
tio.*

Dicta est autem Sauromatia Græcis, similitudine sumpta ab hominibus viperinos oculos habentibus, terribilibus scilicet & crudelibus: nam *σαῦρος* Græcis viperam, *ὄμμα* verò oculum sonat. Atque nunc in primis de Polonis præcipua gente Sauromatica dicendum nobis occurrit.

*DEDUCTIO ET ORIGO ANTI-  
qua bellicosæq; gentis Sauromatica, ex qua  
Poloni ortum genusq; suum  
ducunt.*

**D**Educationem originemq; Polonorum acregum, eorundem gesta secundum ordinem descripturus; paucis obiter Lectorem admonendum volo, ne quid me in principio rei de Polonis dicturum sigillatim existimet: consequens enim est, ut antiquissimæ gentis Sauromaticæ siue Slauonicæ originem, & mores præscos, altius in primis inuestigaremus, quod pro rei ipsius faciliiori intellectu fortasse vtilius erit. Liquet apertè ex scripturis sacris veteris legis, ad quod etiam omnium historicorum consentiens opinio est: Iaphet filium natu maximum Nohæ, post illud totius mundi diluvium, Orientem & Septentrionem versus in Europa & in Asia minori primùm consedisse, illicque cooperante diuina voluntate in maximam gentem excreuisse, quod ei cum etymon nominis dilationem significatis, tum fausta Nohæ parentis imprecatio portendebant. Sic etiam Nohæ ille patriarcha præfigurans necessariè futuram esse trinam conditionem vitæ humanæ, filijs suis dixisse, singulisque singula officia administranda iniunxisse & demādasse fertur, ut vnusquisque

*Iaphet No-  
ha Patriar-  
cha filius &  
bi consede-  
rit post di-  
luvium.*

*Etymon Ia-  
pheti.*

*Nohæ filijs  
singulis sin-  
gula munia  
obenda de-  
mandat.*

quisque suæ vocationi prædefinitæ corresponderet in hæc verba : Tu Sem, ora velut sacerdos, munus *Ora, labora,* diuinum obiens: tu Cham, labora agros colens, & *rege, protea* artes mechanicas exercens: tu Iaphet, rege & pro-<sup>ge.</sup> rege velut rex & miles arma exerce, cæterosque certis propositis legibus in officio retine. Quod mandatum & testamentum Nohæ hæc vsque in tempora durare videmus: vnaquæque etenim natio ex illis filiis eius propagata, suam vocationem ex quadam prædestinatione, & paterna imprecatione exercet. Posteritas igitur Iapheti, cum maiorem orbis terrarum partem in Europa Asiaque minore occupauerat, testamento patris sui, & faustæ imprecationi Nohæ patriarchæ correspondentes, statim ad *Iapheti pateritas;* arma exercenda animum adiecerunt, & in numerosam gentem temporis successu sub duce Gomero *Gomer Iapheti filius.* Iapheti filio in orientali, vbi Armenia, & septentrionali plaga excreuerunt, ad Bosphorumque Mæotidi paludi proximum, qui nunc Cimmerius dicitur, & ad fontes ostiaque Tanais longo tractu sedes suas habuerunt. Postea potestatem & prælaturam, sub qua cæteri regantur, necessariam esse considerantes ad Tuiskonem siue Ascenam Gomeri filium imperium detulerunt, qui Beroso teste latissimè à fontibus Tanais ad Rhenum vsque fluuium Germaniæ imperauit. Hunc Tuiskonem prædictus *Tuiskones Gomeri filius.* Berosus historiographus Germanorum omnium, Sauromatarumque pariter conditorem esse asserit. quo testimonio satis rectè probaretur Sarmatas siue Slauos cum Germanis vnum esse, cum ab *Berosi testimonium.* eodem autore & propagatore processerint. Crantzii quoque ratiocinatur Polonos Bohemosque



*Crantzij opinio.* Germanis congeneros esse, eò quòd frequens Germanicæ linguæ apud hos populos vsus fuerit, & vestibus Germanicis multi eorum vtantur. Qua ratione quoque probaretur eos Latinos, vel Italos, Hungarosq; esse: nam hæ quoque linguæ, idemq; habitus apud Polonos nunc ex magna parte in vsu esse cœperunt, & Latina lingua omnes ferè nationes vincunt. Non rectè igitur Crantzius hîc ratiocinari videtur, si enim Slaui vel Sauromatæ ex Germanis oriundi essent, eademq; cum eis antiquitus lingua vterentur, vnde igitur Sarmaticæ siue Slauonicæ linguæ apud Sarmatas vsus ortus esset? qua hæ gentes passim & vulgariter vtpote innata vtuntur, habitu quoque, moribus, & vitæ consuetudine Sarmatæ à Germanis

*Plinij de Sarmatis assertio.*

penitus diuersi sunt, quod etiam Plinius approbat, dicens: Sarmatæ quidem certè Germani nō sunt, sed ab ijs Vandalo siue Vistula fluuio ad ortum Solis vergentes dirimuntur, cui sententiæ probati antiquitatis indagatores Cornelius Tacitus, Strabo, & Ptolemæus adstipulantur. Sed ad rem vnde digressus sum redeo. Illa posteritas Iapheti impigra, strenua, manuq; prompta & bellicosa extitit, quod res ipsæ ab illis strenuè audacissimeque gestæ abunde testantur, toto enim orbi terrarum tunc temporis terrori dicuntur esse, vnde à Græcis Sauromatæ in primis appellati sunt, deducto nomine à σαῦρος, quod est vipera, & ὄμμα, oculus, quasi dicas gens terribilis cum viperinis oculis. Ab hoc itaque tempore hæc gens regionesq; eorum, quas incolunt, Sauromatiæ nomen retinent. Hi postea tempore succedēte, & indies magis ac magis numero populi accrescente, videntes illas sedes patrias propter se progeniemq; paulò arctiores esse, à

*Sauromatæ vnde dicti.*

se, à Tanais fluuij ostijs & paludibus Mæotidis Meridiem versus vltius processerunt, per regionesque propinquas, Daciam, Russiam, Lituaniam, Borussiam, quæ nunc Prussia dicitur, Liunionemque longè & latè diffusi sunt. Quorum maior pars in has prouincias campestris, quæ hodie à Polonis coluntur, commigravit, fluuijque Vistulæ (quæ antiquis Vandalis dicebatur) vtraque ripas occupauerunt, & statim cum antiqua gente Teutonum, quæ etiam ad Vistulam fluuium in tuguriolis antiquitus degebat, societatem atque amicitiam velut aduenæ contraxerunt, propter communem prædam & rapinas, cum adhuc minimè assueti essent sudore proprio vel agricultura, artificijsque victum acquirere. Manu itaque coniuncta frequentes irruptiones in Prussiam, Saxoniam & Pomeraniam exercebant, prouinciasque maritimas assiduè excursionibus diuexabant, & mare Balticum siue Germanicum propter res sibi necessarias acquirendas piratarum more remigijs tentabant. Quando verò & qua occasione hæc migratio Sauromatarum à fontibus ostijsque Tanais fluuij & paludibus Mæotidis in has regiones contigerit, quoniam nulla gentis ab eo tempore monumenta extant, ex quibus id constare possit, ignotum est. Si enim literarum cultura æque ac res militaris apud Sauromatas tunc temporis florisset, certiora de suo in hæc loca aduentu, alijsque rebus præclare gestis monumenta reliquissent, sed ipsi animosè viriliterque agere, & bella exercere, quàm eleganter & ornatè scribere maluerunt. Sabellicus tamen & Herodotus scribunt Sauromatas & Cymbros à Lydorum rege Aliate ex Asia eiectiones esse. Quidam etiam opinantur eos vi à

*Sarmatarum  
prima com-  
migratio.*

*Sarmatae ad  
Vistulam flu-  
uium vene-  
runt, & cum  
Teutonibus  
amicitiam  
contraxe-  
runt.*

*Sauroma-  
ta olim lite-  
rarum igna-  
ri, bellis ar-  
misque assi-  
due studen-  
tes.*



*Isabellici & Herodoti de Sarmatis opinio.* Gothis expulsos sedibus patrijs emigrasse, quod verisimile non videtur, sed potius suapte sponte, ac voluntate, siue fató quodam impulsos, siue opū alienarum cupiditate accensos, cultiora loca appetisse eos existimauerim.

*Causa aduētus in hac loca Sarmatarum.*

Neque verò soli Sauromatæ, sed & aliæ quædam gentes ipsis conterminæ sedibus patrijs relictis, in alias terras cultiores migrantes transierunt, inter hos Cimmerici siue Cimbri, Gothæ, Daci, Sueui siue Tuiscones, & Sacæ qui nunc Saxones dicuntur. Hi etiam in hac usque tempora Sarmatis sunt contermini. Neq; verò vniuersam gentem illinc sese simul effudisse constat, sed remansisse nonnullos, qui relictæ ab alijs loca colerent, quod moderni incolæ istius oræ, iuxta Tanaim fluuium degētes, apertè testantur, utpote Tartari Campestris, qui longo tractu iuxta Tanaim fluuiū & paludes Mæotidis, Pontumq; Euxinum viuunt. Hi enim à veteribus Sarmatis moribus & institutis haud dissimiles sunt. Sed ad rem redeo. Illi Sauromatæ qui ad Vistulam fluuium confederant, cum Teutonibus cōmilitonibus suis omnes prouincias circumiacentes & colonias suas frequentibus diuexationibus depopulatas ad nihilum redegerunt, & victum amplius acquirere non potuerūt; agros enim non colebant, sed paratis & raptis vivebant. Ideo sterilitate soli perignauiam suam causata, adiunctis sibi in societatem vicinis Teutonibus vltorius (inquirentes fertiliores prouincias) processerunt, quorum multitudo trecenta millia virorum excessisse fertur, & à fluuiio Vandalo, nunc Vistula dicto, quem accolebant Vandaliæ (Sarmatarum nomine abolito) appellati sunt. Primò itaque hi Vandaliæ populabundi in Pannoniam excurrerunt

Constantini

*Sarmatarū cum Teutonibus à Vistula fluuiio, à qua Vandaliæ dicti sunt, in Pannoniam cōmigratio.*

stantini Magni temporibus, eamque 40. annis (expulsi primis eius incolis) occupatam tenuerunt. Deinde Hungaricis historiographis testatibus à Gothis illinc eiectionis expulsi sunt. Polonorum verò annales testantur Vandalitas ex Pannoniæ finibus eductos per Stillicum ducem suum in Italiam, quam armis undiquaque crudeliter peruastarunt. Postea in Hispaniam cum eodem duce suo Stillico commigrarunt, ex Hispanijs verò per mare Herculeum nauigantes in Africam deuenerunt, vbi annos ducentos in pace & abundantia omnium rerum peregrerunt, Romanumque imperium nauali & terrestri bello varijs excursionibus debilitarunt, ac ipsam Romanam sub Sixto Papa, vt quidam volunt, anno Christi 429. crudeliter vastauerunt. Tandem anno Domini 538. Iustinianus Imperator per ducem celeberrimum exercitus sui Belisarium, virum insignem, & rebus gestis clarum, eos cruento prælio profligauit, ex Africaque funditus exterminauit, rexque eorum Gili-merus captiuus Constantinopolim abductus est. Adiuntque nonnulli hoc prælio Belisarij, Vandalitas ad internecionem vsque gentis cæsos deletosque fuisse, sed id à vero esse alienum non vno argumento liquet. Et si enim vires eorum adeò fractæ attritæque essent, vt robur vetus & potentiam pristinam recuperare post nunquam potuerint, reliquæ tamen eorum ita fuga dispersæ sunt, vt quidam in Poloniam ad Vistulam fluuium natale videlicet solum vnde ortum duxerant regressi, nonnulli in Græciam & Pannoniam, Germaniamque, nouis quærendis sedibus dilapsi sint. Horum reliquæ ultra Albim

*Vandalitarum in Italiam Hispaniamque expulsi.*

*Vandalitas in Africa. Vandalitas Romanam ceperunt.*

*Vandalitas ex Africa pulsi.*



*Vandalia  
dacarum.*

fluvium in Septentrionem sparsim habitantes Sla-  
uonico idiomate maiori ex parte vtuntur, & ducatus  
quem incolunt, confinis Prussiæ Vandalia nuncupa-  
tur, cuius dux, Prussiæ Polonorum feudalitis titulum  
sibi vsurpat. Porro omnes Germani denominatione  
à Vandalis sumpta, omnes Sarmatas Slauonica lingua  
vtentes, *Wenden*, siue *Winden*, & *Vindis* promiscuè  
appellant, mareque quod Sarmatiam alluit, Venedi-  
cum vocant. Cætera horum Vandalicorū gesta bre-  
uitati consulens omitto, nihil etenim de eis scribitur,  
solūmodo barbara atrocitas & immanitas, qua cru-  
deliter in omnes sæuiebant, adhucque hodie in Lita-  
nijs catholicæ Ecclesiæ Romanæ canitur, à Vandalis  
libera nos Domine, &c. Post hos Vandalitas ex ijs-  
dem Sauromatiæ sedibus, alia à fluuio Tanai, & palu-

*Roxolani si-  
ue Rutheni  
gens Sarma-  
tica secūda.  
Volgari.  
Volga fla-  
nuis.*

dibus Maotidis gens crudelis, priori non dissimilis,  
ortum duxit, qui Roxolani siue Rossani, & Rutheni  
Russiq; cognominati sunt, Procopio historiographo  
id attestante. Volgari quoque siue Volhinij populi,  
ex iisdem sedibus à Volga fluuio amplissimo cogno-  
minati, moribus & idiomate Slauonico cum Roxo-  
lanis concordantes ortum duxerunt. Volga autem  
fluuius celeberrimus (quem plurimi Tanaim esse fal-  
sa opinione ducti existimabant) Ptolemeo Rha, Tar-  
tari Edel dicitur, Moschouitaque certis limitibus  
cum Tartariis Campestribus determinat. Illi itaque

*Roxolani in  
Taurica.*

Roxolani siue Russi cum Volgaris ob similitudinem  
& vnitatem consuetudinis vitæ amicitiam & socie-  
tatem contraxerunt, coniunctisque viribus in Tau-  
ricæ regionem (quæ nunc à Tartariis Præcopensibus  
occupata est) penetrarunt, inibi que locum domicilio  
sibi delegerunt: quādiu illic degerint, vel quo tem-

pore

pore aduenerint, incertum est. nullus enim inter eos inuentus erat, qui temporum rerumq; à se gestarum vices literis mādando posterorum memoriæ factorumque æternitati consuleret. Audientes tandem discordiam pullulare inter principes Christianorum in Græcia, quidam eorum cum duce suo Chrunno Danubio traiecto, rectà in Thraciam populabundi perrexerunt, vbi Imperatorem Constantinopolitanum cum exercitu cruento prælio fuderunt, Nicephorum quoque & Michaëlem Curoplatum Imperatores ad Adrianopolim occiderunt. Tandem Mysia vtraque occupata eam Volgariam à sui denominatione, quæ nunc Bulgaria dicitur, vocauerunt. Alij eorum Russiæ regionem occupauerunt, quam Voliniam (quæ hucusq; hoc cognomen retinet) appellauerunt. Cæteri quoq; Podoliam, Lituaniam, Podlasiæ, Massoniamque regiones occupauerunt. Hi omnes loca semel occupata hæc vsque in tempora non mutarunt, exceptis illis qui in Mysia confederāt. Varijs autem nominibus ab historiographis appellabantur. Græci enim eos Sporios, id est dispersos, Sauromatasque, id est crudeles, sumta à viperis similitudine appellabant, cæteri eos Roxolanos, Besos, Gaudos, Bodinos, à fluuio Borysthenes, Bolgaros à Volga, Morauos à Moraua flumine, vel à Morato rege, Antos, Basnos, Carnios, Serbos, Rascios, à Russia, Dalmatas, Slauos, Illyricos, Istrios ab Istro siue Danubio, Bohemos à regione Boëmia, Polonos, à campestri plana que regione, vel à venatione. Pole enim, venationem & planitiem Slauis significat, hæcque gens planam ferè apertamque regionem incolit, & apprimè venandi studio tenetur. Hæ gentes Sarmatiæ vt

*Volgaris Sauromata cū Roxolanis tres Cōstantinopolitanos imperatores occiderunt.*

*Bulgaria. Volinia.*

*Gentes Russiæ.*

*Sarmatarū Roxolanorumq; Sarmatæ appellaciones.*

*Poloni vnde dicti.*



in plures diuerſasque prouincias diuiduntur, varijsque nominibus appellantur, ſic etiam diuerſa variaque idiomata præ ſe ferunt, ſecundum terrarum & re-

*Varietas ſer-  
monu Sla-  
uorum.*

gionum diſtancias, quamuis omnes vnius gentis & idiomatis Slauiſice fuerint: nam Moſchouitæ à Ru-theniſ aliquantulum, Rutheni quoque à Poloniſ & Maſſouitiſ, ſic etiam Bohemi, Croatæ, ab inuicem idiomatis expreſſione, accētibus & prolatione, verborumque immutatione differunt, ita vt ſeſe intelli- gere difficile poſſint, niſi mutuo familiaritatis uſu

*Cauſſa im-  
mutatōis  
Slauiſice  
idiomatiſ.*

alter alterius linguæ aſſuetuſ fuerit. Nam quia Sar- matae ſiue Slauiſice, bellicoſi pugnaceſque extite- runt, pacem odio proſequentes, varias mundi partes peragrabant, & pro ſuo arbitrio occupabant, pere- grinorum quoque vocabulorum uſu idioma Slauiſ- nicum immutarunt. Apparet autem ex antiquorum

*Antiquitaſ  
Slauiſice.*

hiſtoriographorum ſcriptiſ, gentem Slauiſicorum vel Slauiſicorum in Paphlagonia regione Aſiæ mino- riſ, tempore belli Troianorum floruiſſe. Procopiuſ etiam Cēſarienſiſ ante mille & quinquaginta annos de bello Gothico, Iuſtiniani Imperatoriſ temporibꝯ ſcribens, mentionem quoque Slauiſicorum facit.

*Hiſtoriogra-  
phorū opi-  
niones de  
Slauiſice.*

Blonduſ verò, qui ante centum decemque annos hiſtoriam ab inclinatione Romani imperij conſcripſit, antiquiora Arcadij & Honorij tempora perſequens, Slauiſicorum meminit. Iornandeſ autem Alanuſ in ſuiſ Chronicis dicit, id nomen Slauiſicorum ſuo tempore nouum extitiſſe, idioma autem hoc, quo nunc Slauiſice vtuntur, antiquum fuiſſe. Scribitque hic Ior-

*Diui Gre-  
gorij de Sla-  
uiſice aſſeritio.*

nandeſ & diuiſ Gregoriuſ primuſ huiuſ nominis Romanuſ pontifex, Slauiſice ad Iſtrum ſeu Danubiuſ Septentrionem verſuſ habitaiſſe, traiectoquoque Danu- bio

bio Mysiam vtramque, Pannoniam, Macedoniam, Thraciam, Istriam, diuexasse, inter Drauumque & Sauum flumina, in Illyrico & Dalmatia cōsedisse, eis regionibus Slaunionæ nomen indidisse, Romanumq; imperium penitus debilitasse.

Idem Slaui ne Germaniæ quidem pepercerunt, ac ad eam amplitudinem peruenerunt, vt propè dimidiam Europæ & Asiæ partem teneant, etenim in ea natione connumerantur non solum ij qui Dalmatiam, Illyricum, Carpatum, & Hungariæ montana tenent, sed aliæ omnes orientales & septentrionales maximæ & fortissimæ gentes, quæcunque Sla- *Gentes Sla- uonice quæ- ra & quor.* uonico idiomate vtūtur, vtpote Bulgari, Bosnæ, Serbij, Croatæ, Carnij, Rascianij, Dalmatæ, Istrij, (Burgundi iam Slauorum linguam amiserunt) Styrij, Poloni, Massouitæ, Pomerani, Lusatij, Podolij, Volinij, Rutheni, Moldaui, Moschouitæ latissimè imperantes, Cassubij, Vandali, Silesij, Moraui, Bohemi, &c. In *Slauorum termini.* omnibusque his prouincijs ab Oceano glaciali, qui vltra Moschorum principis ditiones longissimo tractu Septentrionem versus extenditur, ad mare vsq; Mediterraneum, & Adriaticum populi idiomatis Slaunionici reperiuntur. Sic quoque à Ponto Euxino Moldaui, Valachiiq; & cæteræ Ruthenorum gentes ad mare vsque Germanicum colonias suas habent. Quamuis plurimi eorum patrium viuen- *Slauorum cōmutatio, metamorphosisq.* di modum in peregrinos mores commutarint. Bulgari enim, Bosnæ, Rascij, Dalmatæ, cum Turcis & Hungarijs, Burgundi, Mysij, Pomerani & Silesij cum Germanis: Lituanij, Rutheni, Massouitæ cum Polonis: Istrij, Carniolani, Carinthij cum Italis sentiunt. Attamen omnes hi quamuis inter peregrinas



*Roxolanicū  
Mithridate  
Ponti rege  
bellabant.*

*Sarmatis  
nulla olim  
gens belli-  
cosior.*

gentes diffusi dispersique sunt, patrio idiomate Sla-  
uonico (diuerso modo licet) vtuntur. Plurima & præ-  
clara gesta hi Sauromatæ exercebant, præcipuè verò  
cū Roxolani (quorum posteri nunc Rutheni siue  
Russi dicuntur) strenuè cum Mithridate rege Par-  
thorum & Ponti belligeraret, qui has regiones, quas  
hodie Turca, possidebat. Cum Romanis quoque &  
cæteris finitimis regibus longas acies vario Marte  
tenuerunt, sed quia gentiliter viuebant, literasque  
ignorabant, ideo etiam præterita recordare, & anti-  
qua gesta ad posteritatem transmittere flocci pen-  
debant. Porro qui diligentius rem ipsam considera-  
re velit, nullam gētem olim Sarmatis bellicosiores  
extitisse videbit : hi enim omnes miseras bellicas,  
frigora, intempestates, & id genus alios casus facile  
sustinebant, & propter nomen æternum nulla ve-  
tustate aboliturum vitam flocci pendentes, mortis  
impauidi varijs periculis opponebant, de quorū in-  
signi fortitudine audaciūque animo Ouidius ille Na-  
so, è Roma ad Pontum in regnum Tauricæ relega-  
tus, pro singulari miraculo, Romanis proceribus  
scripsit in hæc verba, libr. 1. de Ponto, Elegia 2. ad  
Maximum:

*Hostibus in medijs interq; pericula versor,  
Tanquam cum patria pax sit adempta mihi,  
Qui mortis sæuo geminent, ut vulnere caussas,  
Omnia vipereo spicula felle linunt.  
Hic eques instructus perterrita mœnia lustrat,  
More lupi clausas circumueuntis onus.  
Tecta rigent fixis veluti vallata sagittis,  
Portaq; vix firma summonet arma sera.*

Ad eun-

## Ad eundem Elegia tertia.

*Aut quid Sauromatæ faciant, quid Iasgyes acres;*

*Cultaq; Orestæ Taurica terra deæ.*

*Quaq; aliæ gentes ubi frigore constitit Ister,*

*Durameant celeri terga per amnis equo.*

*Maximæ pars hominum nec te pulcerrima curat;*

*Roma, nec Ausonij militis arma timet.*

*Dant illis animos arcus plenæq; pharetræ,*

*Quamq; libet longis cursibus aptus equus.*

*Quodq; sitim didicere diu tolerare famemq;*

*Quodq; sequens nullas hostis habebit aquas.*

*Idem ad Vestalem Eleg. 7. lib. 4.*

*Ipse vides onerata ferox ut ducat Iasis*

*Per medias Istri plaustra bubulcus aquas.*

*Aspicis & mitti sub adunco toxica ferro,*

*Ac telum causas mortis habere duas.*

*Ad Seuerum Elegia 19.*

*Nulla Getis toto gens est truculentior orbe,*

*Tinctaq; mortifera tela sagitta madet.*

Ex hoc igitur testimonio Ouidij Sarmatas bellicosos; imperioq; Romano minime subactos esse apparet, cum dicit:

*--nec te pulcerrima curat, Roma, &c.*

Porro quæ de antiquissimis eius gentis moribus, & institutis proferri possint, hæc ferè sunt. Vtebantur primis temporibus vetustissimi illi Sarmatæ siue Slauones, & qui in



*Antiquorū  
Slauorum  
sive Sauromatarum  
more.*

Polonia Russiāque regionibus postea sedes habuerunt, eorū posteri prisca illa Slauonica lingua, quæ Sarmatis Ruthenisque genuina est. Regem aut principem secundum genus agnoscebant neminem, sed exortis subinde bellis ex suis fortissimum quenq; & factis illustribus spectatum ducem sibi eligebāt, nec diuturnius cuiusquam erat imperium, quam ipsum bellum, cuius gerendi dux esset declaratus. Vnde & nunc Polonis rex non nascitur, sed cōsensu senatorum, qui dignus videretur, per sortem eligitur. Ad bella singuli viritim proficiscebantur, arcubusq; frameis & lanceis oblongioribus utebantur. Vxores secum ducebant, quæ incantationum magicarumque artium gnaræ, augurijs & vaticinijs operam nauabāt, de præliorumq; euentibus

*Rex in Polonia non nascitur.*

*Expediit in bellū antiquorum Sarmatarum.*

*Fuga in bello Sauromatis turpissima.*

*Equitū nilūq; apud Sarmatas antiquos dignitas.*

*Idola Sarmatarum.*

scienter præfagiebant. Fugere in bello res insolens illis erat, qui que id fecisset, ei nullus ad suos reditus patebat, neq; grauiorem vllam turpitudinē aut ignominiam nouerāt. Summa apud eos dignitas erat post electos belli duces equitum, quos ab ornamentis Auratos vocamus, ad quam nemini aditus patebat, nisi qui virtute bellica, factisq; in hostem patratis id assequeretur. Martem, Lunam, Solem, aliosque vanæ religionis deos adorabant,

bant, eosque diuersis & certis locis colere, & sacra ipsis facere solebant: de animarum tamen immortalitate rectè sentiebant. Sepul- *Sepultura Sarmatarū.* turæ eorum erant in siluis & agris, tumulosq; aggestis lapidibus vestientes eminenter muniebant, quod genus in Russiæ regionib. passim adhuc visuntur. Nonnulli quoq; more Romano, cadauera cremare, cineresq; collectos in urnas recondere solebant, in victu *Victus.* paucis contenti erant. Permutatione rerum *Cōmercia.* necessaria vtrinq; comparabant. Nihil proprium absq; arcu, framea, & lancea posside- *Possessiones Sarmatarum arma.* bant. Vestibus vilibus, ex corijs ferarum, pel- *Vestitus.* libusq; utebantur, ad talos demissis, thesauros, possessiones, prædia, vestesque preciosas non comparabant. Causas omnes & controuersias publico in loco Marte iudice ar- *Indicia.* mis dirimebant. Hæc planè sunt, quæ de antiquissimis Sarmaticæ Slauonicæq; linguæ, institutis & moribus extant, quorum potissima pars in hunc vsq; diem apud posteros eorum quibusdam in locis viget.





# REGNI POLO-

## NICI CVM SVIS PALATINATIBVS DISTRICTI-

*busq; siue prouincijs, ciuitatibusq; & arcibus principalibus compendiosa descriptio.*



EGNVM Poloniæ in Sarmatia Europæa amplissimum & nobilissimum, ab Oriëte non nihil in Septentrionem reflectendo, Massouiæ, Lituaniæq;

*Fines regni Polonia.*

contiguum est. A Septentrione Prussiæ, mariq; Germanico siue Venedico adhæret. A Meridie & Oriente simul Russia, Podolia, Valachiaq;, & montibus Hungariæ, Beskid dictis terminatur, ab Occidente Silesia, Saxoniaq;, & Albi fluuio fines suos terminat.

*Polonia duplex.*

Porro Polonia bipartita est, maior & minor. Maior ideo dicitur, quòd in ea Lechus autor Polonorum in primis confederit, ibidemq; Gnesnā ciuitatem, regni sedem, fundauit.

dauerit. Sed postea sedes regia Cracouiam minoris Poloniae metropolim translata est, vbi in hunc vsq; diem perseuerat, atq; hanc ob causam minor Polonia maiori antepontitur, quam in primis describendam aggrediemur.

*CRACOVIENSIS TERRA.*

**C**Racouia vrbs celeberrima, minoris Poloniae metropolis, in planitie insigniter ad Vistulam fluuiū nauigabilem, quo merces omnis generis Gedanū emporium Prusiae deportantur, condita, muro duplici, valloq; inexcusso, & fossa muro praecincta cingitur. Arx verò in scopulo eminenti, Vauel dicto, ad eundem fluuium sita, sede regum Poloniae vbi coronantur & sepeliuntur celebris, gymnasioq; & Vniuersitate clara. Eidē alię tres ciuitates, Clepardia, Stradomia, Casimiria contiguē adhærent, hanc Rudawka amnis, illas verò Vistula fluuius interfuit. Porro Cracouienses aduocato supremo carent, ea de causa, quòd anno Domini 1312. regnante Vladislao cubitali, quidam aduocatus Cracouiensis Germanus autorem se perfidia in deditioe vrbs Boleslao duci Opoliensi prębuerit, qui postea perfidię dignas



*Advocatus  
Cracovia.*

poenas, cum suis complicibus dedit. Ab hoc tempore rex ipse prætura Cracouiensi potitur. Castellanus quoq; Cracouiensis Palatinum in senatus consensu accubitu, locoque superat: nam cum Boleslaus Krziwousti, rex Poloniae (de quo supra) bellicosissimus à Ruthenis dolo circumuentus esset. Palatinus honore postposito, cum maiori parte exercitus aufugit, rege in medio hostiū relicto. Ab hocq; tempore Castellanus primas obtinet, in cæteris verò illius regni prouincijs, Palatinus Castellatum dignitate antecellit.

*Palatinus  
& Castellanus.*

### CIVITATES DISTRICTVALES

*in terra Cracouiensi.*

**H**As ciuitates districtuales præcipuas ubi iudicia, causarūq; nobiliū disceptantur, continet: Palatinatus Cracouiensis, quib. capitanei, iudices, & alij regia munia obeunt præsent.

**BIECZ** ciuitas muro circumdata, in planitie sita, eam Rapa fluuius præterfluit, in quo spumæ, ex quibus sulphur conficitur, colliguntur, à Cracouia 15. mil. abest.

**WOYNICZ** ciuitas lignea, ad Dunaiecz fluuium sita, à Cracouia 9. mil. distat.

**SANDECZ** ciuitas murata in planitie condita: quam Dunaiecz fluuius præterlabitur, à Cracouia 11. mil. distat.

**LELO-**

LELOVIA ciuitas murata, in colle sita, arcem inferius conditam habet, quam Biala fluuius alluit, à Cracouia 11. mil. abest.

KZYAZ ciuitas lignea, à Cracouia 7. mil. distat.

PROSZOWICE ciuitas lignea in planitie sita, in qua curia regia ad Sozeniaua fluuium cōdita est, à Cracouia 4. mil. distat, in qua cō- uentiones terrestres nobiliū celebrari solent.

Sunt etiam aliæ multæ ciuitates & oppida nobilium & magnatum in terra Cracouiensi: sed hīc nisi eorum, in quibus terrestria officia celebrantur, mentionem facimus.

In eadem terra Cracouiēsi tres sunt fodinæ insignes, quæ magnis prouētibus thesaurum regum adaugent. Prima in Olkussia 5. mil. à Cracouia, vbi plūbi copia, argentumq; effoditur. Secunda in Bochnia ciuitate, quæ 5. mil. à Cracouia distat, vbi sal glaciei simile pspicuum grādib. massis effoditur. Tertia in Wieliczka, 2. mil. à Cracouia, vbi etiā sal glaciale, sed vilius Bochnensi copiosè effoditur.

### SENATVS PRINCIPALIS

*terræ Cracouiensis.*

|             |   |               |
|-------------|---|---------------|
| Episcopus   | } | Cracouiensis. |
| Castellanus |   |               |
| Palatinus   |   |               |



|             |   |                |
|-------------|---|----------------|
| Castellanus | { | Sandecensis.   |
|             |   | Woynicensis.   |
|             |   | Byecensis.     |
|             |   | Oswiccimensis. |

**VEXILLVM TERRESTRE BEL-**  
*licum, aquila alba coronata in campo ru-*  
*beo, per alas linea aurea protensa,*  
*insignitur.*

**D**istrictus Sandecēsis vexillum peculiare  
 habet, clypeo diuiso bicolori insignitū.

In eadem terra Cracouiensi duo ducatus  
 cōtinentur, qui iure naturali in ditionem re-  
 gni cesserunt, Zatoriensis & Oswiecimēsis.

**O**SWIECIM ciuitas principalis prædicti  
 ducatus lignea, in planitie sita, arcem  
 quoq; ligneam argilla circumlinitam habet,  
 quam fluuius quidam præterlabitur, 7. mil. à  
 Cracouia. Vexillum aquila nigra, O, in pe-  
 ctore habente, insignitur.

**Z**ATOR ciuitas lignea cum arce, à Cra-  
 couia 5. mil. in planitie Vistulam fluui-  
 um sita, quæ ducatus caput erat, cuius vexil-  
 lum aquila lasurini coloris, Z, in pectore ge-  
 stante insignitur.

Huius ducatus Zatoriensis princeps à  
 Spitkove Myskowski equite Polono, dolo-  
 se, oc-

sè, occisus est, ab hoc tempore in regis Poloniae ditionem cessit.

*SANDOMIRIENSIS TERRA.*

**S**ANDOMIRIA ciuitas principalis, muro circumdata, in colle ad Vistulam fluuium condita, à Cracouia 22. mil. distat. Arcem muratam à Meridie Vistula, præterfluam habet. Hæ ciuitates districtuales præcipuè ad eam pertinent.

**C**HECINY ciuitas in loco plano sita, arx verò murata in eminenti scopulo cōdita est, à Cracouia 13. mil. abest. Fodinis lasuli clara, vbi & argentum reperitur.

**K**ORCZIN ciuitas noua lignea, arcem muratam ad Vislok fluuium sitam, habet, quam vndiq; paludes circumdederunt.

**W**ISLICIA ciuitas lignea, quam Nida fluuius circumfluit, muroq; circumdata inter lutosas paludes in scopulo sita, in quibus ingens colluies reptilium omni generorum grassatur.

**P**ILZNO ciuitas lignea, ad Vislok fluuium sita.

**O**POZNO ciuitas murata in planitie, quam Pilcza fluuius præterlabitur.



**RADOMIA** ciuitas muro valloque circumsepta, in planitie sita.

**POLOVIEC** ciuitas lignea inter colles constructa.

**ZAWICHOST** ciuitas lignea, ad Vistulam fluuium sita, arcem muratam in vltiori Vistulæ ripa habet.

**ZARNOW** oppidum ligneum.

**MALOGOST** ciuitas lignea.

### SENATORES TERRÆ

*Sandomiriensis.*

Palatinus & Castellanus Sandomiriensis.

|             |                       |                |
|-------------|-----------------------|----------------|
|             | {<br>{<br>{<br>{<br>{ | Vislicensis.   |
|             |                       | Radomiensis.   |
|             |                       | Zawichostenis. |
| Castellanus |                       | Zarnouiensis.  |
|             |                       | Malogostenis.  |
|             | {                     | Polanecensis.  |

Vexillum terrestre gestat pro stemmate, clypeū diuisum, in vna medietate lineas tres rubeas, & tres albas: in altera campum lafurini colores, tribus ordinibus stellarum insignitur.

### LVBLINENSIS TERRA.

**L**VLIN ciuitas murata, fossa stagnisq; ingētibus circumdata. Arx in colle eminentio-

mentiori ad stagnum amplum condita, muro validissimo fossaq; profunda cingitur. In hac ciuitate triplices per annum nundinae, quatuor hebdomadas durantes, celebrantur. Primò pro festo Pentecostes. Secundò, pro ferijs apostolorum, Simonis & Iudae. Tertiò pro festo purificationis Mariae. Ad eas ex remotissimis regionibus negociatores, Turcae, Armeni, Graeci, Germani, Moschouitae, Litواني, & caeteri ex circumiacentibus regionibus, conuenire solent. Iudaei maximam suburbiorum partem occupant, ibiq; synagogam habent praecipuam. Arcem Bystrzicka flumini alluit. Distat autem Lublina à Sandomiria 14. mil. à Cracouia 36. à Wilna 70. à Warsouia 24. Has ciuitates districtuales terra Lublinensis complectitur.

**VRZENDOW** ciuitas lignea ampla, ad stagnum sita, à Lublina 7. mil. abest.

**LVLOW** ciuitas lignea, in planitie sita, ex vna parte palude lutuosa, ex alia vallo munitur, à Lublinia 14. mil. abest, districtum satis amplum complectitur.

**PARCOW** ciuitas lignea, in planitie ad stagnum ingens sita, à Lublina 9. miliaribus abest.



CASIMIRIA ciuitas lignea, inter scopulos ad Vistulam condita, quę tempore exundationis Vistulę media ferè aquis obruitur, à Lublin 7. mil. distat.

Senatores duos præcipuos terra Lublinensis habet, Palatinum videlicet & Castellanum.

Vexillũ terrestre ceruo albo, in collo coronam gestante, in campo rubeo insignitur.

#### DE TERRIS DISTRICTI-

*busq; maioris Poloniae.*

POSNANIA ciuitas insignis, maioris Poloniae metropolis, ad Vartham fluuium nauigabilem, & Prosna amnem, inter colles condita, muro duplici, fossaq; profunda cingitur, ædes in ea pulcerrimę, insigniterq; ex lapidibus sectis constructę. Arx murata in eminētiore colle, inter Vartham & Prosnam fluuios sita. In vltiori ripa Varthę suburbia sunt amplissima, stagno ingenti paludibusq; circumdata, quę frequenter cum circumadiacentibus pagis exundatione Varthę obruuntur, adeo, vt aliquando solũmodo summitates ædificiorũ ex aquis appareant: ipsaq; ciuitas in muro aliquando inundatur, vt in foro plateisque passim nauigetur, sed tamen hæ ex-

hæ exundationes duobus tribusve interdum diebus grassantur. Nundinæ in Posnania celeberrimæ ter in anno exercentur. Primæ in principio Quadragesimæ, quæ quatuor hebdomadis durant. Secundæ pro festo diui Iannis Baptistæ, quinq; hebdomadis durantes. Tertiæ pro festo sancti Michaelis, quæ quinq; integris hebdomadis celebrantur.

### CIVITATES DISTRICTVALES

*in terra Posnaniensi.*

**K**OSCIEN ciuitas in planitie inter paludes lutuosas sita, duplici muro, valloq; & fossa munitur, à Posnania 7. mil. distat.

**MIEDZYRZECZE** ciuitas lignea, in planitie inter flumina paludesq; lutuosas (vnde & nomen habet) sita, finitima Silesiæ, Pomeraniæ, arcem muratam natura & opportunitate loci munitissimam, muro valloq; in excusso & fossis profundis circumsepta, nullo modo expugnari sese, nisi fame patitur. Eam duces Germaniæ aliquot annis graui obsidione premebant: attamen re infecta cum dedecore discedere coacti sunt. A Posnania 15. mil. distat.

**O STRESOW** ciuitas lignea, finitima Silesiæ, in planitie latissima sita, quam siluæ vndiq; circumdederunt.



W S C H O W ciuitas murata, in planitie sita, à Posnonia II. mil. abest.

S R E M S K, P r æ m e c z, Rogozno, ciuitates lignæ, ad officium Posnaniense pertinetes, in quibus iudicia terrestria celebrantur.

### SENATORES TERRÆ

*Posnaniensis.*

Episcopus

Palatinus

Castellanus

} Posnaniensis.

Sremscensis

Miedzirzecensis

Pramecensis

Rogosiensis

} Castellanus.

Vexillum terræ Posnaniensis aquila alba cum expansis ad volandum alis.

### CALISIENSIS TERRA.

C A L I S ciuitas muro circumdata, inter paludes sita, quam Prosna fluuius præterlabitur. Arcis muratæ ruinæ restant, per Crucigeros Prussenses desolatæ.

Has ciuitates districtuales hæc terra complectitur.

G N E S N A ciuitas muro circumdata, in planitie inter lacus collesq; sita, archiepiscopali sede clara. Hæc prima omnium ciuitas in Po-

in Polonia à Lecho autore Polonorum condita, vbi in primis sedes regia habebatur. Ibi-  
que princeps Poloniae Boleslaus Chabri, ab  
Ottone Romanorū imperatore regium dia-  
dema accepit, quo hucusque reges Poloniae  
vtuntur. In hac ciuitate est ecclesia Cathe-  
dralis metropolitana, in qua corpus diui A-  
dalberti episcopi Pragēsis depositū est. Distat  
autem à Calis 14. mil. à Posnania 7. In ea nun-  
dinæ insignes, præcipuè verò pro festo sancti  
Adalberti celebrantur.

Pyzdry ciuitas murata, in planitie ad  
fluuium Varta inter siluas sita, à Calis 9. mil.  
distat.

WARTHA ciuitas ampla, ad eiusdem  
nominis fluuium sita.

NAKLO ciuitas lignea, ad fluuium No-  
tesiam ex Goplo lacu emergentem, arx mu-  
rata inter lutosas paludes sita.

LAND ciuitas ad Wartham fluuium, à  
Gnesnā 4. mil. abest.

KONIN ciuitas murata, Warthaq; fluuio  
vnà cū arcē in gyrum circūducta, & nisi pon-  
tibus ad eā peruenitur, 8. mil. à Calisia abest.

SLVPCZA ciuitas muro fortissimo, pro-  
pugnaculisq; munita, ad Wartham fluuium.

KOLO ciuitas lignea circūsepta, Warthaq;



fluuium in gyrum vnà cum arce aliquoties circumluitur, 8. mil. à Calisia distat.

LAND & Camenecia ciuitates in Pomeraniæ finibus.

*SENATORES PRÆCIPVI  
terræ Calisiensis.*

Archiepiscopus Gnesnensis.

Palatinus Calisiensis.

Castellanus Calisiensis.

|              |                |
|--------------|----------------|
| Gnesnensis   | } Castellanus. |
| Nakyelcensis |                |
| Camenensis   |                |
| Landensis    |                |

Vexillum terreſtre capite Biſontis, inter cornua coronam auream geſtante, per naresq; circulum aureum habente, in campo in modum latrunculariorum ſiue ſcachorum albo & rubro inſignitur.

*SIRADIENSIS TERRA.*

**S**IRADIA ciuitas lignea, muro circumducta, in planitie ſita. Arx murata ad Wartham fluuium condita. Hæc prouincia olim pro ducatu ampliffimo computabatur, ſecundoq; genitis regum Poloniæ attributa erat. Has ciuitates diſtrictuales complectitur,

VIELV-

**VIELVNIA** ciuitas muro forti propugnaculisq; & fossa profunda circūsepta, eam vnà cum arce Prosna fluius præterlabitur.

**S A D E K** ciuitas lignea, in planitie ad stagnum sita, à Siradia 5. mil. abest.

**P E T R I C O V I A** ciuitas murata, inter loca palustrosa condita, vbi comitia generalia cōmuni approbatione omniū regum senatorumq; Poloniæ celebrari constitutū est. In suburbio curia regia & turris, in qua causæ iudiciales celebrantur, sita est, quā fossa profunda ambit. Curia quoq; episcoporū, magnatumq; Poloniæ frequētes ibidem extructæ sunt. Deinde extra ciuitatē curia ingenti sumtu ex lignis lenigatis insigniter sub nemore amœnissimo extructa est, quam rex cū omni comitatu suo tēpore comitiorū ppter salubriorem auram incolit, Bugey appellata.

**R O S P R Z A** ciuitas lignea, in planitie paludibus circumflua.

**S P I C I M I R I A** ciuitas lignea.

In hac Siradiensi terra, nobiles id regum priuilegijs concessum habent, cera rubea in obsignandis literis vti, cū id in illis prouincijs nemini nobilium, solummodo magnatibus, & in officio regio, siue terrestri præfectis concedatur. Id verò inde promouerunt,



cùm Pruteni cum Polonis in acie acriter confligerent, Lancicienses à Prutenis, Crucigeribus superati, vexillum sui Palatinatus amiserunt, quibus Siradienses in auxiliũ venientes, vexillũ ab hostibus recuperauerunt.

*SENATORES SIRADIENSIS*

*terra.*

Palatinus

Castellanus

Rospirienfis

Spicimirienfis

Vielunensis

} Siradiensis.

} Castellanus.

Vexillum terreſtre medietate leonis rubei, & medietate aquilæ nigræ in campo laſurino inſignitur.

Wielunensis quoq; diſtrictus ſuum vexillum proprium habet, agnum Dei, cum vexillo cruce inſignito, in campo rubeo.

*LANCICIENSIS TERRA.*

**L**ANCICIA ciuitas muro ſoſſaꝑ obdu-  
cta, in planitie vndique paludibus lutofis  
circumdada. Arx murata in ſcopulo, ſoſſaꝑ  
profunda obſtructa, eam Bſura fluuius præ-  
terlabitur. Ibidem in villa Koſciol dicta, ec-  
cleſia Cathedralis ex lapidibus ſectis con-  
ſtructa

structa est, fatisque sumtuosè prouisa.

ORLOVIA ciuitas lignea, ex vna partium fluuio lutuoso, & peramplo, ex altera lacunis palustrosis munitur, 4. mil. à Lancicia distat. In eodem districtu ciuitas Piatek inter lutosas paludes Bsuram fluuium sita, cereuisia boni saporis, quæ in ea coquitur, per totam Poloniam celebris habetur.

BRESINIA ciuitas lignea fatis ampla, inter stagna sita, à Lancicia 7. mil. abest.

Konarzew, Inowlodz, Biechow, & aliæ multæ plurimæq; ciuitates & oppida lignea ad Lanciciensem iurisdictionem pertinent.

### SENATORES TERRÆ

*Lanciciensis.*

Palatinus

Castellanus

} Lanciciensis.

Bresiniensis

Konariensis

Inowlodienfis

Biechouiensis

} Castellanus.

Vexillum terrestre medietate aquilæ albæ, & leonis nigri, aurea corona insigniti exornatur, in campo rubeo.



**V**Ladislauia ciuitas ampla, sede episcopali clara, inter stagna ad Vistulam fluuium condita. Regio hæc magna ex parte palustrosa est, siluæq; in ea rarissimæ, ideo incolæ inopiam lignorum patiuntur.

**B I D G O S T I A** ciuitas murata, in planitie sita, eam Barda fluuius nauigabilis, quo merces ex maiori Polonia in Vistulam fluuiū deportantur, alluit, à Vladislauia 6. mil. distat.

Senatores tres præcipuos terra Vladislauiensis habet, Palatinum & Castellanium, Bydgostiaq; Castellanium.

#### *B R E S T I E N S I S T E R R A .*

**B R E S T I A** ciuitas murata, propugnaculis vallo, fossaq; munitæ, in planitie inter lutuosas paludes condita.

Hos districtus complectitur.

**R A D Z I E I O W** ciuitas lignea, in campo aprico ad lacum ingentem sita.

**C R V S P H I C I A** ciuitas lignea antiquitus cōdita, & prima post Gneznam, arx murata ad lacum ingentem, Gopla dictum, sita, ex quo lacu mures olim prodierant, qui Popelum principem Poloniae ibidem in arce deuorauerant, prout latius in gestis regum  
Polo-

Poloniæ diximus. In hac ciuitate sedes regia olim habebatur, sed postea Cracouiam trās-lata est.

KOWALOW oppidum ligneum, in locis palustrosis conditum.

### SENATORES TERRÆ

*Brestiensis.*

Palatinus

} Brestiensis.

Castellanus

Crusphiciensis

} Castellanus.

Coualouiensis

Cuiuiensis terre vexillum, quo Vladislauensis & Brestensis palatinatus insimul vtitur, aquilæ rubæ, leonisq; nigri medietate, in campo aureo.

### RAVENSIS TERRA.

**R**AUA ciuitas lignea, in planitie sita, arcem muratam in scopulo ad Rauam fluiuium habet.

SOCHACZOVIA ciuitas lignea, septis ex vna partium circumdata, arx verò in scopulo eminenti murata, quam fluuius Bfura præterlabitur.

GOSTININ ciuitas lignea, in planitie in-



ter paludes lutuosas, arx in scopulo murata, fossaq; paludibus obducta.

G A M B I N ciuitas lignea ampla, in planitie sita, senatores tres principales habet terra Rauensis, Palatinū, & Castellanum Rauensem, Sochaczouiensem, & Gostinensem.

Vexillum terrestre aquila nigra in campo rubeo, litera R, in pectore insignitur.

*P L O C E N S I S T E R R A.*

P L O C Z K O ciuitas murata, ad Vistulam fluuium condita, sede episcopali clara, arcem quoque muratam in colle eminenti sitam habet.

B I E L S K O ciuitas lignea in planitie sita, à Ploczko 2. mil. abest.

R A C Z Y A Y A S ciuitas lignea, inter lutuosas paludes, à Ploczko 8. mil. distat.

S I E P R C Z ciuitas lignea, in collo eminenti, inter paludēs, à Ploczko mil. 5. distat.

S R E N S K O ciuitas lignea, in planitie sita, arx murata inter stagna paludesq; ingentes, à Ploczko mil. 10.

M L A W A ciuitas lignea Prussiae finitima, eam eiusdem nominis fluuius præterlabitur, à Ploczko 11. mil. distat.

P L O N S K O oppidum ligneum, à Ploczko 7. mil.

R A D-

RADZANOW ciuitas lignea, ad Vkra fluuium sita, arx murata in scopulo inter lacunas palustrosas, à Ploczko 8. mil. distat.

SENATORES TERRÆ

*Plocensis.*

Episcopus  
Palatinus  
Castellanus

} Plocensis.

Raczyasensis  
Syeprcensis

} Castellanus.

Vexillum terræ Plocensis, Rauensi simile, nisi quòd aquila P, litera in pectore insignitur.

DOBRINENSIS TERRA.

DOBRINIA ciuitas lignea, septis circumdata, in scopulo ad Vistulam sita, arx à Crucigeris demolita.

SLONSK ciuitas lignea, in planitie ad Vistulam à Dobrinia 2. mil. abest.

RIPIN oppidum ligneum, in planitie ad Odlekam fluuium conditum, à Dobrinia 5. mil. abest.

GORZNO ciuitas lignea, inter siluas in colle, vallo, fossaq; aquis repleta obducta, à Dobrinia 6. mil.



Pro hac prouincia Poloni cum Crucigeris Prussiensibus frequenter digladiabantur.

Tres senatores præcipuos terra Dobrinensis habet, Castellatum Dobrinensem, Ripinensem, & Slonscensem.

Vexillum terræ Dobrinensis caput humanum cornutū, duabus coronis redimitum, fronte & collo in campo rubeo gestat.

#### *DVCATVS MASSOVIÆ.*

**M**Assouia regio amplissima Polonię coniuncta, Prussiam a Septentrione, Lituaniā ab Oriente, & Russiam nō nihil in Meridiem reflectendo, in vicinia habet. Quondam sui iuris principes habebat, secundoq; genitis regum Polonię attributa erat, sed anno Domini 1526. decedentibus immatura ætate, Ioanne & Stanislao ducibus, vnicis regionibus hæredibus, ducatus Massouię in ius regis Polonię cessit. Incolæ eodem idiomate, nisi sibilis quibusdam differenti, habituq; moribus & religione cum Polonis vtuntur. Viri sunt strenui & bellicosi, in Martemque cruentum proni.

Has præcipuas ciuitates Massouia complectitur.

#### *VARSCHOVIÆ DISTRICTVS.*

**V**ARSCHOVIA ciuitas insignis murata,  
totius

totius Massouix metropolis, duplici muro, fossaq; obducta, in planitie ad Vistulam condita, arx quoq; murata ciuitati contigua Vistulæ impēdet. Pons ibi amplissimus ligneus ingenti sumtu in Vistula fabricatur. Has ciuitates districtuales præcipuas habet.

**CZERSKO** ciuitas lignea, in planitie ad Vistulam fluuium sita, arcem muratā in scopulo eminentibus altis conspicuam habet, à Varschouia 5. mil. abest.

**WYSEGRÓD** ciuitas lignea, in planitie ad Vistulam, arx in colle murata, Varschouia 12. mil. distat.

**ZAKROCZIM** ciuitas lignea, ad Vistulam fluuium, arx in colle murata, 8. miliar. à Varchouia abest.

**CZIECHANÓW** ciuitas in planitie sita, valloq; circūsepta, arx inter lutosas paludes, fossa profunda munitur, à Varschouia 12. mil.

**CZERNIENSK** ciuitas lignea ampla, arcem & monasterium Augustinorum adiunctum habet.

**PVLTOWSKO** ciuitas murata, ad Narew fluuium vnà cum arce sita.

**ROSAN** ciuitas in planitie, arx verò in scopulo ad fluuium Narew condita.

**VARKA** ciuitas ampla lignea, in plani-



tie ad Pilczam fluuium sita, à Varsch. 8. mil.

B L O N Y E ciuitas lignea ampla, à Varso-  
uia 4. mil.

T A R C I N ciuitas lignea, à Varschouia 5.  
mil. abest.

G R O D Z Y E C ciuitas lignea, à Varscho-  
uia mil. 7. à Tarcin 2. distat.

Prafnis ciuitas ampla, lapideis ædificijs  
ornata.

Lomza ciuitas ampla, ad Narew fluuium  
nauigabilem sita, in ea ædificia pulcerrimè  
murata, à Varschouia 20. mil. distat.

S E N A T O R E S P R I M A R I I  
*ducatus Massouie.*

Palatinus Massouix Generalis,

Varschouienfis

Cerscensis

Vyssegrodiensis

Zakrocimensis

Cziechanouienfis

} Castellanus.

Vexillum Massouix aquila alba, cum ex-  
pansis ad volandum alis, in campo rubeo in-  
signitur.

L I V E N S I S T E R R A.

L I W O ciuitas lignea, arx murata ad Li-  
wijecz fluuium condita.

W E G R O W

**WEGROW** oppidum ligneum, à Liwo medio miliari distans.

**WIZNA** ciuitas in planitie ad Narew fluuium sita, arx in colle fossa circumducta.

**NVR** ciuitas lignea ampla, ad fluuium eiusdem nominis sita.

**CAMENYEC** ciuitas lignea, in planitie ad Bug fluuium, à Liwo 8. mil. sita.

Senatores hos duos præcipuos terra Lituensis habet, Liwensem & Wiznensem castellanos. Vexillum terrestre aquilæ medietate rubeæ, & vrsi albi coronati insignitur.

*PODLASSIÆ TERRA.*

**PODLASSIA** regio ampla, Massouïæ ab Occidente, Lituaniæ ab Oriente cōtigua, olim sub potestate & imperio Litanorum erat, sed nunc anno Domini 1569. per Sigismundum Augustū, regem Poloniæ, & magnum Ducem Lituaniæ, regno Poloniæ adiuncta & appropriata est. Incolæ eius Massouitæ Rutheni, atque Poloni. Has ciuitates districtuales præcipuas complectitur.

**BYELSKO** ciuitas lignea amplissima, Podlassiæ principalis, ad Byala fluuium sita, Lituaniæ contermina. Arx lignea fulminis ictu in præsentia regis incensa, penitusq; exusta est, à Narew 4. mil.



**BRANSKO** ciuitas lignea, ad Nur fluuium, à Byelsko 3. mil. sita, in ea curia regia iudicialis, in qua causæ nobilium disceptantur.

**SVRAS** ciuitas lignea, inter colles ad Narew fluuium sita, arx in colle fossa circumducta, à Byelsko 3. mil.

**TYKOCZYN** ciuitas lignea, in planitie ad Narew fluuium sita. Arx natura & opportunitate loci munitissima, propugnaculis valloq; forti proportionaliter circumsepta, Narewq; fluuiio & paludibus circumdata, vt ad eam nusquam aditus pateat, machinis tormentisq; bellicis bene prouisa. Thesaurus enim regius in ea asseruatur. Rex Sigismundus Augustus eam magnis impensis restaurarificet, monetaq; ibidē cuditur, à Byelsko 10. mil. distat, à Wilna 42.

**KNYSSYN** ciuitas lignea, à Tikoczyn 2. mil. in planitie inter stagna, siluas, paludesq; lutosas sita, ibidem curia regia extructa est. Hortus quoq; regius amplissimus, vario genere animalium, piscinisq; diuersis refertus. Venationes enim illic omnium ferarum copiosè exercentur. 12. mil. à Byelsko distat.

**NAREW** ciuitas lignea, inter siluas ad fluuium eiusdem nominis, à Bielsko 4. mil. condita.

WASIL-

WASILKOW oppidum ligneū, ad Narrew fluuiū, in quo capitaneus regius residet.

AVGVSTOW ciuitas noua amplissima, à rege Sigismundo Augusto, à quo & nomen habet fundata, 20. mil. à Bielsko distat.

*DROHICINENSIS DIS-*  
*strictus.*

DROHICIN ciuitas lignea, ad Bug fluuium cōdita, in colle curiam regiam, in qua caussæ nobiliū disceptantur, habet, à Byelsko ciuitate 10. mil. à Warschouia 30. distat.

MYELNIK oppidum ligneum, ad Bug fluuium cōditum, arx verò in colle eminenti, à Drohicin 5. mil.

LOSICZE ciuitas lignea, ad stagnū amplissimum sita, à Drohicin 3. mil.

MORDI oppidum ligneum, in planitie ad stagnum situm, à Drohicin 5. mil.

Ex his duobus districtibus Podlassiæ Bielscensi & Drohicinensi, pro expeditione bellica 20000. nobilium statuuntur.

Huius terræ duo sunt præcipui senatores, Palatinus & Castellanus.

Vexillū terrestre Podlassiæ bicorni crocei coloris stemmate, magni ducatus Lituaniæ, in campo albo insignitur, viro videlicet armato, gladium tenente equo insidente, ex



alia verò parte aquilam albam in campo rubeo gestat, postquã regno Poloniae est incorporata. Similiter Bielscensis, & Drohiciensis districtuum vexilla vnicornia insignitur.

*DE TERRIS ET DISTRICTIBUS  
Rusſiae, regno Poloniae  
incorporatis.*

**D**E gentis Roxolanorum, siue Ruthenorum, vel Russorum origine, varij varia sentiunt, quos Sauromatas Slauonesq; ex posteritate Iapheti (prout latius in deductione Sarmatarum Polonorumq; diximus) constat esse. Quidam eos à fusco gentis colore Russos dici autumant, alij à disseminatione, siue dispersione, Rozſſicia enim Slauis disseminationem significat, quod melius ad veritatem quadrat, cum totam Sarmatiam Europæam, & Asiaticæ partem occuparet, ab Oceanoq; glaciali ad mediterraneum vsq; mare, & sinum Adriaticum, à Pontoq; Euxino ad Balticum Oceanum vsque eorum coloniae extenduntur, vnde & Græcis Sporij, id est dispersi dicuntur.

Qui in primis Ruthenis imperauerint, incertum est, cum literarum prorsus ignari essent, donec anno Domini 796. Michael Cypopalatus, imperator Constantinopolitanus,

chara-

characteres ad scribendum Bulgaris misisset, quos etiam Rutheni omnes susceperunt, & ab hoc tempore illa quæ poterant ante & post gesta recordari, literis mandabant. Regionibus Russiæ duo præcipui principes præfunt, utpote Magnus dux Moschouiæ, qui se imperatorem totius Russiæ appellat, plures enim in ea ducatus possidet. Secundus rex Poloniæ, qui etiam Magno ducatu Lituanie præest, Russiæ ducatus Lituaniæ incorporatos, utpote Vitebscensem, Kiouientem, Msczislauicensem, &c. possidet, quos vnà cum Lituania descripsimus.

Nunc cæteras regiones Russiæ, Poloniæ adhærentes, cum præcipuis ciuitatibus describemus, in quibus magna ex parte Poloni colonias suas habent, proceresq; & equites ferè omnes Poloni sunt, ac maior pars religionem Romani ritus amplectitur, utpote ciues & nobiles, exceptis colonis & agrestibus, qui Græcorum dogmata in religione sequuntur, de quorum religione & ritibus latius in Moschouiæ descriptione patet.

*LEOPOLIENSIS ET HALI-  
ciensis terra.*

**L**eopolis ciuitas insignis Russiæ, Polono regi subiecta, metropolis, à Leone Rus-



forum principe condita, duplici muro propugnaculisq; fortissimis, vallo & fossa profunda, tormentisq; & supellectili bellica expeditissimè prouisa. Arx vna in ciuitate, alia verò in eminentissimo scopulo ciuitati impendente munitissimè cōdita est, cuius aspectus 10. mil. patet. Emporio, sedeq; archiepiscopali clara. Metropolitanus quoq; Russiæ ibidem sedem suam retinet. Ecclesiæ in ea Romanæ & Græcorū obedientiæ plurimæ. Armeni quoque ibidem Basilicam suæ religionis, antistitemq; & sacerdotes habent.

**HALICIA** ciuitas lignea amplissima, antiquitus cōdita, vna ex ducatib. Russiæ. Eam à Moldauia Prud fluuius, ex alia parte Tyras, Nester vulgò dictus, præterlabitur. Arcem ligneam in colle eminenti adiunctam habet.

Has ciuitates præcipuas districtuales, Leopoliensis & Haliciensis terra complectitur.

**ZIDACOW** in Pokutia, ciuitas lignea, in planitie ad Striy fluuium sita, arx in colle eminenti vallo circumsepta.

**GRODEK** ciuitas circumsepta, vnà cum arce in planitie stagnis circumuallata, à Leopoli 4. miliar.

**BVSKO** ciuitas inter lutosas paludes, ex quibus Bug fluuius oritur, sita, quo merces  
varia

variæ ex Volhynia in Vistulam deportantur,  
à Leopoli 5. mil. distat.

STRIV ciuitas lignea, ad fluuium eius-  
dem nominis condita.

WIZNA ciuitas in planicie inter paludes  
ad fluuium sui nominis extructa.

SNIATIN ciuitas lignea septis circum-  
data, confinis Moldauix, cum Prud fluuius  
præterlabitur, à Leopoli 12. mil. distat.

COLOMIA ciuitas lignea sub monte ad  
Prud fluuium sita, ibidem sal decoquitur.

ROHATIN ciuitas lignea septis circun-  
data in planicie, eam Rohatinka fluuius præ-  
terlabitur. Arcem inter stagna & paludes in  
colle sitam habet, à Leopoli 10. mil. distat.

DOLINIA oppidum ligneum inter col-  
les situm.

LVBACZOW ciuitas lignea in planicie si-  
ta, castrum inter paludes stagnantes condi-  
tum.

SENATORES PRÆCIPVI HARVM  
*terrarum.*

Archiepiscopus Leopoliensis.

Palatinus Russiæ Generalis.

Leopoliensis

Haliciensis

Lubaczouiensis

} Castellanus.



Vexillum Leopoliensis terre, Leonem fulvum coronatum petram ascendentem in campo lafurino gestat.

Haliciense verò vexillum Monedulam coronatā cum expansis alis in campo rubeo pro stemmate gestat.

### *BELZENSIS TERRA.*

**BELZ** ciuitas lignea, ampla in planicie sita. Arcem ligneam lutosi paludibus latè stagnantibus circumductam habet, quam nequaquam Tartarica sagitta attingit.

**SOKAL** ciuitas circumsepta in planicie ad Bug fluuium sita. Arx in colle eminenti lignea.

**HRVBYESOW** oppidum cum castro in colle situm.

**HRODLO** ciuitas stipitibus præacutis circumsepta, arcem in colle Bugo præterfluam habet.

**GRABOWYEC** ciuitas lignea in planicie sita, arx in colle eminentissimo natura & oportunitate loci munitissima accessuque ardua.

**THYSSOWICE** ciuitas lignea, arcem in colle habet.

Senatores præcipuos duos terra Belzensis habet, Palatinum videlicet & Castellanum.

Vexillum terreſtre Griphonem album coronatum, in cāpo rubeo pro ſtēmate geſtat.

*CHELMENSIS TERRA.*

**C**HELM ciuitas ſeptis circumdata, ſede episcopali clara, arx in eminentiori colle ſita, lignea, argilla oblinita 4. mil. aſpectus illius patet.

**C**RASNISTAW ciuitas murata ad ſtagnum ampliffimum ſita, arx in planicie murata, quam Viepr fluuius nauigabilis præterlabitur, à Lublina 7. mil. In ea Capitaneus generalis regius reſidet.

**R**ATNO ciuitas lignea ampla inter paludes latiffimè ſtagnantes ſita, a Chelmia- que 24. ferè mil. pontibus ſtratis ad eam peruenitur. Arx in colle eminēti ad Perepetum fluuium nauigabilem condita, quam Tur fluuius alia ex parte paludesque lutofæ muniunt, acceſſusque omni ex parte difficilis.

**L**YVBO WLYA ciuitas ad Bug fluuium ſita, arcem in colle eminenti habet.

Senatores duos principales episcopum videlicet & Caſtellanū, terra Chelmēſis habet.

Vexillum terreſtre Vrſo albo inter tres arbores in campo aureo gradiente inſignitur.



*PREMISLIENSIS TERRA.*

**P**REMISLIA ciuitas murata ad San fluuium nauigabilem sita, sede episcopali clara. Arx in colle in vltiori ripa eiusdem fluuij condita, propugnaculisq; apprime munitissima. Ibidem hortus ingens regius omni genere ferarum refertus.

**S**AMBOR ciuitas septis circumdata ad Tyram fluuium, vnà cum arce sita Hungarię finitima.

**D**ROHOBYCZ ciuitas stipitibus præacutis in planicie munita, salis fodinis clara.

**S**ANOK ciuitas lignea inter colles ad San fluuium extructa, arx in colle murata.

**P**RZEWORSK ciuitas in colle muro circumdata, ad Mlecza fluuium sita.

**K**ROSNO ciuitas murata lasiolda fluuiio circumdata. Vislok verò fluuius eam mediam interfluit. Ibidem medio miliari Camy-niecz arx in eminenti scopulo mutata, natura & oportunitate loci & propugnaculis munita.

*SENATORES TRES PRÆCIPVOS  
terra Præmisliensis habet.*

|             |   |                |
|-------------|---|----------------|
| Episcopus   | } | Premisliensis. |
| Castellanus |   |                |
| Castellanus |   | Sanocensis.    |

Vexil-

Vexillum terrestre aquilam auream bicipitem coronatā in campo lasurino pro stemmate gestat.

*PODOLIAE REGIO.*

**P**ODOLIA regio amplissima Moldaviae & Valachiae à meridie finitima est, ab oriente verò vastissima campestris desolata, ad Tanaim fluuium paludesq; Mæotidis, & Pontum Euxinumvsque, Tartarosque Præcopeneses habet. Omnium rerum ex terra nascentium fertilissima, adeò vt colonus, quamuis quomodocunque in agrum semen iniecerit, centuplum fructuum referat. Præta quoque mirum in modum luxuriantia, adeò vt bouis cornua vix è gramine appareant: terra tamen dura & petrosa nimis, adeò vt bisseos boues coloni araturi, aratro iungere cogantur. Attamen intolerabile pondus boues anhelantes testantur. Mellis siluæ passim abundantissimæ, stipitibus enim cauatis vbiq; mella rossida depromuntur. Armentis gregibusque, & feris omni generis redundans. Eam antiquitus Alani, Goti, Gætæ, Cumani, Polowcij, & Roxolani incolebant. Circassorum reliquiae adhuc extant, ad Borysthenem fluuium.

*Podolia omnium fertilissima.*



Has præcipuas ciuitates, arcesq; hæc regio complectitur.

C A M Y E N I E C ciuitas Moldauia finitima, diuinaq; ferè manu inter arduas cliuiasq; rupes condita, portas solummodo duas habet. Arx quoq; natura & oportunitate loci rupe petrosa, vndiq; cincta, quã vna cum ciuitate Smotricz fluuius præterlabitur, fossaq; profundissima naturali cingitur. Arx ipsa muro propugnaculisq; munita. Ciuitatē verò rupes altissima, saxosa, accessuq; ardua inexpugnabilem facit, quam ita suo ambitu includit, vt minimè ædium quamuis eminentiorum tecta apparent. Sæpius ab ea Tartari, Valachiq; & Turcæ cum ingenti strage & dedecore repulsi & fugati sunt. Achocimia Moldauia arce duobus mil. distat.

B A R ciuitas septis circumdata in planicie à Bona Ioannis Sfortia ducis Mediolani filia, Sigismundi regis Polonia condita, quam à Baro patria appellauit. Arx in colle murata, paludibus latè stagnantibus circumdata.

M Y E D Z I B O S Z ciuitas & arx ampla lignea, inter paludes latissimè stagnantes sita, ad quam nisi pontibus peruenitur, à Tartaris sæpissime infestatur.

B R E-

**BREZANIA** oppidum ligneum, arcem in colle muratam habet.

**TREBOWLA** ciuitas sub monte altissimo sita, arcem in colle eminenti habet.

**CHMIELNIK** ciuitas lignea stipitibus circummunita, arx lignea in planicie ad Bog fluuium (Herodoto Hypanis dictum,) sita, a Camyeniec 20. mil.

**BRASLAW** ciuitas & arx lignea vallo fossaq; circummunita, eam Bog fluuius præterlabitur.

**VINNICZA** ciuitas lignea vnà cum arce vallo circumsepta, ad Bog fluuium sita. Hæ duæ arces præter cæteras a Tartaris Præcopensibus sæpissime infestantur, districtusque amplissimos qui pro Palatinatibus computantur, & vexillum peculiare bellicum cinericei coloris, stemmate magni Ducatus Lituaniæ insignitum habent.

**SVINIGROD** arx cum ciuitate lignea in campestribus sita, ibidem munitiones sunt plurimæ in campestribus desolatis sitæ, cōtra Tartaros latrocinantes arcendos. Tandem vltra Bog fluuium (qui Herodoto Hypanis dicitur) Circassorum & Canowciorum reliquiæ, longo tractu ad Borysthenem extant in campestribus desolatis, quæ 200.

*Circass.  
Canowcij.*



miliaribus Polonicis nullis filuis collibúsve  
& munitionibus conspicua, ad Tanaim pa-  
ludesque Meotidis, & Pontum Euxinum  
Tartarosque Præcopenſes, & Crimſcenſes  
uſq; extenduntur.

Senatores Podolia præcipuos tres dunta-  
xat habet, epiſcopum Camenecenſem, Pa-  
latinũ Podoliæ generalem, & Caſtellanum  
Camenecenſem.

Vexillum terreſtre Solem ſtellis duode-  
cenis, in campo albo circumdatum pro ſtem-  
mate geſtat.

LECTO-





*E te tua opinio fallat, lector  
candide, me hic vniuersum  
regnum Poloniae absolutè  
descripsisse. Ego enim hic  
Prouincias principales, quæ olim pro du-  
catibus habebantur, nunc verò in Palati-  
natus redactæ sunt, descripsi, ciuitates-  
que & arces præcipuas regias, in quibus  
caussæ iudiciales nobilium celebrantur e-  
numeraui. Hæ verò prouinciæ plurimas  
frequentissimasq; ciuitates, arces, & op-  
pida, tam regis quàm nobilium, magna-  
tum, episcoporumq; complectuntur. In  
singulis autem terris & ciuitatibus distri-  
ctualib. superius enumeratis administra-  
tores caussarum iudicialium, à rege sub-  
stituuntur: utpote Capitanei generales,  
qui vices regias suppleant. Iudex & Sub-  
iudex, Notarius, Subcamerarius, Ca-  
merarius terrestris. Hi omnes caussas*



nobilium absoluunt, exceptis capitibus criminalibúſve cauſis, quæ ad regis edictum in comitia generalia relegantur. Sunt quoque plures alij terrestria regia-  
 que munia obeuntes, quos hic recensere longum esset. Sunt quoque in Polonia re-  
 gno comitatus plurimi, utpote comitatus in TarnoW, in Gorka, in Tenczin, in Melftin, in SidloWiecz, & id genus alij.

## REGNI





REGNI POLONIÆ,  
MAGNIQUE DVCATVS LI-  
TVANIÆ, REGIS CVM SENA-  
*toribus suis, in senatu*  
*ordo.*



OLONIÆ regnum in Sarmatia  
Europæa vt diximus amplissimum,  
potentissimumque, cum alijs mul-  
tis præclaris rebus, tum modo gu-  
bernationis à cæteris omnibus re-  
gnis differt, in quibus reges sine se-  
natus consilio & equitum consensu, ex voto priua-  
to legem omnibus ferunt, & nisi virtute innata re-  
gantur, in tyrannidem facilè prolabuntur. In Polo-  
nia autem vt reges non nascuntur, sed communi-  
bus senatus & equitum suffragijs eliguntur, ita et-  
iam sine auctoritate eorundem nihil decernere  
possunt, quamuis sint potentissimi, & militibus vo-  
luntarijs superbissimos quosq; reges superâtes. So-  
li enim Poloniæ principes inuictissimi reperiuntur,  
ex solis voluntarijs nobilibus ducentorum milli-  
um quotiescunque opus fuerit, exercitum fortissi-  
mum ex omni genere armorū promptissimum sine  
vllis stipendijs contra hostem educere possunt. No-  
bilitas namq; vniuersa omnibus soluta vectigalibus,



bellica tantummodo munera obire pro aris & focis tenentur, quod si voluntarij milites non sufficerent, de suis proprijs gentibus trecenta millia mercenariorum conscribere possunt. Ita cum sit potentissimus rex Poloniae, tamen secundum legum, & senatus praescripta vivere tenetur, sicq; regnum amplissimu, regio imperio, regia vero maiestas & potestas vicissim senatus & nobilium libertate temperatur, intra equitatisq; terminos omnes ordines regni cum ipso rege continentur, quod si rex quandoque ab officio suo deflecteret, & publicas libertates suorum opprimere aspiraret, autoritate senatoria, qui ad hoc attentandum iuramentum sunt obligati, prohibetur, & ita rex Poloniae grauissimis senatorum consilij nititur. Senatores vero ipsi, & vniuersi equites vicissim regiam maiestatem reuerentur, amant, honorant, & vitam ac possessiones priuatas vniuersas funditus pro sanitate & bono illius effundere parati sunt. Senatores autem voto regis (penes quem est summa & maxima iuris dicendi autoritas) ex praecipua & illustri totius regni nobilitate, generis & virtutum commendatione selecti, exacto fidei sacramento, in senatum eliguntur. Principes autem & praecipui regni senatores, sunt archiepiscopi, & episcopi, propter venerandam ecclesiastici ordinis maiestatem auctoritatemque, & opes quibus affluunt, praestantissimas. Hij in senatu in vtrumq; regis latus circumfident, archiepiscopi autem duo sunt in vniuerso regis Poloniae imperio, Gnesnensis regni primas, & legatus natus Romani pontificis in Sarmatia vicem tenens, qui ad vetusta superiorum temporum memoria, coronandi regis

ius

ius habet. In Russia verò nigra, secundus archiepiscopus est Leopoliensis, vbi sedes Metropolitana Cracouia translata est, anno Domini 1075. in curia Lamperti Zulæ sancti Stanislai prædecessoris. Episcopi tredecim nō secus ac principes maximi, omnium rerum copia excellētes, in tota Poloniæ Monarchia reperiuntur, Cracouiensis minoris, Posnaniensis maioris Poloniarum, Vladislauiensis qui & Cuiauiæ, Pomeraniæq; Vilenensis Lituaniæ, Plocensis Maslovia, Warmiensis, Culmensis, Prussiæ, Præmissiensis, Luca oriens, Chelmensis, Kiouiensis Russiæ, Samogitiæ, vltimus Camenecensis. Hij ordine omnes regi assident, nisi quod Posnaniensis, cum Vladislauiensis, antiquam dignitatis litem teneāt, ideo alternatim locum mutant. Episcopos ex veteri priuilegio Castellanus Cracouiensis subsequitur, militarium procerum princeps, deinde Palatini quorum maior Cracouiensis & Vilenensis, palatinos verò quidā Castellani præcipui intermixti. Tunc demum alij Castellani maiores & minores quos recensere longum esset ordine loca sua occupant, qui non castris vt ipsa vocis Etymologia sonat, sed minoribus prouincijs senatorio iure & nomine regio præsumunt, extraq; ipsam auctoritatē dignitatemq; (quæ est prima post Palatinos) paruum sui officij quæstum reportant, quamuis illius cui præsumunt prouinciæ Domini appellantur, nihil enim præter Reipublicæ (quod verè senatorum est) commoda quærūt. Castellanos Archimarſchalci Marſchalciq; supremi totius regni officarij sequuntur, qui sunt Poloniæ & Lituaniæ de vtroq; imperio bini, terrestres videlicet & Curiales. Marſchalcorum officium est, curare totius aulae



& omnium conuentionis tranquillitatem, inter proceres & aulicos regios partiri ædes urbium, regi quocunq; eunti, baculos erectos singuli præferunt, & ut quisque officio suo apud regem fungatur prouident. In senatus consessu omnia animaduertunt, quod si supremi Marschalci abfuerint, Curiales eorum officium adimplent. Cancellarij & Vicecancellarij Marschalcos ordine sequuntur, vtriusq; gentis qui sunt similiter bini & bina sigilla, horum officium est priuilegia, immunitates, prærogatiuas à rege alicui datas, litteras similiter regias conscribere, scriptas regi oblatas pronunciant, quibus à rege subscriptis illi sigillum affigunt. Omnes autem litteræ ac priuilegia in magni Lituaniæ Ducatus Cancellaria, Ruthenicis characterib. absoluuntur, apud Polonos verò Latine (cuius linguæ sunt peritissimi) omnes causæ describuntur. Præcipua quoq; est dignitas in senatu summorum generaliumque militiæ ducum, quorum in Polonia vnus, in Lituaniæ magno Ducatu secundus, rerum potiuntur, penes hos summa omnium exercituum imperij sica est, in qua autoritate regia plenipotentem vtuntur. Hos demum Campiductores de vtroq; imperio singuli, qui sunt campestris militiæ duces. Est etiam summus maioris Poloniæ præfectus siue generalis, similiter Samogitiæ, & terrarum Russiæ præfecti, quo honorum gradu non nisi principes viri, & de patria optimè meriti à rege donantur. Cooptantur quoque in senatus classem prouinciarum de vtroq; imperio officarij, vtpote iudices qui causas nobilium munere regio diiudicant, Pinceræ, Succamerarij, Dapiferi, Secretarij, Vexilliferi, Scribe, Tribuni militum, Exactores,

The-

**T**hesaurarij, & ceteri qui singuli singula officia in prouincijs assignatis exequuntur, & pariter cum iudicibus prouincialibus particularia, certis temporibus anni, assignata iudicia, qui termini siue Roki vulgo dicuntur, exercent. Enlifer quoq; regni, & vexillifer curiæ regie, qui curiale vexillum in bello deferat, non postrema dignitate funguntur. Non etiam auctoritatis frustrantur honore ipsi secretarij, scribæq; siue protonotarij regij. Insuper cubiculi, stabuli, culinaeq; magistri, suis dignitatibus in senatus consultu gaudent. Ciuitatum, oppidorum, arcium, regiarum, prouinciarumq; præfecti, referendarij supplices libellos & subditorum querelas ad regem & senatum deferētes, summusq; regis secretarius & referendarius, salinarum fodinarum & metallorum Præfecti nō ignobili certè dignitate potiuntur. Legati quoque prouinciarum & ciuitatum præcipuarum, ab vniuersis ordinibus de singulis prouincijs nomine totius nobilitatis electi, suas in senatu partes occupant. Equites quoque & Patricij viri iuuenes virtutibus & genere præstantes aulici, qui in aula regia seruientes in præstandis quotidianis officijs regi operam nauant, stipendiaque merentur. Insuper cubicularij siue veredarij, qui cum epistolis regijs per omnes prouincias, amandati velocissimè discurrunt. Demum stipendiarij, & satellites siue collaterones regiae vitæ custodes, postremum auctoritatis locum obtinent. Omnibus autem senatoribus sub fidei iuramento, & amore patriæ eadem est perpetua & constans tuendæ publicæ libertatis, & propagandi imperij, voluntas. In senatu cum de Republica deliberant liberè, & sæpius



arcerrimè sententias dicunt, regem imprudentius regnantem obiurgant, atq; vno consensu sanctissima maiorum instituta, & communis patriæ carissimas leges ad extremum vitæ defendunt.

*CAPITANEI generales in minori Polonia 40. in maiori 30. inducunt Massonia 12. quæ officia nulla successione, sed ex regis gratia in benemeritos de Republ. conferuntur: hi enim provincijs præfunt, & nobilitatem, regia auctoritate, pro tribunali indicant, omnesq; præsentis regios exigunt, & in thesaurum referunt.*

REGNO Poloniae saluberrima aura fauet, omniumq; rerum ex terra nascentium fertilissima est, cuius vbertatem cæteræ regiones transmarinæ affatim persentiunt, ad quas frumentum grandi copia, de Polonia nauibus aduehitur. Pecoribus quoq; omnigenis, venationibusq; abundat, ita vt Saxonia, cæteræq; gentes Germanorum, Polonicis bouibus victitent. Incolæ habitum variarum diuersarumq; nationum more gestant, præcipuè verò, Italicum, Hispanicum, & Hungaricum, qui illis peculiaris est. Alij Germanico, Turcico, Moschouitico, Bohemicoq; more vestiuntur, diuersas enim & repostissimas prouincias peragrât, vnde varios mores in patriam inferunt. Viri sunt excellentissima industria præditi, variarumque gentium idiomata callent: imprimis verò linguæ Latinæ peritissimi, qua vt vulgari maiori ex parte in ciuitatibus & pagis passim vtuntur, idq; omnibus diuitibus, ac pauperibus peculiare est, quod in primis pueros litteris imbuendos apprimeq; ad consumptionem, sedecim plûsve annorum in pulueribus scholasticis committunt, sumptibus promagi-

magistris minimè indulgendo, vnde linguam Latinam omnes ferè congruè callent, idque ea de re maximè obseruatum crediderim, quòd vulgaribus literis vel scripturis, in sacris ac profanis rebus nunquam vrantur, omnesq; leges tam ciuiles, quàm nobilium, ac villanorum, & ipsa Cancelaria regni ac castrensis, Latinis literis omnia expedit, atque ideo factum est, vt passim docti omnes euaderent. Habent præterea Poloni & Litvani linguæ Latinæ inflectionem propriam & perfectissimam, vt Latinarum dictionum sonum propriè ad iustum accètum expressionemq; secundum literas ipsas, quadam cum gratia & dulcedine, inflectere ac proferre queant. Quade re Polonia omnium ferè gentiũ studia vicisse videtur, quòd rarus esset, qui Latinas literas non calleret, deinde Germanicum, Hungaricum, ac passim Italicum, & magna ex parte Gallicum, Hispanicumq; extra vulgare suum Sarmaticum idiomata nesciret. Equites in ornamentis equorum, armorum, vestibusq; præsumtuosis plurimùm delectantur, campestri prælio alacrius hostem quemlibet paruis & magnis copijs adoriuntur. Castra etiam artificiosè collocant curribus in gyrum arcètè dispositis, adeò vt in illistuti non aliter atque in arce firmissima includuntur. Viri sunt bellicosi, strenui, hostisque quamuis validissimi impauidi. Armatura maiori ex parte Hungarorum more vtuntur, clypeosque, qui totum hominem equo insidentem tegunt, & hastas oblongas gestant, pluresque inter eos tantæ animositatis reperiuntur, vt vnus alium quamuis toto exercitu suorum profligato, ad mortem vsque non deseruerit, sed vterq; strenuè dimicando honestè occumbere, quàm turpiter



fugere mauult. Prout in Moldania duobus fratribus germanis, Strusouiczij dictis, Polonis equitibus euenit, qui ab exercitu suorum aberrantibus cum quinquaginta cōmilitonibus, inscij in multitudinē Valachiorum inciderunt, à quibus vndiq; circumuenti, in primo congressu vnus occubuit: alter verò strenuè dimicando euasit: sed cædis fratris germani recordatus, in exercitum Valachiorum conuersus, acies eorum fortiter disuerberabat, & quāuis euadendi facultas iterum ei pateret, tamen honestius cum fratre occumbere, quàm euadere maluit. Melstinus quoque, cū Vitoldus dux Lituaniæ multitudine Tartarorum fugaretur, ex fuga audacter conuersus, in confertissimas hostium acies sese cōiecit, multisq; hostium trucidatis, tamdiu strenuè dimicauit, donec prorsus telis confoderetur, equoque deijceretur, 1397. vt latius patet in Lituaniæ ducum descriptione. His etiam multi similes in gestis Polonorum reperiuntur, quos sigillatim recensere infiniti laboris esset. Id verò illic maximè non solum inter fratres, sed inter socios fideles reperitur, prout nuper Vilnæ in Lituania me præsentē euenit, duobus adolescentibus, per plateam ciuitatis pergentibus intempesta nocte, duo alij armata manu occurrerunt, vbi inter defendendum vnus aduersarium suum interemit, aufugitque. Socius verò illius captus, cædisq; damnatus, in locum decollandi postridie ducitur, cumque iam carnifex gladio euaginato staret, ille reus cædis, qui profugerat, accurrens dixit: finite hunc innocentem abire, ego enim hanc cædem perpetraui, itaque ille genua flectens à spiculatore decollatus est, innocens verò liberatus.

Nobiles

Nobiles humilioris fortunæ, iniurias à Magnatibus illatas non patiuntur, nam quamuis pauperissimus nobilis extiterit, amicis cognatisque suis collectis, quàm maximum magnatem debellare potest: non solùm enim possessiones pro necessitate amici exponunt, sed etiam vitam suam pro eo morti variisque periculis obijciunt, qua de re magnates in Polonia, non parui, sibi pauperem vulgum nobilium ducunt, in Lituania econtra, Nobiles humilis fortunæ magnatum sunt serui. Accidit in Polonia me præsentem, quòd quidam magnæ autoritatis vir, Dominus Ioannes Luthomirski, thesaurarius regius supremus, capitaneus Lanciciensis, & Radomienfis, Castellanusque Siradiensis, c. osdam pauperes nobiles, Mikolaie Wsczi dictos iniuria affecerat, qui collecta manu consanguineorum, cum magno comitatu proficiscentem occiderunt, in frustra que dissecârunt. Cumque hic nobilis aut honore priuandus, aut capite plectendus pro prædicto facinore esset, honorem vitæ præferens citatus ad comitia Lublini celebrata, alacriter comparuit, ibique honore integro ex sententia regis, decollatus est. Quod si huic genti nimix comestationes, & diuitiarum plusquam liberales prodigæ profusiones, inebriationes non obfuerint, omnes ferè gentes virtute innata & ingenijs heroicis superarent, sed vnus pro sanitate alterius, (proutillis mos est) bibens, poculum magnum funditus exsiccat, quamuis natura interdum repugnante, sicque hæc eorum mutua charitas, quam illi maxime in cõuiuijs celebrant, eos multoties sanitate priuat, multisque ex nimia inebriatione infirmitatibus corripiuntur. Cùm enim vnus alteri pro sanitate



præbabit, non solum poculum vitreum, sed ligneum, vel figulinum, capiti illidit, tandem postridie surgens, infirmitate correptus, vinum inculat, amphoræ oblitus, quam ad caput colliferat. Multi quoque inter eos præcipuè in Ducatu Massouix reperiuntur, qui sese alterutrum bibere vi complectant, dicentes: aut mihi præbibe, aut mecum armis decertato, interim verò alius arma quàm poculum, quem natura recusat, alacrius eligit.

Aulicorum ministrorum, seruitorumque tantas vniuersi Sarmatæ, præsertim Poloni, Massouitæ, Litruani & Rutheni, fouent turmas, vt nunquam sperares eos educari posse, qui nullum aliud officium agunt, nisi dominum aliquod migratorem comitari, vel aliquod amandati munus iniunctum obire, à ceteris seruitiis prorsus liberi immunesque. Mechanicum opus nobilis seruitori ingenuo, quamuis pauperrimo obire non patitur, nec mandat: quod si aliquis minus discretus seruitori negotium minus honestum mechanicumve iniunxerit, rusticum sibi ad id muneris inueniendum oportere, se verò honesto seruitio minimè abdicaturum, respondit. Et ideo nobiles nobilibus, paresque genere ac virtutibus, paribus plerumque inseruiunt, cum honesta & nobilia seruitia obeunt, contra occidentalium gentium consuetudines, apud quas nobiles nobilibus turpè inseruii putant, quod mechanica seruitia, quicquid dominus demandaerit, obire cogantur. Apud Sarmatas verò qui melius bibit pro sanitate domini, ille melior censetur minister, & postquam dominus mense accubuerit, & seruitores statim ordine seruato accumbunt, aliquandoque tres quatuorve mensas occupabunt, quibus libe-

liberaliter fercula opipara apponuntur, vt quilibet aulicorum tres seruitores sua portione educare possit, quam ipse saturatus puero à tergo stanti, in quadra lautè porrigit. Aulicus enim quilibet seruitores aliquot, & pueros habere solet, & illi seruitores, alios seruitores, pueri, pueros, ad quartum vsque ordinem, ad mensam eiusdem domini omnes cibaria sumentes, & salaria recipientes, & plerunque maiori ex parte, nisi ad mensam inseruiunt: peracto prandio vel cœna, saturati inclinatis de more gentis coram domino genibus, capitibusq; ad apertis, quò volunt discurrunt, & quandoque triduo quatrduove, vel integra hebdomada dominus seruum in tabernis, vel in comitiua occupatum non videbit: rarò tamen vbi fuerit interrogatur, & si interrogatur, respondit, se pro sanitate domini hilariter bibisse, ad quem dominus subridens gratias agit, & plerunque liberaliter huiusmodi remunerantur. Quodam tempore accidit, dum quidam episcopus per thesaurarium suum aulicis & seruatoribus salaria siue stipendia, secundum consuetudinem ad vnamquamque partem anni, persolueret, astantibusque omnibus ordine suo, quidam latrunculus (qui eadem in aula nemini seruiens versabatur, bibens & comedens quotidie ad mensam episcopi) cæteris seruatoribus salaria expectantibus se intermiscuit, quibus aduersus eum murmurantibus, quòd nemini seruiens stipendium expectaret, episcopus illum interrogat, cui nam inseruaret, & quid negotij obiret? Qui respondit: tibi reuerendissime domine inseruio, & id quod alij strenuus adimpleo. Quale nam sit seruitium episcopo interrogante, dixit: quotidie bis in die lautè ad mensam



tuam comedo & bibo. Cui episcopus subridens stipendium persoluit.

Nobiles legibus castrensis, & terrestribus à regibus suis constitutis, vtuntur, ad ciuitatesque provinciales & districtuales, quas superius enumerauimus, citantur, nomine capitanei illius regia munia obeuntis, qui arci prouinciaque præest, hosque terminos castrenses appellant. Ad terrestres verò terminos, qui rarius celebrantur, in anno sex inter quatuor vicibus, nomine regis in eandem arcem citantur, vbi à iudice terrestri vices regias adimplente iudicantur. Ciues verò in ciuitatibus imperatorijs legibus, quas Magdeburgenses appellant, vtuntur.

*Conclusio.*

Atq; hæc nobis de regno Polonia breuiter dicta sufficiant: quod multis de causis toti reipubl. Christianæ vtilissimum est, à gentibusque varijs crudelissimis Tartaris, & Turcis videlicet, munitissimum propugnaculum Germaniæ præsertim regionibus.

MAGNI





MAGNI DVCA-  
TVS LITVANIÆ CVM  
SVIS PROVINCIIS, PALA-  
TINATIBVS, CIVITATIBVS

*& castris præcipuis, compendiosa  
descriptio.*



LITVANIA ab Oriente Ruffiæ, Mo-  
schouia duci subiectæ, contermina  
est, ab Occidente Podlaffiæ, Maffo-  
uia, Poloniaq; & Pruffiæ nonnihil  
in Septentrionem reflectêdo adhæ-  
ret, à Septentrione Liuania, Samo-  
gitiaque, à Meridie Podolia, Woliniaque Ruffiæ re-  
gionibus adiacet. Porrò Lituania regio est ampliffi-  
ma, plurimos ducatus regionesque & prouincias di-  
uerfis nominibus appellatas, suo nomine comple-  
ctens, & Vitoldi Magni Ducis temporibus, à Pon-  
to Euxino, Tauricaque cherfonefo ad finem vsque  
maris Baltici, pelagumque Curlandiæ, Liuanes,  
& Prutenos versus fines suos longo tractu exten-  
debat. Omnis autem Magnus Ducatus Lituaniæ *Amplitudo*  
in Palatinatus & diftrictus certos, siue prouincias, *Lituania.*  
vbi iudicia particularia, & terrestria, pro nobili-  
bus exercentur, non fecus, ac Polonia diuifus est.



*Lituania in  
Palatinatibus diuiditur.*

Hij verò districtus & Palatinatus pro ducatibus (ut quondam temporibus plurimorum ducum erant) computari possunt, & vnusquisq; Palatinatus suum vexillum, quo in bello vtitur, habet. Eundem quoq; colorem & signum omnes districtus, siue prouincię, qui in eodem Palatinatu continentur, in vexillis suis representant, nisi quòd Palatinatus vexillum maius est, cum duobus cornibus, districtuale verò minus simpliciter protensum cum vno cornu.

*Vexillum  
Ducatus Lituanie.*

Primò itaque vexillum Magni Ducatus Lituanię peculiare & quadriangulare, ad differentiam ceterorum, sexaginta vlnas sericeę telę rubeę continet, in medio insigne proprium, hominem videlicet armatum, equo albo velociter currenti, insidentem, gladiumq; super caput manu extensa tenentem gestat, desuper stemmatis pileus ducalis, ex altera verò parte vexilli pro insigni, imaginem diuę virginis Marię in Sole cum puero, habet.

Vexillum supremi ducis exercitus eiusdem amplitudinis, quadriangulare quoque, coloris lasurini eodem stemmate Magni Ducatus, ex vna partium in campo rubeo, (campus hic locus stemmatis intelligitur) ex altera diui Stanislai episcopi Cracouiensis imaginem gestat.

### *PALATINATUS VILNENSIS.*

*Vilna describitur.*

**V**ilna vrbs, caput & metropolis totius Lituanię, intra colles ad confluxum Vilnę, (à quo nomen habet) & Vilię fluuiorum sita, muroq; circumducta, ipsa quoq; murata. Arces duas insigniter muratas adiunctas sibi habet, quarū vna inferior, (hęcq; ampla & sumtuosissimè extracta) altera superior, in colle

colle eminentissimo condita, eas enim ex vna parte *Vilna flumina*  
 Vilna, ex Oriente fluens, ex altera Vilia fluij ibidem *us.*  
 concurrentes, praterlabuntur. Porro Vilna, qua no- *Vilia flumina*  
 men vrbi indidit, minor est, Vilia verò est amplior & *us.*  
 nauigabilis, quo merces ex Vilna nauibus, Gedanum  
 Prussiae emporium celeberrimum, deportantur. In  
 hac vrbe plurima templa Romanae obedientiae, &  
 Ruthenorum ritus magnis sumtibus extructa. Epi-  
 scopalis sedes in Basilica arcis cathedrali diuo Stani-  
 slao dicata. Metropolitanus quoque Russiae ibidem  
 sedem suam in Basilica Ruthenici ritus praecipua, ti-  
 tulo diuae virginis Mariae insignita retinet. Porro in *Episcopi Li-*  
 toto Lituaniae Magno Ducatu, quinque sunt Roma- *tuania Ro-*  
 nae obedientiae episcopatus, vtpote Vilnae, Samo- *mani.*  
 gitienfis, Kiouienfis, Lucensis, & Ianouienfis. Septem  
 praeterea praepositurae siue parociae insigniores, à V-  
 ladislao Iagielone, (qui primus Lituanos baptizauit)  
 fundatae & dotatae, vtpote Vilkomerienfis, Misogo-  
 lienfis, Nemencienfis, Mednicenfis, Kreuenfis, Ob-  
 olcenfis, & Haynenfis. Archiepiscopus, qui suprà di-  
 ctis episcopis Lituaniae praest, Leopoli in vrbe Rus-  
 siae sedem suam habet. Ruthenici verò ritus in Litua-  
 nia & Russia, Polono regi subiecta, septem sunt. Me-  
 tropolitanus, siue Archiepiscopus Vilnae, sedem su-  
 am habet. Episcopi verò, quos *Uladicas* Rutheni ap- *Episcopi Ru-*  
 pellant, hi sunt Polocenfis, Volodimirienfis, Lucen- *thenici.*  
 sis, Pinscenfis, Kiouienfis, Præmisliensisque, & Leo-  
 poliensis, qui etiam metropolitae titulo vtitur, horum  
 mores, habitum, religionem in Moschouiae descri-  
 ptione de religione Russiae videbis.

Vilnensis Palatinatus vexillum rubeum est, & bi-  
 corne, 35. vlnas telae sericeae continens, ex vna parte



in campo albo Magni Ducatus infigne gestat, ex altera columnarum, antiquo gentis stemmate insignitur.

In hoc Palatinatu tres sunt ingentes districtus, siue prouinciæ, Osmianensis, Bratislauiensis, & Vilcomerensis, horum quilibet proprium vexillum (quo nobilitas districtualis in bello utitur) habet.

**OSMIANA** oppidum ligneum à Vilna 7. mil. abest, territorium ad se pertinens satis amplum habet, in quo sunt complura oppida regia & nobilium. Vexillum rubeum simile Vilnensi, sed cum vno cornu, stemmate Magni Ducatus in campo albo insignitum gestat.

**VILKOMERIA** oppidum ligneum ad Swienta fluuium situm. Curia est in ea iudicialis, in qua causæ nobilium disceptantur. Arx per Crucigeros Prussienfes exusta, nunc in scopulo vestigia eius apparent. Prouinciā amplissimā, ad 25. mil. patentem habet, in qua sunt oppida complura regia, nobilium, spiritualiumque. Vexillum quoque rubeum, stemmate Magni Ducis ex vna parte ornatum, ex altera diui Michaëlis imagine insignitum defert.

**BRATISLAVIA** ciuitas lignea, arcem sibi adiunctam in scopulo ad lacum amplissimum conditam habet. Vexillo rubeo, nobilitas districtus Bratislauiensis, cum stemmate Magni Ducatus in bello utitur. A Vilna viginti milliaribus distat. Ikaznia arx murata, & ciuitas lignea ad fluuium eiusdem nominis, à Bratislauia 2. milliaribus distat. Driswiat arx ad lacum amplissimum eiusdem nominis sita, à Bratislauia 5. mil. abest.

*P A L A -*

## PALATINATVS TROKENSIS.

**T**Roki ciuitas lignea, muro, cuius adhuc ruinae apparent, quondam circumdata, sed à Crucigeris Prussiensibus cum munitione deuastata. A Vilna sex milliariib. distat, arcem habet in lacu satis opportunitate loci munitam, ad quam nisi nauibus peruenitur. In ea olim sedes ducum Lituaniae erat, postea in Vilnam translata. Est quoque aliud oppidum eiusdem nominis quatuor à Vilna milliariibus, ad Vacam fluuium, quod ad differentiã huius, nouae Troki dicitur. In hoc Palatinatu quatuor sunt ingentes districtus, Grodnensis, Cownensis, Lidenensis, & Vpiensis.

**G R O D N O** ciuitas lignea, arcem muratam in scopulo sitam habet, quam Nemen siue Cronon fluius celebris & nauigabilis præterfluit, vnà cum ciuitate. Eò merces Gedanum ex regionibus Lituaniae, nauibus deferuntur. Territorium Grodnense satis amplum est, quod pro ducatu olim habebatur. Vexillo lasurini coloris vnicorni correspondens Palatinali, stemmate Magni Ducatus insignito utitur.

**C O W N O** ciuitas lignea insignis, plures tamen in ea domus reperiuntur lapideae, ad confluxum Nemenis & Vilae fluuiorum nauigabilium sita, arcem muratam antiquitus in scopulo conditam habet. Vexillum quoque lasurini coloris in bello nobilitas districtualis gestat.

**L I D A** oppidum ligneum, districtuale arcem muratam, in qua iudicia nobilium celebrantur, habet, districtus Lidenensis. Vexillum quoque lasurini coloris in bello gestat.



**V P I T A** ciuitas lignea prouincialis, districtum amplissimum cum multis oppidis complectitur. Vexillo cæteris sui Palatinatus districtibus simili in bello vtitur.

Vexillum Palatinatus Trocæsis bicornæ, 35. vlnas telæ fericæ lafurini coloris continet, stemmate Magni Ducatus in campo rubeo insignitur.

*PALATINATVS MINSCENSIS.*

**M** Insko ciuitas lignea amplissima, arx ex roboribus extructa, natura & opportunitate loci munitissima, fossa profunda circumducta, eam fluuius quidam molendinis frequens præterlabitur. Vexillū huius Palatinatus purpurei coloris bicornæ, stemmate Magni Ducatus in campo albo insignitur. Districtus quoque eius Recicensis, quem vnum complectitur, simile vexillum, sed vnicorne gestat.

**KEIDANOW** arx cum oppido à Vilna 25. miliaribus.

**RADOSKOWICE** castrum cum ciuitate. Hic rex Poloniae Sigismundus augustus copias armatas numerosas centum millia superantes recensuit, anno Domini 1568.

**BORISSOW** ciuitas lignea, arx ex roboribus extructa, munitissimeque propugnaculis, parietibus quaternis intrinsecus terra lapidibusque impletis firmata, fluuiio Beresina opportunè circumducta. A Vilna 40. miliaribus distat. Vexillo prouinciali caret, sed in ea milites præsidarij, contra incursum Moschorū continuò asseruantur, ad eam enim Moschus fines suos pertinere contendit.

**L O H O I S K O** ciuitas cum arce lignea, à Boris-  
so W 8. mil. distat.

**S W I S L O C Z** castrum cum oppido ad fluuium  
eiusdem nominis.

**B O B R O I S K O** arx cum ciuitate, ad Beresinam  
fluuium.

**O D R V C Z K O** arx in colle eminenti lignea, o-  
lim pro ducatu computabatur, nuncque plures no-  
biles Russi titulo huius ducatus vtuntur.

### **N O U O G R O D E N S I S P A-** *latinatus.*

**N**Ouogrodek ciuitas ampla lignea, quondam se-  
cundis genitis principum Lituanix attributa e-  
rat, nunc in Palatinum redacta est. Vexillum bi-  
corne rubei coloris stemmate Magni Ducatus, in  
campo albo insignitum in bello gestat. Districtus  
duos Slonimensem, & Wolkouiscensem comple-  
ctitur.

**S L O N I M** ciuitas & munitio lignea, olim secū-  
do genitorum Magnorum Ducum Lituanix erat, &  
pro ducatu cum suo territorio cōputabatur, postea  
in prouinciam redacta est. Vexillo rubeo vnicorni  
stemmate Magni Ducatus insignito prouincialis no-  
bilitas vtitur.

**W O L K O V I S K O** ciuitas ampla, curia in ea iu-  
dicialis, vbi causæ nobilium disceptantur. Vexillum  
quoque rubeum Slonimensi simile habet.

**M S C Z I B O W** oppidum & arx lignea in stagno  
natura loci munita, planitie circumdante, à Wolkou-  
isko 2. mil.

Oppida plurima hic Nouogrodensis tam regia,



quàm nobilium cum suis districtibus prædictis complectitur.

*PALATINATUS BRE-*  
*stensis.*

**B**Restia ciuitas ampla lignea, in finibus Lituaniæ sita, contermina Podlasiæ. Arcem ligneam amplam sibi adiunctam habet, natura oportunitateque loci munitam, & duobus fluuijs, quorum vnus Mucha Wiecz, alter verò Bug vocatur, opportunè circumdatam.

Vexillum bicornè lasurini coloris, in campo rubeo, stemma Magni Ducatus insignitū gestat, vnum duntaxat amplissimum, tamen districtum Pinscensem videlicet complectitur.

**P I N S C O** ciuitas lignea satis ampla, ad fluuium Perepetum sita, qui multis oppidis Russiæ præterlapsis, in Borysthenem fluuium amplissimū defertur.

Hæc ciuitas cum suo territorio quondam inter principatus Russiæ computabatur, à Gediminoque Magno Lituaniæ duce subacta, secundo genitorum principum Lituaniæ erat, nunc in prouinciam est redacta. Nobilitas prouincialis vexillo lasurini coloris, stemmate Magni Ducatus insignito vtitur.

Perepetus arx & ciuitas ad fluuium eiusdem nominis sita.

*VOLINIA REGIO.*

**V**olinia inter ceteros Russiæ principatus, gentem bellicosiores habet. Est autem regio amplissima, frugum omnigenarum abundans, syluis ferigenis, stagnisque piscosis referta, ad Magnum Ducatum Lituaniæ pertinebat, sed nunc regno Poloniæ adiun-

adiuncta est. Hij verò populi à Walga fluuio amplissimo, qui Moschouitas à Tartaris differtinat, (prout in deductione Polonorum latius dictum est) in hanc regionem venerunt, quam à suo nomine, (Vulgari *Volinia de-* enim à Volga dicebantur) Valgariam, postea successu *nominatio.* temporis, Voliniam nuncupauerunt. Viri sunt strenui & bellicosi, Ruthenico idiomate, moribusque & religione vtuntur. In tres districtus siue prouincias hæc regio diuiditur, Lucensem, Volodimirensem, & Cremenecensem. Vexillum huius regionis bellicum principale bicornè est, purpurei coloris in campo albo stemmate Magni Ducatus Lituaniæ insignitum. Prouincialia quoque vexilla eundem colorem & stemma referunt, nisi quòd vnicornia sunt simpliciter protensa.

L V C Z K O ciuitas prouincialis lignea, sede episcopali Ruthenorum, & Romanæ obedientiæ clara, arces muratas duas in colle eminenti habet.

W O L O D I M I R I A oppidum ligneum, munitionem quoque ligneam ad paludes sitam habet, quondam pro ducatu habebatur.

K R Z E M E N E C ciuitas ampla lignea, castrum quoque ligneum, argilla circumlinitum habet.

Hæ autem ciuitates prouinciales, complura oppida & munitiones ad se pertinentes complectuntur.

Ç H A B N O arx & oppidum ad Vllam fluuium situm.

O W R V C Z I castrum & ciuitas ampla in colle.

O L E W S K O arx & ciuitas ad Huberczia fluuiū.

Z I T H O M I R arx lignea in colle condita.

K O R E C arx & ciuitas lignea, pro ducatu olim cum suo territorio computabatur.



K A M I E N I E C munitio, in colle sita.

Z B A R A S Z arx & ciuitas olim sui iuris erat, cum suo territorio, & pro Ducatu nunc etiam computatur, pluresque nobiles & domini huius regionis dum titulo à suis ciuitatibus vtuntur.

P A L A T I N A T U S K I O -  
*uiensis.*

**K** Iouia vetustissima, amplissimaque vrbs ligneis septis circumdata, olim totius Russiæ metropolis, ad fluuium celeberrimum Borysthenem sita, à Vilna centum viginti miliaribus Polonicis distat. Eam quondam magnificam, & planè regiam fuisse, ipsæ ciuitatis ruinæ, & monumenta, quæ lex miliaribus patent, indicant. Apparent adhuc hodie in vicinis montibus & collibus ecclesiarum, monasteriorumque, & ædificiorum desolatorum vestigia. Præterea cauernæ quædam subterraneæ vastissimæ, longo tractu subtus terras extensæ, quas quidem octuaginta miliaribus protendi dicunt, in his plurima antiqua sepulcra, corporaque illustrium quorundam Russiæ virorum, (quamuis antiquitus posita) carie tantùm consumpta, integra tamen apparent, præcipuè verò duorum quorundam principum cadauera, in vestibus gentili more, prout viui ambulabant, integra veluti recens posita apparent. Sicque insepulta in specu iacent, quæ peregrinis & aduenis à monachis Ruthenici ritus ostēduntur. Iuxta hanc vrbem, arx satis munita, ex roboribus & lapidibus, terraque ad Borysthenem constructa est. Porro Kiouiensis tractus amplissimus est, quinquaginta miliaribus Polonicis, plusve patens, olim sui iuris principem habebat,

bebat, nunc in Palatinatus formam redacta est. A Kiouia in meridem reflectendo. Circass ciuitas lignea ad Borysthenem sita occurrit, eius incolæ Circassi *Circassi bellicosi.* dicuntur, longoque tractu, iuxta Borysthenem degunt. Rutheni sunt, (alii tamen ab his, qui ad Pötum *Rußi.* Euxinum in motibus habitant.) viri bellicosi & strenui, cum Tartaris Præcopensibus, sibi in vicinio adherentibus, frequenter belligerant, in provinciasque eorum excurrunt, & prædas, iumenta videlicet, abigunt. distat autem ciuitas Circass à Kiouia, viginti quinque miliaribus Polonicis. Supra Circassos septem miliaribus per Borysthenem ascendendo. KanioW oppidum viris bellicosis circumquaque habitantibus clarum occurrit, 17. miliaribus à Kiouia abest. Infra Circassos & KanioWenses nullæ habitationes Christianorum sunt. Campestris enim desolata colonis vacua, ipsis solummodo feris domiciliū præbentia, quadraginta miliaribus ad OczakoW usque castrum & ciuitatem in ostijs Borysthenis sitam, patent. In OcyakoW autem ciuitate, & circumquaque in campestribus Tartari Præcopenses degunt, ipsa verò ciuitas cum arce Turcicis præsidij (quâvis Tartari eam incolant) tenetur, & huc usque Lituanorum colonia, Vitoldi temporibus erat: sed ad rem, vnde digressus sum, redeo.

Kiouiensis Palatinatus vexillum bellicum viride bicornè, stemmate Magni Ducatus in campo rubeo, ex alia verò parte vrsò in campo albo insignitum gestat. Districtum vnum duntaxat Moserensem, amplissimum tamen, habet.

M O S E R' ciuitas prouincialis, ampla lignea, ad fluuium Perepetum condita, qui duodecim milliari-



bus supra Kiouiam hausto fluuio pisceso, *Tur* dictq;  
Borysthenem influit. A Kiouia triginta milliaribus  
Polonicis distat, à Bobransko totidem, à Mohilow  
viginti, ab Orsha viginti sex. Vexillo Mozerensis dis-  
trictus viridi prout suus Palatinatus vtitur.

*M S C Z I S L A V I E N S I S P A -  
latinatus.*

**M** Sczislauia ciuitas lignea, ad fluuium Sofam di-  
ctum sita, arcem quoq; ex roboribus apprimè  
munitam habet. In ipsis finib. Moschouiæ iacet, ideo  
præfidiarij milites in ea continuò asseruantur. Vexil-  
lum huius Palatinatus crocei coloris est, Magni Du-  
catus stemmate in campo rubeo insignitum, distri-  
ctualibus ciuitatibus caret, plurima tamen oppida &  
arces complectitur, quòdam sui iuris principem ha-  
bebat, sed nunc in prouinciæ formam redacta est.

Nunc castra ad Borysthenem sita breuiter recen-  
sebitur.

**D A M B R O W N A** prima arx à Moschouiæ fini-  
bus ad Borysthenem cum oppido sita, à Smolensko  
decemquatuor milliaribus abest, ab Orsha quatuor.

**O R S H A M** in Witebliensi Palatinatu describe-  
mus.

**K O P Y S Z** castrum cū oppido ad Borysthenem,  
ab Orska quatuor milliaribus distat.

**S K L O W** arx cū ciuitate ad Borysthenem, à Ko-  
pisz duobus milliaribus distat, pro comitatu compu-  
tatur. Vnde se illustris ac magnificus Dominus, Ioan-  
nes Chodkiewicz comitem scribit.

**M O H I L O W** arx cum ciuitate ad Borysthenem  
sita, sex milliaribus à Sklow.

**B Y C H O W**

**B Y C H O W** castrum cum oppido ad Borysthenem situm, à Mohilow duodecim miliaribus.

**R E C Z Y C Z A** arx cum oppido ad Borysthenem sita.

**S T R I S S I N** arx cum ciuitate ad Borysthenem.

**L V B E T Z** arx ad Borysthenem sita.

**V I S Z E H O R O D** arx ad Borysthenem, à Kiouiatribus miliaribus abest.

## V I T E B S C I E N S I S S I V E V I

*tebliensis Palatinatus.*

**V**itebsk ciuitas satis ampla lignea, ad Dwinam fluuium insignem & nauigabilem, quo mercès omnigenæ Rigam Liuoniæ metropolim deportantur, sita. Arces duas amplissimas natura, & opportunitate loci munitissimas habet, quarum vna inferior in planitie sita, ciuitatis formam amplitudine referens dicitur. Altera superior in colle eminentiori condita, vtraque propugnaculis, & parietibus ex roboribus extructis, terraque & lapidibus impletis, suppellectiliq̃ue bellica tormentis & bombardis apprime munita. Eas vnà cum ciuitate ab Oriente fluuius Dwina oportune præterlabitur, in quam sub ipsa arce ex altera parte Viczba fluuius exoneratur. Hæc arx omnium arcium finitimarum, totiusq̃ue Lituaniæ, est fortissimum propugnaculum contra incursum Moschorum, in ipsis enim finibus hostium iacet. Sæpius ab ea Moschouitæ cum suo ingenti damno fugati repulsiq̃ue sunt. Quatuor in ea præfecti siue ductores militum pedestrium asseruantur, in quorū ego numero cum patre meo Ambrosio Guagnino, quingentenariæ cohortis decem annis præse-



ctus eram. A Vilna octuaginta milliaribus distat, quondam sui iuris principem habebat, & pro ducatu computabatur, nunc in Palatinatum redacta est. Vexillum viridi coloris bicorni, stemmate Magni Ducatus in campo albo insignitum gestat. Districtum siue prouinciam vnā duntaxat complectitur, Orshensem videlicet.

ORSHA ciuitas lignea ampla, ex vna parte stipitibus præacutis munita, ex altera Borysthene fluuiio alluitur, arcem munitam muratam sibi adiunctā habet, quā ab vna parte Borysthene, ab altera Orshicza fluuius (qui nomen ciuitati indidit) præterfluit, à Witebska 18. milliaribus abest. Vexillo viridi prout suus Palatinatus in bello vitur.

SVRAS castrum inter Dunam, Casplam, & Surascam situm, à Witebska octo milliaribus superius Orientem, ad Moschouiam versus procedendo: tandem Occidentem versus à Witebska 14. milliaribus occurrit.

VLA arx in conflictu Vle (à qua nomen habet) & Dunæ fluuiorum, à Moschouitis olim fundata possessa que, & à nostris sæpius, frustra tamen tentata. postea à duce Romano Sangusko Wicz inopinata irruptione capta, exusta que, & à nostris restaurata.

TVROWLA castrum Moschorum ad fluuium eiusdem nominis, & Dunam munitissimè sita, à Poloczka tribus milliaribus abest.

SVSZA arx Moschorum, ad lacum eiusdem nominis, Moschouitis *Copia* dicitur.

CZASNIKI castrum & oppidum ligneum, ad Vlam fluuium situm, à Susza quatuor milliaribus abest.

SIEN-

**S I E N N O** arx cum oppido à Czafniki sex milliaribus distat.

**L E P L O** arx & ciuitas bene munita, in lacu quasi peninsula condita, à Czafniki septem milliaribus abest.

**C I O T C Z A** munitio ad lacū eiusdem nominis.

**C R A S S N E** arx Moschouitica, à Ciotcza vno milliari sita.

**W O R O N I E C** castrū cum oppido ad Vściam fluuium situm, à Poloczka tribus milliaribus abest.

**S T R Z Y Z O W** munitio ad lacum ingentem sita.

*P A L A T I N A T V S P O -  
locensis.*

**P**oloczek olim ciuitas lignea amplissima, stipitibus septisque ligneis circūdata, ad Dwinam fluuium condita, arcem ligneam natura & oportunitate loci munitissimam, turribus & propugnaculis firmatam habet, quam ab vna parte Dwina, ab altera Polota, à qua ciuitas nomen sortitur, præterfluit. Milites in ea præsidarij à rege Poloniae frequenter afferuabantur, ciues & mercatores in ea ditissimi erant, sed anno Domini 1562. Ioannes Basiliades Magnus Dux Moschouiae, eam vi tormentis bellicis admotis, strenua oppugnatione, obsidium verò indiligenti & oscitanti defensione, in ditionem suam redegit, Polonisq; præsidarijs liberè dimissis, Lituanos & Ruthenos ciuitatis incolas, ceterosq; qui illuc velut ad asylum confugerant, in Moschouiam victos abduxit, prædamque dictū incredibilem auri & argenti illinc asportauit: hæc ciuitas cum arce & suo territorio, in Moschouiae principis ditione permanet, vs-



que ad ann. 1579. mense Aug. quo tempore Steph. Bator rex Polon. strenuè (vt postea dicitur) cum toto territorio recuperauit. Habebat olim sui iuris principem, & pro Ducatu amplissimo cōputabatur, purpurei coloris stemmate Magni Ducatus insignitum in campo albo nobilitas provincialis, quæ regi Polonia, Magno Duci Lituania subest, in bello gestat.

V S A C Z A munitio ad fluuiū eiusdem nominis, & Dunam sita, à Poloczka tribus milliaribus distat.

D I S N A arx ampla, vallo forti & inexcussio circumdata, rebusque bellicis apprimè munita, Disna, & Duna fluuiio opportunè circumluitur; ciuitas quoque inter eosdem fluuios vallo stipitibusque præacutis & propugnaculis munita, à Poloczka sex, à Vilna quadraginta milliaribus distat.

D R I S S A arx cum oppido circumsepto, ad fluuium eiusdem nominis & Dunam, sex milliaribus à Disna sita.

D R V H A munitio cum oppido, ad eiusdem nominis fluuium, & Dunam à Drissa sex milliaribus abest.

Ab hac arce Liuania fines, & arces ad Dunā sitæ, incipiuntur, quas suo loco descripsimus. Lituania quoque & Samogitia ditio in occidentali ripa Dunę iacet. Samogitiam itaque describendam ordiemur, quæ moribus, vitæque consuetudine, & idiomate Lituania similis est, eiusdemque principatus.

#### *DVCATVS SAMOGITIÆ.*

S Amogitia regio satis ampla, proxima Lituania, à Septentrione Liuania contermina est, marique Balteo siue Germanico ab Occidente, nonnihil in  
Septen-

Septentrionem reflectendo adiacet. Prussiam quoque in vicinia habet. Nullo castro munito insignis est, ciuitates tamen in ea cum pagis tam regiae, quam nobilium complures sunt. Huic regioni praefectus siue capitaneus supremus, à rege Poloniae Magno Duce Lituaniae praepositur, neque temere is nisi grauissimas ob causas officio mouetur, sed quoad viuit perpetuò manet. Episcopum habet Romanae obedientiae. Agrestis turba in humilibus casis, ipsaeque oblongioribus vitam ducit, in quibus ignis in medio accensus ardet, ad ignem verò paterfamilias cum domesticis, seruisque sedit, iumenta quoque & totam suppellectilem domesticam cernit. Solent enim sub eodem quo ipsi habitant recto, sine villo interstitio pecora habere. Maiores eorundem cornibus animalium, vrorum videlicet, pro poculis vtuntur. Audaces sunt & strenui homines, & ad bellum promti, lorice aliisque plurimis armis, praecipuè autem cuspidibus venatorum vtuntur. equos adeò paruos habent, vt vix credibile sit ad tantos labores eos posse sufficere, quibus foris in bello, domique in colendis agris vtuntur. Terram non ferro sed ligno procindunt, quod eò magis mirandum, cum terra eorum tenax & non arenosa sit. Araturi ligna complura quibus vomeris loco vtuntur secum portare solent, scilicet vt vno fracto, aliud atque aliud ne quid in mora sit, in promptu habeant. Quidam ex prouinciae praefectis quo prouinciales grauiore labore leuaret, mulros ferreos vomeres fabricare fecerat, cum autem eo, sequentibusque aliquot annis segetes quadam celi intemperie expectationi agricolarum non responderent, vulgus agrorum suorum sterilitatem

*Habitatio  
nes Samogitarum.*

*Mos arandi  
agros.*



ferreo vomeri pertinaciter adscribebat, nec aliud quicquam in causa esse putabat. Præfectus eorum vulgi seditionem timens amoto ferro, suo eos more agros colere permisit.

*Samogitia  
syluosa.*

Prouincia hæc nemoribus syluisque abundat, in quibus horrendæ quandoque visiones fieri dicuntur. Mel nusquam melius nobiliusve, quodque minus cera habeat, albumque sit, quam in Samogitia reperitur. Syluæque illic summas diuitias ferunt; stipitibus enim

*Samogita i-  
dololatra.*

cauatis mella passim promuntur. Sunt etiam nunc illic inter agrestes, idololatræ complures, qui serpentes quosdam quatuor breuibus lacertarum instar pedibus, nigro obesoque corpore *Giuoijos* patria lingua dictos, tanquam penates domi suæ nutriunt, eosque domo lustrata certis diebus ad appositum cibum prorepentes, cum tota familia quoad saturati in locum suum reuertantur, timore quodam circumstantes venerantur. Quod si aduersi illis quid acciderit, serpentem deum domesticum malè acceptum ac aturatum esse credunt.

*Miraculū.*

Accidit hoc nuper in Lituania, sex à Vilna milliariibus in pago quodā iuxta ciuitatem Troki, quod quidam Christianus ab eiusmodi serpentis cultore, aliquot aluearia apum emit, quem cum ad verum Christi cultum multo labore adduxisset, utque serpentem, quem colebat, occidere persuasisset, aliquantò post, cum ad visendas apes suas eò reuersus fuisset, hominem facie deformatum, ore aures tenus, miserabilem in modum diducto offendit: tanti mali causam interrogatus, respondit se quod serpenti deo suo domestico manus nefarias inieciisset, ad piaculum expiandum hac calamitate puniri, multoque grauiora, si ad prio-

ad priores ritus suos non rediret, eum pati oportere. Est etiam quatuor à Vilna miliaribus, Lauariski villa regia, in qua à multis adhuc serpentes coluntur. Hæc quamuis nō in Samogitia, sed in Lituania gesta sunt, pro exemplo tamen adduxi.

Agrestis turba in Samogitia sacrificium quoddā, *Ritus gentilis Samogitarum.* solennesque epulas gentili more sub finem mensis Octobris, collectis frugibus, quotannis celebrat hoc modo. Ad locum conuiuio, epulisque sacris delectum, omnes cum vxoribus, liberis & seruis conueniunt, mensam feno supersternunt, desuper panes apponunt, & ex vtraque panis parte duo ceruissæ vasa statuunt. Postea adducunt vitulum, porcum & porcā, gallum & gallinā, & cætera domestica iumenta, ex ordine mares & femellas. Hæc mactant gentili more, ad sacrificandum hoc modo: in primis augur siue incantator quispiam, verba quædam proferens, animal verberare baculo orditur, deinde omnes qui adsunt, iumentum per caput pedesque, baculis verberant, postea tergū, ventrem, & cætera membra concutunt, dicentes: Hæc tibi, ô Ziemiennik deus, (sic enim illum dæmonem agrestis turba appellat) offerimus, gratiasque tibi agimus, quod nos hoc anno incolumes, & omnibus abundantes, conseruare dignatus es, nunc verò te rogamus, vt nos quoque hoc anno præsentī fauere, tueri ab igne, ferro, peste, & inimicis quibuscumque, defendere digneris. Postea carnes iumentorum ad sacrificium mactatorum comedunt, & ab vnoquoque, ferculo, antequam comedant, portiunculā amputant, & in terram omnesque angulos domus proijciunt, dicentes: Hæc tibi, ô Ziemiennik, nostra holocausta suscipe, & comede beni-



*Mare Samo-  
giticum.*

gnus: omnesque tunc temporis lautissimè solenni-  
ter & opiparè epulantur. Hic verò ritus gentilis & in  
Lituania, Russiaq; ab agrestibus, quibusdam in locis  
obseruatur. Mare quod Samogitiam alluit Balteum,  
à quibusdam Germanicum, ab alijs Prutenicum dici-  
tur, sinus Balticus propriè nūcupatur. Interluit enim  
Cimbricam chersonesum, quæ Germanis *Jutland*,  
Latinis *Jutia* vocatur. Alluit quoque Germaniam, &  
omnem Pomeraniæ regionem, atque longo tractu  
Liuoniam, Curlandiam, regionesque quasdam Mo-  
schorum principis, Suetiam, Phinlandiam, Daniam-  
que circumluit. Huius regionis Samogitiæ, rex Po-  
lonus, magnus Dux Lituaniæ titulo utitur, vexillum  
album bicornè stemmate Magni Ducatus Lituaniæ,  
in campo rubeo insignitum, Samogitia in bello ge-  
stat. Incolæ regionis, omnibus ferè cum Lituanis  
vestiuntur habitu cinericio, moribus, regione, idio-  
mate paucula differentia interiecta, utuntur. Ideo  
nunc ad describendos mores Lituatorum oratio-  
nem dirigemus.

*Fluij Li-  
tuaniæ.*

Lituania admodum syluosa est, prout & Samogi-  
tia, paludes lacusque ingentes, & amplissimos in qui-  
busdam locis maris, formam referentes, habet. Præ-  
terea multos fluuios nauigabiles, quorum alij Ori-  
tem versus, utpote *Bog* (Herodoto Hipanis dictus)  
Pereperus, Tur, Swislocz, & Beresina, in Borysthe-  
nem vulgò *Dnepr*, dictum exonerantur. Borysthe-  
nes verò pluribus fluuijs haustis in Oriente, tandem  
in Meridiem decurrens, in Pontum Euxinum illabi-  
tur. Alij verò Cronon, vulgò *Niemen* dictus, Vilia,  
Karew, Bug, in Occidentem nonnihil in Septentrio-  
nem reflectendo decurrunt, in mareque Germani-  
cum

cum iuxta Gedanum celeberrimū emporium Prus-  
siae exonerantur, Dz Wina autem Ptolemæo Rubon  
ex Moschouia ortus, à Riga duobus milliaribus ei-  
dem mari commiscetur.

Animalia in Lituania omnis generis parua sunt,  
gens misera maximè in villis & pagis graui seruitute  
oppressa, nam vt quisque famulorum caterua stipa-  
tus, domum coloni alicuius ingressus, impunè quid-  
uis facere, res ad vitæ vsum necessarias capere, ab-  
sumere, crudeliter etiam colonum verberare potest.  
Coloni quauis de causa, ad dominos suos absq; mu-  
neribus, aditus non patet, quod si etiam admittan-  
tur, ad præfectos & officiales relegantur, qui nisi mu-  
nera accipiant, nihil boni decernunt, & vnumquod-  
que verbum iudicis in Lituania, aurum est. Coloni  
quinque dies, aliquando sex, dominis suis laborant,  
dies verò Lunæ priuato labori conceditur, atque vt  
plurimum diebus Dominicis (nulla enim diuorum  
festa agrestes obseruant) quoduis opus absoluunt, a-  
griculturam exercent, segetes prataque metunt, tri-  
turant, & id genus alia. Hoc verò & in Russia pecu-  
liare est: quod si interrogaueris, quare Dominico die  
laboras? respondere solent, nonne & die Dominico  
comedere oportet? Imperatam pecuniam quotan-  
nis ter quaterque, pro defendendis regni finibus pen-  
dunt, à dominis quoque tributis adinuentitijs graui-  
ter onerantur, pane atro & vilissimo, siligine vnà cū  
spicis commolita vtuntur, molendina siue pistrina  
manualia, agrestes in pagis trina quinaue domi ha-  
bent, eisque ad commoliendas fruges vtuntur, dumque  
hæc molendina manibus vertunt, patrio more, agre-  
stem quendam concentum edere solent, dicentes,

*Tributis Li-  
tuani onerantur.  
Molendina  
Lituanorum.*



melior, hocque verbum frequentius ad cantilenę similitudinē repetunt, id verò est, tam viris quàm mulieribus peculiare, quòd de illa re, quam tunc in opere habent, cantilenas agrestes canant. Tubas quoque ligneas oblongas habent, quas inflantes, mirū quendam & dissonum concentum edunt, aliquandoque vnus duas insimul tubas, harmonia quadam correspondente inflat.

Omnes ferè Lituani, & Samogitæ, Liouonesque; vestitu vili cinericio, communiter vtuntur, vt cùm turmatim vulgum stantem in foro conspexeris, neminem nisi cinericiæ veste indutū videbis, cothurnosque; extiliæ libro, vel ex pellibus iumentorum, vnà cum fetis detractis conficiunt. Currus leues absque vlllo ferri ministerio conficiunt, & omnia compangunt, arboreis gomphis & ligna coacta vicem ferri complent, rotasque ex vno ligno, in gyros aptas contorquunt. Pinguedine vel pice nunquam linunt currus, & quando multi insimul vehuntur, mirus quidam cōcentus querulorum axium longè auditur. Versus:

*Neg<sup>3</sup> linunt Rutheni querulos pinguedine currus,  
Hand picis auxilium stridulus axis habet.*

*Auditur veniens longè crepitare Colassa,  
Sic fragiles currus, Russe, vocare soles.*

*Nam faciunt habiles, vno vectore quadrigas  
Inuettas Rutheni, quas equus vnus agit.*

*Nec facile inuenies ferrato herentia clauo  
Plaustra, facit ligni cuncta ministerium,  
Et sine ferri iussu pangunt sua plaustra terebris,  
Et lignum ligno consolidare solent.*

Frumenta omnis generis, primò in calidissima  
casta,

casta, fumo exsiccant, & postea in horreo coràm extructo excutiant.

*ARANDI SEMINANDIQVE MO-  
dus in Russia alba Moschoniae confini, & in  
Magno ducatu Lituania.*

**I**N primis agros hoc modo preparant, circa festum Idiorum Petri & Pauli in aestate, ad festum vsque assumptionis Mariæ, nemora, myricesque excindere solent, quam excisionem arborum vulgariter *Lada* appellant, eam si nemus densum fuerit, stramine supersternunt, per hyememque sic durare patiuntur. Vere autem postea redeunte, post Paschatis festum Sole torrido aliquot diebus ingruente, illam prostrationem prædictam arborum, stramine supposito, superstratoque succendunt, & in cinerem comburunt, ubi verò terra non combureretur, illic nihil ferè nasceretur, ideo ligna incombusta congerunt, in struemque composita, denuo succendunt, sicque in illa terra combusta, & inculta, collectis duntaxat carbonibus, & titionibus superfluis, triticum seminant primò, & supra sementem, vno equo iuncto aratro, arant & occant, in Russia videlicet. Lituani enim bobus cornibus aratrum trahentibus, arare solent, tantaque ibi fecunditas dictu incredibilis subsequitur, vt Cererem in illis regionibus natam affirmares. Eodem modo & hordeum seminatur, metitur, & colligitur, nisi quòd crassiora nemora pro hordeo excinduntur, & pinguiorem terram, magisque triticum exigit. In huiusmodi autem agris, per annos sex vel octo fimo stercoreque, non superposito seminare solent.



Quod si arbores nimis altæ, & crassæ in ea sylua, vbi seminaturi sint, essent, utpote pinus, fraxini, robora, & id genus aliæ, eas non succindunt, nisi frondes, ramosque circumsecant, ne Solem agro præriperent. Rusticus verò vnus, omnes arbores vna semel ascensa circumsecabit non descendendo, instrumentum enim ad id factum, quasi sedile, ad stapedæ similitudinem secundum proportionem hominis sedentis factum, arbori fune longo appendit, sicque sedens à puero, fune alio ab arbore ad arborem, facillè transfertur, habetque ad latus alligatum lignum curuum, ad id studiò præparatum, quo arbori appropinquatus, firmiter eam apprehendit, quam à vertice ad radicem usque circumsecat, & frondes illas eodem modo supradicto æstate redeunte, succendit, & seminat.

Siliginem postea seminant hyemalem, super hæc culta noualia, tritico vel hordeo collecto, sed duobus vicibus ad siliginem arare coguntur, quam seminare incipiunt circa festum assumptionis Mariæ, 15. Augusti, quòd si signis agricola non absoluerit seminationem ad aliud festum natiuitatis Mariæ, in quatuor hebdomadis sequente, octauo Septembris die, tunc fructifero prouentu consuetò frustratur. Hanc seminationem siliginis hyemalem appellant: vere enim redeunte, aliam æstiualem vocatam, seminant.

Est quoque alius seminandi mos nuper adinuentus, in prædicta prostratione, succisioneque nemorum superius descriptorum, hoc modo: Duabus partibus hordei, tertiam siliginis intermiscere solent, quam commixtionem vere instante, tempore consuetò semi-

*Mirus seminandi modus.*

feminant, eadem æstate hordeū solummodo demetunt, siliginem verò subter hordeū ad modum graminis paulatim densissimè crescentem per hyemem durare sinunt, quæ sequente æstate, adeo fœcundissimè, densissimeque excrescit, vt equo vix eam densitatē penetrare possis, & ex vno grano triginta plusve spicæ pullulare in tantam altitudinem solent, vt vir equo insidens, vix ex ea appareat. Omnes verò agros Rutheni vno equo iuncto aratro, proscindere solēt, terra enim per se nimis facilis est.

Hic autem ordo in seminandis frumentarijs, in tota ferè Sarmatia obseruatur, primò post festum Paschæ triticum semināt, postea siliginem æstiualem dictam, ab æstiuale seminatione vulgariter *҃арзycъ* appellatur, ad differentiam hyemalis siliginis, quæ vt diximus, pro festo assumptionis Mariæ seminatur ad hyemem futuram, vnde vulgariter *Oзимина* dicitur. Ex hac si æstate seminaretur, nihil prorsus nasceretur, & econtra si æstiuale ad hyemem pro hyemali seminaretur (quamuis sibi grano similes essent, & eiusdem quasi naturæ viderentur) nulli vsui esset, sed in gramen inutile verteretur.

Hanc itaque æstiualem circa festum Paschæ seminant, secundū agri possibilitatem, præparationemq; Poloni, Lituani & Rutheni nigri, cum Massouitis & Prutenis, propter Solisque beneficium, & regiones temperatiores priori seminatione, longè antecedūt, Ruthenos albos, & Moschouitas in Septentrionem degentes, qui ob intemperiem aëris posterius hijs omnibus seminare coguntur, attamen interdum eodem tempore agros demetunt. Hoc autem mirū est, quòd siliginem seminantes æstiualem, post Paschatis



festum interdum, aliquot elapsis hebdomadis, tamen eadem æstate, vt decet maturam quasi per octo duntaxat hebdomadas demetunt, colligunt & recondunt.

Pisa circa ferias diui Adalberti seminant, vulgari-  
ter *Groch* dicta, quam ad longum vsum exsiccata re-  
seruant.

Auenam & hordeum post Pentecostes festum se-  
minant, quæ vulgariter *OWies* dicitur. Hordeum  
*feczmien* appellant.

Cicer vndecim post Pascha hebdomadis elapsis  
ante diui Petri festum seminatur. *Tatarka* Polonis,  
*Grecicha* Ruthenis & Lituaniis dicitur.

Rapæ circa diui Ioannis Baptistæ ferias seminan-  
tur. Et omnia eadem æstate, seminata colliguntur,  
triturantur, trituratione in domibus reconduntur,  
ita vt granum ex penu ad seminandum de promptu,  
in decem aliquando, in octo hebdomadis secundum  
Solis clementiam ad penu vnde exiit, reuertitur, a-  
gricolæ suo centuplum fructum referens.

*Recondendi* Poloni omnes, Rutheni nigri, (quorum metro-  
*frumētī Po-* polis Leopoliis est) Massouitæ, Silesij, Pruteni & Li-  
*lonorū mos.* tuani quidam in horrea & acervos magnos recon-  
dunt frumenta, & aliquando apud bonum patrem-  
familias quadringentos, sexcentosve acervos quasi  
turres quadrangulares eminentes reperies, ad quin-  
decim plusve interdum annos reconditi frumenti

*Lituani &* plenos. Sed Rutheni albi, Moschouitæque omnes,  
*Moschouitæ* & Lituani, statim de agro in penu frumenta de falca-  
*quomodo re-* ta & trituratione congerunt, & recondunt. quidam in  
*cōdant fru-* cauernis subterraneis, in abditis sylvarum studio ad  
*menta.* id effossis, & intus bene cum corticibus arborum ad-  
aptatis,

aptatis, frumenta, insuper omnia victuaria, carnes porcinas salvas, & id genus leguminum ad victum pertinentium, vestesque, & præcipuam suppellectilem recondere solent, præsertim belli tempore, ubi miseri coloni securi sint, ab incurfu hostili frequenti, & rapinis suorum militum.

Hoc autem apud eos in vilis præcipuè observatur, si quis forte capite damnatus fuerit, de seipso iubente domino, supplicium sumere suisque manibus se suspendere, etiam si recusauerit minis verberibusque exagitatus cogitur. Atque hæc nobis de Lituaniis sufficiant. Hic tibi lector candide sciendum restat, quod in hoc magno ducatu, qui Polono regi cum vniuersis suis prouincijs subest, plurima sunt oppida & castra tam regia quàm nobilium, ecclesiasticorumque, quæ hîc non sunt posita. Hic enim nos solummodo prouinciales insignioresque ciuitates, & arces quæ olim pro ducatibus cum suis territorijs habebantur, descripsimus. Sunt præterea complures duces particulares in Lituania, comitatusque ex quibus Slucensis ducatus celebrior est, princeps enim illius, quamuis regi Polono Magno Lituaniæ duci subsit, & ad quæuis mandata regis exequenda paratus fuerit, rerum tamen in suo ducatu qui 30. miliaribus Polonicis in longitudinem & latitudinem patet, integrè potitur, & thesauro priuato cum Italiæ, Germaniæque quibusuis principibus magnis, facîle adæquari potest. Sunt quoque duces alij plurimi insignes, quorum respectu Magnus Ducatus Lituaniæ dicitur, ex hijs primas obtinent, illustres & magnifici domini Radiuilones, dominus Nicolaus Radiuilus, in Bierze & Dubingij dux, lumen patriæ

*Supplicij sumendi modus.*

*Sluezko in Russiæ cruxtas & ducatus.*



& alter Cicero, Hec̃torque Lituaniaꝝ, Palatinus Vilnensis, & illustris heros Nicolaus Christophorus Radiuilus, dux in Olika & Neswicz, comes in Schildowiec, Mareſchallus curiaꝝ digniſſimus, fraterq; ſuus idem dux, Dei gratia epiſcopus Vilnensis deſignatus, Georgij nomine gaudens. Ille quoque alter Scipio illuſtris heros dominus Ioãnes Chodkiewiczus, comes in Sklow & Meſs, Caſtellanus Vilnensis, archimareſchallus Magni ducatus Lituaniaꝝ, exercituumq; imperator & gubernator Liuoſniaꝝ, ac capitaneus Samogitiaꝝ generalis, virtutuꝝ ſpeculum inſigne, Martisq; & Mineruaꝝ alumnus. In ſuper multoſ alios Heroꝝ antiquoꝝ, quoruꝝ cuiſ dignitatẽ adæquantes dũces, & viroſ inſigneſ Lituaniaꝝ celeberrimuſ principatuſ fouet, quos ſigillatim recensere vt difficile ac longuꝝ, ita minus neceſſarium nobis videtur.

## BENEVOLO LECTORI S. D. P.

**H**ic quoque Lector candide, leges militares in comitijs generalibuſ Magni Ducatuſ Lituaniaꝝ ſolenniter conſtitutaſ, tibi vt potuiſmuſ ſumma cum diligentia deſcriptaſ, breuiter dedicamuſ. Tu veroſ hoſ noſtroſ ſudoreſ boni conſule, maiora accepuꝝ.

ARTICVLI CONSTI-  
TUTIONVM BELLICARVM  
MAGNI DVCATVS LITVANIE, IN  
comitijs generalibus constituti, à supremoq, & ge-  
nerali copiarum imperatore fortissimo, & heroe per-  
petua memoria dignissimo, illustri domino Gre-  
gorio Chodkie Wizio, Castellano Vlnensi  
confirmata, & militibus  
imperata.

**O**Mnis qui se obligauerit seruitio sacra regia ma- Articulus  
iestatis, debet in eo ad tempus prescriptum per- primus.  
seuerare. Si verò longius seruitium militare indictum  
protractumq, fuerit, Miles autem seruire amplius  
nolens in primo quartuali non indicauerit, tunc in-  
dictum seruitium sequentis quartualis adimplere te-  
nebitur.

2 In alterius armis nemo audeat seruire, sub pœna  
amissionis honoris.

3 Si quis è castris discesserit, seruitio non finito no-  
bilis ille si fuerit, honoris, plebeius verò capitis pœna  
punietur. Ille autem qui eiusmodi hominem occide-  
rit, presertim non habentem litteras à campiductore  
siue rotmagistro suo, iuste ab eo factum censabitur.

4 Lites, discordiasq, milites alterutrum seminare  
non audeant, sub gravi pœna.

5 Quod si aliquis ex militibus, precipue verò pede-  
stribus, arma sua stipendiaria quibus hostilis impetus  
arceatur, lusis alearum amiserit, vel si eques equum  
militie destinatum perluserit, tam lucrator, quam a-  
missor utroq, suspensionis pœna punietur.



6 *Quicumq;* in campiductorem, sine rotmagistrum suum, decurionemve, vel etiam servus in dominum suum, manu aut verbis inhonestis sese commoverit, capitis poena plectatur.

7 *Si quis* in custodes castrorum impetum fecerit, vel custodiam demādatā obire renuerit, aut ad custodiam sine voluntate campiductoris abierit, capite puniatur, excepto si excubiae ordinariae illum praeveniant.

8 *Quicumq;* vulneraverit aliquem in ductu legionum sub extensione vexilli, poena honoris & capitis puniatur.

9 *Quicumq;* pedester in custodia locum suum non tenuerit, aut causa alicuius suae necessitatis inde discesserit, vel si in ordinatione aciei excubijve obdormierit, vel officium iniunctum indiligenter oscitantesq; obierit, circumspectori excubiarum liberum erit talem interficere. Si autem campiductori oblatus fuerit, capitis poena puniatur, honoreq; priuetur.

10 *Si quis* in custodiam campestrem destinatus, sine ex muro cum hoste collocutus fuerit, sine voluntate campiductoris, convictus testimonio, pro huiusmodi facinore capitis poena punitur.

11 *Si aliquis miles* ex thesauro sacrae regiae maiestatis de tormentis pulverem globosve, quam de alijs bonis sacrae regiae maiestatis aliquid in usum suum convertere ausus fuerit, sine quavis misericordia turpi, & vituperoso mortis genere puniatur.

12 *Si quis speculatorem* ab hostibus missum, in domo sua fouerit, vel de illo notitiā habuerit, talis omni misericordia semota in quatuor partes dilaniatur.

13 *Quicumq;* tempore necessitatis, sine conflictus à  
vexillo

vexillo in fugam sese dederit, aut verbo aliquo fugiendi causam alicui prabuerit, caput & honorem amittit, similiter qui tempore periculi, non conseruerit manus cum hoste puniatur.

14 Si aliquis temerarie in terram hostilem irruerit, vel occasione hostibus dederit, sine voluntate campiductoris, caput amittit.

15 Tempore nominis dati, quod Polonicè Hasto dicitur, unusquisq; miles in ordine suo pacifice permaneat. Quod si post hoc extra ordinem comprehensus fuerit, vel si nomen indictum interroganti proferre nescierit, capitis pœna puniatur.

16 Dato signo requiei per vocem tubæ, nullos clamores, & strepitus in castris aliquis facere audeat sub graui pœna.

17 Si quis litem aliquam tempore distributionis nominum excitauerit, vel bombardam in hostem exponerauerit, capite plectatur.

18 Tabernæ & nocturna comessationes prohibita & vetita tunc temporis sint, sub graui pœna.

19 Nemo militum audeat aliquid violenter alicui eripere, sub pœna suspensionis. quod si aliquid acceperit præter victum, quod unius grossi pretio constaret, sine quauis misericordia iuguleiur.

20 Nemo militum victus acquirendi causa absq; seruo campiductoris in villas audeat discurrere, neus alicui iniuria inferatur, sub pœna graui.

21 Hominem alienigenam, aduenam & ignotum nemo in seruitium militare suscipere audeat sine licentia campiductoris, sub graui pœna.

22 Seruitorem alterius commilitonis, sine decurio-



nis, nullius ad se persuasionibus & promissis allicere audeat, sub gravi pœna.

23 Nemo militum equos stipendiarios currui iungat, neq<sub>3</sub> causa necessitatis privata quamvis opportune illis uti, vel alicui in usum dare audeat, sine licentia campiductoris.

24 Aduehentibus victum in castra, si aliquid per vim raperetur, suspensione pœna esto.

25 Si quis in viam publicam mercandi, praripendiq<sub>3</sub> victus causa extra castra abierit, turpe ob lucrū, grauius puniatur.

26 De emptione & venditione cibi & potus, campiductor astimationem faciat.

27 Quicunq<sub>3</sub> ante astimationem aliquid emerit, emptor pecunijs, vëditor mercibus priuetur, similiter & de eo intelligendum est, qui cariori pretio quam cāpiductor cōstituerit, aliquid vendere ausus fuerit.

28 Satellites a campiductore missos, ad comprehendendum malefactorem, nemo verbis inhonestis proscindere audeat, sub gravi pœna. Similiter administratori iustitia carnifici, nemo illudere audeat, sub pœna honoris.

29 Militum praefecti sub pœna honoris tenentur indicare, quot milites in legione sua desiderarentur. Arcis verò siue ciuitatis cuius praesidia agit, incolam aut ciuem ad militiam nemo suscipere audeat, sine licentia campiductoris, sub gravi pœna.

30 Unusquisque militum praefectus diligenter animaduertat, ne arcem fidei sua concreditam ad ultimum usq<sub>3</sub> periculum vite tradere praesumat, sub honoris & capitis pœna.

31 Decuriones, commilitonesq<sub>3</sub>, si rotmagister, (quod absit,)

absit,) per signa aliqua castrum hostibus tradere cōnituerit, illum captum campiductori præsentrare tenentur.

32. Rotmagister, siue militum præfectus, ad reservationem, & occlusionem portarum castræ, quotidie præsensteneretur adesse, neminiq; castrum tempore incongruo aperire audeat. Noctu vero omnes milites congregatos habere in arce tenetur.

33. Nemo in Castrum intromittatur, nisi certa notitia de illo haberetur, cuius sit, vel ob quam causam venerit, & si iustam causam dixerit, solus in castrum absq; famulis intromittatur, qui absq; campiductoris licentia intromitti non possunt.

34. Quicumq; militum, maximè autem pedestrium depredationis causa in terram hostilem fruolus abierit, talis pœna capitis puniatur.

35. Si alicui custodia ordinaria venerit, ille autem præsens custodi non adfuerit, capitis pœna esto.

36. Si quis custodie munus obiens, sequentis custodie aduentem non expectando abierit temerariè, caput amittit.

37. Cui ex ordine custodiam obire contigerit, idq; muneris temerariè per ebrietatem, alearumq; lusum neglexerit, caput & honorem amittit.

38. Nemo rotmagistrum, commilitonumve extra arcem discedant, militesq; suos ad quamvis legationem negotiorum suorum destinare non audeant, sine licentia campiductoris, maximè verò campiductore ibidem præsentè, sub gravi pœna.

39. Rem fortè inuentam nemo apud se pernoctare sinat, sed rotmagistro, siue campiductori eam indicet, sub pœna patibuli.



40 *Quicumq; militum absq; armis ad quaestipendia accepit, ambulauerit, vinculis corrigatur.*

41 *Nemo rixas, motusq; aliquos in arce exercere audeat, sub pœna atroci, quod si quis aliquem vulnerauerit caput, & profrinola gladij extractione manum amittit.*

42 *Ad quamuis iustam emendationem arcis, maximè obsidionis tempore, nemo militum eorum, qui in ea praesidia agentes manent, propter seipsos laborare detractent.*

43 *Rotmagistri & decuriones, singuli suos milites semper instruant, doceantq; quomodo unusquisq; in acie legitimè, ordinateq; stare, & armis suis competentibus commodè uti possit, quod si ex ordine aliquis foras excesserit, caput amittit.*

44 *Commilitones, siue decuriones honestè sese obseruent erga rotmagistrum suum, non solummodo manu, verum etiam verbis, similiter & rotmagister erga eosdem, neminem de honestando, verberandove, sed si quid aliquis peccauerit, in corona omnium decurionum, sociorumq; eum indicet & puniat, rebellem verò campiductori indicet.*

45 *Quod si aliquis commilitonum sociorumve, siue ipse vices gerens, Articulos supra scriptos, honoris & capitis pœna premunitos iustè & legitimè non obseruauerit, eum rotmagister suus, campiductori sub fideiussione, & nobilitatis honore, ordinate transmittat.*

Articulorum militarium magni Ducatus  
Lituaniae finis esto.

PRVS.

# PRVSSIÆ CVM SVIS PROVINCIIS, CIVITATIBVS

OMNIVMQVE MAGISTRORVM

*Crucigerorum Teutonici ordinis, iuxta  
seriem compendiosa  
descriptio.*

## DE PRVSSIÆ DEDVCTIONE

*doctorum opiniones.*



RÆCLARVS ille Germanorum  
legatus, & orator apud multos ex-  
traneos principes celeberrimus,  
Æneas Syluius, qui in Prussia lega-  
tionem frequenter obibat, scribit  
in suis Chronicis, quòd Prussia re-

*Syluij de  
Prussia ap-  
pellatione  
opinio.*

ctius & conuenientius, Vlmigauia appellanda sit, &  
hoc non sine causa: nam populus qui hanc regio-  
nem primò incolebat, Vlmigauus nuncupabatur.

*Vlmigani.*

Ioannes autem Boëmus scribit ab ortu solis in hanc  
regionem populos Amaxobios, Alanos, & Gothos,  
Venetosque, siue Vandalitas commigrasse. Mat-

*Ioannis Boe-  
mi opinio de  
Prussia.*

thias verò Miechouiensis, Polonorum chronogra-  
phiæ scriptor lib. 2. cap. 8. refert, regem Bithyniæ  
Prussam nomine ab Hannibale Carthaginensi ad-  
monitum, vt Romanis bellum inferret, quod cum  
ille suscepisset, malè ei cessit. Longè enim plus Ro-

*Miechouita  
opinio de  
Prussia.*

mani totius orbis domini quàm Prussa rex Bithy-  
niæ copijs valebant, quocirca ab illis adeò cum vni-  
uerso exercitu profligatus est, vt Bithyniam regio,

*Prussia à  
Prussa rege  
Bithynia.*



*Romani in  
Prussia.*

*Erasmii Stella  
opinio.*

*Sebastiani  
Brand opinio.*

*Fines Prus-  
siae.*

*Prussia gen-  
tiles.*

nem propriam relinquere cogeretur, & in Vlmigaiam longa peregrinatione venire, quam à suo nomine Prussiam appellauit. Commemoratur, & in alio loco eorundem Chronicorum idem Miechouiensis, multos Romanos in terram istam propter atrociora bella, Romæ exorta migrasse, seque partim in Prussiam, partim Lituaniam, Liunioniamque & Samogitiam diffusisse. Erasmus verò Stella asserit in hanc regionem gentiles quosdam populos Sargatianos, Gelidanos, Alanos, Venedosque venisse, qui omnes in Vlmigauia, non diu tamen domicilium habuerunt. Sebastianus autem Brand Germanorum chronographiarum scriptor, sic de Prutenis eorumque sedibus inquit: Pruteni proximi sunt Vistulae, siue Vandalo fluuiio, qui Poloniam à Germania determinat, hic fluit ex Silesia, Poloniaque minori & Massouia præterlapsa per Prussiam Gedanum usque decurrit, ibique in salum mare exoneratur.

Ab æquinoctio itaq; Prussiam Saxonia attingit, ab Occidente Pomerania, & mare Balticum siue Germanicum, ab ortu Solis Lituania, à Meridie Poloniae regno, & Massouiae ducatus contermina est, à Septentrione Curlandia, Liunioniaque terminatur. Regio est fertilissima frugum pecorisque abundans, incoluerunt illam, (maximè autem iuxta Vistulam fluuium) Vlmigaii, Alani, Amaxobij, Gothique, ut testis est locupletissimus Ptolemæus. Hæ gentes, in primis immundos spiritus, & prophanas creaturas adorauerunt, usque ad tempora Friderici Cæsaris huius nominis secundi, cuius consensu & approbatione à Teutonici ordinis Crucigeris, qui primò Ma-  
riani

rianivel Pauperiani nuncupabātur perdomiti sunt,  
& ad fidem Christianam conuersi, anno Domini  
1216. de his fufius chronica Pontificum de ordine  
fratrum Teutonicorum eorumq; origine legi pos-  
sunt, poterit insuper Sebastianus Francus in secun-  
da parte Chronographiæ suæ videri.

*PRISCA ANTIQVORVM PRV-  
tenorum religio.*

**A**Nno Domini 503. gentilibus Prutenis, siue Vl-  
migauis rex quidam Bruteno dictus impera-  
uit, qui cū iustos annos ætatis consecutus esset, re-  
gium sceptrum diutius tenere resignauit, quietam  
vitam ducere instituens, quocirca fratrem Veijde-  
nutum successorem sibi in regno elegit, traditoque  
fratri sceptro, ipse Bruteno summus sacerdos gen-  
tili ritu effectus est, nomenque ei dignitatis indi-  
tam fuit, *Kirie Kirieito*, quasi dicas proximus no-  
ster dominus. Huic pontifici suo Pruteni & idol-  
is, præclaram sanè & cum maximo sumptu ha-  
bitationem, sub quercu quadam erexerant, loco-  
que Romanæ à Roma nomen indiderunt. Circa  
hanc quercum octo vlnarum in latitudinem, & al-  
titudinem tela optima sericea extensa fuit, in quam  
habitationem nemo præter patriarcham eorum,  
*Kirie Kirieito* dictum, & præcipuos ministros idol-  
orum munia obeuntes intrare poterat. Si autem  
aliquis inuifendi, honorandi, adorandi vel offeren-  
di gratia ad idola venisset, tunc constituti deorum  
ministri telam, vt idola viderentur, à quercu se-  
moueabant. Quercus hæc tripartita fuit inter cate-

*Ab eodem  
Bruteno  
Prussiæ ap-  
pellat à qui-  
dam antio-  
mant.*

*Kirie Ki-  
rieito nomi-  
na Gracorū  
ex Bithyniæ  
idioma per  
sonant.  
Processus  
religionis  
Prussorum.*



*Perum  
idolum.*

*Patrimpo  
idolum.*

*Tertium  
idolum Pa-  
telo.*

*Wrschayto  
idolum.*

*Schneybra-  
to idolum.  
Gurcho  
idolum.*

ras siluas quercinas delectissima in loco, (vbi nunc oppidum Heyligen beil, id est, sancta securis constructum est,) sita erat, ex vna parte Prutenorum deum qui *Petuno*, id est, fulmen dicebatur, habebat: in huius laudem & honorem ignis ex quercubus construebatur, qui die nocteque perpetuo ardebat & nunquam exinguebatur, quod si negligentia ministrorum ad hoc officium præstandum deputatorum ignem extinguere contingeret, capitali supplicio afficiebantur. Ex altera parte collocatum erat *Patrimpo* idolum, cuius cultus erat in serpente viuo retinendo, qui lacte vt eò commodius viueret alebatur. Tertia ex parte demoniacum idolum *Patelo* nomine, situm fuit, huius honor in retinendo alicuius mortui hominis capite consistebat. Habuerunt præterea alios multos deos quos adorabant, cultuque diuino prosequabantur, semper tamen inter querceta holocausta eis offerre solebant, & quot ferè res habebant, tot præsidēs & deos constituebant. Fuit igitur deus singularis *Wrschayto* gentiliter dictus, quem magno honore venerabantur, & pro lare siue deo domestico super omnia mobilia, iumentaque vtpote, equos, boues, oues, capras, sues, &c. eum præponebant. Alter deus fuit *Schneybrato* dictus, hunc super anseres, gallinas, anates, columbos, pauones, &c. constituebant. Tertium deum domesticum, *Gurcho* dictum habebant, is omnibus esculentis cibarijsque præponebatur.

Præterea tonitruis, lunæ, stellis, serpentibus, bubonibus, & omnibus penè creaturis, diuinum honorem deferrebant. Fuit hic populus quondam barbarus

barus & incultus, nec vllam scripturam nouerat, propterea nec fidem adhibebant, si quispiam diceret hominem, homini per litteras animum & voluntatem aperire posse. Potus illorum aqua melli commixta, & lac equinum erat, libérales valde & hospitales aduenis se exhibebant.

*DIVISIO PRUSSIAE IN DVO-  
decim ducatus.*

**A**NNO diuinæ incarnationis 573. Vedenuto princeps Prussiae, (qui Bruteno fratri voluntarie sceptrum deponenti successit) duodecim filios procreauit, quorum hæc nomina fuere, Saymo, Neydro, Sudo, Slauo, Natango, Barto, Galindo, Varmo, Oggo, Pomedzo, Colmo, & Lituo. Cumq; iam Vedenuto princeps, centesimum decimum sextum annum attigisset, regiones Prussiae inter filios diuisit, Saymonemque natu maiorem summæ rerum præfecit. Atque ita Prussia in duodecim ducatus, secundum filiorum principis Vedenuti, numerum diuisa est, & vnusquisque à suo principe nomen accepit. Quos hic secundum ordinem cum sua dispositione, castrisque & ciuitatibus, annorumq; numero, quâdo videlicet à Crucigeris potissimum erectæ sint, describemus.

*Nomina filiorum Vedenuti.*

*Prussia in duodecim ducatus diuisa.*

*SUDAUIA DVCATVS*

*I.*

**P**RIMUS & præcipuus Prussiae ducatus Sudauia olim erat, qui à Sudauo Vedenuti filio principe, suo nomen sortitus est. Hic ducatus omnes alios &



præstantia, & fertilitate antecellebat: nam quocunque tempore necessitatis, sex millia equitum, & octo millia peditum præstare valebat. In hac regione præcipui nobiles & procures totius Prussiæ præscorum tempore sedes suas habebant, nunc autem paludibus & syluis maximis oblitus scatet, nec ullum vestigium tam insignis & nobilis regionis remanet, præter septem pagos, quos coloni possident, in Luptauensi territorio, tota enim est deuastata à Crucigeris ordinis Teutonici, non aliam ob causam, quam propter inobedientiam & infidelitatem. Distinguit Sudauiam à Sambia regione palus quidam, à ducatu verò Nadrauiensi fluuius LaWo appellatus.

### SAMBIA DVCATVS

#### II.

Sambia nunc Szamland appellata, regio Prussiæ à principe Saymo nomen accepit. Hæc priori cum potentia, tum fertilitate non multum cedere videtur, poterat enim eo illa 4000. equitū & 4000. peditum congregari. A Natangia regione fluuiio Prægel dicto determinatur.

Sequuntur castra & ciuitates ad Sambiensem ducatum pertinentes.

|   |                                       |        |
|---|---------------------------------------|--------|
| Lebenicht   | } vnaquæque earum condita anno Domini | 1256.  |
| Kneypach  |                                       | 1380.  |
| Regiomontum cum castro & antiqua, (vt illi appellant) ciuitate. |                                       | 1260.  |
| Fischusia   |                                       | 1269.  |
| Lechstet  |                                       | 1289.  |
| Mulmelburgia.   | }                                     | 1279.  |
|   |                                       | Girma- |

|             |            |              |
|-------------|------------|--------------|
| Girmania,   | Bobetia,   | Tyremburgia, |
| Rudauia,    | Lubtauia,  | Bonundia,    |
| Neuhusia,   | Schaccia,  | Rositta,     |
| Wargia,     | Chremetia, | Caymen.      |
| Ceilgarbia, | Waldouia.  |              |

His nominibus arces in Sambia olim appellabantur cum suis ciuitatibus, quæ omnes à Crucigeris bene muratæ & fossis cinctæ extiterunt, nunc quædam arces in curias iudiciales redactæ sunt, quarumdam etiam magna pars, humi prostrata iacet.

### NATANGIA DVCATVS.

#### III.

**N**Atangia regio à principe Narango nomen ducit, quæ à Bartia regione flumine, Alla nominato, secernitur, à Pomelania Passaria fluuio, determinatur. Regio est optima, arces & ciuitates plurimas, prout inferius ordine descriptæ sunt, habet.

|                                |  |          |
|--------------------------------|--|----------|
| Waldouia ciuitas <i>We Law</i> | } condite<br>( suntan-<br>( no Do-<br>( mini | 1 2 5 6. |
| Girdauia ciuitas               |  | 1 3 2 6. |
| Cintia oppidum                 |  | 1 3 1 3. |
| Creneburga ciuitas cum arce    |  | 1 2 5 3. |
| Heiligen beil oppidum          |  | 1 3 0 1. |
| Fridlandia ciuitas             |  | 1 3 1 2. |
| Schippenbeilia ciuitas         |  | 1 3 1 9. |
| Brandeburga oppidū cum arce    |  | 1 3 6 2. |
| Balga arx                      | }  | 1 2 3 9. |
| Damnouia ciuitas               |  | 1 4 0 0. |



## NADROVIA PROVINCIA

## IIII.

**R**egio Nadrouia à principe Nadro denominata est, eam à Natangia fluuius Pregiel disternat, è Slauonia Nara amne distinguitur. Hæc maiori ex parte à fratribus ordinis Teutonici, propter infidelitatem incolarum deuastata est, reliquiæ eius & vestigia reperiuntur, casæ & tuguria in quibus piscatores habitant.

## SLAVONIA DVCATVS

## V.

**S**lauonia regio quondam priscorum Prutenorum temporibus, pro ducatu computabatur, à principe Slauo nomine denominationem accepit, ex maiore parte à Lituanis, Crucigerisq; depopulata est, eam à Lituania Memula fluuius disternat. Has infra scriptas munitiones & arces complectitur cum ciuitatibus & oppidis.

|               |   |  |   |       |
|---------------|---|--|---|-------|
| Ragneta       | } | His annis incarnatio-<br>nis diuinæ, à Crucige-<br>ris fratribus constru-<br>ctæ sunt. | } | 1253. |
| Tilla         |   |  |   | 1289. |
| Renum         |   |  |   | 1276. |
| Liccouia.     |   |  |   | 1273. |
| Salauia.      |   |  |   | 1385. |
| Labia         |   |  |   | 1258. |
| Tapia         | { |  | } | 1255. |
| Vintburgia    |   |  |   | 1409. |
| Christouerder |   |  |   | 1253. |

Baytia

|              |   |   |   |    |
|--------------|---|---|---|----|
| Boytia       | I | 3 | 3 | 8. |
| Cestia       | I | 1 | 8 | 5. |
| Norbeitia    | I | 3 | 8 | 1. |
| Vonsdorfa    | I | 3 | 9 | 1. |
| Angerburgia  | I | 4 | 1 | 2. |
| Dringofortia | I | 4 | 0 | 3. |

## BARTONIA DVCATVS. 6.

**B**Artonia à Barto principe nominis etymologiam ducit, cum Lituanis, & Moschouitis terminis disceptat, à Lituania 70. stagnis & solitudine, à Galindia verò flumine quodam finitur, nunc magna ex parte à Lituanis & Crucigeris peruaftata est. Arces has cū oppidis, à Crucigeris correctas complectitur.

|             |  |   |   |   |    |
|-------------|--|---|---|---|----|
| Nordemburga | } His annis hæ munitiones, à Crucigeris erectæ sunt. | I | 5 | 0 | 5. |
| Iohansburga |  | I | 2 | 6 | 8. |
| Gurgburga   |  | I | 2 | 5 | 9. |
| Insterburga |  | I | 3 | 4 | 2. |
| Rihteuerder |  | I | 3 | 9 | 6. |
| Bartouia    |  | I | 3 | 6 | 5. |
| Rhenum      |  | I | 3 | 7 | 5. |

## GALINDIA REGIO. 7.

**H**Æc regio à Galindo principe Galindia nuncupata est, cuius Massouia silua ingens à Meridie fines excipit, quondam tam populosa fuit, vt successu temporis, populus in ea progenitus, locum nō haberet. Vnde præpositi regionis obstetricibus seuerè mandarunt, vt nullam fœminei sexus, post partum prolem, hac luce frui permetterent, quam rem cū minus obseruatam animaduernerent, mamillas fœ-

*Grande fa-  
cinus.*



*Fraus mu-  
lieris.*

*Pruteni in  
Massoniam  
excurrunt.*

*Massonis  
Prutenos  
profligant.*

minis ne amplius prolem educarent, amputarunt, quod facinus mulieribus summae tristitiae, & miseriae causa fuit. Erat autem in illa regione mulier quaedam auctoritate, nomine & potentia clara, quae prophetae habebatur: oracula enim interrogantibus dabat. Huic cum mulieres calamitates suas exposuerunt, propheta illa, miserae sorti foeminae condolens, dolos quibus viros circumueniret, & perpetratum facinus vlcisceretur, expiaretque, indagare, cogitareque coepit, conuocatisque omnibus proceribus, & nobilioribus viris Galindiae, monuit eos, ut Christianis bellum, sine ullo armorum genere (euentus enim rerum praedicere solita erat) quam celerissime inferrent, hanc enim voluntatem deorum esse serio affirmabat: quibus Galindae auditis, sine ulla mora, (certum enim esse credebant,) iuuenes, senesque valida manu inermes in Polonorum, & Massoniorum Christianorum provincias, cum impetu excurrunt, actaque ingenti hominum, & iumentorum praeda, ad sua proficiscuntur. Interim vero captorum Christianorum aliquot aufugiunt, continuoque reliquis Christianis nunciat, quomodo Galindi sine armis, in terram eruperint. Christiani re intellecta bene armati Galindos affecutos, maxima cruentaque strage profligant, praedamque repetunt, bellumque continuantes, fugientes hostes in regionem usque eorum persequuntur, quam armis & igne euertunt, reliquias tam matronarum, ancillarum, & iuuenum, in captiuitatem abducunt. Has ciuitates & munitiones Galindia complectitur.

Ortele.

|                          |                                       |       |
|--------------------------|---------------------------------------|-------|
| Orteleburgum castellum   | } Anni instau-<br>rationis eo-<br>rum | 1266. |
| Rastenburgum oppidum     |                                       | 1329. |
| Neyburgum arx & oppidū   |                                       | 1238. |
| Passenhumia oppidum      |                                       | 1388. |
| Dreschlouia arx & oppidū |                                       | 1338. |
| Lucia castellum          |                                       | 1348. |
| Lucemburgia oppidum      |                                       | 1349. |

## V A R M I A R E G I O 8.

**V** Armia siue Wermelandia regio à Warmo principe, nomen sortita est; à Pomesania prouincia stagno, & flumine Passaria discernitur, à Natangia paruis quibusdam fluuiis, has arces cum ciuitatibus complectitur.

|                          |                                    |       |
|--------------------------|------------------------------------|-------|
| Ressel arx & ciuitas     | } His annis<br>sunt ex-<br>tructa. | 1337. |
| Sreburg arx              |                                    | 1348. |
| Bichoffstein ciuitas     |                                    | 1325. |
| Wartemburga ciuitas      |                                    | 1325. |
| Allenstein arx & ciuitas |                                    | 1367. |
| Melsaria arx & ciuitas   |                                    | 1326. |
| Helsberga arx & ciuitas  |                                    | 1320. |
| Wermeditum arx & ciuitas |                                    | 1316. |
| Gulstadia ciuitas        |                                    | 1326. |

H O G K E R L A N D I A P R O -  
uincia. 9.

**H** Ogkerlandia siue Pomesania, à principis nomine Hogo appellata est, eam à Natangia, Passaria fluuius separat, à Pomesania duo fluuij Melsink & Drasen appellati, hasque arces cum oppidis complectitur.



# 116 R E R V M P O L O N.

|                       |                                |   |          |
|-----------------------|--------------------------------|---|----------|
| Brandenburgum castrum | } His annis ex-<br>tructa sunt | } | 1 2 5 8. |
| & oppidum             |                                |   |          |
| Frauenburgum oppidum  |                                |   | 1 2 7 9. |
| Tolkiemit oppidum     |                                |   | 1 3 6 5. |
| Muratusia castellum   | }                              | } | 1 3 6 5. |
| Scharpouia prædium    |                                |   | 1 4 0 0. |

Elbingense castrum constructum anno 1 2 3 7.  
 Ciuitas verò ipsa Elbinga celebris & populosa em-  
 porio clara instaurata est, anno 1 2 3 9.

## C V L M E N S I S D V C A T V S 10.

**C**ulmia regio Prussia, à Culmo principe deno-  
 minationē trahit. A Polonia & Pomerania Vi-  
 stula fluuiio secernitur, à Pomesania flumine Ossa, à  
 Michlouia verò & Dobrinia territoriis Drebnicz  
 fluuiio, fines suos dirimit, has ciuitates & munitiones  
 habet.

*superiori tempore  
 dictorum Regia  
 nit, nunc Johes Epus  
 um. Lib. 1. de Silesia Pol.*

|  |   |                                    |          |
|--|---|------------------------------------|----------|
| Culmina ciuitas ampla                              | } | }                                  | 1 2 2 3. |
| Wentslauia arx                                     |   |                                    | 1 2 1 5. |
| Aldusia castrum                                    |   |                                    | 1 2 3 8. |
| Grandentz arx & ciuitas                            |   |                                    | 1 2 9 9. |
| Gugeleburga ciuitas                                |   |                                    | 1 2 3 0. |
| Schonse arx cum ciuitate                           |   |                                    | 1 3 0 5. |
| Strasburga arx & ciuitas                           |   | } erecta<br>sunt<br>annis<br>hisce | 1 2 8 5. |
| Bartonia arx                                       |   |                                    | 1 3 4 6. |
| Neumarckt ciuitas                                  |   |                                    | 1 3 2 5. |
| Rogosna arx  |   |                                    | 1 2 9 3. |
| Culmenie ciuitas                                   |   |                                    | 1 2 5 1. |
| Torunia arx cum ciuitate                           |   |                                    | 1 2 3 5. |
| amplissima, emporio cla-<br>ra ad Vistulam condita |   |                                    |          |

Papauia

|                     |  |          |
|---------------------|--|----------|
| Papauia arx         |  | 1 3 7 5. |
| Frideck arx         |  | 1 3 3 1. |
| Lipno arx           |  | 1 3 1 9. |
| Lefna ciuitas       |  | 1 3 2 8. |
| Golba arx & ciuitas |  | 1 3 0 0. |

|                        |                           |          |
|------------------------|---------------------------|----------|
| Luben arx cum ciuitate |                           | 1 2 3 3. |
| Reden ciuitas cū arce  | } hisce annis<br>extucta. | 1 2 3 3. |
| Bergelauia arx         |                           | 1 3 0 5. |
| Lautergurgia arx.      |                           | 1 3 0 1. |

Huius ducatus titulo rex Poloniae utitur.

### POMESANIA PROVINCIA.

Pomesania à Pomesa principe, finitur ab aliis regionibus Vistula, Elbinga, Drusno, Drobnicz, Wessera, multae in ea praeclarae arces & ciuitates, ut sequitur, habentur.

Marienburga ciuitas ampla, anno Domini 1302. extructa est, arx verò anno 1281. à fratribus Teutonicis erecta sub magistro ordinis Hartmāno Comite Heldrouiēsi, natura loci munitissima, valloq; fortissimo & fossa profunda circumducta, muro & propugnaculis, ac cōmeatu copioso, apprimè firmata, regis Poloniae praesidiis tenetur.

|                          |  |          |
|--------------------------|--|----------|
| Neutichia oppidum        |  | 1 3 2 9. |
| Stum arx cum ciuitate    |  | 1 2 4 9. |
| Cristburga arx & ciuitas |  | 1 2 5 8. |
| Preusmarck arx           |  | 1 3 2 9. |
| Salfeld ciuitas          |  | 1 3 2 8. |
| Merinck arx cum ciuitate |  | 1 2 9 0. |
| Holand arx & ciuitas     |  | 1 3 2 9. |



|                             |              |       |
|-----------------------------|--------------|-------|
| Lubstadia ciuitas           |              | 1302. |
| Osterrade arx & ciuitas     |              | 1270. |
| Rosenburga arx cū ciuitate  |              | 1289. |
| Mariēuerder arx cū ciuitate | Hæ ciuita-   | 1311. |
| Garnesia ciuitas            | tes cū suis  | 1328. |
| Germanica Eilouia arx cum   | munitio-     | 1337. |
| ciuitate                    | nibus his    |       |
| Lebmulia ciuitas            | annis ex-    | 1337. |
| Hohenstein ciuitas          | tructę sunt. | 1301. |
| Schonembergia arx           |              | 1319. |
| Rosembergia ciuitas         |              | 1315. |
| Eilemburga ciuitas          |              | 1299. |
| Neumburga ciuitas cū arce   |              | 1289. |
| Salauia ciuitas cum arce.   |              | 1306. |

*MICHLovia PROVINCIA.* 12.

**M**ichlouia admodum angusta terra est, inter Brodnā & Drebnicz fluuios iacet. Huius causa Poloni cum fratribus Teutonicis perpetuas rixas fouebant, nullam arcem præter vnam ciuitatē Strasburgam, & tres munitioues, Berklij, Dornik, & Michlouiam habet.

Pomeraniæ regionem amplissimam, longo tractu mari adiacentem, vnde & nomen habet, in Polonię regionum descriptione, latius indicabimus. De qua multa bella Poloni cum Prutenis gentilibus, & Crucigeris habebant, in hac sita est celeberrima vrbis *Dantiscum*. Gedanum, siue Dantiscum appellata, à mari Germanico vno milliari abest, eam celeberrimus fluuius Vistula præterlabitur, ibidemque amplissimis ostiis in mare exoneratur. Celeberrimū in ea totius Pomeraniæ, & Prusiæ emporium est, regi Poloniæ subiecta, anno Domini 1285. translata.

Pruteni

**P**Ruteni gentiles barbarie indomita rigētes, peruerſi & infideles erant, vanas creaturas quaſlibet pro diis colebant, nec ſe ad fidē Chriſtianam cōuerti patiebantur. Idiomate pprio à Liuonico nō diſſimili utebantur, Poloniſ & Maſſouitiſ tributarij erant, ſed frequenter naſta occasione iugum excutiebāt, ideo multa bella longo tēpore Poloni cum eiſ tenuerūt. Poſtea an. Dom. 1211. Cōraduſ Maſſouiæ princepſ ex regibuſ Polonorū genus ducēſ, à Pruteniſ gentilibuſ ſæpiuſ variis excuſſionibuſ infeſtatuſ, ad imperatorē Fridericuſ huiuſ nominis II. legatuſ deſtinauit, implorāſ auxilia aduerſuſ infideleſ Prutenoſ, qui libenter fratreſ ordinis Teutonici Crucigeroſ à Sarraceniſ tūc tēporiſ Hieroſolyma pulſoſ, in Pruſſiā 20000. miſit, quibuſ princepſ Maſſouiæ Culmeſem terram in primis donauit, cum arce Dobrzeniſi, hac conditione, vt tempore neceſſitatiſ ſubſidiuſ ſibi contra infideleſ Prutenoſ ferrent, Pruſſiamq; ſubiugatā inſimul partirentur. Hīc quædam de origine Crucigerorū Teutonici ordinis ſubiiciemus.

*Crucigeri  
in Pruſſiam  
veniunt.*

### ORIGO ET PRINCIPIVM TEV- tonici ordinis.

**A**Nno Domini 1188. cū Balduinuſ rex Chriſtian⁹ Hieroſolymis regnaret, Sarraceni & barbari ex arce nomine Ptolomaida, Latine Acona, Germanicè Acris dicta, variis excuſſionibuſ ſanctā terram infeſtare ſolebant. Quamobrem rex cōtra barbaroſ Sarracenoſ auxilium petiit à Chriſtianis. Longobardi igitur ſexaginta galeraſ, & in hiſ quinquaginta millia virorū, in ſubſidiuſ miſerunt, cum quibuſ multi homineſ probi piæ peregrinationiſ cauſſa, in terram ſanctam profeſti ſunt. Horum nu-

*Expeditiō  
Chriſtiano-  
rum in ter-  
ram ſanctā.*



merus erat 500. partim ex Saxonia, partim ex aliis  
prouinciis Germaniæ, qui omnes in vnā nauem con-  
gregati, Aconam vsque peruenerunt, vbi per inte-  
grum annum, cum infinita multitudine Christiano-  
rum, Aconam antequam caperetur, oppugnauerūt,  
in oppugnatione multi Christianorum telis barba-  
rorum læsi erant, vnde in morbum inciderunt, pas-  
simque sparsi, cū neminem in terra aliena qui sub-  
leuaret inopiam, haberent, multi fame perierunt. E-  
rant autem ex peregrinis præcipui, octo boni & pij  
viri Teutones, qui cū viderēt Christianos tam mi-  
serè interire, commiseratione ducti curam illorum  
susceperunt, diligentiaque illorum plurimi infirmi  
conualuerunt. Postea xenodochium, siue hospitale  
sub titulo beatæ virginis Mariæ, Aconæ erexerunt,  
primusque xenodochij præfectus, Henricus de Val-  
poth electus est, ex Germania oriundus: hic maximā  
diligentiam, in fouendis infirmis & egenis adhibuit,  
vltimum diem Aconæ peregit, ibidemque sepultus  
est, an. Domini 1190. Postea Balduinus rex, Hieroso-  
lymis templū, & xenodochiū, pro pauperib. & plu-  
ribus nobilibus infirmis, qui in bello Aconiensi læsi  
erant, extruxit, sub titulo beatæ virginis Mariæ.

Tandem anno 1191. Clemens papa huius nominis  
III. hunc ordinem confirmauit, & intitulationem de-  
dit fratribus Teutonicis, xenodochij Hierosolymita-  
ni beatæ virginis Mariæ. Præterea diui Augustini, re-  
gulam illis seruandam imposuit, stemmateque cum  
cruce nigra eos insigniuit.

**P**O S T E A patriarcha Hierosolymitanus singulos  
fratres Teutonici ordinis à pontifice Romano  
confirmatos, alba chlamyde ex vtraq; parte crucem  
nigram

*Hospitale  
beatæ Ma-  
riæ Virginis  
Hierosoly-  
mis.*

nigram habente ornauit, sicque illi habitum suum  
 susceperunt. Fuerunt qui vestiti sunt 24. fratres laici,  
 & 7. sacerdotes. His lorica indutis, gladio accincto, *Habitus*  
 missam celebrare concessum erat; nullus barbâ ton- *Crucigero-*  
 debat, & super saccum stramine impletum, regula *rum Testo-*  
 iubente, dormiebant, sed statim hæc mira quadam *nicorum.*  
 metamorphosi immutata sunt.

SECVNDVS Henrico de Valpoth, primo ma-  
 gistro xenodochij Hierosolymitani, Otto de Kar-  
 pen nobilis Germanus in magisterio successit, anno  
 Domini 1200. sub imperatore Romanorum Philip-  
 po huius nominis II. & Innocentio summo pontifi-  
 ce, hic in humilitate, & cordis simplicitate Deo & fra-  
 tribus seruiuit. Sexto anno officium absoluit; Aco-  
 næque sepultus est.

TERTVS ordinis magister Hermanus Brand  
 Olsacensis, electus est, sub pontifice Innocentio III.  
 & Philippo II. in ordine Germanorum imperato-  
 rum XII. anno 1206. præfuit officio quatuor annis,  
 pauperibus quantum potuit satisfecit, Aconæ sepul-  
 tus est.

QVARTVS Hermanus à Salicen, nobilis Mi-  
 snensis, Otronis, & Friderici secundi, imperatorū In-  
 nocentij III. & Honorij Gregorijque IX. pontificū  
 temporibus, anno Domini 1210. electus est. Hic om-  
 nium præclarissima priuilegia ordini à pontifice, &  
 Friderico secundo, Cæsare consecutus est. Nam cum  
 simulates, & odia inter pontificem Romanum, &  
 Fridericum Cæsarem exortæ essent. Ille huiusmo-  
 di cladem prudētia sua è medio sustulit, sub eo Con-  
 radus Marchio Turingensis habitum suscepit, duo  
 millia nobiles, & auratos equites Germanos in ordi-



*Poloni &  
Maffouia  
Pruffiam  
Crucigeris  
concedunt.*

ne habuit, quos 30. continuis annis rexit, eius temporibus fratribus ordinis à Sarracenis Hierosolyma pulsis, Prussia concessa est, regnum Poloniae, Conradiq; ducis Maffouiae, & imperatoris Friderici II. concessu. Quorum 20000. in Prussiam venerunt, Prussosque Gentiles auxilio Polonorum, ex terra Culmensi eiecerunt.

¶ Q V I N T V S magister Cōradus Turingorum & Catthorum Marchio, sub Cælestino III. pontifice, & Friderico II. imperatore, anno 1240. electus est, habitum Marienburgæ, in Prussia suscepit, cum multis nobilibus adolescentibus, & viris eximiis, ac prudentibus, cum Prussis Gentilibus, multa bella gessit, magnoq; labore fines regionum ordinis dilatauit, & si quæ ruinam minarentur, illas refarciens optimè conseruauit. Postea è viuis excessit, Marienburgæ sepultus.

¶ S E X T V S ordinis magister Poppa ab Osterling, electus est Conradi III. imperatoris, & Innocentij III. pontificis temporibus, anno 1252. Multa præclara bella cum Prutenis, Liunionensibus, & Swantopolo duce Pomeranorum gessit, postea ante Ligniciam ciuitatem cum Conrado Silesiæ duce, sanctæ Heduigis marito, à Tartaris totam ferè Sarmatiam vastantibus, interemptus est, à Christianis verò Vratisslauiam delatus, ibique in Basilica diui Alberti, terræ mandatus est, huius magistri tēpore Regiomontum constructum est.

7 S E P T I M V S magister, Ioannes Sangerhausen-  
sis officium suscepit tēpore Wilhelmi comitis Flandriæ, Romanorum imperatoris, & Alexandri III. pontificis, anno 1263. Infidelium Prutenorum vires  
mirabi-

mirabiliter diminuit, ordoq; eo præfidente, plurimum profecit, Dominicanorum monasterium Torunia fundauit, Brandemburga quoque ciuitas cum arce eiustēporibus ædificata est, anno Domini 1266. Tapia quoq; munitio erecta. Annis 12. præfuit, Treueris sepultus est.

O C T A V V S magister, Hartmannus comes Hel-  
dringensis constituitur, sub Rodolpho XXVII. im-  
peratore, Habsburgēsi comite, & Clemente III. pō-  
tifice, anno Domini 1275. vir pius & industrius exti-  
tit, Nadrauiam, Sudauiamq; regiones Prussia debel-  
lauit, cum cæterisq; finitimis longas acies tenuit. Eo  
præfidente, anno 1279. Mœnia ciuitas ædificata est.  
Anno verò Domini 1281. Mariemburgēse castrum  
erectum est. Venetiis vltimum diem clausit, ibidem-  
que sepultus est.

N O N V S magister Burchardus à Swenden, sub  
Rodolpho Cæsare XXVII. & pontifice Ioanne XXI.  
electus est, anno 1283. eo præfidente fratres ordinis,  
cum Prussis infidelibus bellum acre larga sanguinis  
effusione gesserunt, eosq; in integrum ad obedi-  
tiam compulerunt. Postea 7. annis in officio expletis,  
magistratu se abdicauit, mortuus est Rhodiis, ibidēq;  
ad Basilicam S. Ioannis sepultus.

*Pruteni gē-  
tiles fundi-  
tus debel-  
lantur.*

D E C I M V S magister, Conradus de Feuchtuan-  
gen, munus magisterij suscepit, sub Adolpho XXVIII.  
imperatore, & Nicolao III. pontifice, anno 1290. eo  
præfidente ordo multum profecit, 7. annis fratres in  
officio continuit, Pragæ Bohemiæ metropoli spiri-  
tum exhalauit, Trebniciæq; sepultus est.

V N D E C I M V S magister Gotfridus, comes de O-  
loch electus est, sub Cæsare Adolpho 28. Germano-

8

9

10

11



notum imperatore, & pontifice Cælestino 5. anno Dom. 1297. Hic Venetia cū multis fratribus in Prussiam profectus est. 10. annis officium gessit. Postea comitiis celebratis, magisterium resignauit, in Germaniamq; profectus, è viuis excessit.

- 12 D V O D E C I M V S magister Sofridus de Feucht-  
uangen, anno 1307. creatus est, Alberti imperatoris  
Austriæ ducis, & Clementis pontificis temporibus.  
Hic sedem Venetiis, Prussiæ castrum Mariembur-  
gam transtulit : nam in terra sancta, Venetiis, Nea-  
poli, & in Anglia sedes suas, & præclara ædificia pro-  
pter quasdā similitudines amiserant. Duobus annis of-  
ficio præfuit, Marienburgæ mortuus est.

- 13 D E C I M V S tertius magister, Carolus Treui-  
rensis susceptus est, sub Henrico VII. imperatore, &  
Clemente V. pontifice, anno 1309. erat insignis vir  
prudens, & industrius, anno Domini 1312. eo præsi-  
dente, Memula arx, in Curlandia regione Prussiæ fun-  
data est, ad propulsandos Lituānorum incurfus. Tan-  
dem prædictus magister à pontifice Romam citatus,  
adeò crimen obiectum auxilio Dei diluit, vt in ad-  
uersariorum caput redundaret. Romaq; discedens,  
in itinere, Viennæ morbo oppressus, exspirauit, ibiq;  
tumulatus est. Huius tempore pestis per integrum  
annum tantopere grassauit, vt omnia frumenta pe-  
nuria hominum in agris manerent.

- 14 D E C I M V S quartus, magister Wernerus Vrse-  
lensis, temporibus Cæsaris Ludouici XXXIII. & Ie-  
annis pontificis XXII. suscepit officium suum, anno  
1322. ordini cum summa laude præfuit, citò post in-  
teremptus est à fratre ordinis Ioanne Bunsdorfio, in  
vigilia

vigilia sanctæ Elisabeth, cùm ex vespertinis precibus egrederetur.

DECIMVS quintus, magister Ludolphus dux Tulisurgēsis, siue Brusuicēsis, sub Ludouico XXXIII. Cæsare, & Ioanne pontifice XXII. magistris celsitudinem suscepit, anno 1325. vir pius & sapiens exitit. Fratres ad cultum diuinum summopere compulit, largeque illis omnia ministravit, ideo eos liberalitate obedientes sibi effecit. Iustitiam magnopere administravit.

15

DECIMVS sextus, magister Dietrichus, comes Aldemburgensis, octogenarius iam electus est, temporibus Ludouici XXXIII. imperatoris, & Ioannis XXII. pontificis, anno Domini 1329. eloquentia validus, autoritate grauis, iustitiaque rigidus exitit, gentilibus terrori fuit, templum beatæ Mariæ virginis Marienburgæ extruxit, Toruniæ obiit, translatus Marienburgam, in templo S. Annæ sepultus est.

16

DECIMVS septimus, magister Rodolphus dux Saxonie, Ludouici XXXIII. imperatoris, ac Benedicti XI. pontificis tempore, in officium susceptus est, anno Domini 1339. Hic anno Domini 1341. magnas copias conscripsit, Neumarconiamque oppugnauit. Interim verò Lituani Prussiam inuaserunt, eamque ferè totam igne, & cædibus consumpserunt, multos captiuos abducentes, quæ causa illi tantum mœorem attulisse creditur, ut mente captus ab officioque depositus, præ mœore vitam terminarit, in Marienuerderque ciuitate sepultus est.

17

*Lituani  
Prussiam  
vastant.*

OCTODECIMVS magister Henricus Dusmariensis, Clementis VI. pontificis tempore, officij dignitatem consecutus est, 6. annos in regendo ordine

18.



*Lituanis  
prostratur.*

consumpsit, cum Lituanis & Ruthenis bellum egregium, in die purificationis beatæ Mariæ gessit, auxilioque diuino 10000. inimicorum prostrauit. Euius postea decessit, Marienburgæque humatus est. Hic virginum cœnobium, Lebenich dictum, Regio monti erexit.

19 DECIMVS nonus magister Henricus Kimpradiensis, Carolo Cæsare XXXII. & Clemente VI. imperantibus, ad dignitatē magisterij accessit, an. 1348. Eo præfidente ordo doctis viris abundauit, fratres in timore & amore Dei instruxit, annis 31. officio præfuit, Marienburgæ vitam terminauit, ibidemque sepultus est.

20 VIGESIMVS magister Conradus Zolner, tēporibus Wenceslai XXXIII. imperatoris Romani, & Urbani VI. pontificis ad officium vocatus est, anno Domini 1379. multa egregia bella & facinora contra Gentiles, Lithuanos, & Samogitas temporibus Keystudi, Iagielonis, Vitoldi, & Suidrigelonis ducum Lituaniae gessit. Ordinē in potestate octo annis tenuit, Marienburgæ naturæ debitum persoluit.

21 VIGESIMVS primus Cōradus Valērodenſis, Wenceslai 33. imperatoris, & Bonifacij pontificis tempore magnus magisterij oblatū suscepit, an. 1388. vehemēs, & iracundus extitit, totis viribus bello incumbibat, monachos, sacerdotes, & omnes ecclesiasticos furore percitus, odio persequēbatur, nullumque in hora mortis ad se venire passus est. Anno 1391. fratres ordinis, armata manu, per fluuiū Crononē Lituanis *Nemē* dictū, ad arcem Caunensem, in Lituaniam nauibus, terrāque; peruenerūt, ibique; tres munitiones celerimē erexerūt, Neuuerder, Riteuerder, & Metēburg appella-

appellatas, ex his Crucigeri Lituanis magna damna inferebant, regionem igne & ferro vastando, incolasque occidendo.

VIGESIMVS secundus magister Cōradus Iungingen, ad munus obeundū vocatus est, Wenceslao XXXIII. imperatore, & Bonifacio pōtifice prēsidentibus. Hic propter morū probitatem magnam laudem apud omnes obtinuit, pacisq; obseruantissimus erat, ideo ab ordinis fratribus eum multa pati oportebat. Annis 12. officio præsuit. Postea ex carceribus corporis liberatus Marienburgæ in diuæ Annę templo humatus est.

VIGESIMVS tertius magister Vlricus de Iungingen, Cōradi frater, Ruperto 34. Cæsare, & Gregorio 12. pontifice, munia obeuntibus officiū suscepit. An. 1404. Strenuus & bellicosus vir extitit, regulas ordinis non admodū obseruauit, cōsanguineos odio persequabatur, illorumque arces partim eripuit, partim destruxit. Cū Lituanis & Polonis plurima bella gessit, hunc postea Iagiello rex Poloniæ & Lituaniæ magnus dux Vitoldus, cruento prælio profligauit, vbi & ipse cum plurimis cōmendatoribus quorū 200. recē-

*Crucigeri  
profligantur.*

VIGESIMVS quartus magister Henricus comes Plauensis, sub Sigismūdo XXXV. imperatore, & Ioanne XXIII. pontifice electus est. Hic volebat vlcisci iniuriam, quæ à Polonis Crucigeris illata erat, sed antequam quicquam inciperet, ab officio deiectus est,



et Engelsburgæ in carceres coniectus, deinde ad Leksteg missus, vbi septimo anno in vinculis peracto, fatis concessit. sepultus Marienburgæ.

25

*Poloni cum  
Lituanis  
Prusiam  
vastant.*

VIGESIMVS quintus Michael Sterbergenfis, imperatoriæ culinæ magister, Sigismundo XXXV. sceptrum tenente, & Ioanne XXIII. Romano pontifice, ordini præpositus est, anno Domini 1410. Primo anno cùm suscepisset officium Iagielo rex Polonia, & Vitoldus dux Lituanie, Osterrodam Hellsburgensemq; episcopatum, Resenburgam, Elbingam, & Christburgam ciuitates, depopulati sunt. Argentoratum obsederunt, retamen infecta discesserunt, nouem annis ordinis curam gessit, postea vt deponeretur, precibus obtinuit, Gedani vitâ finiuit, Marienburgæ verò sepultus est.

26

*Ad Polonos  
Pruteni de-  
ficiunt Cru-  
cigeros sper-  
nantes.*

VIGESIMVS sextus Paulus Rudolfsiensis, Sigismundi XXXV. imperatoris, & Martini pontificis tempore, magisterij celsitudinem consecutus est, anno Domini 1419. Huius tempore prouinciæ & ciuitates Prusiæ ad regem Polonia Casimirum defecerunt, & iugum Crucigerorum excusserunt, officium nouem annis hic magister retinuit, mortuus tandem Marienburgæque sepultus.

27

VIGESIMVS septimus Conradus Erlihufius, Alberti XXXIX. Romani imperatoris tempore officium suscepit, anno 1438. Hic à bello quoad vixit abstinuit, nimio dolore ob fratrum peruersitatem cōsumptus est, Marienburgæ mortuus ibidemque sepultus.

'28

*Pruteni  
Crucigero-*

VIGESIMVS octauus Ludouicus Herlihufius sub Cæsare Friderico huius nominis III. fratres regere cœpit anno 1450. Huius tempore Prussia ab ordine descendi-

desciuit, ad regemque Poloniae Casimirum maior pars eorum defecit. Milites quoque ordinis praesidia-  
 rij, Marienburgam regi anno Domini 1457. pro sum-  
 ma 476000. florenorum vendiderunt, cum aliis ca-  
 stris & ciuitatibus. Postea rex Poloniae capta arce  
 Chojnicze, pacem cum Crucigeris iniit, atq; ab hoc  
 tempore Pomerania regno Poloniae adiuncta est,  
 pro qua Poloni 150. annis perpetuo cum Crucige-  
 ris belligerabant.

*rum iugum  
 excutiant.  
 Marienburga  
 ceditur.  
 Pomerania  
 Polonia ad-  
 iungitur.*

VIGESIMVS nonus Henricus Rheus, comes Pla-  
 uensis, dignitatem magisterij assecutus est, sub Fride-  
 rico huius nominis III. imperatore, anno Domini  
 1467. Vndecim hebdomadis officio praefuit, Regio-  
 monti in cathedrali ecclesia terrae mandatus est.

29

TRIGESIMVS magister Henricus comes Rih-  
 terbergensis, anno 1470. officium suscepit, praesi-  
 dentibus Friderico III. imperatore, & Sixto ponti-  
 fice huius nominis IIII. Fuit vir rigidus, furibundus-  
 que, Theodorum episcopum Prussiae captum, in vin-  
 culis fame peremit. Ordini annis 7. praefuit, Regio-  
 monti sepultus est, huius tempore bellum sacerdo-

30

*Bellum sacerdotum.*

TRIGESIMVS primus Martinus Truchses Wec-  
 zhausensis, sub Friderico III. imperatore, & Sixto IIII.  
 pontifice ordini praefectus est, 12. annis praefuit, Ca-  
 simiro regi Poloniae obedientiam praestitit, Regio-  
 monti mortuus, ibidemque sepultus est.

31

TRIGESIMVS secundus magister Ioannes de Tie-  
 fen ex Heluetia, celebri familia oriundus, Maximili-  
 ano sceptrum tenente, & Iulio pontifice praesiden-  
 te, ordinem in tutelam suscepit, anno 1489. Eodem  
 anno Polonia regi iuramentum praestitit. Postea ei-

32



dem regi Ioanni Alberto, auxilium contra Valachos ferens, cum exercitu profligatus, ipseque peremptus est, Regiomontum delatus, ibidem terræ mādatur.

33

TRIGESIMVS tertius Fridericus dux Saxoniae, Turingorum, & Hermandurorum Marchio, Maximiliani imperatoris, & Iulij pontificis temporibus, anno Domini 1498. In festo diui Michaelis Regiomonti magistratum suscepit. Nunquam regi Poloniae iuramento se obstringere voluit, qua de causa à Polonis sæpius infestatus, in patriam suā Hermanduriā profectus, vbi 12. annis extra ordinis fines exactis mortuus est. Huius tempore Ioannes Albertus rex Poloniae è viuis decessit, cui in regno Alexander frater germanus successit.

34

TRIGESIMVS quartus, Albertus Marchio Brandenburgensis, Casimiri regis Poloniae nepos, Maximiliani Cæsaris, & Iulij pontificis temporibus ordini solenniter cum ingenti pompa Regiomonti praefectus est, anno Domini 1512. Sigismundo regi Poloniae auunculo suo iuramentum praestare noluit, sed arces necessariis omnibus muniuit, vt se contra Polonorum incursum defenderet, magnum & diuturnum bellum cum rege Poloniae habuit, in quo ex utraq; parte multi ceciderunt, eam ob causam, quod iuramento se obstringere regi noluisse.

### GESTA HVIVS MAGISTRI

*tempore praecipua.*

**A**Nno Domini 1519. in autumnno, inter Sigismundum regem Poloniae, & magistrum Prussiae Albertum Marchionem, bellum ortum est anno 1520. Albertus Marchio, die festo Circumcisionis Christi,

Christi, Branſbergā inopinatè occupauit. Eodem anno, Mielzak, Milimlijn, regi traditæ ſunt cū aliis plurimis ciuitatibus, caſtrisq; Quadrageſimali tempore menſe Aprili copiæ regis Oland, ciuitatem & arcem ſub magiſtro ceperunt, eodem anno Brandembur-ga arx & ciuitas à Polonis capta & depopulata eſt.

Anno Domini 1520. Wolfgangus dux Schonem-burgenſis cum exercitu ordinis decem millibus peditum, & 4000. equitum cōiungens, Gedanum oppugnauit, ex epiſcopi quæ monte, (vt vulgò vocant,) ciuitati imminenti 4000. globos tormentorum bellicorum, in ciuitatem fruſtra tamen exonerauit, nulum enim hominem læſit, ſibi verò ingēs damnum in tormentis, & globulis intulit: nam ex muro ciuitatis tormentum vnū præſtantiffimum in mille fruſta concuſſum eſt, & ſi aliquis ex exercitu ſe oftenderet, in hunc quatuor vel quinque tormenta ex turribus ciuitatis exonerabantur, tantaque miſeria & penuria omnium Crucigerorum milites afflicti erant, vt multis ſuorum deſideratis, quibuſdam captis, fuga ſibi ab obſidione conſulere cogerentur. Interea verò Polonia rex, in ſubſidium Gedanenſibus 12000. equitum electorum miſit, qui milites Crucigerorum à Gedani obſidione diſcedentes, inſecuti ſunt, plurimosque ex eis trucidauerunt, quosdam captiuos abduxerunt, multi etiā à Caſſubiis & Pome-ranis ingulati ſunt. Poſtea regius exercitus Dirſcho-uiam & Stargerdu arcem occupauit, Choijnicz quoque arx cum ciuitate capta eſt, poſtea cæteræ ciuitates & arces vltro ſe regi Poloniæ obtulerunt, & milites ordinis vnà cum Crucigeris ex Pruſſia ſunt eiecti.

*Crucigeri à  
Gedano ſu-  
gantur.*

*Crucigeri  
ex Pruſſia  
eiiciuntur.*



*Magister  
Prussia iu-  
rumentum  
regi prastat.*

Anno Domini 1525. die octaua Aprilis, Prussia quam primùm religiosi Crucigeri videlicet tenuerunt, in mundanam politiam & principatum secularem cessit. Albertus enim Marchio Brandeburgensis in ordine 34. & vltimus magister Crucigerorum, bellicum rege Poloniae pertæsus, difficileque contra stimulum calcitrare vidēs, regem sibi per internuncios fratres & affines suos reconciliauit, Cracouiamque veniens iuramentum solenniter regi Poloniae Sigismundo, in maiestate regia ad id fabricata, in medio foro Cracouienſi ſedenti, regalibusque induto præstitit, multis principibus. Ibi que prædictum Albertum Marchionem Brandenburgensem, post iuramentum solenniter præstitum, Sigismundus rex, principem sæcularem, equitemque vt vocant auratum creauit. Terrasque omnes Prussiae certis sub conditionibus, eidem vt feudali, clienti que, & subdito suo concessit, vexillumque illi suum sub insigniis Polonicis dedit. Atque hic finem ordo ille vt vocant Teutonicorum Crucigerorum, in Prussia anno Domini 1526. Alberto Prussiae duci, soror regis Danie, in matrimonium data est, ex qua suscepit filiū, Albertum Fridericum modernum ducem Prussiae, qui etiā post mortem patris, regi Poloniae iuramentum, homagiumque solenniter præstitit, nunc quo ordine & quibus ceremoniis hoc iuramentum præstitum sit, quoniam ipse præsens rerū spectator fui, breuiter dicam.

Anno Domini 1569. mense Iulio in comitiis regni generalibus, Lublini celebratis, Albertus Fridericus Marchio Brandenburgensis, Alberti ducis Prussiae prædicti filius, patri in principatu succedens, iuramentum regi Poloniae præstitit, hoc modo. Decima

nona

nona die Iulij, amplissimum suggestum (siue maiestas vt dicitur regia) tectum, sericeis & stragulis tapetisq̃ue pretiosis, in suburbio Lublinensi sumptuose erigitur, vbirex sessurus esset. Concurfus fit ad forum immensæ hominum multitudinis, opplentur viæ omnesq̃ue plateæ, quacunque incessus erat, satagit pro se quisque vel ornatus splendido vestitu, vel armis instructus apparere. Interim maiestas regia ex arce in thronum proficiscitur, cingitur ingenti & splendida senatorum procerumq̃ue vniuersi regni corona, præcedentibus principibus viris, ac omnis ordinis consiliariis, & aulicis. Vexillumq̃ue pulcerrimum & amplissimum album, nouo duci, de more, cum insigniis donandum, Erasmus Debinski, cancellarij regni filius, præferebat: postea rex in domum quandam suggesto oppositam diuertitur, ibiq̃ue ornatu regali induitur, Sandalis videlicet aureis, alba Dalmatica, & chlamyde, siue piuiali ex panno aureo confecta, & corona regia aurea, gemmis lapidibusq̃; pretiosis concinnè affabreque ornata, chirothecas quoque annulis gemmisque ornatas manibus imposuit. Induta maiestas regia ornamentis regalibus, de modo illa in suggestum procedit media, inter reuerendissimos dominum Iacobum Vchanski archiepiscopum Gnesnensem primatem regni, ac dominum Padnievski episcopum Cracouiensem, præcedentibus & subsequētib; contiguè primariis dominis, consiliariis, spiritualibusque; gladium euaginatum ancipitè dominus Andreas Zborowski gladiator (vt dicitur) regni, præferebat; pomum aureum cruce insignitum Petrus Zborowski Palatinus Sandomiriensis portabat; sceptrum Stanislaus Mysko-

*Mos hominū  
giorū regni  
Polon.*

*Vestitus sen-  
lennis regia  
Polon.*



Wski, Palatinus Cracouiensis anteferebat. Cùm itaque sacra regia maiestas in folio sedit, quatuor Germani proceres Prussiae, nomine ducis sui, supplices venerunt, & genibus flexis vnus eorum orationem facundo lepôre, ad S.R.M. recitauit: Oratione finita, regia maiestas quatuor cōsiliarios suos cum illis quatuor Germanis ad ducem Prussiae accersendum misit. Veniens itaque illustrissimus princeps Albertus Fridericus, disertissima facundia, orationem fecit ad S.R.M. singularem fidem, supplicitatē & subiectionem testantem. Responsum est postea ipsi principi consiliariisq̃ue eius Latinis verbis, nomine regis, lacram R.M. tam ipsum principem, quàm omnes subditos, & optimates eius, omni fauore & gratia complecti, defendereq̃ue velle. His finitis accessit princeps ad soliū, & pedes regio genu flexus cum summa reuerentia accepit, accepitq̃; de sacra regia maiestate manibus, vexillum album insignitum Aquila nigra, cum literis S.&A. colligatis in pectore, cum institutione ore regio facta his verbis: Nos Sigismundus Augustus Rex, annuentes vestris & vestrorum subditorum precibus, tradimus & concedimus illustritati tuae, prout parenti tuo illustrissimo tradideramus, in feudum terras, ciuitates, oppida, & arces in Prussia, & ad eas illustritatem tuam inuestimus, per huius vexilli traditionē, ac instituimus gratia & benignitate nostra, qua illustritatem tuā vti nepotem nostrum carissimum complectimur, speramusq̃ue, quòd eius beneficentiae nostrae, & memor, & grata, fidelisq̃ue illustritas tua sit futura. Deinde princeps Prussiae caudam vexilli tenens, super libro Euangeliorum in hæc verba iuramentum præstitit.

*Verba regis  
ad ducem  
Prussia.*

Ego

Ego Albertus Fridericus, Marchio Brandenburgensis in Prussia, Stetinenſis, Pomerania, Sclauorum, Caſſubiorum dux, princeps Rugiæ, & Burggrauius Norimburgenſis, promitto, & iuro, quod ſereniſſimo principi ac Domino, Domino Sigismundo Auguſto Regi Polonia inuiſtiſſimo, Magno duci Lituania, Ruſſiæque ac omnium terrarum Prusiæ domino & hæredi, ſicut meo naturali hæreditarioque domino, & eius ſacræ maiestatis hæredibus, & ſucceſſoribus regibus, & regno Polonia ero fidelis & obſequens, eiufque maiestatis ac hæredum & totius regni Polonia bonum procurabo, & damnum præcauebo, ac omne id faciam, quod ad fidelem vaſſallū feudalemque pertinet, ita me Deus adiuuet, & hoc ſanctum Dei Euangelium. Accepto huiusmodi iuramento maiestas regia, gladium ancipitem, à gladiatore regni, domino Andrea Zborowski accepit, nouumque; ducem ter præcinxit, inclinatum de more dicens: Accingere gladio tuo ſuper femur tuum, potentiffime. Poſtea ei torquem auream, regio munere non indignam impoſuit. Mox omnis ordinis nobiles, qui ad equeſtre munus contendebant (in quorum ego numero, eodem more præcinctus fui) præcincti ſunt. Quibus omnibus ex ordine ſolenniter peractis, ac depositis regalibus indumentis, cum toto illo comitatu, duceque; Prusiæ cum ſuis præcedente, in arcem rediit.

Hæc autem Prusiæ regio, plerisque ſinuofis flexibus eſt ubique; amœna, & opportunis portibus maris Baltici, maximè commoda, vrbiū illuſtrium, oppidorum, arciumque frequentia & opimis incolarum diuitiis, opibusque ac terræ vbertate, ſupra

*Commodatio  
Prusiæ.*



modum claret. Pecoris omnigeni inæstimabili copia, piscationibus, venationibusq; , & siluis fructuosissimis, aërisque temperie, cum amœnitate coniuncta prædita est, & postquã fidem Christianam Prussia suscepit, 72. arces præcipuas & 62. ciuitates principales habuit, à Crucigeris domus Teutonicæ erectas, quarum numerus nunc temporis successu, plurimum creuit; multæ enim & frequentes ciuitates ac oppida, munitionesque, tam à Polonis, quàm Crucigeris vario Marte vtrinque decertantibus extructæ sunt. Longitudo eius ex Aquilone in Austrum, à Toruniavrbē confini Massouix vsque ad Memulam castrum cum oppido, quinquaginta octo miliaribus extēditur. In latitudinem verò quinquaginta miliaribus, Lituanos & Massouitas contingens patet.

*Ciuitates in  
Prussia.*

*Flumina  
Prussia.*

Flumina præcipua & principalia, in Prussia duodecim reperiuntur, Istula siue Vistula, quæ Silesiam, Poloniam, Massouiam, & Prussiam præterlabitur, similiter Cronon siue Nemen ex Lituania decurrens, Nogat, Elbinga, Wesera, Passaria, Alla, Prægel, Ossa, Drebnicz, Lica, Lauia. Extant quoque alia plura flumina omni genere piscium abundantia, minus tamen hominibus præcipuè externis cognita. Lacubus plurimis aliquando septem miliaribus Polonicis patentibus, piscibusque omnis generis exundantibus vndique scatet. Gummi quoq; genus lucidissimum, quod succinum siue *Glessum* vulgariter *Burstin* vocatur, in littore maris Baltici copiosè colligitur. Cùm autem Prussia vt copiosè superius descripsimus, Barbarorum colonia antiquitus fuerit, Polonorum ac Teutonicorum armis subactam, sacrisque initiatam se agnoscit, qui in eam colonias suas barbaris, penitus ferè

ferè extirpatis deduxerunt, nuncque tam Polonis, quàm Germanis equitibus, pariter ciuibus, agricolisque frequens est. Barbarorum tamen reliquiæ, ad Curlandicum lacum hucusque supersunt, qui, cum Liuonibus & Lituanis vicinis, idiomate, moribus, habituque concordant. Porro nulla in vniuerso Poloniae regis dominio, regio reperitur, quæ tam frequentibus ciuitatibus, arcibus, & oppidis, vt Prussia abundet.

Hæc autem Prussia regio amplissima, omniumque fructuum tam ex terra, quàm aqua nascentium abundantissima, duplex est, Ducalis & Regalis: nam *Prussia ducalis.* Dux gratia regis Poloniae, in suis ciuitatibus & arcibus integrè rerum potitur, vt vassallus & feudalus, ac beneficiarius regni. Regio montique, quæ est ciuitas *Regiomontana.* maritima, sedem suam habet, in qua est collegiũ communis studij, ab Alberto prefato primo, ex magistro duce creato fundatum. Est autem Regius mons emporio clara, ad eam enim merces ex Septentrionis regionibus copiosè apportatur, in hanc sedem suam magistri transtulerunt Mariemburga nobilissima, *Mariemburga.* eaque munitissima arce, ac totius Prussiae propugnaculo, quæ cum se expugnari non pateretur, Casimiro regi Poloniae, vt diximus, pro certa stipendiorum militibus ordinis persolutione, dedita est, in ea assidue milites praesidiarij à rege Poloniae asseruantur, victu & omnibus ad bellum necessariis tam apprimè prouisa, vt sex annorum obsidionem sustinere possit. Est enim regalis Prussia, (id est, illarum arcium & ciuitatum, quas rex electas extra ducem, armis maiorum suorum, acquisitas possider,) caput & metropolis à Gedano septem milliaribus distat. Plurimas nobiles



ciuitates & arces , quas superius enumerauimus , Prussia complectitur.

*Episcopatus  
Prussia.*

Episcopatus verò quatuor Catholicos, postquam fidem Christianam suscepit, Prussia habebat. Warmiensem, Culmensem, Sambiensem, & Pomesaniensem, nunc Sambienſis Warmiēſi, Pomesanienſis autem Culmeni adiuncti. Warmiensem episcopatum, qui est præcipuus reuerendiſſimus dominus Stanislaus Hoſius Polonus, sacrae Romanæ ecclesiæ cardinalis digniſſimus, ſingulari pietate, & vitæ ſanctitate, ac doctrina cæleſti & ſcriptis diuinis corruſcans adminiſtrat, qui malleus hæreticorum indefeſſus, & catholicae ecclesiæ propugnator ſtrenuus, iure cēſenduseſt. Culmensem episcopatum, reuerendiſſimus dominus N. Coſtca virtutum & doctrinae ſpeculum inſigne. Nunc de Pomerania regione ampliſſima dicendum nobis occurrit, quæ etiam Polonorum armis antiquitus, perdomita imperio paret: nam Boleſſaus rex bellicoſiſſimus anno Domini 1003. Ruſſiæ principibus debellatis, ſtrenuoque Marte contuſis, perpetuum victoriæ monimentum Herculeū imitatus opus, tres ferreas columnas in Boryſthene fluuiο collocauit. Deinde anno Domini 1008. Saxonibus bellum intulit, & omnem illorum regionem, circa Oderam, ad Albim, & Salam fluuios, cherſoneſumque Cimbricam, quæ hodie Dania appellatur, ſumma belli dexteritate ditioni ſuæ ſubiugauit. Vrbes earum regionum maximas, partim ſolo æquauit, partim ſuis Polonis muniuit, gentemque vniuerſam Pomeranorum, barbaram & incultam, ad fidem Chriſtianam ſuſcipiendam, armis coëgit, & vt ſempiterna memoria victoriæ feliciſſimæ

*Gades Bo-  
leſſai.*

cissimæ apud posteros extaret, in Albi, & Sala, Ossaq; fluuiis, columnas æreas inclitus triumphator locauit, totam Prussiam ac Pomeraniam Christianis infestissimas, perdomuit.

### DVCATVS POMERANIÆ.

Pomerania regio amplissima, ab Holsatia ad Liouoniam vsque, longo tractu, iuxta mare Germanicum extenditur, vnde & nomen habet. *Pomorze* enim Slauis mari adiacentem regionem significat. In hac regione natio Slauonica, antiquitus confederat, sed nunc Germani magna ex parte eam incolūt. Has præcipuas ciuitates à mari procul sitas complectitur, Stetiniam, vnde ducatus Stetinēsis dicitur, Neugardiam, Lemburgam, Stargardiam, Bergradum, Camenetiam, Publinam, Grisenborgam, & alias cōplures. Quæ verò mari impendūt Colberg, Camin, Cossin, Gribswald, Sund, Puczka, Reuecol, Louëburg, Hechel, &c. Iulinum in hac regione vrbs erat celeberrima, nunc ruinis deformis iacet, pro hac regione Polonicum Prutenis Gentilibus, & Crucigeris longo tempore acriter decertabant, nunc titulo eius rex Poloniae, qui in ea maiori ex parte rerū potitur, duxque Prussiae feudalīs regis Poloniae vtuntur.

*Iulinum.*

G E D A N V M, siue Dantiscum huius regionis metropolis, vrbs amplissima, & insignis à mari Germanico vno milliari abest, eam celeberrimus fluuius Vistula præterlabitur, ibidemque amplissimis ostiis in mare exoneratur, in ea totius Pomeraniæ & Prussiae celeberrimū emporium est: ex vltamarinis enim regionibus longinquis, Anglia, Britannia, Scotia, Gallia, Hispania, Suetia, Dania, & Noruegia, naues




adeam appellunt. Ex Lituania quoque Russia, Volinia, Poloniaq; variæ merces, fluuiis nauigabilibus in eam deferuntur, præcipuè verò siliginis, & frumenti, ingens copia ex supra nominatis regionibus aduehitur. Regi Poloniæ subiecta est, castellanumq; à rege præfectum habet. Ex mari in urbem perducta est fossa, qua naues maximæ intra mœnia veniunt. Burgrabius cum proconsulibus, & consulibus, regio nomine, ciuitatē administrant. Ciues omnes ferè Germani sunt, mercatoresque ditissimi, ita vt Gedanum ædificiorum pulcerrima dispositione, commerciorum varietate, maris, Vistulæque opportunitate, incolarum, & externorum incredibili multitudine, ciuium diuitiis, & instrumētorum bellicorum, ad hostes propulsandos, ac machinarum ænearum numero, cum præcipuis Europę urbibus, meo iudicio conferenda sit. Prætorium maximo sumptu eoque regio exædificatum cum superba turri, adesque sacre, cum priuatis ingentiauri pondere, artificiosè erecte, Geldaque publicum vrbis palatium, ac horologium diuinis ferè manibus elaboratum, cuius cāpanę mirabilem quendam & suauissimum concentū edunt, secundum artificis voluntatem, & temporis conuenientiam, in admirabilem omnium gentium aduenas attrahentes. Propugnaculum munitissimum in ipso maris portu extructum, frequentibus directis machinis armatis militibus custoditur.

Vexillum totius Pomeraniæ aquilam nigram in collo coronatam, gladium euaginatam manu humana tenentem, pro stemmate in campo aureo gestat similem Prussiæ, quam in eius principio expressimus.

ELBIN-

ELBINGA ciuitas insignis ad ostia Albis fluij, in littore maris magnificentissimè, & sumptuosè exstructa, splendidis ciuium opibus, & mercatorum diuitum frequentia claram, spectabilemque se reddit. Eius titulo rex Poloniae scribens, se dominum terrae Elbingensis maximè in priuilegiis vtitur. Districtum enim amplissimum circumiacentem habet. Atque hæc de Prussia breuiter dicta sufficiant.



LIVONIÆ TOTIVS  
CVM SVIS PROVINCIIS, CIVI-  
TATIBVS, CASTRIS, ET COMMEN-  
daturis, siue Palatinatibus, &c. suc-  
cincta descriptio.

*Addita est quoque brevis narratio, quomodo hac regio in ius inuictissimi regis Poloniae Sigismundi Augusti, Magni Ducis Lituaniae cesserit, & quo pacto à Moschorum principe & Suetiae rege diminuta fuerit.*



**L**IVONIA siue Lieflandia, regio amplissima, ab Oriēte, Russiæ, Moschorum principi subiectæ, contigua est, Neruaq; fluuius nauigabilis, (in cuius vtraq; ripa, duæ arces eiusdē nominis, vni Liuonienſium, altera Moschorum sibi ex aduerso sitæ sunt,) imperium Moschouiticum, à Liuonienſi dislimitabat. Sed moder-



*Fines Lino-  
nia.*

nus Moschorū monarcha Ioannes Basiliades, Derpe insigni vrbe episcopali, cum sibi adiacente prouincia occupata, vltius fines suos (prout inferius dicitur) promouit. A Septentrione cū Suetiæ regno, & Phinlandiæ ducatu fines suos, sinu maris Baltici disternat: ab Occidente mari Balteo (quod Germanicum & Prutenicum appellatur) contermina est: à Meridie Samogitiæ & Lituaniæ, non nihilque in Occidentem vergens, Prussiæ adhæret. Nonaginta milliari- bus Germanicis in longitudinem, & quinquaginta in latitudinem, cum sinu maris Baltici adiacenti extenditur. Sed nunc bellis sæuientibus, pluribus in locis vastata, & diminuta est. Continet autem in se plu- rima territoria, quæ pro ducatus computari pos- sunt, horum singula cum suis ciuitatibus & castris succinctè describere curabo. Sed primò quomodo & quando regionis incolæ nomina Christo dederint, paucis aperiam.

Totum penè orbem terrarum, post maximum illud vniuersæ terræ diluuium, fallacium dæmonum fraude seductum, veram vnius Dei religionem, im- pio multorum & falsorum deorum cultu, vanaque superstitione commutasse constat. Quidam enim mortuos homines, propter merita beneficia & egre- giagesta, cultu diuino venerabantur: alij malignos dæmones, euentitis miraculis, & prodigiis homi- num oculis sese insinuante, adorabant: denique be- luis atque serpentibus & sculptis, pictisque arte hu- mana simulacris, gloriam veri Dei exhibebant, do- nec Iesu Christi, veri Dei hominisque benignitas, & Euangelij eius claritas, post multa secula, quasi lux clarissima, mundo cælitus affulgens, has terras terri- bilesque

lesque tenebras discussit. Sed regiones septentrionales, & omnes gentes ad Aquilonem vergentes, Christianæ religionis ignaræ, vano idolorum cultui diutius subiugatæ fuerunt: difficilis enim ad eos externis gentibus erat aditus, propter efferam barbariem, & crudelitatem populi. Romani etiam & Græci, qui primò fidem Christianam amplexi sunt, septentrionalium plagarum minus exactam notitiam habebant: vnde factum est, vt Liuania cum cæteris, ad Aquilonem vergentibus regionibus, nouissimè omnium, sacro baptismi fonte lauata fuerit. Deum, Friderici primi ex ducibus Germaniæ, Romanorum imperatoris temporibus, mercatores rem familiarem ex Germania, per mare Balticum in Liuoniam appulerunt, & gentis barbaræ simplicissimæque animos ob mutua mercimonia commutanda pellexerunt. Erat autem hic populus miræ simplicitatis, opumque parandarum & rei familiaris iusto negligentior: melle enim expresso (quo maximè regio abundat) ceram velut alias quisquilias, & purgamenta domibus euerrebāt. Postea succedente questu, & mercatoribus occidentalibus, eò loci còfluentibus, sacerdotes paulatim se illis immiscere, adiungereque, pie peregrinationis causa, cœperunt, vt mercatoribus, videlicet thesauros Liuonum acquirentibus, ipsi animas gentis Christo, per verbum Euangelij salutiferum lucrifacerent. Erat igitur ea tempestate, vir quidam Meinhardus nomine in Lubeca, ciuitate celeberrima, pietate & sanctimonia vitæ insignis, hic vnà cum mercatoribus consensa naui in Liuoniam, anno partæ per Christum salutis, millesimo ducentesimo traiecit, & còspiciens in tam insigni

*Fridericus  
Imperator.*

*Germani in  
Liuiam  
veniunt.*

*Meinhardus  
prius vir,  
primus in  
Liuiam  
venit.*



& præmatura melle, nullos operarios extare, continuo ibi vnus famuli conuictu contentus, etatē trāſigere conſtituit; caſamque ſibi ex arbuſtis propter imbres arcendos conſtruxit. Paulatim deinde hominum familiaritatem captare, & tædio ſuperato, habitam mutui conuictus, & contractæ notitiæ cum incolis regionis opportunitate, religionibus & rerū diuinarū eos admonere cœpit, ſenſimq; à vano idolorum cultu, ad Chriſtianæ fidei obſeruantiam adducere, auſpicanteq; Deo, & pium viri religioſi conatum ſecundante, complures incolarum in agnitam veritatis doctrinam conceſſerunt, quorum creſcēte numero, multorumq; animis (vt fit) rei nouæ & inuſitatæ religionis ſtudio, flagrātib; Baſilica inſtauratur. Nec multò poſt, Meinhardus à Bremēſi archiepiſcopo, in Liuoniæ epiſcopum conſecratur, qui in melle Chriſti ſtrenui operarij munus adimplēs, rem Chriſtianam multū adauxit, & magnam gentis partem ad Chriſtum conuertit, poſtea vitam cum morte feliciter commutauit. Huic ex vita decedenti Bertholdus Ciſterciienſium abbas ſucceſſit, qui contra irruentes hoſtes fidei Chriſtianæ, vnà cum peregrinis militibus, qui pietatis ergo ad militiam Chriſto exercendam, ex Germania cōfluxerant, pugnare inſtituit. Vbi verò ad pugnam ventum eſt, equo infreni in mediam Barbarorum aciem proiectus, conſoditur. Tandem creſcente multorum pietate, plurimi ſacræ ſe militiæ deuouerunt, ordinisq; fratrum Teutonicorū habitu ſuſcepto, enſiferos fratres ſeſe nuncupauerunt. Sed cū rebus gerendis ſuperēſſe non poſſent, hoſtiumq; barbarorum vis vndiquaque inualeſceret, Teutonicorum fratrum ordini, in Pruſſia ſe con-

*Meinhardus  
Linones  
in fide Chri-  
ſti inſtruit.  
Meinhardus  
epiſcopus  
creatur  
Liunia pri-  
mus.*

*Bertoldus  
epiſcopus  
occiditur.*

se coniunxerunt. Cùm enim audiuisent, quòd ordo Teutonicus Cruciferorum, in tota Germania proficeret, Volquinus præpositus eorum à quinto in ordine, magistro Prussiae Conrado olim comite Turingensi, in ordinem Teutonicum susceptus est, anno Domini 1234. suffragiisq; eiusdem magistri Prussiae Conradi, Gregorius summus pontifex Romanus huius nominis nonus, iussit vbique, & præcipuè apud infideles Prutenos, Liuonesque proclamari, quòd ordo fratrum à gladio in Liuania (qui nondum confirmatus erat) Teutonico ordini in Prussia vnitus, incorporatus adscriptusque esset. Susceperunt itaque fratres à gladio Liuonienses, crucem, habitumque more fratrum Teutonicorum in Prussia. Et semper ab hoc tẽpore magistri Prussiae à Liuoniensibus magistris tributa certa, & obedientiam exigebant, vsque ad tempora Alberti Marchionis Brandenburgensis, magistri Prussiae, qui anno Domini supra millesimum quingentesimum, decimo tertio, pecuniam, quam obedientiam accipere maluit. Itaque Liuonienses data, præscripta ingenti summa pecuniae, in posterum ab obedientia Prutenicis magistris exhibenda, liberati sunt. Hanc tamen libertatẽ paulò post per insolentiam suam amiserunt: Rex enim Polonorum Sigisimundus Augustus, eos in potestatem suam, prout inferius dicitur, redegit. Sed ad rem accedo. Liuonienses cruciferi, habitu fratrum Teutonicorum in Prussia assumpto, grauissimis bellorum laboribus, cum barbaris fortiter exantlatis, hætenus rerum in Liuania potiti sunt, magistrumque sibi elegerunt, qui cum commendatoribus, seu etiam præfectis totam regionem gubernabat. Erant præ-

*Ordo Teutonicorum in Liuania. Volquinus primus Liuaniae magister.*

*Ordo Liuonicus à Gregorio nono pōtifice confirmatur.*

*Crucigeri Liuoniensium, Prussensium tributarij, & cum illis vniti.*

*Liuonienses se redemerunt à Prussensibus.*



*Episcopi Li-  
uonia.*

ter hunc in Liuania episcopi quinque, vtpote archi-  
episcopus Rigenfis, Derptenfis, Habselenfis, Ofelia,  
Curlandia, Reualiaque episcopi. Hi sua munia stren-  
nuè & magnificè vt principes obibant: sed anno Do-  
mini 1558. Moschorum dux Derpta, siue Torpato,  
in signi vrbe episcopali potitus, episcopatū Derpten-  
sem penitus aboleuit, rex quoque Poloniae archiepi-  
scopatum Rigensem, cum omnibus arcibus & ciui-  
tatibus (rerum enim in Liuania potitur) tenet. Re-  
ualiensem episcopatum, Suecie rex vrbe Reualia ca-  
pta administrat. Ofelsensem episcopatum & Absen-  
lensem fratres regis Daniae, Magnus nomine, vnà  
cum insula Ofilia possidet.

*Prouincia  
Liuania.*

Ordinis Teutonici magister, vnà cum suis com-  
mèdatoribus, plurima oppida & arces munitas pos-  
sidebat, & primò quidem ordinis magister & archie-  
piscopus Rigenfis simul, & coniunctim Rigā vrbem  
metropolim regionis occupabāt, monetamq; vter-  
que propriam, qua adhuc incolae regionis vtuntur,  
cudebat. Verùm magister præter dominiis, & posses-  
sionis consortium, arcem quoque ibi habebat. Hic  
iam ordine territoria arces & ciuitates, tam magistro  
ordinis, quàm episcopis, & commendatoribus subie-  
ctas, describere pergam. Hæc verò sunt territoria si-  
ue prouinciæ, in Liuieniensi dominio, quæ pro duci-  
tibus valent: vtpote, Leitlandia, Vikeclandia, Cur-  
landia, Semigalia, Estlandia, Virlandia, Haria, Ger-  
uendiaque.

**LEITLANDIA SIVE RIGEN-  
sis prouincia.**

**L**eitlandia regio Liuania, præcipuè has arces, &  
ciuitates regi Poloniae subiectas habet.

**RIGA**

R I G A vrbs celeberrima, totius Liuoniae metropolis, muro fortissimo, propugnaculisque & turribus densis, tormentis bellicis, apprimè munitis, valloque inexcusso tribus ordinibus tormentorum, vndiquaque munita, fossis duabus, ex vtraque vallis parte circumducta, & stipitibus acutis circumsepta, rebus bellicis tormentis, & com meatu copioso, militibusque stipendiariis, pacis & belli tempore, bene prouisa. Arcem quoque bene munitam, & omnibus necessariis prouisam, sibi adiunctam habet, in qua olim magistri sedem suam habebant, eam nunc Gothardus Kietler dux Curlandiae, regis Poloniae feudalis, nomine regio administrat, in ciuitatem tamen ipsam, ius nullum habet. Administratorem enim siue capitaneum aliquem, ciues sibi dominari (libertatem asserentes) non patiuntur, sed obedientiam, & tributa regi Poloniae fideliter exhibent, ipsique ciuilibus legibus urbem administrant. Hanc urbem fluuius DWina amplissimus, (ex Seuera regione Russiae, Moschouitae duci subiecta, ortus) vnà cum arce alluit, & duobus à Riga in mare amplissimis ostiis exoneratur. Per hunc naues ex mari, de vltimarum regionibus, utpote Suetia, Dania, Holsatia, & cæteris repositis prouinciis appellant. Ex Russia quoque & Lituania cineres, asseres, ligna caesa, & leuigata, omnis generis ad naues fabricandas, frumentum quoque grandi copia, & cætera importantur. Magnumque hac in vrbe & celeberrimum est emporium, quamuis enim duobus milliariis à mari distat, naues tamen omnigenae, facillimè de mari, sub ipsa mœnia urbis veniunt & redeunt.

*Gothardus  
Kietler.*

*Duina fl.  
uius.*

*Emporium  
Rigense.*



*Hæ verò arces, ciuitates, & præfectura, capitaneatusq; in hac Leutlandiæ siue Rigensi prouincia continentur, videlicet,*

D V N A M V N T arx inexpugnabilis natura, opportunitateque loci, mari adiacet, in ostiis DWinæ fluuij, duobus à Riga miliaribus sita, præfidiisq; Polonicis munita, in ea omnes naues ex vltimatinis regionibus, ad Rigam veniētes, merces indicare, teloniaque persolvere coguntur.

B L O K A V S munitio inter Rigam, & Dunamūt, ad DWinam condita, in ea quoque omnes naues excutuntur. Hæ autem duæ arces Rigensibus maximè inuisæ sunt.

K I R C H O L M arx murata, ad DWinam fluuium, duobus miliarib. à Riga sita, in Orientē procedēdo.

*Hæ quoque arces DWinæ impendent.*

V x v l arx desolata, curia tamen in ea, vbi præfectus manet, extructa, à Kirchholm duobus miliaribus abest. Crudelem illic quondam conflictum, & hominum stragem insignem, cumulus ossium ingens congestus testatur.

L E N V A R D arx ab Vxul quatuor miliaribus ad DWinam sita.

A S C H E R A D olim Palatinatus : arx ad DWinam munita, Moschouitæq; ab ea aliquoties repulsi sunt, quatuor miliaribus à Lenuard abest.

N I T A W Sefucgen, Georgenburk, LeWborg, Rosliten, Lucen, Luden, Neuenhul, arces muratæ absque ciuitatibus.

D V N E M B O R G arx ad DWinam munitissimè sita, commendator siue palatinus, ei olim magistri nomine præsidebat.

SEGE-

SEGEVOLT arx & ciuitas, olim ordinis Marchalci primi, à magistro propria erat, cum cæteris ad eam pertinentibus, videlicet LeWburg, Nitaw, Georganburg, & Choen castris.

ARIES arx, Wolmer ciuitas & castrum. Hermes arx, quatuor milliaribus à Parnawa, & Phelin.

Has supradictas omnes arces, & ciuitates, cū suis palatinatibus, & præfecturis, inuictissimus rex Polonia possidet, excepto Mariëburga castro quod Moschouia princeps occupauit. Adzel autē & Rodempus, à Moschouitis exusta, & desolata sunt.

### ARCHIEPISCOPATVS RIGENSIS.

IN eodem territorio Rigensi, rex quoque Polonia omnes arces, ciuitates, capitaneatus, & præfecturas, archiepiscopales possidet.

KOKENHVS arx, & ciuitas, natura & opportunitate loci munitissima, ad DWinam fluiuium sita, cæterarum archiepiscopi, arcium, principalis.

VXVL Lenuard, suprà nominata arces, Krewburg, Landon, Sefuegen, Schanborg, Serben, Conenburg, arx cum ciuitate, Salis, Vansel, Dalen, Iencel, Treyden.

SMILTEN arx à Moschouitis desolata, Cremon castrum olim Capituli metropolitanae ecclesiae Rigensis.

SANCEL arx apprimè munitissima, mari adhærens, ad archidiaconatum Rigensem quondam pertinebat. Hæ itaque omnes arces, & ciuitates enumerata regi Poloniae subsunt.

Arces nobilium in prædicto archiepiscopatu hæ sunt, Nochrosen, Rosemberg, Mayan, Pierkiel,



Roppe, Nabbe, Elner, & Bersen. Earum domini, Polono regi obtemperant.

### EPISCOPATVS DERPTENSIS.

**D**ERPT, siue Torpatū, siue Derbet, insignis vrbs episcopalis, & arx in colle munitissima, vrbi impendens. Hæc anno Domini 1558. ab exercitu Moschorum ducis, violēta oppugnatione, cum tota circumiacenti prouincia capta est. Hæ verò arces ad hunc episcopatum pertinebant. Falcana W, castrum, & monasterium insigne, Neinhaus 18. miliaribus à Derpt sita, Ruthenis contermina, Werbeke, Oldentorn, Kiriepe, Verpech. Nobilium arces in hoc episcopatu, quatuor præcipuè erant, videlicet, Olsen, Kanelicht, Raden, Cunctal, siue Regental, omnesque à Moschorum duce cum episcopatu subiugatæ sunt.

### EPISCOPATVS HABSELEN- sis & Ozelenfis.

**V**lkechzlandia regio ad Habselsensem episcopatum cum suis arcibus & ciuitatibus pertinebat, quæ quatuordecim miliaribus in longitudinē, duodecimque in latitudinem patet, mari Germanico adhaeret, & has arces complectitur, quas Sueciæ rex vnà cum regione possidet.

HABSEL arx principalis cum ciuitate, in qua est ecclesia cathedralis, eam rex Sueciæ vi ad deditionem coegit.

LODE arx munita, quam dux Curlandiæ Gothardus Kietler à Suetensium impetu nuper defenderat, & aliquot eis grandia tormenta ademerat, sed postea ab eisdem capta est.

LEHAL castrum, & ciuitas, in qua est insigne virginum monasterium, nunc praesidiis Suetensium tenetur.

FICZKEL & Felix arces à Moschouitis exustae & desolatae sunt.

VERDER arx munitissima ad fluuium Zundam sita ab ipsis Cruciferis Liuoniensibus destructa & demolita est.

OZILIA insula in mari Germanico, aliquot à littore milliaribus sita est, ad Ozelensem episcopatum pertinebat, arces & ciuitates duas munitissimas habet, eas Cruciferi regi Daniae prodiderunt, quas nunc Magnus eiusdem regis Daniae frater possidet, episcopatusq; titulo utitur. Harum arcium una Arnzburg, altera Sonenburg appellatur.

### *CURLANDIA REGIO.*

**H**aec regio in Liuania sita à Septentrione maris Baltici sinu, ab Occidente verò ubi Prussiam contingit, pelago qui Curlandicus appellatur, alluitur: à Meridie Samogitiae confinis est, regi q; Poloniae subest, sed eam Gothardus Kietler, regis gratia & benignitate tenet, tituloq; eius utitur. Has ciuitates & arces complectitur.

VINDA arx cum ciuitate & Palatinatu, Polonis Kiefs dicitur, in ea magistri sedem suam habuerunt, & comitia, conuentionesque celebrare soliti erant, nunc Polonicis praesidiis tenetur, administrantem illustri & magnifico Domino Ioanne Chodkiewicz, generali Samogitiae, & supremo gubernatori Liuaniae, ac magno marschalco magni Lituaniae ducatus.



GOLDINGEN arx & ciuitas cū districtu amplo.

GRUBIN, & Candaph arces cum præfecturis ditissimis.

TVCZKON, Sabel, Durbin, Asempoth, Shruden, Frauemburg, Alfangen, arces. Newburg castrū in finibus Samogitiæ.

Episcopatus Curlandiæ septē arces continet, quas Magnus regis Daniæ frater possidet, episcopatusque titulum sibi vsurpat, hisque nominibus, hæ arces nominantur, Edwalen, Pilthen, Hasempot, Angermunde, Dondangen, Neinhaus, & Ambothen.

### SEMIGALIA DVCATVS.

**H**Ic ducatus Curlandiæ adharet, à Meridie Lituaniæ contiguus est. Hasque arces continet, Soleburg, arx & præfectura, Basemborg, Doblin, Nithaw, arces cum districtibus, ciuitates nullas habent, totumque territorium vnā cum arcibus enumeratis, Curlandiæ dux prædictus regis Poloniæ gratia & benignitate commissum tenet.

### ESTLANDIA DVCATVS.

**E**Stlandiæ, siue Estoniæ ducatus mari Sueciæ à Septentrione adiacet: has arces præcipuas cum ciuitatibus & præfecturis complectitur.

*Felin cum  
magistro ca-  
pta.*

FELIN arx & ciuitas munitissima, vnā cum ultimo magistro Liuoniæ Wilhelmo Furstemberg feudali regis Poloniæ, à propriis militibus stipendiariis Germanis Moschorū duci dolose prodita est. Ciuitas ipsa exusta, arx verò prædiis Moschouiticis munita, vnaque cum districtu, siue Palatinatu Moschorum duci subest. Magister verò in ea captus, Moscho-

uiam

uiam abductus, in vinculis spiritum exhalauit. Atq; *Exitus ma-*  
hunc extremum exitum magistri Liunionenses ha- *gistorum*  
buere. *Liunia.*

L A I S & Talczhofen arces, à Moscho quoq; occupatæ sunt.

T A R N E S T, siue Taurus, arx munitissima præ- *Taurus ca-*  
fidiisque Moschouiticis prouisa, à Lituaniis duce ex- *pta.*  
ercitus illustri & magnifico Domino Nicolao Rad-  
zi Wil Palatino Vilnensi, pulueribus bōbardariis sup-  
positis eiecta, & cum Moschouitis, à vi & impetu pul-  
ueris volantibus euerfa est. Ego etiam huic oppu-  
gnationi cum patre meo interfui. Hac autem arce  
expugnata & exusta, Lituani quibusdam Moschorū  
abductis, quibusdam occisis, velut Tartari, arce deso-  
lata relicta, & non occupata, nec munita, (quæ faci-  
le instaurari potuit,) cum spoliis, tormentisque, & cē-  
tera supellectili bellica ablata, discesserunt, anno  
Domini 1561. Iulij vltima.

O P E R P A L arcem exercitus regis Poloniae ex-  
ussit & desolauit.

Has aut in hoc ducatu arces rex Poloniae possidet.

K A R X H A V S, Helmeth, Rugen, Parnauam ar- *Parnaua*  
cem insignem & munitam cum ciuitate mari adia- *recuperata.*  
centem. Hæc à Sueciæ rege primū occupata erat,  
sed postea à Polonis inopinatè capta in ditionem re-  
gis Poloniae cessit.

### V I R L A N D I A.

T Erritorium hoc Liunia inter orientalem, &  
septentrionalem plagam positum, à Septērio-  
ne Baltici maris sinu terminatur, ab Oriente Nerua  
fluuiio celebri ex lacu Peijbas emergenti, & in mare  
Balticum ingredienti alluitur. A Meridie Estlandiæ



ab Occasu Hariæ contermina est, & octo milliaribus in longitudinem, à Nerua fluuiò ad Reualliam vsque extenditur, hasque arces complectitur.

NERVA arx & ciuitas insignis, munitissimaq; ad fluuium eiusdem nominis sita. Ex aduerso in altera ripa arcem à Moscho erectā Iuano W Gorod dictam habet, atq; fluuius prædictus Nerua, has arces interfluens Moschorum & Liunionis imperium olim dislimitabat.

TOLCZBURG arx ad sinum maris Baltici inter Neruam & Reualliam ciuitates æquali distantia sita.

WESENBURG arx & capitaneatus.

BERCHOLM olim arx episcopi Reualiensis erat. As quoque, & Est, duæ arces nobilium Liunionis una Roberti à Gilsen, alia Bernardi de Tabe.

Has omnes arces cum suo territorio Moschorum principes occupauit.

### H A R I A P R O V I N C I A.

**H**ARIA iuxta mare Suetiæ sita, in lōgitudinem sedecim milliaribus, & octo in latitudinem extenditur, cum Virlandiæque territorio pro ducatu computatur.

*Hæ arces in ea sitæ sunt.*

REUALIA vrbs celebris cum arce munitissima ad sinū maris Baltici condita est. Sede episcopali clara, sub rege Polonia à Suetiæ regis exercitu occupata. Monetam Reualienfes propriam quadriangularem cudunt. Reualiensis episcopus arces aliquot sibi subiectas possidebat, in ciuitatem tamen nullum ius imperiūve habebat, sed magister ordinis eam administrabat.

BADIS

BADIS castrū & monasterium insigne, Suetenses inopinata irruptione ceperunt.

FEGVEVR arx olim episcopi Reualiensis à Moschorum duce expugnata nunc tenetur.

### GERVENLANDIA DVCATVS.

**G**eruenlandia regio mari adiacens, septem miliaribus in longitudinem, sex in latitudinem pareret. Frumenti & cæterarum rerum ex terra nascentium feracissima, vnā arcem, Vitenstein dictā principalem, cum pagis & curiis compluribus nobilium habebat. Eam sub rege Polonia, Suetensium rex occupauit, *Bialy kamien*, id est albus lapis Polonis dicta. In his territoriis, siue prouinciis Liuoniae prædictis, (quæ etiam pro ducatibus computari possunt,) variæ sunt multarum gentium linguæ: plebs ipsa Liuonica tribus ferè linguis, (nō multum tamen à se differentibus) vtitur, ad Lituanicumq; idioma, magna ex parte alludunt, barbarie & moribus incultis rigent, Lituanis & Samogitis ob vicinitatem in omnibus persimiles sunt. Vestitu vili, eoq; vt plurimum cinericio, ad Germanicum habitum alludenti vtuntur, ex tilia libro more Lituanorum, & Ruthenorum cothurnos, connectere solent, vel ex iumentorum pellibus vnā cum setis detractis. Fæmineus sexus in pagis more gentis Cyganorum, (vel vt quidam volunt Cyrenæorum) vagabundæ vestiuntur, vestitumq; quibusdā globulis plumbi, cupreis & electuariis exornant, indusia quoque circa collum præcipuè annulis, intertexturisq; variis ornant.

Crinibus passis, mulieres vetulæ, & virgines omnes promiscuè incedūt, capitis ornamenta quædam

*Gernerlandia.*

*Bialy kamien arx.*

*Liouonum ad greffiū habitus, mores & idioma.*

*Mulierum Liuonicarū habitus.*



mirè, ex globulis quibusdam, confecta ad similitudinem vnionum, gemmarumve, varij coloris gestant, omnes ferè matronæ sagæ & incantatrices peritissimæ sunt, artibus magicis supra modum deditæ. Pane vilissimo teterrimoque, & cibariis simplicissimis, vuntur. Frumenta omnis generis triturlanda excutiendaq; perinde, vt Lituani, primò in calidissima casa, ad id præparata fumo exsiccant, & postea in horreo coram extructo excutiunt. In ollis figulinæ artis nusquam, nisi in lebetibus æris, cupressive, in pagis & ciuitatibus coquunt, neque tibi ollam argileam aliquo, per totam Liunioniam videre licebit. Palcïs quoque frumentorum, vulgus magna ex parte cum farina siliginis mixtis vtitur. Et quâuis miserrima gens fuerit, supra modũ tamẽ callida, fallax, tumida, atrox & ad cædes patrandas prompta. Polonos, Lituanos, Ruthenos, cæterosq; extraneos regi Polonia militantes, (extra Germanos, quorum sub iugo olim fuerunt,) maximè inuident, eosq; depredatores, & comestores bonorum, fundiq; sui calamitatem appellât, & vbi possunt quoscunq; milites astu circumuentos, & incautos opprimunt. Vni vel duobus viris transitus difficilis est, præcipuè si apud agrestes pernoctauerint: nam somno oppressos, magna ex parte trucidant; suffocantq;e. Diuersoria in hac regione rara, vel penitus nulla reperiuntur, sed ad curias, & prædia viatores diuertere, ibidemq; pernoctare solêt. Tempa quoque rarissimè, nisi in arcibus visuntur.

*Victus Li-  
unionum mi-  
serrimus.*

*Perversitas  
Liunionum.*

*Ciues & no-  
biles in Li-  
unionis Ger-  
manis.*

Ciues & nobiles omnes Germani sunt, Germanisq;e moribus & idiomate vtuntur. Fœmineus sexus pallia rubea, communiter capiti imposita, ad talos cum frequentissimis plicis gerit. Vittas mulieres

in ca-

in capitibus non gerūt, sed contricatos crines, (quos *Matronarum* maximè nutriūt, vel ad id præparatos adaptant, (tam *Rigenſium* matronæ, quàm virgines capiti circumnectunt. *habitus.* Pileos siue biretos quadrangulares, more cardinalium Romanorum gestant, quædam verò palliis cum velamine velut tecto, frontē & caput tegente vtuntur.

Sponsa cū ad matrimonium contrahendū deducitur, corona argentea deaurata rotunda, & in altum prominente ornatur, omnisque virginalis, & matrimoniarū chorus, rubeis palliis vestitus, longo ordine præit, & sequitur. Cerveſia ex hordeo & lupulo passim in pagis & ciuitatibus gustu amarissima, maximè differenti à cæterarum regionum cerueſia vtuntur, attamen gens illa & omnes germani regionis incolæ hunc potum suauiter præbunt.

Siliginis & frumenti Liuania diues est, adedò vt ex *Liuania fætera* quoque & transmarinæ nationes Lubeca, Am- *rax.* ſterdam, Olandia, Dania, Suetiaque eius vbertatem præſentiant, ad quas grandicopia frumenta è Liuania deportātur. In Liuoniam quoque ipsam ex Russia, Lituaniaque regionibus, fluuius Dwina & Nerua, siligo & id genus rerum plurimum aduehitur. Pecoribus & iumentis domesticis omnis generis abundat, lacubus, fluuiisque piscosis, & siluis ad venationem idoneis referta, in quibus habet vrsos, alces, vulpes, linceſ, vros, castores, & omnis generis animalia. Lepores in Liuania mutant æstate & hyeme colorem, perinde vt Heluetiis in alpibus, hyeme sunt albi, & æstate cinericei. Inferunt & Moschouitæ pelles vrsarum albas in Liuoniam, quas ex frigidissimis septentrionalibus regionibus, maximè ex Dwina provincia Oceano glaciali adhærenti acquirunt. Reli-



*Religio Li-  
uonum.*

giosissima gens Liuonica post susceptā Christianam fidem, Romanæ ecclesiæ ritum ardentè obseruans erat: Domini etiam ordinis Teutonici, & ipse magister, priusquam ad Lutheranismum desciscerent, religiosa pietate diligenter, ordinis regulas, in moribusq; & habitu cultum decentem obseruabant. Diuorum delubra, pietate & pulcritudine decorabant, quæ hodie à Lituanis penè demolita & desolata videntur, ditionemq; suam ab omni incurſu Barbarorū strenuè, summa cū laude vindicabant, omnia denique illis ex voto, (benignitate diuina propter religionis antiquæ obseruantia prosperante,) cedebant: & Moschum barbarum potentem hostem, à finibus suis sepiſsimè summa cum victoria propulsabāt, prout ex his duobus præclaris & victoriosissimis certaminibus, (quos mihi explanare Lectori haud ingratum visum est,) apparebit.

*Moschus  
Nenhuis in  
Liuania op-  
pugnat.*

Anno quo lux diuina, humana in specie calitus mūdo affulsit, 1381. magnus Moschotix dux Liouensium castrum Nenhuis, in prouincia Derptensi acerrimè oppugnabat, cui oppugnationi ipse sua persona, cum trecentis millibus armatorum intererat. Demū post diutinam, & acrem obsidionē, crebrasque irruptiones, mœnia & propugnacula diruta, labefacere inceptabant: obfessi etiam defatigati, & viribus exhausti ac destituti, diuinæ propugnationi & tutelæ humiliter sese submittunt, ipse etiā præfectus arcis nocte Veneris diem antecedente, inſomnis ante aram quandam prostratus, flagranti corde orabat, vt Deus in tam deplorato rerum statu, sibi suisque auxiliari dignaretur, felicemque grauis obsidionis liberationē elargiretur. Sole igitur tenebras noctis

noctis discutiente cum Moschouitæ certam iam ar- *Insignis Vi-*  
 cis expugnationem sibi promitterent. Praefectus ille *ctoria Mo-*  
 è precibus exurgit, arcuq; arrepto, telum cum cuspi- *schoræ dux*  
 de præacuta, è fenestra propugnaculi in medium ex- *occiso.*  
 erciturum Moschouiticum iaculatur, & aspirante co-  
 natibus Deo, ipsius magni principis cor lethalter  
 transfigit: concurrunt trepidi Moschouitæ, domi-  
 numq; exanimatum leuant, & cum magno ululatu  
 deplorantes funestissimum casum domini sui, reli-  
 ctis castris, & arrepto cadauere, in Moschouiam fuga  
 sibi consulentes, pergunt: Liuones ex arce sese pro-  
 pientes, hostes fugientes persequuntur, per agrosq;  
 siluas, & pagos, pallantes affecutos trucidant, obruunt,  
 relisq; transfigunt, & videntes mirabili memorabili-  
 que modo numinis auspicio se liberatos, arcum ad  
 perpetuam rei memoriam, Deo dicatum, in Basilica  
 arcis ad altare appendunt, solebatque in eo templo  
 cultus diuinus, magna pietate & deuotione peragi,  
 sed postea anno Domini 1551. Lutheranis dogma-  
 ribus assumptis, nullum pristinae pietatis vestigium  
 conspiciebatur, arcus tamen prædictus immotus ad  
 altare pendebat, donec tandem anno Domini 1558.  
 Ioannes Basiliades modernus dux Moschouiae ea-  
 dem arce potitus, religionem quoque Lutheranam  
 immutauit.

Aliud celebre, & perpetua memoria dignum præ-  
 lium Liuones contra Moschouiae ducem gesserunt, *Wolter Ple-*  
 anno 1500. sub ordinis Teutonici magistro, domi- *tenburg ma-*  
 no Woltero à Pletenburg, qui cum Moschis enim *gister Lena-*  
 statuisset, publica ieiunia & solennes letanias secun- *nia.*  
 dum morem ecclesiae Romanae instituit, nondum  
 enim eos Lutherana doctrina à Catholicismo trans-



uerfos egerat, mensēq; Septembri paulò post natiuitatem Mariæ virginis, exercitum ordinat. Rigenfis quoq; archiepiscopus mille Germanos equites adducit, Torpatensis episcopus quingentos, Reualiensis & Habselensis itidem quingētos simul, ita vt magister Liuonicus septem haberet, Germanorum equitum millia, & quinque millia Curionum pedestrium (qui populi sunt Liuoniæ, in regione quæ Cur-  
*Landia dicitur.)* Hoc cum exercitu magister Russiam finitimam Moschouix ducis inuadit; arcesque & oppida quædam expugnat, inde ipso exaltationis sanctæ crucis die, ad urbem Pscouiam exercitum ducit, iuxta hanc sita est planicies, duorum milliarium latitudine patens, in quam cum deuenerunt, obuiam illis procedit Moschouiticus exercitus, centum millia armatorū (in duodecim acies distributus) continens. His adiunctæ erant Tartarorum copix barbarie feroces, triginta millia conficientes. Itaque Teutonicus magister, vbi aut turpiter fugiendum, aut ingentium animo, aduersus tantum exercitum, barbarie & armis formidabilem procedendum videt, nihil de victoriæ spe remittens, aleam belli tentare cōstituit, & animis suorum confirmatis, classicum canere iussit, Moschouitæ quoq; ex aduerso signa tollere, patrioque more tubas inflare & timpanulas, (quas paruas singuli præfectorum habere solēt) pulsare cœperunt: magister Teutonicus globos tormētarios scloppetariosque, velut crebra continuaque ronitrua in Tartaros cōtorquet. Tandē maximo clamore, strepitu, armorūq; coruscatione, vtrinq; concurrunt, Tartari & Moschouitæ arcubus, & sagittis assueti, densissimo creberrimoq; telorū iactu, æthera obum-

*Liouones Moschouia inuadunt.*

*Conflatus Moschorum cum Teutonicis acerrimus. Moschouitarū ceterum millia, Teutonicorum dūtaxat & minus occubuit.*

obumbrant, quæ tamen emissâ aërem irrita, verberabant. Tartari vbi prælio, à Teutonicis fusi fugatiq; fuere, duodecim Moschorum acies, centum millia conficientes, viribus animisq; recentes succedunt. Teutones cæsis Tartaris, vbi bellum recrudescere sentiunt, quanto maiorem hostium vim prioribus, succedere vident, tanto maioribus animis in hostes irruere, & velut ab integro noua virtute resumpta, ingenti cū fremitu cæsum, punctimq; vergente iam ad vesperam die, configunt. Ex Moschouitis qui supererant, fuga sibi consulentes in Pscouiam se recipiunt; prælio itaque dirempto, compertum est ex Teutonicis, vnum duntaxat desideratum, compluresq; sed non lethaliter vulneratos, Moschouitarum verò & Tartarorum, circiter centena millia trucidata, ita vt duobus milliaribus, cadauera passim prostrata iacerent, triginta verò millia fuga elapsi sunt. Memorabilis sanè triumphus, & sempiterna memoria dignum, singularis virtutis & fortitudinis exemplum. Hac igitur clade suorum Moschorum dux Basilii Iohannes, audiens, cum summo stupore admiratus, tantum exercitum, tam exigua, turpiter cæsum, & prostratum, ad quinquaginta annos cum Teutonicis inducias confestim firmavit, Ruthenique, & Moschouitæ, ab eo tempore, Teutonicos ferreos viros appellabant.

Ex his igitur felicissimis, & victoriosissimis duobus, Liunorum cum Moschouitis prælijs, (quamuis multa varij euentus prælia, inter eos vtrinque eueniebant) apparet, quod Liunionenses, ordoq; Teutonicus, priusquam à Catholicismo desciscerent, manu diuina, contra quosuis incursum hostium pro-

*Moschus petit  
fœdus à  
Liunionibus.  
Liunones fer-  
rei vocati à  
Moschis.*



pugnabantur, omnibusque rebus ex terranaſcentibus, & cæteris fortunis, copioſè affluebant. Vbi verò Lutherana dogmata amplecti anno Domini 1527. cœperunt, pietatem & religionem auitam, cū omnibus virtutibus vnà excuſſerunt. Poſtea varijs & diuerſis plagis, omnes paſſim grauiffimè afflicti ſunt, adeò vt vniuerſa elemēta in vindictā eorum conſpiraffe viderentur. Terra enim regionis quæ omnium frugū & fructuū leguminumq; feraciſſima erat, victum (nihil proferens) illis denegabat. Aqua etiam lacusq; olim piſcoſi nullos piſces dabant, Aër quōdam ſaluberrimus hominum ſaluti à Deo conſeſſus, in venenum & contagium conuerſus erat. Igne etiam & ferro Moſchouitæ vniuerſam Derptenſem prouinciam, crudeliter vaſtabāt. Sed Teutonici fratres nobiles, & ciues, huius afflictionis culpam, & numinis offenſam, Catholicis imputabant.

### DE INTESTINO ET CIVILI LI-

*uonenſium bello, & cauſſa expeditionis  
regis Polonia, contra magiſtrum  
Liouonenſem.*

**M**agiſter Liouoniæ, cum omnibus Teutonici ordinis fratribus & equeſtri ordine, poſt Lutheraniſmum ſuſceptum archiepiſcopo Rigenſi collegæ ſuo, ob non ſuſceptum dogma Lutheri aduerſabatur. Hic autem archiepiſcopus ex illuſtri proſapia, Marchionum Brandemburgenſium genus ducebat, frater Alberti Marchionis Brandemburgenſis, olim magiſtri Teutonici ordinis, & poſtea ducis in Pruſſia, nepoſq; regis Polonia.

Ma-

Magister itaq; comitijs generalibus celebratis, concludit & constituit archiepiscopum bello appendendum esse, in quod totus ordo & nobiles cum omnium suffragijs consenserunt. Episcopus quoque Torpatensis Hermanus, vt erat inconstantis animi, facile ad oppugnandum archiepiscopum indutus est. Reualiensis etiam & Habselensis episcopi, magistrum metuentes, facile in castra eius concesserunt, & ita vniuersa Liuania in Rigensem archiepiscopum, hostiliter cōspirauit. Anno itaq; 1557. pauld post natalem diui Ioannis Baptistæ, ordinis Teutonici magister, Wilhelmus Furstemberg, exercitum cum commēdatoribus cōscribit, tres quoq; episcopi prædicti, copias suas eidem coniungunt. Sicq; instructissimo exercitu, & magno cum apparatu, Rigensem prouinciam hostiliter inuadunt. Archiepiscopus Rigensis tametsi defensionem meditaretur, & magnam nobilium partem sibi adiunctam haberet, infirmiortamen erat, & viribus impar, vt tanti exercitus vim sustinere & propulsare neutrquam posset. In arcem itaq; Cokenhusen natura loci munitissimam, in edita rupe cōstructam, cum suis profugit. Magister verò eum cum vniuerso exercitu ibidem, graui obsidione oppugnabat, tormentis machinisque bellicis muros fatigans. Sed neque tormentorum crebra tonitrua, neq; validos hostium impetus muros labefacere poterant, sola fames & inedia obsessos ad deditiōem compulit, octauo itaq; obsidionis die portis adaperitis archiepiscopo iubente, hostibus sese dederunt. Ordinis Teutonici magister archiepiscopum, nō vt vnius prouinciæ & vrbis Rigensis consortem, non vt claræ



profapiæ Brandenburgensium Marchionum principem, non vt præfulem & primatem, sed veluti barbarum hostem tractat, contumelijs & probris ludificatur, omnibusque oppidis, arcibus & pagis multatum, carceri mancipauit, totoque anno vinctum detinuit.

Rex Polonię Sigismundus Augustus, vbi id ordinis marschalco, (quem magister bonis omnibus spoliatum, eò quòd bellum contra archiepiscopum suscipiendum dissuadebat expulerat) rescisisset, tanti principis nepotis suis, seruilem captiuitatem ægrè tulit, rei quæ; indignitate commotus, episcopum quendam in Liuoniam ad magistrum ordinis, hac in causa destinauit. Qui cum multis rationibus, deliberando archiepiscopo nomine regis, coram magistro ageret, magister neque exarcerandi archiepiscopi, nec componendorum dissidiorum spem præbuit.

*Legatus re-  
gis Polonię  
in Liuoniã.*

Itaque legatus re infecta ad regem reuertitur. Rex Polonię, vt operam suam irritam cognouit, ordinis magistro, omnibusque eius auxiliarijs, bellum denunciat, quo nuncio accepto, confestim magister ingentem thesaurum, in Germaniam ad exercitum ibidem conscribendum, mittit, adductaque sunt aliquot millia equitum, & sex vexilla peditum Germanorum in Liuoniam.

*Causa belli  
Liuronici.  
Rex Polon.  
armata ma-  
nu in Liuo-  
niam cõten-  
dit.*

Rex Polonię haud diu moram trahens, infestis signis in Liuoniam contendit, equitum simul & peditum armatorum virorumque electissimorum, centena millia, cum tormentis, amplissimaque bellica supellectili procedunt, ordinis magister vniuersos quos habebat præfectos & commendatores regi opponit, episcopi quoque tres, Derptensis, Reualiensis, & Habselensis, copias suas

stias eidem coniungunt. Itaq; ordinis magister tunc temporis habebat Getmanorum equitum septem millia & sex peditum vexilla, bene armati. Præterea enim agrestium aliquot millia Liunorum, sed magister Polonorum validissima lectissimaque manu conspecta, victoriæ spem prorsus abiecit, legatumque ad regem qui præsens in armis erat otius destinavit, prælium deprecando, & pacem humillimè efflagitando. Rex clementer & benignè respondit, nisi viduas, pupillos, orphanos, & inopes, innocentisque colonos misereretur, nullo pacto pacem secum magistro initurum, sed ut magister ordinis agnoscat, (inquit) me sanguinis aut belli sitientem non esse, ipse si pacem expetit, huc ad nos intra octodecim horarum spacium accedat, principemq; & archiepiscopum Rigensem vnà adducat, dein pacis & concordie rationem inibimus. Teutonicus magister hoc responso accepto, confestim archiepiscopum qui non longè aberat, custodia liberari, & è vinculis educi iubet: ambo itaque trecenti equitibus inermibus stipati, ad regem veniunt. Ibi cum vltro citroque de pace ageretur, tandem concluditur, ut magister ordinis archiepiscopum in pristinum statum restitueret, omneque damnum & detrimentum eidem illatum refarciret. Præterea regi Poloniae stipendia in milites erogata persolueret. Graues hæ erant ordini Teutonico pacis conditiones, attamen magister metu grauioris periculi virgente consensit, & secundum pacta omnia præstitit. Postea archiepiscopo prædicto, è viuis decedente, rex omnes arces ciuitatesque, pagos, & curias, ad archiepiscopatum pertinentes, iure propinquitatis

*Magister  
Liunia pacem  
efflagitat.*

*Pax sub  
conditionibus  
magistro Liunia  
conceditur.*



in Liuonia occupauit. Magistro quoq; prædicto, à Moschouitis in arce Felin per prodicionem militum suorū capto, & in Moschouia in vinculis mortuo, tota Liuonia cum suis prouincijs in ius regis Poloniae cessit. Atq; hic vltimus Magister ordinis, Wilhelmus Furstemberg, magisterium Teutonicorumq; fratrum Crucigerorum in Liuonia, ordinem terminauit, absoluit, finemq; extremum imposuit.

# TABVLA ET SVMMA ARCIVM CASTRORVMQVE LIVONIAE CVIVS DOMINIO SIN-

*gula subsint, exceptis curijs, prædijs,  
& praefecturis.*

|   |                |                   |
|---|----------------|-------------------|
| Regis Poloniae arces in<br>Liunia &<br>ciuitates. | 1. Dunamunc.   | 18. Kokenhaus.    |
|   | 2. Blokhaus.   | 19. Zelborg.      |
|   | 3. Riga.       | 20. Kreczborg.    |
|   | 4. Karxhaus.   | 21. Dunenborg.    |
|   | 5. Helmer.     | 22. Rodenpeus.    |
|   | 6. Rugen.      | 23. Nita W.       |
|   | 7. Parnaua.    | 24. Sefuegen.     |
|   | 8. Ermes.      | 25. Georgenborg.  |
|   | 9. Burtneih.   | 26. LeWborg.      |
|   | 10. Wolmer.    | 27. Sossiten.     |
|   | 11. Aries.     | 28. Ludsen.       |
|   | 12. Segenuol.  | 29. Luden.        |
|   | 13. Neuenhul.  | 30. Landon.       |
|   | 14. Kirchholm. | 31. Schanczborg.  |
|   | 15. Vxul.      | 32. Filac vel Ma- |
|   | 16. Lenuard.   | ienhausen.        |
|   | 17. Ascherad.  | 33. Rodenpeus.    |
|   |                | 34. Ser-          |

- |                 |                |
|-----------------|----------------|
| 34. Serben.     | 43. Salis.     |
| 35. Konnenburg. | 44. Nochrosen. |
| 36. Smilten.    | 45. Rossenbek. |
| 37. Lemzel.     | 46. Maian.     |
| 38. Treiden.    | 47. Pierkiel.  |
| 39. Cremon.     | 48. Koppe.     |
| 40. Sancel.     | 49. Nabbe.     |
| 41. Dalen.      | 50. Erle.      |
| 42. Wansel.     | 51. Bersen.    |

Ducis Cur-  
landiæ feu-  
dalis & vas-  
salli regis  
Poloniæ ar-  
ces.

- |                |                |
|----------------|----------------|
| 1. Seleborg    | 9. Durbin.     |
| 2. Bassenburg. | 10. Hrubrin.   |
| 3. Doblin.     | 11. Alfangen.  |
| 4. Mittaw.     | 12. Winda.     |
| 5. Newburg.    | 13. Goldingen. |
| 6. Frauenburg. | 14. Sabel.     |
| 7. Schroden.   | 15. CandaW.    |
| 8. Hasenpor.   | 16. Tuczum.    |

Ducis Mo-  
schouia ca-  
stra.

- |               |                 |
|---------------|-----------------|
| 1. Derp.      | 14. Tarnest.    |
| 2. Falkenaw.  | 15. Talckofen.  |
| 3. Werpech.   | 16. Fegfeor.    |
| 4. Kirempe.   | 17. Nerua.      |
| 5. Ollentorn. | 18. Iwangorod.  |
| 6. Newhaus.   | 19. Newburg.    |
| 7. Odenpel.   | 20. Tolsburg.   |
| 8. Holsen.    | 21. Wessenberg. |
| 9. Kanelicht. | 22. Berchholm.  |
| 10. Raden.    | 23. Afs.        |
| 11. Lais.     | 24. Est.        |
| 12. Operpal.  | 25. Cunctal.    |
| 13. Felin.    |                 |



|                                 |   |                       |                                      |   |               |
|---------------------------------|---|-----------------------|--------------------------------------|---|---------------|
| Regi<br>Swe-<br>cię ar-<br>ces. | { | 1. Reuel.             | fratris<br>regis<br>Daniae<br>arces. | { | 1. Arnsborg.  |
|                                 |   | 2. Wittenstein. Magni |                                      |   | 2. Sonemburg. |
|                                 |   | 3. Badis.             |                                      |   | 3. Lode.      |
|                                 |   | 4. Hapsel.            |                                      |   | 4. Piltē.     |
|                                 |   | 5. Leal.              |                                      |   | 5. Edualen.   |
|                                 |   | 6. Ficzel.            |                                      |   | 6. Hasempot.  |
|                                 |   | 7. Verder.            |                                      |   | 7. Angermude. |
|                                 |   | 8. Fœlix.             |                                      |   | 8. Dendangen. |
|                                 |   |                       |                                      |   | 9. Newdaus.   |
|                                 |   |                       |                                      |   | 10. Samboten. |

OMNIVM REGIONVM  
MOSCHOVIÆ MONARCHÆ  
SVBIECTARVM, TARTARORVMQVE

*campestrium, arcium, ciuitatum præcipua-  
rum, morum deniq; gentis, religionis, &  
consuetudinis vitæ, sufficiens, & ve-  
ra descriptio.*

Adiuncta præterea gesta præcipua, tyrannisque  
ingens moderni Monarchæ Moschouïæ, Ioannis  
Basiliiadis, nuper perpetrata, vera fide descripta.

CAN.

## CANDIDO LECTORI ALEXAN-

*der Guagninus Veronenfis, peditum in arce**Vitebska finitima Moschouia præ-*  
*fectus. S. D.*

**M**oschouiam terminosque eius quibus inter-  
clusa sit, candide lector descripturus, primum  
vnde nomen traxerit, operæpretium mihi dicen-  
dum esse censeo. Hæc autem est, quædam regio in  
meditullio Russiæ, (vt dicitur) Albæ, ad Septentrio-  
nem, Orientemque porrecta, à qua cæteræ omnes  
Russiæ circumiacentes regiones, (quamuis varijs &  
diuersis nominibus appellatæ,) Moschouia nomen  
fortiuntur, incolaque earundem vulgò Moschoui-  
tæ appellantur, & ipse Monarcha Russiæ regionum  
Moschouia, magnus Dux nuncupatur. Porro parua  
& obscura initio gens Russorum fuerunt, Moscho-  
uia, sed iam nunc accessione plurimorum principa-  
tuum Russiæ, partim successionibus iustis adiuncto-  
rum, partim vi vel fraude subactorum, præterea fi-  
nitimorum gentium, regionibus expugnatis, & oc-  
cupatis, maxima incrementa cepit, adeò vt pro im-  
perio amplissimo computari possit. Hic itaque, qua  
potuimus diligentia, Moschouia imperium, cum  
suis regionibus, (doctorum virorum cosmogra-  
phorumque, & peregrinorum diuersorum lucu-  
brationibus adhibitis, propriaque experientia, &  
præsentia nostra magnam partem rerum assecuti,) ducatibus, prouincijs, castris, oppidis, & vrbibus  
præcipuis, fontibus, lacubus, fluminibusque, quibus  
hæc regio vbique scatet, mores denique, religio-  
nem, habitum, & vitæ consuetudinem, tituli que



ipsius principis quo gaudet, normam & rationem descripsimus. Gesta etiam præcipua, siue potius tyrannidem hisce temporibus, ab eodem principe, paruo temporis interuallo editam, & crudeliter perpetrata, bona fide subiecimus. Tartarorum præterea Campestrium, in Hordas, (vt dicitur) siue regiones quasdam, diuisorum situm, mores, & viuendi modum exaranimus. Tu interim Lector beneuole hanc nostram qualemcunque operam, boni consule, nosque redama & vale.

## ARMA MAGNI DVCIS MOSCHOVIÆ.

DE MOSCHOVIA REGIONE, VR-  
beq<sup>ue</sup> eiusdem nominis præcipua.

### Caput I.

*Moschouia  
denomina-  
tio.*

*MoskWa  
fluvius.*

*Occa flumi.*

**M**OSCHOVIA, *MoskWa* vulgò dicta, vrbs amplissima, caput & metropolis totius Rusiæ albæ, Magno Moschorum Duci subiectæ, vnà cum regione, siue ducatu, à fluuiio gentili MoskWa, dicto, præterlabente, nomen sortita est. Hic autem fluuius in Twerensi regione, iuxta oppidum Olesco dictum, fontes suos habet, indeque octuaginta, versu (quorum quinque in Polonico miliari clauduntur,) emensis, ad Moschouiam ciuitatem decurrit, qua præterlapsa receptis aliquot fluuijs Orientem versus fertur, in regioneq<sup>ue</sup> Rezanensi, Occæ fluuiio commiscetur.

Ciui-

Ciuitas Moschouia Orientem versus, multum *Moschouia*  
 porrecta est, tota lignea, satisque ampla, quæ procul *ciuitas.*  
 spectatibus amplior, quam re ipsa sit, apparet. Nam  
 horti areæq; in qualibet domo, & plateæ spaciose,  
 magnâ ciuitati amplitudinem, dilatationemq; præ-  
 bent. Insuper omnium opificum, igne vtentium,  
 extra ciuitatem longo ordine, ædes protensæ am-  
 plas plateas, (inter quas sunt prata, & agri) habentes.  
 Hocq; modo ciuitas ingens, & supra modum am-  
 pla videtur. Deniq; transfluuium, Basilius pater mo-  
 derni principis, pro satellitibus suis, cæterisq; extra-  
 neis, Polonis videlicet, Germanis & Lituanis, (qui à  
 natura Bacchum sequuntur) oppidum NeleWki  
 dictum, quod cognomen ab infundendis poculis  
 habet, extruxit. Illic verò omnibus extraneis militi-  
 bus, & aduenis satellitibusque principis, inebriandi  
 vario potus genere, facultas concessa est, quod Mo-  
 schouitis graui sub pœna prohibetur. Exceptis ali- *Moschouitis*  
 quot diebus in anno, videlicet tempore natiuitatis, *inebriari*  
 & resurrectionis Dominicæ, pro festo Pêtecostes, & *prohibitum.*  
 in quibusdâ solennioribus festis diuorum, præcipuè *Moschouita*  
 verò Nicolai, quem diuino ferè cultu prosequun- *certa habet*  
 tur, & beatæ virginis Mariæ, Petri & Ioannis festis, *tempora in-*  
 interea verò velut vinculis emissi, Bacchum, & non *ebriandi.*  
 festû illius diui (cuius diem tûc temporis celebrant)  
 aduenisse gratulantur, & sacris nondû peractis, vel-  
 ut sues vario potus genere obruti, temulenti ebrijq;  
 idemtidem vociferantes, seq; velut obsessi, mutuo  
 cædentes, & contumelijs varijs afficientes vagan-  
 tur. Si autem huic genti quôtidie, inebriandi facul-  
 tas concessa esset, sese mutuis cædibus funditus ex-  
 terminarent. Ebrij etenim mentem, rationemque



velut bruta animalia, prorsus amittunt, & in se vicissim cultellis, pugionibus, & id genus fraudulentis telis, sæuiunt. Sed ad rem redeo. Huius vrbs prædictæ tam vasta magnitudo facit, vt nullo certo termino, muro fossa, propugnaculisve muniti possit; plateæ tamen, quibusdam in locis, trabibus transversim positis obstruuntur; adhibitisque custodibus ad primam noctis facem, ita obfirmantur, vt nemini aditus in eam pateat. Tamque ad modum lutola & cœnosa est, vt in plateis pontes passim, necessario extructi sint, nunc tamen vallo de terra, vt audiui, circumducitur.

Arces muratæ duæ amplissimæ, in simul ciuitatis formam referentes; quarum vna Kitaigorod, altera Bolsigorod, gentiliter appellatur, quas ab vna parte Moskwa fluius, ab altera Neglinna, in qua molendina plurima sunt, præterfluit: ecclesiæ duorum lapideæ, & ligneæ, ædesque nobilium & magnatum, in ea frequentes sunt. Ultra Neglin, nam verò, in agro *Nerbat* dicto, ab arce ad sagittæ iactû, modernus princeps Ioannes Basiliades, curiam amplissimam anno Domini 1565. extruxit, quæ *Opriczna*, id est, seorsua habitatio dicitur, vbi ipse princeps cum satellitum suorum, virorum ex robustissimis delectorû, numerosa manu moratur, quos ille ad tutelam sui, perinde vt Turcalaniczaros fouet, viginti que ferè millia superant; ex hijs maior pars sclopetariorum, cum bombardis longioribus, reliqui cum frameis arcubusque & lanceis loricis armati incedunt. Nuperque eos Modernus princeps adinuenit, pro explenda sua tyrannide, prout inferius in gestis illius patebit.

Cæterùm urbem ipsam Moskiam, cum vitæque arce Tartari Præcopenſes, funditus exuſſerunt, anno Domini 1571. menſe Maio ipſo die aſcenſionis Dominicæ, ubi ingens & innumerabilis multitudo populi, in urbe & arce flamma fumoque ſuffocati, & combuſta eſt, paucis fuga elapſis, & una duntaxat arx Kitaigorod vix deſenſa eſt; magnamque captiuitatem Tartari inde abduxerunt. Sed ad rem redeo.

*Moschouia  
à Tartaris  
exuſta.*

Omnes merces, quæcunque ab extraneis in Moſchouiam afferuntur, continuo apud telonij præfectos profiteri, ac indicare coguntur, quæ hora conſtituta conſpiciuntur, & æſtimantur, æſtimatas verò nemo nec emere, nec vendere audet, niſi prius fuerint magno Duci oſtenſa. Quò fit vt mercatores interdum diutius quàm conuenit, cùm ſuo damno detineantur. Quando verò ex Lituania in Moſchouiam legati, à rege Poloniæ proficiſcuntur, tum omnes cuiuſcunque nationis mercatores, in legatorum fidem, & clientelam ſuſcepti, in Moſchouiam ſine telonij ſire poſſunt, & victum ſufficientem, ex theſauro magni Moſchouiæ Ducis habent. Hæ autem præcipuæ ſunt merces, quæ ex Lituania, Ruſſia, & Polonia, & à cæterarum regionum mercatoribus in Moſchouiam importantur, pannum omnis generis, atque coloris; item ſericum, veſtesque ſericæ, & auro ſiue argento intertextas, lapides pretioſi, aurum filatum, gemmæ, & id genus alia metalla pretioſa. Inſuper, piper, crocus, zingiber & cætera. Interdumque viles quaſdam res ſuo tempore illuc important, ex quibus aliquando lucrum afferunt. Sæpe etiam euenit vt rei alicuius deſiderio, o-

*Mercatores, modusque  
mercandi  
in Moſchouia.*

*Merces quales in Moſchouiam  
importantur.*



mnēs Moschouitæ teneantur, quam qui mercatorum primus attulerit, plus iusto in ea lucratur. Deinde cum plures mercatores earundem rerum, magnam copiam aduexerint, tanta nonnunquam vilitas earum cōsequitur, ut is qui res suas primò magno vendiderat, easdem rursus vilescēte pretio redimat, magnoq; suo commodo in patriam reducat. Merces verò quæ inde asportantur sunt pelles variorum animalium diuersæ, cera quoque & id genus mercimoniorum. In Tartariam autem sellæ equorum, frenæ, vestes, corrigiæ, arma autem & ferrum non nisi furtim apportantur, cultellos tamen, secures, acus, specula, marsupia, & id genus alia ducere licitum est. Hæc autem gens Moschouitica, circa mercimonia fallacissimè versatur, præcipuè verò cum extraneis; nam dum aliquid vendunt, rem minoris constantem dimidio pretio (quod & Lituanis nunc peculiare est) in fraudem emptoris auctam æstimant, & quamprimum iurare incipiunt, aut obtestari, scias ilico dolum ibi latere, animo enim fallendi ac decipiendi iurant. Sed externi quoq; in rerum permutatione, hoc maximè obseruant, ut dum Moschi pelles alioqui vili pretio cōstantes, plurimi æstimant; illi vicissim illorum exemplo merces suas parui constantes, carius indicant, sicq; ars deluditur arte. Pellium magna est apud eos diuersitas; Zebellinorum enim nigredo, longitudo & densitas pilorum, maturitatem significat. Hæq; pretium augent. In Vstingensi, aut & DiWnensi, Petzoræq; prouincijs, præstantiores reperiuntur. Madauricæ pelles, ex diuersis partibus afferuntur. Ex SWetiæ verò regno optimæ aduehuntur; circa Moschouiam verò maior est  
eorum

eorum copia. Hermellinorum etiam pelliculæ, ex pluribus pariter locis inuersæ, in fasciculis afferuntur; habentq; signa quædam circa caput & caudam, ex quibus cognoscuntur, an congruo, vel incōgruo tempore sint captræ. Castorum quoque, & vulpium nigrarum pelles, in magno pretio sunt.

Prouincia ipsa Moschouitica, nec lata nimis nec fertilis est, cuius fertilitati ager vbiq; arenosus plurimū obest. Accidit ad hæc immoderata aspera q; nimis, aëris intemperies, nam ob hyemis rigorem, facta ad maturitatem peruenire non possunt, etenim tam intensa ibi nōnunquam sunt frigora, vt quem admodum apud nos æstatis tempore, præ nimio solis ardore, sic ibi præ frigore asperrimo, terra in hiatum disrumpatur. Insuper etiam aqua in aërem effusa, sputumq; ex ore proiectum, antequā terram attingat cōgelatur; rami etiam fructiferarū arborum rigore hyemis, aliquando prorsus pereunt. Homines quoq; gelu cōcreti, mortui sub dio, in vehiculis frequenter reperiuntur: quin & vrsi etiam syluestres, fame stimulatī, relictis syluis per vicinas villas passim discurrunt, & in domos colonorum irruunt, quorum impetum atq; vim cū rustica turba fugit, frigore aspero foris miserè perit. Atq; tanto nimio frigori, æstus quoq; torridus quādoq; respōdet, vt aliquando stagna & flumina æstu, nimioq; ardore solis, prorsus exsiccarentur. Prata quoq; & cætera frumenta veluti flamma aliquando exuruntur. Hic autem nimius æstus solis, per septem dies tantum, non plus durare solet. Hæc prouincia melle ferisq; caret, lepōribus tantum exceptis, quibus supra modū abundat. Frumento oleribusq; communibus affluit,

*Moschonia  
ipsa sterilis  
& frigida.*



*Moschouia  
pestilentialia  
expers.*

cerasa in tota regione nunquam reperiuntur, aliarum arborum quamuis fructus habeant, verum insuaues. Huius regionis calum adeo salubre est, ut ibi ultra Tanais fontes, praesertim Septentrionem, ac etiam Orientem, magna ex parte versus, nulla pestis unquam sauerit; habent tamen interdum, intestinorum, & capitis omniumque membrorum morbum quandam, pesti haud dissimilem, quem nos febrim calidam siue acutam appellamus; eorum vero idiomate hic morbus, *Ognyo Wa*, quasi ignitus dicitur, quod homines velut ignis calefaciat, ut quemadmodum vicina domo igne ardente, & alia domus sibi adhaerens, eodem igne inflammatur: sic quoque hoc morbo infecti velut peste, ceteros nisi caueantur inficiunt, hoc morbo qui corripuntur pauci sani euadunt. Haec gens Moschouitica, ceteris omnibus Ruthenis, astutior, & fallacior est. Si autem cum externis aliquando commercia habent, tunc se non Moschouitas quod maiorem fidem obtineant, sed aduenas, id est, Nouogardenses, vel Plescouienses esse simulant.

*Moneta Moschouitica.*

Moneta in toto Moschorum ducis imperio, est quadruplex, Moschouitica, Nouogardensis, Twerensis, & Pleskouiensis. Moschouiticus nummus non rotundus est, sed oblongus & ouali quodam modo formae similis, idiomate eorum *Dzienga* dicitur. Dupliciter autem modo cuduntur; primus in una parte hominis nudi equo insidentis, & draconem hasta feriētis, imaginem habet, in altera vero parte nomen magni Ducis exprimitur. Secundus ex utraque parte literis, nomen magni Ducis & titulum exprimentibus insignitur. Horum autem sexaginta, unum ducatum siue aureum Vngaricalem valent. Nouogrodensis nummus

mus in vna parte principis, in folio sedentis imaginē, *Moneta No-*  
hominisq̃ue ex aduerso sese inclinantis, habet; ex al- *uogroden-*  
tera parte scriptura insignitur, vocaturq̃ue *Newo-* *sum.*

*grodkā*, & Moschouiticum nummum valore in du-  
plo superat. Twerensis nummus vtrinque scriptu-

ram habet, valore Moschouiticum refert. Pskouiē- *Moneta*  
sis in vna parte caput bouis coronatum, in altera ve- *Twerensis.*  
rò scripturam habet. Est quoque in Moschouia cu- *Pskouiensis*  
prea siue ærea moneta, quæ propter pauperes tātūm *moneta.*

cuditur, & *Pula* vulgò vocatur, horum 40. *dengam Pula.*

Moschouiticam efficiunt. Omnis autem moneta

Moschouitica, ex puro & bono argento cuditur, &

omnes ferè aurifabri in Moschouia, Nouogradia,

Tweria, & Pskouia nummos cudunt, & quicunque

affert massas argenteas, puras, nummos ab aurifabro

transmutare volens, tum nummi & argentū appen-

duntur, atque æqua lance librantur: mercedem au-

tem laboris exiguam aurifabri reportant. Porro in

omni imperio Moschi, aurum & argētum nusquam

reperitur, nisi adductitio, & importatorio, omnes

earum regionum incolæ, & ipse princeps vtuntur.

Qua de re Magnus Dux, aurum & argentum, graui

sub pœna, ex suis regionibus efferre prohibet, atque

ideo permutationem rerum facere, & alia, vt pelles,

quibus abundant, aut quid aliud eiusmodi pro alijs

rebus dare iubet, quo argentum & aurum in suis re-

gionibus obtineat, atque ideo hunc principem auri

& argenti ditissimum esse dicunt. Vix autem cētum

anni elapsi sunt, cū Moschouitæ moneta argentea,

præsertim apud illos cusa vtuntur. Primū etenim

cū argētum ab externis ad eos importari cœptum

est, tum fundebantur portiuncula oblongæ argen-

*Argenti &  
auri Moscho-  
uia sterilis.*

*Argēti Mo-  
schus dines.*



teæ sine imagine & scriptura, valoris vnius Rubli; Rubla autem Dengas Moschouiticas 100. toridemque grossos Polonicales habet. Ante vsum verò monetæ aspreolorum aliorumque animalium pellibus utebantur, ijsque vitæ necessaria ceu pecunia comparabantur.

Monetam quoque auream Moschorum princeps non cudit, sed Hungaricis aureis & Rhenanis aduentitijs abundat.

Moschouia quæ est caput & metropolis cæterarum regionum & ciuitatum Moschouia Duci subiectarum, loco principali descripta, reliquas prouincias & ciuitates præcipuas, in Moschi imperio sitas, describere contendemus, ordine primùm Orientem versus seruato, tandem ad Meridiem, & Occidentem, atque Septentrionem procedendo in Orientem æquinoctialem deueniemus.

### DVCATVS VOLODI-

*miria.*

**V**Olodimiria ciuitas magna, cum suo ducatu, cuius titulum princeps Moschouia sibi vendicat, primùm occurrit, quæ castrum ligneum sibi coniunctum habet, distatque 36. milliaribus Polonicis à Moschouia, Orientem versus. Huius prouinciæ ager adeò fertilis est, vt ex vno tritici modio, sæpe 20. modij, interdum 25. proueniant. Hæc Volodimiria à tempore Volodimiri, Monarchæ totius Russiæ, qui eam condidit, & à nomine suo appellauit, totius Russiæ metropolis erat, ad Ioannem vsque Danielis filium, magnum Moschouia ducem, qui inde sedem in Moschouiam transtulit.

**DVCA-**

## DUCATUS NOVOGRO-

*dia inferioris.*

**A** Volodimiria in Orientem ulterius procedendo, Nouogrodia inferioris ducatus occurrit, qui Volodimiria fertilitate, rerumque copia ex altera nascentium æquatur. In hoc ducatu est ciuitas ampla & lignea, Nouogradia inferior dicta, à qua & regio ipsa nomen accepit. Sita autem est ad Volgæ & Occæ fluuiorum celeberrimorum confluxum: Castrum quoque huic ciuitati adhæret, quod Basilius dux Moschouia ex lapide in scopulo construxit, distat verò Nouogrodia inferior à Moschouia 100. milliaribus Polonicis.

Hæc autem ciuitas terminū religionis Christianæ facit. Nam licet princeps Moschouia ultra Nouogrodiam hanc, castrum quod Sura à fluuiio eiusdē nominis appellatur, habeat, tamen intermixtæ sunt gentes quæ Ceremissi appellantur. Hi autem non Christianum sed Mahometi dogma amplectuntur. Sunt ibi quoq; aliæ gentes, Mordwa dicta, Ceremissis intermixtæ. Huius ducatus Nouogrodia inferioris princeps Moschouia titulo vitur.

*Terminus  
religionis  
Christianæ.*

*Ceremissi.  
Mahometani.*

*Mordwa  
populi.*

## DUCATUS RHEZANENSIS.

**A** Nouogrodia inferioris ducatu, ad Occidentem nonnihil reflectendo, Rhezam prouincia inter Occam & Tanaim fluuios sita est. Hic Principatus ceteris omnibus Moschouia prouincijs, fertilior est, in quo singula grana frumenti binas pluresve spicas proferre solent, quarum culmi tam densè accrescunt, vt nec equi facillè transire, nec coturnices inde euolare possint, mellis, piscium, auium, fera-



rumque ibi magna copia, ac arborum fructus, longè Moschouia fructibus nobiliores. Gens audacissima bellicosissimaque.

*Occa flui-  
us.*

Ciuitas lignea in hac prouincia eiusdem nominis, ad ripam Occæ fluiij sita est, & non procul ab hac ciuitate Occa fluuius insulam facit, quæ *Strup* dicitur, magnus Ducatus olim circa hanc insulam erat, cuius princeps nemini obtemperabat, sed nunc hic ducatus funditus extinctus est. Hic etiam ducatus Rhezanensis titulum magni Moschouia Ducis auget.

*Strup insu-  
la.*

*Rhez, an ci-  
uitas.*

*Corsira.*

C O R S I R A in ripa Occæ fluminis, oppidum ligneum à Rhezan 28. milliarib. distans, habebat olim dominum sui iuris, sed nunc in ditionem magni Moschouia Ducis redactum est.

*Tulla arx  
& fluuius.*

T V L L A oppidum ligneum, 40. ferè milliaribus Polonicis à Rhezā distat, à Moschouia verò in Meridiem 36. estque hoc vltimum oppidum ad Campestria deserta, in quo Basilius Ioannis, castrum ex lapide construxit, quod fluuius eiusdem nominis præterlabitur. Vppa verò alius fluuius ab Ortu castrum aluit, Tullæque fluuiio iunctus Occæ, supra Vorotin 20. ferè milliaribus commiscetur. Hoc autem oppidum Tulla cum suo territorio ad Basilij vsque tempora, patris moderni ducis Moschouia, Ioannis Basiladis proprium principem hæreditarium habebat.

*Vppa flui-  
us.*

*Tulla olim  
ducatus.*

O P O R O W castrum ad Tullæ & Vppæ fluuiorum ostia, vbi in Occam exonerantur, sitū est. Tandem à castro prædicto, nonnihil in Meridiem reflectendo Msczenek locus palustrosus est, in quo olim arx eiusdem nominis (cuius etiam nunc ruinæ apparent) condita erat. Circa hanc arcem quidam homines in tuguriolis habitant, qui à Tartaris infestati, in  
illam

*Msczenek  
olim arx.*

illam aream palustrosam quasi ad asyllum confugere solent. Distat autem Mśczenek à Moschouia 60. miliaribus Polonicis, à fontibus verò Occæ fluiij, ad partem sinistram reflectendo 18. miliaribus. Hæcq; oppida Occa fluius præterlabitur: Vorotiniâ, Collugam, Cerpachum, Corsiram, Columnam, Rhezaniam, Cazigorodiam, Muriniamque. Et inde cursu ad Septentrionem nonnihil reflexo, infra Nouogrodiam inferiorem in Volgam exoneratur. Syluis vtrinq; ripæ huius fluminis clauduntur, quæ aspreolis, hermellis, castoribusq; & melle plurimum abundat.

*Ciuitates  
ad Occam  
constat.*

Campi etiam omnes quos præterfluit irrigatione eius, fertilissimi sunt. Piscium copiam qui cæteris fluminibus Moschouia præferuntur, habet. Oriuntur quoque ex huius Occæ fontibus alij duo fluij, Sem videlicet & Sosna; Semque rectâ in Meridiem, & nonnihil tandem in Orientem cursum dirigens, Seuerensem ducatum præterfluit; oppidumque Potiuolo alluens in Disnam fluium illabitur, iuxta Czer-nigow oppidum. Desna autem infra Kijouiam in Borysthenem exoneratur. Porrò Sosna cursu in Orientem directo per Campestria Tartarorum in Tanaim fluium defertur.

*Sem & Sosna  
fluij.*

COLVGA oppidum, & castrum ligneum, ad Occam fluium 36. miliaribus Polonicis à Moschouia abest, ibi quotannis præsidia contra incurSIONES Tartarorum statuere solet magnus Dux Moschouia.

### VOROTINENSIS DVCATVS.

DVCatus Vorotinensis, tribus à Collugam mil. cum ciuitate & castro eiusdem nominis ad Occam fluium sito, distat.



R E R V M P O L O N .  
 D E T A N A I S F L V V I I  
*fontibus.*

**T**Anais fluij fontes (qui Europam ab Asia diſt-  
 minat) quidam ſub Riphæis montibus falſa opi-  
 nione ducti ponebant. Hic autem in Rbezania Ruſ-  
 ſiæ regione magno Moſchouiæ Duci ſubiecta, ori-  
 tur ex lacu quodâ IWano Wo Iezioro gentili lingua  
 dicto, qui in latitudinem ad 500. Weſt ſecundum  
 diſtantias Moſchouiticas, quæ 100. milliaria Poloni-  
 ca efficiunt, extenditur. Ex hoc autem lacu alius flu-  
 uius magnus, minor tamen Tanai emergit, *Schad* di-  
 ctus, qui in Occidentem curſu directo, Huppaque  
 fluuiò hauſto, Occam inſluit. Tanais autem quam  
 Moſchi *Don* appellant, ex eodem lacu ortus, rectâ in  
 Orientem fluit, atque inter Cazan & Aſtrahan Tar-  
 tatorum regna (quæ Moſchorum dux, anno Domini  
 1554. ſuæ ditioni ſubegit) ſex vel ſeptem milliaribus  
 à Volga fluuiò, curſu nonnihil Septentrionem ver-  
 ſus incuruato, labitur; demum in Meridiem curſu ſi-  
 nuoso reflectens, in paludes Mæotidis exoneratur,  
 ad cuius oſtia Azoph ciuitas Turciſ tributaria ſita eſt.  
 Azoph autem quinque dierum nauigatione ab Iſth-  
 mo Tauricæ, quæ nunc *Præcop* vocatur, diſtat. In ea  
 multarum ex diuerſis partibus orbis gentium, cele-  
 berrimum eſt emporium. In hiſ autem partibus præ-  
 cipuè circa paludes Mæotidis, non milliaria, ſed die-  
 rum itinera obſeruantur.

*Fontes Ta-  
 nais Moſcho-  
 uiticæ Don.*

*Schad flu-  
 uius.*

*Tanais o-  
 ſtia.  
 Azoph ci-  
 uitas.*

*Tanais mi-  
 nor.*

Eſt etiam alter Tanais minor, qui in Seuerienſi  
 ducatu fontes ſuos habet, (vnde Dunecz Seuerski  
 vocatur) & ſupra Azoph, in Tanaim magnum, exo-  
 neratur. Circa oſtia autem huius minoris Tanais,  
 quatuor dietis ab Azoph ciuitate, in montibus quos  
 ſanctos

sanctos appellant, dicunt statuas imaginesque quasdam antiquitatis signa, extare.

Columnas etiam Alexandri Magni Macedonum *Alexandri Magni columna.* regis, in his partibus quidam posuere. At nunc nullum vestigium earum apparere, illi qui ea loca sapius peragrarunt, perhibent, atque ideo nihil certi de ruinis & situ earum assequi datur.

Hæc igitur de Tanais fluuio breuiter dicta sufficiant. Nunc rursus ad describendas cæteras Moschorum ducis prouincias pergam, atque à Moschouia Meridiem versus, dextrorsum procedendo, Seueriensem ducatum attingam.

### DE MAGNO SEUER IENSI DUCATU.

Seueriensis ducatus est ingens, & rebus omnibus affluens, cuius latitudo à Borysthene usque ad Mscenek castrum dirutum, supradictum extenditur, vastosque & desertos passim campos possidet. Primò duces Seuerienses sui iuris erant, sed postea magnis Lituaniæ Ducibus permultos annos parebant. Tandem quoque, (cùm magnus Ducatus Iagielone baptizato ad Polonos peruenit) regibus Poloniæ tributa persoluebant. Deinde à Casimiro rege Polo. magnoque Duce Lituaniæ, Iagielonis filio, ad Ioannem, magnum Moschouiæ ducem, defecerunt. Sedes autem huius principatus in Nouogrodek sita erat. Sed tandem hi principes (prout alijs multis Moschouiæ duci subiectis contigit) perfidia innocenter accusati, à Basilio patre moderni principis Ioannis Basiliadis, principatu exuti sunt. Hi autem Seuerienses principes, genus suum à Demetrio magno duce Moschouiæ, duxerunt.



Arces & ciuitates in hoc ducatu complures sunt, inter quas Nouogrod, Sieuierski dictus, Starodub, Potiuolu, Czernigow, & Bransko, celebriores. Sylua hermelis, aspreolis, melleque plurimum redundant, agros quoque hac regio fertilissimos habet.

**N O V O G R O D** Sie Wierski dictus, ciuitas & arx lignea, in qua olim sedes ducum Seueriensium erat, distat à Potiuolu & Starodub ciuitatibus, ab vna 18. ab altera 14. milliaribus, ad hanc ciuitatem, à Moschouia dextrorsum Meridiem versus per Colugam, Vorotiniam, Serensko, & Bransko 150. milliaribus peruenitur.

**C Z E R N I G O W** arx & oppidum 30. milliaribus à Kiouia distat.

**P O T I V O L V M** arx & ciuitas lignea, à Moschouia 140. milliaribus Polonicis, à Kiouia verò 60. distat. Hæc ultra syluam magnam, quæ 24. milliaribus in latitudinem protenditur, sita est. Huius ducatus titulo Magnus Dux Moscho. vitur, & Seueriensem se imperatorem appellat.

### *D V C A T V S S M O L E N - scensis.*

**S** Molensko ciuitas ingens, & insignis, ad Borysthenem fluuium sita, arcem ex roboribus edificatam in vltiori fluminis ripa habet, in qua plurima ædificia lignea in formam ciuitatis extructa sunt. Hanc ex vna parte Borysthenes fluuius alluit, ex altera verò fossis profundis, stipitibusque acutis munitur, in medio autem arcis templum diuæ Virginis, in scopulo conditum est. Hanc ciuitatem & arcem Basilii magnus Moschouia dux, sepius & grauissimè oppugnabat,

*Borysthenes  
fluuius.*

bar, nunquam tamen vi eam capere potuit, donec Michael Glinski, ex principum Russiæ nobilissimo stemmate & familia ortus, qui quondam summam rerû, apud Alexandrum regem Polonia, in magno ducatu tenebat, ad prædictum Basilium (seditione in Lituaniam excitata, regnante Sigismundo rege Polonia) profugit, & arcem Smolensko denuo cum ingentibus Moschorum copijs, acerrimè obsedit, quam tormentis bellicis obstinatè, sed frustra oppugnabat, & cum eam vi capere non posset, præfectis militum largitionibus corruptis, per deditionem arce cum ciuitate potitus est, atque ab hoc tempore in potestate Magni Ducis Moschouia perseverat.

*Michael  
Glinski pro-  
fugit occiso  
videlicet  
Zabrze & in-  
feso prope  
Grodnam,  
Palatino  
Trocensi.*

*Smolenska  
preditione  
capta.*

Ciuitas ipsa in vallo sita est, collibus vndique & syluis vastissimis, quibus pellium diuersarum multitudo prouenit, cingitur: distat autem Smolensko à Moschouia 80. miliaribus Polonicis.

DROHOBVS à Moschouia 72. mill. à Smolensko 18. distat, ad Borysthenem cum oppido eiusdem nominis sita est.

HVGRA fluuius profundus & lutosus, non longè à Drohobus in sylua quadam oritur, & inter Collugam, & Vorotiniam Occam influit. Hic autem fluuius Moschorum & Lituanorum dominiû quondam dislimitabat.

*Antiquus  
limes Litua-  
norum.*

WYEZMA castrum & oppidum ligneum, ad fluuium eiusdem nominis extructum est, qui haud procul inde in Borysthenem ingreditur, distatque à Moschouia 46. miliaribus, à Mosaysko 26. à Drohobus 18. Sed quia hîc frequenter Borysthenis fluuij præclari mentio intercidit, pauca de fontibus eius subiiciam.



*Borystheneſ  
fluvius Ru-  
theniſ  
Dnepr.*

BORYSTHENES, fluvius iuxta pagum quen-  
dam, *Dnepersko* dictum, fontes suos habet, vnde ab  
incolis Moschouitis, & cæteris Ruthenis, *Dnepr* siue  
*Dneper* appellatur. Sic autem cursum suum Borys-  
sthenes dirigit: Primum *Wieżman* Meridiem versus  
alluit, indeque cursu in Orientem verso, *Drohobus*,  
*Smolensko*, *Orſſa Dubrowna*, & *Mohilow* præter-  
labitur. Inde tandem in Meridiem tendens, *Kiouiam*  
Rusſiæ olim metropolim, *Circassos*, & tandem per  
*Cainpeſtria* deſerta fluens *Oczakow*, caſtrum & ci-  
uitatem Tartarorum *Pręcopenſum*, 40. milliaribus  
à *Circas*, attingit; indeque in Pontum Euxinum exo-  
neratur, cuius tam vaſta oſtia ſunt, vt procul ſpectan-  
tibus maris formam præferant. An autem *Dnepr* flu-  
uius prædictus, à Latinis congruo nomine Boryſthe-  
nes appellatur, abſurdum mihi videtur: nam hic à  
fontibus ſuis *Dnepersko* dictis, *Dnepr* vulgò à Mo-  
ſchis, Ruthenis, Lituaniſ, Poloniſ, & cæteris omnibus  
*Sauromatiſ* vocatur. Vocabulum quoque *Dnepr*, à  
Boryſthene multum diſcrepat, ſed mihi videtur *Be-  
rezinam* fluuium (qui *Boriſow* arcem & alias plures  
alluens in fluuium ſupradictum *Dnepr* exoneratur)  
Boryſthenem antiquitus appellatum eſſe. Nam id  
vocabuli ſonus, & ipſa congruentia vocis indicet.

*Berezina  
fluvius.*

*MOZAYSKO* caſtrum & oppidum ligneum, à  
*Moschouia* octodecim milliaribus Meridiem verſus  
diſtat, à *Wieżma* 26. ibi Princeps nonnunquam ora-  
tores diuerſorum principum excipere ſolet, vena-  
tionemque ibidem quotannis exercet. Nam ibi ſu-  
pra modum leporum præcipue alborum, magna co-  
pia eſt, *Olgerduſ* ille, & *Vitolduſ* magni duces Litu-  
aniæ (quibus non exſtitit ex Lituaniæ ducibus bellico-  
ſior

*Vetus limes  
Lituania.*

fior alter) fines Lituaniæ 6. milliaribus ultra Mozayfko posuerant.

### BYELSKIA DUCATUS.

**B**Yelskia principatus Russiæ, quondam sui iuris principem habebat, qui magnis Ducibus Lituaniæ Iagielonis filijs (à quibus Basilius princeps Byelskia, ad Basilium ducem Moschouiæ defecit, ducatumque totum illi subdidit) tributarius erat. In hoc principatu Biela ciuitas cum castro ad fluium Obseha in vastis syluis sita est, itaque à Moschouia 60. milliaribus Polonicis, à Smolensko verò 36. Hunc ducatum Moschouiæ dux titulo suo adscribit, & se ducem Bayelski appellat.

### RSCHOVIÆ DUCATUS.

**I**N territorio Rschouiensi ciuitas & arx lignea eiusdem nominis, RsheWa appellata, ad Volgæ ripam sita est. Distat autem à Moschouia Occidentem versus 23. mill. ultra hanc ciuitatem aliquot millia. Occidentem versus procedendo, est sylua WolkoWskilefs dicta, in qua est palus WronoW appellata, ex hac palude fluius quidam emergit, qui 2. milliaribus Polonicis emensis, in lacum quendam, Volgo dictum, influit, vnde rursus aquarum multitudine adauctus, egreditur, Volgaque à lacu ex quo oritur, vocatur. Hic fluius multis fluminibus in se receptis, totam Moschorum principis ditionem; *Volga fluius celebris.* item Cazanense & Astrachanense regnum, nonnullaque Tartarorum deserta campestria perfluit, & tandem 70. ostijs in mare Caspiū (Ruthenis ChWalinskoie mare dictum) exoneratur. Hunc fluium



Moschouia Volgā, à Volgo lacu, ex quo emergit, appellant. Tartaris verò Edel, Ptolemæo & Græcis *Rha* dicitur. Hic ducatus Rſchouia, in quo prædictus fluuius fontes suos habet, latissimè extenditur, ab hocq; dux Moschouia titulum sibi vsurpat, & ducem Rſchouia se appellat.

W O Ł O C Z K ciuitas & arx lignea, occidentem æquinoctialem versus 24. mil. à Moschouia distat; à Mozaysko 12. à T Weria 20. Leporibus albis hæc provincia abundat, ibique Magnus Dux sæpe venationem exercere solet.

W Y E L I K Y E L V K I, arx & ciuitas magna lignea, à Moschouia 140. milliaribus, à Nouogrodia magna 60. à Polosczo 36. distat, eam Louat fluuius præterfluit, indeque Septentrionem versus fluens, in Ilmen lacum iuxta Nouogrodiam magnam ingreditur.

T O R O P Y E C Z arx & ciuitas, à Wyelike Luki decem & octo milliaribus distat, ad cōfinia Lituaniae ducatum Smolensciensem attingens, sita.

Hæc autem arx Toropyecz cum cæteris sibi adiacentibus, videlicet Drohobus, Biela, & Brensko, cum bona Seueriæ ducatus parte, vno tempore per ditionem in Magni Ducis Moschouia potestatem Ioannis Basilij deuenerunt, sub Alexandro rege Poloniae, magnoque Duce Lituaniae, prout latius in descriptione regni Polonici dictum est.

*Seueria à  
Lituanis  
defecit.*

#### DUCATVS TWERENSIS.

T Werensis ducatus, cuius titulum magnus Dux Moschouia sibi vsurpat, amplissima olim ditio erat, vna ex magnis Russiae principatibus, ad Volgā  
fluuium

fluum sita, 36. mil. distat à Moschouia. In ea est ciuitas occidentem æstiualem versus, Twer dicta, quam Volga fluius interlabitur. In altera autem Volgæ ripa castrum ligneum sibi coniunctum habet, ex cuius opposito Twercha fluius Volgam influit. Hæc *Twerensis* ciuitas monetam argenteam propriam habet, quæ *moneta.* valore Moschouitica æquatur.

TERSAK oppidum 10. mil. Polonicis à Tweria abest. Huius olim pars dimidia Nouogrodiensi, altera Twerensi ducati subiacebat. Porro hic ducatus *Twerensis* Twerensis à Ioanne Basilij, Moschouię principe, auctore *ducatus.* moderni ducis occupatus est.

### DUCATUS PSKOUIENSIS.

PSkouia principatus, olim amplissima sui iuris *Pskouia ca-* ditio erat, sed à Ioanne Basilij, anno Domini 1509. *pia.* occupatus est. In eo est ciuitas celebris totius regionis metropolis, Peskouia, gentiliter *Psکو* dicta, ad lacum Psکوa dictum, sita, ex quo eiusdem nominis fluius emergit, ac mediam ciuitatem interfluit, indeque sex milliaribus emensis in lacum Czuczko, vel Czudzin dictum ingreditur. Sola autem Pskouia in toto Moschi imperio muro cincta est, quæ in quatuor partes diuiditur, & earum singulæ suis mœnibus clauduntur. Distatque hæc ciuitas Occidentem versus à Nouogrodia magna 36. mill. à Wyelikie Luki, & à Regia Liuoniæ metropoli 60. Facilis ex Pskouia in mare Balticum esset nauigatio, sed scopuli quidam non longè ab Iwanow Gorod, & Nerua castris, in finibus Liuoniæ impedimento sunt, ubi 2. mil. emensis Nerua fluius pluribus fluijs haustis in mare exoneratur. Hanc ciuitatem anno suprà dicto



*Pskonia pro  
ditione sa-  
cerdotum  
capta.*

Moschouia dux prodicione sacerdotum occupauit, ciuibsq; in Moschouiam abductis, & in eorum locum Moschouitis substitutis libertatem Pskouienfium, quam strenuè multis annis propugnabāt, prorsus diminuit, eiusque titulum sibi vsurpat.

### DVCATVS NOVOGRODIÆ

*magna.*

*Rurik No-  
uogrodia  
princeps.*

**N**ouogrodia magnæ principatus amplissimus olim ex totius Russiæ ducatibus erat; cuius imperium Rurik Varegus sorte sibi oblatum, in primis administrabat, & tandem post eum successores eius latissimè ad Græciam vsque imperium suum extendebant. Et tunc temporis amplissimam dittonem in quinque partes distributam habebat. Imperiumq; suum Orientem, Meridiem, & Septentrionem versus, magna ex parte extendens, Lituaniam, Phinladiam, Suetiam & Nordwegiam ipsam attingebat.

*Volchow  
fluvius.*

Est autem in hoc principatu ciuitas ingens & ampla, Nouogrodia magna appellata gentiliter Nouogrod Wielki dicitur; eam Volchow fluuius nauigabilis interfluit, qui ex Ilmen lacu duobus Werst supra ciuitatem emergens in alium locum, (Nouogrodia magna interlapfa) Ladoga dictum, exoneratur: triginta sex Polonicis milliaribus emensis.

*Ilmen la-  
cus.*

Porro Ilmen lacus supra Nouogrodiam duobus Werst situs, in longitudinem decem & octo milliaribus Polonicis, in latitudinem verò duodecim patet, duosque præter alios celebriores fluuios excipit, Lo War, & Scholona dictos, vnum verò emittit Volcho dictum, qui Nouogrodiam interfluit. Distat autem Nouogrodia occidentem æstiualem versus, à Moscho-

Moschouia centum viginti milliaribus, à Pskouia triginta sex, ab IWanoW Gorod, & Wyelikie Luki quadraginta. In hac ciuitate erat olim quoddam idolum *Perun* appellatū, hoc in loco, quo nunc est monasterium, *Perunski* monaster, ab idolo eodem dictum. Hoc idolum à Nouogrodensibus præcipuè cultu latriæ adorabatur: habebat autem formam hominis lapidem ignitum, manu tenentis, similem fulmini. Nam *Perun* Ruthenis, & Polonis fulmen significat. In huius laudem & honorem ignis exque-  
 cubus, qui perpetuò die nocteq; arderet, construebatur. Quod si negligentia ministrorum, ad hoc officium obeundum designatorū, ignem extingui con-  
 tingeret, tunc capitis pœna plectebantur.

*Perun ido-  
lum.*

*Ignis perpe-  
tuus sacro-  
sanctus.*

Currente anno Domini 1470. cū Theophilus archiepiscopus Nouogrodia, sua autoritate totam ditionem Nouogrodiensem gubernaret, regi Polonia Casimiro, tunc temporis magno Duci Lituaniae persoluens, Ioannes Basilij Moschorum dux Nouogrodiensem principatum, graui acerrimoque bello per septem perpetuos annos pressit, ipsamque ciuitatem Nouogrodiam sæpius obstinate oppugnabat. Tandem anno Domini 1477. ad fluuium Scholona dictum, Nouogrodenses bello superauit, eosque ad deditionem ciuitatis & totius regionis compulit, & locum tenentem suum illis constituit. Cū autem nondum absolutum se imperium in Nouogardienses habere intellexisset, auxilio prædicti Theophili archiepiscopi, in Nouogardiam armata manu venit, sub prætextu religionis conseruandæ, quasi ciues quosdam à Ruthenico ritu, ad Romanam Ecclesiam deficere volentes, cohibere pro-

*Nouogrodē-  
ses superati  
bello, in quo  
Ioannis Ba-  
siliij subacti.*



posuisset, hacq; simulatione Nouogrodiam ingressus, incolas ad miserrimam seruitutem redegit, ciues, mercatoresq; omnes, bonis omnibus (parte vnicuique quarta relicta) spoliauit, ipsumque archiepiscopum prouentibus omniq; auro & argento priuauit, & alium episcopum, (parua duntaxat reddituum portione illi concessa,) in locum eius constituit.

R v s s a, oppidulum vetustissimum, olim antiqua Russia dictum, à Nouogrodia 12. mil. distat, quod *sal coctum.* fluuius falsus praterfluit, quem incolæ fossa ampla in modum lacus coërcent, indeq; aquam per canales vnusquisque ad suas ædes deducunt, & ex ea sal coquant.

I W a n o w Gorod arx, quam Ioannes Basiliades Moschouix dux, à quo & nomen accepit ad ripam Nerux fluuij ex lapidibus sectis extruxit, distat à Nouogrodia magna 40. miliaribus, à Pskouia totidem. Iuxta hanc arcem est ciuitas lignea Nerua, à fluuio appellata, vbi Nouogrodenfes & Pskouienfes merces suas deponere solent. Est ibi quoque ex aduerso in altera ripa Liunionensium castrum & ciuitas, quod etiam ab eodem fluuio Nerua appellatur, atque hæc duo castra Nerua fluuius interfluens, Moschouix olim imperium à Liunionensi dislimitabat: sed nunc Ioannes Basiliades modernus princeps Moschouix, Nerua arce Liunionensium cum cæteris potitus, vltius fines suos promouit. Nerua autem fluuius ex lacu Czudzko dicto, oritur, duobusque in se receptis fluuijs, Pskowa, & Vielika Rēka dictis, ex Meridie venientibus, I W a n o w Gorod, & Neruam ciuitatem interfluit, indeq; in mare Liionicum exoneratur. Hoc fluuio ex Moschouia merces in mare deportantur,

*Limes Li-  
uonici &  
Moschou-  
ici imperij.*

*Nerua flu-  
uius nauis-  
gabilis.*

tantur, præcipuè ex Pskouia & Nouogrodie magnæ regionibus.

I A M M A castrum, 12. mil. ab IWanoW Gorod, & Nerua situm est, ad Plussa fluuij ostia Septentrionem versus. Deinde spacio 4. mil. à Iamma, castrum & ciuitas Coporogia dicta, ad fluuium eiusdem nominis occurrit. Hinc Septentrionem versus, 25. mill. per Oressek, & Correllam ciuitates, ad fluuium Polna peruenitur, qui imperium Moschorū à Phinlandia Suetiæ regi subiecta dislimitat.

### V O D Z K A R E G I O.

HÆc regio à Nouogrodia magna, triginta milliaribus distans, inter Occidentem & Septentrionem sita est, cuius incolæ proprium idioma habent, aliquantulum à Ruthenico differens, in eam animalia cuiuscunque generis si aliunde inducta fuerint, colorem suum in albedinem mutare perhibentur.

*Animalia  
colorem mu-  
tant.*

### C O R R E L L A P R O -

*uincia.*

HÆc prouincia suum proprium idioma habet, à Nouogrodia Septentrionem versus, sexaginta milliaribus Polonicis distat, cuius incolæ Moschorum duci, & Suetensium regi, propter vtriusque vicinitatem tributa pendunt. Huius prouinciæ fines ad mare vsque glaciale protenduntur.

S O L O W K I insula Septentrionem versus, inter Dwinam & Correllam prouincias, octo milliaribus Polonicis à terra in mari sita est, Moschouie duci subiecta. Estque ibi monasterium Ruthenicum insigne, in quod mulieribus ingressus graui sub pœna prohi-



betur. Distat autem hæc insula à Moschouia trecentis milliaribus, à Bielleiezioro 200. millia. Polonicis. Sal ibi copiosius decoquitur. Solem illic in æstuali solstitio perpetuò, duabus tantum horis exceptis, splendere affirmant.

### *DWINA PROVINCIA.*

**H**Æc prouincia in ipso Septentrione sita est, No-uogardensiumq; olim ditioris erat, & à fluuio præterlabente DWina dicto, nomen sortita est. Fluiuius autem ipse ab Iug, & Suchana fluuiorum duorū confluxu DWinæ nomen accepit. DWina enim Ruthenis binos significat. Hic fluuius postquam Iug, & Suchana confluxerunt, DWinæ nomine assumpto, emensis ceterum milliaribus, Oceanum septentrionalem, qui Suetiam & Nordwegiam alluit, sex ostijs ingreditur. Numerantur autem à Moschouia ciuitate trecenta milliaria Polonica ad ostia eius. Hæc prouincia quamuis centum milliaribus pateat, præter Colmogoram tamen castrū, & DWinam ciuitatem, quæ in medio regionis sita est, castrumque Pinega in ipsis DWinæ ostijs conditum, oppidis & castris prorsus vacua est. Pagis tamen compluribus abundat, qui propter terræ sterilitatem magno tractu, longè lateq; ab inuicem distant. Incolæ verò ex piscibus ferisque omnis generis victum, ex pellibus verò amictum acquirunt; panis enim vsum prorsus ignorant. In maritimis huius regionis locis, vrsi albi maiori ex parte in mari degentes reperiuntur, quorum pelles cum cæteris varij generis animalium pellibus, incolæ magno Duci pro tributo dant, atq; ita in Moschouiam sæpius deferuntur. Regio ipsa tota falsifera est,  
ex qua

ex qua cæterarum regionum circumadiacentium incolæ sal habere solent.

### VSTIUGA REGIO.

**A**Dwina ex Septentrione in Meridiem procedo Vstiug ciuitas & arx, à qua & regio nomen accepit, occurrit, ad fluuium Suchana condita, distatque à Wolochda ciuitate centum mil. à Bieleizioro centum quadraginta. Dicitur autem Vstiug, *Vstiug de-* ab Vstia, quod ostium Latinis sonat, & Iug fluuio ex *nominatio.* Meridie in Septentrionem currente, ad cuius ostia primò sita erat, sed postea propter loci opportunitatem, ad dimidium milliare supra ostia eius, vbi in Suchanam ingreditur, translata est, & antiquo nomine Vstiug hucusque appellatur. Hæc regio olim Nouogardensibus tributaria erat, in qua nullus propemodum panis vltus habetur. Quapropter incolæ ex piscibus & feris victum quaritant. Idioma proprium quamuis Ruthenico magis vtantur, habent. Sal ex Dwina regione supradicta eis aduehitur. Omnis generis ferarum pellibus abundant, præcipuè vulpinis nigris, quæ interdum Zebellinis æquiparantur. Zebellinorum pelles illic nec multæ, nec admodum bonæ reperiuntur.

### VOLOCHDA PRO- uincia.

**H**æc prouincia inter Orientem & Septentrionem sita est, habetque ciuitatem eiusdem nominis & arcem, natura loci munitissimã, in qua magnus Dux Moschouie thesauri sui partem tempore necessitatis cõdere solet. Abest autem à Iaroslau 50. milliariibus



*Wolochda  
fluvius &  
ciuitas.*

Polonicis, à Bieleieziro 40. eam fluuius Wolochda in Septentrionem ex Occidente fluens, præterlabitur, à quo ciuitas ipsa & prouincia denominata est. In hac regione viatores certā itineris rationem, propter crebras paludes, & fluuiorum anfractus obseruare non possunt: tota enim palustrosa & syluestris est, & quò ulterius progreditur, eò plures & inuiæ paludes, fluuijque occurrunt, quondam sub Nouogardiæ magnæ ditione erat.

Waga fluuius, piscibus omnis generis abundans, inter Bieleieziro & Wolochdam in paludibus, densissimisque syluis oritur, ac in Dwinam fluuium illabitur. Accolæ autem huius fluuij panis vsum penitus ignorant, ferisque venatione partim victitant; pellibus vulpinis nigris & coloris cinericei abundant.

### BIELEIEZIRO DVCATVS.

**B**ieleieziro, quasi dicas albus lacus, est regio ampla, vna ex ducatibus Russiæ, in Septentrione sita iuxta lacum ingentem, à quo nomen ipsa regio & arx, ciuitasque traxit. Huius ducatus titulo magnus Dux Moschouiæ vitur. Hic autem lacus 13. mil. Polonicis in longitudinem, totidemque in latitudinem stagnat, & triginta sex fluuios excipit, vnū verò duntaxat Sosna emittit, qui 15. mil. supra Iaroslau, & 4. mil. infra Mologam ciuitates emensis, fluuiio Volgæ celebri commiscetur. In hoc lacu est arx natura loci munitissima, inexpugnabilisq; in qua princeps Moschouiæ thesaurum suum recòdere solet, illicq; tempore necessitatis hostibus vrgentibus, velut ad asylum quoddam confugit. Abest autem Bieleieziro à Moscho-

*Thesauros  
Moschus in  
albo lacu  
recondit.*

Moschouia 100. mil. à Nouogardia magna totidem. Regio penè tota palustrosa syluosaq; est, ideo viatoribus difficilem transitum præbet, & haud cōmodè ad eam, nisi stratis pontibus, concretisq; glacie aquis peruenitur. Huius loci incolæ proprio idiomate vtuntur, sed nunc ferè omnes Ruthenicè loquuntur.

Alacu Bieleiezioro ad sagittæ iactum est, alius lacus *Sulphureus lacus.* sulphur copiosè proferens, quod fluuius quidā ex eo emergens, ceu spumas supranatātes secum defert. In hoc ducatu Sinaus Varegus sorte sibi è Ruthenis cōcesso, primus confederat, cuius etiam fratres vnus in Pskouia Truuor nomine, alter in Nouogradia magna Ruriczki dictus, (de quibus suprà) imperabant. *Tres duces Russia antiqui.*

### IAROSLAVIÆ DUCATVS.

Iaroslau ciuitas & arx lignea ampla, ad Volgā fluuium sita, 46. mill. à Moschouia distat. Regio ei adiacens fertilissima est, præsertim ea parte qua ad Volgam vergit. Hæc olim secundo genitis magnorum Ducum Moschouia attributa erat, quos Ioannes Basiliiades Moschouia monarcha, principatu expulsos in seruitutem redegit, ex quorum progenie adhuc supersunt, qui Knesi (id est duces) Iaroslauici dicuntur, sed paruam in regione reddituum partem retinent. Ipse enim dux Moschouia & titulum & ducatum sibi vendicat.

### ROSTHOVIÆ DUCATVS.

Hic ducatus inter præcipuos & antiquiores Russia principatus, post Nouogardiam magnam olim habebatur, & secundo genitis magnorum ducum Russia, attributus erat; quorum posterius per Io-



*RostoW ci-  
uitas.*

annem Basilij, auum moderni ducis Ioānis Basiliadis eo exuri sunt. In hoc ducatu est ciuitas & arx lignea, RostoW dicta, regionis caput, in qua archiepiscopus sedem suam habet, à Moschouia 34. mil. distat. Sita autem est ad lacum quendā, ex quo Cotorea fluuius emergit, & Iaroslauia ciuitate præterlapsa in Volgam illabitur. Huius ducatus titulo Moschouix dux utitur, nouissimumq; huius regionis hæredem, ex progenie ducum Russiæ, anno Domini 1565. Ioannes Basiliades Moschouię dux, tyrannicè trucidauit, progeniemq; eius funditus deleuit.

VGLITZ ciuitas cum castro, ad Volgam fluuium condita, distat à Moschouia 24. mil. à Iaroslauia triginta.

*Nūdina ce-  
leberrima.*

CHLOPIGROD ciuitas duobus milliariibus distat ab Vglitz, in ea celeberrimæ frequenter fiunt nundinæ, ad quas Suerenses, Liouonienses, Rutheni, Lituani, Tartari, & aliæ quamplurimæ gentes confluunt, omnes verò tantum permutatione rerum vtuntur.

PEREASLAW ciuitas & castrum, ad lacum quendam à Septentrione in Orientem reflectendo sita est, à Moschouia 24. à RostoW decem milliariibus distat. Iuxta hanc est lacus quidam, ex quo sal copiosè decoquitur.

### SUSDALIENSIS DVCATVS.

D Vcatus Susdali, cum eiusdem nominis castro & ciuitate, in qua sedes episcopalis est, Rostouiæ & Volodimiræ adiacet, inter præcipuos olim Russiæ principatus numerabatur, ac reliquarum Russiæ partium metropolis erat. Hunc Ducatum secundo  
geniti

geniti ducum Moschouix iure hæreditario possidebant, quorum tandem posterius per Ioannem Basilij, auum moderni ducis Moschouix, eo expulsi & spoliati sunt.

C A S T R O M O W G O R O D, ciuitas cum castro, in confluxu Costromæ & Volgæ fluuiorum sita est, viginti miliaribus à Iaroslauia orientem æstiualem versus distat.

G A L I C Z prouincia cum ciuitate & castro eiusdem nominis ex Moschouia in Orientem, per Castromowgorod euntibus occurrit. In ea propter crebras paludes, fluuios, & syluas densissimas ratio vera itinerum obseruari non potest.

### V I A T H K A R E G I O.

HÆc regio ab eiusdem nominis fluuio denominata est, in cuius littore hæc ciuitates sitæ sunt. Chilinoua, Orlo, Cotelnicz, & Sloboda. Orlo 4. mil. infra Chilinouam sita est, deinde 6. mil. Occidentem versus procedendo, Sloboda & Cotelnicz ciuitates, ad Rhecicza fluuium sitæ, qui ex Oriente fluens in Viatkam influit, occurrunt. Hæc regio in orientem æstiualem porrecta, 150. mil. à Moschouia distat. Tota ferè palustris & sterilis est, melle, feris, piscibus, aspreolisq; abundans, in ea Ceremissæ populi passim vagantes latrocinantur. Hæc olim sub Tartarorum imperio erat, sed monarcha Moschouicæ Basilius, Tartaris expulsis eam sibi subiugauit, tituloq; eius (ducentem se Viathkia appellans) utitur. Attamen Tartari ultra, citraque, Viathkam fluuium, adhuc in campe- *Viathka* stribus habitant, maximè verò in ostijs Viathkæ, vbi *fluuius.* in Camam fluuium ingentem exoneratur.



*Litteræ Per-  
miorum.*

*Narta.*

*Mirabilis  
cursus in  
nartis.*

*Tumen re-  
gnum.*

**P**ermia magna & ampla regio, à Moschouia 250. mill. distat. In ea est ciuitas eiusdem nominis, ad Vischoram fluuium sita, qui 10. mill. inde emensis in Camam fluuium exoneratur. Incolæ huius regionis pane rarissimè vtuntur, & ceruina plerunque carne, aliarumque ferarum victitant. Idioma proprium, literas quoque à Ruthenicis differentes habent, quas Stephanus episcopus (qui eos ad fidem Christi rebelles conuertit) adinuenit, q̄ postea apud Ruthenos catalogo Sanctorum adscriptus est. Quendam verò episcopum, Stephani huius antecessorem, Permiani, cum eos ad fidem Christi conuertere nitebatur, exorauerunt. Superfunt adhuc plurimi ex ijs idololatras, passim in syluis degentes. Hyeme per niues trahis itinera faciunt, quas vel canes vel cerui albi, (quos in hunc vsu pro iumentis habent) trahere solent. Pedites autem in nartis (quemadmodum in plurimis Russiæ locis mos est) celeriter per niuem iter conficiunt. Hæ autem nartæ sunt lignæ quædam, & oblongæ solex duorum triumve cubitorum longitudine, quibus in pedes inductis baculo oblongo cum cuspidi suffulti, celerrimè feruntur, adeò vt nullo modo equi quamuis agilissimi cursu insequi possint; nam equo currenti asperitas niuis, montes, cæteraque viæ obstacula, impedimento sunt: in nartarum autem instrumentis currentes, colles, truncos, foueasque, facillimè transiliunt; hocque modo feras omnis generis apprehendere & capere telis transigendo solent. Huic regioni Tumen regnum, cuius Princeps Tartarus, conterminum est.

**SIBIOR**

## SIBIOR PROVINCIA.

**H**Æc prouincia ad Camam fluuium inter Per-  
miam & Viatkam regiones sita est, quæ castris  
& ciuitatibus vacua prorsus est. In ea laijczk *laijczk flus*  
fluuius ingens oritur, qui Tartarorum campestribus *mans.*  
præterlapsis, in Caspium mare influit. Incolæ eius  
proprio idiomate vtuntur, panis vsum nesciunt, sed  
ferina carne victitant. Mercimonia ex aspreolorum  
pellibus (qui apud eos præstantissimi reperiuntur)  
exercent, pro tributoque easdem magno Moscho-  
uiæ Duci pendunt.

Regio ipsa tota ferè palustris & syluestris est, &  
propter Tartarorum vicinitatem magna ex parte  
deserta dicitur.

## VUGRA REGIO.

**V**gra siue Iuhra regio, cuius incolæ Iuhri vel Iugri-  
ci appellantur, ad Oceanum septentrionalem sita  
est, ex ea Hūgaros sterilitate regionis caussata olim *Hungarorū*  
prodiisse, & Pannoniam occupasse ferunt, aiuntque *ortus.*  
eos patrijs locis egressos, primò ad paludes Mæotidis  
confedisse, deinde ad Danubium fluuium Pannoni-  
am versus concessisse, à sui que denominatione Pan-  
noniam Iuhariam, deinde Vngariam nominasse, & *Hungaria*  
duce Attila multas prouincias Asiæ & Europæ de- *denomina-*  
bellasse. Hinc ergo Moschouitæ plurimùm glorian- *tio.*  
tur, dicentes subditos suos quondam Germaniæ, I-  
taliæ, Græciæque fines vastasse, totoque mundo ter-  
ribiles esse. Indigenæ huius regionis, vectigal magno  
Moschorum Principi soluunt, eodemque idiomate  
cum Vngaris vtuntur.



## P E T Z O R A R E G I O .

*Petzora  
fluvius.*

*Montes cin-  
gulus terra.*

*Arbores ce-  
dri.*

*Iter in Pet-  
zoram.*

*Incola Pet-  
zoræ.*

**P**etzora magni Ducis Moschorum ditio, longo tractu in septentrionalem & orientalem plagam fines suos iuxta mare glaciale extendit. Denominata est à fluviio eiusdem nominis, *Petzora* dicto, qui à Meridie fluens in Oceanum glaciale, iuxta oppidum & castrum Pusteziero dictum, sex amplis ostijs exoneratur. Circa hunc fluviium sunt montes, rupesque in altum prominentes, *Ziemnoi Poias* Ruthenis, id est cingulus terræ dicti, quorum vertices ob continuos ventorum flatus, nudi absque gramine sunt, niuib. frequenter rigentes. Crescunt autem illic arbores cedri, circa quas nigerrimi Zebeli reperiuntur, aues etiam rapaces varij generis in his montibus nidificant, præcipuè verò falcones albi ad venandas aues promptissimi, qui inde in Moschouiam afferuntur, eisque magnus Dux in venatione uti solet. Atq; in principis Moschouix imperio hij montes, quos veteres *Rhiphæos* siue *Hyperboræos* (varijs in locis situm eorum ponentes) vocabant, existunt. Hij autem montes perpetuis niuib. gelu concretis alben. difficilemq; transitum iter carpentibus præbent. Tantæ enim altitudinis dicuntur, ut quidam à Moschorum principe ad id destinati, decem septem dies in ascendendo quodam monte transigerint, attamen nequaquam verticem montis attingere potuerunt. Qui autem ex Moschouia ad Petzoram proficiscere volunt, per *Vstiugam* & *Dwinam* provincias transeuntes, rectà in *Permiam* regionem, quæ à Moschouia ducentis quinquaginta milliariibus distat, perveniunt, indeque ystato magis itinere Petzoram attingunt. Incolæ huius regionis simplicissimi

cissimi sunt, idioma proprium habent, panis apud eos nullus usus habetur. Anno Domini supra millesimum quingentesimum decimo octauo, Ruthenico ritu sacro baptismi fonte abluti sunt. Pelles ferarum varias magno Moschorum Duci pro tributo pendunt. In ostijs Petzoræ fluuij est castrum & oppidum Pustezioro dictum, vltra quod in littore Oceani septentrionalis variæ gentes sunt, quæ communiter Ruthenis *Samogedz* (id est seipsos comedentes) appellantur. Hæ gentes in Moschouiam non veniunt, aliorum enim hominum cœtum, vitæque societatem maximè refugiunt. Auium diuersarumque ferarum copia supra modum abundant, vtpote Zebellibus, castoribus, hermelis, aspreolis, vrsibus albis, lupis, leporibus, & id genus alijs animalibus. Præterea in Oceano eis adiacenti pisces diuersi generis & equi marini crescunt, in eodem Oceano varia magnaque animalia dicuntur esse, inter alia autem belua quædam magnitudine bouis, quam Moschouitæ *Mors* appellant. Hæc belua in mari,

*Gēs seipsam  
mutuo com-  
edens.*

*Mors belua.*



*Dentes Mers  
belua.*

*Papini gēs.*

montium occupantibus, telis & lapidibus, priusquam montes ascendat, prohibetur, hocque modo frequenter opprimitur. Ex harum autem beluarum dentibus, Moschouitæ, Turcæ, Tartarique, manubriapugionum, cultellorumque; præstantiores etiam framearum subtiliter conficiunt, solum autem propter dentes capiuntur, magno enim pretio, apud Turcas & Tartaros veneunt. Adeundem Petzoram fluuium, est castrum & oppidum Papino Wgorod dictum, huius accolæ Papini dicuntur, diuersumque à Ruthenico idioma habent, & Duci Moschorum tributa soluunt.

### O B D O R I A R E G I O.

*Obbi flui-  
us amplissi-  
mus.*

*Vogulici  
gens.*

O Bdoria à fluuio præterlabente Obbi dicto denominationem accepit, qui ex lacu quodam amplissimo Kitaijsko nominato emergit, ab Orienteque in Septentrionem fluens, sex ostijs in Oceanum septentrionalem exoneratur, ad oppidum autem Obbi dictum, est tam vastæ amplitudinis, ut sedecim milliarium Polonicorum, octuaginta autem Werst Moschouiticarum in latitudinem pateat; vixque duobus diebus nauigio, quamvis ventis vela impellentibus tranatur; sicque abundat piscibus, ut nauigantium remigijs premantur. Huic quoque fluuio Vogulici & Hugritzchi populi accollunt, multa ibi varijque generis animalia capiuntur, quibus regionis incolæ (panis enim vsum nesciunt) victitant, pellibusque Moschorum Principi tributa persoluunt.

## DE IDOLO AUREÆ

anus.

IN hac Obdoria regione, ad ostia Obdi fluuij, est quoddam antiquissimum idolum de lapide excisum, quod Moschouitis *Zolota Baba*, id est aurea anus dicitur. Est autem similitudo mulieris vetulæ, *Similitudo idoli.* infantem in gremio tenentis, & alterum iuxta se infantem habentis, quem nepotem illius esse incolæ dicunt. Hoc idolum ab Obdorianis Iuhriscis & Vohuliscis, alijsque conterminis gentibus cultu latriæ veneratur, præstantissimasque & maximi præcij pelles Zebellinas idolo offerunt, vnà cum reliquarum ferarum preciosis pellibus: ceruos quoque selectiores ad sacrificium peragendum mactant, quorū sanguine os, oculus, & reliqua simulacri membra perungunt. Intestina autem cruda sacrificij deuorant, & inter sacrificandum sacerdos idolum cōsulit, quid ipsis faciendum, quove migrandum sit. Ipsum autem (dictu mirum) certa consulētibus responsa dare, certosque rerum euentus prædicere solet. Dicuntur etiam in montibus vicinis huic idolo, sonitus boatūque quidam audiri, qui perpetuò sonitum in modum clangoristubarum edunt. Hoc autem nihil aliud esse dicerem, nisi instrumenta quædam illic antiquitus posita, vel canales subterraneos, sic natura ipsa effectos, qui ventorum perpetuò flatu sonum, boatumque & clangorem continuò efficiunt. *Boatus quidam.*

Ab Obbi fluuio à parte sinistra ascendendo, Calami populi dicti in campestribus degentes occurrunt *gens.* Moschorum Ducis tributarij.

Infra Obbi fluuij ostia & auream anum sunt com-



*Fluuij.*

plures ingentes fluuij, Irtischæ, Bereswa, Sosa, Tachnim, Danadim, & cæteri multi ex montibus cingulus terræ dictis emergentes. Horum fluuiorum accola ad Auream anum vsq; , & Oceanum septentrionalem habitantes, magno Moschorum Duci tributa persolvere dicuntur.

### CONDORA REGIO.

**H**Æc regio ad Oceanum septentrionalem sita, Obdoraæ regioni vicina est, tota ferè syluis fluminibusque obsita, eius indigenæ proprio idiomate vtuntur, & Aureæ anus idolum cum Obdoria- nis colunt, ferarum carnibus, quibus omnis generis copiosè affluunt, pro cibo vtuntur, pelles verò varias Moschorum Principi pro tributo pendunt; regio ciuitatibus, castris, pagisque prorsus vacua est. Hu- ius titulo Moschorum Dux, (Ducem se appellans Condoria) vtitur.

### LVCOMORIA REGIO.

*Grustintzi  
& serpo-  
noWtzi po-  
pulis.*

**L**Vcomoria regio longo tractu iuxta mare Se- ptentrionale extenditur, ab incolisque sine vllis ædibus in syluis & campis habitatur. Huic regio- ni confines sunt Grustintzi, & SerponoWtzi popu- li à castro Grustina ad lacum Kitaijsko sito, dicti, vbi Obbi fluuius supradictus fontes suos habet. Ab hoc lacu homines nigri, communis sermonis expertes, ad Grustinam arcem venire solent, secum adferen- tes varias merces, præcipuè autem vniones, gem- mas, lapidesque preciosos, quas Grustinski & Serpo- noWtzi, rerum transmutatione facta ab eis mer- cantur. Hæ autem gentes Lucomoria, item Gru- stintzi,

stintzi, & SperponoWtzi, & quæcunque infra Ob-  
bi fluuium, & lacum Kistajsko dictum, iuxtaque flu-  
mina Sosa, BeresWa, Danadim, & Tachmin habi-  
tantes, ad Oceanum glaciale[m] vsque magno Mo-  
schorum Duci, vectigales dicuntur. Porro de qui-  
busdam populis in Lucomoria habitantibus, por-  
tentosum & dictu[m] incredibile quiddam refertur, *Mirabile*  
quasi illi quotannis vigesima septima mensis No- *quiddam.*  
uembris die, velut hirundines & ranæ, præ intenso  
frigore brumali moriantur; postea redeunte vere,  
vigesima quarta Aprilis die, eos denuò reuiuiscere  
aiunt. Hi autem hoc modo commercia cum Gru- *Mirum mer-*  
stentzijs & SperponoWtzijs populis sibi vicinis ha- *câdismodus,*  
bere dicuntur, cum iam futuram mortem sibi im-  
minere sentiunt, tunc merces suas certis in locis de-  
ponunt, quas Gruštintzi & SperponoWtzi suis mer-  
cibus interim æquivalentibus eodem loco relictis,  
auferunt. Illi autem reuiuiscetes, illas merces, si æ-  
qua commutatione sibi placuerint, pro suis accipi-  
unt: sin minus iustæ fuerint, à Gruštintzijs & Serpo-  
noWtzijs suas repetunt, vnde lites & bella hac de  
caussa inter eos sæpissimè oriri dicuntur. Ex Luco-  
moriæ montibus Cossin fluuius dictus, ingens ori- *Cossin flu-*  
tur, qui Lucomoria præterlapsa, in magnum fluui- *us.*  
um Tachmin dictum, exoneratur. In Tachmin au-  
tem fluuio pisces quidam nasci dicuntur, qui capite, *Piscis mira-*  
oculis, naso, ore, manibus, pedibusque hominem re- *bilis.*  
ferunt, sed absque vllæ vocis expressione. Aiunt  
quoque ultra hunc fluuium prodigiosæ formæ ho- *Gens mira-*  
mines habitare, quorum alij ferarum more pilis ri- *bilis.*  
gent, alij caninis cum capitibus in speluncis subter-  
raneis victitant.



## L O P P I A R E G I O.

**A** Lucomoria vltcrius ad Oceanum glaciale  
 procedendo Loppi populi, barbarie & feritate  
 rigentes in campestribus & syluis degentes oc-  
 currunt. Hi nusquam certas sedes habent, sed vno in  
 loco feris piscibusque, quibus victitant (panis enim  
 vsum nesciunt) de pastis aliò commigrant. Tugurio-  
 la sua, in quibus habitant, corticibus arborum, cespiti-  
 busque tegunt, vestibus ex diuersis ferarum pelli-  
 bus Zebellinis, hermelinis, ceruinis, & id genus alijs  
 insimul confutis vtuntur, eorumque huiusmodi ve-  
 stitus interdum in Moschouiam à mercatoribus de-  
 fertur, pileis etiam & caligis ex ceruinis pellibus cō-  
 fectis vtuntur. Tributi autem loco pelles & pisces,  
 quorum copia affluunt, magno Moschorum Duci  
 pendunt. Idioma suum proprium habent, quod ab  
 alijs non intelligitur, ideo apud exteros propemò-  
 dum muti esse videtur. Sagittarij autem omnes sunt  
 peritissimi, adeò, vt si quas in venatione præstantio-  
 res feras nanciscantur, eas (vt pelles eorum integræ  
 & intactæ sint) missa sagitta in nasum oculosve inter-  
 ficiunt. Hi etiam feras in nartis hyeme per niues in-  
 sequuntur, infecutasque sagittis conficiunt, mercato-  
 res ad se ex varijs regionibus quæstus gratia venien-  
 tes, libenter excipiunt, quos in tuguriolis suis cum v-  
 xoribus relinquunt, ipsi verò interim venatum abe-  
 unt; reuersi, si vxores hospitem concubitu consue-  
 tudineque lætiores & hilariores inuenerint, mune-  
 re aliquo hospitem donant, sin minus, turpiter con-  
 uitijs lacesitum expellunt.

Monetæ pecuniariæ nullus apud eos vsus, sed cū  
 mercatoribus aduētitijs rerum permutatione vtun-  
 tur, &

*Vicius, Ge-  
 stus, habi-  
 tatioq; Lop-  
 piorum.*

*Loppi sagit-  
 tarij optimi.*

*Hospitem  
 acceptio.*

tur, & pro panno crasso vilosoque, item pro securibus, acubus, cochlearibus, cultris, poculis, speculis, & id genus alijs rebus, pelles ferarū varij generis mercatoribus dant. Regio quam inhabitant frigidissima est, solem ibi æstivalis solstitij tempore, quadraginta diebus perpetuò splendere (tribus noctis horis exceptis) perhibēt, quibus Sol velut quadam caligine obducitur, vt radij illius non appareāt, nihilominus tamen laborātes ab opere suo excludūtur. In his quoq; *Montes ignei.* partib. montes in altū eminentissimi dicuntur esse, qui ad Æthnā (montis in Sicilia) similitudinem, flamas semper eructant, in quib. Salamandræ, animalia quædam, lacertarum similitudine, quæ in igne non secus ac pisces in aquis viuunt, crescere perhibentur. *Salamandra.*

Vltra Oceanum etiam glaciale regionem quædam, Engroneland dictam, quasi incognitam aiunt *Engroneland regio.* esse, hæc tum ob altos montes, qui perpetuis semper niuib. rigent, tum etiam ob perpetuā glaciem mari innatātem (quæ periculosam nauigationem facit) à commercio conuersationeq; cæterarum gentium aliena seiuncta q; est, ideo incognita dicitur.

Moschouitæ se plurimū iactant, quòd princeps eorum ex hac quoque remotissima & ferè vltima orbis regione tributa exigat. Hoc quamuis verisimile non sit, tolerari tamen aliquo modo potest, cū alios vicinos principes, qui ab ipsis tributa extgerent, non habeant.

Atque hic finis regionum septentrionalium, glacialique mari adiacentium (quæ Moschorum principis sunt tributariæ) esto. Nunc ad cæteras regiones describendas Meridiem Orientemque versus sitas, Moschouitis confines reuertar.



## C E R E M I S S I P O P V L I .

*Ceremissi  
sagittarij  
excellentes.*

**C**eremissi, Mordouotes, & Vachings, inter Viar-  
kam & Volochdam prouincias, quarum suprà  
mentionem fecimus, longè lateq; in vastis syluis, sine  
villis ædibus habitant. Proprium idioma habent, Ma-  
hometisq; sectam amplectuntur, quidam etiam gen-  
tiliter, nullam Dei notitiam habentes, viuunt. Omnes  
autem furtis & latrocinijs intenti, & carminibus ma-  
gicis exorcismisq; maximè dediti sunt. Aduersus sa-  
gittarum telorumq; iactus intrepidi. Ferina carne &  
melle (cuius aluarijs abundant) magna ex parte vi-  
ctitant. Pane enim rarò vtuntur. Omnes tam viri  
quàm feminæ cursu velocissimi sunt, sagittarijsq; pe-  
ritissimi; arcum nunquā de manibus deponunt, quo  
adedò oblectatur, vt etiam filijs cibum obstinatissimè  
prohibeant, nisi prius signum præsignatum ex arcu  
sagitta ferirent. Artificium laborq; eorum feras ve-  
nari, & sagittis figere, quorum carne vescuntur, pel-  
libusq; vestiuntur, ac eisdem pro tributo magno Duci  
Moschorum pendunt. Inter venandum autem, nar-  
tarum instrumento pedibus induceto, (cuius in Per-  
miæ descriptione suprà memorauimus) vtuntur, in  
quo agilissimè velocissimeq; feras insequendo ferun-  
tur. Quia verò harum nartarū instrumento velocis-  
simi cursus, omnes ferè Septentrionales gētes, & ipsi  
Moschouitæ, Rutheniq; communiter vtuntur, ima-  
ginem vsus earum subiiciemus. Sunt autem longæ  
quædam lignæ soleæ, longitudinem triū cubitorum  
adæquantes, in anteriori parte in modum traharum  
erectæ, quidam verò hoc instrumentum ad suæ pro-  
portionis staturam in longitudinem cōficiunt, quo  
in vtramque pedem induceto velocissimè feruntur.

*Nartarum  
vsus.*

**MORD.**

## MORDWA POPULI.

**A** Nouogrodia inferiore, quam superius descripsimus Orientem, & Meridiem versus, vastę ingentesque occurrunt sylvę, quas Mordwa populi sic dicti, magno iuxta Volgę fluvium insignem tractu, inhabitant. Idioma proprium habent, in pagis passim degunt, agriculturamque exercent. Melle, diuersisque animalium pellibus preciosis abundant. Homines sunt duri & bellicosi, Tartarosque *Mordwa* latrocinantes, (quos in vicinio habent) à finibus suis *gens bella-* fortiter propulsant, omnes ferè pedites incedunt, *costa.* arcubus oblongis vtuntur, sagittandique peritia pol-  
lent, feras præstantiores, vt pellibus eorum integris & intactis potirentur, in nasum sagitta missa interficiunt. Eorum quidam Mahometi sectam amplectuntur, quidam verò in idololatria perseuerant. Vectigal annuum magno Moschorum Principi pellibus diuersarum ferarum soluunt. Mulieres eorum decoris causa ungues nigro colore artificialiter inficiunt, apertoque capite & crinibus passis semper incedunt. His alię gentes Ceremissi intermixtę sunt, qui ad differentiam Ceremissorum septentrionalium, de quibus supra superiores Ceremissi, siue montani, à collibus quos inhabitant, appellantur. Hic de vicinis conterminisque Moschouitico imperio, Tartaris Cazanensibus, ceterisque campestribus in hordas distributis nobis dicendum esset: sed ne ordo rei interromperetur, de moribus, religione, & vitę consuetudine Moschouitarum, pauca subiicienda nobis, non abs re videntur. His autem absolutis, Tartarorum fines, gentisque mores breuiter attingemus.



## DE RELIGIONE MOSCHOVI-

tarum, omniumq<sup>ue</sup> Ruthenorum.

## Caput I I.

*Rutheni  
Christiani.*

**R**Vtheni omnes postquam semel fidem Christianam Græcorum ritu, anno restituta per Christum salutis 924. susceperunt, sub Olha Ducissa & Volodimiro filio eius, monarcha Russiæ, in ea ad hunc usque diem vnanimiter fortiterque perseuerant. Quamuis quidam proceres Russiæ Polono regi subiectæ, doctrinam Lutheranam & Zuinglianam sequantur, sed vulgus omne, maiorque pars magnatum, & nobilium, fidem antiquitus Græcorum ritu susceptam, firmiter retinent. Sic quoque omnes regiones Russiæ, quæ alba dicitur, Moschorum principi subiectæ, Christianæ fidei, quam à Græcis susceperunt, vestigijs firmiter vnanimiterque insistant. Vnus autem totius Russiæ metropolitanus olim erat tam Moschorum, Lituanorumque ducibus, regi que Polonorum tributarius, qui sedem suam primò in Kiouia Russiæ Lituanorum metropoli ciuitate retinebat, tandem in Volodimiriam, postremò in Moschouiam translata est. Cùm autem metropolitanus Moschouiæ septimo vnoquoque anno Russiam Lituaniæ subiacentem, caussa exigendarum pecuniarum inuiseret, ablataque magna pecuniarum summa discederet, Vitoldus magnus Lituaniæ Dux, re considerata, prouincijs suis, ne thesauris exhaurirentur, consulere volens, episcopis, abbâtibusque Russiæ conuocatis, iudicio eorum metropolitam in sua Russiæ elegit, qui sedem suam Vilnæ (quæ est Lituaniæ metropolis) habet, in Basilica diuæ virginis, quæ Ruthenis, Preczista, id est castissima dicitur. Hic autem metropolitam rarò

*Metropoli-  
tanus Rus-  
sia.**Metropoli-  
tanus Rus-  
sia in Litu-  
nia eligitur.*

rarò Vilnæ commoratur. Est verò episcopus Vilnensis præcipuus, secundum ordinem ecclesiæ Romanæ, ipsa enim Vilna Romanum ritum sequitur: sed media pars Ruthenorum eam incolit, pluresque ecclesiæ in ea Ruthenicæ quàm Romanæ conspiciuntur. Porrò omnes metropolitæ Ruthenorum à patriarcha Constantinopolitano auctoritatem suam habent, & primò omnium episcoporum, abbatum, & totius ordinis spiritualis iudicio, & consensu metropolita eligebatur, sed nūc hanc auctoritatem magnus Dux Moschouitarum sibi assciuit, suoq; iudicio metropolitam in Moschouia constituit.

A sancto Andrea apostolo Rutheni se fidē Christianam suscepisse iactant, adhuc ante Olham, & Volodimirum, quem ex Græcia per Pontum Euxinum ad ostia Borysthenis fluuij, gentiliter *Dnepr* dicta, appulisse annales eorum testantur, & inde ad Kiouiam, tunc temporis metropolim Russiæ, aduerso fluuiο peruenisse, atque ibi omnem terram Russiæ benedixisse, & baptizasse, signumq; crucis eum illic cōstituisse. Ex Kiouia tandem aiunt eum ad fontes Borysthenis Dneprisko dictos, peruenisse. Indeque in Nouogrodia magnam, deinde per mare Germanicū Romā vsq; nauigasse. Postremò in Peloponeso Græciæ, sub Ago huius nominis rege, propter Christum crucifixum fuisse. Archiepiscopi in toto imperio Moschorum duo sunt, vnus in Nouogardia magna, qui habet prærogatiuam infulam albam bicōrnem nostrorū episcoporum more gestandi. Secundus in Rostouia. Episcopi sunt multi, videlicet Permiæ, Suldalix, Twerensis, Columniæ, Cernigouiæ, Rhesanensis, Smolenstēis, Pleskouiensis, &c. Vestes eorū sunt

*s. Andreæ in Russiæ se dicitur.*

*Archiepiscopus Moscho-  
niæ & Episcopi.  
Vestitus episcoporum.*



*Vestitus e-  
piscoporum.*

sicut aliorum monachorū, nigræ, nisi quòd aliquan-  
do sericeas ferūt, & præsertim pallium nigrum, quod  
habet à pectore tres fimbrias albas, ad similitudi-  
nem riuuli fluentis inflexas, quod significat, ex cor-  
dibus eorum riuulos doctrinæ fidei, & bonorum e-  
xemplorū scatere. Metropolita autem, archiepisco-  
pi, & episcopi, abbates, monachi, carnibus perpetuò  
abstinent. Prouentus necessarios ex prædijs & alijs  
extraordinarijs accidentibus & beneficijs habent.  
Arces verò vel ciuitates, & omnes administrationes  
seculares eis ademptæ sunt. Sed metropolita Russiæ  
Polono regi subiectæ, & alij episcopi villas ciuitates-  
que possident.

*Monachi.*

Abbates qui Igonomei, priores qui Archimen-  
dritæ dicuntur, & omnes monachi durissimas mole-  
stissimasq; leges, & regulas præscriptas habent, nullo  
solatij genere recreari eis conceditur. Omnes non  
solum Principis, sed cæterorum nobilium mandatis  
parent: plures eorum ex monasterijs in eremum  
se conferunt, ibique in arctis tuguriolis, aut soli, aut  
cum socijs manent, victum de radicibus arborum, &  
varijs terræ herbis acquirunt.

*Sacerdotū  
regula.*

In sacerdotij gradus hi tantum promouentur, qui  
diu apud ecclesias seruierunt. In diaconum autem  
nemo consecratur, nisi vxorem habuerit, vnde in-  
terdum & matrimonio copulantur, & in diacona-  
tum consecrantur. Præterea qui virgini stuprum ali-  
quando obtulerit, aut vxorem suam primo concu-  
bitu vitiatam animaduernerit, in diaconatum non  
ordinatur. Mortua vxore sacerdos à sacris prorsus  
suspenditur, nisi monasterium ingressus iuxta regu-  
lam viuat, officijs etiam diuinis peragendis si castè vi-  
duus

diuus vixerit, velut minister cum cæteris ecclesiæ ministris choro interesse potest. Si autem viduus sacerdos aliam vxorem (quod eis liberum est) duxerit, is munere sacerdotali priuatur, nihilque commune cum clero habet. Nullus sacerdotum monachorumve horas canonicas dicit, nisi habeat imaginem alicuius diui præsentem, quam etiam nemo nisi cum magna veneratione attingit. Qui autem eam in publicum profert, manu eam in altum extollit, quam omnes prætereuntes cruce se signantes, inclinando plurimum veneratur. Libros euangelij maxima veneratione prosequuntur, neq; eos manibus tangunt, nisi prius caput multoties inclinando, cruce se munierint. Omnes sacerdotes ex cōtributione quadam certa sustentantur. Assignantur etiam eis domunculae cum agris & pratis, vnde victum suis vel famulorum manibus, more agricolarum acquirunt.

Sacerdotes Romanos confundunt, qui cælibem vitam ducere sese iuramento obstringunt, cum sancta synodus quæ fuit in Gangra, scribat in quarto canone: Qui spernit sacerdotem secundum legem vxorem habentem, dicens quòd non liceat de manibus eius sacramentū sumere, anathema sit, id eadem synodus dicit, Omnis sacerdos & diaconus propriam vxorem dimittens, sacerdotio priuetur.

Habitu haud dissimili à secularibus vestiuntur, solummodo pileolum nigrum rotūdum, quo rasuram tegunt, gestant. Commam ad brachia protēsam nutriunt, omnes baculos *Pasoch* dictos, quibus inniuntur, cum manubrijs incuruatis gestant.

Rutheni secundū calēdarium suum, plurima festa diuorum, non his diebus quibus Romani, celebrant.



*Festa Ru-  
shenorum.*

Trinitatis festum celebrant feria secunda Pentecostes, in octaua autem Pentecostes festum omnium sanctorum obeunt. Festum verò corporis Christi more Romanæ ecclesiæ non venerantur. Viri præstantiores peractis sacris, ebrietate & comessationibus festos dies consumunt. Ciues artificesq; diuinis peragendis interesse solent, quibus peractis laborib. domesticis, cæterisq; negocijs incumbunt, dicentes feriari & à labore abstinere, dominorum esse.

Nicolaum sanctum inter cæteros diuos præcipuè venerantur, cumq; diuino ferè cultu prosequuntur, templaque præcipua nomini eius dicata erigunt, de cuius plurimis miraculis frequenter prædicant.

Habent etiam in catalogo sanctorum Romanos quosdam pontifices, quos inter sanctos venerantur. Cæteros verò qui post eorum schisma fuerunt (quãdo à Romanis disiuncti sunt) execrantur, & pro hæreticis grauissimis eos habent, eosque schismaticos appellant.

*Concilium  
sub Adriano  
papa.*

In septimo enim generali cōcilio, quod sub Adriano papa celebratum est, conclusum esse dicunt, ut ea quæ in præcedentibus synodis constituta conclusaq; fuerint, in posterum quoque solida rata, acceptaque & perpetua teneantur, nec posthac cuiquã sub graui anathematis pœna aliud concilium celebrare aut accedere licere. In his autem septem concilijs hos pontifices Romanos fuisse constat, quos Rutheni inter sanctos venerantur, dignosque cathedra sancti Petri dicunt, ideo quòd secum sentirent. in prima synodo, papam Syluestrum, in secunda Damasum, in tertia Celestinum, in quarta Leonem, in quinta Vigilium, in sexta Orphanium, in septima Adrianum, omniaq; concil-

concilia & synodos, post hos septem prædictos synodos celebrata, maledicta, peruersa, & hæresi turpiter deprauata esse dicunt. Erat quidem metropolitanus *Isidorus metropolita-* Rusiæ Isidorus nomine, qui sedem suam in Kiouia *rus.* retinebat, is ad cōcilium Florentium, quod celebratum est sub Eugenio papa, venerat, vbi ecclesias Ruthenicis, abiectis Græcorum ritibus, cum Romana ecclesia vniuerat, tandem in Russiam reuersus, cum propositum suum & rem iam conclusam Ruthenis proponeret, illosque ex verbo Dei ad vnitatem & concordiam fidei instrueret: captus omnibusq; bonis spoliatus, in carceres coniectus est.

Doctores quorum dogmata Rutheni sequuntur, *Doctores Ruthenorum.* sunt hi: Basilii magnus, Gregorius Nazianzenus, & Ioānes Chrysostomus, quem illi Zloto vsti, id est aureum os habentem, appellant. Gregorij etiam pontificis Romani libros de moralibus scriptos habent.

Sacrū siue missa Sclauonica lingua apud illos per- *Sacrum.* agitur, intermixtis etiam aliquando cantionib. Græcis, epistola & euangelium, quo magis à populo percipiatur, extra chorum in medio ecclesiæ astanti populo clara voce recitantur. Concionatoribus carent, satis enim esse putant sacris interfuisse, ac euangelij epistolarumque verbaque vernacula lingua recitat sacrificulus audiuisse, concionarique in suis ecclesijs *Concionatoribus ab-* obstinatissime prohibent, dicunt enim se hoc modo *stinent.* varias hæreses, & diuersas de fide opiniones effugere, quæ ex concionibus & subtilibus argumentis, sophisticisque quæstionibus oriuntur.

Panem ad sacrificandum hoc modo sacrificant: vnus eorum præparatum panem ad sacrificandum in patena super capite, per minorem portā de sacrario



*Consecratio* egressus portat, alter verò coopertum calicem vino repletum, cæteris diaconis vel sacerdotibus imagines sanctorum, Petri, Pauli, Nicolai, vel Michaelis archangeli, magna populi circumstantis acclamatione & veneratione præferunt, quidam ex circumstantibus acclamant vulgari oratione, Domine misere, alij fronte terram gentili more percutiunt, quidā se signo crucis frequentius caput inclinando muniunt, varia denique veneratione ac cultu circumlata signa venerantur. Postea finito circuitu per mediam chori portam sacerdotes in sacrarium ingrediuntur, sacrumque peragunt. Quoties se signo crucis muniunt, id manu dextra sic faciunt, vt frontem primum, deinde pectus, mox dextram, ac demum sinistram pectoris partem punctis in formam crucis tangant. Quod si quis aliter se signo crucis munierit, hunc velut hæreticum obiurgant.

Gloriantur Rutheni se solos cum Græcis veros Christianos esse, Romanos verò & alios Christianos damnant & execrantur, tanquam primitiæ ecclesiæ desertores, & septem sanctarum synodorum præuicinatores.

Baptismi sacramento Rutheni hoc modo vtuntur: nato infante sacerdos statim accersitur, qui ante fores puerperæ habitationis, certas orationes dicere solet, infantiq; nomine imposto domum reuertitur. Postea puer in templum deferitur, hocque modo baptizatur, in aquam immersus, chrisinate quod in hebdomada, feria sexta Pascham præcedente, consecratum est, vngitur, deinde myrrha; postea capillos infanti sacerdos abscindit, eosque ceræ intricatos in ecclesia certo loco deponit. Sal autem & saluam

Roma-

Romano more, cum puluere mixtam, inter baptizandum non adhibent, aquam verò baptismatis pro singulis infantibus consecrant, & continuo post baptismum in foueam ad id præparatam, eam effundunt. Fidei in flores verò vel susceptores infantis, quoties circa baptismum sacerdoti interroganti, an Diabolo infans renunciaret, correspondent, toties in terram expuunt.

Confirmationis seu inunctionis sacramentum maximè abhorrent, hocque argumento vanam & damnabilem cōfirmationem esse approbant, quòd in synodis omnibus ferè dictum sit, præcipue verò in Nicena, confiteor vnum baptisma in remissionem peccatorum, cum autem vnum sit baptisma, vnum etiam esse chrisma, & virtutem eandem sacerdotis & episcopi circa sacramenta distribuenda, dicunt esse.

Purgatorium Græci & Rutheni negant, sed dicunt vnumquemque secundum opera sua, post mortem locum designatum habere, vbi diem iudicii extremi expectaret, pios quidem cum Angelis placidis in lucidis & amœnissimis Elisij viridiferis campis recumbere; impijs autem in obscuris, cæcis, nigrisque caligine obductis voraginibus, cum Angelis terribilibus destinatum esse mansionem, ad expectandam iudicii diem, vnde illæ animæ quæ in locis amœnissimis & splendidis, cum angelis placidis, benignisque collocatae sunt, gratiam Dei sibi futuram cognoscunt, assidueque iudicium extremum fieri petunt. Aliæ contra condēnationem sibi imminere, & pcenas terribiles in caliginosis voraginibus sitæ præfagiunt, idque eò maximè allegant, quòd animæ post

*Opinio de  
animabus.*



mortem in cælum statim non ascendunt, neq; in infernum. Quibus enim illud verbum à Christo in nouissimo die diceretur: Venite benedicti patris mei, possidete regnum cælorum, &c. cum iam omnes antea in cælo sint: & cōtrà, ite maledicti in ignem æternum, cum iam olim in inferno condemnati fuerint. Neq; etiam animam à corpore separatam pœnis obnoxiam esse credunt, nam cum anima se vitijs cum corpore simul contaminauerit, cum corpore etiam expiandam putant, quod ego Theologis discutiendū relinquo. Funebre autem sacrum pro defunctis ideo faciunt, quod ijs suffragijs tolerabiliorem animabus locum impetrati sperāt, vbi facilius extremum diem iudicij expectare possint. Imò etiam cum aliquis magnæ autoritatis vir moritur, tunc Metropolitanus siue episcopus, epistolam ad sanctum Petrum scribit, sigillo suo & manu subscriptione munitam, quam super pectus defuncti ponit, dante testimoniū de bonis pijsque operibus eius; utque in cælum facilius post diem iudicij admitteretur, & Christianę religionis Catholicę agnoscat, subscribunt. Præterea agreste vulgus circa mortuorum sepulturam, varijs ceremonijs, & superstitionis plerunque vtitur. Sepulturæ eorum in syluis, & vbi agris tumulos aggestis, lapidibus muniunt, signumq; crucis super imponūt. Loca pro sepeliendis defunctis non cōsecrant, aiunt enim corporibus baptizatis, sacramentisque Christi dicatis, & consecratis, terram ipsam, & non corpora terra consecrari.

*Mortuorū  
ceremonia.*

Spiritum quoque sanctum à Patre tātūm, & non à Filio procedere confitentur, ac Romanos dicentes credo in Spiritum sanctum, qui à Patre & Filio procedit,

cedit, confundunt, eosq; conformes heresi Macedoniarum & Arianarum dicunt, hac de causa, quod duo principia, duasq; voluntates de Spiritu sancto, & duas virtutes adducerent, & honori Spiritus sancti detraxerent. Hic autem Rutheni non intelligunt unam esse diuinitatis voluntatem, potestatem, gloriam, & honorem. Sicq; secundum concilium Nicenum, contra Arium & Constantinopolitanum, contra Macedonium celebratum dicunt: Credo in Deum Patrem, & Filium, & Spiritum sanctum, Dominum verum & viuificantem, à Patre procedentem, qui cum Patre & Filio simul adoratur & conglorificatur.

### 7 E I V N A N D I M O S

*apud Ruthenos.*

**R**utheni in ieiunio, prout in ceteris ceremonijs, à Romanis discrepant, quatuorq; ieiunia magna, quibus carnibus abstinent, habent. Primum in quadragesima septem integris hebdomadis ab esu carnium abstinent. In prima autem hebdomada, quam nos ultimam Bacchanalium dicimus, illi lactarijs & butyraceis cibis vtuntur, eamq; Masina, quasi butyraceam appellat, reliquis verò septem integris septimanis ad Pascha vsque etiam piscibus abstinent, oleis, cauliculis, raphano, fungisq; cōtenti. Quidam etiam deuotiores Dominicis tantum & Sabbatiuis diebus (quibus ieiunare peccatum putant) cibum sumunt, reliquis diebus nisi frustulo panis in meridie confortati ab omni cibo abstinent. Alij die Dominico, feria tertia, quinta & septima, cibis coctis vescuntur, reliquis frustulo panis, cum aqua fermentata sumto, totis diebus in ediam tolerant.



*Ieiunium  
Petri.*

Secundò ieiunant post octauam Pentecostes vsq; ad ferias Petri & Pauli apostolorum, appellantque hoc ieiunium diui Petri.

*Ieiunium di-  
uæ Virginis.*

Tertiò à prima Augusti vsque ad assumptionem beatissimæ virginis Mariæ, ieiunio se macerāt. Quartò sex septimanis in aduentu Domini carnem & butyrum abhorrent, vocaturque hoc ieiunium Philippi, inchoatur enim sub festum Philippi secundū Ruthenicum calendarium. Omnibus verò diebus fabulatis (exceptis temporibus ieiunij) carne vescuntur. Sed feria quarta & feria sexta grande peccatum carnibus uti credunt, ita, ut si Petri & Pauli, assumptionisque Mariæ festum feria quarta vel sexta contigerit, tum ea quoque die carnibus nō vesci peccatum putant, Romanosque hac de causa maximè redarguunt, argumento Clementis pontificis Romani id comprobantes, qui dicit in statutis Apostolorum canone LXIII. Si ecclesiasticus die Sabbato vel Dominico ieiunans inuentus fuerit, exceptis ieiunij Sabbatis ab ecclesia præscriptis, sacerdotio degradetur, si autem secularis homo fuerit, excommunicetur, & ab ecclesia seiungatur. Nullius sancti vigiliam ieiunio venerantur, præter sancti Ioannis Baptistæ, quam vigesima nona Augusti die (ex præscripto calendarij sui) celebrant.

*Ieiunium  
Philippi.*

Monachi grauioribus ieiunijs præ cæteris onerantur, qui aqua fermentata cum frustulo panis semel in die sumta, contenti esse coguntur.

### (CONFITENDI MOS.

Circa Paschatis festum Rutheni præcipuè confiteri solent, hoc modo: Confessor vnà cum confiten-

fitente in medio templi stat, magna cordis cum deuotione, contritioneque ad imaginem alicuius diui vultu reuerenter conuerso, postea confitenti secundum peccati grauitatem iniuncta pœnitentia, ante ipsam imaginem confessor & confitens magna cum deuotione reuerenter sese inclinant, signoque crucis frequentius frontem pectusque & brachia munientes, alto cum gemitu cōsuetam orationem proferunt: Iesu Christe Fili Dei viui miserere nostri. Quosdam etiam qui grauius aliquid deliquerint, aqua sacrata abluunt, quam in Epiphania Domini toto fluuio vel stagno (secundum morem) consecrato <sup>Aqua con-</sup> hauriunt, & pro absterge-dis noxialibus delictis, per <sup>secratio.</sup> integrum annum in templo reseruant. Quibusdam verò pro pœnitentia ieiunia & breues facilesq; orationes iniunguntur. Dominicam enim orationem per pauci ex vulgo sciunt, dicuntque orationem Dominicam scire, dominorum & sacerdotum, qui nullis laboribus occupantur, opus esse. Confessionem etiam quamuis ex præscripto habeāt, eam tamen ad dominos pertinere, agrestes dicūt, sibi autem in Deum, & filium eius Iesum Christum, & Spiritum sanctum simpliciter credere, satis esse. Hacque oratione omnes Rutheni promiscuè & peculiariter vtuntur: Iesu Christe Fili Dei viui miserere nobis.

### SACROSANCTÆ EUCHA-

*ristiæ vsus.*

S Acramento Eucharistiæ Rutheni sub vtraq; specie vtuntur, aliud autem pro infirmis, & aliud pro communicantibus, secundum consuetudinem habent. Pro infirmis sacramentum in hebdomada



*Duplex a-  
pud Ruthe-  
nos Eucha-  
ristia.*

magna ante Pascha, die Iouis consecratum, in vase mundo per integrum annum seruiatur. Dum autem id sacerdos pro infirmo daturus est, tum parum vini & aquæ tepidæ addit, portiunculamq; bene humectatam ægroto cochleari de calice porrigit. Si autem puer infirmus fuerit, adeò vt non possit de pane sumere, tunc infunditur ei gutta vini consecrati in os de calice. Pro communicantibus verò secundum consuetudinem, sacramentum dum sacrum siue lurgurgia peragitur, cōsecratur, quod sacerdos cochleari ex calice in portiunculas minutas redactum, & vino commixtum, communicantibus distribuit. Præscriptum communicandi tempus ante festum Paschæ, (vel quotiescunque aliquis voluerit modò confessus sit) habent. Pueros qui septem annos transigerint, ad sacramētum admittunt, dicuntq; hominem septennio transacto contra Deum peccare incipere.

*Nō azymis  
Rutheni,  
sed fermentato pane  
utuntur.*

Porro omnes Rutheni pane fermentato, & non azymo (prout Romanæ ecclesiæ mos est) vtuntur, idque hac ratione approbant, quia Iudæi in memoriam liberationis suæ ex Ægypto, secundum mandatū diuinum azymis vtuntur, se verò semel Christianos factos nunquam in labore Ægyptiorum fuisse; ideo de huiusmodi Iudæorum azymis, Sabbato & circūcisione obseruandis, se liberos esse dicunt, si enim aliquis sequatur vnum ex illis (Paulo attestare) totam legem adimplere tenetur. Eundemque Apostolum dicentem: Fratres, ego enim accepi à Domino, quod & tradidi vobis; quia Dominus in quā nocte tradebatur, accepit panem, benedixit, &c. de pane fermentato & non azymo dixisse intelligunt. Eo enim tempore nec azyma nec Pascha esse, cū Dominus cœnaret,

cœnaret,

cœnaret, dicunt. Idque hoc argumento maximè approbant, quia Iudæorum pascha stando fit, & comeditur secundū legis præscriptum, hoc autem in cœna Christi non erat (vt Euangelista dicit) recumbentibus eis duodecim, &c.

Item & discipulus recubuit super pectus ipsius in cœna, &c. Quod etiam Christus dicit ibidem: Desiderio desideravi hoc Pascha manducare vobiscum, non de Iudæorum Pascha eum dixisse sentiūt, quod antea semper comedebat cum Apostolis. Neq; azyma Christum Apostolis dedisse, sed panem fermentatum credunt, cū dicit: ecce panis quem ego do vobis. Similiter ad Iudam: cui ego dabo panem intinctum, ipse traditurus est me.

Romanos autem in azymis communicantes confundunt, dicētes eos Iudaicos ritus obseruare, in hæresiq; Iuliani Apolinaris Laodicēsis, & Pauli Syrij Samosatensis, Machometi, Eutychij, & Diasterij ambulare, qui erant in sexta synodo deprauatissimi hæretici, & spiritu diabolico repleti.

Mulieres autem apud Ruthenos panem ad sacrificandum Proskura dictum cōficere solent. Seliguntur autem ad id mulieres prouectæ ætatis, quæ mensibus patiendis amplius non sunt obnoxia, præcipuè verò viduæ sacerdotum relictæ, id muneris obire solent.

### DE MATRIMONIO.

**I**Ta Rutheni matrimonium contrahunt, vt quartum cōsanguinitatis gradum non attingant. Tertiam ducere vxorem viro vix concedunt, & non admodum legitimum matrimonium esse putāt. Quartam verò nec concedunt, neque etiam Christianum



esse iudicant. Pro adulterio non computât, si vir habens uxorem cum soluta concubuerit, excepta uxore alterius.

**DIVORTIA** inter se frequenter celebrant episcopis permittentibus, literasq; repudij dantibus.

*Diuortium.* Quidam etiam agrestiû, quibus ad episcopos propter longam itineris distantiam aditus difficilis est, diuortium tali modo (more gētili antiquitus obseruato) peragunt, cûm sibi vir & vxor vtrunque displicent, tunc extra pagum in triuium ambo prodire solent, mantili accepto, quod inter se manibus vtrinq; tenendo per medium discindunt, hocq; inter se diuiso, matrimonium etiam inter se diuisum esse putant, & vxori repudiata vir dicere solet, vade tu hâc, ego illac pergam. Sed hic peruersus diuortij modus nunc prorsus abolitus est.

Hoc autem ritu matrimonium inter sponsam & sponsum contrahitur. In primis mēsa in medio templi adornatur, ingredientibusq; templum sacerdos præcedens certas recitat orationes, deinde patriarcha metropolitano, episcopis, & toto clero, pro monarchaque suo, & omni ordine equestri, & plebeio, qui ritus suæ fidei sequuntur sigillatim sacerdos cum diacono clara voce orant. His peractis sponsus & sponsa mensam præparatam accedunt, in linteoq; secundum morem pedibus substrato vterque stat. Postea sacerdos ex præscripto an alicui olim nō sponderent interrogat, stolaque manus vtriusq; annulos commutans, colligat. Deinde coronas ligneas vel ex tilia libro pictas ad id muneris in ecclesia reſeruatas capiti vtriusque imponit, dicens: Posuisti Domine coronam super caput eius de lapide pretioso,

*Sponsalium  
ritus.*

tioſo, &c. Euangeliumque de nuptiis in Cana Galilææ celebratis, recitat. Deinde panem & ceruiſiam conſecratam deſponſatis ad præguſtandum porrigit, poſtea ſtolam (qua ſacerdotes collo appenſa vtrivide-  
mus) ſponſus & ſponſa ab vna parte, & ſacerdos ab altera tenent, ſacerdotemque præeuntem ſequuntur, hæc verba dicentem: Circuite populi Sion, & date gloriam nomini Dei altiffimi, terque menſam circumeuntes loca ſua occupant, & ſacerdos pſalmum Miſerere noſtri Domine ſecundum magnam miſericordiam tuam, &c. recitat; ſuffragiisque pro omnibus, tam ſpiritualibus, quam ſecularibus Deo perſolutis de templo egrediuntur.

## DE EXPEDITIONE BELLICA.

### Caput III.

**M**agnus Moſchorum Dux ingentem exercitum longo tempore ſuſtentare poteſt, neque enim militibus ſuis ſtipendia largitur, ſed agros illis exiguo pretio elocat, quo beneficio operam militum demeretur. Conſcripti autem milites coram magno Duce ſinguli cõparent, & nummum vnum, quem patrio nomine Denga vocant, eſtimatione vnius groſſi Polonici principi dant, reuerſiſque ex bello eundẽ nummũ repetunt, occiſorũ verò nũmiſmata princeps retinere ſolet, atque ita occiſorum numerum cognoscit.

*Numerus  
occiſorum  
quomodo  
cognoscitur.*

Nobiles autem omnes, magnates & cõſiliarij ad eò dura ſervitute premuntur, vt quemcunque apud ſe in aula eſſe velit, vel in bellum ire, aut legationem aliquam obire iuſſerit, id ſumptibus ſuis facere cogitur. Quando autem aliquem magni nominis virum ad bellum proficiſci iubet, literas ſuas ad illum mandatorias mittit, ſi autem vel prandens, vel cœnans,



*Obediētia.*

dormiēnsve præuentus fuerit à tabellatore Magni Ducis, literasque quibus ad bellum proficisci iubetur acceperit, continuò à prandio lectòve surgens, equum tabellatore inspiciente armatus ascēdit, mandatumque principis se exequuturum præbet, atque sic omnes qui per facultates rei familiaris possunt, sumptibus propriis militant.

Per singulas quoque prouincias magnus Dux filios nobilium tenuioris fortunæ conscribere solet, ut numerum illorum & quot quisque equos ac seruitores habeat, cognoscere possit, is singulis exiguum stipendium annuum concedit, & in bellum proficisci iubet.

*Frequenter Moschi beligerant.*

Omibus autem nobilibus propriis sumptibus militantibus rarò quies datur. nam frequenter bella aut cum Lituaniis, Liouonibus, Suetensibus, vel Tartaris Præcopensibus, Turcis aliisque finitimis gentibus gerit, in arcibus quoque campestribus Tartaris finitimis, qui Crimsci, Præcopsci, Noheysci que dicuntur viginti millia hominum, vel plus singulis annis locare solet. Omnes denique & singuli tam stipendiarij, quàm principis gratiam expectantes in bellum propriis sumptibus ire coguntur. Non huiusmodi autem sumptibus prout apud nos Moscho uitæ in bellum expediuntur, nam quicumque nobilium habet sex equos & totidem seruos, vnū equum, qui vitæ necessaria fert, ex iis habet, in primis verò milium siue pulres contritas in sacculo habet, deinde suillæ carnis aliquot frusta, & sal in sacculo, si verò ditior fuerit sal commixtum pipere solet habere, hos autem sacculos cum leguminibus super equum ad id delectum circumligat. præterea vnusquisque se-

*Victus bellicus Moschorum.*

cum

cum fert lebetes, ollas cupreas siue æreas, cistellasq; ephippio alligatas, cumque necesse est ignem accendunt, ollamque magnam aqua replent, in quam milij tantum vnum cochlear, vel pultium imponunt, saleque conditum coquunt. Aliquando autem cum lautius aliquis eorum epulari vult, tum frustulū paruum carnis suillæ inijcit, hocq; cibo dominus interdum cum sex seruis contentus viuit. quod si dominus famelicus nimium fuerit, totum consumit, serui autem aliquando ad totū biduum triduūve ieiunant. Farinam etiam de auena subtiliter commolitam habere solent, cuius aliquot cochlearia pransuri in cistellam imponunt, modicoque aquæ distillatam cōdunt. Cum autem habent allium & cepas, tum facile cæteris leguminibus carere possunt. Duces verò exercitus, & cæteri militiæ præfecti lautius epulantur, tenuiorisque fortunæ nobiles ad prandium inuitare solent.

Moschouitæ tormentis bellicis, & bombardis perditatuque nunquam olim ante annos 40. utebantur, nunc autem frequentissimè & peritissimè bombardis & tormentis vtuntur, à profugis quibusdam Italis, Germanis, Lituanisque instructi, arcesque egregiè (dictu mirum) propugnant. Campestri verò certamine cū Polonis & Lituanis rarè confligunt, semper enim ab eis funduntur, solaq; agilitate & industria externi Moschouitas vincere solent. nam omnes ferè dimicare, armisq; artificialiter decertare imperiti sunt, exceptis quibusdam magnatibus, iisq; perpaucis. Cauendum autē est cum Moscho congregienti, vt armis scitè vtatur, ne in manus eius incidat: brachiis enim lacertis, & toto corpore robustissimi sunt, sed

*Quomodo  
cū Moschis  
dimicandū.*



arte dimicandi plurimum vincuntur. Tam aut robusti sunt, ut cum vrsis indomitis & efferis absque vlllo genere armorum, solis viribus confici sapius cōgredi audeant, vrsūmq; per aures arreptum tam diu fatigant, donec prorsus debilitatum prosternant.

*Arma Moschorum.*

Hæc præcipua arma sunt, quibus Moschouitæ in bello vtuntur, pharetra sagittis referta, arcus, securis, framea, cæstus, cultelli oblongi, quibus frequenter pro pugionibus vtuntur. Multi quoq; lanceis præcipuè pedites, equites autē aliqui hostilibus breuioribus vtuntur, ab Vngaricis & Polonicis dissimilibus. Armantur autem loricis oblongis aliquando duplicibus, armillis, thoracibus, galeisq;. Equos paruos castratos soleis carētes habent, frena leuissima, ephippiis quoque in eum vsum accommodatis vtuntur, ut se in omnes partes absque impedimento vertere, arcumque intendere faciliè possint. Pedibus curtè attractis equis insidere solent, adeò ut nullum hastæ lanceæve impetum sustinere queant. Flagello plerique & cōmuniter, calcaribus verò paucissimi vtuntur. Communiter vestibus oblongis ad talos vsque

*Castra Moschorum.*

protractis bombyce, lanæve suffertis vtuntur. Collocandis castris amplissimum locum eligunt, vbi fortè locus natura sit munitus ea non curribus, sed vepribus, sentibus, arbutisq; circumtexunt, in muri similitudinem, præstantiores in medio tentoria sua erigunt, reliquæ verò multitudinis vulgus ex arbutis casæ conficiunt, quidam etiam arbusculas siue arborum frondes, in modum arcus incuruant, desuperq; pennuliste gunt, equos ad pascua pellunt, quorum causâ tam latè disiuncta castra collocant. Tempore conflictus tubicines multos habent, ij dum gentili

more

more omnes insimul dissonante melodia tubas inflant, mirus ac inusitatus quidam clangor auditur; cōmissuri cum hostibus certamen plus spei in multitudine, quàm robore militum ponunt, semperq; ceminus hostes à tergo adorire & circumuenire student, sed campestre certamen rarissimè eis prosperatur, plurimis enim & diuersis armis se verius onerant, quàm armant; externi verò cōsilio magis, quàm armis tecti paruis copiis cum eis congregiuntur.

Arces & omnes munitiones strenuè & obstinatissimè propugnant.

DE CONSVETVDINE MORIBUSq; Moschouitarum.

Caput IIII.

**H**Æc omnis gens Moschouitica siue Ruthena, magis seruitute quàm libertate gaudet, cuius egregium executorem principem proprium habent. Omnes enim passim cuiuscunque conditionis sint, (nullo respectu personarum habito) grauissima seruitute premuntur, prout inferius in gestis moderni principis dicetur. Nobiles, magnates, præfecti, primoresq; & consiliarij omnes *Chloposse*, id est abiectissimos & vilissimos seruos magni Ducis fatentur, & bona sua omnia mobilia & immobilia, quæ propriè possident, non sua, sed magni Ducis esse dicunt. Ut autem equester ordo à magno Duce, sic etià plebeius ciuilisq; à nobilibus & magnatibus grauissimè premitur: colonorum enim bona & ciuium, militū, & nobilium prædæ exposita sunt, & per contemptum nigri homines, siue Christiani cōmuniter appellantur. Sex dies coloni in septimana dominis

*Seruitus Moschouitarum.*



fuis laborant, septimus verò dies priuato labori conceditur, neq; hi strenuè laborant, nisi bene verberati. Habēt autem à dominis suis certos attributos agros, & prata, ex quibus viuunt, tributaq; annua soluunt. Artifices secundum præscriptum paruo laborem suum vendunt. Cumq; annone caritas in pretiū concedit, tunc artifices exiliori tenuiori; in pretio sunt, adeò vt vix panē ipsum pro labore vnius diei (quamuis strenuo) acquirere possint. Ciues quoq; & mercatores grauissimis & intolerabilibus tributis, & exactionibus adinuentitiis onerantur, quas hīc recensere longum esset. Quòd si magnus Dux aliquem mercatorum argenti aurīve paulo ditiozem à delatoribus (quorū plena curia est) rescīuerit, tunc eum sibi præsentari iubet, & crimine falso commentito dicit; delatum est ad nos tuum scelestè facinus, ideo vt criminosus punieris. si autem accusatus obtestaretur se innocenter accusatum, tum magnus Dux respondere solet anima testium, qui te accusauerunt, sciant, mea verò nihil refert. Confestim ergo iussu principis arripitur, & tam diu verberatur, donec præscriptam summam monetæ argenteæ, magno Duci numeret.

*Debita exigendi mos.*

Est aut̃ hic mos apud Moschouitas receptus, quòd omnes debitores, qui alienum æs conflauerunt, non habentes vnde creditoribus suis redderent, ex legis præscripto in locum certum & publicum, ad id ordinatum ducuntur, ibique à seruis prætorianis flagris, baculisque per suras & crura pedum, grauitè absq; vlla misericordia cēduntur, tam diu donec vndecunque accipiēdum sit, creditoribus sua reddere cogantur, quòd si soluendo non sufficerent, tunc verberibus

bus multotiens exagitati creditoribus secūdum valorem debiti seruire coguntur. In hunc quoque locum omnes coram magno Duce, per contumeliam accusati ducuntur, & si ditiores fuerint, cuiuscunque conditionis, tam diu verberantur, donec imperatam pecuniam (quamuis vnquam debitam) magno Duci soluant. Omnes communiter seruos emptos aut captiuos habere solent, quos morituri frequenter manumittunt. Illi tamen continuò seruituti assueti, aliis dominis pecunia accepta in seruitutem se vendunt.

Liberi etiam serui, qui dominis suis pro pretio seruiunt, non possunt quando velint à dominis se abdicare: si enim absque domini voluntate aliquis abierit, ab alio domino in famulatum non assumitur, nisi fuerit à domino, cui primò seruiuit, vel ab amicis se pro fidelitate eius obstringentibus commendatus.

Pater etiam habet potestatem filium quater vendendi, ita vt semel venditum quocunq; tandem modo liberatum, vel manumissum, rursus atque iterum iure paterno eum vendere possit. Post quartam autem vēditionem nihil iuris amplius in filium habet.

Seruitores in dominos suos plerumque conqueruntur, quòd ab eis probè non essent verberati: credunt enim se dominis displicere, signumq; indignationis esse, si non frequentius verberentur, obiurgarenturq;.

Prout autem viri à magno Principe seruitute aggrauantur, sic etiam apud viros suos mulierum conditio miserrima est: nulla enim honesta & pudica creditur, nisi domi conclusa viuat, adèd vt nusquam exeat, domi autem manentes telam fabricant, & filanent, nihil prorsus iuris authoritati suæ in ædibus ha-

*Ius patris  
in filium.*

*Verbera ser-  
uis cara.*

*Mulierum  
conditio.*



bent, omnes enim labores domesticos serui absoluunt, non verberatæ à maritis plerunq; conqueruntur, & odiosè persecutas dicunt, verberaque signum amoris putant. Basilicas rarò, rariùs etiam ad amicorum colloquia, commestationesque, nisi omni suspitione carerent, vtpote effectæ admittuntur. Certis tamen & festiuis ætate diebus, hanc prærogatiuam exhilarandi animi gratia habent: Omnes communiter cum filiabus in campis viridiferis deambulât, ibique super quadam trabe, duabus fines trabis occupantibus, alternatim sursum ac deorsum mouentur, aut frequētius funem in medij circuli modum duobus stipitibus appendût, de superque insidentes hinc & inde impulsæ feruntur. Postea quibusdam certis cantilenis manibus pedibusque complodentes, capitibusq; frequentius mouentes sese oblectant, vel manibus se inuicem tenentes, & simili modo canentes choreas in gyrum ducunt. Hæc autem consuetudo præcipuè circa festum Petri & Pauli apostolorum aliquot hebdomadis, ab omnibus Ruthenis promiscuè obseruatur.

*Ædificia.*

Ædes ferè omnes apud Moschouitas, tam in pagis quàm in ciuitatibus insubædificatis præptuariis cellariisq; supernè locantur, ad quas per gradus ascenditur. Quamuis autem vestibula ædium satis ampla & alta habeant, forestamen habitationum humillimas faciunt, ita vt ingressurus quispiam inclinare & demittere se cogatur. In singulis habitationibus imagines diuorum in tabulis pictas loco honorificètior sitas, habent; præcipuè autem diui Nicolai, passionis Christi, Mariæ virginis, & S. Petri: hasq; maximo honore prosequuntur, & pro penatibus venerâtur.

Cùm

*Imagines  
domestica.*

Cum autem vnus alium accedit, ingressus habitaculum non statim dominum domus salutatur, sed continuo caput aperiens, vbi imago sit diligenter circumspicit, qua visa, cum magna reuerentia, ter se crucis signo caput inclinando munit, dicens: Iesu Christe Fili Dei viui, miserere nostri. Postea porrectis sibi manibus alterutrum sese inuicem salutantes deosculantur, capitaque more patrio frequentius inclināt, id autem tam viris quàm mulieribus peculiare est, in congressu de omni consanguinitatis familia alterutrum percontari, an rectè pater, mater, vxor, filij, fratres, &c. valeant, post vnāquamque interrogationem, & responsionem caput multoties inclinantes, maximeque mutuò se insipientes obseruant, vter magis se inclinaret, & ita frequentius caput alternatim inclinando de honore concertant: hospes tandem discessurus ter se signat cruce priora verba reuerenter proferens, salute alterutrum data, abit. In honore captando venandoq; mirabilibus & superstitiosis ceremoniis vtuntur. Tenuioris etiam fortunæ hominibus intra portam alicuius præstantioris viri equitare nō licet. Insigniores domini & consiliarij, vulgares etiam nobiles intra priuatos parietes quotidie delitescunt, & in publicum rarius prodeunt, eò quò maiorem auctoritatem sui que obseruantiam apud populum captarent, nullusque nobilium ad quartam vel quintam domum pedes progreditur, (quod & Lituani quidam assuescere cœperunt) nisi equus subsequatur, idque non propter vsum, sed ostentationis causa faciunt. Nobilis quamuis egenus & pauper fuerit, tamen ignominiosum sibi putat, si manu laboraret.

*Hospitalitas.*

*Honoris cupiditas.*



*Malefactorū  
iudicia.*

Præfectorum pauci authoritatem habent, vltimo supplicio reos plectendi, omnes enim cauſſæ & controuerſiæ in Moſchouiam ad magnum Ducem conſiliariosque ſuos deferuntur. Ex ſubditis nemo aliquem torquere audet, cuiusuis enim cōditionis malefactores magnus Dux vel conſiliarij principales morti adiudicare ſolent. Pauperibus non ſemper patet ad magnum Ducem aditus, ſed ad conſiliarios, iſque difficillimus, vnde omnis iuſtitia magna ex parte tenuioribus venalis fit.

Conſul ſiue prætor, qui perſonam iudicis obtinet, à magno Principe in vnaquaque principali ciuitate ordinatur, gentilitèr *Ocolnik* dictus.

*Habitus  
Moſchorū.*

Vestibus omnes oblongis abſque plicis ad talos demiffis vtuntur, præcipuè verò lazurini vel albi coloris. Piſeos albos apicatos cruſtatosque ex lana coacta geſtant, ocreis omnes ferè rubeis, iisque breuioribus, quæ genua non attingunt, vtuntur, quarum ſoleas in digitis paululum erectas clauiculis ferreis muniunt: induſia variis coloribus ſericeis circa colum exornata apud præcipuos, auro intertexta geſtant, eaque monilibus, gemmis, vnionibus, ſeu globulis argenteis, aut cupreis deauratis exornāt. Cruces argenteas, vel aureas lapidibus pretioſis exornatas præſtātiores; vulgus verò ferreas, vel cupreas pro ſacramento quodam collo appenſas geſtant.

Omnes autem & ſinguli ſuæ conditioni veſtibus conuenientibus ex præſcripto mandatoque magni Ducis vtuntur: nam tenuioris fortunæ vulgarisque familiæ hominibus veſtes pretioſiores elegantioresque, ſub graui pœna prohibentur. Si autem aliquem humilioris familię virum elegantius veſtitum conſpi-

conspiciunt, proditerem perfidumque eum appellant, & suspicionis notam ei inurunt, dicentes: perfide vnde tibi talis vestitus, more dominorum (Polonos enim & Lituanos dominos appellant) vestiris, & ad eos deficere perfidiosè moliris, tu enim pro huius vestis pretio non sufficis. Statim ergo accusatus grauissimè vt suspiciosus punitur. Alius itaq; tenuioribus nobilibus, alius consiliaribus & magnatibus, alius ciuibus & colonis habitus est præscriptus, secundum vniuscuiusque dignitatem, conditionem & rei familiaris opulentiam.

*Secundum  
conditionē  
personarum  
habitus.*

In thesauro etiam magni Ducis vestes plurimæ elegantes, ad id sunt repositæ & confectæ, vt cum aliquando triumphus celebratur; vel cum legatus alicuius principis excipitur, tunc omnibus & singulis aulicis suis magnus Dux illas vestes ad tēpus accommodat. Cateri quoque nobiles ad conuiuia amicorum nuptiæve celebrandas profecturi, vel si alicuius diuini festum solenne occurrerit, tunc volentes solennius elegantiusque vestiri, de magni Ducis thesauro vestes sibi accommodant, certo pretio secundum temporis spacium pro vsura vestis attributo, & deinde easdem absque detrimento cum vsura præscripta thesaurario restitunt. quod si aliquantulum vestis commaculata fuerit, tunc vsurpatur secundum æstimationem pecuniam pro ea numerare cogitur, verberibusque ne id in posterum admitteret, corrigitur. Ad regem Poloniæ etiam, vel ad alios externos principes, Moschouic princeps oratores missurus, omnibus aulicis & nobilibus cum legatis proficiscentibus, vestes solenniores, arma, & id genus ornamentorum ex thesauro suo ad vsurpandum sub prætextu

*Vestes magnus Dux copiosas habet pro suis aulicis.*

*Legatorum expeditio.*



soluendæ vsuræ accommodare solet, administrator-  
que horum substituitur, qui omnia ornamenta vni-  
cuique secundum ordinem, quotiens opus fuerit,  
distribuit, rursusque ea ab eisdem recipit & referuat:  
ex legatione tandem reuersi certam pecuniam pro  
vsurpatione vestium & cæterorum ornamentorum  
secundum pactum magno Duci numerant, vestesq;  
restituunt: quod si aliquis ornamentum accommo-  
datum commaculauerit, tunc verberibus emenda-  
tus, illud soluere cogitur.

Hic mos apud omnes Ruthenos & Moschouitas,  
quotannis certis diebus obseruatur, adolescētes, pue-  
ri, plurimi que viri vxorati, extra ciuitatem pagumve  
in locum amplum & eminentiorem confluunt, vn-  
de ab hominum congregatione videantur, ibiq; qui-  
busdam sibilis & vociferationibus (secundum gentis  
morem) signo dato, concurrunt, manusque absque  
vlllo armorum genere conferunt certamen, pugnis,  
pedibus, magno cum impetu faciem, pectus, ven-  
trem, & genitalia vtrunque quatientes, ineunt, sape-  
que inde semiuuii plerunq; etiam mortui exportan-  
tur. Hoc autem certaminis genus ideo institutum di-  
cunt, vt adolescētes assuescant verbera pati, & quos-  
cunque imperus perferre.

### DE MAGNI MOSCHOVIÆ DV- cis, Ioannis Basiliadis tyrannide.

#### Caput V.

**A**Bsoluto breuiter situ regionum Rūssiæ, magno  
Moschouia principi subiectarū, religione, mo-  
ribus denique, & consuetudine gentis, de moderno  
principe Moschouia Ioanne Basiliade, eiusq; tyran-  
nide

inde quædam dicenda nobis restant. Sed antequam rem ipsam aggrediemur, pauca de titulo illius quo vtitur, lectori haud aspernanda præponemus.

A tempore Ruriczki primi Nouogrodia magnæ Ducis, de quo superius dictum est, omnes ferè principes Russia non alio titulo quàm magnorum ducatum, Wolodimiria vel Nouogrodia magnæ, vel Moschouia vtebantur, vsq; ad Basilium Ioannis Magni, patrem moderni principis Ioannis Basiliadis, de quo hoc nostrum propositum est. Hic enim Basilius rebus suis feliciter procedentibus, & filius eius post eum modernus princeps titulum & nomen regium plurimorumq; magnorum ducatum sibi vindicare ceperunt, in hunc modum: Nos magnus Domi-

*Titulus Mo-*  
*schouia du-*  
*cis.*

nus, Rex, & magnus Dux totius Russia, Ioannes Basiliades, magnus Dux Wolodimiria, Nouogrodia magnæ, Moschouia, Pskouia, Smolenskia, Thweria, Iugaria, Permia, Viatkia, Bulgaria, Rex Casania, Astrabania, dominus & magnus Dux Nouogrodia inferioris, Czernihouia, Rezania, Wolochdia, Rfovia, Bielloia, Rostouia, Iaroslauia, Poloczka, Bielozierie, Vdoria, Obdoria, Condimia, dominus Seueria, Liuaniaque, & magnarum regionum, Orientem, Meridiem, Septentrionem, & Occidentem ver-

fus, dominus legitimus, hæres & successor.

Nunc autem multi eum imperatoris titulo, præcipuè verò Germani venerantur, qui deductionem verbi *Czar* Slauonica lingua ignorantes, pro rege imperatorem ponunt. Quid igitur hoc nomen *Czar*

*Czardistio-*  
*nis regē si-*  
*gnificantis*  
*exposio.*

in Slauonico sonaret, breuiter exponemus. *Czar*, hoc verbum in Ruthenico idiomate, regem, *Czar-*

stuo verò, regnum significat, & hoc nomine Mo-



schouitæ principem suum, regem totius Russiæ appellant. Cæteri autem Slauones, utpote Poloni, Bohemi, Litواني, & cæteri, qui ab idiomate Ruthenico diuersi sunt, alio nomine regem appellant, scilicet Krol, alij Korol, & Kral, hoc verò nomine Czar solum imperatorem appellari existimant, vnde & Rutheni ipsi Moschouitæque, audientes ab externis nationibus hoc nomine imperatorem significari, & ipsi principem suum imperatorem Russiæ appellare ceperunt, nomen Czar dignius esse, quàm regis (licet idem sonet) putantes. Sed in omnibus Ruthenorum tam sacris, quàm prophanis literis, Czar regis, Kesar verò imperatoris nomen repræsentat. Sic quoque rex Thauricæ Tartarus, Præcopensis Czar, id est rex nuncupatur, & omnes reges Tartarorum hoc nomine efferuntur, sed plurimi ignorantia huius vocis decepti, omnes reges hoc nomine Czar vocatos, Cæsares, hoc est imperatores esse putant. Alij quoque principem Moschouicæ album Cæsarem, præcipue verò subditi sui appellant, id est regem vel imperatorem Russiæ Albæ. Russiæ etenim, ut suprà dictum est, Moschorum duci subiecta, Alba dicitur; ea verò cui Polonorum rex præest (quamuis & Albæ partem possideat) Nigra appellatur Russiæ. Vel etiam ideo dictum esse regem Album Moschorum principem existimo, quòd incolæ omnium regionum ipsius imperio subiectarum, vestibus albis & pileis plerumque vtantur. Porro Basilii moderni principis parens, ad Romanum pōtificem & imperatorem, ad reges itidem Daniæ & Sueciæ, magistrumque Liuoniæ, & ad Turcam scribens, registitulum vtcebatur. Ad regem autem Poloniæ nunquam regis, nisi magni Ducis titulum

lum præsumebat. Nunc verò præsens magnus Dux Moschouia, & ad regem Polonia (quod pater nō faciebat) regis titulo vtitur, sed à Polono nūquam, nisi magni Ducis titulo honoratur.

Hic princeps Moschouia Ioannes Basiliades imperio quod in suo exercet, omnes facillè vniuersi orbis monarchas superat: nam autoritate sua (vel potius tyrannide) tã in spirituales, quàm in seculares, & cuiusvis conditionis homines vtitur, liberè & ex voluntate sua de omnium & vita & bonis (nemine obstrepente) constituit. Consiliariorum enim nullus est apud eum tantæ autoritatis, qui dissuadere, aut sibi in re aliqua quamvis iniustissima resistere audeat. Omnes denique tam procures, quàm consilia-  
rij, & totus equestris & spiritualis ordo, farentur publicè voluntatem sui principis, voluntatem Dei esse. & quicquid princeps quamvis perperam egerit, ex voluntate Dei agere. Ob id etiam clauigerum & cubicularium executoremque voluntatis diuinæ eum credunt esse. Vnde & princeps ipse si quando preces consiliariorū interponuntur ad se pro re aliqua idonea, respondere solet, cum Deo placuerit, vel si Deus iusserit, faciam. Ita quoque si de re aliqua incerta & dubia Moschouitas interrogaueris, communiter secundum consuetudinem respondent, Deus nouit & magnus Dux, vel, Deus sic voluit & magnus Princeps. Deniq; in computationibus vnus ad alium præbibens, primò salutem magno Duci, omniaq; fausta & felicia nomine proprio eum appellantes, & titulos regionum enumerantes, exoptant: idem ante & post prandium omnes & singuli optare solent. Et si aliquid peruersè pessimèque, & cum Reipublicæ

*Autoritas  
magni Ducis.*



dispendio princeps fecerit, ab omnibus tanquam res felicissimas & vtilissimas gesserit, laudatur. Affinibus cognatisque suis nec arces ad legitimè possidendum permittit, nec confidit, solammodo aliquos secundum arbitrium suum, qui sibi placuerint, arcibus & possessionibus certis proponit, & tādē illis qualibet de causa insensus, omnia vt sua, adimit. Ex plebeis equites, palatinos, & consiliarios plerunque secundum voluntatem suam nullo repugnante facit: ex cōsiliariis deinde siue equestris ordinis hominib. plebeios, omnibus bonis illis ademptis & publicatis, reddit. Eodem modo metropolitas, episcopos, abbates, prioresque monasteriorum suo iudicio eligit, & deponit, omnes iuxta durissima seruitute premit, prout suprà in expeditione bellica, consuetudineq; gentis latius diximus.

Sed cūm hæc tota gens Moschorum duci subiecta magis seruitute, quā libertate gaudeat, incertū est, an suis moribus conformem tantū tyrannū exigant, à quo insolentia eorū domaretur. Nam hoc plerunque in illis regionibus obseruatur, quod serui apud dominos, & vxores apud viros gratiam, si ab eis frequentius verberentur, habere, & amore se persecutos dicūt. Contra si in eos non animaduertitur, nullū signum amoris in se exhibitū conquiruntur, & non solum serui, sed & pleriq; nobiles, magni viri & consiliarij, frequenter à magno Duce absq; vlla dedecoris nota publicè siue priuatim baculis verberantur. Illi verò tunc tēporis amoris signum principem in se exhibuisse gloriuntur, verberatīq; gratias principi agunt, dicentes: Sanus tu sis & incolumis domine, rex & Dux magne, quod me seruum rusticūque tuum  
verbe-

*Seruitus  
Moschorum.*

verberibus emendare dignatus sis. Qua ratione probatur, eos suis moribus conformem dominū (velut quondam ranæ regem ciconiam) necessitati exigere. Sed his Moschorum princeps Ioannes Basiliades leges huius tyrānidis supra modum (iustitia iudice) excedere videtur, qua non solum prædecessores suos, (quid secundum morem & consuetudinem gentis faciebant) superavit: sed illos omnes tyrannos, qui ante & post Christum ad hæc vsque tempora fuerunt, utpote Neronem, Valerianum, Dionysium, Decium, Maximinum, Iulianumque, & cæteros omnes.

Hi etenim quamvis etiam sæpius tyrannidem nefandam exercuerint, attamen aliquantò tolerabiliorē, sed in hoc principe tantam tyrannidem dictu miram, breuiq; temporis interuallo crudeliter perpetratam videre licebit, quam nos bona fide cōscripam Lectori benigno offerimus.

*Amplificatio tyrannidis Moschorum ducis.*

### INITIVM TYRANNIDIS MOSCHORUM principis Ioannis Basiliadis.

**A**Nno partæ humano generi per Christum salutis, supra millesimum quingentesimum sexagesimo, Ioannes Basiliades magnus Moschorum dux, postquam Poloczko arcem & ciuitatem celebrem Lituanis ademisset, rei prosperè gestæ successū elatus, in quandam insolentiam prolapsus est. In primisque ad ea quæ pater, auusque suus inceperant cōtinuanda & perficienda, animum apposuit: omnes nimirum principes & alios quosuis magnates castris, possessionibus & munitionibus exuere. Postea omnes magnarum & antiquarum familiarum viros, quos suæ tyrannidi contrarios cernebat trucidare, de medioq;



*Initium ty-  
rannidis.*

tollere cœpit. Huius igitur cædis & tyrannidis à magno viro OWczinino, Demetrio nomine (filio illius OWczinæ olim tutoris sui, qui in Starodub arce captus, Vilnæ Lituaniæ metropoli in vinculis mortuus est) exordium sumpsit hoc modo: Inuitavit eum sub amicitia prætextu ad cœnandum secum, ibique inter compotandum ipse magnus Dux vas quoddam ingentis capedinis impletum mellis liquore, illi OWczinino pro sanitate sua, (prout gentis mos est) vno haustu iam temulento ebibendum obtulit, qui iam ferè potu oppressus, ne mediū quidem ebibere potuit, qua de causâ magnus Dux perfidiam ei exprobrauit, dicens: Siccine mihi domino tuo cuncta bona exoptas? Siccine me principem tuum clemētem diligis? Sed quia hîc præbiberere pro salute mea noluiſti, ad cellarium meum ubi varij potus reconduntur, vade, illicq; pro incolumitate mea præbibes. Ille miser iam ebrius, verbis placidis magni Ducis, quasi fidelibus deceptus, ad cellarium cum his, qui ad eum occidendum erant subornati, perrexit, à quibus ibidem crudeliter suffocatus est. Postridie verò ad domū prædicti OWczinini magnus Dux (quasi rei ignarus) misit, mandans ut ad se veniret, vxor verò sua respondit, maritum hesternâ die ad magnum Ducem cœnatum profectum esse, & ab hoc tempore adhuc domum non rediisse, sic igitur res ubi fuerit, vel quò abierit prædictus Demetrius OWczininus, in dubio stabat. Hæc autem præcipua causâ necis eius erat: Fouebat quendam iuuenem magnus Dux Theodorum nomine, Bosmani cuiusdam nobilis filium, cum quo Sodomiam contra opus naturæ (dictu nefandum) explebat, cum isto prædictus OWczininus quadam

quadam die ad iurgia deuenit, inter iurgandum autem (vt fit) hoc nefandum facinus ei exprobrauit, dicens: tu Sodomia turpi principi inferuis, ego verò ex magna profapia ortus, semper cum prædecessoribus magna cū laude & Reipubl. vtilitate principi seruiō. Ille igitur iuuenis tali ignominia affectus, ad magnū Ducem flens venit, Owczininumque talia sibi exprobrasse accusauit. Et ab hoc tempore magnus Dux infidias struere cœpit, quomodo Owczininus de vita tolleretur, donec voti compos effectus est.

Porrò hoc clanculario furtiuoque mortis genere, plurimos magni nominis viros iugulare suffocareque procurauit, nemine contra talia ne quidem mustitare audēte, donec metropolitanus ipse re considerata, episcopiq; & omnes equestres viri ad eum conuenerunt, expostulantes & interrogantes, quam obrem sic innocenter populum suum, insignesque viros, absque vlla criminis nota de medio tolleretur, quorum conuentu & persuasionibus per semestre anni spatium humanior, & quasi mansuetior effectus erat. Interea tamen cogitare & moliri cœpit, quo pacto suæ tyrannidi conformes seruos & aulicos, quorum opera in explēda crudelitate vteretur, conduceret & conscriberet. Finxit igitur se iam vel

*Moschus tyrannidem molitur.*

*Moschus impersum malitiosè abdicat.*



*Moschus fa-  
rellosos ma-  
lissimos con-  
sersit.*

acciderit, ad me consilium deferte, cum non longè à vobis in monasterio abfuerim. Confestim ergo per amplam aream extra ciuitatem Moschouiam delegit, & curiam in ea amplissimam cum innumeris ædificiis muro cinctam erigere fecit. Qua extructa arces præstantiores cum optimis annuis redditibus, ex vniuerso imperio delectu habito sibi specialiter (sub prætextu monasticæ vitæ ducendæ) appropriauit. Cum itaque in curia prædicta omnibus necessariis munita & prouisa, quasi imperio abdicato filiisque concessio, seorsimve maneret ingentem facinoroso- rum manum qui suas partes sequerentur satellitum- que coegit, & ad pristinum propositum quod nuper statuerat de excidēdis, è medio tollēdis antiquarum familiarum principibus viris rediit, ad omnesque & singulas arces, quarum præfectos, magni nominis viros occidere proposuit, sexaginta plūsve aliquando ex suæ factionis satellitibus, equites, quasi præsidarios cum literis misit, qui in arce tam diu sub prætextu præsidij manebant, donec eius præfectum à principe neci designatū inopinatè opprimerēt, & membratim dissecarent. Et cum iam aliquem ex iis principibus viris occidit, tunc & omnes cognatos, affines, fratres, & omnem denique progeniem, occidere & funditus extirpare facit. Et hoc modo plurimas principales familias, monasticam vitam ducens, exterminauit, & postea imperium vt & prius administrare cœpit.

### DE ROSTOVIENSIS DV-

*cis nece.*

**D**Vcatus Rostouiensis, cuius superius mentionem fecimus secundo genitis, magnorum du- cum

cum Ruffiæ, attributus erat. Hunc etiam Bafilius magnus Dux vt & cæteros ſibi appropriauit, hæredibus ſubiugatis parua reddituum portione conceſſa. Ex his ducibus vltimus erat relictus hæres Petrus nomine, præfectus Nouogrodia inferioris, quem modernus magnus Moſchorum dux cum progenie ſua de medio ſuſtulit hoc modo. Quadraginta equites factionis ſuæ in Nouogrodiam inferiorem deſtinauit, quibus vt ſibi caput præfecti prædicti ducis Roſtouiienſis abſciſſum, attulerint, mandauit. Illi igitur equites prædictum ducem in eccleſia orantem præuenientes, ſic allocuti ſunt: Domine Roſtoſki mandato magni Ducis à nobis nunc capieris. Ille conſeſtim mandato audito baculum, quem manu geſtabat, in terram abiecit, innuens ſe officium cui præpoſitus erat, iam abdicare: nam princeps Moſchouia cum aliquem nobilium in officio præponit, tunc illi in manum baculum dare ſolet, quo ſignificatur, vt ei in omnibus velut principi obtemperaretur. Tandem cum aliquis officio degradatur, tum baculum illum in manus principis, vel eius vices gerentis reddere ſolet. Cum itaque in eccleſia prædictus dux Roſtouiienſis caperetur, veſtibus ſpoliatus eſt, vt nudus velut matris aluo egreſſus ſtaret, poſtea in trahæas vinctus poſitus & alligatus eſt. Cumque iam tribus milliaribus à Nouogrodia auctus eſſet, illi qui eum vehebant ad flumen Volgam, ſubſtiterunt: Dux verò vinctus quare ſtarent, cauſam percontabatur, qui ſe equos velle ad aquaſſe dicunt: ille contra, non equis hanc aqua, ſed mihi (quaſi mortis præſcius) bibere, & nunquam ebibere, reſpondit. Conſeſtim ergo præfectus equitum ei iacenti

*Roſtoſki  
capitur.*



*Tyrannus  
ingens.*

caput securi amputauit, cadauer verò in flumen gelu concretū mersum est. Cū autem caput illius principi allatum est, ipse princeps manu & capite nutans, dixit, ach caput caput, multum sanguinis viuum existens effudisti, (bellicosissimus enim extitit) & nunc mortuum eundem effundes, his dictis fremens pede illud trusit, & in profluente abijcere iussit: postea omnes amicos & totam progeniem quinquaginta hominum funditus eradicare excindereque (possessionibus omnibus eorum publicatis) fecit, seruosque eius præcipuos quaterdenos vinctos in carcerem intrusit,

*Moschis con-  
tumelia in-  
nata.*

Hæc tota gens Moschouitica id à natura ipsa inditum habet, vt sese alterutrum qualibet de causa per fas siue nefas accusarent, contumeliisque variis se inuicem afficiunt, & res suas vnus in alterius domum clanculum frequenter iniit siue importat, eademque furto sibi ablatas dicit. Magnus verò Dux cū vnus alium qualibet de re accusat, libenter audit, iam etenim occasionem occidendi illius, qui accusatur, habet. In curia autem illius quando conuentum, vel aliquid tale celebrat, vel morti aliquem adiudicat destinatve, neque submissa neque clara voce aliquid cum socio mullites, nec rideas, nec festiuium hilaremque vultum præ te feras, confestim enim interrogaberis, cur rides? cur hilaris es? &c. sentis tu aliquid cum inimicis magni principis: continuò igitur à delatoribus coram magno Duce accusatur; accusatus verò iussu principis, nulla purgatione criminis obiecti cōcessa à satellitibus arripitur, atq; membratim disseccatur, aut in aquas capite auulso projicitur.

DE

DE IOANNIS PIOTROVICZ, PA-  
latini *supremi Moschouia falsò accusati,*  
*crudeli nece.*

**A**Nno virginiei salutiferi partus supra millesimū quingentesimum sexagesimooctauo, cū rex Polonia Sigismūdu Augustus, magnus Dux Lituania, ad campos Radoscouicenses cum vniuersis Lituania viribus in castris esset, fines Moschouiticos inuasurus: Magnus Moschouia Dux in Wielikieluki ciuitate cum præsidiariis copiis tunc temporis excubabat, postea cū rex Polonia ex castris re infecta & intētata discessisset, magnus Dux in Moschouiam ciuitatem reuersus est, & ibi progressum quendam nobilium suorum sibi contrarium offendit. Præcipuè verò quidam magni nominis vir Ioannes Piotrouicz, palatinus principalis, & vices gerens Moschouia apud eum, per delatores falsò & contumeliosè accusatus est, quasi ille magnum ducatum ambiret, quem magnus Dux confestim nulla purgatione criminis obiecti audita, omnibus bonis, mobilibus & immobilibus spoliare fecit, ipsumque in bellum contra Tartaros proficisci iussit. Ille miser omni supellectili spoliatus ne equum quidem, in quo ad id præscriptum bellum proficisceretur, relictum habuit: Monachus tamen quidam eius miseriae condolens, equum ei accommodauit, in quo contra Tartaros mandatū principis adimplens, solus tantū (qui nuper ceterua seruorum comitabatur) profectus est. Ex bello tandem reuersus, ad magnum Ducem citatur, omnesque nobiles & ceteri magnates ad tempus designatum in Moschouiam conuocantur. Prædictus igitur Ioannes Piotrouicz ad tribunal citatus,



*Iudiciū ty-  
ranni.*

uxori, liberis, cæterisque affinibus, valedicens, necis  
futura præscius, magno Duci se præsentauit. Statim  
ergo ab ipso principe ornamentis ducalibus, diade-  
mate, & sceptro, solenniter insignitus in sede siue  
maiestate regia ad id erecta collocatur, cumque iam  
sic insignitus & ornatus sederet, omni conuentu no-  
bilitium & magnatū circumstante, ipse magnus Dux  
coram eo stans, capite adaperito, quasi honorem ex-  
hibens, caput & genua (secundum morem gentis) in-  
clinabat, dicens: Aue magne Dux & monarcha Rus-  
siæ, en obtinuisti quod affectabas, en habes quod  
ambiebas: voluisti enim in locum meum magnum  
monarchatum Russiæ (sic enim falsò accusatus erat)  
succedere, en ego ipse te iam magnum Ducem so-  
lenniter creauit, sed sicut habui potestatem, te ma-  
gnum Ducem creandi, ita etiam potens sum te hac  
de sede & dignitate degradādi: his dictis cultellū ob-  
lōgum, siue pugionem ipse in cor eius aliquoties in-  
fixit, omnisque turba nobilitium circumstantium in  
eum sic crudeliter pugionibus & cultellis sæuiebat,  
quoadusque omnia viscera & præcordia ex eò in ter-  
ram profluerent. Cadauer tandem crudeliter vul-  
neribus confectum, ex arce in forum extractum est.  
Deinde omnes seruos eius præcipuos laqueis iugu-  
lare, trucidare, & aquis obtruere mandauit. Tandem  
in arcē Columna, quam prædicto Ioanni cum omni-  
bus prouerbis, olim concesserat, profectus, omnes  
quotquot in ea arce & ciuitate ad trecēta plūsve ho-  
minum inuenit, aquis immergere, trucidareque fe-  
cit, dicens: Occidite, iugulate, aquis obruite hos ma-  
lefactores: sentiebant enim cum inimico meo per-  
iuuro & perfido. Postea per integrum ferè anni spa-  
tium

*Crudelitas  
tyranni.*

tium possessionis prædicti Ioannis ciuitates, & villas vastabūdus igne & ferro peragrabat, vbi verò nobiles subditos huius Ioānis, siue Boiarones, (erat enim magnus homo habens sub sua ditione alios nobiles) offendit, hos omnes in vnam habitationem coactos & occlusos succendere iussit, pulueribus tormentariis suppositis, omnesque vi accensi pulueris in aërem velut aues volantes eiciebantur. Iumenta in super omnis generis ad canem & felē vsq;, in frustra membratim dissecare, proterere, & in nihilum conuvertere, villas & prædia igne succendere, cineribusq; commiscere fecit: vxores verò horum nobilium, & virgines coram se turpiter constuprandas satellitibus exposuit, postea easdem in frustra dissecare mandauit. Colonorum autem & infimæ conditionis coniuges vestibus spoliatas, in siluam nudas perinde vt matris aluo egressas, vel vt brutum pecus agere iussit: in siluis autem satellites latentes subordinati erāt. Cumq; illæ miserrimæ mulierculæ siluæ appropinquarent, satellites cum impetu in eas irruerunt, cædentes & variis plagis afficiētes: illæ timidæ per campos & syluas pallantes & identidem discurrentes omnia fletibus & eiulatu complebant. Sic itaque omnibus possessionibus prædicti Ioannis Piotrouicz olim Palatini Moschouix deuaſtatis, & funditus extirpatis vxorem eius in monasterium intrusit: progeniem autem eius, totam denique familiam à paruo ad minimum eradicauit.

*CANCELLARIO SVO QUID  
fecerit.*

**E**odem supradicto anno trucidato tam insigni viro cum tota familia sua, cancellarium suum



*Cancellarius cū duobus filiis occiditur.*

Kozarin Dubrowski dictum, falsò accusatum (quasi ille subditis nobilium siue Boiarorum, largitionibus corruptus tormenta bellica in suis curribus & equis ducere non iuberet, prout mos est, & quod solummodo magni Ducis id munus obirēt) crudeliter hoc modo trucidauit: Satellitibus suis mandauit, vt in domum prædicti cancellarij impetum facerent, ipsumque membratim (quamuis criminis non cōuictum) dissecarent, quod & dicto otius executum est: nam satellites inopinatè ipsum cancellarium cū filiis duobus membratim securibus ad mēsam sedentem crudeliter dissecarunt, dissecatosque in puteum, qui in medio eiusdem curiæ erat, proiecerunt. Superfuit autem adhuc huius cancellarij filius tertius, qui hoc die, quo pater suus occisus est, ad conuiuium quoddam inuitatus profectus erat, cumque de patris tam crudeli fratrumque nece audisset, in domum amplius redire non audebat, sed per integrum ferè annum, identidem præ timore vagabundus circumambulabat. Cū verò nunciatum esset magno Duci adhuc vnum filiū cancellarij Kozarini superesse, iussit eum per omnes regiones & ciuitates tam diu inquirere, donec inueniretur, quem captū, & in Moschouiam adductum, magnus Dux quatuor ingentibus rotis ad id excogitatis, in quatuor partes disrumpere fecit. Est autem hoc instrumentum quatuor rotarum ab hoc magno Duce moderno pro cruciandis hominibus adinuentum, ad primam rotam vna manus, ad secundam altera, eodem modo vterque pes ad cæteras duas rotas alligatur. Singulas verò rotas quindecim viri trahunt, tunc ibi & si ferreus vel adamantinus homo fuerit, à sexaginta viris transuersim crudeliter

*Tertius cancellarij filius rotis distrahitur.*

*Instrumentum mortis crudele.*

deliter tractus dirumpitur, & membratim dilaceratur. Ipse autem præsens ad hoc supplicij genus spectare solet, cumque iam aliquis eo inspiciente sic dirumpitur, gentili voce saltando *hoyda, hoyda*, profereus vociferare solet, quasi aliquod opus egregium perfecerit. Omnis quoque nobilium & plebeiorum circumstantes turba, eadem voce principi suo correspondere manibus complaudendo solent. Nam si aliquem lugubri tristiq; vultu sub id temporis cōspexerit, vel si aliquis illi *hoyda hoyda* vociferanti exhilarandi particula nō corresponderet, statim satellitibus eum arripere & diffecare mandat, dicens: perfide, & tu sentiebas cum hoc inimico meo, cur ei condoles? quare de nece eius contristraris? &c.

*SALES ET IOCI MAGNI DV-*  
*cis circa mensam.*

**Q** Vicunque nobilium vel magnatum apud magnū Ducem inter prandendum turpius spurciusque iocatur, ille egregius peroptimusque & facundissimus aulicus censetur. Tales iocatores duo præcipui in aula eius germani fratres Knesi G Wozdo Wie dicti erant, qui semper sales nefandos circa mensam exercebant, vnus erat Andreas nomine Marschalcus, siue palatij magister, qui peste infectus vitam exhalauit. Alter verò minor natus cubicularij munus obibat: hic quadam die turpissimè cum magnō Duce inter prandendum iocabatur, adeò vt magnus Dux nefandis dictis exacerbat, à mensa ei discedere iusserit, interdum verò eo discedente caulis calidissima penèq; bulliens de coquina ad mensam allata est, vocans igitur prædictum cubiculariū, iussit



*Cubicula-  
rium cruci-  
das.*

se ei inclinari, & caulem illam calidam inclinato à collo post tergum infudit, qui penè combustus dolore urgente vociferari cœpit, dicens: Miserere, miserere celeberrime imperator. Postea discedere volentē, magnus Dux arripuit, cultelloq; quo ad mensam utebatur, eum crudeliter in collum transfixit, à quo vulnere continuò in terram prolapsus, extractus est in atrium. Postea ei condolens magnus Dux, Italum doctorem medicinæ orius accersiri iubet, ei-que venienti assurgens dixit: Dilecte Arnolphe doctor (hoc enim nomen habebat) vade auxiliare aliquid huic cubiculario meo, quem in iocâdo læsi. Doctor egressus exanimatum offendit, reuersusque dixit: Rex & Dux magne, vtinam tu sanus sis, ille verò iam de vita ad mortem translatus est, Deus autem, & tu magne Domine potens animam ei eripere, ego autem eam restituere nequaquam possum. Ad hæc magnus Dux manu conniuens dixit, valeat ergo canis cum viuere noluit.

*QUALI MVNERE MAGNVS DVX  
suos honorauit.*

**Q**Uodam tempore Boris Tiro W magni nominis vir, Palatinus Stariciensis, ad magnum Ducem post prandium mensæ cubito innixum assidentem venit, honoremque secundum morem caput inclinando, exhibuit, cui magnus Dux quasi congratulans dixit: Salue carissime Tite, salue mi fidelissime serue, dignuses ô Tite, aliquo munere à nobis honorari, accede propius, accedenti-que caput inclinare iussit, & cultello euaginato auriculā ei manu propria abscidit. Ille verò auricula priuatus, minimè cōtradixit,

*Auriculam  
Palatino  
abscidit.*

tradixit, sed humiliter magno Duci gratias egit, dicens: Saluus tu sis celeberrime Rex, Dux & domine magne, quòd me seruum tuum secundum placitum tuum castigare digneris. Cui magnus Dux, accipe nunc hoc exiguum munusculum libenter, donec tibi aliud melius offeratur.

### SOMNIORVM EGREGIVS IN-

*terpres magnus Dux.*

**Q**uidam nobilis Moschouia in carcere aliquot annis detinebatur, carcerisq; durissimi pertæsus, somnium sibi falsò finxit, quasi regem Poloniae captum vinctumq; ad magnum Ducem adductum in somniis videret, hocque somnio se liberaturum fore (spe eum fallente) arbitrabatur. Supplicationem igitur ad consiliarios scriptam misit, dicens, se rem quandam magno Duci necessariam & utilem gratamq; scire. Quem cōsiliarij eductū magno Duci cōfestim præsentant: cui magnus Dux, dic ea nunc quæ dicenda nobis habuisti. Ille verò, celeberrime Rex & imperator, magne Dux & domine, hac nocte in somniis vidi regem Poloniae captiuium miserè compedibus vinctum, ad te à tuis militibus adductum. Ad hæc magnus Dux respondit, rectissimè narraisti, statim ego tibi hoc somnium, quid sibi velit, exponam, carnificibus igitur eum confestim examinandum torquendumque tradidit, inquirendo ab eo, qua de causa hoc somnium sibi finxisset, ille tormentis adactus falsus est, id causa liberandi ex duro carcere fecisse. Tunc magnus Dux eum in carcerem duriorē pristino intrudere iussit, dicens, expecta hinc somnij tui veram efficaciam tam



diu, donec adimplebitur. Ille miser postea acerbissimo carcere consumptus, miserrimè è vita discessit.

*T V R P I S M A T R O N A R V M N O B I -*  
*lium, apud magnum Ducem*  
*abusus.*

**H**abet magnus dux supplantatores, adulatores plurimos ad id subordinatos, qui idè tidem circumambulantes, quid mulieres civium, matronæq; nobilium de se loquerentur, subaudiunt, raptaque verba dicto otius ad eum deferunt, qui satellitibus suis ad domum illius matronæ accusatæ destinatis, eam de lectulo à marito proprio violenter abstrahere, & sibi præsentari iubet. Hanc, si sibi complacuerit, per aliquot hebdomadas pro explenda libidine detinet, sin minus, satellitibus eam turpiter stuprandam exponit, & tandem ad maritum suum eam ablegat. Si verò virum illius matronæ occidere è medioque tollere proposuerit, tunc eam non ablegando iugulare, vel aquis obruere iubet, prout hoc pluribus contigit. Præcipuè verò cuidam magni nominis viro Mieffoiedo Wyfchly dicto (de quo inferius dicetur) supremo notario suo uxorem cum pedissequa violenter abstractam, & per aliquot hebdomadas detentam, in porta domus mariti sui eam vnà cum pedissequa laqueo suspendere iussit, sicque in porta suspensæ duabus hebdomadis pendeabant, donec iussu principis deponerentur. Maritus verò suus subtrus uxorem suspensam per illam portam, quò opus fuerat exire & intrare cogebatur. Hoc quoq; vel atrociori modo cuidam notario suo fecit, cui vxorē abstractam & stupratam postea remisit, eamque in habitatione

*Grande fa-*  
*rinus.*

bitatione propria, vbi solitus erat cibum capere, super mensam, suspendere fecit, in illa que mensa defunctæ uxore strangulata pendente, tam diu ille notarius cibum amarissimum capere cogebatur, donec iussu principis illud cadauer asportaretur. Cum autem aliquod magnus Dux proficiscitur, & fortè obuiam sibi (vt fit) aliquam viderit matronam, quamuis magni viri vxor ea esset, sciscitare iubet, cuias sit, vel vnde proficisceretur? Quòd si eam illius viri cui offensus est, vxorem esse intellexerit, tunc eam ex curru descendere, & collo tenus pudenda detegere iubet, & tam diu stare cogitur, donec omnes satellites, equites, & aulici, ipseq; magnus Dux prætereant.

*Aliud crimi-  
delissimum  
facinus.*

*DE INIURIA EXPOSTVLANTI-  
bus quid acciderit.*

**A**Nno à Christo nato millesimo quingentesimo sexagesimo sexto conuenerunt ad magnū Ducem nobiles, magnates, & consiliarij, quasi trecenti viri expostulantes cum eo de iniuriis, homicidiis, spoliationibus & inaudita crudelitate, his verbis: Celeberrime Rex, magne Dux, & domine noster, quæ causâ est, quòd nos innocenter tantis detrimentis, tantisq; malis & iniuriis affligis, fratres nostros, consanguineos, infantes morti adiudicas, trucidas, aquis obruis, bonis spolias. Insuper satellites tuos in nostrū exitium conuertisti, qui nos intolerabilibus oneribus iniuste affligunt, & an tuo mandato nobis hæc faciant, penitus ignoramus. Nos etenim tibi domino nostro & imperatori legitimo, prout fideles subditos decet, in fide sincera & veritate seruimus, sanguinemq; nostrum tui causâ strenuè profundimus.



His dictis magnus Dux ira excandescens in carceres omnes & siagulos vinctos intrusit: postea quinque diebus exactis de carceribus eductis, quibusdam linguas abscindere, aliis pedes & manus obtruncare, quinquaginta verò insigniores viros in foro publicè virgis & baculis cedere iussit, reliquos liberos dimisit, quibus quamvis tunc temporis pepercerit, postea tamen in manus eius crudeles & truculentas devenerunt, prout inferius dicitur.

*QVALEM GRATIAM MAGNVS  
Dux socero suo exhibuerit.*

**M**ichael Temnicovicz cognomine, claræ familiæ vir, magni Ducis socer, tali amore prosequitur, quòd interdum per duas ampliusve hebdomadas magnus Dux gratiam amicitiamque ei exhibet. Postea cum eidem qualibet levi de causa inensus fuerit, tunc ad singulas portas, ianuasque curiæ illius, viros indomitos horribilesque tres vel quatuor alligare mādāt, qui omnes è curia exire volentes vnguibz confestim dilacerarēt. Interdum ergo dominus socer in ædibus clausus sedet, & si quid habet, comedit, bibit, & hi viri aliquādo per duas, tresve hebdomadas à foribus curiæ non abducuntur. Quādo etiam eundem focerum suum supradictum magnus Dux pecuniis abundare intelligit, tunc eum iubet arripere crimine ei falsò obiecto, & in locum ubi debitores secundum morem gentis baculis virgisque caduntur ducere, ibique tam diu iussu principis virgis verberatur, donec omnem thesaurum indicare cogatur. Quando autem in eo magnus Dux nihil potest verberibus extorquere, tunc ei ipse ex thesauro suo certam summam

man pecuniæ numerare solet. Hoc itaq; modo magnus Dux socerum suum tractat, aliquândo eum thesauro spoliat, aliquando ditat. Interdum verò cum se huic socero suo benigniorem exhibet, tunc ipsi soli parcit; sed præcipuum eius & intimum seruum (qui vices domini suppleret) arripere, & tam diu verberare iubet, donec thesaurum domini sui indicaret: aliquando etiam dominus seruo innocenter caso cõdolens, tantũ pecuniæ pro eo numerare solet quantum magnus Dux imperauerit. Quadam etiam vice euenit, quòd vector prædicti Michaelis cum vectore magni Ducis in via fortè congressus, ibi ambo inter se litem excitauerunt, ac inter iurgia ad pugnam deuenerunt. Vector igitur magni Ducis grauius percussus ad marschalcum, siue palatij magistrum veniens, à vectore soceri magni Ducis se verberatum cõquestus est. Magister palatij causam ad magnum Ducem detulit, qui continuò re audita, absque partis accusatæ purgatione, satellites suos in curiam prædicti soceri sui misit, eisq; vt tres seruos illius præcipuos in foribus laqueis suspenderent, mandauit. Sic ergo illi serui suspensi in foribus pendebant, & omnes ex domo exire, & in domum intrare volentes, per illas fores subter suspensos ambulare duabus hebdomadis cogebantur, donec iussu principis deponerentur.

*Sex pro Vera  
berato uno  
suspensi.*

### DE CRUDELI MAGNI DVCIS

*Moschorum tyrannide, quam in Novogrodia magna,  
Pskonia, Tveria, & Nerna ciuitatibus perpetravit anno Domini 1569.*

**A**Nno per Christum salutis partæ supra millesimum quingentesimum sexagesimo nono, cum



princeps Moschouia rescivit Nouogrodenſes, Psko-  
 uienſes & Th Werenſes ad regis Poloniae magnique  
 ducis Lituaniae partes aliquantulum propenſiores  
 eſſe, ſtatim quomodo id vlciſceretur cogitare cepit,  
 & vt inopinatos, & præter ſpem ſecuros opprime-  
 ret, hoc modo in primis progreſſus eſt. Omnibus &  
 ſingulis vtriuſque ſexus hominibus, tam viris quàm  
 foeminis, ſenibus & pueris ſub pœna capitali interdi-  
 xit, ne quiſquam ea via, quæ ex Moſchouia in magnâ  
 Nouogrodiam ducit, ire, proficiſcive præſumeret.  
 Deinde cùm iam numeroſo accinctus exercitu de  
 curia Alexandroua Sloboda dicta, ad Nouogroden-  
 ſes vlciſcendos, & funditus exterminandos egreſſus  
 eſſet, præſidiariorum ſatellitum ante ſe ſeptingentos  
 præmiſit, totidemq; à tergo, & in omnibus circūqua-  
 que locis præſidiarios ſubordinauit, qui omnes quoſ-  
 cunque ea via interdicta euntes inuenerunt, ſecuri-  
 bus membratim cum iumentis, curribus, & id genus  
 aliis rebus, diſſecabant; ita vt nec ex Moſchouia in  
 Nouogrodiam, nec ex Nouogrodia in Moſchouiam  
 quiſquam viuentium tranſire poterit, nemoq; pro-  
 poſitum principis quò contenderet, excepto vno ſe-  
 cretario Ophanafio Wiazimski, ſcire potuit: nâ hæc  
 omnia tam cautè & callidè peragebantur, vt inopi-  
 nati & vnde quaque incluſi Nouogrodenſes citius  
 opprimerentur, & nuſquam euadere poſſint. Cum-  
 què iam à Nouogrodia magna quaſi per mediũ mil-  
 liaris cum exercitu abeſſet, tum demum miſeri No-  
 uogrodenſes diem iudicij ſibi imminere cognoue-  
 runt: etenim ſatellites emiſſarij equitesque tractum  
 Nouogrodenſem igne & ferro hoſtiliter vaſtabant;  
 omnes homines cuiuſcunque conditionis fuerint,  
 nobiles

*Regionem  
 ſuam vaſtat  
 Moſchus.*

nobiles & plebeios cædebant, iugulabant, membra-  
timque dissecabant: insuper iumenta omnia, vicos  
& pagos flamma absument, satellites etiam præ-  
sidiarii, qui viarum transitus ubiq; custodiebant, ne-  
minem post principem transire (quâvis seruū ipsius  
propriū) sinebant, sed omnes quoscunque offen-  
derint, membratim dissecant. Verebatur enim ma-  
gnus Dux subditorum suorum, nobilium & ma-  
gnatum quorundam erga se conspirationem, & in-  
sidias. Tandem in ipsam Nouogrodiam magnam,  
satellitū aliquot millia, cum equitibus Tartaris præ-  
misit, ad spoliandos & depradandos omnibus bo-  
niscives, quos ipse statim cum toto exercitu secus-  
tus est, & omnes obuios trucidare, membratimque  
dissecare, equis proterere, lanceis induere iussit. Ipse  
quoque manu propria cum filio natu maiore pluri-  
mos lancea transfigebat. Postea duas vastas areas se-  
ptis ligneis circumdare, & trabibus obstruere, illic-  
que omnes cives præstantiores victos cogere, &  
implere fecit, quos ipse cum filio hastis tam diu cru-  
deliter, equis calcaribus adactis, magno impetu trans-  
figebat, & trucidabat, donec vterque anhelans de-  
fatigaretur. Tandem ad satellites circumstantes, fre-  
mebundus dixit: Irruite in hos perfidos, secate, dis-  
secate, trucidate, neminemque viuum relinquire.  
Illi confestim dicto otius in eam multitudinem ci-  
uiū victorum turmatim stantem, impetu facto, o-  
mnes ad vnum membratim dissecarunt, & in aquas  
proiecerunt: deinde aliquot centena hominum in  
flumen gelu concretum, quod mediam civitatem  
interfluit, implere, glaciemque in circuitu eorum  
circumcidere iussit, qui omnes glacie circumcisa

*Manu pro-  
pria cū filio  
magnus dux  
cives truci-  
dat.*



fundum petente, aquis immerſi & obruti ſunt.

*Numerus  
occiforum.*

*Spolia.*

*Damna.*

*Nerviapo-  
pultur.*

Tantam igitur in Nouogrodia magna ciuitate celebri, & totius Ruſſiæ priuaria magnus Dux tyrannidem perpetravit, vt 2770. ciuium excepto paupere vulgo, ſexuque ſœmineo trucidati & aquis obruti fuerint. Monafteria quoque in toto Nouogrodienſi tractu 175. ſpoliare, depradare, quardam hoſtiliter flammis comburere, monachosque trucidare & aquis obruere fecit. Veſtimenta ſericea & id genus ornamentorum ciuiliū, ſatellitibus in prædam corceſſit, auro & argento (cuius ineffabile pondus de eccleſiis & mercatorum theſauris compilauit) ſibi relicto, domos etiam ciuium ſpoliatas diripere, euertere, & deſtruere fecit. Tantaque damna mercatoribus, cæterisque ciuibus in hac celebri vrbe edidit, vt nequaquam reſarciri, & iuſta computatione æſtimari poſſint. Cerae quoque innumerabiles maſſas ab annis viginti pluſve apud mercatores reſpoſitas in flammis proijcere, & in nihilum conuètere iuſſit: cera etenim Nouogrodienſium, pellesque ferarum præcipuæ merces erant. Cumque prædictam ciuitatem funditus iam deuſtaſſet, & totum ferè tractum eius crudeliter depopulaſſet, quingentos equites in Neriuiam ciuitatem Liouoniæ finitimam, vbi Nouogardenſes merces ſuas deponere ſolebant, deſtinauit, & per totam ciuitatem proclamare iuſſit, ne aliquis merces Nouogrodienſium ſub pœna capitis & omnium bonorum priuatione emere, aut ſibi quolibet modo appropriare audeat. Omnes verò ciues Neriuienſes, qui à Nouogrodienſibus aliquid mercium clanculario emerunt, membratim diſſecati, & in lacum proiecti: poſſeſſiones

verò

verò eorum vnà cum domibus igne combustę sunt. Pauperes etiam omnes & mendicos, qui prę nimia fame (tunc temporis grassante) cętorum cadauera coquebant, & manducabant, illi satellites iussu principis trucidauerunt, trucidatosque in profluentem abiecerunt, & omnes merces Nouogrodenſium varij generis, quas illic repositas inuenerunt, in vnũ locum congestas succenderunt.

*Mēdici truci-  
cidantur.*

**ARCHIEPISCOPO NOVOGRO-**  
*denſi quid contigerit.*

**C**Um ita crudeliter Moschorum princeps Nouogrodiam magnam vastaret, ab archiepiscopo eiusdem ciuitatis (qui Ruthenico idiomate *Wladica* dicitur) ad cibum capiendum inuitatus est. Ille nulla excusatione interiecta, hora prandendi statuta in ædes archiepiscopi satellitũ armata manu stipatus venit. Inter prandendum autẽ ecclesiam sanctę Zophię, auri & argenti ditissimam (ad quam omnes ferẽ ciues thesauros suos, quasi in locum tutissimum comportarant (spoliare & funditus deprędare iussit. Postea prędio peracto archiepiscopum (a quo ad cibum capiendum inuitatus erat) omnibus ornamentis, vestibusque archiepiscopalibus denudauit, dicens: minime tibi conuenit archiepiscopum esse, sed potius tibi cinem & vtricularium, vřforumq; ad choreas peritorum, ductorem. Ideo melius tibi est vxorẽ ducere, quam ego tibi delegi. Cęteris autem abbatibus, & monasteriorum prioribus, qui prandio intererant, dixit, vos omnes ad nuptias archiepiscopi vestri celebrandas inuito, sed vt etiam ad huius conuiuij necessaria comparanda singuli symbola daretis, oportet.



Omnes igitur abbates prioresq; imperatam & præscriptam summam pecuniæ magno Duci numerare coacti sint, vel ad minimum nummulum omnes penitus spoliati & excoriati fuerint, metu etenim tormentorum territi, omne argentum quantum quisque habebat, principis impulsu exhibuerunt. Cum igitur ab eis hæc symbola exegisset, minisque & tormentis extorsisset, equam albam prægnantem adducere iussit, eamque archiepiscopo digito indicans, dixit: En uxorem habes tuam, ascende super illam, & in Moschouiam proficiscere, illicq; te in numerum suæ contubernium tibicinarum & citharædorum, qui vrsos saltatrices ducunt inscribere da. Ille miser inuitus super equam prægnantem viloso panno vestitus ascendere compulsus est, iamque desuper sedenti iussu principis pedes sub ventrem equæ alligati sunt, deinde ipse magnus Dux instrumenta musices, videlicet lyram, fistulam, tibiam & citharam illi archiepiscopo iam sic equæ insidenti porrexit, dicēs: En habes artificij tui instrumenta, plus enim tibi citharistæ, quàm archiepiscopatus officiū arridet. Iam igitur hæc instrumenta musices exerce, & ad contubernium citharistarum in Moschouiam proficiscere, qui per totam ciuitatem in equa pedibus subtus alligatis sedens, vtricularios inflare, stridentibusque & discrepantibus fistulis (nunquam licet in hoc genere musices exercitatus) miserum perstrepere carmen compulsus est. Hoc igitur modo prædictus antistes Nouogrodësis archiepiscopatus dignitate spoliatus, exutus, omnibusq; bonis priuatus, & nefanda ignominia turpiter affectus extitit.

His peractis monachos, abbatesq; & priores monasterio-

naſteriorum, ceterosq; eccleſiaſticos omnibus bonis ſpoliatos, vario mortis genere trucidare, ſecuris diſſecare, lanceisq; induere, & aquis obruere fecit. Poſtea quendam magni nominis virum Theodorum Sirconij dictum captum, ad ſe in caſtra medio milliari à Nouogrodia ſita, adducere iuſſit, eumque ſune longo per medium alligare, & in fluuium Volchow dictū demergere fecit. Cumq; iam aquis penè obrueretur, ruruſus extractuſ eſt, extractumque ipſe magnus Dux interrogauit, dicens: Dic mihi quid in fundo huius fluuij vididiſti? At ille reſpōdit: Omnes dæmones magne Dux, qui in hoc flumine & in lacubus Ladoga, Sladoga, Warmiaque degunt, ad tuam animam eripiendam, & in tartaro demergendam, congregatos vidi. Ad hæc magnus Dux, rectè inquiſti, ait, ego verò pro huius viſionis declaratione & expoſitione gratiam tibi præſtabo. Confeſtim igitur eum arripere, & pedes in aheni aqua bulliente repleto genua tenus coquere iuſſit, tam diu donec omnem theſaurū indicaret: erat enim aurī & argenti ditiffimus, duodecimq; monaſteria ſuo ſumptu fundauerat & erexerat. Cum verò ſic crudeliter abſque vlla miſericordia concoqueretur, triginta millia florenorum monetæ argenteę indicauit. Tandem cum fratre Alexio, iuſſu principis membratim diſſecatus, & in proximum fluuium iniectus eſt.

Hac in ſigni vrbe antiquiſſima, & celeberrima omnium ciuitatū Ruſſię crudeliter deuſtata ad Pskouiam ciuitatem ampliſſimā, Nouogrodię haud diſſimilem, eodem modo hoſtiliter depopulandam proſectus eſt. Cumque iam ciuitati armato cum exercitu appropinquaſſet, ciues extrema ſibi imminere vi-

*In Pskouia  
vaſtandam  
contendit.*



dentes, singuli menſas vnusquiſq; ante ædes ſuas adornauerunt, ſalq; & panē ſuperpoſuerunt. Nam apud Moſchos pane gratia, ſale verò amor ſignificatur. His itaque diſpoſitis obuiam magno Duci exeuntes, ad panem cum ſale comedendū humiliter eum (vt gētis mos eſt) inuitarunt, dicentes: Magne Rex & Dux celeberrime, domine noſter, nos ſeruuli tui fideles, humilibus & ſubmiſſis votis, te ad panem cum ſale comedendum inuitamus, nobiſque omnibus & bonis noſtris vniuerſis ſecundum placitum vttere: nam omnia bona quæ poſſidemus, non noſtra, ſed tua pariter nobiſcū ſunt. Hac igitur humili Pſkouienſium oblatione non nihil ſedatus placatusq; extitit, morti deſtinatis pepercit. Sed ciues mercatoresq; ditiores auro & argēto deprædauit, monachos etiā quosdam trucidare, membratim diſſecare, aquis obruere, & duas Baſilicas præcipuas theſauri ditiffimas ſpoliauit, denique campanas de omnibus eccleſiis abduxit.

*Tweria  
caſtatur.*

His in Pſkouia exactis in Tweriam ciuitatem inſignem olim ducum Twerēſium ſedem profeſtus, tantam in ea tyrannidem quantam in Nouogrodia magna exercuit, incolas trucidauit, aquis obruit, boniſq; omnibus mobilibus & immobilibus ſpoliauit, diuorum templa auro & argento deprædauit: Lituanos etiam & Ruthenos, numero quingentos, qui in Poloczka arce capti in carceribus ibidē detinebātur, omnes iugulare trucidareq; fecit. Tartarorum quoque decem nouē magnates in bello captos, & in eadem ciuitate carceribus detentos trucidare iuſſit, ad idque exequendum præfeſtū ſatellitum Maluitam Scuratoꝝ dictū, deſtinauit. Tartari verò re animaduerſa, cū nihil aliud niſi præſens ante oculos exitiū, & mi-

& miserabile mortis genus conspicerent, in desperationem adacti, inter se obstinatè & firmiter statuerunt, sese pariter quoad possint defendere: cultellos itaq; in manicis absconditos singuli habebāt, & cū prædictus Maluta cum cæteris satellitibus in eos cum impetu irrueret, Tartari vnanimiter vt leones rugientes strenuè sese defendere cœperunt, vnusquisq; eorum ducem satellitum Malutam cultello appetiit, ventremq; ei quamuis lorica induto ad intestinorū vsque profluxum transfodit. Dum sic res atrociter Tartaris sese obstinatè defendētibus agitur, ex satellitibus quatuor desiderati ceciderunt, vicemq; enormiter vulnerati, cæteri que fugati, re infecta discesserunt. Cumq; magno Duci processus rei nūciaretur, statim quingentos scloppetarios cum bombardis, & arcubus in subsidium illis satellitibus contra decem nouem Tartaros misit, sicq; vndique circumuenti sagittis bombardarumq; glandibus confecti, & membratim dissecati in profluentem abiectioni sunt.

*DE TYRANNIDE, QVAM SVPER  
intimum secretarium consiliariumq; suum  
magnus Dux exercuerit.*

CVM proposuerat magnus Dux has supradictas ciuitates funditus deuastare, tum id tam cautè, callidè & occultè peragebat, vt propositum suū nemini, nisi cuidam Ophanasio Wiazimski (quem vnice diligebat) reuelauerit, & aliquando bis per noctē de lectulo surgens, ad prædictum Ophanasium consultandi disceptandiq; de progressu rei gratia, ambulare nō grauabatur, & quamuis etiam Italum Arnolphum doctorem medicinæ singulari gratia profe-



quebatur, attamen nunquā nisi per manus huius Ophanasij medicinas sumebat, eumque pro vnico alumno habebat. Hic aut Ophanasius Hæcorum quendā LoWczik dictum, magno Duci cōmendauerat, & iam in gratia apud magnum Ducem habebatur. Qui beneficij ingratus prædictum Ophanasium benefactorem suum, ad magnum Ducem per cōtumeliam criminaliter detulit, quasi ille arcanum sibi creditum de vastandis Nouogrodēsibus & Twerensibus quibusdam reuelasset, Cuius falsis dictis magnus Dux persuasus fidem adhibuit, sed non statim se accusato iratum exhibuit: sub prætextu enim pristinæ gratiæ & amicitia, seorsim cum eo arcana consilia, vt solitus erat, variis de rebus conferebat, aliud simulando fingendoque, aliud animo occultando, malumq; & exitium ei sub dolo amoris specie machinando. Postea quadam die magnus Dux cum prædicto Ophanasio simili modo consilia conferens, satellitibus suis seruos eius præcipuos interea trucidare iussit; quod & factū est, egressusque ille Ophanasius à magno Duce, seruos suos miserè trucidatos videns, quasi non videret oculis auersis, præterit: deinde iussu principis bonis omnibus spoliatus, & funditus deprædatus, ex familiaque eius decemseptem viri insigniores occisi sunt. Ipsum autem magnus Dux bonis omnibus spoliatum, in locum publicum, vbi debitores baculis ceduntur (prout gentis mos est) ducere iussit, & tam diu crudeliter verberare, donec omne argentum & aurum, quod adhuc secretò reconditum habuit, indicare compulsus fuerit: nihilominus tamen qualibet die bis terve per crura baculis crudeliter verberabatur, iamq; cutis in eo præ duris verberibus perinde

inde vt timpana intumescebat : attamen adhuc eò grauius torquebatur, donec tormentis crudelissimis eò adactus esset, vt cōtumelia aliquot ciues Moscho- uienſes, quos ditiores sciebat, afficeret, quasi sibi magnam summam pecuniarum debiti fuerint; & quan- tam apud aliquem summam pecuniarum indicauit, tantam illi principi numerare & rependere (quam- uis nihil debiti, sed per contumeliam accusati) com- pulsi sunt. Neque hac quidem effera tyrannide, tan- tæque summæ argenti à nihil debentibus exactione sibi temperauit, vt explenda crudelitati satisfecerit, sed ipsum adhuc eò crudelius torquere iussit, crura pedum baculis tondendo, donec præ nimis verberibus spiritum exhalaret. Postea seruos eius reliquos (quibusdam fuga dilapsis) trucidauit, virgines quoq; vxoris eius pedissequas, quadragenas numero, quæ acu pingere peritissimè, filoque aureo intexere, & opus Phrygianum conficere nouerant : ex quibus forma præstantiores & pulciores selegit ad suam explendam libidinem.

### MAGNVS DVX SEX PRÆSTAN-

*tes viros, propter loricam inauratam crude-  
lissimè necari iussit.*

C Vm Timotheus Masalski, Lituanus nobilis, il- *Timothei*  
lustri genere natus, captus in bello, tetro diu- *Masalski*  
turnoq; carcere detineretur à magno Duce, & idem *crudelis*  
magnus Dux iussisset crudeliter tolli è medio, Pala- *fortuna.*  
tinus vrbs Moschouicę Ioannem Piotrouicium, vt su-  
prà dictum est, tum quidam ex famulis Palatini ani-  
maduertens fortunas domini sui, & bona omnia mi-  
serè perdi ac diripi, néve omnia perirent, & nihil ha-



beret: occultè accepit elegātem loricam inauratam, eamque fociis suis seruandam tradidit, qui eodem in carcere erant, vbi & Timotheus Masalski: Postea factum est, vt illi eam oppignorarint Timotheo, qui eam seruandam dedit famulo, is autem liber erat, & suo domino in vinculis seruiebat. Itaque famulus, dum defert loricam in hospitium suum, incidit in vigiles, capitur, & statim offertur præfecto carceris, qui cum videret esse pretiosam loricam, illam sibi vindicauit & occultauit. Erant autem & in eodem carcere duo ex sagittariis scloppetarijsve magni Ducis, qui istud viderant. Quare consiliarijs principis hanc rem detegunt, & referunt, præfectum carceris, seu commentariensem, accepisse loricam inauratam à Timotheo Masalski, quæ olim fuerat Ioannis Piotrouicij palatini Moschouia, hanc occultasse, penesque se habere: è vestigio consiliarij rem totam deferunt magno Duci, qui confestim iubet extrahi è carceribus Timotheum Masalski, & ante se sisti, sic & Commentariensem, & illos duos Moschouitas, qui pignori illi dederant hanc loricam. At denique illos duos scloppetarios, qui istud detexerāt, tum ibi omnes iussu Ducis immanissimè torquebantur, & tandem enecati sunt, quatuor quidem illorum aquis submersi. Ipse autem Timotheus Masalski & Commentariensis simul vincti in urbē Moschouiam missi sunt, ibiq; die sabbathi, in vigilia festi diei Paschati ambo sunt publicè capite truncati, & in aquas coniecti. Sic ob hanc loricam sex supplicio affecti, & è medio sublati.

*Commētariensis aua-  
ritia punita.*

*QVID*

**QVID ACCIDERIT ISTIS, QVI**

*inquirere voluerunt, quidnam ageret  
magnus Dux.*

**Q**uidam secretarius magni Ducis sanguine ipsi iunctus, semel ad epulas inuitarat aliquot aulicos sibi familiares, quos sanè splendide ac lautè excipiebat: oblitus est autem dum ita hilaris esset inter amicos (sicut sæpius euenire solet) adire principè magnum Ducem: misit vnum ex suis pueris in palatium principis, qui prospiceret quidnam ageretur in Basilica apud magnum Ducem. Puer autem cùm ascenderet per gradus palatij, vidit magnum Ducem, alloquentem quendam consiliarium, quo cōspecto famulus reuertitur domum, ad herum id ei relatum. Deinde verò cùm magnus Dux amandasset illum consiliarium cum quo conferebat, interrogauit, cuiusnam famulus venisset in aulam, & quam ob causam: Euocatur ille famulus ex itinere, & respondet se eò missum, visum quidnam ageretur in palatio magni Ducis: de repente princeps vbi causam intellexisset, retinuit penes se famulū, & accersi iubet tam ipsum secretarium, quàm eius conuiuas: qui vbi venissent, variis tormentis discrucari iussit eos, volens ab illis extorquere, cur misissent famulū in regiam, percunctatum de eo: cūrve ad tam splendidum conuenissent conuiuium, pariter rescire cupiebat, quos de ipso sermones secretos teneret. Itaque excruciat tam diris tormentis alij expirarunt, alios verò facultatibus exutos omnibus, semimortuos reliquit. Itaque ab illo tempore, & tam atroci ac tristi facinore, nemo ausus est mittere aliquem famulum, visum quid agatur in palatio principis: immo potius hora

*Quàm periculoso sit,  
esse percussorē apud  
magnum  
Ducem.*



statuta ipsi cōsiliarij penitus adsunt, & proceres præsentes veniunt.

*Wlodimir  
commiserat  
noxa.*

**Q**uidam etiam Wlodimirus Morozow cognominatus, vir celebritate famæ insignis & maturæ ætatis, grauitateq; plenus Palatinus, semel quadam misericordia motus condere fecit humi miserum hominē, qui magni Ducis imperio interfectus fuerat. Is autem homo fuerat famulus ducis Curpiskij, qui ad regem Poloniae defecerat. Hanc itaque ob causam magnus Dux arguebat hunc Wlodimirum perfidiæ, ac si à partibus fugitiui Curpiskij staret, & in Lituaniam ad ipsum literas dedisset. Itaq; subito coniectus est in carceres, ubi cum longissimo temporis interuallo hæssisset; extractus & oblatus est magno Duci, cum esset in suo palatio & aula regia, Alexandro Wa dicta, discruciatuque est maximis tormentis: cum ab eo nihil extorquere potuissent, tandem mortuus, & cadauer in aquas coniectum est.

*Falsa crimi-  
natio in Ba-  
siliū Di-  
mitrouiciū.*

**B**asilii Dimitrouicius, vir summus & celebris in Bre militari, affecerat iniuriis aliquot præfectos tormentorum bellicorum, cum Moschouitas, tum & Germanos: quorum duo cum vellent fuga sibi consulere, capti sunt à viarum custodibus in finibus Lituaniae, illi statim deducti sunt ad magnū Ducem, qui tum erat in arce fortissima, vulgò *Wolochada* appellata, & miseri illi quaestionibus adhibiti, fassi sunt, at falsò, quòd scilicet missi fuissent in Lituaniam à suo illo præfecto Basilio. Itaque magnus Dux Basilium Dimitrouiciū ad se accersit ex ipsa Moschovia, variisque tormentorum generibus affligi iussit: in mediis illis cruciatibus cōstanter fassus est, se nihil istorum

istorum molitum fuisse, de quibus accusabatur, nec istud vnquam in animo habuisse. At magnus Dux repente iussit adduci quandam equam oculis captam, & iungi curru, & tum Basilius equæ impositus est, ei que alligatus. Deinde ambo conijci iubet in rapidissimum fluuium, vtēs hac oratione: En tibi equam egregiam dedi, institueras abire ad regem Poloniae cum adito. Hæc itaque equa cecitate percussa, natabat in alto istius rapidissimi fluminis & velocissimi: ipse autem Dux erat spectator cum suis satellitibus stans ad ripam fluminis, vt istius rei euentum intueretur: ac post longam natationem, hæc misera & ceca equa ad nauigabat ripæ. Verum præfectus satellitum regionum vocabatur Molunta Scuratoꝝ, vt gratificaretur magno Duci: conto abegit equam à ripa & sessorem: sic vi aquæ rapitur iterum equa. Tum magnus Dux exultabundus inquit: O facinus egregium, & valde lepidum. Quare hæc misera equa defatigata vi aquarum rapidissimarum, submersa est, vnà cum isto Basilio Dimitrouicio.

*Phalari-  
smus magni  
Ducis in Ba-  
silio è medio  
tollendo.*

Aliquando cum versus Nouogrodiam regionem proficisceretur magnus Dux, accidit quendam equitem, famulum cuiusdam magni viri fortè præcessisse illum: & Dux ad latus sinistrum iubet deflectere hominem, ira percitus iussit istum frustulatim dissecari: & segmina membrorum luto & altissimo cœno misceri.

### QUALI VENATIONE MAGNVS Dux plurimum oblectetur.

Quotiescunque magnus Dux cum filio, tempore hyemis respicit ex sua arce, videtq; homines



*Barbaram et  
detestabilis  
magni Ducis  
ludus: Et  
inhumana  
Voluptas cū  
hominū in-  
terucon-  
iuncta.*

turmatim incedentes in lacubus & fluminibus gelu concretis, ac præcipuè diebus festis, tum iubet, vt in illam confertam hominum multitudinem tres aut quatuor vrsi immanes immittantur, & irruāt ex improviso. Ibi qui sibi fuga consulere possunt, aufugiūt: alij crudelissimè à feris illis dilaniantur. Sic hoc pulcherrimo spectaculo pater & filius delectantur vehementer, & rident affatim ac si pulcrum esset facinus. Deinde cū accedit miser pater, lamentatū se, quòd amiserit filium, & etiam vxor maritum, qui ab vrsis sic mactati sunt, tunc iubet istis numerari aureum nummum, vel duos, quia sic interfecti sint eius subditi. Addit deinde ipse Dux se magno beneficio afficere ipsos, quòd eius permittit instituere querimoniam coram se: at si subijciunt rem esse infamem & nefariam hoc genus crudelitatis exercere. Iterū respondent consiliarij magni Ducis, magnum Ducem & eius filium magnam ex hac re voluptatem percepisse, & istud vidisse: sic nullum peccatū esse hūc commissum. Ad extremum si ad ipsum Ducem venit mater miserrima lamentando se de cæde filij, aut ipsa vxor ob amissum sic inhumaniter maritum. Breuiter excipiūt illi: perbene satisfactum esse ipsis, vbi nummos argenteos monetæ Moschouiticæ centum aut ducenti numerati illis fuerint.

Sæpenumero accidit, cū magnus Dux est in suo palatio Alexandro Wa, & cogitat de aliquo summo viro sumere suppliciū, tum delectationis causa iubet istum obuolui pelle vrsi, & deinde ad spectaculum educi: tunc incitat in ipsum aliquot molossos, & canes Britannicos efferos: Canes putantes hunc indutum pelle vrsina esse vrsū, illum morsibus & vnguibus

guibus dilacerant, & crudeliter laniant, eosque quo membratim sic discerptum relinquunt. Ita inhumane iste vitam finit.

*DE TRVCVLENTO FACINORE, ET  
crudelitate summa, quam ille summus Dux exercuit  
in captiuos Lituanos, Ruthenos  
& Polonos.*

**A**Nno Domini 1569. die Ianuarij nono, cū Lituani copias militum non valde magnas cōscripsissent, quarum dux & imperator erat quidam Polubiensis strenuus vir: ceperunt inopinatō urbem & arcem vulgō Izborg dictam, quæ sanè natura loci est satis fortis. Hęc vrbs iam pridem parebat Moscho: at quia non erat bene nec milite, nec annona hac arx munita, iterum recepta est à Moscho, & à nostris amissa. Magnus itaque Dux cū videret se amississe tam munitam arcē, statim furore & rabie quadam plenus, iubet vt omnes Lituani, Rutheni ac Poloni, qui erant in vinculis crudeliter mactentur. Verū quorundam consilio, qui certas causas ei proferebant, ne id scelus committeret, factum, vt hic eius furor interciderit, nec quod impiè cogitauerit, perfecit. Atque licet tunc eis pepercerit, tamen postea omnes internecioni dedit, vt suo loco explicabimus. Quamobrem illi captiui, qui in ergastulis in vrbe Moschouia asseruabantur, ad lanienam & macellum ab eo constitutū: nihilominus tamen, quo suum sanguinolētum animum pasceret, sic ipsi placuit, vt eius satellites passim captiuos per arces in vinculis dispositos adducerent, maximè verò eos, qui erāt in carceribus, Pereſlauia, Rostouia, Vchlicia, Costroma. Isti aut omnes erant Poloni, Lituani & Rutheni,



*Moschus sa-  
uit in capti-  
uos.*

vnà cum vxoribus & liberis, quos ad vnum crudeli-  
ter perdidit, aquisque obrui iussit. Sic itaque hoc diro  
mandato instructi satellites magni Ducis, ad illas ar-  
ces venerunt, hacq; insidiosa oratione erga illos mi-  
seros vinctos vsi sunt. Nunc magno beneficio magnus  
Dux & imperator vos afficere cupit, & etià regi Po-  
loniæ hunc fauorem declarabit, quod vos liberos di-  
mittet in Lituaniam: idcirco vos deducemus ad con-  
siliarios principis, interea vxores & liberi vestri vsq;  
ad triduum hinc vos expectabunt. Atque cum à con-  
spectu carissimarum vxorum & liberorum abduxis-  
sent illos procul, tum vinctos manibus pedibusque  
proijciebant in rapidissimum fluuium Volga appel-  
latum. Verùm exacto triduo quidā Moschouita mi-  
sertus vicem istarum mulierum frustra maritos ex-  
pectantium, inquit: O misere animæ, & infelices mu-  
lieres, vos eadē fors manet, quam iam passi sunt ma-  
riti vestri, qui sunt proiecti in Volgam fluuium. At  
cum affaretur istas mulieres homo ille, satellites in-  
terueniunt, quorum manus de cæde maritorum e-  
rant adhuc cruentatæ, & spirantes necem, venerunt  
in carcerem, vnde abducunt gregem illum mulierum  
captiuarū cum liberis ad submergendum aquis. Tum  
illæ calamitosæ sceminæ & infortunatissimæ, sibi p-  
ponentes ob oculos vicinam mortem adeò horren-  
dam & terribilem, multis effusis lacrymis petunt ab  
istis ministris principis, vt aliquid temporis conce-  
dant, quo sua peccata Deo opt. max. cōfiteri possint,  
& eius misericordiā implorent, velitque pro sua cle-  
mentia omnibus eorum erratis clementer ignosce-  
re: id quod à satellitibus eis cōcessum est. Idcirco ho-  
ras duas versabantur in piis orationibus & deprec-  
tionibus

*Moschus, He-  
rodīs infan-  
ticida supe-  
rat crudeli-  
tatem.*

tionibus, ardentissimis votis petentes à Deo, vt illis pro sua diuina bonitate ac clemētia parceret, & ad se reciperet: ac cantatis diuinis hymnis, animas suas Christo redemptori, ad supplicium mortis subeundum se pararant, mutuisque oculis sibi datis, mirificè se consolabantur, vt forti patientique animo omnia perferrent. Istis rebus omnibus absolutis, ducuntur ad flumen, quarum aliæ liberos manu trahunt, aliæ verò infantes suos vberibus admouent. Sed cū iam ad ripam rapidissimi illius fluuij venerūt: tūc pro ingenio & natura muliebri, partim ob inusitatum genus mortis, in tam horrendum eiulatum, fletumque erumpunt, vt & cælum ipsum penetrarint. Satellites autem inhumani, minari eis cœperunt, vrgentes eas, quo illæ sua sponte se aquis traderent. A quo indigno facinore cū abhorrent, statim illi satellites in eas impetum faciunt, & eas cum liberis in aquas illius fluuij, cuius glacies confracta erat, abijciunt. Et sanè ob tristissimi & crudelissimi istius facinoris aspectum, vulgus Moschouitarum cū non possent se continere, in lacrymas effundebatur, commiseratione summa perculsus, quòd tam indignissimè istæ infantes foeminæ cum liberis tam detestanda morte affectæ fuissent, execrâtes in vniuersum carnificum istorum immanitatem. Quapropter cū has voces lugubres populi audirent satellites, quodque ægerri-  
mè ferrent hoc genus supplicij, tunc minis vtentes ac ferientes populum baculis, abigunt, hæcque verba addunt: O rebelles magni Ducis, apertè videmus, quòd propter istos captiuos supplicio affectos, fletis, at propediem credite, vos eadem fata sequentur.



## DE FRATRICIDIO PERPETRA

10 à magno Duce anno Domini

1570.

*Cainū imi-  
tatur ma-  
gnus Dux,  
occidit A-  
belem.*

**F**Rater germanus magni Ducis immeritò ac per-  
fidè delatus fuerat à quodam consiliario, cui no-  
men erat Trzeciak Wiskonati. Audita hac iniusta ac-  
cusatione princeps, nullâ fecit potestatem fratri fal-  
sum crimen diluendi, atque quàm ingentes crucia-  
tus excogitare potest, illos adhiberi iubet ad excar-  
nificandum & torquendum fratrem. Dumque est in  
mediis cruciatibus, exegit ac extorsit ab eo omnes il-  
lius thesauros, & bona omnia tã mobilia, quàm im-  
mobilia sibi vendicat, atque cùm præ magnitudine  
tormentorum vix semivivus esset, tum iussu princi-  
pis securi illum ferit carnifex. Deinde fratriam suam,  
quæ ante conspectum eius procumbebat in terram,  
facie demissa, implorans misericordiam, arripi iubet  
à satellitibus, omnibus vestimentis exui, & turpissi-  
mè nudam cõstitui. Ita diutissimè illa miserrima fœ-  
mina nuda omnium oculis exposita fuit.

*Neroniana  
crudelitas.*

Deinde quidam miles iubente principe eam funi  
alligat, & conscenso equo, velocissimo cursu sine vl-  
la misericordia, pertrahit illam in flumen, & quis  
submergit ac perdit. Sic iste magnus Dux tam ἀσπρος  
& impius extitit in fratrem & fratriam.

*QVO AMORE MUTVO. SE PRO-  
sequi soleant Moschovita.*

*In Mosche-  
nia homo  
homini la-  
pius.*

**H**Oegenus hominum Moschovita, est adeò bar-  
barum & perfidum, vt nihil sinceri sit apud eos,  
nec se vnquam vero ac naturali amore prosequun-  
tur, alter alterum impudentissimè & cõfidentissimè,  
sic

sic sunt perfrictæ frontis, criminis alicuius insimulare non veretur, siue palàm, siue clàm, aut apertè, aut per insidias inuicem perniciem sibi machinàtur, mutisq; conuitiis laceßere se soliti sunt. Familiare est apud eos patrem filio insultare, & filium in patrem irruere, ac fratrem perfidè deferre, sic vt nulla apud eos fides, & sanguinis reuerentia sit, etià in conspectu magni Ducis se proscindunt contumeliosè. Itaque accidit semel ante principem anno 1570. quosdam duos fratres germanos, & nobiles, istius rei luculentum documentum edidisse, horum vnus vocabatur Mikieta Obolinski, qui malo genio præditus familiæ gentisq; nomen patrium suum commutauerat: idq; audiente ipso Duce, excogitauerat aliud cognomen, nêpe PoWroZowski, ac si diceres funigerum aut furciferum, & patibulo dignum hominem. Alter autè frater suæ nobilitatis haud immemor, gentileq; nomen retinens, cùm fratrem alloqueretur, cõpellare cœpit nomine gentili Obolinski, qui velut furens, & atroci iniuria à fratre affectus, magnũ Ducem adit, & ad eum sic fratrem defert: Princeps serenissime, peto abs te, vt ius mihi administres de fratre, qui infami nomine me contaminauit. Vocor PoWroZowski, & me contemptim appellauit Obolinski. Idcirco supplex te oro, vt meritis ille luat pœnas, non enim leuem ab eo mihi factam iniuriam censeo. Tum magnus Dux euocat consiliarios, quasi de re maximi ponderis consultandum fuisset, inquiring: Necessè est, vt vos hanc contentionè & grauem controuersiam inter istos duos fratres exortam adhibito summo iudicio, & magna cum æquitate diiudicetis. Frater itaq; ille, qui ita turpiter abnegauerat suam

*Nec frater à fratre, nec scer à genero tuus.*



*Crudelitas  
na ob nobi-  
litas de se-  
fionem ad-  
uersus dege-  
nerem.*

nobilitatem, accessit ipsos consiliarios, ut rem totam enarret, & sibi ius reddi postulet aduersus fratrem: Atq; cum iam venisset frater alter, qui meritò suam nobilitatē intuebatur, en in caput illius inuolat iste perfidus, & obijcit vrsō, qui eum vnguibus dilaniare incipit, crudeliterque dilacerat. Et cum immanis iste frater videret quodam modo feram bestiam lassari, ense ferit alterum fratrem in pede, & statim magna vis sanguinis profluxit, quo ille inunxit os vrsi, qui cum primū lambēdo cruorem humanum iterum degustauit: & sic animatus vrsus secundò apprehendit illum miserum nobilē, & horribiliter deformem reddidit. Quare iam iste impius frater, vidēs sibi pro iniuria scilicet esse satisfactum, voluit feram abstrahere & arcere, ne amplius sauiet, néve fratrem mactaret: at vrsus ita astuabat, & ad mactandum accensus erat, ut nec ab illo, neque à multis aliis posset difficulter ab illo dilaniando abstrahi, tandem ex faucibus vrsi, & carnificina illa ereptus est ille nobilis.

Simile quoddā facinus huic accidit, cum magnus Dux Nouogrodiam depopularetur, ferro, inquam, & igne omnia perderet, ut suprà dictum est, ducti sunt captiui aliquot nobiles in Moschouiam urbem, inter etiam illos fuit quidam cum vxore & liberis, quem nobilis commendauit cuidam aulico regio amico suo. Iste cum detineretur captiuus diu ab isto aulico, semel conqueri cœpit, idq; grauissimè de inaudita illa tyrannide, qua vsus est magnus Dux in Nouogrodiensibus internecioni dandis, deque iniuriis, quibus ille & tota nobilitas affecta fuerat: & planè iugum istius tyranni esse intolerabile, hisce verbis: Deus qui solus iustus est, haud dubiè suo tempo-

re vin-

re vindictam sumet de illo sanguine innocentū tam inhumaniter & crudeliter sparso, in ipsum Ducem & totam eius posteritatem: dignis pro meritis pœnis ipsum castigabit. Deinde paucis post diebus, cū in animo suo volueret, se nimis temere ista effutiuisse, & hunc nobile, apud quem erat in captiuitate, hæc delaturum ad principem. Itaque fraudulenter excogitare cœpit, nihil esse melius, quàm si potius in hospitem suum hoc crimen transferret. Scribit supplicem libellum ad principem, in quo indicabat magno Duci hunc aulicum principis hæc verba in dedecus ipsius protulisse: tradidit eundem libellum deferendum aulico, qui inscius erat omnium quæ scripta fuerant. Magnus dux quàm primū perlegit supplicem libellum, iubet ad se accersi illum Nouogrodiensem nobilem, qui erat captiuus apud hunc aulicum. Iste oblatus principi, ferrea fronte præditus, statim confert crimen, quo erat reus in ipsum aulicum impudentissimè, & ita se rem habere asserit, inquiēs: Serenissime domine & magne Dux, tu nos subditos & seruos fideles affligis miris modis, interfici, membratimque diffecari iubes: facultates & fortunas nostras nobis rapis, proditores nos appellas, rebelles & periuros, & alia horrenda nobis obijciuntur, & ob oculos ponuntur, quæ omnia immeritò patimur, nec istorum rei sumus. At si scires quo odio vel plusquam Vatiniano te prosequantur tui domestici, & quanta sit perfidia illorum, quibus plurimum fidis, erga te, quos quoridie maximis accumulas beneficiis: profectò egregiè eos exciperes, ex quorum numero est iste aulicus tuus, cuius carceri me tradidisti. Nam heri vesperi me præsentem & audiente, ia-

*Nec hospes  
ab hospite  
tutus. Et in-  
gens ingrati-  
tutudinis ex-  
emplum.*



et abundus hæc verba pronuntiabat: O utinam Deus citissimè innocentes vindicet à crudelitate istius tyranni magni Ducis, nam ille diris tormentis suos afficit, mactat & trucidat insontes, eorum bona & opes sibi adscribit, contra omnem æquitatem. De quibus rebus & iniquitatibus Deus breui sumet suppliciū, istum principem & tyrannum conteret & euertet cum tota eius familia, nec patietur eius successorem regnare. Tum magnus Dux irrupit in iram, & sic infit ad hunc miserum aulicum iniustè ab ipso captiuo accusatum: O perfide percipisne ea, quæ iste contrate profert? nec data illi potestate respondendi & diluendi falsam criminationem, variis quæstionum generibus torquetur: qui cū nihil fateretur, & confictum crimen diceret: iussit hominem membratim dissecari, & postea in profluentem iaci: sic ille nobilis ignobilis planè & belluini ingenij falsò detulerat ad principem insontem, lingua sua mendaci accersiuu necem innocenti, & ipse ex alterius interitu vitam & libertatem sibi comparauit.

*MISERABILIS ET INDIGNISSIMA*  
*laniena, cū duorum procerum Moschouitarum,*  
*tum etiam reliquorum Lituanorum ac Po-*  
*lonorum captiuorum, quibus pau-*  
*lo antè pepercerat ma-*  
*gnus Dux.*

*Dies festos*  
*Dux Moscho-*  
*uia sanctis-*  
*sanctificare*  
*soles.*

**A**Nno Domini 1570. cū ex Moschouia inter-nunciij regis Poloniae, proceres Poloni & Litua-ni discessissent, die Eliæ prophetæ, qui dies festus apud Ruthenos est celeberrimus, & magnus Dux ac-cūberet mensæ, & ei apponerentur secunda fercula, velut

velut quodam œstro correptus, surgit à mensa, & sic alloquitur sibi astâtes satellites, sequimini me, quod faciunt ipsi, & mille quingenti catapultarij equites: ille verò princeps perniciosissimo cursu pergit ad arcē, ibique omnes ordine se collocât ante palatium Ducis, tum etiam in hac arce cūm habitaret vir summus, & ex proceribus non postremus, Petrus Serebrinus, *Petrus Serebrinus in-*  
 & rei bellicæ peritissimus, iubet magnus Dux ipsius *iquē perit.*  
 domum more hostili impeti & inuadi ab istis militibus, ipsum autem capite diminui & truncari: dicto principis parentes irruunt in domum illam, statim capiunt, & miserum illum Serebrinum extrahunt ex ædibus, ac offerunt magno Duci, qui sine alia inquisitione, nec facta vllius facinoris admissi ab eo mentione, cōfestim ille satellitum præfectus ScWator, arrepta securi caput illi amputat. Ad extremum cūm magnus Dux, quicquid illi visum fuerat, rapuit & ex fortunis istius Petri Serebrini, reliquum permisit prædæ militum: & ne quid superesset bonorum illius, iussit reliquias flammis & igne perdi. Vbi istud perpetrasset, conuertit se ad alium locum arcis: (est autem hæc arx amplissima, & valde spaci-  
 osa: vbi complures magnates & nobiles habent ædes suas) & iubet magnus Dux cuidam nomine Bulato magistro equitum, vt cum nō parua manu militum ædes adeat clarissimi & magni nominis viri Mi-  
 essoiedi. Huic magno viro princeps vix ante annum *Eadem fors*  
 rapuerat uxorem elegantis formæ fœminam & ancillam, *est & vir illu-*  
 quatūrpissimè abusus, & illas vbi violasset, *stris Messo-*  
 cerat suspendi ac strangulari in superiori limine ianuæ *iedi.*  
 edium istius viri, vt suprâ diximus. Iste præfectus equitum aggreditur illas ædes, & expugnat facillimè,



hunc Mieſſoiedi in medium forum trahunt: & ipſe præfectus caput illi acinace obtruncat: qui cùm iam commiſſet iſtud ſcleratum homicidiũ, enſe & manibus cruore madentibus procedit ad magnum Ducem, & velut re maximi momenti præclare geſta, ait: Sereniſſime domine & magne Dux, iam ſummo cum honore perfecti quod tu mihi in mandatis dederas. Ibi magnus Dux pro ſuo more vociferari cœpit ſuũ *Hoyda, hoyda*, cuius clamorem tota turba ſequuta eſt, eadem felici acclamatione vtentes. Ex arce deinde magnus Dux deſcendit ad carceres, vbi erant multi captiui Poloni & Lituani, ſuis ſatellitibus armatis comitatus. Vbi quidam mercator ciuis Moſchouiticus, quid ageretur ignarus, vbi eminus conſpicit magnum Ducem cum tanto ſatellitio, retrogreditur præ metu tyranni, quem ſtatim apprehendi iubet & fruſtulatim diſſecari, inquiens, ne vnquam fugias ante conſpectum tui ſupremi domini. Atque cùm propius ad carcerem veniret, ipſe Commentariẽſis, qui ibat petitum panem pro captiuis, aſpiciendo principem aduentare, præ timore etiã reuerſus eſt, & eundem magnus Dux raptum, minutim ſecari iubet, dicens: alia vice non timebis. Itaq; cùm iam appropinquaret portas primi carceris, dicit cuſtodi, vt citiſſimè fores aperiat, qui metu correptus & tremebundis manibus vix aperuit: Aperto carcere indicit primò educendos nobiles captiuos Polonos & Lituanos, quorum primus fuit Petrus Biekoſki eques Polonus ſtrenuus miles, illius pectus tranſfodit magnus Dux lancea, at tam generoſi fuit animi ille Biekoſki, vt lanceã arripuerit manibus, & intorquere voluerit in ipſum magnũ Ducem, vt hoc pacto perpetuam

*Obuios ma-  
ſtat Dux.*

*Belluina  
crudelitas  
in captiuos.*

*Magnani-  
mitas Bie-  
koſki in  
tyrannum  
Moſchum.*

petuam nominis famam sibi conciliaret, quòd tam infensum generi humano tyrannum sustulisset. At magnus Dux hoc animaduerso, cœpit exclamare in filium: Iuuan IWan, id est Ioannes fili fer opem, qui celeriter accurrit, & iterum illum Bieko Wski hasta transfodit, & sic mortuus in terram cecidit. Secundò productus ad lanienam alter nobilis Polonus Albertus Bugaski, hūc etiā ipse Dux sarissa sua trāsuerberauit. Tertius fuit Besus, nobilis & magnæ familię, gente Silesius, qui eodem mortis genere periit. Quare cū istos strenuos viros & nobiles Polonos manibus suis interfecisset, cœpit suo acclamationis genere vtī, velut magnam victoriam adeptus fuisset, *Hoyda, Hoyda*, quem ita ouantem omnes clamātes & vsurpantes hanc vocem persequuti sunt. Tum sic affatur suos satellites: Mactate mi iuuenes: irruite in carcerem, & obuios quosq; captiuos sine discrimine & vlla misericordia membratim dissecate omnes. Isti dicto parentes, in primo carcere quinquaginta occidunt vinctos: Postea accedit secundos carceres, & similiter manibus suis occidit tres nobiles, quorum vnus erat Ruthenus, ætatis maturæ, Polocensis Iacobus Molski, alter erat gener illius, eques Polonus, Iacobus Molski, sic & tertium similiter nobilem Polonum, quibus omnibus ita trucidatis erumpit in suam vocem lætitiæ solitam, & omnes ei accinunt ac respondent: & statim reliquos iubet à suis satellitibus dissecari, quod factum est: erant autem quinquaginta quinque, exceptis multis infantibus, qui vix nati erāt dies septem. Tertiò cū accessisset carceres, ibi & manibus suis edidit crudelitatis suæ exempla, tres mactando nobiles Polonos, alios ferè

*Litar Plu-  
toni Mosch<sup>o</sup>,  
trucidando  
captiuos, in  
omnib. car-  
ceribus po-  
sitos.*



quingenta quinque, cum securibus & ensibus satellites membratim trucidarunt. Sic perpetrata hac immani strage & inaudita tyrannide, sic sparsa dissectaq; illa corpora iacere permisit supra terram, quæ iam epota & imbuta erat, & mollißima reddita ex effusione sanguinis illius humani. Quamobrem rediit triumphans & ouans in palatium, & totum illum diem in hymnis & tripudiis, & omni sonitu instrumentorum musicorum consumpsit: non aliter ac si magnam victoriam de hostibus adeptus fuisset: Sub vespere præcepit frustula membrorum istorum occisorum colligi, & extra urbem poni: qui in tres cumulos sunt collocati, & aspersi arena & terra: sic mādati sunt sepulturæ. Erat inter cadauerum frusta mulier nobilis vxor illius Molski, quæ cū fuisset grauiter sauciata, nondum mortua, hæc orabat pollinctores qui fossam faciebant, vt eam dimitterent liberè & parcerent ipsi: at illi nulla moti misericordia sepelierunt eam viuam cum illis fœtidis cadaueribus.

*Mexentius  
tungebat vi-  
ua corpora  
mortuis, sic  
Moschus fa-  
cit.*

Duo nobiles captiui ex ista immani laniena remāserant, quos tamen postridie iste tyrānus capite plecti iussit, & extra urbem projici, vixq; aliquid terræ illis iniectum. Vbi erant illa cadauera tot nobilium & strenuorum virorum, vix arena superiecta fuerat, id quod haud dubiè ex composito fieri iusserat magnus Dux ille, vt essent alitibus & feris præda. Tertio deinde die, quidam Germanus tormetorum bellicorum præfectus, misertus hanc proiectionem cadauerum, quibusdam trestaleros dedit, vt fossa profunda facta, vel maximè terræ tumulo iniecto, hæc cadauerum reliquias sepelirent & tumularent.

*Bombarda-  
rij Germani  
facinus mi-  
sericordie  
plenum.*

DE TRVCI CARNIFICINA, QVAM  
exercuit magnus Dux in clarissimos quosque  
suos consiliarios & optimates.

**D**ie sancti Iacobi in Iulio anno 1570. in ipsa vrbe Moschouia, magnus Dux iussit affigi octodecim palos grandes, & supra illos totidem trabes in transfuersum apponi in formam furcarum. Ciues cum primùm animaduertunt tale theatrum parari & instrui, ingenti metu correpti, se in fugam proripiunt, etiam mercibus & tabernis meritoriis relictis, prædæq; expositis: nemo sanè præ metu in forum prodire audebat, Nam isti rumores in vulgus sparsi fuerāt, ipsum magnum Ducem instituisse omnes ciues vrbis Moschouix extremo afficere supplicio, crucique cōplures affixosiri. Satellites ad maiorem terrorem incutiendum, in medium forum adferebāt varia genera tormentorum & quæstionum ad homines torquendos, quæ admouebant istis trabibus. Deinde excitato luculento igne, vas ingens aheneum apponebant aqua plenum, vt bulliret & ferueret per multas horas. Quibus rebus ita comparatis venit magnus ille tyrannus, stipatus ampla & copiosa suorū satellitum caterua: & ita instructus, quasi vellet in aciem & pugnam exire: sequebantur eum velut à triariis mille & quingenti catapultarij: Duxque ipse se collocavit penes ahenū, exercitus verò militum in circuli & coronæ formā dispositus. Tum adducti sunt in proscenium trecenti nobiles Moschouitæ, antiquissimarum & nobilissimarum familiarum homines, qui paulo antè præ nimio quæstionum cruciatu ita mutilati, & pessimè tractati fuerant, vt vix semiuiui

*Theatrum  
lucuosum,  
& miserabile erectū à  
magno Duce  
die S. Iacobi.*

*Descriptio  
noni supplicij.*



viderentur, vixque pedibus stare poterant, sed à militibus trudebantur turmatim, vt pecudes ante principis conspectum.

Is cùm perspiceret omnes præ pauore & ingenti timore se abdidisse in latebras & domos suas, ipse tunc obequitare cœpit per omnes vrbis plateas, clara voce euocabat ciues, inquiring: venite absque vlllo metu, securi estote, prodite spectatum, nihil grauius in vos cōstituam, hoc vobis polliceor, quamuis is meus fuisset paulò antè animus, vos omnes funditus dele- re & perdere, sed iam mihi hæc mēs mutata est, tutò egredi potestis, & in forū venire intuitum quid age- tur. Tum miserrimus ille populus egressus turmatim & confertim, forū repleuit, imò erat tanta multitu- do spectatorum, vt multi ascenderint domorum te- cta, quò quis istius tragœdiæ futurus esset exitus, vi- derent. Atque postea affatur sic illam promiscuam hominum multitudinem: An num, ô subditi, iustissi- mē ago, quòd ita pœnas luât perfidi & scelerati pro- ditores mei? tum populus statim vno ore acclamare cœpit: Viuat diu felix, & incolumis princeps & rex noster: at improbi & flagitiosi suis meritis dent di- gnas pœnas. Deinde magnus Dux iubet produci centum & octuaginta ex illo damnatorum nume- ro: postea sic alloquitur nobiles, qui ad illud specta- culum venerant: En vobis istos liberaliter dono, do- que eis vitam, accipite illos, liberos à noxa dimitto: eisque pro mea clementia, gratia ac fauore igno- sco, hoc pacto isti liberè dimissi, & ex præsentī mor- te diuino beneficio erepti. Tandem prodit magni Ducis primus secretarius, qui damnatorum album & catalogum habebat: & tum iubet educi quendam

Moscho-

*Malus ani-  
mus in Du-  
ce, & mala  
mens.*

*Miser popu-  
lus præ timo-  
re applau-  
dit Ducē.*

*Præter spem  
multi libe-  
rati.*

Moschouitam antiquissimo genere cretum, præcipuus inter eos, qui ab intimis consilijs Ducis sunt, erat: appellabatur Ioannes Michaelo Wic Wisko Warty. Ibi ille secretarius principis, longa serie referre incipit crimina, quibus falsò iste vir præstantissimus accusatus fuerat hisce verbis: Ioannes Michaelo Wic Wisko Warty, cancellarius magni Ducis, perfidissimè & impiè se gessit in principem. In primis scripsit regi Poloniæ se ei velle tradere ciuitatem & arcem munitam, sui supremi domini, quæ est in magna Nouogrodia: & hæc est prima in te accusatio: at tum scutica illum in caput percussit, addendo hæc verba: Perfidus es & ingratus, quòd vsus sis hac improbitate aduersus tuum supremum dominum. Altera perfidia est ista, quòd literas dederis ad imperatorem Turcarum, vt cum exercitu potentissimo veniat occupatum & debellatum regna Scythica, Casanense & Astraense, vt erat illi in votis: quo dicto similiter flagello cæsus est in caput, subiecitque, & secundò tuum principem fraude doloque prodere voluisti. Tertium facinus quod admisisti est, quòd ad Scytharum Cæsarem literas dedisti, quibus ipsum hortatus es, vt cum suo copiosissimo exercitu irrumperet in Moschouiam, eamque deuastaret & depopularetur, atque occuparet: vnde factum est, vt ingens damnum & irreparabile dederint Tartari in Moschouia: tam ipsius Ducis arces igne perdendo, quàm etiam longè lateque miserum populum ferro interficiendo, & vinctos multos cathenis in durissimam seruitutem, innumerabilem inquam ytriusque sexus turbam abigendo: quorum cum sis author tantorum malorum, meritò vltimo es afficiendus supplicio:

*Falsa accusationes in cancellariis principis.*



*Gravis apo-  
logia cācel-  
larij ad con-  
fictas crimi-  
nationes.*

atque vt antea fecerat, flagro asperimè eum cæci-  
dit regis secretarius. Tum miser cancellarius istis fal-  
sis criminationibus insimulatus, & cū se innocen-  
tem esse sciret, sic respondit: Testor Deum optim.  
max. qui solus est scrutator cordiū & renum, in cuius  
conspectu profiteor me esse peccatorem, sed confi-  
do eum pro sua diuina clementia, propter sanguinē  
effusum carissimi sui Filij, mei misertum iri. Testor,  
inquam, Deum, me semper fidum & diligentem fu-  
isse in munere publico mihi commissō à magno Du-  
ce, vt fas est: ideo à falsis istis accusatoribus prouo-  
co ad tribunal Dei, quòd iniustè sum accusatus & tra-  
ductus apud principem, atque hæc impostura dete-  
getur in extremo die iudicij. Princeps, cū stabis ad  
conspectum diuinæ maiestatis, mea innocentia ap-  
parebit: nunc verò apud te nulla ratio & æquitas lo-  
cum habet, nec me à criminibus falsò mihi imposi-  
tis licet purgare. Adeò est tua auaritia inexplebilis, &  
pertinacia vlciscendi que libido, vt sitias sanguinem  
meum: ebibe igitur illum pro lubito, & iam satisfac-  
cias tuæ improbitati, vt constituisti: nunc quidem  
tua figmenta & importuna commenta videntur ha-  
bere speciem veri: quia omnia per vim agis. Itaque  
satellites excipiunt, en videmus te esse reum, cū  
tam dura oratione insurgis in principem, turpiter  
lapsus es, & tuos sermones optimè expendimus. At  
ille cancellarius ait: Vos ô infelices homines cū  
magno Duce, estis prædones, & omnis improbita-  
tis illius administri: effunditis immeritò cruorem in-  
nocentem: tyrannicè omnia agitis, per fas & nefas  
ruitis in cædes mortalium. Hæc omnia quæ mihi ob-  
ijciuntur, falsissima sunt, nihil vobis facilius, quàm  
tollere

tollere è medio in fontem: at Deus aliquando, & veniet hora, quæ non speratur, cum vos puniet, & promeritis in vos grauitè animaduertet: quæ cum tam liberè protulisset, conspuìt in faciem illorum. Quare magnus Dux iubet carnificibus hominem rapere: quem statim raptum, exuunt & ligant ad furcas illas sic dispositas: & suspendunt prono capite & ore in terram. Præfectus satellitum sic affatur ipsum magnum ducem: Quo genere supplicij istum affici iubes? Tum respondet, vos omnes aulici mei suo ordine istum excarnificare debetis & dilaniare: Quare accingit se operi iste præfectus Molur W dictus, & ex equo descendēs, accepto cultro auriculam dextram illi abscidit, alter aulicus sinistram excidit, tertius labra amputat, & sic ordine omnes illum membris mutilarunt, vt omnes se tam nefando homicidio contaminarent, & carde istius innocentis essent rei. Ad extremum quidam secretarius principis ne quid deesset ad cumulum crudelitatis, cōscidit illi pudenda, & tum statim exalauit animam miser cancellarius. Quare magnus Dux videns ob abscissum membrum genitale, statim obiisse cancellarium, indignissimè tulit, atque dira imprecatus huic secretario, sic in eum inuectus est: O scelerate, expectes paululum, istud torum est tibi exedendum, quod iste exedere debuit. Nam penitus credebat, quòd commiseratione motus, cruentas manus ita illi intulisset, vt citò è viuis discederet. Cōstituerat sanè istum secretarium morte truculenta punire, sed Deus anteuertit tyrannidē principis, quia paulo pòst lue infectus, mortuus est. Satellites deinde demortui Ioannis Wiskonati còrpus deponunt ex furcis, & sic sequire incipiunt

*Crudele supplicium, quo affectus indignè cancellarius.*



in illud cadauer, frustulatim illud conscidendo, prius tamen abscisso illi capite. Iste est exitus istius præstantissimi ingenio & virtutibus multis, excellentissimi viri cæcellarij magni Ducis, cui parem nunquam habuit imperium Molchouiticum.

*Thesaurarius magni Ducis eadē bonitate cōscientia fretus, quā cæcellarius appetitur ad necem.*

Iussit secundo loco produci in theatrum, suū thesaurarium, cui nomen erat Michael Funichow, vir magni nominis & ingenij acerrimi, socius fidusque amicus illius cancellarij. Iste non longis verborum ambagibus vsus est in sua defensione, sed breuiter sic loquitur: Appello ad Deum, qui omnium rerum est conscius, & cuius oculus omnia intuetur, quia nunquam quicquam in te dominum meum commisi, semper bona fide & sine fraude in administratione mei muneris me gessi: & cū accuser abs te, impiè & iniquè iam tibi dicam scribo, & anima tua in altero seculo se sistat coram diuina maiestate, vt mihi satisfaciat. Hæc verba vbi protulisset, iubet magnus Dux arripi miserum, & exui, atque furcis alligari eo modo quo & cæcellarius. Tum postea ille Maluta præfectus satellitum haurit ex vase æneo, vbi erat aqua feruidissima, & deinde alter equorum magister accepit vas plenum aqua frigidissima, iste primò illa aqua caput abluere cœpit, postea calidam & feruidissimam aquam infundebat: sic ille infortunatus vim feruoris & ardoris illius aquæ sentiens, ob atrocem feruorem vociferabatur mirificè: at ille minister tyrannidis Maluta magis ac magis infundebat illam calidissimam aquam, ita vt tandem pellis capitis contraheretur in modum serpentis, cū se in spiras con torquet: ita hoc crudelissimo supplicij genere confectus, expirauit. Tertiò iubet adduci in medium suum

*Genus supplicij immanè.*

suum cocum, iste cocus infinitis falsis testimoniis reuserat peractus, eoque genere supplicij est affectus, quo & Ioannes Wiskowaty, nempe membratum est dissectus, amputatis illi pudendis. Deinde iussit adduci quendam Georgium Czapkinu cum vxore & liberis, qui inter amanuenses & secretarios non postremum locum tenuit, cumque ex equo descenderet magnus Dux, Basilius Themkin iussu principis caput illi abscidit, sic & vxori ac liberis. Ille Themkin erat proscriptus ex Lituania, ob necem Palatini Plocensis, & in Moschouiam aufugerat, tanquam ad asylum, primumque locum ac præcipuum inter aulicos principis tenebat.

*Coco suo nõ  
parcit ma-  
gnus Dux.*

*Georgium  
Czapkinus  
cum vxore  
& liberis oc-  
ciditur.*

Deinde productus est alter secretarius, cui nomen Ioannes Bulhakow, qui fuit vnà cum vxore, & liberis etiam capite truncatus à Palatino Chirnouiensi, is vocabatur Pietrouicius.

*Sic & Ioan-  
nes Bulha-  
kow.*

Tunc iubet educi & secretarium suum Basilium Stepanow, quem & indicta caussa aulicus è vestigio capitali pœna afficit mandato principis.

*Idem fatũ  
Basilij Ste-  
panow.*

Ad extremum, vt ad hoc tragicum ac crudele spectaculũ nihil prætermitteret, præcipit magnus Dux ducentos nobiles captiuos extrahi in arenam, quos nominatim iubens sisti ante se, damnat morti, & singuli aulici ordine eos capite truncant, qua cæde confecta, prodeunt in conspectum principis manibus & gladiis cruentatis cum hac voce latitiæ *Hoyda, Hoyda*. Sic se turpissimè aulici magni Ducis sanguine innoxio contaminarunt. Tum eodem tempore mandat magnus Dux è vinculis venerandum quendam senem adduci, quem statim in equo ille arrepta hasta transfixit: & quamuis sic transfossus miser senex

*Crudelis  
mors ducent-  
orum nobi-  
lium.*



obierit: vt impleret suam crudelitatem illum plus quàm sedecim vulneribus sauciauit. Hæc crudelitatis & tyrannidis horrèda facinora perpetravit intra horas quatuor. Illa cadauera nuda ita iacebant in terra, quorum non paruus erat numerus: & cùm lustraret illa cadauera quidam ex principis satellitibus, caput-que Michaelis thesaurarij intueretur, exerto ense caput in duas dissecuit partes, hisce verbis additis: Recorderis quid mecum egeris. Sub vesperum cadauera illa sunt in vnum cumulum collecta, & extra vrbis portas elata, ibique ingenti fossa facta, iniecta & terra obruta. Sic crudelissimè tot cædibus perpetratis iam in palatium princeps rediens, descehit ad ædes Michaelis thesaurarij, vbi inuenit vxorem illius, elegantia forma præditam, & verè honestam, valde luctu & dolore magno plenam, atque suspirantem, ob mariti necem, ducis Ophanasi Wiazinski soror erat, de quo suprà mentionem fecimus. Magnus dux spirans suam immanitatem, apprehèdi iubet, & extendi funem asperrimum, qui ab vna parte muri ad alteram extēdebatur, & cum natibus nudis assidere huic funi, qui plurimum carnem & cutem excoriabat, vt-que detegeret mariti thesauros, ab vna parte vsq; ad alteram extrahebatur cum summo cruciatu. Filia eius, quæ erat quindecim annorum, hoc crudele genus tormenti videns, non potuit se continere, quin eiulatu testaretur dolorem suū. Dux iubet illam rapin medium, at filius Ducis maior natus, commiseratione motus, accurrit, & vestem eius tenens sic affatur patrem: Pater carissime, dona me hac puella, ego carceribus illam occludam: tum pater, accipe tu quidem, sed postea matri illam reddas. Deniq; cum istis magnis

*Impudēs &  
crudele fa-  
cinus in v-  
xorem the-  
saurarij.*

*In vxores &  
liberos occi-  
sorum suorum  
procerū sa-  
uit, & bona  
omnia diripi-*

magnis cruciatibus & tanto dedecore honestam illam matronam affecisset, & filiam eius in monasterium relegauit: vbi illa ob magnitudinem vulnerum & cruciatuum quæ passa fuerat, dum traheretur per funem, non diu superstes extitit. Filium etiam istius thesaurarij in vincula coniecit, & omnes fortunas eius cuiuscunque essent generis, ei accepit: sicque distribuit, vt meliorem partem sibi vindicaret & attribuerit, quod erat vilius prædæ suorum militum exposuerit.

Eodem die venit in eedes Ioannis Wisko Waty summi olim eius consiliarij, qui antea truculentè mactatus fuerat, vxorem in quoddam cœnobium deportari iubet: filium autem eius damnat perpetuis carceribus, & relegat in arcem munitissimam, quæ Bialeieziro dicitur, ac si dicas lacum album: acceptis omnibus eius bonis. Postquam sic tam horribilem & truculentissimam edidisset crudelitatem, exactis tribus diebus, iubet produci in forum ex carceribus aliquot egregios nobiles, qui statim capite truncati sunt, ab ipso Maluta præfecto satellitum: & ita diu iacerunt humi, quos ipse aliquot vulneribus, vt suam sarcinaret tyrannidem, feriebat, vtens securi. Cadauera illorum ita nuda in medio foro iacebant, vbi venales prostant merces, septem dierum spacio: vbi tandem à canibus deuorati, ossa verò hinc inde asportata ab iisdem canibus. Postridie iubet octuaginta feminas generosas istorum nobilium, qui ita immaniter trucidati fuerant, ad flumen deduci, ibiq; aquis submergi: illæ autem innocentes frustra eiulari & lamentari. Satellites enim, crudele hominum genus, ipsas in aquas iniiciebant & perdebant.

*Denegata  
sepultura  
inhumaniter.*



*Moschouita  
fame percit-  
ti, sentiunt in  
corporamun-  
tia.*

Anno Domini 1569. missi sunt centum & quinquaginta coloni ad ædificandam arcem, quæ vulgò Orlo dicitur, & cum cibo destituerentur, quia tum in illis locis ingens fames grassabatur: coacti sunt miseri, ob annonæ penuriam, ex suis nouem mactare, & illorum carnibus vesci, & sic diram compescere famem.

*Ob vitulum  
mactatum  
Moschouita  
combusti.*

Eodem anno cùm ipse Dux esset in arce Wolochda, quam extrui & muniri iubebat, ipsi artifices nimis dura fame pressi, emerunt vitulum, & eum mactarunt, famem hoc pacto expleuerunt. Quam rem vbi audiuiisset magnus Dux, iussit omnes cõprehendi & flammis tradi: cùm tamen ipsa necessitas durũ telum, eos excusare potuisset. Superstitio enim hæc à multis seculis recepta inter Ruthenos & Moschouitas, vt sit grande nefas, morteq; piandũ, qui vitulum mactarit, & eo vesci ausus fuerit. Inter Moschouitas centum & quinquaginta egregij viri, pertæsi tyrannidem magni Ducis, & ferociam satellitum: constituerant se recipere ad regem Polonia. Quam rem vbi accepiisset magnus Dux, iussit omnes in quãdam profundam lacunam valde cœnosam iniici, & ibi in modum pontis substerni: quos tam diu calcari fecit, donec profundissimè in luto perirent ac submergerentur, & planè luto æquarentur.

*Moschouita  
loco pontis  
dispositi.*

Eadem die venit colonus ad secretarium magni Ducis, ei offerens lucium piscem lepidissimum. Quidam monachus istud animaduertat, qui simultates alebat cum isto secretario, idcirco statim accedit principem, & hisce verbis illum alloquitur. Secretarius tuus, ô princeps, nunquam minutioribus vescitur piscibus, sed maioribus, quos piscatur in tuis lacubus, &

bus, & solet lautissima suis congerronibus celebrare conuiuia. Itaque magnus Dux iubet ipsum secretarium ad se euocari, & nulla data facultate se defendendi, sic eum damnat: iubet manibus pedibusque vinciri, & in lacum profundissimum conijci, hisce verbis vtens: O nebulo qui tot pisces minores & maiores solebas tibi piscari, abi nunc, & quibuscunque volueris, vescitor.

*Secretarius  
ob pisces sub-  
mersus.*

*QVO PACTO MAGNVS DVX SVOS  
exercet, & instituit in ratione pugnae ad-  
uersus inimicos.*

**C**VM Lituani ex improviso cepissent arcem munitissimam, vulgò dictam Borsko: ceperat ibi Palatinum & uxorem eius, quos captiuos ad regem Poloniae miserant. At magnus Dux paulo post eum redemerat, dato in eius locum magno viro nobile Polono, qui cum redisset in Moschouiam cum aliis duobus nobilibus Moschouitis, tum iussu principis arrepti sunt ad supplicium: nimirum tria ligna sunt affixa in medio foro, vbi funibus per mediâ corporis partem appensi, ipse cum filio sagittis eos eiaculabatur, & transfigebat, inquiens: O strenui defensores, sic oportet vos me & meas arces defendere: postea ad exemplum principis, & turba illa satellitum sic sagittis frequentissimis illos impetierunt, vt iam præ multitudine sagittarum non viderentur eorum corpora.

*Crudelis ad  
pugnam in-  
stitutio.*

*QVO PREMIO ET MERCEDE  
ampla soleat magnus Dux suos adula-  
tores afficere.*

**I**llustres ac clari viri, Ozyphas Scerbaty, & Georgius Boratinski, qui munere Palatinatus funge-



bantur, cū missi fuissent ad defendendam & tuendam arcem Susa, intercepti sunt ab illo bellicoso Lituanicarum copiarum imperatore: à Duce Romano & ab eius exercitu, in quo cōflictu magna strages Moschorum est edita, & inter alios illi præcipui viri duo capti, qui postea per permutationem captiuorū redempti sunt. Qui cū primū venerunt in Moschouiam, hilari fronte à magno Duce excepti, & ad eius mensam inuitati. Tandem absoluto prædio, muneribus lautis & pretiosis eos afficit: nimirum vnicuiq; illorum dedit vestem ex holoserico suffultam Zebellinis pellibus raris & elegantissimis, dedit & singulis preciosos pileos albos. Atque inter alia quæ cum illis conferebat, sciscitatus est ab eis, quid ageretur in Polonia & Lituania. Tum Oziphas ille retulit ea omnia, quæ viderat ac intellexerat candidè & bona fide. At Georgius Boratinski rogatus, contra protulit ea, quæ putabat grata fore magno Duci, ipsi pal-pum faciendo & adulando: quæ planè absona erant à rei veritate, & absurda. Ac inter alia sic ausus proloqui: Inclyte & inuictissime Moschorum Cæsar, sicut tibi persuadeas, cū rex Poloniæ audit, tuos milites iam adesse in finibus, & ibi grassari, maximo metu per-cussus, quærit latebras & loca abdita. Magnus dux statim fucū sibi fieri intellexit, & subiunxit: Rex Poloniæ igitur me timet? At ille, procul dubio: clarissime & serenissime Dux, ita se res habet, & si copiosus exercitus irruerit in Lituaniā, ille non est tam animosus, ut velit tecum in aciem descendere: aufugiet procul in aliquā munitissimā arcem, neq; etiam viribus par, aut arcibus munitis est tecum conferendus. Deniq; nūquam tui exercitus impetum & vires

sustine-

*Tyranno e-  
tiam aliquan-  
do veritatis  
oratio gra-  
ta.*

sustinere poterit: succumbet protinus, & terga dabit. Quæ conficta verba, cum in ipsius gratiam ac fauorem excogitatam & comparatam orationem esse vidisset: detestatus adulatorium & leue hominis ingenium, cœpit nutare caput, inquit: O rex infelix, ô rex miserrime, tui planè misereor, qui ita me times: adeoque sum tibi terrori, vt ad mei mentionem cogites de fuga, vbi in Lituaniam venero. Hac oratione finita, tam contumeliosa oratione sic istû Boratinski est allocutus: O perfide & scelerate homo, iam tua perfidia & mendacia mihi optimè sunt perspecta. Quocirca baculo quo vti solet, ferit illi caput, & cedit tergum, ac denique totum corpus, nulla ratione habita illius preciosæ vestis, qua eum induerat: At miser Boratinski hinc inde se vertebat: hacq; oratione utebatur: O princeps serenissime, Deus te diu sospitem seruet, quodq; abste verberor, gratum est mihi, & sic me planè hominem obscurû & ignobilem castigare dignaris: nunquam ego potuissem eripi ex captiuitate, nisi tua ope: sed quamprimum liberatus sum ex vinculis Lituanicis, citissimè me ad te contuli. Verùm magnus Dux non desinebat hominem crudelius tractare, sæpius repetens hæc verba: ô perfide & scelerate, te esse turpissimum & mendacem adulatorem noui. Quare sic est ab eo tam diu verberatus, donec suum baculum princeps confregerit in minutissimas partes.

*Eidem conficta & mendax oratio odiosa.*

*Iustum premium adulatoris.*

*QUALIS SIT RELIGIO, ET PIETAS magni Ducis Moschonia.*

**Q**uando magnus Dux in suum palatiû Alexandro Wa, olim antequâ pulcerrimè extrueretur,



*Inepta reli-  
gio Vel po-  
tius super-  
stitio magni  
Ducis.*

Slobodam dictum, venire solet animi recreandi gra-  
tia, tum ibi quādam nouam religionem simulare so-  
let & effingere. Primū se nouo quodam monachi ni-  
gri vestitu induit, cuius etiam imitatores sunt omnes  
eius aulici, simul eodem vestitu iam parato vtentes.  
Satellites verò illius armati adsunt, qui ad omnia of-  
ficia prompti paratīq; sunt. Ille aut magnus Dux ita ve-  
stitus cū suis aulicis ingreditur fanum, ad preces ma-  
tutinas, & alias ceremonias peragēdas, quibus vtun-  
tur Rutheni. Sunt aut succincti loro, cui adiunctus  
cultellus, manibustenes lucernam, in qua est ac-  
censa candela: quod si quis aulicorū refugerit vti hoc  
vestitu & ceremonia, grauissimè cæditur virgis à sa-  
tellitibus principis. Hosce omnes vocat princeps fra-  
tres, & se eodem nomine appellari iubet, hæc est san-  
cta aulicorum Moschouitarum fraternitas. At cū  
iam est tempus prandij, porrigitur cibus, magno Du-  
ci primū, quem habet in sua cistella, tanquā prima-  
rio fratri, & sic deinceps reliqui fratres ex suis cistellis  
accipiunt suum cibum. Quod ad potum, singulis da-  
tur ad certam mēsuram. Tandem absoluto prandio,  
omnes cum suis cultellis & cistellis se recipiūt in suas  
cellulas. Nam hoc palatium est ædificatum planè in  
formam monasterij. Quare cū secundum suum ri-  
tum absoluit, magnus Dux suas preces & horas ca-  
nonicas: tanquam maior natus frater egreditur ex il-  
lo cœnobio, ac iubet aliquot captiuos, iam morti de-  
stinatos produci ex carceribus, ibi omnes variis mor-  
tis generibus afficiuntur: alij ad palum & rotam alli-  
gantur, alij securi percutiuntur, alij suspenduntur, alij  
miserrimè cruciantur, & frustulatim dissecantur: de-  
niq; multi aquis obruuntur. Ita quandiu ibi degit, sin-  
gulis

*Religionem  
suā sangui-  
ne innocen-  
tum sancti-  
ficat.*

gulis diebus decem aut viginti infantes ab eo suppli- *Quale futu- rum sit im-*  
ciis grauissimis tolluntur è medio: ita vt præfœtore *perum filij*  
cadauerũ illac nemo incedere possit. En fructus reli- *magni Du-*  
gionis magni principis Moschorum: sic suam religio- *cis, qui à pa-*  
nem sanctificat. Et quia patrem sequitur sua proles, *rente nõ de-*  
ille magnus Dux filium habet sibi suisq; truculentis *generat.*  
simis moribus persimilem. Nam ille voluptatis gra-  
tia solet per illa mortua corpora obambulare, illa cal-  
cando, & baculo suo capita illorum confringit, vel in  
illorũ cerebra aciem baculi ferrati infigit, inquit:  
vos ô scelerati insurrexeratis in vestrum imperato-  
rem ac principem, & me etiam.

Quotiescunq; magnus Dux ad illud palatium A- *Premium*  
lexandro Wæ, aliquem ex suis inuitat consiliariis, ne- *legatis red-*  
mo est illorum, qui nõ credat se ad præsentem mor- *ditum.*  
tem accersi, nec vnquam inde domum incolumem  
reuerfurum, idcirco discessurus, primũ domi suæ  
disponit, & vxori ac liberis valedicit, & amicis suæ  
committit: ac ita est, ni enim Deus ipse, vel mirabilis  
fortunæ casus illum hominem conseruarit, de illo a-  
ctum est. Quod si impune & liberè suos à se aman-  
dat, tamen postea non euadunt manus principis, vel  
quidpiam deterius eos manet. Sicut sanè accidit cui-  
dã viro raræ sanè virtutis, Theodoro illi nomen fuit.  
Iste non ita pridem functus erat legatione apud re-  
gem Polonię, & vbi rediisset à legatione, inuitatus est  
ad principem vnà cum suis nobilibus, ad Alexandro-  
uam arcem. Qui licet inuitus, tamen se sistit ad diem  
dictam vnà cum suis. Sanè lautissimè & opiparè ille  
Theodorus & omnes eius excepti sunt ac donati ab  
ipso principe multis pretiosis vestibus, subductis pel-  
libus Zebellinis. At via qua illi fuit transeundum, sa-



tellites per insidias erant collocati. Cùm aut essent securi & nihil sibi metuerent, en irruunt in eos satellites principis, & illos spoliant nobiles, & potissimum ipsum legatum: eosq; sic nudos reliquunt, vt ex vtero matrum exierunt. Atq; eo tempore maxima erat vis hiemis, quod ad augendam calamitatis eorum grauitatem pertinebat, exuti spoliatiq; sunt currubus & equis. Itaque sic miserè & crudeliter tractati, coacti sunt pedes ire vsq; ad vrbē Moschouiam. Vnde factum est, vt alij propter vehementiam frigoris intēssissimi auriculas amiserint, alij digitos manuum, & articulos pedum, & nasum. Plurimi qui frigus ita horridum ferre non poterant, interierunt in ipsa via. Ipse orator Theodorus fortè fortuna à quodam rustico nactus est vestem pellium caprinarum, qui hac vsus, arcuit à se vim frigoris, vt potuit. Ita iste legatus cum suis splendide exceptus à magno Duce, & honorificè donatus, postea crudeliter illusus, rediit in vrbem Moschouiam. Pulcerrimum scilicet exemplum istius Neronis, & eius humanitatis, qua erga de se bene meritos vti solitus est.

F I N I S.

EPILOGVS OPERIS.

*S*Ed hac satis sint de immanitate & truculētia Moschouitica. Nos autem bona fide & studio recto, iustiq; ordine literarum monumentis mandauimus, posteritatiq; legendum dedimus quæ scitu necessaria sunt de tota Sarmatia, id est, de Polonia, Lituania, Prussia atq; Russia: quæ cùm suo nomine complectatur Moschouiam, & de ea attingimus, quæ putauimus esse cognitu

gnitu utilia. Quoniam autem hodie, is qui imperium Moschouiticum tenet, superat sua crudelitate Neronem, Caligulam, Heliogabalum, Maximinum, Phalarim Agrigentinum: vel etiam Busiridem aut Mezentium: denique tyrānos, qui celebres sunt ac famosi apud historicos, vel etiā apud poetas: ex infinitis nonnulla crudelitatis illius exempla delineauimus. Quod sanè mirum esse non debet, cum gens ipsa fera sit: Moschi siquidem à Mesech dicti, ac si dicas, homines arcus extendentes. Sanè Moschis scriptores crudelitatem, morumque feritatem semper attribuerūt, testis est illa quærela psalmi: Heu mihi quòd exulo inter Mesech & Cedar, id est inter Moschos & Arabes. Sedes Moschorum vetus fuit in Cappadocia, quæ nō procul abest à Syria: & ideo illa gens fuit nota Iudeis. Innuuit itaq; propheta, ecclesiam Dei extremis istis tēporibus afflictiones maximas perpeſsurā, tam à Moschis, quā ab ipsis Turcis: qui ex Arabia prodierunt. Accepit autē gens Moschouitica, ritus religionis Græcæ, anno Domini 987. sed successu temporis addiderunt illi multas superstitiones. Grauiſſimus vir & scriptor nobilissimus Sigismundus ab Herberstein scribit, nunquam populum Moschouiticum publicæ explicatione doctrinæ & concionibus erudiri: Et quia sunt oppressi tyrannide horribili, opiniones sui principis, etiam in religione solent habere pro lege immutabili: sicut Athenienses degeneres fecerant decretum, quicquid visum esset regi, iudicium & iustum esse. Sed tueatur nos Filius Dei ab impietate & crudelitate Mesech & Cedar. Amen.

Quæ & qualis sit gens Moschouitica.



TARTARORVM CAM-  
PESTRIVM, IN HORDAS DI-  
VISORVM, MORVMQVE ET CON-  
*suetudinis vitæ eorundem breuissi-  
ma descriptio.*



DE CAZANENSIBUS Tartaris (antequam  
cæteros in hordas diuisos attinge-  
mus) Moschouitico imperio confi-  
nibus, dicendum nobis in primis oc-  
currit, quos magnus Moschouia dux  
Basilus, anno Domini millesimo  
quingentesimo quinquagesimo primo, ditioni suæ,  
plurimis diuersisque bellorum euentibus exantla-  
tis, subegit. Hi verò à Campestribus differunt, quòd  
agros colant domosque inhabitent.

DE REGNO CAZANENSI.

SUa fluuius, imperium Moschouiticum à Caza-  
nensi regno dislimitat, qui ex Meridie fluens vi-  
ginti octo milliaribus infra Nouogrodiam inferio-  
rem, cursu in Orientem reflexo, in Volgam exone-  
ratur, in quorum confluxu Basilus princeps castrum  
à suo nomine Basilo W Grod appellatum contra Ca-  
zanenses arcendos erexit. Porro regnum Cazanen-  
se sexaginta milliaribus Polonicis infra Nouogro-  
diam inferiorem (de qua superius) limites suos secun-  
dum Volgam fluuium incipit, Orientem & Meri-  
diem versus cāpis desertis, qui ducētis milliaribus Po-  
lonicis patent, terminatur. Ad Orientē verò est iualē,  
Tarta-

*Fines regni  
Cazanen-  
sis.*

Tartares qui Shibanski & Cozaccki appellantur, finitimos habent.

**C**A Z A N vrbs, totius regni metropolis ad Volgam fluuium & Cazannam, à qua nomen sortitur, in vltiore ripa condita est. Arcem natura & opportunitate loci munitissimam & inexpugnabilem habet, à Nouogrodia inferiore septuaginta miliaribus distat.

Hij Tartari Cazanenses reliquis ingeniosiores, & aliquantulum humaniores sunt, circa agriculturam, remque domesticam (qua à cæteris maximè differunt) versantur. In domibus non in campestribus degunt, mercimonia, rerumque permutationes varias, cum vicinis Moschouitis, Turcis & cæteris Tartaris exercent. Reges sui iuris ad Basilij vsque Ducis Moschoviæ tempora habebant, neminique tributa persoluebant, sed prædictus Basilius eos sibi tributarios multis annis cum illis vario Marte bellagerens, effecit, *Cazanenses à Moscho subiugati.* atque pro suo arbitrio reges illis constituebat. Id autem Cazanenses maximè coacti sunt subire, partim propter opportunitatem fluuiorum ex Moschouia in Volgam influentium, partim ob mutua commercia cum Moschouitis consueta, à quibus inimicitia tempore arcebantur.

Primus itaq; Cazanensium rex fuit Chelealeczk, *Reges Cazan.* qui tributarius Basilij feudalisque extitit. Hic relicta vxore Nursultan, absque liberis moritur, cui Abrahamin magni nominis Tartarus, ducta vxore eius vidua, consensu magni Moschouie ducis Basilij, in regno succedit, qui ex priore vxore filium Alegum nomine habuit: ex Chelealeczk autem relicta, duos postea Machmedenim, & Abdelatiph filios suscepit.



*Alega regis  
exitus.*

Prædicto igitur Abrahamin mortuo, Alega velut primogenitus regno potitur, qui cum mandatis Moschorum principis non admodum obtemperaret, à proceribus Moschouiticis, qui ad consilia eius obseruanda constituti erant, quadam die in conuiuio inebriatus, ac in vehiculo illa nocte, quasi in domum verberetur, Moschouiam vsque deductus est, ibidemq; in vinculis aliquandiu detentus, tandem in Volochedam arcem relegatus, vitam terminauit. Alega igitur ita regno deiecto Abdelatiph frater ei succedit, qui etiam perinde vt Alega regno priuatus est. Machmedenimq; frater in locum eius à Moschorum principe successus, quo regnante anno Domini 1504. Cazanenses iugum Moschorum excusserunt, ab eisq; defecerunt. Hanc defectionem cum Basilus Moschorum Princeps didicisset, rei indignitate commotus, cum infestis armis & tormentis bellicis exercitum copiosum contra Cazanenses destinauit, qui à Cazanensibus & Ceremissis arcu vti peritis dolo circumuenti, impari Marte cæsi & fugati, tormentisq; & castris spoliati, captiuiq; in Astrahanense emporium, quod mari Caspio siue Persico adhæret, relegati Turcis, Tartaris & Persis venditi sunt.

*Cazanenses Moschos  
profligant.*

Postea Cazanenses Scheale regem hæreditariũ, qui Machmedemini mortuo successerat, Moschorum partibus fauentem expulerunt, Sapiregiumq; Mendligeri Tauricæ regis filium, ad regnum suscipiendum vocauerunt, qui coniunctis viribus cum fratre Machmetigero Tauricæ rege, Moschouiæ maximam partem crudeliter deuastarunt, ad ipsamq; urbem Moschouiam penetrantes, grauissima obsidione eam presserunt, ab eaq; non discesserunt donec

Princeps

*Tartari crudeliter Moschouiã vastant.*

Princeps Moschouia se tributarium prædicto Machmetigero regi Tauricæ perpetuò fore obstringeret, quod postea non præstitit. Ingentem autem & vix credibilem tunc temporis hominum captiuitatem, trecenta videlicet millia Tartari in Moschouia cepisse eduxissèq; dicuntur. Quam cladem irrefarciabilem Moschorum Princeps vlcisci volens, exercitum copiosissimum conscripsit, Machmetigerique Tauricæ regem ad certamen prouocabat, dicēs se superiore anno ab eo non indicto bello ex insidijs furum latronumq; more oppressum fuisse. Ad ea Machmetiger respondit, sibi ad inuadendam Moschouiam satis vias multas patere, bella non magis armorum quàm temporum esse, proinde ea se magis suo, quàm alieno arbitrio gerere solere. Moschouia autem Princeps videns se delusum fore, vlciscendi libidine ardens, anno Domini 1523. exercitum ad Cazanense regnum expugnandum duxit, in finibusq; Cazanensium, ad Volgæ & Suræ fluuiorum confluxum, munitionem propter infestandos Cazanenses condidit, quam à suo nomine Basilow Gorod appellauit. Postea re infecta exercitum dimisit.

*Numerus  
captiuorum.*

*Tartaricū  
responsum.*

Anno deinde sequenti 1524. ad Cazanense regnum occupandum, ingentes numerosasq; copias, cum duce quodam Michaële Georgij destinauit, Cazanque arcem quinta decima Augusti oppugnare cœpit, quam quidam Moschouitæ ad id subornati incenderunt, intuenteq; Moschorum exercitu funditus exusta est. Attamen in tam facili occupandi castri occasione, Moschouitæ ad expugnandum occupandumq; castri combusti collem ne accedere quidem audebant: Tartarosq; id denuo ædificātes non

*Moschouitæ  
Cazan op-  
pugnant.*



*Cazan comburitur.* impediabant, atque ita postea arx Tartarorum strenua opera, Moschouitarumque negligentia restaurata est. Moschouitæ verò frustra moras trahentes,

consumto commeatu fame laborare incipiunt. nam Ceremissis tuentibus partes Cazanensium, hostium itinera diligenter obseruantibus, emissariosque executientibus, nihil adferri poterat, adeò vt nec princeps de suorum qua premebatur necessitate cognoscere, nec ipsi quicquam illi significare de rerum suarum statu possent, & aliquot millia Moschouitarum à Ceremissis caesa & fugata, nauesque plurimæ, quibus cōmeatus deferebatur, ademptæ, & aquis obrutæ

*Cazan iterum oppugnatur.*

sunt. Tandem Moschouitæ auxilijs aduenientibus castrum combustum denuo restauratum obstinatissimè oppugnare cœperunt, tormentis machinisque bellicis admotis, obsessi quoque exoneratis pariter in hostem bombardis strenuè se propugnabant, donec bombardario magistro, quem vnicum in castro habebant, glande scloppetario à Moschouitis icto priuarentur; atque certis sub conditionibus Cazanenses cum ducibus exercitus Moschouitici, inducias pepigere compulsi sunt, tributaque secundum pactum ad mortem vsque Basilij persoluebant. Mortuo tādē Basilio, Ioanni moderni Principi filio eius

*Cazan capitur, expugnaturque.*

recalcitrare Cazanenses cœperunt, quos ille septem perpetuis annis bello acerrimo, vario tamen Marte pressit, arcemque & ciuitatem Cazaniam regionis metropolim tormentis bellicis, & obstinato impetu militum suorum, puluerumque bombardariorum suppositione anno Domini 1551. expugnauit, paternumque opus strenuè perfecit, & ab hoc tempore Cazanensium regnum, & vrbs Cazan cum arce,

Princi-

Principi Moschorum Ioanni Basilij filio subacta est, titulumque regni prædictus Princeps sibi vsurpat, seque Czar Kazanski, id est regem vel imperatorem appellat. Magna autem pars Tartarorum Cazanensium tunc temporis capta, Principis impulsu baptizata est, multi quoque baptismum respuentes, capite multati, aquisque obruti sunt: nunc tamen communiter omnes Mahometi dogma, erroresque gentiles profitentur, exceptis per paucis, ijsque insignioribus, qui Ruthenico ritu, fidei Christianæ præceptis initiati sunt. Atque hæc de Cazanensibus Tartaris breuiter dicta sufficiant, nunc confines Tartaros Nohaycenses, cæterosque campestres in Hordas distributos attingemus.

*NOHAICENSIVM TARTARORUM Horda.*

**T**Artari Campestres, cateruatim in campis nullis finibus obseruatis degunt, in Hordasque veluti in quasdam prouincias, à quibus & cognominantur, diuiduntur. Horda autem conuentum, & multitudinis congregationem, cœtumque hominum, in formam ciuitatis coactū significat. Cæterum vnaquæque Horda nomine suo peculiari appellatur, quæ multæ *Horda quid ab inuicemque moribus aliquantulum diuersæ sunt, significat.* ex quibus præcipuè Nohaicensis, Zauolensis, Præcopensis, Crimscensis, Cosaczkiensis, Tumenensis, Calmuckiensis, Turcomanensis, & id genus aliæ, quæ omnes Mahometi dogma amplectuntur, profitenturque.

Nohaicensium Tartarorum Horda, post Tartaros Cazanenses Orientem versus procedendo in pri-



*Scharayczik.*

mis occurrit, quæ ultra Volgam fluuium amplissimū circa mare Caspium ad fluuium Iayczk, ex prouincia Sibier decurrentem, sita est. Huius regionis Tartari incolæ non reges, sed duces habent, in tresq; ducatus diuiditur, quorum primus cum ciuitate Scharayczik dicta, ultra fluuium Volgam Orientem versus, cum adiacente ad Iayczk fluuiū regione extenditur, Scharaycensisque ducatus à ciuitate Scharayczik dicitur. Secundus ducatus in Horda Nohaycensi inter Cammam Iayczk, & Volgam fluuios situs est. Tertius eiusdem regionis ducatus Sibieriensis prouinciæ partem, (de qua superius) & omnem circumiacentem regionem attingit. Atq; hæ omnes regiones siluosæ sunt, excepta ea quæ ad Scharayczik ciuitatem vergit, quæ tota campestris est.

*Iurgenczi.*

*Rex de Catagia.*

A ducatu Scharaycensi Nohaycensis regni Orientem versus procedēdo, occurrunt populi Iurgenczi, à Moschouitis appellati, quibus frater Magni Cham supremi regis Tartarorum imperat, à Iurgenczijs autem decem dierū itinere ad regiones Magni Cham, regis de Catagia (qui maximam Tartarorum partem possidet) peruenitur.

### TARTARORUM ZAVOL- hensium Horda.

*Bulgari & Volincij.*

**B**ulgaria siue Volgaria, vel Zauolhensium Tartarorum Horda, à Cazanenſi regno, & Nohaycensi Horda nonnihil in Meridiem reflectendo, occurrit. Traxit autem cognomen à Volga fluuio celeberrimo, qui eam longo tractu interfluit. Ex hac regione Bulgari, Slauones, qui nunc Turcarum imperatori parent, & Volinci, Rutheni, Lituaniæ populi, regi Poloniæ

Poloniæ subiecti, oriundi perhibentur, prout latius in deductione Polonorum patet.

Zauolhensis autem Horda præcipua, & quasi princeps cæterarum omnium olim extitit, incolarum videlicet multitudine & rerum gestarum fortitudine, locique affluentia & opportunitate, ex qua cæteri omnes Tartari Campestris ortum genusque duxerunt. Hæc autem Horda Zauolhensis inter Volgam & Iayczk fluuios iuxta mare Caspium siue Persicum sita est. Reges sui iuris ad Alexandri usque regis Poloniæ tempora, moderni regis Poloniæ Sigismundi Augusti patrum habebat, infra annum Domini 1506. Sed tandem Sachmat rex Zauolhensis ultimus, ob iniuriam quandam quam olim Crimscijs Tartaris prædecessores eius fecerant, à Machmatgirey Tauricæ rege, ex Crimsca Horda oriundo regno pulsus fugatusque est. Qui ad Alexandrum prædictum regem Poloniæ, magnumque Ducem Lituanię profugit, auxilij contra Machmatgirey implorandi gratia. Cum autem Lituani & Poloni auxilia longius differebant, interim Machmetgirey Tauricæ rex, Zauolhensis regis supra nominati exercitum profli-  
gavit, totamque regionem eius occupauit. Et ab hoc tempore Zauolhensis Horda penitus diuexata, & regibus orbata est, quam postea Basilij princeps Moschouiæ imperio suo subegit, cuius titulum Ioannes modernus princeps huius Basilij filius sibi vendicat, seque Bulgariæ, id est Zauolhensem regem appellat.

*Zauolhensis  
Horda oc-  
cupata.*

Tandem ultra Viatcam regionem, & Cazanense regnum Tartarorum tres Hordæ, qui Thumenski, Schibanski, & Cozaccki appellatur, in campestribus



*Mores Tur-  
menſium.*

habitant, cateruatimque viuunt, ac tot quot lubet ducunt vxores. Potum ex lacte equino habent, frugum vſum neſciunt, pecunijsque non vtuntur, exorcismis & incantationibus ſupra modum dediti, quibus caligines aliasque intemperſtates cæli ſæpius excitant, hocque modo hoſtes frequenter proſtigant. Hæc autem omnia herbis, verbis, lapidibus, radicibusque; ab eis miris incantationibus conficiuntur.

*Calmucz-  
kiëſis Horda.*

Calmuczkiensis Horda trans Volgam fluuium ſita eſt, Caſpio mari confinis, huius incolæ in campeſtribus vitam ducunt, à crinibusque quos nutriunt Calmuczki Tartari appellantur.

### ASTRACHAN TARTARIÆ regnum.

*Aſtrachan  
vrbs.*

**A**ſtrachanenſe regnum, poſt Tartaros Nohaycenſes, & Cazanenſes ad mare Caſpium ſitum eſt, compluresque ciuitates habet, ex quibus Aſtrachan vrbs opulentiſſima, in qua emporium celeberrimum eſt, à qua tota circumiacens regio nomen accepit, ad oſtia Volgæ ſita eſt, ibi autem Volga fluuius ſeptuaginta pluribusve oſtijs in mare Caſpium exoneratur, multas ibidem inſulas faciens, tantaque aquarum copia ingreditur, vt procul ſpectatibus maris formam præ ſe ferat. Hoc regnum olim ſui iuris erat, regesque hæreditarios habebat, ſed anno Domini 1554. à Ioanne Baſiliade Moſchorum principe vnà cum vrbe ſubactum occupatumque eſt, cuius titulum ſibi vſurpat.

*Expediſio  
Turcarum  
ad Aſtra-  
chan.*

Ad hoc regnum occupandum Sultam Zelim imperator Turcarum, inuidia auaritiaque prolatandi imperij Tartarici ductus anno Domini 1569. 20. Martij

Martij die, ex Constantinopoli terra & mari exercitum ingentem Turcarum 25 000. equitum, & Ianiczarorum 3 000. destinavit, naualis classis centum quinquaginta galeris, & multis celocibus constabat. His demum omnes Hordæ Tartarorum Præcopensium, ex mandato Imperatoris adiunctæ sunt, 80 000. equitum excedentes. Sicque iunctis viribus, longissimo eoque periculossimo campestri itinere, multis fluuijs & paludibus superatis, ad Azoph perueniunt, omni commeatu prorsus consumto. Azoph autem in ostijs Tanais fluuij Turcica arx sita est, ad paludes Mæotidis. Postea ad victum necessarijs comparatis, omnis equitatus Turcicus & Tartaricus, per campestria & Hordas Tartarorum Nahaicensium, & Circassorum quinquemontanorum, tædiosissimo itinere sub Astrachan, 5. Septembris venerunt, 24. hebdomadis cum ineffabili famis & sitis angustia in via transactis. Hebdomadam integram sub arce quicquam tentantes consumserunt; aditum enim ad eam vasta Volgæ circumfluētis amplitudo prohibet. Interea Moschouitarū aliquot millia aurora instante, in nauibus & celocibus, Turcas & Tartaros inopinata excursione, magno cū impetu Duce Serebrny

*Astrachan  
à Turcis ob-  
sessa.*

adoriuntur, multitudineque eorum prostrata, spolijs onusti armata manu incolumes in arcem redierunt. Tartarorum quoque aliquot millia ad vnum trucidauerūt, vt nemo ex illis euaserit, qui sub arcem pabuli acquirendi gratia superato fluuio Volga excurrerant. Naualis quoque Turcarum illi exercitus, centum quinquaginta galerarum tormenta magna, pulueres bombardarios, commeatum, & alia belli expugnandique instrumenta vehens, cum aduerso



Tanai ab Azoph ad montem PereWloka dictū, duobus ferè mensibus transactis veniret; nauesque siue galera terra in instrumentis ad id pertinentibus, per illum montem (qui miliaribus septem à Tanai ad Volgam fluuium magnum sub Astrachan fluentem distabat) transferre vellent, Moschouitarum 15000. illos adoriuntur, sex millibusque Turcarum prostratis, spolia & instrumenta multa iam in terram exposita abstulerunt, reliqui vix ad naues aufugerunt, huiusmodique insperata clade accepta, ad Asoph redire coacti sunt, vndique eos Moschouitis persequentibus. In Azoph existentibus aliud infortunium accidit: pulueres enim tormentarij quos in arce deposuerant, igne fortè adueniente succensi sunt, cum ingenti Turcarum & arcis damno; ceteri Constantinopolim petentes, in paludibus Maotidis naufragio perierunt. Sed ad rem intermissam redeo. Tartari & Turca Astrachan frustra cum quotidiana diminutione suorum obsidentes, de naualis classis, in qua spes eorum recumbebat, perditione audientes, vndique hostis imminens, famisque & sitis angustia pressi, coangustati, & ad extrema redacti 21. die Septembris cum ingenti dedecore, damnoque irrefarcibili, absque vilo Moschouitarum detrimento, obsidionem soluere coacti sunt. Ad Azoph 23. Octobris die venerunt, quinq; hebdomadis in reditu cum ineffabili periculosissimaque miseria, & intolerabili angustia transactis, per campestria enim desolata illis iter erat, vt nusquam pabulum acquirere, & pro se & pro equis reficiendis poterint. Moschouitæ enim gramina omnia passim succenderant, & aqua interdum quinq; integris diebus carebant, omnesq; ferè

*Turci à Moschouitis profligati.*

ferè illo exercitu Turcico, cum equis pariter fame & siti coangustati, misetè perierunt: quidam in paludibus Maoridis Constantinopolim repèntes, aquis submersi sunt, ita vt 225 000. equitū, 3000. Ianiczarorum, & centum quinquaginta galeris amissi, vix 2000. Constantinopolim redierunt. *Turcarum clades.*

Est quoque Schamachia vrbs Tartarorum, ad *Samachia* mare Caspium condita, quæ ab Astrachan sex die- *vrbs Gre-*  
rum itinere abest, ab ea tota regio siue Horda Scha- *gio.*  
machia nuncupatur, hanc rex Persarum possidet. Incolæ autem huius regionis texendis sericeis vestibus excellentissimi sunt artifices. Turcomanorum *Turcoma-*  
Horda vltra Caspium mare sita est, eius imperium *ni.*  
inter quinque fratres paritum est, quorum qui primas tenet Azynchan nominatur, reliqui verò Soltani appellantur, in totoque imperio solummodo quinque oppida reperiuntur. Incolæ Mahometicam hæresin amplexantur, viuuntque iuxta Nahaycensium Tartarorum consuetudinem, & cum Persarum principe, vulgò Zophi nuncupato, frequentissimè bella mouent.

Sarmacandia Orientem versus procedendo, vltra Turcomaniam, vrbs est amplissima, quæ olim totius Tartariæ metropolis extitit, nunc verò ruinis deformis iacet, vnà cum multis antiquitatis vestigijs. In ea sepultus est Tamerlanes ille Tartarorum rex, *Tamerla-*  
qui olim Turcarum imperatorem Baiazethem cum *nes.*  
exercitu numerosissimo profligatum, captiuum aureis catenis vinctum, in cauea velut auem per totam Asiam circummuehebat. Huius regionis incolæ Mahometani sunt.



## K Y R G E S S O R U M H O R D A .

*Ritus Kir-  
gessorum.*

**K**Yrgeffi Tartari cateruatim in campis degunt, habentque ritum gentilem huiusmodi. Sacrificus ipsorum quo tempore rem diuinam peragit, tunc sanguinem, lac, & fimum iumentorum, terramque sumit, commixtioneque insimul facta, in vas quoddam infundit, & vnà cum hoc arborem ascendit, ad populumque circumstantem concionatur; concioneque peracta in stultam plebeculam, prædictam commixtionem spargit, populus verò in terram pronus prouoluitur, aspersiunculamque hanc pro Deo colit, firmeque credit nihil esse perinde salutare humano generi, ac terram, pecus, armenta que. Mortuos loco sepulturæ arboribus suspendunt, his finitimi sunt Baschirdi Tartari ab Occidente, & Hieseliti ab Oriente.

*Baschirdi.  
Hieseliti.*

*Molgomo-  
zani, Bay-  
daï, ritus  
eorum.*

Ab ijs vltra Imaum montem longo tractu procedo ad Oceanum Scythicum, Molgomozani, Baydaïque Tartari occurrunt, hi Solem vel rubrum pannum stipiti appensum, cultu diuino adorant; in castris cauernisque subterraneis vitam ducunt; omniumque animantium & reptilium serpentum, vermiumque, murium, & id genus aliarum rerum in-comestibilium, carne vescuntur. Idioma proprium habent, ijs contermini sunt Macriti, & Samogides, quasi seipso comedentes populi.

Hijs longè positis & penè ignotis Tartaris, populisque campestribus in Oriente vltra Imaum montem & Oceanum Scythicum degentibus breuiter descriptis ad reliquos Tartaros campestres Moscho-uitico imperio confines, qui Crimskij, Præcopskij, & Pie-

& Pietiörs kij, id est quinquemontani appellantur, reuertemur.

(IRCASSI PIETIÖRS CZII

Tartari.

A Regno Astrachan, quod mari Caspio, vt supra diximus, adiacet, in Occidentem tandemque in Meridiem reflectendo, circa Mæotidis paludes, & Pontum Euxinum, ad fluuium Cupa, qui in Mæotidem exoneratur, Aphgasi populi in primis occurrunt, vbi etiam vsque ad fluuium Merulam, qui Pontum Euxinū ingreditur, montes eminentissimi sunt, in quibus Tartari Circassi, Pietiörs czij dicti, id est quinquemontani, habitant. Viri sunt strenui, & bellicosi, montium, quibus interclusi sunt, asperitate, & difficili aditu (à quibus & nomen traxerunt) freti, Turcis & Tartaris fortiter sapissime repugnant, lingua propria vtuntur, & Christianismum cum Ruthenicis siue Græcis ceremonijs conuenientes, profitentur, linguaq; Slaonica, sacra Ruthenorū more peragunt. In castris vt cæteri Tartari viuunt, & in propinquorum funeribus pompas ducunt, magnificasque exequias celebrant, & in memoriam mortis amicorum auriculam integram, partemve eius, testificantes amorem, sibi ipsis amputant. Audacissimi piratæ sunt, nam fluuijs qui ex montibus eorum fluunt in Euxinum Pontum, siue paludes Mæotidis nauibus delapsi, quoscunque reperiunt spoliant, & excutiant, eos præsertim qui ex Capha, Constanti-nopolim versus nauigant.

*Aphgasi.*

*Circassi  
Christiani.*

*Circassorū  
funebres  
exequiæ.*



( R I M S C I I S I V E P R Æ -  
c o p s c k i j T a r t a r i .

*Campi de-  
serti.*

*Azoph &  
Achasz.*

*Crym vrbs.*

*Præcopskij  
vnde dicti.*

*Præcop vrbs.*

*Taurica  
cherfonesus.*

*Capha.*

I Nter Cazan & Astrachan regna Tartarorum, quæ  
nunc Moschorum principi subsunt, longo secun-  
dum Volgam fluuium celeberrimum tractu, ducen-  
tis videlicet & triginta miliaribus Polonicis, ad Bo-  
rysthenem vsque fluuium campi deserti sunt, quos  
Tartari nullis certis sedibus obseruatis incolunt,  
præter Azoph & Ahasz ciuitates, ad Tanais fluuij o-  
stia sitas, Turcis tributarias, quas Tartarorum ma-  
gna pars incolis, & circumquaq; certis sedibus mor-  
rantur, remq; familiarem magna ex parte exercent.  
In his prædictis campis desertis ciuitas Crym olim  
regum Tauricæ sedes, à qua Crymskij nominaban-  
tur, sita est. Postea verò toto Istmo spacio mille du-  
centorum passuum, ad insulæ formam perfosso, re-  
ges Tauricæ non Crymskij, sed Præcopskij, ab illa ni-  
mirum perfossione sumto vocabulo, (*Præcop* enim  
Slauonica lingua fossam, vel aliquid perfossum so-  
nat) appellantur. Hæc autem ciuitas Præcop nomi-  
nata, in Taurica chersoneso sita est, quæ ab Azoph  
ciuitate celebri, vbi est emporium insignis, quinque  
dierum itinere distat. Tota autem chersonesus Tau-  
rica, silua quadam per medium scinditur, eius medi-  
am partem quæ ad Pontum Euxinum vergit, Turca-  
rum imperator possidet, in qua Capha insignis vrbs,  
olim Theodosia dicta, Genuensium quondam iuris  
existens condita est. Hanc autem Capham empori-  
um totius Asiæ celeberrimum, Mahometes Turca-  
rum imperator (expugnata Constantinopoli) Ge-  
nuensibus quatuordecim annorum spacio obsidione  
eam

eam premens, proditione quorundam Genuensium largitionibus corruptorum ademit.

Alteram peninsulæ partem Tartari Præcopenses tenent. Omnes autem Tartari Præcopenses siue Crymscij (qui nunc Tauricæ regnum incolunt) originem suam ex Zauolhensium Tartarorum Horda ducunt. cum enim propter intestinam domesticamque seditionem regno pulsi fuissent, nec usquam in vicinia firmum domicilium habere possent; hanc Europæ partem occupauerunt, veterisque iniuriæ haud immemores cum Zauolhensibus Tartaris, varijs bellorum euentibus belligerabāt, donec eos regno prorsus exuerent, regesque eorum extinguerent.

**O**CZAKOW castrum & ciuitas, in ostijs Borysthenis fluuij, ad Pontum Euxinum sita, quam Tauricæ rex ademtam Lituanicæ ducibus tenet, Tartarique Præcopenses eam incolunt. Turcarum verò imperatori nunc tributaria est, à Præcop ciuitate quadraginta miliaribus distat, ab Alba, quæ Moncastro antiquis dicitur, vrbe Valachicæ ad fluuij Tyræ ostia sita totidem, à Circas verò oppido ad Borysthenem condito quadraginta. Porro ab hac ciuitate Oczakow Tartari Præcopenses, qui eam incolunt, Oczakowscy Tartari dicuntur, frequenterque varijs excursionibus Podoliam Russiæ regionem sibi in vicinia adhærentem; & aliquando Lituaniam ipsam, cæterasque Russiæ partes infestant, prædasque & spolia cum hominibus abigunt, maximè verò ea de causa huiusmodi excursiones facere solent, cum illis stipendia consuetæ à rege Poloniæ plus iusto retinentur. Solet enim rex Poloniæ huic regi Tauricæ

*Tartari Oczakowscy.*



stipendia certa quotannis soluere, ea conditione, vt opera illius quauis vrgente necessitate vteretur, qui aduersus quoscunque hostes Polonorum, & Lituanorum, cum certis copijs militare quolibet tempore paratus est. Præcipuè verò Moschouiæ principis regiones ex parte Polonorum infestat, varijsque excursionibus debilitat, vnde & princeps Moschorum missis subinde muneribus aliquando illum sibi deuincere solet. Tartarus verò muneribus interdum vtrinque acceptis, vtrumque etiam vana spe lætat, regi tamen Polonorum impensius fideliusq; & obstinatius militat; ac omnes prouincias Moschouiæ monarchæ subiectas nomine illius deuexat; & frequentibus insultibus igne & ferro vndiquaque peragrat; amplissimaque spolia educit, prout & nuper anno Domini 1571. mense Maio, ipso die ascensionis Dominicæ Moschouiam ipsam urbem cum arce & totam circumiacentem regionem, ad quinquaginta miliaria in latitudinem & lōgitudinem flamma ferroque protriuit, vastauit, mancipiaque & spolia dictu incredibilia eduxit, exercitum etiam ingentem sibi oppositum cum multis ducibus & insignibus belli præfectis fudit, & ad internicionem profligauit, trucidauitque, adeò vt memoria tantæ crudelitatis Tartariæ (quamuis antea quoque frequentes eorum excursiones forent) non extaret.

*Moschouia  
à Tartaris  
exusta.*

Hij autem Tartari Præcopenses Christianis infestissimi sunt, Turcarumque imperatori quotannis trecentos Christicolas pro stipendio pendunt. A Septentrione magni Ducis Moschouiæ regionibus, ab Oriente Tartaris Quinquemontanis, ab Occidente & aliquantulumque à Septentrione Russiæ Polono regi

*Fines Præ-  
copensium.*

regi subiectæ, à Meridie Moldaviæ, Valachiaëque contigui sunt. In Campestribus circa Pontum Euxinum & paludes Mæotidis, in totoque Isthmo & chersoneso Tauricæ degunt. Rex eorum frequentius in castris, interdum verò in Oczakow ciuitate (quæ quondam Vitoldi tempore Lituaniæ colonia erat) commorari solet. Horum Tartarorum situm mores, & barbaricam crudelitatem Ouidius Naso ibidem exulans, suis in Elegijs de Ponto latissimè describit, hosq; fluuios in Pontum Euxinum exonerari carmine infra scripto (quod subscribere libuit) Elegia ad Albinouanum decima, recenset.

*Adde quòd hic clauso miscentur flumina Ponto,*

*Vimq; fretum multo perdit ab amne suam.*

*Huc Lycus, huc Sagaris, Peneusq;, Hispanusq;, Ora-*  
*Insistit, & crebro vertice tortus Halis, (tesq;*

*Partheniusq; rapax, & voluens saxa Cynapes*

*Labitur, & nullo tardior amne Tyras.*

*Et tu feminea Thermodon cognite turma,*

*Et quondam Graus Phasi petite viris.*

*Cumq; Borysthenio liquidissimus amne Dyrraspes,*

*Ei tacite peragens lene Melanthis iter.*

*Quiq; duas terras, Asiam Cadmiq; sororem*

*Separat, & cursus inter utraq; facit:*

*Innumeriq; alij quos inter maximus omnes*

*Crederè Danubius setibi Nile, negat.*

*Copia tot laticum quos auget, adulterat undas,*

*Nec patitur vires aquor habere suas.*

*Quin etiam stagno similis, pigraq; paludi,*

*Caruleus vix est diluiturq; color.*

*Innatai vnda freto dulcis, leniorq; marina est,*

*Quæ proprium misto de sale pondus habet, &c.*



Hic Ovidius solummodo præcipuos eosq; capitales fluvios recensuit, reliquos verò complures & absq; numero amnes insignes, qui prædictis immiscentur carminis brevitati consulens omisit.

*DE MORIBVS, CONSVETVDI-  
neq; vita Tartarorum.*

**A**bsolutis breuiter Tartarorum hordis siue regionibus earumq; situ, nunc de vitæ eorū moribus, vestimentorumq; usu & victu pauca subiiciemus. Omnes autem Tartari prædicti, Machometi dogma, exceptis Circassis Quinquemontanis amplectuntur, Turcarum ritu. Turcas tamen se appellari molestissimè ferunt, probriq; id loco ducūt, sed Besurmanos, quasi gentem electam se nominari gaudent.

*Statura  
Tartarorū.*

Homines sunt statura mediocri, obesa, lataq; facie, distortis & concauis oculis, barba capris simili horridi, capite rasi, exceptis excellentioribus viris, qui crines contortos, eosq; nigerrimos secundum aures protensos nutriunt, corpore valido robustoque, animo audaci, in Venerem eamq; naturæ contrariam lasciui. Victū ex omnibus animalibus quomodocunque mactatis, maximè autem ex equis habent, exceptis porcis à quibus ex præscripto legis, ut re foedissima & immunda abhorrent. Famis somniq; supramodum patientes, ut ea nonnunquam toto triduo quatríduove perferant, tandem verò occasionem ad vorandum nacti, supra modum se cibo & potu ingurgitant, eaque crapula priorem inediam refarciunt, sicque cibi & potus superfluitate obruti, biduo triduvé dormiunt, in quos sic somno penè

penè suffocatos , & oppreslos Lituanì & Rutheni  
(in quorum frequenter regiones excurrunt) dere-  
pente irruentes, incautos profligant, prędasq; repe-  
tunt. Cũ autem aliquò proficiscuntur, & si fame  
sitiq;ue cruciantur, equis quibus insident venas inci-  
dunt, haustoq;ue eorum sanguine sitim famemq; se-  
dant, equis verò huiusmodi venarum incisionẽ ma-  
ximè prodesse putant. Equarum lacte supramodum  
delectantur, quo robustos pinguesq;ue se fieri arbi-  
trantur. Herbis varijs, maximè autem ijs quæ iuxta  
fluvium Tanaim crescunt suauiter vescuntur, sale  
rarissimè vtuntur, ideoq; visum sibi acutiorem ines-  
se dicunt. Quòd si aliquando reges siue duces exer-  
citui suo com meatum distribuunt, quadraginta vi-  
ris vnum equum dare solent, quibus mactatis mili-  
tes carnes inter se partiuntur, præstantiores verò in-  
testina tantum vt rem opiparam & suauioreni su-  
munt, quæ ad ignem parũ calefacta, vt videlicet ad-  
herentia stercora excuti possint, vnà cum cineribus  
& carbonibus de igne otius erepta rapaciter vorat.  
Non solum autem digitos pinguedine perunctos,  
sed etiam cultellum, lignũve, quo stercora deter-  
gunt suauiter lingunt, suguntq;ue. Capita equorum  
apud eos in delicijs habentur, insignioribusque tan-  
tummodo apponuntur. Cibum verò capessuri, lo-  
cum quo cibus apponitur circum sedent, pedibus  
subtus transuersim attractis, eodem quoq; modo  
mẽsam si adest (præcipuè legationem apud Polonos  
Lituanosve obeuntes) circum sedent; præstantiores  
verò super mensem accumbunt, sed suis in regioni-  
bus nunquam ferè in mēsa, nisi super terram come-  
dunt. Insigniores tapetas sibi substernunt.



*Arma Tar-  
tarorum.*

Arma quibus in bello vtuntur hæc gestare so-  
lent, arcum cum pharetra sagittifera, cestum, secu-  
rim, frameamq; Sagittas autem veneno subtiliter  
inficiunt, de quibus etiam Ouidius de Ponto, Elegia  
secunda & tertia ad Maximum libro primo testatur,  
cùm dicit:

*Hostibus in medijs, interq; pericula versor.  
Tanquam cum patria pax sit adempta mihi.  
Qui mortis sæuo gement, ut vulnere caussas,  
Omnia vipereo, spicula felle, linunt.  
His eques instructus, perterrita mœnia lustrat,  
More lupi clausas circumueuntis oues.  
At semel intentus neruo leuis arcus equino,  
Vincula semper habens irresoluta, manet.  
Tectarigent fixis veluti vallata sagittis,  
Portaq; vix firma submouet arma sera.*

Ad eundem Elegia tertia.

*Tartarorū  
scilicet.*

*Maxima pars hominum \* nec te pulcerrima curat  
Roma: nec Ansonij militis arma timet.  
Dant illis animos arcus plenaq; pharetra,  
Quamq; libet longis cursibus aptus equus.  
Quodq; suum didicere diu tolerare famemq;  
Quodq; sequens nullas hostis habebit aquas.*

Idem Tristium libro tertio, Elegia decima.

*Et Sclerius  
ibidem.*

*Sauromata cingunt, feragens Bessiq; Getaq;  
Que non ingenio nomina digna meo.  
Protinus equato siccis Aquilonibus Istro  
Inuehitur celeri barbarus hostis equo.  
Hostis equo pollens, longe q; volante sagitta,  
Vicinum late depopulatur humum.*

*Diffu-*

Diffugiunt alij, nullisq<sup>ue</sup> tuentibus agros  
 Incustodita diripiuntur opes.  
 Ruris opes parua pecus, & stridentia plaustra,  
 Et quas diuitias incola pauper habet.  
 Pars agitur vinctis post tergum capta lacertis  
 Respiciens frustra rura, laremq<sup>ue</sup> suum.  
 Pars cadit hamatis misere confixa sagittis,  
 Nam volacri ferro tinctile virus inest.  
 Que nequeunt secum ferre, aut abducere perdunt,  
 Et cremat infontes hostica turba casas.  
 Tum quoq<sup>ue</sup> cum pax est, trepidant formidine belli,  
 Nec quisquam presso, vomere sulcat humum.  
 Aut videt, aut metuit locus hic, quē non videt hostem  
 Cessat iners rigido, terra relicta situ.

Equos quorum (genus *Bachmat* vocant) ceruice *Equi Tartarorum.*  
 depressa, pusillosque, sed fortes habent, qui more  
 dominorum suorum, laborem inedia mque & cur-  
 sum longissimum diutissime sustinent, ramisque &  
 corticibus foliisve arborum radicibusque vngulis e  
 terra excussis, & euulsis pascuntur, his ita ad laborem  
 assuefactis Tartari commodissime vtuntur. Habent  
 quoque alios eodem nomine appellatos equos ge-  
 nerosos, corporulentos, & obesos, qui caput sursum  
 erectum inter currendum gestant. Hos autem o-  
 mnes equos castratos habent, quibus scilicet in bel-  
 lo vtuntur: tales enim plus laboris & inedia tolera-  
 re posse arbitrantur. Dum autem in regionem ali-  
 quam depopulandam, vel ad confligendum cum  
 hostibus proficiscuntur, vnusquisque eorum binos  
 tresve equos secum ducere solet, vt scilicet vno de-  
 fatigato, in alium ascendere possit: lassatos verò ma-



*Ornatus  
equestris.*

nuducūt, vel ad comedēdū mactāt. In his eqs flumina trāsnatāt, qui forte fugiētes insequētū hostiū vim extimuerint, sellis, vestibus cæterisq; impedimētis à se abiectis, armis tām exceptis effusissimè fugiunt. Equos baiulos qui vitę bellivę necessaria portant, sic assuetos habēt, vt ipsi absq; ductore vel stimulatore equos cæteros (licet ipsis fugientibus aquasve tranantibus,) sequantur. Frena autem leuissima & simplicia habent, flagellisq; præ calcaribus vtūtur; cellas quoq; leuissimas, firmissimas tamen habent.

*Confligendi  
cū hostibus  
ordo.*

Conflictum cum hostibus eminus audacissimè ineunt, in quo non diu perseuerantes, hostibus insequendi occasionem dant, fugientes autē maximè cauendi sunt: nam in hostes inlequentes à tergo tela scitè peritissimeq; retorquent. Tandem conuersis de repente equis in dissipatas hostium insequētium ordines, denuo impetum faciunt, pugnamq; redintegrant. In patentibus autem campis cum hostibus confligunt, agmine sinuoso in gyrum ordinato, quo certior & liberior nulla re obstante, hostem iaculandi via pateret, iamque manus conferentes vndique hostium tela extorquēdo circumferuntur, estque euntium & redeuntium mirus quidam ordo. Ductores verò quos sequuntur harum rerū peritissimos habent, qui si fortè, vel ab hostibus occisi fuerint, vel metu perculsi in ducendis ordinibus aberrauerint, tanta totius exercitus fit confusio, vt nec amplius in ordinem reduci, nec tela in hostem torquere possint, hocque genus certaminis à similitudine *Choream* appellant. In angusto autem loco si fortè eis decertandum venerit, nullus huius ordinationis est vsus, atque ideo fugam arripiunt: nam neque

neque clypeo, nec lancea, nec galea muniti sunt, ut hostem in stataria pugna sustinere possint. In equitando verò hunc morem seruant, ut contractis in sellam pedibus, breuissimè stapedibus insideant, quo facilius in vtrumque latus se possint conuertere, relaque in hostes identidem contorquere, & si quid fortè in terram delapsum fuerit, id continuo, nulla re obstante stapedibus iunxi tollunt. In hoc autem adeò exercitati sunt, ut etiam celerrimè currentibus equis id efficiant, hastis verò lanceisve impediti, in alterum latus subitò se demittunt, altera duntaxat manu pedeque equo adhaerentes, & sic frequenter aduersariorum ictus eludunt. Peditatu inter configendum nunquam vtuntur, arces rarissimè oppugnant, tormentis enim & bombardis vti prorsus ignorant: quòd si fortè aliquas arces dolo occupare, vel igne supposito succedere possent, eas funditus exurunt, captiuisque & exuijs eductis vacuas dimittunt.

Cùm autem incertis & nullis finibus obseruatis sedibus vagantur, inter ducendos exercitus, stellarũ aspectu, maximè verò poli Arctici (qui Slaonica lingua, *Zesefnij Kol*, quasi ferreus stipes dicitur) cursum suum dirigere solent.

Vestibus oblongis ad talos demissis pileisque apicatis communiter tam enim viri quàm fœminæ vtuntur, nec in cultu mulieres à viris quicquam differunt, nisi quod velo lineo caput tegunt. Caligas quoque lineas gestant. Reliqua communis turbaque in campis passim degit, vestes ex ouium pellibus confectas habent, quas non mutant, nisi longo vsu prorsus attritæ laceræque fuerint. Eorum regnæ &

*Vestitus  
Tartarorũ.*



magnatum nobiliumq; præcipuorum vxores, dum in publicum procedunt, facies velis lineis obtegere solent.

*Mutatio locorum Tartaris dulcis.*

Vno in loco non diu commorantur, sed depastis pascuis cum armentis, vxoribus, & liberis, quos in plaustris, & equis secū circumferunt, aliò cōmigrāt, exceptis ijs qui in oppidis degunt. Grauem autem infelicitatem putant, diu in eodem loco morari, iratiquē liberis suis sic graue malum imprecantur, dicentes: O vtinam eodem in loco perinde vt Christianus perpetuò hæreret, propriumq; fœtorem olfaceret. Si verò bello aliquo grauiore vrgentur, vxores, liberos, senesq; in loca tutiora collocant. Quotiescunque in aliquas prouincias excurrunt, eas deprædatis captiuis abductis, igne ferroq; funditus proterunt, & tandem otius fugiunt. Quo verò plures prouincias desolauerint, hoc se regna sua (in campis enim sub dio viuere solēt) ampliora reddidisse dicunt.

*Panis & sum ignorant.*

*Mercatores.*

Homines sunt rapacissimi, alienis bonis semper inhiantes, pecora hominesq; in captiuitatem, præcipuè Christianos abigunt, prædaque & spolijs vitant, laborem enim remq; familiarem prorsus detrectant, inde & panis vsus (exceptis ijs qui sunt confines Podoliæ, regioni Russiæ Polonis subiectæ) penitus ignorant. Auri argentiq; apud illos vsus nullus est, extra mercatores, rerumq; tātum permutatione vtuntur. Quod si aliquid pecuniarum ex spolijs rebusq; venditis à vicinis adepti fuerint, ea vestes in Russia cæteraq; necessaria vitæ comparant. Captiuos in seruitutem quosdam sibi redigūt, cæteros Turcis alijsq; quibusuis extraneis negociato-

ciatoribus aut vendunt, aut redimendos cōcedunt, *Captiuis*  
 virginibus referuatis. Senes autem & infirmos, qui *quomodo*  
 ad perferendos labores inutiles sunt, vel qui magno *ſuntur.*  
 vendi non poſſunt, hos illi iuuenibus velut canibus  
 lepores exponunt, quo prima militiae tirocinia inde  
 addiſcant. Eos itaque illi iuuenes aut ſagittis velut  
 certum iaculandi ſignum conficiunt, vel obtrun-  
 cant, decollant, lapidibus obruunt in aquasque præ-  
 cipitant.

Iuſticia apud eos nulla obſeruatur: nam vt quiſ- *Iuſticia Tar-*  
 que re aliqua indiguerit, eam ab altero impunè ra- *tarorum.*  
 pere poteſt, & ſi apud iudicem de viſſataque iniu-  
 ria conqueritur, reus non negat, ſed ſe ea re carere  
 non potuiſſe dicit. Tum iudex huiusmodi proferre  
 ſententiam ſolet: Si tu viciffim re aliqua indigueris,  
 rape ab alio. Si in contentione aliqua quiſpiam oc-  
 cidatur, authoresque ſcleris capti fuerint, equis, ar-  
 mis veſtibusque ſpoliati dimittuntur: in diſmiſſione  
 verò iudex vilem equum & arcum dat homicidæ  
 dicens, abi, remque tuam cura. Cumq; quietis im-  
 patientiſſimi ſint, mutuò tamen ſe non interimunt,  
 niſi reges inter ſe diſſideant.

Nomina dignitatum apud Tartaros hæc ferè ſunt,  
*Chan* regem ſonat, *Soltan* filius regis, *Bij* dux, *Mur-*  
*ſa* filius ducis, magni nominis vir, *Olbout* nobilis vel  
 conſiliarius, *Olboadulu* alicuius nobilis filius. *Seijd*  
 verò ſupremus ſacerdos dicitur, qui apud Tartaros *Supremus*  
 in tanta authoritate & reuerentia habetur, vt reges *ſacerdos*  
 ei aduenienti occurrant, ſtantesque equo inſidenti *Tartarorū.*  
 manum porrigant, capiteque inclinato manum il-  
 lius oſculantur, idque ipsis regibus permiſſum eſt.  
 Duces verò non manum ſed genua, nobiles pedes



deosculant. Plebei autē vestes tantū aut equū manibus attingunt. Homo priuatus *Xi* appellatur. Officiorū verò *Vlan*, horū autem secunda est à rege dignitas. Nam reges Tartarorum quatuor viros precipuos iuxta se habere solent, quorum consilio in rebus grauib; vtuntur, ex his primus *Schiryn*, secundus *Baryn*, tertius *Gargyn*, quartus autem *Triptzan* vocatur, & omnes sub hoc nomine *Vlan* comprehenduntur.

*Tartarorū  
audacia.*

Fines hij Tartari Campestris nullos habent, sed cateruatim passim in campis degunt, idque à natura inditum habent, vt ab hostibus equis delecti, vulnerati, armisq; omnibus spoliati, semiuivique relictī, manibus, pedibus, dentibusq; quoad & quacunq; ratione possint, ad extremū vique spiritum sese defendere solent, & tunc temporis maximè cauendus est, dum eum victum moriq; incipientem putas: moriturus enim alium post se trahit. atq; hic finis totius descriptionis Tartarorum esto.

RELI-



RELIGIO MOSCHOVI-  
TARVM IOHANNIS FABRI,  
AD FERDINANDVM REGEM

*Romanorum cui a confes-  
sionibus erat.*



Moschouitæ fidem Christianam sequuntur, quam à sancto Andrea apostolo fratre Simonis Petri, primum eis prædicatam affirmant. Ea quoque quæ sub Constantino Magno à CCCXVIII. episcopis, in Nicea vrbe Bithyniæ primo Niceno concilio conclusa, ac à Basilio Magno & sancto Chrysostomo tradita & prædicata fuerunt, tam sancta, tam firma, tam sincera esse credunt, vt ab illis hæctenus nunquam licuerit transuerso digito (vt aiunt) recedere cuiquam, sicut neq; ab Euangelio Christi. Ea quoq; modestia est eorum, vt quæ à sanctis Patribus in suis cõsilijs, semel sunt decisa, nunquam audeat quisquam suæ professionis, in dubium denuo vocare. Verùm si qua vel fidei difficultas, vel ritus religiõis inciderit, vniuersa ad archiepiscopũ ac reliquos episcopos, per ipsorum tantũ spiritũ definienda refertur: neq; quicquã incõstanti vulgo & incõcordi relinquitur. Sacerdotis enim labia custodiunt legẽ Dei, & lex ex ore eius requirenda erit. Habent aut archiepiscopum qui in vrbe Moschouia, in eo loco vbi sedem imperator habet cathedram archiepiscopalem obtinet. Sunt & episcopi quamplures in Nouogradia, vnus, in qua & Isidorus extitit, sub Eugenio pontifice Rom. Cardinalis teste Raphaele Volaterrano. In Rosciua alius,



alius in Sustali, alius in Otiferi, alius in Smolne, alius in Resani, Colmum, Volut, & Frotini præficiuntur episcopi, qui & suas habent diœceses. Hi quidem omnes episcopi, archiepiscopum velut supremum agnoscunt. Archiepiscopus autem ille, antequam Patriarcha Constantinopolitanus à Machometica tyrannide suppressus esset, semper hūc Patriarcham ut superiorem recognouit. Huic tamen Romanum pontificem, veluti Petri successorē præcessisse semper ac meritò fatentur. Neq; hodie huius rei immemor Ruthenorū imperator, adhuc pietatis eiusmodi diligens custos: quotannis enim Constantinopolitano Patriarchæ in hanc usq; horam quo viuere & Ægyptiacæ seruitutis finem aqua mente expectare possit eleemosynam mittere consuevit. Apud Moschouitas ea lex & sanctio est, ut presbyteros & omnes quotquot clerici sunt soli ordinent episcopi. Neq; vlli presbytero vnquam quenquam cōfirmare licet. Hoc enim muneris episcopo soli incumbere asserunt, ut posteaquam tinctus aqua, adultus fiat, per impositionē manuum episcopi & signaculum crucis, adeptæ fidei testimonium reddat, firmeturq; per vnctionem quæ in fronte fieri solet. Idem in cœna Domini chrisma & oleum celebrant, atque conficiunt. Cuius dein vsus sit in baptizando, confirmando, vngendo infirmos. Soli sunt qui instituūt & destituunt presbyteros. Neque vnquam licet laicis in ipsos animaduertere, rectè ob oculos habētes Pauli doctrinam ad Timotheum qua dicit: Accusationem aduersus presbyterum ne admiseris, nisi sub duobus aut tribus testibus. Ita nec se vnquam Imperator ipse de pœnis clericorum ingerit. hoc episcopalis

palis tantum animaduersionis constanter affirmant & predicant ut eos arguat & castiget quos sibi subditos Euangelicus ordo, ac in sortem Domini vocatio fecerit. Habent & episcopi suos vicarios & officiales, quemadmodum & nostri qui iurisdictionem in subditos exercent, & iusticiam in rebus ecclesiasticis administrant. Decimis quemadmodum à Deo decretum est quoque viuunt episcopi: dominijs vtuntur in re concessis villas ac castra possident. Reliqua verò sacerdotum turba, aliquibus decimis, oblationibus, & alijs quamplurimis tam viuorum quam mortuorum aluntur. Pro ijs enim beneficia habent fundata, quorum patroni sunt tam spirituales quam laici. Seueriori tamen cura hic agitur, quam soleat interdum nobiscum, negligentius scilicet. Nemini enim facile aliquod munus Ecclesiasticum commendatur, neque confertur beneficium, nisi prius huic ipsi satisfacere posse comprobetur, per eius rei tamen peritos velut episcopos aut vicarios. Sunt episcopis suae familiae, tum nobilibus tum alijs constitutae. Hi certè sunt episcopi, per quos statque caditque vniuersa Ruthenorum religio. Diuina sepe, quum cum Imperatore conueniunt peragere solent. Pro insignibus huius muneris, baculis vtuntur & mitris. Perinde atque nostri solent episcopi. Ea verò abstinentia est, quae nunquam satis laudari poterit, insignis admodum & magna, tum archiepiscopi, tum reliquorum episcoporum, cibi atque potus, nec minor ferè quam monachis eius regionis, quibus ipsa solet esse refertissima, qui quidem ea lege obstricti sunt abstinentiae, ut nunquam in perpetuum carnibus vesci liceat. Non procul ab vrbe Moschouia monasterium



est amplissimum, in quo trecenti fratres, perpetuò  
ferè sub regula magni Basilij degunt. in quo etiam  
sepulcrum sancti Sergij abbatis, quod ab exteris è  
longissimis etiam agris frequentatur. Multis enim  
miraculis celebre factum est, Christianorum admi-  
ratione non parum dignis. Equibus vel vnicum in  
medium prolatū sufficiet, omnium illustrissimum,  
quod paucos ante annos illic contigit, duobus cæcis  
quidē visus donatus est. Cùm enim abbas ille viue-  
ret, tanta vitæ sanctitate exstitit, vt facillè sibi persua-  
derint, atq; credant iam multa ipsum precibus suis a-  
pud Deum posse efficere atq; consequi mortalibus.  
Ideoq; monumentum eius, crebrò mira cum de-  
uotione accedunt honorantq;. Vniuersi enim tum  
monachi tum virgines Vestales, quotquot sunt in  
monasterijs, vnicæ regulæ vniq;e habitui obno-  
xij, nigro scilicet, vsque adeò religiosè viuunt, vt  
non mirentur solum, verùm etiam summo hono-  
re eos prosequantur. Neque ipsis tam vilis ratio voti  
habetur velut hodie nobiscum. Verùm cùm quis  
ingressus fuerit monasterium, nunquam in perpe-  
tuum quoquo modo, quâve indulgentia ei licebit  
exire, aut aliquo votum irritum facere. Vota verò  
tria sunt quæ exhibent ceu nostri, obedientiæ scili-  
cet, paupertatis, & castitatis. Quæ si quis prætergres-  
sus, è monasterio qui profiliit deprehenditur, per-  
petuo carcere in pœnā tanti sceleris clauditur. Tan-  
ta est votorum sanctitas, vt etiam quamuis multa  
apud Ruthenos archiepiscopi & episcoporum au-  
thoritas sit, in his tamen illis minimè quicquam  
concessum est. Quod vouendum & reddendum  
Domino, vtriusque testamenti scriptura edoceat,  
imò

imò ipsa veritas requirat. Castitatis itaque adeò ratio haberi solet, vt nunquam monachis vxores ducere, neque monialibus nubere liceat. Ita enim à Paulo & tota ecclesia prohibentur. Is autem qui virginem bonæ famæ duxit in sacerdotem ordinatur, in monachum tamen nunquam recipitur. Episcopus autem vel sacerdos, posteaquam cælebs in sortem Domini vocatus atque conscriptus fuerit, coniugio non copulatur, sed perpetuæ castitati adstringitur. Quod si quis concubinatus crimen admiserit (quod tamē apud Ruthenos vitium est rarissimum) acerrima pœna ab episcopo affligitur, suoque beneficio priuatur. Cumque vxor semel mortua fuerit quā primò duxit, in perpetuum quoque aliam in vxorem nunquam ducit. Non bigamum namque, at vnius vxoris virum episcopum instituit Paulus. Et quod pietati collophonium adferre videtur deuotionis spiritum augere, vt cum sacerdos diuina celebraturus est, in coniugio constitutus, maximeque in Missa celebranda obseruari solet, minimè fas esse putant præcedenti nocte cum vxore dormire, periculum enim illic esse verentur, si non cum peccato id fiat. Ideo quoque pro pleniori reuerentia nocte sequenti ab vxoribus quoque abstinent. Ea est in his quidem tanti corporis & sanguinis mysterij reuerentia, is cultus, hæc spiritus persuasio. Videant igitur nunc nostri quàm pollutis manibus hoc sacrosanctum mysterium, pignus omnis redemptionis nostræ tractare soleant. Moueret optatim vel vnicum Dauidis exemplum, qui cum extremo iam ferè ieiunio laboraret, non tamen propositionis panes ab Abimelech obtinuisset, nisi ipse



& serui eius ab heri & nudiustertius ab vxoribus aut alijs mundi fuissent. Cur igitur non mundicie ille quoq; studeret magis, qui vasa Domini, imò ipsum Dominum administraturus est & manibus contrectaturus? Est & aliud officium sacerdotum præcipuum, vt Euangelium Christi populo annuncient, salutem scilicet & pacem: id quod fieri cōsuevit vbiq; omnibus diebus dominicis, festis quoque diuæ virginis Mariæ: Apostolorum item & quorundam confessorum martyrumq;. Verbum autem Domini pari deuotione & prædicatur & auditur. Magna quoq; est illis reuerentia virginis Mariæ, crebris quidem orationibus, veluti Christi mater pro intercessionem apud filium rogatur. Verè enim ea putatur, cum θεοτόκος sit, quæ pro nobis in terris, plurima possit à Filio consequi. Festa itaq; eius Annunciationis, Purificationis, Natiuitatis, Assumptionis, & quotquot deniq; inciderit, ieiunijs indictis, orationibus, missis tum lectis, tum decātatis celebrare, pro communi ritu ecclesiæ solent Græcorum: quemadmodum & toto anni spatio, excepto quadragesimali tempore, quando S. Georgij missam theologi celebrare consueuerunt. Est autem vtraq; missa ter prolixior, quàm sit ea quæ apud Latinos communis habetur. Deuotis quidem mentibus accedunt, illam populi audituri, tanquam participes futuri eius. Solent autem hoc differre illorum Missa à nostra, quod Moschouita in pane fermentato, Græcorum more conficiunt. Calici item tantum aquæ quantum vini rubei miscent: quam aquam & calidam esse volunt, quod ex latere Domini non sine mysterio magno, profluxerit sanguis & aqua, quam calidam fuisse credere

derè fas est: alioqui enim miraculum vix cenferi posset. Hocque Sacramentum corporis & sanguinis à solo sacerdote consecratur, qui veluti nostri ferè, stola alba indutus, tota mente ad Deum eleuata, id efficere conatur mysterium, quod pro sufficienti pignore omnium promissionum suarum Christus, in vltima Cœna reliquit, quemadmodum vniuersus orbis fatetur. Epistolam ite in & Euangelium æquè in Missis habent. At lecto Euangelio, non mox Nicenum illud Symbolum, sed post angelicū cantum, qui Sanctus appellatur, primū fides Nicena decantari solet, cumque dominicæ orationis finis factus fuerit, mox antiphonia de beata virgine Maria sequitur. Consecratio itaque æquè ab ipsis verbis fit à Christo probatis, quibus & eam vim cōcessam credunt, vt prolatis ipsis à sacerdote, mox creatura creatori suo cedat, illudque quasi necessarium esse. Dum verò sic cōficitur, ecce panis iustę magnitudinis hordeaceus apponitur, in cuius medio hostia est, cui crucifixi forma perinde, vt apud nos, impressa cernitur, quam vi benedictionis in corpus Christi cōuersam, sacerdos sibi sumit & manducat, reliquum verò panis per frustra diuisum petentibus distribuit: quem singuli nō vt corpus Christi, sed veluti benedictum aliquem, & quodammodo sanctum panem, cum summa deuotione suscipiunt. Solent itaq; has Missas celebrare de Trinitate, & beata Virgine, deq; alijs sanctis. Et quoniam illis proculdubio Purgatorij opinio est, assidue pro defunctis orant, Missis subueniunt. In qua quidem re tanta illorum est religio, vt plerique bina pro mortuis anniuersaria, vt vocant, agant. Alterum, qui fatalis quo mortuus est die agi-



tur. Alterum autem, quo ab ecclesia institutum, sancti illius, cuius nomen habuit proprium festum celebratur. Ad hæc fiunt frequentes oblationes & elemosynæ Christianorum. Hoc quicquid est rituum & potissimum Missarum, omne quidem ex institutione primævæ ecclesiæ esse affirmant, vti tradunt etiam Chrysostomus, Basilius Magnus, aut Gregorius theologus. Hæc igitur sint brevius dicta quàm vel par sit huic mysterio: Eucharistiæ quidem Sacramentum quantum ipsis in usu est, populo administrari solet, tempore quo Christus ipse instituit: & dein sequuta ecclesia, paschali scilicet, alia tamen ferie forsàn quàm Romana ecclesia faciat atq; decreverit. Baptismum pro Sacramento primo, adeoque præcipuo ducunt. Quapropter hoc si quisquam neglexerit deriseritque, mortis pœna affligitur. Baptisant itaque pueros, in nomine Patris, Filij & Spiritus sancti. Huic muneri fungendo quæcunque necessitas inciderit, nemo hominum sufficere putatur nisi sacerdos extiterit. Prius verò quàm Baptismus administraretur, orationes fiunt frequentes ac deuotæ, à sacerdote, à parentibus, à patrinis, à proximis, ab amicis, & quicunq; deniq; adsunt, quo Deus opt. max. sese è cælo per plenitudinē gratiæ suæ puero per vniuersum vitæ suæ curriculum assistere dignetur. Quibus certè precib. ad Deum fufis, in ecclesia, ad quod peragendum illic baptisterium ordinatum est, aut tempore brumali molestiam frigoris fugientes, in loco secretiori puer baptizari solet. In cuius rei testimonium adhibetur patrini, pro more etiam nostro quibus ex pollicitis incumbit, vt huius baptismi memores esse velint, vt puerum olim, cùm ætas patitur

aut

*Baptismus.*

aut expostularit, in fide erudire non negligent, vt Deum pro tanta gratia laudent, ac otent, vt donum hoc diuinissimum fidei datum, indies augere dignetur. Prælictis itaq; orationibus, atque etiam exorcismis, cū puer fortioribus naturæ viribus apparet, ter totus immergitur, alioquin aqua tingitur, raro tamen, conspersio enim minus sufficiens iudicatur. Oleo & chrismate interim quoq; appositis fronti & scapulis. Sal verò quod à nostris adhibetur, & lutum ex salina, & puluere, non admodū receptum est Moschouitis, abrenunciationem verò trinam fidei quoque confessionem trinam in vsu retinent. Interrogati dein per nos quantum ipsi Circumcisioni tribuerint, num & ipsi in vsu haberent: Procul quidem ab eis abesse responderunt, vt vel scintillam veteris & aboliti Iudaismi obseruent; imò in detestationem illius nec quisquam Iudaorum per vniuersum Ruthenorum imperium admittitur, etiam si multis millibus aureorum hoc consequi præsumeret. Cū verò iam adultus est puer, & perfectam ætatem consequutus, ita vt suæ fidei Christianæ testimonia reddere potest, ad episcopum ducitur, vt confirmationis huius modi fidei Sacramētum recipiat, quod & chrismate in fronte per signū crucis confertur. Administratio verò huiusmodi Sacramēti, nulli concessa nisi episcopis: quo coniecturare licet atque argumenti loco haberi, quandoquidem omnē religionē suam per manus traditā habent ab apostolis, impositionem illam manuum vel in cōfirmatione, vel in ordine sacro, soli episcopo traditam esse, sicq; hætenus monumēta omnia tenuerunt, atq; perpetua obseruatōe custoditū est. De matrimonio si que



dicenda sunt, hoc certum esse affirmarunt, consanguinitatis simul atq; affinitatis, multum curæ ac sollicitudinis esse ipsis, neq; vnquâ facilè negligi, adeò quoq; , vt nec ynquam in quarto gradu repertus sit, qui contraxerit, neq; indultum, verùm perpetuò illicitum. Hoc enim à sanctis patribus sancitū semel, nunquam irritum facere conātur. Et quod plus est, illud quicquid est cognationis quod in baptismo, & confirmatione contrahunt patrini, in vniuersum æquè obseruare solent atque ecclesiæ Romanæ decretis cautum est. Quod si in his decernendis cōcertatio oborta fuerit, lis omnis episcoporum arbitrio dirimitur, ita tamen, vt nequaquam indulgentia causam leniorem fecerint, quo nulla fraus fiat omnino constitutionibus. Adulterij abominatio fortassis maior illis quàm nobis existit. Illud enim summa execratione detestari & persequi solēt. Lex est etiam firma, vt quamdiu vir vixerit, simul alteri nubere vxor non possit. At hoc defuncto primum etiam lege liberatur, alioqui indiuidua consuetudine vitæ cum marito commorandum est. Sacri ordines quoque apud ipsos suis quibusdam obsecrationibus & cærimonijs sacerdotibus conferuntur. Neque illis clauium potestastradita creditur, nisi ad imitationem Christi in aures illorum dicatur, Accipite Spiritū sanctum, quorum remiseritis peccata, remittuntur eis. Huiusmodi certè Euāgelij forma à Christo nobis præscripta, omni huic qui ab episcopo vocatus, ordinatusque in presbyterum fuerit, autoritas tribuitur, qua vel à peccatis soluere, vel ijs ipsis obnoxios sinere potest. Sacerdotali enim hoc ministerio, Moschouitæ ad pœnitentiam vtuntur.

tur. Quisquis namque ad prouectiorem ætatem, atque eam venerit, quæ ingenij sui viribus uti potest, ac discernere inter bonū & malū, rectū & prauum, leprā, & nō leprā, per cōtritionē sese peccasse agnouerit, rectē spiritus cōtribulati sacrificium reddens, *Confessio.* mox ad pedes sacerdotis procidit, & in aurem illi, ut qui sedem Dei teneat, scelera omnia admissa sigillatim, quantum memoria recolligere potest, ex ordine cum planctu aut gemitu declarat, à quo postea beneficium absolutionis, tanquam Christi vicario accipit. Huic rei conficiunda, tempus quoq; habent constitutum: quotannis enim Paschæ festo pro ecclesiastica ordinatione facere coguntur, plerique tamen deuotiores, ad celebriores festiuitates exomologesin auricularem facere non negligunt. Id si quis constituto tempore Paschatis neglexerit, anathema esse solet omnibus, abominaturq; ipse ab omnium conuersatione, adeoq; ab ecclesiæ ingressu coercetur. Confessus itaque, quò dignè particeps fieri possit tãti mysterij corporis & sanguinis Domini, prius per aliquot dies corpus affligat oportet, & in seruitutem vsque redigat carnem suam, reliquosq; pœnitentiæ fructus dignos in testimonium afflictæ conscientiae peragat. Proin ieiunium illud quadragesimale, à Christo & apostolis nobis institutum prorsus affirmat, quo quidē tempore, quoniam omnium procreantium, Veneri commodissimum est, atque pruritus acerbissimos, animantiū cunctorum, non est, quod plus prouocet, opus est summè ut veteris illius Adæ insultus, perdomemus carnis abstinētia, quæ certè abstinētia, apud hos quidē septem hebdomadis summa diligentia perficitur, adeò ut hoc

*Preparatio  
ad sacram  
synaxim.*



tempore in perpetuum nulli suorum hominum carnibus, ouis, caseo, & butyro vesci liceat. Præter hoc etiam à decima die Nouembris, ad festum vsque Natiuitatis saluatoris nostri Iesu Christi, ieiunant: habent & alias hebdomadas continuas, quibus ieiunant, vt in Iunio ad festum Petri & Pauli. Aliquot item hebdomadas in Augusto ad festum assumptionis Mariæ, tum diē Venetis per vniuersum annum, quidam & Mercurij. Votum proin fecerant octo ex peregrinis illis, qui cum sua serenitate fuerunt, vt singulis hebdomadis tres dies ab esu carniū abstererent, Lunæ scilicet, Mercurij & Veneris, id quod diuina gratia hætenus obseruatum aiebat interpretes. Tanta est autem illis harum constitutionum obseruantia, vt quocunque ieiunio piaculum esset, aliquem carnibus vesci aut ouis. Narrabant interim quoq; ex suis inueniri, qui cum ieiunia persoluunt, nihil quod vnquam visum sit vitæ fungi, neq; pisces ipsos ederent. Inueniri & alios qui ieiunio statutis diebus, neque vinum, neq; quicquam aliud potuum bibant. Quare audita ita moti, vt mente, ἐθουσιασµῶ correpti, destituti videremur, quod admodum iniquam esse nostrorum Christianorum cum illis, in rebus istis Christi religionem concernentibus comparisonem apparebat. Nec magis vnquam quicquam animis nostris tenacius inhæsit, quod nos qui nobis ipsis multum persuademus de arbore fidei nostræ, fructu quidem deteriores illis esse contingat. Tuentur & alios pœnitentiæ gradus, quibus Deum nobis reconciliari credunt. Ex quibus & potissimus est oratio, in qua frequentanda non facillè similes reperiri censeo. Omni namq; diluculo cuncti

eti eorum, toto corpore in puluerē ipsum prostrati, prolixas orationes, & quotidianas ad Deum fundūt, & ferè absque omni temporis intercapedine orant precibus. Quarum primum locum obtinet oratio Dominica, dein cum archangelo Gabriele, diua Virgo salatur. Dicunt & fidei professionem symbolo, quod apostolorum esse à veteribus persuasi sumus: & nullus eorum est, qui nō singulis diebus litaniam persoluat. Qui verò ditiores sunt, è quorum facultatibus est magnos pro ijs sumptus posse facere Ruthenicis literis imbuti, libros orationum sibi comparant, earum solū tum quæ ab ecclesia receptæ sunt, cuiusmodi apud Oratores vidimus. Imaginum verò non tam leuis cura, aut contemptus apud ipsos viget, veluti apud nos his factionibus huius sæculi increbruit, præter omnem pietatem: verū vt monumenta, quò nec vnquam immemores beneficiorum Dei fieri cōtingat, præ oculis habent. Frequentes conueniunt in ecclesijs quas & ipsi magnis sumptibus extruunt, orationis domos ex Euangelio vocitantes, quasq; imaginibus varijs crucifixi, diuæ Virginis, apostolorum, & aliorum quorundam ornant, id quod licere sibi ex moribus vetustissimorū Christianorum prædicant. Neq; tam facile ipsos mouet, quod apud Græcos Constantinopoli ante septingentos annos extiterunt, qui imagines idololatriæ conuenire docuerunt, neque fas esse, vt cum verè Christianis reperiantur. Qui certè secunda dein Nicena synodo damnati fuerunt, quotquot pertinaci animo hanc sententiam sunt tutati. Neq; est vt vel vnum aut alterum, qui his vt monumentis vtitur, adorare, facile reperiri queas. Quoniā nemo est



qui vel ignoret à lege prohibitum esse ne veneremur lapides. E contra etiam nullibi scripturæ locus est, quo nō vti liceat ijs monumentis, qui vetet. Imò & in conuiuijs illi ob oculos, ponere consueuerunt monumēta huiusmodi, vt in perpetuum animo obuerfentur, quæ præstitit nobis Deus, atq; facilius recordentur vniuersę vitæ nostræ exempli Christi. At quod è carimonijs est, communē habent nobiscum vsū, in sacris cādelarum. quoniam cera opulentissimi sunt, frugibus verò terræ, & ijs omnibus, quæ ex substantia sunt alicuius, venerandū ducūt Deum, quæ candelæ tunc potissimum accenduntur, quando totius redemptionis nostræ mysterium corporis & sanguinis Domini, Missa à sacerdote cōtrectatur. In organa verò illa Pipiniana, quæ tamen nobis primò à Græcia sunt missa, nullos omnino sumptus faciunt neq; hætenus vsi.

Neq; illud quidem minori, quàm reliqua quæ egregiè faciunt, loco habendū erit, quod plurimum commendatos habent pauperes, quibus quisq; pro sua facultate, atq; quātum Euangelij pietas consulit, exponit eleemosynas, vestit, potat, pascit, hospites colligit, & reliqua agit huiusmodi, quibus filios Dei in vita prouehere potest. Constituunt ad hæc peregrinationes, ad præscripta quædam ac sancta loca, quam rem nunc lubens prætereo. Is quoq; qui morbo aliquo prægrauatus est, cuiusmodi in extremum mortis periculum ducere videtur, non solū aurali confessione sua peccata enumerare solet: verū ad hoc etiam, vt fidem suam testetur in Christum qui hoc modo testamento reliquit se remissurum noxam, sacramento Eucharistiæ prouidetur.

Extre-

Extremam item vnctionem minimè negligit. Tum *Extrema*  
pro ægrotante frequenter fiunt orationes, atque li- *unctio.*

tania res agitur. Sicque tãdem exacta exomologesi,  
pro rituq; communi Christianorum omnibus per-  
petratis, cõfessus ille à sacerdote absolvitur. Septem  
igitur numero Sacramenta habent, velut ea quæ si-  
ne omni fraude promissionum suarũ eum qui pro  
Christiana pietate ipsis vtitur, participem, ac compo-  
tem faciunt. Præcepta item decem eadem authori-  
tate tenent, qua Mosi primò tradita sunt, quasi nun-  
quam intermoritura, certi per verbum eius, quod  
venerit vt impleret legem, minimè vt solueret. In-  
dulgentias ab archiepiscopo & episcopis accipiunt, *Indulgentia.*  
magis tamen castè forsitan ab ipsis agitur in eare,  
quàm à nostris. Impijssimum enim esse dicunt, vt  
quæ ipsi gratis acceperint sibi magnis sumptibus  
redimenda essent. Neque fas est vlli episcopo dare  
potestatem vescendi carnibus. Matthæus, Marcus,  
Lucas, Iohannes, epistolæ Pauli, & reliquæ à nobis  
receptæ cum Apocalipsi, inter canonicas noui Te-  
stamenti scripturas recensentur. De canonicis ve-  
rò veteris Testamenti idem asserunt, quod decreuit  
ecclesia catholica. Pontificem Roma. vt Christi vi-  
carium & successorem Petri agnoscunt. Propterea  
S. Clementis S. Leonis, & diui Gregorij festa apud  
Moschouitas celebrari consueuerunt. Quod autem  
ab eo veluti apostatæ ac schismatici damnentur hoc  
se iudicio iusti iudicis Dei cõmittere, dicebant. Sæ-  
pissime certè tentatum est eos persuaderi, quò ad  
occidentale in ecclesiam redirent. Quæ tamen fue-  
rint, quæ infelicius homini frustrata sint, fortè plus  
profuerit obticere quàm commemorãdo vel scan-



dalum infirmioribus præbere, vel odium quorundam in me cōtrahere. Dissentiunt à nobis in Sacramenti cōsecratione aliquantulum, ac fractione panis. Spiritum sanctum à solo Patre nec à Filio procedere perinde atq; Græci tuentur. Quanquam verò sint apud Græcos plerique qui purgatorium negant, & alij qui purgatorium scripturis probare conētur. In hoc tamen se non facile scissuram pati affirmant, quin id ipsum firmiter cum Romana ecclesia teneant. Missas nostras animo prōptissimo audiunt, neq; aliud magis cruciari aiunt, quàm quod à quibusdam quasi alieni à fide vitentur, quando omnia ferè nostra sacra cum studio obseruent. Festa item quatuor solennia celebrant. Natalis scilicet Domini, Paschæ, & Pentecostes, atq; diei quo mater Domini assumpta est in cælum. Magno loco habēt apostolos, præcipuè tamen sanctum Nicolaum, quem celebrant, honorant atq; intuocant. Diem Palmarum ad imitationem ecclesiæ Rom. celebrant, palmas & oliuas, atq; reliquas huiusmodi arbores benedicētes. Hæcque benedictionem creaturarum, nō solùm ab ecclesia piè receptam, sed & sacris literis rectè fundatam probant. Ex qua enim quæ est in Numeris cap. quinto & decimono apertè mōstretur, quid execrationes possint. Et è Paulo ad Timotheum, sanctificari creaturam per verbum & orationem, notissimum est omnibus. Apud ipsos denique per verba incantari serpentes, per verba eiici dæmones, & liberari obsessos cōmune sit. Per ieiunium enim & orationem expelli Dæmonium Christus post se scriptum reliquit. Signum crucis ac imaginē crucifixi, etiam contra hostes pugnaturi secum deferunt,  
inde

inde triumphari desiderantes vnde & Christus, Sanctos verè pro nobis apud Deum intercedere posse credunt, ac quod sedulò faciant sperant, quorum etiam vota facilius exaudiri autumant. Quare & eos inuocant & venerantur. Eos quoq; qui publicè peccant, excommunicatione persequuntur, quam eorum lingua *Obscha* vocant, quam si quis incurrit, è communi omnium hominum consortio, & cōuersione ecclesiastica eiicitur. Vnicum est quod à nobis sanè probari non potest, & à nostris institutis alienissimum, quod pueris vix dum tres annos natis, Eucharistiæ sacramentum præbent, quodque in pane fermentato coficiunt, & ex cocleari panem vino intritū pro corpore & sanguine populo ministrant. Hi sunt itaq; mores Moschouitarum, hæc religio, illa pietas, serenissime princeps, quæ in vniuersum inclita tua in rebus diuinis procurandis sedulitas ignorare omnino doluit, ideoq; iussu tuo hæc certè illorum hominum perquisita sunt. Data Tubingæ XVIII. Septembris, anni M. D. XXV.

ELVCIDARIVS ERRORVM  
RITVS RVTHENICI, IO-  
ANNIS SACRANI CRACOVI-

*ensis ecclesie Canonici, anno Domini*

*1500. scriptus.*

**E**X omni gente Christianum gerente titulum, præcisa tamen ab vnione ecclesiæ, in defensione sui erroris schismatici, nulla pertinacior inuenitur gente Ruthena. Adeò namque in secta & errore



suo, dura & inflexibilis est gēs, vt nulli scripturarum veritati, nulli Ecclesiasticę determinationi, nulli doctorum Catholicorum, aut conciliorum sententię, assensu cedit vnquam, quando potius visę & agnitę veritati, proh dolor pertinaciter contradicit, & doctos Catholicos, etiam sui ritus viros refugit, sanamque doctrinam eorum odit semper, ac disciplinam salutarem exhorret. Et hæreticorum Valdensium more ( quorum temeratissima rusticitas Innocentij secundi temporibus, virus pestiferum admodum in ecclesiam iniecerat, quod necdum est in Bohemia consepultum ) ambitionis fastu inflati, se duntaxat veros apostolorum, & ecclesię primitiue sectatores audent astruere & in eo, quod abscisi ab ecclesia vltro dissident, eius excommunicationem contra se tanquam schismaticos, æternam reputant benedictionem. Multa contra ecclesię Catholicę ritum, ordinem atque authoritatem blasphemantes, quę sequenti capitulo notabuntur, qui tamen & Græcanico ritu in plurimis abutentes, ab eis semper, & vsque modo pro hæreticis eorum habitusunt, tenti, & reputati. Hi Christianum sanguinem, non minus hostibus crucis Christi sitiunt assidue, toto nisu conantes, vt è medio fideles quosque exterminent, vt sic nomen Ecclesiasticę religionis, apud & inter eos abolitione prorsus interiret, nec probatione aut exemplis externis nobis opus est. Misso quidẽ execrabili, nulla tamen obliteratione præteribili sacrilegio, quod in dominũ Isidorum Kyouiensem Metropolitam, de cõcilio Florentino missum cum collega, quodam episcopo ad se venientes, vt iuxta Florentini concilij determinationem cum Græcis, occiden-

*Valdenses.  
Coronatus  
Innocentius  
Anno 1130.  
sedit in tem-  
plo Dei 13.  
annos.*

cidentalifcu ecclefia Romanæ concorporarentur  
& vnirentur, commiferunt, oppugnatione rabida  
conſentientes nequaquam, tum decretæ vnioni re-  
cens hoc de anno Domini 1500. facinus admiſſum  
vniuerſorum obtutibus ante poſitum innoſceſcat.  
Diuus ac religioſiſſimus princeps, dominus Alexan-  
der magnus, Lituaniæ Dux modernus, ignitus Ca-  
tholicæ fidei amore zelotypo, inſtar Vitoldi incliti  
anſi ſui, qui prima fidei ecclefia fundamenta in Li-  
tuania iecerat, ſecum deliberans, quemadmodum  
in ampliffimo Ducatu ſuo honeſta quapiam ratio-  
ne, ad vnitatem ecclefia ditionis ſuæ Ruthenos re-  
duceret. Dum itaque pia, benigna ac paterna adhor-  
tatione adoriendos ſtatueret, ipſique præſentirent  
propoſitum deuotionis ſuæ in eius cunctorumque  
ſibi ſubiectorum, fidelium perniciem, & extermi-  
nium, rabido furore coniurari duces, & certi primo-  
res eorum, ad magnum Moſchouitarum Ducem  
ſchiſmatis & eorum ſectæ tutorem, è veſtigio defe-  
cerunt. Cuius quidem filiam infectam paterno con-  
tagio, idē Deo deuotus & innocentiffimus princeps  
ſuorum optimatum & armigerorum ſuaſu, & in-  
ſtantia coactus, pacis & affuturæ amicitia fiducia,  
paulò antè thoro matrimonialiter ſibi conſtituit.  
Sanè præfatus Dux Moſchouitarum ad iniuriam ſi-  
bi referens, religioſiſſimi principis huiusmodi pro-  
poſitum, gaudēs hac occaſione ſibi (longè antè præ-  
conceptam) præbitam licentiam, ad inuadenda, de-  
turbandaque ac populanda eius dominia, & ad pa-  
cem vnionemq; Chriſti fidelium cōuulnerandam,  
mox neruis Tartaricarum gentium vicinarum ob-  
firmatus, ſocer genero patentibus indiſtis inſidijs,

*Circiter  
annũ 1386.*



non ante cruentum plenè saginauit affectum, donec innumera millia Christianorum, iam per suos ex Lituario dominio, iam per subinductos Tartaros ex dominijs serenissimi Christianissimique domini Iohannis Alberti Poloniae regis in perpetuam, atque infamem seruitutem abigeret. Hæc enim schismatis huius Ruthenici, vna eademque est voluntas omnium, vt aduersus Romanam ecclesiam, & eius ritum odio fremant, insectenturque eam maledictis suis, & fideles de obedientia eius, fide, bonis, gloria, vitaque nudare, ac priuare moliantur semper, nec mirum. Nam cum non sint de vnitate & societate ecclesiae, & per consequens nec de regno Christi, aliud agere nequeunt, nisi vt adinventionibus varijs, molestant Christi fideles, & persequantur, blasphemantque sanctam matrem ecclesiam. Non habentes illud in prospectu, quod scribit Hieronymus super epistolam ad Titum ;. & habetur XXIII. questione III. capite. Si igitur quomodo Michael archangelus, non fuit ausus Diabolo certæ maledictionis dignissimo iudicium inferre blasphemiae, disputans de corpore Moyse, vt in epistola Iudæ apostoli scribitur, sed dixit imperet tibi Deus. Si igitur Michael non fuit ausus blasphemiae iudicium inferre Diabolo per cuius os maledictum blasphemiae, ipsius exire non debuit, quomodo ipsi Rutheni blasphemare audent seruos Christi, & ecclesiam suam Catholicam, quæ vnica est, & in duo vel plura diuidi non potest, quæ corpus Christi est, qui vnus & indiuisus est, vt habetur 24. quæst. 1. cap. Didicimus c. Schisma & super vnam petram ædificata est, vt habetur 24. questione. 1. capite, loquitur Dominus. Cum & apostolus cuius fingunt

ingunt se imitatores fieri, ad Titum 3. dicat, admo-  
ne ad omne opus bonum paratos esse. Neminem  
blasphemare. Et quia dicit, neminem, Ergo non  
tantum hominem, sed nullam creaturam Dei, vt  
exponit Hieronymus ibidem, & per consequens,  
non ecclesiam Catholicam in qua sola est Christi  
regnum. Nam dicit beatus Augustinus super Io-  
hannem, quod soli fideles Christiani, sunt regnum  
Christi, quod non colligitur, sed emitur sanguine  
Christi. Et in alio loco ibidem, quid est regnum  
Christi, nisi credentes, quod demonstrat etiam Au-  
gustinus in homilia zizaniorum, vbi dicit, hi quos  
schismaticos communionis direpta societas facit,  
spicis corruptis comparantur vel paleis aristarum  
fractis, & ereptis de segete, quæ non similiter cum  
frumento intrant in promptuaria dominorum, &  
contra ibidem Gregorius dicit eos esse zizania, nec  
in vnum concludi sagma ecclesiæ, in qua regnat  
Christus, & non obstante quod ex eodem semine  
Euangelij & nomine Christi procreati sunt. Non  
habent tamen fidei aut ecclesiæ nisi solius Christia-  
ni nominis societatem, quamobrem hostes vnio-  
nis facti, pacis & veritatis, ac in diuersorum errorum  
præcipitium lapsi commentis varijs, quæ monstrosa  
& pestifera hæreticorum ingenia ab initio confla-  
uerunt, statum, auctoritatem ritumque sanctæ ma-  
tris ecclesiæ deprauare non formidant, &  
quæ qualiæue vomant au-  
diamus.



## CAPITVLVM II. DE ERRONEIS

*articulis Ruthenorum qui in hoc capitulo demon-  
strantur esse quadraginta, quamuis mul-  
tò plures sint, quos inferere radio-  
sum fuit.*

## I.

**N**egant Rutheni sanctum Petrum, verum Pa-  
pam & verum Romanæ sedis antistitem & ec-  
clesiæ militantis caput vnicum fuisse, nec accepisse  
plenitudinē auctoritatis à Christo, quod & de quo-  
libet Romano pontifice successore eius tenent, &  
cōmunem eum cum alijs pontificibus esse dicunt,

## I I.

Negant ecclesiam Romanam caput esse eccle-  
siarum omnium principem rectoricē & magistram,  
secundum quod scribitur dist. 23. c. Sacrosancta.

## I I I.

Dicunt omnes obedientes ecclesiæ Romanæ, ve-  
ros Christianos non esse, neque saluandos, eò quòd  
ab ecclesia primitiua discrepent. Se verò solos esse  
veros Christianos asseuerant, sectatores Christi &  
apostolorum, & sic esse de numero saluandorum.  
Imò dominum papam cum ecclesia Romana di-  
cunt hæreticum esse, de hæresi Arriana, & Catholi-  
cos omnes Arrianistas vocant, & anathematizant  
ipsum tempore cœnæ Domini cum suo clero, di-  
cuntque non habere plenam potestatem ligandi &  
soluendi, quod sumpserunt ex sectione seu diuisione  
Græcorum decima ab ecclesia Romana, de qua  
infra.

Dicunt

## I I I I.

Dicunt omnes Latinos ecclesiæ doctores nullius veritatis & efficaciam esse, fuisseque, hinc nec aliquis eorum dicta suscipiunt, quantumcumque forent ab ecclesia suscepta & approbata, nec credunt afflatu Spiritus sancti locutos fuisse aut scripsisse, hinc nec libris aut scriptis beatorum Hieronymi, Augustini, Gregorij, Ambrosij, & ex consequentia aliorum doctorum fidem dant, & eorum auctoritatem nullo modo suscipiunt.

## V.

Dicta doctorum Græcorum suscipiunt, dummodo nihil aduersus eorum errorem in eis inuenerint. Si verò quid ex eis quod aduersus sectionem & ritum eorum erroneum fieret acceperint, corrupta dicunt & vitata esse ac fidem eis adhibere, non debere asseuerant.

## V I.

Sanctos ex ecclesia & fide Catholica, Romanæ professionis & obedientiam blasphemant, & dānant sicut infrā patebit in septimo schismate.

## V I I.

Imagines operis, & artificij catholicorum horrent, & quātum ex eis est, inhonorant, etiam si crucifixi, aut eorum Sanctorum fierent. Sui verò artificij venerantur, dummodo in synagogis eorum locatæ aut pictæ fuerint, aliās non.

## V I I I.

Ecclesias catholicorum spernunt, confutant, inhonorant, ac blasphemiant contra canonem Innocentij tertij de Baptismo c. Licet Græcos. Nec vllam



in eis exhibent reuerentiam facerrimo sacramento nisi coacti, aut metu maiorum offensæ, aut simulara assentatione, & sic de earūdem ecclesiarum consecratione, nihil tenent. Sic & de consecratione corporis Christi dicentes, in azymis ipsum cōsecrari nō posse. Eorum verò synagogas per simplices eorum sacerdotes consecrari posse dicunt, prout de facto consecrant.

## I X.

Statuta Ecclesiæ dictaq; aut scripta seu Canones, & Conciliorum determinationes, ac decreta, nulla esse dicunt, etiam & de primis Concilijs dicūt, quod à septima Synodo omnia concilia nullius efficaciar fuēre, neq; de iure Catholico, quod sine eorū consensu agebantur & approbatione.

## X.

Omnia ecclesię sacramenta profanāt & blasphemant, ridentq; & inhonorant, præcipuè sacramenta Baptismi & sacræ Eucharistiæ, cō quòd non secundum formam ritus eorum fiant.

## X I.

Nullum pontificem Catholicū habere potestatem dicunt chrisma cōsecrandi, solū patriarcham, quem se habere iactant Constantinopoli, per quem si semel consecratum fuerit dicunt, ad annos plurimos illud efficaciam habere ad vnctionem.

## X I I.

Ordines, benedictiones, pontificia, sacerdotia, orationes, ieiunia, indulgentias, iubilēos, & omnia ecclesiastica officia, & ea quæ auctoritate clauium dispensat ecclesia damnant, nec vllius efficaciar dicunt esse. Similiter obedientiam ecclesiasticam auctori-

thoritatemq; rident, & sicut de indulgentijs, sic & de excommunicationibus ecclesiæ nihil tenent.

## X I I I.

Dicunt confirmationis Sacramentum nullum esse. Ideo nec illud accipiunt, sine quo promouent sacerdotes suos, nec habent tempora limitata ad ordines, sed passim & vno die promouēt, & plures ordines conferunt.

## X I I I I.

Dicunt Sacramentum extremæ vnctionis, nullam aduersus peccati reatū medelam cōferre posse, & B. Iacobum vnctionem intellexisse, tamē ad medicinam languoris corporalis.

## X V.

Sicut quandoq; baptizant in acetabulo, id est, in qua acida, expressa de succo pomorū, aut fructuum, confecta cum aqua naturali & fermento: dum aqua pro tempore caruerint, discretionem in aqua non ponentes: sic in defectu vini in eodem acetabulo sacrificant, imò execrant.

## X V I.

In præparatione calicis duas aut tres guttas vini aquæ immiscent calidæ, nec vinum sentitur in aqua absumptum, & damnant ecclesiæ ritum quod aquam frigidam ad calicis præparationem accipiant, & panem fermentatum pro sacrificio recipientes diuidunt bifariam, superiorem partem in panis medio triangulariter, in profundam excidētes, in corpus Christi consecrant. Reliquum panis beatæ Virginis corpus designare dicūt, & in veneratione conseruāt, in cuius panis præparatione farinā recipiunt,



In nomine Patris, fermentum mittunt in nomine Filij, calidam fundunt aquam in nomine Spiritus sancti. Item ad panis sacrificium plures panes affociant & apponunt, vnum in nomine Mariæ, alium in nomine præcursoris, alium in nomine Basilij, tandem Leonis, Helix, & sic consequenter singulis panibus sanctos singulos inuocatione attribuunt. Vnde & in calicibus ligneis, in locis plurimis sacrificant. Vbi pane ex pluribus, vt tactum est polentis exempto, offam quandam faciunt, & consecrant, tandem in consumptionem coclearibus ligneis, & sordidis vorant, & uicas seu reliquias panniculis detergunt, eijciuntque. Sic quoque communicant, & populum coclearibus, ex calice expromendo, & in esum offerendo.

## X V I I.

Sumunt experientiam de calicis consecratione, tanquam dubitantes de consecratione eius. Nam antequam communicant in sacrificio, faciunt eis dari aquam calidam quam infundunt in calicem cōsecratum, vnde si vapor exalauerit, credunt verè illic esse sacramentum, tum primò communicant. Et si pars in calice relicta fuerit, seruatur, & peractis prandijs à sacerdote redeunte voratur.

## X V I I I.

Consecrant pro bellantibus panem similagineum, in corpus Christi, & laicis in bella procedentibus tradunt in manus, qui cū sunt cū hoste conflicturi & iam manus conferturi, replent vas escarium aut pocularium, quod in promptu fuerit aliquo liquore, qui tunc occurrerit, & illic panē illo posito, seipsos ordine communicant.

Sacar-

## X I X.

Sacramentum Eucharistiæ, quod die cœnæ sacræ consecrant, illud solùm dicunt pro infirmis procurandis valere, & non aliud, quod diebus alijs consecratur, & tale ad anni decursum conseruant in calice præparato, quod vermiculosum & tabidum, infirmiori imprimunt cocleari.

## X X.

Ante præparationem calicis incensis cereis, panem consecrandum cum vino, & aqua calida in calicem fusa, velut dictum est, cum reuerentia summa spectandum populo offerunt, & circumferunt, vbi populus pronus cadit veneratur & idololatrat. Et post in altari positum, & consecratum nemo veneratur, neque eleuatur.

## X X I.

Non solùm in forma Baptismi ab ecclesia discrepant, sed etiam in materia. Quanquam vt suprâ in articulo 15. dictum est & sacro Epiphaniarum die, loco fontis ecclesiastici flumina rapidè manantia, dummodo haberi poterunt, pro Baptismate infantium consecrant, instar Iordanis. Et quem puerum in mersione ibidem mori frigore, aut è manibus elabi & mergi contingat, ab Angelo raptum dicunt in cælum, neque mundum eius præsentia fuisse dignum aiunt.

## X X I I.

Sacerdotes eorum communiter non orant, nisi quando missæ officium suo more sint habituri, & quæ aut quales horæ eorum sunt Deus videat. Et dicunt presbytero sufficere ad conscientie purifica-



tionem, cum vxore cubanti & celebrare volenti, quod se fermentata aqua calida abluat, à vertice capitis ad pedum vestigia. Hanc loturam tantæ dicunt efficacix quanta foret confessio.

## X X I I I.

Si casu quis Catholicorum presbyterorum in altaribus eorum celebrauerit, mox velut execratum violant & effringunt, & dicunt quod in vno altari tantum missa vna debet in die celebrari.

## X X I I I I.

Dicunt populum mereri, & magnæ indulgentiæ fieri, quotiens quis hominem Catholicum obedienciæ Romanæ interemerit.

## X X V.

Dicunt suos presbyteros irregularitatem incurere, cum passerem, aut aliquod volatile occiderint, qui non prius regularitatem acquirunt, donec idem volatile sub ascellis gestum ab eis, totaliter computrescat. Hæc eorum est pœnitentia, quæ non esset adeò dura si Christianum hominem occiderint.

## X X V I.

Falso iurare aduersus inimicum & præcipuè contra virum Romanæ professionis nō esse peccatum dicunt. Similiter & decipere, damnificare aut fraudare eundem.

## X X V I I.

Sicut Sabbatum in Quadragesima, nullo modo fore ieiunandum, & peccare eos mortaliter, qui ieiunauerint. Neque Missam celebrandam in tota  
Qua-

Quadragesima, nisi Sabbaticis diebus & Dominicis. Vnde damnant ecclesiam Romanam, celebrantem alijs diebus Quadragesimalibus præter Sabbatum & Dominicum. Et simili errore ante ieiunia sua octo diebus solennisant. Similiter & post ieiunia, carnes vorantes quotidie ferijs sextis. Imò & in Vigilijs, si quæ tum occurrerint. Nec piscibus licere vti dicunt nisi eorum intestinis, cum ieiunia Quadragesimalia peragunt.

## X X V I I I.

Christi fideles peccare mortaliter dicunt, quòd barbas radant, & manducant suffocata. Et similiter damnant Christianos carnes edentes vltima Dominica antè Carnispruium, & consequenter.

## X X I X.

Dicunt licitè vendi posse prælaturas, ac beneficia, aut emi. Similiter & sacros ordines, & quæ beneficia patres tenuere dicunt, filij ad ea ius hæreditarium se habere.

## X X X.

Dicunt viuentem hominem, mortaliter peccare non posse.

## X X X I.

Dicunt fornicationem simplicem non esse peccatum mortale, similiter & vsuram.

## X X X I I.

Dicunt furi sufficere rationem furti sui, septem sacerdotibus repræsentari, & fateri crimen, & petere olei vnctionem ab eis. Nulla tamen post hoc pecunia, nec restitutionis debito debere onerari.



## X X X I I I.

Afferunt non esse purgatorium, solum esse duo receptacula animarum, cælum & infernum.

## X X X I I I I.

Dicunt animam ante diem iudicij beatitudinis gloriam non habere, quod & credunt. Corpore in terra manente. Omnia hæc in concilio Florentino cassata sunt, & per Bullam Eugenij correctæ.

## X X X V.

Dicunt quod viuorum suffragia prosint damnatis in inferno, & non alijs.

## X X X V I.

Dicunt Spiritum sanctum non procedere à persona Filij nisi solius Patris. Aliàs duo essent principia, & duæ spirationes, quod tamen sufficienter explanatum est in Concilio Florentino 1439.

## X X X V I I.

Diuortia faciunt in matrimonijs nulla rationabili causa interueniente, pro sola auaritia & libitu, quæ laici simplices inter coniuges faciunt. Et dicunt quemlibet qui petit separari licere.

## X X X V I I I.

Dicunt secundas & tertias nuptias, ac deinceps, esse illegitimas, nec facere verum matrimonium, nec inde sequi prolem legitimam.

## X X X I X.

Mortuorum tumulos, peracta sepultura iubentur singuli per sacerdotē, suos osculari, & post ipsam sepulturam conuiuantur, vorantes quasdam polentas ab ipsis presbyteris benedictas.

Dicunt

## X L.

Dicunt secularibus dominis eorum præsidibus, licere sine nota excommunicationis maioris verberare & deponere eorum patriarchas episcopos, sacerdotes cuius rei origo cœpit, vt dicetur in 10. diuisione Græcorum ab ecclesia. sunt & aliæ plures leuitates & stultitiæ eorum & errores, quos præsentibus omitto inserere. Satis hinc liquidè patere poterit, quod horrendis erroribus, si veteratores & sectatores prophanam à veritate & salutari ecclesiæ Catholicæ determinatione discrepent, secti ab vnitatem fidei orthodoxæ. Vnde in simplicitate & humilitate simulata, venientibus ad apostolicam sedem, an euestigio credendum dispensandumque sit cum eis de plano, non desimo.

*CAPITVLVM TERTIVM DE PERTINACIA Ruthenorum, qui nec in obedientia, neque in iurisdictione petenda ab ecclesia, Græcos redemptes voluerunt vnquam imitari.*

ET quia in Græcorum atque Ruthenorum schismate claruit semper, & vsq; modo liquidè cernitur, inobedientiæ pertinacia maior esse in Ruthenis quàm in Græcis, qui non solum animaduertere volunt potestatem & iurisdictionem omnem, non nisi ab ecclesiæ Catholicæ auctoritate manare: nec aliunde consequi eam oportere. Quin potius imperium auctoritatemque eius omnem nihili ducentes, à tertia Græcorum ab ecclesia sectione, seu ab Ephesina synodo hæretica diuisi cum eis ab ecclesia,



Vbi Dioscorus Alexandrinus episcopus Leonem papam primum contumeliosis verbis afficere, & excommunicare primus temere ausus est. Post in Chalcidonensi catholico concilio damnatus, nunquam deinceps vniri ecclesiæ voluerunt.

*Græci duodecies defecerunt à Romana. eccles.*

At verò Græci post eandem diuisionem tertiam, redire nouies perhibentur. De quorum abitione & reditionibus præsens quoque capitulum introducit incidentaliter. Græcos itaque seu Orientales ecclesias à Romana seu Occidentali ecclesia omnium ecclesiarum matre & magistra, cui singuli quique omnium conditionum statuumque subesse & obedire, eamque sequi, venerari, ac in credendis audire tenentur, velut habetur Distin. 19. cap. in memoriam: duodecies præcidi legimus per diuersas hereses & schismata. Ipsam tamen Romanam ecclesiam, semper in vna vera & solida fide Catholica perstitisse, perstituramque ad sæculi consummationem iuxta illud Lucæ 22. Ego rogaui pro te vt non deficiat fides tua. Secundum quod & beatus Hieronymus ad Damasum papam dicit, & habentur verba eius 24. Quæstione. 1. Can. Hæc est fides. Sacra Romana ecclesia, quæ semper immaculata permanfit, Domino prouidente & beato Petro apostolo opem ferente in futuro permanebit sine vlla hereticorum insultatione, scilicet præualente, atque firma & immobilis omni tempore persistet.

Vnde huiusmodi præcisiones eorum, post translata imperij sedem ab vrbe Romana in Constantinopolim per Constantinum Imperatorem secutas legimus ad illam vltimam, in qua nunc obstinati persistunt, quæ post Florentinum cõcilium accessit.

*Qui-*

Quibus redeuntibus, tamen minus susceptionis ab ecclesia gratiose impendebatur semper, vt habetur 22. Distinctione. Ca. Sacrosancta. Quæ quidem Orientales ecclesiæ, principales & patriarchales fuerant quatuor: Constantinopolitana, Alexandria, Antiochena, & Hierosolymitana. Quæ iam diuissim, iam quandoque coniunctim se ab obedientia ecclesiæ Romanæ subtrahebant. Constantinopolitana tamen ecclesia, fiebat semper alijs occasio huiusmodi abcessionis.

4. Patriar-  
chales eccle-  
sia.

Vnde prima sectio fuit anno Domini 335. tempore Iulij pape & Cōstantini imperatoris, Constantini magni filij, Arriana hæresi plurimum infecti, qui seductus per Eusebium Antiochenum, patriarcham, & alterum Eusebium Nicomediensem episcopum, ambos sectatores Arrij hæretici: qui in Alexandria dogmatizabat. Filium in quantum Deus, minorem esse Patre. Imò potius dicebat eum creatum esse non Dominum non coæternum, nec eiusdem substantiæ cum Patre, & alia nefanda plura: multas & graues persecutiones intulit omnibus catholicis, tam Orientalibus quàm occidentalibus, quosdam suffocans quosdam in exilium condemnans.

Prima diuisio  
Gracori  
à Romanis.

Eius igitur fauoris fiducia, idem Eusebius patriarcha Antiochenus, non quæsitæ papæ licentiæ: volens determinationem Niceni concilij in Symbolo dammare de consubstantialitate Patris & Filij: Concilium in Antiochia congregauit. Et ad illud cunctos episcopos Catholicos citari fecit. Vtpote Anathasium Alexandrinum episcopum, & patriarcham Paulum Constantinopolitanum, Marcel- lum Anchiræ episcopum, & Lucianum Andrioli-



tem, qui Orthodoxæ fidei erant veri zelatores.

Illi verò pro eo, quod sine papæ consensu interueniente factum esset: ad tale cōciliabulum venire contempserunt. Quapropter per eum excommunicati ad Iulium papam appellârunt. Eusebius verò literis papæ de audacia temera correptus atque citatus ad reddendam de tanta præsumptione rationem, spreto mandato papæ ab obedientia sua & ecclesiæ Romanæ se subtraxit. Mox in exilio Paulum Constantinopolitanum episcopum, eius suggestu imperator clâm sub altari in Ensa ciuitate suffocari præcipiens, Eusebium Nicomediensem hæreticum transtulit in sedem Constantinopolitanam. Quæ ab eo annis duodecim, pòst à Macedonio hæresiarcha Spiritum sanctum creaturam asseuerante occupata anno vno. Tandem à tribus alijs hæreticis Eudodio Demophilo, Euagrio, annis viginti tribus residentibus, vsque ad Felicis papæ, & Theodosij Catholici imperatoris tempora sub sessione tenta est & gubernata. Donec à Gregorio Nazianzeno suscepta, ab huiusmodi erroribus & schismate fuerat purgata & reunita ecclesiæ Catholicæ, ac sub obedientia Romani pontificis tenta est. Posthæc annis 45. sub quinque pontificibus Catholicis, videlicet Nestorio 16. Chrysostomo 6. Arsacio 2. Achito 20. Sisinio 1.

Secunda diuisio fuit tempore Cælestini papæ & Theodosij imperatoris iunioris, anno Domini 406. Cùm Sisinio episcopo Constantinopolitano mortuo, Nestorius præbyter Hæresiarcha occultus, de Antiochia ad illam sedem vocatus esset, qui in concionando dogmatizabat, primò:

Quòd

Quòd nullus audeat beatam Virginem dicere matrem Dei sed Christi, quia non genuit Deum sed hominem, cùm Deus generari nequeat ab homine. Dicebat quoq; duas in Christo personas distinctas vnam Filij Dei, aliam Filij Virginis.

Idem dogmatizabat Spiritum sanctum, nec esse à Filio, nec habere existentiam à Filio, sed à Patre solo procedere. Hunc errorem Phocius maximè plantavit in Græcis, vt infra patebit de processione Spiritus sancti, quem vsque modo Græci errorem defendunt cum Ruthenis. Hunc Cyrillus Alexandrinus episcopus, vir Catholicus venerationis plurimæ apud Græcos, plurimis epistolis reprehendit, de tam impio errore. Detulitque eum papæ Cælestino, qui sibi mandauit vt Cyrilli scripta catholica susceperet, & corrigeret errata, & credendis, ecclesiam Romanam sequeretur. Qui tandem mandata papæ respuit, ei que contempsit obedire. Et quia nulla alia orientalis ecclesia eum secuta fuerat, sed nec tota Constantinopolitana. Quia multi clerici & laici resistebant suis erratis. Idcirco durare non potuit schisma & ille error. Nam post triennium Synodus vniuersalis per papam Cælestinum in Epheso celebrata est. Vbi congregatione ducentorum episcoporum eadem est hæresis reuocata. Et constitutum vt nullus aliam fidem exponeret vel doceret, quam illam quæ scripta est à sanctis Patribus 328. in Nicena synodo congregatis de qua synodo in. C. Canones. dist. 15.

*Concilium  
Ephesinum  
anno 430.*

Tertia diuisio fuit, generalis omnium ecclesiarum Orientalium tempore Leonis papæ, primi & præfati Theodosij iunioris imperatoris, anno Domini



quādringētesimo, quadagesimo quarto: dum post mortem Cyrilli Alexandrini episcopi doctoris Catholici, & zelatoris fidei Orthodoxæ, Dioscorus sedem eius accepisset, & ecclesiam Constantinopolitanam Flavianus Catholicus episcopus tenuisset. Monachus quidam Eutyches nomine Archimandrita, id est, plurimorum monasteriorum præses, seu abbas, qui Nestorij hæresim vehementer impugnans, duas in Christo personas asseuerantis in aliam illi oppositam incidit, dogmatizando vnam tantum in Christo naturam fuisse diuinam, & humanam absumptam esse, & in illam conuersam. Dumque Flavianus Constantinopolitanus, illum hæc palam concionatē redargueret, & eius pertinaciam nequiuisset moderari, vt hæreticum de ecclesia eiecit, & abstulit monasteriorum gubernationem. Qui dum appellasset petiissetque Concilium generale, ac se iudicari super erratis ab Dioscoro Alexandrino episcopo, Leonis papæ dicti auctoritate, synodus congregata est in Epheso, & legati missi qui nomine papæ illi præsiderent, Dioscorus monachis vallatus & militibus, veniens ad synodum, cōtra papæ mandatum violenter synodali præsidentia usurpata, cogebat omnes vt subscriptione faterētur Eutychetis fidem esse Catholicam.

*Hæresis Eutychesis.*

Quo viso legati papæ fugerunt, ne errori tali & eius temeritati cōsentirent, qui tandem Flavianum episcopum mox detinuit, & pro sententia aduersus Eutychetem lata tanquam iniusta, coniecit in carcerem, appellantemque ad papam noctu fecit iugulari. Quo quidem iugulato, archidiaconum suum nomine Anatolium suæ opinionis, in episcopum Con-

Constantinopolitanum consecrauit, & Eutychem restituit officijs & monasterijs. Similiter Antiochenum tunc episcopum restituit, & alios quatuor. Et in eius sedem quendam nomine Maximum, equè hæreticum instituit, vt sic contra papam firmaretur. Quo tempore Hierosolymitanam quoque ecclesiam administrabat Iuuenalis episcopus, & pariformiter in omnibus consentiens. Sic itaque ecclesias Orientales omnes sibi concilians, ad inobedientiam papæ prouocauit. Audiens Leo papa & gesta omnia illius synodi irrita faciens, scripsit Imperatori vt annueret aliam synodum fieri intra Italia: vt & error ipse, & Dioscori nequitia corrigeretur, qui ecclesiam perturbauit. Ille verò non solum non annuit, sed & decreta dictæ synodi potenter defendit. Sic itaque Dioscorus ab obedientia papæ cum ecclesijs Orientalibus se subtrahēs, omnium primus contra papam non solum libellum famosum scripsit, caput eum putridum nuncupans; sed etiam temera præsumptione ausus est papam excommunicare. Et ista sectio stetit toto tempore Theodosij & durauit annis septem. Nullū enim aliud Imperator concilium voluit admittere vt in loco quopiam celebrari potuisset. Verū dum Imperator Catholicus Martianus, Theodosio mortuo in imperium successisset, papæq; annuisset vbi vellet synodum celebrare & intercessisset pro Anatolio Constantinopolitano episcopo qui timore depositionis ad vñionem accedebat, vt suæ sessioni consentiret, papa tandem & Anatolium suscepit & confirmauit.

*Papa exco-  
municatur.*

Et in Chalcedone ciuitate synodo sexcentorum triginta Patrum congregata, cui & Imperator in-

*Synodus  
Chalcedo-  
nensis anno  
453.*



tererat, vt habetur Dist. 96. C. Nos ad fidē ecclesias ipsas ad vnionem cum eis suscepit, & Eutychetis hæresim damnauit. Et declarauit in vna persona Iesu Christi, duas esse naturas distinctas, & cōstituit beatam Virginem matrem Dei dici debere Gracē θεοτόκος. Toleratisq; tribus episcopis in ecclesijs eorū scilicet Constantinopolitano, Antiocheno, & Hierosolymitano, solū Dioscorum Alexandrinum condemnauit, ex eo præcipuē, quod fuerit ausus leuare contra papam excommunicationem, vt habetur Dist. 21. C. In tantum. Et exinde fuit aliqualis turbatio in Alexandrina ecclesia ex parte cleri & populi particularis, qui Dioscori partibus fauebant. Hic Leo epistolam daturus Fabiano Constantinopolitano episcopo, contra hæreses Nestorij & Eutychetis, prius eam posuit supra sepulcrum beati Petri apostoli petens errata corrigi, & quæ deficerent in ea suppleri. Die tandem quadragesima beatus Petrus illi apparens dixit: Legi & emandaui, vnde vidit in ea aliqua manu Apostoli emendata, aliqua suppleta.

*Petrus apostolus mortuum scripsit.*

Quarta diuisionis fuit per Achatium Constantinopolitanū episcopum, in Orientalibus ecclesijs concitata tempore Simplicij papæ & Zenonis imperatoris, anno Domini quadringentesimo, septuagesimo. Cui diuisioni Sectio in Alexandrina ecclesia occasionem præstitit. In qua sede vacante, Catholici suum elegerunt episcopum, nomine Timotheum Fasciolū, & heretici suum etiā nomine Timotheum Elurum, qui dum vix anno vno viueret, substituerūt ei alterum, scilicet Petrum Mongium. Achatius tandem ingratus primū de Petro Mōgio à papa Simplicio

plicio literis obtinuit, vt nullo modo Petri Mongij  
fessionem cōsentiret, sed potius auctoritatem ei con-  
ferret, ad eiiciendum eum de sede tanquam hæreti-  
cum. Qua concessa vsus suffragio & potestate impe-  
ratoris, Petrum Mongium eiecit, & solum Timo-  
theum Fasciolum Catholicum in sede reliquit. Quo  
breui mortuo, clerus Iohannem Catholicū virum  
elegit in episcopum. Et quia consuetum fuerat epi-  
scopis nouiter confirmatis, papæ & patriarchis ac  
coepiscopis suis literas synodales mox mittere, & in  
eis fidem profiteri: Iohannes, facta suorum synodo,  
ex ea papæ literas synodales misit. Misit insuper An-  
tiocheno & Hierosolymitano episcopis. Miserat  
non minus & Achacio Constantinopolitano, quæ  
neglectu nunciij redditæ sibi non fuerunt. Ille verò  
despectum huiusmodi ad iniuriam sibi referēs, cum  
Petro Mongio à se deposito, tunc Constantinopoli  
præsente conuenit: conciliatoque Imperatore voto  
suo Iohannem ipsum de sede repulit, & Perrū Mon-  
gium restituit. Expulit & Antiochenū episcopum  
& hæreticum quendam Petrum nomine in sua se-  
de constituit, quod & fecit patriarcha Hierosoly-  
mitano. Et sic omnes ecclesias Orientales suis fau-  
toribus occupauit & rebelles fecit Romano pon-  
tifici. Et quamuis in tali sectione papa plures illi mi-  
serit epistolas corripuitque eum de temeritate & ille  
nihili duceret omnia, deposuit eum. Ille verò nihilo-  
minus Constantinopolitanam sedem imperatoris  
fauore & præsidio occupabat diutius. Quo deinde  
mortuo Flauitius in episcopum Constantinopoli-  
tanum electus, noluit nisi de approbatione papæ in  
sede residere. Quo vnico anno sedente Eufemia-

*Mos episco-  
porum no-  
uorum.*

*Achatius e-  
piscopus Cō-  
stant. eccle-  
sias turbat.*



nus electus, cum simili consensu papæ petito sedem accepit, & annis sex in ea sedit, donec ab Anastasio imperatore hæretico, qui Zenoni successerat deponeretur. Cui Macedonium substituit nequitiarum omnium sentinam, scripturarum falsificatorem. Quo deposito post annos tres Timotheus hæreticus surrogatur in sedem, qui diuinam naturam in Christo passam dicebat, & tenuit sedem annis sex. Et sic hæc scissio durauit annis 45. vsq; ad tempora Iustini imperatoris Catholici, qui succedens Anastasio, Iohannem Timotheo mortuo, in Constantinopolitana ecclesia sedere fecit, & sic ecclesiam Orientalem cum Occidentali vniuit. Quæ vnio durauit ad tempora Iustini imperatoris & Agapeti papæ.

Quinta diuisio fuit circa annum Domini quingentesimum octogesimum, tempore papæ Pelagij & imperatoris Mauritij, quæ venit ex fastu & superbiæ tumore cuiusdam Iohannis Constantinopolitani episcopi, qui se pro papa vniuersali gessit, & se papam vniuersalẽ appellari fecit. Dicebat enim quod ciuitas imperialis debet esse etiam sedes pontificis supremi. Quemadmodum Roma fuerat antè.

Vnde non ex aliqua hæresi, sed sola superbia hæc scissio prouenerat, vnde Pelagius papa corripuit eum epistolis suis, & friuolam eius rationem elisit. Similiter beatus Gregorius primus, qui Pelagio anno Domini 590. successerat, scripsit ei, & imperatori Mauricio suam superbiam redarguens, vt patet in Registro suo, & Dist. 99. ca. Nullus. & ad supprimendam tam temeram superbiam suam, humilitatis titulum sibi apponens, se in literis omnibus seruum seruorũ Dei intitulare cœpit. Quem vsq; modo sequuntur

*Iohānes papa  
vniuersalis  
titulum  
& surpat.*

*Seruus ser-  
uorum Dei.*

quantur omnes Romani pontifices, licet quidā putent Damasum papam hunc primū titulum assumpsisse, & ab alijs successoribus fuisse prætermisum, donec à beato Gregorio continuaretur. Hæc diuisio pauco tempore durauit, quia mortuo Iohanne successor eius in illa elatione non perstitit, sed ad ecclesiasticam vnionem accessit. Quibus temporibus fuit Artenius hereticus episcopus Constantinopolitanus, qui dogmatizabat vnā tantum fuisse in Christo voluntatem & operationem. Quem papa Pelagius veniens Constantinopolim eiecit de sede, & sub iisdem temporibus quinta synodus celebrata est auctoritate papæ Vigiliij, imperante Iustiniano.

*Quinta Synodus.*

Sexta diuisio fuit, & cœpta est Sergij papæ & Heraclij imperatoris temporibus, anno Domini sexingentesimo octogesimo, & durauit annis 65. ferè vsque ad tempora Agapeti papæ & Constantini quarti imperatoris Catholici, filij Constantini tertij omnium imperatorum pessimi ex Heraclio geniti, qui papam Martinum ab vrbe Constantinopolim tractum, damnauit exilio in Cersonam, vbi loci & beatus Clemens exulabat. Quam diuisionem & scissionem fecit Sergius episcopus Constantinopolitanus hæreticus, qui similiter vt Artenius tenuit vnā voluntatem & operationem fuisse in Christo & pertinaciter stetit sub inobedientia cum alijs sex episcopis, videlicet Piro, Paulo, Petro, Thoma, Piro, Theodoro se sequētibz hæreticis fiducia Heraclij, qui Heraclius post multa facta egregia, de quibus mētio fit in Legēda exaltationis sanctę crucis, quæ pro fide & ecclesia fecerat, lapsus erat in eundē errorē Arteniij, suggestu Sergij seductus, do-



nectempore Agapiti papæ Theodoro, in Constantinopolitana sede, Georgius vir Catholicus successerat, & Constantino tertio imperatori, filio Heraclij deteriore patre in hæresi. Constantinus quartus filius eius princeps Catholicus succedens gessit imperium, sub quibus ecclesia iterum vnita fuit. Et sexta

*Sexta Synodus.*

Synodus vniuersalis de qua distinctione sedecima capitulo sexto Synodus, per Agathonem papam celebrata. durauit vnio quasi annis viginti tribus ad tempora Iohannis papæ sexti, tenentibus sedē Constantinopolitanam successiue quatuor episcopis Catholicis, Georgio, Theodoro, Paulo, Calonico. donec Titus successerat eidem Calonico hæreticus de errore Arteni.

Septima sectio cœpit à Tiro Constantinopolitano episcopo hæretico, ferè totidem annis durans vt præcedens. Incipiens tempore Iohannis Papæ sexti, qui Græcus, fuit, durauit ad tempora Adriani papæ primi, & Constantini imperatoris quinti, qui cum Hirene matre rûctenuit imperium. Qui Titus, cum duobus successoribus Iohanne & Germano sedit, sedi Romanæ inobediens annis 24. hæresim tenens Arteni. Quæ quidem hæresis in successore Germani finem accepit. tamen alia consurrexit scilicet sub Anastasio, qui annis 24. sedit in sede Constantinopolitana ecclesiæ Romanæ inobediens, cum successoribus duobus, Constantio & Niceta. Vnde hæresis Iconomachorum consurrexit in destruendum & persequentium imagines. Contra quos est capitulum de Consecratione dist. 3. Venerabiles imagines. De qua hæresi fuit Anastasius cum duobus sequentibus.

*Iconomachi.*

Terasio

Terasio tandem episcopo Catholico Nicetæ succedenti in eccles. Constantinopolitana, qui in ea sedet An. 12. Et Imp. Constantino V. cum Hirene matre sua imperium gubernante, viro Catholico, synodus per Adrianum papam primum, in Nicea ciuitate Asiæ celebrata est, anno Domini septingentesimo septuagesimo quinto, & vnita ecclesia. Ibi-  
dem fuerat synodus illa quam tempore Constantini imperatoris Syluester papa congregarat. Et durauit vnio ad tempora Leonis imperatoris, qui fuit Armenus genere, & Baro Michaelis imperatoris: & occiso Michaelē, qui post Constantinū V. & Hirenē imperauerat, quæ filium Cōstantinū eundē exoculatū, in carcerē cōiecerat, quod eam priuarat imperio. Imperiū tyrānicē inualit & occupauit, ac sopitā hæresim Iconomachicā à cōcilio septimo re accēdit, tēporibus Nicephori patriarche Cōstantinopolitani, qui Terasio successerat, & sedet annis nouem.

*Nicena synodus.*

*Hirene impiaregina.*

Octaua diuissio circa annum Domini octingentesimum trigessimum, tempore dicti Leonis imperatoris fuit, sub tribus Patriarchis Constantinopolitanis hæreticis, Iconomachicis, scilicet Theodoro, qui sedet annis sex, & Antonio, qui sedet annis tredecim, & Iohanne, qui annis nouem.

*Octaua synodus.*

Qui tres nominatim anathematizati sunt, per octauam synodum, & durauit annis quasi 27. Donec Methodius vir Christianissimus in sede Constantinopolitana sedet. Sub quo totaliter defecit hæresis Iconomachica, qui annis quatuor residens ecclesiam iniuit. Cui Methodio cū Ignatius vir sanctus, & constans, miraculis successisset, & cū iam sedisset annis 11. per imperatoris Michaelis, qui Leoni



in imperium successerat, auunculum, Vardam nomine, cognomento Ebriosum, de sede pulsus est.

*Phocius S. sanctū à solo Patre proce- dere docuit.* Qui excommunicabat eum, quòd spreta legitima uxore nurū suā superduxerat, nec absolvere voluit, nisi rediret ad pristinū cōiugium: & per violentiam fecit eligi quendā Phocium laicum scelestum hominem in patriarcham Constantinopolitanum.

Nona diuifio cœpit à prænominato Phocio Nicolai papæ primi, & Michaelis imperatoris temporibus, circa annum octingentesimum quinquagesimum octauum.

Nam petēte dicto Michaele imperatore vt papa Nicolaus Phocium ad sedē Constantinopolitanam cōfirmaret, papaq; hortaretur, è cōtra pluribus eum literis vt Ignatium iniuste à suis inferioribus, contra Canones depositum restitueret sedi sue, vt habetur 21. Dist. C. Inferior sedes, cum 5. capitulis sequētibus. Dumq; cerneret ea in re obstinatiorem imperatorem, Phocium deposuit, & multas contra eum excommunicationum sententias promulgauit.

Ipse verò fauore & præsidio imperatoris sedem occupabat violenter, modum & viam quærens conatu toto, quo se ab obedientia papæ eximeret. Et quia veteres hæreses sensit ea in re nō fore sibi profuturas, nouam confluxit.

Nam versuta calliditate constituit quasi generale Concilium comportare, vt pertinaciter de processione Spiritus sancti Nestorij dogma defenderet. Quod quia sine papæ auctoritate & consensu facere nequiuerat: subduxit ignotos viros, eos esse legatos simulans, nō solum Romanæ ecclesiæ, sed etiā principium sedium aliarum, scilicet Alexandrinæ, Antioche-

tiochenæ, Hierosolymitanæ. Et congregans metropolitans & episcopos per se agebat omnia. Nicolaum papam, multis criminibus accusando, maximè quòd excommunicatus esset, eò quòd ad Symbolum addiderat Spiritum sanctum & à Filio procedere, & esse depositum gestis tertij Concilij cōtra cuius decreta fecerat. Quæ pertinacia magis imbuit Græcos in hoc errore, & eos irritauit contra Latinos, qui & plures ac varios accusatores cum testibus subduxit, vt coram Concilio contra papam acclamerent. & sic adiudicauit contra papam vt petebatur. Et hæc scissio stetit annis nouem durante eodem Phocio & *Ebrietas mala.* imperatore Michaelē. Quo deinde Michaelē occiso, per Basiliū collegā suum, qui veritus ne in ebrietate furens eum aliquādo occideret, qui etiā carissimos suos in hoc furore solitus fuerat occidere, eū occidere maluit, & possesso imperio, voto papæ Nicolai parens, Phocium de Cōstantinopolitana sede expulit, & Ignatium reuocatum in ea collocauit. Iste ergo Phocius procurauit diuisionem plus alijs inter Græcam, & Latinā ecclesiam occasione processionis Spiritus sancti tantum à Patre, & Græcos in eo seduxit, cum eorum sequacibus Ruthenis. Interim papa Nicolaus moritur, & Adrianus secundus eligitur in papam, qui similiter omnia facta contra Phocium per Nicolaum cōfirmavit. Et missis nihilominus legatis tribus in Græciam, Donato, Stephano episcopis & maximo Diacono, discernere cōmisit eis inter Ignatium & Phocium. Illi cōuocato Cōcilio inuenerunt detectas fraudes, falsitates, & varias fictiōes Phocij. Vnde cū nollet fateri crimina, neque pœnitere pro tot reatibus, anathematizauerūt eum cum tota



Synodo duodecim anathematibus, & expulerunt à Synodo, vnde vnita fuit ecclesia. Qui Phocius nihilominus clam varias machinationes instruens, dolo cuiusdā à se cōfecta, & tanquā veteris prophetiæ in vulgus emissæ, & velut sibi diuinitus reuelatæ ad intelligendum, gratiam Cæsaris adquisiuit. Sic quod post mortem Ignatij, vi quadam cum in sedem Constantinopolitanam reposuit. Ipse verò falsitate solita literas Iohannis papæ octauī super sua confirmatione, tanquam ad petita imperatoris cōfinxit & sedem occupauit, donec Stephanus papa Iohannis octauī successor eum palam deiecit & expulit.

Decima diuisio fuit tempore Constantini sexti filij Basilij, qui Monachus dictus est. Et Leonis papæ noni, qui fuit anno millesimo quinquagesimo, quo tempore quoque fuit Michael quidam illiteratus homo & ambitiosus, patriarcha Constantinopolitanus. Cui Constantino dum Sicilia fuisset subiecta, veniensq; ad eam cum thesauris multis & gemmis, & urbem & ecclesias eius spoliasset, misissetq; Constantinopolim ad constructionem monasterij sancti Gregorij, mox in eius egressu rebellauerunt, & regem sibi constituerunt, Leoni papæ querela super tyrannica Constantini expoliatione exposita. Quo cognito Imperator dum apud papam instaret, vt eos à defectione per excommunicationem retraheret ab vna ipse quoq; ab altera parte armis huiusmodi rebellionem se frenaturum disponderet : Papa rescribente quod id facere sibi non liceret, eò quòd iuxta querelam Sicularum occasionem solus præstitit rebellandi.

Indi-

Indignatus Imperator iudicauit papam eorum defectionis esse authorem. Et non valens se de papa quouis alio modo vindicare cum Gracia tota ab eius obedientia se subtraxit. Ad quod facinus parati semper Graci extiterunt.

*Gracia deficiit à papa Romano.*

Constituens igitur patriarcham Constantinopolitanum vniuersalem papam facere tractatu super ea re cum Michael patriarcha Constantinopolitano habito: ipsoque homine ambitiosissimo annuente voto suo, conuocato concilio, episcoporum omnium Orientalium, coram eis dictum Michael vniuersalem patriarcham orbis totius pronuntiavit, & dextravit eum super equum insidentem per hypodronium palatij, prout imperator facere papæ solitus est, ducens frenum equi sui aliaque omnia insignia papalia ei contulit.

*Imperator papæ equis.*

Mox miser stulta elatione inflatus, Romanum papam in illo conciliabulo cum omnibus occidentalis ecclesiæ episcopis ac clero vniuerso denunciavit esse depositos & excommunicatos. Quia contra Niceni concilij determinationem addiderunt symbolo, Spiritum sanctum à Filio procedere; quod Nicæna eadem synodus non posuerat. Et in sequente synodo iterum decretum fuerat: omnem qui aliam fidem teneret vel doceret si foret clericus deponi: Si laici excommunicari debere. Quo facto dixit ad se iure pertinere regimè vniuersalis ecclesiæ cum esset patriarcha primus post Romanum pontificem nec depositus nec excommunicatus: Itaque stulta præsentia eius proceres milites & populus quisque cœperunt in omnibus occurrentibus ad eum velut ad papam recurrere, & honorem ac reuerentiam exhibere tanquam



papæ. Audiens hoc Leo papa duriter literis exprobrabat Michaeli, redarguēs eum, & ostendens quomodo in prima synodo Nicena, cui Sylueſter papa & Conſtantine magnus intererant, decretum fuit cum ſubſcriptione totius ſynodi & Conſtantine, quod ſumma ſedes Romana à nemine iudicaretur, & vt Romano pontifici omnes ſacerdotes totius orbis ſubditi eſſent vt capiti. Quod decretum ſynodi ſeu cōcilia plura approbarunt. Primò ſynodus Conſtantineopolitana prima, cui Theodoſius ſenior intererat: Ephesine prima cui Theodoſius iunior filius Arcadij aderat: Chalcedonenſis quæ præſentia Marciiani imperatoris acta eſt: Conſtantineopolitana tertia, quæ tēpore Conſtantine iunioris fuit. Omnes hæc cōcordi voto & ſubſcriptione cōfirmarūt ſanc̃tā Romanā eccleſiam, & apoſtolicam ſedē poſt Dominū Ieſum Chriſtum caput eſſe omniū eccleſiarū, hæc & alia plura illi obijciēs. Ille tamen velut temerarius nullis decretis attentus in ſua pertinacia permaſit, ppter quod iuſto Dei iudicio breui vindictā accepit.

Nam Conſtantine imperator videns tantum ei deferri honorem ab omnibus, vehemēter eum exaltationis ſuæ pœnituit. Timens quoq; ne ſumpta aliqua occaſione leui excommunicaret eum, & ne proceres in eius defectionem cēu excōmunicati aliquando cogeret, cū præſertim habeatur pro papa vniuerſali: arguebatq; intra ſe, quod ſi papa remotus Romanus hoc facere potuit, quid non faciet papa præſens? Vocato ergo ipſo patriarcha Michaeli, & alijs epiſcopis, ſicut coram eis eum inſtituerat: ſic & coram omnibus à cunctis dignitatibus eum deiecit, & ſpoliauit non ſolū in ſignibus papalibus, & col-

latis

*Papa ſunt  
terroris im-  
peratoribus.*

latis priuilegijs: sed & alijs quæ dudum antè patriarcha Constantinopolitanus habebat, ab alijs imperatoribus cōcessa, quo sibi audaciam omnem agendi contra se amputauit, libertates omnes adimendo.

Iuste igitur Dei iudicio factum est, vt careret proprijs, qui aliena iura contra fas & ius vsurpatione inuasorat. Et exinde Græci imperatores similiter ius cœperūt, vti patriarchas & clericos omnes teneant subiugatos, quos, & quando volunt instituunt, & etiam destituunt.

Similiter Rutheni principes faciunt, & idem pessimus hominum Constātinus, volens Græcos cum Latinis in perpetuo ponere dissidio, & separatione sempiterna: fecit publicè proclamare, vt quisq; contra ecclesiam Romanam scriberet mala quę sciret & abominabilia, præmia scriptoribus pollicendo, vt sic populo Romanam ecclesiam contemptibilem redderet. Sic itaq; multi multa scripserunt fatua, ficta & nephanda, & quanto abominabiliora, tanto misero imperatori gratiora. Et sic apud eos, ac Ruthenos magis velut aduersus ecclesiam Romanam blasphemia. Vnde etiam ecclesiæ cōsuetudines omnes, quas habet Romana ecclesia, quæ non sunt apud eos, tenent pro hēresi. Sicut cōficere in azymis, comedere carnes feria secunda & tertia Carnis priuij, radere barbas & alia plura. Exinde fama in vulgus dispersa fuit, quòd Latini nonaginta nouem articulos erroneos haberent. Hinc Græci obstinatissimi fiebant, & cōtra Romanam ecclesiam sæuebant. Quorum pertinaciam sequētes Rutheni aduersus Christicolas omnes, maledictiones, blasphemias calumniosè & mendaciter conflant, & latratibus ructuant. Et

*Græci cum  
Rom. eccles.  
constatantur.*



*Imperium  
ex oriente  
in occiden-  
tem redit.*

scissi semel ac diuisi ab ecclesia Romana, nunquam redire, nec de ecclesia aliter, nisi impiè sentire voluerunt. Et huius mali occasio non minus etiam sumpta est, postquam Carolus magnus, orientale imperium in occidentem transtulit circa annos Domini octingentos. Et hæc nephanda scissio durauit, quousque Latini imperium orientale susceperant circa annos Domini millesimum ducentesium temporibus Innocentij tertij, Alexio filio Isaurij Græcorum imperatoris cum patre occiso. Quos Latinus quidam cum classè maxima Gallorū & Venetorum à Venetis impetrata, promissione affuturæ vnionis ecclesiasticæ procurandæ, dum Alexius Constantinopolim versus educeret imperium recuperaturus, & captiuo patri auxilium præbiturus ac dimicaturus, contra germanum patris, qui eodem patre suo raptō & excoꝛulato ac coniecto in carcerem imperiū vi occupauerat. Cum quibus cōserto bello cum occupatore imperij eum in fugam conuertit imperio restitutus. Vnde pro gratia Latinis reddenda homo pestifer nitebatur primo classẽ eorum exuere: vbi præpeditus, cōserto cum eis aperto prælio vnà cum patre occisus est. Et Græcis hincinde dispersis, imperio Constantinopolitano potiri sunt Latini annis 50. & vnio facta est, de qua vnione habetur. Extra de hæp. Licet Græcos.

*Græci victi  
à Gallis &  
Venetis, im-  
periū amiserunt,  
anno  
1200.*

Et creatus Imperator primus comes Gallicus nomine Balduinus & patriarcha Cōstantinopolitanus quidam Venerus. Post annos tandem quinquaginta Græci recuperauerūt imperium Genuensium adiutorio de manibus Latinorum. Factusq; est imperator Græcus Michael Palæologus, qui misit ad concilium

cilium Lugdunense per Gregorium decimum celebratum, offerens se velle concordare & vnire cum ecclesia Latina. De processione tamen Spiritus sancti cupiuit erudiri, si procedens à Filio non procedat à duobus principijs, eo quòd omnia ab vno procedunt principio.

Vnde in eodem Concilio declaratum est, & decretum Spiritum sanctum procedere à Patre & Filio non sicut à duobus principijs, sed sicut ab vno principio & non duabus Spirationibus, sed vna, vt habetur de sum. Trin. & fide Ca. lib. 6. cap. 1. Et hanc confessionem fecerunt legati Michaelis imperatoris Græcorum, & receperunt, ac reuersi publicarunt in populis decantantes Symbolum Latinum scilicet in Spiritum sanctum qui ex Patre Filioque procedit. Vnde ex hoc Symbolo Niceno nihil additur, sed potius fit declaratio veritatis.

*Symbolum  
Latinum  
accipiunt.*

Et sic quamuis ecclesia Orientalis in vnione permanebat. tamen deerant qui contradicerent vnioni, alij palàm, alij occultè. Tamen imperator multos hæreticos obstinatos tales abbates & monachos occidi fecit, alios mergi, qui nec rationibus nec auctoritatibus sanctorum valebant à sua pertinacia reuocari, qui etiam Ioseph patriarcham Constantinopolitanum hæreticum depositum eiecit & priuauit sede illa, & Iohannem dictum Vechum, hominem Catholicum in sede collocauit, & sub eius vita tota, durauit vnio.

Vndecima diuisio cœpit per Andronicum filium Michaelis imperatoris, qui vnà cum patre in imperium coronatus fuit, vbi Gregorio decimo iurauerat de fidelitate fidei & obedientiæ Romana: patre tan-

*Coronatus  
hic Grego-  
rius anno  
1272.*



dem mortuo solus gubernauit imperium, homo pusillanimis, timidus & peruersus, qui fratrem anhelantem ad imperium & Græcorum à se defectionem ad eum, metuens, eum incarcerationi.

Et animaduertens Græcos in vnione fidei & Romanę obedientię vacillantes ac ad defectionem paratos, congregatis omnibus in ecclesia maiori sanctę Sophię Constantinopoli cōtra iuramentū factū ecclesię Romanę palam dixit: Vobiscū tenui semper, teneboq; fidē antecessorum nostrorum profitēdo de processione Spiritus sancti à solo patre, patriq; suo defuncto maledixit voce alta, & anathematizauit eū cū omnib. qui fide sibi adhērebāt. Cuius incitatione Græci reuerſi ad vsitatum vomitum diuisi sunt ab ecclesia Romana, sed vindice Deo quod miser & ignarus metuebat, euenit. Namq; vecordia sua imperium penè totum amisit. Turci namq; totam sub eo minorem Asiam rapuerunt. Et citra maria dominia vastarunt, alijs quoq; ciuitatibus iam à Tartaris, iam etiam à varijs tyrannis direptis, Constantinopolim cum paucis ciuitatibus possedit. Qui nihilominus factus obstinatioꝝ, & vt aduersus Romanam ecclesiam Græcos concitatores & pertinaciores efficeret, Iohannem Vechum patriarcham Constantinopolitanum virū Catholicum, de sede turpiter eiecit & vnā cum alijs quos ad errorē suum deflectere nequiuerat cōiectum in carcerē fame necauit. Et Ioseph perfidum antè depositū hæreticum in sedē eius substituit, quem ex eo quod pertinacissimē veritati fidei ecclesię Romanę resisteret, magnam calumniam fidei appellauit. Finaliter tamen per nepotem suum constrictus, & imperio priuatus vitam

mise-

*Turca Asiā  
minorem  
vastant.*

miserabiliter finiuit. Durauit hæc iterum diuifio ad annum Domini millesimum quadringentesimum trigefimum ad Florentinum concilium, & à tempore Phocij sc. ab anno octingentesimo quinquagesimo octauo. Schisma hoc ad idem concilium stetit annis 581. vel citra, quo tempore venit ad concilium Florentinum per Eugenium papam celebratum Iohannes Palæologus, imperator Græcorum cum germano suo, & patriarcha Constantinopolitano Ioseph nomine, & multo clero ac proceribus. Qui auditis terminationibus luculentis ex varijs scripturis & præsertim doctorum eorum, Anastasij, Basilij, Cyrilli, Maximi, Dydimi, Chrysostomi quod procedat Spiritus sanctus à Patre & Filio, adqueuerunt & tandem confessionem susceperunt cum ecclesia Latina. Et sic denuo fuit vnita ecclesia Græca ad Latinam.

Duodecima & vltima diuifio. Nam quamuis Imperator cum suis domum rediisset vnitus ecclesiæ, & eius dogma professus, cum inde paucis profectus accessit. Nam etsi ordinati fuerunt doctores & prædicatores, qui hæc populo differerent: clerici tamen eorū & præsertim monachi à quibus populi informabantur in doctrina credendi & viuendi, pro maiori parte pertinaces existentes in errore & perfidia, aliud dogmatifabant & indurabant populum. Quapropter Dominus Deus malum hoc amplius non tolerans & ecclesiam Catholicam irridertoties nō sinens, post annos quatuordecim permisit in eos exterminium, vt capta Constantinopoli à Turcis, miseri impio tyranno & inimico crucis Christi curuarent, ceruices suas, qui Christi vicario

*Schisma*

*Græcorum durat annos*

*581. & seq. ad*

*annū 1439.*

*Constantinopoli capta anno 1453.*



Romano pontifici subesse voluerunt & qui Christianis Occidentalis ecclesiæ commisceri & conuiuere, mutua vnione fuerant dedignati, iuste cōmeruerunt, vt qui miserabilem mortem euaserūt cum Iudæis & infidelibus in ignominiosa seruitute vniti permaneant.

Qui Turcus nunc ecclesias Orientales omnes veraciter separauit. Sed proh dolor, homines miseram horrendo exterminio ferè imperterriti vsque modo permanet in sua pertinaci obstinatione; maluntq; calamitatem omnē perpeti, quàm ecclesiasticæ concorporari veritati, sapientia suorum majorum prorsus fatuati, non attendentes quantam eis reuerentiam ecclesia Catholica exhibuerit, & vsq; modo exhibet. Itaque eorum sapientiæ dans honorem, & cultui iustitię ab eis exortę, ac recognoscens, quod Græci fidem salutarē, primū à Paulo & Barnaba susceperunt, vt scribitur Actorum 13, à quibus ad ecclesiam Romanam deriuata est Petro & Paulo ex Græcia Romam venientibus, traditiones Græcorum certas in Missæ certis concentibus continet vsque modo. Et non mirum est, quod adeò fremant aduersus ecclesiam, desæuiantque in omnes quos sub eius obedientia cernunt consistere, quoniam à iustitia, caritate, & humilitate prorsus sunt alieni, cum omnibus sui ritus schismaticis Ruthenis. A iustitia inquam: dicit enim beatus Augustinus, & habentur verba in Canone vigesima quarta quęst. i. cap. vbi. Quod vbi sana fides non est, non potest esse iustitia quę scribitur Abacuc secundo, & ad Rom. i. Iustus ex fide viuit, vbi subditur, neq; schismatici aliquid sibi ex ista mercede promittant. Et quod magis est de

*Fides à Græcis ad Romanos deriuata.*

est de quo constat, quod caret virtute verę fidei, præsumitur quod non caret omni vitio, & præsertim fidei opposito, scilicet perfidia. Huic ecclesię veram fidem profitendi, molesti sunt, & infensi & aduersi verę pietati religionis Catholicę, quę primā & summa iusticia est. Quod autem caritate careant, sola diuisione ab vnione ecclesiastica demonstratur, quę ex odio caritati contrario procedit. Caritas namque imperat cōcordē fraternā vnitatē, quia dilectio proximi, malū non operatur Rom. 13. & inclinat in actus omnes virtutū omnium, quę vbi defuerit, irę & odij remanet incēdium, nec nō contētiones rixę, discordiæ, detractiones, contumeliæ, blasphemiæ, & ceteri quique actus viciosi merito succedunt, dicitur enim in quæst. & cap. quo supra. Quod si hæretici aut schismatici caritatem haberent, non dilaniarent corpus Christi, quod est ecclesia Catholica. Ex eadem tandem radice liquet, eos humilitate carere, quę est ornamentum præcipuum hominis Christiani, quia ecclesię suę iugum abijciunt, & fortē detrectant, contra quos queritur Dominus in persona ecclesię Ierem. 2. Confregisti iugum meum, rupisti vincula mea, dixisti non seruiam, scilicet constitutionibus & ordinationibus, ritui & sacramentis tuis, arguant te malitia tua, & auersio tua increpabit te. Hęc ibi, & 24. 9. c. Audiuius. Dicitur Christus non habitare in cordibus eorum qui superbię singularitatem secuti, à corporis Christi compage semetipsos abrumpunt. hinc præcisione sua laborantes, ad ecclesię Catholicę detrimentum, famę glorięq; confuscationem, semetipsos infames reddiderunt, iuxta illud Dionisij papæ 29. 7. cap. Alieni. vbi dicitur: Infames esse o-

*In hæreticis  
non est caritas.*



omnes cōsemus, qui Christianam legem prauaricantur, aut apostolicam vel regularem postponunt auctoritatem, & ambientes superioritatis & prioritatis titulum in ecclesia, se tanquam primitiuae ecclesiae sectatores, primos & veros Christianos existimantes infimi facti sunt Christianorum omnium, iuxta illud Alexandri 2. 24. 9. 1. cap. Audiuius. Item cum Dominus. circa finem, liquido constat eum, qui ab integritate Catholicae fidei recedit, maledicendi & benedicendi potestatem minimè habere. Catholicum nanque, utpote se superiorem maledicere non valet, id est excommunicare.

## APPENDIX DE ERRORIBVS MOSCHORVM.

**P**Lura eiusmodi, quae Sacranus Russica refutans, ex scholastica profert Theologia, existimaui per parum emolumenti, si hinc ponerentur Lectori allatura esse. Sunt enim merae argutiae humanae, vel raris, vel nullis firmatae testimonijs diuinis, quibus solis omnis redarguitur in fide error. Quamobrem ijs omissis, Petrum quoque Scargam Iesuitam Vinnensem, similia recensentem audiamus. Positistamen in primis Graecorum rationibus, quibus suam à Romana ecclesia defectionem excusare conantur. Primum inquit, octo capita, deinde nouem, postea sex & viginti, Graeci Russis aduersus ecclesiam Romanam edidere. Photius patriarcha Constantinopolitanus, octo conscripsit, quae Nicolaus papa ad Ignatium archimystam Renensem scripto recenset.

Primò

Primò quia Romani sabbatho ieiunant.

2. Spiritum S. à Filio quoque procedere asserunt.

3. A matrimonio abhorrent.

4. Sacerdotes confirmationem Baptismi facere non permittunt.

5. Interuallum temporis ante Quadragesimam producunt.

6. Agnum Paschalem vnà cum corpore Christi, in altari consecrant.

7. Sacerdotes illorum barbas radunt.

8. Diaconos absq; sacerdotio, episcopos faciunt.

*Errores Læ-  
ticorum.*

Posthæc ducentis fermè interiectis annis, papæ Leonis IX. tempore, hoc etiam nouum caput addidere. Quia ijdē Romani, pane azymo in Sacramento corporis Domini vtuntur. Plura deinceps alia, ira inuidiaque flagrantes commenti sunt & hæreses vocarunt. quo, eò magis Russos, gentem simplicem, è quorum monumentis hæc producimus deciperent.

10. Quòd Romani pontifices in bella prodeunt.

11. Ieiunij tempore pueros, lacticinijs vesci sinūt.

12. Non contenti pictis imaginibus, sculptis etiam vtuntur.

13. Crucem digito humi factam pedibusterant.

14. Virginem Mariam Dei genitricem non vocant.

15. Ad altare mulieres admittunt.

16. Suffocatis auibus, alijsq; cum sanguine, item ranis & vrsis vescuntur.

17. Ori baptizati, sal ingerunt, & luto ex sputo facto, aures illinunt.

18. Aqua se quotidie, ritu Iudaico aspergunt.



19. Tota manu benedicunt, signum autem crucis vno digito exprimunt.

20. Ab tempore ieiunij, vsq; ad Pascha, Halleluia non canunt.

21. Cadauera mortuorum episcoporum, aliquot hebdomadas insepulta seruant, nec illorum manus transuersim, figura crucis componunt.

22. Sacerdotes eorum, tres vno die Missas celebrant.

23. Con sanguineas in matrimonium ducunt.

24. Monachi ipsorum carnes comedunt.

25. Tempore quadragesimæ sanctā crucem abscondunt, neq; flexu poplitum adorant.

26. Loco participationis Cœnæ Domini, sacerdotem sacrificantem osculantur.

Hæc Scarga cap. 12. libri 2. Polonici, anno 1577. Vilnæ excusi de vno pastore, vnitæ ecclesiæ, & Græcorum ab illa secessione. Capite verò 2. partis 3. hosce errores tam Græcorum quàm Russorum enumerat.

*Errata Russorum.*

1. De processione Spiritus S. perperam sentiunt, æqualitati Filij cum Patre hac ratione detrahentes.

2. Datam esse à Deo ecclesiæ Rom. eam auctoritatem, vt totius mundi ecclesijs præsit, negant.

3. Nondum esse sanctos in calis, nec dum frui faciei aspectu Dei, propterea quòd nondum resurrexerint, credunt.

4. Nullum esse purgatorium aiunt, nihilominus tamen pro mortuis orant.

5. Matrimonium voce diuina indissolubile pronuntiatum, posse per hominem solui putant. Vnus illorum aliquot vxores simul habet, Popæ, id est, sacerdo-

sacerdotes atque episcopi, vota Deo nuncupata, ac id ipsum sacramentum disiungunt dissoluuntq;. Potentiores autē, tonsas monachas in matrimonium sumunt.

6. Septem tantum Concilia esse debere, si verò vel octauum vel nonum foret, id pro anathemate habendum dicunt.

7. Corpus Christi, in pane in fermentato consecrari, nefas habent.

8. In Missa, panem nondum consecratum, genibus flexis adorant: cum autem consecratus fuerit, nullum honorem sanctiss. Christi corpori exhibēt.

9. Et corpus & sanguinem Christi in ara, non solo Dei verbo, sed sacerdotis etiam precationibus fieri existimant.

10. Idem sacramentum, feria quarta tantum ante Pascha consecratum, propter agrotos, totum annum conseruant, negantes alijs diebus idem consecrare, dariq; iisdem licere, cum tamdiu haud possit panis species, salua durare.

11. Popæ, id quod reliquum est corporis Christi, à fidelibus non absumti, peracto prandio templum ingressi interdum semipoti, vel nulla vel parua cum reuerentia comedunt.

12. Parui id pendunt, si vino, accedentiū frequentia exhausto, tantum aquæ post consecrationem affundatur, vt nullus eius sapor super sit, quod vbi fit, nec sacrari, nec esse sanguis Christi potest.

13. Nec plures faciunt cōfessionem peccatorum, nam Popæ peccatis contaminati, nulla alia confessione facta præter eam, quæ vulgo fit ab omnibus semel in anno, ad Liturgiam obeundam accedunt:



quo pacto non id solum quod sacramento absque pœnitentia sumpto iniuria fiat, verumetiam communicantes sibi exitium attrahunt.

14. Confirmatio Baptismi nō est illis Sacramentum, quæ etsi ad solum pertinent apostolorum successorem episcopum, tamen eam vulgaris sacerdos peragit.

15. Extremam olei vñctionem, errore intolerando, homini mortuo adhibent, quasi soli corpori anima destituto, accommodanda sint Sacramenta.

16. Neminem, vxore carentem ad sacerdotium admittunt, nec vllam Popam, cui Popadia non sit habent. quo facto castitatem excellam noui Testamenti virtutem contemnunt, donum Dei corrumpunt, quodque idem Deus largè nonnullis dare potest, id omnibus detrahunt, & a sacerdotali dignitate reiiciunt.

17. Cleri apud eos consecratio, non fit sine pecunia. Dare enim consecrandum episcopo consecranti, aliquot florenos oportet, quod tamē minimè dicitur esse peccatum.

18. Negant chryisma, episcopo siue metropolitæ, præter solum patriarcham consecrare fas esse. At verò tam longè petatum, aut in itinere perit, aut adulteratur, vel atate consumitur. Id autem apud Catholicos, episcopus quotannis renouat, sacramentis quibusdam adhibendum.

19. Carimonijs ritibusque, plus quàm par est confidunt. Ad hoc in imaginibus, sanctis inuocandis, alijsque ecclesiasticis rebus, multa iniquè committunt. Hæc sunt Scargæ verba paucis comprehensa, qui capite tertio ait Moschos, adeò abominati detestatique

statiq̃ue ecclesiæ Romanæ homines, vt illos pro Ethnicis habeant, & si occidant, obsequium se Deo præstare, sibi persuadeant. Addit idem allegatum superioribus annis ad Lituanos, à patriarcha Constantinopolitano, quendam sacri ordinis virum, perducì eò non potuisse, vt Valerianum episcopum Vilnensem saluaret, negans sibi suisq̃ue quidquam commercij in rebus fidei, cum hominibus Latinæ ecclesiæ, qui ipsis hæretici essent, habere licere.

Et Scarga quidem ecclesiastes, doctissimi Andree Volani Euangelici aduersarius, ista de odio Græcorum Russorumq̃ue aduersum Romanenses, suum in Euangelicos egregiè dissimulans. quod tum re ipsa declarauit, cùm anno 1580. Lutheranos, ita esse omnibus exosos debere, suos Vilnæ doceret, vt & obuios conspuerent. Cuius rei, cùm ipsemet obuius concionatori Euangelico factus, exemplum edit alijs imitandum, (audita refero) contusum os, ex quo sputum exierat, manu cuiusdam, id spectantis pij nobilis, homo maledicus domum retulit.

Bb iiij





RERVM POLON.  
DE RVSSORVM RELI-  
GIONE, RITIBVS NVPTIA-  
RVM, FVNERVM, VICTV,  
VESTITV &c.

ET

DE TARTARORVM RELI-  
GIONE AC MORIBVS

vera & luculenta nar-  
ratio,

AD

*D. Dauidem Chytraum recenscripta.*



Nepistola mea, XVII. Kal. Maij ad te missa, pollicitus sum, de Russo- rum religione & ritibus pauca me tibi perscripturum, accipe igitur e- recta fronte quod mittimus, & hoc tibi persuade, fieri posse, vt verba quidem nō satis Romana scribam. Res autem ipsas mendacij & vanitatis penitus fore expertes. Nihil enim ex alijs auditum, nihil ex aliorum libris hau- stum, nihilque incognitum commemorabimus, sed quidquid oculis vidimus nostris, de illo contestabi- mur.

Polocia deditione recuperata, Soccolia, Czussa, Turobla & alijs Albæ Russiæ oppidis ferro & flam- ma funditus euersis, Germani omnes, qui sub Chri- stophoro Bomlstorffio militabant, dimissi sunt. so- lis Borussis, in Russia manendum fuit, vt aliquo ta-  
men

men præsidio istarum terrarum incolæ defenderentur, si quam fortè eruptionem facere vicini vel-  
lent Moschi.

Ego itaque media in barbarie hærens, amaras animi molestias ista ferè ratione semper excussi: *Religio Rufforum.* Flamines Ruthenicos adij, cumq; illis per interpretem de fide & religione collocutus sum. Si verò interrogantur, an in sanctam Trinitatem credant, constantissimè quidem hoc ipsum adfirmant, si testimonia *Doctrina.* sacrarum literarum tibi dari petis, illi in libris suis quos per manus à maioribus acceperint, ita scriptū esse aiunt. porrò si LIBROS istos videre quis auet, Psalterium prophetæ & regis Davidis, quod ipsorū lingua apud Ostorocenses impressum Excel. tuæ mitto, ostendunt. Nouum præterea Testamentum, apostolorum res gestas. D. Pauli epistolas omnes: Item Homilias Chrysostomi, Basilij, Gregorij Nazianzeni ex Græco conuersas & manu scriptas habent, cum preculis quibusdam ad beatam Dei genitricem & S. Nicolaum dicentis, neque tamen quare hos libros possideant, scire possum, cum diebus Dominicis puras solūmodo fabulas populo prælegant. Ista enim feria qua nos legimus Euangelion de renato ex mortuis filio viduæ Nainicæ, hospes meus, consul Deisnensis, Alexius Cæsarinus Ruthenus in suo se templo hanc lectionem audiuisse dicebat: Christum matri Mariæ obuiam factam suppliciter ab eavnum rogasse numum. Matrem verò cū & ipsa nihil haberet argenti filium Christum cum dolore suo dimisisse è conspectu. Vides qualibus nugis decipiant miseram plebeculam, sed nec ipsi doctores meliora sciunt, & si audiunt, cachinno quo-



dam explodunt, soli namque suam admirantur barbariem.

*Archiepiscopus.*

Papæ Romani nomen ægrè in aures dimittunt suas, seq; Græcorū socios in religione, & pontificis Byzantini maiestatem venerari clamant, qui quidem suum metropolitam in vrbe Moschouia habet, virum apud Ioannem Basiliadem summæ auctoritatis & existimationis, quod ex Christiano Boccornio, magni Ducis concionatore, qui triennium in aula Moschorum cum suo principe vixit, intellexi.

Rutheni verò, qui regis nostri imperio parent, metropolitam suum Vilnæ habent, cui nomen est Anicephoro. Hunc magnifico & splendidissimo habitu indutum, senioq; & cana barba venerabilem, 20. Iunij Vilnæ sacra peragentem vidi.

*Templa.*

Russi delubra habet plerumq; lignea, tecto scandulari, in summitate templi signū Christi in crucem sublato cōspicitur. Horologijs sciotericis planè destituuntur: & tamen die Solis circiter quartam matutinam *векроде* An eorum tintinnabulis pulsans populum ad sacra vocat. Tum verò matres atq; viri, pueri innuptæq; puellæ lecto valedicentes, vestem sumunt, & ad ecclesiam summa cum festinatione properāt.

Verum enimvero pedem domo non efferunt, nisi prius genium suum dictis precibus mitigaerint. Habent autem tabellam quisque ligneam, in qua capita aliquot depicta conspiciuntur, ad hanc cum tota familia accedentes, cum gemitu & lacrymis S. Nicolaum, eiusq; in cælo commilitones pro salute domus suæ supplices deprecantur, atq; interrim tanta cum deuotione pectus tundunt, vt cuius astanti facile cordolium excitent.

Iamq;

Iamq; penatibus placatis ad sacram ædem discedunt, cuius limina quamprimum tetigerunt, magna cum reuerentia caput telluri illidunt. Et sanè, si frons animi ianua rectè dicitur, non video quali sub fidere homines Dei numen religiosius adoraturi sint, quàm hi de quibus loquimur, si modò pro vanis fabulis verbi cælestis veritatem aliquando cognoscant. Dolendum autem magnopere est, lucem clarissimam Euangelij illis nondum pœnitus illuxisse.

Locum templi secretiorem Flamines bini occupant, hîc ara sancto Nicolao dedicata videtur cum eiusdem imagine. Auditores & populus in ambitu templi sese continet. Fœminæ verò quæ præterita nocte Veneri militârunt in penetralia sanctæ ædis non veniunt, ne locum profanent. Cæterę accedentes propius candelas cereas inflammant, & sacrificulo offerunt. Ille candida veste bombycina indutus est, caluitio & pallida facie deformis, crucem sanguinei coloris à tergo pensilem habens.

Tandem è sacrario egreditur, & thuribulum dextra tenens, tam forti odore Diabolus ex loco sancto abigit. Mox rituales libros promit, & aliquam fabellam de S. Nicolao recitat, quem illi tanquam Deum tutelarem semper colunt. Euangelij lectionem vnâ nunquam hîc audiui. Interea adytū clauditur. Sacerdos si inter legendum aut erret, aut lingua titubet, aut vocem aliquam depressius enūcier, grauissimè propterea ab auditoribus obiurgatur qui eum & sacro loco indignum, & libros alij tradendos vnanimi voce proclamant.

*Conciones.*

Lectione finita ad anticum sacrarij in quo ima-



go Nicolai asseruatur, sese conuertit, Deumque patrium multis suspirijs rogat, vt commoda Russorum & gentem sibi deditam contra hostes incolumē seruare dignetur. Orantem lamentabili vociferatione & quiritatu excipiunt non tantum scholastici, sed omnes quotquot isto videntur in fano: subinde iterantes hanc vocem, *Hospody pomyloy*, hoc est, propitiare nobis ô Domine. Dum hæc aguntur, anticum sacrarij non aperitur.

Mystra autem per pseudothyrum in illud ingreditur daduchis tribus præcedētibz. Cum in aditum ventum est sacram Cœnam verbis ab ipso Christo expressis consecrat, sed lingua tantum patria. atque hæc fiunt in ara Nicolao sacrata.

Mox fores patent, populus verò quia certum numen in isto loco habitare existimat, egredienti sacrifico magno eiulatu occurrit, sexcenties hanc vocem decantans, *Hospody pomyloy*. Hunc clamorem & cymbalorum tinnitus mirum in modum auget.

Vt verò in toto iam facta silentia templo, sacerdos pedetentim procedens, arcana sacra toti populo commonstrat, calicemq; plumbeum, cum operculo serico in dextra, & scutellam ex eodem metallo in sinistra tenens, dum in genua procidunt auditores, ille lingua Ruthenica hæc verba proloquitur: *Hoc est corpus, & hic est sanguis Domini Iesu Christi, quem Iudæi innocentem morte mulctarunt.* Tum denuo inter gemitus & suspiria muliebriter lamentantur, & tundunt pectora palmis.

Flamen illico in sacrarium regressus, in ara Nicolai sacramentum deponit, donec veniant qui eo vtantur, quod interdum fit sequenti die. Calicem, si  
vinum

vinum non habent, ex calido Medone consecrant. Panem verò azymum domi suæ pin sunt ciues, & deinde quoties cæleste illud conuiuium accedere gaudent, sacerdoti offerunt vt consecret, & cum calice distribuat.

Peractis sacris, libro ad manum resumpto Psalmum vnum vel plures demurmurat sacrificulus, crucemque ex argento puro factam omnibus exhibet osculandam, postea suam quisq; domum discedunt, & admodum rari ad vespertinas preces reuertuntur.

Polociæ autem & Vilnæ, maiori pompa & splendore rebus diuinis vacât. Vbi supellectilem ex auro & argento copiosam habent in ecclesijs, Vilnæ triginta templa habent, omnia ferè opere lateritio structa.

Statuas nullas in templis venerantur, sed D. Nicolai & Mariæ virginis imaginibus scrupos quosdã argenteos, coralia & alias exuias dono dederunt. Has quoque picturas, tanquam numinis aliquid habentes religiosè colunt, & quotannis in Duna fluuiò bis abluunt, atq; tãdem magna cum pompa pristinum reducunt ad locum.

Præterea mysticæ ablutionis sacramentum in suo cœtu retinent, ita tamẽ vt in hoc negotio per omnia ferè quàm proximè ad Romanenses accedant. Multum hîc perditur olei, operæ & vnguenti. Post longastandem ceremonias Flamen toto congio perfundere solet infantem, ita inquit: Baptizo te per nomen Patris, & Filij, & sancti Spiritus. A patrinis deinde more patrio vnus aliquot tenellus pusio humectatur: & licèt hîc aspera hiems crudelissimè



ſœuiat, tamen tanta gelidarum copia aquarum ſuam ſobolem abluunt. Si quis cauſſam quærit, reſpōdent illi, à teneris aſſueſcere multum eſt. Poſtremò Flamen infantulum iterum comprehenſum blandè exoſculatur, illiusque caput ad crucem, quæ templi foribus inciſa eſt, magno impetu ter vibrat, & niſi teſtes baptiſmi ictus audiant, indignātur propterea, neq; puerum rectè ſacris initiatum credunt. Sacro finito Flamini tres panes (quos à forma pyramidalis *Piracno* vocant) porriguntur cum numis aliquot argenteis, templumq; clauditur.

*Sacerdotes.*

Sacerdotes Ruthenici proprias vxores habent, & ſunt coniuges. Si quis dicit à papa matrimonium clericorum improbari, excandescūt vti rapidis cum ferrea flammis lamina Cyclopum excoquitur flagrante camino. Reditus certos & certa ſtipendia non accipiunt, & tamen auditorum beneficentia liberaliter aluntur. Cucullos prorsus ignorant. Cærulei coloris tunicam plerumq; duplicem habent, capillis ad humeros & pectus dependentibus apprimere gaudēt: & quo quiſq; eſt nigrior, & adſpectu inamabilius, tantò maiori apud populum eſt indignatione. Raſo præterea vertice & immiſſa barba grauitatem præ ſe ferunt ſingularem. Vitæ alioqui adeò impuræ & execrabilis, vt non delubris deorum, ſed piſtrinis molitorū dignos adfirmare poſſis. Si quoties enorme aliquod ſcandalum perpetrarunt, ad populum ſe ſatis arrogāter excuſant, ſeq; deorum fratres & vicarios eſſe aiunt, ita quidem, vt quicquid egerint, id cæli Quiritibus gratum extitiſſe minimè dubitent. In tabernis publicis vinum aduſtum totos dies potant. Cumque iam nec mens nec pedes officium

cium faciunt, sæpe velut emortui in medijs plateis concidunt, & obdormiscunt. Germani certè milites non semel iacentes perminxerunt. Postero die cum ad peragenda sacra in templum redeunt, non aliter coluntur à populo & amantur, quàm si nuper ex concilio immortalium deorum missi venissent legati.

Scholas semper templis adiunctas habent, in illis *Schola.* triginta annorum iuuenis prima literarum rudimenta pueritiam docet. Literę ipsorum alphabeticę veteribus Græcis quàm similimæ sunt. Catechesi nulla vtuntur: sed preculas ad beatam Virginem & D. Nicolaum in libris descriptas pueris proponunt. Symbolū tamen apostolorū verbis quibusdā immutatis addiscunt. huic adduntur Hymni Dauidis, quos illi nocturna versantq; manu, versantq; diurna. Pueri annorum trium & quatuor, si fortè in uale tudine aliqua corripuntur, statim Flamen aduolat, & sacramentum sub vtraque specie illis etiam distribuit. Tum verò iussu sacerdotis seriò prouidendum est parētibus ne iste puer, sacra qui vltus est cœna, toto biduo oris excrementa in terram exspuat.

Ferijs esurialibus plebs miserè obnoxia est. Cūq; totus iam præterijt annus vix paucis diebus illis carnes comedere licuit.

Matrimonij contrahendi ratio talis est. Iuuenis si cui fauet puellæ propinquos treis quatuorve ablegat, qui parētes de elocanda virgine interpellent. hi verò vt vehementius animū proci irritent, nihil isto de negotio cōfieri posse adfirmant, & quandā apud internuncios simulant grauitatem. Sponsus tali spe frustratus, alia rē via aggreditur, tempusq; & occa-



sionem venandæ virginis diligentissimè obseruat. Illavero si fortè domo paterna egreditur, ministri in insidijs collocati incautam, & nihil tale timètem in casses sponsi venatoris conijciunt: quæ simul atque deflorata fuerit, mittuntur alij ad parentes legati, qui partim culpam deprecentur; partim amoris vehementiam accusent. Tum demum parentum imperato consensu, nuptijs dies dicitur: neque enim illis cohabitare licet nisi solennitate publica copulentur. Igitur circa horâ noctis vndecimam, sponsi cum fidibus, facibus & fistulis ad delubrum deducuntur. Ante illorum aduentum, aliquot vascula, sicera, melicrato & cereuisia plena huc aduecta sunt. Conuiue itaque vtriusque sexus saltando, ludendo, clamando & ridendo bonam noctis obscure partem consumunt. Interea mittuntur certi homines, qui Flaminem accersant, hi plerunque re infecta semel atque iterum discedunt, idque fit propter temulentiam deplorati sacrificuli, qui vino & somno sepultus iacet. Vulgus interim ducendis choreis occupatur. Postea moræ & absentia impatientes illi qui sponsum ad finitatem attingunt, Flaminis poti domum effringunt, & vi abreptum ad peragenda sacra eundem pertrahunt. Ille, dum solito vult fungi officio, nec tamen rectis pedibus consistere potest, sæpe concidit in medio templo. Exoritur igitur damnabilis risus & barbaries, ut vix opiner, Ethnicos Veneris sacra scurrilius peregisse. Accurrunt illico qui lurconem teneant, ne collabatur. Tum primò panes sibi debitos adferri iuber.

Deinde libro aperto stentorea voce aliquem Hymnum Dauidicum cantat. Postea intortam sponsi  
cæsa-

cæsariem manu cōprehendens in hanc sententiam eundem affatur: Dic mihi, ô sponse, ô frater, ô amice, numquid tu huic teneræ vir esse potes? numquid eam fustibus aliquando mulctabis? numquid ægotam, scabiosam & decrepitam derelinques? Hic sanctè iurat sponsus, se facturum viri boni officium. Ad sponsam igitur sermonem conuertens, eam quoq; interrogat, An viro ferendo sufficiat? (nam puellæ decem & vndecim annorum hîc nubunt) an rei familiaris curâ agere? an cæco, curuo & decrepito marito fida velit esse comes? adfirmat illa. Mox Flamen ferto ligneo viridi vtriusque caput coronat. In circumferentia coronarum descripta sunt Ruthenicè hæc verba: *Crescite & multiplicamini*. Ille dum hæc agit, inflammantur ab omnibus cereæ candelæ, & patera medone spumās sacrificulo traditur, eam nouis sponsis vno propinat haustu, illi simili alacritate euacuant, & viro religioso reddunt. Abiecto iam ligneo cassiculo & pedibus cōtrito, nouas instituunt choreas, hîc Flamen choragus est, cæteri longo ordine eundem insequuntur. Fœminæ etiam lupulum in templo spargunt, & linum, cum tali acclamatione: *Dij nostri tutelares faciant, ne noui coniuges vlllo vnquam destituantur bono*. Sic tandem tumultuum finis est. Sacrificulus domum reducitur: conuiuæ sponso comitantur, & in tali conuentione egregiè potant, & mœchantur. Viri autem qui ex coniuge fato functa masculam sobolem susceperunt, persæpe impuberi filio sponsam quærunt, cum qua tamen illi dormiunt & liberos procreant. Nato deinde ex ephebis egresso, nouâ nuptam à se cōstupratam & sobolem vnâ adducit pater, ita inquires: Vi-



des fili tuam coniugem & tuos liberos? Patris scortum, si filio placet, accipit illud, sin secus, prædam aspernatur, & de alia ducenda cõgitat.

*Funerum  
ritus.*

Iam de Sepultura mortuorum quædam annotabimus. Homines rebus humanis exemptos in mensam nudos deponunt, & calidis vndis per integram horam abluunt, idquæ tantum faciunt noctu. Sordibus ita absterfis, in sella mediæ domus constituunt eosdem, propterea nimirum, vt patrem familias etiam mortuum venerentur, & metuant quotquot ista degunt in habitatione. Vidi semel atque iterum, sed oblitupui, steteruntq; comæ, & vox faucibus hæsit. Funus tandem tertio die effertur, præcedunt in ordine scholastici, hil lamentabile carmen ingeminant, cuius sensus est: *Aspicite ô cives hoc cadauer, & vobis cauete.* Nam nos omnes sic bibimus, ibitis, ibunt. Sandapilarios tres insequuntur Flamines, medius thuribulo circum circa fumat. Existimant enim hunc odorem malis genijs ita contrarium esse vt perinde eum fugiant, ac sanctæ crucis signum. Cum iam vortum est ad sepulturæ locum, Orciniana ista sponda deponitur. Fœminæ verò, quæ vt flerent, oculos erudiere suos, magna cum lamentatione ad urnam feralem, quæ hîc aperitur accurrunt, & cadaueri oscula figunt, ita interrogantes. Cur nostro abiisti è cõspectu ô carissime? numquid cibi & potus inopia te occidit? numquid infelicitis coniugij capistro caput subtrahere voluisti? Fatere nobis, quæ te res mouere potuit, vt non tantum suauissimam thalami consortem, & liberos dulcissimos tuos desereres, sed etiam delitijs pulcherrimi huius mundi, tuis præterea fortunis & familiaribus omnibus abrenuntiares? Sed  
hîc

hic verum est illud, Surdo narratur fabula. Accedens igitur sacrificus, plorantes fœminas arcet à feretro, Deoq; manium imperat, vt ne vlla re mortuum impediatur hominem, sed liberè eum abire permittat ad locum istum beatarum mètium, ad quem maiores ipsius iam olim præcesserint. vt que expeditius, tam longum nec satis tutum iter conficere possit, quidquid in omni vita preciosæ supellectilis habuit, illud in urnam feralem inferunt, iamque antea domi suæ recentibus ocreis & veste noua abeuntem herum induerunt. Mortuo etiam ceruical substernunt, sicca terra refertum. Cumque iam ferale murmur Flamines absoluerunt, defuncti coniunx iterum accurrens cum eialatu & clamore maritum ad vitam reuocat. Huius gemitum ipsi sacrifici cum cantoribus excipiunt, & lesquiboram vociferando perdunt: adfertur deinde & argentea crux, eam capulo superimponunt, & demortuum monèt, vt ne suam patriam in consuetudine cœlestium animorum obliuiscatur, sed pro ea apud cœlites assiduè deprecetur. Rogant etiam vt ante omnes D. Nicolaum sibi cõciliet, hūc namq; Deum esse tutelarem omnium Russorum. Tandem cadauer in fossam demittitur, Flamen verò ficci pulueris tantum urnæ superinijcit, quantū manu tenere potest. Carteri deinde mortuum sepeliunt. Atque ita piacularia sacra suum sortiuntur finem.

Eodem die cēnam satis opiparè & apparatè in- *Conuiuia*  
struunt, ad hanc Christiani (ita mendicos appellant) *funebria.*  
vocantur, vt nimirum tanquam ociosi pro mortuo Deos inclament. Flamines item & omnes consanguinitate propinquos inuitant. Cumq; & mihi hūc



haberent honorem lubenter ecastor eos adij, ea potissimum de causa, ut mores eorum rectius cōtemplari & obseruare possem.

Hospites osculo blandissimè excipiūt, & quemq;, ut dignior est, ad mensam collocant. Sed hic tibi illud ad mentem reuoces velim, Russos omnes S. Nicolaum tanquam Deum adorare, eiusq; imaginem in domibus omnium videri. Accumbentibus cōuiuis ardentem statim adferunt candelam, eamq; Nicolao consecrant, deprecantes sedulò pro salute & beatitudine amici demortui. Postea in scutella argentea triticum cum superinfuso melicrato apponunt.

Singuli ligulam sumentes, manibus defuncti rerum abundantiam, & nepotibus supellectilem copiosam vno optant ore. Mox calix vino adusto plenus obambulat, & hunc liquorem nō aliter potant, quàm vaccæ argentes vndas, ut in prouerbio dicitur. Neq; tamen hoc ipsorum factū certa ratione caret. Vix enim illos ob ciborum cruditatem viuere posse arbitror, si tam forti potu stomachi frigiditatē non propulsarēt. Ferculis demum apposis senior inter Flamines iterum pingua thura adolet, & lemures eijcit foràs, postea scripto crucis signo, cibo benedicit. Peregrinis hominibus elephantem honoris gratia præbunt, illosq; si alicuius sunt dignationis & præminentia, muneribus adficiunt liberaliter. Dumque omnes pro salute sui regis, pro beatitudine amici mortui, pro felicitate adfinium & cognatorum, plenis cantharis bibunt: fit ferè, ut vix duo vel tres istis ab exequijs sobrij domum discedant. Eleemosynas illi qui lautioris fortunæ sunt, die Vener-

ris distribuunt, sed exiguam tantum gregarij panis particulam.

Porro de vanis superstitionibus, quibus hæ gentes deditæ sunt, quid attinet dicere? Multi, serpentes *Alia superstitiones.* in domibus familiares habent & alunt.

Dæmonem quoque meridianum metunt & colunt. Ille enim cum iam maturæ refecatur fruges, habitu viduæ lugentis ruri obambulat, operarijsq; vni vel pluribus, nisi protinus viso spectro in terram proni concidant, brachia frangit & crura. neque tamen contra hanc quoq; plagam remedio destituuntur. Habent enim in vicina sylua arbores religione patrum cultas, harum cortice vulnere super imposito, illud non tantum sanant facile, sed & dolorem loripedi eximunt.

Luem castrensem, quam nostri milites huc aduexerant, tali modo eos propulsare vidi. Funem accipiunt, eumque per foramen scamni in domo vetustioris tantisper trahunt & retrahunt, donec ignis scintillam ex arido assere eliceant: flamma conspecta, cereum in delubro vndis lustralibus perfusum accendunt. Omnes deinde qui ex hac fauilla prunas vel torrem domi conseruant, tutos fore credunt à pestifera contagione, & fit nonnunquam, ut euentus fidei respondeat.

Doloribus dorsi talem adhibet medicinam. Pueros illegitimos, quorum hic ingens est numerus, certo are conducunt, illorumque tergum pedibus sexcenties premunt & conculcant. Hoc medicamentum anodynum maioribus profuisse asserunt.

Magistratum de voluntate regis accipiunt. *Leges & iura dicta.* Op-  
pidis Starostæ, hoc est, Capitanei imperant, hi pro suo



arbitrio leges figunt, & in plebeculam securi dominantur. Causse criminales ad iudicia rarò deferuntur. Qui se conuicia dixisse negat, absoluitur. Nam palinodiam pro pœna irrogata reputant. Iuris Romani scrupulosa volumina, Bartolos & Baldos frustra euoluisti, si hîc esse uoles. Statutis enim, id est, legibus scriptis utuntur. In illis & hoc sancitum est: Homicidam, nisi in ipso facto deprehensus sit, quinque florenis vitam redimere posse. Homini autem qui alterius canem ceciderit, multam decem florenorum inrogandam esse. Fustuarij pœna ipsis inter præcipua tormenta est. Nobiles enim, suos agricolas, heri mancipia sua si quando peccarunt, horrendum in modum fustibus dolant. Qui verò grauius deliquerunt, virgis ferreis lacerantur.

Gens est natura ad arma propensior. Machæris, frameis, & falcatis ensibus pugnant: persæpe etiam claua lignea, quam semper ad manum habent. Si rus abeunt, Costram in dextra tenent, arcum autem Tartaricum cum pharetra & arūdinibus venenatis lateri alligant.

*Ludi.* In commensationibus non tantum rubri chartacea symbola regis lubenter tractant, sed & ludo tesferario gaudent. Summa autem solertia prælia latronum ludunt. Ut gemini inter se reges albusque nigerq; pro laude oppositi certent bicoloribus armis. In hac profectò arte ita excellunt, ut haud sciam an vlla gens cum illis comparari debeat.

*Merces.* Cum pax est, ferarum pelles ex Moschouia in Poloniam & Liunioniam venales asportant. Mel, ceram, & corium magna copia peregrinis vendunt. Cæteri venando & latrocinia exercendo victum queritant.

Vndi-

Vndique enim densissimis & inuijs nemoribus se- *Ferarum*  
 pti sunt. Lupos, lince, & martes saepe intra ipsa oppi- *Venatio.*  
 dorum mœnia venantur. Martes quidem in sum-  
 mitatibus arborum plerumque manent, & mel ab-  
 apibus congestum avidissimè lingunt. Rustici igitur  
 canes alunt vestigatores, odoratu produnt ani-  
 mal inter arborum frondes absconditum. Tum ve-  
 nator magno ictu arborem percutiens, martem de  
 summo vertice deiecit, quem illico *ἔχεν* ille den-  
 tium morfu necat. *Κάσπερ* quoq; in locis paludosis  
 habitantes simili ratione decipiunt. Hoc animal, quia *Castores.*  
 in extremis annium oris commoratur, nō capitur,  
 nisi Nouēbri & Decembri mensibus, cū terra du-  
 rissimo frigore riget. Fluuiio igitur glacie constricto  
 aduolat rusticus cum cane odorisequo. *Κάσπερ* adue-  
 nientis animū minimè ignorans effossos, in ripa cu-  
 niculos deserit, & sub glacie in argentibus vndis na-  
 tat. Canis autem naribus locum supra caput natan-  
 tis exactè prodit. Sequitur igitur venator, qui iam  
 antè à glacie perfossa ad fauces fluminis rete de lino  
 triplici factum disposuit. Ad hoc cū iam deuenit  
 Castor, perrupturum se sperans, occiditur fustibus,  
 & extrahitur. Pellis eiūs apud hos populos summo  
 est in pretio. Hanc quoq; venationē impune nun-  
 quam vidi: nam penè cali intemperies me occidit.

Moribus Rusii erga hospites sunt tolerabilibus:  
 nisi fortè eorum trullas ames. Nam inter pòcula  
 homines esse desinunt.

Viri & fœminæ, si à fortunæ bonis firmiores sunt, *Vestitus.*  
 eodem ferè habitu vestiuntur. Tunicam talarem  
 varij coloris ex panno Britannico habent: limbis  
 vestium taniā sericas, & globulos deauratos in-



tertexunt: vterque ocreis calceatus. Fœminæ vittis & mitra caput tegunt, viri cudone pileove coloris diuersissimi. Rusticorū filiæ ex capitibus serpentum torquem collo circumdant. Vulgus autem ex pellibus ferinis tunicas, ex cortice arborum calceos parat: Et tot hîc sunt sutores quot rustici.

*Forma corporum.*

Natura profectò sub aspero cælo homines etiam elegantes producit. Corpora plerunque solida habent & succi plena. Neque adeò informis est sexus muliebris, si quis formarum velit esse spectator. Omnem autem decorem suum vnico potandi vitio mulieres obfuscant. In hac enim re si maritos non vincunt, certè non sunt illis inferiores.

*Musica.*

Musicæ subtilioris ignari sunt. Panduras nulla arte tractant & tantùm tibias vtriculares in delitijs habent. In nuptijs & alijs solennitatibus persæpe ad manuum complosarum fragorem choreas ducunt.

*Libri.*

Libros Latinos & Græcos nunquam viderunt, & tamen de religione Græcorum multa gloriuntur. Ego cùm semel nouum Testamentum Tiguri Græcè impressum mecum haberem, rogaremque Flamines vt aliquam periodum legerent, illi hoc sese facturos pernegabant: sanctè adfirmantes, eiusmodi typos nunquam sibi antè visos esse.

*Vitus.*

Mensæ elegantiam non magnopere curant, sed crudos cibos Deos Egyptiorum, porrū & cœpe audissimè ingurgitant. Ditiores vinum & medonem, vulgus *Quastum*, hoc est, aquam bibit admixto sale vulgari, & pane mucido squarosoq; vescitur.

*Edificia.*

Domus Ruthenicæ lignæ sunt, & quidem malè materiata. Ita tamen desipiunt, vt existiment parietem

tem cratitium lateritio præferendum esse. Cemen-  
ti apud eos nullus ferè vsus est. Polociæ tantùm tria  
templa sunt, opere lateritio exstructa. Ex his tertiū  
more Italico pulcerrimè expolitum nunc ibidem  
conspicitur. Cætera Moschorum Dux Ioannes Basi-  
lides deuastauit, cū ante annos octodecim Polo-  
tiam deditione in suam accepit potestatem.

Pacis tempore opimos accipiunt ex agris prouen- *Videtur.*  
tus: nec vllis ferè frugibus hominū vtilitati seruien-  
tibus carēt. Aues omnis generis, perdices putà, pha-  
sianos, attagenes erythrotæones summa solertia per  
insidias capiunt, & leui ære diuendunt. Piscium lau-  
tissimorum admirabilem copiam perennia illis  
suppeditant flumina, Borysthenes, Duna, Drisna,  
Drissa, Polotta, ex quibus innumeris lacus & ἰχθυοπο-  
ρεῖα sese effundunt. Ex cocto sale Iberico cibos con-  
diunt.

Metallum quidem patrio in solo non effodiunt, *Moneta.*  
& tamen auri obryci signatiq; argenti maximo de-  
siderio tenentur, atq; hoc vitium cum cæteris mor-  
talibus commune habent. Nummos eorum argen-  
teos ouali forma procusos ad tuam Excell. mitto: ij  
vno in latere Cataphracto signantur: in altero de-  
scripta sunt Ruthenicè hæc verba: Κῆς βελίπιν. Ἰβάν hoc  
est, princeps magnus Ioannes.

Hæc ferè ea sunt, David Chytræe, quæ in Orien-  
taliiori Russia obseruatione digna putauī, quæ qui-  
dem, vt tuæ cupiditati satisfacere, libenter in has  
paginas conieci. Nec tamē omnia attingi, sed tantū  
summa sequutus sum fastigia rerum, Apes vt tenero  
studens liquori libat summa thymi, aut crocum ru-  
bentem.



*Armenij.*

De Armenijs quoque antea ad te perscripsi, neque dubito literas tibi redditas esse. Hos frequentes habitare Leopoli, atq, ibidem pulcerrima templa habere, Tidemannus Gisius 7. Iunij Caunæ mihi dixit. Ego quidem, si aliquando officij ratione hoc ipsum licebit, Leopolum excurram, & vicinam Armeniam perlustrabo, fusiusque deinde omnia literis tractabo.

*Tartari.*

Restat nunc ut de Tartaris per pauca subiiciamus. Cum verò epistolam ad te scribere decreuerim, non est quod historiam expectes. Nolim namq; γαλῶνας εἰς Ἀθῆνας Tartarorum quidē copias minimè contemnendas regijs in castris persæpe vidi, atque hi ex Pracopienfium Horda aduenerunt, ex qua nunc quoq, militem conscripsit Stephanus Victor. Ceteri Polonis notiores sunt Tauricenses, Asturcenses, Naianenses, Rezihorenses, & Circassii. Principem Hordæ sua lingua *Czar*, hoc est, Imperatorem appellant. Nobiles autem, quibus res mediocriter sunt secundæ, *Cnesi*, id est, Principes vocantur. Tantus nimirum barbaræ gentis fastus est, ut etiam titulos & magna miseria cupentur nomina. Religio eorum sine dubio diuersissima est.

Ego illorum ritus, qui regis nostri sceptrū agnoscunt, breuiter attingam. Bellici sanè tumultus eos à numinis cultu non auocant. Nam Veneris die, cum vix sol ipse nitētes spargere iam cæpit radios, in medio camporum a quore frequentes conuolant. Hic Papa nudo vertice & pedibus complicatis humi sedens, schedulam sinistra in manu tenet, in hanc descripta ex Alcorano paradoxa aliquot congeffit, quæ voce clara ad circumstantes recitat: illi si quando no-

*Religio**Tartarorum.*

do nomen Dei & Mahometis audiunt, gemitu & capitis inflexione reuerentiam suam declarant. Læ-  
tione finita, in stationem quisque suam reuertun-  
tur. Cæteritamen, qui pacem bello, œconomiam  
militiæ præferunt, alijs quoq; ceremonijs occupan-  
tur. Hi vno à Vilna miliari, ad fluminis Velia ripas,  
gurgustia aliquot & pagū amœnissimo loco situm  
habent. Huc ego XII. Kal. Iul. cum Ioanne Gamrato  
Stralsundino, mercatore & ciue Vilnensi exspacia-  
tus, delubrum eorum intraui. In illo certè, nec ali-  
cuius Diui, nec atri Dæmonis simulacrum vllum vi-  
detur. Nudi vbiq; parietes. Area tamen pictis tapetis  
instrata est. Die Veneri dicata semper ad sacra con-  
ueniunt, ea, vti opinor, de causa, vt significant neq;  
Iudæorum superstitiones, neq; Christianorum no-  
men & religionem sibi probari. Delubrum nulli  
nisi discalceato ingredi licet. Campanarum boatum  
minimè tolerant. Papa autem, exorto sole, in sum-  
mitate templi exedræ insistsens, stentorea voce po-  
pulum ad conciones vocat. Cumq; iam frequentes  
adsunt, sumto ad manum Alcorano quem Arabicis  
literis scriptum mihi monstrarunt, numinis colendi  
rationē illis exponit. Postea de apotheosi Mahome-  
tis, deq; illius maiestate & præcellentia carmen  
agreste decantant, & tunc comitiorum finis est. Si  
Alcoranum, vel alium quemuis librum typis edi-  
tum hîc videre licuisset, eum certè, magno vel præ-  
tio comparatum, ad te misissem. In tanto autem li-  
brorum defectu nihil se vendere posse dicebant. De  
Deo Iesu Christo & Spiritu sancto frustra eos inter-  
rogabis. Veram enim pietatē ita curant, vt numerū  
lupus aut torrentia flumina ripas. Non semel igitur



admiratus sum cùm inter Christianos habitent, cur adeò duri sint & Christianam religionē aspernentur, & video sanè Iesuitarum nugas, qui de conuertendis ad Romanam ecclesiam gentibus multa & grandia fabulantur, cùm nequaquam hos, qui vicinis in parietibus commorantur, à vana superstitione abducere possint. neq; tamen & hoc negare attism esse in Scythia homines Iesu nomen adorantes, cùm dictum sit per Dauidem de voce Euangelij per Apostolos in gentes spargenda, in omnem terram exiuit amussis eorum, & in finem orbis oratio eorum. Porrò non fugit excellentiam tuam dogma Mahometarum magna ex parte Iudeorum superstitionibus & somnijs esse refertum. Tartari igitur Circumcisionem quoque retinent, sed diuersa ab Hebrais ratione. Secundo enim & tertio annis à natiuitate, prout papæ visum est, circumciduntur.

Lingua eorum à Polono idiomate tam longè abest, vt in Scythiam, illi in Sarmatiam cōmigrantes, ranæ Scriphiæ non iniuria dici queant. Qui tamen in Polonia, & Lituania, & vtraq; Russia longè lateq; dispersi sunt, plerumq; hominū, quibuscum degunt, linguam addiscunt & callent.

Præterea illorum papa hoc mihi in sermone dixit: In multis suæ gentis regionibus, solem, ignem, malos item genios, ranquam Deos coli. Moribus feris sunt, & duri laboris patientissimi: nec etiam vna vxore cōtenti. Nam plurimas ducunt, quarum penè miranda domi est concordia. Sed prior cæteris gratior habetur & acceptabilior.

Mortuos hîc non cremant, sed defodiunt. Sponsos etiam fato functos addita dote & rebus œconomiz

nomia necessarijs, matrimonio iungunt, ridiculis mehercle ceremonijs, quos alio in orbe & reuicturos, & vnà semper futuros autumant. De animabus demortuorū ita sentiunt, eas videlicet ex vno corpore in aliud tantisper demigrare, donec præcellentem aliquam & diu quæsitam inueniant habitationem, atq; hinc magna ista mundi lumina Cætares & viros principes enatos esse.

Victus illorum miserrimus & Cyclopicus. Nam prandentes aliquoties cum horrore aspexi. Carnes certè equinas ac semicoctas auidissimè deuorant. nullus illis mensarum & sediliorum est vsus. Cutes equorum iam tum fumantes, & recens bestia detractas pro scamnis confessuri consternunt. Lac equarum tanquam vinum Cretense admirantur & epotant. Hi bellis, acynacibus, arcu & sagittis pugnare, bellatorum præstantia equorum omnibus faciliè antepponendi.

Præcopiensium legatus XIX. Iunij Vilnam adueniens regi euangelion adferebat, de re à suis contra Moschos animosè & fortiter gesta. Quod videlicet non tantum maximas hostis prouincias ferro flammaq; feliciter peruagati sint: sed & ad ipsa metropolis Moschouia mœnia penetrarint. Horū studium voce sua rex collaudans, magnam se ipsis aliquando gratiā habiturum dicebat, si deinceps quoque magnanimo conatu in aduersam gentem arma & bellum inferant.

Iam de rebus Polonicis quales ex nunc sunt, scribendum aliquid erit. Quia nihil enim abste literarum tribus penè mensibus accepi, meas epistolas, quas Maio & Iulio exaravi, intercidisse video. Rex



Stephanus Victor, 29. Aprilis ex comitijs Warfauiensibus Vilnam reuersus est. VIII. autem Kal. Iun. Bogdanus Bielscius, Moschus nobilissimus, à suo principe profugus ad regem venit Vilnam, qui non tantum humanissimè nouum & insperatum hospitem excepit, sed & muneribus adfecit liberaliter. Sunt homines qui omnis loco illius aduētum excipiant, & fore confidant, vt ex solius consilio rex plurimis in rebus adiuuetur.

Sequenti die, quierat 26. Maij, legatos Moschicos aduentare vidimus, comitatum habentes satis splendidum. Cum illis aliquot diebus de pace tractatum est, effectum verò nihil. Conditiones à rege propositæ tales sunt: Moschus Liuoniam tradat. Impedimenta bellica & cōmeatum in arcibus deditis relinquat. Sumptus etiam duabus expeditionibus factos persoluat. Pacem perpetuam sanciat. Danorum & Suecorū reges hoc fœdere comprehendantur. Captiui λύβω vel permutatione redimātur. Ipse princeps in finibus vtriusq; regni ad colloquiū se sistat. Internuncij cum dicerent nihil horum suis in mandatis annotatū esse, intercessione procerum, decem dierum spacium impetrarunt, vt interea per veredarium principis sui mentem explorarent. Ille, quia die dicto reuersus non est, rex quidem legatos dimisit.

Ipse verò 19. Iunij, equum in gyros tortū conscendens, Vilna egressus est circiter decimam diei horam, cælo ita sereno & tam faustis hominum acclamationibus, vt dubitare nemo possit, hunc principem diuinitus Polonorum genti datum, ex hydra ista Lernæa feliciter debellata, famā reportaturum esse

esse immortalem. Equitabant in agmine variarum gentium proceres, inter quos non postremus erat legatus pontificius Ioannes Andreas Caligarius, episcopus Brittonoriensis, qui pro confirmatione regni pecuniam papæ debitam deposcens, indulgentias simul & peccatorum remissionē largissimam attulit. Proximum ab illo locum tenebat generosus vir, Leuinus Bulonius, ab illustrissimo Marchione Brädeburgensi & Borussorū duce in legatione huc missus, qui postea Caunam reuersus, cum ad prandium me inuissset, amāter hoc à me petijt, vt suo nomine salutē tibi plurimā adscriberem, addens & illud: In Borussiam quidem te hoc tempore non venturū, id quod ego summo cum dolore audiui: Statueram enim salutandi gratia Regionē montē ad te excurrere.

Tidemannus quoque Gisius, I. V. D. & regis intimus Secretarius, homo omnium hominum humanissimus, & optimis literis egregiē excultus. 21. Iunij, historiam Augustanæ Confessionis tuam, ab Rittero Latina ciuitate donatam, Vlnæ mihi monstrauit. Cumque sumpto semel iterumque calamo scribere tibi vellet, neque tamen tanta & indicibili negotiorum mole oppressus, sibi ipsi satisfacere posset, inuitus quidem hoc tempore officium tuæ excellentiæ debitum intermisit, meque per Apollinem rogauit, vt hanc candidissimæ mentis suæ affectionem per epistolam tibi significarem, id quod me facturum, vt i debui, ita lubenter promisi. De omnibus tamen rebus, quæ hætenus gestæ sunt, & quæ deinceps numinis auspicio gerentur, faciet te paulò post certiolem.

Regis nostri frater, Transyluania princeps, nu-



per decessit, cuius obitum rex grauiter tulit, vt par est. metuit fortassis aliquam in istis locis mutationem, quanquam filius demortui, decem annorum puer, à subditis patris successor nominatus est. Eodem die quo Transylvanorum dominus extinctus est, generosissimus regis equus exanimis concidit & periit, qui non procul ab arce Vilnensi defossus est, & columnam habet ligneam.

Belli suscepti moles hac ætate Pleſcouiam tanget. Milites vndiq; huc confluunt, ille ex Germania, alter ex Calydonia, tertius ex Britannia, vt nimirum venales animas tantò citius Plutoni propinēt. Nam vndiq; ad inferos tantundem viæ est.

Rex dum foris hostem quærit, nos domi pro pietate bellum gerimus. Proceres quidem Polonici, qui purioris doctrinæ professoribus fauent, & partim Zuinglianos defendunt, partim Augustanam Confessionem sequuntur: ante abitum suum de ineunda concordia suaserunt, certum esse adfirmantes, quod N. Romę nuper creatus in perniciem Lutheranorum iuramentum præstiterit Pont. Max. Huius verò tyrannidem non adeò metuendam esse, si nos piè in religione consentiamus. Maio igitur mense conuenimus Vilnæ, effecimus nihil. Summam actionis adiunctæ continent paginæ. Ipse Dei filius, vtinam gloriosissimo aduentu suo vulnera ecclesiæ citò sanet, & beatitudinem nobis donet sempiternam. In hoc quidem seculo sinceram sperare pacem non licet. Anabaptistas vicinos per occasionem erroris admonui. Horum superintendentes Laurens Criscouius, hæresin se defensurum scribit. cùm prodierint chartæ, habebimus sanè quod

quod aut contemnamus, aut etiam quod auctoritate sanctarum scripturarū refutemus. Literas ipsius Crisconi ad tuam Excellentiam transmittito. Iamq; Colophonis vice etiam atq; etiam vehementer te rogo, vt hasce paginas tuo iudicio emendes, ac vel legas, vel diuulges, vel abijcias, quidquid horum feceris, meo facies consensu. Summum Pontificem ecclesiæ, Iesum Christum, Dei ac Virginis filium, qui solus est longitudo dierum nostrorum, toto pectore precor, vt tuam Excellentiam spiritu sanctissimo suo gubernet, & diutissimè incolumem conseruet, meque tuæ beneuolentiæ & amoris totum trado.

VIII. Kalend. August. anno. M. D. LXXXI.

## E P I S T O L A

DE RELIGIONE ET SACRIFICIIS VETERVM BORUSSORUM, IO. MELETII

*Ad*

GEORGIVM SABINVM.

CVM elegiam illam tuā, quam ad Petrum Bembum Cardinalem scripsisti, mihi legendam exhibuisset Hieronymus filius meus, qui tuis scriptis plurimū delectari solet, in qua de sacrificio capri, & anguium cultu, quæ nonnullæ Sarmaticæ gentes faciunt, commemoras: continere me non potui, quin ea quæ de vano cultu earum gentium comperi, ad te scriberem, tibi vtique non ingratum fore sperans, si earum gentiū, ad quas fato quodam vocatus es, & in quarum vicinia vitam agis, mores &

Dd



idololatriam plenius cognosceres. Multi enim superstitiosi ritus, idololatrici que cultus passim in his regionibus adhuc occultè seruantur, qui tibi aduenæ nondum fortè cogniti sunt. Itaque visum est communicare tecum, quicquid de illis compertum habeo. Ac ne longiore utar proœmio, referam primò sacrificia, quibus olim Borussia, Samogitia, Lithuania, Rutheni & Liuones, coluerunt demonia pro dijs, atque etiam nunc multis in locis colunt occultè: deinde superstitiosos quosdam ritus, quibus nuptiæ, funera & parentalia apud easdem gentes celebrantur.

Die Georgij sacrificium facere solent Pergrubrio qui florum, platarum, omniumque germinum Deus creditur. Huic Pergrubrio sacrificant hoc modo. Sacrificulus, quem *Vurschayten* appellant, tenet dextra obbam cereuisiæ plenam, inuocatioque demonij nomine, decantat illius laudes: Tu (inquit) abigis hyemem, tu reducis amœnitatem veris: per te agri & horti virent, per te nemora & sylvæ frondēt. Hac cantilena finita, dentibus apprehendens obbam, ebibit cereuisiam nulla adhibita manu: ipsamque obbam ita mordicus epotam retro supra caput iacit. Quæ cum è terra sublata, iterumque impleta est, omnes quotquot adsunt ex ea bibunt ordine, atque in laudem Pergrubrij hymnum canunt. Postea epulantur tota die, & choreas ducunt.

Similiter quando iam segetes sunt maturæ, rustici in agris ad sacrificium congregantur, quod lingua Ruthenica *Zazinck* vocatur, id est, initium messis. Hoc sacro peracto, vnus è multitudine electus, messem auspicatur, manipulo demesso quem domum

munum adfert. Postridie omnes, prinò illius domestici, deinde ceteri quicunq; volunt, messum faciunt.

Facta autem messè, solenne sacrificium pro gratiarum actione conficiunt, quod Ruthenica lingua *Ozinck*, id est, consummatio messis dicitur. in hoc sacrificio, Sudini Borussiae populi, apud quos succinum colligitur, capro litant, sicut in elegia tua ad Bembum scribis.

Litandi verò ritus est talis. Congregato populi cœtu in horreo, adducitur caper, quem *Varsichaytes* illorum sacrificulus mictaturus, imponit victimæ utranq; manum, inuocatque ordine dæmones, quos ipsi Deos esse credunt: videlicet, Occopirnum, deum cæli & terræ. Antrimpum, deum maris: Gardoxten, deum nautarum, qualis olim apud Romanos fuit Portunus. Potrympum, deum fluuiorum ac fontium. Piluitum, deum diuitiarum, quem Latini Plutum vocant. Pergrubrium, deum veris. Pargnum, deum tonitruum ac tempestatû. Pocclum, deum inferni & tenebrarum. Poccollum Deum ætiorum spirituum. Puticætum, deum qui sacros lucos tuetur. Aufceutum, deum incolumitatis & ægritudinis: Marcoppolum, deum magnatum & nobilium: Barstuccas quos Germani *Erdmenlen*, hoc est, subterraneos vocant.

His dæmonibus inuocatis, quotquot adsunt in horreo, omnes simul extollunt caprum, sublimemque tenent, donec canatur hymnus, quo finito, rursus demittunt ac sistunt caprum in terram. Tum sacrificulus admonet populum, ut solenne hoc sacrificium à maioribus piè institutum, summa cum veneratione faciant, eiusque memoriam religiose ad



posteror confert. Hac conciuncula ad populum habita, ipse macat victimam, sanguinemque patina exceptum dispergit. Carnem verò tradit mulieribus eodem in horreo coquendam. Hæ interea dum caro coquitur, parant è farina siliginea placentas, quas non imponunt in furnum, sed viri focum circumstantes, hinc illinc per ignem iaciunt absque cessatione, tādū quoad illæ indurescant, & coquantur. His peractis epulantur atq; helluantur tota die ac nocte vsque ad vomitum. Ebrij deinde summo mane extra villam progrediuntur, vbi reliquias epularum quæ remanserunt, certo in loco terra operiunt, ne vel à volatilibus vel à feris diripiantur. Postea dimisso cœtu, suam quisque domum repetit.

Cæterum, ex omnibus Sarmatiæ gentibus suprà nominatis, multi adhuc singulari veneratione colunt Putscatum, qui sacris arboribus & lucis præest. Is sub arbore Sambuco domicilium habere creditur. Huic passim homines superstitiosi litant pane, cereuisia, alijsque cibis sub arbore sambuco positis, precantes à Putscato vt placatum efficiat Marcopolum, deum magnatum & nobilium, ne graniore seruitute à dominis ipsi premantur: vtque sibi mittantur Barstuccæ, qui (vt suprà dictum est) subterranei vocantur. His enim dæmonibus in domo versantibus se fieri credunt fortunatiores: eisque collocant vesperi in horreo super mensam mappa stratum panes, caseos, butyrum, & cereuisiam: nec dubitant de fortunarum accessione, si manè reperiunt cibos illic assumptos. Et si quando intactus cibus in mensa remanet, tunc magna anguntur cura nihil non aduersi metuentes.

Eædem

Eadem gentes colunt spiritus quosdam visibiles, qui lingua Ruthenica *Colky*, Græci Coboli, Germanica *Coboldi*, vocantur. Hos spiritus credunt habitare in occultis ædium locis, vel in congerie lignorum: nutriuntque eos lautè omniborum genere, eò quòd afferre soleant nutritoribus suis frumentum ex alienis horreis furto ablatum.

Cùm verò hi spiritus alicubi habitare ac nutrirì cupiunt, hoc modo suam erga patrènfamilias voluntatem declarant. In domo congerunt noctu segmenta lignorum, & mulctris lacte plenìs imponunt varia animalium stercora. Quod ubi paterfamilias animaduernerit, nec dissipauerit segmenta, nec stercora è mulctris eiecerit sed de inquinato lacte cum omni familia sua comederit, tunc illi apparere & permanere dicuntur.

Præterea Lituani & Samogitæ in domibus sub fornace, vel in angulo vaporarij ubi mensa stat, serpentes fouent, quos numinis instar colentes, certo anni tempore precibus sacrificuli euocant ad mensam. Hi verò exeuntes, per mundū linteolum conscendunt, & super mensam assident. Vbi postquam singula fercula delibarunt, rursus descendunt, seque abdunt in cauernis. Serpentibus digressis, homines læti fercula illa prægustata comedunt, ac sperant illo anno omnia prosperè sibi euentura. Quod si ad preces sacrificuli non exierint serpentes aut fercula super mensam posita non delibauerint, tum credunt se anno illo subituros magnam calamitatem.

Ad hæc eadem gentes habent inter se sortilegos, qui lingua Ruthenica *Burty* vocantur, qui Potrimpum inuocantes, ceram in aquam fundunt, atque



ex signis siue imaginibus inter fundendum figuratis, pronunciant ic vaticinantur de quibuscunque rebus interrogat fuerint. Noui ipse mulierculam, quæ cum diu redtum absentis filij frustra expectasset: erat enim filus ex Borussia in Daniã profectus: consulit sortilegum, à quo edocta est, illum naufragio perijsse. Cen enim in aquam fusa, expressit formam fractæ nauis, & effigiem resupini hominis, iuxta nauim fluitantis.

Apud Samogitas est mons ad fluuium Nauuasam situs, in cuius vertice olim perpetuus ignis à sacerdote conseruabatur, in honorem ipsius Pargni, qui tonitruum & tempestatum potens à superstiosa gente adhuc creditur. Haftenus de sacrificijs.

Nunc de ritibus Nuptiarum, funerum, & parentalium, narrabo non minus ridicula quàm superstiosa. Apud Sudinos, Curonenses, Samogitas, & Lituanos, nobiles puellæ multis in locis gestant tintinabulum, quod funiculo alligatum è cingulo dependet vsque ad genua. nec ducuntur, sed rapiuntur in matrimonium, veteri Lacedæmoniorum more à Lycurgo instituto. Rapiuntur autem non ab ipso sponso, sed à duobus sponsi cognatis. Ac postquam raptæ sunt, tunc primùm requisito parentum consensu matrimonium contrahitur.

Cùm nuptiæ iam celebrantur, sponsa ducitur ter circa focū. Deinde in sellam ibi collocatur. Sediti super sellā, pedes lauantur. Ea verò aqua, qua sponsæ lauantur pedes, conspergitur lectus nuptialis ac tota supellex domestica: Consperguntur item hospites, qui ad nuptias inuitati sunt. Postea sponsæ os oblinitur melle, & oculi teguntur velamine, velatis oculis

oculis ipsa ducitur ad omnes ædium fores, quas iubetur contingere ac pulsare dextro pede. Ad singulas fores circumspergitur tritico, siligine, auena, hordeo, pis, fabis & papauere. Qui enim sequitur sponfam, gestat saccum plenum omni genere frugum: cumque illam circumspergit, ait, nihil horum defuturum sponse, si religionem pie coluerit, remque domesticam curauerit ea diligentia, qua debet. His actis, aufertur sponse velamen ab oculis, & conuiuium celebratur.

Vesper cum sponfa ad lectum deducenda est, inter saltandum ei abscinduntur crines, quibus abscissis, mulieres imponunt ei sertum, niueo linteolo adornatum, quod vxoribus gestare licet, donec filium pepererint. Tadiu enim vxores pro virginibus se gerunt. Ad extremum introducit in cubiculum, vbi pulsata & verberata, coijcitur in lectum, sponsoque traditur. Tum pro bellarijs afferuntur testiculi caprini, vel vrsini, quibus ipso nuptiarum die commanducatis, coniuges creduntur fieri fecundi. Hac de causa nullum quoque animal castratum illic ad nuptias mactatur.

In Funeribus hic seruatur ritus à rusticanis, defunctorum cadauera vestibus & calceis induuntur, & erecta locantur super sellam, cui assidentes illorum propinqui, perpotant ac belluantur, epotata cereuisia, fit lamentatio funebris, quæ in lingua Ruthenica sic sonat *Ha le le, le le, y procz ty mene vmarl? ij za tij nie miel sto yesty albopity? y procz tij vmarl? Ha le le, le le ij za tij nie miel kras ye mlodzi-ce? ij procz tij vmarl?* Id est, Hei, hei mihi. Quare mortuus es? Num tibi deerat esca aut potus? Quare ergo mortuus es? Hei hei mihi: An non habuisti



formosam coniugem? Quare ergo mortuus es? &c. Hoc modo lamentantes enumerant ordine omnia externa illius bona, cuius mortem deplorant: nempe, liberos, oues, boues, equos, anseres, gallinas, &c. Ad quæ singula respondentes, occinunt hanc Nænam, Cur ergo mortuus es, qui hæc habebas?

Post lamentationem dantur cadaueri munuscula, nempe, mulieri fila cum acu: viro linteolum, idq; eius collo implicatur. Cùm ad sepulturam effertur cadauer, pleriq; in equis funus prosequuntur, & currum obequitant quo cadauer vehitur: educitque gladijs, verberant auras, vociferantes, *Geygeythe begaythe peckelle*. id est, aufugite vos dæmones in infernum. Qui funus mortuo faciunt, nummos proijciunt in sepulcrum, tanquam viatico mortuū prosequentes. Collocant quoque panem, & lagenam cereuisiæ plenam ad caput cadaueris in sepulcrum illati, ne anima vel sitiat vel esuriat. Vxor mane & vesperi, oriente & occidente sole, super extincti coniugis sepulcrum sedens vel iacens, lamentatur diebus triginta. Cognati verò ineunt conuiuia die tertio, sexto, nono, & quadragesimo à funere. Ad quæ conuiuia animam defuncti inuitant, precantes ante ianuam. In his conuiujs, quibus mortuo parentant, tacitè assident mensæ tanquam muti, nec vtuntur cultris. Ad mensam verò ministrant duæ mulieres, quæ hospitibus cibum apponunt, nullo etiam cultello vtentes. Singuli de vnoquoque ferculo aliquid sub mensam iaciunt, quo animam pasci credunt, eisque potum effundunt. Si quid fortè deciderit de mensa in terram, id non tollunt, sed desertis (vt ipsi loquuntur) animabus relinquunt manducan-

ducandum, quæ nullos habent vel cognatos vel amicos viuentes, à quibus excipiantur conuiuio. Peraçto prandio, sacrificulus surgit de mensa, ac scopis domum purgat, animasque mortuorum cum puluere eijcit, tanquam pulices, atque his precatur verbis, vt è domo recedant. *Iely, Pily ducisse: nu Wen, nu Wen:* hoc est, edistis ac bibistis animæ dilectæ, ite foras, ite foras. Post hæc incipiunt conuiuæ inter se colloqui & certare poculis. Mulieres viris præbunt & viri vicissim mulieribus, seque mutuo osculantur.

De hac oblatione ciborum super tumulos defunctorum meminit etiam Augustinus sermone 15. de Sanctis, cuius verba hæc sunt: Miror cur apud quosdam infideles hodie tam perniciosus error increuerit, vt super tumulos defunctorum cibos & vina conferant, quasi egressæ de corporibus animæ, carnales cibos requirant. Epulas enim & refectioes caro tantum requirit: Spiritus autem & anima ijs non indigent. Parare aliquis suis caris dicit quod ipse deuorat. Quod præstat ventri, imputat pietati, &c. Hætenus Augustinus.

Hæc, quæ de superstitiosis ritibus, & ceremonijs illarum gentium narraui, partim ipse vidi, partim ab hominibus fide dignis audiui. Tu verò, præstantissime vir, qui variarum rerum cognitione delectari solitus es, pro ea qua excellis humanitate, meum hoc quaecunque scriptum ab homine tui  
 amantissimo profectum, boni  
 consulas, oro.

FINIS II. TOMI  
 Rerum Polonicarum.





T O M V S I I I .

RERVM POLO-  
NICARVM, IN QVO  
RES PARTICVLARITER  
gestæ à Polonis comprehenduntur.

ILLVSTRIBVS ET MAGNIFI-  
CIS VIRIS, DN. NICOLAO MIE-  
leczki, Voiuodę Podolię, Grodensi, & Nico-  
Sieniauski, Striensi præfecto, atque  
copiarum regni in Russia pri-  
mario ductori,

IOANNES LASICIVS S.



*IS* Inos certa merces laborum, Chri-  
stianorum causa susceptorum, in cæ-  
lis maneret: nihil vobis, illustres viri,  
caterisq; istic pacis publicæ conser-  
uatoribus foret infelicius. Tanta sunt  
vestra in Rempub. Christianam me-  
rita, me latet aniam remunerata. Hac verò est illa  
maxima caritas, de qua sic inquit noster Seruator:  
Maiorem hac caritatem nemo habet, quàm si animã  
suam ponat pro amicis suis: hoc illud quod Sirachus  
faciendum suadet, ne fratris & amici causa pecunie  
parca-

parcamus, hoc quod Paulus scribit: Caritas non quaerit quae sua sunt: & omnia sustinet. Quae, quanta sint, quis nō videt? Testis rei huius est, inter alia, haec quam ad vos mitto, *VALACHICA HISTORIA*: nam quid vos aliud in Valachia, tanto cum discrimine vita, nec absque impensis, & domesticis rebus postpositis, anno 1572. egistis, quam ut Bogdano, gentis nostrae amantissimo, in illam reducto, tutum ab illa parte à Turcis regnum Polonicum, firmissimum Germaniae murum, redderetis? quo beneficio quod aliud maius à vobis in Rempub. proficisci potuit? Itaq; ne dubitate, veniet aliquando illud tempus, cum, ut omnium Christo fidentium virtutes, ita vestra quoq; haec de populo Dei merita, magnis premijs afficientur. Nec ego valde miror, optatis, conatibusq; vestris fortunā non respondisse: cum nemo sit hominum, cui semper secunda sint omnia. In magnis (ait Poeta) & voluisse sat est. Satis vos patria, satis amico dedistis afflicto. Si Deo, mundi, quem creauit, admirādo rectori, secus visum: quid dolemus? voluntati illius quis resistet? is ut dat, ita aufert, reges, regna mutat, excitat & immittit hostes, non tamen absq; causa: sed propter impunita scelera, idololatriam, superstitionem, pauperum oppressionem, iniurias, fraudes, furta, cades, luxus, libidines, ebrietates. Ductus est in captiuitatem populus meus, ait vates Esaias, propterea quod non fuerit praeditus scientia: tympanum, tibia & vinum in conuiujs illorum: opus autem Dei non respiciunt. Neq; verò vos tunc solum praeclearam patriae operam nauastis: magna semper ab illo tempore, ex quo vos in Russia diuina cōstituit prouidentia utriusq; vestrum, maiorumq; vestrorum, in repellenda vi Barbarorum, vigilantia, in-



*industria, fortitudo enituit: si modo alij conatus adiu-*  
*nissent vestros, vel si plura perficere per iram diuinam*  
*licuisset. Vinam autem nostri, tam crebris Scytharū*  
*incurſionibus exciti, qui mihi nihil niſi prodromi Tur-*  
*carum eſſe videntur, de locis, quā illis accessus ad nos*  
*patet, muniendis tandem aliquando cogitarent. Vidi-*  
*ſti tu, ſapientiſſime Mieleci, in tua illa cum Comite*  
*Tarnonio & Stanislao Lataſcio peregrinatione, vi-*  
*diſti inquam inuenis, vt Itali Turcis, Hiſpani Mau-*  
*ris, Galli Anglis, Dani Suecis, Zelandi & Hollandi*  
*quibus ſuis, cum bellum eſt, nauibus ad ſe aditum pro-*  
*hibeant: vt ijs in locis, quibus commodus eſt ad eos ac-*  
*ceſſus, arcēs, praſidiaq; habeant: collapſa inſtaurent,*  
*dies & noctes excubent. Cuius rei documenta ſi nunc*  
*hac tua & atate, & authoritate ad tuum Neſtrum*  
*atq; Neprum, quā ſerus Scythia incurrit, ederes: certē*  
*hēc inter tot tuos, quos in arcendis hoſtibus ſuſcipis la-*  
*bores, praecipuum, idemq; immortale opus eſſet futu-*  
*rum. Ni verò id, hoſte iam nobis propinquo, & incu-*  
*ria noſtra nimium audaci factò, mature feceritis, quis*  
*mirabitur ſequutam poſſeſſionis direptionē: quæ, prob-*  
*dolor, iam magna eſt, ubi nulla ſepes fuit? Cui ducen-*  
*da non dubito quin poſt tot calamitates, & Turcarum*  
*in Valachiam ingreſſum, manus ſitis celeriter admo-*  
*turi. Opto vobis Gedeonis fortitudinem, Sam-*  
*ſonis vires, Davidis felicitatem. Bar-*  
*cini, Kal. Octobr. 1 5 7 7.*

IOANNIS



IOANNIS LASICII  
HISTORIA DE INGRESSV  
POLONORVM IN VALACHIAM,  
*cum Bogdano Voinoda, (cui successit Iuonia) &  
cade Turcarum: ducibus Mielezkio & Sie-  
nia Wskio: an. M. D. LXXII.*



ARIA esse gentis cuiusuis, vt virtu-  
tes, ita vitia, nemo est qui ignoret.  
Valachorum sanè ea est leuitas a-  
nimi, & perfidia, vt maior esse ne-  
queat. li paucis antè annis, ne su-  
periora commemorem, Alexan-  
dro principe suo eiecto, quendam Iacobum Despo-  
tem, qui Rostochij Mathemata docebat, nostris  
quibusdam suo cum dispendio eum adiuuantibus,  
receperunt: quo occiso, rursus Alexandrum, postea  
Bogdanum admiserunt. Hoc fastidito, Iuonia se  
subiecerunt, isto Turcis prodito, ad Petrum defece-  
runt, quem quis diutius his regnaturum credat? Ita  
illud à Salomone verè dictum, vt omnia, propter  
improbritatem terræ, multos principes eius esse.  
Quamobrem haud mirū est, proposuisse id in con-  
cilio Lucensi, anno Christi 1429. Sigismundum  
Hungarorum, Romanorumq; regem, (vt testis est  
lib. 4. Chronicorum Polonicorum noster Miecho-



uiensis) vt gens Valachica, vnà cum suis Voiuodis exterminaretur: quod nemini fida foret, furto ac præda viueret, sed Wladislaum regem Poloniae, Vitoudo duce Lituaniae, fratre suo, praesente, respondisse: non esse æquum vt Valachi, regni Poloniae subiecti, exterminarentur: quorum si aliqui furto viuerent, id tamen nō posse de omnibus dici. Licet autem hoc tum discordia, regum non fuerit factum: at nostra ætate, magnis eos cladibus affligi: tandē etiam diuino permisso, Turcarū iugo subijci vidimus. Sic enim propheta Amosus, Dei nomine: Ecce, inquit, oculi Domini Iehouæ in regnum quod peccauit: disperdamq̃, illud è terra. Sic & apud Ieremiam Deus ait: Ego feci terram, & dedi eā illi cui mihi visum est: dedi omnes has terras Nebuchadnefaro Babylonio seruo meo. Quis igitur miretur tot gentes, quarū fides lubrica, iam in prouerbium abierat, in Turcicam deuenisse potestatem? nam quid Deo magis exosum, bilingui, perfido, fraudulento? Sed nos iam historiā aggrediamur, Paprociū sequuti.

Valachi, qui olim Getæ & Daci, post ab colonia Italorum, quos Wlochos vocamus, Valachi cognominati, gens misti seminis, ideoq̃; ingenij varij & inquieti: cōcepto odio contra Bogdanum, suū Voiuodam, (vox ea lingua nostra exercitus ducē significat) quod Polonorum magna consuetudine sua in aula vteretur, his plurimum fidei haberet, horum beneuolentiam liberalitate demereretur, vni illorū sororē suam nuptū dedisset, ipse quoq̃; vxorē genere Polonā ducturus esset: clām ineunt consiliū de alio in locum illius sublegendo. Erat tum apud Imperatorem Turcarum luonia, (sic illi Ioānem appellant)

filius

filius Stephani, Voiuoda illorū, è cōcubina prognatus: qui anno salutiferi partus 1561. rege Sigismundo Augusto comitia Lublini agente, Ioannis Fierlei, Voiuode Lublinēsis, Marschalciq; regni Poloniae, senatoris grauissimi, minister fuit. Is Valachis visus est ad suscipiendum imperium satis idoneus. Ad hunc ergo de nouo principatu scribunt: quæ & quanta à Bogdano & Polonis perferat mala, significat: si citò cum aliqua Turcarū manu veniret, prodituros se ei obuiam pollicentur: Polonosq; vnà cum Bogdano, & Petro fratre ipsius, vinctos viuos in potestatem eius tradituros. Iuonia iamdudum cupidine dominandi flagrans, accepto tali nūtio, protinus colligit Cæsaris sui permissu, circiter viginti millia Turcarū, Græcorum & Serborū. Porro Bogdanus, factus de his consilijs à quodam Valacho certior, simulq; monitus vt profectus in Poloniam ad amicos, maturè pararet auxilia, quibus se ab iniuria tueretur, vitaret insidias: illo ipso quo hæc accepit die, (qui fuit Dominicus præcedēs Bacchanalia anni 1572.) Valachia excedit: vbi primū Polonis, suis familiaribus, perfidiam, insidiasq; subiectorum suorū aperit. Egresso è Valachia Bogdano, ingressus in eā est Ioannes, ipsius æmulus, magnis Turcarum copijs stipatus: cui obuiā primates profecti, Gabriel Logofet, Dinga dux exercitus, Craczonus eremita, Visternicus Iasus, Lupulus Stroz, cateriq; proditores: salutatūq; reuerenter, Iasum, vbi sedes Voiuodarū est, deducunt. Tum verò cognouēre periuri Valachi, quàm leuia fuerint priora incommoda illis, quæ à Turcis patiebantur: nam nostri milites nihil aliud quàm pabulum in vsum equorum, ex agris, horreisque incola-



rum auferebant: at Turcæ, præter id, vxores quoq; illorum, virgines, pueros constuprabant: parentes, propinquos flagitia prohibentes pulsabant: omnia-que alia arbitratu suo agebant: adeò licenter, vt illostum pluribus incommodis vnus Turca affecerit, quàm antea triginta Poloni: nec dissimilise eorū conditio Iuonia imperante, illi Israelitarum, Abimelecho rerum potiente, fuerit: quæ sors communis est ijs omnibus, qui excusso dominatu à Deo accepto, alium sibi pro sua libidine, nefariè accersunt. Nam & ipse Iuonia, vel ob leuissimum delictum, pœnam capitis infontes statuebat, viuos excoriabat, palis infigebat, oculis priuabat, (quæ pœna apud Valachos familiaris est) naso & auribus præcisis deformes homines reddebat: breuiter, si quis illo inuito seu racemum suæ vineæ, seu quidpiam aliud, ex quo census penditur, vendidisset: hunc ille aut occidebat, aut hamo per nares illius traducto, manibusque post tergum colligatis, tortoribus, vel, si isti non essent, Nigritis (quos Ziganos vocant) per plateas immisericorditer flagellandum obijciebat: & (quod immanius est) cæsorū cadauera, insepulta esse in foro sinebat, vt canes esu illorum saturarentur, homines aspectu obedientiores redderentur. Hac tali feritate, tantum sui metum, amoremq; (si modò in metu esse potest amor) plebi incussit, vt illum postea non modò honorarint, horruerintq;, verùm etiam fortiter pro eo depugnauerint. Tale in illis locis, & ad Septentrionem, vulgi hominum ingenium est, vt castigatum promptius, quàm sua sponte officium faciat. Est in Russia nobilissimæ prosapiæ Casparus Paniewskius, præfecti Zidaczouensis

uiensis forma conspicua filius: huic Bogdanus suam sororem, matre id volente, bona cum dote locauit. Ipse etiam Bogdanus, Ioannis Tarlonis, signiferi Leopoliensis, pudoris, pulcritudinisq; eximiae filiam, ducturus in matrimonium erat: cui filiae, matriq; eius, viro mortuo, rex Augustus tutores dedit senatores illustres, Georgium Iaslouiecium Russie, Nicolaum Mielecium Podoliae Voinodas: qui puellam sponso, non secus quam si regia filia foret, tradituri erant. Ad hos ergo Bogdanus ubi venit, opem illorum contra infidos Valachos implorat: suum honorem tuendum ut suscipiat, omnibus precibus rogat: idem petit & a militibus, finium regni custodibus. Hi itaq; omnes, rei indignitate commoti, & illud Sirachi consilium sequuti: Iniuriam (inquit) patiente eripe e manu iniuriam inferentis: neq; vindicando animu paruum habeas: & eritis tanquam filij altissimi: quod & Dauid, Salomon, Ieremias, homines diuini, faciendum censuerunt: operas illi suas, ad vindicandum ius amissum, obtulere: miserat & ad Augustum regem certos homines, qui idem abs eo flagitaret: sed foedus cum Turcis antiquum, auxilia ferre non fuit: tamen quod prestare potuit, fecit: misso ad Turcam nobili legationib. viro, Andrea Tarano Wskio, Bogdano ut reconciliaretur, si modo offensus ab illo esset, utq; eiectu in patrium principatu restitueret, orauit. Egresso e Valachia absq; omni operae pretio legato, comestum Bogdanus cum bis mille fere, voluntarijs militibus e nobilitate conflatis, in patriam irrumpit: quos traducto Nestro flumine, voluntate omnium, Nicolao Mielecio, propter prudentiam & rei bellicae scientiam inter omnes summo, ducendos, regendosq; comit-



tit. Is sibi laboris socium & adiutorem adiungit Nicolaum Sienia Wskium, Palatini Russiæ filium, Striensem præfectum, non minùs quàm ipse, rei militaris scientia clarum: cui breui pòst, omnis orę illius militiæ cura à rege commissa est. Horum ductu ingressi in Valachiam, rei frumentarię paulò licentiùs studere cœperunt: quare cognita, Mielecius furcam medijs in castris erigit, pœna capitis raptoribus statuta: quòd non ad hostes, sed ad suos venissent, quibus dominũ restituere conarẽtur expulsus. Habitus est ibidẽ delectus militũ, septingẽti, bello gerẽdo parũ idonei, domũ reuerti iussi, mille trecẽti relictĩ: pauci numero, sed animi, corporisq; virib. præstātes. Postero die iter ingressi per syluā faginā (quæ quondā ab incolis callidẽ succisā, nostris perniciosā fuit) ad Prutũ amnẽ p̄uenẽre: vnde misso Pila Wskio centurione cū Bogdani famulis, vt Chocimo tormenta bellica adueherẽt: ad Stepano Wczum (qui locus ad eundẽ fluuiũ est) p̄cessẽre: vbi facti de vicinis hostib. certiores: visum imperatorib. est, quòd ad illos suis cū cēturijs, p̄ficiscerẽtur insignis fortitudinis audacięq; viri, Stanislaus Lanczcoronskius Scalensis, Michael Iassouiecicus Chmielnicẽsis præfecti: Nicolaus Herbertus, Stanislaus Volskius, Crussielniczkius, Temrucus Pietichorensis cū suis, & triginta Croatis. Hos Valachi cōspicati, quorũ ductor Dābroua, Pruto celeriter traiecto, terga dedẽre: ibāt ergo nostri secundum vnā ripam, hostes ex aduerso secundũ alteram: eius animi, vt sex millia virorũ quadringentos Polonos nō fuerint adoriri ausi. Nostri, nulla re memorabili patrata, in castra reuersi, ire rursus ad excubias agendas iussi sunt: profecti, incidunt in Turcicos & Vala-

Valachicos excubitores: q̄ multis in locis ignes excitant, vt hac ratione, quāuis mille capita nō superarent, plures esse viderētur. His nostri cēlo iam albēte visis, etsi impares, tamē se tenere nō potuerunt. quin sublato clamore in illos irruerēt: ac Turcæ, armis protinus correptis, cōclamant & ipsi: Volschianosq; atq; Croatas, qui eos inuaserāt priores, abs se propellunt. sed posteaquā Herburtus, Lanczcorōskius, Iaslouiecius, Crusielnizkius cū tympanis excessere, illico pedibus salutē quæsierūt: nostris fugiētes, veluti pecora cēdētibus, viginti quatuoruiui capti: nostri omnes salui. Croatę solūm vnus, cui effrenatus equus erat, Turca fugiens, caput acynace abstulit. Hīc cū quidā Temrukianus Scytha, Volskij cohortē repullam esse ab hoste vidisset, in scijs omnibus, ad imperatōrē cū nuncio cæsorū Polonorū aduolat: cui præmij loco, catenæ iniectæ, quod vano rumore animos militū frāgeret. Subiecti quæstionib. captiui, in proximo esse magnas suorū copias cōfessi sunt. Quapropter centuriones, suos quilibet; protinus instruunt ac ordināt: imperatōrē de victoria, & hoste ultra montē abdito, edocēt, maioraq; auxilia rogāt Voiuoda, interrogato iuvene an nobili genere ortus esset: eoq; id aiēte, Lesciniūq; dici, & Herburti famulū esse, respondet: Ergo (inqt) ea quę refers, vera sunt: nā nihil magis nobili, quā vti semper vera & cōperta dicat, curę est: accipe, ingenue adolescēs, hoc lēti nūrij præmiū, quo seruus Scytha minimē dignus fuit. Lescinio munerib. affecto, & suorū animis recreatis, præmissisq; ad illos q̄ opē implorabāt, Ioāne Iordano & Cosielskio: ipse itē eos Voiuoda cū reliqua manu sequitur: vbi cōuenērūt, primū Deo, authori salutis omnium,



cædis verò hostiū: pòst ipsis etiā, pro opera primo aggressu bene nauata, gratias egit. Interim Pilaſkius cum tormētis venit: quę Iacobi Iordani fidei tradita sunt. Progressi omnes ad Iasum, animaduertūt, magna Turcarū, Valachorūq; agmina tumulos Stepanoſcios inſediſſe: adhęc, Valachos cōſpectis noſtris, acies ſuas oſtētare. Hic Mielecius, quid hoſtes audent, periclitaturus. Herburtū, Iaſlowiezkium, Temrucum, eos ad præludiū pugnæ elicere iubet. Verūm ij, animaduertiſis inſidijs, (poſuerat enim dux in occulto Czeremiſſios præſtātes iaculatores) prodire in aciem noluēre. Mielecius quoq; cōſideratis hoſtium viribus, nec ignarus aliud reſiſtēdi, aliud cedēdi tempus eſſe: regredi potiùs quàm temere cum paucis in Valachiam progredi, cōſilium capit: quare iubet per ſpeciem quęri vada Pruthi, quaſi Iaſum iter flexurus, cūm (opinor) reditus Chocimum verſus eſſet in animo: curenim infinitis hoſtibus exiguum ſuorū numerum, nulla habens certa auxilia, opponeret? Dies Iouis prima à Paſchate fuit, cūm conuerſi Chocimū, ſequētes ſe propè magnis agminibus habuerunt hoſtes. Quorū audaciam minimè ferendā eſſe Voiuoda exiſtimans, monet Herburtū, Lanczcorōskium, & aliquot alios, vt illos ſuis à ceruicibus reiicerent: quod hi propter loci iniquitatē, & quia ſol ad occaſum vergebat, facere tū detrectarūt, operā ſuā loco æquiore, temporeq; magis opportuno ipſi polliciti. Proin noſtri procedebāt vlteriùs, hoſte in caſſum è decliui loco tela tormētis in eos iacente, donec inter Pruth & alium fluuiolū peruenerunt. Nocte ſub armis vigilāter trāſacta, cernūt prima luce hoſtes id vnū conari, quò ipſos circūuenirent, & in anguſtias redige-

redigerent. Sed Herburtus sua cū centuria, quę semper extremum agmen claudebat, multitudinē hostium falcata aggessus, in aquas compellit. Quibus actis effudit se quidam ē suorū grege Turca hastatus, more militari aliquē ē nostris ad monomachiā prouocās. Vix hęc effatus, aduolat à latere cū venabulo Stanislaus Vistēpus, exigui quidē corporis, sed (vt tales sunt) pectoris impauidi: quo venabulo Turcā vno ictu trāsuerberat. Accurrūt Turcę subsidio prouocatori animam agēti: nostri itē Vistēpo triumphanti. Fit mediocre certamē: in quo Zebro, Polonus centurię Lanczcoronskianę, occubuit. Turcā tali viro amisso, ibāt quieti die illo, qui Veneris fuit: illis ideo sacer, vel quōd Mahometes creatus ab illis hoc ipso die rex foret: vel quia, vt à Christianis superstitione diuersi sunt, ita etiam aliud colendi Dei tempus, aliumq; modum habēt. Nos enim ad orientem solem, patrię orientalis, ē qua Adam eiectus est, memores: illi, ad meridiē cōuersi, Deum hac die adorāt. Postera luce, nostros Chocimū tendētes magna phalanx Turcarū insequuta est: vbi rursū alius Stanislaum Ciolcum, armis habituq; , qui luteus erat, inter ceteros fulgētem, ad singularem pugnam euocat. His auditis, currit ad Voiuodā Ciolcus, ac vt ipsum in sui honorem, tāto cum viro hasta certare permittat, etiam atq; etiā orat, obsecrat. Cui is: Ego verō (inquit) nō sinam vt quisquam vestrum, qui diuitiores habemini, tali barbarico certamine, periculo se exponat. Ere magis vestra futurū, si iunctis animis, dextrisq; hostē, vbi necesse erit, aggrediamini. Dolenter hęc Ciolcus tulit: Hoste in prouocatione persstāte, & lingua Sclauonica, veste, pennisq; nitentē prouocante,



obsecrat prouocatus, vt, si hoc sibi nō liceret, saltem quispiam suorum famulorum cum barbaro in arenam descenderet: ne impune Christianis insultare videretur. Data facultate, statim contra illum cum hasta proruit Paulus Chauzowskius: nec id segnius Turca fecit: sed vterq; cursu irrito. Tum Paulus, manu promptus iuuenis, districtum subitò ensē frōtī hostis infigit: adhuc vulneratum, ferrum hārens extrahentem, brachijs corripit. Vis longiuscula luctatione, decurrunt ad commilitonem Stanislaus Visga, & Stanislaus Niegoczkius: hic, BaWoroWskij, ille Herburti minister. Turca manib. Pauli elapsus, recipit se ad suos: qui subitò, lethali cognito vulnere, cōplures adorti illos tres, egregiè se à vi magna defendentes, vndiq; petunt. Laborantib. subueniunt suis cum turmis Herburtus & Volskius: fit cēdes magno strepitu, sospitat Christus prælium Christianis, barbari in fugam vertuntur: quos ij cedentes acriter persequuntur. Exclamant imperatores, sine persequendi facto, pedem referrent, & ad signa redirent: clamitant & centuriones, inhihentq; frustra: adeo iam animi victorū incaluerant, vt reuocari ab incepto nō potuerint. Quod cernentes alij centuriones, nō multis in castris relictis, pugnātibus animos suo aduētu addidēre. Tum verò omnes simul multo feruētius hosti numerofo instare, casim pūctim ferire, donec illos ad ipsā statiuā Valachicā cōpulerūt. Proiecti calore pugnādi vltra tubicīnes & tympanotribas, animaduertūt se nimīū procul à suis abscēssisse: quā ppter coacti in vnū ad eos redeūt. Res mira, nec alij quā Deo, suorū pilos numeratos habēti, adscribēda, quòd eousq; pugnādo progressi, nec circūdati ab hosti-

hostibus essent, nec in cōflictu acerrimo plures vni-  
 co, qui fuit Volskij, ceciderint. Reuersos palām ob-  
 iurgabat imperator Mielecius, tacitē laudabat forti-  
 tudinem, quod prāter suū iussū, rem summi pe-  
 riculi paucitentassent. Nos verō, respōdent, collegae  
 tui permissu id fecimus: quidni enim, Deo conatus  
 secundāte nostros, hostē fugientē persequeremur?  
 Loco quodā ceno so superato, qui haud procul Cho-  
 cimo aberat, Turcæ nostros ea cum vōciferatione  
 assēquuntur, vt viuos deuoraturi viderētur. Stanislai  
 verō Czureli centuria maximē petebatur: ad quos  
 conuertente se Czurelo, procurrit cū malleo acuto  
 Mielecij minister Radeckius, bellandi cum Turcis  
 gnarus: quē capiti vnusvbi impegisset, eximere non  
 quīuit: hūc imitatus Czurelo, cum centū suis equiti-  
 bus, tantum hostium numerū aggressus est, vt nostri  
 inter illos dispersi, nō iam apparerent: at imperator  
 extemplo mādauit Oslo Wskio, vt cum suorū equi-  
 tū manu perturbatis succurreret. Cāterū Turcæ,  
 visis pluribus nostrū ad se, tāquā irritatis feris, cur-  
 rentibus euestigio retrocesserunt: vt enim Scythas,  
 ita etiam Turcas, fortitudo statim deficit vbi quis il-  
 lis viriliter resistit: imbellem si videant, magno eum  
 impetu inuadunt. Sex tantū ē Czurelianis deside-  
 rat: at verō Turcæ atq; Valachi concisi, cōtritiq; pas-  
 sim iacebant. Tendentibus nostris Nestrum versus,  
 Turcæ suo incursum nouissimos penē attingebāt. Mo-  
 lestē id ferebat respectās animosus Herburtus. nihil  
 tamē iniussu sui ducis tentare ausus. Triginta Czere-  
 missij ab tergo constituti, glandibus tormentorū in-  
 cursantes repellabant. Fuit ibidem quidam palustris  
 locus, nostris transeundus: ad quem hostes celeriter



concurrerunt, aditu eos prohibitori: verum iussu vicarij imperatoris, exonerata contra illos à Stephano Garnissio, Herburti sub centurione, 12. minora tormenta, vnum maius ab ipsomet Ciolco, conturbatos vltra montem reiecerunt. Exantlatis tot aduersis, tandem ad Chocimensem arcem, concubia nocte venerunt: quam arcem Dobrossolouius Polonus, paruo præsidio tenebat, & fide bona (cuius gens nostra natura seruans est) Bogdano tamdiu seruabat: vbi Turcæ nostros, iam securiores, & ordinis negligentes, facile oppressissent, ni Temrucus centurio, tamdiu illos sustinuisset, dum singuli suis sub signis consisterent. Godzisse Wskius prior è centuria Goraiskij hostes sensit, deinde alij: qui celeriter à Siena Wskio ordinati, productis ante aciem tormentis, hostem opperiebantur: nec res, tametsi copijs nostri multo forèt inferiores, certamini moram fecit. Vetuerat autem Mielecius, ne quid ipse Bogdanus attentaret: sed contentus ijs quæ alij pro eo subirent, in castris, vbi erant præstantiores, maneret. Ibi prima contentio inter nostrum exiguum peditatum, & Valachos de sepe quadam orta. Dehinc Turcæ nostros inuadere, premere quæ. Rogante Ciemerinskio auxilia, Temrukus & Herburtus, à Siena Wskio ferre iussi, respondent, minimè committi debere velites loricatedos, venabulis vtentes, cum Turcis hastatis & scutatis (nam facile ab illis dispergerentur) sed hastatos cum hastatis, vt sit pugna æquior: se verò præsto fore, vt hostem alia ex parte inuadant. Tali excusatione vsis successit Siena Wskij mandato, Iacobus Iordanus: cuius centuria hastata ex imberbibus cōstabat, sed quibus erant ani-  
mi

mi Herculei, in hac quatuor fratres ipsius germani  
fuere. Hi omnes, diuinâ ope implorata, eo impetu  
in hostem incurrunt, vt nullius hasta ab aduersario  
aberrauerit: pugnantibus subueniunt à latere Her-  
burtus & Sigismundus Rozenus: sed protinus resi-  
lierunt faucij Turcæ: quos hi verberando, vsque ad  
ipforum castra varijs tramitibus fugarunt. Callidè  
autem, dum fugerent, arma, pileos, cæteraque im-  
pedimenta abijciebant, dummodo se insequentes  
adea colligenda pertraherent: sed quia de vita &  
gloria certamen fuit, spreta hæc omnia à victore.  
Potrò Garnissus, vbi illos plus satis excurrisse vidit,  
alta inclamauit voce, vt seruato ordine retrocede-  
rent. Fecit hoc vnum Lanczcoronskio Herburtus:  
redigunt paucos in ordinem à cæde retractos, & re-  
ducunt: Iordanianis nihilominus, varijs in sylualo-  
cis, hostem dispalatum persequentibus. Inest enim  
nostris quidam pugnandi ardor, vt cessare nesciant  
antè quàm vel vincantur vel vincant: ferrum nihil  
ducunt, modò ad illum qui ferit, perueniant, & cæ-  
dendo cupiditatem expleant suam. Postquam Tur-  
cæ nostros longè digressos, & omnibus destitutos  
auxilijs vident: de integro circiter sexcenti integri,  
quadraginta defessos aggrediuntur, & magno con-  
cursu multi paucos premunt: opportunè autem tunc  
ad illos forte fortuna delati fuere, Rozenus & Io.  
Radeczkius, generosi pugnatores. Tum Herbur-  
tus paucis socios cohortatur, ne ipsorum animi mul-  
titudine hostium labescerent: quos, Deo freti, non  
secus quàm prius disiecturi forent, modò honesti  
& famæ memores, quæ bona fortes sequitur, dimi-  
carent viriliter. Quibus dictis, seq; sequi iussis, inci-



rat equum in hostes appropinquantes. Inuadunt in  
 eos, etiam reliqui. Instauratur acris pugna, si quæ vn-  
 quam alia. Qua crudescente, auulsum ab alijs Her-  
 burtum permulti impetunt. Et ipse quidē singulari  
 fato patriæ seruatus est: verūm focij eius quatuor,  
 Dobruczkus, Golinskius, Vodziraczkius, Conars-  
 kius, interemti sunt. Vagabatur aliquādiu inter ho-  
 stes Herburtus, pro Valacho ab illis propter vestem  
 habitus: ita oculi illorū diuinitus obcæcati erant, vt,  
 cuius conspectū toties fugissent, eum nequaquam  
 agnoscerent. Sic ne in bello quidē, diuina homines  
 probos destituit prouidentia. Verūm enim uero ne  
 illinc quoq; sine damno dato discederet nactus op-  
 portunū tempus & locum cōmodum, vni è Turcis  
 graue infligit vulnus, seq; subitò fugę mādāt: fossam  
 quandā mirē latam & profundā equo adactō trans-  
 ilit. Tollitur clamor Turcicē: *Gaur, gaur, vur, vur*.  
 Valachicē autē: *Ocide, ocide*, hoc est, Occide Ethni-  
 cū. Ad quæ verba profiliunt duo Turcē: quorū vnus  
 à dextro latere ipsum ita sarissā petit, vt ex ephippio  
 penē iā excuteret: alter, ab sinistro, momento eodē,  
 (admirandam Dei prouidentia) conatus trāsuerbe-  
 rare, in equū subleuat. Accepto tali beneficio, equo  
 addit calcar. Fugienti, capite humerisq; gladio pro-  
 rectis, obuius fit Slesinskius, armiger Lanczkorōs-  
 kij: hūc agnitū, sibi vt opituletur, si quid possit, orāt.  
 Facit hoc non impigrē armiger. Sed Turcē, viso prę-  
 senti auxilio, destitit cursu. Auxiliator benignē re-  
 muneratus, & magnā apud omnes, quod tantū virū  
 seruasset, inijt gratiā. Famuli mœsti, viso reduce he-  
 ro, maiore in modū refocillati sunt, perijsse illū iam  
 opinati. In tā impari pugna, præter hos quos cōme-  
 morauī,

morauī, haud plures vel octo, vel decem interiēre, qui erant Lanczkoronskij & Ioannis Iordanī: quos inter nobilior fuit Stanislaus Gosdzikouuskius, Iordanī collega, quo cū sui famuli occumbere, quā illo deserto, vitæ suæ fugā cōsulere maluerūt. Vulnerati non pauci. Cateri iētus hostium incurrentiū armis auercentes, incolumes ad castra reuenēre. Venientes Cofielskius cēturio, Turcas esse opinatus, hastis excipere voluit, nī sermo Polonos esse prodidisset. Non desinere Turcæ in Cofielskianam centuriā, quæ primā aciē tuebatur, impressionē facere, donec eos Iacobus Iordanus, tormētis & peditatui præfectus, abegit. Fuit autē vnus ex illis, præ cæteris audacior, magni (vt videbatur) inter suos nominis: nam, quocunq; iter intendebat, semper illū turmatim cæteri sequebātur, is identidē nostros ad pugnam lacessebat, nimirū rēgestientē Mlodeczkius, Kofielskij socius globo petit tormentario: labentemq; ex equo hisce verbis alloquitur: Itāne verò hīc iam iaces bacchanal? Fuit enim pennis struthiocameli, & exuijs leopardinis, instar personę, cū Bacchi festū agitur, perbellē ornatus: hunc assecle correptū ad suos cursim deferunt. Post hęc Mielecius, rebus hostiū bene cōsideratis, monitusq; à Pencoslanuskiō, Iac. Iordanī vicario, castra illinc aliō mouit, ab hostibus ita infestata, vt cassidem Gabrielis Remboskij, assidui sectatoris Mielecij, glans ferrea attigerit. Tū autē Cofielskius, & mādato ducis, & successu hortāte priorē, castra adortus hostilia, cōplures in eis interfecit: insuper tormēta aliquot parua, & signū militare rubrū, illis eripuit: tā audaci incurſu hostes haud mediocriter perturbati: frequentissimi paucis cedebāt,



quibuseo modo repulſis, caſtra locata ſunt ad Chocimum. Primarij in arcem ingreſſi: cæteri, ſtationes ſuas foris ſeruabant. Hinc Bogdanus ad Iuoniam mittit Radeckium, nobilem Mielecij famulum, orans eum ne ſibi patrium dominatum, in quem ius haberet nullum, vi eriperet: alioquin non futurum diuturnum, iniquè acquiſitum imperium, cogitaret, nihil eſſe grauius quàm de ſtatu priſtinæ dignitatis, propter vim alicuius, demigrare. Ideo expectaret ab alio paria ijs quæ faceret alteri. Deum enim hac ratione ſolere vlciſci omnem iniuriam. Auxit rē eam verbis pluribus. Quibus minimè mortuus Iuonia, legatum cuſtodix Pyricza uſi tradit: dehinc, cū nulla alia ratione quenquam è Polonis nanciſci vinum potuerit, iure gentium violato, Selymo imperatori, domino ſuo, mittit. Perductum ad Mehmet Baſſam, ait Pyrus captum in prælio eſſe: negat id Radeckius, ſed tamen non fit ideo liber. Fuerunt tunc temporis Conſtantinopoli nobiles Poloni, Andreas Taranouſkius, & Chriſtophorus Dzierkſius: hic interpres, ille nuncius regius. Si non nihil tentauēre, ne quid grauius in inſontem Radeckium ſtatuſſet: verū Baſſa, poſtquam de ſtrage ſuæ gentis hominum in Valachia, intellexit, non ſolū tulit hoc acerbiffimè, ſed etiam captiuum, more aliorum remigum, toto corpore raſum, ad triremes damnauit: multa hi tum aduerſa à Turcis experti. Non prætereundum hīc eſſe videtur huius Dzierſcij, dum Conſtantinopoli diſceret ſermonem Turcicum, ſingulare in gentem Polonam ſtudium: multos enim captiuos, varijs artibus, dura ſeruitute liberauit: ſæpe hoſtium de nobis cōſilia, præſertim

fertim interregni tempore, Senatui aperuit: pericula hoc nomine adiit: impensis non pepercit. Huius opera Mielecius (cuius is munificentiam erga se maximè sensit) vsus apud Bassam primum est, in liberando Radeczkiō: qui Bassa, cū & ex alijs Czauffis, (aulicos illi, qui huc atque illuc cum mandatis mittuntur, sic vocant) & ex Petro Bogdani fratre, qui pōst ibidem decessit è viuis, cognouisset, Radeczkiū non in praelio, sed legatione ad Luoniam fungentem, captum fuisse: diu perquisitum (iam enim triremes in pelago erant) reddi Dzerskiō iussit: verū (vt isti mali solent) clām ei porrecto veneno: quod ipsi mortem attulisset, ni ibidem liberator, dato maturè remedio, succurrisset. Liberatus, rediit, pōst in patriam cum Martino Broniewskiō, ad petendas inducias, dum in locum demortui Augusti, alius rex substitutus esset, misso. Mielecius, videns indies copias augeri Luonianas, suas verò magis ac magis inedia confici; (nam dies aliquot equis nostrum, nullum aliud pabulum quā frondes & frutices erant) adhuc memor illius oraculi, Dei voluntate dari populis, abrogariq̃ue reges, quam obrem, ne cum Deo pugnare videretur, neve quos induxit, perderet, de reditu in patriam cogitare cœpit. Interim Iaslovecius, copiarum regni Poloniæ ductor, cognito Valachiæ turbulento statu, iam iam erat Nestrum traiecturus cum equitatu octingentorum ferè virorum, ni id prudens Mielecius dissuasisset: opinor, ne magis irritatis barbaris, suos in discrimen adduceret. Ne verò nihil ageret, mittit quosdam è suis ad præfectum Bialogrodensem, qui hæc illi dicerent. Hi (inquit) Poloni, quos Bogdanus,



neq; rege, neq; me sciēte, dominatum recuperaturus auitū, è Polonia eduxit, amici mei sunt: quibus Cæsaris tui volūtas à Bogdano alienata, & in Iuoniā propensa, minimè nota fuit. At verò, vbi ita se rehabe-  
 re, ex Cæsarianis quotidie crescentib. copijs perceperunt: reuerti illò vnde exierant, voluerunt, sed à tuis impediti sunt: quare, si lubet, ita tuos cōpesce, ne quod nostris abijciatur impedimentū. Quod nifeceris, necesse me erit cū his paucis, quibuscum ad terminos regni nostri & tui Cæsaris veni, breui plures, habiturus, meos amicos ab omni iniuria tueri atq; vindicare. Quod si factū erit, vereor ne te cōsiliij tui pœniteat. Præfectus (Sendziacū illi vocāt) simul atq; hæc audiuit, cōtinuò Turcas atq; Valachos à ripa Nestri abscedere iussit. Traijcientibus nostris angustis nauigijs quinq; diebus flumen, multi equi ex eis præcipitati, vi fluminis abrepti ac suffocati sunt. Non discesserant verò à ripa omnes Valachi: qui extremum agmē carpere conati, & à peditatu in tergo collocato cum tormentis, & ex ipsa arce Chocimensi, iaculis repressi fuēre. Nostri, traducto Nestro, Deo in primis, deinde ductorib. suis gratias egēre: hi contrà illis, quòd obediētes, quòd fortes in prælijs se præbuisser. Vulgò creditum, Mielecium suis vitam à Deo deprecatum esse: non rarò enim pernox supplicare Deo visus. Quamobrem magnā hinc ille laudem suo cum collega tulit. Ibant autem omnes seruato ordine vsq; ad Cameneciam arcem, diuina manu munitam. Vbi Bogdanus, indignè patrimonio spoliatus, actis omnibus gratijs, qui se ipsius causa innumēris periculis exposuerant, cuius quidem eorum beneuolentiæ, quoad viueret, qualicunq;

licunq; fortuna, memor esse vellet: diuersum ab illis iter cum aliquot Polonis suscepit. Porro relictus in arce Chocimensi Dobrossolouius, cum septuaginta iaculandi peritis peditibus, fortissimè illam à vi Turcica aliquot hebdomadas, factis interdū eruptionibus, defendit. Hūclunia, cum nec precibus, nec minis eò adducere posset vt arce excederet: scribit ad Iaslouiecium litteras, quibus illam tradi sibi petit: se tale iusiurandum daturum suis cum proceribus promittens, quale rex Augustus dari manderet: (nondum enim mors ipsius diuulgata erat) annuit Iaslouiecius, quòd hæc mandata abs rege acciperet. Igitur in hæc verba iurat: Nos (inquit) Iohan Voiuoda, terrarū Moldauix & Valachix dominus, atq; hæres: iuro per Deum omnipotentem, ac ritu feudali promitto, nos successoresq; nostros, vnà cū senatu & subditis nostris, fideles, constantes, obediētes fore sereniss. Poloniæ regi Sigismundo Augusto, successoribus, senatoribusq; eius, ac ipsi reipublicæ. Idem Senatus iurauit. Fuerunt autem isti præcipui: Isaias episcopus Radziouiensis, Ioannes, Goloselt Moldauix, Bogdanus. Post hæc Dobrossolouius, ab imperatore Iaslouiecio verbis regis iussus, cum milite ex arce descendit. His ita transactis, Turcæ, Valachi, Scythæ, numero circiter centū millia virūm, accepto de obitu, regis Augusti nūcio, (erat autē septimus Iulij dies, quo vita functus est Sigismūdu Augustus) intēti in Russiā, non prius à Nestro secedere voluerūt, quàm ea de re Cæsare cōsuluissent, & precibus Luoniæ à proposito reuocati essent. Parci fœderatis Cæsar Selymus iussit: nisi fortè talē sibi ipsi cōstituerent regē, qui ipsius hostis esset.



(quo in numero & Moschum & familiam Austria-  
cam habebat) Lætus rex Henricus, dux Andium,  
Henrici 2. regis Gallorū filius: vbi regnum largitio-  
ne quæsitum, & 4. solū menses administratum,  
patrio postposuisset: hos eisdē Scythas discessu suo,  
anno Christi 1574. in Russiam, mense Octobree at-  
traxit: quo anno Iuonia, iniquè parti dominatus:  
Valachi, perfidiæ pœnas dederunt.

ILLVSTRI AC MAGNI-  
FICO VIRO, DN. ANDREÆ,  
COMITI GORCANO, CASTELLANO  
*Miedirecensi, Capitaneo Gnesnensi, Valcensiq<sup>3</sup>, Leon-  
bardus Gorecius, Eques Polonus, & se, & officia  
sua commendat, patrono ac macena-  
ti clementiss.*

**A**T TVLIT mihi magnifice Comes, Crassouius,  
puer fratris Rochi, à te ex castris literas: quibus  
mihi & gratias agis pro oratione ad te missa, qua Ge-  
danenses ad deponenda arma, contra principem  
suum insolenter suscepta, hortatus sum: & ad maio-  
ra scribenda me excitas, eaque in parte operam mihi  
tuam polliceris. Agnosco, illustris comes, præstan-  
tem ac eximiam voluntatem tuam, ad iuuandos vi-  
ros doctos promptam & alacrem: qui personam pa-  
tristui, olim in Repub. nostra florentissimi, & opi-  
bus, autoritate, acumine, iudicio facilè principis, nō  
solū nomine, sed re ipsa repræsentas. Quare, vt me  
gratum esse tuæ huius beneuolentiæ declarem: hāc  
meam historiam Valachicam, in qua scribenda Bar-  
thol.

thol. Paprocius sequutus sum, ad te mitto: quā non dubito quin sis eodem animo quo tibi offertur, accepturus: mihiq; commētaria rerum gestarum, non solum de hoc Gedanensi bello, sed & quæcunq; de rebus maiorum nostrorum habes, suppeditaturus. Quibus ego habitis, & istud Gedanense bellum absoluiam, & historiam meam ad hæc tempora in quibus versamur, pertraham: ubi se mihi præclarus locus mentionem honorificam Stephani, regis nostri potentiss. faciendi offeret; qui mihi & omni conformatione membrorum, & magnitudine rerum gestarum, illos priscos reges Polonia, Boleslaos & Casimiros, repræsentare videtur, qui non solum Prussos cum vrbe Gedanensi, sed & vicinas gentes perdomuerunt. Singulare certè beneficium diuinum in nos Polonos extitit, quòd post occasum Sigismūdi Augusti, talem regem habeamus, qualem hoc regnum hac in perturbatione rerum omnium, poscebat flagitabatq;. Cuius quæ & quantæ virtutes sint, initium regni demonstrauit, exitus post declaraturus est: qui de se viuentibus materiam præclarā scribendi relinquet, & apud Deum immortalem æternum præmium consequetur. Quid enim hac in vita prodest alios laudare, eos ad summa sidera euehere, si diuinum iudicium non accesserit? Sed ego regem Stephanum vtrunq; habiturum & spero & confido: quem & cōsensu totius populi laudabit, (quod iam nunc faciunt principum Germaniæ ad eum missi legati) & præclaris eximijsque virtutibus suis habitum in Christum fide, æternam immortalitatem consequetur. Cæterum Christiani monarchæ cogitent quā longè lateque virus acerbitalis sue Mahome-



tes propagarit ob hac intestina eorum diffidia: quæ  
utinã inter eos conquiescant, omnesq; simul iunctis  
armis, eadẽ huic tereterrimo hosti nominis Christiani  
inferat: quibus vt Deus successus det, ex animo pre-  
cor. Sed iam lege, si placet, hanc historiam, ex qua &  
cognosces nõ tã validas esse Turcarum vires, vt con-  
sensu Christianorum ac cõcordia debellari nõ pos-  
sint: & preclaras virtutes Polonicorũ equitum reco-  
gnosces, quorum opera luonia vsus Turcas ad inter-  
necionẽ persequutus est: à quibus minimẽ degene-  
rasse tui quoque tunc visi, cum pauci cum multis ad  
Dantiscũ 12. Augusti dimicarẽt, Sdrouuscusq; tuus  
insignem quendã Hesium cepisset, ex quo permulta  
rebellium contra regẽ suum cõsilia cognita sunt: ad  
verò id 17. Aprilis maximẽ apparuit, cum duo millia  
nostrũ, Hungarorumq; duodecim Gedanensium  
millia ita profligarunt, vt quater mille & quingenti  
hostes in acie ceciderint, mille viui capti fuerint, è  
nostris solũ duodesexaginta casis: quã historiam  
Lasicius noster, vt verè, ita breuiter, historico stylo  
descripsit. Vale illustris Comes, Gorecij tui memor.  
E Saniki, 15. Octob. anno 1577.

CASPAR LINDENERVS, MEDICVS ET  
philosophus Posnaniensis.

*Historiam vite veteres dixere magistram:*

*Historia quando multa docemur ope.*

*Tam bene quis Romam, doctas quis nosset Athenas,*

*Linus aeternum ni fabricasset opus?*

*Non multi legerent Valachũ, vel gesta Polonũ,*

*Nobile Goreciji latuisset opus.*

*Hinc potes effectus bellorum, & discere causas,*

*Et quam Turcarum sit male tuta fides.*

LEON-

LEONHARDI GORECII,  
EQVITIS POLONI, DESCRI-  
PTIO BELLIVONIAE, PALATINI

*Valachia, quod is cum Selymo Turcarum imperato-*  
*re, magno cum successu gessit ab initio, demum à*

*Ieremia Czarna Wieczio Valachoprodu-*

*tus, & a Turcis contra fidem datam*

*ac sacramento confirmatam*

*occisus.*



ELLVM scripturus, quod ab initio  
magno cum successu luonia regu-  
lus Valachia, cum Selymo Turca-  
rum Cæsare gessit, operapretium  
me facturum puto, ut de situ Vala-  
chia, incrementis gentis, feracitate  
soli, moribus, & de alijs ad eam rem pertinentibus,  
ex secunda decade historiarum gentis nostrae Polonicae,  
quā viginti libris, usque ad exitum Sigismundi I. regis Po-  
loniae persecuti sumus, dicā. Valachia, quae olim My-  
sia & Dacia dicta fuit, habet ab ortu Euxinum, à me-  
ridie Istrum, seu Danubium: ab occasu Transylvaniae,  
ad Boream Russiae, seu Roxolaniae, contermina. Tota  
regio in partes duas diuiditur, in Valachiam Transal-  
pinam, ac Moldauiam. Transalpina quidem, ab orien-  
te habet piscosum lacum, quem Hirassus amnis, ab  
accolis Pruthes vocatus, efficit, suis denique aquis ad-  
auctum, ac late stagnantem relinquens, in Istrum euol-  
uitur: ad meridiem vergit terminata Danubio, atque  
item ab occasu Transylvaniae fines attingens, ad op-  
pidum Seuerinum, ubi Traiani pontis admirabiles  
pila triginta quatuor, nequaquam totas obruente.

*Situs Vala-*  
*chia.*



*Danubij  
descriptio.*

Danubio, visuntur. Ad Septētrionem autem finitur Hoina, ignobili flumine, & directis terrestribus terminis ad Istrū, curuata admodū regionis frōte contra Paucem insulam, spargente sese primò in ingētes ramos profluēte Istro, antiquis scriptoribus notam, quā hodie Barillanā dicūt. Oritur autē Danubius in iugis Arbonē mōtis Germaniē, ex aduerso Ror Wilē oppidi Sucuiā, in Nigra sylua apud pagum Donessing. Vbi primū Illyricum alluit, Ister appellatus, sexaginta amnibus receptis, medio ferme numero eorum nauigabili, in Pontum vastis sex fluminibus, euoluitur. Altera pars Valachiē agrorū & pastionū multitudine maior, armētisq; & militarib. eqs opulētior, ab amne Moldaua, qui mediā interfecat, Moldauia dicitur. Is ortū habet paulò infra Hirassi fontes è Transyluania montibus, quibus antiqua Dacia ad ingentis theatri similitudinem, obuersa in occasum scena præcingitur, delapsusq; Soczauiam, quod oppidum est sedes Palatinorum, præterfluit. Atq; inde violentus Hoinam, Dobenissam, Argiamq; paruos, sed perennes amnes secum trahens in Olta effunditur. Olta verò, qui antiquitus Allutus fuit, nō Trāsyliuanix modò, cuius partē ab aduersis mōtibus descendēs rigat, sed Moldauix & Transalpinæ minora flumina, in orientem reflexus, ad Nicopolim in Danubium rapit. Omnium verò amplissimus Tyaras, qui ab incolis vocatur Nester, ad Aquilonē Moldauix terminat. Ortus enim à Carpatho monte Sarmatiē, & rectā in Euxinū contendens, Russiē & Podoliē fines tandem attingit. Qui primi loca Valachiæ tenebant, nihil potest certi ex tāta vetustate scriptorum erui, quā variæ gentes, vt Vngariam, obtinebāt. Hodiernæ

diernę gentis Valachicę originę quidam referunt ad *Hodierni Valachi ad quę stirpē suam referunt.*  
 Flaccum præsidem Romanum, à quo nomine leniter deflexo, & ipsa Valachia nuncupata esse videtur.

Ab eo enim tēpore quo Flaccus cum imperio Mysiæ siue Daciæ præfuit, quæ ultra Istrum ad Scythicam gentē extenditur, Flacciam appellari constat: quam demum corrupta voce, sensim in Valachiam abiisse perspicimus. Apud Valachos enim nō modò Romanę disciplinę mores certi, legesq; vigēt: sed ipsa quoque Latine lingue vocabula permulta seruātur. Vnde Vulchorū & Valachorum nomē idem quidam esse volunt, quos *Wlochos*, id est, Italos, etiā Germani lingua sua *Welschen* vocant, vtraq; gens Itala: ideo cōmune nomen.

Qua ratione autē eam regionem Flaccus occupauit, Æneas Syluius, qui pōst Romapontifex fuit, sic tradit. Tempore Traiani imperatoris, Daci, seu Gothi, detrectātes Romani iugum imperij, missus est eò Flaccus cū triginta millib. hominum: quibus in coloniam deductis, ibidem ararent, cōmeatum Romano exercitui, qui ibidē semper in armis cōtra Scythas ac Sarmatas fuit, præberent. Vnde pōst interiecto tēporis pulsus Gothis, illa tota regio, quæ Valachia à Flacco est appellata, Romanis cessit: cuius sententiæ haud pœnitet me esse. Sed diuersum alios scripsisse videmus, qui Syluium, in laudem suorū propēsū, falsa tradidisse affirmāt. Post quē qui scripsēre historiam, eadē quidē de gentis origine, sed diuersa ratione scribunt, qui hodiernorū Valachorum stirpē ad Romanos quidē referunt, sed ad exules, qui eò relegati erāt. Quorū cū tātus numerus fuisset, vt non tantū cōtra incolas potentes fuerint, sed & Gothis inde eiectis, fidelem operā po-

*Flaccus qua ratione Valachiam occupat.*

*Aliorum ac Valachia incolis sententia.*



pularibus suis nauandam rati: pōte Danubio imposito, eadem loca obtinuēre: qui in partes duas diuisi, vti à nobis dictum est, Valachos Transalpinos, ac Moldauos: vtraque pars regulos suos habuit. Nam Transalpina Valachia, quæ à Turcis Carabogdana minor, eò quòd nigrum frumentum ferat, vocatur, præcipuam ciuitatē Tarnouizam habet: quæ est regia regulorum Transalpinae Valachiae, qui continuò parēdi obsequio, Turcarum amicitiam tuentur, aureumq; nummum myriadē, tributum nomine quotannis pendunt: eaque vel indecora pace perfruuntur, quòd impunè fidē mutare nequeant, cum in opposita Danubij ripa, Seruiae, Bulgariaeque, praesidia in antiquis Triballorum sedibus spectentur. Illa quoque pars Valachiae, quam Nester à Podolia disiungit, à Turcis duce Mahomete Caesare, qui Constantinopolim: olim Byzantium dictam, ceperat, subacta, eisdem tributum pendebat: sed superiori anno, Iuonia à Turcis per fraudem capto, ac crudeliter occiso, vtraque Valachia Turcarum ditionis facta est. Modicum tum ab initio tributum Turcicis imperatoribus Palatini Moldauiae pendebat: eò quòd Casimirus, pater Sigismundi primi regis Poloniae, occupatus bello Crucifero, Petrum iuuare contra Mahometem non potuit: cui Mahometes nomine tributum, solum duo millia nummum aureum, anno à Christi regis ortu, supra millesimum quadringentesimum quinquagesimo quinto imposuit. Demum interiecto tempore, imperatoribus Turcicis Asiatico, Persico, Ismaelitico, Aegyptiaco bello distentis, Valachi partim imperio Vngarico, partim Polonico subiecti fuere. Qui post in tantas vires creuere, vt nostris exercitibus aliquoties deletis, Vngarorum

*Moldauia  
quādo à Turcis occupata.*

*Valachia  
Vngaris Polonisq; subiecta.*

rorum iugo excusso, demū ad imperium Turcarum pertracti sint. Iurabant & in verba regum Poloniae, se cum eis pacem habituros: quibus semper vectigales fuere. Ac si maior vigilātia demortui Augusti regis fuisset, etiam nū Valachia vectigalis Polonorum esset: cuius oppido Chocimo Albertus Lascius, vir consilio, manuq; promptus, aliquandiu obtento, regem Augustum obtestabatur vt sibi daret auxilia: nam se Valachiam totam facile eius adiecturum imperio: per eumq; Iacobus Despotēs, perq; Lassociū, Philippouium, ac ceteros (qui genus suum ad antiquos regulos Valachiae eodē nomine appellatos referebat) superioribus annis in Valachiam restitutus fuit. Eiectoq; Alexandro, tanti motus bellorū in Valachia excitati fuere, vt à Valachis Despota crudeliter occiso, ac Viskiueicio insigni bellatore capto, & in Turciam misso, (de quo ibidē supplicium sumtum est) Lascius Chocimum nōnullo tēporis spatio retētum, pōst Alexandro restituere coactus fuerit. Alexandro filius Bogdanus successit, Bogdano Iuonia, (Ioānem ea vox significat) de quo hīc historiam scribēdam sumpsimus. Is armis Turcicis adiutus, exercitu Bogdani profligato, aliquandiu Valachis praefuit. Habuit Valachia insignes ac bello egregios ante hēc tempora regulos: in primis verò illum Stephanum, qui sepiissime tot exercitibus Moschorum & Scytharum deletis, ex eis praclarissimas victorias reportauit omnibusq; terrori ac formidini fuit, praecipuè autē Turcis, quorū numerosos exercitus profligauit, ad internecionemq; dedit: deinde Draculam, quem vt

*Lascius Despotā in Valachiam restituit.*

*Reguli Valachiae insignes.*

*Dracula.*



*Petrus.*

*Mores Vala-  
chorum.*

*Perfidia Va-  
lachorum.*

lum oppida, dono ei dedit. Ea sunt in extrema Transylvaniæ partæ, quæ per saltum Moldaviæ iungitur. Quibus virtute bellica ille Petrus haud inferior fuit, violento indomitoq; ingenio præditus, ob idq; Selymo Turcarum imperatori minus carus: ex quo Sigismundus memorabilem victoriam, auctore Ioanne Tarnouio, viro omnibus Imperatorijs virtutibus instructo, ad Obertinum reportavit. Mores, religio, sacra Valachorum, ad Græcas, Armeniacasque ecclesias accedunt: apud quos sacerdotes vxores ducunt. Gens equitatu pollet. Nam quiuis, vel egētissimus, domi equum alit, quo prædatur ac militat. Scuto, hasta, galea, quæ admodum Vngari vti solent: nonnunquam lancea missili atq; arcubus regerunt. Equi eorum pectorosi, robustiq;, non pernecitate quidem in cursu, sed perseverantia & viribus maximè probantur. Proinde mos est, tenellis, cum castrantur, nares præscindere, ne angusta respiratione fatigentur, quando nec mediocris equi laus sit triduo, vel per æstivos soles, bellicæ agitationis laborem pertulisse. Tanta perfidia gentis est, inconstantiaq; in regulos suos, ut facta in eisdem conspiratione, leui de causa eos interimat, nullaq; claritudinis & stirpis ratione habita, pecuarios, vel sordidissimos quosq; in locum regulorum asciscant. Regio adeò ferax, tantaq; multitudo bouum in illa est, ut & in Russiâ, possit in Germaniam quoque, ij adducantur, qui inter alios maximi sunt. Habet copiam vini & hordei, nec tritici indiga. Maluaticum vinum ex Turcia, & id genus alia in Poloniam Armenij per Valachiam aduehunt: piper, item crocum, pretiosa aromata, peristromata, quæ sunt instrumenta luxuriæ. Atq; hæc obiter de Valachia:

chia: nos ad institutam historiam reuertamur. Bogdanus igitur, Valachia post mortem Alexandri obtēta, ad eò Turcarum imperium aspernari visus est, vt cum Augusto rege Poloniae, anno millesimo, *Inchoat' h'istoriam.* quingentesimo, septuagesimo secundo, mortuo, fœdere perpetuo percusso, legatis missis impetraverit, vt sibi ex Valachia in Russiam, quando vellet, comineare, domos magnatum vetustæ stirpis inuisere liceret, vt cuius virgo sibi pudore, formaque præstans placeret, eam vxorem duceret, ac vt ex fœdere belli tempore Augusto regi viginti quatuor millia equorum armis, virisque instructa mitteret. Omnium de eo vulgatioꝝ fama fuit, eum bona sibi in Russia emere voluisse, ac Valachica gente perfidissima, si quis ita casus tulisset, vel si à suis pellere-  
tur, relicta, in Russia mansurum fuisse. Augustus Turcicam fidem suspectum habens, (quorum Turcarum si non instinctu, at saltem connitente Selymano, patre Selymi, Scythæ, gens bello inuicta, illam partem Russiae quæ Nestrum attingit, sæpe ingenti clade belli affecerunt, oppida, villas, vicos exusserunt, maximam multitudinem pecorum, pariter cum hominibus, abduxerunt) vt Bogdano in fide retento, si quando bellum contra Turcas suscipiendum foret, habita Valachia fœderata, (quæ inter ditionem regum Poloniae, ac Turcicum imperium, tanquam firmissimus murus, propugnaculumque quoddam, est interposita) omnem barbarorum impetum facilius sustinere posset: adhuc, non ignoras, maiores suos sæpe cum Valachis religiosissime fœdus conseruasse, quibus sæpe periculosissimis ac difficillimis temporibus contra vim Turcarum auxilio



fuêre: id facillè Bogdano concedit. Bogdanus igitur, hac tali amicitia tanti regis fretus, sæpius in Russiam venit, summorum domos obit, eos muneribus explet. Quæ cum ad aures Selymi Turcarum imperatoris, qui iam Selymano patris in imperio successerat, perlata fuissent: in primis verò illa re offensus, quòd tatum equitatum Augusto ex fœdere in subsidium belli dare debuit: tacitis cõsilijs agit, vt abdicato imperio Valachia Bogdano, illud ad quem piam alium deferret, cogitans, si quando sibi cum Polonis, gente ad arma nata, belligerandam foret, eis Bogdani arma, ac totius Valachia, maximo adiumento fore. Iamq; Bogdanus ingenti inuidia apud suos populares flagrabat, eò quòd nò solùm totum se ad amicitiam Polonorum contulerat, sed eisdem militari stipendio constituto, eos apud se liberaliter fouebat, Sborouioq; Christophoro, fratri Petri, Palatini Cracouiensis, sororem se suam in matrimonium daturum pollicetur, quoniam antè Casparo Panieuiο Russo alteram dederat. Sborouius ea ex re latus, quoniam ingens æs alienum contraxerat, vt ex eodem sese euolueret, ad Bogdanum magno comitatu, pulcerrimo habitu exornato, in Valachiam venit: à quo pòst elusus, vindictam animo spirans, re infecta in Russiam, vbi amplas possessiones habebat, redit: ac si quando occasio daretur, vt Bogdanum vlcisci posset, animo intentus erat. Bogdanus igitur adornata profectioe in Russiam ad Ioannem Tarlonem, cuius filiam, virginem specie ac pudicitia insignem, in matrimonium ducere statuit, transmissio Nestro in cisis, quoniam tum glaciæ obduratus erat, vno atque altero ministro comi-

*Consilium  
Selymi de  
abdicando  
imperio Va-  
lachia Bog-  
dano.*

*Aduentus  
Sborouij in  
Valachiam.*

*Aduentus  
Bogdani in  
Russiam.*

comitatus, longeq̃ue à suorum agmine seiunctus, in Sborouij puerum, quem ille cum litetis peregrè miserat, incidit: qui à Bogdano cuius esset percunctatus, dolenter lamentatur se literas cum sarcinula amisisse, quas herus suus sibi perferendas commiserit. Quare subditis equo calcaribus, ad he- rum redit: vbi Bogdanum nullo comitatu septum viderit, narrat. Ibi Sborouius cum aliquot mini- stris, conscensis pernicipibus equis, ad Bogdanum aduolat: cui à Secignieuio, non impigro iuvene, se- cundum aurem vulnus infligitur: dehinc eum Sbo- rouius secum abducit, & in custodiam dat: nec ali- ter dimittere vult, quàm sibi satisfaciât pro impen- sis & damnis, quæ subierat cùm ab ipso in Vala- chiam venire iussus esset. Bogdanus tam inopinato periculo circumuentus, sex millia nummùm au- reùm Sborouio dat: reliquam pecuniam se ad cer- tum tempus dissoluturum pollicetur: pro quo Pa- nieuius fidem interponit. Constat id factum Sbo- rouij Augustum regem iniquo animo tulisse. Va- lachi igitur, siue fidem Bogdani suspectam haben- tes, siue eum in Polonia interijssè rati, Selymum sollicitabant vt ipsis alium, in locum Bogdani, da- ret. Erat Iuonia (quem quidam Polonum fuisse, in Masouia natum, dicunt) stirpis Valachicæ, qui se an- tiquis prognatū regulis Valachiæ aiebat, vir proce- ræ staturæ, facie decora, oculis gracilibus, quodam- modoq̃ue minacibus, toto corpore lacertosus, viri- bus pollens. Is igitur post mortē Alexandri, viuo ad- huc Selymano, Palatinus Valachiæ fieri voluit: cui ille Bogdanum, filiū Alexandri, prætulit. Aliquandiu

*Bogdanus se  
Sborouio re-  
demitt.*

*Origo Iuo-  
nia stirpis.*



*Iuonia solli-  
cit at pur-  
puratos.*

*Selymus  
Valachiam  
ad Iuoniam  
defert.*

post hæc in Russia ac Turcia vnà cum Ieremia Czar-  
nieuieczio Valacho, cuius in eum hoc in bello infi-  
gnis perfidia extitit, versatus: vt sibi animos Turca-  
rum magis atq; magis conciliaret, suscepta circum-  
cissione ac religione Mahometana, animum ad am-  
plam, copiosamque mercaturam exercendam ad-  
iecit. Cuius magnitudine ac splendore, non solum  
in purpuratorum, qui Bassæ (id est capita) vocantur,  
notitiam peruenit, sed & ipsius Selymi. Isigitur ex  
purpuratis cognito consilio Selymi de imperio Va-  
lachia alteri demandando, eos largitionibus cor-  
rumpit, oratque auctoritatem suam apud Selymū  
ita interponant, vt ipsum Voiuodam Valachia re-  
nunciet. Ostendit fidem Bogdani esse suspectam,  
qui se totum ad amicitiam regis Polonia cōtulerit:  
fieri posse vt Polonorum auxilio adiutus, post Tur-  
carum imperium excutiat, abijciatque. Selymus,  
propensa purpuratorum voluntate cognita, nactus  
absentiam Bogdani, qui in Russia degens ex vulne-  
ribus nondum conualuerat, Palatinatum (id est, do-  
minatum) Valachia ad Iuoniam defert, eumq; per  
speciem mercaturæ exercendæ, in Valachiam, ad-  
dito ei numero equitatu, vt omnes in verba ipsi-  
us, iussu Selymi, iurent, mittit. Dicitur ea de re Au-  
gustus rex cum Selymo expostulasse. At ille respon-  
dit, Iuoniam in Valachiam causâ mercaturæ exer-  
cendæ profectum esse. Iuonia in Valachia veniens,  
facile ab omnibus iuramentum accipit. Est arx in  
Valachia Chocimum, natura loci munita, quam fir-  
mo præsidio Bogdanus firmauerat: hanc præsidarij  
milites Turcis dedere nolunt, sed eam contra vim  
ipsorum strenuè defendunt. Bogdanus de rebus  
dome-

domesticis turbulentis certior factus, vt se contra vim Turcarum tueretur, ac defenderet, auxilium sibi ex fœdere ab Augusto dari postulat: cui quatuor millia equorum, plus minus, dantur, ductore Nicolao Mieliecio, Palatino Podoliæ vigilantissimo, sapientissimoque, vt ipsum in Valachiam reduceret: sed incassum. Nam adeò vires Turcarum in Valachia inualuerant, vt ille totus exercitus cum Bogdano in Valachiam missus, collocato Chocimi Bogdano, in Russiam incolumis regressus sit, non tamen sine cæde Turcarum: qua in expeditione, præclara virtus cum aliorum, tum verò Nicolai Herburti, nobilis ac egregij viri, belloq; clari, enituit: qui vndique ab equitatu Turcico septus, eorum acie perfracta, multis occisis, ad suos nullo lethifero vulnere accepto, saluus redijt. Bogdanus verò, aliquandiu Chocimæ moratus, eam arcem, quàm firmissimo præsidio potest, munit: qua Dobrosolouio, stirpis Polonicæ viro egregio, commissa, ipsemet in Moschouiam fugit, illicq; degere dicitur. At Dobrosolouius, nonnullo temporis spatio Chocimensi arce retenta, eam post luonia tradere, ita iubente Iaslo- uiecio, magistro equitum campestri, cum id Augustum velle (cuius tum mors nondū diuulgata erat) dictaret, coactus fuit. Iam luonia omni turbulento statu Valachiæ composito, eum pacatè obtinebat, tributum solitum Selymo pendens: ex his quoque supplicium, quos sibi aduersari videt, sumit: præsertim ex propinquis Bogdani, summo loco ortos, opibusque florentes, crudeliter contrucidat, fortunæ suæ impendentis immemor, paulò insolentiùs victoriam exercet. Erat Palatinus Transalpinæ Va-

*Augustus  
inuat Bog-  
danum.*

*luonia Cho-  
cimum tra-  
ditur.*



*Consilium  
Palatini  
Valachia  
Trasalpina.*

lachia, quem non mediocriter fortuna Petri fratris sollicitabat. Quare de eo anxius, Selymi purpuratos in regia prensabat, vt, quemadmodum Bogdanum Iuonia, fultus auxilio Selymi, ex Valachia eiecerat: sic Petrus adiutus auxilio eiusdem, posset Iuoniam eijcere. Quare eadē via purpuratos, quā olim Iuonia, aggreditur: & si Palatinatum Valachie apud Selymum fratri Petro impetret, se duplo maius tributum, hoc est, centum viginti millia nummūm aureūm, daturum pollicetur. Iuonia fidem esse suspectam, qui religione Mahometana spreta, iterum Christianam susceperit, ideoque Christianis apprimē faueat: foreque breui vt Bogdanum secutus, post ad amicitiam Polonorum se conferat, quorum auxilio adiutus, Turcicum imperium abijciat. Purpurati, magnitudine tributi pelliecti, ac hisce verbis mori, Selymo suadent, vt missa legatione ad Iuoniam, ipsummet ad se venire iubeat, illique quem eō mitteret, Valachia cedere. Quod si dicto ipsius minū pareat, id se armis confecturum. Selymus, qui ingenti cupiditate pecuniæ flagrabat, post profusum ærarium in classem quæ in Ionio mari à Venetis, post captam ab ipso Cyprum, in alto depressa fuit, ad id se facile pertrahi patitur. Quare legatum ad Iuoniam mittit: quem sic verba fecisse, quæ dies erat vigesima prima Februarij, cū Henrico Gallo à nostris Cracouie diadema imponeretur, accepimus: Selymus Turcarū Cæsar, Iuonia, Palatini Valachia, me ad te tributarium suū, cum hisce mādatis, quibuste quā primū, nulla mora interposita, satisfacere vult, mittit, vt sibi tributum, nō quale olim, sed duplo maius, nimirum centum viginti mil-

*Purpurati  
assentiuntur  
Selymo.*

1571.

*Oratio lega-  
ti Selymi ad  
Iuoniam.*

millium nummum aureum, mittas. Ni feceris, est alius qui idem se tributum ipsi sua cum posteritate daturum pollicetur. Sed Selymus, memor constantiae, virtutis, fidei tuae, non vult tibi in imperio Valachiae molestus, si id tributum quamprimum mittas, esse. Quod si id detrectas, cede alteri, ac è vestigio simul mecum ipsemet, ad dicendam causam, Constantinopolim proficiscere. Si tibi id molestum est facere, Selymus me tibi denuntiare iussit, se cum firmissimo equitatu, alium ad occupandam Valachiam missurum: cuius voluntati si tu aduersaberis, te ad extrema quaque adducet: tibi que non solum de regno, sed de vita periclitandum erit. Hac legati verba in animum Iuoniae, altius quam quicquam existimare potuit, ascenderunt. Quare dissimulata animi aegritudine, legatum suos in hospitium deducere iubet: rem esse maioris deliberationis, quam ut eadem die legato possit responderi: ac, cum ad totum Senatum pertineat, eum se exemplo conuocaturum dicit, ac ea dēre, tam ardua & difficili, consulturum, quidque omnes animi habeant, se ei statim dicturum. Deducto legato in hospitium, omnia postulata Selymi animo pēsat: gentem vniuersam Turcicam esse perfidissimam, quae Christianis regibus fidē iuramento cōfirmatam (quamuis ipsemet Christiana fide abiurata, nescio quo pacto iterum Christianus fuerit) nō seruet, sed capta occasione eos in fraudem inductos fallat, decipiatque. Si id tributum, tam amplum, in tāta inopia regni, quod ciuilibus bellis exhaustum sit, cōcedat, eo Selymum minimē contentum fore, sed illud insequenti anno aucturum esse, taleque demum exacturum, qua-

*Perturbatio Ioannis.*

*Consultatio Ioannis.*



*Oratio Iu-  
nia ad Se-  
natum.*

le cum vniuersa gente non possit dissoluere: nec se iam tutum fore, exorto alio qui hæc imperata sit factururus. Quare vniuerso Senatu ad se conuocato, in hunc modum ad eum verba fecit: Si vnquam de re ardua ac difficili vobis consulendum, deliberandumque fuit, hoc certè tempore est. Nam Selymus incredibili auaritia æstuans, nescio cuius instinctu, non contentus eo tributo quod ei pendere soliti sumus, duplo maius à nobis extorquet. Si concesseritis, mea nihil refert: utpote cum non mihi, domino, sed vobis, liberisque vestris pendendum sit. Quod si id negamus, extemplò vim, bellum, direptionem oppidorum, incendia, rapinas denuntiat. In hac igitur inopia regni nostri, quod est vniuersum ciuilibus bellis exhaustum, quomodo ei illud dissoluere poterimus? Proinde quid omnes animi habeatis, exponite. Ego quidem illud animo prouideo, si tam amplum ac immensum tributum Selymo iam concesseritis, minimè eum fore contentum, sed singulis annis maius exacturum, donec opes nostræ planè exhaurientur. Præstat igitur vitam pariter cum vxoribus, paruisque natis amittere, quàm tantum dedecus pati. Nec fortuna mea adeo angor: cum sciam illud vobis esse pendendum, non mihi. Quare si hanc indecoram, flagitiosamque seruitutem non vultis pati, omnes absque vlla cunctatione dicite. Ego certè diligenter prouidebo atque curabo, ut huic Ethnico cani, non solum hoc nouum, tamque amplum tributum dem, sed ne vllum planè deinceps pendam, dummodo vos mihi non defueritis. Scio, collegæ carissimi, quid ego vobis debeam, quid Reipub. vestræ: pro quorum salute ac incolu-

incolumitate vitam meā profundere paratus sum. Hæc ubi dixit, tacitus mæror, ac insolitū silentium, vniuersum Senatum cœpit: tandem tanquam graui somno expergefacti, fremunt. Seruitutem sibi à Turcis imperatoribus multiplicari. Iuoniam non tam luculenter quàm verè de tributo loqui. Morise malle, quàm tantum dedecus, summa cū turpitudine coniunctum, pati. Proinde, vxores, liberos, ac quicquid preciosioris supellectilis habeāt, in arcem Chocimensem, cuius munitioni fidant, se importaturos, ac ibi omnia se collocaturos, pollicentur, seq; Iuoniæ proprijs sumptibus militaturos, hosti que ad Danubiū, qua parte ad se delendos veniat, vnā cum illo occursum, cum eo que ad vltimam dimicationem congressuros: quæ omnia se iureiurando facturos confirmant. Iuonia, omnium constanti voluntate cognita, paucis que verbis collaudata, fidem ac iusiurandum omnes inter se dare iubet, vt simul secum iunctis armis, Turcas ad internecionem persequantur: se verò etiam atque etiam diligenter curaturum, vt non solū influentes copias Turcarū, à cervicibus Valachiæ reiiciat: sed longè, late que eorum regno euastato, honestam pacem ac quietem vnā cum eis sibi comparet. Accepto ab omnibus iuramento, legatum ad se Selymi accire iubet: cui tale responsum audiente Senatu dat: Equidem pro veteri fide mea, quam datam Selymo domino meo conseruare solitus sum, de dando tributo libenter parerem, ni voluntatem meorum ab eo abhorrire scirem: qui quæque acerbissima ac durissima ferre malint, quàm eam indecoram seruitutem, nulla ratione ferendam. Quare, cū id à meis nullo pacto

*Mæror Senatus Valachia.*

*Iuonia legatore respondet.*



extorquere queam, Selymum me, ne in malam partem accipiat, vehementer precari: cuius amicitiam mihi ornamento & praesidio, non detrimento esse velim: ideoq; me ea spe Palatinatum Valachiae ab illo & petijisse, & ob meam singularem fidem in ipsum, obtinuisse. Quae spes ne me fallat, etiam atque etiam oro. Hisce dictis legatum, nulla mora interposita, e finibus Valachiae excedere, cumque nullis muneribus, uti alios legatos solitus erat, ornatum, equites Valachicos ad ripam Danubij deducere iubet. Quae res ipsi haud mediocrem suspicionem attulit, Luoniae animum esse à Selymo alienum. Luonia, responsò dato legato, ad comparandum exercitum continuò animum adiecit: ubi illico omnes pedites stipendio militari in autorati: quiq; equo stipendia merere soliti erant, ad Luoniam cōueniunt: qui iuramento se iterum atq; iterum obstringunt, se contra Selymum, tam crudelem dominum, ad internecionem, supremamque dimicationem, pugnaturos, omniaq; potius, patriam, vitam, vxores, carissima pignora liberos, amissuros, quàm Palatinum suum deserturos. Tributum autem se statim exacturos, in idque collaturos, ut Luonia equitibus Polonicis, quorum tum maxima opinio virtutis esset, militari stipendio in autoratis, expedita opera eorum in bello contra Selymum vratur. Quo consilio Luonia auidè arrepto, credidit illos fideles erga se fore. Itaque legatū suum

*Luonia legatum ex Valachia excedere iubet.*

*Luonia exercitum comparat.*

*Legatio Luoniae ad Henricū regem Poloniae.*

tinis

tinis Valachiaē semper fœdus religiosissimè conser-  
 uasse, ac eos contra Turcicos imperatores defendis-  
 se, semperque hos regum Polonię clientes fuisse: ob  
 eamque causam tanto temporis spatio regnum Po-  
 loniæ saluum ac incolume stetisse: alioquin, Vala-  
 chia armis Turcicis occupata, statim regnum Polo-  
 niæ in summo discrimine futurum. Nunc se regem  
 maximopere orare, non vt aliquo conductitio mi-  
 lire se iuuat, sed vt Camieniecia, Leopoli, passimque  
 in reliquis oppidis, per præconem proclamare iu-  
 beat, quicumque in Valachiam ad accipiendum sti-  
 pendium militare proficisci velit, Palatinum tan-  
 tum ei stipendium numeraturum, quantum ipse  
 poscat: plus enim apud se omnium incolumitatem,  
 quam impensas valere. Hisce Henricus auditis, se  
 luoniam nullo auxilio posse iuuare respondet, nec  
 cuiquam, vt ad promerendum stipendium in Va-  
 lachiam proficiscatur, permissurum: idque ideo,  
 quod supra centum annos antiqua fœdera regibus  
 Poloniæ cum Turcicis imperatoribus sint. Luonia  
 tristi nuntio ab Henrico de denegatis auxilijs per-  
 turbatus, sit à suis certior, leuem armaturam equi-  
 tum Polonicorum, qui ad Borysthenem & Ponti  
 ostia, causa prædæ acquirendę degunt, esse: gentem  
 tot bellis indurata, vt eis ad vincendum nihil ar-  
 dui sit: iam eos domum nulla præda consecuta re-  
 gredi velle: ad eos igitur subito internuntios mit-  
 tendos censent, vt ad ipsum in Valachiam veniant,  
 qui eis paratum stipendium, quantum velint, dis-  
 soluturus sit, modò opera eorum contra Turcas,  
 quos ipsi etiam oderint, vtatur: vim totam belli  
 in eo equitatu sitam esse. Luonia consilio suorum ar-

*Henricus  
 Palatino  
 responder.*



repto, subitò vnum atque alterum internuntium ad illos ipsos equites (qui velites optimo iure nominari possent, eò quòd nusquam in loco certo consistunt, solùm abacta hostili præda, huc illuc per loca hostium auia, abdita, occulta, vastamque eorum regionem euagantur) mittit, vt ad se quamprimum veniant: esse quod cum eis de rebus eorum loqui velit. Quòd si quas occultas insidias pertimescant, eis apertè denuntiare iubet, Palatino graue bellum cum Selymo Turcarum imperatore imminere: quod cùm gerendum suscepit, si stipendio militari inautorari velint, Palatinum velle eis, non solùm in vnam partem anni, aut semestre, sed & singulis diebus tantum constituere quantum ipsi possint. Quæ cùm ad aures Kosacorum (sic enim ij velites à nostris vocantur) ab internuntijs perlata fuissent, nihil de Henrico rege cogitantes, id iter suū in Valachiam voluntati ipsius aduersari, ex illis ipsis patentibus campis ad Palatinum in Valachiam proficiscuntur: quide more, gloriæ ac prædæ, tam sibi quàm heris suis acquirendæ causa, in illos vastissimos campos, permissu suorum herorū excurrunt, vt aliquo numero Scytharum vel Turcarum comprehenso, quid in solo eorum agatur, vel quæ consilia hostium sint, scire possint. Nam quamuis Turcæ ac Scythæ pacem cum regibus Poloniæ seruare videntur, eiusdemque volunt cupidi videri: tamen ingēti manu suorum coadunata, solum Podolicum ac Russicum effusè depopulari, magnaque damna inferre solent, ni subitò velites eis occurrāt, ac nonnulla manu suorum subnixi, numerosas eorum copias fugant. Erant autem ij præcipui ductores veli-

tum.

*Velites in  
Valachiam  
proficiscun-  
tur.*

tum. Suierceuius habuit sub signis ducentos equi- *Ductores ex*  
 tes, vir omnibus artibus, pariter militaribus, instru- *ercitus Ro-*  
 ctus, viribusque pollens. Barsanus ducentos duxit. *manorum.*  
 Braslauiensium quoque erant ducenti. Hi sese om-  
 nes Suierceuij imperio committere, nec sine ipsius  
 voluntate cum hoste cōgredi aūsi. Coslouiū quo-  
 que ducentos duxit: Stulenius itidem: Iancius cen-  
 tum: Socolouiū totidem. Qui omnes in Valachiā  
 simul ad Palatinum omni metu deposito, profecti  
 fuere. Postquam igitur velites fines Valachiae atti-  
 gere, de his Iuonia edoctus, ex templō, qui eos ho-  
 norificè nomine suo, ac liberaliter exciperet, com-  
 meatumque ac rerum omnium copiam, quęque ad  
 victum necessaria essent, liberaliter suppeditarent, *Iuonia ad*  
 mittit. Cū ad secundum lapidem à castris Iuonię *Velites pro-*  
 velites cum ductoribus Valachicis abessent, de eis *fiscitur.*  
 Iuonia certior factus, ipsemet cū pulcherrimo equi-  
 tatu, adiunctus sibi aliquot ex Senatu, obuiam eis  
 profiscitur: vt se exhibito, animique sui in eos vo-  
 luntate declarata, illos post obsequentiores habe-  
 ret, ac ad quauis pericula adeunda alacriores: vbi in  
 conspectum eorum venit, præ nimio gaudio, paucis  
 verbis salutatoꝝ, singultus vi lacrymarum impe-  
 diente, ne verbum quidem proloqui potuit, sed se-  
 cum ductoribus illorum acceptis, eos sese in castra  
 comitari iubet: vt militari conuiuio exceptis, post  
 cum eis de periculis imminentibus suis, de belloq;  
 sibi Selymi ingruente, liberiùs loqui possit, reliquis  
 se sequi iussis. Vbi in castra ventum est, bombardarum  
 maiorum artifices ingentem boatum edere  
 iubet, sic vt cælum sonitu resonare, terra strepere  
 visa fuerit. Postquam satis concentui datum fuit, tot



pedites è numero suorum, quot equites velitum erant, egredi iubet, vt singulorum equis acceptis, quod satis pabuli esset, darent, eosque curarent. Hisce ita imperatis, Kosacos non certè militari prandio, sed magnifico ac copioso conuiuio excipit. Ductores illorum, suosque proceres, secum in tabernaculum, quod in patenti campo erectum erat, ducit, eosque secum epulari, vbi & senatus erat, cogit. Reliquos Kosacos in aliqua tabernacula ductos similitudine tractare iubet. Postquam epulæ remotæ fuere, iubet aliquot argenteas patinas nummis aureis onustas afferri, ac ex eis tantum ductoribus Kosacorum, eorumque ministris apponi, quantum satis esset: dictitans, id eis eo nomine se largiri, vt longinquitate itineris fatigati in balneis lauent, corporaque curent. Illi pariter pudore ac quadam admiratione defixi, se accepturos negant. Sed vi coacti, ac precibus non solum Iuonia, sed & procerum Valachicorum fracti, accepere, gratijsque actis pro tanta in se munificentia Iuonia, omnes assurgentes, in conspectu eius steterè. Ille dextra eis ad lauam partem castrorum suorum, quæ in proximo erant, vt ibi stationem haberent, innuit. Deinde mittit eis sex grandia vasa vini generosissimi, sexcentosque thaleros, vt illud in memoriam nominis sui exhauriant. Nam alioquin illi militi aqua solum in illis vastis solitudinibus perpetuus potus est. Ad hæc parochos ipsidem, ne quid omnino tam ipsis quam ipsorum iumentis desit, addit. Appropinquante luce, ipsemet ad ductores velitum venit: quos, vt in tabernaculum suum veniant vnà cum comitatu suo, orat: esse quod ad eos de summa rei referat, & quid eos face-

reve-

*Iuonia velites tractat.*

*Iuonia ad se Kosacos accersit.*

re velit, omnibus exponat. Qui vbi alacres venêre, talem orationem ad eos lingua Polonica habuisse dicitur. Si de vestra fide, virtute, constantia, fortissimi equites, certò mihi non persuasissimè, nunquam hoc difficili ac periculoso tempore, vos procul è patria vestra euocassim. Sed cum hac omnium constanti ore celebrata fuisset, vos huc euocaui, vt mihi operam vestram & industriam, in hoc bello gerendo contra Selymum, insensissimum hostem, præbeatis: pro qua nauata si vobis certum stipendium militare constituere velim: non mediocriter pertimesco ne meritis vestris minùs dignum præmium detur: sed, quicunque successus nostri contra hunc terrorem hostem erunt, omnia vobis, milites, à me largè suppeditabuntur, commeatus, pecunia, equis pabulum, ac id genus alia ad eam rem pertinentia. Ego vos, pristinae virtutis memores, ita vos gesturos esse hoc in bello arbitror, prout de vobis omnium opinio est, ac eam in animo meo excitastis. Vobis autem summas, perpetuasque gratias, & ago, & habeo, quòd ad me, hominem Christianum, ipsi etiam Christiani veneritis: quorum voluntatis erga me, semper gratum ac memorem me fore polliceor. Qui etsi pro magnitudine periculi mei pauci estis: tamen non minùs mihi gratus est conspectus vester, quàm si duodecim millia mihi in auxiliũ aliunde missa fuissent. Quare quaecunq; stipendium volueritis, id me vobis dissoluturum recipio. Nec vos vires Turcarum ita animo pensare velim, quasi à nobis vinci non possint. Fateor eos hæctenus miro successu vsos fuisse, qui à sordidissimo initio orti, in tãtam amplitudinẽ peruenêre: sed quæ ab eorũ per-

*Oratio Iudæ  
nia ad Reges  
sacos.*



fidia, non virtute, profecta, summo cum scelere cō-  
iuncta sit. Fateor item Deum immortalem cōsue-  
se, quò grauius homines ex commutatione rerum  
doleant, quos pro scelere eorum vlcisci velit, his se-  
cundiores interdum res & diuturniorem impuni-  
tatem concedere. Sic Turcæ si hætenus felici suc-  
cessu vsi sunt, id ita volente ac permittente Deo fa-  
ctum est, vt quantò altius ascenderunt, tantò gra-  
uius corruant. Plura loqui me vis lacrymarum non  
patitur. Qui sit animus erga vos meus, vos optimè  
& perspicere, & intelligere posse video. Quemcun-  
que casum fortuna inuexerit, hūc vobiscum com-  
munē ducam. Hæc proloquuto Suierceuius pauca  
pro omnibus militariac rudi sermone sic respon-  
disse, dicitur: Non stipendium tuum, Iuonia, vt ad te  
veniremus, nos pellexit: quod nos semper pro mi-  
nimo duximus: sed potius virtus nostra singularis,  
vt cōtra hunc scdissimum ac acerrimum Christia-  
norum hostem pro incolumitate tua dimicemus.  
Stipendium non curamus: qualis tandem fortuna  
nostra futura est, exitus belli declarabit: satis à te re-  
munerati videbimur, si hoste tuo intra fines regni  
hisce nostris dextris represso, honestam pacem cum  
eo habueris. Tu verò quid postea nobis præstare  
debebis, fortuna nostra id te docebit. Nec vires  
Turcarum horremus: quorū successus quales tan-  
dem adhuc erunt, eos diuinæ prouidentia iam cō-  
mittendos censemus: nos in hostem intenti eri-  
mus, vt eum à iugulis tuorum auertere possimus.  
Oratione Suierceuij Iuonia confirmatus, ductores  
Kosacorum secum prandere iubet, quibus epulum  
dat: alteram mensam Logafetus, Veremias magi-  
ster

*Suierceuius  
pro omnibus  
Iuonia re-  
spondit.*

ster equitum, cum reliquis Senatoribus occupat. Hæc acta sunt vigesima die Martij. Cæterum Selymus audito responso Iuoniæ, simul ira, indignationeque accensus, (quam legatus amarulentis verbis, eò quòd nulla munera à Iuonia acceperat, auxit) sine mora Palatino Transalpinæ Valachiæ triginta millia Turcarum, duo Vngarorum mittit, vt coadunata suorum manu, Iuoniam capiat, eoque ad se missò, ipse totam Moldauiam occupet, in eaque Petrum fratrem suum, Palatinum constituat. Is mandato Selymi alacriter suscepto, suisq; ad arma conuocatis, simul cum Turcis ac Vngaris flumen Moldauam tranat. Erant ferè omnium centum duo millia fortissimorum virorum. Qui non solum Iuoniam è Valachia eijcere poterant, sed & quemque fortissimum regem bello laceßere ac vincere. Hinc nocturno, diurnoque itinere fatigati, vt tam sua quàm equorum corpora reficerent, nil de Iuoniæ inopinato aduentu suspicati, in loca herbida, quæ supra flumen latè patent, equos effusè euagari patiuntur. Interea speculatores ad Iuoniam prandentem veniunt: flumen Moldauam maximam vim hostium tranasse, quibus Turcæ simul cum Vngaris intermixti sint: nec eorum certum numerum sciri posse, sed supra centum millia esse suspicari: nunc omnes equis in pascua lata missis, se quieti dedisse. Quos si Iuonia cū parata suorum manu aggredietur, facile ad vnum deleri, vinci que posse. Hæc tanta alacritate animi à Iuonia audita fuere, vt Suierceuium cum suis confestim præcurrere, datis ei sex millibus Valachorum, qui linguæ Turcicæ gnari, omnia certiùs cognoscerent, iusserit: ipsemet verò

*Indignatio  
Selymi in  
Iuoniam.*

*Exercitus  
Palatini  
Transalpinæ  
Valachiæ  
contra Iuoniam.*

*Iuonia fit  
de hostibus  
certior.*



cum suis, quoniam paulò onustiores armis erant, subsequitur. Suierceuius omnes orat, ut, si lata ex hoste victoria potiri velint, quanto silentio possint, ad hostiū castra nullo clamore dissono, aut tumultu edito perueniant. Hisce ita inter se compositis, in speculatores Moldauorum, qui supra castra suorum stationes, ne quis impetus in quietos fieret, agebāt, incidit. Erant verò hi quadringēti: qui omnes à Kosacis circumuenti capiuntur. Quos primò benignè, demum minaciter alloquuntur, quid cōsiliij hostes habeant, vbi sint, quid agant: si indigna nolint pati, ut exponant, cogunt. Illi suppliciter & ingenuè, presentis periculi metu perterriti, fatentur, Valachos Transalpinos pariter cum Turcis, quibus intermixti Vngari sint, non tam longinquitatē ac difficultatē itineris fatigatos, quieti se dedisse, ac corpora curare, quàm ut Iuoniam vegetiores inopinatum aggrediatur. Quos si iam securos ac omni cura dissolutos inuadat, eum faciliè compotem victoriæ futurum. Valachorum Transalpinorum non esse ampliùs septuaginta millia, Turcarum triginta, Vngarorum tria. Hisce Kosaci cognitis, subito ad Ioannem nuntios mittunt, in quo statu res hostium sint, eum certiore faciunt: ut cum suis maturè (in manu enim victoriam esse) appropere. Ipsi verò non procul ab hostium castris, duabus horis stationes, vigilasque taciti agunt, ne vsquam hostis commoueatur, aut quicquam incipiat. Quæ vbi celeriter ad Iuoniam perlata fuissent, statim ipsemet adest, Suierceuiumque suos disponere, ac quamprimum cum hoste configere iubet. Ipse verò, quoniam multitudine abundabat, sua acie in longitudinem extensa, tribus

ex

*Capiuntur  
speculato-  
res.*

*Iuonia de  
statu hostiū  
cognoscit.*

ex partibus hostium castra, omni præsidio nudata, aggreditur. Suierceuius parte ab altera cum suis citatissimè ad hostem, antequàm Iuonia accessisset, peruenit: ibiq; sublato clamore, castra hostium inuadit. Hostes, ignoto & horribili sonitu repente exciti, neque fugere, neq; arma capere, neq; omnino facere, aut prouidere quidquam poterāt. Ita cunctos strepitu, clamore, & nullo subueniente, Kosacis instātibus, tumultu, terrore, formidine, quasi vecordia ceperat. Ecce tibi in tanta strage hostium subitò Iuonia cum suis adest: qui & ipse stratos ac perturbatos egregiè cædit. Fugæ nusquam locus est. Nam Moldaui procul equos à se in pascua abegerant, nec quomodo fugerent habebant: omnes nudi, inermesq; hosti, ad primos successus victoriæ exultanti, iugulū præbent. Fit totis castris plāctus, gemitusq;. Ex tanto numero hostiū nemo, præter Palatinum Transalpinæ Valachiæ, vnà cum Petro fratre, quem in Valachiam fretus tātis copijs deducebat, fugit. Hi igitur, conscensis equis, qui in tanto periculo vix eis oblati erāt, pernicibus, per lacū qui ex Danubio oritur, tranant, peruenereq; ad arcē Brailouiensem ad præfectum Selymi: reliqui omnes ad vnum cæsi, alitibusq; obiecti. Tum spectaculum fuit horribile, in cāpis patētibus omnes viri afflicti: ac multi vulneribus acceptis, neq; fugere posse, neq; quietē pati, niti modò, & statim cōcidere. Postremò, omnia quā visus erat, cōstrata telis, armis, cadaueribus: & humus infecta sanguine. In castris multū opulentiæ repertū fuit: quæ Iuoniæ omnis cessit: quam ille militibus, in primis verò Kosacis dat, qua plurimū ditati fuere. Iuonia in iisdem castris quatrimum moratus, vt

*Stratagemæ Iuonia.*

*Primæ caedes hostiū.*

*Fuga Palatini cū fratre Petro.*

*Castrorum præsumptio.*



*Iuonia Pala-  
tini ditionē  
vastat.*

suorum corpora cæde hostium defatigata, viribusq;  
exhausta reficeret, cadauer Palatini ac fratris Petri  
summa cura requirit. Quo haud reperto, rectâ exer-  
citus in regionem Palatini Valachia Transalpinæ  
inducit: castella, oppidaq; & natura, & viris parum  
munita, adgreditur: quosque obuios nulla fœminei  
sexus ratione habita, necare, puberes interficere,  
villas & vicos pariter cum oppidis igne succendere  
imperat. Triste ac miserum ibi spectaculum fuit,  
cùm illam partem Valachia Transalpinæ omnes  
fumantem, ac flammareluentem aspiciebant. Tra-  
hebantur senes ad cædem, rapiebantur parui pueri  
ad necem, matronæ pariter cum virginibus stupra-  
bantur: quæque crudelissima & acerbissima perpe-  
trabantur. Iuonia vniuersos laudat, atque agit gra-  
tias: hortatur ad cætera quæ leuia sunt, parem ani-  
mum pro victoria gerant: satis iam pugnatum: reli-  
quos labores pro præda fore. Hac tali populatione  
victor exercitus ad Transyluaniam, siue Sedmigro-  
densem regionem peruenit: visaque Brailouienfi  
arce, iter ad inferiorem Danubij ripam deflexit. Ibi  
cognoscit Palatinum Transalpinæ Valachia vnâ  
cum Petro fratre esse in arce: itaque protinus ad-  
uersum illud oppidum suos ducit. Est ciuitas Brailo-  
uiensis supra Danubium sita: quæ arcem percom-  
modam habet, & natura loci & firmo præsidio be-  
ne munitam. Ibi Iuonia non procul ab oppido Brai-  
louia, arceque, nactus locum percommodum com-  
muniendis castris, sic vt ex arce tormentis murali-  
bus nulla ratione infestari posset, aberat. Hinc scri-  
bit literas ad præfectum arcis, easque duobus capti-  
uis Moldauis perferendas committit: quibus illum  
orat

*Castra Iuo-  
nia ad Brailo-  
uiam.*

orat ut Palatinum Transalpinæ Valachiæ, perennē hostem suum, vnā cum Petro fratre, qui ob nullum ipsius maleficiū bellum ipsi intulerint, ac post infeliciter tentatū prælium ad eum ex acie fugerint, extemplo sibi tradat: alioquin se exercitum ab oppido non remoturum, donec vi adactus eos dedat. Ad has literas sic præfectus arcis, per quatuor Turcici sanguinis, (quorum duo oppidani erant, duo ex arce domestici) respondet, ac simul Iuoniæ decem globos grandes tormentarios, totidem minores cū duabus sagittis mittit. Audi te (inquit) ministrum esse Selymi: ideo rationem tui habeo: eos minimē apud me esse, quos petis, nego: sed cū ad aures meas perlatum fuisset, te ingentem multitudinem exercitus Cæsaris cecidisse, qui mandatis ipsius parentes, in Valachiam Petrum fratrem Palatini Transalpinæ Valachiæ deducebant: edico tibi, nisi hinc obsidionem quamprimum solueris, huiusmodi ferculis cum tuis pascēris: quibus vnā cum exercitu tuo satiatus, post ructabis. Hoc tale responsum tantam Iuonię indignationem mouit, ut illis ipsis internuntijs quatuor comprehensis, naribusq; eorum simul cū labijs ac auribus præcisis, pedes singulorū sursum versos longissimæ trabi ferreis clauis affigere iusserit, eosque terram capitibus attingentes ante oppidum scloperarios ferre, abicereque imperarit. Horrendum id omnibus spectaculum fuit: quo Iuonia præfecto arcis demonstrare voluit, eum similem exitum vnā cum profugis manere. Hoc tali triste exemplo edito, nulla mora interposita, pedites scalis in eum usum paratis, ad motis, mœnia vr̄bis clamore sublato conscendere iubet. Nec consilium euentus

*Responsum  
præfecti ar-  
cis.*

*Iuonia indi-  
gnatio in in-  
ternuntios.*

*Novum ge-  
nus crudeli-  
tatis.*



*Celeritas  
peditum.*

*Capitur op-  
pidum, ac  
cades ingēs.*

*Funditus de-  
letur vrbs.*

moratus est. Nam pedites tanta celeritate sese sub  
mœnia oppidi insinuauêre, vt priusquam oppidani  
sese ad resistendum opponerent, euaderent in mu-  
rum: quo diruto, totus exercitus in oppidū irrupit.  
Ibi ingens cades Turcarū facta fuit, nemini parsum:  
vbi ex cæsorū cadaueribus sanguis instar riui in Da-  
nubium profluxit: parui pueri ac vberibus matrum  
abrepti, vagientes occisi. Quatriduum ibi in cædibus  
perseueratum est: in locis abditis ac occultis latitan-  
tes homines quæsi, ex latebrisq; ad cædem tracti:  
tota vrbs direpta, ac per iram incensa, nullo homi-  
num, ac ne canū quidem inter incendia, ruinasq; re-  
lieto. Plurimum ibi auri, argenti, pecuniæ signatę, v-  
nionum, margaritarum, repertum est: quæ omnia  
prædæ militum cessêre. Erat ea ciuitas in illis locis o-  
mnium opulentissima, eò quòd post occupatam à  
Turcis Græciam, multū diūq; in pace vixit: qua par-  
ta, nullo motu belli conquassata, supremā dum cla-  
dem adiit. Nam à victore hoste ne vna quidem do-  
mus integra relicta fuit: omnia euersa ac solo adæ-  
quata fuêre, præter arcem, quæ omni præsidio vrbis  
nudata, sola relicta fuit. Ad quam capiendam Iuonia  
suos ad mouere voluit, ni à præsidio, quo arx validè  
firmata fuit, clades poenitēda subeūda foret. Interea  
Iuonia in direptione vrbis occupato, speculatores  
adsunt, qui ipsum certiorē faciunt, quindecim mil-  
lia Turcarum magnis itineribus in subsidium arci  
Brailouienſi venire. Quibus ille cognitis, ac nihil tā-  
ta multitudine hostium territus, confestim Suierce-  
uium cum Kosacis, additis ei octo millib. equitū Va-  
lachicorum, contra illos mittit. Ad quos vbi is præ-  
properè aduolasset, nullo illis spatio ad recolligēdas  
vires

viresdato, cum eis alacriter prælum init. Omnes occisi ac perempti, præter mille equites, quos fuga subtraxit. Quibus Suierceuius insecutis, multos pellat & cædit. Qui cædi supererāt, fuga ad arcē Teinensem, quæ ditionis Turcarum erat, delati sunt. Erant in proximo, nō procul ab illa ipsa arce, Turcarū copia, quibus agmina Scytharū intermixta erāt. Subitō Suierceuius ad luoniam cum læto victoriæ nuntio mittit, certissimam ex hoste victoriam pollicēs, modò ommissa oppugnatione arcis Brailouiensis, cum omnibus copijs absq; mora adsit. Ille, tam læto nuntio accepto, arce Brailouiensi neglecta, cuius expugnationē & sibi difficilem, & periculosam esse sciebat, ad Suierceuium celeriter venit. Quo cum consilijs cōmunicatis, simul illas ipsas copias aggressi delent, & ad internecionem dant. Hinc ad oppidum Teinense exercitus admotus. Quò facilè, sine vllō oppugnationis labore, & expugnato & capto, omnes oppidanos, pariter cum fœminis, crudeliter, ne vno quidem ex tanta multitudine relicto, neeat. Hosce luoniæ successus Suierceuius cum suis Kosacis adiuuabat. Nam primus semper cum Turcis hastatis prælum inibat: in priua fronte equites cum tormentis manuarijs locabat: quorum horrédo sonitu, crebrisq; ictibus globorum, semper Turcarum aciem nō mediocriter turbabat. A dextro cornu eis sagittarios opponebat: qui grandine sagittarum immissa Turcicas acies vulnerabant. A læua parte erant locati, qui erectis breuioribus lanceis, in omnē occasionē intenti, Turcas eis cōfodiebant. Quos Suierceuius ab his cōturbatos, cædi Valachorū obijciebat. Interea sexcēti Kosaci oppidū Bialodrogense versus,

*Victoria  
Suierceuij.*

*Alia copia  
Turcarum.*

*Luonia ad  
Suierceuiū  
venit.*

*Oppidum à  
luonia captū  
tur.*

*Stratagema  
Suierceuij.*



*Iuonia ex-  
ercitum quie-  
tere fecit.*

*Iuonia ora-  
tio ad Kos-  
acos.*

*Suierceuius  
Iuonia re-  
spondit.*

quod est ditionis Turcarum, citato agmine profici-  
scuntur: quo direpto ac succēso, dimidiata pars ipsius  
fœdo incendio conflagrauit. Plurimum ibi prædæ  
nō ignobilis repertum fuit: qua militi obiecta, mul-  
tum ea ditatus fuit. Iuonia verò cæde Turcarum fa-  
tigatus, læta quiete, non procul ab arce Teinicensi,  
quam nudum in parentibus campis reliquerat, per  
octiduum suos reficiebat. Vbi iterum repēte fit cer-  
tior, Turcarum simul cum Scythis aliquot agmina,  
ab oppido Bialogrodensi proficisci, qui in proximo  
Iuoniam cum exercitu adesse ignorantes, dispalati  
huc illuc, reperto vado tranabant. Quos procul Ko-  
saci conspicati, orant Iuoniam vt ipsis potestatem il-  
los inuadendi, pellendi quæ det. Ad quos sic Iuoniam  
verba fecisse, vt author est Bartholomeus Paprocius,  
intelleximus. Vestra incredibilis, Poloni fortissimi,  
virtus facit, hic quæ ardor pugnandi, ij vestri successus,  
vt vobis nolim quicquam à me denegatum esse. Ite  
Deo comite, proficiscimini felices: hostium quæ exer-  
citus, vt vsu edocti estis, cædite. Tibi autem, Suierce-  
ui, hic totus exercitus curæ sit: quos ita contra ho-  
stem instrues, prout occasio rerum gerendarum po-  
stulabit. Hæc vbi dixit, Suierceui tria millia Vala-  
chorum, vt eorum opera contra hostem vtatur, ad-  
dit. Quibus ille acceptis, ei gratias agit, quod de se  
tantam opinionem habeat: quam ne fallat, se etiam  
atque etiam diligenter curaturum. Acceptos igitur  
Valachos cū Kosacis non miscet, sed ab agmine suo-  
rum remotos, ex eis nouam aciem quandam post  
terga Kosacorum instruit. Suos verò illos ducentos  
mille Kosacos, in tria agmina disponit. Quadringen-  
tos in prima fronte scutis rotundis tectos locat, ac  
hastatis

hastatis Turcis obijcit. Ipsemet sibi dextrum cornu cum sagittarijs quadringentis sumit. In læuo totidē cum lanceis missilibus locat. Turci eorum paucitatem conspicati, eamque præ se contemnentes, prælio sese expediunt. Qua visa re Suierceuius equites, quos in prima acie collocauerat, tormenta in eos displodere iubet. Quibusturbatis nimbo sagittarū, in eorum agema suis immissis ex læuo latere, eos hastis vrgeret iubet. Sic illi ancipiti prælio distenti, (nam in vnicum tantū agmen coadunati erant) egregiè à Kosacis cæduntur: quibus, qua vi possunt, Turcæ simul conglobati resistunt. Ab initio ferè horam anceps prælium stetit: donec Valachi, post velites à Suiercenio dispositi, intenti in pugnam, vegetes animo ac corporibus, haud secus quàm diu tentatæ feræ concitati, cum ingenti clamore ad velites aduolant: qui maxima vi in agema Turcarum turbatum incurrunt, eosque omnibus ex partibus, quibus pedites intermixti erant, aggrediuntur. Pedites nunc equis crura succidunt, nunc ilia suffodiunt: qui in fugam dissipati, omnes ferme terga vertunt, à velitibusque cæduntur. Ex quibus solum tres desiderati, ex Valachicis centū: sic Polonis paruum insignis victoria stetit. Iuonia ex longinquo tam inclytæ victoriæ spectator fuit. Hostium castra cum impedimentis & capta, & direpta fuere: plurimum ibi prædæ inuentum: quæ viris militi distributa. Capti erant hostiū ducenti: qui omnes ad Iuoniam tãquam pecudes adducti fuere. Quos is inter pedites sclopetarios pellere iubet: qui omnes ad vnum, falcibus maioribus, quibus fœnum secari solet, in frustra conciduntur. Dux illius victi exercitus,

*Committitur pugna.*

*Victoria celebrata.*



*Opulentia  
ducis.*

*Selymi ter-  
ror.*

*Proponit se  
de origine  
Saracenorū  
ac Turcarū  
discuturum.*

in potestatem Polonorum venit: homo tantæ opulentia, vt sexies se liberari atq; redimere, modò ne Palatino viuus traderetur, voluerit, bis auro in altera statera posito, ter argento, semel margaritis. Fuit egregiæ ac proceræ staturæ, ad promerendamq; gratiam habilis. Sed apud Polonos plus fides quam luoniæ dederant valuit. Nam antè ex tot spolijs Turcarum, auro & argento satiati, omnes pollicitationes eius flocci pendentes, eum viuum in potestatem Iuoniæ tradunt. Quo cum ille per aliquot dies colloquium de rebus Turcicis habuit: posthac eum pedibus membratim dissecandum obijcit. Hinc ad Vfsam oppidū suum copias mouit: vbi tot prælijs fracti exercitus vires refocillauit. Interea Selymus, Constantinopoli tot Iuoniæ victorijs perturbatus, ac terribus ne plane Valachia exueretur, ac è Græcia (quod illi, opinor, contigisset, ni defectio Czarnieuiacij ad Turcas obstitisset) pellèretur: cum suis Deo more suo supplicat. Nam Turcæ peculiarem religionem, à Muamede, seu Mahomete, hinc ab anno Christi millesimo supra vigesimum, quam Mahometes Saracenis anno Christi sexcentesimo vigesimo tertio obtruserat, acceptam habent. Ne verò quis Saracenos & Turcas eiuldem stirpis aut originis esse existimet, nonnulla mihi de origine vtriusq; gentis esse dicenda videntur. Saraceni longè sunt vetustiores Turcis. Ij sedes suas, regnante tum Lechone apud Polonos, in ea parte Arabia, quæ Petræa dicitur, habuère, vocabanturq; ab incolatu loci Arabes: stipendiumque sub Heraclio, tum bellum cum Costrea rege Persarum gerente, merebant. A quo stipendio militari exautorati, vt ignominiam nomini suo iniustam vl-

cisce-

ciscerentur, Mahometo se adiungunt: qui Meccā, in vrbe opulenta, in tanto dissidio Christianorum de religione, adiutus à Sergio, monacho factionis Nestoriana, à Christianis diuersa docere cœpit. Arabes enim vana opinione ducti, se vnicos mortalium esse à Sara, vxore Abrahe, genitos, regniq; cælestis legitimos hæredes, opinati sunt: quorum opinioni Muamedes assentiendo, eos ad se pellexit. Vtq; militarem disciplinam inter eos constitueret, multitudini decem duces, ex nobilioribus, potentioribus, ac sibi affinitate iunctis præfecit, eamq; in cohortes ac centurias distribuit: cuius viribus adiutus, Meccā, urbem in Arabia opulentam, demū aliquot oppida capit, ditionisq; suæ facit. Hinc facillè tota Arabia potitus, venerabilem se tot populis præstitit. Post cuius mortem, apud Saracenos, pontifices ad Caliphum, seu Mustacenum, in Perside potentes fuere. Hinc Africa potiti, pariter cum magna parte Hispaniæ, sæpe Siciliam, quondā populi Romani, victoris tot gentium, Prouinciam, Italiā, Galliam, infestarunt. Quorum audaciam Carolus Magnus armis vix repressit. Post, anno Christi nongentesimo supra octogesimū primum, vel paulò plus, minúsve, Scytharū multitudo, qui præceteris ad orientē vergūt, circaq; Tanaim sedes suas habent, domo profecta, sine duce, sine legibus, vagi, dispalatiq;, ex raptu, prædaq; aliquandiu vixerunt: donec Persas, qui tum Saracenis subiecti erant, bello adorti, eorum urbem magnam & opulentam, Turcem nominatam, occuparunt: à qua se post eodem nomine Turcas, seu Turcos, dici voluerunt. De Turcarum origine alios diuersa tradidisse video: quos aiunt ex Caucaſi portis egres-

*Opinio Arabum de sua stirpe.*

*Potētia Saracenorum.*



*Asia à Tur-  
cis occupa-  
tur anno  
Christi 844*

fos, primùm finitimas gentes, & in his Armenios, in-  
uasisse: inde minorem Asiam, abhinc anno Christi  
844. ab eis occupatam fuisse. Quæq; ipsi de se memo-  
rant, nō omnino diuersa à superioribus esse videtur,  
quorum hæc sententia est. Gentis authores suæ, ex  
Caspjijs montibus ac finitimis pulsos, in Persidem &  
minorem Asiam descendisse: nec prius apud eos re-  
giam familiam cœpisse, quàm sint è Scythia profecti,  
cùm antea sine duce, sine legibus viuerent. Inde (vt  
sunt humanarũ rerum vices) ex cuiusdã Othomani  
successu, celebrari vnã familiã cõtigisse: ex qua  
reges, demum Cæsares creare cōsueuerint, & hodie  
creent: idq; ita accidisse memorant, vt tres numero  
fratres, in ampla & regia fortuna à patre relictĩ, cùm  
vicissim imperitare cœpissent, siue pudore impedi-  
ente, siue metu, quum parum tutum esset nō cede-  
re ætati: duo minores nati, Aleus & Othomanus,  
regno maiori fratri relicto, domo vterq; cum manu  
sua profecti, hic Cappadociam, Galatiam & Bithy-  
niam occuparit: ille Carmaniam, Lycaoniam, & eas  
terras quæ Tauro adiacet. Et hæc Turci de se memo-  
rant: quibus perbellè se Scythas esse fatentur. Cælius  
Curio, qui Saracenicam historiam scripsit, de origi-  
ne gētis, eorumq; regibus prorsus diuersa tradit: qui  
vult Turcas originem stirpis ab Hunnis sumere, nec  
apud eos tum primùm Othomanum regnasse, sed  
longè antè, antè Trangolipicem Mucaletum. Ete-  
nim Saraceni, in aliquot factiones principũ, qui tum  
totam Persidem pariter cum Africa obtinebant, di-  
uisi, inter se domestica bella gerebāt, seseq; ciuili fer-  
ro cōfodiebāt: orto igitur bello inter Muhumetum,  
qui tum in Perside regnabat, & Babylonũ Calysam,  
Muhu-

*Sententia  
Curionis de  
origine  
Turcarum.*

*Trāgolipix  
primus rex  
Turcarum.*

Muhumetes ad se Trágolipicem, qui è Caucaſi mō-  
tis anguſtijs cum Turcica multitudine egreſſus, circa  
fines Perſarum vagabundus degebat, accerſit. A quo  
adiutus, Calyſam facile vincit, ſuperatque. Turcæ  
igitur ex Perſide cum duce ſuo regredi volentes,  
transitumque ſibi tutum per pontem qui Araxi flu-  
mini impoſitus erat, concedi à Muhumeto poſtu-  
lantes, (quos ille apud ſe retinere cupiuit, vt opera  
eorum contra Indos vteretur) id ſe facturum detre-  
ctat. Illi, ſimulira, indignationeq; accenſi, (quorum  
ſolùm tria millia erant) veritiq; grauius periculum,  
in Curbātidem ſolitudinem ſeſe ſubtrahunt, indeq;  
crebris excuſſionibus agros Saracenorum depopu-  
lantur. Quorum ferociam Muhumetes reprimen-  
dam ratus, triginta millia Saracenorum cum certis  
ducibus ad eos delendos mittit. Sed Turcæ, audito  
aduentu eorum ad ſe, in denſiores ſolitudines ſeſe  
ſubducūt, vt captata occasione Saracenos opprime-  
re poſſint. Nec conſilium euētus moratus eſt. Nam  
exercitus Muhumetis, Turcas metu ceſſiſſe ratus,  
nullis ſtationibus habitis, ab eis per inſidias contru-  
cidatur. Hac tam inſigni clade ſuorum Muhumetes  
irritatus, comparata ingenti manu ſuorum, ipſemet  
cōtra Turcas, quorum iam exercitus ex colluue tot  
gentium creuerat, proficiſcitur. Quibuſcū non me-  
liori euentu collatis ſignis acriter dimicat. Nam Tur-  
cæ, aſſueti Saracenos vincere, Muhumeto occiſo, qui  
equo lapſo ceruices, cū ſuos ad acriter prelium in-  
eundum adhortaretur, fregerat, ex Saracenis facile  
victoria potiuntur. Cuius admiratione Saraceni de-  
fixi, illū ipſum ducē Turcarum, Trangolipicē, regem  
apud ſe creant: qui accepta pariter cum ſuis religio-



ne Mahometana, vnà cum Saracenis in vnum corpus Reip. coaluit. Trangolipix igitur à Saracenis in Perside rex factus, omnes magistratus, dignitatesq; à Persis in suos transfert, indigenisq; Persis, quorum reliquiæ adhuc supererant, oppressis, inter suos ac Saracenos vniuersam Persidem diuidit. Quoq; finitimis terribilior esset, à suis nouo nomine Sultanus (quod nomē lingua Latina summum imperatorem sonat) appellatur. Qui post per manus posteritati suę regnum tradidit. Ac ne qua inter Saracenos ac suos discordia esset, omnes Turcas, à ciuitate quę in Perside diues opum fuit, appellat. Turcæ, tanta potentia aucti, illos ipsos Saracenos qui in Africa potentes erant, adorti, cum eis societate ineunt, simulq; armis iunctis, Constantinopolitanis imperatoribus, reliquoq; Romano imperio, terrori, formidiniq;, quod ad Germanos trāslatum fuit, fuere. Durauit potentia Sultanorū Turcarum vsq; ad bellum Scythicum, seu Tartaricum, quod Scythæ Turcis illis qui Persidem obtinebant, anno Christi 1240. intulerūt. Quibus deletis, (quo etiam tempore vniuersa Polonia, viuo rege Pudico, ab eisdem Scythis magnā cladem acceperat) vix ex tam numerosa multitudine pauci eorum relictī fuere: qui infima plebe sibi ascita, nil secum præter arcum ac pharetram gestātes, latrocinari cœperunt, nec vllō rege vsi sunt. Nihilominus nomen Sultanorum mansit penes illos Saracenos qui in Africa erant: qui se antiquo nomine Saraceno quā Turcico appellare maluerunt. Turcæ igitur latrocinij assueti, angustias montiū insident, ex eisq; finitimos agros, & Romani imperij vrbes crebris incursionibus vexant. Non tamen viribus

Scy-

*Origo nomi-  
nis Sultani.*

*Turca à Scy-  
this in Per-  
sida deletis,  
anno Christi  
1240.*

*Turca vires  
recuperant.*

Scytharum, quibus finitimi erāt, pares esse poterāt: quos illi ad finitima Græcię pellebant: & quā infirmi contra Scythas erant, tam fortes contra Græcos existerant: adeò vt tandem etiam cum Græcis Cæsaribus ad aperta bella deuenerint: quorum copijs sepe deletis, Romanas prouincias depopulabātur, ad Sangariumq; annē vsq; populatione peruenerunt. Hinc à mari Pōtico atq; à Galatia ad Lycium atq; Carium mare, & Eurymedontem fluuium, omnia ditionis suæ fecere: veterisq; nominis sui memores, quod fortassis in gēte non abolitū fuit, Turcas se appellant. Quoniam verò se cōmodè sine ducibus uiuere nō posse vident, sex potissimū è numero suo legūt: inter quos omnes prouincias, quas breui temporis spatio consecuti sunt, partiuntur, eorumq; imperio se subijciunt. Caramanū Alisurium: cui Phrygiam mediterraneam, Philadelphiam vsq; & prope Antiochiam ad Mæandrum fluuium sitam, (à cuius nomine pōst illa tota regio Caramania appellata est) concedunt. Saraconem: cui quicquid est Smyrnam vsq; ad interiorem Ionix oram, dant. Sasanum: cui Magnesiā, Prienen, Ephesum largiuntur. Calanum, eiusq; filium Cerasum: cui Lydiam, Aetoliam, Mysiam quę est ad Hellespōtum sita, impertiuntur. Armarij filios: quibus eas terras quę à flumine Sangario ad Paphlagoniam vsque extenduntur, frundas permittunt. Atmanum, seu Othomanum: quem omnibus regionibus quę circa Olympum sunt, præficiunt. A quo Othomano hodierni Turcici Cæsares hinc ab Christi regis ortu 1301. originem sumunt: à quo tam Italici quàm Germanici scriptores historiam suam inchoant. Atque hæc quidem

*Turca inter  
suos duces  
imperium  
partiuntur.  
Caraman  
regnum.*

*Saraconi.  
Sasani.  
Calani.*

*Armarij  
filij.  
Othomani.*

*Othomanus  
regnare co-  
pit an. Chris-  
ti 1301.*



origo Turcarum, eorumque regum successus mihi verior, ut Cælius tradit, esse videtur, quam quod primò ad Othomanū referatur: siquidem illi longè antè Turcicis Sultanis, quemadmodū ex superioribus liquere puto, hinc ferè à sexcentesimo anno vñ sunt.

*Othomani  
imperium  
ac felicitas.*

Othomanus igitur præ illis reliquis, inter quos Turcicum imperium diuisum fuit, longè gloria rerum gestarum superior fuit: quibus non multò pòst bello illato, eidem iugum imposuit. Nec hic successus ipsius solūm cōtra Turcicos imperatores fuit, sed & cōtra Christianos: inter quos cū discordia glisceret, Bithyniam & omnes circa Pontum provincias, decem annorū spatio (randiu enim rex fuit) ditionis suæ fecit. Filius huius Orchanes, paternæ virtutis æmulus, bellum per manus acceptū strenuè est executus: miraq; felicitate Mysiam, Lycaoniam, Phrygiam, Cariam, subegit: armaq; sua in Hellespontum vsque ad Euxini littora promouit. Post hunc alij qui regnarunt, celeri cursu victoriæ, vñ mira felicitate,

*Orchanes  
Othomano  
succedit.*

*Baiazethes  
à Tamberla  
ne captus,  
anno Christi  
1392.*

tot populos vsque ad Baiazethem subegerunt: cuius Tamberlanes, Scytharū rex, obscuro loco ortus, imperium adeò labefactauerat, ut eodē capto, caueaq; incluso, eum in ludibrium per totam Asiam secum duceret: cui si quando equus conscendendus erat, tergo ipsius pro scabello vsus fuit. Pòst Amurathes exercitū in Europam deportauit. Mahometes verò secundus, Cōstantinopolim, toties armis Saracenorum oppugnata, (quæ olim Byzantium dicta fuit) occupato regno Trapezuntis, nomineq; Cæsaris occidentalis assumpto, Græciam omnem, Thraciam & Mysiā, seu Valachiam, cū Illyrici parte, & ad Istrum latè omnia per Pontum occupauit. Tam insolenter

Maho-

*Amura-  
thes.  
Mahome-  
tes 2.*

Mahometes ac crudeliter, capta Constantinopoli, *Constantinopolim cepit, anno Christi 1453.*  
victoriam exercuit, vt omnibus Christianis gladio  
dissectis, Constantinum eius vrbis Cæsarem inter-  
fecerit, eiusque caput ludibrij causa pilo affixum in  
castris circumferri iusserit. Post sauitia sua in nobili-  
tatem conuersa, omnes inter cõuiuia per ludibrium  
contrucidauit. Magna iam tum potentia, post impe-  
rium occidentis à Turcis occupatum, Cæsarum Tur-  
carum fuit: quam duo potentissimi reges non me-  
diocriter infringebant: quorum alter Asimbæus, *Duo reges  
potentiam  
Turcarum  
infringunt.  
Asimbæus  
Turcarum  
hostis.*  
quem Vscanassanum, quasi heroe magnum, Persæ *initium re-  
gni Asimbæi.*  
appellabant, fuit: qui in Parthia & Perside regna-  
bat: cuius regnum ibidem initium à Mutare sum-  
sit: quem Iozedus, filius Muabiæ, qui post Mahome-  
tem Saracenis præfuit, præfecit. Sed Mutaris regnū  
in Perside apud Saracenos propemodū extinctum  
fuit: quod post longam seriem annorum à quodam *Sophi origo.*  
Sopho, qui in Perside Ardenolim oppidum tenuit,  
ab anno Christi 1480. qui Mahometanæ religionis *sophianorū  
regnum in  
Perside, an-  
no Christi  
1480.*  
erat, renouatum fuit. De Sophi pietate ac sanctitate,  
tanta opinio apud vulgum fuit, vt magno numero  
mortalium ad se pertracto, ab eo tēpore in Perside  
reges qui Sophini appellantur, regnent. Ibiq; stirps  
Saracenica, quæ à Turcis extincta erat, renouata fuit:  
acerrimaq; bella vsq; hætenus cū Turcicis impera-  
toribus gerunt: quorum vires non mediocriter, si  
quando bella eis hīc in Europa cum Christianis ge-  
renda sint, distinentur. Alter, Sultanus in Ægypto:  
quorum Sultanorum nomen ab illis Turcarū regi-  
bus, qui idē nomē à primo rege Trangoliplice sum-  
pserunt, desumptum est. Obtinebant nōnulo tem-  
pore Ægyptum Hierosolymitani reges: quæ eis

*Secūdus rex  
Sultanus  
Turcarum  
hostis.*



*Saladinus  
regnum Æ-  
gypti occu-  
pauit, anno  
Christi  
1105.*

*Stirps Sala-  
dini in Æ-  
gypto extin-  
cta, anno  
Christi  
1400.*

*Regnum So-  
phianorum.  
Sultanorū.  
Turcarum  
Cesarum.*

à Saladino hinc ab anno Christi 1105. qui stirpis Turcicę fuit, erepta erat. Qui, incolarum mollitiem pertæsus, Calyfaq; (fuit id nomen pontificis summi apud Saracenos) vnà cū vniuersa stirpe deletō, siue à nepote ipsius, nouum genus militiæ ibidem instituit. Nam cū populos, qui magis ad septentrionē vergunt, australibus ad belli vsum aptiores esse videret, subitō cum populis quibusdam circa Meorim & Pontum sedes habentibus, qui à veteribus Zigi, à nostris Circassi appellātur, fœdus inicit: à quibus emptis pueris, adolescentulis, eos in Ægyptum perducit: quos ab ineunte ætate in militari disciplina erudit: armorumque vsum edocti, adeò hic in Ægypto ordo creuit, vt penes eos solos armorū vsus, ac belli potestas, omniumq; dignitatum, fuerit: qui Mamaluchi, id est, serui, sunt appellati. Pōst, Saladini stirpe in Ægypto, anno à nato Iesu Christo 1400. extincta, ad eos Mamaluchos regnum Ægypti trāslatum est: qui è numero suo rege creato, terribiles ac formidolosi Turcicis imperatoribus fuēre. Atque eo tempore in oriente tria regna solū potentissima, certis limitibus terminata fuēre: Sophianorum, qui in Perside, Media, Mesopotamia atq; Assyria regnabant: Sultanorum Ægypti, qui à Cyrenæis Africa, per oram maritimam Iſlicum sinum, qui Ciliciam à Syria disiungit, & introrsus hinc ad Euphratem & desertæ Arabia terminos, illinc aduerso vsq; ad arenarum solitudines, læua, dextraque per Arabicum sinum ad Erythræas angustias extendebatur. Turcarum Cesarum, quicquid Euphrate, & Amanomonte, Cilicioq; mari ac Euxino continetur, erat: hisce adde Græciam omnem, Thraciam & Mysiam, quæ

que Valachia vocatur, cum Illyrici parte, & ad Istrum  
latè omnia per Pontum, vsq; ad Theodosiam, Thra-  
cie Chersonnesi emporium. Siq; ea concordia Chri-  
stianorū regum fuisset, vt omnibus ex partibus Tur-  
cas aggressi essent, facile eos non solū è Græcia, sed  
& ex Asia vltra Caucasum montem, vnde primò e-  
gressi fuerant, pellere potuissent: cū & Scander-  
bechus, Epirotarum regulus, cōtra eos feliciter bel-  
ligerabat: quorum tum suprà trecenta millia ad in-  
ternecionem dedit, ipseq; Amurathes sub mœnibus  
Croia Turcarum imperator expirare coactus fuit.  
Sed illi successus Scanderbechi contra Mahometem  
non profuerunt. Post cuius mortem, ab eo capta  
Epiro, exercituq; Persarum regum deleto, Tūrcia  
vires à Sultanis Ægyptiacis haud sustineri poterant.  
Nam Selymus, Baiazethis filius, gloriæ & imperij a-  
uidus, bello Campsoni Sultano Ægypti illato, eum  
interemit. Post cuius interitum Tomumbeium à  
Mamaluchis constitutum, non solū regno, sed &  
vita, omnibus Mamaluchis deletis, spoliavit. Hinc  
ferro in promiscuam multitudinem conuerso, vni-  
uersum nomen Sultanorum funditus sustulit, vni-  
uersa Ægypto potitus, illaque parte Mesopotamiæ  
in qua Hierosolyma fuit, quæ tum deserta, incultaq;  
erat, nec à Iudeis, veteribus incolis, qui tum toto or-  
be extorres, in admissi sceleris poenā, nec sedem, nec  
patriā habebant, habitabatur. Huius filius Solyman-  
nus, memor virtutis paternæ, Rhodum imperio suo  
memoria patrum adiunxit: Vngariæque bello illa-  
to, cū antè Vladislaus, patruus Sigismundi, qui  
tum & rex Vngariæ & Poloniæ fuit, ab Amura-  
the, omni exercitu ipsius profligato, interemptus

*Selymi bel-  
lum contra  
Campsonem.*

*Successus So-  
lymanni.*



*Selymi imperium.*

fuerit, cum Ludouico, nepote Sigismundi primi, regis Poloniae, collatis signis, fortiter dimicauit: in qua pugna tristi, Ludouicus, omnium cum acerbo desiderio, interiit, sui que; in animis omnium triste desiderium reliquit. Hinc per speciem ferendi opem Isabellae, ac Ioanni filiolo, in cunis vagienti, contra Ferdinandum tum regem Vngariae, Budam cum adiacentibus locis occupauit, Selymque; filio amplum ac florens imperium, Caroli Caesaris in Africa saepius classe in alto, Venetorumque depressa, reliquit. Qui Venetis erepta Cypro, supremam cladem Luoniae, perfidia Czarnieuiacij adiutus, attulit. Vnde quiuis facile iudicare potest, impiam Turcicam gentem, a tenui principio ortam, ad tantam amplitudinem imperij nulla alia re, solum per scelus ac per fraudem, Christianorum discordia subnixam, occupato regno Aegypti, omnibusque; prouincijs quae Sultanorum erant, peruenisse: quod Alexandri Magni, Romanorumque; potentiae comparari potest, ne dicam anteferri. Quod non tam facile vnus gentis viribus infringi potest, solum consensu omnium Christianorum: qui in tanta eorum discordia nunquam opinor, futurus est: imo inter eos magis discordiam gliscere videmus, quae eos ad ciuile ferrum, domesticumque; sanguinem effundendum adducit. Sed nos coeptam historiam continuemus, ad Luoniamque; unde digressi sumus, reuertamur.

*Redit ad historiam.*

*Oratio Iuoniae ad Czarnieuicium.*

Luonia post tot ex Turcis partas victorias, ad se Ieremiam Czarnieuicium Barcabalum, praefectum arcis Chocimensis (eo enim nomine praefecti arcium lingua Valachica appellantur) accersit, sicque; verba fecisse in conspectu omnium dicitur: Cum optatis nostris fortuna, Czarnieuieci, successibusque; quibus contra

Turcas

Turcas, crudelissimos hostes, hactenus vñ sumus, respondeat: est quòd gratis animis id prosequamur, ipsiq; Deo Opt. Max. perpetuas ac sempiternas gratias & agamus, & habeamus, quòd res nostras contra hosce terribissimos hostes secundat, nobisq; ex eis tot, tantarumq; victoriarum author est. Nunc quid aliud restat, nisi vt exercitum tot laboribus fatigatū domum remittam, proficisci que patiar, vt, cū ad nostras aures de aduentu Turcarum peruenerit, illico ad primum signum, quod classico dabitur, recreati adsint. Tu verò, cuius fides erga me constans fuit, hunc exercitum à me (erant autem Valachorū tredecim millia, armis, virisq; instructa, qui cuiq; validissimo hosti opponi poterant) cape: quocum ad Danubij ripam proficiscere, transituque, si eum Turca tentare velint, arce. Est ibi in proximo ex altera parte super Danubium, oppidum Oblaciense, Turcarum ditionis: in quod tu intentus eris, (ne alibi vado Turcæ reperto, Danubium traiciant) meq; de eorum aduentu quamprimum certiore facies. Postquam hæc Iuonia dixit, multistum hæc verba lacrymas excusserunt. Demum osculo Czarnieui-  
cium excipit, vt eum maiore obsequio sibi deuinciret, obsequētiorēq; redderet. Ille poplite flexo, fidem, operamq; ei suam pollicetur. Iuonia cōmissō exercitu Czarnieuiocio, alijs nonnullo temporis spatio vacationem militiæ concedit, eosque domos reuifere iubet, vt reffectis corporibus labore fatigatis, & obsonijs acceptis, quamprimum signum daretur, omnes equis, armisq; instructi, ad persequēdum hostem conuenirent. Czarnieuiecius, accepto exercitu, ita vt iussus erat, Danubium versus profi-

*Omnium  
lacryma  
præsentia  
frandis  
Czarnie-  
uicij.*



*Bassa Czarnie-  
wiecicum  
ad defectio-  
nem sollici-  
tant.*

*Colloquiū  
Petri cum  
Czarnie-  
wiecio.*

ciscitur, stationes intentissimè agit, ne quis Turcarum Danubiū traiciat. Adfuit eorum infinitus numerus, qui non ausi Danubium tranare erant. Quo viso, Bassa certos internuntios ad Czarnieuecium mittunt: eisque triginta millia nummūm aureūm Vngaricorum dant, ut quoquo modo animo Czarnieuecij tentato, ad ipsos colloquendi gratia occultus veniat. Ille, magnitudine pecuniæ illectus, fidem dat se venturum, pecuniamq; missam accipit. Hinc occultè, suis inscijs, in colloquium cum Petro Palatiniade Valachiæ Transalpinæ, qui trans Danubium cum magnis Turcarum copijs erat, venit. Coram quo Petrus, in quo & quanto periculo Iuoniæ res constitutæ sint, commemorat. Ostendit quàm in eum Selymus animo offenso, exacerbatoque sit, quòd ipsius tributarius tantos exercitus deleuerit: eum Selymo aliter nō posse satisfacere, solūm pœna capitis: nec ampliùs dominatum Valachiæ obtinere posse: se certo certius genti illi imperaturum. Proinde (inquit) si sapias, cū adhuc integrę res sunt, animum Selymi nouo ac recenti aliquo beneficio tibi cōcilia. Omne bellū sumi facilè, ceterum agerrimè desinere: non in eiusdem potestate initium eius ac finem esse: incipere cuius, etiam ignauo, licere: non deponi nisi cū victores velint. Habere illum magnam opportunitatem & copiam societatis, atq; amicitiae secum coniungendæ, quæ bello potior sit. Et quamuis Iuoniæ opibus confideret, tamen nō debere incerta pro certis ponere. Nunc accepisti triginta millia nummūm aureūm: post plura accipies. Proinde si tibi consulere vis, ne florentes res tuas cum Iuoniæ perditis misceas: verū liberè

Turcas

Turcas omnes per Danubium transire permittas. Se enim cum ingenti exercitu ad occupandam Valachiam à Selymo, capiendumq; luoniam mitti. Vbi, cōsecuto Palatinatu Valachia, tu quæq; summa adepturus vnà cum tuis es. Opus igitur esse vt aduētum Turcarum coram luonia tantisper occultet, & à Danubio abscedat, dum per ipsum vnuerſo exercitu traiecto pōst luoniam facile capere, ipsiusq; vnuerſum exercitū opprimere, cladesq; acceptas superiores vna hora vlcisci possint. Histot, talibusq; precibus & blanditijs, lacrymas addit, oratq; Czarnieui-cium, vt quamprimū agmine suorum à Danubio remoto, tutò cum Turcis flumen vorticosum transire possit. Czarnieui-cius, Petri promissis inescatus ac infatuatus, accipit conditionem, quamq; iureiurando fidem confirmatā luoniæ dederat, eam frangit. Hinc ab ea parte Danubij vbi stationes diligenter suorum agebat, agmine seducto, liberum per flumen transitum Turcis permittit. Erant Turcarum tum ducenta millia, qui cum tormentis muralibus, omniq; apparatu oppugnandarum arcium, Danubium tranauēre. Transmisso Danubio, iubent vt Czarnieui-cius luoniam ea de re certiorē faciat. Hic celeriter ad luoniā veniens, narrat qua ratione Turcē multitudine suorū subnixi, Danubium trāsierint, quib, ille nulla ratione obſistere potuerit: quare luoniā bene rebus suis cōsuleret, si quāprimū cum exercitu adesset, eorūq; conatibus primis obuiam iret, suasq; infirmas copias iuuaret. Non sine latitia hæc luonia audiuit. Quare plenus bonæ spei, Czarnieui-cium quis & quantus hostium numerus sit, percūctatur. Sunt (inquit) decē: nec amplius duo-

*Lacryma  
Petri.*

*Dolus Czarnieui-cij.*



decim millia. Sed antequam tu cum copijs aderis, in horas numerus eorum augebitur, & ad quindecim millia excrefcet, Erat Iuonia vnà cum fuis Kofacis ad arcem Teinicenſem, quam expugnare voluit. Demum conuocato ſenatu, qui tũ cogi potuit, omnes, quid ſibi faciendum eſſet, conſulit, an arcem priùs expugnare deberet, vel hoſti tot cruentis prælijs irritato occurrere, eiusq; copias in fugam conuertere. Ibi omnium vna ac eadem ſententia erat, vt priùs hoſtilem exercitum diſpaleret, deleretq;: quo deletro, poſt arces expugnaret. Quorum conſilium ille ſecutus, habita peditum ratione, quarta demum die, ad caſtra hoſtium, quæ à ſuis duodecim milliaribus aberant, cum cantu cornicinum, tubicinumq; peruenit. Nona die Iunij, eiufdem anni, caſtra ab hoſte ad tertium lapidem Iuonia ponit: ibi velites ſimul conueniunt, de ſumma rei conſultaturi. Se quidem paratis animis contra acerrimum hoſtem, tot prælijs irritatum, proficiſci: verùm ſe neminem habere qui linguæ hoſtium gnarus eſſet, Iuoniam neſcio quo cõſilio fretum, totam rationem belli certis hominibus credidiſſe, in primis verò Czarnieuiocio, cui nos omnino fidere nolimus. Quare in tã rebus noſtris dubijs ac plenis periculi, vt ipſi met cum Iuonia colloquamur, neceſſe eſt. Igitur ad eum citato grefſu veniunt, factaq; poteſtate dicēdi, ſic Suierceuius pro omnib. verba feciſſe dicitur: Illuſtris Palatine, nos haſtenus fidem tuam ſecuti, tecum contra hunc crudeliſſimum hoſtem, ſocia arma iunximus: in quibus ferendis quæ & quãta opera noſtra extitit, optimè noſti. Huc iterũ à te contra eũ educ̃ti, ad internectionē cũ eo dimicare parati ſumus: nec illi iter

in

in Valachiam patet, solùm per stragem cadauerum nostrum: solùm nobis necessariò providendum ac cogitandum est, ne temere in prælum ruètes, nullo consilio hostium cognito, quantus eorum numerus sit, quis castrorum tractus, in insidias præcipitati, ab eis instar belluarum mactemur. Quare quod tibi consilium belligerandi cum eis sit, effare, proloquereq; Iuonia oratione Suierceuij commotus, alta suspiria ex intimis præcordijs ducens, paucis ac breuibus respondet. Et virtus mihi vestra, equites fortissimi, vita mea mihi cariores, nota, perspectaque est, (cuius spectator fui) & totius belli omnia consilia nota. Non igitur obiectos vos temere cædi hostium velim, sed consilij eorum prius exploratis, nos cum eis dimicare velim. In proximo Czarnieuičius cum exercitu meo est: qui in hostem intentus, omnia consilia eorum cognita habet. Nec ego tantam rem cuius commisi, sed huic, cuius mihi fides semper in dubijs ac difficillimis rebus perspecta est: quem comitem tot peregrinationum mearum, propemodumque exilij habui. Ipsemet modò ad me retulit, Turcarum non esse ampliùs quàm quindecim millia. Qui etiàs triginta essent, eos nos diuino auxilio freti ad satietatem cædemus. Hac vbi respondit, vt in eo loco sese cum vniuerso exercitu contineret, Iuoniam Suierceuius orat: se cum suis aduersum hostem profecturum, vt aliquè ex castris ipsorum capere possit, certioraq; de consilio hostiũ explorare, cognoscereq; Iuonia prompto, alacriq; animo concedit: cui Veremiam cum sex millibus Valachorum, magistrum equitum adiungit. Qui simul profecti, in speculatores Turci-

*Responsum  
Iuonia.*

*Iuonia  
Suierceuiũ  
contra ho-  
stes mittit.*



cos, quorum agmen sex milliū fortissimorum equitum erat, incidunt. Subito cum eis praelio inito, eos pallant, in fugamque conuertunt: è quorum numero vnum capiunt: qui tot, tantisque vulneribus affectus, cum sese subito moriturum præsensit, simulâter narrat paucos Turcas esse in armis. Sed velites, ficta eum narrare animaduertentes, nec contemnendum numerum esse hostium coniicientes, qui in tantam multitudinem speculatorum inciderrint: subitò de hisce Iuoniam certiore faciant, vt rebus suis consulat, quidque fidendum Czarnieui- cio sit, etiam atque etiam cogitet, videatque. Qui nil aliud respondisse dicitur, solum illud: iam non est vt perturbemur, aut horrescamus. Ego scio cui fidam: breui numerum hostium ipsi cognoscemus. Ego enim eo animo huc processi, vt patriam meam contra hanc crudelitatem hostium, ad vltimum exitum vitæ tuear, defendamque. Atque ita communis castri suorū ad lacum qui ex Danubio profluit, vt opportunam aquationē haberet, iubet equos trecen- tos adducere, vt velites eis cum Valachis conscensis, qui superiore nocte Turcas pallauerant, omnes simul contra hostem proficiscantur. Erat prope hostium castra collis arduus ac sublimis: quo conscenso cum socijs, Iuonia hostiū castra contemplari voluit. Sed ea nulla ratione conspici potuit, eò quòd in decliui loco posita erant, nec à quoquam è longinquo loco conspici, nisi quis ad ea propè accederet, poterant: solum in diuersis locis quatuor inter se disiunctis, speculatores hostium animaduertit: qui, conspectum Valachorum declinantes, sese in quen- dam tumulum per diuersos tramites, qui non pro- cul

*Iuonia re-  
sponsum.*

*Profectio  
Iuonia con-  
tra hostem.*

*Iuonia ho-  
stium castra  
contempla-  
tur.*

cul à suorum castris erant, abdunt. Iuonia, propè hostem adesse suspicatus, totum exercitum suum, (erat autem triginta millium) quoniā multitudine abundabat, in triginta turmas, per interualla disponit. Ante singulas turmas tormenta muralia miræ magnitudinis collocat. Erant autem octoginta, quæ ex sese globos igniferos euomebant. Pedites similiratione ab equitibus semotos, quorum magnus numerus erat, disponit: qui Iuoniam apud se retentum, ad equites haud patiuntur progredi, non mediocriter de vita ipsius, ne à primoribus deceptus, viuus in potestatem Turcarum veniret, pertimescentes: solū ad Kosacos Polonos cum interdum eum commeari patiuntur. Nam pedites, gens rustica, singulari fide ac animo in Iuoniam fuere: quorum arma, falces, arcus, gladij reflexi, Turcicorum similes, ac fustes erant. Instructa acie, firmissimisq; subsidij firmata, Iuonia, antequam signa canerentur, iterum collem arduum, vt ex proximo loco castra hostium contemplaretur, conscendit: quorum multitudine præter spem ac opinionē visa, cognoscit, se esse à Czarnieuiocio in fraudem inductum: quare eum ad se accire iubet, qui respondet: sibi iam facultatem ad ipsum veniendi non dari, se statim cum Turcis certamen pro incolumitate ipsius initurum. Habuit autem Czarnieuiocius fortissimorum equitum, quibus præfuit, tredecim millia, optimè armis instructa. Cum igitur signa canerentur, Turcæque acie suorum optimè disposita, prælio sese expedirēt, ibi proditor Czarnieuiocius, primus prælium init. Cumque illi dimicandum, congregiendumque cum hoste esset, vti cum Turcis constitue-

*Stratagemæ  
Iuonia.*

*Peditum singularis in  
Iuoniam fides.*

*Iuonia fraudem Czarnieuiocij cognoscit.*



*Iuonia pugna cum Turcis.*

*Magnitudo animi Iuonia.*

*Exitus proditorum.*

rat, iubet suos vexillum demittere, & pileos hastis ensibusque impositos, eleuare, ac capita flectere. Ibi Turcæ, animaduersa voluntaria deditioe, in sublimē hastis suis erectis, eos ad se trāsire iubēt. Hac tali defectione Czarnieuiacij, exercitus Iuoniæ cōsternatus, omnes retrocedentes, properē ad Iuoniam accurrunt: rem esse perditam narrant. Quorum ille vocibus minimē consternatus, (vt erat in rebus dubijs, subitisque intrepido animo) eos id pro nihilo ducere, ac contra Turcas sese expedire iubet. Sed Turcæ, postquam turmas Valachicas trepidare vident, agema suorum contra eos mouent: ante se illos ipsos Valachos propellunt, ac tergiuersantes cādunt. Quibus Iuonia visis, ira percitus, in eos vim tormentorum exonerare iubet. Sic illi partim à suis, partim à Turcis in medio cāsi fuēre. Turcæ verò proditorum terga secuti, eisque recti, per stragem cadauerum ad exercitum Iuoniæ, sanguine eis iter, qui instar riui ex cēsis Valachis fluebat, intercludente, peruenēre. Quos Kosaci, more solito, à lateribus aggressi dissipant, non mediocriterque turbant. Ad sunt alij Valachi, animo, armis, vigore, ac viribus corporis, Turcis longē superiores: qui sibi aditu patefacto, Turcas egregiē cēdunt. Hinc clamor permixtus hortatione, læticia, gemitu oritur: item strepitus armorum ad cælum ferri, sagittæ vtrunque volare cœperunt. Non sustinuēre vim Valachicam Turcæ: subitò terga, seu timore perculsi, seu data opera, dant: ac quingentos passus, vt Valachos ad locum insidiarum pertraherent, vbi vim tormentorū in abditiis locis condiderant, retrocedunt. Sensit eum dolum Suierceuius hostium. Quare sublato clamore,

monet

monet turmas tam Polonicas quàm Valachicas, vt pedem referant. His illi adhortationibus concitati, imminente se periculo manu armata subtrahunt. In hos Turcæ recentes impetum faciunt: sed Valachi eos egregiè sustinent, nullaque memorabili clade accepta, ad castra suorum incolumes reuertuntur. Iuonia ex suorum successu lætus, tam Valachorum quàm Polonorum, iuxta tormēta aciem disponit: vbi singuli impletis pharetris pluribus sagittis, lanceis alijs acceptis, intenti in hostem erant. Turcæ recentibus viribus feroces facti, subitò in Valachos irruunt. Quibus cum fortiter congressi, nullius imminētis periculi ratione habita, displosis tormentis in Valachos, eorum aciem non mediocriter turbant. Quorum conatibus Valachi obuīam euntes, fit atrox pugna, eademque propemodum par. Cadebant præcipientes tam Turcæ quàm Valachi ex equis: iam vires viris, iam ferro sua vis deerat. Tantus puluis è tormentis, è quibus crebri, violentiq; globi emittebantur, excitatus fuit, vt ipsius densitas solem obscurauerit: nec vlla vox hominum in tanta multitudine exaudiri potuit, nec quisquam à quoquam videri: nec magistri tormentorum, in quam partem eis globi mittendi essent, scire. Nec in tam aspero negotio Iuonia territus, suisque succurrendum ratus, sublata voce proclamat, vt retro post tormenta cedant, vexillaque sequantur. Turcæ quoque retro cessere. Oppidani Oblacienses, tantam atrocitatem pugnae ex oppido spectantes, cernentesque copias Turcarum à Valachis prægrauari, fugam parant. Est id oppidum trans Danubium, ditionis Turcarum: ex quo effusa multitudo, in remotiora Turcię fugit.

*Pugna Valachorum cum Turcis.*

*Stratagemata Iuonia.*

*Iuonia suas renocat.*



*Vis imbris.*

*Tormento-  
rū & usus cœ-  
pit an. Chri-  
sti 1378.  
Germanus  
inuentor pri-  
mi tormen-  
ti.*

*Bombarda-  
rū & stilitas.*

Postquam quasi ex composito, ab vtraque parte ab armis discessum fuit, repente ingentibus procellis fusus imber: quo vniuersa agmina tam Valachorum quàm Turcarum perfusa fuere: illeque totus pulvis, ingenti boatu tormentorum, & pedibus dimicantium excitatus, in terram delapsus, discussus fuit: sed maximo detrimento Valachica tormenta affecit, quæ eis magno adiumento contra omnem vim Turcicam fuere. Nam ea cælesti aqua perfusa, globos emittere nequibant. Hodiernorum tam muralium, tam eorum quibus, tam equites quàm pedites vtuntur, apud veteres nullus usus fuit. Non ita pridem hæc sunt, circiter annum millesimum, trecentesimum, supra septuagesimum sextum, inuenta. Quæ accepta primò Veneti à Germanis, hisce in eo bello vsi sunt, quod contra Genuenses ad Clodiam fossam gessere. Primi tormenti inuentor fuit quidam Germanus, cuius nomen à scriptoribus non proditur: cui casu in mentem venit tale quid in perniciem hominum inuenire. Fertur enim seruasse domi in mortario puluerem sulphureum, cuiusdam medicinæ causâ faciendæ, illumque texisse lapide: ac inde contigisse, vt cum ignem propè ex silice excuteret, scintilla nitro inciderit, subitoque flamma concepta, eadem eruperit, atque lapidem in altum tulerit. Quam ille rem penitus considerans, postea ferrea facta fistula, & puluere confecto, machinam reperit: in quam immisso prius puluere, demum globo igne admoto, ex eo sonitum terribilem, eundemque violentum edidit. Huius usus est apud omnes gentes: formæ sunt variæ, ad expugnandasque vrbes aptissimæ, vt in eis

omnis

omnis vis peditum, omnis equestris splendor, omnis deniq; bellica virtus constet. Cùm violentia pulueris globus excutitur, quicquid obuiū offendit, quassat, dissipat, frangit, contundit : adeò vt nullus locus sit, quamuis natura munitus, qui nō facilè expugnetur. Is igitur machine huiusmodi repertor, pro mercede (vt opinor) accepit vt nomen eius silentio perpetuò premeretur, ne omni tēpore à cunctis mortalibus diris deuoueretur : dignus scilicet qui prior ipse vice Salmonei, fulmine flagrasset : (Salmoneus enim, Æoli filius, cùm Iouem vellent in fulminibus iaciendis æmulari, ab eo de cælo tactus, detruditur) quando hæc fulmini, odore, luce, sonitu, impetu simillima est. Sed nos ad institutam historiam reuertamur. Irritatis tam Valachicis quàm Turcicis animis certamine, etiā acrius concursum est. Nam Turcæ, eductis suorum viginti millibus in aciem, in la-  
*Nota de Salmoneo.*  
 uam partē, vbi tormenta Valachica disposita erant, profiliunt. Ibi Valachi in eos tormēta displodere nequeunt. Nam iam à cælesti aqua corrupta fuerant. Nihilominus mutuò sese cohortātes, in Turcas magnū impetum faciunt, cum eisq; ad vltimam defatigationē dimicant. Subitò ad sunt Scythæ, cū recentibus copijs Turcarū : qui, cùm sese nullo à tormentis detrimēto affici vident, ex inferiore loco per diuersos tramites in quibus latitabant, egrediūtur. Ibi dissono clamore perterrefaciunt Valachos, & à tormētis remouent, in fugamq; cōuertunt : qui per Valachicos patentes cāpos dispalati, instar pecudum à Turcis cæduntur. Nec iam plures ad hoc vsq; tem-  
*Pugna Valachorum cum Turcis.*  
*Victoria Turcarum.*  
 pus, quàm ducenti quinquaginta velites, seu Kosaci, supererant. Sic mutata fortuna belli, vnus perfi-



*Verba Iuonia ad Polonos.*

*Rosaci sese cum peditibus coniungunt.*

*Iuonia retrocedit.*

dia Czarnieuiacij: quæ non multo pòst supremam cladem Iuoniæ attulit. Nam Iuonia accurrens, ad reliquum peditatum, & illos ducentos quinquaginta velites (quos Turcæ fatigati cæde Valachorum, aggredi non ausi erant) conuersa oratione sic dixisse fertur: Video, fortissimi viri, nos vnus Czarnieuiacij perfidia in extremum periculum adductos esse: sed vbicumque corpora vestra ferro hostili interfecta iacuerint, ibi & meum inter vestra erit: anima cælum petat. Ad quem ita Suierceuius: Hæc præsens mors, Iuonia, vti fortes viros decet, nos minimè mouet, inodò summa vi innixi, hosce canes, hostes nomini Christiano insensissimos, ad satietatem, antequam nobis intereundum erit, cædamus. Hæc effectus, subito velites ex equis descendunt, seseque cum peditibus coniungunt: quibuscum simul conglobati, sexaginta tormenta muralia Turcis subtraxere: solus Iuonia vno arrepto, quod vix duodecim equi trahere poterant (tantæ vires illi fuere) illud trahit. Quo Poloni viso, illud ipsi adinere, leuiori dato. Hinc compositis pedestribus copijs, quorum adhuc erant viginti millia, Iuonia retrocedit. Quoniam verò tormenta eis maximo impedimento erant, ea abijciunt: sed ita vt Turcis pòst nulli vsui fuerint. Nā maxima vi pulueris in ea imposita, cum ea Turcæ disploderent, omnia disrupta fuere. Interea Iuonia, qui iam & animo & corpore deficiebat, cum omnibus pedestribus copijs, & nonnullis tormentis, vestigia cæsi exercitus sequitur: nec plus vna die, obingentem stragem cumulumq; cadauerum, quæ passim cæsa in vijs insepulta iacebant, mille passus progredi poterant. Qui cum vniuerso peditatu in locum

cum ubi antè villa incensa fuerat, quædamq; recentia rudera extabant, cùm venisset, castra sua ibi communit, eaque fossa, ne subito à Turcis occupati possint, cingit. Ea in parte (sed fatis obistere difficile erat) consilium Iuoniæ dignum reprehensione fuit, quòd ibi suos vallo cinxisset, ubi nulla commoda aquatio fuit. Nam siti homines enecti moriebantur, seseque Turcis non multo post dedidere. Sole iam occidente, eadem die decima mensis Iunii, Turcæ à fuga Valachorum, quos persequiebantur, reuersi, subito castra Iuoniæ circumdant, atque coarctant: quorum tanta multitudo fuisse dicitur, ut oculis terminari nequirit. Quibus circumdatis, neminem ex exercitu Iuoniæ egredi patiuntur: utque spem omnem ei commeatus præciderent, villas castris Iuoniæ proximis, in quibus ampla prædia erant, tota nocte incendio graui consumunt: idque ideo, ne quis obsessorum effugeret: neve extra vallum obscura nocte egressi, ipsos inuaderent. Appropinquante luce, (quæ fuit vndecima Iunii) Turcæ in castra Iuoniæ multitudinem globorum è machinis muralibus emittunt: sed illa nullo detrimento affecta fuere, eò quòd alto aggere obuallata erant, vnde sese Valachi, pariter cum Polonis, contra Turcas egregiè defendebant, in eisque ingentem stragem toto triduo faciebant. Turcæ, difficilem expugnationem castrorum Iuoniæ animo cernentes, per internuntios cum eo colloquia serunt, ut ille omni cunctatione omissa sese dedat: spem ei maiorem debere esse in misericordia Turcarum, quàm in suis ullis viribus: præsertim cùm omni ope, auxilioque destitutus, post se dedere cogatur. Quare spontanea hac deditioe præoccu-

*Iuonia castra munse.*

*11. Iunii dies extrema Iuonia fuit.*

*Turca castra Iuonia infestant.*

*Colloquium Turcarum cum Iuonia.*



*Iuonia re-  
sponsum.*

paret animos ipsorum, nec in tam anceps periculū  
& suas copias, & Turcicas iniiceret. Ad ea sic respon-  
det Iuonia: Video ac animo cerno, in quam aduer-  
sam necessitatem adductus sim: sed, cum penes me  
firmissimas copias pedestres habeam, possim certè  
non sine vestra clade cadere. Quare, cum fortunæ  
hoc tempore cedendum, ac necessitati arbitrer, nō  
renno deditioem: solū ductores vestri me à vo-  
bis conseruatū iri, ac quascunq; vobis cōditiones  
proposuero, vos eas integras conseruatuos iurent:  
nec id semel, sed quiuis septies. Hisce dictis, inter-  
nuntios extra munimenta castrorum excedere iu-  
bet: quibus se quamprimū responsum daturū pol-  
licetur. Hisce ita compositis, omnes ad se Polonos,  
pariterq; Valachos conuocat, ad quos sic verba fe-  
cisse memoratur: Hodierna dies hæc tristis ac misera  
à nobis, fortissimi viri, aut deditioem extorquet,  
aut hīc inter hæc septa enectos mori iubet. Quare  
vtrum consultius rebus nostris sit, an sese huic truci  
hosti dedere, vel portis castrorū patefactis in indu-  
bitatam mortem ruere, ac non sine cede hostiū glo-  
riose cadere, in medium consulite. Mors certè sola  
finem omnium malorum afferet, quæ corpus à cru-  
ciatu, oculos ab indignis rebus auertet, nosq; diuino  
conspectu frui efficiet. Plura loqui volentem accu-  
pientem vis lacrymarū orta præpediuit. Ad quæ sic  
Poloni: Mors nobis, Iuonia, nunquā acerba ac atrox,  
& est, & erit. Quare, si ita animo destinasti, hunc  
crudelem hostem inuadamus, potiusq; gloriose ca-  
damus, quàm ab ea capti, per ludibrium, per dede-  
cus, per varios cruciatus, non sine cōtumelia vitam  
finiamus, præsertim cum nulli Christianorum fi-  
dem

*Oratio Iuo-  
nia ad suos.*

*Polonorum  
responsum.*

dem datam conferuet. At contrà Valachi, quorum tantus animus in mortem non fuit. Deditionem quidem nō ab se abnuere, si pro certo Iuonia sciret, Turcisq; fidere, quòd ipsum incolumem conseruaturi essent, posset. Si de fide eorum dubitaret, se cum Polonis ad vltimam internationem, fidei semel ipsi datæ memores, cōtra Turcas malle dimicare, quàm per fraudem illorum omnibus esset pereundum. Iuonia huc illuc animo fluctuans, quid sibi faciendum esset, animi dubius, in diuersum curis trahebatur. Mouebatur indigna calamitate suorū, eò quòd multi siti enecti, in dies magis atque magis moriebantur, ac breui pòst omnibus pereundum erat: serò culpans consilium suum, quòd in tam iniquo loco castra posuisset. Quare summo cum gemitu, & lacrymis sanguinolentis ita exclamat: Malo me hosti dedere, quodque aduersa fors attulerit, pati, quàm vt mea cāssa tot millia hominum siti pereant. Percunctabor nihilominus legatos ad me missos, an in hasce conditiones quas eis proposuero, iurare velint: Si iurauerint, tum me eis dedam. Quare legatos Turcarum, qui extra munimenta castrorum responsum expectabant, acciri iubet, eosq; ita affatur: Ite, vestrisque imperatoribus hæc nunciate. Quamuis firmissimas copias, quas ipsi cernitis, habeam: quorum fideli subsidio subnixus, hasce vestras vires sustinere possim: tamen necessitati hoc tempore cedendum arbitror: Quare si omnes imperatores & præfecti vestri, singuli septies, in has conditiones mihi iurabūt, tum primum me dedam. Primò, vt vniuersum equitatum Polonicum, singulari fide ac virtute præditū, vnà cum suis equis ac impe-

*Valachorū  
responsum.*

*Iuonia Vera  
ba luctuosa.*

*Iuonia lega-  
tis respōdet.*

*Prima con-  
ditio.*



*Secunda.**Tertia.**Oratio Iuonia ad purpuratos.**Novissima oratio ad Polonos.*

dimentis, à quavis gente magnificiendum, qui ad postulata mea venêre, sine vlllo impedimêto saluum reuerti patiantur, liberumque eis trāsitum per Nestrum flumen dent. Secundò, vt me ad Selymum, Turcarum imperatorem, dominum meum, viuum ac incolumê deducant. De Valachis nihil dico: quos æquum est, cùm Cæsaris dedititij sint, conseruare: quos si vos violaueritis, vel trucidaueritis, ingês detrimentum Cæsari, vel ei quem ille pòst Valachiæ præficiet, estis allaturi. Hæc legati vbi purpuratis, & arcium præfectis exposuissent, omnes pedibus in conditiones eas eunt: septiesq; singuli omnia postulata iuramento militari, etiam suorum militum nomine, confirmant. Tandem ipsemet ad purpuratos Turcarum, omni metu deposito, impendentisque periculi nescius, è castris egreditur, coramq; sic pro equitatu Polonico verba facit: Cùm ita Deo Opt. Max. visum sit, vt potestatis vestræ factus sim: vos ego per fidem vestram, quam mihi sacramento militari sanxistis, oro ac obtestor, vt equitatum Polonicum, liberè in equis ad suos cum omnibus impedimentis reuerti patiamini. Digni etenim sunt ij viri, vt eos omnes mortales colant, suspiciant, magnificent. Si quod vestrum odium est in eos, illud in me conuertite: quod ego pro eis ferre, sustinereq; paratus sum. Demum suis paulisper à castris remotis, ad Polonos, quos educebat, illa verba nouissima dixisse fertur: Nunc grauis ac acerba fortuna, viri fortissimi, me à vobis disiungit: quare hanc dextram vobis singulis porrigo, testorque, quoad vsque spiritus meus hoc in mortali corpore supererit, nomen vestrum grata animi memoria me prosequuturum.

Non

Non sine lacrymis hæc Poloni audiuerunt: cuius dextram cum flebili ululatu amplexi exosculabantur. Qui cum iam ad tertium telictum à castris abfuissent, Valachos quoque pariratione è castris educit: quibus non sine lacrymis valedicit. Recordatus auri ac vnionum, quos penes se habebat, iterum ad Polonos reuersus, gladio accinctus vtrinque acuto, omnia eis largitur, tandemque flens sic inquit: O si mihi iam ad manus vestrae copiae quam priores ille duplo maiores essent, vel saltem eae integræ: efficerem profectò, Deo adiuuante, ne quis istorum canum ad occasum solis in hac regione, quam mihi Deus propter magnitudinem scelerum meorum adimit, superstes foret. Sed frustra vos, viri fortissimi, volubilitate verborum inani detineo: id ferre cogor, quicquid mihi Deus imponet. Vos ita à me discedere velim, & opto, vt vos Deus Opt. Max. incolumes ad patrios lares deducat. Me quoque si Deus è manibus cruentis horum teterrimorum hostium conseruabit, meque Turcici Bassæ, vti polliciti sunt, viuum & incolumem Selymo sistent, iureiurando mihi pro re certa polliceor, me post beneficio Selymi, cuius sensus omnes calleo, Valachiam iterum habiturum. Vos interim oro, vt dulcissima recordatione semper memoriam mei colatis. Quicquid opum & diuitiarum mihi post erit, id in vos conferam, vestraeque stirpis Polonicae homines ad summos gradus honoris, quoniam fides, fortitudo, constantia vestra, in rebus dubijs est mihi perspecta ac cognita, eueham. Hæc effatus, quicquid residui, vnionum aureorum habuit, id Polonis largitur, inquit: Nolo vt id in manus horum immanissimorum hostium per-

*Valachi à  
Iuonia edu-  
cuntur.*

*Iuonia Ser-  
ba ad Polo-  
nos.*



ueniat. Proinde considerans fortitudinem vestram, & fidelem operam, quam mihi adhuc nauastis, & eum affectum sanè mirum, quo me prosequuti estis: omnia vobis dono: animi grati beneuolentiam erga vos, ac omnem gētem vestram, penes me relinquo: quam semper ad extremum spiritum retinebo: cuius rei testem Deum, huius vniuersitatis creatorem, inuoco: cui vos commendo. Huiusmodi precatio ac obtestatio Iuoniæ, omnibus Polonis lacrymas excussit: cui gratias egēre. Qui armis à se abiectis, more supplicum, ad castra Turcarum, sumpto secum Polono Osmolio, peruenit: quibuscum integras quatuor horas colloquium habet. Ibi Bassa Capucius, fortassis oratione eius offensus, immemor fidei sacramento militari confirmatæ, quam Iuoniæ dederat, stricto gladio, ventrem, faciemque eius discidit. Ita vulneratum Ianczari corripunt, & semiuivo caput amputant: deinde truncum, pedibus duorum camelorum alligatum, discerpendum obijciunt: quod belluæ in diuersum concitatæ discerpunt. Caput hastæ infixum: cadauer discerptum, in frustra que minutissima concisum: cuius ossibus inter se partitis, cruore cadaueris recentis gladios perungebant, sanguinemque equis suis bibendum porrigebant, Deo supplicantes quò in ipsis quoque idem virilis animus, & eadem belligerandi ratio esset. Eum exitum Iuonia, vir memorabilis, habuit: qui perfidia Turcarum tam crudeliter ac nefariè, omnium cum tristi desiderio, è medio sublatus fuit. Quod ei, reor, non accidisset, si in religione Christiana constanter fuisset, & imperata fecisset. Dolendus ipsius casus, in exemplum est, documentumque instantiæ

*Miserabilis  
exitum Iuo-  
nia.*

*Exemplum  
Iuonia in-*

stantiæ rerum humanarum. Nam sicut antè secunda fortuna rebus supra vota fluentibus, tot, tamque inclytas victorias ex Turcis attraxerat: ita nunc aduersa, quæ ei indulgebat, velut in ostentationem fragilitatis humanæ, destruens quæ cumulauerat, exitum miserabilem, horrendam ruinam, fœdamque mortem Luonia adiecit. Turcæ miserabiliter Luonia occiso, subito in Valachos, quos Luonia è castris eduxerat, impetum faciunt, eosque instar pecudum crudeliter interficiunt. Poloni velites, visa perfidia Turcarum, nec sibi tutum reditum in Poloniam esse cernentes, in castra iterum, ex quibus excesserant, regredi volebant. Sed ea à Turcis occupata iam erat. Demum, sese mutuò cohortati, in agmina densa Turcarum, pleni animi, speique summa vi incurrunt: quibus disruptis, disiectisq; omnes fortiter occubere: pauci grauitè vulnerati: qui post Turcis admirationi fuere, quod paucissimi in numerosos proruissent, pugnarentq; viriliter: quodq; lethaliter saucij, per media castra ambulassent, nec ob id mortui essent. Illi autem præcipui capti è Polonis fuerunt: Suierceuius, cuius præcipua virtus, industriaq; singularis in eo bello extitit: Coslouius, Sadorfous, Iancius, Zalescius, Copitscius, Rescouius, Socolouius, Libisouius, Cifouius, Sucinius, Bogficius: qui omnes post ab heris suis grandia re redempti fuere. Sollicitabant autem eos Turcæ, vt religione Mahometi amplexa, in verba eorum iurarent: pollicentes, fore vt amplissimis bonis à Selymo acceptis apud eos vitâ tranquillam, beatamq; ducerent. Sed illi omnibus Turcarum pollicitationibus spretis, inluerunt apud suos vitam inopem agere, quam in

*constantia  
rerum hu-  
manarum.*

*Extremus  
conatus Ge-  
litum.*

*Capti Polo-  
norum præ-  
cipui.*

*Constantia  
Polonorum.*



*Turca capti  
nos Polonos  
laudant.*

*Captivi vir-  
tutem suam  
elevant.*

*Selymus to-  
tam Molda-  
uiam occu-  
pat.*

*Pocucensis  
ora situs.*

opulentia ac omnium rerum affluentia, cum anime iactura, apud Turcas: magnæ admirationis virtus eorum fuit: qui Turcæ, quamvis in suorum laudem propensi sunt, tamen vulgo sermonibus iactitarunt, in toto regno Polonia, viribus, industria, belligerandi promptitudine, eis minimè pares esse. Illi, hisce auditis, imò nos omnium (inquiunt) sumus infimi: qui ob inopiam apud nostros nullo loco habito, in hæce oras venimus, vel ut honestè patriam defendentes, mortem oppeteremus, vel præda nacta, ea onusti, ad nostros reuerteremur. Quibus ut crederent, haud id in animum suum inducere poterant.

Post tam ignobilem cædem Iuonia, Selymus totam Moldauiam occupat: omnes ferè stirpis Valachicæ, tam summos quàm infimos, crudeliter è medio tollit. Totaque Valachia occupata, arcibusque ipsius firmo præsidio munitis, alia multitudo alibi in colonias deducta, in Russiam intentus est. Quæ sibi vnà cum vniuersa Polonia, à tam potenti, perfido & immanissimo hoste caueat. Nam optimè, solerti animo Turcæ cernunt, occupata à se Valachia, ac deinde Pocucensi oræ, (quæ est regio inter Hirassum & Tyram, ultra Camenecium versus Haliciam, Podoliæ emporium, in vltiore Polonicæ ditionis ripa, contra Zuthannam Tyram impositum) pro qua Poloni cum Valachis ad internecionem pugnabāt, bello illato, omnia in Podolia ipsorum aperta fore libidini, quæ se in Poloniam quoque extendere possit. Nam id est Turcicis imperatoribus in more positum, ut, si finitimi alicui genti sint, aucupata occasione, ac iniectis factionibus inter principes illius gentis, eam post facile bello aggressum vincant, ei-  
que

que perpetuum iugum imponant: vt memoria patrum Græcis fecere, nostra Vngaris, non ita pridem Valachis. Polonia est eis vndique præsidio tot gentium nudata: quæ hactenus viros eorum, Scythicasque, in tanto diffidio Christianorû, qui sese cum applausu Mahometi, ciuili ferro confodiunt, sustinuit. De qua occupanda, non mediocris ea cura stimulat, vt per illam vniuersæ Germaniæ bellum inferre possint: cum ipsis ad Germaniam vastandam difficilis aditus per Austriam, ob munitiones Viennenses, pateat. Non diu post captam Valachiam Selymus superstes fuit: qui ferè 4. anno post quàm à patre Solymano regnare cœpisset, fatalem horam anno Christi 1574. quindecima die Decembris, obiuit: in cuius locum filius, stirpis maximus, Sultanus Amuratha, tanto silentio à Bassis occupandum imperium accitus successit, vt prius ad Constantinopolim veniret antequàm adesse ab omnibus suspicaretur. Qui imperium suum à cæde quinque fratrum, duarumque matrum, (quarum vna gravida erat) & multorum procerum, secutus morem veterum Turcarum Cæsarum, inchoatus, omnibusterrore ac formidini studet esse. Hic, vt lanczaros frementes placaret, quod ipsis inscijs à Bassis accitus imperium inuasisset, hæc eis postulata concessit. Largitus est singulis à summo ad minimum septuaginta quinque thaleros: stipendium illorum auxit: filios ipsorum, vbi adolecerent, lanczaris ascribendos statuit. Numerum lanczarorum duobus millibus maiorem fecit: ita vt iam sint sedecim millia. Postremò, in prælio mutilatos, immunes à bello fecit, & omnè victum ad vitam transigendam eis dari iussit. His ita

*Mors Selymi, anno Christi 1574.*

*Post Selymū regnat sultanus Amuratha.*



*Scythæ Rus-  
siam vastat.*

compositis, memor cladis quam Iuonia cum Polonis Kosacis, ditionibus Turcicis intulerat, ut aliquando Polonos vlcisceretur, immisisse mense Octobri, anni 1575. centum & vndecim millibus Scytharum Præcopiensium, regiones Russicas quaquaversus, ad quadraginta milliaria peruastauit. Ducentas domos equestris ordinis, ac pagos permultos, flamma iniecti immixtos hostes exusserunt: senes è plebe, puerulosq; plorantes contrucidarunt. Nobiles tamen haud plures triginta vel in præliis occiderunt, vel pariter cum vxoribus, liberisque in Valachiam, miseris modis colligatos abduxerunt: multi greges bouum, ouiumque, multa equorum armenta, ab illis abacta sunt. Lassæ crura succidebant: viuæ coria ad vincendos homines detrahebant. In traiectu Nestri fluminis, magnus captiuorum planctus auditus est, quod se iam planè in acerbissimi hostis potestatem venisse viderent. Quos nostri liberaturi fuissent, ni confisi vanis promissis Petri Palatini Valachia, qui se Scythis reditum in patriam, per Valachiam permitturum negabat, nostrisque id sanctè promittebat, ad Kiouiam, quâ hostis venerat, eadem sperantes rediturum, conuersi, paulò tardiùs ad Nestrum cōcurrissent. Multi quidem tum Scythæ occisi: plures tamen Russi abacti ab illis sunt: qui passim grassante tam numeroso hoste, cōuenire ad Mieliécium Palatinum Podolia, haud potuerunt. Interemptus quidam Scythæ à Iacobo Niezabitouio, cum septingentis, quos ducebat: cuius frons viginti quatuor digitos lata fuit: manus & pedes, adeoque totum corpus stupendæ magnitudinis: humi iacens cadauer, vmbilicum viri stantis attingebat. Dum verò  
isti

isti prædam in Valachia cum Palatino partiuntur, Kosaci, Borysthenis accolæ, milites generosissimi, ductore Bogdano Rosinskio, in Scythiam irruunt, flamma & cædibus omnia complent, scæminarum vbera abscindunt, alias excæcant, liberos illarum collidunt, veteres captiuos liberant. Sed iam placet historiæ finem imponere. Ex quâ id inter alia discimus, Turcas vinci à Christianis posse, si sint fideles & impauidi milites, firma auxilia: ac (quod primum est) si sit fortis & gnarus militiæ imperator.

## EPISTOLA PISONIS AD IOANNEM CORITIVM DE CONFLICTV POLONO-

*rum, & Liuanorum cum  
Moschouitis.*

PISO CORITIO S.

SCIO ego ambiguum tibi esse, Coriti mi carissime, in humanis ne sim, an verò minus, qui totum iam ferme annum, quo Roma absum, tam pertinaciter tecum sileam. Par item de te quoq; cogitatio me suspēdit, qui nihil omnino scripseris; nisi fortè tuæ mihi reddi non potuerint, in certissimis hucusq; vagato sedibus. Quæ etiam causâ fecit, vt cessator & ipse fierem, cùm alioqui ad scribendū nemo me sit minùs piger. Nosti quam non spontè obierim hanc prouinciam, vt ad serenissimum Poloniæ regem, ac deinceps ad Moschouiæ ducem, quò pacem inter ipsos pōtificis, & legati nomine firmarem proficiscerer. Sed non erat integrū reluctari diutius mihi, veni



tandem Iulio mense Vilnam, quæ caput est Lituan-  
niæ, vbi à principe, præterquam, quod pro sedis apo-  
stolicæ reuerentia amplissimè acceptus fui, habitus  
sum pro singulari sua in me veterè aliqui clientem  
beneuolentia, admodum gratiosè: nam humaniter  
dicere regiæ celsitudinis dignitas verat. Data deinde  
diebus duob. sequētibus bis audientia, post tertium  
aduentus mei diem, rex hinc in castramouit, quo an-  
te dies aliquot, nisi me operiri dignum duxisset, o-  
mnino ire statuērat. Iam enim vtrinque ad bellum,  
& quidem atrocissimum, inclinata erant omnia.  
Pacis nomine ob interpositas pontificis partes audi-  
tum nō ingratè. Cæterùm inter tubas, inter tympa-  
nas, inter alios armorum strepitus faciliè oppressum.  
Iam enim & hostis arce Smolensko supra Borysthenē  
sita per prodicionem potitus, factus erat insolētior.  
Et rex exercitum validissimum ex equitatu, pedita-  
tuque stipendio conduxerat, pugnae audum in pri-  
mis. Erant in ijs Cataphracti duo millia, quibus ni-  
hil esse possit, neque ornatum, neq; armatum, ma-  
gis: peditū plus paulò, duo itē millia, in quibus bel-  
li postea moles stetit. Fuēre deinde alia sexdecim e-  
quitum millia fortissimorum virorum. Id enim cre-  
das volo, neque vidissē me vnquam maiorem equi-  
tatum, quàm constituere hic princeps possit, neque  
crediturum fuisse, si non vidissem, vt certè, si velit,  
valeat centum millium equitatum armare. Iam ve-  
rò maior fide quadrigarum numerus est commea-  
tum ferentium. Neq; enim ipse crederem cuicumq;  
ita narranti, nisi meos ipse oculos testes habuissem.  
Quis enim crederet viginti quadrigarum millia cō-  
duci posse: tantum iam abest, vt scribere hæc aude-  
rem.

rem. Scribit hæc tibi Pifo, Pifo iam non poëtarum, sed annalium scriptoris æmulus: nisi fortè, ne oculato quidem testi adhuc credis. Fit id non voluptatis, sed necessitatis causa, homini, iumento victus ferendus est, propter loca sola solitudine nobilia, qui tam diu duret, quàm sit manere necesse diu. Centum milliaribus Lituanicis, quæ Germanica centum viginti faciunt (tantum enim via est à Vilna ad Smolensko) præter lustra, eadèq; palustria nihil ferme videtur: sterilia & inhospita omnia. Æstima nunc tecum, quanto sit com meatu opus. Adde quod ubi etiam in locum venerimus destinatum, non minore sis frumenti, aliarumque rerum necessariarum laboraturus inopia, cum ob soli sterilitatem, tum quod hostiliter vastata sint omnia. Eum itaque exercitum ubi rex ipse recensuisset proficisci in hostes iubet: interea præfectus arcis, & domini Poloczka, alia quadam via, terras Moschi inuadit, ibique populatus omnia, ingenti onustus præda reuertitur. Dum itaq; exercitus discessui se parat, videntur in loco quodam exploratores hostium. Nostri cognito illorum numero (erant enim viri bellatores mille trecenti) lectis ad hoc sexcentis equitibus illos obruere, armaque capientes maiore ex parte trucidare, duce eorum, cum nonnullis nobilibus capto. Idem fecere postridie in alijs mille ducentis pari euentu. Moschus recognita exercitum omnem, qui octoginta millibus constabat, loco quodam ad hæc electo, ultra Borysthenem collocat, ratus nostros pugnae auditate, omnem non formidaturos. Verum id non sine periculo, cum vadum ipsam bombardis, quam milite muniuissent, eumque vnicum: nam alibi Borysthe-



nes, utpote & altus, & vorticofus, neutriq; , & vadabilis. Nostri, relictis aliquot millibus, qui se citra amnem hosti circum equitantes ostenderent, reliqui interim percontato alibi flumine, pōticulum ex ratibus, lintribusq; nectunt, quo peditatum cum machinis trāsmittant. Equites acie, ut erant, instructa omnes se vno impetu, sed ex ordine conijciunt in amnem, feliciterq; tranant, credo dijs freti, haud plus vno desiderio. Nō erat hoc incognitum hostibus, & poterant, vel amnem ingredi volentes cohibere, vel iam partim egressos opprimere. Verū cū & ipsi multitudini nimium fiderent, & nostros præ paucitate contemnerent, loco se tantisper, utpote opportuno, mouere distulerunt, dum nostri iam non modò amnem transirent, verū etiam & pugnæ locum caperent, & ordines vel reficerent, vel mutarent: tantumq; fuit temporis medij, & tribus ferme horis manuum consertione vtrinq; abstinerent. Vbi ad manus deinde ventum fuit, hostes arte vsi, circūuenire nostros à tergo per vallem, vbi non apparebant, (nam & collis dumetis confitus impediebat aspectum) magno impetu nitebantur. Nostri re explorata derepente, ut in subitis sit casibus, mutant consilium. Et ea ex parte in iussu pugnam committunt. Nā aliò belli dux acies inclinarat, vbi & ipse tunc ferebatur. Quod cū ex nostris nonnulli bello aliàs probè exerciti cōspicerent, neq; aut consulandi, aut ducem conueniendi tempus, locūve daretur, in hostem conclamant, fortiterq; pugnando reprimunt. Hæc à leuo cornu acta, mox à dextro, & omni ex parte consertæ manus: tubarum clangor, ut ex ijs, qui interfuere, accepi supra vsitatū modum.

Fuere

Fuere enim tubicines in hostili exercitu plus multo quingentis: atq; ita fortissimè dimicatum vtrinq; inclinante iam ad vespèrā sole, timor hostes, mox desperatio occupat. Iam neq; nostrorum impetū ferre diutius, qui proximi erāt, neq; fugę viam à tergo reperire valebant, prementibus vltimis, qui & ipsi ordines faciliè explicare nequibant. In ea trepidatione clades facta ingens: fugientes deinde tumultuatim omnes nostri in longam noctem secuti quoscunque cedere, nisi qui vel nemorum densitate latere, vel noctis beneficio elabi poterant. Ibi direpta castra, in prædam versā omnia: cecidèrè ex hostibus millia circiter quadraginta: capta quatuor millia, & in ijs præfecti exercitus omnes, qui octo fuerant, inter quos primi à duce Moschorum, dux Michaël Golycza cum trecentis nobilibus, inter quos sunt Barones multi. Hos secum rex nudiustertius quasi in triumpho Vilnam vexir, conspicuos omnino viros. Mihi certè in omni vita nihil videre circa pompas bellicas, obtigit gloriosius. Reliqui captiui partim per municipia distributi sunt, partim apud victores: vbi adhuc & signa tenentur, quæ & ipsa ablata fuere ad vnum omnia. Rex enim cum domesticis tantum, paucis admodum redijt, misso, quem secum in præsidijs habebat, ad belli duces exercitu recenti millium quatuor, vti victoriam sequerentur, maximè verò, vti arcem Smolensko recuperarent. Moschus enim mox suorum accepta clade, paucis admodum stipatus tam præcipiti ad propria cursu festinarat, vt die atque nocte 300. passuum millia superaret: siue, vt novum repente exercitum scriberet: siue quod vero



esse similius creditum est, vt famam rei malè gestæ preuenteret, quò minùs fratres rebus nouis molien-  
dis, ansam antè caperent, malæ tractationis memo-  
res, vtpote, qui seruitutem apud tyrannum fratrem  
seruire coguntur. Parum enim ad recuperandum  
exercitum superesse spei fatentur & captiui, populo  
Moschum asserentes adhuc plurimo abundare, ve-  
rùm rustico, & bellis inepto, cùm in hanc expeditio-  
nem omnem ferme nobilitatem duxerit. Sicille,  
qui paulò antè capta dolo superbus arce, Polonis o-  
mnibus necem: Lituaniis verò compedes minitatus  
fuerat, turpissimam coactus inire fugam est, vt sei-  
psum tam neci, quàm vinctulis eriperet. Nam ita cer-  
tam demens ipse sibi victoriam spopoderat, vt post-  
ea apud duces belli captos repertæ cum mandatis  
atque stratagematis epistolæ fuerint, quibus quid  
facto cuilibet post victoriam opus esset, commise-  
rat, vt scilicet regem in præsidijs positum vno agmi-  
ne adorirentur: eo vtcunq; potiti, in tres sese vias di-  
uiso exercitu diffunderent, Vilnamque direptum  
festinarent. Sed nesciebat homo, & priuatim, & pu-  
blicè periurus Deum violatæ sine causâ fidei vindic-  
cem, aliter longè constitutũ ire. Dij enim immorta-  
les ob periurium (vt ait pro Roscio Cicero) homini-  
bus irasci, & succensere consueuerunt. Dedit condi-  
gnas perfidiæ suæ pœnas: cùm ex nostris ne vnus  
quidem captus sit, vulnerati multi, & ij aduerso cor-  
pore omnes. Mortui vix supra quadringentos, & in  
ijs Barones quatuor elegantissimi, idemq; fortissimi  
iuuenes, quorum corpora huc relata sunt, & tumu-  
lata honestissimè, duobus sub infusa episcopis cum  
vniuerso clero ad ciuitatis portas progressis: quorũ  
tamen

tamen mors immēsa hostium clade piata est, vt certē fateri necesse sit, hęc sine diuūm numine nō euenisse: cūm alioqui rex ipse re quidem vera Christianissimus sit, semperque fuerit. Assiduus enim pro victoria supplicationibus: ea deinde parta, gratiarum actionibus templa omnia sonabant, quin & publicē ad Deum omnia princeps refert, maximē cum Tartari, qui sub idem tempus iuxta pactum cōuentum adesse maiestati suę debuissent, fraude se subduxerint. Iam verò & illud non omiserim, esse apud Moschum ducem Michaëlem Glyusky, virum animi & corporis dotibus egregiē insignem. Is olim non leuibus ex causis regē Poloniae fugiens ad Moschum cum suis migravit, qui & priorum, & horum causa motuum fuit. Hunc rex ad serenissimi Vngarię regis instantiam, in gratiam secretò admiserat, & iam tacitò redire parantem, sui, quibus nimium fiebat, Moscho detulere, qui hominem euestigiò vinctum, domum sub custodia remisit, incertum, quid de eo velit statuere. Is si fortē transfugisset (vt cōuenerat) ad nostros, magnam sibi huius victorię partem vendicare contendisset. Nam id circiter Calendas Septembris contigerat: prælium verò octaua Septembris ipso die natali Virginis factum est. In summa Dei omnino munera sunt hęc præcipuē: deinde principis Deo gratissimi, cuius fortunam vtiq; prælustrem non ex ariolorum nugis, sed ex summa vitę sanctimonia, prudentia, fortitudine, temperantia atque iustitia, metior. In quo illud pulcrum est, vt si clementiam ipsam velis effingere, nullo certē alio neque ore, neque colore, quā huius principis id præstare possis efficacius. Mihi profectò post exātla-



tostot viarum labores, ex hac victoria tantum accessit lætitiæ, vt nihil asperum, siue terra, siue mari tulisse videar, siue quia principis huius sim, fuerimque semper studiosissimus, siue quod hac factū præfente victoria, vt ire ad Moschum nō sit necesse mihi: quæ mea profectò summa est expectatio. Nam præter viarum cū longitudinem, tum difficultatem valde me terret hominis etiam iurati perfidia. Satis mihi est cōfessori esse, superbam martyrij palmam non ambio. Misi ad illum Calend. adhuc Augustis famulum cum literis pro saluo conductu, scio peruenisse, sed neque responsum, neque famulum vidi. Audio in amnem conijci fuisse iussum. Non libenter bibo tam largo cantharo, sed iocor verbis: re tamen vera serium est, quod scribo. Scilicet mihi seruabit, si etiam dederit fidem, quam neque regibus, ac ne Deo quidem ipsi seruare solet?

*Inunc Schismatico vitam committe tyranno,*

*Vt te per Scythicas sub Styga mittat aquas.*

Nollem in ijs sinistrū mihi omen præcinere, qui initio certè inuitus feci, vt hanc experirer molestiam. Tolerabilia fuere hæctenus omnia, quamuis aspera, in reliquis quoq; superanda omnis fortuna, ferendo est. Nondum satis intelligo, quid firmū de me sit, cū omnis adhuc exercitus, arcis recuperationi studeat, eam breui futuram speramus: quod nisi & viarum sub hæc tēpora difficultas, & anni ratio nostris obstaret, victorē omnino exercitū in ipsa Moschici dominij viscera transferrent, ibidē hybernaturi: qua illorum sententia facilè residuo itinere absoluerer. Sed durare tamdiu vix poterunt, commeatus penuria, præsertim pro iumentis. Habent enim præter  
suum

suum equitatum prædatitios equos circiter viginti millia, quos saluare si possent, plurimum vellēt. Habere enim dicitur Moschonia equos laborib. ferendis admodum idoneos: res diu extrahi non poterit, quicquid erit, non patiar te nescire: tuum erit inter ea literas has nullo constantes ordine boni consulere. Vt enim sparsim relata mihi sunt omnia, ita variè congesta, vt licet vix vnus esse corporis videantur. Mitto nummos argēteos sex Moschicos, ex præda ad me missos. Hosti tibi cum amicis communes esse volo. Inuenies in illis inscriptiones Græcas partim, partim Ruthenas. Symbolum habent Ruthenæ cum Græcis literis: deinde par etiam est Religio: sunt vtique Christiani, sed Schismatici. Tempла habent, hîc præsertim Vilnæ, auro, argento, & gemmis opulenta: paucis etiam hinc annis ex lapide ædificari cœpta, & quidem sumptuosè, cū lignea tantum prius habuerint, non culta admodum. Sunt autem Rutheni (vt illud quoque auctarium addam) ingenio Lituanis promptiore, quò fit, vt operibus non mediocriter excellant. Multi ex ijs peculiare proditiōis vitium habent, quod ad Principum, siue Ducum aliquorum domos irrepfit. Quin & hoc nuper bello Dux quidam Ruthenius ab omnibus suis Moscho se dedit, quamuis egregium adolescentem filium in regis aula reliquisset. Sentiunt multi ex ijs secretò (vt creditur) pro Moscho, nulla alia magis, quàm religionis causa. Eam enim per omnia communem habent, transfugerentq; passim multi, nisi exploratam Moschi tyrannidem formidarēt. Is enim sæuissimis subditos legibus coërcet. Omnia illi nascuntur, omnia crescunt,



omnia adducuntur. Si qui sunt, qui vel genere, vel dignitate magni sunt, in illius nihilominus manu sunt, neq; diutius diuites, quàm ipse velit. Commerciorum terra, mariq; plurima. Aurum, argentum, pro pellibus inferre soliti mercatores, nihil aliud referunt: ea omnia Principi accedunt. Hinc opes ista tantæ, quantas neminem vnum in Europa Principem habere, fama est. Populo miris artificijs insigni potès. Italos habet domesticos multos, & honestè, & vtiliter. Cæterum circa fidē partes coactos sequi. Hæc ab ijs, qui istic versati sunt, didici. Si quando (quod maximè deprecor) eò iero, redieroq; quod precor, vel per literas, vel coràm de omnibus affatim: interea autem adhuc & hinc erit, quod scribam. Restat enim nonnihil militibus nostris circa arcis recuperationem, quod negocium extrahi diu non poterit. Si enim deditionem facere obsessi noluerint, aliud nostri pro rei, & temporis qualitate, consilium sunt apprehensuri. Sunt enim adhuc in exercitu præfecti, & tribuni militum omnes veterani, qui vel sub manu captare consilium non ignorant: ante omnes autem, Illustrissime Dux Constantinus, inter nostri temporis Imperatores in re bellica facilè Princeps, qui signis collatis ter, & trigesies dimicando victor fuit. Idem iunior tamen apud Moschum septennio manicis, pedicisq; constrictus fuerat, bello captus. Vir est domi Numa religiosior, foris Romulo non inferior, quo duce, & hoc bellū gestum est. In quo nihil esse vno omnes ore aiunt, quod probari nequeat, nisi quia Ruthenus, idemq; Schismaticus sit, ita à parentibus errore, quasi per manus accepto. Neque enim parùm refert, quam quisque

quisque à maioribus religionem acceperit. Cate-  
rùm ita maiorum suorum traditiones omnes san-  
ctè obseruat, vt ne latum quidem ab ijs vnguem re-  
cedat: qui si ad S. matris Ecclesiæ obedientiam redu-  
ci posset, innumeris dubiò procul ad idem agendum  
præluceret. Tanti est apud suos momenti, Principi  
autem ob eximias virtutes facilè carissimus. Sed de  
ijs tandem plus satis: veniam tamen mihi dederis (vt  
spero) non grauatim, culpam ingenuè fasso, qui non  
epistolam, sed libellum ex bello fecisse me haud-  
quaquam negauerim. Leges aliquando nō pauciora  
ijs, de itineris mei ratione, quod vtinam non tentas-  
sem, parum à Septentrionali disto Oceano, & lon-  
gius adhuc progredi cogor. Iam hic September ini-  
tium est brumæ: quæ tā læua solet ingruere, vt mul-  
tis sine naso contingat esse. Noctes æstate breuis-  
simæ, hyeme diei parum. Sub diuo Iulio pontifice  
laudatissimæ memoriæ, minus mense, annū Roma  
ad duos missus reges, abfui, nō paruo certè labore.  
Sed nihil ad hæc, quæ hæctenus mihi æquali temporis,  
sed diuerso laborum calculo incidere, & tamen  
difficiliora adhuc restant. Leuius fit patientia, quic-  
quid corrigere est nefas. Mihi certè satis erit ponti-  
ficis, legatiq; expectationi respondere. Quod vt fa-  
cere gratè valeam, pro sanctitatis suæ ac sedis Apo-  
stolicæ nomine gloria, amplitudine, ne glacialè qui-  
dem (vel sub bruma) sum reformidaturus Oceanū.  
Sed iam vale, & Volumen hoc boni consule. Ad ne-  
minem enim diffusius scripsi: cū sciam meā tibi  
omnia, vtpote mei semper amantissimo, non displicere.  
Ego valeo, & Principis munificentia bene ha-  
beo. Vilnæ, 26. Septemb. anno M. D. XIIII.



## EPISTOLA SERENISS.

AC INVICTISS. D. SIGISMVN-

DI REGIS POLONIÆ , MAGNI DV-

*cis Lituania, Russia, Prussiaq; domini, & hæ-  
redis ad sanctiss. D. Leonem X. Pont.**Max. de Victoria**contra*

SCHISMATICOS , MOSCHOVIOS ,

apud Aras Alexandri Magni

parta, &amp;c.

**B**eatissime pater & domine clementissime, post  
 pedum oscula beatorum: cùm non ignorem V.  
 sanctitatem, tum ex pastoralis suo debito, tum etiam  
 ex genuina pietate in religionis sacrosanctæ incre-  
 mētum, magna cum voluptate audire solere, quan-  
 do aliquis Catholicorum regum, aduersus infideles,  
 aut schismaticos inconfutilem Saluatoris nostri tu-  
 nicam scindentes, ac dilacerantes, Dei virtute adiu-  
 tus aliquid feliciter gerat. Hinc conuenit, vt ego qui  
 Turcam infestum, communemque Christiani no-  
 minis hostem vicinum habeā, Tartaros etiam, alias-  
 que Transanaitanas Scythicas gentes, numerosas,  
 feroces, ac infideles, humeris meis à nullo Christia-  
 norum Principum adiutus, solus sustineam. Et præ-  
 ter hos omnes magnum Moschouiæ Ducem, cum  
 quo nunc atrocia bella gero, Sarmatiæ, Asiaticæ ty-  
 rannum, opibus, armis, equis, virisque potentem, ac  
 multis contra alios vicinos suos victorijs tumētē:  
 blasphemū tamen ac schismaticum, sanctę Romanę  
 eccle-

ecclesiæ infestissimum, hostē insolentissimum habeam. Huius belli motus, & præstitam mihi à Deo victoriam contra ipsum perfidū Moschouitam, Sanctitati vestræ perscribam. Anno etenim exacto, fractis inter nos antea pactis, iuramētoq; firmatis fœderibus, immemor præstitæ fidei, & spreta iuramēti religione, quæ modica, aut nulla in blasphemio, & schismatico esse potest, dominia mea in magno Lituaniæ Ducatu consistentia, exercitu multorum millium equitum bellatorum comparato, magna vim machinarum bellicarum, tormentorumque æneorum sublequēte, hostiliter inuasit, dumq; arces aliquas graui obsidione premeret, nec propter valida præsidia mea, quæ illic erant, proficeret multis, sicut anno præterito Sanctitati vestræ significaueram, ex suis, in oppugnationibus munitorum locorum, & tumultuarijs prælijs amissis, domum re malè gesta non absque grauissimo dolore regressus erat, qui tamen iam aliàs sibi persuasisset, armis, opibus, & potentiæ suæ cuncta esse peruia, nec aliquid conatibus suis (in quo tamē deceptus erat) obstare potuisse. Æstate demum proximè exacta, tanquam ignominiam susceptam, damnaque prioris expeditionis, & bellum non satis prosperè anno præterito cœptum & gestum vindicaturus, iterum validissimum exercitum comparauit, in quo plures grauis armaturæ equites inerant, nixusque est, me certis castris exuere, & præcipuè castro Smolensko nuncupato: vt subinde tantò facilius totum magnū Ducatum Lituaniæ, aliaque mea dominia bello atrociori vrgeret, & totam Rubeorum Russiam sui schismatici ritus, quæ ditionis meæ est mihi eripere posset.



Potitustandē ex adminiculo fraudis arce ipsa Smolensko est, de suis plurimis amissis. Subinde verò insolentior factus, exercitum auxit, ita vt excederet octuaginta millia hominum equestrium, aususque est sibi polliceri, quod iam facile reliqua dominia mea opprimere posset. Progredi itaq; aduersus me suum exercitum vsque ad fluuium Beresinam mandauit. At ego qui in Domino Deo rectē sperauerim, eundem fluuium exercitum meum equitatu, & peditatu, tormentisque bellicis bene instructum, magna celeritate traicere imperaui, hostisque exercitum pedem referre, ita vt retrocedere coactus est, compuli. Et dum exercitus hostilis per meum arceretur, vigesima septima Augusti particulari prælio à meis militibus pulcherrima clades eidem hosti inflata est. Alia iterum Calendis Septembris, & ex utroque prælio plures ac insignes captiui mihi adducti sunt, & multi ex hostibus cæsi. Miles autem meus eiusmodi victorijs, quasi auspicijs præludijs accensus, ultro in pugnam ruebat. Equidem verò in præsentissima clementia Dei, & in iusticia, causæ meæ confidens, maximam iam de orta victoria securitatem mihi pollicebar, & feci magno animo meum exercitum procedere, & stationibus hostis appropinquare, dumq; hostis sentiret, meum exercitum sibi imminere, Borysthenem tunc solito magis exuberantem nando traiecit. Meus verò exercitus in-segniter animis ad pugnam præparatis, hostem retrocedentem sequutus est, & similiter Borysthenē, dum in re tam subita, & potis faciendi potestas, & nauigia ad transportandum militem deessent, ad eā ripe partem, in qua iam hostis ordinatis aciebus, tor-  
men-

mentisq̃ue dispositis, conflictum præstolabatur, nã-  
tando intrepidè transmisit. Et tandem Deo auspice,  
qui in se sperantes non deserit, & confundit manus  
filiorum alienorum, die Natali beatissimæ Virginis,  
quæ erat octaua Septembris, cum hostibus eisdem  
feliciter pugnavit, totumq̃; eundem validissimum  
hostis exercitum, qui (vt præmissum est) ex octua-  
ginta millibus hominum fuit, comparatus, vna acie  
fudit, fugauitq̃ue, & tanquam vilissima pecora totis  
campis cum fœda stragè, & multa cæde vltra qua-  
draginta millia passuum ante se egit, itaq; supra tri-  
ginta millia hostium, & cæsa, & submersa sunt. Ca-  
stra hostilia plena, opulenta præda, direpta, & decem  
præcipui Duces, & Sarrapæ. & triginta septem Baro-  
nes, Consiliarij, primotès: officiales autem & armi-  
geri nobiles supra duomillia capti, cum signis sui  
exercitus mihi adducti sunt. De meis verò, Deo au-  
spice, pauci desiderantur. Quamobrem hanc tam  
insignem, & longo tempore memorandam, sed nec  
minùs mirandam (quoniam dextera Excelsi facta  
est) victoriam vestræ Sanctitati, pro mea in ipsam  
summa, & eximia deuotione cognitam esse volui,  
vt Sanctitas vestra ex eadem iucundum, atque ala-  
crem animum concipiat, mihiq̃ue suo deuotissimo  
filio gratuletur. Quandoquidem pro sacrosancta  
religione, proq̃ue sede Apostolica, & Sanctitas ve-  
stra decorè ad ea, quæ factu sunt possibilia, semper  
sum paratus. Collocaui namque magnam spem, &  
cōfidentiam in vestra Sanctitate erga me, regnum-  
q̃ue meum clementia. Quoniam verò hostis ipse  
adeò superbus, & obstinatus existit, necesse est, vt  
rãtò studiosius ipsum sine intermissione persequar,



& bello vrgeam, ne tam citò vires recuperet, ac re-  
 parèt, quandoquidem non priuatam meam, & re-  
 gni mei rem nunc ago, sed totius Christianę Reipu-  
 blicę, ne tam validus hostis sacrosanctę Romanę  
 ecclesię inimicus, quandoque aduersus sanctam Ec-  
 clesiam pro ritu suo, falso, blasphemio, & schismatico  
 inualescat. Et vt hæc mea gesta, quę mihi ex miseri-  
 cordia Dei feliciter euenerunt, audacter vestrę San-  
 ctitati scribo, sic etiam semper audire cupio, vt sacro  
 sancta Rom. eccl. vniuersalis status omni felicitate  
 præfulgeat, atque vt vestra sanctitas incolumem, &  
 longauam, felicemque vitam cum reuerendissimis  
 patribus sanctę Romanę ecclesię cardinalibus du-  
 cat. Oratorem autem meum, & res meas vnà me-  
 cum vestrę sanctitati commendo, qui quidem ora-  
 tor meus V. Sanct. tam ea, quę gesta sunt, quoniam  
 & gens, & loca, in quibus gesta sunt hæc, sibi cogni-  
 ta existunt, quàm alia è mente mea, planius expo-  
 net. Datum in castris circa Borisouo, decima octaua  
 Septembris, anno Domini, millesimo, quingente-  
 simo, quartodecimo.

*Vicesimo quinto Ianuarij die,  
 M. D. XV. a Leone Papa  
 X. obeam ipsam victoriam  
 D. o opt. maxi. è xapisia  
 habita est in Sixti sacello.*

ORATIO

# ORATIO PER REV. PATREM DOMINVM ERASMVV VITELLIVM, EPISCOPVVM PLOCEN.

*in celeberrimo Augst. consensu ad Casarem Maximilianum, nomine victoriosissimi regis Poloniae Sigismundi, habita coram omnibus sacri Imperij Electoribus, plurimisq; Germaniae Principibus, die Veneris XX. Augusti, anno Domini 1518.*

ILLVSTRI DOMINO ERASMO ROTTERODAMO vtriusq; Literaturæ principi, & Theologorum duci, Iacobus Spiegel Selestadien. Imperialis Secretarius, S. P. D.



RO inuictissimo Poloniae rege Sigismundo, qui non multos ante annos, & menses, maxima victoria in Hamaxobitas (quos ipsi Meschos appellant) & Schytas (quos Tartaros dicunt) positus est. Reuerendiss. Dn. Erasmus Vitellius episcopus Plocensis, singulari integritate vita, raraq; doctrina, Romanaq; facundia insignis, velleo mihi nomine precipue colendus, quia cognominis, de te perquam egregiam frequenter facit mentionem. Primam (ut aulicus, aulico utar verbo) audientiam coram Casare, sacri Imperij Electoribus omnibus, & ceteris Germaniarum principibus, proceribusq; obtinuit. Sic ornate sic grauiter orauit, ut ad intimasque praecordia auditorum, vehementia sententiarum penetrauerit, pluresq; ad fletum concitauit, et



vero docto simul & facundo, omnes docti, & eloquentes palmam tribuunt. Aderant enim viri non pauci, tum exquisitè docti, tum in iudicando naris emundissimè. Antistes Tergestinus, Pentingerus, Huttenus, Bartholinus, Spalatinus, & Stabius ille in nullo doctrina genere non versatus. Henricus Stromer medicus, & Laurentius Zochus iuriconsultus, Cardinalis Maguntini florentissimi principis Cancellarius. Igitur facta mihi primum præ ceteris elegantissimè huius orationis copia. Quia digna multorum lectione visa fuit eruditorum calculo, & ab omnibus desiderata, imprimendam curavi, sub augusto tuo nomine, quòd omnia pietate sacra iure sibi vendicat, quam haud subducto supercilio accipere digneris. Non dubito quin ut audientibus lacrymas commouit, ita hac eadem legentibus magis copiosas excutiet, & in rem Christianam propensiores eorum animos reddet. Valere tecum bene Rhenanum verè beatum cupio, quem animo mecum circumfero, utriq; fila vite, quem maximè longaua exopto, ut indies magis ac magis felicibus auspicijs bona litera, & maxime sacra refloreat. Huttenus, quia nihil est visus cecutientibus popularis literationis admiratorib. nominis nihil pepererit. Quem te Frobenio nostro publicandum iterum, si tibi visum fuerit, tradere velim. Mutam eius de vita aulica Dialogum quamprimum prodierit in lucem. Vale iterum ex Augusta Vindelicia, pridie Calend. Septembris, anno post partum Virginis maris, 1518.

ORA-

## O R A T I O.



ENIMVS à rege nostro, sacratiss. Imperator, ad hunc celeberrimum conuentum, quem solita vigilantia tua pro salute Christiani status æquè commendatè, vt opportunè, hoc loco, & tempore instituere curasti, acturi, maiestatis regiae, & amplissimorum eius dominiorum nomine, quæ ad sanctam expeditionem generalem, contra immanissimos Turcas, totiens propositam commodè attinebunt. Quantum verò necessariè sint, simulq; cum vita omnium nostrum desideratissimæ præparationes istæ: Christianorum coadunatis viribus, hostis aucta potentia testatur, iã annos circiter septuaginta post infelicem, & calamitosam Bysantij captionem, quæ patulam ad nos hostibus ianuam præbuit, nihil aliud audimus, quàm clades atque excidia continua Christianorum à Turcis. Et dum omnes ad resistendum (vt par esset) consurgere negligimus, tot principes cum subditis suis, tot reges cum eorum populis: tot deniq; ditissima, cum magna iniuria religionis nostræ, & maxima indignitate Christiani imperij miserabiliter deleta sunt, quæ singillatim enumerare, dolor profectò mœrore plenus prohibet. Quandoquidem neque ea me referre, neque vos audire, sicis oculis liceret, capita vt cunque decerpam. Nonne videmus Asiam vniuersam, quæ è tribus orbis triangulis maior est, his & alijs infidelibus occupatam? Aphricam verò totam, impijs ac sceleratis eorum manibus desolatam? Europe magnam partem,



tot incendijs, & assiduis vastationibus debilitatam? & hucusque dormitauimus. Sed neque his contentus hostis, vt fortior fieret Ægypti, & Syriæ regem, quem Soltanum dicunt, aggressus superauit, totiusque Syriæ, & Ægypti, ea victoria (sed & Hierosolymæ matris nostræ, vbi salus orta est) vnicum se dominum constituit. Et altero verè imperio longè ante formidabilem potentiam suam auxit. Nos verò torpemus, & bellis intestinis, plus insolenter, quàm necessariò exagitati gladijs nostris, domesticos fidei, aut potius nos ipsos, detestanda malignitate confodimus: nec Prophetæ sapientis verba, quæ aduersus nos, tanquam Ethnicos clamitant, attenduntur, dignaque, facinori supplicia annunciant. Ipsi (inquit) contra sanguinem suum insidiantur, & infra. Ego verò dum eis repentina ingruerit calamitas, non exaudiam. Parat nunc in Christianos, terra, marique arma sua, instat Turcarum framea, capiti & collis nostris, & adhuc oscitamus, vixque ad pacem mutuò amplectendam, tanta periculi magnitudine vrgente, mētes componere volumus Leone sanctissimo, id dies, noctesq; curante, hortatur nos hostis, excitat à somno: commonefacit desides: torpētes terret, dum iam pridem ad ostia Tiberina: nūc verò ante paucos menses, circum Rachanati mœnia, & hisce iam diebus, dum hīc agimus, iterū ad Ostiæ portus, ferro, & sanguine debacchatus sit. Nos tamen fatis sic volentibus omnia hæc, quæ vltimum omnibus exitium minantur, ridiculum putamus, vt iam illud diui Petri naufragantis, dum sibi in fluctibus dexteram dari poposcit, & meruit, dicere libeat: Salua nos Domine, perimus.

Colle-

Collegerat similem conuentum feli.re. carissimus genitor tuus, post insperatam Carniolæ suæ depopulationem. Multa illic in eam sententiam à viris doctissimis declamata sunt: multa etiam prophetico quodam spiritu prædicta, nisi tunc instantibus, & euidentissimis periculis aliter prouisum fuisset. Quæ omnia flebilis tandem effectus compleuit, cum nulla consulta inuicem, & constituta nulla, suo ordine, vt necessitas postulabat, debita executioni mandarètur, & omnis rei benegerendæ commoditas, simul cum tempore amissa fuit turpiter, aut neglecta. Nunc iterum Cæsar inuidissime, pro dignitate & debito tuo, conuentum hunc bono cœptum omine, diligenter prosequeris, vt labenti Reipubl. Christianæ efficaci opera subuenire possis, & iustè quidem: sic enim Christianorum Imperator, re pariter constabis & nomine, dum hi, qui tuo subsunt imperio, à Cæsare suo adiuti fuerint, & defensi. Quam equidem deliberationem multo iam tempore pro connata animi tui magnitudine concœperas, qui annis his proximis tres Christianos reges potentissimos, in Austriæ tuæ vrbe primaria, tum splendide, tum honorificè tecum habueris, fœdereque simul immaculata fide percussio, plura cum eis in rem Christianam mutuis tractasti consilijs. Quod reuera pro singulari gloria tua, omnium orapassim prædicare non desistent, pluresque Adamantinis scriptis perpetuare curabunt. Neque enim parens tuus, neque Cæsares alij tantum actum, triumphis Octauij meritò æquandum, pro suo vnamquam desiderio efficere poterant. Omitto nunc cateruam immensam victoriarum tuarum, quæ ti-



bi semper optatis vbique successibus responde-  
bant, vt quilibet bonæ mentis metiri ex his possit,  
quæ & quanta in arbitrio & moderatione tua con-  
sistant, quin & luce sit clarius, plus ornamenti im-  
perio tua prudentia, & felicitate allatum esse, quàm  
tibi Imperij maiestate: atque ideo pater patriæ à tota  
Germanica natione, quæ sub cælo maior est, meritò  
appellaris, quibus immorari, vt volui, tēporis vetat  
angustia, dum ista vulgata iam sint, & toti mundo  
notissima. Tu deinde tua sponte & virtute, regum-  
que illorum hortamentis incitatus, non modò in  
optimum propositum, & tua amplitudine dignum  
deuenisse perhiberis: sed vltro etiam totius belli ge-  
rendi progressum, rationes, ordinem, & modum  
cōcinnè describere curasti. Tanta peritiae rei milita-  
ris, tantoque studio, & omnium digna considera-  
tione, vt facilè appareat, inuentione hac tua, nec-  
dum Imperatoris summi, sed excellentissimi quo-  
que armorum ducis, & animum fortem, & consi-  
lium circumspēctissimum non deesse. Habet rem  
hanc cordi, æqua lance, sedes sancta, religionis no-  
stræ caput & magistra, quæ tot annorum concili-  
um feliciter continuans, singulares, & vrgentissi-  
mas admonitiones qualibet sessione, ad hunc effe-  
ctum instituere solebat: vbi etiam Turcarum tela  
pectoribus suis infixæ. Episcopi declamantes, osten-  
dere visi sunt, vt non verbis tantum, sed rebus, &  
sanguine ipso pungerent segnitiem nostram, & de-  
iectos Christianorum animos, quantum possent,  
erigerent: cuius nauiculæ gubernator, verum se  
Leonem in his præstat, quippe qui salutiferos rugi-  
tus, & vigilantissimas cogitationes suas, summoque  
& vero

& vero pastore dignas, ad hoc vnum conuertit, vt communi potētia tantis periculis vltimum iam interitum secum ferentibus, quantotius succurratur. Quæ omnia dignissimi hi legati sanctitatis suæ magis abunde explicarunt. Rectè gubernabant populum Dei Moyſes & Aaron, Dauid & Nathan, pluresq, Romani pontifices, cum imperatoribus Christianis, iuncta simul gratia, vtraque potestas. Binum nobis reliquit gladium, transiturus ad Patrem, Saluator noster: bina coluerunt elemēta Persæ, Ignem, & Aquam: duobus & nos saluamur, Fide, & Opere. Curabis & tu, Cæsar inclyte, cum Leone sanctissimo, vtroque iuncto gladio, eripere de faucibus inimicorum, & tot calamitatibus, oues Christi. Inconsultilem enim tunicam suam representatis, quæ sub hoc tempore vestro, non abs re profectò inuenta est: adhibebit ignem orationis, & spiritum fortitudinis benedictum sacerdotium, neque impensâ deerit. Tu aquam non gelidam, sed feruentissimæ defensionis, cum regibus Christianis, indefessè suggeres, fidemque nostram & spem omnium opere adimplebis, vt à ferocitate Turcæ salui simus, vnica namque est gloria, penates nostros, & religionem, in qua nati sumus, tueri & defendere, pro qua iam omnes maiores tui, tot reges & Cæsares sanctorum nonnulli Cathalogo ascripti, felices & candidissimæ animæ plura bella in Europa, & Asia gloriosè susceperunt, qui semper magnanimitate ingenita, aliena quærere, non sua amittere didicerant. Gignit nos natura miserè, viuimus demum tot onusti curis, & tanquam flos citò areſcimus: decidimus tandem, & morimur, solus is diu viuere perhibetur, qui dum



vira exceſſerit, perpetuam ſui nominis, bene geſtis, aut factis, memoriam propagauerit, quò fit, vt adſimus abſentes, mortuìque viuamus. Tritum fuit Adagium apud veteres : Pulcrum mori, decorat vitam. Quod plurimi, vt patriam conſeruaffent, corpus ſimul & animam deuonentes, viuis effectibus comprobarunt. Tui tidem ſacratiffime Imperator, vt tui ſecretiores referunt priora de Chriſtiano ſtatu ſecum repetens, & futura ante oculos ponens, mente vt fit liberiore, dicere ſoles, nullum mortis genus te gratius excipere velle, quàm quod in caſtris militaribus contra infideles, ad virentes campos feliciter eueniret. O virtus animi commendatiſſima: ſic corporis robori tanti principis inſita & coniuncta. Non hominis proſectò deliberatio iſta eſt, ſed nūminis vox quædam, & ſolo digna Cæſare, dum non lectum eburneum: non ſericeum pulvinar: non auratum cubiculum, ſed prata virentia, & fœnum ruſticum pro delicijs regalibus expoſcas, vt debito Imperiali, quo toti Chriſtianitati teneris, ingenuè ſatisfacias, pro quo tibi omnes, mentem ſanam in corpore ſano, vitæque diuturnitatem precabuntur. Et vt in hoc tam glorioſiſſimo propoſito, animo incòcuſſo perſiſtas, erectis in cælum palmis, attentius orabunt.

Sed iam factis res aggreſſiunda foret, conſtanti-  
que pectore, ſine omni vltiore cunctatione proſequenda, poſt tot conſilia, & decreta multa: poſt tot conuentus, & exhortationes varias, poſt tot inſtructiones, & tractatus plurimos: armis tandem, non argumentis opus eſt. Iam enim de his tam crebris, ſed vanis, aut nullis conſultationibus, & præpara-  
ramen-

ramentis nostris (vt quidam Mediolanensis ex Turcia profugus nuper in cōspectu regis nostri retulit) sepius dicit Turca, admodum sublanantis, consulant Christiani, consulant, & ego faciam, quod re ipsa, & stupendis indies victorijs demonstrat. Nos si veri Christiani sumus, quemadmodū Turca in dedecus potius nostrū affirmat, Christi fidem, ad sanguinem vsq; , mente intrepida, non ostentatione solum, sed affectibus synceris obseruare, tueri, & quantum in nobis est, manu tenere debemus. Quoadusque vita nostra, Christiano aduersabitur nomini? vt qui Christū imitari, pro Christo nos opponere, religionis vinculo arctamur, contra eius legem: cōtra oues suas: contra ipsum Christum, ignauia, arrogantia, & excessibus nostris, in cælum vsque cum Gigantibus, lethiferas sagittas, impudenter dirigimus, de locis certamus, publica negligentes; hostis verò nos, & nostra omnia, ac loca simul, deglutire contendit. Vnum hoc conclamatum est, Turcas consilijs quibuscunque non conuertemus, si armis non vincemus, quæ diuini verbi Concionatoribus elucidanda relinquo, quandoquidem multa nunc est messis, & operarij pauci.

Neq; id deterreat, quod tam longo tempore, Orientali imperio, hostis crudelitas potita sit, & desidia nostra, eius potentia sic increuerit, vt firmata esse videatur. Ad Occasum intueri volenti, possibilia omnia, & facillima comperiet, cū Sarracenorum immanitas Granatam, & magnam Hispaniæ partem, supra septingentos annos hæreditario admodum iure possederit. At Ferdinandi regis victoriosissimi constantia, reginæque Elizabeth deuotione,



& suorum fortitudine, paucis annis, nedum recuperata sunt omnia, sed tota infidelium potentia, nō à regni solū finibus abacta est. Verū adusq; inferiora Mauritaniæ littora, cum perenni illius regis gloria eiecta. Ille verò proprijs tantū viribus, & vnica suorum manu, strenuè hæc gessit. Tu cōmune bellum paras, & generalem (vt aiunt) expeditionem, tua opera, consilio, & auspicijs, regumq; omnium assensu, & horum prudentissimorum principum consilio (qui tuo lateri tanquam validissimæ columnæ adhærent) instituere debes. Quis oro, tot regibus, & principibus, tanquam numerosæ multitudini resistere poterit? Dum & pacem exulantem, multisq; ante seculis, inter Christianos desideratam, nūc iam commodissimè pro tui, & Leonis animi satisfactione, restitutam vides, & nouo quodā quinquennali fœdere, cum omnium, qui bonæ voluntatis sunt gratitudine, firmatam intueris, vt nihil est amplius, quod ad rem propositam feliciter gerendam desit, aut quod impedire possit.

Non deerit votis tuis, & Leonis sanctissimi, serenissimus rex noster cum omnibus dominijs suis, & tota illa Septentrionis ora, modò bellis, alijs, quibus continuò impetitur, finem optatum imponere possit. Quos verò hostes regnum nostrum habeat, & quib. difficultatibus, rex ille bellicosissimus detinetur, paucissimis explicabo, ne pijs auribus fastidij præbeam offendiculum. Notum est hac ætate nostra, Sigismundi nomen celebre, longè, lateq; plurimis victorijs, fama refertissima peruolante. Nolo nunc genealogiam & ortum clarissimi registextere, quæ tuæ celsitudini, & his omnibus satis cognita esse

esse debet, Casimirea domus est, quæ regnare semper didicit, & vincere, præsentiam matura pulcritudine, & aspectu iucundissimo decoram, tu nosti, ita ex omni parte compositam, proceræque grauitati coniunctam, vt ad Maiestatem ipsam, natam esse videatur. Hic auito, paternoque & fratrum regno, senatu vocante succedens, bello fortissimum, pace verò splendidissimum se præstitit, & reddit. Quippe qui incomparabili iustitia, clementia, & liberalitate, sic apud suos omnes carus est: sic eorum affectus, æquitate, & mansuetudine, ac modestissimis legibus in se deuinxit, vt inter tot bellorum tumultus, non quod ex veteri instituto solitum est, sed quod rex ipse præcipit, aut nutu solo designat, illico à suis omnibus cum summa animi alacritate perficitur. Quæ profectò suprema laus regum est, dum quisque subiectionis suæ debitum, amore illectus, non timore perculsus, serena fronte, & libera exequitur, idque efficit, vt dum Scythæ fugaces (quos nostri Tartaros vocant) subito interdum & insperate, fines nostros irruant, mox nobilitas è centro regni primaria, benignitati principis satisfaciens, vitam propriam, & salutem, mera ipsorum virtute defouere, & in media vsque hostium agmina obijcere non metuat, spem reponens firmissimam, in optima regis munificentia, qui benemerita cuiusque dignis præmijs excitare consuevit.

Vrgetur namque multis hostibus: regnum illud amplissimū, tribus à parte vna: Scytharum ducibus potentissimis, multa centena millia bellatorum in statione campestri secum ducentibus, qui se etiam Cæsares dicunt, vno Theodosiæ propinquo, post



Borysthenem ad latus maris Pontici, in Taurica residente, alter circa Tanaim, & paludem Maotidem loca tenet, & is in manibus regis est: tertij sunt remotiores. Asiatici vastissimam incolentes solitudinem, & latissimos tenentes campos: hi omnes repētinis incursionibus regnum depradari, & continuè defatigare non cessant, famem, sitim, aestum & algorem, & omnem inedia m contemnentes. Sapius etiā Turcis iuncti, qui Monocauftum, & Licoftomum occuparunt, maiora & horrenda damna nostris inferunt. Turcarum enim Scythæ omnes dependent, dum eadē secta sit, Mahometicis simul erroribus implicata: è quibus planè deprehendi potest, facilius catulos à maternis vberibus, quàm Tartaros à Turcarum assistentia diuelli posse, qui nunc etiam contra regem Persarum optatas viginti millium equitum suppetias tulerunt. De his rex noster multas & insignes reportauit victorias, vt arces, & loca regni munitissima ostendunt, quæ pacis tempore pro sui nominis immortalitate ornatissimè restaurat: vbi Scytharum catenatæ acies, latericio in muris erigendis certamine quotidie congregi videntur. Est & alter hostis non minor ad rigentem Arcton, citra mare glaciale cōsistens, Roxolanorū dux, quem nos Moschum dicimus, sola perfidia, & detestando schismate famosus. Is partem regni Lituianorum videlicet prouinciam, magno etiam bellorum motu turbat indies. Sed & hunc rex noster, patrocinate iustitia, fudit sapius, eiusq; potentiam triginta millibus in loco castris, profligauit, quàm plurimis primoribus ad vincula coniectis, qui in omnibus Lituaniæ castris arctissima detinentur custodia.

stodia. Multis etiam alijs captiuorum millibus per  
vniuersum ferè orbem, varijs Christianorum prin-  
cipibus, mancipiorum loco dono datis.

Iamq; cruentum hoc bellum decennium supe-  
rauit, dum sint, quieas discordias seminent, conci-  
rent, & turpiter alere non verentur. Sed, proh do-  
lor, non pudet etiam religionis professores tanto-  
rum malorum auctores, & faces esse, qui literis, &  
nuncijs ad eam rem fouendam, magisq; irritandam,  
terra & mari sursum ac deorsum cursitant, vt reges  
& principes alioquin fortè quieturos, ad pugna in-  
flamment. Salutis insigne, & candidam innocentiae  
vestem deferunt, tanquam pacis amatores, & fra-  
trum perniciem sitiunt, bellorumq; fomitem, & to-  
tam causam praestant, hi sunt, qui loquuntur pacem  
cum proximo suo, mala autè in cordibus eorum, sed  
reuera, Deus fucis nō illuditur. Breui nāq; eis secun-  
dum nequitiam adinuentionum ipsorū retribuet.  
Tuae verò sacratissime integritatis studium erga se, &  
statum suum pacandum cognitū habet rex noster,  
pro qua beneuolentia, te vt parentem alterum ob-  
seruat, veneratur, & colit, velleq; vicissim eius maie-  
statem omni opera, & facultate eniti, vt quacunque  
occasione, & modis, tuae celsitudini mutuò gratifica-  
ri, & æquè fraternum officium praestare possit.

Et vt finem dictis imponam, his hostibus & qui-  
dem assiduis regnum nostrum à trecentis penè an-  
nis premitur. Verùm suo are tantum, suo milite, &  
maximis laboribus, totam hanc belli molem susti-  
nuit, nemine Christianorū principum suffragante:  
spe alebamur cōtinua, & nudis temper pollicitatio-  
nibus detinebamur, sumptibus & humeris nostris



vicina hucusque oia fouebamus, vt iam tanquam defessi & imbecilles, à maioribus impensis continere non possemus, & deberemus meritò. Nunc tamen vt priuatos effectus publica vincat vtilitas. Expeditionem hanc generalem commendat summo pere, & approbat, serenissimus rex noster: laudat modum de colligendo neruo bellico, & exercitu congregando. Quem sanctiss. dominus noster, & tuæ celsitudinis prouidentia constituit. Alij q; reges & principes Christiani proponunt. Sed neque de eo pro nunc Maiestatem regiam cum senatu, & subditis suis, quicquam decernere potuisse, inter domesticas difficultates, & bellicam occupationem cum ea, quem nemini hostilitate, quibus aliqua ex parte, utcunq; compositis, & deliberatione huius dignissimi cōuentus procedente, mox maiestatem suam, & de colligendo nummo, & describendo milite, in regno & dominijs suis itidem cōstituere velle. Nec prætermitturum quicquam, quæ vires eius, ac regni, & dominiorum suorum ferre potuerint. Et quæ ad tam sanctum, diuque desideratum opus pertinebunt, dūmodo aliquando cum effectu aliquo Christianæ saluti consulatur, pro qua (vt verbis vtar regijs) & thesauros omnes, & sanguinem ipsum cum vita effundere parata est.

Perge igitur, quo cœpisti, sacratissime Imperator, & tot ac tātis gloriosissimis triumphis tuis, vnicum hunc, qui cunctos alios superabit, apponere contende, vt vtriusque Imperij habenas, Christiani omnes, te moderantem aspiciant, & latentur. Vinctes proculdubio in signo crucis hostes deterrimos, profligabis cum tanto apparatu, & omnium poten-

tia.

tia. Turcas impios exterminabis cum Leone sanctissimo, & tot regibus spurcissimos, infideles, & ad ultimos usque fines terræ, tanquam Christo alienos propulsabis, ut qui te Augustum in Augusta tua, & mense hoc Augusti, augustè comperimus, post multas de infidelibus partas victorias, Mahometiq; deletò nomine, Augustissimum tandem videamus. Iter autem parabit, & diriget Dominus, cuius res agitur, carmine prophetico attestante, Reuela Domino viam tuam, & spera in eo, & ipse faciet.

## VICTORIA SERENISS.

PRINCIPIS, ET D. D. SIGISMUNDI EIVS NOMINIS PRIMI REGIS

*Polonia, magni Ducis Lituania, Russia, Prussia, ac Massonia, &c. domini, heredis contra Vayuodam Muldania, olim Dacia, Turca tributarium, & subditum. cui subest Valachia, Mysia inferioris pars ad flumen Tyram influens Pontum Euxinum, quæ à*

*Deo data fuit terna in Mense Augusto præterito,*

*& consummata XXII. die eiusdem*

*mensis, anno Domini*

*M. D. XXXI.*



Ayeuoda Muldauię, & prædecessores eius, ut perfidorum mos est, nihil unquam longo iam tempore regibus, & regno Polonię, quod tenebantur, præstiterunt, cui ipse Vayuoda innixus, hyeme præterita, præter omnem expectationem fœderibus, & iuramentis, quæ fece-

Mm



rat, neglectis: nullaque hostilitatis denunciatione  
præmissa, prouinciam regni Polonię Pokuczię nuncupatam fide, & honore posthabito, occupauit.  
Quam iniuriã, quum serenissimus Poloniae rex diutius ferre non posset, exercitum selectorum mercenariorum militum ex regno suo cõparauit, & conscribi iussit, opẽra magnifici Domini Ioannis Comit̃is de Tharnouu, Palatini Russiã, & exercituum regni Poloniae capitanei generalis, viri in militaribus, clarisq; alijs in rebus præstantissimi, quem ille varijs in locis, ne hostis certum numerum scire posset, collegerat, & disposuerat, & non multò ante festum sancti Iacobi ad loca, quæ præsidijs hostis firmata erant, admoüeri iusserat. Constabatq; totus ille exercitus equitibus, præter trecetos pedites, qui in machinis, & bombardis erant addicti. Ex his equitibus ipse capitaneus generalis præmisit duo millia, & aliquot centum equites, qui præter Valachorum spem, & scientiam varijs in locis prouinciam illam Pokucziã adorirentur. Valachorum ibidem in præsidijs erant fortassis 1400. bello apti, præter aliam colluuiem. Poloni milites mãdata capitanei strenuè exequentes, non vna ex parte eam prouinciam inuaserunt, confligentes cum hostibus multos trucidarunt, & non paucos viuos ceperunt, inter quos erant pleriq; ipsius Valachi familiares, & aulici, atq; in duobus diebus totam illam prouinciam recuperarunt, præter castrum quoddã Guuosdziecz, quod cuidam nobili Polono Thuuorouuski nuncupato fuerat ademptum. Hoc tamen etiam paulò post obfidentes, in potestatẽ suam redegerunt, & illi quendam præfectum militum Vlodek nomine præfecerunt,

runt: pauci ex illa Polonorum irruptione, Valachorum, qui superfuerant, euasere in Valachiam. Huic victoriae capitaneus generalis Comes de Tharnouu non interfuit, sed cum potiore exercitus parte rerum euentum non procul praestolabatur. Victoriae vero nuncium cum quibusdam captiuis, nobilis quidam iuuenis Spitek de Tharnouu serenissimo Poloniae regi Cracouiam apportauit. Paulò post appulit etià ad sereniss. Maiest. regiam generosus dominus Hieronymus Schaffranycz, qui plurimos ex ea victoria captiuos attulit, hiq; hinc inde per castra regia habentur distributi. Post hanc acceptam cladē Vayeuoda Valachus percitus, omnes quas potuit suorum copias cōgessit, & in tres exercitus diuisit, eratq; numerus omnium supra viginti millia. Cum his in prouinciam Pokuczia perueniens, sex millia equitū ad recuperandum castrum Guuosdziecz transmisit. De quo certior factus comes de Tharnouu, capitaneus generalis, maturè cum toto suo exercitu, & his qui ultro se adiunxerant, ad succurrendum obsessis, & castro affuit. Hoc videntes Valachi, 19. Augusti praeteriti cum exercitu Polono manus conseruerunt. In eo conflictu, cum Dei adiutorio, Poloni superiores facti, Valachorum illa sex millia profligarunt, & in fugam verterunt: multi illorum caesi, capti quàm plurimi, & praesertim de illis, qui ipsius Vayeuodae curiae inseruiunt. Hanc suorum stragem, quā à duobus suis capitaneis, qui ex praelio profugerant, Vayeuoda audiisset, commotus, iussit illis amputari capita, sed aliorum precibus victus, catenis ferreis victos custodiae mandauit. Haec est Valachorum consuetudo, vt eos omnes, qui ex pugna euadentes do-



num reuertuntur, supplicijs grauioribus, quàm si in bello cecidissent, afficiant. Hinc fit, vt in cõfligendo multis alijs nationibus sint ferociores. Accēsus itaq; Valachus ira pariter, & pudore, ipse in persona cum suis omnibus, Polonos septos castris, vt eorum mos est, curribus, & vallis factis, cum multis magnis bellicis tormentis, quæ secum duxerat, aggressus est. Quumq; Poloni sic cincti, non excedentes sextam partem numeri militum, quem secum habuit Valachus, vim globorum vltcrius ferre nõ possent, prioribus victorijs animati, & ope diuina adiuti, extra vallum in ordinibus suis profilientes prælium commiserūt, & cum hostibus de perfidia expostulantes, & certantes ad quinq; horas, sine intermissione cõferuerunt manus, illosq; ad internecionem vsque prostrarunt. Namq; præter multa alia millia cæsorum Vayeuoda ipse fugiens duobus vulneribus est affectus. Tormenta bellica magna quinquaginta cum pulueribus, globis, curribus onerarijs, & toto comineatu capta, inter quæ fuerant quadam ante 34. annos Polonis, & superioribus annis ipsis Trásfylvanis Vngaris adempta. Item duo vexilla maiora & principaliora, tympana, & multa alia bellica paramenta. Quæ omnia facta sunt 22. Augusti præteriti. Poloni prosequentes victoriam, insequuti sunt fugientes Valachos per milliare Germanicum vnum & dimidiatum, trucidantes, & plerosque de nobilioribus viuos capientes. Fuit cæsorum ingens numerus, & inter eos multi de primoribus Valachi reperti. Hunc latum victoriæ nuncium attulit sereniss. Poloniae regi quidam præfectus militum, nomine Szuuienzicki 29. Augusti Cracouiam. Postero die

ro die missus à comite de Tharnouu capitaneo generali quidam iuuenis nobilis nomine Sbigneus Szienyenski, quosdam sereniss. Maiest. regiae etiam captiuos attulit. Et inde alius praefectus militum laslouiecki duxit secum magnum captiuorum numerum, inter quos est, qui dicitur sermone Valacho Glogofer, quod est apud illos supremi cancellarij nomen. Item & pocillator, seu pincerna, & structor mensae, cum plerisque alijs ipsius Valachi officialibus. In summa nihil aliud ex eo conflictu secum, quam duobus vulneribus faucium corpus asportauit Valachus, qui non immerito perfidiae suae sic dedit poenas. Hinc tantus timor suos in Valachia inuasit, ut multi in Vngariam, & Moldauiam quotidie cum bonis suis profugerent. Christo Domino sit honor, & gloria, atque omnis gratiarum actio, qui sereniss. Poloniae regem quam diutissime contra crucis suae hostes viuere, & triumphare concedat, Amen.

EXCERPTA est haec victoriae historia ex ipsis sereniss. Poloniae regis literis, & quorundam, qui omnia magis peculiariter scripserunt.

Datum Bruxellis, in curia Caesareae Maiestatis, 24. Septembris, anno Domini M. D. XXXI.

Per R. D. Ioannem Dantiscum, C. Episcopum Culmensensem, oratorem ipsius serenissimi regis.



FRAGMENTVM EX LI-  
BERO BARONE DE HERBER-  
STAIN NEYPERG, ET GVETTEN-*bag, &c. de bello Poloni, &  
Moschi.*

RAT Ioanni magno duci ex So-  
phia, filia Helena, quam collocauit  
Alexandro Magno duci Lituaniæ,  
qui postea rex Poloniæ declaratus  
est. Sperabant Lituani iam grauissi-  
mas vtriusq; principis discordias eo  
matrimonio sopitas fore : at longè grauiores inde  
exorta sunt. In sponsalibus namq; conclusum erat,  
vt templum Ruthenico ritu in castro Vilnensi, de-  
stinato loco exædificaretur, eiq; certæ matronæ ac  
virgines eiusdem ritus iungerentur, quæ cùm ali-  
quanto tēpore fieri negligerentur, sumit socer caus-  
sam belli contra Alexandrum : & triplici exercitu  
instructo, contra eum progreditur. Primum versus  
prouinciam SeWeram in Meridiem : secundum ve-  
rò in Occidentem contra Toropecz, & Biela insti-  
tuit, tertium in medio versus Drogobusch, & Smo-  
lenczko collocat : ab ijs exercitum in subsidijs reti-  
net, quò ei maximè, contra quem Lituanos pugna-  
tores animaduerneret, succurrere posset. Postquam  
autem ad fluuium quendam Wedrasch vterq; exer-  
citus venisset, Lituani duce Constantino Ostroski  
maxima procerum, & nobilium frequentia septo,  
ex quibusdam captiuis numerum hostium ac du-  
cum quoq; cùm cognouissent, magnam spem pro-  
fligan-

figandi hostium concipiunt. Porro cum fluuiolus  
cōflictum impediret, ab vtrifq; transitus seu vadum  
quæritur. Primi autem Moschi aliquot, superata ri-  
pa, Lituanos ad pugnam laceffunt: atq; illi haud ti-  
midi resistunt, eosq; insequuntur, fugant, vltraque  
fluuiolum pellunt: mox vtrinq; acies cōmittuntur,  
præliumq; atrox oritur. Interea dum vtrinq; eodem  
ardore animorum acriter certarent, exercitus in in-  
sidijs collocatus, quem paucissimi Rutheni adfutu-  
rum sciebant, ex latere in medios hostes inducitur.  
Litواني metu perculsi, dilabuntur: Imperator exer-  
citus vnâ cum plerisque nobilibus capitur: reliqui  
perterriti, castra hosti concedunt: se & arces, Dro-  
gobusch, Toropecz, & Biela pariter dedunt. Exerci-  
tus verò, qui meridiem versus processerat, cui præ-  
erat dux Machmethem in Tartarus rex Casani, fortè  
Brensko ciuitatis præfectum, quem vernacula lin-  
gua Waiuodam vocant, comprehendit, Brensko-  
que ciuitate potitur. Duo post germani fratres, Ba-  
silij patrueles, alter de Staradub: alter verò Semecz-  
itz dicti, bonam partem prouinciæ Seueræ possi-  
dentes, alioqui Lituaniæ ducibus obedientes, impe-  
rij Moschi se tradunt. Sic vnico conflictu, & eodem  
anno adeptus erat Moschus, quæ Vitoldus ma-  
gnus dux Lituaniæ multis annis, maximisque la-  
boribus obtinuerat. Porro cum hisce captiuis Li-  
tuanis, Moschus crudelius egit, grauissimis catenis  
vinctos detinuit: egitque cum Constantino Du-  
ce, vt relicto domino naturali, sibi seruiret, qui  
cùm aliam spem elabendi non haberet, conditio-  
nem accepit, obstrictusque grauissimo iuramento,  
liberatus est. Huic porro quamuis prædia, possessio-



nesq; pro status sui conditione attributæ essent : ijs tamen placari ac detineri adeò non poterat, vt ad primam occasionem, per inuias syluas redierit. Alexander rex Poloniae, magnus dux Lituaniae, qui perpetuò magis pace, quàm bello gaudebat, relictis omnibus prouincijs, & castris à Moscho occupatis, liberatione suorum contentus, pacem cum socero fecit.

Moritur autem Ioannes ille magnus, anno mundi 7014. cui filius Gabriel, postea Basilius dictus, magnus dux successit, habens in captiuitate Demetrium nepotem ex fratre, qui auo adhuc viuentē iuxta gentis cōsuetudinem legitimus monarcha creatus erat: & ob id viuo adhuc, atq; etiam mortuo post nepote, solenniter Basilius creari monarcha noluit. Patrem multis rebus imitatus est: ea quæ sibi reliquerat pater, integra custodiuit: ad hæc multas prouincias non tam bello, in quo erat infelicior, quàm industria, imperio suo adiecit, quemadmodū pater Nouogardiam magnam in seruitutem suam redegerat, ita & ipse Plescouiam, sociam urbem: item insignem principatum Smolenzko, qui plus quàm centum annis sub ditione Lituavorum fuerat, adeptus est. Mortuo etenim Alexandro rege Poloniae, etsi belli causam contra Sigismundum regem Poloniae, & magnum ducem Lituaniae nullam haberet, tamen quia regem ad pacem magis, quàm bellū inclinatum: Lituanos verò bellum pariter abhorrentes videret, occasionem belli inuenit. Sororem videlicet suam, Alexandri relictam, dicebat ab eis minimè pro dignitate tractari: regem præterea Sigismundum infimulabat, Tartaros contra se con-

cita-

citauisse. Quare bellum indicit, Smolenczko obsidet, ad motis tormentis: ne quicquam tamen oppugnat. Interea Michaël Lynczky, ex principum Ruthenorum nobili stemmate, & familia ortus, qui quondam summam rerum apud Alexandrum tenebat, ad magnum ducem Moschouix profugit, quemadmodum infra patebit: mox Basilium ad arma hortatur, eiq; promittit, se Smolenczko, si iam denuo obsideretur, expugnaturum: ea tamen lege, ut sibi hunc principatum Moschus concedat. Post cum ad conditiones à Michaële propositas assensus esset Basilius, atque Smolenczko graui iam denuo premeret obsidione, Lynczky pactiōibus, seu largitione verius vrbe potitus, militiaq; præfectos omnes secum in Moschouiam duxit: vno duntaxat excepto, qui ad dominum suum, nullo proditiōis crimine sibi conscius, redierat: reliqui verò centuriones corrupti pecunia, & muneribus, redire in Lituaniā nō audebant: & ut culpæ suæ patrociniū prætenderent, iniecerunt merum militibus, dicentes: Si Lituaniā versus iter arripiemus, passim aut spoliabimur, aut occidemur: quo malo perculsi milites, omnes in Moschouiam profecti sunt, stipendioq; principis aluntur.

Hac victoria elatus Basilius, exercitum suum cōtinuò in Lituaniā progredi iubet: ipse verò in Smolenczko manet. Dein cum aliquot propinquo racaltra, & oppida deditione capta essent, tum primum Sigismundus rex Poloniæ obsessis in Smolenczko, coacto exercitu auxilium, sed tardius, misit: mox occupato Smolenczko, vbi Lituaniā versus Moschi exercitum ire animaduertit, ipse Bori-



fouiuxta fluuium Beresina situm aduolat, atq; inde  
 exercitum suū Conſtātino Oſtroſkij duce, dimittit:  
 qui cū attigisset Boryſthenem, circa Orſam oppi-  
 dum, quod à Smolenczko 24. mill. German. distat,  
 aderat tum iam exercitus Moschi circiter 80. millia:  
 Lituanicis autē non excedebat triginta quinq; millia  
 hominum, adiunctis tamē aliquot bellicis tormen-  
 tis. Constantinus mense Septemb. die 8. anni 1514.  
 strato ponte, peditem vltra Boryſthenem, iuxta Or-  
 ſam oppidum transfert: equitatus autem angustum  
 vadum sub ipso castro Orſa superat. Mox vbi dimi-  
 dia pars exercitus Boryſthenem tranſiſſet, nuncia-  
 tur Ioanni Andreæ Czeladin, cui ſumma rerum à  
 Moscho erat commiſſa, vt hāc exercitus partem in-  
 uaderet, conterereturque. At ille respondit: Si partem  
 hanc exercitus oppreſſerimus, supererit altera pars,  
 cui fortē alia iungi copiae poſſent, atq; ita nobis ma-  
 ius periculum immineret: expectemus tantisper,  
 dum totus exercitus transferatur: tantae enim ſunt  
 noſtræ vires, vt ſine dubio, nec magno labore, hunc  
 exercitum aut opprimere, aut circumuentum Mo-  
 ſchouiam vſque, veluti iumenta agere poſſimus.  
 Tandem, quod vnicum reſtat, totam occupemus  
 Lituaniam. Interim appropinquabat exercitus Li-  
 tuanicus, Polonis & externo milite mixtus: & cum  
 quatuor millibus paſſuum ab Orſa proceſſiſſet,  
 vterque ſubiſtit. Moſchorum duæ alae longius ab  
 exercitu reſſerant, vt hoſtem à tergo circumue-  
 nirent: acies autem inſtructa in medio ſtabat, ſub-  
 ductis quibuſdam in fronte, qui hoſtem ad pugnam  
 laceſſerent. Ex aduerſo Lituanus diuerſas copias, or-  
 dine longo collocabat: ſinguli etenim principatus,  
 ſuæ

suæ gentis copias, & ducem miserant, atque ita singulis suis in acie dabatur locus. Tandem cohortibus in fronte constitutis, Moschi classicum canentes, primi in Lituanos impetum faciunt: illi haud timidi resistunt, eosque repellunt: quibus mox alij in auxilium missi, vicissim Lituanos in fugam conuertunt: sic aliquoties vtraque pars nouis subsidijs aucta, alteram repellebat. Postremò maxima vi certatur. Lituaui studio cedentes ad locum, vbi tormenta bellica collocauerant, ea in Moschos insequentes conuertunt: extremamque aciem eorum in subsidijs arctius collocatam feriunt, turbant, dirimuntque. Hoc nouo belligenere Moschi, qui primos duntaxat in acie cum hoste confligentes, in periculo esse putabant, terrentur, turbati que primam aciem iam iam fusam putantes, fugam capiunt, quos Lituaui conuersi, omnibus copijs effusis insequuntur, fugant, cæduntque. Hanc cædem sola nox ac syluæ diremerunt. Est inter Orsam, & Dobrounam (quæ quatuor mill. German. distant) fluuius Cropsna dictus: in cuius dubijs, & altis ripis fugientes, tot Moschi submersi sunt, vt cursus fluminis impediretur. Capti sunt in eo conflictu omnes militiae præfecti ac consiliarij: quorum præstantiores, Constantinus sequenti die lautissimè accepit: dein ad regem misit, qui per castra Lituanica sunt distributi. Ioannes Czeladin cum alijs duobus præcipuis ingrauescentis iam ætatis ducibus, habebatur, in ferreis compedibus Vilnæ: hos ego, cum à Cæsare Maximiliano legatus in Moschouiam missus essem, permiſſe rege Sigismundo, accessi, eosque consolabar: aureos præterea aliquot, obsecran-



tibus mutuò dederam. Princeps porrò accepta suorum clade, Smolenczko continuò relinquens, in Moschouiam fugit: & ne castrum Drogobusch Litواني occuparent, incendi iubet. Lituanicus exercitus rectà Smolenczko ciuitatem contendit, sed capere eam non potuit: quòd præsidij impositis, Moschus eam bene firmatà reliquerat: & quòd hyems impendens obsidionē impendebat: tum quod plurimi post conflictum prædæ onusti, satis se effecisse rati, domum repetebant: denique, quòd neque Litواني, neque Moschi expugnare arces, aut vi capere norunt. Ex ea autem victoria, præter recuperata ciuitra Smolensko tria castra, rex nihil reportauerat. Anno post hunc conflictum quarto, misit in Lituaniā exercitus Moschus, atque intra meatus Diuinæ fluuij, & Poloczko castrum confedit: ac inde bonam exercitus partem, quæ Lituaniā abacta præda, cæde, & incendijs depopularetur, dimisit. Albertus Gastold Poloczkijs Vuayuoda vna noctium egressus, flumine superato, acervum fœni, quod ad longam obsidionem congefferant Moschi, incendit, hostem inuadit: quorum alij cæsi ferro, alij fugiendo submersi, alij capti, pauci euaserunt: cæteri, qui palantes Lituaniā vastabant, pars in locis diuersis deuicti, alij in syluis errantes à colonis trucidati sunt.

MARTINI

# MARTINI CROMERI

## ORATIO IN FVNERE OPTIMI

### ET MAXIMI PRINCIPIS, SIGISMVN-

*di, eius nominis primi, Polonorum, Lituavorum,*

*Russorum, Prussorum, & Masouiorum regis,*

*&c. an. M. D. XLVIII. Calend.*

*April. defuncti.*

### SERENISSIMO PRINCIPI ET DOMI-

*no, Domino Sigismundo Augusto Dei gratia regi*

*Poloniæ, magno duci Lituaniæ, Russiæ, Prussiæ,*

*Masouiæ, Samogitiæ, &c. Domino & hæredi,*

*Domino suo clementissimo, MAR-*

*TINVS CROMERVS.*



*N* publico & acerbissimo omnium  
nostrum luctu, quem tecum pariter,  
Sigismunde Auguster rex inclyte, mor-  
te sanctissimi regis nostri SIGI-  
SMVNDI patristui, nuper hau-  
simus, nulla est (mea quidem senten-

tia) maior, & efficacior doloris leuatio, quam hone-  
stissime, & laudabiliter in primis ab eo acta, & reli-  
giose exacta atq; posita vita: beneq; & feliciter sapien-  
ter & cum approbatione omnium bonorum admini-  
strati regni huius recordatio. Quam parte cum ego  
pro meo de multis bene merendi studio, opis aliquid nõ  
tibi, neq; maioribus natu (qui multos annos in Repub.  
hac nostra, & in aula eius regis versati, exactius o-  
mnia norunt, & memoria tenent) sed minoribus &  
imperitis asferre cuperem, prius quam abs te orator



Historia Po-  
lonica ab  
autore con-  
scripta.

ad Pont. max. Paulum eius nominis tertium profici-  
scerer, scripsi ei funebrem orationem, siue laudatio-  
nem: qua vitam eius penè omnem, resq; gestas illustrio-  
res, nudè & succincte, quoad fieri potuit, exponendo,  
non verbis amplificando ( quod per longum, & non  
mearum sanè virium opus futurum erat ) complexus  
sum, ut esset commentarij vice interim, dum siue a no-  
bis ipsis in instituta historia gentis nostra, siue quod  
malim à doctiori atq; disertiori quopiam diligentius  
omnia pertractentur. Nec sanè desunt in hoc tuo re-  
gno, quod multò florentius, & belli, & pacis artibus  
pater tuus reddidit, quam acceperat: qui, si tua beni-  
gnitas accesserit, & libenter id opus suscepturi sint, &  
cum dignitate persecuturi. Equidem si nihil aliud hoc  
labore meo assequar, certè doctiorum cessantium ad-  
huc studia excitabo, & persequi hac accuratè, & or-  
natè volentibus materiam subministrabo. Tibi verò  
in primis, inclyter rex, orationem hanc dicare volui,  
cui me ipsum non ita pridem addixi, & ad quem ha-  
reditas paterna gloriæ maximè pertinet: ut siquidem  
placebit, nonnulla, si non cum voluptate, certè cum le-  
uatione desiderij paterni, domestica decora recogno-  
scas: & nostri siue ocij, siue negocij fructum, & quasi  
primitias quasdam delibes: sin displicebu ( quod ma-  
gis credo ) melioribus des id negocium, ut ne cum  
eorum, qui nunc viuunt, mortalium memoria, sa-  
pientissimi, & optimi patris tui laudes intermo-  
riantur.

Quanquam viuent ea ( nisi me vanum fallit au-  
gurium ) æuo sempiterno, easq; posteri nostri longè  
etiā, quā nos gratiore, & iucundiore memoria  
prosequantur. Quod reliquum est, Deum precor,

ut

ut fausta tibi, nobisq; omnibus regni tui initia esse  
velit, & letioribus indies successibus ad cumulet, ac  
diuissimè incolumè, fortunatumq; præstet. Cracouio  
9. Calend. Aug. M. D. XLVIII.

SANCTI POLONIÆ, &c. RE-  
GIS SIGISMVNDI PRIMI E-  
pitaphium.

*Sigismundus in hoc iacet sepulcro,  
Quod viuens sibi prouidè parauit.  
Primus Sarmatia potens feracis  
Hoc rex nomine, quem Iagielliana  
Ex magnis Ducibus vetus propago,  
Gestis, iustitia, fideq; clarum,  
Produxit: quibus & diu Polonos  
Rexit magnanimos, eosq; multis  
Auxit diuitijs, honoribusq;  
Et tot magnificis ubique passim  
Structuris, ut in hac patefcit arce,  
In templis, & item Deo dicatis.*

*Armis atque toga probè per omnes  
Insignis præcul inde nationes,  
Veri cultor erat, tenax honesti,  
Et prudens, sapiens, pius, modestus.  
In cunctis ratione semper usus,  
Non præceps, neque concitus notatus.*



*Tandem transijt hinc, bis octo lustris  
Ex hoc pondere corporis, peractis:  
Sanctè sicut in hoc agebat, hoc sic  
Est iam tempore, mortuusq; sanctè,  
Christus, quo tumultum die reliquit,  
Coniunctus superum beatitati.*

Natus anno Domini 1467. prima Ianuarij. Electus  
1506. octaua Decembris. Coronatus 1507.  
vigesima quarta Ianuarij. Mortuus 1548. pri-  
ma Aprilis.

*Ioannes Dantiscus episcopus Varmiensis, domino suo  
bene merenti non sine lacrymis posuit.*

## SIGISMUNDVS REX IPSE

DE SE.

*Ciuiibus, externisq; mea est clementia nota,  
Consilium, grauitas, religio, atq; fides.  
Pax mihi cara fuit: tamen haud me impune lacessit  
Tenthos, Lino, Moschus, Turca, Scythae atq; Getes.*

## ORATIO.



INTEMPERANTIVS fortasse, Sigi-  
smunde Auguste rex inclyte, & vos  
Patres amplissimi, acceteri viri vn-  
dequaq; ornatissimi, abuti facilita-  
te, & patientia vestra videor, qui lo-  
cum hunc augustum, apud vos hoc  
tempore dicturus, conscenderim: nihil neque con-  
spectum, confessumq; istum vestrum amplissimum,  
gra-

grauissimumq; reueritus: neque rei, de qua dicendū est, magnitudine deterritus. Neq; ego ita sum hebes, vt non intelligam, quid & quantum sit, quod nunc à vobis expectetur: neque ita mihi ipse placeo, vt nō perspiciam, quid à me præstari possit. Quod si Alexander ille Magnus, rex Macedonum, qui res maximas mira celeritate, & rara felicitate gessit, neque pingi se, nisi ab Apelle, neque fingi, nisi à Lysippo, præstâtissimis suæ ætatis artificibus, passus est: quanto acumine, quàm varia doctrina, quàm solido iudicio, quàm memoria, quàm vbere denique, & illustri eloquentia esse oportet eum, qui de optimi, fortissimi, sapientissimi, clementissimi, & pientissimi regis SIGISMUNDI, cuius nunc exequias Polonia, Lituania, Russia, Prussia, Samagitia, & Massouia omnis, mœsta & pullara celebrat, laudibus, & vita omni, verè, & pro meritis eius dicere velit? Et effigiem quidem cuiusquam aptè, seu pingere, seu fingere, non maximi est ingenij, neque laboris, ac ne operæ precij quidem. Patent omnium obtutibus corporis lineamenta: neque magnopere cuiusquam refert, quo colore, qua figura oris, quo corporis totius habitu, quæue statura quisque fuerit, qui inter homines esse desijt: animorum habitudines, vitamque omnem, non cuiusuis est neq; exactè perspicere, neq; dicendo aptè, & ad viuum exprimere. Magnorum autem virorum, & excellenti virtute præditorum laudes celebrare, apprime vtile est vitæ hominum, & necessarium: vt & illis, quoad fieri potest, pro meritis suis gratia referatur: & ceteri habeant, vnde virtutis, & laudis exempla petant, & quò ad benè merendum de suis incitentur. Tanta sunt autem huius

*Alexandri  
Magni dele-  
ctus pictorū,  
& sculpto-  
rum.*

*Propositio.*

*Animorum  
habitudines  
exprimere  
difficile.*

*Virtutis ex  
laude bono-  
rum.*

*Sigismundi  
regis Virtu-  
tes.*



optimi regis virtutes, vt summis pariter ac imis abundè exemplorū, ad vitā rectè, & honestè instituentiam suppedient: tanta in nos & in patriam hāc nostram cōmunē merita, & beneficia, vt ea sempiterna immortalitatis laude consecrari à nobis oporteat.

*Authoris  
modestia.*

Neque tamen is ego sum, qui id me rectissimè, & cum excellentibus sanctissimi illius regis virtutibus, tum perpurgatis vestris auribus, dignè facere possē cōfidam. Absit hāc à me arrogātia: nō adēd effrons, demensq; sum: intelligo nullam in me esse doctrinam, nullum dicendi vltum, & exereitationem, nullum excellens ingenium, nullam deniq; memoriam. Quānam verò tanta est cuiusquam eloquentia? in quo tantum flumen lectissimorum verborum? in quo tanta vis, & (vt ita dicam, flumen sententiarum? in quo deniq; tanta memoria, & pronuncian-

*Excusatio  
insufficiē-  
tia.*

di dignitas, vt clarissimis optimi regis virtutibus atq; meritis par esse possit? Sed si lautis & delicatis epulis deficiamus, anne cibarium quidem panem hospitibus apponemus? Et, si auro, gemmis, preciosaq; veste caremus, ne malo quidem cotoneo, vel scypho aqua ex praterlabenti anne hausta, gratitudinem animorum nostrorum sanctissimæ huius regis animę ostēdemus? Vetus est prouerbiū, Eos, qui thura nō habent, mola falsa litare. Certè vel cum periculo priuata temeritatis, & impudentię, nō est prodenda causā publica: neq; committendum est, vt dum singuli pudori nostro consulimus, cuncti hoc extremo laudationis officio in funere talis ac tam bene meriti regis pratermisso ingritudinis (ne dicam impietatis) reprehensionem apud hos ornatissimos magnorū principū oratores, & apud omnes  
gentes

*Iusta lau-  
dādi causā.*

gentes, quę humanitatē colūt, meritò incurramus. Audendum est igitur, & eo quidem maiore fiducia, quod ijs de rebus dicendum est, quę vobis plerisq; omnibus æquę ac mihi notę, nonnullis etiam notiores sunt: nempe quas vidistis ipsi ferē, & meministis, & quarum (vt ait Poëta quidam) pars magna fuistis. Ita enim futurum est, vt me rudi, & inculto, sed plano tamē sermone, capita modò rerum attingente, cętera vos ipsi diligentius mecum recognoscatis, & grata, iucundaq; (vt par est) memoria recolatis. Ac de tribus bonorum generibus, quę sola sunt laudabilia: primū externa: deinde de corporis: postremò animi eius bona succinctē persequar. Quod dum facio, vos mihi quęso, viri præstantissimi, benignos vos, & attentos præbeatis.

**G**enus paternum Sigisimundi à Cazimiro est, Vladislai Iagellonis filio. Nemo est autem sic hospes in Polonia, ac in toto ferme Septentrione, cui non sit auditum de Iagellonum familia, quę iam supra centum, & quinquaginta annos apud nos regnat, à vetustis Lituānorū ducens originem. Cuius princeps Iagello, cui Vladislao nomen, bono, veroque omine, quasi qui gloria potens esset, maiores nostri indiderunt. Huius auus, tuus autem Sigisimunde Auguste, proauus, cum Lituāniā, & magnę partis Rusiæ dominatū potiretur, expetitus à Polonis, & ad regnum vnā cum coniugio religiosissimę virginis Hedwigis, de mortui Ludouici regis Vngarorum & Polonorum filiæ, repudiatis quibusdam alijs procis, accitus: religioni Chriſtianę sese, & cunctam simul Lituāniā addixit, ditionesque suas omnes Poloniæ scēdere sempiterno adiunxit

*Virgil.  
Paritio.*

*Iagellonum  
Vetus stirps.*

*Vladislao  
Iagello.  
Vladislai  
etymon.*

*Hedwigis re-  
gina Ludouici  
filia.  
Lituānorū  
ad Chriſtiā  
conuersio.*



in curanda & prodigiosis dæmonū superstitionibus ad veri Dei cultum conuertendo gente sua agresti, & barbara, per multum laboris, operæ, sumptuum-  
 que impendit. Nec indecorū sibi duxit præpotens rex, doctoris, & apostoli munere fungi apud rudē, & vilem plebeculam, cū nostri sacerdotes eius linguæ penitus essent imperiti. In Bohemis quoq; ad sanitatem, priscamq; religionem à multiplici errore, quo se authore Ioanne Hussio implicarant, reuocandis, non parum operæ sumpsit: cumq; pertinaciores eos esse animaduertisset, regnum ab eis delatum repudiavit. Silesios quosdam, & Russos duces domuit. Cruciferos Germanos non modò Lituaniæ inhiantes, verū etiam Poloniam ipsam, parentem & nutricem suam crudeliter, & impiè laniantes, clarissimis aliquot victorijs repressit: victis, fractisq; pacem æquis cōditionibus dedit. Erat enim singulari lenitate, & mansuetudine, ad remittendas offensas perfacilis, & supra modum credulus: quippe qui fallere neminem ipse consueuisset. Quò magis obnoxius, & opportunus fuit dolis, & iniurijs cum Sigismundi Cæsaris, tum Vitoudi, & Suitrigellonis proximorum suorum, de quibus erat bene meritus: per quos factum est, vt in administrando regno plusculum haberet negocij. Huic decrepita valde ætate, cū duodequingenta annos regnasset, vita defuncto, de duobus filijs impuberibus, quos è quarta vxore Sophia Russa Kiouiēsum ducis filia suscep-  
 rat, maior natu Vladislauus in regno successit: is qui Vngarorū quoq; regno suscepto, & profligatis summa cum gloria aliquot Turcarum exercitibus, cū prius ad Macedonię, deinde ad Thraciæ fines, hosti  
 pacem

*Iagellonis  
studium in  
propaganda  
religione.  
Bohemi.  
Vladislai  
regis gesta.*

*Iagello cru-  
delis, & cā-  
didus.*

*Suitrigello-  
nis.  
Iagellonis  
filij.*

*Vladislauus  
rex Vngar.  
& Pol. apud  
Varnam à  
Turcis occi-  
sus.*

pacem petēti formidabilis, cum animosiore, quā validiore exercitu penetrasset, apud Varniam inter confertissimos hostes incautiū dimicans, certam propemodum victoriam cū vita pariter amisit: cum vndecim ferme apud nos: apud Vngaros verò non totos quinq; annos regnasset.

Post hunc Cazimirus natus minor frater, tuus Sigismunde Auguste, auus, regnum hoc suscepit: cui peruastata à Tattaris (tamen si profligatis semel atque iterum) Podolia & Russia, & amissus per defectionem ad Moschos dominatus Seueriensis, ac domesticus motus, seu veriùs offensæ voluntates multorum, propterea quòd Lituaniis plusculum indulgeret, malisq; consultoribus vteretur, non parū de aterna felicitate detraxere. Prussiam tamen, & Pomeraniam per deditiōem recepit. Cruciferis fœderum non tenacibus post tredecim annorum bellum supplicibus, & iureiurando in verba sua, & posterorum suorum regum Poloniae adactis, relicta parte Prussiae pacem dedit. Valachorum palatinum bellicosissimum Stephanum, in clientelam accepit, & in cōsilio suo locum ei dedit, ac magno ei ad profligendos Turcas adiumento fuit: cum Vngaris & Bohemis vario Marte bella gessit. Filios sex, & septē filias ex Elizabetha Alberti Cæsaris filia, Ladislai Vngarorum, & Bohemorum regis sorore, fœmina honestissima, & religiosissima, suscepit. Ex his viuens Vladislaum natum maximum Bohemis Cazimirus, ac deinde Ioannem Albertum Vngaris reges dedit. Sed utroque hoc dissensione partium deserto, Vngariam quoque Vladislaus obtinuit. De quo nati Ludouicus quidem filius, bimulus viuēte patre co-

*Cazimirus rex.*

*Prussia per deditiōem Poloniæ adiuncta.*

*Cruciferi iurauerunt in verba regis Polon.*

*Valachus cliens Polon.*

*Vxor & filij eius sex, & filia septem. Vladislaus Vnga. & Bohem. rex.*

*Ludouicus rex.*



ronatus, cum ei exacta aetate mortuo, in utroque regno successisset, iuuenis admodum, Turcico bello ante unum & viginti annos apud Mohatium miserabiliter periit. Anna verò filia cum Ferdinando Casare, qui post Ludouicum apud Vngaros, & Bohemos regnat, nupta, tribus filiis præclaræ indolis, & nouem filiabus superstitionibus relictis, anno abhinc altero parturiens, diem clausit extremum. De supra memoratis verò duobus filiis Cazimiri regis, Cazimirus quidem iuuenis castissimus atque religiosissimus, in Lituania immaturam mortem obiit, non sine celebri sanctimonie fama, quam complura miracula ad sepulcrum eius edita confirmarunt. Ioannes Albertus post patrem octo, & amplius: deinde hunc secutus Alexander quinque annos regnarunt: ille quidem maximi animi, sed ante susceptum regnum, quam regnans, felicior: hic à Moschis apud Vedrusios victus, eodem apud Oposcam: Tartaros verò Tauricos apud Clecicum paucis ante mortem diebus insignibus præliis profligauit: vterque extincti properè, credo ut digniori cederent: post hos Sigismundus hic noster natus est. Hunc secutus Fridericus, sacris initiatus, Archiepiscopus Gensnen. simulq; episcopus Cracouiensis, & S. Rom. Ecclesiæ presbyter cardinalis fuit.

*Anna soror eius, & sor.*

*Ferdinandi regis Rom.*

*Eccl. Ferdin.*

*Cas. l. i. c. r.*

*Cazimirus*

*fil. Cazimiri san-*

*cti.*

*Joan. Albertus rex Polon.*

*Alexander rex Polon.*

*Fridericus cardinalis.*

*Filiarum Cazimiri desponsatio.*

Porro filiarum Cazimiri duæ immaturè mortuæ: Hedwigis Georgio duci Bauarorum, Sophia Friderico Marchioni Brandenburgensi, Anna Bogusslao Pomeranorum, Barbara Georgio Saxonum: Elizabetha verò (patre mortuo) Friderico Legnicensi, & Bregensium ducibus matrimonio iunctæ fuere: & omnem penè Germaniam affinitatibus, & pro-

& propinquitatibus illustrium virorū, & mulierū, quas enumerare perlongum esset, nobis deuinxere. Sed ad institutū nostrum reuertamur. Hoc igitur Sigismundi genus cōpluribus, quēadmodū videtis, præclaris principibus ac regibus fecundum fuit. Atque is ab ineunte primū pueritia, vna cū alijs fratribus, ab honestissima, & religiosissima matre, sanctè ac temperatè educatus, & à præceptoribus, viris eruditis, bonis, grauibus, & pijs ad virtutē in primis, & pietatem, cultumq; diuinum institutus, in literis quoq; non cōtemnendos progressus fecit: ita, vt Latine scribentes, & loquentes sine interprete intelligeret, nec incōmodè ipse ea linguā vteretur. Germanicā verò, cuius propter finitimos atq; etiā incolas Germanos, non exiguus est vsus apud nos, exactiūs didicit. Porro in diuinis Scripturis ita fuit exercitatus, vt multa inde senior meminisset: ac sæpe eas in ore haberet, nō ad scurrilem iocum, aut ad curiosam disceptationem, vt nunc improbus, ne dicā impius, mos inoleuit, sed serio, & ad moderandas actiones, vitamq; omnē: eoq; timorē Dei, iustitiam, & virtutē maximè semper præ oculis habuit. Per multū. n. refert, quib. rebus quis ab ineunte etate assuefactus fuerit. Nec scio, an ad vitam sic vel sic degendā longè plus faciat, quo modo quis à puero eductus, & institutus, quàm quo modo natus sit. Solent enim plerunque etiam bonæ, & generosæ indoles, praua, atque adeò negligentiore quoque educatione deprauari: vitiosam verò naturam sæpe bona educatio corrigit. Sic igitur educatis Sigismundus, adolescēs singulari indole, modestia, comitate, grauitate, & industria, quæ res maximè ætatem illam cōmen-

*Educatio  
Sigismundi.*

*Linguarum  
peritia.*

*Pars vsus  
sacrarum  
literarum.*

*Educatio-  
nis bona &  
utilitas.*

*Adolescētia  
Sigismundi.*



*Fauor Sigi-  
smundi apud  
Vngaros, &  
Bohemos.*

*Glogouieſis  
& Opauien-  
ſis domina-  
tus, & ſupre-  
ma præfe-  
ctura Sile-  
ſie.*

*Regna ob-  
lata, ſed non  
acceptata.*

dant, magnam ſibi non modò noſtrorū hominum, ſed etiam externorum, Vngarorū, inquam, Bohemorum, Sileſiorum, & Germanorum, cum quibus vixit, beneuolentiam adiunxit. Nam cū regnante Ioanne Alberto fratre poſt patrem, iuuenis in Vngariam ad Vuladiſlaum alterum fratrem ſe contuliſſet, ibi ea dignatione fuit, vt Vngari, & Bohemi magis eum propemodum, quàm regem ſuum reuererentur: per eum, quæ cuperent, publicè & priuatim à rege peterent: eius autoritati, & iudicio libenter ſtarent. Uſque adeò maiorem vim habet ad tenendos in officio etiam feroces homines, equitatis, grauitatis, conſtantiæ, & ſapientiæ opinio, quàm regium ſceptrum, quàm etiam carcer, bonorū conſiſcatio, proſcriptio, virgæ deniq; & ſecures. Itaque magno omnium fauore, Glogouienſem, & Opauieniſem dominatum, & ſummam vtriuſque Sileſiæ præfecturam à Vuladiſlao fratre obtinuit: adeoque carus ac venerandus fuit Sileſijs, vt hodie etiam eius imperium grata, & iucunda memoria proſequantur. Quid illud, nonne ingens eſt bonæ exiſtimationis, & beneuolentiæ hominum erga eū documentum? quòd cū regnaret iam in Polonia, à Suetijs, poſt eiectum Chriſtiernum regem, & item ab Vngaris atq; Bohemis, poſt miſerabilem Ludouici fratris filij interitum, vt illa quoq; regna ſuſciperet, expetitus eſt: Neq; deterrebat Suetios tanta terre, marisq; intercapedo, quanta à nobis diſiunguntur: ac ne Vngaros quidem, & Bohemos pacta conuenta cum Maximiliani Cæſaris liberis, aut Caroli, & Ferdinandi maximorum principum potentia, ſi Sigismundus delatum ſibi regnum ſuſcipere voluiſſet.

Apud

Apud suos verò quàm gratiosus fuerit, vel illud per- *Gratiosus*  
 magno argumento est, quòd Ioanne Alberto rege *apud Polo-*  
 mortuo, prælatus fuisset proculdubio in regno, ma- *nos.*  
 iori natu fratri Alexandro cunctorum suffragijs, nisi  
 plus publica quies atq; tranquillitas, & vetusta cum  
 Lituanis, quos iam Alexander ditione tenebat, fœ-  
 dera valuissent. Iam verò quantum ei honorẽ sum- *Amicitia,*  
 mi quiq; Principes habuerint, redite quæso mecum *& fœdus cũ*  
 paulisper in memoriam. Primum enim Maximilia- *Maximi-*  
 nus Cæsar, nō minoris animi, quàm prudentiẽ prin- *lian. Imp.*  
 ceptus, dudum hostis accerrimus, post celebrẽ illum *Viennensis*  
 congressum Viennensem, eo ipsum honore profe- *cum Casare*  
 quutus, ea caritate complexus est, vt in loco fratris *congressus.*  
 deinceps eum haberet: eius gratia fœdus cum Ba-  
 filio magno Moschorum duce ictum respueret, ac  
 non modò defenderet contra Sigismundum Cruci-  
 feros in Prussia, quos defendendos susceperat, ve-  
 rùm etiam auxilia ei contra illos, si quid noui moli-  
 rentur suo, nepotumq; suorum nomine promitte-  
 ret. Qua de re extat apud nos diploma eius.

Huius verò nepos Carolus, qui nunc latè & feli- *Amicitia*  
 citer imperat, nōne hunc Sigismundo honorem *cum Carolo*  
 habuit, vt inclytæ huic reginæ Bonæ, vxori eius con- *V. Imper.*  
 iunctissimæ, Barẽsem principatum, quem post obi-  
 tum matris eius in potestatem suam redegerat, red-  
 deret? ipsum societate sua, & aureo vellere vltro di-  
 gnaretur? sæpe honorificentissimam eius mentionẽ  
 faceret? neq; vnquam Cruciferis, & alijs Germanis  
 bellum contra eum flagitantibus indulgeret? Adest  
 hic vir clarissimus Stanislaus Lascius palatinus Sira- *Stan. La-*  
 diensis, haud ita pridem apud illum potentissimum *scius.*  
 Imperatorem legatione functus. Adsunt item viri



*Petrus Opalensis.* præstantes, Petrus Opaleniſus caſtellanus Gneſnen.  
*Stan Borgius.* Stanislaus Borgius Decanus Craconiſis, Nicola-  
*Nicol. Myſcouius.* us Myſcouius regiæ menſæ ſtructur. Vellem adſeſſet  
*Ioan. Dantiſcus epiſcopus.* etiam vir erudiſſimus Ioannes Dantiſcus, epi-  
*Amicitia cum Ferdinando rege, & Caſare.* ſcopus Varmienſis: qui omnes idem munus apud  
eundem imperatorem cum laude ſuperioribus  
temporibus obierunt. Ex his cuique licet diſcere,  
quantopere ille princeps maximus, & grauiffimus  
Sigismundum regem obſeruârit. Quid frater eius  
Ferdinandus Caſar & Rex potentiſſimus? nōne  
plurimum eum & amauit, & coluit? Nōne eius ar-  
bitrio controuerſiam ſuam cum Ioanne rege regno  
Vngarorum permiſit? Non dico, quibus verbis, &  
rebus præterea ſæpenumero idem rex quanti Sigi-  
smundum faceret declarauit. Poſſem autem non  
vano rumore accepta referre, ſed quæ cū de gra-  
uibus viris accepi, tum ipſe explorata habeo, cū  
nuper ad illum à te, rex Sigismunde Auguſte, cum  
Nicolao Radiuilo, viro illuſtri, & acuto, Lituaniæ  
ſummo Marſchalco miſſus eſſem. Ne illud quidem  
commemoro, quanto animi dolore idem nuper  
Sigismundi noſtri mortem proſequutus, quan-  
toque ſtudio pariter, & apparatu exequias ei in  
maxima principum Germaniæ celebritate feciſſe  
dicitur. Vt autem & Gallorum regem Franciſcum,  
qui anno ſuperiore deceſſit, Iulium ſecundum,  
Leonem decimum, Clementem ſeptimum: & hunc  
qui nunc præſidet, ſapientiſſimum Paulum terti-  
um, pontifices maximos præteream, quorum illu-  
ſtria habiti huic regi honoris documenta comme-  
morare poſſem: vt magnorum item & grauium  
quorundam Germaniæ principum perhonorifica  
de ipſo

de ipso elogia, quæ ipse his auribus audiui nuper, o- *Barbari Si-*  
mittam. Barbari nonne eum præ cæteris regibus, & *gismundum*  
monarchis reueriti sunt? Quo enim rege cultior, & *reueriti.*  
populosior fuit Russia, & Podolia? hoc est, quo re-  
ge quietiores fuere Tartari, prædis & acpto alioqui  
vivere soliti? Quid ego dicam de Turcis, qui felicitate  
sua elati, omnes homines atq; Gentes præ se con-  
temnunt? Annón Solimannus bellicolissimus, & *Cum Seli-*  
felicissimus eorum imperator, cum eo perpetuum *manno.*  
fœdus percussit, & religiosè coluit? negare id alijs  
postulantibus, aut ad tempus modò concedere, nec  
admodum supersticiosè servare solitus. Annón Va-  
lachis ac Tartaris vectigalibus suis, ne Sigismundi  
regis ditiones infestarent, edixit? Annón idem, huic  
etiam eius filio Sigismundo Augusto, per Petrum  
Opalenium, & Ioannem Ocessium castellanum *Ioan. Oces-*  
Bieensem, viros ornatos, pacem, & amicitiam *sus orator*  
in gratiam patris promisit? Annón eiusdem intuitu, *ad Solum a-*  
filiam eius Isabellam reginam viduam, nepo- *num Turc.*  
temque, hætenus incolumes esse barbarus tyran- *imper.*  
nus passus est? qui ne ad Valachiam quidem adspi- *Isabella re-*  
rasset, nisi eum intempestivè, ne quid aliud dicam, *gina Vngar.*  
dissensiones nostræ animassent. Quid Selimus  
Solimanni huius pater, ferox, & in patrem etiam  
suum impius, annón Sigismundi amicitiam splen-  
dida legatione olim expetiuit? Nimirum admira-  
bantur in eo cuncti virtutem, gravitatem, & con- *Regnū flo-*  
stantiam singularem: reueiebantur etiam nonni- *rens & pa-*  
hil eius felicitatem. Quis enim tot annorum spacio *catum.*  
in tâta orbis terrarum perturbatione felicius eo re-  
gnavit? quis regnum, superiorum regum infelici-  
tate diuexatum ac deformatū, aut pacatius admini-



*Reges, & duces  
inclyti.*

strauit, & retinuit, aut florentius, & opulentius reliquit? Quis tot ac tam difficilia bella, tam secunda fortuna, tantaq; celeritate confecit? Commemorantur à veteribus scriptoribus, Cyrus Persarū, Alexander Macedonum, Mithridates Pōti, Carolus Magnus Germanorum, maximi & fortunatissimi reges. Celebrantur Alcibiades, Conon, Themistocles atq; Timotheus Atheniensium: Agefilaus, Pausanias, Lyfander Lacedæmoniorum: Pelopidas, & Epaminondas Thebanorum: Hannibal, & Asdrubal Carthaginensium: Romanorū verò (vt multos omittam) Fabij, Scipiones, L. Lucullus, Gn. Pompeius, & C. Cæsar, clarissimi Duces, & Imperatores. Ne nostrorum quidem Boleslaorum, & Wladislaorum obscura est gloria. Verū illi omnes partim cum imbellibus populis rem habuerunt: partim bello felices, cæteris rebus infortunati fuerunt: partim claudibus victorias propemodum adæquarunt: partim etiā aliquousq; à fortuna euecti, in medio cursu destituti, & ad extremum sæuis eiusdem procellis obruti sunt. At Sigismundum nostrum ab initio ad finē vsq; secūdo flatu fortuna profecuta est. Cum quibus verò bella is gessit? Nempe cum potentissimis Moschis, ferocissimis Tartaris, acerrimis Valachis; fortissimis Germanis, cum Turcis deniq; vel ipsa victoriarum perpetuitate formidabilibus. Quarum gentium validos exercitus, vel insignibus prælijs vicit, & profligauit, atq; adeò deleuit etiam, vel castris exiit, vel deniq; regiones earum impune vastauit: quasdā etiam domuit. Atque, vt à Tartaris, perpetuis nostris hostibus incipiam: horum quidem nō contemnendos tres exercitus apud Sluscum tribus prælijs duce

Con-

*Comparatio  
Sigismundi  
cum clariss.  
principib.  
Bella Sigismundi.*

*Victi ab eo  
Tartari di-  
uersis præ-  
lijs.*

Constantino Ostrogio, principe omnium seculorum memoria dignissimo, ad internecionem penè cæcidit. Deinde apud Vîsnoueciam vigintiquatuor millia, cum se per Ruffiâ populabunda diffudissent, sexies fusa leuibus, & particularibus prælijs, ad extremum tota acie in abeuntés factò impetu, Nicolao Camenecio palatino Cracouiensi, & eodem Constantino, ducibus profligauit, cum nostri sex millium equitum numerum nō excederent, de quibus vix centum eo prælio desiderati sunt. Hostium verò multò minor pars pernici fugæ euasit. In Valachia quoq; ante multos annos à Bogdano Palatino, huius regis auspicijs, & armis iisdem hostes graui prælio victi sunt. Ne illæ quidem victoriæ sunt, quæ apud Voronouiam Ioanne Camenecio, apud Buscū Stanislao Lanſcoronio, apud Zincouiam arcem Iacobo Sencignouio, atq; iterum palatino Kiouiensi, in Volinia Constantino, & Ostaphæo ter, apud Ossacouiā hostilem arcem eodem Ostaphæo, & Prædislao Lanſcoronio Ducibus, & quæ in Podolia Trebinijs, quæque apud Camenecia, & Vereſtatincium pagum, & compluribus alijs in locis Nicolai Senauij viri fortis, & magnanimi, qui nunc palatinus Belſensis est, ductu, & fratrum eius Alexandri, & Procopij, ac Bernardi Præſficijs Sileſij opera partæ sunt. Nam leuiora cum his apud Trebouliam, Podhaciā, Medibozum, & multis alijs in locis prosperè item gesta certamina, ſciens, volensque prætereo, ne ſim longior. Tot enim ferè sunt, quot excuſiones ea gens rapaciſſima, & famelica, & vel è flamma, quod dicitur cibum petere ſolita, in ditiones eius ipſo regnante fecit: perrarè enim impune id

*Constantinus Ostrogus dux.*

*Nicolaus Camenecius.*

*Valachi Scitæ.*

*Ioannes Camenecius.*

*Stan. Lanſcoronius.*

*Iacobus Sencignouus.*

*Ostaphæus.*

*Prædislaus.*

*Lanſcoronius.*

*Nicolaus Senauus.*

*Bernard.*

*Præſficius.*



abstulit. Quid illa apud Caniouiam in Lituania ante vnum & viginti annos, nōne omnibus seculis est memorabilis victoria, qua viginti sex millia Tartarorum eodem illo Constantino duce parua manu profligata sunt?

*Bella cum  
Turci gesta.*

Cum Turcis nullum hic rex apertè bellum gessit: sed tamen aduersus eos, cū vel Tartaris intermixti è Podolia prædas agerent, vel Valachis opem ferrent, vel denique nostros circum Bialogrodum, quod & Moncastrum vocant, populabundos insequerentur, cū ab alijs, tum à Prædi-

*Præd. Lasc.*

slao Lancoronix regis huius auspicijs prosperè dimicatum est. Bis contra eisdem in Vngariam Ludouico regi missa auxilia. quo quidem vtroque tempore, vtinam prius quidem viro illustri, & incomparabili Ioanni Tarnouio, earum copiarum ductori: posterius verò Gnoinio obtemperatum esset.

*Ioann. Tarnouius comes.  
Tarnouij laus.*

Vterque Turcica arma, viresque periclitatus erat in Podolia: cū illi inde, irritati à nostris, aliquoties prædas egissent. Sed magis comes Tarnouius, cuius præclara virtus enituit, quo tempore Turcæ ad tredecim millia, Podoliam, & Russiam ad Leopolum vsque & fines Vngariæ ferro, ignique vastantes, tria millia, plus minùs de suis, particulatibus aliquot prælijs fusi, amisere. Quod si idem robur animi fuisset in eo, penes, quem tunc erat militare imperium, potuerat exercitus ille cunctus deleri. Taceo duodecim millia Turcarum in Austria, ante quindecim (nisi fallor) annos, nostratum trium millium opera, & virtute in primis penè ad internecionem deleta. Nam ij tunc, quamuis Sigismundo regnante, tamen non publicè, neque Sigismundi auspicijs, sed

sed Caroli Cæsaris, & Germanorum stipendijs militarunt. Iam Valachos dolis atque artibus vlratis fretos, & clade nostrorum Ioanne Alberto regnante apud Bucophinam siluam accepta, Turcarumque ac Tartarorum auxilijs iumentes, quanta non modò felicitate, verùm etiam celeritate vicit, ac domuit: cæsisque eorum copijs, vastatis longè, lateque agris, senatu penè omni capto, Bogdanum regulum gentis, quem Voieuodam, & Palatinum vocant, restituentem prædam, quam paulò antè in Russia cœperat, in verba sua iurare cœgit: & amissam maiorum suorum culpa Pocutiam ab eo recepit. Nostra verò memoria, cùm Petrus palatinus rebellasset, Pocutiamque rursus inuasisset, primùm sex millia hostium apud Guosdeciam arcem, ac mox viginti duo millia apud Obertinum pagum vix à quatuor millibus nostrorum, duce hoc Ioanne comite Tarnouio viro clarissimo, & primario bellatore, insigni, & inopinata clade profligata sunt, erepta cum bombardis cætera impedimenta, Palatinus ipse saucius vix fuga euasit. Ne cramen ad officium redijt, donec postea in arce Chocimensi obsessus, & ad extrema redactus, solenne vnà cum proceribus, & cuncta nobilitate sua regi iusiurandum dedit. Porro cum Germanis Prusliam sibi vendicantibus, quo tempore tu Sigismunde Auguste natus es, bellatum quidem variè, sed nunquam, nisi prosperè à nostris dimicatum est. Népe apud Prusmarcū, Zeburgā, Gute stadiam, Brunsbergam, Reslam, & Rastemburgum, à Iacobo Sencignouio: apud Pissiam à Stanislao Massouio-

*Bogdanus  
Valachus  
victus.*

*Petrus Va-  
lachus du-  
ctu Tarno-  
uij victus.*

*Bella cum  
Cruciferis  
Tenthoni-  
cis gestam  
Prussia.*

*Iacobus Sen-  
cignouius.*



*Lanscoron.  
Ioan. Za-  
remba.  
Alexander  
Ilouius.*

rum duce: in sinu Varmienſi, ſiue Habo lacu nauali prælio à Gedanenſibus, bis apud Bartenſteinam, ſæpiùs à Prædiſlao Lanſcoronio, & Ioanne Zaremba palatino Califfienſi multis in locis: apud Heiliſbergam ab Alexandro Ilouio, Gdani, & Elbinge, cùm eas vrbes adorti eſſent, à ciuibus fuſi, & proſtigati: ad extremum tot cladibus, & inedia, vigilijs, & iugi noſtrorum equitum vexatione fracti, & ad paucos reducti, Pruſſia exceſſere.

*Victoria de  
Moſchis par-  
te.  
Ioannes Bo-  
ratinius.*

Quid ego de Moſchis loquar? qui vel præcipuam gloriæ, & victoriarum materiam huic regi præbuere? Apud Poloſcum, olim quidem ſeptem millia hoſtium à Ioanne Boratino, viro acri, & animoſo, interfecta: deinde verò tredecimo abhinc anno, cùm ij Lituaniam non ampliùs decem & octo milliarijs à Vilna metropoli, hyberna excuſſione depopulati, reuerterentur, mille extremi agminis, quos ſolos Lituanæ nobilitas cum aulico regis comitatu, tumultuariè accurrens, aſſequi potuit, trucidati. Superiore etiam quodam tempore in interiore Lituania prædabundi, magnum ſuorum numerum, & prædam, quam abigebant, Lituaniſequentibus, amiſere. Iam apud Starodubum Radogoſtiam, & apud Smolenſcum aliquoties ante tredecim annos, ductu Georgij Radiuili caſtellani Vilnenſis, non ſine magnis cladibus proſtigati: apud Orſam verò cùm primum Sigismūduſ regnare cœpiſſet, ne expectare quidem noſtros, dum Boryſthenem tranarent, ſuſtinuere, experti vim eorum in vna, & altera turma, quæ primo impetu incredibili audacia traiecerant: verum dilapſi, cùm vaſtari ſua ultra Veſmam etiam atque Drohobuſum cernerent, denuo coadunati ad centum

*Georgius  
Radiuilius.*

tum millia, ne adoriri quidē ter mille nostros mer-  
cenarios milites cum paucis Lituanis longiūs à ca-  
stris regijs ad Smolenskum positos progressos, ausi  
sunt. Magnis verò incommodis affecti, Mosiro, Tu-  
rouio, & alijs quibuldā munitionibus, quas dudum  
Michael Glinscius ad eos perfugiens interceperat,  
redditis, commutatisque captiuis quinquaginta no-  
biliores ac senatorij ordinis, quos de Lituanis A-  
lexandro rege victo apud Vedrusios ceperant, pa-  
cem accepere. Nec maiore ij fuere fiducia longē  
post, cū Radogostiam, ac deinde Ioanne Tarno-  
uio nostros ducente, Homiam & Starodubum ar-  
ces à nostris partim viciatā, partim in ditionem  
acceptas amisere. Et Starodubum quidem, cū am-  
plius quindecim millibus armatorum, qui fuerunt  
in eius arcis præsidio: qui soli nostrorum numerum  
longē superabant, virtute per paucorum militum  
nostrorum, & sulphurati pulueris, ignisque adiu-  
mento expugnatum, & euersum. Neq; verò ij tan-  
to temporis, hoc est, plus quā viginti annorum in-  
teruallo, quantum inter Orsensē pugnam, de qua  
iam dicam, & hoc extremum Starodubense bellum  
intercessit, abiectos semel spiritus recipere potue-  
re. Orsensē verò illam celeberrimam, & cum om-  
nibus ferē omnium gentium atq; seculorum vi-  
ctorijs comparandam victoriam, quid hīc pluribus  
commemorare attinet? Eadem opera soli lumen  
addere. Quis enim est, qui nesciat, illo prælio, Con-  
stantino Ostrogio principe, & Ioanne Suirzouio  
ducibus, octoginta millia Moschorum bellatorum,  
qui omnem nostrum exercitum nō modò protere-  
re posse videbatur, verū etiam Botysthenem tra-

*Orsensis de  
Moschis me-  
morabilis  
victoria.*

*Ioannes  
Suirzouius*



*Basilium  
Moschoni-  
tarum prin-  
ceps.*

nare passi, pecudum in modum flagris abigere in Moschouiam destinarant, ingenti strage interfecta esse ita vt desideratorum numerus ad quadraginta ferè millia peruenisse, vel certè duo & triginta millia superasse dicatur? Ductores eius exercitus, viros illustres, omnemque senatum gentis, & supra quater mille captiuos viuos in potestatem venisse, direpta castra opulentissima: ducè ipsum Basilium bellatorem exercitatum, & contra Tartaros, & alias gentes finitimas victoriosum vsque ad regiam suam Mosquam profugisse: atq; ibi ampliùs centum, & viginti miliaribus bene longis à loco conflictus, tamen vix tutò se subsistere posse credidisse. Tantus verò tunc pauor Moschorum animos occuparat, vt Smolenscum, Seueriense Nouogrodum, & complures alias munitiones, quæ ferè fraude, & perfidia Russorum, partim hoc ipso rege regnante, partim superioribus temporibus in potestatem hostium venerant, desertas tunc ac vacuas defensoribus, nullo negotio recuperare nostri potuerint, si prosequi statim victoriam per tempus anni quieuisent. Atque hæc quidem sunt bellica huius regis decora præcipua (nam leuiora multa prætereo, ne anxie & minutatim cuncta exquirere, & persequi videar) quæ quidem hoc sunt admirabiliora, quò magis inopinata: vtpotè in summa ærarij inopia, & pleraque omnia longè imparibus viribus gesta: ita, vt bene cum nostris agi videretur, quoties non plus duplo hostium multitudo excederet. Hastot ac tantas victorias, tanta imparitate copiarum quæ sitas, nihil mirum est (vt est rerum humanarum conditio varia, & instabilis) si quæ clades interpolarunt. Sed quot-

*Clades pau-  
ca & parua  
in tot bellis.*

nam,

nám, & quantula sunt ea? Vna apud Socalum à Tartaris, temeritate Russicæ nobilitatis accepta, vbi quatuor fortasse millia nostrorum à quadraginta millibus Tartarorum loci opportunitate vsorum, defatigata veriùs, quàm superata, non incruentam hostibus victoriam concessêre. Nostri mille ducenti desiderati, barbarorum verò cæsa quatuor millia. Itaque raptim ij cum præda, quamuis victores retrocêssêre. Altera apud Serethum amnem, cum perpauci nostri in hostico palantes, à Valachis circumfusis oppressi sunt: vbi tamen non plures, ducentis nostris periêre. Nam eum peruastata longe, lateque circum Pescouiam, siue Plescouiam Moschonia, ab oppugnatione Oposcê à valido hostium præsidio reiecti sumus, ignominia illa veriùs, quàm clades fuit, ductorum inciticia, & incuria (nolo dicere ignauia) accepta. Amissa verò magna pars Albæ, Russiæ Michaelis Glinfcij, hominis ambitiosi, & Alexandri regis gratia inflati, prodicioni, & Russorum atque prædiorum militum perfidiæ imputanda est. Porro apud Ozacouiam, cum vir in primis strenuus, Nicolaus Senavius eò vsque cum mille (opinor) equitibus priuato consilio populabundus excurrisset, priuata illa, non publica clades fuit, crudelitate eius, & perfidia Tartarorum contracta. Hæ sunt vniuersæ clades, quas Sigismundo regnante accepimus, quæ omnes vna aliqua ex his, quas superius percurrimus, victorijs abudè expiatæ & compensatæ sunt: nec scio, an quasi næuuli quidam formosum corpus, vel nubeculæ meridianum solem, tot illas clarissimas victorias illustriores reddidêre. Bellone autem tantùm clarus, an etiam pace Sigis-

*Michael  
Glinfcij.*

*Nicolaus  
Senavius.*

*Pace sua  
dicitur.*



*Splendor, &  
elegantia  
Polonorum.*

*Leges.  
Arces in-  
staurata, &  
templa.*

*Urbes opu-  
lentie sub Si-  
gismundo.  
Thesauri  
regis.*

*Zatoria, &  
Massouia  
recuperata.*

*Prussia, &  
Pomerani  
in clientelā  
accepti.*

mundus fuit? imò verò pace, quam semper expeti-  
uit, clarissimus. Testantur id tantæ opes & faculta-  
tes hominum nostrorum, tam opulenta cùm ex-  
ternis commercia, tantus splendor, ne dicam luxus,  
tanta elegantia cùm in ædificijs, & victu, cultuque  
corporis, tum in sermone, & moribus, quanta nun-  
quam ante hunc regem in Polonia fuit. Loquuntur  
leges diligentius aliquanto conscriptæ, clamant tot  
arces instauratæ, tot exornata templa Dei Opt. Max.  
tam splendide, & magnificè ex ædificata publicis iu-  
xta ac priuatis ædificijs Cracouia, Posnania, Leop-  
olis Varsovia, Lublinum, Gdanum & aliæ quædam vr-  
bes atque emporia: tam denique culta, & habitata  
Russia, Prussia, Lituania, & Podolia, quæ regiones  
antea syluestres, & incultæ, aut superiorum tempo-  
rum conditione desertæ magna ex parte iacuerant.  
Quid ego priuatos Sigismundi thesauros, & ærari-  
um sine vlla cuiusquam iniuria, in extremos Reip.  
usus asseruatum? quid tot ac tantas possessiones à  
maioribus eius oppigneratas, ab hoc verò redem-  
ptas, commemorem? Hæc eo sunt maiora, & magis  
honorifica, quò fœdus fuit ac deformius, quosdam  
ante eum reges quotidianis quoque sumptibus in-  
terdum defectos esse. Iam verò non minima est &  
illa felicitatis accessio, quòd eo regnante Zatorien-  
sis ditio, & Massouia post quadringentesimum ferè  
annum ad corpus, & compagem Poloniæ rediue-  
runt: Prussia recusatum diu, & aliquoties excussum  
iugum accepit: Pomerani Stolpenses ad intermis-  
sam aliquandiu huius regni societatem, & cliente-  
lam, iureiurando adacti, reuenère: in qua tamē no-  
stra conniuentia nō diu permansere. Porro in com-  
memo-

memorandis coniugijs, & liberis, quæ non exigua *Coniugia.*  
 felicitatis humanæ pars est, diutius me immorari  
 necesse nō est. Permulti sunt in hoc cœtu, qui prio-  
 rem eius vxorem, Barbaram, Stephani comitis Sce- *Barbara*  
 pusienſis, ac Transylvanienſium palatini, cuius du- *Exorrela-*  
 ctu nonnunquam cum Turcis Vngari fortiter di- *ſiſſ.*  
 micarunt, filiam, Ioannis poſtea regis Vngarorum  
 ſororem, ſceminam ſanctiſſimam, & pientiſſimam,  
 nouerunt: quæ quidem maximam illam Orleſem  
 de Moſchis victoriam aſſiduis diurnis ac nocturnis  
 precibus, cum lacrymis, & profuſa in egenos bene-  
 ficentia, aſperioreq; cultu corporis, & ieiunio con-  
 iunctis, à Deo impetraſſe exiſtimata eſt. Quæ quàm  
 coniunctè cum viro vixerit, magno & longo mœ-  
 rore, & vberi fletu, ac penè muliebri eiulatu poſt  
 mortem eius indulgentiſſimus rex teſtatus eſt. Hac  
 in maturè intra tertium annum amiſſa, alteram ſua-  
 ſu Maximiliani Cæſaris duxit, Bonam Sphortiam, *Alteræ Exor*  
 Ioannis Galeatij Sphortie Mediolanenſium ducis *Bona Sphor*  
 & Iſabellæ Arragoniæ filiam: cuius auus maternus, *tia.*  
 Alphonſus eius nominis ſecundus, Neapolitano- *Alphonſus*  
 rum rex, & ſtirpis Arragoniorum ac Siculorum re- *rex Arra-*  
 gum, de qua Carolus quoque, & Ferdinandus ſum- *gonum.*  
 mi monarchæ maternum genus ducunt, antiqui-  
 tate, & ſua virtute fuit clariffimus. Paternus verò  
 proauus Franciſcus Sphortia, Sportiæ, qui primus *Franciſcus*  
 eam familiam rebus magnis geſtis fundauit, filius, *Sphortia*  
 cum plurima, & grauiſſima bella cū maximis prin- *dux Medio-*  
 cipibus, potentiſſimis populis, & præſtantiſſimis bel- *lani.*  
 latoribus per omnem Italiam proſperè geſſiſſet,  
 nominisq; ſui ac terrore eam impleſſet, à Philip-  
 po Maria Mediolanenſium duce, Blancæ Mariæ fi-



*Bona regi-  
na fides &  
obsequium.  
Sigismundus  
plurimum  
indulgit Bo-  
na.*

*Hedwigis  
filia.  
Quatuor fi-  
lia Sigism.  
è Bona.*

*Isabella re-  
gina Vnga-  
ria.*

*Filius Sig.  
Augustus  
puer coro-  
natus.*

lia coniugio, dotaliq̃ue Mediolanensium principa-  
tu dignatus est. Hoc igitur tali genere prognatam  
Bonam, alteram vxorem Sigismundus rex acce-  
pit. De qua, quoniam præsens adest, graui dolore,  
& mœrore amissi dulcissimi mariti, quemadmo-  
dum cernitis prostrata, nihil dicam amplius, nisi  
quod triginta ferme annos cum eo nupta, tanti ea  
fecit maritum regem, vt his extremis aliquot an-  
nis agrotantem, & viribus planè destitutum, non  
coniugali caritate, sed ancillari planè ministerio  
sine omni fastidio curaret. Quo factum est, vt plu-  
rimùm ei vicissim rex amantissimus indulgeret. Ha-  
rum verò duarum vxorum è Barbara quidem He-  
duigim filiam susceptam, fœminam lectissimam,  
Ioachimo Marchioni Brandenburgensi, Electori  
Roman. imperij, matrimonio iunxit, & nepotibus  
ex ea viuens adhuc auctus est. E Bona verò maximã  
natu filiam Isabellam, fœminam excelsò & regio  
animo præditam, Ioanni regi Vngarorum affini  
iam prius suo nuptui tradidit: nepotemq̃ue ex ea,  
quemadmodum fertur, indole puerum suscepit:  
quæ mulier complures iam annos post mariti mor-  
tem in præcipua laceri, & afflicti regni parte regnat.  
Reliquas verò tres, Sophiam, Annam, & Cathari-  
nam, virgines spectatissimas, magnorumq̃ue re-  
gum connubijs dignas, quas hic dolore immaturè  
amissi patris miserabiliter lamentantes, & humi ab-  
iectas videtis, elocari ipsi, ita vt optabat, datum non  
est. Filius verò vnicus hic Sigismundus Augustus,  
puer etiam dum decimum agens annum paterno  
regno, ipsius opera, studioq̃ue ante decem & octo  
annos inauguratus, post iuuenis factus, vxorem ac-  
cepit

cepit voluntate patris, Elizabetham, Ferdinãdi Cæsaris, & Vngarorum, ac Bohemorum regis filiam natu maximam. In quã muliere genus cum forma, forma cum comitate, & mansuetudine, hæc cum probitate: probitas denique cum pietate (quæ ipsi patria virtus fuit) certabat, ita vt nescires, quid in ea potissimum admirareris. Quæ utinam vixisset diutius, & editis socero optatis ac sui similibus nepotibus, felicitatem eius perfecisset, tranquillitatemq; huius regni stabilivisset. Sed non merchantur hæc, opinor, nostra scelera. Nunc ad Sigismundũ redeo. Nonne igitur hoc singularis cuiusdam felicitatis fuit, rege patre, patruo, auoque: matre verò Cæsaris filia, & magni regis sorore ortum esse: tres fratres, & vnus ex his filium, reges vidisse: regem & ipsum supra vnum & quadraginta annos tranquille, feliciterque regnasse? Summis principibus venerabilem, hostibus formidabilem, ceteris admirabilem fuisse? regnum legibus, opibus, ædificijs, humanitate, elegantia, & gloria longè florentius, quàm acceperat, reliquisse? Filiam reginam, alteram verò regina non inferiorem, & ex his nepotes & neptes habuisse? Filium denique regem secum, & post se fecisse? morientem, permagnum sui desiderium bonis omnibus reliquisse? Nonne hæc (inquam) ei præclarissima, & longæ posteritati memorabilia in hac vita contigerunt? Arque hæc tamen pleraque omnia externa sunt bona, in quibus fortuna plurimum sibi vendicat: sed ab eo tamen ratione & consilio moderata sunt. Quid ego nunc formam, & staturam eius, robur cuiusvis honesti laboris patiens, dignitatem oris, dignamque, vt ait Poëta summus

*Eliz. ab arch  
prima Sigis.  
Aug. Sxor.*

*Eliz. ab archa  
lana.*

*Nobilitas  
Sig. regis &  
felicitas.*

*Bona. corporis  
forma.*



Imperio faciem, depingam? Quod si facere maximè velim, non possum. Priùs enim ferè hæc in eo ætate ingrauescente marcescere cœperunt, quàm ego in hanc lucem prodij: sed tamen permanferunt in eo etiam affectatam ætate, non obscura earum rerum vestigia. Roboris verò, & virium eius argumenta, fractæ inter manus nō semel florentiore ætate ferreæ equorum soleæ, rupti funes canapei crassiores, intente manu balistæ, discerpti lusoriarū chartarum fasciculi, à maioribus natu, qui hæc fieri ab eo viderunt, prædicatur. Atq; hæc leuiora fortasse cuiquam videantur. Illa quidem nō in postrema bonorū parte numeranda sunt, sanitas, quæ ipsi perpetua ferè ante extremam senectutem fuit: integritas, & solida compago membrorum, quæ afflictas morbo vires facilè recuperabat: vigor sensuum, qui ad extremum vsque eum non destituit: firma, melioribus præsertim annis, memoria: denique acumen ingenij, quo fratres, maioresq; suos longo interuallo antecituit. Sed & hæc omnia, vt sint magis propria hominis, quàm illa superiora, tamen ad corpus ferè, quæ deterior pars hominis est, pertinet, nec magna laude, & admiratione digna sunt, quippe cum quibus nascamur, quæque in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastinis, & baiulis: denique bono viro cum improbis sint communia. Tametsi ne mutæ quidem pecudes, penitus horum bonorum expertes sunt, quin pleraque in illis, quàm in nobis, maiora, & illustriora spectantur. Viribus quidem ab vrsis & leonibus, agilitate à cervis, & bisontibus, longauitate ab ijsdem cervis, specie

fortaf-

*Robur, &  
Vires.*

*Sanitas.*

*Ingenium.*

*Vigor sensuum in quibusdam pecudibus.*

fortassis ab equis & pavonibus, sanitate à piscibus, sensuum vigore à lyncibus, aquilis, canibus, vulturibus: industria, & ingenio quodāmodo ab elephantibus, vulpibus, & apibus: sic alijs rebus ab alijs fortasse superamur. Cæterum in animo vera hominis, & propria laus est. Corpus enim partim instrumentum, partim domicilium, partim etiam carcerem, & ergastulum animi, sapientissimi homines esse voluerūt: animum ferè hominis appellatione dignati sunt. Qui verò mollissimè senserunt, partem quidem hominis, sed longè deteriorē corpus dixerunt: in animo omnem hominis excellentiam, & principatum collocarunt. Quocirca his, quæ externa, quæque corporis bona dicuntur, ita obiter transcursis, ad eas, quæ sunt propriæ hominis, atq; adeò magni & excellentis principis laudes, transeamus. Quas dum, quanta maximè breuitate poterimus, persequemur, quæso, vt benignè, & attente, quod fecistis adhuc audiatis. Virtutem, summam animi, atq; adeò hominis perfectionem, quicumq; rectè philosophati sunt, dixerunt, eiusque virtutis prudentiam, fortitudinem, temperantiam, atque iustitiam. quatuor partes, & quasi fontes quosdam, vnde officium, & omnis honesta & laude digna actio manaret, esse voluerunt. Quanam ergo ex his in hoc præstantissimo rege desiderata est? Prudentiane? quæ ex præteritis & præsentibus, ea quæ deinceps euertura sint, colligit: causas rerum videt, rectè de rebus iudicat, sibi, suisq; in longum prospicit, impendentia mala sapienter auertit: at ea summa & admirabilis in eo fuit. Argumento est; bene & cum approbatione cunctorum, quoad ei per ætatem, atq; morbum licuit,

*Bona animi.*

*Laus propria hominis est in bonis animi.*

*Virtus, & eius partes. Laus Sigis. à virtutibus.*

*Prudentia.*



*Gentes &  
leges variae.*

administrata, & inter tot vndique imminentes hostes per tot annos incolumis conseruata Respublica. Nam quis sapientius eo, siue ex legibus, & moribus nostris, siue ex æquo & bono ius dixit? Nihil eum varietas legū atq; morum, quibus alijs equestris ordo, alijs oppidani, alijs agrestes, deinde diuersis Poloni, Lituani, Massouij, Prussi, Silesijq; vtuntur: nihil diuersa, & pugnantia nonnunquam senatorum iudicia, quò minùs ius suum cuiq; tribueret, perturbarent. Accidit interdum, vt post dictas à senatu sententias, vltima ipsius, ab omnibus diuersa, & tamen omnium esset æquissima. Porro in consilijs de Republica, nihil temerè, & inconsultè faciebat, cuncta ad publicam, non partis, aut ordinis huius, vel illius, sed omnium vtilitatem referens, fortunę quàm minimum sese, suaq; permittens: ac tuta consilia lubentiùs, quàm callida, & periculosa semper secutus. Bella, in quibus fortuna plurimùm dominatur, nunquam appetiuit: nec nisi necessariò, & graui iniuria prouocatus, suscepit, & ita quidem, vt ab illa comici Poëtæ sententia non discederet: Omnia priùs experiri, quàm armis, sapientem decet. Itaque à quietis consilijs nunquam, ne inter media quidem arma, & rebus ad nutum fluentibus, abhorruit. Regna à Suetijs, Vngaris, & Bohemis (quemadmodum superiùs dixi) delata recusauit, ne se, patriamq; suam nouis, & periculosiss bellis implicaret. Valachos subingere, siue ad eò exterminare, obrupta crebrò fœdera cum posset, noluit: ne vel illi desperatione adducti, Turcis sese dederent, vel redacta in prouincię formam Valachia, & amoto quasi obice, ipse difficillimum cum potentissimis Turcarum

tyran-

*Consilia  
quæta.*

*Regna obla-  
ta repudia-  
ta.*

*Valachia cur  
non subacta.*

*Bellum con-  
tra Turcas  
cur deuota-  
uit.*

tyrannis bellum de finibus gerere cogeretur. Non quòd à pia contra barbaros ac deuotos Christiani nominis hostes expeditione penitus abhorreret: sed quòd suas, illorumque vires iusta lance metiretur. Sic enim iudicabat, neque suum esse, neque vnius planè cuiusquam principis, tam validum hostem, qui Asiæ, Aphricæ, Europæque magnam partem ditione teneret, florentissimum Graciæ imperium euertisset, Caramannos, Cilicas, Syros, Ægyptios, & nescio quas prætereagentes vna astate subiugasset, deniq; latissimè dominantem Persarum regi grauis esset, debellare. Coniungenda esse Christianis principibus arma, si hostem illum à ceruicibus suis vellent depellere.

Cùm ergo animaduerneret, cæteros principes feralibus odijs inter se digladiari, ac totum penè orbem Christianum plus, quàm ciuilibus bellis arde-  
re, omni honesta ratione semper Turcicum bellum declinauit: & Ludouico, fratris filio, Vngarorum, & Bohemorum regi sedulò idem suasit: qui iuuenis si patruum, quàm ferociorum quorundam consiliarium suorum, consilij sobtemperare maluisset, oblatamq; à Turcis pacem accepisset, seu verius ipsis expetitam dedisset, viueret fortassis adhuc, neq; minutissimum Christianorum regnorum propugnaculum Vngariam secum vnà perdidisset. Hæc sanè fuit causa, cur apud pientissimum, & Christianissimum regem Sigismundum nihil valuerunt Iulij secundum, Leonis decimi, Adriani sexti, & Clementis septimi pontificum maximorum preces, & exhortationes, ad suscipiendum contra Turcas bellum incitantium.

*Diffuasor  
belli Turci-  
ci.*

*Consilium  
Sigismundi  
à Ludouico  
rege Vngar.  
neglectum.*

*Pontificum  
exhortatio-  
nes ad bellum  
Turcicum.*



*Bellum Tur-  
cis cōmuni  
regum con-  
silio, & ope  
inferendum.  
Baiazetes  
pacem peti-  
uit à Sigi-  
smundo.*

Optabat quidem sapientissimus rex tempus il-  
lud, cū Christiani principes restinctis intestinis  
bellis, reconciliatisq; inter se animis, ad inferendum  
Turcis bellum conspirarent: plurimumq; in id ope-  
ræ, laboris, & sumptuum impendit, siue quādo cum  
Maximiliano Cæsare congressus est: siue cum missis  
non semel ad dissidentes principes, & ad Pontifices  
maximos, veluti præsides, & moderatores Reip.  
Christianæ legationibus, accuratè ac diligenter ea  
de re egit. Et cū initio nonnulla eius rei spes ei af-  
fuisset, non nisi annuas inducias Baiazeti, Soliman-  
ni huius auctoris, petenti dare voluit. Ea verò spe fru-  
stratus, sæpe diuinavit, nūquam id se viuente euen-  
turum esse, vt Christiani principes aduersus com-  
munem illum hostem vires coniungerent. Intelli-  
gebat enim, quousq; nonnullarum nationū mutua  
inter ipsas odia processissent: nec de fore Turcis,  
quos à cæterorum consensu, ad impediendos pios  
conatus, auellerent. Quid illud? cum principes Chri-  
stiani complures, quos nominare necesse non est,  
sub Clemente Pontifice, in suum fœdus, contra Ca-  
rolum Cæsarem, partim inuidia felicitatis eius,  
partim potentiæ metu initum, pertrahere eum non  
potuerunt? Aut cū nuper primarij Germaniæ prin-  
cipes, affines ferè ipsius, & præpotens illa tot opu-  
lentorum populorum contra eundem Imperatorem,  
& fratrem eius conspiratio, pellicere eum in socie-  
tatem suam nequiuit? ne eatenus quidem, vt vel pe-  
cuniæ non nihil mutuò daret affinibus, & cognatis,  
vel conatus illos tacitè approbaret, vel denique, ne  
suos homines stipendijs eorum militare prohibe-  
ret? Cuius tamen rei non leuē ei excusationem  
dabant

*Bellum con-  
tra Carolū  
Imp. semper  
dissuasum.  
Smalcaldē-  
se fœdus.*

dabāt apud Cēsaress, libertas & instituta nostra. Non modò autē nihil eorū fecit, sed etiam dissuadere conatus illos, & pacificatorem sese interponere conatus est. Atque utinam ei obsecundatum esset: non tam vasta quibusdam locis, neque tam exhausta passim esset pecunijs iuxta ac viris Germania: & liberi adhuc principes quidam retinerent dominatus suos amplissimos. Sed fortasse sic Deo visum, ut fastum, & contumaciam, prætextu libertatis Evangelicæ, contra sanctissimas leges, & instituta maiorum, contra antiquissimum vniuersi Christiani orbis consensum, & cōtra legitimos magistratus suos impie sese efferentem, retunderet. Cū igitur hæc vel faceret, vel recusaret optimus rex Sigismundus, nōne magna fuit illa eius prudentia, cum fide amicitiae, & constantia coniuncta? Quid? cum Ioanni regi, bis affini suo, ne regnum Vngarorum Ferdinando Maximiliani nepoti iam prius destinatum, susciperet, dissuadere frustra studuit? aut cū ei profugo exilij quidem locū apud se indulset, ut aliquid necessitudini, & calamitati eius tamen daret: auxilia verò contra eundem Ferdinandum negauit? aut cū pacem inter eos componere magna cura instituit? Cernebat nimirum sapientissimus princeps à longè, quantum mali intempestiua illa Ioannis ambitio Vngaris aduectura, quantisque malis, & calamitatibus non modò florentissimum illud regnum, verū etiam finitimas ei regiones inuoluturum esset bellum illud inter duos de regno conflatum. Iam in reuocandis ad officium Gdanensibus quodam furore multitudinis ad rebellionem concitatis, & in eiiciendis è Prussia Cruciferis Marianis

*Clades Lig-  
Smalcaldica.*

*Germanorum contumacia prætextu libertatis Evangelicæ.*

*Erga Ioann. regem Vng. quomodo se gesserit.*

*Intempestiua Ioannis ambitio ad regnum.*

*Gdanum pacatum. Cruciferi eieci è Prussia.*



tam cupidis, tamque contumacibus, ut nunquam ab eis Polonia, & Lituania quiete esse possent, annon magno & exquisito consilio usus est? Ne illud quidem eius consilium sapientia vacauit, quo, cum hinc à Moschis graui bello distineretur, inde Cruciferi non leuius bellum ei ostentarent: Maximilianus verò Cæsar, insensus ipsi adhuc, & hos, & omnes, quoscunque posset, in eum, & in perniciem Polonorum concitaret: Tartaris donatium, siue stipendium constituit, non modò ut ab assiduè eorum incursionibus ditiones suas, alijs quemadmodum dixi, bellis impeditas, liberaret, verum etiam, ut eorum opera in vexandis ac distinendis Moschis, & alijs hostibus suis, paruo redempta vteretur. Quare tantum profecit, ut & Moschos ad petendam pacem adigeret: & tam culta & habitata sit, quàm nunquam sub fratribus, patre & patruo eius fuit, Podolia. Quàm solidum verò fuit eius iudicium in mandandis honoribus, & magistratibus, & in allegendis in senatum viris idoneis, quoties id ei arbitrio suo facere per quosdam importuniores, quibus impensius indulgebat, licuit? Atque hoc id admirabilius est, quod difficile est non peccare in hac parte maximis quibusque regibus, & principibus, propterea quòd alienis ferè & oculis cernunt, & auribus audiunt. Iam peculiaris illa eius in omnibus dictis & factis cunctatio, ne ipsa quidem sua commendatione caret. Nimirum sapientis est, nihil temerè, nihil præcipitanter, sed omnia consultè ac deliberatè agere. Sic enim caueamus, ne cuius nos dicti aut facti vnquam pœniteat. Itaque celebratur etiamnum literarum monumen-

tis,

*Stipendium  
Tartaris  
pensioner da-  
tum.*

*Iudici in  
in distribu-  
endis hono-  
ribus, & ma-  
gistratibus.*

tis, non ignobilis populi Roma. Imperator, Fabius Maximus, de quo vulgatus ille Poëta cuiusdam versiculus:

*Vnus homo nobis cunctando restituit rem.*

Atque hactenus quidem de prudentia Sigismundi regis nobis dictum sit modò. Cuius quidem ipsi causâ fuit timor Dei, cum lacte nutricis, vt ita dicam, imbibitus. Initium enim sapientiæ, quemadmodum sapientissimi reges, David & Salomon inquirunt, est timor Domini. Fortitudine verò & magnitudine animi, quanta hic rex præditus fuerit, quàm impiger ad propulsanda, & suscipienda pro salute, & incolumitate suorum bella, quàm contemnens earum rerum, quæ maximè in hac vita expetendæ esse videantur (qualia sunt, regna & imperia) satis iam, opinor, intellexistis ex his, quæ superius diximus. Quin ex illo quoque magnitudinem animi eius intelligere licet, quòd Prussico bello, cum terrore non modico adueritantium è Germania auxiliorum, meliore rursus loco res Cruciferorum esse cœpissent, nihil de conditionibus pacis, hosti priùs à se oblatis, mutare voluit: aut quòd cum ipsi Lituaniæ possessionem post mortem Alexandri fratres adeunti, ne nouis quorundam Lituanoꝝ motibus renunciaretur, non est deteritus, quò minùs institutum cum paucò comitatu aulico iter prosequeretur. Et cum deinde Michael Glinssium, ducem Russum, qui ad dominatum adspirare, dicebatur, cum valido equitatu aduentare, in balneo tunc fortè sese abluens, cognouisset, neutiquàm turbatus est animo. Venientē cum tranquillo vultu, & comiter accepisset, cuncta ei sce-

*Timor Dei  
principium  
sapientiæ.  
Fortitudo,  
& magni-  
tudo animi.  
Constātia.*

*Michael  
Glinssius.*



rata consilia (quod Michael ipse postea fassus esse fertur) è pectore excussit. Tantum eius animi magnitudo, in graui & cōstanti aspectu relucens, apud hominem Alexandri regis nimia gratia insolescentem, ac dominandi cupiditate incensum valuit. Sic feroces alioqui canes ad molossorum aspectū projicere sese, & adulari cauda solent. Quid illud? quod Vngaris, & Bohemis, cum suis regibus Viennam ad Maximilianum Cæsarem proficisci, fideique eius, quem Posonij in constituto cōgressus loco diu frustra expectarant, credere sese ob non leues suspiciones dubitantibus: ipse, non sanè amicū ad eam diem expertus Cæsarem, permagna fiducia ire ad eum perrexerit, ac ceteris idem faciendi, data fide pro Cæsare, author fuit?

Porro æquabilitate animi in vtraq; fortuna, tanta fuit, vt neque secundis rebus diffliueret, neq; aduersis frangeretur: à superbia, & fastu semper alienus, aditu & affatu facilis fuit. Æstus, frigoris, inedia, & laboris patientissimus: quippe qui ab ineunte ætate molliciei, delicijsque minimè assuefactus esset: crassioribus cibis, & pannis, & caprinis pellibus, quod iactitare ipse solitus erat, innutritus. Morbos, & alię vitę incōmoda admodum æquo animo ferebat. Quodā tempore ad sectionē digiti pedis, sacro (vt medici dicunt) igne inflammati, nihil est planè commotus. Porro cūm arx hæc conflagrasset, illa de re tātum angebatur animi, quod dubitaret, tantisper se deinceps victurum esse, donec eam instauraret. Publica suorum incommoda depellere, damnaque vindicare non libenter neglexit. Priuatas verò suas iniurias, obtrectiones, conuitia, & maledicta

*Fiducia.*

*Animus in  
latis & ad-  
uersis con-  
stans.*

*Tolerantia.  
Educatio  
minus deli-  
cata.  
Iniuriarū  
obliuio.*

ledicta insolentiorum hominum ita contempnit, ut  
 nunquam vindicaret, nec esset ob id deinceps ad  
 beneficentiam in huiusmodi homines restrictior.  
 Iam verò temperantia, & moderatione non modò *Temperan-*  
 cum laudatissimis omnium gentium regibus, & *tia.*  
 principibus, verum etiam cum priscis philosophis,  
 quorum seuerior & accuratius instituta fuit vita,  
 certare potuit. Nihil ab eo leuius, nihil cupidius,  
 nihil insolentius, nihil dissolutius, & flagitiosius vn-  
 quam dictum aut factum. Fuit in eo vultus æquabi-  
 lis, & ad seueritatem compositus, incessus lenis,  
 sermo perpaucus & grauis, sale tamen & lepore  
 non inurbano, neque petulanti nonnunquam tem-  
 peratus: à sordibus semper abhorruit: sed frugali  
 tamen victu, & cultu corporis elegantiore, quàm  
 splendidioris usus est, nisi quando externos homi-  
 nes & legatos ad se admissurus erat: nam tunc augu-  
 stiore habitu commendare maiestatem suam stu-  
 debat: eademque de causa splendidius, quàm quis-  
 quam maiorum suorum habitare instituit. Cuius *Ciuitas*  
 exemplo, & imitatione eliminata magna ex parte è *Polonorum.*  
 vita nostrorum hominum pristina barbarie, ciuili-  
 tatem, munditiem, elegantiam, & splendorem cum  
 dignitate consecrari passim cœpimus. Itaq; longè a-  
 lia nunc est facies rerum in Polonia, quàm ante hūc  
 regem fuit. Sobrietatem verò rex idem magni fecit, *Sobrietas.*  
 & ab infantia quidem ad senectutem vsq; patris, a-  
 uiq; instituto, planè abstemius, & aque potor fuit: *Abstemius*  
 ingrauescente verò ætate, medicorum suasu vinum *Sigismundus.*  
 bibere didicit, sed ita tamen, ut nunquam eum quis-  
 quam ebrium viderit. Edacior quidem, & libidino- *Edacitas.*  
 fior natura fuit, verum in vtroq; tamen magnopere



sibi imperabat: cum pregrauatum se sentiret, ipse fibi cibum subducere solitus. Quod verò ad Venerem attinet, cælebs quidē viridiore ætate laxius aliquanto vixit, & liberiùs: nec tamen alienos thoros contaminauit, nec vim cuiquam honestæ, & pudicæ intulit: neque fœdius quicquam, quod honestæ aures abhorreant, admisit: & veros illos lubricæ ætatis lapsus multis clarissimis virtutibus compensauit atque contextit. Maritus verò, coniugij fidem sanctè

*Pudicitia.*

*Verecundia*

seruauit. Verecundia summa, & penè virginali, quoad vixit, fuit. Nudū se, aut necessitati naturæ satisficientem, non nisi à per paucis interioris cubiculi ministris, conspici passus. Obiurgare & admonere officij eos, qui aliqua dignatione essent, non sine rubore solitus. A probris, maledictis, & acerbioribus verbis, quamuis iratus, omnino sibi reimprouit. Quanta verò fuit huius optimi regis modestia? qui cum acri & solido esset cum in iudicando, tum in consul-

*Modestia.*

tando iudicio: & neq; gratia, neque odio facile deduci se ab æquo, & bono pateretur, tamen nihil ferè maius vnquam sine consilio senatus fecit, aut statuit: ac nonnunquam de recta sententia sua consensu senatus adductus decessit, ne pertinax esse videretur: quod ingense est, & perniciosum plerunq; in principe vitium. Fiunt enim multa interdum iniuste, & inutiliter, atq; etiam temerè, & cum multorum exitio, ab ijs, qui sibi plus, quàm cæteri sapere videntur, dum iudicio suo freti, aliena consilia aspernantur. Iam illud, nonne magnæ fuit modestiæ simul & grauitatis, quod aduersantē sæpe desiderijs suis, vel vtilibus, vel certè non perniciosis Reipub.

*Confidètia caruit.*

*Moderatio erga nobilitatem.*

nobilitatem, æquo, & moderato animo pertulit: ne-

que

que vi quicquam inuitis extorquere aggressus est, neq; intemperantiorē cuiusquam in se petulantiam acerbius vltus est: ne tum quidem, cum apud Leopolim cōcitatae multitudinis conatus prodigiosa tempestate diuinitus disturbati, ferociorem eum facere potuerunt? Ac ne eblandiri quidem prater dignitatem aliquid, quod extorquere nollet voluit. Non pauca tamē aliquando extra ordinem, & prater debitum huic eius modestiae consensu, & obsequio multitudinis atq; consiliariorum cōcessa sunt. Ita nimirum saepe eius impetrat modestia, quā exprimit imperium & violentia, praesertim ab hominibus, ab humanitate & libertate non alienissimis. Ab eo verò, quē sibi in omni vita proposuerat, modo, neq; cupiditate vlla, aut metu, neq; ira aut odio, neq; aduersitate & aegritudine animi, neque latitia, deniq; & voluptate (quę res transuersos ferē rapiunt homines) facillē vnquam auocatus est, & abstractus. Porro si quando animum grauibus, & cōtinentibus Reip. occupationibus lassum, & quasi fatiscentem recreare, & relaxare voluisset, equitationib. ac ceruorum, onagrorum, aprorum, vrsorum, & bisonum venationibus (quod studium ipsi gentilicium atq; hæreditarium fuit) non sine vtili & salubri corpori & virium, atq; etiam industrię exercitatione id facere solitus est: interdum etiam equestrium certaminum atq; ludorum spectaculis. Scurrilibus quidem iocis, & leuioribus, sordidissve lusibus, mimis item, & histrionibus, & morionibus nō libēter, praesertim integrioribus adhuc viribus vacauit. Nec plura nunc de regis huius temperantia, & modestia dicam. Reliqua est nobis vna maxima, & præclarissi-

*Leopoliensis turba.*

*Studium nobilitatis erga eum.*

*Constantia.*

*Quales animi recreationes.*

*Iustitia.*



*Iustitia.**Proverb. 16.**Æquitas in  
inredicēdo.**Labor.**Continen-  
tia Sigis.**Fides eius  
in promissis,  
& fœderib.*

ma virtus eius, quæ eiusmodi est, vt neq; vesperugo, neq; aurora sit magis admirabilis, quemadmodum inquit Sapiens quidam: Iustitia, inquam, qua firman-  
tur solia, vt ait sapientissimus rex Salomon, stabili-  
unturq; regna: quæ quidem vel maximè in hoc re-  
ge resplenduit. Itaque ergo iure optimo firmatum  
est solium eius, regnumq; stabilitum. Nam siue æ-  
quabilitatem, & æquitatem eius in dicendo iure,  
tā diuerso & vario, quàm est in hoc regno, spectes,  
siue grauitatem, & constantiam inter diuersas ple-  
runq; senatorum, & nonnunquam pugnâtes inter  
se sententias, studiaq; ad gratiam, vel odium (vt sit)  
inclinantium, siue laborem & patientiam in exer-  
cendis iudicijs, quoad ei per valetudinem licuit, &  
audiendis etiam infimorum hominum querimonijs,  
est quòd admireris, nedum laudes. Admiranda  
est, & illa eius cōtinentia, quòd nemini vnquam, eò  
regnante, quamuis luculentas, quāuis amœnas pos-  
sessiones regijs vicinas habere obfuit: quin illum vi-  
cinum, quàm procures quosdam, cuncti maluistis.  
Quid ego fidem eius cum in promissis, tum infœde-  
ribus, & amicitijs, inimicis iuxtà ac amicis specta-  
tam, prædicem? Commemorauì nōnulla superiùs,  
quæ ad hanc rem pertinent, nempe quòd ad dissol-  
uendam cum Cæsaribus, Carolo & Ferdinando a-  
micitiam adduci se nūquam passus est, ne à necessa-  
rijs quidem & affinibus. Promissi verò, quàm tenax  
fuerit, possem hic, si necesse esset, locupletissimos e-  
ius rei testes citare, nōnullos viros amplissimos, qui  
partim hîc adsunt, & hæc taciti audiunt, partim iam  
ē viuis excesserunt: quibus quò minus præstaret se-  
mel promissa, neq; gratia, neq; odio, neq; precibus,  
neq;

neq; conuitijs, neque lacrymis cuiusquam flecti potuit. Nihil in eo fallax, aut multiplex: aperti verò & simplices fuere mores, pariter & oratio. Et quoniam ea, quæ Respub. continet, tuetur, & florentes facit, iustitia pœna, & præmio, sæueritate, & clementia maximè constat, de his quoq; pauca dicamus. V-

trunque ille quidem coluit: nec dum alterum sequitur, neglexit alterum: sed cum intelligeret, liberis, & minimè malitiosis populis se imperare, & satis magnam pœnam sceleri & ignauia, institutis maiorum nostrorum esse propositam, infamiam inquam, & odium bonorum virorum: ad sæueritatem quidem, & expetendas de fontibus pœnas fuit remissior: nec nisi necessariò, quemadmodum ad secandum, vrendumq; medici, ad hoc descendebat. Ut, cum Cazimirienſes aliquot decuriones ob eadem nobilium quorundam, tumultu cõcitata multitudinis patrata, supplicio capitali affecit, ne quod maius malum inde existeret, & ut illi exemplo essent in posterum magistratibus, multitudinem temerè cõcitantibus, concitatamve non refrenantibus: vel, cum Gdani de capitibus seditionis vrbanæ supplicium sumpsit. Vel denique cum dux adhuc Silesia, regionem illam omnem latrocinijs, quibus infamis erat, iam inde ex quo tempore bella ibi à Bohemis & Vngaris, Matthia, & Georgio, ac mox Vladislao regnantibus, gesta sunt, penitus repurgauit. Quod factum eius cum finitimi omnes laudant, tum Silesij quoq; etiamnum grata memoria prosequuntur. Ad clementiam verò fuit propensior, ita ut cum aliquando eam ob rem, nescio à quo viro senatorio reprehenderetur, vrbaniori respõso repres-

*Sinceritas.**Sæueritas,  
& clementia.**Cazimirienſes  
puniti.**Gdanenſes  
seditionis  
puniti.**Purgata à  
latrocinijs  
Silesia.**Clementia  
Sigismundi.*



fisse illam eius acerbitatē feratur: Qui scis, inquiēs, à quonam saueritatem istam exordiret? Illud opinor innuens, neque illum culpę exortem esse, & ad multa nonnunquam conuiuendum esse Remp. administranti. Proinde multos capitis reos vita donauit, nōnullis iniustam iure infamiam sustulit: nullius propemodum bona cōfiscauit: cōfiscata etiam ijs, quorum fuerant, reddidit. Exules & proscriptos reuocauit, sine accusatore quidem & indicta causa neminem damnauit. Gdanensibus vilis plebeculæ impetu ab officio discedentibus, nihil ferè de pristina libertate & immunitate, nihil de commodis, quę per ampla sunt ciuitati illi publicè, & priuatim, detraxit, autores modò seditionis paucos inuitus partim interfecit, partim exilio multauit. Hostibus supplicibus libentissimè veniam dedit, ita, vt vel de medio victoriarum cursu non grauatè retrahi se ad veniam, reconciliationemq; pateretur. De Valachis quidem iam diximus. In Cruciferos verò debellatos iam ferè, quàm clementer se gessit? Quod nisi fidem eorum suspectam habuisset, non modò siuisset eos retinere, quæ habebāt adhuc, sed ablata quoq; ni fallor, eis reddidisset. Magistrum quidem eorum, Albertum Marchionem Brandenburgensem, sororis suæ filium, expectatione, & aduentu auxiliorum è Germania, variè tunc, vt quàm leuissimo verbo vtat, secum agētem (dabit mihi veniam princeps amplissimus, vulnus suum necessariò refricanti, & beneficentissimi in se auunculi memoriæ hoc non inuitus, vt i spero, donabit) retinere ea, quæ ante bellū illud habuerat, & partim iure belli amiserat, partim amissurus esse videbatur, omnia iussit: & honore auxit,

*Clementia  
erga Gda-  
mens.*

*In Crucife-  
ros clemētia*

*Albertus  
Marchio  
Brandēbur-  
gen. dux in  
Prussia fa-  
ctus.*

auxit, Magistri appellatione in ducis nomen, quo omnem deinceps rebellandi occasionem tolleret, cōmutata: deniq; hereditarium ei, fratribusque eius Cazimiro, & Georgio, in mares duntaxat liberos, principatum illum constituit. Hæc annōn maxima sunt documēta clementiæ, hostem, quē minimè esse decuerat, & hostē pertinacem, penè deuictū & fortunis spoliatum, meliore quān fuisset dudum, conditione, in societatem, & amicitiam recipere? Quid illud eodem bello, quòd Germanos milites cōtra se militantes, velitationibus, & leuibz nostrorum prælijs exagitatos, & labore, inopia, inedia, vigilijs, vulneribusq; confectos, delere, cum posset, noluit? Captiuos, quorum plenæ erant turres, & ergastula in maiore Polonia, & Cuiavia, sine vllō precio liberos, atq; adeò veste & viatico donatos, dimisit? Cuius clemētiæ, benignitatisq; suæ maximū, nisi fallor, fructū cepit: nempe, quòd per tot annos deinceps eo regnāte, in Prussiam Germani, & cōtra Polonos, quamuis sedulo sollicitatibus Cruciferis, arma non sumpserunt: non tam viribus, & fortuna regis, vt equidem credo, deterriti, quān beneficentiā victi. Sæpenumero enim ij, qui aliquando victi, fractique sunt, cōtra victores sese recolligunt. At quos victos seruatis aciuueris, eos beneficij pariter & fortunæ suæ recordatio, pristinos spiritus recipere non tam facilè sinit. Neque illud minus est, nec scio an longè maius clementiæ Sigismundi argumentum, quòd cum permagna libertate, cui reges atque monarchæ plerique omnes infensi, & infesti sunt, Respub. nostra constituta sit, nunquam eam infringere conatus est: quamuis impellentibus ad id quibusdam,

*Prussia in  
feudum con-  
cessum Mar-  
chionibus.*

*Clementia  
in Silesia  
Germania  
milites.*

*Libertas in  
Republ.*



& maiore nonnullorum licentia aliquando prouocante. Verū cedere furori paucorum, quum detrāhere aliquid propter eos de cōmuni libertate, rex optimus maluit. Quòd si qui reprehendunt, iidem sanè reprehendant, quòd amari à suis, quàm timeri: & patrem se, quàm dominum haberi maluit. Huc & illud pertinet, quòd procerum similitates atque dissensiones semper sedauit, quoad potuit: quas alere tyranni, & qui priuata cōmoda sua, quàm Remp. pluris faciunt, solent. Nec eā tantum (proh dolor) his extremis eius temporibus inter quosdam inualuissent, magno iustitiæ, & iuris dicūdi impedimento, scelerum impunitate, & periculo, maloq; Reip. dum eā quasi plausum disparibus ac diuersis iumentis, auriga cessante, aut nec quicquam laborante, distrahitur ac discerpitur: non inualuissent, inquam, dissensiones tam pestilentes, si senium, & perpetuus ferè morbus cōsuetudinem, & autoritatē pristinam retinere eum suisset. Quò fit, vt ipsi iure quodā suo venia danda sit, si nō per omnia eum, quem debuit, quemq; florentiore ipsius ætate tenuerat, cursum Respub. pristino illo sensuum, animi, & memoriæ vigore in eo deficiente, tenuit. Etatis hæc, viri Poloni, & Lituani, non illius culpa est. Ille quidem præclaris virtutibus suis, atq; superioris temporis administratione, & felicitate hæc, si qua fuerunt, extremi corporis incōmoda, penitus (si modò vos æquiores, & gratiores, quàm maligniores haberi mauultis) obscurauit. Neminem vnquam mortalem inuenietis, qui omnes numeros felicitatis absoluat. In carissimis quoq; parētibus, suauissimis vxoribus, dulcissimis liberis, atq; adeò in seruis quoq; vestris multa quo-

*Similitudinē  
sedator.*

*Similitates  
procerum.*

*Senium St.  
gismundi.*

ta quotidie vos ferre necesse est, nisi humanitatem exuere prorsus velitis. Quæ enim ista esset iniustitia, & immanitas, atq; adeò impietas, si liberi parentem suum, à quo progeniti, liberaliter educati, & instituti, semper indulgenter habiti, & omni ratione adiuti, & ornati, summa deniq; omnia cōsecuti essent, ad extremum propter olētem animam, mucidasq; nares: addo etiam, si libet, propter neglectam rem familiarem, abominarentur, aut etiam grauius incularent, superiorum omnium beneficiorum oblit? Non est hoc vestri moris, neq; ingenij, viri Poloni: qui nō penitus malos reges, nedum bonos, & bene meritos, grata memoria prosequi soletis. Verūm ad institutum nostrum reuertamur: fuit igitur in Sigismūdo, quemadmodū videtis, singularis clementia, & priuatim, & publicè. At fuit is restrictior in bene merentes de se ac Repub. Fuerit sanè ita. Sed quis hoc ei vitio vertat? si bene secum reputet, inane ante eum regem ærarium: oppigneratas à maiorib. eius possessiones plerasq; & bona regia: egentes quosdā reges, ne in quotidianos quidem sumptus pecunia suppetente: nō solutas à patre: ab ipso verò exactas omnium, nisi fallor, sororum dotes: dotatas duas filias, tres etiam reliquas dotandas, & pro dignitate sua, regniq; elocandas: persoluta militibus suis, & externis supra ducenta millia florenorum, emeriti apud Ioannem Albertum, & Alexandrum fratres stipēdij nomine debita: deniq; complura bella non sine magnis impendijs gesta, & alia præterea impenduntia. Hæc quisquis rectè secum perpendit, simulq; cogitat, quò indignitatis illa ærarij inopia, patrem, fratresq;, atq; etiam maiores eius nōnunquam im-

*Senio cōdō-  
nandum a-  
liquid.*

*Cur minus  
largus fuit.*

*Sumptus.*



*Magnificen-  
tia Sigisf.*

pulerit, æquior multo in hac parte Sigismundo erit. Et tamen nihil is prætermisit, quod ad splendorem regni, & patrie, dignitatemq; suam, & magnificentiam pertinere existimauit. Vt enim illa, quæ modò attigi, non repetam, vt redemptos à barbaris captiuos: restitutas res, ne belli causa essent, potèti hosti à nostris prædabundis ablatas: senas nuptias magnificentissimo apparatu factas: cōstructas aliquot locis, & pro veteribus tugurijs, regalī magnificētia exornatas domos. Vt hæc, inquam, præteream, ar-

*Arces ab eo  
extructæ,  
aut instauræ  
vata.*

ces quidem, Camenecensis in Podolia, Leopoliensis, Sendomiriensis, Corcinēsis, Vilnensis, Cracouiensis, & hæc quidem bis, & aliæ quædam instauratæ, & munitæ: comparatæ, & instructæ permultæ, & magnæ bombardæ: frequentes legationes ad exter-

*Bombardæ.*

nos principes missæ, & ab eis vicissim veniētes splendide ac liberaliter acceptæ atq; dimissæ, permagno ei constiterunt. Sumptuosus verò & ille fuit, splendidissimusq; cum Cæsare Maximiliano, & Vladislao ac Ludouico regibus apud Viennam cōgressus, quo Polonorum & Lituanorum nomen, obscurius antehac, & inopiæ, inertię, barbarieique opinione contemptibile apud externas gentes, illustrius & admirabilius esse cœpit. Post hos tot, tantosque sumptus, nō in luxum, delicias, & voluptates priuatas profusos, sed ad vtilitatem, salutem, decus & ornamentū Reip. factos, non est sanè reprehendendum, nec scio an valde laudandum, quòd ærarium nō inane reliquit, filij hæredis necessitati, & futuris Reip. vsibus, vt filiarum dotes taceam, vtiliter seruiturū: belliq; si quod alicunde nobis inferretur, neruum futurum. Et tamen cū hoc sibi proposuisset, ne

*Legationes.  
Regum con-  
uētus Vien-  
næ.*

*Ærarium  
inane.  
Beneficētia.*

in

in priuatos quidem benignitatem, & munificentiam suam clausit: & fortes, doctos, ac sapientes viros, aut quauis alia ratione viles Reip. cum donis, tum honorib. & alijs beneficijs prosequutus est. Vt enim literatos homines, nostrates pariter & externos, quorum vel opera honorificè in rebus magnis, vti se posse existimabat, vel scriptis & præconijs suum, populorumq; suorum nomen illustratum in sperabat, vt eos igitur omittā, ac de fortibus viris aliquot modò insigniores cōmemorem, nōne Constantinum Ostrogiensem ducem peramplis beneficijs auxit? nōne Ostapheio plebeio, aut obscuro duntaxat homini, sed in Tartaricis bellis exercitatissimo, & vigilantissimo, cū aliās, tum post obsessam aliquandiu, & oppugnatam à Turcis atque Tartaris: ab eo verò strenuè defensam arcem, Cercassiam, permagnum honorem habuit, & multa largitus est: multa sæpe delinquenti indulgit? Quid Nicolaum Senauium, scientia, & vsu rei militaris præstantem, excellētis virtutis ergo collocupletatum, & ad eum, in quo nunc est, honoris gradum euectum? Quidve virū omni laude cumulatissimum, loānem comitem Tarnouium, cū alijs non obscuris beneficijs ornatum, tum ad summum dignitatis fastigium euectum, euidentibusq; grati animi indicijs, & præclaris elogijs, cum siue à Moschico bello, & Starodubo euerso, siue à deuictis apud Obertinum Valachis reuertetetur, ab ipso ornatū, & honorario

*Constantinus dux.  
Ostapheius.*

*Senauium.*

*Tarnouius.*

*Honorarium publicè decretum  
Tarnouio.*

munere, publico totius Polonię cōsensu binis grossis collatis, cohonestatum, cōmemorem? Viuunt hi duo, & adsunt, & hæc meā dicta nutibus renidentes approbant. Tametsi longè maximum hi virtutis



*Bielscius &  
Lacius Mos-  
chi trans-  
fuga.*

*Pietas, &  
religio Sigisf.*

*Regni fel-  
citas excul-  
tu Dei.*

premiū sempiternam rerum à se gestarū gloriam,  
quæ eos nunquā destituet, arbitrantur. Taceo Biel-  
scium & Lacium Moschos transfugas perhonorifi-  
cè ab eo acceptos, & luculentis possessionibus do-  
natos, ingenij, fidei, & scientiæ rei militaris ergo. Nō  
fuit ergo Sigismundus, ne in hac quidem parte re-  
strictior. Aut si quando tandem fuit, non sua volun-  
tate, sed necessitate, idque ingrauescente maximè  
ætate fuit. Quoniam autem illa quoq; vel potissi-  
ma pars est iustitiæ, quæ cum cælitibus hominum,  
quasi societatem quandam tuetur, pietas, inquam,  
& religio, de hac quoq; iam tandem postremo loco  
mihi dicendū est. Consulto autem in hunc eam lo-  
cum seruaui, ut quæ reliquas omnes virtutes in se  
continet, & quasi germina quædam ex se emittit,  
hominisq; felicitatem perficit, eadem nobis huius  
optimi regis perficiat laudationem. Absq; hac enim  
ceteræ virtutes, imagines virtutum, & vmbra sunt  
verius, quàm virtutes: neq; omnino laudabiliter, &  
beatè, quamuis rebus ad vota fluentibus, viuitur.  
Quā autem pietate fuerit, quāq; sanctè, & religio-  
sè Deum optimū maximū Sigismundus hic rex co-  
luerit, si alia nulla essent, ea quæ hætenus persecuti  
sumus, satis magno essent argumento: neque enim  
ita se ille tum in administrando regno, tum in omni  
vita gessisset, neq; tantus euasisset, neq; tot bonis, &  
felicitatibus, quot percurrere obiter vix potuimus,  
aut ipse, aut ditiones eius cumulata fuissent, nisi  
Deum propitium habuisset. Verissimum enim illud  
est, quod est in epistola diui Iacobi Apostoli: Omne  
munus bonum, & omne donum perfectum super-  
ne descendere, à patre luminum. Eum verò nemo  
pro-

propitium habere potest, nisi qui agnoscit, reueretur & colit, omnemq; fiduciam suam in eo collocat. Sic enim canit Dauid rex & propheta: Inquirentes Dominum, non deficientur vlllo bono. Et alibi: Qui confidunt in Domino, erunt sicut mons Sion, qui non commouetur in æternum. Cùm igitur Sigismundo tot illa, tantaq; bona in omni vita suppetierint, quis negabit eum Deo curæ fuisse? Vt enim non fallitur, ita neque fallit Spiritus sanctus, qui per Dauidem olim locutus est: Quoniam rex sperat in Domino, & in misericordia altissimi, non commouebitur, & quæ præcedunt: Desiderium cordis eius tribuisti ei: præuenisti eum in benedictionibus dulcedinis. Et alibi: Propè est Dominus omnibus inuocantibus se in veritate: voluntatem timentium se faciet, & preces eorum exaudiet, & saluos faciet eos. Custodit Dominus omnes diligentes se. Sed quoniam impijs quoq; nonnunquam prospere multa in hac vita cadunt, elucetque in eis etiam aliquando nonnulla imago virtutis atque probitatis, age videamus, num qua alia ratione pietatem huius regis ostendere possimus. Et ecce occurrunt nobis templa Dei Opt. Max. partim instaurata, partim à fundamentis excitata, & multis, magnisque donarijs, & preciosis vtensilibus, ad splendorem simul, & vsum cultus diuini, regali munificentia exornata. Atque vt Vilnensem basilicam, & Rupense, siue Scalcense fanum, & quædam alia, quæ nunc in mentem non veniunt, præteream: hoc quidem certe delubrum pulcherrimum, & sumptuosissimum basilicæ huic adiunctum, quod sepulcrum, & monumentum suum ille esse voluit, cum instituto iu-

*Psal. 33.**Psal. 124.**Psal. 20.**Psal. 144.**Impiorum  
prosperitas.**Templa ma  
gnifice cul-  
ta, extructa,  
& ornata.*



*Seditio  
in templis.*

*Observantia  
instructorum  
ecclesiasti-  
corum.*

*Externus  
cultus Dei.*

*Tob. 12.*

*Matth. 6.*

*Eleemosyna*

*Sigismundi.*

giter & concinnè Deum colentium sacerdotū collegio, ferit oculos nostros, & quodā augusto splendore perstringit. Huic verò basilicæ quàm multa & ampla donaria contulit? Iam quis nescit, quàm sedulo is, dum per ætatem, & morbum potuit, & quàm religiosè sacris, cultuique diuino operam dederit, nullaneque temporis, neque loci incommoditate, neque occupationibus retractus? Quid ego precum eius assiduitatem, quid festorum dierum, ieiuniorumq; intemeratam observantiam commemorem? in quibus omittendis vix valetudinis gratia atque id extremis demum aliquot annis, medicorum suasu, & episcoporum permisso, ne dicam hortatu, sibi indulsit. Quæ enim à teneris annis cum lacte quodammodo materno imbiberat, ad extremū usque halitum constanter & mordicus ea retinebat. Externi hi sunt cultus, ritusque, fateor, neque in his cardo religionis nostræ vertitur: vera & interior pietas in mentibus, & voluntatibus nostris penitus inclusa est. Ita sanè. Sed cum ea soli Deo perspecta & explorata sit, tamē his externis sese nobis prodit, & exierit: ut sic luceat, secundum authorem salutis nostræ Christum, lux nostra hominibus, ut ij videntes opera nostra bona, celebrent, & glorificent patrem nostrum cælestem. Bona est enim, ait angelus ad Tobiam, oratio cum ieiunio, & eleemosyna. Ipse quoque CHRISTVS IESVS apud Matthæum magnopere hæc tria commendat, dum quomodo fieri debeant, præcipit. Quid verò prolixam Sigismundi ingenos, quorum victus, vestitusque parandi rationes vel morbus, ætas, vel calamitas aliqua, vel denique arctioris, & addictioris Deo vitæ professio impedi-

pediuiſſet, beneficentiam, & liberalitatem perfe-  
 quar? Eadem opera lucem hanc diurnam accenſa  
 lucerna illuſtrare coner. Cernitis eni ipſorum tur-  
 mas, non modò templum hoc, verùm etiam vias, &  
 plateas complentium, & orbitatem ſuam, tam be-  
 nefico rege amiſſo, miſerabiliter deplorantium. Il-  
 la verò eius in receptis antiquitus Dei placandi riti-  
 bus, & cerimoniajs, ſacroſanctè retinendis ac defen-  
 dendis, & in propugnandis Dei miniſtrorum com-  
 modis, præclara voluntas, & conſtantia, in iſta præ-  
 fertim noſtri temporis licentia, & iſto nouarum re-  
 rum, quo nunc leuiſſimi quique homines flagrant,  
 ſtudio, ſeu verius pruritu, nōne maximum eſt ſin-  
 gularis pietatis argumentum? Vidit enim ſapientiſ-  
 ſimus rex, in religione noſtra nihil melius, nihil ex-  
 actius hoc tempore à quoquā inueniri poſſe, quàm  
 ab ipſis Chriſti ſeruatoris noſtri diſcipulis, eorumq;  
 ſucceſſoribus proximis, ſanctiſſimisq; patrū Con-  
 cilijs cōſtitutum, & publico Chriſtiani orbis cōſen-  
 ſu tot ſeculis retentum eſſet. Didicerat non hīc, aut  
 illic, & in angulis omnino Chriſtum quærendū eſſe:  
 neque vnus cuiusque eſſe, arbitrato ſuo verba, & in-  
 ſtituta Dei interpretari: ſed eccleſiam, eccleſiam, in-  
 quam, in qua certa eſſet ac perpetua, vt inquirunt ve-  
 tuſtiſſimi, ſanctiſſimi, & grauiſſimi doctores, Irene-  
 us, Cyprianus, & Auguſtinus, tot ſeculis continuata,  
 verorum epiſcoporum ſucceſſio, columnam eſſe,  
 quemadmodum ait diuus Paulus, & firmamen-  
 tum veritatis. In ea ſola dari ſpiritum veritatis, qui  
 vt author, ita interpreter quoque ſit ſacræ Scriptu-  
 ræ: non diſſenſionis, verùm pacis Deus. Quo qui-  
 dem illis carere neceſſe eſſet, quibus inter ipſos

*Conſtantia  
 in fide & re-  
 ligione ca-  
 tholica.*

*Eccleſia, &  
 doctores an-  
 tiqui.  
 Matth. 24.*

*1. Tim. 3.  
 1. Cor. 14.*



*Ritus Christi-  
stians in  
moriente.*

*Virtutes Sig-  
ismundi  
in speculum  
principibus  
posita.*

*Ætas 82. an-  
norum.*

non conueniret: & qui ne ipsi quidem singuli sibi constarent, sed omni vento doctrinæ, quasi nebula turbine exagitata, circumferrentur: iam verò illa, quòd moribundus sacra Christi mysteria ritu Christiano expetiuit, & venerabundus accepit, quòd se totum Deo religiosis verbis, & suspirijs commendabat, quòd in eius clementia, & misericordia fiduciam suam omnem collocabat, quæ & isti euidentissima, nisi fallor, veræ pietatis indicia iudicans, nonne certa sunt piæ, & religiosè exactæ vitæ testimonia? Cùm igitur tanta pietate, quantæ genere illo inclyto, & educatione optima digna fuit, præditus fuerit Sigismundus, nihil mirum, si iustus quoq; clemens, magnificus & benignus: si temperas, moderatus, pudicus, & modestus: si fortis, constans, patiens, & excelso animo: si præteritorum memor, præsentium sagax indagator, futurorum acutus coniector, & vtilium publicè, priuatimq; diligens & sapiens prouisor fuit. Non mirum, si in hac breuitate vitæ humanæ, magnisq; laboribus viuendo octogesimum secundum annum attigit, si viribus & valetudine plerumq; firma fuit, si sensum, ingenijque vigorem ad extremum penè retinuit. Non mirum, si gratia, & authoritate apud suos pariter, & externos, summos iuxta ac infimos valuit: si amplissimū regnum, elatis post patrem duobus fratribus, maturè adeptus, bellis felix, & victoriosus, pace multa beatus, vxoribus & liberis non infortunatus, ditiorum aliquot accessionib. locupletior, tã bene, tam quietè, tam feliciter, tantoq; bonorum omnium favore vno & quadraginta annis id administrauit: & florentius multò, quàm acceperat, nō degeneri, vti confi-

confidimus, filio reliquit. Non mirūdeniq; si sem- *Pater pa-*  
 piternum optimi, & fortunati principis, & patris *træ Sigism.*  
 patriæ nomen atque gloriam, nisi me vanū fallit au-  
 gurium, apud longam posteritatem celebris, incly-  
 tusque rex retinebit: quippe, qui superiores omnes  
 principes, & reges nostros non modico interuallo *Polonia re-*  
 post se reliquisset. Nam quæ in singulis illis singula *giæ virtutes.*  
 laudabilia fuerunt, ea hic vnus omnia complexus  
 est. Boleslai Chrobri, yt ab hoc potissimū ordiar,  
 solertiam & magnificentiam: Cazimiri monachi,  
 pacis & instaurandæ patriæ superiorum tempo-  
 rum iniuria afflicte, studium: Vladislai eius filij man-  
 suetudinem, Boleslai Criuousti victorias, Crispi  
 prouidentiam, Mieziislai senis grauitatem, Cazimiri  
 horum duorū fratris iustitiam, Lesci albi excelsum  
 animum, Boleslai pudici religionem ac temperan-  
 tiam, Lesci nigri moderationem animi: Vladislai  
 Loctici fortitudinem, & in tolerandis aduersis pa-  
 tientiam: Cazimiri magni, in ornando, & munien-  
 do regno studium atque diligentiam: Jagellonis aui,  
 si non propagando, certè in amplificando cultu di-  
 uino, pietatem, laborem, & munificentiam: Vla-  
 dislai patruī magnanimitatem, & clementiam: Ca-  
 zimiri patris facilitatem, & offensarum perbreuem  
 memoriam: denique Ioannis Alberti fratris ad res  
 magnas gerendas, quanquam meliore fortuna, ala-  
 critatem. Has, inquam, omnes omnium, illorum  
 virtutes solus Sigismundus non modò æquauit, sed *Sigismund.*  
 superauit etiam: ita: vt nulla cuiusquam eloquentia, *omnibus ex-*  
 nedū infantia nostra, satis dignè, & pro meritis eum *cellentior.*  
 laudare possit. Sed iam ipsum ex Augusto illo mau-  
 soleo, in quo heri recōditus est, nos, quibus præfuit,



alloquentem audiamus. Quàm iustè, quàmq; moderatè, vobis viri Poloni (liceat enim mihi vos omnes, imperio coniunctos, vno nomine appellare) imperauerim, & quanta felicitate regnum hoc auxerim, ornauerim, & cumulauerim, vos ipsi probè nostis: aut si qui per ætatem intelligere, & iudicare adhuc non potuistis, è maioribus natu, bonis & grauius viris, discere potestis. Pro his meritis meis, iure meo illud à vobis postulo, vt si quid vnquam imprudens offendi, id vel humanæ imbecillitati, vel ætati meæ condonetis: quam verò mihi debetis gratiam, eam liberis meis dulcissimis referatis, morte mea pupillis. Filium hunc meum vnicum, quem ipsi vobis regem, mihi successorem, me volente, & postulante, iam pridem designasti, eodem quo me, aut maiore etiam, si potestis, studio prosequamini, consilijs adiuuetis, consentientibus animis atq; viribus protegatis, ætati eius nō nihil etiam indulgeatis. Ne audiat eos, qui dum suam rem agunt, vestram agere videri volunt: & tamen aliud alibi præ se ferūt, vtrinque vt gratiam ineant, & opes, potentiamque suam augeant, & stabiliant. Cernitis qualia nūc sint tempora, quousque domi progressa sit multorum audacia, quanta huic regno, & communi patriæ pericula à barbaris impendeant. Maturè vobis prouidendum est, ne non modò imperium vestrum, & Respub. verum etiam libertas, & vita vestra, vestrorumq; in extremum discrimen veniat. Id verò ita demum rectè prouidebitis, si sublatis omnino quorūdam factionibus, dissidijs, & simultatibus mutuis, amore, & officio erga vos inuicem: erga regem verò vestrum studio, & beneuolentia certabitis. Sic enim

*Pathetica  
filij cōmendatio.*

*Consilium  
regis.*

enim fiet, mihi credite, vt qui nūc formidolosi non-  
nullis videmini, formidabiles vicinis vestris, hosti-  
busque sitis. Ad te verò, fili carissime, hæc mea est  
oratio. Illo autem habitu, illoque vigore, hæc tu, Si- *Verba Sigis-*  
gismunde Auguste, patrem tecum loqui existima- *ad filium.*  
to, quo fuit, cum tibi huius regni habenas, sceptrūq;  
traderet. Nihil est, quod te vnà cum matre, & soro-  
ribus tuis, puellis lectissimis, propter mortem me-  
am tantopere excrucies. Mihi quidē ego meo tem-  
pore, annorum, vitæ, gloriaq; satur, non dico mor-  
tuus sum, sed ad beatiorē vitam, regnumque me-  
lius migraui. Vt autem vestro quoque & horum o-  
mnium tempore id factum esse videatur, secundum  
Deum in te, fili, maximè situm est. Tibi, mi fili, dein-  
ceps, & mater, & sorores, & verò Resp. maximè cūte  
esse debebunt. In te spes omnes omnium, quas fru-  
strari te equum, non est, sitę sunt. Nonnihil quidem  
nobis debet Polonia, quemadmodum audisti, sed  
nos illi multò plus. Quippe quæ nos sibi, maioresq;  
nostros, posthabitis quibusdam illustrioribus, & e-  
legantioribus, atque etiam potentioribus fortasse,  
reges assumpsit, & summa fide, studio obsequioque  
coluit. Te, quemadmodum ipse nosti, puerulum et-  
iam tum, regio diademate insigniuit. Adeius igitur *Aurea pji*  
salutem atq; dignitatem, vicissim te voluntatem tu- *patris mo-*  
am, studia & conatus omnes adiungere in primis æ- *nsta.*  
quum est. Id verò ita demum rectè facies, si omnib.  
te equabilem, familiarem verò non nisi grauissimis,  
& sapientissimis quibusq; præbebis: si nullius ius, &  
innocentiam, neq; gratia, neq; odio cuiusquam op-  
primi fines: & in iudicijs exercendis, non cuius co-  
gnatus, necessarius aut cliens quisque sit, sed quàm



iustam causam habeat, attendes: si tenuiores à vi & iniurijs potentiorum vindicabis: si honestatem voluptati, publica commoda tuis priuatis antepones: si nulla in re leuior, aut præceperis, neque de maioribus rebus absq; consilio senatus quicquam statues: cum iuuenibus verò, & iuuenili ardore præditis, consilia non temerè communicabis: si assentatoribus aures non accommodabis (blandum enim est malum, sed pestilens in primis regnis atque regibus, assentatio) si dissensiones ordinum, & similitates procerum, inter ipsos autoritate tua penitus extirpabis: si denique pietatem atq; religionem sanctissimam sedulò & ex animo coles: neque ab institutis maiorum, & iam inde ab exoriente religione Christiana apud omnes gētes recepto, & ad nostra vsque tempora transmissò, retentoq; cultu Dei optimi maximi, venerandisque cæremonijs atque dogmatibus, te cuiusquam, vel insidiosis blanditijs, assentationibus, & illecebris auocari, vel importunitate auelli sustinebis. Harum rerum omnium exempla domestica habes, satis, nisi fallor, illustria. Non ignoras, fili, quo successu, qua felicitate, quantaque gloria nos tam diu regnaui-  
mus: id nos totum Deo Opt. Max. quem sedulò, riteque coluimus, acceptum referimus. Existimare autem debes, neque regnum, neque quicquam omnino sanctum & inuiolabile esse posse, vbi religio labefactatur. His tibi vijs, fili suauissime, ad laudem, ad beneuolentiam hominum, ad salutem, tranquillitatemque ditionum tuarum, denique ad decus, & immortalitatem grassandum est. Hac certus est, & exploratus pijs principibus ad cælum aditus. Hæc  
tecum

tecum Sigismunde Auguste, pater: illa rex vester vobiscum, viri Poloni. Reliquum est, utriusque ut sanctissimis, & saluberrimis monitis eius obtemperetis, eiusque præclara erga vos merita, assidua pietate, & grata memoria semper prosequamini: omnesque pariter eum, uti debemus, viuorum, & mortuorum Deo, apud quem nemo satis iustus & insons est, assiduis precibus commendemus. Vicissim ille in cælis, uti speramus, pro nobis orabit: & quorum salutis, & incolumitati omni ratione, quoad vixit, consuluit, ijs ne nunc quidem, omni iam rerum terrenarum cura, & molestia solutus, studium suum in placando Deo Opt. Max. deesse patietur.

IN FVNERE SIGISMVNDI  
IAGELLONIS, POLONIÆ  
REGIS, STANISLAI ORICKOVII  
RVTHENI ORATIO.



Ex noster mortuus est, si tamen ille mori potuit, quem sua præstans atque regia virtus immortalem ante obitum reddiderat: quæ ille cum cōstanter in omni vita coleret, quid tandem est, cur hunc mortuum dicamus esse potius, quàm hoc mortali corpore exutum, ad illam immortalem vitam abiisse, ad quam sibi iter sobriè, iuste, ac piè viuendo parauerat? Abijt ergo hinc, nos flentis ac dolentis reliquit in hoc squalore ac sordibus, quibus obsiti, in funere ipsius comparemus, nobis cum illo perière omnia, Equi-



tes: illi verò nihil præter hoc mortale corpus decessit: pro quo tamen ipso, cumulat nunc ipse acta vite æternitate, atq; immortalitate sempiterna. Nostra autem hæc mors veriùs, quàm vita illius à nobis discessu, quàm afflictà, exinanitaque sit, testes sunt mæror hic vester, ac vestra pia lacrymæ, quibus deflemus non interitum regis nostri, qui nullus illi est, sed orbitatem nostram. Amisimus enim, equites non dominum: nihil enim ille minùs nobis fuit, sed iustissimum regem, atq; indulgentissimum patrem, qui cum vnum, & quadragesimum annum regnaret apud nos, quod exemplum regnans non dedit iusti ac moderati Imper. aut quod monumentum post se non reliquit in hoc regno, humanitatis, mansuetudinis atque beneficentiæ erga vos singularis? Quocunq; te animo atq; oculis conuerteris, plena omnia exemplorum illius sapientiæ, iustitiæ, fortitudinis, temperantiæ ac virtutum omnium reliquarum reperies: siue Eccles. Dei videas, quam ille integram atq; incorruptam in Polonia præstitit: siue ipsam Rempublicam, quam ille tanquam bonus pater vnicam filiam in sinu suo complexus, tam domi, quàm foris, tam pace, quàm bello, fouit, auxit, ac omnibus ornamentis cumulauit, in qua quidem Republica talem se ille regem gessit, vt & omnes ante se reges facillè vinceret, & cæteris post se spem imitandi adimeret. Cedant huic omnes reges: soli etiam scientiam regnandi concedant. Non Cyrus ille, non Agesilaus partem laudis æqualem ac gloriæ cum hoc petant, qui non tam rebus ipsis, quàm scribentium ingenijs magni fuerunt: de ijs enim non ad veritatem historiæ, vt videtur, sed imitatio-

nis

† quadragesima annos regnaret.

nis exemplum Græci homines multa fictè scripte-  
runt. At hic noster Sigismundus regum rex, non so-  
lùm bene viuendo ac sapienter regnando Cyrum  
atque Agesilaum superauit, aut si quid in regum ge-  
nere maius hisce fuit, sed etiam illorum ipsorũ scri-  
pta, qui de illis regibus eloquentiss. copiosissimeq;  
scripserunt. Meliùs hic vixit, quàm illi dixerunt,  
meliùs regnauit, quàm præceperunt. Ita Sigis-  
mundus rex noster non fictum, neq; stylo adumbratum,  
sed viuum exemplum, atque rebus ipsis expressum.  
Cæteris regibus à Deo fuit propositum, vt in hoc  
rege, ceu in quodam illustri monumento, essent  
repositæ omnes regiæ virtutes, vnde sumi posset,  
quò humanum genus seruari, quò regnà admini-  
strari, quò iura, mores, instituta, leges in hominum  
vita sanctè ac quietè possint retineri. Quid? solus-  
ne regibus illè exemplum viuendi fuit? minimè  
verò, equites. Nemo enim etiam sortis infimæ re-  
perietur, qui ad bene, beateque viuendum ex hoc  
rege exemplum non possit sibi sumere: siue enim  
religionem ipsam spectes, quem anachoritam san-  
ctimonia vitæ non vicit? siue etiam has virtutes vi-  
tæ communis consideres, nempe patientiam, ob-  
sequium, modestiam ac temperantiam: quis non  
dico in summo Imper. rex, sed homo ipse priuatus,  
quem angusta res coërcet, hac ista commendatio-  
ne Sigisf. par fuit? Pauci equites, & haud scio, an ali-  
quis omnino fuerit. Ita illè summā vitæ absoluit, vt sa-  
piētia reges: priuatos verò moderatione vitæ ante-  
celleret, talemq; se in omni vita priuatim ac publi-  
cè præberet, vt id nulla orationis copia, vt par est,  
explicari possit, ne illius quidem Xenophontis



Græci, cuius ore Musas tum loquutas ferunt, cùm  
Cyrum illum atque Agesilaum verbis magnos face-  
ret. At ne me quis ad Græcorum morem, temporis  
ac luctus vestri, causa magna hæc facere existimet:  
ostendam, equites, talem regem nos amisisse, qua-  
lis in Polonia ante Sigismundum nemo, extra Po-  
loniam verò pauci omnino apud omnes gètes fue-  
runt, siue bona ipsius propria spectes, siue quæ illi  
natura, aut fortuna largita fuit, consideres, vt me-  
ritò mors huius optimi regis dolorem huic senatui,  
moerorem equestri ordini, squalorem Poloniæ, lu-  
ctum ac gemitum omnibus attulerit: &, vt hæc ex  
iusto dolore profecta esse, ac amore intimo omnes  
intelligant, breuiter mihi dicendum est, quod ge-  
nus viri fuerit, qui in regnando mores, quæ fides er-  
gà illum, & voluntas vestra. Vtilis erit & grata hæc  
oratio non solum nobis in malis nostris, sed etiam  
his, qui cum laude viuere, aut gloriosè regnare con-  
cupiuerint. Sic enim de Sigismundo rege loquar, vt  
nihil nisi singulare, nisi regium, nisi diuinum, de hoc  
rege à me sitis audituri: idque quod dicam, non fa-  
cultate orationis meæ, à qua longissimè absum, il-  
lustrabo, sed rebus ipsius gestis atque exemplis, cùm  
sua sponte clarissimis, tum verò nobis notissimis.  
Non abutar enim conscientia vestra, equites: fal-  
sam enim gratiam ab illo mortuo quid inire stude-  
am, quæ tota morte ipsius sublata est? Sola illius vir-  
tus mansit immortalis, de qua sine inuidia audien-  
dum est: vt illius clarissimi viri recordatione ac de-  
siderio vota faciamus, quo Deus noster similes Si-  
gismundo regnare in Poloniavelit, si non omnes,  
(nam id sperare ferè iam fas non est) at saltem ali-  
quos,

quos, hoc nos certè animo esse in hoc exequiarum munere conuenit, vt Deus non huic tantùm mortuo, sed etiam ipsi Poloniae regno, nobisque sit propitius, nostrasque res afflictas, atque in desperationem propemodum adductas, benignus adspiciat me etiam, vt attentè audiatis, etsi rogandi non estis, mœror enim hic vester vos satis attentos facit, tamen vt consuetudinem seruem, rogo.

Sigismundus rex, auum habuit Vladislaum Iagellonem, qui ex Lituanagēte in Polonia regnauit primus: virum omnibus tam bellicis, quàm religionis laudibus cumulatum: qui cùm octo & quadraginta annos in Polonia regnasset, multa trophæa de hostibus omnis generis constituit, inter quos Germanos memorabili pugna ad Dumbrouunum in Prussia deuicit: &, quod nulli vnquam regum\*, neque nationum de Germanis licuit, hic solus est inuentus, qui, cēsis in acie vno die Germanorum quinquaginta millibus, Germanos à Polonis vinci docuerit. Prætereo alias victorias atque triumphos ipsius varios atque infinitos, quod illi nunc nihil ad nos, & si ad nos, nihil ad hoc tempus, de quibustamē eruditi homines multa scripserunt. Hoc tamen dicam, id quod à patribus traditum meminisse debetis, magnum hunc, & excellentem regem, ac admirabili regnandi sapientia in Polonia fuisse, qui nō satis se functum officio ad munere regio putabat, si tantùm res humanas administraret, nisi etiam res diuinas summo studio curaret. Itaque Luthuanam sine Deo gerrem ac impiam antehac, ad ouile Christi primus adduxit, in Ecclesiamque dicauit: deinde, cùm literas ipse nullas sciret, tamen hic omne li-



terarum genus ac Musas ipsas, tam Latinas, quam  
 Græcas, in Poloniam introduxit, nullum regnum  
 esse ratus absque literis, nihilque sancti ac iusti, ne-  
 que honesti ibi posse esse, vbi Philosophiæ non ver-  
 faretur nomen: quod illa ex agrestibus ciuiles, ex  
 immanibus mites, ex barbaris doctos, ex homini-  
 bus postremò Deos faceret. Huic ergo tam excel-  
 lenti, siue arti, siue virtuti, siue diuinitati potius cui-  
 dam Vladislaus Iagello domicilium in ea vrbe col-  
 locauit, quæ caput ipsius regni fuit. Cracouiæ enim  
 gymnasium condidit, quod omni virtutis, ingenij  
 ac doctrinæ laude ad hanc diem floret, vt inde, tan-  
 quam ex equo Troiano innumerabiles viri pro-  
 dierint, sapientia, & doctrina præstantes. In hoc ce-  
 nim gymnasio Iagellonis opera, non seposita ali-  
 qua Philosophiæ, seu sapientiæ pars tractatur, sed  
 tota ipsa omnibus suis partibus perfecta atque ab-  
 soluta. Summa hæc laus est, equites, ingens Iagello-  
 nis gloria, immortale etiam in vos, liberosque ve-  
 stros meritum huius optimi & diuini regis, quo ille  
 tanquam luce quadam, atque splendore mirifico,  
 obruit omnes victorias, laudesque non solum suas,  
 sed etiam aliorum, qui Sarmatiam illam feram, & in-  
 domitam hac ista humanitate literarum expoliuit:  
 vt, cum ferocius gēte Polona antea, fuerit nihil, nūc  
 contrà beneficio doctrinæ hac eadem nihil videat-  
 ur esse mansuetius, neque humanius. Hanc ego  
 humanitatem, quam in tēplis, quam in foro, quam  
 in regno ac in moribus nostris versari videtis, Iagel-  
 loni regi omnem debemus: qui acceritis in Polo-  
 niam literis, adhibitisque earum Doctoribus, nos  
 ab agresti vita ad ciuilem vocauit, nobisque per-  
 suasit,

suasit, humanitate, & doctrina nihil esse melius: contra verò, feritate ac inhumanitate nihil esse homine indignius, quæ vna re atque sola immortalem gloriam ille est adeptus. Nam vincere bello Germanos magnum quidem illi fuit: sed quod victoriæ non bonorum virorum sunt tantum, sed interdum etiam malorum, ideo vera carent laude: at curare, vt piè, castè ac religiosè viuatur ab his, quibus præsis solius est (mihi credite) hominis pij, casti atque religiosi. Iam verò, nisi diuino aliquo animi motu Iagello rex maiora concupisset, & nisi fuisset † natius philosophia in huius viri mente quædam, quomodo ille, aut de literis ipsis, aut de illorum Doctoribus, ac de gymnasio condendo cogitare potuisset, præsertim cum literam ipse legeret nullam? Quàm autem cara fuerit Deo optimo maximo, hæc Iagellonis mens atq; voluntas, inde apparet, quod ipsius genus longè, lateq; regnare, non in Sarmatia solum, sed in Hungaria, Bohemia, Silesia atque Morauia longæuum ac gloriosum voluit: vt Iagellana proges singulari Dei beneficio edita in hanc lucem esse videatur ad retinendos homines in hac ciuili societate ad erudiendam vitam illorum communem, ad cōstituenda regna, ad vnienda imperia: denique ad proferendos fines humanitatis atque religionis. Iam videtis, equites, quæ vestra est sapientia, è quo fonte profluxerit Sigismundus rex ad hominum vitam gubernandam atque conseruandam, quàm puro, quàm sancto, quàmq; repleto omni militia atq; sapientia laude immortalis. Sed antequam de Sigismundo dicam, audite per quos viros hæc auita virtus ad Sigismundum peruenerit:



Iagellone è viuis sublato Vladislaus eius filius maior natu, huius autem Sigism. patruus, regnum paternum suscepit dignis. filius illo patre, ac successor, in tuendo paterno regno omnium acerrimus: qui extrema pueritia à Polonis rex est factus: ineunte verò adoleſcentia, rex est ab Hungaris absens expertus, bello Turcico maximo atque acerrimis hostibus. Tanta opinio de illo animos omnium peruaſerat, vt in illius indole ſalus omnium gentium reposita putaretur, ita vt & Polonis dare ſalutē, & Hungaros liberare periclis poſſe videretur. Tanta virtus huius regis fuit, tantus ad virtutem impetus, vt præter ætatem periculoſiſſimis temporibus maximis vndique ſeptus hostibus duo regna maxina Sarmatiæ atq; Hungariæ, ſumma atque incredibili virtute conſeruârit. Scythas in Ruſſiam irruentes ſæpe vicit, Valachos Polonis adiunxit, Arrurathem ipſum ſpe atque cupiditate Hungariæ imminentem cum vniuerſa Aſia ex Hungaria victum, fugatumque expulſit atque eiecit: cui quidem regi, veluti Aaronem quendam ſanctiſſimum atq; fortiſſimum virum Ioannem Capistranum de familia Franciſci, Eugenius Quartus in ſocietatem Turcici belli miſerat: quo ille adminiſtro atque comite non ſolùm Hungariam, ſed omnes Chriſtianorum prouincias ab æterno interitu conſeruauit. Nam quandiu vita incolumis Vladislao fuit, tandiu Turcarum genus minus potens, ac minus formidabile prouincijs noſtris fuit. Illo verò Varnenſi prælio victo, quot ille virtuti ac rebus ſecundis cōſiſus, impari militum manu cum Amurathe conflixerat, tantùm Turcarum tyranni poſtea ſunt adepti, quātum nunquam

eo viuo optare sunt ausi, in quo tamen prælio eni-  
 tuit illa Iagellonis excellens atque inuicta in hoc re-  
 ge virtus: cum enim inclinaret iam victoriæ, spesq;  
 in sola restaret fuga, & cum cæteri exceptis Polonis,  
 fugerent omnes, ille veluti Cæsar alter, sui oblitus,  
 in confertissimas hostium cohortes, opem laturus  
 suis, cum magna hostium strage se immisit: & cum  
 quidam vi ex prælio reuocare iuuenem conaren-  
 tur, ferox monitoribus respondit, Non esse sui san-  
 guinis vincere velle, & fugere: ô generosam men-  
 tem, & magno rege dignam. Non ego te eo præ-  
 lio periisse dicam, Vladislæ, neq; immaturam mor-  
 tem hoc loco deesse totam. Viuis enim rerum ge-  
 starum gloria, & quandiu hic Sol terras adspiciet, vi-  
 nes. Nam quod tibi aut puerilis ætas negauit, aut  
 immatura mors ademit, id tu suppleuisti virtute ti-  
 bi: quam ad hanc diem, nō Hungari solūm, pro qui-  
 bus sanguinem fudisti, neque Poloni, quorum cum  
 patribus illo in prælio occubuisti, sed illi ipsi Turce,  
 gentesque omnes barbaræ à te deuictæ venerantur,  
 fatalemque tuum sanguinem ad delendum Otto-  
 mannicum nomen sibi esse arbitrantur. Sed me lon-  
 gius prouexit, equites, recordatio huius regis cum  
 grato quodam desiderio cōiuncta, & quod hoc in-  
 tuens corpus, de illis quoque recordor, qui ex eo-  
 dem sanguine erant creati, vnde & hoc erat sum-  
 ptum. Nunc ergo relinquam patrum Sigismundi,  
 tanti ac tam inuicti spiritus regem, & ad parentes i-  
 psius iam vobis breuiter ostendendos, descendam.  
 Vos quæso, quod adhuc fecistis, me diligenter au-  
 diatis: Vladislao Varnensi prælio extincto, Casimi-  
 rus frater, huius autem Sigismundi pater, regnum



suscepit fraternum, atque paternum, & quinque,  
 & quadraginta annos in Polonia regnavit: quo  
 in spacio res ille tantas gessit, vt, si de singulis mi-  
 hi dicendum sit, abuterer tempore, & auribus  
 vestris, equites, ipse etiam me ignorare viderer,  
 si ad res magnas huius excellentis regis orationem  
 nequaquam parem adhiberem, præsertim cum  
 ad ipsum Sigismundum tota properet oratio. Hinc  
 tamen Casimirus quantus rex fuerit, inde scire po-  
 test, quòd contra potentissimos reges atque sum-  
 mos Imperatores, non solùm suæ ætatis, qua ille  
 regnavit, sed omnis ante illum inemoriæ, Polo-  
 niæ regnum incredibili virtute defendit. Nam  
 cum Matthia rege Hungariæ fortissimo atque bel-  
 licosissimo, bellum in Silesia acerrimum gessit, &  
 Stephanum Valachiæ Palatinum, bellatorem in-  
 clytum parere Polonorum imperio coëgit, & Ma-  
 hometem Turcarum tyrannum ex Valachiâ expul-  
 lit, pacemque petere compulit, Prussiam maxi-  
 mo bello perdomuit: Moschouiam deuicit: Scy-  
 thiam sæpe repressit: pacem, ocium ac tranquilli-  
 tatem, armis atque legibus in suo regno diligenter  
 custodiuit: quibus ille rebus cum esset apud om-  
 nes clarissimus, facilè obtinuit, vt externis etiam  
 auxilijs regnum Poloniæ muniret, quod sciret re-  
 gna, nisi finitimorum opibus ac beneuolentia iu-  
 uarentur, firma non esse. Itaque quod armis atque  
 bello assequi non potuit, vt pax illi tum Germanis  
 de Prussia esset, id vxore ex Germanis ducta est as-  
 sequutus. Nam de domo Austriæ clarissima, atque  
 totius Germaniæ potentissima, eaque imperiali,  
 vxorem duxit Elisabetham, huius istius Sigismundi  
 ma-

matrem: filiam autem Alberti ducis, qui idem Romanis, Hungaris, atque Bohemis rex fuit \* cuius \* *Quæ* nuptiæ, cum essent plenæ dignitatis, plenæ concordiæ, ac regiæ cuiusdam maiestatis, ita tamen fecunditate atque prole beata fuerunt, ut vix è veteri regum memoria ullius nuptiæ cum his Casimiri conferri queant: nati enim sunt inde filij sex, omnes patri superstites: quorum serie quadam mirabili atque diuina, Vladislavus natu maior, in Hungaria regnavit viuo patre: Ioannes Albertus autem in Polonia patri successit: illi Alexander, huic verò Sigismundus hic rex: restabant duo, quod illis credo meliora regna hisce terrenis debebantur, Casimirus, & Fridericus, quorum alter in Divos relatus est: alter verò urbis Romanæ cardinalis fuit: filias quoque septem numero, ex hoc eodem matrimonio susceptas, omnes Germanis principibus in matrimonium dedit, atque ita genere ac sanguine suo cunctam Germaniam Casimirus complevit, ut pauci sint ex omnibus Germanis principibus, qui consanguinei non sint Polonis. Felix Casimirus hac ita Deo grata, ac tam illustri apud omnes gentes sobole, ex quo tot ac tanti orbis terræ conservatores prodierunt: qui felicior, ne in suscipiendis liberis, an diligentior in educandis fuerit, non facile dixerim. Nam ut filias prætermittam, quæ summa pudicitia, & digna illo loco ac genere cura à matre sanctissima atque diligentissima fœmina educabantur: filij, certè ea disciplina fuerunt instituti, ut non regis filij, sed privati cuiusdā viderentur esse. Nullus in ijs educandis regius sumptus, luxus nullus, sed summa moderatio in victu, amictu, atque cultu adhibita fuit.



Norat siquidem ille sapientissimus rex atque idem pater optimus, fundamentum esse omnis reliquæ vitæ cum priuatæ, tum publicæ institutionem ipsam educationemque puerilem. Hinc enim petuntur primùm rudimenta illa ad laudem, & ad gloriam disposita, nempe quid honestum, quid turpe, quid iustum, quid iniustum, quid expetendum, quid fugiendum sit, quid Deo, quid parentibus, quid amicis, quid ciuibus, quid legibus, quid ipsi deniq; Reipublicæ debeas, quæ nisi tu ineunte ætate, in angusta ac seuera vita cognoueris, inutilis homo, perniciosus rex tuis futurus sis, necesse est. Quid enim per Deos immortales ab eo expectes, qui sine vllis honestis præceptis ex puellarum cœtu emerfus, à cantu, à tibia, à luxu, à tripudijs, à vino, à somno, à stupro, ad summum imperium accesserit? Iactabit se, mihi crede, illius intemperantia in illa copia insolentiùs, neque quomodo prosit, sed quomodo obsit rebus communibus cogitabit. Nam cum voluptas ipsa per se virtuti sit inimica, tum verò si ad illam potestas aliqua maior, aut imperium accedat, in furorè agitur, de statuque omni mentem exturbat humanam. Ex hac tali ratione illæ humani generis pestes prodiere partim crudeles, partim verò effœminati tyranni. Hinc enim Busris atque Phalaris illi veteres: hinc Nerones isti recentiores ac crudeles tyranni: hinc etiã effœminati Sardanapali sunt orti: quorum vitam si inspicias, facilè reperiēs ineuntem ætatem illorum, non parsimoniæ, neque disciplinæ radicibus, sed ipsius voluptatis atque licentiæ illecebris nixam fuisse. Horum exemplis admonitus Casimirus rex, nihil priùs habebat, quàm vt illam primam

mam filiorum suorum ætatem certis legibus pudoris, verecundiæ, modestiæ, atq; ipsius religionis adstringeret, certò sibi persuadens, taleis filios suos in regnando futuros, qualis illorum educatio præcederet, & meritò quidem: institutio enim puerilis regum ipsorum, primùm proculdubio medium atq; postremum illis in regnando est. Hinc enim omnis ornatus vitæ, regibus est petendus: hinc contra fortunæ tela præsidium sumendum: hinc consilium, hinc authoritas ac gravitas petenda: deniq; id, quod caput est, quid sit regē esse, quid deceat illum, quod officium regis, qui vultus, incessus, victus, habitus: hæc sola recta institutio regi demonstrat. Non capit hæc, mihi credite, angusta ac nulla bona institutione erecta mens, sed vacillat ac titubat in omni regio officio ac munere. Qui enim rex hæc puer non didicit, is vitam miseram, desertam, contemptam, infamem, ac obtrectionibus expositam agat necesse est. His ergo malis atque his incommodis omnibus ab initio Casimirus statuit occurrere, præposterè se facturū ratus, si regnum ipsum filijs post se relinqueret: filios autem ipsos, quibus illud servaret, negligeret: quare ne videretur (vt dicitur) plus curare calceum, quàm pedem: summa ope requisivit, cuiusnam instituendos filios suos traderet. Erat illis temporibus vir doctus, & bonus Ioannes Longus, Olugos à Polonis vocitatus: cuius vita probata, ac inculpari mores, cùm illius cōmendarent doctrinam, facile Casimiro fuit persuasum, qui hunc filijs suis Doctorem accersierit: vt ex eius viri præceptis, atque institutis, veluti ex fonte quodam, atque totius honestatis radice flueret illa regia disciplina,



quam docti homines summam esse rerum omnium voluerunt: quæ mentem, linguam ac rationem futurorum regum, ad Reipublicæ gubernationem cum summa laude dirigeret: sic Casimirus non aliquem externum, aut alienigenam, ac ignotæ virtutis hominem, filijs suis præceptorem delegerat, sed Sarmatam ac Polonum, eundemque spectatæ doctrinæ ac integerrimæ vitæ virum. Itaille non in externa institutione, neq; in peregrina adolescere mentem liberorum suorum voluit, sed in Polona atque domestica: nec iniuria. Vt enim semina, si in peregrinam mandentur terram, amittunt vim suam, sæpeque in diuersum genus abeunt: sic puerorum ingenia institutione degenerant à patria virtute, vt ex duro Scythia mollis fiat Arabs, ex Latino Græcus, ex Polono Italus. Quare Casimirus, cum se sciret genuisse reges, non Italis, non Græcis, neque Indis, sed solis Polonis: cauit diligenter, ne quis primam illam indolem, nisi Polonus fingeret. Adhibuit itaq; Ioannem Longum, vt Polona institutione, Polonus ipse bonos reges Polonis eò diligentius efficeret, quantò in illorum institutione salutem non solum regni, sed suam etiam inclusam esse videret. Hoc ergo munere Longus non minùs difficili, quàm operoso suscepto, statim ab initio amouit è conspectu illius teneræ ætatis pestem ac perniciem iuuentutis libidines omnes, & illarum authores. Non erant auditi in Longi ludo versus impudici, non cantus, neque symphonia turpis, quæ aculeis nequitix incendunt ad vitium iuuenum mentes, nunquam ibi sunt visi turpilòqui, nunquam ebriosi, nunquam mimi, nunquam amore ac vino, & mendacio corrupti

rupti histriones: denique nunquam illa dijs irata, quam Itali appellant, mascara in ludo illo fuit: nihilque earum rerum omnium, quarum imitatione atque consuetudine in vitium labitur iuuenilis ætas, talisq; fit, quales sunt ij, quorum cōiuctu lætatur: cum claudo enim (vt dicitur) claudus eris. Quare aures illorū regum ab auditu oculos à conspectu talium flagitiorum diligenter fidelis magister continebat. Libri apud illum à regibus illis pro mascaris tractabantur: viri boni ac moderati, pro histrionibus cū regibus illis versabantur: parsimonia vitæ, morum reprehensio, malorum irrisio, virgæ mediūsfidius ipse, atque plagæ, administræ illius institutionis erant, atque comites: meminique me audire de nostris senibus, Casimirum dicere solitum, nullum se acroama audire suauius, quàm eiulantem, ac virga cæsum ab illo magistro filium: ô regem Sparta dignum, qui in illis lacrymis, ac in illius vitæ angustijs fundamēta bene ac sapienter regnandi filijs suis reposita esse arbitrabatur. Iraque cum magnarum rerum cupiditate, monitore Ioāne Longo, incenderetur assiduè præclara illa ad virtutem indoles, videtis quos fructus maturitate sua postea tulerit. Quid enim aliud causæ putatis esse, quòd omnes vicinæ gentes, atq; nationes, ad Casimiri domum, quasi ad Philosophi scholam cōcurrerent, vnde nō solū reges regnandi, sed etiam magistros bene viuendi peterent? Nulla fuit alia, equites, nisi ipsius institutionis opinio. Hac enim impulsī sunt Hungari, vt ab illo Vladislauum regem sibi peterent: hac eadem Bohemi adducti Ioannem Albertum expetiuerunt, ita Alexandrum Lituani, ita



Sigismundum Silesij: ô felicem tali prole Casimiri-  
rum: ô ter, quaterque beatam Poloniam, quæ tantæ  
indolis primùm, deinde virtutis parens atqueATRIX  
extitit: quæ quanta fuerit, testes sunt omnes gentes  
atque terrarum oræ vltimæ, quæ ab hac ista virtute,  
aut seruata, aut deuicta, aut cum Polonia regno  
sunt coniuncte. Nec mirum, nacta enim fuit hæc vir-  
tus naturam imperio aptam: ad quam cum accessis-  
set vsus, confirmatioque doctrinæ, ad tantam lau-  
dem, dignitatemque peruenit: & cum omnes isti o-  
ptimi atque omni laude dignissimi fratres florerent  
ingenij gloria: sic tamen inter hos Sigismundus ex-  
celluit, vt tantum ipse vinceret omnium testimo-  
nio fratres, quantum illi vincebāt reliquos omnes.  
Nam quæ vestra opinio, quanta etiam spes omnium  
de hoc isto iuvene fuerit, testes sunt comitia illa Ca-  
simiro mortuo Pitrokouia habita, vbi cum de rege  
deligendo deliberaretis, hunc natu minimum, fra-  
tribus maioribus Ioanne Alberto, ac ipsi Alexandro,  
anteferre ad imperium voluistis: & nisi partim Eli-  
sabeth mater, partim verò Sigismundi ipsius conti-  
nentia, fratri maiori concedentis, obstitisset, ante-  
tulissetis. Vos hoc loco appello huius regni robur  
atque firmamentum, Thencisci, quæ iudicia de hoc  
isto rege tum fecistis? quanta contentione animo-  
rum atque armorum vestrorum hunc regem suffi-  
cere patri voluistis? Quid tanto motu rerum spe-  
ctastis aliud, nisi speciem quandam atque opinionem  
excellentis virtutis, quæ cum ipsa summa esset in Si-  
gismundi fratribus, in hoc tamen ita excelleret, vt  
quantum ætate superaretur à fratribus, tantum  
ille splendore virtutis ac nominis sui, fratres ipsos  
supera-

superaret? quod autem ille tum se non extulerit, & quod à præfenti iam regno ac oblato abstinuerit, nōne hanc abstinentiæ illius laudem cuius regno anteponendam putabimus? nisi enim insedisset in huius viri mente constans ac æquabilis ratio quædam vitæ, nunquam ille, mihi credite, abstinuisset ab eo, quod illi tum summa voluntate ac incredibili vestra conspiratione datum, oblatumque fuit. Nam non volitare cupiditate gloriæ, non inflāmari ambitione ad rapienda regna, præsertim cū rex esse possis, hoc omnium difficillimum opus est, equites: hoc solius sapientis, ac huius hominis est proprium: qui tamen hoc ipsum, quod fratribus ante se concesserat, quā cumulatè postea à vobis sit adeptus, res ipsa docuit. Mortuo enim Ioanne Alberto, deinde Alexandro fratribus, vniuersi hunc ex Silesia ad regnum paternum vocauistis, in summo ipsius regni discrimine, summoque periculo: ita in eo solo restare spem regni, atq; salutis vestræ tum putastis: quo quidem regno suscepto, ita illud vnum & quadraginta annos administravit, vt omnibus opibus florentissimum vobis post se reliquerit. In quo quidem regno, qualem se regem ille gesserit, quibúsve artibus illud administrārit, res ipsa iam poscere videtur, vt dicam: fuit enim hoc secundum è tribus, quæ de hoc ipso rege dicenda ab initio proposuimus. Vtinam, equites, ea in nobis esset orationis facultas, qua, vt par est, dicendo explicare possemus, quīnam huius regis in regnando mores, quæ artes, qui modus fuerit. Nunc verò cū virtuti Sigismundi regis non tantū mea, quæ nulla est, sed nullius omnino possit par oratio inueniri: date mi-



hi hanc veniam, vt non tam orationem à me ipsam, quàm rerum ipsarum, quas is gessit, commemorationem expecteris: quarum recordatione ac memoria, & hoc mœstum illius funus celebremus, & alijs præscribamus, quales reges in regnando esse conueniat. Ego enim sic existimo, in summo rege quatuor has res inesse oportere, sapientiam, iustitiam, fortitudinem, atque clementiam. Quis igitur hoc homine sapientior rex vnquam fuit? qui mox suscepto regno, non vnâ aliquam partem regni, sed omnes illius partes animo complexus est: quæ cùm laborare viderentur, præsentem medicinam omnibus summo cum præsidio attulit. Nam cùm Poloniae regnum maximis bellis, quæ pater ac fratres ante illum gesserant, exinanitum, ac omni consilio, & auxilio destitutum accepisset, incundam sibi ante omnia rationem putauit, quo & auxilijs iuuare, & consilijs firmare, & opibus reficere regnum posset. Multa illi ad ea expedienda, quæ animo conceperat, obstabant inopia primùm ararij assidujs bellis exhausti: deinde desertum ab amicis regnum. Nullo enim tempore Poloniae regnum maiori motu rerum fuit, quàm eo, quo à Sigismundo est susceptum: hinc enim influebat tota in Russiam Scythia: hinc bello affecta imminebat Valachia: hinc Asia, Turca duce, minabatur nobis tota: cum Germanis etiam non satis certa nobis propter Prussiam pax fuit. Hic Sigismundus solus in medio relictus, ac magnis vndique periculis circumuentus, ostendit patriæ illud speratum lumen animi, ingenij, consilijque sui. Omneis enim finitimos partim societa-

te sibi

te sibi adiunxit, partim fœdere reconciliauit, partim vero bello deuicit. Nam Valachiam insperata victoria de Ioanne Alberto elaram, fregit ac domuit. Scythiam quoque multis prælijs secundis deuictam, ad extremum tandem munificentia, liberalitateque sua in fide habuit: perfecitque vt Scythæ genus hominum ferum ac indomitum, liberalitatem ipsius potius, quàm arma experirentur: quem illi honorem, ante Sigismundum, nulli regum, ne illi quidem Alexandro domitori Asiæ habuerunt: cum Turcarum etiam tyranno, cum ab omnibus derelictus, solus periculosissimum bellum gereret, fœdus ad extremum fecit, magis ex suorum tempore, quàm vt id vtile rebus communibus arbitraretur: de quo quidem fœdere dicam alio loco, equites: & ita dicam, vt hoc ipsum fœdus, quod nonnulli reprehendunt, magna necessitate factum fuisse ostendam. Nunc dico, in his fœderibus atque bellis Sigismundum aliud spectasse nihil, quàm pacem, & ocium suorum: vt videlicet Polonia tot iactata casibus, tot afflicta cladibus, tot denique oppressa malis, requiesceret aliquando, & se ex diuturno labore pace ac quiete reficeret: quæ eo miseriarum iam venerat, vt neque priuatis, neque publicis opibus, posset contra vim hostium subsistere. Ita enim Iagello Germanico bello, & Vladislaus Turcico, & Casimirus Prutenico atq; Hungarico, & Ioannes Albertus Valachico Poloniâ attriuerât, vt in media victoria victa esse propemodum ipsa Polonia videretur. Quare cum spes restituendi regni nusquam, nisi in pace, Sigismundo restaret: propterea hanc ipsam pacem omnib. bellis,



fœderibus, societatibus atque affinitatibus quaesivit. Nam sorores, quas habebat, in Germaniam nuptum dedit: qua affinitate ille Germaniam cum Polonia non solum coniunxit, sed etiam Germanorum opibus illam contra omnem vim muniuit: nobilissimis enim ac potētissimis ex ea gente illos collocauit: qua sanè re perfecit, vt illi primò omnium Poloniae regū pax cum Germanis firma esset. Nam quod is cum Prutenis bellum gessit, priuatum illud bellum Prutenorum fuit, nulla publica ipsius Germaniae auctoritatem susceptum: & ne quid fortè, quod ad pacem spectaret, pratermittere videretur, cum iam Scythas liberalitate, Valachos deditione, Moschos victoria, Germanos affinitate sibi ac suis obligatos haberet: restabant Hungari, quos etsi illis temporibus Vladislaus frater cum Polonis coniungebat, tamen Sigismundus longiùs prospiciens animo, Hungaros in perpetuum Polonis volebat deuinctos esse. Itaq; cum Scepusia domus princeps in Hungaria esset, Stephanusque Transyluaniae Palatinus, rerum post regem primus in Hungaria potiretur, eius filiam Barbaram in matrimonium duxit, consentiente senatu, ac approbantibus bonis omnibus. Lata hoc matrimonio Polonia fuit, non tam quod societatem illi nouam attulerat, quàm quòd talem reginam ex Hungaria acceperat, quæ ob sanctissimos mores, castissimam vitam, ac ob admirabilem pudoris atq; verecundiae famam Hester fuit vulgo appellata. Sed hæc voluptas huius lætitiæ nō diuturna Polonis fuit: nam Barbara anno quarto, postquam in Poloniam venerat, vita est functa magno cum mœrore ipsius regis, dolore autem omniū

mnium vestrūm incredibili: quæ tamen ipsa moriens, reliquit vobis pignus in itæ societatis cum Hungaris: filiam enim ex ea Hedwigim Sigismundus suscepit: qua Ioachimo Marchioni Brandeburgensi in matrimonium data, pacem Polonis cum Marchia fecit. Ita ille hisce artibus in omnes partes intentus, pace parta, Poloniam assiduis bellis afflictam exinanitam atque proiectam erexit, refecit, ac planè denuo constituit. Quanta hæc fuerit illius sapientia, ex alijs quoque potestis suspicari, equites. Alij enim pace bella quærunt: hic verò nihil bellis, nisi pacem quæsiuit. Alij regna suscipiunt: vt finitimos bello vexent: hic regnū absq; finitimorū beneuolentia infirmum esse duxit. Alij fœdera ineunt, vt ad euertendā pacē spaciū habeant: hic omnia fœdera quæ cum Turcis, cū Scythis, cum Moschis, cū Valachis habuit, pace terminauit. Quis hunc regem non ad euertendos homines, sed ad seruandos, non ad bello inter se cōmittendos, sed ad pace coniungendos, natum fuisse neget? cū enim pacem omni regno suo compararet, non tantū suis, sed etiam alijs gentibus atque nationibus pacis author fuit: & quod inter omnes constat, pacem mutuam Christianis prouincijs stabiliorem nūquam fuisse, quàm Sigismūdo rege fuerit: sic ille non tantū quod sibi soli vtile esset, spectabat: sed cōplectabatur ad suam, & ad communem omnium salutem, omnes finitimos reges atq; nationes. Pacis enim author omnibus fuit: ad pacem inuitabat, hortabatur, ac monebat omnes. Valuissetq; vtinam illius diuina vox atque sententia apud Ferdinandum ac Ioannem reges: staret nunc, mihi credite, Hungaria neque Tur-



*Pacis enco-  
menda.*

*\* deficit.*

cis per illam ad nos, ac ad omnes pateret via. Verùm cum illi reges belli, quàm pacis, essent cupidiores, Sigismūdumq; nō audirent, ab Hungaria ambo exciderunt: cuius motu atque casu ea quoque dudum antè habebant, cum magno communium rerum detrimento, partim affligerunt, partim amiserunt: & meritò quidem: pace enim de medio sublata, quid utrique salue esse potuit? Pax enim est parens atq; fons omnium rerum bonarū, equitēs: sine hac nihil hominibus iucundū in vita, nihil stabile potest esse: quā qui oderunt, feri & indomiti ac crudeles tyrāni sunt habiti. Contra verò, qui huius patroni atq; authores fuerūt soli homines, soli sapiētes: ac generis humani cōseruatores sunt dicti: & iure quidem: pace enim viuunt leges, excoluntur mores, tractantur artes: victus postremò ipse, ad vitam degendam necessarius, ipsius pacis est fructus: quo etiam fit, vt difficilior sit pacificum regem esse, quàm bellicosum. Quanto enim quisque ratione magis \* deficit, tanta est ferocior, & ad bellandum procliuor: at pacis author, atque custos nemo potest esse, nisi idem vir sapiens fuerit. Eadem enim partes sunt pacis, quæ sunt ipsius sapientis. Nam pacis hic finis est, vt in ea conuenienter naturæ ac legibus viuatur: qui finis idem profectò est, & ipsius sapientis. Hoc enim solū ille curat, ne quid à natura ac legibus aberret. Quare nihil tam cum sapientia pugnat, vt videtis, quàm odium, discordiæ, ac bellum. Hinc enim existunt regnorum mutationes, hominumque ipsorum ac legum interitus: quæ conseruare ac constabilire est ipsius sapientis. Quod in Hungaria ne esset tanquam ex aliqua specula denunciabat

Sigi-

Sigismundus Ferdinando atque Ioanni tempestatem futuram : quam cum illi non prospicerent animo , demonstrantemque Sigismundum non audirent , repente illa tempestas inuoluit ac corripuit omnia. Hungariamque sine legibus , iudicijs , sine rege , sine fide exposuit direptionibus , & incendijs. At Sigismundus interea cum conscientia consiliorum suorum niteretur , nunquam facere , agere , ac moliri omnia destitit , quo si minus pacem inter illos reges conciliaret , regnum tamen suum ab illorum contentione abduceret. Quam in re tanta sapientia , tantaque moderatione fuit , ut in summa illorum contentione utrique carus esset , utrique socius , atque amicus : cum quibus ut pacem , & amicitiam firmaret , alteri hoc est , Ioanni filiam suam Elisabetham , è secunda vxore , hac ista grauissima atque clarissima Bona Sphortia , de qua dicam alio loco , in matrimonium dedit : alterius verò filiam huic Augusto regi nostro , filio autem suo carissimo atque vnico , quem nobis ex eadē regina reliquit , collocauerat : quę nuper magno omnium cura dolore , ac mœrore decessit. Ita ille , nō arma tantum , opesque omnes suas , sed etiam sanguinem ipsum , genusque suum vniuersum in pacis rationes conferebat : sanguineque suo quàm plurimas gentes atque nationes sibi , regnoque suo obstrictas esse volebat , & cum bellicosissimis nationibus , victoriosissimisque populis præesset , tamen hanc tantam copiam , non bellorum opes ac neruos , sed pacis instrumenta esse putabat. Quę pax , inquam , in regno cōstituta , quanta bona effecerit , quas artes excitauerit , quas opes huic regno tam priuatim , quàm publicè pepererit ,



attendite equites: mentesque vestras paulisper ab hoc mœrore vestro ad res vestras abducite, quarum status, ante Sigismundum, qui fuerit: hæc vestra præsens testatur copia: quam si conferre volueritis cum opibus illis vestris prioribus, inopia summa atq; egestas illæ videbuntur esse præ hisce, quæ nunc sunt. An vos illas opes putabitis esse equite Polono dignas? quæ tam modicè fuerunt, ac penè nullæ, vt legibus etiam vestris cautum fuerit, ne triginta marcas dos equitis filiæ superaret. Non moderationis, mihi credite, sed postremæ inopiæ hæc ista lex fuit, cuius cum nos (ita me Dij ament) subpuderet, legem hanc dotalem tulimus, vt id, quod inopia fiebat, lege fieri putaretur: cum interim bene se illis res haberet, qui locupletes videri volebant, si illorum sanctius ærarium ipsas triginta marcas haberet. Neque verò hæc inopia tantum in ordine equestri fuit, sed ipsi etiam medius fidius senatores, ne plus centum marcis dotis nomine filiæ nubenti darent, lege, hoc est, egestate prohibebantur. Sed quid ego dotem huius inopiæ signum fuisse commemoro? cum capita occisorum equitum tanquam pecudum, non ipsius interfectoris capite ac sanguine, sed precio accentum marcis, contra omnia diuina sic humana iura, soluerentur? vt non mulcta, non pœna, non supplicio, sed tam vilis ære capita vestra æstimarentur, cædesque expiarentur. Ex hac tanta, ac tam infami, tamque impia æstimatione apparet, egestas illi regni quanta fuerit: quæ tanta fuisse videtur, vt animam quis pro capite facilius daret, quàm hanc pecuniam solueret: quam utique illis temporibus grandè fuisse constat, quæ nunc auctore Sigismundo  
nulla

nulla est. Quid verò illa macula atq; labes nominis ac generis vestri, parùmne indicat, quã inops à pecunia fuerit hoc regnũ? Nã si quis fur pecuniã furto à quopiã vestrũ abstulerit, capite plectitur atq; suspēdio: si quispiam autē eum cuius hæc pecunia fuerit, occiderit, pecunia occisi caput soluit: ô cōmemorādas leges, & dignas, quæ in hac Rep. versentur, quib. nos, tanquam pecudes, precio ac mercede sicarijs, & interfecto-ribus addicti sumus: quam nos nō legem, sed perniciem atque pestem vestram, primo quoq; tempore de medio tollite, equites, si salui esse, & boni viri haberi vultis, de quo quidem ipso erit fortasse nobis apud vos † alius dicendi locus. Nunc vos iam perspicitis, quanta hæc inopia fuerit, cui omnes leges diuinæ ac humanę in Polonia cesserant. Quid? in priuatis ne tantũ rebus hæc tanta inopia fuit? imò verò multò etiam maior in publicis: Recordamini enim per Deos immortales, illas angustias ærarij amissa vectigalia, bona, villas, vrbes, atque prouincias regias pecunia obligatas priuatis hominibus: tum demum statuetis, quantum Sigismũdo regi debeatis, qui hæc omnia redemit, recuperauit, ac libera Reipublicæ restituit: quarum rerum inopia erat factum, vt homines historici literis mādarent, Polono rege miserius esse nihil, & ita profecto res est, si tempora illa respicias, quibus illi scripserunt. An vobis tum regnum hoc diues fuisse videbatur, cū subsidia belli ac ornamenta pacis mendicato penè reges vestri quærerent? cum pignoribus, obligationibus, ac mutationibus, non solũ bella administrarent, sed etiam domi viuerent? cū ita exinanitum erat ærarium, diminuta vectigalia, o-



omnes villæ, possessiones, salinæ, prouinciæ pignori oppositæ, ac à regio vsu auersæ, vt rex ipse neruis prorsus careret, quibus Rempubli. gereret? Quis vnquam non dico rex, sed priuatus homo aliquid sepositum ad vsus necessarios non habuit? soli ex omnibus regis vestri sunt inuenti sine vllò sanctiore arario. Nihil fingo, equites: memoria in medio est res ipsa. Legite priuilegia bonorū obligatorum, facile reperietis eò inopiæ redactos fuisse illos superiores reges, vt, si non dico bellum aliquod ab illis esset gerendum, aut filia elocanda, sed equus ipse emendus, non prius haberent, quàm aliquid adderent ad priuilegij summam. Quare cùm maximus nodus in Republica sit inopia rei pecuniariæ, sæpe fiebat, vt perniciosà consilia regis nostri inirent auferendorum è templis vasorum, ac nouorum imperandorum vobis tributorum, res etiam ipsas ad summam Reipublicæ pertinentes, inchoatas atque affectas, cum magno ipsius Reipublicæ detrimento intermittebāt. Difficile enim est efficere aliquid magni, cùm egeas: quod pecuniæ nerui sint omnium benegerendarum rerum. Ex his tantis, tam diuturnis, tam postremis difficultatibus, angustijsque, quibus omnes res nostræ priuatæ atq; publicæ premebantur, Sigismundus rex summa sapientia atque incredibili celeritate hoc regnum expediuit: comparatis enim pecunijs, vndiq; collectis Ioannis Bonneri opera, viri præclari atque industrij, salinas primum, deinde præfecturas, postremò villas, vrbes, possessiones omnes redemit: æræque grandi persoluto, vectigalia constituit: fructus prouinciarum auxit: ærarium collapsum antè atque effusum, ingenti

genti pecunia cumulatam atque refertum : vobis  
rei que vestrae publice reliquit. Quid verò hoc eo-  
dem principe atque duce, res vestrae priuatae, ex illa  
Reipublicae nocte à Sigismundo productae, quanta  
luce, & quo splendore nunc fulgeant, quis pote-  
rit, vt par est, dicere? Agri mediusfidius ipsi, syluae  
item ac nemora, ruraeque ac coloniae vestrae, quae in  
pacis sinu à Sigismundo collocatae, medio (vt sic di-  
cam) ocij gremio nunc continentur: gestire mihi  
videntur, atque huic auctori, parenti, ac conserua-  
tori suo gratias agere, quae situ antea squallebant  
omnia: nunc verò hac noua luce opum & copiae ab  
hoc illustrata, fulgent, mouentur, seseque ad sum-  
mam vtilitatem vestram, rei que publicae dignitatem  
efferunt. Eos enim fructus iam vobis subministrat,  
vt hos nullum bellum, quamuis atrox atque diutur-  
num, exhaurire possit. Mandate hoc memoriae, e-  
quites: spero multa vos, liberosque vestros, ac ma-  
iora indies bona visuros, in hisque semper ita existi-  
mabitis, sine Sigismundo rege nihil horum vos fuisse  
visuros. Nam ante illum quid sperare potuimus,  
in illis praesertim tantis angustijs? cum mentes, ani-  
mi que vestri debilitarentur inopia, ipsasque egestas  
nobis ad omnia, quae concupieramus, magna atque  
praecleara obstaret, quae nunc sublata de medio at-  
que remota, res nostras secundas ornauit, aduersus  
praesidium attulit bello subsidia: paci verò orna-  
menta suppeditauit, auctae iam sunt vestrae dotes,  
quarum modus in lege, vt antea, sed in voluntate ve-  
stra pedit: viluit aurum, cuius usus nimis iam fasti-  
dium vobis parit argentum etiam ipsum, non priua-  
torum hominum videtur esse, sed illorum regum



superiorum. Nihil de aere ipso loquar, quod auro, argentoque vestro obrutum, vix iam comparet. Ita Sigismundus, quasi alter ex Hierosolymis Salomon, non copiam auri atque argenti, sed vtilitatem Polonis attulit, & quod in primis laudatur in Salomone rege, quod ille diuturna pace aurum atque argentum lapide vilius Hierosolymis reddiderat, hac certe laude Sigismundus non solum illi par, sed etiam superior fuit. Salomonem enim illa copia demeruerat, ac à Deo suo patrio auerterat: hic verò in vberissimis copijs, religiosissimus: in summis verò opibus temperatissimus ad extremum fuit, nihilque ad vltimum spiritum curauit magis, quam vt ipsius regnum in pace vigeret ingenijs, valeret doctrinis, ac omni humanitatis, & religionis laude floreret. Quando, equites, hoc regnum, quando vberius ingenijs, aut cultius vnquam doctrinis fuit? Nunquam, equites: omnia se simul hoc rege in Polonia profuderunt pax, opes, literæ. Rarum fuit antea ac penè inauditum in Polonia Græcarum literarum nomen, quæ ita erant hominibus nostris incognitæ, vt id quod quis non intelligeret, Græcum esse diceret. Iam verò Latina ipsa oratio, quàm absona fuerit atque barbara, Biga, & Baraletus sunt testes, boni quidem illi viri, sed tamen inepti magistri ac rustici. Conferte nunc cum his ea, quæ & ipsi didicistis, & in quibus liberi exercentur vestri: non barbariam, sed Græciam, non Sarmatiam, sed Italiam dicetis factam esse Poloniam. Vt iam non Musæ Græcæ, neque Latinæ, sed vrbes medijsfidius ipsæ, Roma atque Athenæ, honore, præmio, ac fauore Sigismundi inuitatæ commigrasse in Poloniam videantur.

Ita,

Ita mens, sonus ac subtilitas vtriusq; orationis non externa, sed vernacula: non peregrina, sed domestica, in ore nostrorum hominū versari mihi videtur. Circumspicite, equites, quā vndiq; circumferantur versus optimi: audite quibus laudibus solutę ac iunctę orationis suauissimi huius regis à Polonis celebretur memoria. Nihil dico de me, cuius oratio, quantulacunq; est, aut si quę omnino est, huius regis beneficio creuit. Voluimus quidem & nos de hoc rege aliquid dignum ex hoc loco vestris afferre auribus: sed tamē id assequi, tarditate, vt par fuit, nō potuimus: studio tamen certē, & voluntate proximi illis sumus, qui literas suas, arteisq; optimas huic regi acceptas ferunt: & qui hūc quasi quendā mortalem Deum, alto cælo demissum, mirantur: ac harum ipsarum literarum opera: quas illius beneficio didicerunt, cupiunt eum esse immortalem. Viues ergō, ô diuine rex, laudibus, carminibusque nostris: nosq; è cælo benignius adspicies, tuq; numine ac munere hæc bona propria nobis velis esse, quę hinc abiens reliquisti. Commouit lacrymas, fletusq; interpellauit orationem meam.

Sed tamen quod institueram dicere, par hic pacis artibus Salomoni regi fuit: constantia verò recti propositi, longē illi superior: quod vt æquabiliter in omni vita tueretur, diffusus ingenio, quęsiuit in suo regno socios tantarum rerum tuendarum optimos ac probatissimos. Habuit enim ex delectis viris summa authoritate senatum, ita vt hoc constet, in Polonia simili splendore \* consilium nullius regis vn-  
 \* *Concilium*



maior authoritas apud homines, nescio quomodo spectatę nobilitatis sit, quàm incognitę: deinde sapientia præstantes: postremò, sententia & lingua liberos. Quòd si quādo in his legendis remissior fuit, in his magistratibus mandadis certè fuit, quib. summa nō continetur regni, & in quibus homines non gerunt Rempublicam, sed gerere discunt. In summis autem regni magistratibus quàm diligens fuerit, vt non repetam vetera, testes sunt hæc lumina regni. Recensere viros hos, & illorum familias, non vt illos laudemus, sed vt in illis diligendis iudicium ac sapientiam Sigismundi incredibilem admiremur, adest princeps regni Tharnouia domus: quid ex hac eadem domo maius? quid rebus gestis clari-  
us? quid Dijs, hominibusque carius hoc isto Ioanne Tharnouio Castellano Cracouiensi hoc in regno vnquam fuit? cuius tot extant victorię, quot sunt huius regni inimici: tot trophęa, quot deuictę prouincię: tot triumphi, quot ab illo sub iugum missi hostes: quo homine Sigismundus rex custode peritissimo, Imperatore acerrimo ac felicissimo, periculosissimis temporibus, maximisq; hostibus, hoc regnum defendit, Scythiamq; Valachiam, ac Moscho-  
uiam deuicit: omnesq; hostes vestros hoc duce, aut parere vobis, aut certè cedere coëgit. Prætermitto Turciam ipsam, quam in Hungaria Ludouico regi infestam, ac inimicam, ne capta Alba Gręca, omnia simul euerteret, hoc eodem Ioanne Tharnouio duce prohibuit atque repressit. Quid verò hic, qui hunc ordine consequitur, Petrus Cmita, lumen atque ornamentum huius regni? non splendore Wi-  
nicensis familię, non sapientia, non authoritate,  
non

non iustitia, non rebus gestis à Sigismundo impetravit, vt ad hunc vnum summos magistratus huius regni deferret, Palatinatumque Cracouiensem, Marschalcatum, (vtamur enim verbis nostris) præfecturas item magnas ac illustres illi mandaret? Quid hic Ioannes Lathalicius Posnanienſis Palatinus? homo quidem equestri loco ortus, tanta tamen virtute, tantaq; sententiæ libertate præditus, vt ipse suis subnixus opibus in Sigismundi senatum ascenderit? Quid vos decus huius regni atque præsidium Thencisci? quæ ornamenta? Quæ insignia summæ atque excellentissimæ virtutis vestræ à Sigismundo non estis adepti: Vidistis enim Andream ex vestro ortum loco, paruum quidem illum corpore, sed ingenio ac eloquentia summum Castellanum Cracouiensem. Vidistis etiam Ioannem fratrem Palatinum Sendomiriensem nuper defunctum. Sed quid ego mortuos commemoro? cum tu ipse, Ioannes Sendomiriensis Palatine, coram hic præsens ad sis, qui cum ob amplissimam, & haud scio, an maximam in hoc regno familiæ tuæ dignitatem, tum verò ob prudentiam sapientissimo sene dignam, à Sigismundo dignus es habitus loco isto, & ordine. Iam verò quomodo, te, Stanislae Laski, præteream? cuius genus, & industria, spiritusq; illi senatorij, domi ac foris cogniti, apud Sigismundum tibi sunt suffragati, vt Si radiansis Palatinus esses. Verecūdius de te dicerem, Nicolae Brudzoui, si meo nunciudicio vterer, nō alieno. Quanto enim tua erga me beneuolentia maior est, tantò ego minùs possem de tuo genere, virtute, ac doctrina dicere. Nunc verò quoniam senatum Sigismundi, non priuatos amicos cōmemoro,



dico Sigismundum in te fuisse secutum, ut Lancien-  
 sis illi Palatinus esses, cum genus ipsum, virtutem-  
 que egregiam, tum verò vel in primis literas, studia-  
 que doctrinæ, quibus instructus atque paratus, vo-  
 catu Sigismundi in illius senatum veneras, ut esseris  
 cum hoc Petro Firlegio Russiæ Palatino, quasi quæ-  
 dam in Sigismundi senatu duo sydera, splendentia  
 omni Philosophiæ laude atque doctrinæ. Vestra  
 quidem, senatores, succrescit laudi hic Ioannes Co-  
 scielecius, in Nouuladislauiensi Palatinus clarissima  
 atque munificentissima ortus familia, cuius maio-  
 res tantum inopia publica, de qua paulò antè dixi,  
 commouebantur, ut pergrandem pecuniam, qua  
 obligata bona regia habebant, regibus remitterent,  
 † *Mariabur* † Marigeburgoque, ac alijs amplissimis possessioni-  
 † *809.* bus ultro Casimiro regi concederent: cum numum  
 nullum ex illa infinita obligatione acciperent: tan-  
 ta fides Coscieleciæ gentis erga vestros reges fuit, ut  
 in summa sua copia inopes se arbitrarentur esse, ve-  
 stro egeno rege. Sed quid ago? aut quo progredior?  
 Incidi in numerum vestri, senatores clarissimi, in  
 quo difficile est ex vobis non aliquem, nefas quen-  
 quam præterire. Sed dabitis mihi profectò hanc ve-  
 niam: & quòd in ipso cursu orationis tam multos  
 prætereo: quosdam autem attingo, partim id tem-  
 pori, ac auribus vestris seruiens facio, partim verò,  
 quòd me vox, lingua, latera prius in dicendo defici-  
 ent, quàm ut par est, explicem, quid in vnoquoq; ve-  
 strum deligendo Sigismundus fuerit secutus. Quan-  
 ta tamen sit authoritas omnium vestrum cum sum-  
 ma benevolentia equitum Polonorum coniuncta,  
 cum ex his, de quibus iam diximus, sciri potest, tum  
 verò

verò vel maximè ex hoc isto Andrea Gorcano comite Posnaniensi castellano, ac superioris Poloniæ præfecto: qui adolescens ac penè puer ita cõmendatione excellentis virtutis Sigismũdo regi carus fuit, vt dignus ab illo, & summis honoribus haberetur, & qui patri Lucæ clarissimo viro in amplissima præfectura, ordineque succederet. Cuius ea est auctoritas apud omnes, ea dignitas, is vitæ splendor, vt nullius opes in hoc regno maiores vnquam fuerint: in quo quidem homine illud, quod Platoni illi Philosophorum Deo difficile videbatur, vt summæ opes cum summa virtute in eodem homine possent esse: ita vtrumque cum summa laude excelluit, vt nihil in Polonia illo sit ditius, nihil etiam melius. Nam bonarum rerum, & literarum, ac ipsius doctrinæ ita studiosus est, vt aliud cupere videatur nihil: opes etiam ipsius non libidinum, neque cupiditatum sunt instrumenta, sed humanitatis, virtutis, atq; dignitatis singularis. Hoc homine, equites, quoniam vehementer nituntur res vestræ, salutem illi ac incolumitatem, quod facitis, velle & optare debetis. Ex his tot & tantis, ac talibus viris apparet, qualis rex iste fuerit, & haud scio, an aliud signum boni sit regis, quàm ipse senatus, apud eum regem præsertim, qui non sua, sed conseruandorum hominum causa se factum esse regem nouit. Quemadmodum enim est in ipsis artibus, in quibus, quales ipsi artifices sint, instrumenta illorum declarant: sic etiam, cùm ars artium omnium scientia sit administrandi regni, nusquam ratio ipsius regis magis apparet, quàm in ipso senatu, qui instrumentum quoddam bene gerendę ciuitatis suo regi est: qui si nequam, si iniustus,



si belluo, si rapax ac sceleratus fuerit: certò scito  
consimilem quoque illi esse regem. Quid ita? quia  
mens ipsa infelix, non iam regis, sed tyranni, cum  
spe atque cupiditate omnia suorum ciuium deuorât,  
nihil agit, nihil aliud dies atque noctes molitur,  
quàm vt ne quis illi omnino ad ea obftet, quæ  
concupiuit. Quare tyrannus omnis veluti quædam  
immanis bellua, in formam humanam insuta, antequam  
sternat ciues, vastet leges, ac solus deuoret omnia,  
senatum omnem tollit funditus, si quem habet:  
aut curat, ne quis in senatu illius sit genere, sententia  
atq; lingua liber. Ita tyrânus aut senatu caret,  
aut si quem habet, ex obscurissimis quibusq;, atque  
nequissimis, linguaque ac mente seruis, collectum  
senatum habet: si tamen senatus dicendus est cœtus  
ille infelix, ex teterrimis quibusque hominibus  
ideo conflatus, vt cum his tyrannus scortetur, potet,  
leges mutet, Rempublicam vexet, ac quorum assentatione,  
quasi cœstro quodam, plenus perturbatione atque  
pœnitentia, agatur in furorem, atq; in amentiam:  
vt ita viuat sine fide, sine pace, sine certo fœdere,  
ac inconcursu plorantium atque tempestate querelarum  
perpetuò versetur, plenus turbarum atq; tumultus.  
Cogitate hoc loco per Deos immortales, equites,  
& vestros illos veteres tyrannos, & hos etiam aliorum  
nouos: vt hæc, quæ dico, magis ex aliorum contentione,  
quàm ex oratione mea intelligere possitis: quàm aquus  
Sigisfinundi senatus fuerit, quàm iustus, sobrius,  
continens atque sanctus: vt faciliè appareat, hunc regem,  
non suæ cupiditatis gratia, sed vestræ salutis causa,  
senatum ex his viris delectum habuisse. Quem ille ordinem

tanta

tanta cura coluit, vt ab initio suscepti regni plenum senatum semper habuerit optimorum Pontificum ac fortissimorum virorum, quod sine isto adiuumento atque præsidio, neque ipsum se, neque regnum suum putaret esse diuturnum. Quam etiam ob rem tanta veneratione senatus apud illum fuit, vt Pontifices, dominos suos: senatores verò sincerè dilectos in literis appellaret, ô mentem non mortali aliquo regno, sed ipsa immortalitate dignam. Cùm enim penes † solum regni summa † *Eum solū.* esset, tamen & regni socios senatores, & Pontifices dominos habere volebat, vt regnum cum socijs certius administraret, & dominos sua spõte sibi præponens in summa potestate nō inolescere: & cùm solus omnia in regno posset, nihil tamen seorsum ab senatu præter regium nomen haberet: quod tamē ipsum summa moderatione ipsius senatus temperabat, à cuius autoritate nūquam dissensit: nunquam ille, suadente senatu pacem bellum gessit nūquam contra, senatu ad bellum hortāte, ille pacem fecit. Ita in cōsilio ipsius partes nullæ, dissensio nulla fuerunt: sed mirificus illo gubernante atq; prouidente ad cōmunem salutem consensus. Nō senatus illi Reipub. clauum in summis tempestatibus gubernanti è manibus præripiebat, non ille vicissim senatus quasi nautarum remigationem impediēbat. Sed cùm in senatu alij venientem tempestatem denunciarent, alij pericula Reipublicæ tanquam navis ostenderent, alij velis atque remis incumberent: ille tanquam sapiens nauclerus ad gubernacula Reipublicæ immotus sedebat singulaque momenta



temporum, locorum, hominum ac periculorum expendens, eò quo spes salutis ostendebatur, consilia suorum, cursumque regni dirigebat. Hæc ratio senatus, hæc illius optimi atque sapientissimi regis fuit in hac Republica prouidentia: vt mirum iam videri non debeat, si vna ex omnibus prouincijs atque terris, in tanto rerum omnium motu, Polonia salua atque integra steterit. Non casu aliquo, mihi credite, id est factum, neque fato. Rationi enim homines subiecti sunt, non casibus, consilijs, non fati, apud quos si quid non rectè neque ordine geritur, scito ibi non fatum neque casum, sed rationem rectam defuisse, quæ cum à consilijs nostris abest, res nostræ cadunt, stare non possunt. Quare, si vos, regnumq; vestrum sapientia regis vestri, fide verò, & authoritate senatus ad hanc diem stetit: illos, qui iam conciderunt, resq; suas amiserunt: stultitia, non casu, amentia, non fato perijsse dicemus. An tu si quam in nauim ita moratam conscenderes, in qua aut nautę nauclero remoto, aut nauclerus ipse reiecto clauo, cæliq; ac syderum, ventorumque ratione posthabita, vellet ipse remigare, salutē ne tu vllam ibi sperares? aut si quid naufragij accideret, fato cuidam potiùs, quàm illis, qui permutatis officijs nauim euerterunt, naufragium illud tribueres? Ad eum modum, equites, omnes prouinciæ, quas aut ipsi vidistis, aut de quib. ab alijs audiuitis, perierunt, dum rex pro senatu ipse sibi esset, aut dum senatus officium regis obire vellet: prouidere enim ac monere officium est boni senatus: regis verò, gubernare ac seruare. Quæ ratio administrandi regni atque moderatio, cum semper constans, æquabilisque in  
 senatu

senatu Sigismundi fuerit mirum non est, si soli pro-  
pemodum ex omnibus gentibus ad hanc diem in-  
tegrī sumus, & si hac ista felicitatis parte Polonia,  
ceteras omnes prouincias antecellat, quarum nulla  
illi hac ista parte est par: non Italia, quę varijs seditio-  
nibus regum cum plebe libertatem amisit: nō Gal-  
lia, quę sæpius fusa atque cæsa, regē suum captiuum  
vidit: non Germania, quę nunc studio nouarum re-  
rum, de libertate omni periclitatur, non Hungaria,  
misera atq; afflicta: quā discors à rege senatus, puer  
verò rex funditus euertit, non iam omnes oræ atq;  
extera gentes ac nationes se hac parte vobiscū con-  
ferant: quas omnes, aut bellum euertit, aut seditio  
afflixit. Sola Polonia Dei summo beneficio, atq; hu-  
ius optimi regis sapientia, ac consilio consentientis  
senatus cunctis nunc floret opibus, viuit suis legi-  
bus, moribus etiam ac institutis antiquis veterem  
suam retinet dignitatem, nec propter aliam caus-  
sam (vt iam dixi) nisi quod in ea, & sapiens ipse re-  
gnabat rex, & reges ipsi (hoc est, senatores) erant sa-  
pientes: qui cū omnia diligenter prospicerent a-  
nimo, rege in ipsa puppi Reipublicæ sedente, ac  
clauum dirigente, nihil fortuna, neque casus in re-  
bus nostris valuit: quæ si quid in rebus humanis va-  
lent, ibi certè valent, vbi non recto consilio, sed præ-  
cipiti temeritate aguntur ac feruntur omnia. Quare  
soli ex omnibus nunquam accusarent hoc rege for-  
tunam, Poloni nūquam de casu sunt questi. Omnia  
enim secundum Deum, & illius prouidentiam in  
Sigismundi ac illius senatus sapientia, tã domi, quā  
foris, tam pace, quā bello erant nobis reposita.  
Subegimus hoc rege gētes antea inimicissimas no-



bis atq; inuictas: nonnullas nobis adiunximus: eaq;  
omnia incolumi regno, saluis legibus, ac integrali  
bertate, hoc duce gessimus: domi etiam illo autho-  
re atq; principe conuenientissimè in summa bene-  
uolètia publicè viuimus: subsidia belli ac ornamen-  
ta pacis parta ab illo, relictæque habemus, vt quo-  
cunque oculi nostri inciderint, nihil desiderent ex  
rebus omnibus, quæ ad vitam tutò ac tranquille  
degendam pertineant. Est enim pax à Sigismundo  
cōstitutata nobis: sunt opes, vigent literæ, est fortis  
atque sapiens senatus. Restat etiam hic Augustus fi-  
lius spes vnica regni, atque tantæ laudis atq; gloriæ  
paternæ hæres: qui vt ea tueatur, quæ illi pater am-  
plissima reliquit, hancistam sapientiam patris assi-  
duè intuebitur: res ipsius gestas, consilia item, atque  
rationes omnes administrandi regni sibi proponet:  
quæ nullam rem esse declarant, in munere regio  
positam, quæ sapientia Sigismundi regis non com-  
prehendatur. Verùm hæc ista sapientia, quam sum-  
mam fuisse in Sigismundo rege multis argumentis  
perspiciatis, & si per se ipsa summa sit, (est enim ocu-  
lus quidam mentis, quo à magnis atq; excellentibus  
viris causæ rerum expetendarum, fugiendarumq;  
cernuntur) tamē hæc ista sapientia, nisi habeat iusti-  
tiam in administrando regno adiunctam, infirmata  
est, rebus etiam humanis nō multum sanè proficua.  
Neque enim satis est, vt causam videas, qua stent,  
cadantq; regni res, nisi etiam causis illis, aut reten-  
tis, aut remotis, æquabiliter, iustè ac legitimè in ipsa  
Republica versè, vtque in primis cures, vt in tan-  
ta varietate, rerumque humanarum conuersione,  
quàm minimi motus in Republica existant: quòd si  
qui

qui acciderint, vt sine detrimento communi accidant: quod cū sine maximarum rerum vſu vario atq; diuturno teneri non poſſit, quis hac iſta laude Sigismundo excellentior rex fuit? qui cū beneficio lōgiſſimæ ætatis (vnum enim & octuageſimū annum agens, deceſſit) tum etiam prudentia ſingulari atq; diuſina ad eam iuſtitie laudem peruenerat, vt in ſua Republica nihil earum rerū eſſet omnium, è quib. diſcordiæ, ſeditiones ac bella ciuilia exiſtunt, quæ tum fiunt, cū virtus exequatur vitio: cū boni præmio, mali verò ſua carent pœna: deniq; cū non pro dignitate ac meritis cuiuſq;, ſed pro regnantis libidine, alij plus, alij minùs vtuntur rebus communibus. Ex hac enim inæqualitate ac intemperantia quadam oriuntur in Republica morbi illi inſanabiles, quaſi in corpore ſano atque integro. Hinc enim exiſtunt diſcordiæ, ſeditiones, ac bella ciuilia, cum ipſarum legum atque hominum interitu: & meritò quidē. Quid enim in ea Republica ſalui aut diurni futurum ſperes, vbi vitium præcurrit virtuti, vbi algent boni, lætantur improbi: vbi dignitas cedit pecuniæ, virtus generi, ingenium ſocordie atq; negligentie? Poſtremò vbi indigniſſimus quiſque amatur, colitur, ornatur, ac ad ampliſſima quæque promouetur, ſumma cum deſperatione bonorum? Ruant neceſſe eſt in tali Republica, ac intereant omnia, quamuis illa magna ſint atque præclara. Non agam pluribus, equites: neq; exemplis vtar Græcorum ac Latinorum, & ipſorum etiam Barbatorum, qui Reſpubli. ſuas potentes ac florentes amiſerunt, dum in illis nullus habetur virtuti honos, nulla pœna vitio. Ex ipſo enim Sigismundo omnium i-



starum rerum exempla sumi possunt: qui cum sapientia illa magnæ atque incredibilitatem ipsam videret pestem ac perniciem esse ciuitatis, ad eum finem dirigebat omnia, vt neminem eius Reipublicæ, cuius hic rex fuit, pœniteret: quæ cum æquabiliter illo rege vterentur omnes, nō metuebat, ne qui vir bonus atq; fortis, contemptus ab illo neglectus, aut res nouas in regno moliretur, aut seditionem, bellumve ciuile spectaret: quod ibi necessariò fit, (vt iam diximus) vbi non æqualiter, neque iustè viuitur: quare vt remoueret à suo regno omnia hæc mala atq; incommoda, Rempublicam ipsam omnibus ex quo vtendam, ac fruendam proposuerat: ita tamen, vt ratione, & boni ad illā admissi, & mali inde pulsi esse viderentur. Neq; enim in Polonia improbitas atq; indignitas desperatione frangebatur vnquam magis, quàm Sigismundo rege: cōtra verò, virtus, probitas atq; dignitas hunc locum honoris, & gratiæ apud Sigismundum habuit, vt cum genus ipsum illustre in claris viris adamasset, tamē ipsa virtute sæpe posterius clarum duxit genus: gradumq; ad honores amplissimos in sua Republica virtutem volebat esse, non genus. Dabis mihi hoc loco hanc veniam, Nicolae Wolsci, vt tuo potissimū exemplo me vera dicere probem: cum enim equestri ortus esses patre, Sigismūdoq; nō generis, neq; opum, sed virtutis commendatione esses cognitus: hunc tibi honorē ille habuit, vt te, & gynecæo clarissimè atq; pudicissimè huius reginæ vxoris suæ præficeret: & ad te Sendomiriensem Castellatum cum multis prouincijs deferret. Hoc ille diuino facto suo docuit, quàm iustus rex esset, cum tantum tuæ excel-

lenti

lenti virtuti, fidei, ac integritati tribueret, vt, quo genere ortus esses, quarendum sibi non putaret. Quid verò tu, Martine Sborouuski? parumne es tum expertus, quàm iustus hic rex erga te fuerit, cùm tuæ spectatissimæ virtutis durior aliquando conditio esset? cùm enim virtute, constantia, ac magnitudine animi inuidiam, calumniamq; superares, & salutem Reipublicæ, libertatemq; communem, tuæ oblitus, maximo animo defenderes: tantum apud Sigismundum ad extremum dignitate valuisti, vt tua nimia (vt quidam putabant) in causa cōmuni libertas, tibi ad hunc honoris, & dignitatis gradum non obstaret, quem nunc in Republica tenes: quin verò etiam hæc ista bona, & animi, & ingenij tui in Calisieni hoc isto Castellano tibi sunt apud Sigismundum suffragata. Sed quid ego hos cōmemoro? cùm externi homines ipsi, atq; aliunde orti, tantum apud illum virtute valerent, vt illis non in regno tantum ipso, sed etiam in Sigismundi senatu locus esset. Adest enim Seuerinus Bonerus, vir Wissemburgo quidem profectus, ita tamen ob virtutem, ingenium, industriamq; Sigismundo regi probatus, vt nihil illi obstaret ad honores huius regni externum genus. Cùm enim fides ac industria ipsius in omnibus officijs ac muneribus regni amplissimis fuisset cognita, illum Sigismundus, & salinatore fecit, & præfecturas mandauit, ac in senatum introduxit, in quo ille maiestatem Reip. vestræ cum his seruaret, qui in hoc regno è vobis sunt orti: & tamen apud Sigismundum caruit inuidia propterea Bonerus, quòd alienigena esset, ac Germanus, non ciues neque Polonus: cum illo enim Sigismundus



ob virtutem ipsius præstantem ac singularem communicauit hoc regnum, in quo nunc ille omnibus opibus fortunæ, ingenii, ac dignitatis summa vestra voluntate floret. Ad hunc modum Sigismundus præmijs in Republica propositis, optimi cuiusque virtutem ad ipsam Rempublicam tuendam excitabat: qua sanè ratione tantum profecit, vt nullum tempus in hac Republica ferocius fuerit virtutum omnium. Pro se enim quisque tam pace, quàm bello nitebatur, vt sub optimo rege bonus ipse ciuis esset: & ne quis, amplissimis præmijs virtuti propositis, ipse sibi ad laudem deesset. Quare tanto studio ad virtutem, & ad gloriam exarserāt omnes, vt summi, medij ac infimi, ad summa contenderent. Testis enim hic est, Ioannes Tharnouius, qui etsi genere clarissimo sit ortus, tamen ad res maximas, pro salute huius regni gerendas, honoribus amplissimis ab hoc rege inuitatus, tantum virtute profecit, vt non solum nostros Imperatores omnes, sed etiam illos veteres externos Scipiones, Marios, ac Maximos, bellica laude adæquaret. Quid verò hic Nicolaus Sieniauuski Belsensis Palatinus? qui præmijs à Sigismundo excitatus cum Alexandro ac Procopio fratribus, sic rem militarem in Russia hoc rege administrabat, vt eorum opera Russia illa afflicta, ac anniuersario hoste penè deleta, requiescat nunc, ac nouis colonijs solitudines suas compleat atque instauret: ita vt post hominum memoriam cultior Russia nunquam fuerit, quàm est nunc Sienaiuiorum, & aliorum fortium virorum opera, quorum virtute ad hanc rem Russia stetit: quæ cum assiduus hostibus esset exposita, fortissimorum viro-  
rum

rum præsidio eam Sigismundus muniendam sibi putabat: eiusque prouinciæ magistratus his potissimum mandabat, quorum animo ac virtute confidebat: veluti nuper paulò antè quàm esset mortuus Podoliæ Palatinatum ad Ioannem Mielecium detulit virum fortem, ac genere, ingenio, opibusque præstantem. Prætereo alios multos fortes ac claros viros, quorum virtutem Sigismundus ad res maximas iustitia sua excitauit, beneficijs auxit, præmijs verò confirmauit. Est hæc diuina summi illius viri ac iustissimi laus, qui cū amplissimo ac copiosissimo regno potiretur, illius omnes copias atq; opes, non suæ priuatæ libidinis, neque compendij sui putauit esse, sed eius Reipublicæ, cuius rex fuit. Quare quicquid positum erat, aut in honoribus Reipublicæ, aut in vectigalibus ipsius regis, earum rerum omnium dispensatorem ille se esse putabat, non possessorem neque dominum. Quò etiam fiebat, vt hæc communicaret omnia cum viris fortibus, ac de Republica bene meritis, ita vt cuiusque dignitas ac meritū postulabat: summas opes regum esse ratus copiam bonorum virorum atq; fortium, quorum virtus ibi iaceret semper, vbi nullus ei haberetur honos. Quare cū Sigismundus gratus esset erga optimi cuiusque virtutem, commouit præmijs propositis studia hominum, non solum summorum, sed etiam mediocrium atq; infimorum. Pro se enim quisque hoc rege excellere in Polonia studebat: nemo erat, qui aliquid non afferret in medium, quo regi suo operā ac industriam probaret. Artifices ipsi medijs fidij, ac omne genus mechanicum commotis studijs, artes suas diligentius hoc rege coluerunt,



cùm viderent operas quoque suas placere regi. Itaque tanta copia optimorum opificum atque artificum hoc rege fuit: vt Phidiæ illi veteres atque Polycleti, & Apelles reuixisse in Polonia viderentur: qui pingendi, fingendi, ac dolandi arte, illorū veterum artificum gloriam adæquarent: quorum cū multa extent in hoc regno opera pulcra atque visenda, tamen huius vnus arcis opus vincit, ac superat omnia, quam ille præstantissimorum artificum opera à fundamentis extruxit, ac Cracouiam hoc isto præsidio muniuit tanto sumptu ac opere: vt nō hominum, sed Deorum immortalium sedes arx ista esse videatur. Quid verò Basilica huic templo adiuncta, paruū mne accessione sui, huic ædi Venceslai decorem, dignitatemque attulit? in qua & pictorum operæ, & sculptorum ac fabrorum singularia, & magnifica visuntur: quam Basilicam ille, & religioni summi Dei cōsecrauit, & omnibus ornamentis (vt videtis) illustrauit, corporique suo tabernaculum hanc esse voluit: in qua illud, quasi quodam regio itinere defessum, non minùs longo, quàm molesto, postremum requiesceret, ac supremam mundi diem exspectaret. Quanta hæc Sigismundi iustitia fuit, quàm potens, quàm magnifica, quàm clara apud Deum, quàm nota, & probata apud homines? qui distribuendis æqualiter præmijs, ac muneribus regni, mutua pace, ac beneuolentia suos tenuit: & ad virtutem bonos viros cupiditate rerum optimarum incendit, ac in cōtrario genere hominum hoc ipso modo firmabat rationes bonorū. Nihil enim apud illum contemptius, nihil neglectius, nihil vilius improbis fuit, vt ex hac ista ratione, boni præmia

mia suæ virtuti seruari à bono rege scirent: mali verò nihil præter contemptum ferrent, atq; pœnam. Ita illi honores omnes solis bonis ac fortibus viris debere se putabat: quibus cum improbis etiã communicatis boni in officio dolore redderentur remissiores: improbi verò nihilo illis ipsis honoribus fierent meliores. Quare cùm præmium, & pœnam æquabiliter dispartiret, seseq; ipse sanctissimè gereret: virtutes præmijs, vitia contra pœnis affecit: cuius rei etsi multa extent exempla, tamen haud scio, an aliud sit clarius illo, & ad faciendum cùm in re militari, tum in omni vita fidem accommodatius, cùm Raduankouium centurionem ob Ornetæ Prussico bello proditiōē infamia publico iudicio notauit: militesq; nostros huius calamitate ac ignominia docuit, vt pugnare potiùs, quàm fugere: mori, quàm fallere vellent. Hisce artibus Sigismundus cùm suos ciues, bene viuere, ac iustè agere docuisset, facillè illam quoq; iustitiæ partem, quæ legibus traditur, absoluit: cuius hæc summa apud Sigismundum fuit, vt conuenienter in hac societate nostra viveremus: ad hunc ille finem omnes leges suas retulit, quibus pax inter nos cum summa beneuolentia constaret: quas leges si inspicias, tanquam in aliquo speculo omnes sensus Sigismundi ac rationes expressas videbis. Nullam in his tyrannicam mentem, nullam vtilitatem ipsius propriam reperies. Vestræ libertatis, equites, vestræ dignitatis, vestræ maiestatis sunt illæ leges, quæ in Polonia solè regnant, ac ex æquo vobis, & Sigismundo regi vestro imperant. Neque enim solutus est rex legibus apud vos: non quod illi vtile, id iustum vobis non quod lubet, id il-



illicet, Romanæ seruitutis sunt ista carmina, quæ  
 laudat nemo, nisi seruus sit, aut Italus: qui quidem,  
 vt certius seruiret, scholas etiam sibi ( si Dijs placet )  
 condidit: Doctoresque legum fecit, à quibus nil ni-  
 si seruire disceret, qui Doctores, inquam, legum  
 istarum seruiliū transcenss Alpibus, venerunt et-  
 iam cum talibus præceptis ad vos: quos hîc passim  
 iam vagari videtis, cum hoc isto Dijs irato superci-  
 lio, ac pessimo libertatis vestræ exemplo: quos vos,  
 id quod facitis, contemnere debetis, equites: & tan-  
 quam contagionem quandam hanc istam Nero-  
 nianam scholam fugere, regnoque vestro pellere:  
 ne istæ immundæ pecudes inficiant pueros iustitiæ  
 vestræ fonteis, è quibus Sigismundus hauriebat le-  
 ges vestras, quibus communiter vobiscum viueret,  
 quarum legum ille lingua, non rex: interpret, non  
 author: patronus, non Dominus fuit: quas etiam  
 ferebat, authore senatu, volentibus ac iubentibus  
 vobis. In qua sanè ratione cum summa moderatio-  
 ne æquitate animi fuisset, omnes illos veteres Solo-  
 nas, Licurgos, atque Cretas Legumlatores vicisse  
 mihi videtur: nam illi seorsim à populo leges fere-  
 bant: hic verò nullam absque senatus authoritate,  
 ac scito vestro communi, legem tulit. Illorum leges  
 libidini populari sæpe seruiebant: Sigismundi verò  
 nulli rei seruiunt, nisi vtilitati communi ac vestræ li-  
 bertati. Illorum legum nimia licentia tyrannidem  
 in ciuitatibus pariebat: nostra verò legum disciplina,  
 nulli rei magis, quàm tyrannidi, est aduersa. Quid  
 ita? quia apud leges nostras rerū, & criminum, non  
 personarum, neque dignitatum, ratio est. Non que-  
 rebatur in Sigismundi iudicio, Archiepiscopusne, an  
 Pala-

Palatinus: Episcopus, an Castellanus: nobilis, an ignobilis: peregrinus, an ciuis reus esset? sed remota dignitate omni reorum ipsorum, de re ipsa iudicium fiebat: in quo nocentes pœna legitima afficiebantur: innocentes verò ex lege absoluebantur. Iam, quanta ipsius Sigismundi maiestas in iudicijs publicis fuerit, quæ animi æquitas, qui modus, recordamini, equites, & illam personam illius regis in iudicio præsentis vobiscum cogitate: in qua expressa facies Reipublicæ vestræ cernebatur: status erectus, ac celsus, lati ac patentes humeri, facies rotunda, rubentes genæ, oculi grandes, ac stabiles: minax supercilium, nasus ipse gryphus ac aquilinus, summo rege dignus: vt non Casimiri regis, sed lo-uis filius videretur iudicio præsidere: sic omnia ad imperium erant in illo rege nata, vultus, intuitus, vox, latera, silentiū postremò ipsum. In iudicio nunquam audiebatur, nisi cū oportebat: minùs etiam nonnunquam, quàm oportebat. Nutu plura, verbis pauca conficiebat: tantaq; moderatione linguæ ac continentix sermonis fuit, vt illius, in summo imperio, nemo vnquam verbū vllum asperius audierit. Quare cū tanta iustitia, ac tanta moderatione in cōtrouersijs diiudicadis fuisset, æ quos, placatosq; reos à se dimittebat, nō solūm eos, secundum quos iudicabat, sed etiam eos, quos contra statuebat: & cū gratiæ causā in iudicio nihil faceret, grata tamen erant omnia, quæ faciebat. Ita sœueritati illius, res maximè distans, miscebatur comitas, sed ita tamē, vt neq; comitas impediretur sœueritare, neq; sœueritas comitate lenior fieret. Hac fama admirabili virtutū incredibiliū, cū solus ille rex, solus iustus,



solus sapiens, non domi tantum, sed etiam foris videretur: tanta veneratione propter summam iustitiam apud omnes gentes fuit, ut iustitiæ illius fama impulsu Bohemi primum: deinde Hungari, Ludovico rege apud Mohacium à Turcis interfecto, huic ultro duo maxima regna offerrent, quæ ille tamen non accepit, cum reprehensione multorum, eorum præsertim, qui non perspiciunt, ac multò etiam minus intelligunt, quatum ipsius regni sit opus. Quod cum alta sapientia Sigismundus cognitum, perspectumq; haberet, regna illa remisit Hungaris, ac Bohemis: ipse Sarmatia cõtentus fuit, sufficere sibi hæc materiam ratus, in qua omnem vim ingenij, ac virtutis suæ ostenderet: tanta fuit opinio ipsius excellentis iustitiæ apud omnes, tanta etiam illius moderatio. Quid verò illud, cum Ioannes, & Ferdinandus reges, summis inimicitijs incensi, arbitrum hunc de Hungariæ regno ceperunt? parùmne ex eo liquet, quanta existimatione hic rex apud omnes fuerit? quam sanctissimam esse reges illi putabant, ita ut arbitrio illius, non solum regna ipsa, de quibus ambigebant: sed etiam dignitatem suam regiam committerent, id iustissimum fore rati, quod à Sigismundo probatum, decretumq; fuisset. Præterea alia infinita domi, & foris ipsius excellentis virtutis, atque iustitiæ documenta, quæ ille viuis constituit, ad memoriam regni sui sempiternam. Et quoniã præcipua pars iusticiæ est pietas ipsa, parùmne hac quoq; iusticiæ parte excelluit? cum religionem illam patriam atq; auitam, carimonias item omnes sanctissimas, tanta veneratione coleret, ut nihil illis melius, nihil religiosius esset, ne in monasterijs ipsis quidem, non  
in

in his, quæ nunc sunt, sed in illis, quæ olim fuerunt: fide enim in Deum erat summa, hominem peccatorem se confitebatur esse palam: nusquam spem veniæ, nisi in solo Christo habebat: benignus in omnes, pius, clemēs, ac munificus fuit: in ecclesia verò, ne quid nouaretur, nève ipsius religionis vlla in re fieret commutatio, tanto studio curauit, vt in minimis etiam rebus, quæ vix censeas, diligentissimus fuerit. Vos hoc loco appello sanctissimi sacerdotes, qui mæsti nunc pro illo sacrificium facitis: ecquis vestrum diligentior omnibus religionibus atq; carimonijs conseruandis hoc rege fuit? Quoties ille vos admonuit, si quid à vobis non ritè factum, aut si quid de statuto sacrificio fuerat à vobis prætermisum? Candelam ipsam ceream mediufidius, vt maiora prætermittā, non suo loco stantem aduertebat: aut si ea sacro deesset, vos admonebat. Neque verò id ille faciebat curiosus in vestro munere: sed quod minimis hisce rebus, aut sublatis, aut intermissis, religionem ipsam intermitti, ac sensim tolli putabat: de qua ne vlla diminutio fieret: non solum præmijs, sed etiam pœnis in seditiosos editis prouidit. Gedanenses enim ciues res nouas atq; perniciosas non in Rempublicam tantum, sed etiam in religionē molientes, supplicio affecit: summa tamen moderatione ac æquitate: paucorum enim pœna cōtentus fuit, ad salutem reliquorum. Ita ille cūm fundamentum omnis Reipublicæ religionem ipsam sciret esse, & cūm sibi multorum exemplis ac literis suaderet, mutata religione, mutari regna: summa religione ipse fuit, & vt cæteri quoque essent, curauit: ad quam colendam ac retinendam, vt expeditior ipse esset, mul-



tis exercitationibus se comparabat : summa enim abstinentia ieiunabat : dies festos celebrabat : nunquam publicè quicquā agebat, priusquā sacrificasset, sacroque interfuisset. Verbum Dei diligenter in concionibus audiebat, ac iuxta illud vivebat : sobrius in omni vita rex fuit : nunquam ebrius est visus : nunquam vino aut amore insolens ac intemperans. Ad hunc modum ille cum summa moderatione victus fuisset, paratus semper erat ad regium illud opus atque munus, in quo exercendo carebat furore illo, qui ex intemperantia cibi atque vini ducitur : quo remoto, summa fuit humanitate ac incredibili religione ad ultimum vsque spiritum, ita ut etiam animam ipsam agens, hunc istum Vitum Monachum de Dominici familia, sacrificantem diligenter audiret, ad singula verba passionis Christi Dei nostri suspirando, ingemiscendo, ac flebiliter precando, quod Deus ipse peccatorum ipsius immemor : beneficio autē Christi in illum, & in omnes memor, clemens ac propicius, illum ad illas beatorum sedes recipe-ret, ad quas Iesus Christus Dominus, & Deus noster ante illum præcesserat : ô fidem veram, & dignam, cui isti ignes luceant, qui quidem signa sunt atq; notæ illius ignis intimi, quo fides ipsius ardebat in Deū : caritas autem ipsa sese effundebat in proximum. Hoc ergo isto diuino igne atq; recondito semel in baptismo suscepto, cum ille arderet in omni vita, nullaq; perfidia illum violaret : rectè hæc ista lumina atque ignes, incensæq; facies præferuntur nunc illi mortuo, quod fidem Deo seruaret integram, caritatem autem proximo ad ultimum spiritū, quem cum iam reddiderit Deo ex hac turba, & colluione tanquam

quam ex hospitio, non tanquam ex domo, in illud  
animorum concilium, cœtumque profectus est, ubi  
nunc cum fidei Abraham, Isaac, atq; Iacob accum-  
bit: colloquitur cum Dauid: viuit cum Iosia iustissi-  
mo atq; religiosissimo rege: auos suos, fratres, ac pa-  
rentes, reges vestros recognoscit: hunc totum iam  
complectitur cælum: hunc obuijs vlnis excipiunt  
omnes beatorum animæ, ac illius conspectu lætan-  
tur, ab Aquilonisq; partibus aduenisse gaudent  
regē iustitia ac pietate insignem, socium felicitatis  
suæ, atq; immortalitatis participem: quo nemo vir  
melior apud nos natus est, nemo pietate præstan-  
tior: nūc ille vos ex alto intuens, equites, à Deo Opt.  
Maxi. precatur, vt nos felices ac saluos velit esse, ve-  
strumq; hoc regnum conseruet, quod ille summa  
sapientia, ac singulari iusticia viuus rexit, ac omni-  
bus legibus, præsidijque ornauit, atque instruxit:  
summaque in illo tuendo, conseruandoque animi  
magnitudine, fortitudineque fuit: de qua ego bre-  
uiter dicam: fuit enim hoc tertium, quod in summo  
rege inesse oportere diximus. Neque enim satis est,  
sapientem ac iustum domi esse regem, nisi etiam is  
regnum saluum præstet, & ab omni externa vi de-  
fendat. Qualis vtiq; Sigismundus fuerit, constat: qui  
quo die rex à vobis est factus, motus domestici in  
illum, deinde externi cum maximo nouarum re-  
rum metu exceperūt. Recordamini enim, equites,  
qui motus ille in Lituania, qui timor fuerit, cum Mi-  
chael Glinski homo eius gentis potentissimus, atq;  
seditiosissimus, mortuo Alexandro rege, principatū  
Lituanæ peteret, ad quam illi rem cum & animus  
non deesset & copia, tamen is Sigismundi primū



nomine, deinde conspectu fractus, debilitatusque arma posuit, pacemque supplex petijt, ad postremò in illius fide fuit. Mansisset autem vrinam in sententia: nunquam tantis cladibus, tantoq; hominum interitu Lituaniam cum Moschouia commisisset: cùm enim Michael Glinski moliri multa occultè in Lituania nunquam desisset, à Ioanneque Zabresinskio Marscalco Lituaniæ, appetiti principatus reus fieret: non cogitabat, quomodo se regi purgaret, de quo arguebatur, sed quomodo acculatorem suum primo quoq; tempore è vita tolleret. Itaq; oblitus clementiæ regiæ, quam primò statim Sigismundi in Lituaniam aduentu, incredibilem erat expertus: Iustitiæ etiam huius ipsius regis immemor, in qua etiam nocenti perfugium esse poterat: nullaq; ratione harum rerum omnium habita, multa nocte Ioannem Zabresinskium aggreditur, & quiescētem iam, ac nihil tale cogitantem inuasit, ac domi suæ hominem nobilissimum occidit, magnum crimen, scelus ingens, vis non ferenda, cuius ille magnitudine perterritus, vt scelus scelere cumlaret, ad Basilium Moschum profugit, illumque ad inferendum bellum patriæ sollicitare cœpit: facileque sua sponte ad id iam parato Basilio persuasit, vt cum Maximiliano Cæsare fœdus faceret, ab eoq; futuri belli subsidium contra Sigismundum peteret. Nihil propius est factum, quam vt Maximilianus immemor tum nominis ac generis sui, omnibus suis copijs ad inferendum bellum Sigismundo Basilium iuuarer: quod tanto apparatu rerum omnium à Basilio erat gestum, vt neq; maiori contentione, neq; maioribus copijs inter Lituanos, & Moschos vnquâ certatum fuisset:

fuiſſet: Hic Sigismundus, & ſi eodem tempore alijs quoq; bellis Scythicis, Valachicis, atq; Turcicis deſtrictus eſſet, tanta tū animi magnitudine in bello Moſchico ſuſcipiendo fuit, vt nullum aliud bellum gerere videretur: non terruit illum Maximiliani Cæſaris inſperatum cum Moſcho fœdus, non copia ab illo ſuppeditatæ gerendi belli, non ipſius Baſilij exercitus ante hanc diem inuictus. Incredibili enim celeritate exercitu ex Lituania collecto, militibus etiam ex Polonia accerſitis, magno animo aduerſus hoſtem contendit, ac Boryſthene amne ſuperato, cum hoſte acerrimè confluxit, quem memorabili pugna deuicit, non in præſens tantum ſed etiam in poſterum: nam eo prælio videntur omnes vires concidiſſe Moſchorum, quæ antè hac graues Lituaniæ ac inuictæ videbantur eſſe: & quæ ante illam cladem tantæ fuerunt, vt Moſchi præ ſe cæteros mortales omnes contemnerent, quibus deuictis, tâta gratulatio omnium eſt ſubſecuta, vt etiam Romæ à Leone Decimo ſupplicatio Sigismundi nomine decerneretur, ſingulari genere verborum & numero dierum. Cùm enim in Leonis ſenatu Nicolaus Wolski legatus, hic Sendomiriensis Caſtellanus, expoſuiſſet & genus hoſtium & victoriæ modum, res digna patribus illis eſt viſa, publica ipſius urbis Romæ gratulatione, ac ſupplicatione ſingulari. Supplicatum itaq; fuit, totaq; vrbe dies feſti, atq; ludi eius victoriæ nomine fuerant inſtituti, dolente ac mœrente Maximiliano Cæſare, qui captiuos etiam ipſos, per hunc iſtum Nicolaum Wolski Leoni miſſos, intercepti, in Moſchouiamq; contra ius gentium remiſit. His victorijs atq; triumphis initia re-



gni sui Sigismundus consecrauit, docuitque se eum regem esse, qui & domi regnum legibus tenere & foris armis tueri posset. Neque verò hoc bello tantum illius animi vis extitit incredibilis, sed multis etiam alijs bellis grauib; ac difficilib; . Nam cum vix à Moschico bello respirasset, Scythiam magnis copijs, Russiam prouinciam ferro atq; igne vastantem incredibili virtute ad Wisnio Wicium superauit: illa q; pugna, primus regum omnium, Scythas docuit, pacem bello meliorem esse. Quid autem Valachia ipsa, Turcicis exercitibus contra Sigismundum munita atq; instructa, cum huic regno periculosissime immineret, nonne ad Obertinum postremo ab hoc rege deuicta, pœnas temeritatis suæ dedit, vestroq; imperio, hoc isto Ioanne Tharnouio duce, parere est coacta? Iam verò Moschouia, cum iterum fractas illas vires suas ac desperatas repeteret, bellumque maximum pararet, non ab hoc Sigismundo iterum deuicta bello maximo funditus corruit? Ad quod bellum gerendum Sigismundus, hunc istum Tarnouium Imperatorem, ad conseruandum hoc regnum natum, miserat: qui capto atq; euerso Starodobo, ingenti hominum strage, Moschos in perpetuum deuicisse iam videtur. Præterea alia bella varia atque infinita, quæ Sigismundus gessit, non libidine regnandi, neque studio gloriæ incensus, sed amore religionis Christianæ conseruandæ. Cum enim Polonia regnum Aquilonem versus vltimum sit regnorum omnium: gens ista regiones finitimas habet inimicissimas, partim Christiano, partim verò Romano nomini. Quare Sigismundus cum his assidue bellum gessit, nō vt finitimarum rerum potiretur,

tiretur, sed vt religionem Christianam contra Scythas atque Turcas: Romanæ verò sedis nomen contra Moschos atque Walachos tueretur: quod hæ gentes huic sedī, hoc isto dissidio Græcorum cum Latinis, sint omnium inimicissimæ. Solus ergo Christianorum regum omnium Sigismundus non pro augendo, sed pro retinendo regno: non pro sua libidine, sed pro Christiana religione bellum cum tota Asia gessit, cuius Asiæ opes cum magnis ac insperatis victorijs crescere indies videret, seque præ cæteris periculis illis proximum esse sciret, Christianos autē principes mutuis bellis dissidere videret, providendum sibi, regnoque suo putauit. Quapropter summa ope est conatus Christianos principes in mutuam gratiam reducere, illorum concordia ac conspiratione suas opes atq; rationes contra Turcarum tyrannum firmare, vt minùs potens, minusq; formidabilis tyrannus ille vobis esset. Quapropter & Maximilianum Cæsarem reconciliata iam gratia Viennā adierat: cuius etiam hortatu Vladislaus frater Hungariæ rex, cum Ludouico filio, eò quoq; venerat, quo in conuentu summorum regum ille ostendit, docuit, monuit, Turcarum opes tantas esse, vt ab vno Christiano rege superari non possint, in cōcordia ac mutua pace spē esse, sine qua nihil esset Christianis salui. Itaq; Sigismundo authore atq; duce, iacta erant Viennæ fundamenta communis auxilij: quæ tamē sorte quadam rebus nostris aduersa non diu manserunt. Nam & Maximil. & Vladislaus vita functi, ambo spem Sigismundi fefellerunt. Non cessauit tamen Sigismundus agere, & facere omnia, quo potentia Turcarum occurreret. Quare auxilia



vndique contrahebat: cum finitimis fœdus & amicitias iungebat, neque verò his solis contentus fuit, sed etiam cum sciret Neapolim atq; omnem illam oram Apuliæ, societate Turcici belli cum Polonia coniungi, amicitiam Italiæ expetiuit, hancq; Bonam reginam ex Sphortia familia clarissima atque totius Italiæ nobilissima, ducem Bari in matrimonium accepit: vt hoc ceu quodam illustri ac sancto pignore, socium se belli ac periculorum omnium Italici profiteretur esse. Verùm cum hac ista spe finitimorum ac externorum auxiliorum frustra pèderet, solusq; sapiùs cum summo rerum suarum discrimine cum Turcarum ducibus confligeret, de regnoq; suo iam planè dimicaret, fœdus ad extremum cum Solimāno fecit. Quid verò illi aliud faciendum fuit? solus erat: opem ferebat nemo, spes ipsa restabat nusquā: regnum porrò suum videbat omnibus Turcicis bellis ac periculis esse propositum. Quid tandem quæso est, quod quis Sigismundum huius ipsius fœderis nomine reprehendat? cum videat vnum è duobus illi fuisse necesse, vt aut regnū suum in postremum discrimen adduceret, aut fœdus cum Turca faceret, quod tamen ille non fœdus potius, quàm inducias sibi putabat datas esse parandi belli. Nouerat enim ille à Turcarum tyranno non fide, neque religione: sed occasione atq; tempore fœdera pòderari. Quare etsi ille fœdus illud sanctissimum esse ducebat, tamen quod nihil huic hosti crederet, inter fœdus illud, rationes suas summo studio futuro bello parabat, vt si quando illi necessariò cum Turca belligerandum esset, eò paratior, instructiorque in aciem contra illum prodiret. Meminerat, sapiùs se conflisse

xisse cum hoste summo cum periculo, Ludouicum etiam regem, nepotem ex fratre suum, viderat vitam, & regnum profudisse, cum incertorū auxiliorum spe bellum Turcicum mallet, quàm fœdus: cuius consilia nunquam probabat Sigismundus, summoq; studio à bello illum reuocabat, ostentabat illi Rhodum atq; Cœum nobilissimas insulas consimili spe perijisse: docebat Carolum Cæsarem impeditum esse bello Gallico atque Italico, Ferdinandum autem Rusticano: Germaniam etiam totam, religionis cōtrouersia dissidentem, commemorabat: nusquam spem superesse: prestare fœdus facere, quàm bellum incertum gerere, cuius fidelissimis consilijs cum Ludouicus non obediret, vitam simul cum regno amiserit. Quam in re Sigismundus, quàm sapiens rex atque fortis fuerit, ostendit, qui Rem publicam tanquam in alto nauim pro ratione tempestatū, & locorum, & temporum dirigendam esse ducebat, vt quid tempus Reipublicæ poscat, aut quid vetet in primis sapienti regi sit prouidendū. Interea tamen Sigismundus quoad vixit, cum bellis mutuis Christianorum arderent res, ille non quieuit, sed assiduus bellis pacem regno suo quesuit. Nunquam quenquam bello lacessiuit, nunquam nisi lacessitus bellum gessit, propterea etiam (credo) victor semper extitit: singularisq; illa huic vni concessa erat gloria, quod hic solus regum omnium in Polonia nunquā victus fuit, nisi fortè quis illam acceptam calamitatem apud Socalium bello Scythico huic adnumeret: quæ, temeritate ducum, absente rege bello commisso, à Scythis accepta fuit, quam tamen calamitatem ille postea infinita hostium cæde compensauit: sic ille



cùm nihil temerè, nihil abiectè, neq; demissè, sed summo consilio, magno, & inuictò animo cuncta gereret, facile fuit inuictus. Res etiam nostras, cùm armis vix possset, fœdere à Solimanno vindicauit, quas ille aut perpetua pace cum hoc hoste sanciuir, aut si belligerandum nobis erit, paratiores, instructioresq; aduersus Turcarum opes reddidit.

Reliquum est, vt de clementia ipsius pauca dicamus, sine qua & sapientia nihil prodest regibus, & iustitia etiam obest, & fortitudo ipsa nocentior fit suis, quàm alienis, nisi ipsius clementiæ moderatione temperetur. Hæc enim ferocem animum regis, ferum & indomitum contra regni hostes emollit, suis mansuetumq; ac benignum reddit: vt hac ipsa virtute rex hostem ab amico, peregrinum à ciue, innocentem à reo secernat: reis etiam ipsis, fragilitatis ac imprudentiæ in hac eadem virtute apud regem perfugium est, hæc ista virtus in consilijs, in iudicijs, in bellis regū versetur necesse est, si reges non Tyranni illi volunt perhiberi, hic enim regiæ Celsitudinis ornatus est: hæc illorū cōmendatio est summa: hæc sola atq; vnica ad immortalitatem illis restat via, deniq; ex hac ipsa excellenti & planè regia virtute nascitur suauissima regum ipsorū memoria: gratumq; ac iucundum illorum versatur apud suos desiderium. Vnde enim sunt vestræ istæ lacrymæ? vnde hæc est misericordia, quam nunc vos præstatis mortuo? eblandita credo hæc sunt à vobis spe vlla cōmodorum vestrorum, & non potiùs expressa vestigia mœroris vestri, recordatione illius optimi atq; clemētissimi viri, qui benignus in bonos, mitis in reos, indulgens in omnes fuit? nunquā ille arrisit vitio,

vitio, nunquam detraxit virtuti, nunquā blandiens parti se dedit alicui: sed cū rem ipsam sequeretur, hoc vnū propositum illi fuit, ne quā in re aberraret à vero: tanta æquitate ac clementia, vt rerū ipsarum ac criminum magnitudinem, cum rerum infirmitate conferret: virtutem etiam ipsam atque innocentiam, ne approbatione insolesceret, aut dissimulatione, aut leui reprehensione, tēperabat. Iam verò ipsas parteis magnis sæpe odijs incensas, summa gravitate ac æquabili erga vtranq; voluntate audiebat. Possem hoc loco magnas inimicitias clarissimorum virorum commemorare ex Reipublicæ causâ susceptas, nisi & vos meminisse scirem, & ipse præterire hanc ignominiam vellem, ne commemorando notare videar auctores ipsos. Dabo hoc ergo illorum authoritati: ab hisq; vobiscum vnā petam, vt cōmunis salutis causâ remittant animos, æquosque ac placatos retineāt huius istius exemplo regis: qui, cū rex esset, possetq; delinquentem coërcere, æquus tamen vtriq; fuit, monereq; ac hortari, interdum etiam rogare ad pacem suos maluit, quā lege, vi aut minis impellere: ferebat enim æquo animo omnes, in liberaq; Rep. non solum animum, sed etiam odium liberū esse debere duxit. Hāc libertatem ille liberorū populorum cū summā esse sciret, vt videlicet, & amoris, & odij par sit apud ciues ratio, ipse quoq; odia multorum in Rep. pertulit, si tamen odium est dicēda libera ex postulatio subditi cum rege. Cū enim benignitas ipsius atq; clementia nimia quibusdam, aut etiam nonnullis in rebus remissior videretur: reprehendi, se palām in senatu patiebatur: sententias in se dictas patienter fe-



rebat, & eas æquissimo animo refellebat, aut illis cedebat, & secundum illas, quod admittebat, corripiebat. Iam verò in comitijs ipsis, nullius regis in Polonia aures vobis ac vestris legatis benignius unquam patebant. Attente perorantes vestros legatos audiebat: postulara vestra clementer accipiebat: stultitiam multorum sæpe ac intemperantiam perferebat. Nunquã ille aspero verbo, aut immodestius  
 \* *Emisso.* \* misso excaudit: nunquã iracundia exiit: quam ille cum omnib. virtutibus continentia, grauitatis, iustitiæ ac humanitatis, à se remouisset, facilis in rebus cognoscendis, in hominibus audiendis, admitendisq; fuit. Quanto enim motu, quanta contentione illa ad Leopolum Valachico bello pro vestra libertate cum hoc rege egistis? cùm quædam non legitimè fieri: quædam etiam negligi ab illo vobis videntur: quæ tum grauitas, quæ animi æquitas, qui modus, quæ patientia huius regis, quæ vestra libertas actionis tum fuit? & tamen cùm iustè fortasse nonnullis irasci posset, neminem vestrum ne asperiori quidem verbo propterea appellauit, ita, vt etiam illius ipsius actionis authores atq; duces, maximis affecerit propterea præmijs, veluti hos duos fortissimos ac coniunctissimos fratres, Petrum ac Martinum Sborouios, quorum in Republica singularem fidem, obseruatiam verò erga se summam cùm esset expertus, vtrunq; honore senatorio affecit, quorum exemplo ille ad tuendam Rempublicam, causamq; communem agenda, multos fortes viros ac industrios ex ordine vestro excitauit, veluti hos duos summa spe ac virtute in causa communi cognitos, Petrum Boratinki Ruthenum,  
 & hunc

& hūc Stanislaum Podlodoſki ex Sendomiriensi municipio equitē, qui cū in comitijs nuper Pittakouia habitis, quæ postrema Sigismundo fuerunt, grauiorem cauſſam Reipublicæ ſuſcepſſent, quàm vt vtriuſque ætas pati videretur: ſic tamen à Sigismundo audiiti ſunt, vt etiam Stanislaum Podlodoſki de libertate veſtra liberius differentem, lacrymans audiret, & cū hic Sigismundum in Polonia non imperatorem, ſed regem eſſe diceret, legibusque illum certis regnare oportere, ſumma cum libertate orationis diſſereret: annuit ille: ipſo que vultu ac intuitu ſignificauit, ſe quoque non Imperatorem velle eſſe, ſed regem. O virum omnium literis, ſermōnibus ac monumentis celebrandum, & dignum, qui non dico homines, ſed Deos ipſos regeret, nō illius tum maiestatis auertit illi à dicēte Podlodouio oculos: non aures illi clauſit regiæ poteſtatis conſcientia. Imò verò vidit, audiuit, ac ſummo ſtudio audienda ſibi ea putauit, quæ liberè de Republica à Podlodouio dicebantur. Dixiſſes hæc in Neronis ſenatu Podlodoui? aut alicuius regis Italiae aures hac iſta libertatis voce appetiſſes? Poſtremum illo in loco (mihi crede) conſtituſſes, ac vltima vox tibi illa fuiſſet, quæ tamen ipſa grata Sigismundo fuit, iucunda nobis, glorioſa verò nunc eſt ipſi tibi. Summa hæc eſt clementiæ laus, equites, Sigismundi regis, & haud ſcio, an omnium maxima, in libera Republica liberas velle verſari hominum voces, liberas ſententias: denique liberas expoſtulationes, monitiones ac reprehensionem ferre. Quæ qui rex non fert, aut in Republica nō probat, non rex, ſed immanis eſt tyrannus, qui vt homines liberos in ciuitate non fert: ita



neq; linguas liberas ferre potest, nec iniuria. Tyrannus. n. ipse viuit cū omniū inuidia, iniuste ac impie, sine fide, sine amore, sine vllō beneuolētię vinculo, vt meritō fidat nulli, credat nemini, nulli religioni, nulli legi pareat. At Sigismūdu cōtra, omnium, qui vnquā fuerunt, rex mitissimus atq; clementissimus cū meminisset liberi populi regē se esse, certa religione ac certa fide regnātem vobiscū non vt cum seruis, sed cum liberis, nō cum subditis, sed cū socijs atq; amicis, summa beneuolentia in hac Repub. viuendum sibi esse duxit: vt ex æquo & audiret suos, & audiretur à suis. Quare ita ille vobiscum vixit, vt nō tantū aures illius, sed ipsius etiam vitę priuatę recessus nobis paterent. Aperta stabant illius cubicula, patebant atria, peruia erant nobis illius penetralia, nūquam excluderemur, nisi cū erat necesse. Admittebamur, adstabamus, audiebamur: liberē querimonię de aliorum iniuriis apud eum nobis erant, ac qualibet de re facilis aditus, ac penē assiduus cum illo conuictus nobis fuit, vt nō solum mens, sed oculi etiam nostri liberē in vita ac in omnibus cubiculis ipsius versarētur: in quib. nullos mores tyrannicos, nullas contra libertatem nostram machinationes, nullum regni dedecus, nullam turpitudinē, nullam deniq; intēperantiam cernebamus. Omnia erant in illius integerrima vita, honesta: in cubiculis verò, decora, ac cum summa regia dignitate, atq; vestra libertate coniuncta. Iam verò quoties progrediebatur è thalamo, in publicumque se ac in turbam dabat, quanta tum, Dij immortales, oris illius dignitas? quę maiestas? qui hominis illius habitus? qui incessus? qui comitatus fuit? quām aptus? quām

con-

concinuus?quàm grauis?quàm cultus?quàmq; summo rege dignus? quib. rebus cùm in animos hominum flueret, ac mentes omnium hac tanta maiestate occuparet: non timuit venena, non insidias, non conspirationes vllas verebatur, propterea etiam crebat prægustatoribus, quibus tamē ipsis interdum ad speciem utebatur magis, quàm ad aliquā necessitatem. Senatorum turmis ac equitum incedentis latus claudebatur, non doryphoris hisce, neq; seruis mercenarijs: indignum enim bono rege putabat esse, metum, in suo regno præ se ferri armis, ac in cœtu suorum hostem vereri, ac propterea ab armatis seruari. Tyrannorum sunt ista præsidia, equites, & malè cogitantium hominum de rebus communibus. Fide Sigismundus ac beneuolentia vestra satis se munitum putabat esse: neminem etiam è suis metuebat, cùm æqualiter omnes diligeret, omnibusq; ex æquo se amabilem præberet. Tantumque hac ista fiducia vestri profecit, vt quietè primùm ac tranquillè vitam vobiscum degeret: deinde studijs vestris incredibiles huic regno felicitates atq; opes afferret. Quæ enim fide ac voluntate erga hunc regem vos fueritis, testantur multa atq; præclara facinora, huic regi virtute vestra parata, qui cùm talem se regem gereret in omni officio suo ac munere, vt ad summam nihil à vobis in eo desideraretur, meritò tales vos quoq; erga illum gessistis, vt ob summa atque amplissima illius in vos ac Rempublicam vestram beneficia, patrē patriæ vna voce hunc appellaretis: qui honos post conditā Poloniam huic soli à vobis est habitus: & cùm eum, quem natura mortalem genuerat, vos immortalem esse cuperetis, hunc



Sigismundum Augustum filium, pignus esse voluistis fidei ac voluntatis vestræ erga Sigismundū semperiternum. Nam cū hic Augustus admodum puer esset, soloque illo omnes patris spes niterentur, & cū id vobis per leges liberum esset, hunc vos honorem patri habuistis, vt hunc alium ipsius, tum autem puerum, nec tum ad imperium ætate maturum, magna tamen spe præditum: regem viuo patre omnibus vestris suffragijs salutarētis, hancque incredibile voluptatē patri de filio daretis, vt is vestro beneficio filium successorem sibi paratum videret, cui nomen Iagellanæ gentis ac familiæ amplissimæ dignitatem, regnumque patrium atq; auitum traderet. Magna hæc vestra erga Sigismundum voluntas, summum etiam studium vestrū fuit. Hanc mentem vt retineatis, mortuoq; illi conseruetis, vestræ fidei, vestræ constantiæ est, equites: tum verò, vt parem animi voluntatem retineatis in ipsius progeniem totam, quam reliquit, vos ille orat atq; obtestatur. Aspicite, equites, hanc lugubrem turbam, hæc fletu deformata corpora, hic filius ipsius carissimus, rex vester est: hæc verò illius est fidissima ac sanctissima coniunx. illæ autem mœstæ ac dolentes tres filia. Hūc cœtum atq; sobolem clarissimam regis vestri colite, equites, ac summa veneratione, summaq; obseruatiā habeatis. Tu etiam, Sigismunde Auguste, suscipe hunc ordinem, cuius virtute pater tuus fuit inuictus. Vides in quæ pericula regnum tuum incidit: quos hostes habeas, quos etiam metuas considera. Circumstant te vndique pericula: aut auxilijs destitutos nos vides esse: nusquam in finitimis, nusquam in alienis præsidijs spes esse, vndique

que circumfusa premit te Asia, hinc ex Hungaria imminet tibi Turcia, hinc Scythia, hinc bellum renouat Moschouia. Germania postremò ipsa referta genere ac sanguine tuo, non satis tuta tibi denunciat. Vides quàm in medio relictus sis solus, vt secundum Deum, spes tibi nusquam restet, nisi in hoc ordine ac in paterno imitationis exemplo: quod si tibi proposueris, & si dies atque noctes in eo recognoscendo fueris, inuenies profectò, quomodo hæc, quæ tibi amplissima pater reliquit conserues. Nihil enim tibi poterit accidere noui, quod in regnando pater tuus non viderit aut non fuerit expertus: tu modò sapientiæ ipsius ingrediare vestigijs, ad exemplumque paternum mentem tuam in rebus optimis exerceas, senatui pareas, iusticiam colas, æquus omnibus, addictus nulli fias, religionem Christi commiter conserues, rem militarem augeas, benignius in omnes: pius ac clemens in tuos fias, & breuiter ijsdem itineribus ad virtutem eas, quibus pater tuus peruenit. Sustines eius rei non mediocrem spem. Est in te præstans vtroque genere natura, est etiam quod adolescentia tua fert, vsus rerum magnarum, omnium ora atq; oculos vides esse in te vnum conuersos, cum te intuemur, tum de Sigismundo patre tuo, tum de maioribus cogitamus. Veniunt enim nobis in mentem, veniunt, te intuentibus, lagellones illi veteres: Vladislai item, Casimiri atque patrui tui, clari viri: quorum virtute, dignitate atq; estimatione, apud omnes gentes fuimus illustres: qui si quis mortuis sensus est, memoriam nominis sui, dignitatem huius regni, ac omnium nostrum salutem tibi commendant: à te petunt, vt suscipias caus-



sam nostram, utque hanc Rempublicam, & pro illorum dignitate, & pro tua gloria, ac pro nostra salute administres. Idem moriens tibi mandat pater, atque hoc in loco iacens à te postulat. Adest enim profecto, adest illa vis hîc, coram qua hoc mortale vigeat corpus, & qua hoc isto corpore ad nostram salutem vta est: hæc inquam vis diuina atq; immortalis patris tui, hîc coram adstans, te intuetur, tuam fidem implorat, hæc abs te perit, ut ea omnia, quæ in templis, quæ in foro, quæ in regno hinc decedens reliquit tibi pater, virtute, fide atq; constantia tua conserues ac defendas: utque memor sis, te Poloniæ regem esse: in tua persona huius Reipublicæ faciem expressam esse, utque ob id non publica tantum, sed etiam tua priuata (si tamen quid tui priuati hoc in regno est) ut ea, inquam, omnia ad summam ac amplissimam regiam dignitatem tuam referas. Quod si tu qua in re titubaueris, aut ab officio tuo deflexeris, cadet hoc regnum, stare diu non poterit. Tua enim sapientia illud nitatur, tua iustitia stet, tua virtute defendatur, denique tua clementia floreat, necesse est: hoc magnopere abs te flagitat pater, hoc nos speramus, hocque debitum munus abs te expectamus. Vos etiam Patres conscripti, quos diuina fors quædam huic regi fecit superstites, manete in hac custodia Reipublicæ, in qua vos ille viuus collocauit, vigilate, multæ sunt insidiæ nobis, multæ inimiciæ, hostes infiniti: pericula verò tanta, quanta post conditum hoc regnum non fuerunt. Nusquam salutis spes ostenditur, nisi in vestra concordia. Erigite vos, per Deos immortales, ac odia, si quæ nobis insunt, Reipublicæ causâ ponite, ut commune of-

ne officium senatorium, communi animo ac voluntate defendatis. Quid enim salui in hoc regno fore putabitis, distracto in partes senatu, variatis vestris sententijs, equitibus postremò ipsis, vestris inimicijs diuisis atque incensis? Iam verò metus externi hostis ac imminētis periculi, vos in mutua pace atque beneuolentia contineat: quæ res semper apud optimos ac præstantissimos ciues plurimum potuit, vt, quo die Magistratum inirent, eodem in gratiam redirent, turpe sibi fore rati, cum in Repub. eadem societate coniungerentur, nō eadem eos fide coniungi: quæ ibi esse nequit, vbi concordia est nulla. Fecerunt hoc illi veteres sine Deo homines Græci, Scipiones, Lepidi, Metelli. Vos qui certo ac vero Deo viuitis, non facietis? præsertim cum finem legis vestræ, caritatem sciatis esse: quam si ex ordine vestro tollitis, & Remp. amittetis, & vos ipsi peribitis. Non est enim, quod quis speret rectis consilijs ibi locum esse, vbi caritas est nulla, & vbi in locum huius successit odium & iracundia. Ira enim viri, Apostolo teste, iusticiam Dei non operatur. Quid dicam odium *Jacob. I.* ipsum? quod cum inueterauerit, animi lumen extinguit, densasq; menti tenebras offundit. Veniant vobis in mentem, Patres conscripti, quanta odia illa Græcorum, quanta Romanorum, quanta etiam hæc ista recentia Hungarorum fuerunt: quibus odijs potentissimæ nationes ac florentissima imperia corruerunt: senatorū (mihi credite) culpa illa fuit. Dum enim se quisque in Republica ostentat, dum potentiam suam iactat, dum operam venditat, postremò dum se magnum vult videri, calamitate communi, & senatus, & plebs vna perit. Ne hoc sinat Deus.



optimus maximus in cuius cura sumus, vt hoc inclytum regnum, hic inuictus populus, vestras discordias publico luat interitu. Quare vincite per Deos  
\* *Vestros* immortales animos \*, Patres conscripti, ac illos retinete in officio, plus apud vos valeat malum publicum odio priuato vestro. Date hoc Reipublicæ, Patres conscripti, date nobis, date saluti communi, date vobis ipsis, coniugibus, liberisque vestris, quorum supplicio ac interitu expiabuntur, mihi credite, discordiæ vestræ, nisi prouidetis. Reijcite controuersias priuatarum rerum: sit Respublica seges & materia vestræ gloriæ. Hanc exercete per Deos immortales, Patres conscripti, quæ multis circumsepta hostibus, ac magnis vndiq; cincta periculis, vobis supplices manus tendit, vos orat atq; obtestatur, vt reconciliatis vestris animis, saluam atque incolumem illam velitis esse, & certè talem, qualis Sigismundo regi fuit. Hoc res ipsa publica, hoc etiam Sigismudus à vobis ipse postulat: qui hunc filium suum clarissimum atque optimū respectans, vos ex alto intuetur, à vobisque petit, per Deum ipsum, quem castè, religioseque in Polonia coluit, per Rempublicam, quam amplissimam vobis reliquit, per salutem vestram, quæ illi vita propria carior viuendi fuit, vt cum hoc Augusto rege, filio autē suo cōiuncti inter vos fidelissima gratia, & religionem Dei Opti. Maxi. & dignitatē Reipublicæ, & salutem omnium conseruetis. Non est, non est tergiuersandi locus: mouent omnia, vrgent omnia atque instant. Quantum tandem huius morte hostium animos creuisse putatis? Num Moschouiam? num Scythiam? num Turciam, atque Valachiam, parum huius morte sperare cœpisse

cœpisse existimatis? Occasionem, mihi credite, huius morte, ad occupandam Poloniam sibi oblatam esse nationes illæ arbitrantur: quæ quidem omnes nullis vobiscum neq; legibus, neq; certo pacis iure sunt coniunctæ. In concordia ergo vestra, ac in mutua beneuolentia spes omnis sita est salutis communis, atque huius Reipublicæ retinendæ. Quæ nunc morte regis sui exanimata, ac propè conuulsa sedibus suis, ad complectendum conseruatorem suum gemens ac mœsta venit: illi gratias agit mortuo, tibiq; in primis, summe Deus, qui hunc hominem ad genus humanum cōseruandum, & ad hoc regnum constituendum in terras miseris: cuius beneficio ad hanc diem stant res nostræ, ac cuius opera hoc regnū floret ingenijs, valet opibus, pace ac ocio fruitur, ac legibus optimis viuit: huius postremò monumenta multa ac præclara æternitate ipsa cōsecrata assidue intuetur. Tibi nos, Sigismunde, hæc omnia debemus, tibi hæc accepta ferimus, tua munera sunt ista, tua summa beneficia. Per te nos illustrati sumus, per te exteris gentibus cogniti: te authore atq; duce, Polonum venerabantur nomen omnes gentes, Græcæ, Latinæ, ac Barbaræ: tuis victorijs hostes nostri debilitabantur: tuo fœdere ac societate amici nostri lætabantur. Tu iudex regum, tu pacificator gentium, tu moderator nationum ac conseruator omnium fuisti. Tu hanc Rempublicam affinitatibus primò, deinde cōiugijs cum exteris nationibus coniunxisti: tu author legum nostrarum, tu magister morum ac disciplinæ fuisti: hem nostra lux, nostrum desiderium, Sigismunde iaces. Ad quem nunc confugiemus? à quo opem petemus? quem hosti-



bus nostris opponemus? quæ pace, quo bello, quo  
 foedere nitemur? ô acerbâ mihi, equites memoriam  
 harum rerum omnium: ô flebiles exequias: ô vitam  
 infelicem, quæ orbata es hoc isto rege atq; patre. Ti-  
 bi enim morte huius ornamenta sunt detracta, tibi  
 præsidia adempta, tibi solatia sublata: solus hic restat  
 tibi dolor, mœror ac gemitus: in quo tamen ipso lu-  
 ctu ac mœrore nostro, Sigismaunde Auguste rex, ad  
 te venimus: tibi nos penitus tradimus: tu spes no-  
 stras, patris tui morte fractas, restituas: tu salutē con-  
 serues: tu libertatem nostrâ legib. atq; armis defen-  
 das. Vos etiam, equites, atq; vos Patres conscripti,  
 memoriam regis vestri piè, inuiolate quæ seruabitis.  
 Plura ne dicâ tuæ me, Auguste, lacrymæ, impediunt,  
 vestræ quæ equites, non solum meæ: quibus moue-  
 mur, vt à Deo precemur, quo Deus huic mortuo  
 propitius, nobis verò benignus velit esse.

TER TII BELLI DE-  
 SCRIPTIO, QVOD MAGNVS  
 RVTHENORVM IMPERATOR CON-  
*tra Liouones gessit, an. 1558. quo ciuitas & provincia*  
*Torpatensis à principe Moschouitarum ex-*  
*pugnata, victa, & subiu-*  
*gata est.*



Trox & memorabile prælium ges-  
 serunt Liouones contra Ruthenos  
 anno Domini 1500. sub' ordinis  
 Teuthonici Magistro D. Waltero à  
 Plettemburg, excelsi animi, & ma-  
 gnæ industriæ viro. Nondum vana  
 doctri-

doctrina, aut vlla hæresis eos à Catholicismo transuerfos egerat, sed priscam, auitamque religionem summa pietate & fide colebant. Igitur cum Teuthonicus Magister cum Ruthenis confluere statuisset, publica seruitia, & solennes Litanias triduo seruandas indicit paulò post Natalem Virginis matris, vt communibus votis diuinam opem, & prosperum prælij euentum obtinerent. Conscribit deinde Magister Præfectos, & Commendatores vniuersos cum nobilibus totius Prouinciæ, quibus copias, & auxilia sua coniungunt quatuor Liunionæ episcopi, Rigensis, Torpatensis, Riualiensis, & Hab-selen-sis. Rigensis mille Germanos equites adducit. Torpatensis, quingentos. Riualiensis & Hab-selen-sis, itidem quingentos simul, ita vt Magister Teuthonicus septem haberet Germanorum equitum millia, & quinque millia Curonum, qui populi sunt Liunionæ. Hoc exercitu Magister Ruthenorum fines inuadit, arcesq; & oppida quædam expugnat. Inde ipso exaltationis Crucis die ad urbem Pleiscouiam tendunt. Iuxta hanc sita est planiceis duorum milliariorum amplitudine in quam vbi deuenere, obuiam illis procedit Ruthenorum imperator, cum centenismilibus armatorum, qui in duodecim acies distributi erant. His adiuncta erat ingens Tartarorum manus triginta millia conficiens. Itaq; Teuthonicus Magister, vbi aut turpiter fugiendum, aut ingenti cum animo aduersus tantum exercitum, barbarie & armis formidabilem, procedendum videt, nequicquam de victoriæ spe remittens, fortunâ belli tentare statuit, & paucis suorum animos cõfirmat. Præclaram sanè victoriam, inquit,



ô milites hodie nobis obuenturam de numinis benignitate, & vestra omnium fortitudine facile mihi promitto, In causa iustissima, Dij non possunt non esse propitij. Vos tantummodo pristinae strenuitatis & cōstantiæ memores, existimate vos, decus, gloriam, patriam, libertatem, & religionem, in dextris vestris portare. Alios fortasse ingens barbaræ gentis multitudo animo deiiceret. Vos verò milites dum cōsidero, & cū vestra facta æstimo, quibus parentes, patriam, aras, & focos, auitamq; aduersus hæreditarios Catholicæ pietatis hostes, fidem sæpenu-mero tutati estis, eandemque ad extremum vitæ, armis, & sanguine vestro vindicare cupitis, magna me spes victoriæ tenet, animus, ætas, virtus vestra hortantur. Hæc ubi dixit non multò post vtrinque signa canuntur, Teuthonicus Magister glandes ferreas, & globos tormentarios, velut crebra, cōtinua-que tonitrua in Tartaros contorquet, inde maximo clamore infestis signis vtrique concurrunt, gladijs, lanceis, omniq; telorum genere res geritur. Tartari, & Moschouij arcubus, & sagittis assueti, densissimo, creberrimoque telorum iactu æthera obumbrant, quæ tamen vniuersa penè irrita aërem verberant, donec ultro in terram decidunt. Ingens ibi sonitus, ad cælum attollitur, bombardarum fulmina, armorum fragor, vulneratorum gemitus, pereuntium clamor, tympanorum sonitus, equorum hinnitus, omnia & Martem, & mortem referebant. Tartari ubi prælio fusi, fugatiq;, succedunt duodecim Moschouiorum acies, animis, & virtute recentes. Teuthonici cæsis, Tartaris ubi bellum recrudescere sentiunt, quantò maiorem hostium vim prioribus succedere

cedere conspiciunt, tantò maioribus animis in hostes irruere, & velut ab integro noua virtute resumpta, ingenti cum fremitu cæsum, punctumq; confligere, vergente iam ad vesperam die, quicquid Moscho-  
uijs supererant, furtim se Plescouiam se abducunt. Prælio ita dirempto, compertum est ex Teuthonicorum agmine vnum duntaxat interemptum, Moschouiorum verò & Tartarorum circiter centena millia trucidatos, vt duobus miliaribus cadauera passim dispersa iacerent. Memorabilis hic erat triumphus & singulare virtutis, & fortitudinis exemplum, ac dignum, quod sempiterna memoria donatum, nunquam aboleatur. Moschouiorum Imperator, (qui ipse in aciem non prodierat) cum summo stupore admiratur tantum exercitum, tam exigua manu, tam turpiter cæsum & prostratum, atq; illico pacem quinquaginta annis cum Teuthonibus firmat. Quam in ita, omniq; bellico tumultu composito, legatum magnus Moschoiæ dux ad ordinis Magistrum ablegat, rogans, vt vnumquemque ex ferreis illis militibus. (Rutheni Teuthones ferreos vocabant) qui tantam Moschouiorum multitudinem fuderant, ad se mittat, se vnà cum legato obsidem mittere, ferreum illum virum non inhonoratum, in donatumque ad suos reuersurum. Magister Teuthonicus haud inuitè vnum è militibus cataphractum equitem Moscho-  
uiam versus destinat, quem vbi Moschoiæ princeps aduentare accipit, confestim vniuersis ducibus, nobilibus, & Præfectis suis denunciant, vt præscripto die Moschoiam conueniant, nouum, visuque dignum spectaculum eos habituros. Destinato die cataphractus in apertam planiciem iuxta aulam prin-

*qua propostio.*

*Cataphracti  
militis vnus.*



cipis, numerosa (vt fit) populi corona, circumstante, procedit, & huc, illucq; obequitans, petasum è capite cuiuspiam circumstantis abripit, eumq; in hippodromi centrum projicit. Illico pleno cursu lanceam in petasum dirigit, eumq; dicto citius cuspside arreptum terra sublenat. Moschouius Imperator eam equitis agilitatem cõspiciens, vrsi in morem (solent id facere Moschouij admirantes) barrit. Rursum cataphractus demissa paululum lancea, in oppositum parietem perniciosissimo cursu fertur. Ac tametsi parietem inuasurus videretur, ille tamen protinus intracto muro hastam reducit, & equum retrahit. Illud spectaculum denuo principis, omniumq; circumstantium admiratio subsequitur. Resumpta iterato lancea plenissimo impetu in parietem fertur, hastaq; circumuolitantibus vndiq; fragmentis, confringit. Hæc vbi omni dexteritate expedite gessit cataphractus, vocatur ad principem, & accepto insigni munere ad Teutonicum Magistrum remittitur.

Vbi iam quinquagesimus à pace firmata ageretur annus, videlicet anno 1550. vt pactæ induciæ propediem essent expiratæ. Reuerendissimus princeps D. Iodocus à Reck, episcopus Torpatensis magnæ virtutis, & pietatis vir, magnis impendijs, & sumptibus denuo quinquennales inducias à Ruthenorum Imperatore impetrat, talibus conditionibus, si templa Moschouiorum Rigæ, Riualia, & Torpati diruta, restaurarentur. Præterea si è provincia Torpatensi, tributa, quæ exigebat, penderentur, & alijs, si quæ essent, querelis, satisfieret. Quæ omnia si præstarent, pollicetur, Moschouius quindecim annorum pacem deinde concessurum.

surum. Igitur anno 1555. hac quinquennali pace iterum expirante, Teuthonicus Magister, & episcopus Torpatensis Hermannus rursus legatos ad Moschouia principem ablegant, pacis experenda causa. Quibus Moschouius dux respondet, nullam se pacem Germanis indulturum, quandoquidem basilicas suas non reedificassent, nec tributum persoluissent. Ceterum intercedentibus Moschouij ducis consiliarijs, triennales inducias promittit, modo spondeant, proximo triennio euerfa sana restauraturos, & ex prouincia Torpatensi, singulos homines quotannis singulas marcas tributi loco persoluturos exceptis Catholicæ religionis sacerdotibus, quos ab hac præstatione eximebat. Hæc si facturos se promitterent, & sigillo restaureretur, triennalem pacem in gratiam consiliariorum ac ducum suorum cõcessurum pollicetur. Subsignant legati, maximè quoniam episcopus Torpatensis mandarat, vt saltẽ quouis modo pacem referrent. Erat autem consuetudinis, vt & Moschouia princeps legatũ ad episcopum mitteret, qui firmandæ & stabiliendæ pacis causa crucem quandam osculabatur. Legatus vbi Torpatum venit, recusat crucis osculum, nisi episcopus & ciuitas Torpatensis idem, quod legati Torpatenses subsignauerant, suo quoq; sigillo cõmunirent. Habebat id temporis episcopus Torpatensis cancellarium Lutheranis dogmatibus impense fauentem, qui & postea anno 1558. expugnata ciuitate Torpatensi, Habseliæ in carcerem cõiectus, tandem vt facinorosus ignominiosa morte vitã clausit. Is episcopo suadet, vt securè quod petebatur, subsignaret, ac postea spem Moschouiorum eluderet, Liuitones eius



esse roboris & potentia, vt Moschouius princeps haud facile eos bello esset appetiturus. His ita peractis, Moschouij legatus ad principem suum reuertitur. Interea nihil eorum, quæ postulata & pacta erant, præstant Liuones. Elapso igitur triennio, bellum hunc in modum exoritur, anno 1558. circa Epiphaniam.

Habebat id temporis Teuthonicus Magister sex militum Germanorum vexilla, quos aduersus regem Polonię in aciem produxerat. Igitur anno 1557. circa ferias Michaëlis veredarium ablegat Teuthonicus Magister ad magnum Moschouia ducem, sciscitatur, an legatos ad se mittere debeat pacis diuturnioris firmandę causa, an verò pace recusata bellum eligat. Respondet Moschouius, Magistrum adhuc sex militum habere vexilla, quos si seruare proponat, nihil opus esse legatis, nolle se ad inducias compelli: sin eos dimittere paratus sit, mittendos esse legatos, & de pace sancienda tractandum. Hoc responso accepto, omnes Liuonię proceres congregantur, & quid faciundum consultant. Quidam atque grandiores suadent retinendum esse militem, facile animaduerti, Moschouium principem bellum meditari, quandoquidem conuentiones initas Liuones non præstitissent: nequaquam igitur dimittendum exercitum, sed totidem signa denuo conscribenda, eaque in finibus Ruthenorum collocanda. Teuthonicus verò Magister cum alijs quibusdam respondent, non esse dandam Moschouio belli occasionem, dimittendos esse milites. Si quid deinde moliatur Moschouius, superesse adhuc viros & vires, quibus illi aduersum iri possit. Hęc sententia præ-

præualuit, & illico exercitu dimisso paulò post Martini ferias Teuthonicus Magister legatos cum centum equitibus, magno cum fastu, splendore & apparatu ad Moschouium mittit, quibus Satrapam suam coniungit episcopus Torpatensis. Vbi ad magnum Moschouix principem ventum, princeps atrium suum auro vndique resplendens ingreditur, aureum solium occupat, corona regia & sceptro insignitus. Apponitur mensa deaurata, seniores consiliarij numero duodecim lateri sinistro assidēt, qui vniuersi ac recepto more, quoties consilium agitari contingit, vestes Leuiticas aureas induti: Magnus verò dux pallachorali seu sacerdotali circumdatus. Assumit præterea magnus dux duos interpretes, qui Germanicam simul & Ruthenicam linguam callebant. Interrogat Moschouius, an pacem expeterēt? Asserunt illud Liiones, simulque scyphos deauratos à Torpatensi episcopo & ordinis Teuthonici Magistro principi Moschouio missos offerunt. Recipit eos Moschouius, & in proximum triclinium deferri iubet. Moschouius principio recenset eorum perfidiam, qui toties pactas conuentiones elussissent, nec quicquam eorum, quæ sponponderant, & sigillis confirmauerant, præstitissent. Maiorum præterea pietatē, fidem & heroicas virtutes refert, à qua ipsos planè degenerasse ait, cultum diuinum à maioribus acceptū abrogasse, basilicas euertisse, sacerdotes & monachos profligasse: denique nullum pristinae pietatis & virtutis vestigium retinuisse, nō illos esse ecclesiasticos principes, sed quouis barbaro magis profanos, qui tam in omne vitiorum, flagitiorumque genus propendeant, eoque pacē nul-



lo pacto illis concedendam. Ad hæc Teutonici respondent: Se ex maiorum dationibus & computu bene subductis, deprehendere nullum tributum Moschouio deberi, quòd autem pacem deneget, id Romano Imperatori se questuros. Respondet Moschouius, quas illi querelas imperatori offerre instituant, qui mandatis eius imperialibus, quibus præceperat, ne templa aut monasteria demolirentur, tam procaciter & obstrepere derogassent? His ita peractis, legati discedunt ad pandochium, equos instruunt, Moschouium principem rogant, ducem itineris concedat, qui in Liunioniam eos reducat. Cæterùm dati à Moschouio duces, per ambages ac deuià legatos fraudulentè circumducunt, ita vt in patriam terram non reuerterentur ante principium Quadragesimæ. Interea magnus Moschouix dux missa ad Liuones epistola, bellum indicit, cuius tenor hic erat:

WILHELME LIVONVM MAGISTER, archiepiscopo Rigenfis, episcopo Torpatensis, cæteri què episcopi, & vniuersi Liuones. Misistis ad nos legatos vestros, viros bonos, Iuanum Bockhorst, Othonem Grothuis, & Volmarium Wrangel, cum reliquis adiunctis, vt capite coram nobis inclinato, peterent Teurthonico Magistro, archiepiscopo Rigenfi, episcopo Torpatensi, cunctisq; Liunionix populis, hanc à nobis gratiam fieri, vt dato ad Præfectos nostros Naugardix & Pleskouix mandato, pax cum Liuonibus iuxta veterem morem sanciretur. Nos verò Præfectis nostris mandauimus, nullam vobiscum propter vestrà iniusticiam vindicare. Cæterùm legati vestri Iuanus Bockhorst cum suis collegis eam  
pacem

pacem à nobis exorarunt, ijs conditionibus: Vt Magister Teuthonicus, archiepiscopus Rigenfis, & episcopus Torpatensis, cunctique Liouones, quicquid iniuste contra nos moliti sunt, id restituant, & resarciant. Præterea illico nostris negociatoribus concedant, cum suis negociari mercatoribus, omnisque mercium generibus, utpote cere, seui, loricarum, & armorum mutationes facere. Item ut episcopus Torpatensis cõquirat tributum omnium præteritorum annorum, & vniuersa debita ex tota diœcesi Torpatensi, de vno quoque capite marcã Germanicam, tertio pacis firmatæ anno mittendam. Atque hoc nostrum tributum deinceps singulis annis dare debeat episcopus sine dilatione omnibus quoque seruitium, aut ministerium præstare volentibus, ex quacunque natione veniant, citra vllum impedimentum liberum in nostras regiones accessum & commercium concedant. Regi quoque Poloniae, & magni Duci Lithuaniae, aut si alius quis in regem Poloniae, aut magnum Ducem Lithuaniae surrogetur, nullas suppetias, & auxilia vlla in re ferant. Quicquid præterea literæ super pace firmata confectæ, quæ multoties descriptæ sunt, & quarum nomine crucem coram omnibus vobis osculati sunt, continent, ea omnia ritè, legitimeque præsteris. Insuper & præfecti nostri magnæ Naugardiæ, & Plescouiæ has de pace inita literas, ad vos per nuncium suum Melardum Torpico miserunt: Teuthonicus quoque Magister, archiepiscopus Rigenfis, episcopus Torpatensis, ceterique episcopi loco & vice omnium Liouonum super his literis, crucem exosculati sunt, & dextas porrexerunt: octo etiam sigillis easdem coram Melardo



Torpico communiuerunt, & per eundem Melardum nuncium ad nostros præfectos ita communita transmiserunt: cum in finem, quòd iuxta literarum tenorẽ omnia nos, & præfectos nostros concernentia, iustè & legitimè exequi velleris, prout in literis scriptum cõtinetur, in hunc vsque diem. Horum omnium nihil adhuc præstitistis. Interea nos ne Christianus sanguis temerè effunderetur, sæpenu-mero per literas vos monuimus, vt hæc pacta iuxta contextum, literarum de pace conscriptarum iustè & rectè exequeremini. Similiter per legatũ vestrum Gerhardum Flemmingk, & nuncium Valentinum, item per Melchiorem cum suis adiunctis, itemque per Henricum Winter vobis nunciauimus, vt à verbis iniustis, & minimè veracibus temperaretis, vtq; probos & integros vos præstaretis in omnibus causis, iuxta literas pacis & crucis osculum, vestramque culpam agnosceretis, ne sanguis innoxius effunderetur. Vos verò nostram clementiam spreuistis, & literas liberi com meatu à nobis postulastis, ea solum de causa, vt res longius protelaretur. Et quoniam legem diuinam, omnemque veritatem postposuistis, nec de crucis osculo quicquam cogitatis, nostramque gratiam & clementiam aspernamini, ea propter meditamur inuocato diuino auxilio, iustitiæ nostræ ergo, & vestræ iniustitiæ, quam in crucem Altissimi designastis, vos vlcisci, & vestram præuaricationem vindicare. Deo igitur nobis auxilium præstante, & alterutrorum sanguinem profundente, certum erit eum, non nostram ob culpam, sed vestram iniustitiam profundi. Hoc scitote, nos non minùs ac vos esse Christianum principem, nec vnquam

quam gratum nobis fore spectaculum, si vilius sanguinem innocentem à nobis profundi videamus, siue Christianus ille sit, siue gentilis. Vt autem iniustitiam vestram agnoscatis, decreuimus nunc magnificam & præpotentem nostram virtutem hac epistola, qua bellum vobis indicimus, ad effectum deducere, quam epistolam per hunc nostrum ministrum ad vos destinamus, iubentes, ne inuitum illum detineatis, sed liberum ad nos regressum concedatis. Datum in nostro dominio, aula & vrbe nostra Mosko, anno 1557. Mense Nouembri.

Nec multò post Epiphaniam, anno 1558. trecentena millia militum conscribit, atq; in Liuoniam mittit, vt ferro & incendio vniuersam prouinciam Torpatensem hostiliter vastent.

Moschouius ingentem exercitum longo tempore sustentare potest. Neque enim militibus suis stipendia largitur, sed agros exiguo illis precio elocat, quo beneficio operam ipsorum demeretur. Conscripti autem milites coram magno principe comparant, & nummum, quem vocant *cyndenninck*, æstimationis vnus stuferi Brabantici principi numerant. Reuersi ex bello eundem nummum repetunt. Occisorum autem numismata retinet princeps, atque ita cognoscit interfectorum numerum. Hic igitur tam vastus & barbarus exercitus, octauo post Epiphaniam die Torpatensem diœcesin inuadit, quorumque miliarium latitudine incedentes omnia vastant, diripiunt, despoliant, deprædantur ædes, & pagos, & cuncta obuia incendio, homines & pecudes gladio sustollere, iugulare, trucidare, euertere, sursum, deorsumque omnia iactare, non arati, non



sexui parcere, non gemitu, non luctu, non clamore, & ululatu pereuntium emolliri, omnia ibi cædibus, sanguine & incendio inundare, configere, conflagrare. Pueros infra annum decimum necant, qui intra decimum & vigesimum annum cõstituti, Tartaris velut mancipia venduntur: qui vigesimum superabant, vniuersi nulla miseratione trucidantur. Greges, armenta & iumenta, quæ nec assumi, nec abduci in Moschouiam poterant, vniuersa mactantur: pagos, vicos ac domos priusquam incendio vastant, prædatoria manu despoliant, omniaq; vñibus suis accommoda diripiunt, ita vt ingentem frumentorum, pecorum, aliarumq; rerum prædam aucherent. Quadraginta dies hanc tam immanem truculentiam barbarus ille populus exercet, vniuersam Torpatensem prouinciam miserè & crudeliter fœdans, diripiens ac deuastans, paucis arcibus, & vna Torpatensi ciuitate exceptis, in qua quotquot erant vndique nihil præter flammam & fumum conspiciunt, luctu, clamore, & eiulatu campi, & siluæ reboant. Ac tantum aberat, vt Moschouij Liuones restituros metuerent, vt iuxta ipsam ciuitatem Torpatensem ædificia penè cõtigua succenderent.

Maximè autem Moschouius exercitus in Germanos sæuiebat, quos vbi deprehendissent miserè & immaniter afflictabant. Viros brachijs truncant: mulieribus vbera abscindunt, alios in frustra dissecant, & membra trementia huc, illucq; disseminant. Crudele profectò, & plusquam belluinum spectaculum. Heu cadit in quenquam tantū scelus? Igitur Moschouijs tam inhumaniter & supra omnem modum desæuientibus, & cuncta obuia depopulantibus,

tibus, immensa nobilium, & plebeiorum multitudine in ciuitatem Torpatensem cum vxoribus, liberis, & quas habebant facultatulis, veluti ad asylum confugiunt: non è vicinis duntaxat pagis, sed qui ultra decem, & viginti milliaria degebant, quorum omnium numerus exiguo temporis momēto in tantam excreuit multitudinem, vt plateę, cœmiteria, & pomœria vndiq; & vbique scaterent. Et cūm ciuitas tam immensam hominum copiam ambitu suo capere non posset, vltra decem millia cum mulieribus, & liberis in fossas ciuitatis confugiunt. Magna ibi calamitas & miseria conspicitur, inopes, nudi, & inermes sub dio passim sternuntur, cum gelu, glacie, frigore & niuibz omnia horrerēt, asperrima erat hyems, & frigus intensissimum, vt plurimi intoleranda frigoris asperitate, & horrore stupentes enecarentur. Alij fame, siti & inedia consumpti, vix ossibus hærentes, afflictam animam exhalant: alij frigoris, & inedia paulò patientiores, omni miserrarum genere cooperti, omnibusq; vitæ adminiculis destituti, quoad possunt, egrè vitam protrahunt: sed nec tantis ærumnis ac doloribus superatis, sperato potiuntur effugio. Superueniens enim Moschoiurum exercitus, in ipsas fossas, vbi infelix hæc plebecula duriter, & miserè latitabat, præcipites ruunt, gladijs, lanceis, sagittis, omniq; armorū genere eos inuadūt, sauciant, iugulant, cōfodiunt, plagis, & vuneribus opplent, ibi noua calamitas, luctus, clamor, vlulatus, miserię miserijs accumulatur. Oppidani tantā hostium vim ac truculētiā cōspicientes, metu, & formidine præsentanei discriminis anxij, nullas ijs, qui foris erant suppetias ferre audent, sed



intra vallum, & mœnia se continent. Quando igitur prodire, & cominus cum hoste confligere formidant, tormentis, & machinis bellicis instructis, glandes, & globos tormentarios in hostes iaculantur, ita vt Moschouij tandem à ciuitate recederent. Igitur provincia Torpatensi funditus deuastata, in ditionem Teuthonici Magistri per territorium Leidense proficiscuntur, ibidemq; vti antea fecerant, vniuersa depopulantur, vt ne tugurium quidem vnum incolume permaneret. Inde in ditionem Neruiensem, Teuthonici quoq; Magistri Dominio subiectam, progrediuntur, itidem omnia depredantes, & euertentes, vt res non belli, sed rapinae potiùs, & latrocinij speciem haberet. Ingressus erat exercitus Liuoniam ea parte, qua episcopus Torpatensis arcem habet Nyenhufen, rursusq; circa Quadragesimæ principium per territorium Neruiense gentibus spolijs in Rutheniam regrediuntur, quæ ab inuicem plusquam quadraginta milliaribus distant. Interea per vniuersam illam Liuoniæ provinciam grassantes, sedecim milliarium latitudinem, peragrarunt, nihil saluum, & incolume relinquentes. Prima hæc fuit id temporis Moschouiorum in Liuoniam irruptio, in qua nec Teuthonicus Magister, nec episcoporum vllus, hostilibus illorum vastationibus, rapinis, & incendijs quicquam restiterunt.

Tanta clade accepta, vniuersi Liuoniæ proceres circa Dominicam Oculi, in Quadragesima, in ciuitatem Wendensem conueniunt, quid in rebus tam deploratis consilij captandum sit, cōsultant. Eodem tempore Torpati ingens ac terribilis cometa conspicitur, oblongo, & formidabili radio vniuersis suspi-

suspicientibus horrorem incutiens. Proceres dum consilia inter se conferunt, principio discordare, alij conscribendum militem suadent; & post ferias Paschales finitima quæque Moschouiorum, ferro & incendio depopulanda, suorumque innoxium sanguinem pari crudelitate vindicandum, toties barbarum illum tyrannum, fustum, fugatumque à maioribus, non tantum virium, aut roboris illi accessisse, quin & nunc vinci, superarique possit. Alij bellicas impensas, & hostis potentiam considerantes, cōsulant, sexaginta aut septuaginta thalerorum millia ad magnum Moschouiæ ducem mittenda, pacemque redimendam, iniustam, emptamque pacem legitimo bello, hac tempestate præferendam, pecuniam eam haud multis, magnisve stipendijs erogandis sufficere, qua non difficulter pacem sint impetraturi. Qua sententia tandem omnibus suffragijs recepta, Teuthonicus Magister illico circa mediū Quadragesimæ veredarium ad Moschouium principem ablegat, petens quadrimestres inducias, & liberum accessum in Moschouiam pro firmanda pace. Moschouius petitas inducias, cæteraque omnia concedit. Igitur circa octauam Paschæ diem Teuthonicus Magister quosdam deligit, qui legationem ad Moschouiæ principem obeant. Itidem episcopus Torpatensis suos legatos adornat. Et quoniam comperit habebat Moschouium nonnullis, propter cognitam eorum in rebus nouis moliendis audaciam, plus satis infestum, destinat legationi perferendæ D. Wolffgangum Zager, Metropolitanæ ecclesiæ Torpatensis Decanum virum antiqua pietate, doctрина, & virtute præstantem, qui & nouennio, pu-



blico ecclesiastæ munere perfunctus erat, priusquã D. Philippus Olmen huius historiæ spectator adidem munus ascisceretur. Erat strenuus catholicæ religionis vindex, & collegium cui præerat pro sua virili penè 20. annis optimè gubernârat, ita vt nouæ factionis sectatores eum Liuoniæ Papam appellarent. Verùm quinquaginta Ruthenicæ ditionis miliaribus emensis, morbo correptus, vitam morte commutat. Erat præterea duobus à Torpato miliaribus quidam equestris ordinis vir, primæ apud Liouones nobilitatis, qui itidem cum familia & subditis in catholica religione perstabat. Hic Decano in legatione perferenda adiungitur. Legati postquam ad magnum Moschouiæ ducem perueniunt, pecuniam paci redimendæ destinatam adferentes, perturbatum infestumq; ducis animum comperiunt, nec vllam pacem, vllasve inducias impetrant. Causa hæc fuit. Habebat Teutonicus Magister oppidum in Ruthenorum confinio situm, cui nomen Neruius, atq; ibi arcem. Habebat quoq; Moschouius dux iuxta Neruiam illam oppidum, itidē Neruia appellatum, & castro insigni munitum. Hæc duo oppida adeò erant confinia, vt vno tantum fluuiolo interlabente distinguerentur. Magistri ciuitas Germanica Neruia, Moschouij Ruthenica Neruia vocabatur. Ordinis Teutonici Magister in sua Neruia præter quendam ordinis Commendatorem, qui ciuitatis præfectum agebat, trecentos milites, & centum quinquaginta equites præsidij loco aduersum Ruthenos collocarat. Rebus ecclesiasticis tum in templo, tum in arce Lutheranum cōcionatorē præfecerat. Moschouius dux in sua Neruia tria millia Ruthen-

Ruthenorum constituerat. Vbi quadrimestrium illarum induciarum, de quibus paulò antè dictū est, vnus mensis prateriisset, & legati iam compluribus diebus in itinere fuissent, (distat enim Moschus ciuitas à Torpato centum quinquaginta militaria Germanica) contigit, vt commendatoris ministri è turribus prospicientes, viderent ingentem Ruthenorum turbam in Ruthenica Neruia obambulantem. Illi confestim seu proteruia seu largiore potu stimulante, duos colubros puluere tormentario grauant, in Ruthenos dirigunt, & ferreas glandes in mediam turbam iaculantur. Cateri Cōmendatoris ministri, & milites qui in vicinis propugnaculis & turribus præsidium agebant, pactas cum Ruthenis inducias expirasse putabant, nec mora grauatis nitro, instructisq; tormētis certatim eosdē Ruthenos creberrimis globis ac telis inuadunt, vt plurimi eorum occumberent. Ruthenis religio erat violare inducias, eoq; nullum in hostes telum retorquent, sed cōfestim emissarium ad magnum Moschouię principem ablegant, nuntiantes quàm perfidē, & iniquē Liuones pactas inducias rupissent, plurimosq; Ruthenorum nullo bello legitimè denunciato præter omnium opinionem telis & globis tormentarijs hostiliter inuasissent, & miserè traiecissent. Hoc nuncium eodem tempore quo Liuonū legati Moschum peruenerant, ad magnum ducem perfertur. Legati huius tēpestatis signari ad principē accedunt de pace tractaturi. Princeps recēti suorum clade, & Liuonum scelere nūciato commotus, indignabundus exprobrat legatis, quàm perfidē Neruienses inducias violauerint, Ruthenos contra ius & fas ex



inopinato oppetiuerint, obruerint, interfecerint, impiam esse doctrinam, quam paucis ab annis susceperint, priori religione profligata, omnē illos virtutem, fidem, constantiam, pudorem simul exuisse. Minatur insuper se tam insignem perfidiam ferro & flamma seuerè vindicaturum, frustra cum illis de pace tractari, quorum animus rapinis, libidinibus, omnibusque flagitiorum generibus turpissimè sit delibutus. Ad suos redeant, pecuniam Magistro referant, se paulò post secuturum.

Legatis in Liuoniam reuersis, magnus Moschoiæ dux ingentem exercitum cum prægrandibus bombardis & machinis Neruiam Germanicam versus mittit, ciuitatem obsidet, armato milite & tormentis muros inuadit. Octauo obsidionis die, ignem in ciuitatem iaculantur. Ignis nutrimentum nactus, continuò inualescens, totam per urbē grassatur, ipsasque portas comburens, hostibus ingressum patefacit. Rutheni patefacto aditu, in ciuitatem irruunt, omnia depopulantes, Oppidani cum auxiliarijs in arcem confugiunt, sed paulò post com metu destituti Præfectus, seu Commendator deditionem facit, hac cōditione, vt ipsi cum omnibus Germanis militibus liberū abitum concedant. Hoc impetrato, castrum Ruthenis deditur. Commendator cum suis militibus omnibus, quas auferre sperauerant, facultatibus exuti, dimittuntur. Ciues in ius & imperium magni ducis concedunt, ei que sacramento se obstringunt. Expugnata Neruia, Moschouiorum exercitus arces, pagos, vicos, domos ac villas vndiq; quindecim milliarium latitudine circumiacentes diripit, & vastat. Noua ibi calamitas,

noua

noua ærumna, & lamentatio exoritur, factumque ita, vt quotquot ibi agricolæ Teurhonio Magistro antea parebant, nunc ab eo desciscientes, in Moschouij ducis iurisdictionem, & imperium cōcederent. Direpto igitur, & vastato Neruiensi territorio, circa natalem Baptistæ Ruthenicus exercitus in prouinciam Torpatensem progreditur, ac tertio, post Baptistæ natalem, die primariam episcopi Torpatensis arcem, cui nomen Nienhusijs, octodecim à Torpato milliaribus distantem, obsidet. Ruthenorum nō pauciores erant octoginta millibus. His adiuncta erant æneatormenta plurima & maxima. Priusquam huius arcis expugnationem referamus, memorabile facinus, quod olim in ea contigisse ferunt, interponemus, vt animus ab his bellicis tumultibus, cædibus, & incendijs paulisper respiret. Oppugnauit olim hoc castrum magnus Moschouie dux, anno 1381. cui oppugnationi ipse intererat vnā cum trecentenis militum millibus. Actandem post diutinam, & pertinacē obsidionem, & crebras irruptiones, mœnia, & propugnacula labefacere incœptant, obsessi cū hostium assultum diu sustinuisent, tandem solis viribus humanis diffisi, diuini numinis clementiam, & auxilium quotidianis, ardentibusque votis exposcunt. Præfectus vt in bellicis rebus reliquis præstabat, ita hoc quoque in negotio cæteris feruentior erat. Igitur quadam nocte Veneris diem proximè antecedente in somnis perui-gilat, ante arā quandā prosternitur, orat, vt in tam deplorato rerū statu Deus apparere dignetur, felicemque tam grauis obsidionis liberationem elargiri. Exorto Sole, cū Rutheni certaiam arcis ex-



pugnationem sibi promitterent, exurgit è precibus suis præfectus, acceptoq; arcu, telum ferrea, acuminataq; cuspidè in Dei nomine in medium Ruthenorum exercitum è fenestra emittit. Fatient conatibus superi, volat missile ferrum, & ipsius Moschouij principis cor trāsfigit. Concurrent trepidi comites, dominumq; ruentem suscipiunt. Ille manu moriens, telum trahit, ossa sed inter ferreus ad costas alto stat vulnere mucro. Rutheni magno cum vultu principis, & imperatoris sui tam funestum, & luctuosum casum deplorant, arreptumq; funus in Moschouiam perferunt. Liiones hoc mirabili, memorabiliq; modo liberari, arcum perpetui trophæi loco in Basilica, quæ ibidem in castro extructa erat, ad altare suspendunt. Solebat in eo templo cultus diuinus quōdam magna pietate, ac deuotione peragi: nūc verò peruersis dogmatibus receptis, nullum pristinae pietatis vestigium conspiciebatur. Arcum ibidē suspensum, vidit venerandus vir D. P. Olmen, quondā Metropolitanę ecclesię Torpatensis stipendiarius Canonicus, nunc ecclesiastes Resensis.

Teuthonicus Magister cognita arcis Nienhusen obsidione, duo Germanorum equitum millia adducit, & vnā cum episcopo Torpatensi, qui trecentos habebat equites (equester enim ordo Ruthenica depopulatione opibus, fortunisq; omnibus exutus erat) obsessis auxilia ferre meditatur. Vbi sex adhuc milliarib. à Ruthenico exercitu abessent, prope castrū episcopi Torpatensis, cui nomē Kieriepe, sua tentoria figunt, ibidemq; ad dies viginti quatuor morantes, omne tempus quieti & luxuriæ cōcedūt. Obsessi, quum præter paucos accolae, qui in arcem  
con-

confluxerant, & sexaginta praefidiarios milites, nulla haberent auxilia, diutina obsidione fatigati, nullaque suppetiarum spe affulgente, & rebus accisis deditionem faciunt, ea conditione, vt ipsi cum foemineo comitatu securi abscedant. Caterum duo milliaria progressi, in aliud Ruthenorum agmen incidunt, qui raptis virginibus, & foeminis, illos nudos, omniq; argento spoliatos dimittunt. Teuthonicus Magister deditionem factam intelligens, ira simul ac dolore exacerbatus, castrum episcopi Torpatensis Kieriepe igne succendit. Praclarum hoc fuisset, & gloria dignum, si facinus istud in hostem designasset. Expugnata igitur arce Nyenhusen, & praesidio munita: dux exercitus Ruthenici cum vniuerso agmine ad Teuthonicum Magistrum pergit, praelium cum eo committere constituens. Magister re intellecta, ocyus fuga arrepta, desertoque episcopo, è Torpatensi prouincia penè ad viginti quinque milliaria secedit.

Rutheni equites numero triginta millia pergunt in Torpatensem prouinciam, obuios quosq; Germanos trucidant, alios plebei ordinis homines, quotquot parati erant, magno Moschouie duci subijci, illi parere, & iureiurando obstringi, hos in gratiam recipiunt. Imperator Ruthenorum, quoniam ipse bello non intererat, praefecerat exercitui ducem quendam Moschouium, cui nomē Petro Sisegaleider, à septem triremibus Galeaceis, quibus in mari praefuerat, & piraticā exercuerat, ita appellatus. Hic cū vniuerso exercitu, videlicet, quatuor agminibus Ruthenorum, seu Moschouiorum, vno Tartarorum quorum erāt triginta millia, & altero tormētatorum, seu



sclopetariorum, qui duodecim millia cōstituebant, machinis quoq; , & tormentis æreis prægrandibus, tanto, inquam, cum exercitu, ad obsidendum Torpatum progreditur. Interea quosdam Germanos deprehendis, viros brachijs truncat, scæminis vbera, & nares abscidit : hos tam miserè & crudeliter deformatos, Torpatum præmittit, denunciat, vt ciuitatē dedant, in Moschouij principis imperium concedant, ni faciant, omnes eadem, & grauiori pœna plectendos. Ruthenicus exercitus sex milliaribus à Torpato castrametatur. Vniuersus militū numerus, vt ferebatur, trecenta millia constituebat. Ciues Torpatēses & reliqui equestris ordinis, cognita obsidione, Cathedralē ecclesiam claudunt, præcipientes ne quisquā Missæ sacrū in ea peragat, præuaricantibus extremum supplicium interminantur. Ingens sanè & horrenda populi cæcitas, dicāme an impietas in tam præsentaneo discrimine, rebus ita nutantibus hostico exercitu muris imminente, nec vlla humana ope vllam salutis spem promittente, diuina præfidiatam prophanè aspernari, ridere & execrari.

Interea dum hostes sex miliarium interuallo castrametantur, quotidie sex aut septē Ruthenorum vexilla ad urbem emicant. Cancellarius Torpatensis, cum quibusdam consiliarijs & nobilibus, episcopum accedunt, simulant se vrbe egressuros, & cominus cum hoste cōflicturos. Illi portis emissi, deserto episcopo, derelicta ciuitate, perfidi & profugi Rigam omni celeritate se recipiunt. Ciuium quoq; bona pars, opes merces suas Rigam & Riualiam miserant, & paulatim ex vrbe secesserant. Morbo etiam

iam à pascha ad Pentecosten grassante, plurimi sublati erant, vt pauci admodum, qui vrbem defensarent, superessent. Hi erant Cathedralis ecclesiæ Canonici & sacerdotes, cum episcopo & paucis nobilibus, & plerisque qui in catholica religione perseuerantes, intra immunitatem (vt vocant) ecclesiæ Cathedralis habitabant: neque enim senatus, aut ciues vllum in ciuitate tolerabant, qui religionem catholicam non abiurabat. Septima mensis Iulij centurio quidam Groningensis cum sexaginta militibus Torpatum venit, ab episcopo in præsidium suscipitur, inde ex opificibus & plebeis adhuc ceterum alleguntur. Vndecimo Iulij Ruthenicus exercitus, Torpatum ad obsidendam vrbem pergit. Tunc omnium Torpatensium animos ingens metus & formido inuadit, vt quid inceptare, quid moliri deberent, dubij, anxij & trepidi rerum, haud satis definire possent. Canonici assumpto duce Groningensi, & plerisque nobilibus, in ciuitatem ad forum descendunt, hortantur & obsecrant ciues, vt resumptis animis, viriliter hostium imperũ sustineant, se, vxores, liberos, & patriam, aduersus hereditarium Christiani nominis hostem fortiter & fideliter tuteantur, facilè hostes posse propulsari, si vnanimis, concordibus animis & armis, pro aris & focis dimicent. Ad hæc consul. Si episcopus Hermannus & canonici Romano. Pontifici renuncient, Euangelium amplectantur, velle ipsos ciuitatem serio & viriliter tueri. Respondent canonici graue hoc & exitiosum tum sibi, tum ipsis futurum, quãdo quidem animaduertant post assumptam illam nouam doctrinam omnia illis aduersa fuisse, nunquam tantam



à Moschouio cladem accepisse, quantam post religionis mutationem pertulerint. Tandem Satrapa pronuntiat, vt quilibet sua in fide ac religione permaneat, nunc non de fide, sed pro patria, parentibus, & liberis decertandum. Illud consilium cum omnibus probaretur, sacramentū præstant, nūquam se Ruthenis urbem dedituros, sed ad extremum usque halitum pro communi omnium salute fortiter dimicatuuros. Confestim tres ciuitatis portas muro obstruunt, aenea tormēta in turribus & propugnaculis collocant, ipsi vnde quaque in mœnibus & speculis præsidia & excubias agitare. Vndecima Iulij die quæ in feriam secundam incidit, mane ante solis exortum, speculatores vniuersum Moschouiorum & Tartarorum agmen urbem obsidere comperiunt. Castra ante portam S. Andreæ ad Orientem fecerunt, eaque vallo muniuerant. Densissimæ erant ea nocte tenebræ, actamet si sol tertia hora matutina exoriretur, tamen propter nebulam mirè spissam parum, aut nihil prospici poterant. Torpatenses obsidione cognita, aneas glandes & tormētarios globos ea parte qua strepitum audiebant, eiulantur, sed neque in quenquam collimare, aut quid proficerent, scire dabatur. Sclopetarij seu sagittarij sexaginta quotidie bis ex vrbe emicant, vt leui pugna Ruthenos adorianur: sed quoniam rari erant, parum efficiebant. Nebulæ densitas per Lunæ, & Martis, & Mercurij diem cōtinenter durabat, vt vix paucis passibus prospicerent, certo quæ pateret, obsidionem illam à Deo ex certo vindicandi proposito permissam. Mercurij die equites Torpatenses omnes, hi erūt circiter sexaginta, denuò ad Ruthenos procedunt,

dūt, & leui prælio cōfligūt, multos æneis & plūbeis glandibus traijiunt. Speculatores quoque, & qui in turribus præsidium agebant, tormentarios globos in Ruthenicum agmen iaculantur, tanta vi & copia, vt velut flammis & incendio ciuitas septa videretur. Equites cū ad horas duas acriter cum Ruthenis dimicassent, & hostibus vndiq; accurrentibus nimis essent impares, in urbem se recipiunt, vno duntaxat suorum amisso, equis verò sagittis ac telis Ruthenicis grauitè vulneratis. Ferebatur tunc in vrbe, aliquot Moschouiorum millia grauioribus tormentis interfecta, conspiciebantur quoq; passim equi deiectis sessoribus circumquaque procurrentes. Fertia quinta Moschouij machinas ac tormenta sua instruunt, non tamen in mœnia ipsa dirigunt, sed in altum leuant, vt globi, (quos vix duo lecti viri eleuassent) in ædium tecta prociderent, quorum pondere parietes, tecta ac ligna collisa ac diruta, pueros, fœminas, passimq; omnes inquilinos repente præter expectationem opprimebant. Tantus erat eadie ac nocte intus & foris bellicarum machinarum fragor ac sonitus, vt vix alterius sermonem exaudiret.

Rutheni proxima nocte quæ Veneris die antecedebat, ad portam D. Andreæ, fossam ingētem sub mœnibus fodiunt, & sex vasa pulueris tormentarij substituunt, vt vi pulueris eam mœniorum partem disrumperent, & subuerterent. Sequenti die circa horam nonam matutinam, denuo Rutheni terribili tormentorum fragore oppidanos inuadunt. Fœminæ tum natura, tum præsentaneo discrimine pauidæ, luctu lacrymis & eiulatu omnia complent.



Quam tam miserabilem miseriam, consules vndique cōspicientes, ad Cathedralē ecclesiā ascendunt, deploratum ciuitatis statum episcopo exponunt, deditionem se facturos aiunt, quoniam tantam suorum calamitatem, luctum & ærumnam ulterius corā videre ac sustinere nullo modo queant. Episcopus monet, vt meminerint deditionem sempiternā ipsis turpitudini & ignominiaē futuram, deinde perspectam illos habere Moschouiorum, & barbariem, & tyrannidem, fidemque ac religionem in Deum ac Diuos blasphemam, tum ab vniuersa ecclesia, totoque terrarum orbe dissentaneam. Expendant, ne pecudes quidem à Christianis tam immaniter tractari, vt homines à Moschouijs. Considerent quantam truculentiam & plusquam ferinam barbariem in virgines & scēminas Christianas exercuerint. Eadem & grauiora, fortassis ipsis imminere, si spontē tam crudelis domini iugum intolerabile subeant. In hanc sententiam cū ad perseuerantiam hortaretur episcopus, nihilo secius pertinaciter deditionem vrget senatus, quo factum, vt ingens dissensio in vrbe exoriretur. Nec multo pōst eodem die circa horam duodecimam legatum ad Moschouij exercitus ducem mittunt, supplices rogant, vt ab obsidione desistat, paratos se fore, si vitam & facultates saluas ipsis promittat, pontifici & imperio Romano renuntiare, & præstito Sacramento in ius & imperium magni Moschouiaē ducis concedere, ac deditionem facere. Exercitus Ruthenici dux accepta legatione, certam pacem illis promittit, si propositas condiciones inire velint. Hoc responso solide gauisus senatus, duos ex senatoribus  
ad

ad ducem ablegat, qui omnium nomine iusiurandum præstent. Ea fama ubi per urbem diuulgatur, ingens tumultus & seditio exoritur. Militum præfectus cum sua cohorte, & Cathedralibus canonicis, reliquisque catholicis, nullo pacto ad sacramentum Moschouio principi præstandum induci sustinent, sed nec deditionem facere, verum armis, vita & sanguine auitam religionem, libertatem, & patriam vindicare parati sunt, impiamque & nefariam senatus defectionem grauitè redarguunt, salua esse adhuc mœnia, commeatum prælargum ac sufficientem, præsidarios tamen si non ita multos, tot tamen actales, qui & urbem protegere ac defendere possint, eaque fortitudine, animique præstantia præditos, ut vitam prius & spiritum quam urbem & libertatem amittere velint. Senatus nihil à proposito declinans, & fidem, & religionem, cunctaque vitæ posthabenda arbitratur. Atque ut culpæ, ac defectionis socium haberet, Episcopum cuius instatiam exploratam habebat, accedit, ipsumque ad arcis cuiusdam & abbatie Valkena deditionem inducit. Milites, qui centum sexaginta erant, & quadraginta Cathedralis ecclesiæ catores, & canonici, hac defectione nequicquam à pristina constantia dimouentur, sed mutuam fidem ac tutelam inuicem stipulantur & promittunt, sanguinem prius profunderè, quam patriam prodere, auitamque religionem abiurare, statuunt. Hæc feria sexta contingebant. Postero die Moschouij exercitus dux, cognita oppidanorum dissentione, ut urbe potiretur & obsidionem conficeret, nuntiat obsessis, neminem se coacturum ut abnegato imperio Romano, in magni Moschouiz



ducis ius & imperium sese dedat. Vrbe se vel volentibus, vel inuitis oppidanis omninò potiri velle. Qui Moschouio duci sese dedere ac iusiurandum præstare detrectent, illis liberum fore, vt per vniuersum Ruthenorum exercitum securè in Germaniam secedât. Qui verò parati sint in Moschouij principis imperium concedere, illis vitam & facultates saluas fore. Cæteris qui neutrum horû faciant, extrema minatur. Ad sequentē Lunę diem circa septimā matutinam portas apertas fore, interea delibèrent, & quid facturi sint, constituent. Milites præsidarij cum Cathedralibus nihilo secius armati duas subsequentes noctes peruigiles ducunt, quandoquidem & senatum cum ciuibus & Moschouios aduersos habebant. Interea plærique nobiles, ciues, & fœminæ catholicissimi reliquis paulò obseruantiores, ad Cathedrales concedunt, & voluntarium exilium vnà cum ipsis eligunt, atque ita numerus secedentiũ excreuit in 200. armatos, & 200. fœminas ac virgines. Die Lunę portis ad apertis, egrediuntur catholici, quos Ruthenici exercitus dux, per vniuersum agmen iuxta datā fidem, dimittit. Ingens ibi luctus & eiularus exoritur, maritus ab vxore diuellitur, fratrem soror deserit, liberi à parentibus, cognati à propinquis secedunt. Alij senio, morbo, aliòve incòmodo grauati tam longinquum, ignotum, plenumq; discriminis iter suscipere nequeunt, alij bonorum, facultatumq; appetētiore, pontifici & imperio Romano renunciant, & Moschouij principis iugum subeunt, catholici vrbe, patria, ac domo profugi, omnibus derelictis, plurimæ etiam matres prolibus onustæ Riualiam contendunt. Dum per  
Ruthe-

Ruthenicum exercitum gradiuntur, Tartari quorum erant triginta millia, Liouones inuadere parant, eos in prædam sibi datos asserentes, arcus instituunt, & nouo eos, insperatoque prælio appetere instituunt. Fœmineus cœtus præsentaneum periculum conspiciens, protinus in clamorem & eiulatum, ut fit, soluitur. Caterum Deus mirificè eos tutatur. Clarum erat & serenum cælum, nec à viginti diebus pluerat, nec octiduo post pluebat. Nihilominus in tanta serenitate, ingens ac formidabile tonitruum in medium Tartarorum agmen quinquies immittitur, tanto fragore ac sonitu, ut terra commoueretur. Tartari quoque instar pulueris huc, illucque dispergebantur. Nec multo post Moschouij exercitus dux lituo quem gerebat, designat, ut liberè dimittant Liouones: indicat præterea per interpretem, deducendos eos securè per media castra & vniuersum exercitum, ingentemque equitum cohortem ipsis adiungit, quod securius euadant. In ipso progressu plerique ob æstus vehementiam, & pulueris, quem equitatus ille concitabat, densitatem, languidi & emortui miserabiliter concidebant. Moschouii agminis dux præsens huic ductui cum aliquot equitum millibus intererat, vincitumque habebat episcopum, quem ad abbatiam Valkenadensem ducebat, ibidemque carcerari mancipabat. Eò ubi ventum, dimittit Liouones. Illi paululum progressi noui discriminis, triste nuntium accipiunt. Monetur enim ab agricolis, latere à duobus milliaribus octo Tartarorum millia, quibus Liouones vniuersi prædæ ac direptioni dediti sint, vitæ quoque ac necis potestatem in ipsos habeant. Idem secreto præmonuerant eos quidam Torpatensium,



qui praestito iureiurando in Moschouij ducis imperium concesserant. Liouones principio conflictum meditantur, postea re penitus considerata, duos agricolas conducunt, qui eos ambitu quodam per nemorosa & palustria loca, quo Tartarorū equitatus penetrare nequibat, triduo circumducunt, inde post quintiduum Riualiam perueniunt, vbi singuli nauibus conscensis, salutem ac prosperitatem sibi inuicem precantes, quo animus, voluntas & consilium ferebat, contendunt.

SIMON SCHARDIVS  
DE VITA ET OBITU SIGI-  
SMUNDI AVGVSTI REGIS POLO-

*nia, qui obiit anno 1572. Kalen-  
dis Iulij.*



NNO 1572. Kalendis Iulij Sigismundus Augustus rex Poloniae, qui superiore mense agrotare incipiens, medicis de ipsius salute desperantibus, in Lituaniam concesserat, ibidem extremum vitae diem claudit, ne quicquam eum proceribus regni subsequenter, vt in praesentia viui de nouo rege deliberarent, aetatis suae rex potentissimus, ac in orbe Christiano celebratissimus. Natus anno 1520. Augusti die 2. minutis 38. ante tertiam horam matutinam, patre Sigismundo, & matre Bona Sphortia, Ioannis Geleatij Sphortiae Mediolanensium ducis, & Isabelae Arragoniae filia, puer vix decimum annum agens, pater-

terno regno, patris opera, studioq; inauguratus est, cumque eo annos octodecim regnavit, post iuvenis factus vxorem accepit voluntate patris Elizabetham Ferdinandi Cæsaris, & Hungarorum ac Bohemorum regis filiam natu maximam, in qua muliere genus cum forma, forma cū comitate & mansuetudine, hæc cum probitate, probitas deniq; cum pietate certabat, ita vt nescires, quid in ea potissimū admirareris. Ea verò biennio post nuptias celebratas, magno multorum luctu extincta, atque regni habenis post patris octogenarij obitum, anno quadragesimo nono, ad solum Sigismundum deuolutis, Barbaram Radziuilliam Lituanicam innitis regni proceribus vxorem duxit. Cæterum & ea statim post coronationem vita functa, ipse triennio in viduitate transacto, alteram Ferdinandi Cæsaris filiam Catharinam, quæ prius Francisco primo Mantuæ duci elocata fuerat, pontifice legibus eum soluente, matrimonio sibi iunxit. Id quod tale fuit, vt plus molestiarum, quàm iucunditatis, vel voluptatis coniugalis habuerit. Cùm autem hucusque tranquillitatis studiosissimus bella à suis auertisset, atq; pacem cum finitimis initam firmiter coluisset, tandem intestina Liunionensium dissensione, ex otio in bellum pertractus, de regni incremento & amplificatione cogitationes suscepit. Nam cum anno 1559. inter archiepiscopum Rigensem Wilhelmum ex Brandenburgica familia natum, & ordinis Teuthonici Magistrum dissensione, cùm ob Euangelij prædicationem in ecclesia Rigēsi, tum ius comitiorum indicendorum exorta, res eò deuenisset, vt archiepiscopus vtrumque impediturus, post varias velita-

*Liunia qui R.  
Pola arripit*



tiones in arce Kokenhusen conclusus, fame atq; penuria rerum omnium coactus, se Magistro vnà cum commilitonibus dedere cogeretur, & toto penè anno, non vt prouinciæ, ac ciuitatis consors, vel præsul, vel Brandenburgicæ familiæ princeps, victus detineretur, sed veluti barbarus hostis tractaretur. Sigismundus nepotis seruili captiuitate cognita, legatum ad ordinis Magistrum Wendam ablegauit cum mandatis, vt quandoquidem in bello, nepos Wilhelmus captus esset, hic indignissimo carcere liberaretur, & omne dissidium inter archiepiscop. & ordinem Teuthonicum amanter componeretur. Cæterùm Teuthonici ordinis Magistro legatum in Poloniam re infecta dimittente, Sigismundus, qui operam suam sperni molestè ferret, ordinis Magistro, omnibusq; eius auxiliarijs bellum denunciat. Cuius exitus is fuit, vt etsi ordinis Magister aliquot vexilla peditũ, & equitũ Germanorum, cum copijs trium episcoporũ, Torpatensis, Riualiensis, & Gapsilensis cõtra Polonos educeret, tamẽ cũ se à Polonis exercitus multitudine superari videret, pacẽ à Sigismundo petendam censuerit, eamq; hisce conditionibus impetrarit, vt ordinis Magister archiepisc. in pristinum statum restitueret, omneq; damnum ac detrimentum eidem illatum rependeret, præterea Polono stipendia in milites erogata refunderet. Videbatur harum conditionum acceptione Liuania pacata, quantumuis Liuonibus clanculum mussitantibus, ab ordinis Magistro omnem prouinciæ thesaurum, & nullo cum fructu, aut ciuium utilitate cõsumptũ: sed ecce Moschus suę occasionis intercus, quod & induciarũ antea cũ Liuoniensibus pactarum

*Cũ Moscho bellum*

Statum finis esset, & Liouonienses inter se alienatos  
sciret, Torpatensem episcopatum Liouoniæ ingenti  
exercitu, nimirum trecentorū millium hominum,  
duce Petro Sisegaleider strenuo olim pirata inua-  
dit, eumq; ferro & igni vastat, & per multa millia,  
omnia cede, rapinis, fœdissima barbarie & immani-  
tate complet, pueros infra annum decimum necās,  
intra decimū & vigesimū cōstitutos, Tartaris homi-  
nibus feris vendens, supra viginti trucidans omnes,  
pecus omne quod in Moschouiam abduci non pos-  
set mactans, Germanos mares deprehēsos brachijs  
truncans, fœminas sectis vberibus diu crucians, ple-  
rasq; in frustra discindens, & membra palpitātia hac  
illac dispergens, in summa nihil crudelitatis prater-  
mittens non tantum in ditione Torpatensi, sed &  
Neruiensi, quæ Magistro Teuthonico paret, minimè  
etiam ditioni Rigensis Archiepiscopi parcens. Ideo  
Liouonici, maximè Rigenses se in tanta necessitate  
cōstitutos, cōspicientes, & tardis auxilijs imperij, cu-  
ius superioritatem, vt vocāt, hætenus coluerāt, dif-  
fidentes, à Sigismundo defensionē petiēre, quā ipse  
potentia, fertilitate, ac cōmoditate vicinæ prouincię  
perpenſa Liouoniensibus nō grauati præstitit, Mo-  
schis in Liouoniam à cæde sex millium Tartarorum  
redeuntib; fortiter sese opponēs, & quo Liouonię cō-  
cordię prospiceret, ordinis Teuthonici autoritate  
in Liouonia sublata Gothardū Ketlerū ex nobili fa-  
milia in Westphalia natum, ex Magistro Teuthoni-  
co, ducem Curladię faciens. Verū enim uero dum  
Sigismundus Liouoniensibus cōtra Moschos succur-  
rere cogitaret, factum est, vt horū arma in suos Li-  
tuanos conuerteret. Nam in mense Februario anni



1563. Moschus defensione Liouonienſium, à Sigismundo ſuſcepta irritatus, Lituaniā omnibus nobilibus & præfectis hoſtiliter inuadit, vt ſicimmanitatem & plus quàm beluinā crudelitatem toti orbi notioſiorem redderet. Ingreſſus itaque Lituaniā maximis copijs, arcem munitiſſimā Polockzko cepit, multis millibus hominum occiſis, & alijs in ſeruitutem abductis. Fuit hæc clades Poloniſ perquam grauis, cū ob alia, tum verò arcem Polentzko amiſſam. Quare Sigismundus, ne utiquam ſibi conqueſcendum putauit, quo ad ſuos barbarica Moſchi tyrannide liberaret: ideo inducijs ſibi à Moſcho denegatis anno ſubſequenti, qui erat 64. Moſchos in Lituaniā redeuntē, ad Vlium oppidum, virtute Nicolai Ratzinili proſtigatos, Lituania eiſcit. Intere a verò cū graue ac diuturnum bellum inter regem Daniæ, ſociosq; Lubecenſes, contra Ericum SchWedicæ regem exortum eſſet, atque hunc id moliri cognouiſſet, vt toto mari Baltico occupato, & latronibus atque piratis infeſtato, mare ipſum ſuæ poteſtatis faceret, Polonicasq; ditiones oppugnaret, ipſe, quo conatus Erici infringere, veteremq; maris & cōmerciorū libertatē & ſecuritatem tueretur, ſocietatē cum principib. Prusiæ, Pomeraniæ, & Megapoliæ, dictisq; cōſœderatis iniit. Ea q; durate, Chriſtophorū ducē Megalopolenſem electum coadiutorem Rigenſis Archiepiſcopatus, quod in ſuſpicionem veniſſet, quaſi cum hoſtibus regni Polonici conſilia agitaſſet, cepit, eumq; Wildæ clementer exceptum, per aliquot annos in cuſtodia habuit. His rebus ita geſtis publico conſenſu Lituaniā, cæterasq; regiones Poloniæ coniunxit,

xit, ac tandem inducijs cum Moschouita factis, vt exitiale bellum SchWedi cum inter sororium Ioannem SchWecia & Danię reges adhuc durans, æquis conditionibus componeretur, vnà cum alijs regibus ac principibus intercessit. De alijs eius priuatis virtutibus à nobis hic plura commemorari necesse non esse, id alijs facturis quibus ex notiores sunt quàm nobis. Beneuolentià verò, quailustrissimam familiam Brandenburgicam ob agnitionem amplexus est, ad omnem posteritatem prædicanda est. Siquidem vt liberationem Wilhelmi archiepiscopi Rigenfis taceamus, & fratrem eius Albertum primum Prussię ducem ab imperatore proscriptum clementissimè protexit, & protectum admauit ac coluit: filij præterea adolescentis Alberti Friderici patre defuncto, tutelam clementer suscepit, vt quæ propensionem erga cognatam familiam Brandenburgicam ad omnem posteritatem declararet, eam totà, casu quo proximiores absq; liberis atque legitimis hæredibus decederent, successionis Borussiaci ducatus capacem esse voluit. Decessit nullo ex tribus vxoribus herede relicto, vltimus regum Polonicorum ex stirpe Iagellonea Lituanica, quæ ab anno 1386. in hunc vsque diem quo Sigismundum mortuum diximus, magna cum laude res Polonicas rexit: Iagello siquidē, siue Iagula magnus Lituania dux, qui cum matrimonio Hedwigis demortui Ludonici regis Vngarorum & Polonorum filia, regno quæ, fide Christiana recepta Vladislaus secundus est dictus, quasi qui gloria potens futurus esset, decrepita admodum ætate, ex quarta vxore Sophia Russa Kiouiensium ducis filia, duobus



filijs, Vladislao tertio, & Casimiro, susceptis, post  
 mortem regnum ad Vladislauum filium tranfmisit,  
 eum, qui Vngarorum quoq; regno suscepto, & pro-  
 fligatis cum gloria aliquot Turcarum exercitibus,  
 cum prius ad Macedoniã, deinde ad Thraciã fines  
 magis animosiore quàm validiore exercitu pene-  
 trasset, apud Varnam inter cõfertifsimos hostes di-  
 micans, certam propemodũ victoriam cum vita pa-  
 riter amisit. Post hũc autem sine liberis decedẽtem,  
 cũ Polonis vndecim, Vngaris quinq; annis præfuis-  
 set, Casimirus nati minor frater regnũ suscepit, qui  
 Elizabetha filia Alberti Romanorũ, Vngarię & Bo-  
 hemiã regis, & archiducis Austriã, & Ladislai Vnga-  
 rorum & Bohemorum regis, sorore in regni sociam  
 ascita, ex illa filios sex, & filias septem sustulit. Ex his  
 Vladislauum natu maximum viuens Bohemis, Casi-  
 mirum ac deinde Ioãnem Albertum Vngaris reges  
 dedit: Sed vtroq; hoc dissentione partium deserto  
 Vngariam quoq; cũ Bohemia Vladislaus obtinuit.  
 Ex quo & Anna Galla, filia domini de Candalla Va-  
 sconis nati. Ludouicus filius, qui bimulus viuẽte pa-  
 tre coronatus, cum ei exacta ætate mortuo in vtro-  
 que regno successisset iuuenis admodum Turcico  
 bello, anno 1526. apud Mohatiũ miserabiliter perijt,  
 & Anna filia, quæ nupta Ferdinãdo Cæsari eum  
 quindecim liberis beauit: filijs quatuor, Maximilia-  
 no, Ferdinãdo, Ioanne & Carolo: filiabus vndecim,  
 Elizabetha, Anna, Maria, Magdalena, Catharina,  
 Leonora, Margareta, Barbara, Vrsula, Helena, Iohã-  
 na, de supra memoratis verò duob. filijs Casimiri re-  
 gis, Casimirus qdẽ iuuenis castissimus & religiosissi-  
 mus, in Lituania immaturã mortẽ obiit, non sine ce-  
 lebri

tebri sanctimoniam fama. Ioannes Albertus post patrem octo & amplius, deinde hunc secutus Alexander quinque annos regnarunt: ille quidem maximi animi, sed ante susceptum regnum, quam regnans felicior. Hic à Moschis apud Vedrusios victus eodem apud Opascam, Tartaros verò Tauricos apud Clescum paucis ante mortem diebus, insignibus praelijs profligavit. Post hos natus est Sigismundus, Sigismundi de quo loquimur pater. Hunc secutus Fridericus sacris initiatus, archiepiscopus Gnesnensis, simulq; episcopus Cracouienfis, & Romanæ ecclesiæ diaconus cardinalis S. Lucie in septem Solijs. Porro filiarum Casimiri duæ immaturè mortuæ, Hedwigis Georgio duci Bauarorum, Sophia Friderico Marchioni Brandenburgensi, Anna Bugislao Pomeranorum, Barbara Georgio Saxonum, Elizabetha verò (patre mortuo) Friderico Legnicensium & Bregensium ducibus matrimonio iunctæ fuere. Cæterum Ioanni Alberto, & Alexandro fratribus sine sobole decedentibus, in regno Poloniae successis Sigismundus amborum frater, bellis cum potentissimis Moschis, ferocissimis Tartaris, acerrimis Valachis, & fortissimis Germanis, feliciter gestis clarissimus, qui initio in matrimonium ducta Barbara Stephani comitis Scepusiensis, ac Transylvaniensis Palatini filia, femina sanctissima & pientissima, ex ea filiam Hedwigiam suscepit, femina lectissimam iunctam matrimonio Ioachimo Marchioni Brandenburgensi, Electori Romani Imperij. Deinde verò ea defuncta ex altera Bona Sphortia, Ioannis Galeatij Sphortie Mediolanensium ducis, & Isabellæ Arragoniæ filia maximam natu filiam Isabellam



Ioanni regi Vngarorum affini iam prius suo nuptui tradidit: reliquarum verò trium, post mortem Sophia nupsit Henrico iunior duci Brunsvicensi, Catharina Ioanni duci Finlandiæ, iam Swedorum regi potentissimo, Anna adhuc virgo dignas suo genere nuptias expectat. Ad extremum filius Sigismundus Augustus, cùm eo quo diximus modo regnasset, sine liberis decedens, obitu suo non tantum exteris compluribus, regni vacantis ambiendi occasionem præbuit, sed & inter regni proceres diuersa studia, grauesq; contentiones excitauit, quibusdam hunc, alijs alterum regem eligi postulantibus.


FINIS TOMI III. RERVM POLON.



I 5


8 4.

FRANCOFVRTI EXCVDEBAT IOANN.  
Wechelus, impensis Sigis. Feyerabendij.




















GVAGNINI  
RER. POLONICARUM  
TOM. I. II. III.

XVI, 8<sup>o</sup>-32